


Cohãcjũ Yere  
Yahuducuri Tju



New Testament in Piratapuyo (CO:pir:Piratapuyo)

**Cohãcjã Yere Yahuducuri Tju**  
New Testament in Piratapuyo (CO:pir:Piratapuyo)

copyright © 2011 Wycliffe Bible Translators, Inc.

Language: Piratapuyo

Translation by: Wycliffe Bible Translators, Inc.

Piratapuyo [pir], Colombia

**Copyright Information**

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Piratapuyo

**© 2011, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

---

PDF generated using Haiola and XeLaTeX on 4 Mar 2019 from source files dated 20 Dec 2018  
ad83cef1-6eb5-5233-a8f3-356e47bbda0d

## Contents

San Mateo . . . . .	1
San Marcos . . . . .	64
San Lucas . . . . .	102
San Juan . . . . .	167
Hechos . . . . .	214
Romanos . . . . .	269
1 Corintios . . . . .	295
2 Corintios . . . . .	320
Gálatas . . . . .	336
Efesios . . . . .	345
Filipenses . . . . .	354
Colosenses . . . . .	360
1 Tesalonicenses . . . . .	366
2 Tesalonicenses . . . . .	371
1 Timoteo . . . . .	374
2 Timoteo . . . . .	381
Tito . . . . .	386
Filemón . . . . .	389
Hebreos . . . . .	391
Santiago . . . . .	411
1 San Pedro . . . . .	418
2 San Pedro . . . . .	425
1 San Juan . . . . .	430
2 San Juan . . . . .	436
3 San Juan . . . . .	437
San Judas . . . . .	438
Apocalipsis . . . . .	441

## San Mateo

*Jesucristo Cohãcjũ macũno tiquiro acaye panopũ cjẽna ijire*  
(Lc 3.23-38)

<sup>1</sup> Jesucristo acayere panopũ cjẽnare yahutja yũhũ. Tiquiro ñecũno mũnano panopũ cjũno Davi wame tiquiro ijie tiahye. Tiquiro ijiato pano tiquina ñecũno mũnano iji turiariquiro Abrahã wame tiquiro ijie tiahye.

<sup>2</sup> Abrahã Isaac pacũro ijiahye. Isaac Jacob pacũro ijiahye. Jacob Judã gũhũ pacũro ijiahye. <sup>3</sup> Fare, Zara mehna tiquina pacũro Judã ijiahye. Tiquina pacoro Tamar wame tiricoro ijiahye. Fare Esrom pacũro ijiahye. Esrom Aram pacũro ijiahye. <sup>4</sup> Aram Aminadab pacũro ijiahye. Aminadab Naasón pacũro ijiahye. Naasón Salmón pacũro ijiahye. <sup>5</sup> Salmón Booz pacũro ijiahye. Tiquiro pacoro Rahab ijiahye. Booz Obed pacũro ijiahye. Tiquiro pacoro Rut ijiahye. Obed Isaí pacũro ijiahye. <sup>6</sup> Isaí Davi pacũro ijiahye. Davi pehe Israe masa pũhtoro ijiahye. Tiquiro Uria wame tiquiro mũnano namonore tiquiro namo tiri bato Salomo wame tiquirore pohna tiahye.

<sup>7</sup> Salomo Roboam pacũro ijiahye. Roboam Abia pacũro ijiahye. Abia Asa pacũro ijiahye. <sup>8</sup> Asa Josafat pacũro ijiahye. Josafat Joram pacũro ijiahye. Joram Uzia pacũro ijiahye. <sup>9</sup> Uzia Jotam pacũro ijiahye. Jotam Acaz pacũro ijiahye. Acaz Ezequia pacũro ijiahye. <sup>10</sup> Ezequia Manase pacũro ijiahye. Manase Amón pacũro ijiahye. Amón Josia pacũro ijiahye. <sup>11</sup> Josia Jeconia gũhũ pacũro ijiahye. Tiquina ijiri pjere Israe yehpa cjẽnare Babilonia cjẽna pehe ñehe cãhye tiquina ya yehparũ.

<sup>12</sup> Sa ye Babilonia yehparũ tiquina esari bato, Jeconia Salatiere pohna tiahye. Salatiel Zorobabel pacũro ijiahye. <sup>13</sup> Zorobabel Abiud pacũro ijiahye. Abiud Eliaquim pacũro ijiahye. Eliaquim Azor pacũro ijiahye. <sup>14</sup> Azor Zadoc pacũro ijiahye. Zadoc Aquim pacũro ijiahye. Aquim Eliud pacũro ijiahye. <sup>15</sup> Eliud Eleazar pacũro ijiahye. Eleazar Matán pacũro ijiahye. Matán Jacob pacũro ijiahye. <sup>16</sup> Jacob José pacũro ijiahye. José María manũno ijiahye. María pehe Jesu pacoro ijiri. Jesu pehe masare yũhdũoatiquiro ijiro, Cristo tiquina ni pisuriquiro ijiri.

<sup>17</sup> Sa yeye Abrahãre mari queo mũhtagũ tee Davire mari queo bato tigũ ahriquina ijipihtiyequina tiquina panamena mehna ijiye, catorce cururi waro ijiahye. Sa yeye mari pari turi Davire mari queo mũhtagũ tee Babiloniapũ Israe masare tiquina neato pano mari queo bato tigũ ijipihtiyequina tiquina panamena mehna ijiye, catorce cururi waro pari turi ijiahye. Sa ye tuhasa Babiloniapũ tiquina esari bato mari queo mũhtagũ tee Cristo tiquiro masa bajuagũpũ mari queo bato tigũ ijipihtiyequina tiquina panamena mehna ijiye, catorce cururi waro ijiahye tja.

*Jesucristo tiquiro masa bajuarire yahuahye*  
(Lc 2.1-7)

<sup>18</sup> Sa ye ohõ saha Jesucristo masa bajuari jiri. Tiquiro pacoro María pehe José mehna omoca dũhteaticoro ijiahye. Sa yero ticoro omoca dũhteato pano Espĩritu Santo tutuaye mehna coã nijinogãre ne bũcũa cãhtaro masiahye ticoro basi. <sup>19</sup> Sa yero José ticorore omoca dũhteatiquiro tire masino, poto ijiyere yeriquiro ijiro ticorore cohãno taro nimahye. Masa tiquina ihũono ticorore bũoro ye dueraro, masa tiquina tũhoato pano yahuro marieno ticorore cohãno taro nimahye. <sup>20</sup> Tire tiquiro tãhoturi watoa Cohãcjũ yaquiro angel pehe quehẽnopũ Josere bajuaro, ohõ saha niahye:

—José, Davi mũnano panami iji turiagũ, María mehna bũe tiro marieno omoca dũhteya. Ticoro Espĩritu Santo yedohoro mehna coã nijinogãre ne bũcũa cãhtaricoro ijire. Sa yegũ bũe tiro marieno omoca dũhteya ticorore. <sup>21</sup> Ticoro pohna tirota. Tiquirota ticoro macũnota tiquiro ya maca cjẽnare pecarũ wahaboriquinare yũhdũoatiquiro ijirota. Tiquiro sa yũhdũoatiquiro ijigũ ihãagũ Jesu wame yegũta mũhũ tiquirogãre, niahye angel Josere.

<sup>22</sup> Ahri ijipihtiye sa wahahye panopu cjuño Cohãcjũ yere yahu mũhtariquiro tiquiro ni ojoariro sahata. Tire tiquirore Cohãcjũ ojoa dutiahye. Ohõ saha ni ojoahye Cohãcjũ yere:

<sup>23</sup> Nuhmino, nijinogãre bocaro pohna tirota ticoro macunogãre. Sa yero Emanuel wame tirota tiquirogã, ni ojoahye Cohãcjũ yere.

“Emanuel” nino “Cohãcjũ mari mehnata ijire”, nino niaga.

<sup>24</sup> Cohãcjũ yaquiro angel Josere tiquiro ni yahuri bato José pehe wahcã, angel dutiriro sahata María mehna omoca dũhteahye. <sup>25</sup> Tiquiro macunogãre ticoro pohna tiato pano José pehe ticoro mehna ijiera tiahye. Ticoro pehe pohna tia wahahye. Sa yero tiquiro pehe macunogãre Jesu wame yeahye.

## 2

Asũ mũja taro cjẽna Jesugãre ihñañe esahye

<sup>1</sup> Herode Judea yehpa cjẽna pũhtoro tiquiro ijiri pje ti yehpapu ijiri macapu Belẽpu Jesu masa bajuahye. Tiquiro sa masa bajuari bato ñahpicohare buheyequina ñahpicohare quehnoano masiñequina asũ mũja taro cjẽna ahta, Jerusalẽpu wihiahye. <sup>2</sup> Sa wihiye, masare to cjẽnare sinituahye:

—¿Judio masa pũhtoro ijiatiquiro yojopũre nohopu masa bajuagari tiquiro? Asũ mũja taropu cjãna ijiaja. Sa yena ñahpicoha coã bajua wahã sagũ ihñana “Pũhtoro masa bajuaro niaga”, ni masii usã. Sa tia bajuagũ ihñana, usã ihcãno mehna tiquirore ño peona ahtaũ ohõpu, ni, yuahaye buheyequina masare.

<sup>3</sup> Sa ye apequina Herodere tire yuahaye. Tiquina sa yahugũ tũhoro Herode pehe bũjua witi tũhotuahye. Sa yeye ijipihtiyequina Jerusalẽ cjẽna gũhu tiquiro yero sahata bũjua witi tũhotuahye tiquina gũhu. <sup>4</sup> Sa yero Herode pehe ijipihtiyequina pahia pũhtoare, mari judio masare buheyequina gũhũre tiquiro piji cahmecoa peho, tiquinare sinituahye tiquiro:

—¿Nohopu masa bajuaboagari Cristo pehe, mũsa tũhotugũ? ni sinituahye tiquiro.

<sup>5</sup> Ohõ saha ni yuahaye tiquirore:

—Belẽpu, Judea yehpapu ijiri macapu Cristo masa bajuarota. Ohõ saha ni ojoahye Cohãcjũ yere yahu mũhtariquiro:

<sup>6</sup> Belẽpu yeequinare Israe masare dutiatiquiro, tiquinare cohteatiquiro ahtarota. Sa yero apeye macari Judea yehpapu ijiye macari yũhdũoro ijire Belẽ pehe, ni ojoahye Cohãcjũ yere, ni yuahaye tiquina Herodere.

<sup>7</sup> Tiquina sa ni yahuri bato Herode masa tũhoeropu asũ mũja taropu ahtariquinare pijioahye. Tiquiro cahapu tiquina esagũ ihñano, tiquinare sinituahye. Tiquiro sa sinitugũ tũhoye, tiquina ñahpicohare ihñari decore yuahaye tiquina. <sup>8</sup> Tiquina sa yahuri bato Herode pehe tiquinare Belẽpu ohoro, ohõ saha niahye tiquinare:

—Tiquirogãre quehnoano macaña. Tiquirogãre bocana yũhũre tojoana yahu tojoaya. Yũhu gũhu tiquirogãre ño peou wahau tũu niaja, niahye tiquinare Herode.

<sup>9</sup> Tiquiro sa nidi bato, tiquina wahahye. Tiquina sa wahagũ asũ mũja taropu tiquina ihñaria ñahpicoha pehe tiquina pano mũmũ tãducuahye. Sa yero nijinogã tiquiro ijiro bui waro tojoa wahã sahye tia ñahpicoha. <sup>10</sup> Sa yeye ñahpicohare ihñañe, tutuaro bucueahye tiquina. <sup>11</sup> Nijinogã tiquiro ijiri wũhũpu esa, sajãa wahahye tiquina. Sa sajã saye, nijinogãre tiquiro pacoro mehna ijiriquirogãre ihñahye tiquina. Sa ihñañe tiquina dũsepe curi mehna quehe sa, tiquirogãre ño peohye. Ño peo tuhasa tiquina acarire pũoahye. Urure, bueyere, mirra wame tiye ehme sitiye gũhũre ne wio, tire tiquirogãre wapa marieno ohoahye. <sup>12</sup> Tire oho tuhasa carĩa wahahye tiquina. Tiquina sa carĩgũ quehẽnopu Cohãcjũ yuahaye tiquinare: “Herode cahapu tojoeracãhña”, ni yuahaye Cohãcjũ tiquinare quehẽnopũre. Tiquiro sa ni yahuri bato, tiquina pehe wahcãhye. Tiquina sa wahcãri bato ape mahapu tiquina ya dihtapu tojoaa wahahye.

*José gũhu Jesugãre Egiptopu ne duhti cãa wahahye*

<sup>13</sup> Tiquina sa wahari bato Cohãcjũ yaquiro angel quehẽnopũ Josere bajuaro, ohõ saha niahye:

—Wahcãña. Herode pehe nijinogãre wejẽno taro, macano nine vojopũre. Sa ye nijinogãre tiquiro pacoro gũhũre Egiptopũ ımũñano ne duhti cãa wahaya. Topũre yũhũ nidiro punota ijya, tee yũhũ yahugũpũ, ni yahuahye angel Josere.

<sup>14</sup> Tiquiro sa nigũ tũhoro, José pehe ñamita wahcã, nijinogãre, tiquiro pacoro gũhũre Egiptopũ ne duhti cãa wahahye. <sup>15</sup> Egiptopũ esa, Herode catiro puno topũre ijyahye tiquina. Sa yeahye panopũ cjũno Cohãcjũ yere yahu mũhtariquiro tiquiro ni ojoariro sahata. Tire tiquirore Cohãcjũ oja dutiahye. Ohõ saha ni ojoahye Cohãcjũ yere: “Egiptopũ ijiriquirore yũhũ macũre pijiou”, ni ojoahye Cohãcjũ yere.

*Herode macanagãre wejẽ dutiahye*

<sup>16</sup> Sa ye ñahpicohare buheyequina tiquina duhti yũhdũ cãgũ tũhoro Herode pehe usua yũhdũa wahahye. Sa usuario, Belẽ cjẽnare, ti maca dũhtũ caha cjẽna gũhũre tiquina pohne ne ımũagãre pũa cũhma cũoyequinagãre wejẽ bato ti dutiahye tiquiro. Coã warore ñahpicohare buheyequina ñahpicohare tiquina ihñari decore yahuahye Herodere. Tiquina sa nigũ tũhoro tiquiro wejẽ duariquirogã masa bajuari decore masino, “Ohõpe cũhmari cũore” nino, pũa cũhma cũoyequinagãre wejẽ bato ti dutiahye.

<sup>17</sup> Panopũ cjũno Jeremia Cohãcjũ yere yahu mũhtariquiro tiquiro ni ojoariro sahata wahahye. Ohõ saha ni ojoahye tiquiro:

<sup>18</sup> “Ramã wame tiropũ bisirota. Tutuaro bũjũa witiye mehna utiye bisirota. Raquel panamena numia iji turiaye numiapũ Israe masa namosãnumia tiquina pohne tutuaro utieta. Tiquina pohne apequina wejẽgũ ihñañe, ne bũjũa witi duhusi”, ni ojoahye panopũ.

<sup>19</sup> Sa ye Herode tiquiro yariari bato Egiptopũ ijiriquirore Josere Cohãcjũ yaquiro angel quehẽnopũ bajuahye. Sa bajuaro ohõ saha niahye Josere:

<sup>20</sup> —Nijinogãre wejẽ duamediquina yariaa wahari. Sa yegũ wahcãña. Tiquirogãre pacoro mehna Israe yehpapũ ne tojoaa wahaya mũhũ, ni yahuahye angel Josere:

<sup>21</sup> Tiquiro sa nidi bato José wahcã, nijinogãre pacoro mehnata Israe yehpapũ ne tojoaa wahahye. <sup>22</sup> Sa yeperota Arquela Herode macũno pehe tiquiro pacũro comesariquiro ijigũ tũhoro José pehe Judea yehpapũ tojoa duaro cueahye. Sa yero pari turi tja quehẽnopũ tiquirore yahu nemoahye. Tiquirore pari turi Judea yehpapũ iji dutierahye. Tiquiro sa ni yahuri bato, tiquina Galilea yehpapũ waha wahahye. <sup>23</sup> Ti yehpapũre Nazare wame tiri macapũ ijyahye tiquina. Sa yeahye tiquina Cohãcjũ yere yahu mũhtariquina tiquina ojoariro sahata. Ohõ saha ni ojoahye: “ ‘Cristo Nazare cjũnota ijire’, nieta masa”, ni ojoahye Cohãcjũ yere yahu mũhtariquina panopũ cjẽna.

### 3

*Ñu wame yeriquiro masare yahuahye*

(Mr 1.1-8; Lc 3.1-9, 15-17; Jn 1.19-28)

<sup>1</sup> Sa ye ti pjere Ñu Cohãcjũ yequinare wame yeriquiro ijyahye. Judea yehpapũ masa marienopũ tiquiro Cohãcjũ yere yahu dũcahye masare. <sup>2</sup> Ohõ saha ni yahuahye tiquinare:

—Mũsa ñañe yerire bũjũa witiya. Tire duhuya. Ɛhmũse cjũno Cohãcjũ mũsa pũhtoro tiquiro ijiato mehenogã dũhsare, ni yahuahye tiquiro.

<sup>3</sup> Panopũ cjũno Isaia Cohãcjũ yere yahu mũhtariquiro Ñu tiquiro buheatire ohõ saha ni ojoahye:

Masa marienopũ yahuducu sañuducuriquiro ohõ saha ni buherota tiquiro: “Mari pũhtoro ahtato pano mahare mari quehnoyuro saha quehnoana ijyuya mũsa.

Mũsa ñañe yerire bũjũa witiya”, ni sañuducurota, ni ojoahye Isaia Ñure.

<sup>4</sup> Sa yero Ñu camello poari suhtirore sañariquiro, wahiquiro cahsero mehna tũã dihoriquiro ijyahye. Poreroare, nũcũ cjẽ umi gũhũre ihyae tiahye. <sup>5</sup> Jerusalẽ cjẽna, ijipihitiro Judea yehpapũ ijyeyequina, Jordã wame tiri ma cahapũ ijyeyequina gũhũ tiquirore

tuhoye ahtahye. <sup>6</sup> Wihi, tiquirore tuho, tiquina ñañe yerire bujua witi, Cohãcjüre tire yahu yuhduahye tiquina. Sa tiquina yahugũ tuhoro Jordãpũ Ñu tiquinare wame yeahye.

<sup>7</sup> Sa yero peyequina fariseo masa, saduceo masa gũhũ Ñure tiquina wame ye dutiye ahtagũ ihñano tiquiro yahuahye tiquinare:

—Aña yero saha ña yuhduana ijire mũa. Mũa ñañe yerire bujua witi duerana Cohãcjũ mũa ñañe yeri buhiri tiquiro buhiri dahreato pano duhti masiedare mũa. <sup>8</sup> Sa yena potota mũa ñañene bujua witiya. Quehnoañene comesaya. Sa yena quehnoañe pehere yeya mũa. <sup>9</sup> Ohõ saha ni tuhhotueracãhña: “Panopũ cjũno Abrahã mari ñecũ mũnano ijie tiahye. Sa yena tiquiro panamena iji turiana ijina mari Cohãcjũ yequina ijiaja”, ni, tuhhotueracãhña mũa. Mũsare niita niaja. Abrahã panamena iji turiana ijimene mũa. Mũa sa ijiepegũta ti mũa sa ijiye dũhseati ijierare. Cohãcjũ pehe ahri utã paca mehna Abrahã panamenare dojogũ ye masine. Sa yero Abrahã panamena iji turiana mũa ijiye ihyo waro ijire utã paca ti paca ihyo waro ijero sahata. <sup>10</sup> Ohõ saha ijire: Masa yucũri yero saha ijire. Cohãcjũ pehe yucũrire quẽatiare comeare cœoriquiro yero saha ijire. Sa yero ñañe dũca tiye cjũre quẽ cohã, ti nũhcori gũhũre dũte surerota. Dũte sure tuhasa, pecapũ ujuãnota tiquiro ti cjũre, nũhcori gũhũre. Sata yerota masa gũhũre tiquirore cahmeeñequinare. <sup>11</sup> Yũhũ bato yũhũ yuhduoro tutuariquiro ahtarota. Quehnoa yuhduariquiro ijire tiquiro. Tiquiro yero saha ijieraja yũhũ pehe. Sa yegũ tiquirore tuhhotugũ, “Ihyo ijigũ ijiaja yũhũ”, ni tuhhotuaja yũhũ. Yũhũ pehe mũa ñañe yerire bujua witi duti, mũsare wame yegũ aco mehna yemi. Tiquiro pehe yũhũ yuhduoro yerota. Espĩritu Santore masa mehna ijiducugũ yerota tiquiro. Sa yero peca ñañene ujuã wero sahata tiquiro ahtariquiro pehe mũa ñañe yerire cose werota. <sup>12</sup> Yũhũ bato ahtariquiro cahseri cohãriquiro yero saha ijire. Cahseri cohãriquiro tiquiro batiro mehna ijipihtiyẽ trigo cahserire puti were. Tiquiro sa puti weri bato trigo pehere tiquiro ihbori wũhũpũ ihborota. Sata yerota tiquina ñañene bujua witiyequinare yũhũ bato ahtariquiro. Tiquiro puti weye cahseri pehere tiquiro ujuãnota. Ti peca ujuãri peca ne yatisi. Sata yerota tiquiro yũhũ bato ahtariquiro tiquina ñañene bujua witiyequinare, ni yahuahye Ñu.

*Ñu Jesure wame yeahye*  
(Mr 1.9-11; Lc 3.21-22)

<sup>13</sup> Came Jesu Galileapũ ijiriquiro waha, Jordã wame tiri mapũ buha sahye Ñure wame ye dutiro. <sup>14</sup> Coã warore Ñu wame ye dueramahye.

—Yohou, mũhũ pehe yũhũ yuhduoro tutuagũ yũhũ pehere mũhũ wame yegũ quehnoaboaga. Mũhũre wame yebogũ ijieraja yũhũ, ni yũhtimahye Ñu Jesure.

<sup>15</sup> Jesu pehe yũhtiahye tiquirore:

—Yũhũre wame yeya. Ohõ saha yena, Cohãcjũ dutiro saha sohtoa tina niaja mari, niahye Jesu.

Tiquiro sa nigũ tuhoro,

—Aũ, ni yũhtiahye Ñu.

<sup>16</sup> Sa ni tuhasa, Jesure wame yeahye. Tiquiro wame ye tuhasagũ Jesu diapũ ducuriquiro maja dũcahye. Tiquiro maja dũcagũ, uhmũanopũ parĩ maahye. Cohãcjũ yaquiro Espĩritu bujua yero saha tiquiro bui dijia tagũ ihñahye. <sup>17</sup> Sa dijia tagũ uhmũanopũ yahuducuye bisiahye:

—Ahriquiro yũhũ macũ yũhũ cahĩniquiro ijire. Tiquiro mehna tutuaro bucueja, niahye uhmũanopũ.

*Watĩno ñañene ye dutimahye Jesure*  
(Mr 1.12-13; Lc 4.1-13)

<sup>1</sup> Sa ye Espĩritu Santo pehe Jesure masa marienopũ neahye, topũ watĩno tiquirore ñañene ye dutiatio saha.

<sup>2</sup> Topu esaro cuarenta decori waro ihyaro marieno ijiahye Jesu. Sa yero ujua ahbahye. <sup>3</sup> Ujua tiquiore ahbagu ihñano watino pehe tiquiore cahapu esaro, ohõ saha niahye:

—Muhu Cohãcjũ macu ijigu, ahria utãre ihyaye dojomehneña, nimahye tiquiore Jesure.

<sup>4</sup> Jesu ohõ saha ni yuhtiahye:

—Yeraja. Cohãcjũ yere tiquina ojoari pũpu ohõ saha nine: “Masare ihyaye mehna dihita catieraro cahmene. Ijipihtiyeh Cohãcjũ tiquiore ye yahuyeh mehna ijiro cahmene”, nine Cohãcjũ, ni yuhtiahyeh Jesu watinore.

<sup>5</sup> Tiquiore sa ni yuhtiri bato watino pehe Jerusalẽpu “Cohãcjũ ya maca” tiquina nidi macapu Jesure neahye. Topu esa, Cohãcjũ ya wuhu bui Jesure ne sahyeh tiquiore. <sup>6</sup> Ne sa tuhasa, tiquiore ohõ saha nimahye:

—Cohãcjũ yere tiquina ojoari pũ ohõ saha nine:

“Cohãcjũ tiquiore yequina angelere mũhure ihña ihbo dutirota. Sa yeye tiquina pehe mũhure ihña ihboeta ‘Utãpu puha tu maari,’ niñe”, nine tiquiore ojoari pũ.

Tiquiore sa nidi poto ijigũ mũhu Cohãcjũ macu ijigu yehrapu uhpu dijia ihñoña yuhure. Mũhure tiquina yedohogũ ihñoña yuhure, nimahye watino.

<sup>7</sup> Jesu uhpu dijia ihño dueraro ohõ saha ni yuhtiahyeh:

—Cohãcjũ yere tiquina ojoari pũ ohõ saha nine: “Musa puhtoro Cohãcjũ tiquiore nidire ‘¿Poto ijiajari?’ ni masi duana Cohãcjũre ye ihño duti tuhueracãhña”, nine Cohãcjũ yere tiquina ojoari pũ, niahyeh Jesu.

<sup>8</sup> Tiquiore sa ni yuhtiri bato uhmua yuhudu cunapu Jesure ne mujahyeh watino tja. Tu buipũ ne mja sa pje, ijipihtiyeh macarine ihñodoque dijioahyeh Jesure. Tiquina cuoyeh gũhure ihñoahyeh. <sup>9</sup> Sa ihño Jesure ohõ saha nimahye:

—Yuhure dusepe curi mehna quehe sa, ño peoya mũhu. Mũhu sa yegũ ijipihtiyeh ahri macarine mũhure ohoutja, ni yahumahyeh watino.

<sup>10</sup> Tiquiore sa nigũ Jesu ohõ saha ni yuhtiahyeh:

—Satana, wahaya mũhu. Ohõ saha nine Cohãcjũ yere tiquina ojoari pũ: “Mũhu puhtoro Cohãcjũ dihitare ño peoya. Tiquiore ye dutiyeh dihitare yeya”, nine Cohãcjũ yere tiquina ojoari pũ, niahyeh Jesu watinore.

<sup>11</sup> Tiquiore sa nigũ tuhoro watino wahaa wahahyeh. Tiquiore wahari bato angele pehe wihi, Jesure yedohoyeh ihyayeh ohoahyeh angele.

*Galilea yehrapu Jesu buhe dũcahyeh*

*(Mr 1.14-15; Lc 4.14-15)*

<sup>12</sup> Sa ye Ñure peresupu tiquina yegũ tuhoro, wahaa wahahyeh Jesu. Waha, Galilea yehrapu esahyeh. <sup>13</sup> Topu ijiri macapu Nazarepu waha, yuhdu cã, Capernau wame tiri macapu esahyeh. Galilea wame tiri ditara duhtu cahapu ijiri Capernau. Ti maca Zebulon yehpa cahapu, Neftalí yehpa cahapu ijiri Capernau. Topu esa, ijiahyeh Jesu. <sup>14</sup> Sata yehyeh Jesu panopu cjuño Cohãcjũ yere yahu muhtariquiore Isaia tiquiore ni ojoariro sahata. Ohõ saha ni ojoahyeh:

<sup>15</sup> Zebulon yehpa cahapu, Neftalí yehpa cahapu, ditarapu wahari mahapu, Jordã wame tiri ma ape sie pahrẽpu Galilea yehpa ijire. Ti yehpa judio masa ijieyequina ya yehpa ijire. <sup>16</sup> To cjuña Cohãcjũ yere quehnoano masiedare. Sa masiedapeta quehnoariquiore ihñañepu masieta. Tiquina pehe Cohãcjũre ne masiedare. Sa yeye pecapu wahaboriquina ijimahyeh. Sa yero ihcãquiore tiquinare Cohãcjũ yere masigũ yerota, ni ojoahyeh Isaia.

<sup>17</sup> Topu ijiro, Cohãcjũ yere yahu dũcahyeh Jesu:

—Musa ñañeh yerire bujua witiya. Sa yena quehnoañene comesaya. Uhmuse cjuño Cohãcjũ ijipihtiyequina puhtoro tiquiore ijianto mehenogã duhsare, ni yahu dũcahyeh tiquiore.

*Pititioro wahi wejẽnequinare tiquiore mehna cjuña ijiatiquinare pijiahyeh Jesu*

*(Mr 1.16-20; Lc 5.1-11)*



<sup>18</sup> Sa ye Galilea wame tiri ditara dũhtũ cahapũ esaro, Simore, tiquiro bahũro Andre mehna boca sahye Jesu. Simo tiquina Pedro ni pisuriquiro ijiahye. Tiquina pehe wahi wejẽñequina ijiye, tiquina wẽñecjũre doque ñoñe niahye ditarapũ.

<sup>19</sup> —Yũhũ mehna cjãna ijianaja ahtaya mũsa. Yũhũ mehna mũsa ahtagũ mũsa wahire ñehe cahmecoana mũsa ijiro saha, Cohãcjũ yequina ijiatiquinare masare piji cahmecoana ijigũ yeitja mũsare. Yũhũ mehna mũsa ahtagũ sa yeanaajare cũtja mũsare, niahye tiquiro tiquinare.

<sup>20</sup> Tiquiro sa nigũ tũhoyeta tiquina wẽñecjũre cũ cã, tiquiro mehna wahahye.

<sup>21</sup> Sa ye Jesu tiquina mehna yũhdũ cã, Santiagore tiquiro bahũro Ñũ gũhũre boca sahye tja. Tiquina Zebedeo pohne ijiri. Tiquina yaria yucũsapũ tiquina pacũro mehna tiquina wẽñecjũre quehnoñe niahye. Tiquina pũarore tiquiro pijioahye. <sup>22</sup> Tiquiro sa pijiogũ tũhoye, tiquina pehe duita tiquina pacũrore, yucũsa gũhũre cũ, Jesu mehna wahahye.

### *Peyequina masare buheahye Jesu*

*(Lc 6.17-19)*

<sup>23</sup> Sa ye ijipihtiorũ Galilea yehpare Jesu buhe tinidi. Judio masa mari buheye wũhũsepũ quehnoañe buheyere, ũhmũse cjãno tiquiro pũhtoro ijiye tiyere buheri. Tiquinare buhe, dohatiyequinare quehnoa wahagũ yero, ijipihtiye dohatiye yũhdũori tiquiro. <sup>24</sup> Tiquiro sa yegũ tũhoye Siria yehpa cjẽna ijipihtiorũ ti yehpapũ ijiyequina tiquirore masi dũcari. Sa masiñe, sijoro saha ijiye dohatiye cũoyequinare, watĩare cũoyequinare, ñama yariaye cũoyequinare, tini masieñequina gũhũre ne sari. Sa yero ijipihtiyequina tiquinare yũhdũgũ yeri Jesu. <sup>25</sup> Tiquiro sa yegũ ihñañe, Galilea yehpa cjẽna, Decapoli cjẽna, Jerusalẽ cjẽna, Judea yehpa cjẽna, Jordã ape sie pahrẽ cjẽna peyequina masa tiquiro mehna wahari.

## 5

### *Cũnpũrũ mũja, topũ buheahye Jesu masare*

*(Lc 6.20-23)*

<sup>1</sup> Sa ye masa peyequina tiquiro cahapũ tiquina esagũ ihñano Jesu cũnpũrũ mũjaa wahahye. Mũja sa, topũ dujiahye. Topũ dujigũ tiquiro buheyequina tiquiro cahapũ esahye. <sup>2</sup> Tiquina esagũ ihñano ohõ saha ni buhe dũcahye.

<sup>3</sup> —Tiquina ñañene bũjũa witiyequina Cohãcjũre cahmeñequina bucueyequina ijire. ũhmũse cjãno tiquiro pũhtoro ijiorũre wahaeta tiquina. ũhmũse cjẽ tiquina ye ijire.

<sup>4</sup> 'Utiyequina gũhũ bucueyequina ijire. Tiquinare bucuegũ yerota mari Pacũ.

<sup>5</sup> 'Arequinare yũhdũdũca dueyequina "Ihyo ijina ijiaja usã", ni tũhotuyequina bucueyequina ijire. Cohãcjũ "Ohoutja", tiquinare tiquiro nidi yehpare cũoeta tiquina.

<sup>6</sup> 'Cohãcjũ dutiro saha ye duayequina, quehnoañene ye duayequina bucueyequina ijire. Cohãcjũ tiquiro yedohogũ tiquina quehnoañene yeducueta.

<sup>7</sup> 'Arequinare paja ihñañequina bucueyequina ijire. Tiquina sa paja ihñagũ Cohãcjũ tiquina gũhũre paja ihñanota.

<sup>8</sup> 'Tiquina ñañene cosenohriquina bucueyequina ijire. Cohãcjũre ihñañeta tiquina.

<sup>9</sup> 'Arequinare cahmequedagũ yequequina bucueyequina ijire. Tiquinare "Yũhũ pohna ijire", ninota Cohãcjũ.

<sup>10</sup> 'Cohãcjũ dutiyere tiquina yeri buhiri apequina ñano yere Cohãcjũ tiquiro dutiquinare. Tiquina sa ñano yegũ bucueyequina ijire tiquina pehe. ũhmũse cjãno tiquiro pũhtoro ijiorũ tiquiro yere cũoeta tiquina.

<sup>11</sup> 'Yeere mũsa yeri buhiri apequina mũsare tiquina tuhtiepegũta bucuenta ijire mũsa. Mũsare tiquina ñano yepegũta bucuenta ijire mũsa. Yeequina mũsa ijiri buhiri mũsare ijipihtiye ñañe tiquina qiti dojomehnepegũta tiquina ni mehoepegũta bucuenta ijire mũsa. <sup>12</sup> Cohãcjũ yere yahu mũhtariquinare mũsa pano ijiriquinare tiquinapũreta ñano ye mũhtahye. Tiquinare yeriro sahata mũsa gũhũre apequina sa yegũ bucueya. Quehnoano jeripohna tiya. Sa yero ũhmũsepũ mũsa esagũ pajiro quehnoano yerota mũsare Cohãcjũ, ni yahuahye Jesu.

*Moa yero saha, buhrioro yero saha ijire Jesu yequina  
(Mr 9.50; Lc 14.34-35)*

<sup>13</sup> Sa ye Jesu buhe nemoahye:

—Moa mehna wahiquiro dihire ti ñano wahaeragũ yero sahata m̄sa pehe yeequina pehe ijipihtiyequina apequinare ñañene tiquina ye dueragũ yere. Sa ijieperota moa pehe ti ñañe wahagũ pari turi quehnoañe ye masiedare. Ti moa ne quehnoaedare. Ti sa wahagũ ti moare cohãno cahmene. Ti moare cohãri bato ti bui masa c̄hta c̄ure. Ne d̄hseati ijierare ti moa tiquiro cohãne. (Ti d̄hseati ijieraro saha ijieracãhña m̄sa. Cohãcjũ ye pehere cohãedacãhña,) ni yahuahye Jesu.

<sup>14</sup> Sa ye tiquiro buhe nemoahye:

—Buhrioro marine ihñagũ yero sahata m̄sa pehe yeequina pehe ahri yehpa cjẽnare Cohãcjũre masigũ yere. C̄nũ bui ijiri macare n̄ono basioerare. <sup>15</sup> Sa ye sihãriare masa sihãne, sutu docap̄ moha dapo masiedare. Tiare sihãriare ãhm̄anop̄ duhu peore ti w̄hũ cjẽna ijipihtiyequina tiquina ihñatiare. <sup>16</sup> Ohõ sahata m̄sa ḡhũ buhrioro yero saha ijina, quehnoañene yeya. M̄sa sa yegũ ihñañe masa mari Рас̄ ãhm̄se cjẽnore ño peo, “Tutuagũ, quehnoagũ ijire”, nieta, ni yahuahye Jesu.

*Cohãcjũ* tiquiro dutiyere tiquiro ojoari ḡhũre yahuahye Jesu

<sup>17</sup> Sa ni tuhasa, tiquinare yahu nemoahye:

—Ahrire m̄sa masigũ cahmeaja ȳhũ. Cohãcjũ dutiyere Moisere tiquiro c̄urire, tiquiro yere yahu m̄htañequina tiquina ojoari ḡhũre cohãgũ tagũ niedũ. Ti dutiyere m̄sare quehnoano yahu potou t̄ũ nii. Ti dutiyere poto ijigũ ihñou ahtaũ. Ti dutiye nidiro sahata ye sohtori tii t̄ũ nii. <sup>18</sup> Ijirota m̄sare niaja. Pihtiri deco pano injinigũ Cohãcjũ dutiye Moisere tiquiro c̄urire ne mehenogã cohãsi mari. Ahri yehpa, ãhm̄se ḡhũ ti ijiro puno tiquiro dutiye ḡhũ ijirota. <sup>19</sup> Sa yeye ti dutiyere ihquẽquina ȳhd̄dc̄aye, apequinare sata ye dutiye, ãhm̄se cjũno tiquiro p̄htoro ijirop̄ cahacjẽna yero saha ijietta. Ihcã dutirogã ijiepegũta tiquina ȳhd̄dc̄aye, cahacjẽna yero saha ijietta tiquina. Apequina ti dutiyere quehnoano yeye, apequinare tiquina yero saha ye dutiye, ãhm̄se cjũno tiquiro p̄htoro ijirop̄ p̄htoa yero saha ijietta tiquina pehe. <sup>20</sup> M̄sare niita niaja ȳhũ. Judio masare buheyequina, fariseo masa ḡhũ Cohãcjũ cahmeñene queoro yerare. Tiquina ȳhd̄oro Cohãcjũ cahmeñene yeya m̄sa. M̄sa sa yerana, tiquiro p̄htoro ijirop̄re ne esasi m̄sa, ni yahuahye Jesu.

*Usuayere yahuahye Jesu  
(Lc 12.57-59)*

<sup>21</sup> Sa ni tuhasa, tiquinare yahu nemoahye:

—Panop̄ cjẽna ohõ saha ni tiquina yahurire t̄hori jimedi m̄sa: “Masare wejẽdacãhña. Masare wejẽdiquirore tiquina buhiri dahreatiquiro ijire”, tiquina nidire t̄hori jimedi m̄sa. <sup>22</sup> Ahri tiquina yahuri ȳhd̄o cjũno m̄sare ahri pehere yahu nemoutja. Tiquiro acaȳro mehna usuariquiro pehe tiquina buhiri dahreatiquiro ijire mas̄nore wejẽdiquiro yero saha. Tiquiro acaȳrore tuhtiriquiro “Ne t̄ho masiñe mariegũ ijire m̄hũ”, nidiquiro buhiri dahre dutiyequina cahap̄ tiquina neatiquiro ijire. “T̄ho masiegũ ijire m̄hũ”, tiquiro acaȳrore sa nidiquirore pecap̄ wahaboaga tiquiro.

<sup>23</sup> M̄sa acaȳro m̄sare tiquiro ihña tuhtigũ ohõ saha yeya. Cohãcjũ w̄hũp̄ Cohãcjũre m̄sa ño peoato pano, tiquirore wahiquirore m̄sa ohoato pano ohõ saha yeya. <sup>24</sup> Cohãcjũre m̄sa ohoatire duhu c̄ũ, m̄sa acaȳro cahap̄ waha, “Pari turi cahmequedacãhña. To punota duhuuhna tire”, niña tiquirore. M̄sa sa nidi bato Cohãcjũre oho, ño peona wahaya tiquiro ya w̄hũp̄.

<sup>25</sup> Apequiro m̄hũre yahusã duaro, p̄htoro masare beseriquiro cahap̄ m̄hũre tiquiro nea duagũ, tiquiro mehna usuaro marieno ijiya. Beseriquiro cahap̄ tiquiro neato pano tiquiro mehna quehnoano ijiya. M̄hũ sa yegũ ihñano tiquiro m̄hũre yahusãedaboaga. M̄hũ sa quehnoano ijieragũ ihñano top̄re m̄sa esagũ tiquiro pehe m̄hũre masare beseriquirore yahusãnota. Tiquiro sa yahusãgũ, beseriquiro pehe peresu

yeyequinapure mähure ohorota. Sa yeye tiquina mähure peresu yeeta. <sup>26</sup> Ijirota niaja mähure. Topu ijiniita mähü. Tee tiquina wapa ye dutirire mähü wapa ye pehoguru wijiaguta mähü, ni yahuahye Jesu.

*Apequiro namono mehna ñano yeyere yahuahye Jesu*

<sup>27</sup> Ohō saha ni yahu nemoahye Jesu:

—Panopu cjēnare ohō saha tiquina ni yahurire tūhori jimedi mūsa: “Apequiro namono mehna ñano yeracāhña”, tiquina nidire tūhori jimedi mūsa. <sup>28</sup> Ahri tiquina yahuri yūhdūo cjūno mūsare ahri pehere yahu nemoutja. Numinore ñehedaperota, ihcāquiro ticorore ñano tutuaro cahmeno, ñano wacū tūhoturo, ñano ye tuhasari ticoro mehna.

<sup>29</sup> Sa yegu mähü capea poto peheru ijiria mehna ñano yegu, tiare ore we ne mähü cohāboriro sahata ti ñañene duhuya. Tire duhueragu pecapu wahaguta. Mähü capeare mähü cohāgū tia capea dihita butire. Mähü pehere pecapu mähü wahagū ña yūhdūare. Sa yegu ti ñañene duhuya. <sup>30</sup> Sa yegu mähü omoca poto pehe ijiri omoca mehna ñano yegu, ti omocare mähü dute cohāboriro sahata ti ñañene duhuya. Tire duhueragu pecapu wahaguta. Mähü omocare mähü cohāgū ti omoca dihita butire. Mähü pehe pecapu mähü wahagū ña yūhdūare. Sa yegu ti ñañene duhuya, ni yahuahye Jesu.

*Tiquiro namonore cohāñene, wame peoye gūhure yahuahye Jesu*

*(Mt 19.9; Mr 10.11-12; Lc 16.18)*

<sup>31</sup> Ohō saha ni yahu nemoahye Jesu:

—Panopu ahri gūhure niahye: “Tiquiro namonore cohā duariquiro tiquiro cohātire yahuri pū mehna ticorore cohā masine”, nimahye panopu. <sup>32</sup> Ahri tiquina yahuri yūhdūo cjūno mūsare ahri pehere yahu nemoutja. Tiquiro namono apequiro mehna ñano yericoro ticoro ijierapegūta ticoro manūno ticorore cohāboaga. Ticoro sa cohānohricoro apequiro mehna omoca dūhtero, ñano yero niaga ticoro apequiro mehna ijiro. Ticoro manūno ticorore tiquiro cohāri bato ticorore apequiro mehna ñano yegū yere. Sa yero tiquiro bato namo tiriquire gūhu ticoro mehna ñano yero nine, ni yahuahye Jesu.

<sup>33</sup> Ohō saha ni yahu nemoahye Jesu:

—Panopu cjēna ohō saha tiquina ni yahurire tūhori jimedi mūsa: “Mūsa nidiro sahata yeya. ‘Cohācjū mehna poto sa yeitja’ mūsa nidiro sahata yeya”, tiquina ni yahurire tūhori jimedi mūsa. <sup>34</sup> Ahri tiquina yahuri yūhdūo cjūno mūsare ahri pehere yahu nemoutja. “Ūhmuse mehna poto nii niaja”, ni Ūhmuse mehna wame peoeracāhña. Ūhmuse pehe Cohācjū mari pūhtoro tiquiro ijiro ijire. Ihyo ijiro ijierare. Sa ijigū ihñana sa niedacāhña. <sup>35</sup> Ahri yehpa mehna ne wame peoeracāhña. Ahri yehpa Cohācjū ya yehpa ijire. Sa ijigū ihñana sa niedacāhña. Jerusalē mehna ne wame peoeracāhña. Tutuariquire mari pūhtoro ya maca ijire Jerusalē. Ihyo ijiri maca ijierare. Sa ijigū ihñana sa niedacāhña ti wamene. <sup>36</sup> “Yūhu dapu mehna poto nii niaja”, ni wame peoeracāhña. Mūsa poari yehseye poari wahagū ye masiedare mūsa. Ti poarire ñiñe wahagū gūhure ye masiedare mūsa. Sa ye masiena “Yūhu dapu mehna poto nii niaja”, ni wame peoeracāhña. <sup>37</sup> “Yenatja”, nina wame peoro marieno ohō saha dihita tire niducuya. “Yesi”, nina gūhu wame peoro marieno niducuya. Mūsa wame peo nina, watīno ñariquire dutiro saha yena niaga, ni yahuahye Jesu.

*Tiquina cahme ihña tuhtiyere yahuahye Jesu*

*(Lc 6.29-30)*

<sup>38</sup> Ohō saha ni yahu nemoahye Jesu:

—Panopu ohō saha tiquina ni yahurire tūhori jimedi mūsa. “Mähure apequiro mähü capeare tiquiro quē tihāriro sahata mähü gūhu tiquirore quē tihā cahmeña. Mähü upiriare tiquiro quē nuhariro saha mähü gūhu quē nuha cahmeña”, tiquina nidire tūhori ijimedi mūsa. <sup>39</sup> Tiquina yahuri yūhdūo cjūno ahri pehere yahu nemoutja mūsare. Mähure ñano yeriquire sa ihña cāhña. Ihcā pehe mähü wahsupure tiquiro quēgū, ape sie gūhure quē dutiya tiquirore. <sup>40</sup> Apequiro buhiri dahre dutiriquire mähure tiquiro yahusāgū, dutiriquire pehe mähü camisare mähure yahusāriquire oho dutiboaga.

Tiquiro oho dutigũ, tiquirore ohoya. Mũhũ bui cjã suhtiro gũhũre oho nemoña tiquirore. <sup>41</sup> Apequiro surara apee borore ihcã kilómetro mũhũre tiquiro nea basa dutigũ, ape kilómetrore waha nemoña tja. <sup>42</sup> Mũhũre sinidiquirore ohoya. Sa yegũ apequiro mũhũre waso dutigũ wasoya tiquirore, ni yahuahye Jesu.

*Mũsare ihña tuhtiequinare cahña*

*(Lc 6.27-28, 32-36)*

<sup>43</sup> Ohõ saha ni yahu nemoahye Jesu:

—Masa ohõ saha nine: “Mũsa mehna cjẽnare cahña. Sa yena mũsare ihña tuhtiequinare ihña tuhti cahmeña tja”, tiquina nidire tũhori jimedi mũsa. <sup>44</sup> Tiquina yahuri yũhdũo cjũno ahri pehere yahu nemoutja mũsare: Mũsare ihña tuhtiequinare cahña. Mũsare ñano yeyequinare tiquina ye ijiatire Cohãcjũre sini basaya. <sup>45</sup> Mũsa sa yena mari Pacũ Ʃhmũse cjũno pohna ijire mũsa. Cohãcjũ pehe ihcãno saha yere masare. Ñãñequina gũhũre quehnoañequina gũhũre asũ asigũ yere tiquiro. Sa yero Cohãcjũ dutiyere yeyequinare gũhũre, yeeyequinare gũhũre acoro ahtagũ yere tiquiro. Masare ihcãno saha tiquiro yeriro sahata mũsa gũhũ yeya. <sup>46</sup> Mũsare cahñequina dihitare mũsa cahĩgũ ti ne dũhseati ijierare. Wapa ne cohteyequina gũhũ sata yere. Sa yena ijipihtiequinare cahña. <sup>47</sup> Mũsa acaye dihitare mũsa quehnoano piti cagũ ti ne dũhseati ijierare. Cohãcjũre masieñequina gũhũ sata yere. Sa yena ijipihtiequinare quehnoano piti caya. <sup>48</sup> Ñãñe mariena ijiya mũsa. Mari Pacũ Ʃhmũse cjũno tiquiro ñãñe marieniquiro tiquiro ijero sahata mũsa gũhũ ñãñe mariena ijiya, ni yahuahye Jesu.

## 6

*Quehnoañe yeyere yahuahye Jesu*

<sup>1</sup> Pari turi tiquiro yahu nemoahye:

—Cohãcjũ ye ijiatire quehnoañene yena, tire masare “Ohõ saha ijigũ ijiaja yũhũ”, ni ye ihñoedacãhña apequinare. Mũsa sa ni ye ihñori buhiri quehnoañene mũsa yeri dũhseati ijierare. Sa yero Cohãcjũ Ʃhmũse cjũno quehnoañene mũsa yeri wapa mũsare ohosi. <sup>2</sup> Sa yena pejecũoyequinare yedohona, tire masare ye ihñoedacãhña. Masa tiquina ihñenopũ yedohoya tiquinare. Sata ihquẽquina ye ihñore mahapũ ijiequinare, judio masa mari buheye wũhũsepũ ijiequina gũhũre. Tiquina mari ihñono dihita quehnoano iji mehoñequina ijire. Sa ye ihñore tiquina, “Quehnoañequina ijire ahriquina”, masare ni ihña dutiye. Tiquina sa ni ihñagũ sa ye ihñoñequina pehe bucue tuhasari. “Quehnoañequina ijire”, ni masa tiquina ño peogũ bucue tuhasari tiquina. Sa yero Cohãcjũ pehe ne bucue nemogũ yesi tiquinare. <sup>3</sup> Sa yena pejecũoyequinare yedohona, masa tiquina ihñenopũ yedohoya tiquinare. Mũsa mehna cjẽna mehna ijina tiquina ihñeno pejecũoyequinare yedohoya. <sup>4</sup> Masa tiquina ihñenopũ mũsa yedohoepegũta Cohãcjũ pehe ihñare. Sa ihñano mũsa sa yeri wapa ohorota mũsare, ni yahuahye Jesu.

*Cohãcjũre siniñene yahuahye Jesu*

*(Lc 11.2-4)*

<sup>5</sup> Pari turi tiquiro yahu nemoahye:

—Cohãcjũre sinina, masa ihñono dihita quehnoano iji mehoñequina yero saha yeracãhña mũsa. Judio masa mari buheye wũhũsepũ ducu, mahapũ gũhũre ducu, Cohãcjũre sini ihñore tiquina masare. Sa sini ihñoñe poto masa tiquina ño peoye mehna tiquina bucue tuhasari. <sup>6</sup> Cohãcjũre sinigũ tagũ, mũhũ ya tucũpũ biha sajàña. Biha sajà, mari Pacũ ihñamehneniquirore siniña. Mũsa sa yegũ masa marienopũ mũsa siniepegũta mari Pacũ mũsare tũhorota. Sa tũhoro mũsare quehnoano yerota tiquiro.

<sup>7</sup> Sa yena Cohãcjũre sinina, tũhoturo marieno mũsa sinidireta pari turi sini majare tojoeracãhña. Ohõ sahata yere Cohãcjũre masieñequina. “Peye tahari ihcãno saha usã sinigũ Cohãcjũ usãre tũhorota”, ni tũhotumene tiquina. <sup>8</sup> Tiquina yero saha yeracãhña mũsa. Mũsa siniato pano mari Pacũ mũsa cahmeñene masi tuhasare. <sup>9</sup> Sa yena ohõ saha ni siniña mũsa Cohãcjũre:

Ʋsã Pacu, Ʋhmuse cjũ mũhu quehnoagu sa ijiducure.

<sup>10</sup> Yojoþare ijipihtiyequina þũhto ijija. Ʋhmuseþu mũhu dutiro sahata tiquina yeriro sahata ahri yehpa cjẽna gũhu yeahro.

<sup>11</sup> Sa yegu decoripe usã ihyatire ohoducuya usãre.

<sup>12</sup> Apequina usãre tiquina ñano yerire usã boaja. Sa yegu mũhu gũhu usã ñano yerire boya.

<sup>13</sup> Sa yegu usã ñañene ye duagũ usã tutuaro cahmegũ ihñagũ tire usãre ye dutieguta. Sa yegu usãre usã ñañene yeragũ yeya.

Mũhu usã þũhto tutuagu sa ijiducuguta. Ijipihtiyequina mũhure sa ño peoducuahro, ni siniña Cohãcjũre.

<sup>14</sup> Apequina musare tiquina ñano yerire musa bogũ ihñano, mari Pacu Ʋhmuse cjũno gũhu musa ñano yerire borota. <sup>15</sup> Sa boeperota apequina musare tiquina ñano yerire musa boaeragũ mari Pacu gũhu musa ñano yerire bosí, ni yahuahye Jesu.

### *Sijiyere buheahye Jesu*

<sup>16</sup> Sa yero tiquiro tiquinare yahu nemoahye:

—Cohãcjũre ño peona tana sijina bujua witiyequina yero saha ye ihñoadacãhña. Sata yere masa ihñono dihita quehnoano iji mehoñequina. Tiquina wãhdoa paca bujua witiyequina yero saha ijire. Tiquina sa ijiequina ijigũ tiquina sijigũ ihña masine masa. Ijirota musare nii niaja. Masa tiquinare ño peogũ cahmene tiquina. Sa yeye tiquinare tiquina ño peogũ ihñañe bucue tuhasari. Cohãcjũ pehe tiquirore tiquina ño peori wapa tiquinare bucuegũ yesi. Sa yena tiquina yero saha ye ihñoadacãhña musa. <sup>17</sup> Musa sijina, musa poarire aco mehna wa peo wãhapo peoya. Sa yena musa wãhdoa pacare coseya. <sup>18</sup> Musa sa yegũ musa sijigũ ihña masisi masa. Cohãcjũ dihita musa sijiyere ihña masinota. Musa sehsaro musa ijigũ tiquiro musa mehna sa ijiducure. Sa ihñano tiquiro musare quehnoano yerota tiquirore musa ño peori wapa, ni yahuahye Jesu.

### *Ʋhmuse cjẽne cuo dutiahye Jesu*

(Lc 12.33-34)

<sup>19</sup> Sa yero tiquiro yahu nemoahye:

—Ahri yehpa cjẽne ne cahmecoedacãhña. Ohõ cjẽ ahbaa wahaboaga. Ti ahbaeragũ yaqueriquiro neboaga tire. Tiquiro yaqueragũ mecasia tuaboaga. Sa yero ahri yehpa cjẽ butiario cuarĩne. Sa yena ahri yehpa cjẽne tutuaro cahmedacãhña. <sup>20</sup> Ʋhmuse cjẽ pehere cahmeña musa. Ʋhmuse cjẽne mecasia tua masiedare. Topu musa cuoye ne ahbaerare. Topure yaqueriquiro ne masiedare. Sa yena Ʋhmuse cjẽne cahmeña musa. <sup>21</sup> Topu musa cuoye ijigũ, Ʋhmuse cjẽne Cohãcjũ yere tutuaro wacũre musa, ni yahuahye Jesu.

### *Masa tiquina tũhoturo sahata yere*

(Lc 11.34-36)

<sup>22</sup> Sa yero ohõ saha ni yahu nemoahye tiquinare:

—Sihãria quehnoano buhriogũ mari quehnoano ihña masino sahata quehnoañene tũhotuye mehna quehnoano ye masinata musa. Musa tũhoturo sahata yere musa. Quehnoañene tũhotuna quehnoano yere musa. <sup>23</sup> Quehnoañene tũhotuerana ñañene yere musa. Musa ñañe dihitare musa tũhotuducugũ ti ñañe pehe ña yũhdũye ijire, ni yahuahye Jesu.

### *Niñerure cahñequina, Cohãcjũ pehere cahiedare*

(Lc 16.13)

<sup>24</sup> Sa yero tiquiro yahu nemoahye tiquinare:

—Ihcãquiro Cohãcjũ pehere wacũno, tutua yũhdũaro niñeru pehere wacũedare. Niñeru pehere tutua yũhdũaro wacũno Cohãcjũ pehere wacũedare. Niñeru dihitare cahmediquiro ijiro Cohãcjũre bucuegũ yerare. Cohãcjũ gũhure, niñeru gũhure þuarore cahme yũhdũdũcaro basioerare musare.



*Cohãcjũ* tiquiro pohnene ihña ihbore  
(Lc 12.22-31)

<sup>25</sup> 'Sa yegũ ahrire m̄sare nii niaja: M̄sa ihyayere, sihniñene, suhti gũhũre pajiro b̄jũa witi tũhotueracãhña. M̄sare bajumehnenno ihyayere ihyatina dihitare suhti sañatina dihitare Cohãcjũ yerari m̄sare. <sup>26</sup> Minicjũa parire Cohãcjũ tiquiro ihña ihboyere masiña m̄sa. Tiquina weseri marieñequina ijire. Sa yeye ihyayere tiquina ihboye wũhũse tiquinare mariedare. Mari Pacũ pehe tiquinare tiquina ihyatire ohore. Minicjũa yũhdũoro m̄sa pehere cahĩne Cohãcjũ. Sa yero m̄sa gũhũre ihña ihborota tiquiro. <sup>27</sup> Pajiro m̄sa tũhotuye mehna ti m̄sare ihcã hora cati nemogũ yerare. Sa yero m̄sa pajiro tũhotuye dũhseati ijierare.

<sup>28</sup> 'Sa yena m̄sa suhti sañatire pajiro b̄jũa witi tũhotueracãhña. Nũcũ cjẽ cohorì ti cohoyere tũhotuya. Ti cohorì ti basi suhtire yerare. Sa yerapeta ti cohorì quehnoañe suhti yero saha quehnoañe cohorì bajure. <sup>29</sup> Salomo m̄n̄n̄no quehnoañe suhtire sañariquiro tiquiro ijiepegũta ti cohorì pehe tiquiro yũhdũoro quehnoa yũhdũaye cohorì waro ijire. <sup>30</sup> Cohorìre quehnoañe cohorì yere Cohãcjũ pehe. Ti cohorì pehe meheñe decorigã ijiducu ñai bora dijiaa wahare. Mehenogã iji, ape decorũ pecarũ ujũa wahare. Sa ijiepegũta cohorìre quehnoañe cohorì ijigũ yere Cohãcjũ. Sa yero Cohãcjũ cohorìre tiquiro quehnoañe cohorì tiquiro yeriro yũhdũoro m̄sa gũhũre quehnoano yerota. Suhtire ohorota. Cohãcjũre mehenogã wacũ tutuare m̄sa. <sup>31</sup> Sa yena m̄sa ihyatire, m̄sa sihniatire, m̄sa suhti sañatire pajiro b̄jũa witi tũhotueracãhña. <sup>32</sup> Cohãcjũre cahmeeñequina pehe tire sa macaducuye nine. Mari Pacũ ùhmũse cjũno ijipihtiye m̄sa cahmeñene masine. Tiquiro sa masigũ pajiro b̄jũa witi tũhotueracãhña. <sup>33</sup> Cohãcjũ m̄sa pũhtoro tiquiro ijiatore cahme mũhtaña m̄sa. Ijipihtiye apee boro yũhdũoro tiquirore cahmeña m̄sa. Quehnoañene tiquiro ye dutiye gũhũre cahmeña. M̄sa sa yeri bato Cohãcjũ pehe m̄sa cahmeñe dũhsagũ ohorota. <sup>34</sup> Sa yena ñamiapũre m̄sa dũhse wahatore pajiro b̄jũa witi tũhotueracãhña. Ñamiare m̄sa ñano yũhdũgũ Cohãcjũ yedohorota m̄sare. Miare m̄sa ñano yũhdũato iji tuhasare. Sa yena mia cjẽ dihitare tũhotuya. Ape deco cjẽne pajiro b̄jũa witi tũhotu nemoedacãhña. Cohãcjũ pehe m̄sare yedohorota, ni yahuahye Jesu.

## 7

*Apequinare “Ñañequina ijire”, niedacãhña*  
(Lc 6.37-38, 41-42)

<sup>1</sup> Sa yero tiquiro tiquinare yahu nemoahye:

—Apequinare “Ñañequina ijire”, niedacãhña m̄sa. M̄sa sa niedagũ Cohãcjũ m̄sare “Ñana ijire”, nisi. <sup>2</sup> Apequinare “Quehnoano yerare”, m̄sa ni ihñano sahata Cohãcjũ pehe m̄sa gũhũre sata ni ihñanota. <sup>3</sup> Mari queoye mehna mari buhegũ ohõ saha yena ijire m̄sa. M̄sa acayũro tiquiro capearũ meheni pohcarogã sajãgũ ti pohcarogãre quehnoano ihñare m̄sa. M̄sa ya capea pehere pajiri p̄jĩ ijiepegũta ti p̄jĩne ne ihñedare m̄sa. Meheni pohcarogãre m̄sa ihñano saha m̄sa acayũro tiquiro ñano yeye pehere quehnoano ihñare m̄sa. M̄sa basi m̄sa ñañene tutuaro yepenata tire masiedare m̄sa, pajiri p̄jĩne m̄sa ihñeno saha. ¿Dũhse ijiro boro sa ijiajari m̄sa? <sup>4</sup> Ohõ saha nibona ijire m̄sa: “Yũhũ acayũ, ñañene yei nine mũhũ. Sa yegũ tire duhuya”, nibona ijire m̄sa. Sa nibona ijiepenata pajiro ñañene yere m̄sa. ¿Dũhsena m̄sa ñañene yepenata tire masiedajari m̄sa? <sup>5</sup> Masa tiquina ihñono dihita quehnoano iji mehona ijire m̄sa sa yena. Pajiri p̄jĩne m̄sa capearũ ijiri p̄jĩne m̄sa ne mũhtaboriro sahata m̄sa ñano yeye pehere duhu mũhtaña. M̄sa sa yeri bato m̄sa acayũro tiquiro ñano yeyere duhugũ ye masiboaga, meheni pohcarogãre m̄sa neboriro sahata.

<sup>6</sup> 'Diayea yero saha ijieyequina, yesea yero saha ijieyequina gũhũ ñañequina Cohãcjũ yere quehnoa yũhdũyere tiquina ño peerare. Tiquina pehere yahueracãhña. “Tiquina b̄jũre, ñano niari”, nina, yahueracãhña tiquinare, ni yahuahye Jesu.

*Cohãcjũre mari siniñene yahuahye Jesu*  
(Lc 11.9-13; 6.31)

<sup>7</sup> Sa yero tiquiro tiquinare yahu nemoahye:

—Cohãcjũre siniña m̄sa. Sinina m̄sa nenata. M̄sa sinidire bocanata. Tiquirore sa siniducuya m̄sa. M̄sa sa yegũ tiquiro m̄sare ohorota. <sup>8</sup> Ijipihtiyequina Cohãcjũre siniñequina neeta. Sa yeye tiquina sinidire bocaeta. Sa yero ijipihtiyequina Cohãcjũre sa siniducuyequinare tiquiro tiquinare ohorota.

<sup>9</sup> ¿M̄sa pohna pãgãre m̄sare tiquina sinigũ utã pehere ohoboagari m̄sa tiquinare? Ne ohosi. <sup>10</sup> ¿M̄sa pohna wahire m̄sare tiquina sinigũ aña pehere ohoboagari m̄sa tiquinare? Ne ohosi. <sup>11</sup> M̄sa ñana ijiepenata m̄sa pohñare quehnoañene ohoe tiri m̄sa. Sa yero Cohãcjũ pehe m̄sa yũhdũoro quehnoañene ohore m̄sare tiquiro pohñare tiquirore sininare. M̄sa pohñare m̄sa ohoriro yũhdũoro Cohãcjũ pehe tiquiro pohñene ohore.

<sup>12</sup> 'Arequina m̄sare tiquina quehnoano yegũ cahmene m̄sa. Tiquinare m̄sa quehnoano yegũ cahmeno sahata quehnoano yeya tiquina gũhũre. Tiquina quehnoano yerapegũta m̄sa pehe tiquinare quehnoano yeya. Sata ye dutire Cohãcjũ dutiye Moisere tiquiro cũripũ, Cohãcjũ yere yahu m̄htariquina tiquina ojoari gũhũ, ni yahuahye Jesu.

*Meheni sopecahagã quitire yahuahye Jesu*  
(Lc 13.24)

<sup>13</sup> Sa yero tiquiro yahu nemoahye tiquinare.

—Uhm̄sepũ Cohãcjũ cahapũ waha duana tiquiro yere yero cahmene m̄sare. Sa yena tiquiro yere sa ye macaedacãno cahmene. Meheni sopecahagãpũ m̄sa sajã duagũ mijorĩne. Sata mijorĩne Cohãcjũ cahapũ m̄sa waha duagũ. Pecapũ masa tiquina wahagũ mijoedare. Pajiri sopecahapũ mari sajãgũ mijoedare. Ti sopecahapũ masa tiquina sajãboro saha pecapũ masa tiquina wahagũ mijoedare. Sa yeye peyequina masa topũ wahaye nine. <sup>14</sup> Cohãcjũ cahapũ m̄sa waha duagũ mijorĩne. Meheñequinagã masa topũ wahaeta. Topũ wahayequina ijipihtiye decori Cohãcjũ mehna ijiducueta, ni yahuahye Jesu.

*Yucũgũ dũcare masina, tũ padũ gũhũre masine m̄sa*  
(Lc 6.43-44)

<sup>15</sup> Sa yero tiquiro yahu nemoahye tiquinare:

—Quehnoano yeya. “Cohãcjũ yere yahu m̄htana ijiaja”, ni mehoñequinare tũhoracãhña m̄sa. Tiquina oveja yero saha usueyequina saha bajumene. Tiquina tũhotuyepũ ñañequina ijire tiquina. <sup>16</sup> Tiquina ñano yegũ ihñana, ñañequina tiquina ijigũ masinata m̄sa. Tiquina quehnoano yegũ ihñana quehnoañequina tiquina ijigũ masinata m̄sa. Pota bũcũgũ uñse tũhorine dũca tierare. Potagũ higuera pacare dũca tierare. <sup>17</sup> Quehnoadũ yucũgũ quehnoañene dũca tire. Ñadũ pehe ñañene dũca tire. <sup>18</sup> Quehnoadũ yucũgũ ñañene ne dũca tierare. Sa yero ñadũ quehnoañene dũca tierare. <sup>19</sup> Quehnoañene dũca tieye cjũre dũte cohã cã, pecapũ uñũanota. Sata yerota Cohãcjũ tiquiro cahmeñene yerariquinare. <sup>20</sup> Sa yena “Cohãcjũ yere yahu m̄htana ijiaja”, ni mehoñequinare ohõ saha masinata. Tiquina yerire ihñana, tiquina ni mehoñequina ijigũ masinata, ni yahuahye Jesu.

*“M̄sare ne masiedaja”, ninota Cohãcjũ peyequina masare*  
(Lc 13.25-27)

<sup>21</sup> Sa yero tiquiro yahu nemoahye tiquinare:

—Peyequina yũhũre “Pũhto” niñequina ijiepetã uhm̄sepũ cjũno Cohãcjũ tiquiro pũhtoro ijiorpũre wahasi tiquina. Yũhũ Pacũ uhm̄sepũ cjũno tiquiro cahmeñene yeyequina dihita tiquiro pũhtoro ijiorpũre wahaeta. <sup>22</sup> Decori pihtigũpũre peyequina masa ohõ saha nieta yũhũre: “Pũhto, m̄hũ yere usã buhei. M̄hũ wame mehna watĩare cohãũ. Sa yena m̄hũ tutuaye mehna peye bajumehneñene yei usã”, yũhũre niñequina ijietã. <sup>23</sup> Ohõ

saha yũhtiitja tiquinare: “Mũsare ne masiedaja. Ñañene yena ijire mũsa. Yũhu caharũ ahtaeracãhña”, niitja yũhu tiquinare, ni yahuahye Jesu.

*Pũa wũhu yeyequina quitire yahuahye Jesu  
(Mr 1.22; Lc 6.47-49)*

<sup>24</sup> Sa yero tiquiro yahu nemoahye tiquinare:

—Sa ye ijipihtiyequina ahri yũhu buherire tũhoriquina yũhu dutiyere yeyequina, quehnoano tũho masiniquiro wũhu dahreriquiro yero saha ijire tiquina. Tiquiro pehe ãhcũãñe coperi sehe, wũhũre doco dũcahye. <sup>25</sup> Ti wũhũre peho tuhasari bato acoro tutuaro ahta, dia mini yũhdũa waha, tutuaro wihnono wẽahye. Sa ti tutuaro wẽpegũta ti wũhu ãhcũãño tiquiro docori wũhu ijiro ne waha sa queherahye. <sup>26</sup> Sa yeye ijipihtiyequina yũhu buherire tũhoepeta yũhu dutiyere yerariquina, tũho masieniquiro wũhu dahreriquiro yero saha ijire. Tiquiro pehe ti wũhũre padũro buigã doco, quehnoano ye dũcaerahye. <sup>27</sup> Ti wũhũre peho tuhasari bato, acoro tutuaro ahta, dia mini yũhdũa waha, wihnono tutuaro wẽahye. Sa tutuaro wẽno ti wũhu pehere wẽdoque cũ cãhye. Sa yero ti wũhu tutuaro bora sa quehea wahahye, ni yahuahye Jesu.

<sup>28</sup> Tiquiro sa ni buhegũ tũhoye, tũho maria wahahye masa. <sup>29</sup> “Tiquiro potota pũhoro ijire. Sa yero quehnoano masi pehoriquiro ijiro marine buhere tiquiro. Mari judio masare buheyequina yero saha buherare”, ni tũhotuahye tiquina.

## 8

*Jesu cami bũcũ mũna wihirore yũhdũa wahagũ yeahye  
(Mr 1.40-45; Lc 5.12-16)*

<sup>1</sup> Jesu cãnũrũ buhe dujiriquiro dijiaa wahahye. Tiquiro dijiagũ ihñañe masa peyequina tiquiro bato wahahye. <sup>2</sup> Tiquiro sa wahagũ ihcãquiro cami bũcũ mũna wihiro tiquirore piti ca, dũsepe curi mehna quehe sa, tiquirore siniahye.

—Pũhto, mũhu yũhũre yũhdũo duagu yũhdũoya, niahye.

<sup>3</sup> Tiquiro sa nigũ tũhoro tiquiro omoca mehna Jesu tiquirore ña peohye.

—Tire ye duaja. Mũhũre yũhdũgũ yeitja, niahye Jesu tiquirore.

Tiquiro sa nigũta cami bũcũ mũna yatia wahahye. <sup>4</sup> Sa ni tuhasa Jesu tiquirore niahye tja:

—Yũhu mũhũre ohõ saha yerire ne apequinare yahueracãhña. Mũhu pagũre quehnoari pagũ waharire pahire ihñogũ wahaya. Moiserere Cohãcjũ tiquiro cũriro sahata pahire minicjũare ohoya mũhu yũhdũrere masa ijipihtiyequina tiquina masino quehnoano, niahye Jesu.

*Surara pũhoro tiquiro cahacjũno dohatigũ Jesu yũhdũoahye tiquirore  
(Lc 7.1-10)*

<sup>5</sup> Sa ye Jesu Capernau wame tiri macarũ tiquiro esagũ cien surara pũhoro tiquiro caharũ esa, tiquirore tutuaro ohõ saha ni sinidi:

<sup>6</sup> —Pũhto, yũhu cahacjũno ne pagũ tutueriquiro waha masiedaro tiquirore tutuaro purigũ ya wũhũrũ cuñari tiquiro, nidi tiquiro Jesure.

<sup>7</sup> Tiquiro sa nigũ,

—Aũ, tiquiro dohatiyere yũhdũogũ wahaũtja, nidi Jesu.

Tiquiro sa nigũ ohõ saha nidi surara pũhoro:

<sup>8-9</sup> —Pũhto, quehnoanota. Wahaegũta. Yũhu yũhdũoro quehnoa yũhdũagu ijire mũhu. Ya wũhũrũ mũhũre sajã ta dutibogũ ijieraja yũhu. Mũhu masiñe mehna yũhdũoya tiquirore. Mũhu sa yegũ yũhu cahacjũno quehnoa waharota. Yũhũre yũhu bui ijieyequina apequina pũhota dutire. Yũhu gũhu surarare dutiaja. Ihcãquirore “Wahaya”, yũhu nigũ tiquiro wahare. Apequirore “Ahtaya”, yũhu nigũ tiquiro ahtare. Yũhu cahacjũnore “Ahrire yeya”, yũhu nigũ tire yere. Mũhu gũhu dutigũta ijire. Sa yero mũhu dutiro sahata tiquiro dohatiriquiro yũhdũrota, nidi tiquiro.



<sup>10</sup> Tiquiro sa nigũ tuho maria waharo, peyequina masa tiquiro mehna ijiyequinare ohõ saha nidi Jesu:

—Ijirota musare niita niaja. Ahriquiro surara puhtoro Israe masuno ijieriquiro Cohãcjũre tutuaro wacũ tutuare. Tiquiro cahacjũnore yũhu yũhdũgũ yeatire masi tuhasare. Ne Israe masare ahriquiro yero saha ijiyequinare ihñedaga yũhu. <sup>11</sup> Musare niita niaja. Peyequina ahriquiro yero saha Cohãcjũre wacũ tutuayequina ijipihtiro cjẽna gũhu umuse cjũno puhtoro tiquiro ijiropũ esa, topũ ijiyequina mehna ihyaeta. Abrahã, Isaac, Jacob mehna ihyaeta tiquina. <sup>12</sup> Masa apequina pehe Cohãcjũ tiquiro puhtoro ijiropũ wahaboriquina tiquina ijiepegũta ñanopũ nahitianopũ cohã cãnota tiquinare. Topũ tiquiro cohãriquina tutuaro uti, bũjua witiye mehna bahque dihoeta, ni yahuri Jesu.

<sup>13</sup> Tire sa ni tuhasa, surara puhtorore nidi.

—Tojoahya mũhu ya wũhũpũ. Mũhu cahacjũno yũhdũrota. “Potota yũhdũrota”, ni mũhu tuhoturiro sahata yũhdũrota, nidi Jesu.

Sa nigũta tiquiro cahacjũno pehe quehnoa wahari.

*Pedro mareonore dohatiricorore yũhdũoahye Jesu*

(Mr 1.29-31; Lc 4.38-39)

<sup>14</sup> Sa ye Jesu Pedro ya wũhũpũ esa, Pedro mareono dohatigũ ihñahye tiquiro. Ujuaye tigũ cuñahye ticoro. <sup>15</sup> Ticoro sa ijigũ ihñano ticoro omocare ña peoahye. Tiquiro sa ña peogũta ujuaye surua wahahye. Surugũ tuhoturo ticoro pehe wahcãdũca, tiquinare ihyayere peoahye.

*Jesu peyequina dohatiyequinare yũhdũoahye*

(Mr 1.32-34; Lc 4.40-41)

<sup>16</sup> Sa ye ñamicahapũ peyequina watĩare cõoyequinare masa ne wihahye Jesu cahapũ. Tiquina sa ne wihigũ ihñano ihcã tahata tiquiro waha dutigũ watĩa wahaa wahahye. Sa yero ijipihtiyequina dohatiyequina tiquina ne sariquinare yũhdũo pehoahye Jesu. <sup>17</sup> Sata yeahye tiquiro panopũ cjũno Cohãcjũ yere yahu mũhtariquiro Isaia tiquiro nidiro sahata. Ohõ saha ni ojoahye: “Mari dohatiyere yũhdũo cãnota tiquiro. Mari duti tiyere cohã cãnota”, ni ojoahye Isaia Jesure.

*Ihquẽquina Jesu mehna waha duamahye*

(Lc 9.57-62)

<sup>18</sup> Ape taha Jesu peyequina masa tiquiro cahapũ tiquina ijigũ ihñano, ohõ saha nidi.

—Ape sie pahrẽpũ isa pehãũhna, nidi.

<sup>19</sup> Sa usã pehãto pano mari judio masare buheriquiro Jesu cahapũ esa, ohõ saha nidi:

—Buhegũ, mũhu mehna waha duaja noho mũhu waharopũ, nidi.

<sup>20</sup> Jesu ohõ saha ni yũhtiri:

—Ihquẽquina nũcũ cjẽna wahiquina tiquina coperi cõore. Minicjua gũhu tiquina suhti cõore. Yũhu masũ Cohãcjũ ohorigũ pehe yũhu carĩni wũhu cõoeraja, ni yũhtiri Jesu.

<sup>21</sup> Sa ye apequiro Jesu buheriquiro ohõ saha nidi:

—Puhto, yũhu pacũ tiquiro yariagũ yarĩgũtja. Sa ya tuhasagũ pũrita mũhu mehna wahagũtja, nidi tiquiro Jesure.

<sup>22</sup> Jesu yũhtiri:

—Yũhũre cahmeeñequina yariariquina yero saha ijire. Tiquina pehe yariariquinare yaahro. Sa yegũ mũhu pehe yũhu mehna cjũ ijiajũ ahtaya, nidi tiquiro.

*Jesu wihnonore yũsũ dutiahye*

(Mr 4.35-41; Lc 8.22-25)

<sup>23</sup> Sa ni tuhasa yucũsapũ sajãri. Sa yena usã tiquiro buhena gũhu tiquiro mehna waha, sajãũ. <sup>24</sup> Ti ditarapũ usã pehãgũ waro wihnono tutuaro wẽdi. Sa yero pahcõri yucũsare quẽ mio cãmedi. Sa wihnono wẽpegũta Jesu pehe carĩno nidi. <sup>25</sup> Sa wahagũ ihñana usã tiquirore wahcõũ. Wahcõ ohõ saha nii:

—Puhto, yũhdũoya. Mari minina tana niajũ, nii usã.

<sup>26</sup> ʘsā sa nigū Jesu yuhtiri:

—¿Duh̄sena cue maca cāri m̄sa? Yuh̄re wacū tutuerare m̄sa, nidi Jesu ʘsāre.

Sa ninota wahcād̄ca sa, wihnonore pahcōri gūh̄re “Yuh̄sahya”, nidi. Tiquiro sa nigū wihnono yuh̄d̄ca wahari. Sa ye pahcōri gūh̄ yus̄ dijiaa wahari. <sup>27</sup> Tiquiro sa yegū ih̄na ac̄ana, oh̄ saha nii ʘsā:

—¿Yohou, d̄hse ijiriquiro boro mas̄no ijiajari ahriiquiro? Ahri wihnono, pahcōri gūh̄ tiquiro dutigū yuh̄d̄caerare tiquirore, nii ʘsā.

*Watīa c̄oyequinare watīare coh̄h̄ye Jesu*

*(Mr 5.1-20; Lc 8.26-39)*

<sup>28</sup> To bato peh̄ sa, Gadara cjēna ya yehpap̄ esa. Top̄ ʘsā esagū p̄aro m̄ma masa coperi cahap̄ ijiequina Jesure piti cari. Tiquina watīare c̄oyequina cuayequina ijiri. Sa yero top̄ masa tiquina wahameh̄neno ijiri. <sup>29</sup> Tiquirore piti ca, sañuducuri:

—¿M̄h̄ Coh̄cj̄ mac̄ d̄hse yegū ahtajari m̄h̄ ʘsā cahap̄re? ¿ʘsāre Coh̄cj̄ tiquiro buhiri dahreati pje ijierapegūta ʘsāre buhiri dahrei ahtā niajari m̄h̄? ni sañuducuri tiquina.

<sup>30</sup> Tiquina cahap̄ peyequina yesea maca ihyaye nidi. <sup>31</sup> Tiquinare ih̄ñañe, watīa oh̄ saha nidi Jesure:

—ʘsāre coh̄gū sisequina cahap̄ waha dutiya ʘsāre. Tiquina mehna iji dutiya ʘsāre, ni sinidi watīa Jesure.

<sup>32</sup> —Ā, wahaya, nidi Jesu.

Tiquiro sa nigū watīa p̄aro masa mehna ijiriquina waha, yesea cahap̄ esari. Tiquina mehna tiquina ijigūta yesea pari, pari cj̄p̄ oma maa buha, ditarap̄ bora ñojoa, mini yaria pih̄tia wahari.

<sup>33</sup> Tiquina sa wahagū ih̄ñañe yeseare ih̄na ih̄boyequina pehe cuea waha, oma maa cāa wahari. Macap̄ esa, yesea tiquina minidire yahu site pehoah̄ye. Watīare c̄oriquinare Jesu watīare tiquinap̄re ijiriquinare coh̄ wiori gūh̄re yahu pehoah̄ye tiquina. <sup>34</sup> Sa tiquina yahu siteri bato ti maca cjēna ijipih̄tiyequina Jesure ih̄ñañe ahtari. Sa ye tiquirore ih̄ñañe, tutuaro mehna waha dutiri tiquirore.

## 9

*Tini masieniquirore yuh̄d̄caoh̄ye Jesu*

*(Mr 2.1-12; Lc 5.17-26)*

<sup>1</sup> Sa ye Jesu yuc̄sap̄ sajā, ditarap̄ peh̄, tiquiro masari macap̄ esah̄ye. <sup>2</sup> Top̄ arequina tini masieniquirore tiquiro cuñari cahsero mehna yo w̄a wih̄ah̄ye Jesu cahap̄. “Jesu ahriiquirore dohatiyere yuh̄d̄gū yerota”, ni t̄hotuah̄ye tiquina. Tiquina sa ni t̄hotugū masino dohatiriquirore oh̄ saha niah̄ye Jesu:

—Bucueya m̄h̄. M̄h̄ ñañe yeyere coh̄ tuhasā yuh̄, niah̄ye tiquiro.

<sup>3</sup> Tiquiro sa nigū t̄hoye ih̄quēquina mari judio masare buheyequina oh̄ saha ni t̄hotumah̄ye. “Ahriiquiro ihyo ijiriquiro sa nino ‘Coh̄cj̄ ijiaja’, nino nine. Sa nino Coh̄cj̄re ñano nino nine”, ni t̄hotumah̄ye tiquina. <sup>4</sup> Tiquina sa ni t̄hotugū masino, oh̄ saha niah̄ye Jesu:

—¿Duh̄sena sa ñano t̄hotuajari m̄sa? <sup>5</sup> “M̄h̄ ñañe yeyere coh̄ tuhasaja”, yuh̄ nigū “Ni mehogū ijire”, nine m̄sa queh̄noano masiedap̄nata. “Wahcād̄ca, wahaya”, yuh̄ nigū tiquiro tinigū ih̄ñana, yuh̄ nidi poto ijigū duita m̄sa masinata. <sup>6</sup> Yuh̄ mas̄ Coh̄cj̄ ohorigū ahri yehpap̄ masa tiquina ñañe yeyere coh̄ masiaja yuh̄. Masa tiquina ñañe yeyere coh̄cj̄re c̄uri Coh̄cj̄ yuh̄re. Yuh̄ sa coh̄rire m̄sa masiato saha oh̄ sahata ye ih̄ñoutja m̄sa ih̄ñatire, niah̄ye Jesu.

Sa ni tuhasa tini masieniquirore oh̄ saha niah̄ye:

—Wahcād̄caya. M̄h̄ cuñari cahserore ne cāh̄na m̄h̄ ya wuh̄p̄, niah̄ye tiquirore.

<sup>7</sup> Tiquiro sa nigū t̄horo tini masieniquiro wahcād̄ca sa, tiquiro ya wuh̄p̄ tojoo wahah̄ye. <sup>8</sup> Sa wahagū ih̄ñañe masa cueah̄ye. Sa ye Jesure Coh̄cj̄ tiquiro tutuayere tiquiro ohogū ih̄ñañe masa Coh̄cj̄re ño peo, queh̄noano yahuducuah̄ye.

*Jesu Mateore pijiahye*  
(Mr 2.13-17; Lc 5.27-32)

<sup>9</sup> Tiquina sa yeri bato Jesu topu ijiriquiro ahta, yuhure Mateore boca sari. Puhtoa ye ijiatire masare wapa ne cohtegu ijimi. Sa yegu ti pjere yuhu dahrari tucupu dujii. Topu yuhu dujigu ihnano ohō saha nidi yuhure:

—Yuhu mehna cju ijiajū ahtaya, nidi Jesu yuhure.

Tiquiro sa nigū tuhogu wahcādūca tiquiro mehna waha.

<sup>10</sup> Came ya wuhuru Jesu gūhu ihyaye ahtari. Peyequina wapa ne cohteyequina, “Ñano yeyequina”, tiquina niñequina gūhu usā mehna ihyari. <sup>11</sup> Tiquina mehna usā ihyagū ihñañe, fariseo masa usāre Jesu buhenare ohō saha nidi:

—¿Duhse yero musare buheriquiro wapa ne cohteyequina mehna, ñano yeyequina mehna ihyajari? nidi tiquina usāre tiquiro buhenare.

<sup>12-13</sup> Tiquina sa nigū tuhoro Jesu pehe queoye mehna buhero yuhtiri:

—Dohatiyequina duturure macaedare. Dohatiyequina dihita duturure macare. Ñañequina dohatiyequina yero saha ijire. Sa yegu ñañequina dihitare tiquina ñañene yerire bujua witi duti, quehnoañe pehere comesagū yei ahtau nii yuhu. Tiquina basi “Quehnoana ijiaja usā”, ni tuhotuyequinare yedohogu ahtaeru. Cohācjū tiquiro nidire tiquina ojoarire masiña musa. “Wahiquinare musa wejē, ujūa mūoñe mehna yuhure musa ño peogū cahmedaja. Apequinare musa paja ihñagū pehere cahmeaja”, ni ojoahye. Ahri tiquiro ojoari duhse nidire masiña musa. Tire quehnoano buhe nemona wahaya, nidi Jesu fariseo masare.

*Sijiyere sinituahye Ñu buheyequina Jesure*  
(Mr 2.18-22; Lc 5.33-39)

<sup>14</sup> Came Ñu wame yeriquiro buheyequina Jesu cahapu esa, sinituri:

—Usā Ñu buhena pehe peye tahari Cohācjūre ño peona tana, sijiaja. Fariseo masa gūhu sata sijire. ¿Duhse yeye mūhu buheyequina pehe sijierajari? nidi tiquina Jesure.

<sup>15</sup> Jesu tiquiro tuhotuye mehna queoye mehna buhero taro tiquinare ohō saha ni yuhtiri:

—Ohō saha ijire ti: Omoca duhteropu tiquina pijioriquina omoca duhteriquiro mehna ijiye, siji masiedare. Sata yuhu buheyequina gūhu yuhu mehna ijiye, siji masiedare. Yuhu omoca duhteriquiro yero saha ijiaja. Omoca duhteriquiro bose deco tiquiro yegu tiquiro mehna cjeña bujua witiye mehna ijierare. Sa yeye ihyeyequina ijierare. Yuhu Pacu Cohācjū yuhure tiquiro nedi bato pūritare yuhu buheyequina mehna ijisi yuhu. Sa yeye ti pjeputa yuhu buheyequina gūhu sijieta, ni yuhtiri Jesu.

<sup>16</sup> Panopu cje buheye wahma buheye mehna tiquina buhe more duagū ihnano ohō saha ni memori Jesu tiquinare queoye mehna buhero.

—Ne wahma cahsero suhtiro cahsero mehna mūnano suhtirore sere ohōno cahmedare. Sa yegū wahma cahsero mari coseri bato mūnano suhtirore weje cahmeco, paji yuhduaro tuhūgū yere. (Ahri yero saha mūna buheyere wahma buheye mehna piti dahre buheraro cahmene.) <sup>17</sup> Sa yena ne uhse co bisiye core wahiquiro cahsero ajurore mūna ajurore pose yeraro cahmene. Sa yegū uhse co bisiye pahmuñeru mūna ajurore tuhre cāhre. Sa tuhūgū uhse co gūhu, ajuro gūhu cohāa wahare. Sa yena uhse co wahma core wahma ajuropu pose yero cahmene. Sa yegū uhse co cohāeda, ajuro gūhu cohāedare. (Sata wahma buheye mūna buheye mehna buhe moredaro cahmene,) ni yahuri Jesu tiquinare.

*Jairo maconore maso, dii mūna dohatiducuricoro gūhure yuhduoahye Jesu*  
(Mr 5.21-43; Lc 8.40-56)

<sup>18</sup> Tiquiro sa ni yahuri watoa mari judio masa puhtoa mehna cjuño Jesu cahapu wihiri. Wihi, dusepe curi mehna quehe sa, ohō saha nidi.

—Yuhu maco mianogā yariaa wahari. Ticorore mūhu omocare duhu peogu ahtaya. Mūhu sa yegū masanota, nidi tiquiro Jesure.

<sup>19</sup> Tiquiro sa nigũ tũhoro Jesu wahcãduca tiquiro mehna wahari. Ûsã tiquiro buhena gũhũ wahaũ. <sup>20</sup> Ûsã mahapũ wahaducugũ topũ numino dii mũna dohatiducuricoro Jesu batopũ ahta, tiquiro suhtiro sohtoare dahra tuhuahe. Doce cũhmari waro decoripe dii mũna dohatiro niahe. <sup>21</sup> Ohõ saha ni tũhotuahye ticoro sa yero: “Ti suhtirore dahra tuhugo, quehnoa wahagota”, ni tũhotuahye ticoro. <sup>22</sup> Ticoro sa yegũ masino Jesu majareduca, ticorore nidi.

—Maco, bucueya mũhũ. Mũhũ yũhũre wacũ tutuaye mehna quehnoago tojoare vojopũre, nidi tiquiro.

Tiquiro sa nigũta yũhdũa wahari ticoro.

<sup>23</sup> Sa ye tuhasa Jesu pũhtoro ya wũhũpũ esari. Topũ esa, ñehe quea utiyequinare weõgũ mũte pohoro saha ijidũre putiyequinare ihñari. Peyequina masa tiquina ñano bisigũ gũhũre tũhori tiquiro. <sup>24</sup> Tiquina sa yegũ ihñano masare ohõ saha nidi:

—Wijiaya mũsa. Yariere ticoro. Carĩno nine, nidi tiquinare.

Tiquiro sa nigũ tũhoye “Sa ni maca cãno nine ahriquiro”, niñe, masa bũjũri tiquirore. <sup>25</sup> Sa yero wũhũ puhapũre ijiequina masare tiquiro wio pehori bato yariaricoro cahapũ esa, ticoro omocare ñeheahye. Tiquiro sa ñehẽgũ masa quehe sa, wahcãduca sahye ticoro. <sup>26</sup> Tiquiro sa yerire tũhoye, to cĩẽna masa ijipihtiequina yahu siteri.

*Pũaro caperi bajueyequinare ihñagũ yeahye Jesu*

<sup>27</sup> Sa yero Jesu topũ ijiriquiro wahagũ, pũaro caperi bajueyequina tiquirore pisu nũnũ tãri:

—Davi panami iji turiagũ, masare yũhdũoacjũ, usãre paja ihñaña mũhũ, ni saũducuri tiquina.

<sup>28</sup> Tiquina sa nigũta Jesu ape wũhũpũ sajãri. Tiquiro sa sajãgũ masiñe caperi bajueyequina tiquiro cahapũ sajãa wahari. Tiquina sa sajã sagũ ihñano tiquiro pehe sinituri tiquinare:

—¿“Marine ihñagũ yerota tiquiro”, ni tũhotuajari mũsa yũhũre? nidi tiquiro.

—Pũhto, sata ni tũhotuaja usã, ni yũhtiri tiquina.

<sup>29</sup> Tiquina sa nigũta tiquina caperire ña peori. Ña peo ohõ saha nidi:

—Yũhũre “Sa yerota”, mũsa ni tũhoturiro sahata sa yeaja mũsare, nidi Jesu.

<sup>30</sup> Tiquiro sa nigũta tiquina caperi pehe quehnoa wahari. Sa ye Jesu ohõ saha nidi tiquinare:

—Ahri yũhũ ohõ saha yerire apequinare ne yahueracãhña, nidi.

<sup>31</sup> Tiquiro sa niepegũta waha, topũ ijieyequinare yahu siteri tiquina tiquiro sa yerire.

*Yahuducueriquirore yahuducugũ yeahye Jesu*

<sup>32</sup> Ti wũhũre tiquina wijiagũ waro ihcãquiro yahuducueriquirore ne cãhtari masa. Watĩno tiquiro mehna ijiriquiro tiquirore yahuducueragũ yeahye. <sup>33</sup> Tiquina ne sagũ ihñano watĩnore Jesu cohã wiori. Tiquiro sa cohãgũ watĩnore cũoriquiro pehe yahuducua wahari. Tiquiro sa yegũ ihñañe ijipihtiequina ihña maria pihtia wahari.

—Ne, ahri yehpa Israe yehpapũre ohõ saha yeyere ihñedahti mari, ni yahuducuri tiquina basi.

<sup>34</sup> Fariseo masa pehe sijoro saha ni yahuducuri:

—Watĩa pũhtoro tutuaye mehna watĩare cohãre ahriquiro, ni yahuducuri tiquina.

*Masare paja ihñahye Jesu*

<sup>35</sup> Sa ye ijipihtie macari topũ ijie macarigãre, bũjũye macari gũhũre buhe tinino wahari Jesu. Quehnoañe buheyere judio masa mari buheye wũhũsepũ buhero wahari tiquiro. Sa yero Cohãcjũ pũhtoro tiquiro ijiatire yahuri. Ijipihtie dohatiye gũhũre to cĩẽnare yũhdũori tiquiro. <sup>36</sup> Masa peyequina ñano yũhdũyequinare, pejecũoro wahayequinare tiquina ijigũ ihñano Jesu tiquinare paja ihñari. Tiquina oveja opana marieñequina yero saha tiquina ijigũ ihñano Jesu tutuaro paja ihñari tiquinare. <sup>37</sup> Sa yero ohõ saha nidi tiquiro usãre tiquiro buhenare, queoye mehna buhero:

—Trigo peye бұсқа tuhasagū peye ijigū dahraye pajiro ijire. Sa ijiepegūta dahrayequina pehe meheñequinagā ijire. Sata quehnoañe buheyere tuhoatiquina peyequina ijigū pajiro ijire mari dahraye. Sa ijiepegūta meheñequinagā dahrari masa yero saha quehnoañe buheyere buheatiquina gūhū meheñequinagā ijire. <sup>38</sup> Sa yena quehnoañe buheyere buheatiquinare apequinare tiquiro ohoatire siniña Cohăcjure, nidi Jesu.

## 10

### *Jesu doce waro beseahye tiquiro ohoatiquinare*

(Mr 3.13-19; Lc 6.12-16)

<sup>1</sup> Came doce ũsăre tiquiro buhenare Jesu pijio, tutuayere ohori ũsăre. Watïare ũsă cohă masiatire ijipihtiye dohatiyere ũsă cohă masiatire ohori ũsăre.

<sup>2</sup> Ohō saha wame tii ũsă Jesu cūrina: Simo ijiri. Tiquiroreta Pedro ni pisuri Jesu. Simo bahuro Andre gūhū ijiri. Santiago gūhū tiquiro bahuro Ņu mehna ijiri. Tiquina Santiago gūhū pacuro Zebedeo wame tiri. <sup>3</sup> Felipe, Bartolomé, Tomasu, yuhū Mateo ijii ũsă. Yuhū pehe puhto ye ijiatire masare wapa ne cohtegu ijimi. ũsă mehna Santiago ijiri. Tiquiro pehe Alfeo macuno ijiri. Sa yero Tadeo gūhū ijiri. <sup>4</sup> Simo celote ya curua cĵuno ijimediquiro, Juda Iscariote gūhū ijiri. Juda pehe Jesure ihña tuhtiyequinare ihñoatiquiro ijiri.

### *Jesu tiquiro buheyequinare buhe dutiro ohoahye*

(Mr 6.7-13; Lc 9.1-6)

<sup>5</sup> Sa ye ũsăre doce tiquiro buhenare ohoro, “Ohō saha yeya”, ni yahuri ũsăre Jesu:

—Judio masa ijieyequina caharpu wahaeracāhña. Ne Samaria yehpapu ijiye macaripu gūhure wahaeracāhña. <sup>6</sup> Israe yehpa cĵena caharpu pehere wahaya. Cohăcjure masieñequina ijire tiquina. <sup>7</sup> “Ūhmuse cĵuno puhtoro tiquiro ijiato mehenogā dūhsare”, ni buheya tiquinare. <sup>8</sup> Sa yena cami бұсқа muna wihare, apeye peye sijoro saha ijiye dohatiyere cwoyequina gūhure yuhdugū yeya. Yariariquinare masoña. Watïa masa mehna ijieyequinare cohña tiquinare. Mūsare sa ohogu niaja ahri tutuayere. Sa yena mūsa gūhū yuhū sa ohoriro sahata masare yuhdugū yeya wapa neno marieno.

<sup>9</sup> Mūsa wahana niñerure ne nedacāhña. <sup>10</sup> Ne mūsa ajurore, puaro camisare, pu pa dahpo suhtire, tuaye cĵu gūhure nedacāhña. Mūsa sañano dihitare sañaa wahaya. Apeye suhtire nedacāhña. Mūsa buhena waharopu ijieyequina tiquina pehe mūsare pohe ijiatire ohoeta. Sata ohoro cahmene tiquinare.

<sup>11</sup> Ti macaripu esana, mūsare quehnoano piti catiquirore macaña. Sa yena ti wuhurpu tojoarña. Tee, coā wahanapu wijiaya ti wuhure. <sup>12</sup> Sa yena wuhuru sajāna, “Ĵlĵajari mūsa?” niña ti wuhū cĵenare. Mūsare quehnoano tiquina cahmegū “Cohăcĵu mehna quehnoano ijiya mūsa”, niña tiquinare. <sup>13</sup> Mūsare tiquina cahmedagū, mūsa sa niborire nedacāhña. <sup>14</sup> Sa yena mūsare tiquina cahmedagū, tiquina tuho dueragū ti wuhure wijiaya. Wijiana, dahpocāri cĵe dihta esa wahārire wejē site cūña mūsa tiquinare tiquina ye buhirire masigū yena. Ti maca cĵena mūsare cahmedagū sata yeya tiquina gūhure. <sup>15</sup> Ijirota mūsare niita niaja. Ahri deco pihtigūpu Sodomā cĵena, Gomorra cĵena gūhū tutuaro buhiri tiatiquinata ijire. Tiquina sa ijiepegūta tiquina yuhduoro mūsare cahmeeñequina buhiri tiatiquina ijieta, ni yahuri Jesu.

### *Jesu yequinare apequina ñano yeatire yahuahye Jesu*

<sup>16</sup> Sa ni tuhasa ohō saha ni nemori:

—Yuhure tuhoya mūsa. Oveja yero saha ijinare mūsare ñañequina watoa ohogu niaja. Tiquina ñañequina nūcu cĵena yayia usuayequina yero saha ijire. Sa yena mūsa pehe apequina wahiquina wacū masieñequina yero saha ijiya. Sa ijina ijiepenata bujua yero saha ne usuena ijiya mūsa. <sup>17</sup> Quehnoano yeya mūsa. Mūsare masa puhtoare ohoeta. Judio masa mari buheye wuhusepu quēeta mūsare. <sup>18</sup> Sa yeye yeequina mūsa ijiri buhiri macari cĵena puhto caharpu tiquina bui ijieyequina puhto caharpu gūhure neañeta mūsare. Sa yena mūsare topu tiquina neagū puhtoare, judio masa ijieyequina



gũhure quehnoañe buheyere buhenata m̄sa. <sup>19-20</sup> M̄sare pũhtoare tiquina ohogũ tiquinare m̄sa niatire “Yohou, masiedaboaga”, ni tũhotueracãhña. M̄sare tiquina sinitugũta m̄sa niatire masinata. Sa masina tiquinare yahuna, m̄sa tire m̄sa esa tuharo yahuducuna nisi. Cohãcjũ pehe mari Pacũ tiquiro yaquiro Espĩritu mehna m̄sare yahuducugũ yerota.

<sup>21</sup> 'Ti pjere tiquina wahmisũm̄a tiquina bahanare wejẽ dutiye ohoeta pũhtoare yeequina tiquina ijiri buhiri. Tiquina pacũsũm̄a tiquina pohne wejẽ dutiye ohoeta pũhtoare. Tiquina pohne pehe tiquina pacũsũm̄are wejẽ dutiye ohoeta pũhtoare. <sup>22</sup> Sa yeye yeequina m̄sa ijiri buhiri ihña tuhtietã masa ijipihitiyequina m̄sare. Tiquina sa yepegũta ahri yehpapũ m̄sa catiro puno m̄sare tiquina ñano yerire ihcãno sahana yũhure duhuerana, yũhdũnata m̄sa. <sup>23</sup> Ihcã macapũ m̄sare tiquina ñano yegũ ape macapũ duhti cãhña. Ijirota m̄sare niita niaja. Israe yehpapũ ijiye macarine m̄sa pehoato pano, yũhũ masũ Cohãcjũ ohorigũ ahri yehpapũ tojoa taũtja.

<sup>24</sup> 'Ne ihcãquiro buheriquiro tiquirore yahuriquiro buipũ ijierare. Sa yero cahacjũno gũhũ tiquiro pũhtoro bui cjũno ijierare. <sup>25</sup> Sa yero ohõ saha tũhoturo cahmene buheriquirore: “Yũhure buheriquiro yero sahata ijigũtja”, ni tũhoturo cahmene. Cahacjũno gũhure sata ni tũhoturo cahmene. “Yũhũ pũhtoro yero sahata ijigũtja”, ni tũhoturo cahmene. “Tiquiro bui ijigũtja. Sa yegũ yũhũ pũhtoro tiquiro ñano yũhdũriro sahata ñano yũhdũsi yũhũ pehe”, ni tũhotueraro cahmene. Yũhũ pehe wũhũ cjũno yero saha ijiaja. M̄sa pehe ti wũhũpũ dahrayequina yero saha ijire. Sa yeye masa yũhure “Beelzebũ ijire”, ni yahusãñe, m̄sa gũhure yeequinare ñano ni yahuducuetã tiquina, ni yahuri Jesu.

*“¿Noa pehere cuegũ quehnoajari?” ni yahuahye Jesu  
(Lc 12.2-7)*

<sup>26</sup> Sa ni tuhasa ohõ saha ni nemori:

—Sa yena m̄sare ñano yeyequinare cueracãhña. Masa tiquina yahuerarire came apequina masieta. Sa yeye tiquina nũori gũhure apequina masieta. <sup>27</sup> M̄sare tũhoerogã yũhũ yahurire peyequina masa watoa buhe turiaya m̄sa. <sup>28</sup> Masũnore wejẽñequina tiquiro pagũ dihitare wejẽne. Tiquiro jeripohna yarierare. Sa yena m̄sare wejẽ duayequinare cueracãhña. Cohãcjũ pehere cueya. Tiquiro m̄sa pagũrire, m̄sa jeripohnari gũhure pecapũ cohã masine. Sa yena tiquiro pehere cueya.

<sup>29</sup> 'Pũaro siripia wapa mariedare. Tiquina sa wapa mariedapegũta ihcãquirogãre Cohãcjũ ne boerare. Cohãcjũ dutieragũ ne yarierare tiquirogã. <sup>30</sup> Sa yero m̄sa poarire ne ihcã poa da dũhsaro marieno masi pehore Cohãcjũ. Sata m̄sa ijiye tiye gũhure masi pehore Cohãcjũ. Sa masino m̄sare ihña ihboducure. <sup>31</sup> Siripiare tiquiro cahũno yũhdũoro, m̄sa pehere cahũne Cohãcjũ. Sa yena pajiro tũhotueracãhña m̄sa.

*Jesure m̄sa wacũ tutuarire yahuya masare  
(Lc 12.8-9)*

<sup>32</sup> 'Ihcãquiro “Jesu yaquiro ijiaja”, masare tiquiro ni yahugũ yũhũ gũhũ tiquirore “Yaquiro ijire”, ni yahugũtja yũhũ Pacũre ùhmũse cjũnore. <sup>33</sup> Sa ijiepegũta ihcãquiro “Jesu yaquiro ijieraja”, masare tiquiro nigũ yũhũ gũhũ “Yaquiro ijierare tiquiro”, ni yahugũtja yũhũ Pacũre, ni yahuri Jesu.

*Jesu masare tu wagũ yere  
(Lc 12.51-53; 14.26-27)*

<sup>34</sup> Sa ni tuhasa ohõ saha ni yahu nemori:

—¿Dũhse ni tũhotuajari m̄sa yũhure? ¿“Tiquiro masare tiquiro buheri bato apequina tiquinare ihña tuhtisi”, ni, tũhotuajari m̄sa? Sa ijierare. Masare yũhũ buheri bato ihquẽquina yeere tũhoeta. Apequina pehe tiquinare ihña tuhtietã. Ihcãno saha ijisi masa. <sup>35</sup> Bũcũna yũhũ buheyere tiquina tũhori buhiri tiquina pohne tiquinare ihña tuhtietã. Bũcũna numia gũhũ yũhũ buheyere tiquina tũhori buhiri tiquina pohna numia tiquinare ihña tuhtietã. Tiquina mareosãnumia yũhũ buheyere tiquina tũhori buhiri

tiquina macu namosãnumia tiquinare ihña tuhtieta. <sup>36</sup> Sa yeye masa tiquina acayere ihña tuhtiequina ijieta.

<sup>37</sup> Yuhure tiquina cahĩboriro yuhduoro tiquina pacusumua pehere cahĩ yuhduucaye, yeequina ijisi tiquina. Yuhure tiquina cahĩboriro yuhduoro tiquina pohne pehere cahĩ yuhduucaye, yeequina ijisi tiquina. <sup>38</sup> Sa yeye apequina curusapu yariariro saha yeequina tiquina ijiri buhiri ñano yuhdueta tiquina gũhũ. Sata ñano yuhdu dueyequina yeequina ijisi tiquina. <sup>39</sup> Masa yuhure wacũno marieno tiquina esa tuharo yeye pecapu wahaeta tiquina. Sa yeye yeere sa yeducuye ijipihtiye decori yuhũ mehna ijieta tiquina, ni yahuri Jesu.

*Mari wapatatire yahuahye Jesu*

(Mr 9.41)

<sup>40</sup> Sa ni tuhasa ohõ saha ni yahu nemori:

—Mũsare yeequinare ihcãquiro quehnoano cahmeno, yuhũ gũhure cahmeno nine tiquiro. Sa yero tiquiro yuhure quehnoano cahmediquiro yuhure ohoriquiro gũhure cahmeno nine. <sup>41</sup> Sa yero Cohãcjũ yere yahuriquiro wapatarota. Tiquirore quehnoano yerota Cohãcjũ. Sa yero tiquiro yere yahuriquiro tiquiro ijigũ ihñano apequiro pehe yahuriquirore quehnoano cahmeno, yahuriquiro yero sahata wapatarota tiquiro gũhũ. Sa ye apequiro quehnoano yeriquiro wapatarota. Sa yero quehnoano yeriquiro tiquiro ijigũ ihñano apequiro pehe tiquirore quehnoano cahmeno, quehnoano yeriquiro yero saha wapatarota tiquiro gũhũ. <sup>42</sup> Yaquirogã ihcãquiro tiquiro ijigũ ihñañe dũhse ijiyequina tiquirogãre acore mehenogã tiquina sihõepẽgũta, potota tiquinare quehnoano yerota Cohãcjũ, ni yahuri Jesu.

## 11

*Ñu wame yeriquiro tiquiro buheyequinare Jesure sinitu dutiro ohoahye*

(Lc 7.18-35)

<sup>1</sup> Hsãre tiquiro buhenare tiquiro sa ni yahuri bato to cahapu ijiye macaripu buhero wahari tiquiro.

<sup>2</sup> Sa ye tiquiro yerire Ñu peresupu ijiriquiro tũhooahye. Sa tũhoro Ñu tiquiro buheyequinare Jesure sinitu dutiro ohoahye. <sup>3</sup> Sa ye Jesu cahapu esa, sinituri tiquina Ñu buheyequina.

—¿Ñu “Yuhũ bato apequiro ahtarota”, tiquiro nidigu ijijari mũhũ? ¿Tiquiro nidigu mũhũ ijieragũ apequirore cohtenatari usã? ni sinituri tiquina pehe Jesure.

<sup>4</sup> Tiquina sa nigũ tũhoro Jesu yuhtiri:

—Yojoꝛũre mũsa tũhorire, mũsa ihñarire Ñure yahuna wahaya: <sup>5</sup> “Caperi bajueyequina ihñare. Tini masieñequina tinine. Cami bucũna quehnoa wahare. Cahmono tũhoeyequina tũhoa wahare. Yariariquina masaa wahare. Tiquina ijipihtiyequinare quehnoa wahagũ yei yuhũ. Sa yegũ pejesũoyequinare quehnoañe buheyere yahuaja. <sup>6</sup> Yuhure tũhoriquiro “Poto ijire”, niniquiro tiquiro bucueriquiro ijire’, nidi”, ni, Ñure yahuna wahaya, nidi Jesu.

<sup>7</sup> Ñu buheyequina tiquina wahari bato, Jesu pehe Ñu ijiye tiyere yahu dũcari peyequina masare:

—Masa marienopũ taare wihnono wẽdoqueo mũjagũ ihñana eserari mũsa. <sup>8</sup> “Quehnoañe suhti tiriquire ihñana wahaũhna”, niedari mũsa masa marienopũ wahana. Quehnoañe suhti tiyequina wapa bũjũyere cũoyequina pũhtoa ye wũhũsepu ijire. <sup>9</sup> Masa marienopũ esana Cohãcjũ yere yahu mũhtariquirore ihñana esari mũsa. Ijirota ijire. Ñu Cohãcjũ yere yahu mũhtariquiro ijire. Apequina Cohãcjũ yere yahu mũhtañequina yuhduoro ijiriquiro ijire tiquiro pehe. <sup>10</sup> Panopũ Cohãcjũ yere tiquina ojoari pũpũ Ñure ohõ saha ni yahuahye:

Mari Pacũ tiquiro macũnore ohõ saha niahye: “Mũhũ pano mũhure yahuyuatiquirore ohogũ niaja”, niahye, ni ojoahye panopũre Ñure.

<sup>11</sup> Músare ijirota niaja. Apequina ijipihtiequina bui ijire Ñu wame yeriquiro. Ahri decoripure tiquiro sa ijiepegũta umhuse cjãno pũhtoro ijiorpũre ijipihtiequina docapũ ijiriquiro pũrita Ñu bui ijire.

<sup>12</sup> Ñu wame yeriquiro tiquiro buhe, wame ye ducagũ peyequina masa umhuse cjãno pũhtoro ijiorpũ tiquina tutuaye mehna, tiquina esa tuharo sajã duamedí. <sup>13</sup> Cohãcjũ yere yahu mũhtaũequina tiquina ojoarire, Cohãcjũ Moiserere tiquiro cũripũ gũhũre buhena Cohãcjũ tiquiro pũhtoro ijiatore masiaja mari. Ñu gũhũ tireta yahuri. <sup>14</sup> “Elia ahtarota”, panorpũ tiquina nidiquirota ijire Ñu pehe. Panorpũ cjẽna tiquina nidire “Poto ijire”, ni duana Ñu tiquina sa nidiquiro tiquiro ijigũ masinata mũsa. <sup>15</sup> Quehnoano tuhoya mũsa ahrire.

<sup>16</sup> ¿Yojoorpũ cjẽna masa yabequina yero saha ijiajari tiquina, mũsa tuhutugũ? Tiquina macanagã yero saha ijire. Apequina tiquina cahmeno saha tiquina yeragũ bucuere tiquinagã. Doeri cjẽ duarorpũ ape dujiye, ohõ saha ni pisupere tiquinagã basi: <sup>17</sup> “Mũsa basatire usã putipemi. ¿Dũhsena mũsa basaerari usã tire putigũ? Usã tutuaro ñehe quea utipe, saũducupemi. ¿Mũsa pehe dũhsena usã mehna utiperari?” niducuriquina yero sahata ijire yojoorpũ cjẽna gũhũ. Yojoorpũ cjẽna tiquina cahmeno saha usã yeragũ ihñaũe bucuere tiquina gũhũ. <sup>18</sup> Tiquina yero saha yena ohõ saha yere mũsa yojoorpũ cjãna. Ñu wame yeriquiro Cohãcjũre ño peoro taro sijiro, vinore sihniedari. Tiquiro sa sihniedagũ ihñana “Watĩnore cũoriquiro ijire”, nimedí mũsa tiquiro pehere. <sup>19</sup> Yũhũ masũ Cohãcjũ ohorigũ ijigũ yũhũ ihya, sihniaja. Yũhũ sa yegũ ihñana ohõ saha nine mũsa yũhũ pehere: “Ihñaña. Ahriquiro pajiro ihyariquiro, queheriquiro ijire. Wapa ne cohteyequina, ñano yeyequina gũhũ tiquina piti tiriquiro ijire tiquiro”, nine mũsa yũhũre. Sa nina macanagã yero saha yahuducuna nine mũsa. Mũsa cahmeno saha usã yeragũ bucuere mũsa. Sa masiedapenata usã ye ihñorire ihñana, Cohãcjũ yere usã masigũ masinata mũsa, nidi Jesu tiquinare.

*Tiquina ñañene bujũa witieyequina ye macari cjẽnare tuhtiahye Jesu*  
(Lc 10.13-15)

<sup>20</sup> Apeye macari cjẽnare tuhtiri Jesu. Ti macarine apeye macari yũhdũoro Cohãcjũ tutuaye mehna ye ihñomedi tiquiro. Tiquiro sa ye ihñoepegũta tiquina ñañe yerire duhuerari tiquina. Sa yero ohõ saha ni tuhtiri Jesu tiquinare.

<sup>21</sup> —Corazĩn cjãna, mũsa ñano yũhdũnata. Betsaida cjãna, mũsa gũhũ ñano yũhdũnata. Mũsa ye macaripũre Cohãcjũ tutuaye mehna ye ihñomi. Tiro wame tiri macare, Sidõ wame tiri maca gũhũre tiquiro tutuaye mehna yũhũ ye ihñogũ ihñaũe panorpũ to cjẽna pehe tiquina ñañene bujũa witiboaga. Sa yeye quehnoañene comesaboaga. Masa dija suhtire saña, peca cjẽ nujuare tiquina bui dahra site peoboaga tiquina ñañene bujũa witiyere ihñoũe. <sup>22</sup> Músare niita niaja. Buhiri dahreati deco ijigũ Cohãcjũ Tiro cjẽna, Sidõ cjẽna yũhdũoro mũsa pehere mũsa ñari buhirire ña yũhdũaro buhiri dahrerota. <sup>23</sup> Capernau cjãna, mũsa esa tuharo umhusepũ waha duamedí. Músare Cohãcjũ pecarpũ cohãnota. Mũsa ya macarpũ Cohãcjũ tutuaye mehna ye ihñomi. Mũsa yũhũre tuhøerari. Sodoma wame tiri macare Cohãcjũ tutuaye mehna yũhũ ye ihñogũ ti maca pehe yojoorpũre ijiboaga. <sup>24</sup> Músare niita niaja. Buhiri dahreri deco ijigũ Cohãcjũ Sodoma cjẽna yũhdũoro, mũsa pehere mũsa ñari buhiri ña yũhdũaro buhiri dahrerota, nidi Jesu ti macari cjẽnare.

—Yũhũ caharpũ sona taya, niahye Jesu  
(Lc 10.21-22)

<sup>25</sup> Ti pjere ohõ saha nidi Jesu tiquiro Pacũro mehna yahuducuro:

—Yũhũ Pacũ, mũhũ umhuse cjẽna pũhto, ahri yehpa cjẽna pũhto ijire. Ahri mũhũ buheyere “Quehnoano masina ijiaja usã”, niñequinare masigũ yerare mũhũ. Buhe pehoeyequina pehere mũhũ yere masigũ yere mũhũ. Mũhũ sa yegũ, “Quehnoare”, niaja yũhũ mũhũre. <sup>26</sup> Sata ijire. Tiquina pehere masigũ cahmedi mũhũ, nidi Jesu tiquiro Pacũrore.



<sup>27</sup> Sa yero masare ohõ saha ni yahu nemori:

—Yũhũ Pacũ ijipihiyere yũhũre ohori. Tiquiro dihita yũhũre quehnoano masine. Sa yena usã dihita yũhũ masi dutiyequina mehna yũhũ Pacũre masiaja usã. <sup>28</sup> Mũsa ñañe apee boro nũcũñe yero saha ijire. Nũcũñene wũana mũsa tahrĩno saha ñañene wahyia wahare mũsa. Sa wahyiarina ijina yũhũre cahmeña mũsa. Mũsare sogũ yeitja. Mũsa ñañe yeyere duhugũ yeitja. <sup>29</sup> Yũhũ dutiyere yeya. Yeere quehnoano masiña. Yũhũ paja ihñagũ ijiaja. Sa yegũ yũhdũdũcaegũ ijiaja. Yũhũ sa ijigũ yeere quehnoano masiña mũsa. Sa yena soye mehna quehnoano jeripohna tinata mũsa. <sup>30</sup> Yeere mũsa yegũ mijoedare. Sa yero mũsa wũaye ti nũcũedarõ sahata yũhũ pehe mũsare mehenogã ye dutiaja, nidi Jesu.

## 12

*Judio masa tiquina sori decore trigore peheahye Jesu buheyequina*

(Mr 2.23-28; Lc 6.1-5)

<sup>1</sup> Mehenogã tiquiro sa ni buheri bato saurũ ijigũ usã Jesu mehna trigo wesepũ esau. Usã tiquiro buhena mũja ahbana, trigore pehe, ihyã tuhãsa, yũhdũ cãã wahau usã. <sup>2</sup> Usã sa yegũ ihñañe, fariseo masa Jesure ohõ saha nidi:

—Tũhorĩña usãre. ¿Dũhse ye mũhũ buheyequina saurũ mari sori deco ijiepegũta dahrajari? Marine dutiyere yũhdũdũcaye nine, nidi tiquina.

<sup>3-4</sup> Jesu yũhtiri. “Yũhũ buheyequina yũhdũdũcaye niedare”, ni yahuro taro ohõ saha ni yũhtiri:

—Davi tiquiro mehna cjẽna mehna mũja ahbarõ Cohãcjũ wũhũpũ sajã, Cohãcjũ ye pãre ihyahye. Ti pãre pahia dihita ihyãe tiahye. Cohãcjũ dutiyere tiquina ojoari pũ apeqũnare ti pãre ihyã dutierare. ¿Davi gũhũ tire tiquina yerire Cohãcjũ ojoari pũpũ buherari mũsa? (Ti pãre ihyãro Cohãcjũre yũhdũdũcarõ niedahye. Miãre ahri pjerire ihyãye yũhũ buheyequina gũhũ Cohãcjũre yũhdũdũcaye niedare.) <sup>5</sup> Sa ye Cohãcjũ wũhũpũ dahrayequina pahia ne soerare mari soye decorire. Sa soerapeta Cohãcjũ dutiyere yũhdũdũcayequina ijierare. ¿Tire buherari mũsa Cohãcjũ Moiserẽ tiquiro cũri pũpũ? <sup>6</sup> Mũsare niita niaja. Cohãcjũ wũhũre ñõ peona ti wũhũpũ dahrayequina tiquina soeragũ ihñãepenata “Quehnoanota”, nine mũsa. Ti wũhũ yũhdũoro yũhũ pehere ñõ peoro cahmene. <sup>7</sup> Cohãcjũ yere tiquina ojoari pũ ohõ saha nine: “Wahiquinare wejẽ, mũja mũoñe mehna yũhũre mũsa ñõ peogũ cahmedaja. Apeqũnare mũsa paja ihñagũ pehere cahmeaja yũhũ”, nine tiquiro yere tiquina ojoari pũ. Tiquiro sa nidire mũsa quehnoano tũhona, yũhũ buheyequinare tiquina buhiri mariedapegũta tiquinare tuhtieraboaga mũsa. <sup>8</sup> Yũhũ masũ Cohãcjũ ohorigũ ahri deco saurũ decore masa tiquina yeatire yahugũ ijigũ pũhto ijiaja, nidi Jesu fariseo masare.

*Omoca bũhariquiro quiti ijire*

(Mr 3.1-6; Lc 6.6-11)

<sup>9</sup> Tiquiro sa nidi bato waha, judio masa mari buheri wũhũpũ esau usã Jesu mehna. <sup>10</sup> Topũ omoca bũhariquiro ijiri. Sa yeye fariseo masa pehe Jesure yahusãñe tehe, tiquirore sinituri:

—Saurũ decore mari sori decore masũnore yũhdũo dutierare Cohãcjũ. ¿Sata ijiajari, mũhũ tũhotugũ? ni sinituri tiquina.

<sup>11</sup> Jesu yũhtiri tiquinare:

—¿Mũsa yaquiro oveja saurũ ijigũ copepũ tiquiro bora sajãgũ tiquirore ne wioeraboagari mũsa? Ne wionata mũsa. <sup>12</sup> Oveja yũhdũoro ijire masũno pehe Cohãcjũ tiquiro ihñagũ. Sa yero saurũ ijigũ quehnoañene mari yegũ quehnoarĩne, ni yũhtiri Jesu tiquinare.

<sup>13</sup> Tiquiro sa nidi bato omoca bũhariquirore ohõ saha nidi:

—Mũhũ omocare siõ potoya, nidi tiquiro.

Tiquiro sa nigũ omoca bũhariquiro pehe siõ poto, omoca quehnoa wahari ape omoca quehnoari omoca yero saha. <sup>14</sup> Sori decore tiquiro sa yegũ ihñañe, fariseo masa waha, tiquina basi ohõ saha niahye:

—¿Dũhse Jesure wejẽnatari mari? niahye tiquina basi.

*Cohãcjũ* yere yahu mũhtariquiro panopũ cjũno Jesure yahuahye

<sup>15</sup> Jesu tiquina sa nidire masino, waha wahari. Tiquiro sa wahagũ peyequina masa tiquirore nũnũ tãri. Sa yero tiquiro pehe ijipihitiyequina tiquina mehna cjẽnare dohatiyequinare yũhdũgũ yeri. <sup>16</sup> Sa yero dohatiyequinare tiquinare tiquiro yũhdũorire apequinare yahu site dutierari tiquiro. <sup>17</sup> Sa dohatiyequinare yũhdũgũ yero, Cohãcjũ yere yahu mũhtariquiro Isaia panopũ tiquiro ni ojoariro sahata yero nidi Jesu. Ohõ saha ni ojoahye Isaia:

<sup>18</sup> Ohõ saha nine Cohãcjũ: “Ahriquiro yũhũ cahacjũno ijire. Tiquiro yũhũ beseriquiro ijire. Tiquirore cahãja. Sa yegũ tiquiro mehna bucueaja. Yaquiro Espĩriture tiquirore ohogũtja. Sa yero yũhũ tutuaye mehna ijipihitiyequina masare yũhũ buheyere yahurota tiquiro. <sup>19</sup> Sa yahuro tiquiro ne purĩno mehna yahusi. Sa yero sañuducusi. Sa yero maca cjã mahapũ peyequina masa watoa tiquiro tutuaro sañuducu yahusi. <sup>20</sup> Wũjũgũ nuhrino cuadu tiquiro nuhriedagũ yero saha masa gũhũre quehnoano yerota tiquiro. Mehenogã Ʃjũri pecare tiquiro yatigũ yeraro saha masa gũhũre quehnoano yerota tiquiro. Sata yeducurota tiquiro watĩnore tiquiro yũhdũdũcato pano. <sup>21</sup> Sa yeye peyequina masa tiquirore wacũ tutueta”, nine Cohãcjũ, ni ojoahye Isaia.

—*Jesu watĩno tutuayere* cũore, ni yahusãhye masa

(*Mr 3.20-30; Lc 11.14-23; 12.10*)

<sup>22</sup> Ihcã deco watĩno cũoriquirore masa ne cãhtari Jesu cahapũ. Tiquiro pehe watĩnore cũoro yahuducu masiedari. Sa yero caperi ne bajuerari. Tiquina sa ne wihigũ ihñano, yũhdũgũ yeri Jesu tiquirore. Tiquiro sa yegũ watĩno cũoriquiro ihña, yahuducuri.

<sup>23</sup> Tiquiro sa wahagũ ihñañe, masa ihña maria wahari.

—¿Ahriquiro Davi panamino iji turiariquiro masare yũhdũoatiquiro ijajari? nidi tiquina basi.

<sup>24</sup> Jesu watĩare tiquiro cohãrĩre tũhoye fariseo masa ohõ saha ni tũhoturi:

—Beelzebú watĩa pũhtoro tiquiro tutuaye mehna watĩare cohãre Jesu, ni tũhoturi tiquina.

<sup>25</sup> Tiquina sa ni tũhotugũ masino, Jesu queoye mehna yahuri tiquinare, “Watĩno ye tutuaye mehna watĩare cohãgũ niedaja”, nino taro:

—Ihcã yehpa cjẽna tiquina basi cahmequeñe, ti yehpa cjẽna waha pihtia wahaboaga. Ihcã maca cjẽna tiquina basi cahmequeñe ti maca cjẽna waha pihtia wahaboaga. Ihcã wũhũ cjẽna gũhũ sata wahaboaga. <sup>26</sup> Sa yeye Beelzebú watĩa pũhtoro pehe watĩare cohãno, tiquina watĩa tiquina basi cahmequeñe niboaga. Sa ye tiquina gũhũ waha pihtia wahaboaga. <sup>27</sup> Ohõ saha ni yahusãre mũsa yũhũre: “Tiquiro Beelzebú yedohoye mehna watĩare cohãre”, ni yahusãre mũsa. Mũsa mehna cjẽna gũhũ watĩare cohãre. ¿Watĩno tiquiro tutuaye mehna watĩare cohãjari tiquina gũhũ, mũsa ihñagũ? Sa cohãedare. Tire masine mũsa. Yũhũ gũhũ watĩno tutuaye mehna watĩare cohãedaja. <sup>28</sup> Sa yegũ yũhũ pehe watĩare cohãgũ Cohãcjũ yaquiro Espĩritu tutuaye mehna tiquinare cohãja. Yũhũ sa cohãgũ ihñana ohõ saha masiña mũsa: Cohãcjũ masa bui pũhtoro ahri yehpapũre iji tuhasare yojopũre.

<sup>29</sup> Ohõ sahata ijire queoye mehna mari buhegũ: Tutuariquiro ya wũhũpũ apequiro sajã sa yaque masiedare. Tutuariquirore dũhteraro tiquiro ya wũhũpũ sajã sa yaque masiedare. Tutuariquirore tiquiro dũhteri bato sajã sa yaque masine, ni yahuri Jesu.

(Sa ni yahuri, watĩnore tiquiro yũhdũdũcarire yahuro. Watĩno tutuariquiro tiquiro ijiepegũta Jesu tiquirore yũhdũdũcare watĩare cohãno.)

Sa ni tuhasa ohõ saha ni yahu nemori Jesu.

<sup>30</sup> —Ihcãquiro yũhũre cahmedaro, yũhũre ihña tuhtiriquire ijire. Ihcãquiro yũhũre yedohoeraro, yũhũre wape tigũ yero nine.

<sup>31</sup> 'Sa yegũ mũsare poto niita niaja yũhũ. Ijipihtiye ñañene masa tiquina yegũ, yahuducugũ gũhũre Cohãcjũ bo masine. Sa boeperota Espiritu Santore tiquina ñano ni yahuducugũ ti pũritare ne bosì. <sup>32</sup> Yũhũre masũ Cohãcjũ ohorigure yũhũre tiquina ñano ni yahuducurire bo masine Cohãcjũ. Espiritu Santo pehere tiquina ñano ni yahuducurire ne bosì Cohãcjũ. Yojoþure, deco pihtigũ gũhũre tiquina sa nidire bosì tiquiro, ni buheri Jesu tiquinare.

*Masa tiquina yahuducuyere tũhona tiquina ijiye tiyere masiaja mari*  
(Lc 6.43-45)

<sup>33</sup> Sa yero queoye mehna buhero ohõ saha ni yahu nemori tiquinare:

—Quehnoadũ yucũgũ quehnoañene dũca tire. Ñadũ yucũgũ ñañene dũca tire. Yucũgũ dũcare masina “Tũ dũcata ijire”, ni masiaja mari. Mari sa masino saha masa tiquina yahuducuyere tũhona tiquina ijiye tiyere masiaja mari. <sup>34</sup> Aña yero saha ñana ijire mũsa. Mũsa ñana ijina, quehnoañene ni masiedare mũsa. Mari wacũnerũ mari tũhoturiro sahata mari dũseropũ wijiare. <sup>35</sup> Quehnoariquire quehnoañene tũhoture. Sa yero quehnoañene yahuducure. Ñariquire ñañene tũhoture. Sa yero ñañene yahuducure. <sup>36</sup> Quehnoano tũhotu yahuducuna ijiya mũsa. Quehnoano yahuducuerana, buhiri dahreati deco ijigũ mũsa sa ni maca cãrire Cohãcjũre yahu yũhdũnata. <sup>37</sup> Queoro mũsa yahuducurire masino “Quehnoana ijire”, ninota Cohãcjũ. Sa yero ñano mũsa yahuducurire masino “Ñana ijire”, ninota tiquiro, nidi Jesu tiquinare.

*Masa ñañequina Jesure Cohãcjũ tutuaye mehna ye ihño dutiahye*  
(Mr 8.12; Lc 11.29-32)

<sup>38</sup> Tiquiro sa nidi bato mari judio masare buheyequina, fariseo masa gũhũ tiquirore ohõ saha nidi:

—Buhegũ, Cohãcjũ ohorigũ ijigũ Cohãcjũ tutuaye mehna ye ihñoña usãre, nimedi tiquina.

<sup>39</sup> Jesu yũhtiri:

—Yojoþũ cjẽna ñañequina, Cohãcjũre cahmeeñequina Cohãcjũ tutuaye mehna yũhũ ye ihñogũ ihña duamene. Tiquina sa ihña duepegũta Cohãcjũ yere yahu mũhtariquire Jona panopũ cjãnore Cohãcjũ tiquiro tutuaye mehna tiquiro yeri dihitarre ye ihñonota masare. <sup>40</sup> Jona ihtia deco waro pajiriquire wahi paa puharũ ijiahye. Tiquiro sa wahariro sahata yũhũ gũhũ masũ Cohãcjũ ohorigũ ihtia deco waro masa coreþũ ijigũta. <sup>41</sup> Nĩnive cjẽna pehe Jona Cohãcjũ yere tiquiro yahurire tũhoye tiquina ñañe yerire bujũa witiahye. Sa bujũa witiyequina ijiye buhiri dahreati deco ijigũ tiquina yojoþũ cjẽnare tiquina ñañene bujũa witiyequinare “Ñañequina ijire”, ni, yahusãeta. Jona tiquinare Cohãcjũ yere tiquiro yahugũ tũhoye quehnoañene cahmeahye tiquina pehe. Sa cahmeñe quehnoano yeye niahye yojoþũ cjẽna yũhdũoro. Sa yeye tiquina yojoþũ cjẽnare yahusãeta. Mũsare niita niaja. Yojoþũ mũsare yũhũ buheye Jona tiquiro buheri yũhdũoro ijire. <sup>42</sup> Sa ye buhiri dahreati deco ijigũ þũhtoro sur cjõno panopũ cjõno ducu, yojoþũ cjẽnare “Ñañequina ijire”, ni yahusãnota ticoro gũhũ. Ticoro Salomo panopũ cjõno tiquiro masiñene tũho duaro yoaropũ ahri yehpa ape sieþũ ijiricoro Salomore tũhoro ahtahye. Sa yero quehnoano yero niahye yojoþũ cjẽna yũhdũoro. Sa yero ticoro yahusãnota yojoþũ cjẽnare. Mũsare niita niaja. Yojoþũ mũsare yũhũ buheri Salomo tiquiro buheri yũhdũoro ijire, nidi Jesu tiquinare.

*Watĩno pari turi masũnore tiquiro sajãri quitire yahuahye Jesu*  
(Lc 11.24-26)

<sup>43</sup> Sa yero pari turi Jesu tiquiro tũhotuyere mehna ohõ saha ni quiti yahuri tiquinare:

—Watĩno masũno mehna ijiriquire waha, aco marieni yehparũ tini, tiquiro ijiatore macamahye. <sup>44</sup> Sa bocaeraro, ohõ saha ni tũhotuahye tiquiro. “Masũno yũhũ cohãriquire mehnata pari turi ijigũ wahautja”, ni tũhotuahye tiquiro. Sa ni tũhoturo tojoaa

waha, tiquiro cohãriquioreta bocahe. Sa tiquiro bocagũ masũno pehe quehnoariquiro ijimahye. <sup>45</sup> Sa yero watĩno apequina siete watĩare tiquiro yũhdũoro ñañequinare pijiro wahahye. Tiquiro sa pijigũ tiquina ijipihtiequina tiquiro mehna ijiahye. Masũno pehe to pano ihcãquiro watĩnore cũoro, ñariquiro ijimahye. Caperũ pehere peyequina watĩare cũoriquiro ijiro, to pano tiquiro ijiriro yũhdũoro ña yũhdũariquiro ijiahye. Yojoopũ cjẽna Cohãcjũre cũomediquina tiquirore cohãñe, tiquina gũhũ ña yũhdũayequina waro wahaeta, nidi Jesu tiquinare.

*Jesu acaye tiquirore yahu duahye*

*(Mr 3.31-35; Lc 8.19-21)*

<sup>46</sup> Masare tiquiro sa ni yahuducuri watoa tiquiro pacoro tiquiro bahana mehna sopecahapũ ducu, tiquirore yahu duari. <sup>47</sup> Sa yero ihcãquiro Jesure yahuri:

—Mũhũ paco mũhũ bahana mehna mũhũre yahu duaye sopecahapũ ducuri, nidi.

<sup>48</sup> Tiquiro sa nigũ tũhoro topũ ijieyequinare ohõ saha nidi Jesu tiquinare buhero taro:

—¿Noa ijiajari yũhũ paco, yũhũ bahana gũhũ, mũsa ihñagũ? nidi.

<sup>49</sup> Sa nino, usãre tiquiro buhenare ñupuha, ohõ saha nidi:

—Ahriquina ijire yũhũ paco, yũhũ bahana yero saha ijieyequina. <sup>50</sup> Tiquina yũhũ Pacũ ãhmũse cjũno tiquiro cahmeñene yere. Sa yeyequina yũhũ bahũ, yũhũ baho, yũhũ paco yero saha ijire, nidi Jesu tiquinare.

## 13

*Jesu oteriquiro quitire yahuahye*

*(Mr 4.1-9; Lc 8.4-8)*

<sup>1</sup> Ti decota Jesu wãhũpũ ijiriquiro wijiari. Wijia, ditarapũ waha, ditara dũhtũ cahapũ dujiri. <sup>2</sup> Tiquiro sa dujigũ ihñañe peyequina masa tiquiro cahapũ cahmecoa wahpaa waha, bihsaro yeri Jesure. Sa bihsagũ ihñano yucũsapũ sajã, tiapũ dujiri tiquiro. Masa pehe padũropũ ducuri. <sup>3</sup> Sa yero tiquiro peye queoye mehna yahuri tiquinare, buhero taro. Ohõ saha nidi tiquiro:

—Oteriquiro otero wahahye. <sup>4</sup> Tiquiro sa otero wahagũ apeye pjeri maha dũhtũ cahapũ bora quehe sahye. Topũ bora quehe saye pjerire minicjũa ahta, ihya cãhye. <sup>5</sup> Sa ye apeye pjeri utã paca watoa bora quehe sahye. Utã paca watoa dihta marieda cjũnopũ duita pihnimahye. <sup>6</sup> Sa pihnieperota asũ tutuaro asigũ, nũhcori marieda, ñaia wahahye. <sup>7</sup> Apeye pjeri taa watoa bora quehe sahye. Taa pehe dia yũhdũa waha, oteye pehere wejẽahye. <sup>8</sup> Apeye pjeri quehnoari yehrapũ bora quehe sahye. Quehnoano pihni, dũca tiahye. Apeye cjũ cien pjeri, apeye cjũ sesenta pjeri, apeye cjũ treinta pjeri dũca tiahye. <sup>9</sup> Ahrire quehnoano tũhoya mũsa, nidi Jesu.

*Jesu queoye mehna tiquiro buherire yahuahye*

*(Mr 4.10-12; Lc 8.9-10)*

<sup>10</sup> Tiquiro sa nidi bato usã tiquiro buhena tiquiro cahapũ esa, sinituu usã tiquirore:

—¿Dũhse yegũ masare queoye mehna buheajari mũhũ? ni, sinituu usã.

<sup>11</sup> Jesu yũhtiri:

—Uhmũse cjũno tiquiro pũhoro ijieye panopũ cjẽna tiquina masiedarire mũsare yũhũ buhenare masigũ yere Cohãcjũ. Apequina pehere sa yerare tiquiro. <sup>12</sup> Sa yero masiñequinare masi nemogũ yerota tiquiro. Sa yeye tiquina pehe quehnoano masieta. Masieñequina pehe mehenogã tiquina masiepegũta tiquina pehere masiedagũ yerota tiquiro. <sup>13</sup> Sa yegũ queoye mehna buheaja. Ohõ saha ijire. Yojoopũ cjẽna ihñapeta, ihñedariquina yero saha tojoare. Sa yeye tũhoepeta masiedare. Tire tũhoeyequina yero saha ijire tiquina. <sup>14</sup> Sa ijieyequina ijieye Isaia panopũ cjũno tiquiro ni ojoariro sahata yere tiquina. Ohõ saha ni ojoahye:

Ohõ saha nine Cohãcjũ: “Cohãcjũ yere tũhonata mũsa. Sa tũhoepenata, ne masisi mũsa. <sup>15</sup> Ahriquina masa dapu paca bũtiyequina tojoare. Sa ye tiquina cahmo coperire bihare, ‘tũhoari’, niñe. Tiquina caperire ihmitihãre, ‘ihñari’, niñe.

Sa yeraye quehnoano ihñañe, masiboaga tiquina. Sa ye tuhoye, masiboaga tiquina. Tiquina wacũñepu quehnoano masiboaga. Sa masiñe yuhure Cohãcjũre cahmeboaga tiquina. Sa yuhure cahmegũ tiquina ñañene cohã, tiquinare pecapu wahaboriquinare yuhdugũ yeboaga yuhũ”, nine Cohãcjũ, ni ojoahye Isaia.

<sup>16</sup> Mũsa pehe mũsa caperi mehna ihñana, masine. Mũsa cahmo mehna tuhona, masine. Sa yena bucuena ijire mũsa. <sup>17</sup> Mũsare niita niaja. Yojopu mũsa ihñañene mũsa tuhoyere panopu cjẽna Cohãcjũ yequina tutuaro ihña duamahye. Cohãcjũ yere yahu mũhtariquina gũhu tire tutuaro ihña duamahye. Sa ihña duepeta ne ihñedahye. Yojopu mũsa tuhoye gũhure tutuaro tuho duamahye tiquina. Sa masi duepeta tire masiedahye, ni yahuri Jesu usãre tiquiro buhenare.

*Jesu oteriquiro queoyere yahu pehoahye*

*(Mr 4.13-20; Lc 8.11-15)*

<sup>18</sup> Came Jesu usãre yahu nemori:

—Tuhoya mũsa. Oteriquiro queoyere mũsare yahutja. Yuhure tuhona, quehnoano masiña. <sup>19</sup> Oteye pjeri quehnoañe buheye yero saha ijire. Sa yeye maha dũhtu cahapu borari pjeri quehnoañe buheye yero saha ijire. Sa yeye masa quehnoañe buheyere tuhoepeeta ne masiedare. Sa yero masa quehnoañe buheyere tiquina tuhogũ ihñano watĩno pehe ahta, ti buheyere quehnoañe buheyere masi dutierare masare. Minicjua ti pjerire tiquina dote nediro saha yere watĩno. <sup>20</sup> Sa ye utã paca watoa borari pjeri quehnoañe buheye yero saha ijire. Sa yeye masa quehnoañe buheyere tuho, bucueye mehna duita tire tuho nene. <sup>21</sup> Sa tuho nepeta utã paca watoa ijiye cju nũhcori marieñe cju yero saha ahriquina masa gũhu tutuerare. Sa tutueraye ñano yuhduye, yeequina tiquina ijiri buhiri apequina tiquinare ñano yegũ ihñañe yee pehere duhu cãhre. Apequina tiquinare ñano yegũ tire ihcãno sahaeraye, yeere duhu cãhre. <sup>22</sup> Sa ye taa watoa borari pjeri quehnoañe buheye yero saha ijire. Sa yeye masa quehnoañe buheyere tuhoepeeta, ahri yehpa cjẽne pajiro bujua witi tuhotuye, niñeru pehere cahĩne. Tiquina sa yegũ ti pehe quehnoañe buheyere cahmotare. Sa cahmotagũ masa quehnoañe pehere yerare. <sup>23</sup> Sa ye quehnoari yehpapu borari pjeri quehnoañe buheye yero saha ijire. Sa ye masa quehnoañe buheyere tuhoye, tire quehnoano masine. Sa masiñequina ijiye, Cohãcjũ cahmeno sahata quehnoañene yere tiquina. Ihquẽquina pajiro quehnoañene yere cien pjeri dũca tiro saha. Apequina doca cjũnogã quehnoañene yere sesenta pjeri dũca tiro saha. Apequina mehenogã quehnoañene yere treinta pjeri dũca tiro saha, ni yahuri Jesu usãre.

*Trigo watoa taa diari queoyere yahuahye*

<sup>24</sup> Sa ye pari turi queoye mehna buheri Jesu:

—Uhmũse cjũno tiquiro puhtoro ijiye ohõ saha ijire. Wese upũro tiquiro wesepu quehnoañe pjerire tiquiro oteriro saha ijire uhmũse cjũno tiquiro puhtoro ijiye. <sup>25</sup> Wese upũro ijipihitiyequina tiquiro mehna cjẽna gũhu tiquina carĩno watoa tiquirore ihña tuhtiriquiro ahtahye. Sa ahtarõ trigore ti oteriropu taare oteahye. Ote tuhasa wahaa wahahye. <sup>26</sup> Came trigo pihniahye. Sa ye ti dũca tiro taro yegũ waro diaa wahahye. <sup>27</sup> Sa ye wese upũrore dahra cohteyequina tiquiro cahapu esa, yahuahye: “¿Puhto, quehnoañe pjeri dihitare mũhu wesere mũhu otepegũta, dũhse ye taa gũhu diajari ti wesere?” nidi tiquina. <sup>28</sup> “Yuhure ihña tuhtiriquiro ijiaga ti taare oteriquiro”, niahye wese upũro. “¿Taare usã curegũ cahmeajari mũhu?” nimahye tiquirore dahra cohteyequina. <sup>29</sup> “Taare cureracãhña, ‘Trigo pehere cureari’, nina. <sup>30</sup> Trigo taa mehnata bucuarĩahdo. Dũca nedi pje ijigũ neñequinare ohõ saha niitja: ‘Taare cure mũhtaña. Tuhasa mũsa curerire ujũña. Came trigore peheya. Pehe peho, tire yuhũ ihbõri wũhũpu cũña’, niitja tiquinare”, niahye wese upũro, nidi Jesu, queoye mehna yahuro.

*Mostaza pje queoyere yahuahye Jesu*

*(Mr 4.30-32; Lc 13.18-19)*

<sup>31</sup> Sa ye apeye queoye mehna usãre ohõ saha ni buheri tja:



—Ūhmuse cjūno tiquiro pūhtoro ijiye mostaza pjegā yero saha ijire. Ti pjegā meheni pjegā waro ijire. <sup>32</sup> Ti pjegāre wesepū tiquiro oteri bato, quehnoano pihnine. Sa yero paji yūhdūdū wahare. Sa wahagū minicjua pari ti dūpūripū suhti suhare, ni yahuri Jesu. (Sa nino ohō saha nino niahye. Mostaza pjegā pajidū tū būcuarīro saha ūhmuse cjūnore mari pūhtorore masiñequina meheñequinagā tiquina iji mūhtaepēgūta camerū peyequina wahaeta.)

*Pāre pugū yeye queoyere yahuahye Jesu*  
(Lc 13.20-21)

<sup>33</sup> Sa ye apeye queoye mehna ūsāre ohō saha ni buheri tja:

—Ūhmuse cjūno tiquiro pūhtoro ijiye pāre pugū yeye yero saha ijire. Tire numino ihcā ajuro trigore aco mehna quehnoano tire dahra morene pā būcūatire. Ticoro sa yegū pāre pugū yeye pehe trigore quehnoano sehśaa wahare, nidi Jesu. (Sa nino ohō saha nino niahye. Pāre pugū yeye trigore ti sehśaa waharīro saha ūhmuse cjūnore mari pūhtorore peyequina masa ijipihitiro cjēna masieta.)

*Queoye mehna Jesu tiquiro buherire yahuahye*  
(Mr 4.33-34)

<sup>34</sup> Ahri ijipihitire buhero, queoye mehna yahuri Jesu. Queoye marieno yahuerari tiquiro tiquinare. <sup>35</sup> Sata yeri tiquiro Cohācjū yere yahu mūhtarīquiro ni ojoarīro sahata. Ohō saha ni ojoahye panopū:

Queoye mehna yahutja. Cohācjū ahri yehpare tiquiro bajumehnedi bato ne masare tiquiro yahuerarire yahutja, ni ojoahye Cohācjū yere yahu mūhtarīquiro mūnano.

*Trigo watoa taa diari queoyere yahu pehoahye*

<sup>36</sup> Sa ye masare cohe ti, wūhūpū sajāa wahari Jesu. Sa yena ūsā tiquiro buhena tiquiro cahapū esa, sinituu ūsā:

—Trigo watoa taa diari queoyere yahu pehoya ūsāre, nii ūsā tiquirore.

<sup>37</sup> Jesu yūhtiri ūsāre:

—Wese upūro quehnoañe pjerire oteriquiro yero saha ijiaja yūhū. Yūhū masū Cohācjū ohorigū ijiaja. <sup>38</sup> Wese pehe ahri yehpa yero saha ijire. Quehnoañe pjeri pihniñe ūhmuse cjūno pūhtoro ijiropū ijiatiquina yero saha ijire. Taa pehe watīno yequina yero saha ijire. <sup>39</sup> Wese upūrore ihñā tuhtirīquiro taare oteriquiro watīno yero saha ijire. Tire nedi pje pihtiri deco yero saha ijire. Sa ye trigore neñequina angele yero saha ijire. <sup>40</sup> Taare tiquina cure ūjūarīro saha pihtiri deco ijigū watīno yequinare pecapū cohāeta tiquinare. <sup>41</sup> Yūhū masū Cohācjū ohorigū yequina angelere ohogūtja. Yūhū ohogū angele pehe ñañene ye dutiyequinare, ñañene yeyequinare yūhū pūhtoro ijiropū neañeta. <sup>42</sup> Ne sa tuhasa pecapū cohāeta tiquinare. Topū tiquina tutuaro uti, būjua witiye mehna bahque dihoeta. <sup>43</sup> Sa ye Cohācjū yequina tiquina Pacūro tiquiro pūhtoro ijiropū ijieta. Topū ijiye, asū deco cjūno yero saha quehnoano buhrioeta tiquina. Ahrire quehnoano tūhoya mūsa, ni yahuri Jesu.

*Quehnoa yūhdūyere tiquiro nūorire tiquiro bocari queoyere yahuahye*

<sup>44</sup> Sa ye apeye queoye mehna yahuri tja:

—Ūhmuse cjūno tiquiro pūhtoro ijiye niñeru tiquiro nūori yero saha ijire. Masūno tire wesepū wacūeno mehna boca, pari turi tire nūo nemoahye. Sa bocaro tutuaro bucueahye tiquiro. Sa yero tiquiro bocarire neno taro, ti wesere dú duahye. Sa yero tiquiro yere dua peho, ti wesere dúahye, ni yahuri Jesu. (Sa nino ohō saha nino niahye. Ūhmuse cjūno tiquiro pūhtoro ijiye tiquiro bocari yero saha ijire. Tiquiro bocarire tiquiro tutuaro cahmediro sahata ūhmuse cjūnore masa pūhtorore tiquina masidi bato masa tutuaro cahmene tiquirore.)

*Wapa būjuri pje queoyere yahuahye*

<sup>45</sup> Sa ye apeye queoye mehna yahuri tja:

—Ūhmuse cjāno tiquiro pūhtoro ijiye wapa bųjūye pjerire perla wame tiye pjerire dúriquiro yero saha ijire. <sup>46</sup> Ti pjerire macano quehnoa yūhdūari pjere bocahe. Bocaro, ti pjere dú duaro, ijipihtiyere tiquiro yere dua pehoru wahahye. Sa dua tuhasa ti pjere wapa bųjūri pjere dúahye, nidi Jesu. (Sa nino ohō saha nino niahye. Ti pjere perla pjere tiquiro cahmediro sahata ūhmuse cjūnore masa pūhtoro quehnoano tiquina masidi bato masa tutuaro cahmene tiquirore.)

*Wēñanū queoyere yahuahye*

<sup>47</sup> Sa ye apeye queoye mehna Jesu yahuri tja:

—Ūhmuse cjāno tiquiro pūhtoro ijiye wēñanū tiquina doque ñodu yero saha ijire. Tū wēñanū mehna peyequina wahi sijoro saha ijiyequinare ñehene. <sup>48</sup> Tū wahpaa wahagū wahi wejēñequina pehe ture paduropū weje nųjūa, quehnoañequina wahire besere. Quehnoañequinare tiquina pūhūserū bese sajāre. Ñañequina wahire cohāre. <sup>49</sup> Pihtiri deco ijigū ohō saha ijirota. Angele pehe masare beseeta. Ñañequinare ne wioeta quehnoañequina caharū ijiyequinare. <sup>50</sup> Ne wio, tiquinare pecarū cohāeta. Topū tiquina uti, tutuaro bųjūa witiye mehna upiri bahque dihoeta ñañequina pehe, ni yahuri Jesu.

*Mūna buheyere, wahma buheye gūhūre yahuahye*

<sup>51</sup> Tiquiro sa ni yahuri bato sinituri ūsāre:

—¿Ahri ijipihtiyere tūhoajari mūsa? ni sinituri tiquiro.

—Tūhoaja ūsā, ni yūhtii ūsā.

<sup>52</sup> Ūsā sa nigū tiquiro yahuri ūsāre:

—Judio masare buheyequina ūhmuse cjāno tiquiro pūhtoro ijiyere buheye, pūaro buheyere yahure. Mūna buheyere, wahma buheye gūhūre yahure. Tiquina wūhū upūro yero saha ijire. Tiquiro wūhūpū ijiyere quehnoañene ne wioro, wahmare, mūna gūhūre ne wioro tiquiro, nidi Jesu ūsāre.

*Jesu Nazarepū wahahye*

*(Mr 6.1-6; Lc 4.16-30)*

<sup>53</sup> Ti queoyere tiquiro buheri bato, waha ūsā tiquiro mehna. <sup>54</sup> Waha, tiquiro masari macarū esā. Topū esa, judio masa mari buheye wūhūserū buheri tiquiro. Tiquiro sa buhegū tūhoye, tūho maria wahari tiquina.

—¿Ahriquiro nohopū tūhoyari ahri buheyere? ¿Dūhsero quehnoano masi pehoajari tiquiro? Cohācjū tutuaye mehna ye ihñore tiquiro basi. <sup>55</sup> Ahriquiro taboa dahrariquiro macano ijire. Sa ye tiquiro pacoro María ijire. Sa ye Santiago, José, Simo, Juda, tiquiro bahana ijire. <sup>56</sup> Yojopūre tiquiro bahana numia ahri macarū ijire. Sa yero tiquiro mari yero saha ijiriquiro ijire. ¿Sa ijeperota nohopū tūhoyari tiquiro ahri buheyere? ni yahuducuri tiquina basi.

<sup>57</sup> Sa ye tiquina tiquirore cahmedari. Tiquina sa cahmedagū ihñano ohō saha nidi Jesu tiquinare:

—Cohācjū yere yahu mūhtariquirore apequina ño peore. Tiquina sa ño peoregūta tiquiro ya maca cjēna, tiquiro acaye tiquirore ño peerare. Sa yena yūhūre ño peerare mūsa ohōpū yūhū masarigū ijigū, nidi tiquiro tiquinare.

<sup>58</sup> Sa yero tiquirore tiquina wacū tutueragū ihñano, ti macarū Cohācjū tutuaye mehna peye tahari ye ihñodari Jesu.

## 14

*Ñū wame yeriquiro mūnana yariarire yahuahye*

*(Mr 6.14-29; Lc 9.7-9)*

<sup>1</sup> Ti pjere Herode Galilea cjāno pūhtoro Jesu yerire tūhooahye. <sup>2</sup> Sa tūhooro ohō saha nimahye:

—Ñu wame yeriquiro ijiaga masatjiãno. Sa yero yojopure tiquiro masari bato ahri tutuayere cuore tiquiro bajumehneñene yero, nimahye Herode tiquiro cahacjẽnare. Jesure “Ñuta ijire”, ni tũhotumahye tiquiro Ñure tiquina wejẽdi bato.

<sup>3-5</sup> Sa yero Ñure tiquiro wejẽ dutiato pano Herode tiquiro bahuro Felipe namonore namo tiahye. Tiquiro sa yegũ ihñano Ñu wame yeriquiro Herode pehere ohõ saha nie timahye:

—Mũhũ bahũ namonore namo tigũ Cohãcjũ dutiyere yũhdũdũcagũ nine mũhũ, nie timahye Ñu.

Tiquiro sa nidi buhiri Herode tiquirore wejẽ duamahye. “ Ñu Cohãcjũ yere yahu mũhtariquiro ijire”, ni tũhoturi judio masa”, nino, tiquina pehere cueahye Herode. “Ñure yũhũ wejẽgũ tiquina usuaboaga”, nino tiquinare cueahye. Sa cuero Ñure wejẽ dueramahye. Sa wejẽ dueraperota Herode tiquirore ñehe dũhte duti, peresu yeahye. Tiquiro namono Herodia dutiro mehna sa yeahye Herode. <sup>6</sup> Sa ye Herode masa bajuari deco ijigũ bose deco yeahye tiquiro. Topũ Herodia macono bose deco wihiyequina tiquina ihñonopũ basa ihñoaahye. Ticoro sa basa ihñogũ ihñano Herode bucueahye. Sa bucuero ticorore niahye:

<sup>7</sup> —Cohãcjũ mehna poto niita niaja. Yũhũre mũhũ sinino punota ohogũtja yũhũ mũhũre, niahye Herode pehe Herodia maconore.

<sup>8</sup> Tiquiro sa nigũ tũhoro Herodia ticoro maconore ticoro siniatire yahuahye ticorore. Ticoro sa yahugũ ticoro macono pehe ohõ saha ni siniahye Herodere.

—Ñu wame yeriquiro dapure dũte sure dutiya. Sa yegũ waparo mehna tiquiro dapure ohoya yũhũre, niahye ticoro.

<sup>9</sup> Ticoro sa nigũ tũhoro Herode tutuaro bũjũa witiahye. Masa tiquina ihñonopũ “Ohogũtja mũhũre”, niahye tiquiro. Sa yero tiquiro bũe tiro “Mũhũre ohoeraja”, ni masiedahye ticorore. Sa yero ticoro dutiro sahata Herode pehe tiquiro cahacjẽnare Ñure wejẽ dutiahye. <sup>10</sup> Sa yero Ñu dapure dũte sure dutiahye. <sup>11</sup> Sa dũte sure tuhasa, waparo mehna tiquiro dapure ne cãhtahye tiquina. Herodia maconore tiquiro dapure tiquina ohogũ, ticoro pehe ticoro pacorore yũhdũoahye tja.

<sup>12</sup> Tiquina sa yeri bato Ñu buheyequina ahta, tiquiro pagũre masa copere nea cũahye. Sa cũ tuhasa, tiquina tire Jesure yahuye wihiri.

*Cinco mil masare ihyaye ohoahye Jesu  
(Mr 6.30-44; Lc 9.10-17; Jn 6.1-14)*

<sup>13</sup> Tiquina sa ni yahugũ tũhoro, Jesu usã mehna yucũsapũ sajã, masa marienopũ siho wahari. Jesu topũ wahagũ tũhoye, masa tiquina ye macaripũ ijiriquina ahta, mahapũ tiquirore nũnũ tã cãa wahari. <sup>14</sup> Sa yero usã wahã sari bato tiquiro peyequina masare ihñano, paja ihñari tiquinare. Sa paja ihñano tiquina mehna cjẽna dohatiyequinare yũhdũgũ yeri. <sup>15</sup> Ñamicahapũ usã tiquiro buhena tiquirore ohõ saha nii:

—Ñamicahapũ waharo nine. Ohõ masa marienopũ ijire. Sa yegũ macaripũ masare tiquina ihyatire dú dutiya tiquina pohe tiatire, nimi usã tiquirore.

<sup>16</sup> Jesu yũhtiri usãre:

—Wahaeracãhdo tiquina. Mũsa basita ihyayere ohoya tiquinare, nidi usãre.

<sup>17</sup> —Ihcã omope paca pã paca, wahi pũaro to punota ijire usãre, ni yũhtii usã.

<sup>18</sup> —Tire yũhũre ne cãhtaya mũsa, nidi usãre.

<sup>19</sup> Tiquiro sa nigũ tũhona neaũ usã. Usã ne sari bato taa bui masare tiquiro duji dutiri. Tiquina dujigũ ihcã omope paca pã pacare, pũaro wahire ne, umũsepũ ihña mũo, Cohãcjũre “Quehnoare”, nidi. Sa ninota pã pacare nuhano, usãre tiquiro buhenare ohori. Tiquiro sa ohogũ usã pehe tire masare itii. <sup>20</sup> Sa ye ijipihtiyequina quehnoano ihya, yapi yũhdũa wahari. Tiquina yapi wehorire doce pũhũse waro ne cahmecoa, wahpo dapou usã tiquiro buhena. <sup>21</sup> Topũ tire ihyariquina umũa dihitare queogũ cinco mil umũa ijiri. Numia, macanagã gũhũ ijiri.



*Jesu aco bui tiniahye*

(Mr 6.45-52; Jn 6.16-21)

<sup>22</sup> Came usãre tiquiro buhenare Jesu ditara ape sie pahrêpũ pehãyu dutiri masare tiquiro cohe tiri watoa. <sup>23</sup> Cohe ti tuhasa, cunupũ mũa, Cohãcjũre sinino wahahye. Ñamine topũ tiquiro ihcãquirola ijiahye. <sup>24</sup> Ti pjeta ditara decopũ yucũsa mehna pehãducuna nimi usã. Wihnono tutuaro ahta, pahcõri bũjũye wahcã, yucũsare quẽ sajãri. <sup>25</sup> Sa wahagũ bohrea mũa tato pano Jesu aco bui tini cãhtari usã cahapũ. <sup>26</sup> Usã cahapũ tiquiro ahtagũ ihñana cue nii usã. Sa cuena sañuducumi usã.

—Yariariquiro mũnano pagũ ijire, ni sañuducumi usã.

<sup>27</sup> Usã sa cuegũ ihñano Jesu ohõ saha nidi:

—Ne yũhũre ihña cueracãhña. Yũhũta ijiaja, nidi usãre.

<sup>28</sup> Tiquiro sa nigũ tũhoro Pedro nidi tiquirore:

—Pũhto, potota mũhũta ijigũ, aco bui yũhũre mũhũ cahapũ ducu cã dutiya, nidi tiquiro.

<sup>29</sup> —Ahtaya, ni yũhtiri tiquiro pehe.

Tiquiro sa nigũ Pedro yucũsare dijia, aco bui Jesu cahapũ ducu cãmedi. <sup>30</sup> Wihnono tutuaro ahtagũ ihñano cueri tiquiro. Sa cuero diha dijiaa wahamedi.

—Yũhũre yedohoya pũhto, ni sañuducuri tiquiro Jesure.

<sup>31</sup> Tiquiro sa nigũta tiquiro omocare ñehe,

—Mehenogã wacũ tutuare mũhũ yũhũre. ¿Dũhsegũ yũhũre wacũ tutuerajari mũhũ? nidi tiquiro Pedrore.

<sup>32</sup> Tiquiro sa nidi bato yucũsapũ sajãri tiquina. Tiquina sa sajãri bato wihnono yũhdũa wahari. <sup>33</sup> Sa yena usã tiquiro buhena yucũsapũ ijina Jesure ño peou.

—Potota mũhũ Cohãcjũ macũta ijire, nii usã tiquirore.

*Genesare cjẽna dohatiyequinare yũhdũoahye Jesu*

(Mr 6.53-56)

<sup>34</sup> Sa yeri bato pehã, Genesare wame tiri yehrapũ esau. <sup>35</sup> To cjẽna Jesure ihña masidi. Sa masiñe tiquiro cahapũ ijieyequinare dohatiyequinare ne cãhta dutiri. Sa ye tiquina dohatiyequinare tiquiro cahapũ ne cãhtari.

<sup>36</sup> —Mũhũ suhtiro dũhtũ caha dihitare usãre ñehe tuhu dutiya, ni sinidi tiquina Jesure.

Sa ye tiquiro suhtirore ñehe tuhuriquinape topequinata quehnoa wahari.

## 15

*Masa ñañequina wahagũ yeyere yahuahye Jesu*

(Mr 7.1-23)

<sup>1</sup> Sa ye Jerusalẽ cjẽna, fariseo masa, marine judio masare buheyequina mehna Jesu cahapũ wihiye, sinituri tiquirore:

<sup>2</sup> —¿Dũhse ijiro boro mari acaye bũcũna mũnapũ tiquina dutirire yerajari mũhũ buheyequina pehe? Tiquina ihyato pano tiquina dutiriro sahata omo coserare, nidi tiquina Jesure.

<sup>3</sup> Jesu yũhtiri tiquinare:

—¿Dũhse yena mari acaye panopũ cjẽna ye dutiye dihitare yena tana Cohãcjũ ye dutiye pehere yerajari mũsa pehe? <sup>4</sup> Ohõ saha nine Cohãcjũ: “Mũsa pacũsumũare ño peoya”, nine. Sa yero “Ihcãquirola tiquiro pacũsumũare ñañene qiti dahreriquiro ijiro ti buhiri apequina tiquina wejãtiquiro ijirota”, nine Cohãcjũ. <sup>5</sup> Tiquiro sa niepegũta ohõ saha ye dutire mũsa pehe tiquina pacũsumũare yedoho dutierana: Tiquina pacũsumũare ohoborire Cohãcjũ pehere oho dutire mũsa. Sa ni buhemene mũsa. <sup>6</sup> Sa buhena tiquina pacũsumũare ño peogũ yerare mũsa. Mũsa sa yena Cohãcjũ dutiyere yũhdũducana nine mũsa, mari acaye panopũ cjẽna ye dutiye dihitare yena. <sup>7</sup> Masa tiquina ihñono dihita quehnoano iji mehona ijire mũsa. Cohãcjũ yere yahu mũhtariquiro Isaia mũsare potota yahu ojoahye panopũre:

<sup>8</sup> Ahriquina masa yũhũre quehnoano yahuducuepeta yũhũre ne ño peoerare. <sup>9</sup> Sa ye yũhũre tiquina ñu buheye ne dahseati ijierare. “Cohãcjũ ye dutiye ijire ahri”, ni meho buhere tiquina ye buheye pehere, ni ojoahye Isaia, nidi Jesu fariseo masare, mari judio masare buheyequina gũhũre.

<sup>10</sup> Sa ni tuhasa tiquiropi cahapũ masare pijio, ohõ saha nidi:

<sup>11</sup> —Tũhoya mũsa. Yũhũ niñene quehnoano masiña mũsa. Mũsa dũserire sajãñe pehe mũsa ihyaye pehe mũsare ñana ijigũ yerare. Mũsa ñañe yahuducuye pehe mũsa dũseri wijiaye pehe mũsare ñana ijigũ yere, nidi Jesu.

<sup>12</sup> Tiquiro sa ni buheri bato usã tiquiro buhena pehe tiquirore yahuu.

—Mũhũ sa nigũ tũhoye fariseo masa usuari, ni yahuu usã tiquirore.

<sup>13</sup> Tire tũho, ohõ saha ni yũhtiri usãre:

—Tiquina fariseo masa taa yero saha ijire. Yũhũ Pacũ uhmũse cjũno ijipihtiye oteyere tiquiro oterarire nũhcori mehnata cure, cohãnota. Sata yerota tiquinare. <sup>14</sup> Tiquinare sa ihña cãhña mũsa. Tiquina caperi bajueyequina tiquina ihña masiedaro saha ne Cohãcjũ yere masiedare. Sa ye pecapũ wahaeta. Sa masiedapeta apequina masieñequinare buhe duamedí. Sa ye caperi bajueyequina coperpũ tiquina boraboriro saha tiquina buhenohriquina gũhũ pecapũ wahaeta, nidi Jesu.

<sup>15</sup> Tiquiro sa nigũ tũhoro Pedro nidi:

—Ahri quitire masa tiquina dũseri wijiaye quitire yahu nemoña usãre tja, nidi tiquiro Jesure.

<sup>16</sup> Jesu yũhtiri:

—¿Ne, yojopũ tũhoerajari mũsa? <sup>17</sup> Masa ihyayere ihyagũ tiquina dũseripũ sajãre. Sa ye tiquina paapũ sajã, yũhdũa wahare. Ihyo waro ijire. Mari ihyaye marine ñana wahagũ yerare. ¿Ahrire masiedajari mũsa? <sup>18</sup> Masa dũseripũ wijiaye, tiquina yahuducuye pehe tiquina tũhotuyerpũ ahtare. Tiquina yahuducuye pehe ñañe ijiro, masare ñañequina ijigũ yere. <sup>19</sup> Ñañe tũhotuye, masare wejẽñe, apequiropi namono mehna ñano yeye, ñano yeye numia mehna ñano yeye, yaqueye, ni mehoñe, masare ñañe quiti dahreye masa tũhotuyerpũ ahtare. <sup>20</sup> Ti ñañe pehe masare ñañequina ijigũ yere. Sa yepegũta bucũna yee tiro sahata masa omo coserapeta tiquina ihyagũ ti masare ñañequina ijigũ yerare, nidi Jesu.

*Judio masono ijiericoro Jesure wacũ tutuahye*

(Mr 7.24-30)

<sup>21</sup> Sa ni buhe tuhasa, usãre siho wahari tja. Tiro wame tiri maca cahapũ Sidõ wame tiri maca cahapũ esau usã. <sup>22</sup> Usã topũ esagũ Canaa yehpa cjõno topũ ijiericoro Jesu cahapũ esa, sañuducuri:

—Pũhto, Davi panami iji turiagu masare yũhdũoacjũ, yũhũre paja ihñaña mũhũ. Yũhũ maco watĩnore cũoro, ña yũhdũaro yũhdũari ticoro, ni sañuducuri ticoro.

<sup>23</sup> Ticoro sa niepegũta Jesu yũhtierari. Sa yegũ ihñana usã tiquiro buhena pehe tiquirore ohõ saha nimi.

—Waha dutiya ticorore. Ñano cariboro bisiaga, nimi usã.

<sup>24</sup> Usã sa nigũ tũhoro yũhtiri ticorore:

—Israe masare Cohãcjũre masieñequina dihitare yedoho dutiro ohori yũhũ Pacũ yũhũre, nidi tiquiro.

<sup>25</sup> Tiquiro sa niepegũta Jesu dahpocãri cahapũ dũsepe curi mehna quehe sari ticoro.

—Pũhto, yedohoya yũhũre, nidi ticoro.

<sup>26</sup> Jesu yũhtiri ticorore.

—Ohõ saha ijire ahri: Coã warore wũhũ upũro pohne ye ihyayere diayeare oho mũhtagũ quehnoaedare. Israe masa yere ape yehpa cjẽnare yũhũ oho mũhtagũ quehnoaedare, nidi Jesu ticorore queoye mehna yahuro.

<sup>27</sup> —Sata ijire pũhto. Sa ijiepegũta diayea gũhũ wũhũ upũro mesa docapũ tiquina ihya site boroyere ihya cohtere tiquina gũhũ. Ape yehpa cjõ yũhũ ijiepegũta yũhũ gũhũre yedoho masine mũhũ, ni yũhtiri ticoro.

<sup>28</sup> Ticoro sa nigũ tiquiro yũhtiri:

—Numio, mũhũ yũhũre tutuaro wacũ tutuare. Mũhũ cahmeno sahata sa waharota, nidi Jesu ticorore.

Tiquiro sa nigũta duita quehnoa wahari ticoro macono.

*Peyequina dohatiyequinare yũhdugũ yeahye Jesu*

<sup>29</sup> Sa ni tuhasa usãre siho waha, Galilea wame tiri ditara dũhtũ cahapũ siho esari tja. Esa, mehenũgã cũnũre mũja, tũ buipũ dujiri. <sup>30</sup> Topũ tiquiro ijigũ peyequina masa tini masieñequinare, caperi bajueyequinare, pari yuri wahayequinare, yahuducu masieñequinare, peyequina apequina dohatiyequinare tiquiro cahapũ ne wihiri masa. Ne wihi tuhasa Jesu dahpocãri cahapũ duhu cũri tiquina. Tiquina sa duhu cũri bato quehnoa wahagũ yeri Jesu tiquinare. <sup>31</sup> Tiquiro sa yegũ ihñañe masa ihña maria wahari. Yahuducu masieñequina tiquina yahuducugũ ihñañe, pari yuri wahayequina tiquina quehnoa wahagũ ihñañe, tini masieñequina tiquina tinigũ ihñañe, caperi bajueyequina tiquina ihñañgũ ihñañe, ihña maria wahari tiquina. Sa ye ohõ saha nidi:

—Israe masa usã pũhto, Cohãcjũ tutuagũ, quehnoagũ ijire, ni ño peori tiquina Cohãcjũre.

*Cuatro mil masare ihyayere ohoahye Jesu*

*(Mr 8.1-10)*

<sup>32</sup> Tiquiro sa yeri bato Jesu usãre tiquiro buhenare ohõ saha nidi:

—Ahriquina masa yũhũ mehna ihtia deco waro iji tuhasare. Sa ye pohe mariedare tiquinare. Pohe mariedagũ ihñañgũ tiquinare paja ihñañja. “Tiquina mũña ahbayequina, mahapũ borari”, nigũ tiquinare ihyaye marieno tiquina ye wũhũsepũ waha duti dueraja. Sa yegũ tiquinare pohe oho duaja, nidi tiquiro.

<sup>33</sup> Tiquiro sa nigũ usã tiquiro buhena tiquirore sinituu:

—¿Dũhse mari ohõre masa marienopũre pãre boca ohoboagari mari? nii usã tiquirore.

<sup>34</sup> —¿Nohope paca pã pacare cũojari mũsa? nidi.

—Siete pã pacare, meheñequinagã wahire cũojaja, ni yũhtii usã.

<sup>35</sup> Usã sa nigũ tiquiro masare yehpapũ duji dutiri. <sup>36</sup> Tuhasa siete pã pacare, wahigã gũhũre ne, Cohãcjũre “Quehnoare”, nidi. Sa ninota pã pacare nuha, usãre tiquiro buhenare ohori. Sa yena usã pehe ti ihyayere masare itii. <sup>37</sup> Sa ye masa tire ihya, yapi yũhdũña wahari. Tiquina yapi wehorire siete pũhũse waro ne cahmecoa, wahpo dapou usã. <sup>38</sup> Topũ ihyariquinare mũña dihitare queogũ cuatro mil waro mũña ijiri. Numia, macanagã gũhũ ijiri. <sup>39</sup> Tiquina sa ihya tuhasagũ Jesu masare waha duti, yucũsapũ sajà, Magadán wame tiri yehpapũ usãre siho esari.

## 16

*Fariseo masa, saduceo masa gũhũ Cohãcjũ tutuaye mehna ye ihñogũ ihña duamahye*

*(Mr 8.11-13; Lc 12.54-56)*

<sup>1</sup> Sa ye fariseo masa, saduceo masa mehna Jesu cahapũ wihiri. Tiquiro ñano yegũ ihña duamedi tiquirore yahusã duaye. Sa ye tiquina tiquirore Cohãcjũ tutuaye mehna ye ihño dutimedi tiquiro masiedagũ ihña duaye, “Cohãcjũ ohoriquiro ijierare”, ni duaye.

<sup>2</sup> Tiquina sa ye dutigũ Jesu yũhtiri tiquinare:

—Ñamicahapũ mũmũano sohãgũ ihñana “Quehnoari ñami ijirota”, nine mũsa. <sup>3</sup> Sa yena bohrearo mũmũano sohãgũ, ñicuri deco ijigũ ihñana “Acoro ahtarota”, nine mũsa. Sa quehnoano masiepenata Cohãcjũ tutuaye mehna mũsare yũhũ ye ihñogũ ihñaepenata ne tire quehnoano masiedare mũsa. <sup>4</sup> Yojopũ cjẽna ña yũhdũyequina Cohãcjũre ño peo dueyequina Cohãcjũ tutuaye mehna ye ihñogũ ihña duamene. Ye ihñosi yũhũ. Cohãcjũ yere yahu mũhtariquiro Jona tiquiro dũhse waharire masi tuhasare mũsa. Ti dihitare ihñoutja mũsare, ni yũhtiri Jesu.

Sa ni yahu tuhasa siho waha wahari tja.

*Fariseo masa saduceo masa tiquina ñaÑe buheyere yahuahye Jesu*  
(Mr 8.14-21)

<sup>5</sup> Ditarare usã pehãna, pãre bo cū cã, pehã tari jii usã. <sup>6</sup> Sa yero Jesu usãre yahuri:  
—Quehnoano yeya. Fariseo masa, saduceo masa tiquina ye pã pugũ yeyere ihñana quehnoano yeya. Cuarĩne ti, ni yahuri.

<sup>7</sup> Tiquiro sa nigũ tũhona tũho masiedana, usã basi tire yahuducuu:

—Mari pãre mari ne cãhtaeragũ ihñano sa niaga ahriquiro, nimi usã basi.

<sup>8</sup> Usã sa nidire masino, usãre sinituri:

—¿Dũhsena mũsa pã borire wacũajari mũsa? Mehenogã waro yũhũre wacũ tutuare mũsa. <sup>9</sup> ¿Yojoꝛũ masiedajari mũsa? ¿Cinco mil umũare ihcã omope pã pacare yũhũ nuha ohorire, numia gũhũre yũhũ ohorire wacũedagari mũsa? ¿Nohope pũhũse waro mũsa ne cahmecoa wahpo daporire wacũedagari mũsa? <sup>10</sup> ¿Sa yegũ siete pã pacare nuha, cuatro mil umũare yũhũ ohorire, numia gũhũre yũhũ ohorire wacũedagari mũsa? ¿Nohope pũhũse waro mũsa ne cahmecoa wahpo daporire wacũedagari mũsa? <sup>11</sup> ¿Sa yena pã pugũ yeyere yũhũ yahugũ dũhse yena quehnoano tũhoerajari mũsa? Sa nigũ pã warore nigũ niedaja. Fariseo masa, saduceo masa tiquina pã pugũ yeyere ihñana quehnoano yeya. Cuarĩne ti, ni yahuri usãre tiquiro.

<sup>12</sup> Tiquiro sa ni yahugũꝛũ usã masii. “Pã pugũ yeye”, nino pã warore nino niedari. Sa nino fariseo masa, saduceo masa tiquina buheyere nino nidi. “Tiquina ye buheyere tũhoeracãhña”, nino nidi.

*Jesu poto Cristo tiquiro ijiyere Cohãcjũ ohoriquiro tiquiro ijiyere yahuahye Pedro*  
(Mr 8.27-30; Lc 9.18-21)

<sup>13</sup> Sa ye Jesu mehna wahana, Cesarea Filipino wame tiri maca cahapũ ijiye macaripũ esau usã. Sa yero macapũ sajã sari bato Jesu usãre tiquiro buhenare sinituri:

—¿Noa boro ijiagari yũhũ, masa yũhũre tiquina tũhotugũ? ni sinituri tiquiro.

<sup>14</sup> —“Ñu wame yeriquiro ijire”, nine mũhũre. Apequina “Elia ijire”, nine. Apequina “Jeremia ijiboaga o apequiro Cohãcjũ yere yahu mũhtariquina mehna cjũno mũnano ijiboaga”, nine, ni yũhtii usã tiquirore.

<sup>15</sup> —¿Mũsa pehe mũsa tũhotugũ noa boro ijiagari yũhũ? ni, sinituri tiquiro.

<sup>16</sup> Simo Pedro yũhtiri:

—Mũhũ Cristo Cohãcjũ ohorigũ ijire. Cohãcjũ catiriquiro waro macũ ijire mũhũ, ni yũhtiri Simo Pedro.

<sup>17</sup> —Simo Ñu macũ mũhũ bucuegũ ijire. Ohõ saha ni mũhũ yũhũre yũhtiye masa tiquina yahuri ijierare. Yũhũ Pacũ umũse cjũno pehe tire mũhũre masigũ yeri.

<sup>18</sup> Mũhũre niita niaja. Mũhũ Pedro wame tigũ ijire. (Pedro nino utã nino nine.) Ahri utã paa bui tutuari wũhũre yũhũ yeboriro saha yeequina pehere wacũ tutuayequina ijigũ yeitja yũhũ. Sa ye yeequina ne pecapũ wahasi. <sup>19</sup> Umũse cjũno mari pũhtoro ijiro cjã sawire mũhũre ohoutja. Sa yegũ ahri yehpare mũhũ ye dutieragũ umũsepũ gũhũre ye dutisi. Ahri yehpare mũhũ ye dutigũ umũsepũ gũhũre ye dutiye ijietta, nidi Jesu.

<sup>20</sup> Tiquiro sa nidi bato usãre tiquiro buhenare ohõ saha nidi:

—Yũhũre “Cristo ijire tiquiro”, ni yahu sitenedacãhña apequinare, ni, dutiri usãre.

*Jesu tiquiro yaria masa wijiatiye yahuahye*  
(Mr 8.31-9.1; Lc 9.22-27)

<sup>21</sup> Ti pjeta Jesu usãre tiquiro buhenare quehnoano yahu peho dũcari:

—Jerusalẽꝛũ yũhũre waharo cahmene yojoꝛũre. Topũ judio masa mari bucũna, mari pahia pũhtoa, marine judio masare buheyequina gũhũ yũhũre ñano yeeta. Yũhũre wejẽeta. Sata ñano yũhdũro cahmene yũhũre. Sa yegũ ihtia deco wahaboro masa wijiagũta, ni yahuri usãre tiquiro.

<sup>22</sup> Tiquiro sa nigũ tũhoro Pedro pehe ape sie cjũnogã Jesure ne sadũca, tiquirore ohõ saha nidi:

—Pũhto, mũhũ nino saha sa wahaeracãhdo. Mũhũre tiquina wejẽdacãhdo, nimeri tiquiro Jesure.

<sup>23</sup> Tiquiro sa nigũ tũhoro Jesu majaredũca, tiquirore ohõ saha nidi:

—Satana yero saha yahuducugũ nine mũhũ. Sa niedacãhña. Mũhũ tũhotuye masa ye ijire. Cohãcjũ ye ijierare. Sa yegũ yũhũ yeatire cahmota duare mũhũ, nidi Jesu Pedrore.

<sup>24</sup> Tiquiro sa nidi bato usãre yahuri:

—Ihcãquiro yaquiro iji duaro, tiquiro cahmeno ye duamedire duhu cãnota. Sa yero yaquiro tiquiro ijiri buhiri ñano yũhdũeperota yũhũre duhusi. Sa yero yeere yeducuriquiro ijirota. <sup>25</sup> Masũno yũhũre wacũno marieno tiquiro esa tuhoro tiquiro cahmeno sahata yero, pecapũ waharota. Sa yero yeere masũno sa yeducuriquiro ijipihtiyere decori yũhũ mehna uhmũsepu ijirota tiquiro. <sup>26</sup> ¿Ihcãquiro masũno ahri yehpa cjẽne ijipihtiyere cũoriquiro Cohãcjũre cahmedaro pecapũ waharo, yabere wapatajari tiquiro? Sa ijiriquiro ne wapataerare. Pecapũ tiquiro jeripohna wahagũ ne dũhse wapa ye wioro basioerare. <sup>27</sup> Yũhũ masũ Cohãcjũ ohorigũ yeequina angele mehna ahri yehrapũ tojoa tagũ yũhũ Pacũ asi siteye mehna tojoa tagũ ijipihtiyequina masare tiquina ñaũe yeri buhiri buhiri dahreitja. Tiquina quehnoañe pehere yegũ quehnoano yeitja tiquinare. <sup>28</sup> Ijirota mũsare yahutja. Ihuẽquina mũsa ohõpũre ijina mũsa yariato pano yũhũre yũhũ pũhto sajãgũ ihñanata, ni yahuri Jesu.

## 17

*Jesu tiquiro pagũre comesahye*

*(Mr 9.2-13; Lc 9.28-36)*

<sup>1</sup> Sa ye seis decori bato Jesu Pedrore, Santiagore tiquiro bahũro Ñu gũhũre uhmũanũ cũnũpũ tiquina dihitare piji mũjari. <sup>2</sup> Uhmũanopũ tiquina esari bato tiquina ihñonopũ tiquiro pagũre comesahye. Tiquiro wũhdoa asũ deco cjũno yero saha asi siteahye. Sa yero tiquiro suhtiro buhrioro yero saha yehsero wahahye. <sup>3</sup> Sa ye Jesu Moise mũnano, Elia mũnano mehna tiquina yahuducugũ ihñahye tiquina ihtiaro buheyequina. <sup>4</sup> Sa yero Pedro Jesure nimahye:

—Pũhto, mari ohõpũ ijigũ quehnoa duare. Mũhũ cahmegũ ihtia wũhũgã yeitja. Mũhũ ya wũhũgã, Moise ya wũhũgã, Elia ya wũhũgã yeitja, nimahye tiquiro.

<sup>5</sup> Tiquiro sa ni yahuducuri watoa ehmeo quehnoano asiye ehmeo tiquinare cahmotahye. Sa wahagũ ehmeo watoapũ yahuducuye bisiro ca tahye.

—Ahriquiro yũhũ macũ yũhũ cahĩniquiro ijire. Tiquiro mehna bucueaja. Tiquirore tũhoya, ni yahuducuro ca tahye.

<sup>6</sup> Sa nigũ tũhoye tiquiro buheyequina tũho maria waha, yehrapũ doque quehe sahye.

<sup>7</sup> Tiquina sa wahari bato Jesu tiquina cahapũ esa, tiquinare buacarero, ohõ saha niahye:

—Wahcãdũcaya mũsa. Yojoũre mũsa ihñarire, mũsa tũhori gũhũre cueracãhña, niahye tiquiro tiquinare.

<sup>8</sup> Tiquiro sa nigũ tiquina ihña wahcõ, Jesu dihitare ihñahye. Tiquina ihñariquina pehe mariedahye.

<sup>9</sup> Sa ye cũnũpũ tiquina dijia tagũ Jesu tiquinare tutuaro mehna niahye:

—Mianogãta yũhũ sa waharire apequinare yahueracãhña. Yũhũ masũ Cohãcjũ ohorigũ yũhũ yaria masa wijiari batopũ tire apequinare yahuya mũsa, niahye Jesu.

<sup>10</sup> Tiquiro sa nidi bato Pedro gũhũ tiquirore sinituahye:

—“Cristo masare yũhdũoatiquiro tiquiro ahtato pano Eliare ahta mũhtano cahmene”, nine marine judio masa buheyequina. ¿Dũhse ijiro boro sa niajari tiquina? ni sinituahye tiquina tiquirore.

<sup>11</sup> Jesu yũhtiahye:

—Potota ijire. Eliare ahta mũhta dutiri Cohãcjũ, ijipihtiyere quehno mũhtatiquirore.

<sup>12</sup> Ohõ saha nigũ mũsare nigũ niaja. Elia wihi tuhasari. Tiquiro sa wihiepegũta tiquina tiquirore ne ihña masiedari. Sa ye tiquina dũhse ye duaro yeri jiri tiquirore. Sata yeeta



yũhũ gũhũre. Yũhũ masũ Cohãcjũ ohorigũ ijiája. Tiquina sa yegũ ñano yũhdũgutja yũhũ, niahye Jesu.

<sup>13</sup> Tiquiro sa ni yahugũ tiquina quehnoano tũhoahye. “Elia”, nino, Ñu wame yeriquirore nino niahye. Tire masiahye tiquina.

*Jesu watĩnore* cũoriquirore yũhdũoahye  
(Mr 9.14-29; Lc 9.37-43)

<sup>14</sup> Sa ye peyequina masa cahapũ tiquina dijia tagũ ihñano ihcãquiro ẽmũno Jesu cahapũ esa, dũsepe curi mehna quehe sari.

<sup>15</sup> —Pũhto, yũhũ macũre paja ihñaña. Tiquiro ñama yariayere dohatiriquiro ijire. Sa yero ña yũhdũaro yũhdũare. Peye tahari pecapũ bora sa quehea mũjare tiquiro. Ihquẽ tahari diarũ bora ñojoa mũjare. <sup>16</sup> Sa yegũ mũhũ buheyequina cahapũ tiquirore ne sami. Tiquina tiquirore yũhdũo masiedari, nidi tiquiro Jesure.

<sup>17</sup> Jesu yũhtiri:

—Yojopũ cjãna, ñana ijire mũsa. Yũhũre ne wacũ tutuerare. Yoa yũhdũari pje mũsare buhemi yũhũ. ¿Noho puno yoari pje yũhũre mũsa cariboajari? Tiquirore ne cãhtaya yũhũre, nidi Jesu.

<sup>18</sup> Sa yero watĩnore tiquiro tuhtigãta watĩno pehe masũno mehna ijiriquiro wahaa wahari. Sa wahari batogãta quehnoa wahari tiquiro.

<sup>19</sup> Came usã tiquiro buhena usã sehsharo ijina Jesure sinituu:

—¿Dũhsena usã pehe ahriquiro pehere watĩnore cohã masiedari, mũhũ tũhotugũ? ni sinituu usã.

<sup>20</sup> Jesu yũhtiri:

—Yũhũre mehenogã wacũ tutuare mũsa. Poto mũsare yahugũta niaja. Mostaza capegã meheni pjegã ijire. Ti yero saha Cohãcjũre mehenogã mũsa wacũ tutuana ohõ saha wahagũ ye masinata mũsa. Ahdũ cũnũre “Sohõpũ wahaya”, mũsa nigũ, waharota. Cohãcjũre sata wacũ tutuana, ijipihtiyere ye masine mũsa. [ <sup>21</sup> Sa ijiepegũta ahriquiro boro watĩnore mũsa cohã duana Cohãcjũre tutuaro sinino cahmene mũsare. Sa ye duana sijiro cahmene mũsare Cohãcjũre sinina tana,] nidi Jesu usãre.

*Pari turi Jesu tiquiro yaria masa wijiatiye yahuahye*  
(Mr 9.30-32; Lc 9.43-45)

<sup>22</sup> Sa ye Galilea yehpapũ usã tinigũ, Jesu usãre yahuri:

—Yũhũ masũ Cohãcjũ ohorigũ ijiája. Masa yũhũre ñehe, apeqũnarũre yũhũre ohoeta.

<sup>23</sup> Sa tiquina ohori bato yũhũre wejẽeta. Sa tiquina wejẽgũ ihtia deco wahaboro masa wijiagũta, ni yahuri tiquiro usãre.

Tiquiro sa ni yahugũ tutuaro bũjũa witii usã.

*Cohãcjũ* wũhũ cjẽ wapare sinituahye apeqũna

<sup>24</sup> Sa yena Capernaupũ sajã sagũ, Cohãcjũ wũhũ cjẽ ijiatire wapa ne cohteyequina Pedro cahapũ esa, tiquirore sinituahye.

—¿Mũsare buheriquiro Cohãcjũ wũhũ cjẽ wapa ijiatire wapa yeajari tiquiro? ni sinituahye tiquina.

<sup>25</sup> —Wapa yere tiquiro, ni yũhtiahye Pedro.

Tiquiro sa nidi bato wũhũpũ tiquiro sajãgũ Jesu sinitu mũhtahye Pedrorre:

—¿Simo dũhse ni tũhotuajari mũhũ? ¿Ahri yehpa cjẽna pũhtoa yabequina pehere wapa neajari, mũhũ tũhotugũ? ¿Tiquina mehna cjẽnare wapa neajari? ¿O ape yehpa cjẽna pehere wapa neajari, mũhũ tũhotugũ? ni sinituahye tiquiro Pedrorre.

<sup>26</sup> —Ape yehpa cjẽna pehere wapa nene, ni yũhtiahye Pedro.

Tiquiro sa nigũ Jesu yahuahye:

—Sa yero pũhtoro tiquiro ya yehpa cjẽnare wapa nedari. <sup>27</sup> Sa ijiepegũta wapa ne cohteyequinare usuagũ ye dueraja mari. Sa yena wapa yenata. Ditarapũ wahaya. Topũ esa, yohyeri dare doque ñoña. Sa yegũ wahi mũhũre ihyariquirore weje nũoña. Tiquiro dũseropũ niñeru cjoere bocagũta mũhũ. Ti cjoe queoro wapa tiri cjoe ijirota. Yũhũre,

mũhu gũhũre Cohãcjũ wũhu cjẽna tiquina wapa negũ quehnoano queoro esa tuharota ti cjoere. Ti cjoere bocagũ mari wapamonore wapa yegũ wahaya, niahye Jesu Pedrore.

## 18

*Jesu buheyequina tiquina mehna cjũnore pũhto sũ duamahye*  
(Mr 9.33-37; Lc 9.46-48)

<sup>1</sup> Ti pjere usã tiquiro buhena Jesu cahapũ esa, sinituu tiquirore:

—¿Uhmũse cjũno pũhtoro ijiropũre usã mehna cjũno noa wahaboagari pũhtoro? ni sinituu usã.

<sup>2</sup> Usã sa nigũ Jesu nijinogãre pijio, tiquirogãre usã caha duhu docori. Duhu doco tuhasa, usãre nidi:

<sup>3</sup> —Poto musare yahugũtja. Ahriquina macanagã Cohãcjũre tiquina pũhtoro waro tũhoture. Sa yena musa gũhũ tiquina yero saha tũhotuna, quehnoañene comesana, uhmũse cjũno pũhtoro ijiropũre wahanata. Tiquina yero saha tũhotuerana pũhtoro tiquiro ijiropũre wahasi musa. <sup>4</sup> Sa yero uhmũse cjũno pũhtoro ijiropũre sa tũhotu cãriquiro ahriquiro nijinogã yero saha tũhoturiquirota apequina bui pũhtoro wahare.

<sup>5</sup> Sa yena yeere yena tana ohõ saha ijiyequinagãre cahmena, yũhu gũhũre cahmene musa, ni yahuri Jesu.

*Ñañene yegũ cuarĩne*  
(Mr 9.42-48; Lc 17.1-2)

<sup>6</sup> Sa yero tiquinare yahu nemori:

—Ahriquirrogã yero saha ijiriquiro yũhũre wacũ tutuariquirrogãre yahutja musare. Apequiro ahriquirrogã yero saha ijiriquirore ñañene ye dutiro tiquiro ña yũhdũaro yũhdũrota. Tiquiro wamũare pajiria utãre dũhte yo, pajiri mapũ tiquirore cohãgũ ñano wahaboaga tiquiro. Sa ijipegũta ahriquirrogã yero saha ijiriquirore ñañene ye dutiriquiro tiquiro pehe pajiri mapũ tiquina cohãriquiro yũhdũoro ñano yũhdũrota.

<sup>7</sup> Masare ñañene yegũ ye ye ijire. Tire ye ye ahri yehpa cjẽna ñano yũhdũre. Ñañene yeducure masa. Tiquina sa yegũ tiquinare ñañene yegũ ye yequina pehe ña yũhdũaro yũhdũeta.

<sup>8</sup> Mũhũ omoca mehna ñano yegũ ti omocare mũhũ dũte cohãboro saha ti ñañene duhuya. Tire duhueragũ pecapũ wahagũta. Topũre ne peca yatierare. Mũhũ omocare mũhũ cohãgũ ti si dihita butiboaga. Sa yegũ mũhũ pehe sa bajuri turu ijipegũta came Cohãcjũ mehna ijigũta. Pũa omoca mehna pecapũ wahagũ mũhũ sa wahagũ ña yũhdũaboaga. Sa yegũ ti ñañene duhuya. Mũhũ dahpocã mehna ñano yegũ ti dahpocã gũhũre mũhũ dũte cohãboro saha ti ñañene duhuya. Tire duhueragũ pecapũ wahagũta. Topũre ne peca yatierare. Mũhũ dahpocãre mũhũ cohãgũ ti si dihita butiboaga. Sa yegũ sa bajuri turu ijipegũta came Cohãcjũ mehna ijigũta. Pũa dahpocã mehna pecapũ wahagũ mũhũ sa wahagũ ña yũhdũaboaga. Sa yegũ ti ñañene duhuya. <sup>9</sup> Mũhũ capea mehna ñano yegũ tiare ore we mũhũ cohãboro saha ti ñañene duhuya. Tire duhueragũ pecapũ wahagũta. Topũre ne peca yatierare. Tiare mũhũ cohãgũ tia dihita butiboaga. Ihcã pehe capea mariedapegũta came Cohãcjũ mehna ijigũta. Pũa capea mehna pecapũ wahagũ mũhũ sa wahagũ ña yũhdũaboaga. Sa yegũ ti ñañene duhuya, ni yahuri Jesu.

*Oveja butiriquiro queoyere yahuahye Jesu*  
(Lc 15.3-7)

<sup>10</sup> Sa ni tuhasa ohõ saha ni yahu nemori:

—Ne, ahriquinagãre macanagãre ihña tuhtieracãhña. Musare niita niaja yũhũ. Tiquinagã yeequina angele tiquinagãre cohteyequina uhmũsepũ ijiyequina pehe yũhu Pacũ cahapũ sa ijiducure. [ <sup>11</sup> Yũhũ masũ Cohãcjũ ohorigũ ahri yehpapũ pecapũ wahaboriquinare yũhdũogũ tũũ nii yũhũ,] ni yahuri Jesu.

<sup>12</sup> Sa ni tuhasa tiquiro tũhotuye mehna ohõ saha ni queoye mehna buheri usãre.

—Ovejare cohteriquiro cien ovejare cœoriquiro ihcãquiro oveja butia wahagũ ohõ saha yerota tiquinare cohteriquiro pehe. Apequina ovejare noventa y nueve ovejare tiquina ihyaropũ duhu doco, butiriquirore macano waharota. <sup>13</sup> Ijirota nii niaja mäsare. Tiquirore bocaro bucuerota tiquiro. Apequina noventa y nueve dũhsayequina mehna bucueri tiquiro. Tiquinare tiquiro bucueriro yũhdũoro butiriquiro pehere bocaro tutuaro bucuerota. <sup>14</sup> Sata mari Pacũ ãhmũse cjũno ahriquina ihyo ijiyequina gũhũre pecapũ tiquina wahagũ cahmedare, ni yahuri Jesu.

Mũhũ acayũro mũhũre ñano yegũ ohõ saha ye dutiahye Jesu  
(Lc 17.3)

<sup>15</sup> Sa ni tuhasa ohõ saha ni yahu nemori:

—Mũhũ acayũro mũhũre ñano tiquiro yegũ tiquiro mehna yahugũ wahaya. Mũsa sehsharo tire yahuya. Mũhũ sa yegũ tiquiro mũhũre tũhoboaga. Tiquiro tũhogũ “Mũhũre ne pari turi ohõ saha yesi yũhũ”, tiquiro nigũ mũhũ acayũrore pari turi piti tigũ niaga mũhũ. <sup>16</sup> Mũhũre tiquiro tũho dueragũ pũrita ihcãquiro mehna waha duagũ o pũaro mehna waha duagũ tiquinare piti ti cã, pari turi tiquirore yahuna wahaya. Mũsa sa yena pũana o ihtiana tiquirore mũsa yahusãgũ, “Poto tjire”, ni masieta apequina. <sup>17</sup> Sa yena mũhũ mehna cjẽna gũhũre tiquiro tũho dueragũ ijipihtiyequina Jesu yequina cahmecoañequinare yahusãna wahaya. Sa yena Jesu yequina cahmecoañequinare tiquiro tũho dueragũ ihñana Cohãcjũre ño peo dueriquiro tiquiro ijiro saha yeya tiquirore. Wapa ne cohteriquiro tiquiro ijiro saha yeya tiquirore.

<sup>18</sup> 'Ijirota mäsare niita niaja. Ahri yehrapũ mũsa Jesu yequina ñañene mũsa ye dutieragũ ãhmũserũ gũhũre ye dutisi. Ahri yehrapũ mũsa quehnoañene ye dutigũ ãhmũserũ gũhũre ye dutiye ijirota.

<sup>19</sup> 'Pari turi mäsare yahutja ahrire: Mũsa pũana Cohãcjũre sinigũ, mũsa pũana mũsa sinidire ihcãno saha mũsa tũhotugũ yũhũ Pacũ ãhmũse cjũno tire yerota. <sup>20</sup> Pũaro o ihtiaro yeequina, yeere yeatiquina tiquina cahmecoagũ yũhũ tiquina mehna ijiaja, ni yahuri Jesu.

Cahacjũno apequiro tiquiro wapamonore tiquiro bo duerari quitire yahuahye Jesu

<sup>21</sup> Came Pedro Jesu cahapũ esa, sinituri:

—¿Pũhto, yũhũ acayũro mũhũ yaquiro peye tahari yũhũre ñano tiquiro yegũ ihñagũ nohope tahari tire bogũtari yũhũ? ¿Siete tahari bogũtari yũhũ? ni sinituri Pedro.

<sup>22</sup> Jesu yãhtiri:

—Siete taharita mũhũre apequiro ñano yerire mũhũ bogũ to wahaerare. Peye tahari mũhũre ñano tiquiro yegũ gũhũre boya.

<sup>23</sup> 'Õhmũse cjũno masa pũhtoro tiquiro ijiye ahri queoye yero saha ijire. Ijipihtiyequina masa pũhtoro tiquiro cahacjẽnare tiquirore wapamoñequinare wapa ye peho duti duamahye. <sup>24</sup> Tiquina wapamorire tiquiro queo dũcagũ, tiquirore dahra cohteyequina pehe pajiro wapamoriquire tiquiro cahapũ ne cãhtahye. Wapamoriquire pajĩ yũhdũaro wapamoahye tiquiro pũhtoro. <sup>25</sup> Sa yero tiquiro wapa ye masiedagũ tiquiro pũhtoro tiquirore, tiquiro namonore, tiquiro pohnene cahacjẽna sõ, tiquinare apequinare dua dutimahye. Sa ye ijipihtiye tiquiro cœoye gũhũre dua dutimahye, tiquiro wapamonore wapa ye peho dutiro. <sup>26</sup> Tiquiro sa dua dutigũ pajiro wapamoriquire pehe dũsepe curi mehna quehe sa, tiquiro pũhtoro tutuaro siniahye: “Pũhto, yũhũre paja ihñagũ cohteniña. Mũhũre wapa ye pehoutja”, niahye tiquiro pũhtoro. <sup>27</sup> Tiquiro sa nigũ tũhoro, tiquirore paja ihñano tiquiro wapamonore sata bo cãhye.

<sup>28</sup> Tiquiro sa yeri bato wapamoriquire pehe waha, apequiro cahacjũnore tiquirore mehenogã wapamoriquire boca sahye. Sa boca saro wamũa ñeheahye tiquirore. “Yũhũre mũhũ wapamonore wapa ye pehoya”, niahye tiquiro mehna cjũnore tiquiro yero saha ijiriquire cahacjũnore. <sup>29</sup> Tiquiro sa nigũ apequiro cahacjũno pehe dũsepe curi mehna quehe sa, tiquirore tutuaro sinimahye. “Yũhũre paja ihñagũ mehenogã cohteniña. Mũhũre wapa ye pehoutja”, nimahye apequiro cahacjũno tiquirore. <sup>30</sup> Tiquiro sa



ni siniepegūta yuhtierahye. Sa yero tiquiro apequiro cahacjūnore peresu ye dutiahye. Tee tiquiro wapa ye pehogūpu wioro taro niahye tiquirore. <sup>31</sup> Pajiro wapamoriquire mehenogā wapamoriquire tiquiro sa yegū ihña, usua, apequina cahacjēna pehe tiquina pūhtorore yahusāne wahahye. <sup>32</sup> Tiquina sa ni yahusāgū tūhoro tiquina pūhtoro tiquina yahusāriquire pījio, ohō saha niahye: “Mūhu ña yūhdūagu ijire. Mūhu yūhure tutuaro sinigū mūhu wapamonore bo pehomi yūhu. <sup>33</sup> Mūhure yūhu sa yepegūta mūhu pehe mūhure wapamoriquire boerañohiti. Mūhu wapamono pehere yūhu boriro sahata tiquiro mūhure wapamono gūhure mūhu bogū quehnoa yūhdūaboaga. ¿Dūhsegu tiquirore paja ihñedari mūhu, sa yegū?” niahye pūhtoro tiquirore. <sup>34</sup> Sa nino tutuaro usua, peresu yeahye tiquiro cahacjūnore. Tee tiquiro wapa ye pehogūpu wioro taro niahye, ni yahuri Jesu.

<sup>35</sup> Sa yero ohō saha ni ahri quitire yahu bato tiri:

—Sata yerota yūhu Рачу ũhmūse cjūno mūsare. Mūsa ijipihtina mūsa acaye mūsare tiquina ñano yerire quehnoano mūsa bo pehoeragū tiquiro mūsare buhiri dahrerota, nidi Jesu.

## 19

### *Tiquina namosānumiare cohāñene yahuahye Jesu*

(Mr 10.1-12; Lc 16.18)

<sup>1</sup> Tire tiquiro sa ni yahuri bato tiquiro Galileapu ijiriquire Judea yehpapu ũsāre siho wahari. Jordā wame tiri ma ape sie pahrēpu esau ũsā. <sup>2</sup> Topu ũsā wahagū peyequina masa ũsāre nūnu tā cāri. Tiquina mehna cjēnare dohatieyēquinare yūhdūgū yeri tiquiro.

<sup>3</sup> Sa ye ihquēquina fariseo masa Jesure yahusā duaye, ñano tiquiro yahuducugū tūho duaye, tiquirore sinituri:

—¿Mari namosānumiare cohāgū quehnoaboagari? ¿Mari dutiye pehe sata ye dutiagari, mūhu tūhotugū? ni sinituri tiquina.

<sup>4</sup> Jesu yūhtiri:

—¿Cohācjū yere tiquina ojoari pūpu ne ahrire buherari mūsa? Ohō saha ni ojoahye: “Coā waropūre ahri yehpare bajumehnediquiro ũmūno, numino gūhure yeahye”, ni ojoahye. <sup>5</sup> Sa yero ohō saha ni oja nemoahye: “Sa yero ũmūno tiquiro pacūsumūare cohā wijia, tiquiro namono mehna ijirota. Sa ye tiquina pūaro ijiepetā ihcā pagu yero saha ijire. <sup>6</sup> Sa ye tiquina pūaro yero saha ijierare. Ihcā pagu yero saha ijiye nine. Cohācjū tiquiro omoca dūhte dutiyequina ijire. Sa ye tiquinare cahme duhueraro cahmene”, ni ojoahye, nidi Jesu tiquinare.

<sup>7</sup> Tiquiro sa nigū fariseo masa sinituri tja:

—Mūhu ohō saha ni yahuepegūta ohō saha ni ojoahye Moise pehe: “Mūhu namonore cohā duagu papera pūre tire ojoaya. Sa ojoagu ti pūre mūhu namonore mūhu ohori bato ticorore cohā masine mūhu”, ni ojoahye Moise. ¿Mūhu nino saha ijiepegūta Moise pehe dūhsero ohō saha ni ojoayari? ni yūhtiri tiquina tiquirore.

<sup>8</sup> Jesu yūhti cahmedi tiquinare:

—Cohācjūre mūsa ñecūsumūa panopu cjēna tiquina tūho dueragū ihñano tiquina namosānumiare tiquina cohāgū, “Sata wahacūnahdo”, niahye Moise. Tiquiro sa niepegūta coā waropūre ahri yehpare sa ijierari. <sup>9</sup> Mūsare niita nijā. Masūno tiquiro namono ticoro ñano yerapegūta ticorore cohāno, apecorore namo tiro, tiquiro apecoro mehna ñano yero nine. [Sa yero ahriquire cohāricorore namo tiriquire gūhu ticoro mehna ñano yeriquire ijire,] nidi Jesu.

<sup>10</sup> Tiquina sa nigū tūhona, ũsā tiquiro buhena pehe tiquirore ohō saha nii:

—Sata ũmūno tiquiro namono mehna tiquina cahme cohāedagū mari pehere mari namo tieragū quehnoaboaga, nii ũsā.

<sup>11</sup> Jesu yūhtiri:

—Ihquēquinareta namo ti dutierare Cohācjū. Tiquiro namo ti dutiriquina dihita namo tieta. <sup>12</sup> ũmūare namo ti dutieraye ihquēgā ijire. Ihquēquina ũmūa numiare

cahmeeñequina masa bajuare. Apequina umua masa tiquina apēni tōho tiquina weriquina pehe namo ti masiedare. Apequina umua umuse cjūno tiquina pūhtoro yere yedoho duaye, namo tierare. Sa ye ahriquina namo ti dueyequina sata tūhotu cāhñequina, sata tiquina sohtori tigū quehnoare, nidi Jesu usāre.

*Macanagā ye ijiatire Cohācjūre sini basahye Jesu*  
(Mr 10.13-16; Lc 18.15-17)

<sup>13</sup> Sa ye masa macanagāre Jesu cahapū ne wihiri. Sa ne wihiye, tiquina Jesure tiquiro omocare tiquinagā bui űa peo duti duamedī. Sa ye tiquinagāre Cohācjūre sini basa duti duamedī Jesure. Tiquina sa yegū ihñana usā tiquiro buhena tiquinare tuhtimi. <sup>14</sup> Usā sa tuhtigū ihñano, usāre Jesu ohō saha nidi:

—Macanagā yuhū cahapū ahtaahro. “Waharīsa”, niedacāhña tiquinagāre. Tiquinagā Cohācjūre tiquina pūhtoro tūhoture. Sa ye tiquiro umuse cjūno pūhtoro ijiropū ahriquinagā yero saha tūhotuyequina ijire topūre, nidi Jesu usāre.

<sup>15</sup> Sa ninota tiquiro omocare tiquinagā bui űa peo tuhasa, wahaa wahari.

*Doeri cjē upūro Jesure sinituahye*  
(Mr 10.17-31; Lc 18.18-30)

<sup>16</sup> Tiquiro sa yeri bato ihcāquiro Jesu cahapū wihi, sinituri tiquirore:

—¿Ne quehnoagū buhegū, ijipihtiyē decori Cohācjū mehna iji duagū, quehnoañene ye duagū dūhse yeboagari yuhū? nidi tiquiro.

<sup>17</sup> —¿Dūhse ijiro boro yuhūre quehnoañene sinituajari mūhū? Cohācjū dihita quehnoariquiro ijire. Ijipihtiyē decori Cohācjū mehna iji duagū tiquiro dutiyere yeya, nidi Jesu.

<sup>18</sup> —¿Dise boro dutiyē pehere nigū nijari? ni sinitu nemori tiquiro.

Jesu yūhtiri:

—Masare wejēdacāhña. Wūana tieracāhña. Yaquercāhña. Ni mehoedacāhña.

<sup>19</sup> Mūhū pacusumūare űo peoya. Mūhū basi mūhū cahñino saha mūhū cahapū ijiriquiro gūhūre cahñña. Ahri dutiyere yero cahmene, nidi Jesu.

<sup>20</sup> —Ahri dutiyere ne yūhdūcaera tii yuhū. ¿Dūhse ye nemoagari yuhū ijipihtiyē decori Cohācjū mehna iji duagū? nidi tiquiro Jesure.

<sup>21</sup> Tiquiro sa nigū tūhoro Jesu yahu nemori:

—Mūhū űañe mariegū iji duagū mūhū ye ijipihtiyere duagū wahaya. Sa duagū ijipihtiyē mūhū wapatari niñerure pejecūoyequinare ohoya. Mūhū sa yegū pajiro mūhū ye umūserū, Cohācjū cahapū ijirota. Mūhū sa yeri bato yuhū mehna cjū ijigū ahtaya, ni yahuri Jesu.

<sup>22</sup> Tiquiro sa nigū tūhoro tutuaro būjūa witiri. Tiquiro doeri cjē upūro ijipihtiyē cūoriquiro ijiri. Sa yero Jesu yahugū tūhoro tutuaro būjūa witiri. Pejecūoyequinare oho dueraro wahaa wahari.

<sup>23</sup> Tiquiro sa wahari bato Jesu usāre tiquiro buhenare yahu nemori:

—Ijirota mū sare niita nijaja. Doeri cjē upūro Cohācjū pūhtoro ijiropūre tiquirore waharo basioera cjūre. <sup>24</sup> Mū sare yahu nemoutja: Camello pehe awia copere tiquiro sajā duagū basioerare tiquirore. Tiquiro sa ijiro yūhdūoro doeri cjē upūro Cohācjūre cahmedaro, Cohācjū pūhtoro ijiropūre waharo basioerare, nidi tiquiro.

<sup>25</sup> Tiquiro sa nigū tūhona usā tūho maria waha, usā basi ohō saha nii:

—Aa, dūhse tiquiro nino sahata ijigū, ne ihcāquiro masūno Cohācjū cahapū waha masiedaboaga, nii usā basi.

<sup>26</sup> Usā sa nigū Jesu usāre ihñano, yahuri:

—Masa tiquina esa tuharo tiquina quehnoano yeri mehna Cohācjū cahapū waha masiedare. Cohācjū pehe masare pecapū waboriquinare yūhdūo masine. Tiquiro ijipihtiyere quehnoano ye masi peho cāre, nidi tiquiro usāre.

<sup>27</sup> Tiquiro sa nigū Pedro tiquirore nidi:

—Tuhorĩña. Ɖsã pehe Ɖsã ye ijipihtiyere cū cãu mũhu mehna wahana tana. ¿Ɖsã ohõ saha yena, dũhse ijiyere wapatanatari Ɖsã? nidi tiquiro.

<sup>28</sup> Tiquiro sa nigũ tuhoro ohõ saha nidi Jesu:

—Mũsare niita niaja: Pihitiri deco bato ijipihtiyeha wahma dihita comesaeta. Ti pjeperũ yũhu masũ Cohãcjũ ohorigũ yũhu pũhtoro yũhu dujiropũ asi siteropũ dujiitja yũhu. Topũ yũhu dujigũ mũsa gũhu doce dujiye pahtaripũ pũhtoa tiquina dujiye pahtaripũ dujinata. Sa yena Israe masare doce cururi cjẽnare besenata mũsa quehnoañequina gũhũre, ñañequina gũhũre. <sup>29</sup> Sa ye yeere yena tana mũsa wũhũsere, mũsa bahanare, mũsa pacũsumũare, mũsa pohũnare, mũsa weserire cũrina ijina, pajiro wapatanata. Sa yena ijipihtiyeha decori Cohãcjũ mehna ijinata. <sup>30</sup> Sa ijiepegũta yojopũre peyequina pũhtoa ijiriquina ti pjeperũ ihyo ijiequina tojoaeta. Sa ye yojopũre peyequina ihyo ijiequina ijimediquina ti pjeperũ pũhtoa comesaeta, ni yahuri Jesu Ɖsãre tiquiro buhenare.

## 20

### *Ɖhse wesere dahrayequina queoyere yahuahye Jesu*

<sup>1</sup> Sa ye Jesu pari turi queoye mehna yahu nemori tja:

—Ɖhmũse cjũno masa pũhtoro ijire. Wese upũro queoye mehna tiquiro pũhtoro ijiyere yahutja mũsare. Tiquiro wese upũro bohrea quehagũ tiquiro ya wesere dahra-tiquinare pijiro wahahye. <sup>2</sup> “Ihcã cjoe niũneru cjoe wapa yegũtja ihcã decore”, niahye tiquinare. “Aũ”, niahye dahratiquina. Tiquina sa nigũ wesepũ dahra dutiro ohoahye tiquiro tiquinare. <sup>3</sup> Sa yero decopũ nueve ijigũ doeri cjẽ duaropũ wahahye tiquiro. Topũ esaro, apequina dahraeyequinare ihñahye. <sup>4</sup> Sa ihñano tiquinare niahye: “Mũsa gũhu ya wesere dahrana wahaya. Quehnoano wapa yegũtja”, niahye tiquiro. <sup>5</sup> Sa ye tiquina wesepũ dahraye wahahye. Sa ye wese upũro coheri pje ijigũ, ñamicahapũ tres ijigũ gũhũre dahra dutiahye. <sup>6</sup> Sa ye ñamicahapũ cinco ijigũ doeri cjẽ duaropũ tiquiro wahahye tja. Topũ esa, apequina dahraeyequinare ihñano, tiquinare niahye: “¿Mũsa dũhse yena niajari dahraerapenata ohõpũre?” ni sinituahye tiquinare. <sup>7</sup> “Ne, Ɖsãre dahraye mariedare”, ni yũhtiahye tiquina. “Mũsa gũhu ya wesere dahrana wahaya”, niahye tiquinare. Sa ye tiquiro nidiro sahata tiquiro ya wesere dahraye wahahye.

<sup>8</sup> Sa ye ñamicahapũ dahra duhuri pje ijigũ wese upũro tiquiro dahrayequinare cohteriquirore ohõ saha niahye: “Dahrayequinare pijiya. Tiquina wihigũ tiquinare wapa yeya. Camerũ yũhu dahra dutiriquinare wapa ye mũhtaña. Tiquinare wapa ye tuhasa, apequina gũhũre wapa ye tuhasa, yũhu dahra duti mũhtariquinare wapa ye bato tiya”, niahye tiquiro. <sup>9</sup> Sa yero cinco ijigũ dahra dũcayequinare ihcã cjoe niũneru cjoe wapa yeahye. <sup>10</sup> Tiquiro sa wapa yegũ ihñañe, “Ɖsãre paji cjũnogã wapa yerota”, ni tuhutumahye tiquiro duti mũhtariquina pehe. Tiquina gũhũre ihcãno saha wapa yeahye. <sup>11</sup> Sa ye niũnerure tiquiro wapa yegũ tiquina pũhtoro mehna usuaye, tiquina basi cahme niahye: <sup>12</sup> “Ahriquina Ɖsã batopũ tiquiro dahra dutiriquina pehe ihcã horata dahrari. Ɖsã pehe ihcã deco quehnoano dahra nahñoa wahami. Ñano asũ asiri Ɖsãre. Ɖsã sa yoari pje dahraepẽgũta Ɖsã batopũ dahra dũcariquina gũhũre ihcãno saha wapa yeri tiquiro”, ni usuahye tiquina basi. <sup>13</sup> Ihcãquiro tiquina mehna cjũno tiquiro sa nigũ tuhoro, wese upũro yũhtiahye tiquirore: “Ne yũhu acayũ, ‘Ihcã cjoe niũneru cjoere wapa yegũtja’, nimi mũsare. Yũhu sa nigũ yũhtiri mũsa. Sa yegũ yũhu nidiro sahata mũsare wapa yei yũhu. Queoro wapa yei mũsare. Ne yaquerũ mũsare. <sup>14</sup> Sa yegũ yũhu wapa yerire ne, mũhu ya wũhũpũ tojoarĩsa. Ahriquirore came yũhu dahra dutiriquiro gũhũre mũsare yũhu wapa yeriro punota wapa yegũtja. <sup>15</sup> Yee niũneru ijire ahri. Sa yegũ yũhu cahmeno sahata ahri mehna wapa yegũtja. ¿Apequinare bui cjũnogã yũhu quehnoano wapa yegũ ihña tuhtiajari mũhu?” niahye tiquiro wese upũro, ni yahuri ti queoyere Jesu.

<sup>16</sup> Sa nino, yahu nemori tiquiro:

—Ahri queoye nidiro saha came cjã curua iji mũhtari curua ijirota Ɖhmũserũ. Sa ye iji mũhtari curua pehe tiquina camerũ cjã curua tojoarota Ɖhmũserũ, ni yahuri Jesu.

*Pari turi Jesu tiquiro yaria masa wijiatiye yahuahye**(Mr 10.32-34; Lc 18.31-34)*

<sup>17</sup> Sa ye Jerusalēpū wahaducu, usāre doce tiquiro buhenare pijio tuhasa, ape siepū usāre usā sehsaro neari Jesu. Usā sehsaro usā ijigū usāre yahuri:

<sup>18</sup> —Tuhoya yuhure. Yojoḡpūre Jerusalēpū wahana niaja mari. Topū yuhure masure Cohācjū ohorigūre ñehe, apequnapūre yuhure ohoeta. Pahia pūhtoare, judio masare buheyequina gūhure yuhure ohoeta. Sa ye yuhure wejē dutieta tiquina. <sup>19</sup> Sa wejē dutiye, judio masa ijieyequinare yuhure ohoeta. Tiquina sa ohori bato tiquina pehe yuhure bujūpe, tana, curusapū quē bihaeta yuhure. Sa yegū yuhū yariari bato ihtia deco wahaboro masa wijiagūtja, ni yahuri Jesu usāre.

*Santiago, Ñu mehna tiquina pacoro pehe tiquinare sini basahye Jesure**(Mr 10.35-45)*

<sup>20</sup> Sa ye Zebedeo namono pūaro ticoro pohne mehna Jesu cahapū esa, dūsepe curi mehna quehe sahye tiquirore sinino taro.

<sup>21</sup> —¿Dūhse yuhū yegū cahmeajari mūhū? niahye Jesu ticorore.

—Mūhū pūhto sajāgū yuhū pohñare dutiyequina sōña. Sa yegū mūhū pūa peheripū duji dutiya tiquinare, ni siniahye ticoro.

<sup>22</sup> Jesu ohō saha niahye:

—Mūsa ñano yūhdūatire masiedapenata sa sinine mūsa. ¿Yojoḡpūre yuhū ñano yūhdūato saha mūsa gūhū ñano yūhdūna ihcāno sahaboagari mūsa? niahye Jesu ticoro pohñene.

—Ihcāno sahanata, ni yūhtiahye Santiago, Ñu mehna.

<sup>23</sup> —Ijirota niita niaja mūsa. Yuhū ñano yūhdūato saha ñano yūhdūnata mūsa gūhū. Sa ijiepegūta yuhū mehna dutiatiquinare, yuhū mehna dujiatiquinare bese masiedaja yuhū. Yuhū Pacū pehe quehno tuhasari tire. Sa ye tiquiro beseatiquina dihita yuhū poto pehe yuhū cū pehe pehe dujieta, niahye Jesu tiquinare.

<sup>24</sup> Sa yena usā apequna diez tiquiro buhena pehe Santiago, Ñu ahriquina pūaro mehna usuau usā. Jesure tiquina pacoro ticoro sini basarire tūhona usuau tiquina mehna. <sup>25</sup> Usā sa usuagū ihñano, Jesu usāre ijipihtina tiquiro buhenare pijio cahmeco, yahuri usāre:

—Cohācjūre masieñequina pūhto pehe tiquina masare dutiye, usuaro mehna dutire.

<sup>26</sup> Mūsa pehe ne sa yesi mūsa basi. Mūsa mehna cjūno pūhtoro iji duaro, ijipihtiequina tiquiro mehna cjēna cahacjūno ijiro cahmene tiquirore. <sup>27</sup> Sa yero ijipihtiequinare dutiriquiro iji duaro, apequna cahacjūno ijiro cahmene tiquirore. <sup>28</sup> Sata ijigū ijiaja yuhū gūhū. Yuhū masū Cohācjū ohorigū ahri yehrapūre masare yedohogū ahtaū. Sa yegū peyequina masa ye buhirire yariagū ahtaū nii. Sa yegū masare pecapū wahaboriquinare yūhdūogū ahtaū nii. Masare dutipegū tagū niedū, nidi Jesu usāre.

*Pūaro caperi bajueyequinare ihñagū yeahye Jesu**(Mr 10.46-52; Lc 18.35-43)*

<sup>29</sup> Sa ye Jericópū ijirina usā wahagū peyequina masa Jesure nūnū tāri. <sup>30</sup> Sa ye Jesu tiquiro yūhdūagū pūaro caperi bajueyequina maha dūhtū cahapū dujiyequina tūhori. Sa tūhoye, ohō saha ni sañuducuri:

—Pūhto, Davi mūnano panami iji turiagū, masare yūhdūoacjū, usāre paja ihñaña, ni sañuducuri.

<sup>31</sup> Tiquina sa ni sañuducugū masa pehe tiquinare tuhtiri.

—Dihta mariahña, nidi masa tiquinare.

Tiquina sa tuhtigū tūhoye, to pano tiquina sañuducuriro yūhdūoro sañuducu nemori tja.

—Usā pūhto, Davi mūnano panami iji turiagū, usāre paja ihñaña, ni sañuducu nemori.

<sup>32</sup> Tiquina sa nigū tūhoro Jesu esadūca, tiquinare pijio, sinituri:

—¿Dūhse yuhū yegū cahmeajari mūsa? ni sinituri.

<sup>33</sup> —Pūhto, usāre ihñagū yeya, ni yūhtiri tiquina.

<sup>34</sup> Tiquina sa nigũ Jesu tiquinare paja ihñari. Sa paja ihñano tiquina caperire ña peori. Tiquiro sa ña peogũta tiquina pehe ihñaah wahari. Sa ihñañe, tiquirore nũnũ tã cãa wahari.

## 21

*Jerusalẽpũ esahye Jesu*

*(Mr 11.1-11; Lc 19.28-40; Jn 12.12-19)*

<sup>1</sup> Sa ye Jerusalẽpũ esana tana Betfagé wame tiri macapũ esa mũhtau usã Jesu mehna. Cũnũ Olivo wame tidũ cahapũ Betfagé ijiri. Topũ esaro, usã tiquiro buhena mehna cjẽnare pũaro Jesu tiquiro pano oho mũhtari. <sup>2</sup> Ohõ saha dutiri tiquinare:

—Si macapũ burroare nena wahaya. Topũ esana, duita burrore ticoro macũnogã mehna tiquina dũhte docoricorore bocanata. Tiquinare boca, yuta dare pã, ne cãhta basaya yũhũre. <sup>3</sup> Mũsa sa yegũ ihñano, burroa upũro “¿Dũhsena tana burroare pãjari mũsa?” tiquiro nigũ tũhona ohõ saha ni yũhtiya. “Mari pũhtoro burroare cahmedi. Sa yero mianogã wiarota tiquiro”, ni yũhtiya tiquirore, ni duti ohori Jesu pũaro tiquiro buheyequinare.

<sup>4</sup> Sa yeri Cohãcjũ yere yahu mũhtariquiro tiquiro ni ojoariro sahata. Ohõ sahata ni ojoahye panopũ:

<sup>5</sup> Jerusalẽ cjẽnare ohõ saha ni yahuya:

“Ihñaña mũsa. Mũsa pũhtoro mũsa cahapũ ahtare. Tiquiro quehnoano masa quehnoariquiro ijire. Burro macũnogã bui pesariquiro ahtarota”, ni yahuya Jerusalẽ cjẽnare, ni ojoahye panopũ.

<sup>6</sup> Jesu tiquiro dutiriquina pũaro ti macapũ esa, tiquiro dutiriro sahata yeahye tiquina. <sup>7</sup> Burrore, ticoro macũnogã gũhũre ne cãhta, tiquina bui sañañe suhtire tu we ne, burrogã bui duhu peori tiquina. Tiquina sa yeri bato Jesu tiquirogã bui mũja pjeri, waharo taro. <sup>8</sup> Mũja pje tuhasa, tiquirogã bui Jerusalẽpũ wahari. Tiquiro ahtagũ ihñañe masa peyequina tiquina bui cjẽ suhtire tu we ne, seõ cũ mũhtari tiquiro wahari mahare, Jesure ño peoye. Apequina pehe pũri tiye dũpũrĩre mahapũ cũ mũhtari tiquirore ño peoye. <sup>9</sup> Sa ye tiquiro pano wahayequina, tiquiro bato nũnũ tãñequina mehna sañuducuri:

—Davi panamino iji turiariquirore marine yũhdũoatiquirore ño peouhna. Ahriquiro Cohãcjũ ohoriquiro quehnoano ijiahro. Æhmũse cjẽnore “Tutuagũ ijire”, ni ño peouhna, ni sañuducuri masa.

<sup>10</sup> Sa ye Jerusalẽpũ tiquina esagũ to cjẽna pehe ihña maria wahari.

—¿Noa ijiajari ahriquiro? ni cahme sinituri tiquina.

<sup>11</sup> Apequina masa yũhtiri:

—Ahriquiro Cohãcjũ yere yahu mũhtariquiro Nazare cjũno Jesu wame tiriquiro ijire, ni yahuri tiquina masare.

*Cohãcjũ wũhũpũ esahye Jesu*

*(Mr 11.15-19; Lc 19.45-48; Jn 2.13-22)*

<sup>12</sup> Came Cohãcjũ wũhũpũ esari Jesu. Ti wũhũpũ esa, sajãa wahari. Ti wũhũpũ duayequinare, dúyequina gũhũre cohã wiori tiquiro. Sa yero niñeru comesaye mesarĩre ne majare cũ mũjari. Bujuaare duayequina tiquina dujiye pahtari gũhũre sata yeri. <sup>13</sup> Sa yero tiquinare ohõ saha nidi:

—Cohãcjũ yere tiquina ojoari pũpũ ohõ saha nine: “Ya wũhũ Cohãcjũ mehna yahuducuri wũhũ wame tirota”, nimene tiquiro ojoari pũpũ. Mũsa pehe ahri wũhũpũ duana mũsa basi cahme yaquere mũsa, nidi tiquiro tiquinare.

<sup>14</sup> Tiquiro sa yeri bato caperi bajueyequina, tini masieñequina gũhũ Cohãcjũ wũhũpũ tiquiro cahapũ wihiri. Tiquina sa wihigũ tiquinare yũhdũgũ yeri tiquiro. <sup>15</sup> Sa quehnoañene tiquiro yegũ ihñañe, pahia pũhtoa, marine judio masare buheyequina gũhũ usuari tiquiro mehna. Sa ye macanagã Jesure “Davi panami iji turiagũ, masare yũhdũoacjũ, tutuagũ ijire mũhũ”, tiquina ni ño peogũ tũhoye usuari pari turi tiquina.

<sup>16</sup> Sa usuaye ohõ saha nidi Jesure:



—¿Tiquina sa nigũ tũhoerajari mũhũ? Sa niedacãhdo, ni tuhtiri tiquina Jesure.

—Tiquina sa nigũ tũhoaja. ¿Cohãcjũ ojoari pũpũ ahrire ne buherari mũsa?

Macanagãre Cohãcjũre quehnoano ño peogũ yeri mũhũ, nine Cohãcjũ yere tiquina ojoari pũpũ, nidi Jesu.

<sup>17</sup> Sa ni tuhasa tiquinare cohã cã, Betania wame tiri macapũ esa, ti ñamine topũ ijiri.

*Jesu higuera*gũre yaria dutiahye

(Mr 11.12-14, 20-26)

<sup>18</sup> Ape deco bohrearopũ Jerusalẽpũ tojoaro, ẽjũa ahbari Jesu. <sup>19</sup> Sa ẽjũa ahbaro, maha dũhtũ cahapũ ijidũ higuera

gũ wame tidũre ihñano, tũ dũcare macano wahamedi. Dũca mariedari tũ pehe. Pũri dihita ijiri. Tũ sa ijigũ ihñano Jesu tũre ohõ saha nidi:

—Ahdũ ne pari turi dũca tisi, nidi tiquiro.

Tiquiro sa nigũta duita tũ pehe ñaia wahari. <sup>20</sup> Tũ sa wahagũ ihñana usã tiquiro buhena ihña maria wahau.

—¿Yohou, dũhsero ahdũ duita ñaia wahajari? ni sinituu usã.

<sup>21</sup> Jesu yũhtiri:

—Ahrire wacũña mũsa. Cohãcjũre quehnoano wacũ tutuaya. “Potota sa yerota tiquiro”, nina, ahdũre yũhũ yeriro sahata ye masinata mũsa gũhũ. Sa yena ahdũre yũhũ yaria dutiriro yũhdũoro ye masinata mũsa. Ahdũ cãnũre “Duha ne, pajiri mapũ cohãdũ ijiahro”, mũsa nigũ duha cohãdũ ijirota. <sup>22</sup> Cohãcjũre mũsa wacũ tutuagũ, “Yũhũ sinidiro sahata waharota”, mũsa ni wacũgũ mũsa sinidiro sahata waharota, nidi Jesu usãre.

*Jesure dutiriquirore sinituahye apequina*

(Mr 11.27-33; Lc 20.1-8)

<sup>23</sup> Sa ye Cohãcjũ wũhũpũ tojoa sa, buheri tiquiro. Tiquiro sa buhegũ pahia pũhtoa, mari judio masa bũcũna mehna tiquiro cahapũ wihi, sinituri:

—¿Dũhsegu canũ ñamicahare sa yeari mũhũ? ¿Noa mũhũre tire sa ye dutiari? ni sinituri tiquina.

<sup>24</sup> Tiquina sa nigũ Jesu yũhtiri:

—Mũsa pehere sinitu mũhtagũtja. Quehnoano yũhũre mũsa queoro yũhtigũ mũsare yahutja yũhũ gũhũ. <sup>25</sup> ¿Ñu masare tiquiro wame yegũ noa boro pehe tiquirore wame ye dutiyari, mũsa tũhotugũ? ¿O Cohãcjũ dutierayari? ¿O masa pehe dutiyari, mũsa tũhotugũ? ni sinituri Jesu tiquinare.

Tiquiro sa nigũ tiquina pehe tiquina basi ohõ saha nidi:

—¿Dũhse ni yũhtinatari mari? “Cohãcjũ Ñure dutie tiahye”, mari nigũ, “¿Dũhsena Ñu tiquiro dutiepegũta tũho duerari mũsa?” ni boaga Jesu marine. Sa yena “Cohãcjũ Ñure dutie tiahye”, ni yũhti masiedaja mari. <sup>26</sup> Ahriquina masa pehe “Potota Ñu Cohãcjũ yere yahu mũhtariquiro ijiri”, ni tũhoturi tiquina. Sa ni tũhotuye “Ñu tiquiro wame yegũ Cohãcjũ pehe tiquirore dutierahye”, mari nigũ tũhoye masa usueta mari mehna. Sa yena ti gũhũre yahu masiedaja mari, nidi tiquina basi.

<sup>27</sup> Tiquina sa nidi bato Jesure yũhtiri tiquina.

—Ñure wame ye dutiriquirore usã masiedaga, nidi tiquina.

Tiquina sa nigũ tũhoro ohõ saha nidi Jesu:

—Ti pje pũrita yũhũ gũhũ mũsa sinitu mũhtarire yahueraja mũsare. Yũhũ yerire dutiriquirore yahueraja mũsare, nidi tiquiro tiquinare.

*Pũaro pacũro queoyere yahuahye Jesu*

<sup>28</sup> Tiquiro sa nidi bato Jesu queoye mehna buhe nemori tiquinare:

—¿Ne, dũhse tũhotuajari mũsa ahri queoyere? Pũaro pacũro ijiahye. Wahmino pehere ohõ saha niahye tiquiro pacũro: “Macũ, wesepũ dahragũ wahaya”, niahye.

<sup>29</sup> “Wahaeraja”, ni yũhtimahye tiquiro macũno coã warore. Sa nieperota camerũre wesepũ waha duaro ijiahye tiquirore. Sa yero wahahye tiquiro. <sup>30</sup> Sa yero tiquina pacũro tiquiro macũno dũhsariquiro cahapũ esa, tiquiro wahminore tiquiro dutiriro



sahata wesepu waha dutimahye. “Au”, nimahye dushariquiro. Sa nieperota wahaerahye tiquiro. <sup>31</sup> ¿Diquiro pehe tiquiro pacuro dutiro sahata yeari? ni sinituri Jesu.

—Tiquiro wahmino pehe yeahye, ni yuhtiri tiquina.

Tiquina sa nigū Jesu yahuri:

—Musare niita niaja. Wapa ne cohteyequina, umua mehna ñano yeducuye numia tiquina buipū waro mūsa pehe ña yuhduana ijire. Sa ye Cohācjū puhtoro ijiropure mūsa esaborirore tiquina pehe musare esa muhtaboaga. <sup>32</sup> Ñu wame yeriquiro buhero musare “Quehnoano yeya”, ni yahumedi. Sa tiquiro yahugū dushariquiro pacurore tiquiro yuhtierariro sahata tiquirore tuhoerari mūsa. Sa yena tiquirore yuhtierari. Wapa ne cohteyequina pehe, umua mehna ñano yeducuye numia gūhū tiquirore tuhori. Tiquina sa tuhogū ihñari mūsa. Mūsa sa ihñaepenata tiquirore ne tuho duerari. Sa yena tuhoerari mūsa, nidi Jesu pahia puhtoare, mari judio masa bucuna gūhure.

*Ñañequina dahra cohteyequina queoyere yahuahye Jesu*  
(Mr 12.1-12; Lc 20.9-19)

<sup>33</sup> Sa ye Jesu pari turi queoye mehna ohō saha ni tiquinare buhe nemori:

—Apeye queoyere tuhoya mūsa. Dihta cūoriquiro ijiahye. Tiquiro ya dihtarū uñse darire oteahye. Ote tuhasa, sahrinore ye tuhasa, uñsere tiquina cuhta mutoati copere sehe, umuari wuhugā yeahye.

’Sa yero ti wesere apequinare ihcā pehe pahrē pahma cūahye. Sa yero ti wesere tiquinare ihña ihbo duti, ape yehparū waha wahahye tiquiro. <sup>34</sup> Sa ye uñse ñidi pje ijigū wese upuro tiquiro cahacjēnare wesere ihña ihboyequina caharū ohoahye. Wese cjē tiquiro oteri dūcare tiquiro ya pahrē cjē dūcare ne dutiro ohomahye. <sup>35</sup> Sa ye wesere ihña ihboyequina pehe tiquiro cahacjēnare ñano yeahye. Ihcāquirore tutuaro quē, apequirore wejē, apequirore utā mehna doqueahye. <sup>36</sup> Came wese upuro pari turi tiquiro cahacjēnare tiquiro oho muhtariquina yuhduo cjūno ijiri curuare ohomahye tja. Sa ye wesere ihña ihboyequina tiquina gūhure munanota yeahye tja.

<sup>37</sup> ’Sa yero tiquiro oho bato tiriquiro tiquiro macno ijiahye. “Yuhū macū pehere ño peota”, nino tiquirore ohomahye. <sup>38</sup> Tiquiro sa ni tuhotuepegūta wesere ihña ihboyequina tiquiro macno ahtagū ihñañe, ohō saha niahye: “Wese upuro macno ijire ahriquiro. Tiquirore wejēihna mari. Sa yero ahri wese mari ya wese tojoarota”, nimahye tiquina basi. <sup>39</sup> Sa niñeta tiquirore ñehe, wese dūhtū caharū ne cā, wejēahye tiquina tiquirore.

<sup>40</sup> ’¿Ne, wese upuro ahtarō dūhse yerotari tiquiro wesere ihña ihboyequinare? ni sinituri Jesu pahia puhtoare, bucuna gūhure.

<sup>41</sup> Tiquiro sa nigū tiquina yuhtiri:

—Tiquiro apequinare wesere ihña ihboatiquinare comesarota iji muhtañequinare ña yuhduayequinare wejēno taro. Tiquirore queoro dūcare tu watiquina pehere ihña ihbo dutirota, ni yuhtiri tiquina.

<sup>42</sup> Tiquina sa nigūta Jesu yahu nemori tiquinare:

—¿Cohācjū yere tiquina ojoari pūpū ahrire yuhure tiquiro ni ojoarire ne buherari mūsa?

Ahriquiro Cristo utā yero saha ijire. Utāre wuhū dahreyequina tiquina cohāno saha masa tiquirore cohāeta. Tiquina sa yepēgūta yojopure wuhū dahreyequina wuhure yeye tiquina cū muhtaria utāre tiquina cūno saha Cohācjū tiquirore puhtoro sōri. Cohācjū pehe ahrire yeri. Tiquiro sa yegū ihñana, “Quehnoa yuhduare”, ni, tuhotuaja mari, ni ojoahye panopū.

’¿Tire ne buherari mūsa? <sup>43</sup> Musare niita niaja yuhū. Cohācjū tiquiro puhtoro ijiro mūsa ijiato ijiaboaga. Tiquiro puhtoro ijirore apequina pehere mūsa ijiaborirore ohorota Cohācjū. Apequina masa pehe tiquiro dutiro sahata yeeta. [ <sup>44</sup> Ijipihtiyequina tia utā bui doque queheyequinare mūta sitea wahaeta. Sa yero tia utā pehe masno bui bora pjero mūtaa wahagū yerota tiquirore. Tiquiro pagū munanore daye manarigā wahagū yerota.

(Sata yũhure ño peo dueyequina yũhũ buhiri dahreatiquina ñano yũhdũeta,) ] nidi Jesu pahia pũhtoare, mari acaye judio masa bũcũna gũhũre.

<sup>45</sup> Ti queoyere tiquiro nigũ tuhoye, “Sohõ tiquiro yahu mũhtari queoye, wesere ihña ihboyequina queoye mehna marine nino niaga tiquiro”, ni tũhoturi tiquina. <sup>46</sup> Sa ni tũhotuye, tiquirore ñehe duamedì. Masa pehe Jesure ño peo, “Cohãcjũ yere yahu mũhtariquiro ijire tiquiro”, niñequina ijie tiri tiquina. Tire masiñe, pahia pũhtoa, bũcũna mehna masare cueye, Jesure ñehedari.

## 22

*Pajiri bõse deco cjẽ queoyere yahuahye Jesu  
(Lc 14.15-24)*

<sup>1</sup> Sa ye pari turi queoye mehna tiquinare buhe dũcari Jesu.

<sup>2</sup> —Uhmũse cjũno pũhtoro ijiro ahri queoye yero saha ijire. Ihcã yehpa cjẽna pũhtoro ijiahye. Sa yero tiquiro macũno ya deco bõse deco yeahye. Tiquiro omoca dũhteri bõse deco ijiahye. <sup>3</sup> Sa yero pũhtoro tiquiro cahacjẽnare bõse decore ihñañe ahtatiquinare piji dutiro ohomahye. Tiquina pehe ahta duerahye. <sup>4</sup> Sa yero apequinare piji dutiro ohomahye tja tiquiro cahacjẽnare. “Yũhũ pijioriquinare ohõ saha ni yahuya. ‘Mari ihyatire dahre tuhasari. Wecũare, wecũagã dihi tiyequinagã gũhũre wejẽ tuhasari. Sa yero ijipihtiro bõse deco cjẽ ijiatire quehno tuhasari. Sa yena bõse deco cjẽne ihyana ahtaya’, ni yahuya tiquinare”, ni ohomahye pũhtoro tiquiro cahacjẽnare. <sup>5</sup> Tiquina sa yahuri bato tiquiro pijionohriquina sa tũhotu cãhye. Bõse decore ihñañe wahaerahye. Ihcãquiro tiquiro ya wesepũ wahaahye. Apequiro tiquiro dahrayere ihñano wahaahye. <sup>6</sup> Apequina pehe tiquiro cahacjẽnare ñehe, tiquinare ñano ye, wejẽ cãhye. <sup>7</sup> Tiquina sa yegũ tuhoro, pũhtoro pehe usuahye. Usua, tiquina sa wejẽdi buhiri buhiri dahre dutiro tiquiro surarare ohoahye. Sa ye surara tiquinare wejẽ peho, tiquina ya macare ujuã cãhye. <sup>8</sup> Tiquina sa yeri bato, pũhtoro tiquiro cahacjẽnare ohõ saha niahye: “Bõse deco cjẽ ijiatire quehno tuhasamedì. Sa ijiepegũta yũhũ pijio mũhtariquina yũhũ bõse decore ihñaboriquina ijierare. Ñañequina ijiri tiquina. <sup>9</sup> Sa yena macare ijie maharipũ dũhse ijiequina mũsa boca sayequinare bõse decore ihñatiquinare pijiya”, niahye tiquiro cahacjẽnare. <sup>10</sup> Tiquiro sa nigũ tiquiro cahacjẽna maharipũ waha, ijipihtiequinare tiquina boca sayequinare, ñañequina, quehnoañequina gũhũre yahuahye. Tiquina sa pijiri bato esahye tiquina pari. Quehnoano ti bõse deco tiquina yeri tũcũre masa wahpa yũhdũa wahaahye.

<sup>11</sup> Topũ tiquina dujigũ pũhtoro pehe ihcãquirore omoca dũhteri deco cjã suhtirore sañeniquirore ihñahye. <sup>12</sup> “¿Ne yũhũ acayũ, dũhse yegũ omoca dũhteri deco cjã suhtirore sañedapegũta sajã tari mũhũ?” ni sinituahye pũhtoro.

‘Tiquiro sa sinitugũ masũno pehe yũhtierahye. <sup>13</sup> Tiquiro sa yũhtieragũ ihñano tiquiro cahacjẽnare ohõ saha niahye: “Ahriquirore omocarine dũhteya. Tiquiro dahpocãri gũhũre dũhteya. Dũhte tuhasa ne wijia, sopecahapũ cohãña tiquirore nahitianopũ. Topũ tiquiro tutuaro uti, bũjũa witiro mehna bahque dihorota”, niahye pũhtoro, ni yahuri Jesu.

<sup>14</sup> Tiquiro sa nidi bato ohõ saha ni bato tiri tiquiro:

—Ahri queoye ijiro saha Cohãcjũ peyequina masa tiquiro pijioriquina ijiepetã meheñequinagã tiquiro mehna tojoaeta, ni yahu bato tiri Jesu.

*Pũhtoa ye wapare apequina sinituahye Jesure  
(Mr 12.13-17; Lc 20.20-26)*

<sup>15</sup> Tiquiro sa nidi bato fariseo masa waha, tiquirore tiquina yahusãtire tiquina basi yahuducuahye. Tiquiro ñano yũhtigũ tuho duaye nimahye tiquirore yahusãñe tehe. <sup>16</sup> Sa yahuducuye tiquina mehna cjẽnare, Herode ya curua cjẽna gũhũre Jesure sinitu dutiye ohoahye. Tiquina pehe Jesu cahapũ wihi, tiquirore meje cũ sinitumedi:

—Buhegũ, poto yahuducugũ ni mehoñe mariegũ mũhũ ijigũ masiãja usã. Cohãcjũ yere queoro mũhũ yahugũ gũhũre usã masiãja. Sa yegũ ihcãquiro pũhtoro waro ijiepegũta

tiquiro gũhure dóyaro marieno potota yahure mũhũ. <sup>17</sup> Sa yegu ʉsãre yahuya. ¿Roma cãno ijipihtiyequina pũtoro yere marine wapa yero cahmeajari, mũhũ tũhotugũ? ¿Mari dutiye wapa ye dutiajari, mũhũ tũhotugũ? ni sinitumedi tiquina Jesure.

<sup>18</sup> Tiquina sa nigũ tũhoro tiquirore tiquina ñano ye duayere masino ohõ saha nidi:

—Masa ihõono dihita quehnoano iji mehona ijire mũsa. ¿Dũhsena yũhũ ñano yahuducugũ tũho duajari mũsa? <sup>19</sup> Yojoþure niñeru cjoere pũhtoare wapa yeati cjoere ne cãhtaya. Ti cjoere ihñauhna, nidi tiquiro.

Tiquiro sa nigũ tũhoye niñeru cjoere ne cãhtari tiquina.

<sup>20</sup> Sa yero tiquiro sinituri tiquinare:

—¿Noa boro queoye wahñajari ahri cjoere? ¿Noa boro wame wahñajari? ni sinituri.

<sup>21</sup> —César, masa ijipihtiyequina pũtoro queoye, tiquiro wame gũhũ wahñare, ni yũhtiri tiquina.

Tiquina sa nigũ tũhoro Jesu yahuri:

—Ti pje pũrita masa ijipihtiyequina pũtoro yere tiquiro pehere ohoya. Cohãcjũ yere Cohãcjũ pehere ohoya, nidi Jesu.

<sup>22</sup> Tiquiro sa nigũ tũhoye, tũho maria waha, waha wahari.

*Saduceo masa Cohãcjũ tiquiro masoñene sinituahye Jesure*

*(Mr 12.18-27; Lc 20.27-40)*

<sup>23</sup> Sa ye ti decota ihquẽquina saduceo masa Jesu cahapũ wihiri. Saduceo masa pehe “Cohãcjũ yariariquinare masosi”, ni tũhotuyequina ijiri. Sa ye ohõ saha nidi tiquina tiquirore:

<sup>24</sup> —Buhegũ, ohõ saha ni buheahye Moise: “Ihcãquiro wahmino namo tiriquire pohna mariedaperota yariagũ ihñano tiquiro bahũrore tiquiro wahmino namono ijiricorore nũoano cahmene. Sa yero wahmino mũnano tiquiro pohna tiboriro saha pohna tiro cahmene tiquiro bahũrore. Sa ye tiquiro pohne tiquiro wahmino mũnano pohne yero saha ijijeta”, ni ojoahye Moise, nidi tiquina saduceo masa.

<sup>25</sup> Tire sa ni yahu tuhasa ahri queoyere yahu nemori tiquina Jesure:

—Ihcãquiro masũno ijiahye. Seis bahana tiahye tiquiro. Tiquina wahmino pehe namo ti, pohna mariediquiro yariaa wahahye. Sa yero apequiro tiquiro bahũro gũhũ tiquiro wahmino namono ijiricorore nũoahye. <sup>26</sup> Sa nũoari bato tiquiro wahmino yero sahata pohna mariedaperota yariaa wahahye tja. Sa yero ahriquire bahũro tiquiro wahmino mũnano yero sahata pohna mariedaperota yariaa wahahye. Sa dihita wahahye ihcãquiro pohne waro. Ne pohna mariedapeta yaria pihtia wahahye tiquina. <sup>27</sup> Tiquina namono ijiricoro gũhũ tiquina bato yariaa wahahye. <sup>28</sup> ¿Cohãcjũ ijipihtiyequinare yariariquina mũnare tiquiro masogũ diquiro boro namono pehe ijiboagari ticoro? Tiquina ijipihtiyequina ticorore namo tiriquire mũna ijiahye. ¿Sa yero diquiro namono pehe ijiboagari ticoro pototi? ni sinituri tiquina.

<sup>29</sup> Jesu yũhtiri tiquinare:

—Cohãcjũ yere tiquina ojoari pũre, tiquiro masiñe gũhure ne masiedare mũsa. Sa ye mũsa tũhotuye pehe ne poto ijierare. <sup>30</sup> Yariariquina mũna tiquina masa mũjari bato tiquina angele yero saha ijire. Namu marieñequina, manũ marieñe numia ijire topũre.

<sup>31</sup> Yariariquina mũna tiquina masa wijiato pehere mũsare yahutja. ¿Cohãcjũ mũsare tiquiro nidire ne buherari mũsa? Ohõ saha niahye tiquiro. <sup>32</sup> “Yũhũ Abrahã, Isaac, Jacob tiquina pũhto ijijaja’, nine Cohãcjũ”, ni ojoahye panopũre. Tiquina yariari bato “Tiquina pũhto ijijaja”, ni yahuahye Cohãcjũ. Sa nieperota yariariquina mũna pũtoro ijierare Cohãcjũ. “Tiquina pũhto ijijaja”, tiquiro niñe mehna catiyequina tiquina ijigũ masiaja mari. Tiquiro catiyequina pũtoro ijire, ni yahuri Jesu tiquinare.

<sup>33</sup> Tiquiro sa ni buhegũ tũhoye peyequina masa tũho maria wahari.

*Quehnoa yũhdũari dutirore yahuahye Jesu*

*(Mr 12.28-34)*

<sup>34</sup> Sa ye saduceo masa Jesure tiquina yuhti masiedagũ tuhoye, fariseo masa pehe tiquiro cahapũ cahmecoari. <sup>35</sup> Sa yero tiquina mehna cjũno marine judio masare buheriquiro pehe Jesu tiquiro ñano nigũ tuho duaro meje cũ sinitumedi tiquirore.

<sup>36</sup> —¿Buhegũ, Cohãcjũ ye dutiro quehnoa yũhdũari dutiro noho pehe ijiajari, mũhũ tuhhotugũ? ni sinituri tiquiro.

<sup>37</sup> Jesu tiquirore yuhtiri:

—“Tuturo mũsa jeripohna mehna, mũsa tutuaye mehna, quehnoano mũsa wacũne mehna Cohãcjũre cahĩña”, nine Cohãcjũ. <sup>38</sup> Ahri dutirota ijire quehnoa yũhdũari dutiro apeye dutiye yũhdũoro. <sup>39</sup> Ahri dutiro bato apero dutiro quehnoa yũhdũare: “Mũhũ basi mũhũ cahĩno saha mũhũ cahapũ ijiequina gũhũre cahĩña”, nine Cohãcjũ. <sup>40</sup> Ahri pũa dutirota apeye dutiye gũhũre masi pehogũ yere. Ahri pũa dutirore yena, ijipihtiye apeye dutiyere ye pehona niaja mari. Cohãcjũ yere yahu mũhtariquina panopũ tiquina ojoari gũhũre yena niaja mari, ni yahuri Jesu.

*Cristo Davi mũnano pũhtoro ijire*

*(Mr 12.35-37; Lc 20.41-44)*

<sup>41</sup> Sa ye fariseo masa topũ cahmecoañequina tiquina ijigũ Jesu tiquinare sinituri:

<sup>42</sup> —“Cristo Cohãcjũ tiquiro ohoatiquiro ijire”, nine mũsa. ¿Noa boro ijiajari tiquiro ñecũno mũnano panopũ cjũno, mũsa tuhhotugũ? nidi tiquiro.

—Cristo Davi mũnano panamino iji turiariquiro ijirota, ni yuhtiri tiquina.

Jesu yahuri:

<sup>43</sup> —¿Cristo Davi mũnano panamino iji turiariquiro tiquiro ijigũ dũhse yero Davi pehe pũhtoro tiyari Cristore? ¿Dũhse yero sa pũhtoro ti dutiyari Espĩritu Santo tiquirore? Ohõ saha niahye Davi:

<sup>44</sup> Cohãcjũ yũhũ pũhtoro ohõ saha nidi: “Ohõpũ yũhũ poto pehepũ dujiya. Sa yegũ mũhũre ihña tuhtiyequinare mũhũre yũhdũũca basautja yũhũ”, nidi Cohãcjũ yũhũ pũhtoro, ni ojoahye Davi.

<sup>45</sup> Sa ni ojoarota Davi pũhtoro tiahye Cristore. ¿Davi Cristo ñecũno iji turiariquiro ijiro dũhse yero tiquiro pũhtoro tiyari Cristore? Cristo Davi pũhtoro ijire, ni yahuri Jesu.

<sup>46</sup> Tiquiro sa ni yahugũ tiquina tiquirore ne yuhti masiedari. Sa ye to punota sinitu duhu cãri tiquina tiquirore. Sa ye cueye, pari turi sinituerari tiquirore.

## 23

*Judio masare buheyequina, fariseo masa gũhũ tiquina ñano yeyere yahuahye Jesu*

*(Mr 12.38-40; Lc 11.37-54; 20.45-47)*

<sup>1</sup> Sa ye peyequina masare, usã gũhũre Jesu yahuri tja.

<sup>2</sup> —Marine judio masare buheyequina fariseo masa gũhũ Cohãcjũ dutiye Moiserre tiquiro cũrre yahuequina ijire tiquina. <sup>3</sup> Tiquina sa yahuequina ijigũ mũsare tiquina yahuriro sahata tire ye pehoya mũsa. Sa yepenata tiquinare ihña cũedacãhña mũsa. Tiquina buheriro sahata yerare tiquina. <sup>4</sup> Masare peye dutire tiquina. Sa dutiepetã tiquina dutiro saha masa yeragũ ihñañe tiquinare yedohoerare. <sup>5</sup> Masa tiquina ihñono dihita quehnoano ye ihñomene tiquina. Cohãcjũ yere tiquina ojoari pũre tiquina duhu sãne acarigãre, buju cjũne acarigãre tiquina wũhdoã bui dũhte yori, masare ihña dutiye. Tiquina omocari gũhũre dũhte yori. Sa ye tiquina suhti tu pjeri da bui tiquina ohõri da ehã yũhdũari da ijire. Cohãcjũre tiquina ño peorire masa pehere ye ihñoñe nimene tiquina. Ti queoro ijierare tiquina sa ye ihñoñe. <sup>6</sup> Sa ye bose decori ijigũ pũhtoa tiquina dujiyepũ duji duare. Sa ye judio masa mari buheye wũhũsepũ gũhũre quehnoañe dujiye pahtari dihitare cahmene tiquina. <sup>7</sup> Sa ye doeri cjẽ duaropũ apeqũna pũhtoare quehnoano ño peo tiquina sinino saha tiquina piti cagũ cahmene tiquina. Tiquinare “Buhegũ”, masa tiquina ni pisugũ cahmene.

<sup>8</sup> Apeqũna mũsare pisuye “Buhegũ”, niedacãhdo. Mũsa ijipihtina ihcãno saha ijina nine. Sa yegũ mũsare buhegũ ihcũta ijiaja. <sup>9</sup> Sa yena ahri yehpa cjẽnare “Mari pacũ”,

nina tiquinare ño peona niaga. Ne sa niedacãhña. Æhmuse cjũno dihita mari Pacu ijire. Tiquiro dihitaro ño peoro cahmene marine. <sup>10</sup> Sa yena masunore “Pũhto”, niedacãhña. Mũsa pũhto yũhu Cristo pehe ihcũta ijiája. <sup>11</sup> Cahacjũno yero saha musare yedohoriquiro tiquiro ijire mũsa pũhtoro ijiatiquiro. <sup>12</sup> Ihcãquiro pũhtoro iji duaro tiquirore ihyo ijiriquiro yero saha ijiro cahmene. Sa yero “Ihyo ijigu ijiája yũhu”, ni tũhoturiquiro pehe pũhtoro ijirota, ni yahuri Jesu.

*Judio masare buheyequina, fariseo masa mehna tiquina ni mehoñene yahuahye Jesu*

<sup>13</sup> Tiquiro sa nidi bato tiquinare yahu nemori:

—Mũsa judio masare buhena, fariseo masa gũhu ñano yũhdũnata. Masa ihũono dihita quehnoano iji mehona ijire mũsa. Sijoro saha mũsa buhegũ tũhoye masa pehe Cohãcjũ pũhtoro ijiropũre wahasi. Mũsa gũhu topũre wahasi. Sa yena topũre waha duayequinare cahmotare mũsa.

[<sup>14</sup> Mũsa judio masare buhena, fariseo masa gũhu ñano yũhdũnata. Masa ihũono dihita quehnoano iji mehona ijire mũsa. Wape wiha numia ye wũhũsere tiquina cũoye gũhũre ehmare mũsa tiquina numiare. Sa yena yoari pje masa ihũonopũ Cohãcjũre sini ihũomene mũsa masare. Mũsa sa yeri buhiri peyequina yũhdũoro Cohãcjũ buhiri dahrerota musare.]

<sup>15</sup> Mũsa judio masare buhena, fariseo masa gũhu ñano yũhdũnata. Masa ihũono dihita quehnoano iji mehona ijire mũsa. Pajiri mapũ pehã, yoaro cjẽ yehparipũ wahare mũsa, mũsa dutiyere yeatiquirore macana tana. Mũsa dutiyere yeatiquirore boca, tiquirore buhere. Mũsa sa yegũ tiquiro pehe mũsa yũhdũoro pecapũ wahatiquiro ijirota.

<sup>16</sup> Mũsa ñano yũhdũnata. Caperi bajueyequina tiquina ihña masieno saha masiena ijire mũsa. Sa ijiepenata apequinare buhemene mũsa. Ohõ saha ni buhemene mũsa: “ ‘Cohãcjũ wũhu mehna yũhu nino sahata yeitja’, nidiquiro, tiquiro nidiro sahata yerapegũta quehnoanota”, ni buhemene mũsa. “ ‘Cohãcjũ ya wũhu cjẽ uru mehna yũhu nino sahata yeitja’, nidiquiro tiquiro pehere tiquiro nidiro sahata ye sohtori tiro cahmene”, ni ti gũhũre buhemene mũsa. <sup>17</sup> Caperi bajueyequina tiquina ihña masieno saha masiena ijire mũsa. Tũho masiena ijire. ¿Dise boro pehere ño peoro cahmeajari? Urure ño peorero cahmene. Cohãcjũ pehe ti uru ti wũhũpũ ijigũ quehnoañe ijigũ yere tire. Sa yena ti wũhu pehere ño peoro cahmene musare. Sa ye mũsa buheye pehe queoro ijierare. <sup>18</sup> Ahri gũhũre buhemene mũsa: “ ‘Cohãcjũ wũhu cjã altar mehna yũhu nino sahata yeitja’, nidiquiro tiquiro nidiro sahata yeragũ quehnoanota”, ni buhemene mũsa. “ ‘Ti altar bui ijiye mehna Cohãcjũre tiquina ohori mehna yũhu nino sahata yeitja’, nidiquiro tiquiro pehere tiquiro nidiro sahata ye sohtori tiro cahmene”, ni buhemene mũsa. <sup>19</sup> Caperi bajueyequina tiquina ihña masieno saha masiena ijire mũsa. ¿Dise boro pehe ti waro ijiajari, mũsa tũhotugũ? Cohãcjũre masũno tiquiro ohori ti waro ijiera cjũre. Ti altar bui Cohãcjũre tiquiro ohogũ, quehnoañe wahare ti altar bui ijiye. Sa yero ti altar pehe ihyo ijiri altar ijierare. Cohãcjũre tiquina ohori bui cjũnogã quehnoari altar ijire. <sup>20</sup> Sa yero “Cohãcjũ wũhu cjã altar mehna yũhu nino sahata yeitja”, ihcãquiro nino, ti altar bui cjẽ tiquiro ohori mehna sa nino niaga. Sa ye mũsa buheye pehe queoro ijierare. <sup>21</sup> Sa yero “Cohãcjũ wũhu mehna yũhu nino sahata yeitja”, ihcãquiro nino, potota Cohãcjũ mehnata sa ninota niaga. Cohãcjũ ti wũhu cjũno ijire. <sup>22</sup> Sa yero “Æhmuse mehna yũhu nino sahata yeitja”, ihcãquiro nino, Cohãcjũ ijiropũ mehnata sa nino niaga. Sa yero Cohãcjũ mehnata sa nino niaga. Tiquiro pehe to cjũno ijire. Sa ye mũsa buheye pehe queoro ijierare.

<sup>23</sup> Mũsa judio masare buhena, fariseo masa gũhu ñano yũhdũnata. Masa ihũono dihita quehnoano iji mehona ijire mũsa. Moa yero saha ijiyere ihyayere ocagũ yeyere cũona mehenogã ohomene mũsa. Cohãcjũre ño peona tana pahiare ohomene mũsa. Mehenogã ohomene mũsa. Menta, anís, comino wame tiye ocagũ yeyere ohomene mũsa. Sa ohoepenata quehnoañene yerare mũsa. Sa yena masare paja ihñedare mũsa. Sa yena Cohãcjũre wacũ tutuerare mũsa. Oteye dũcare mũsa nedire mehenogã pahiare mũsa ohogũ quehnoare. Sa ohona ohõ saha ye nemoña: Quehnoañene yeya. Sa yena paja



ihñaña masare. Sa yena Cohācjūre wacū tutuaya. <sup>24</sup> Caperi bajueyequina tiquina ihña masieno saha masiena ijire mūsa. Ohō saha yere mūsa: Mūsa ye dutiyere ye dutina, ihyo ijiyegā warore dutiyere yere mūsa. Sa yepenata Cohācjū pototi tiquiro dutiye warore yerare mūsa.

<sup>25</sup> Mūsa judio masare buhena, fariseo masa gūhū ñano yūhdūnata mūsa. Masa ihñono dihita quehnoano iji mehona ijire mūsa. Mūsa waparire, mūsa sihniñe wajarire bui mūsa cosero saha quehnoañene ye ihñore mūsa buigā warona. Sa yepenata Cohācjū yere queoro yerare mūsa. Apequina yere ehmana, mūsa basi dihita bujūyere ne duana ijire mūsa. Sa dihita tuhature mūsa. <sup>26</sup> Caperi bajueyequina tiquina ihña masieno saha masiena ijire mūsa fariseo masa. Mūsa jeripohnarine comesaya mūsa. Quehnoañe pehere yeya. Mūsa sa yena masa tiquina ihñonopū quehnoana ijinata mūsa.

<sup>27</sup> Mūsa judio masare buhena, fariseo masa gūhū ñano yūhdūnata. Masa ihñono dihita quehnoano iji mehona ijire mūsa. Masa cope, yehseye mehna tiquina wisōri cope yero saha ijire mūsa. Masa ti copere tiquina ihñagū quehnoari cope bajure. Sa bajuepegūta, puhiarū ahbariquirore, tiquiro cohārine, ñañene ihñedare tiquina. <sup>28</sup> Sata mūsa gūhū masa ihñonopū quehnoañequina yero saha bajumene mūsa. Sa quehnoañequina yero saha bajuna mūsa ijiepegūta mūsa tuhutuyepū ñañe, ni mehoñe iji yūhdūare ahbaye yero saha, ni yahuri Jesu.

*Judio masare buheyequina, fariseo masa gūhūre tiquiro buhiri dahreatire yahuahye Jesu*

<sup>29</sup> Sa ni tuhasa ohō saha ni yahu nemori tiquinare:

—Mūsa judio masare buhena, fariseo masa gūhū ñano yūhdūnata. Masa ihñono dihita quehnoano iji mehona ijire mūsa. Cohācjū yere yahu mūhtañequina panopū cjēna tiquina masa coperire quehnoano quehnomene mūsa, tiquinare ño peoro saha yena. Sa yena quehnoano yeyequina mūna tiquina queoyere mūsa yeri queoyere quehnoano quehnomene mūsa. <sup>30</sup> Sa yena ohō saha niducumene mūsa: “Panopūre usā ñecusumūa iji turiayequina mūna tiquina yeriro saha usā pehe yeraboaga. Ti pjerū ijiyequinare Cohācjū yere yahu mūhtariquinare usā wejēdaboaga”, niducumene mūsa. <sup>31</sup> Sa nina mūsa ñecusumūa iji turiayequina Cohācjū yere yahu mūhtariquinare wejēdiquina mūna tiquina yerire ihñona nine. Tiquinare wejēdiquina mūna tiquina panamena iji turiana mūsa ijiye gūhūre ihñona nine mūsa. <sup>32</sup> Mūsa ñecusumūa iji turiayequina mūna tiquina yeriro sahata ye sohtori ticūnahña.

<sup>33</sup> Añaa yero saha ña yūhdūana ijire mūsa. Mūsa ñañe yerire bujūa witi duerana Cohācjū mūsa ñañe buhirire pecarū mū sare tiquiro cohāto pano duhti masiedare mūsa. <sup>34</sup> Sa yegū mū sare niita niaja. Cohācjū yere yahu mūhtariquinare, apequina quehnoano masiñequinare, apequina mū sare buheatiquinare mūsa caharū ohoutja. Yūhū sa ohogū mūsa pehe ihquēquina tiquinare wejēnata. Apequinare curusarū quē bihanata. Apequinare mūsa buheye wūhūserū tananata. Sa yena macaripepū tiquinare ñano yena, oma nūnū tānata mūsa. <sup>35</sup> Mūsa sa yena ijipihtiyequina ñañe marieñequinare mūsa wejēdi buhiri buhiri tinata. Abe mūnanore Caī wejēdi buhiri ijipihina mūsa gūhū buhiri tinata. Ijipihtiyequina tiquiro bato ijiyequinare quehnoañequinare tiquina wejēdi buhiri gūhūre buhiri tinata mūsa gūhū. Sa yena Cohācjū wūhū caharū wahiquinare mūsa ohori altar caharū Zacariare wejēahye mūsa. Tiquiro pehe Berequia macno ijiahye. Sa yena tiquiro gūhūre mūsa wejēdi buhiri buhiri tinata mūsa. <sup>36</sup> Ijirota mū sare yahugūta niaja. Tiquina ijipihtiyequinare tiquina wejēdi buhiri yojopū cjēna gūhū buhiri tieta, ni yahuri Jesu.

*Jerusalē cjēnare tutuaro cahīahye Jesu*

*(Lc 13.34-35)*

<sup>37</sup> Sa ni tuhasa ohō saha ni nemori:

—Ahyou, Jerusalē cjāna, Cohācjū yere yahu mūhtariquinare wejēdina ijire mūsa. Mūsa acaye panopū cjēna gūhū sata yeyequina mūna ijiahye. Sa yena mūsa caharū tiquiro ohoriquinare utā paca mehna doque wejēdina ijire mūsa. Canaca ticoro pohne ticoro



wɔye dupɔri mehna ticoro moha cuñano saha peye tahari cahĩducumi mɔsare. Mɔsare cahmemi. Mɔsa pehe yũhure ne cahmedari. <sup>38</sup>Yojopɔ mɔsa ya maca cohõri maca ijirota. <sup>39</sup>Ijirota mɔsare niita niaja. Camerɔ ahtaɔtja yũhũ. Sa yũhũ ahtagũ ihñana mɔsa yũhure “Cohãcjũ tutuaye mehna ahtariquiro quehnoahdo”, ninata. Yũhure mɔsa tire niato pano yũhũ tojoa tato pano pari turi yũhure ihñasi mɔsa, nidi Jesu tiquinare.

## 24

—Cohãcjũ wũhũ cohãri wũhũ ijirota, niahye Jesu

(Mr 13.1-2; Lc 21.5-6)

<sup>1</sup> Sa ye Cohãcjũ wũhũrɔ ijiroquiro Jesu tiquiro wijia wihigũ usã tiquiro buhena ti wũhure ti wũhũ caharɔ ijiye wũhuse gũhure ihñana,

—Quehnoa yũhdɔye wũhuse ijicjoare. Ihñaña mũhũ gũhũ, nii usã tiquirore.

<sup>2</sup> Jesu yũhtiri:

—Ahri wũhũsere yojopɔre ihñamene mɔsa. Mɔsare yahugɔta niaja. Ahri wũhũsere ijipihtiyɔ mɔsa ihñari, ahri wũhuse cjẽ utã paca gũhure cohã pehoeta. Ne ihcãria utã tojoasi, nidi tiquiro usãre.

*Pihtiri deco ijiatire yahuahye Jesu*

(Mr 13.3-23; Lc 21.7-24; 17.22-24)

<sup>3</sup> Came Olivo wame tidũ cunɔrɔ esa, topɔ dujiri Jesu. Topɔ dujigũ usã tiquiro buhena usã sehsaro tiquiro caharɔ esaũ.

—Yahuya usãre. ¿Dũhse ijigũ sa waharotari mũhũ nidiro saha waharo? ¿Ahri yehparɔ mũhũ tojoa tati deco, pihtiatĩ deco panogã ijigũ dũhse ti waha dũcagũ ihñanatarĩ usã? ni sinituu usã.

<sup>4</sup> Jesu yũhtiri:

—Quehnoano yeya mɔsa. Sa yena mɔsare apequina tiquina ni mehoñene tũhoeracãhña. <sup>5</sup> Peyequina masa “Cristo ijiaja yũhũ”, ni mehoñequina ahtaeta. Tiquina sa ni mehogũ tũhoyɔ peyequina masa Cohãcjũ yere duhueta. <sup>6</sup> Mɔsa cahagãrɔ masa apequina tiquina cahme wejẽgũ tũhonata mɔsa. Sa yena yoaropɔ gũhure tiquina cahme wejẽgũ tũhoonata mɔsa. Sa tũhooopenata ne tire pajiro wacũedacãhña. Sa waharota. Tiquina sa yegũ pihtiatĩ deco dũhsarĩnota. <sup>7</sup> Ti pjere ihcã yehpa cjẽna ape yehpa cjẽna mehna cahme wejẽeta. Sa ye ihcãquiro pũhtoro yequina apequiro pũhtoro yequina mehna cahme wejẽeta. Sa ye peyequina masa ɔjũna mehna yarieta. Sa yero peye yehparipɔ yehpa ñuhminota. <sup>8</sup> Sa wahagũ ahri yehpa cjẽnare tiquina ñano yũhdũ nemoato dũhsarota ti pjere. Ñano yũhdũ nemoeta.

<sup>9</sup> Ti pjere apequina mɔsare ñehe, ñano ye dutiyɔ ohoeta mɔsare apequina pũhtoapɔre. Tiquina sa ohogũ mɔsare wejẽeta. Yeequina mɔsa ijiri buhiri ijipihtiyequina mɔsare ihña tuhtieta. <sup>10</sup> Ti pjere peyequina yeequina ijimediquina yũhure cohãeta. Sa ye tiquina mehna cjẽnare tiquina ihña tuhtieta. Sa ye tiquina mehna cjẽna tiquina ijiepegũta tiquinare ñano yeatiquinare ohoeta tiquina. <sup>11</sup> Ti pjere peyequina “Cohãcjũ yere yahu mũhtana ijiaja”, ni mehoñequina ijieta. Sa ye peyequina masa tiquina ni mehoñene tũhoeta. <sup>12</sup> Ti pjere ña yũhdũaro yeeta masa. Sa ye tiquina mehna cjẽnare cahĩ nemosi. <sup>13</sup> Sa yena mɔsa tutuana ijina, ahri yehparɔ mɔsa catinino puno ihcãno sahana, yũhdũnata mɔsa. <sup>14</sup> Sa yero ahri quehnoañe buheye ijipihtiorɔ ahri yehparɔre tiquina yahuri buheye ijirota. Cohãcjũ pũhtoro ijiyere yahuri buheye tiquina yahu siteri buheye ijirota, ijipihtiyequina ti buheyere tiquina masiato saha. Tiquina sa yahuri bato pihtiri deco dũcarota.

<sup>15</sup> Cohãcjũ yere yahu mũhtariquiro Daniel mũnano panopɔ cjũno ña yũhdũariquirore Cohãcjũ yere ñano yeriquirore yahue tiahye panopɔre. Ti pjere tiquiro ñariquiro pehe Cohãcjũ ya wũhũrɔ tiquiro ducugũ ihñanata mɔsa. Ahri yũhũ nidire quehnoano masiña mɔsa. <sup>16</sup> Topɔ tiquiro ducugũ ihñañe, Judea yehparɔ ijiyequina pehe cunũ caharɔ oma duhtiahro. <sup>17</sup> Sojaro mehna oma duhtiahro. Ti pjere tiquina wũhũseri bui cjẽ paaripɔ ijiyequina wũhũ puharɔ ijiyere tiquina yere neñe wahaeracãhdo tiquina ɔmũñano

waharo. <sup>18</sup> Sa ye ti pjere apequina weseripɔ ijiyequina tiquina bui cjě suhti wɔhɔpɔ ijiye suhtire neñe wahaeracãhdo tiquina ɔmɔñano waharo. <sup>19</sup> Ti pjere nihi pacosãnumia, tiquina pohnene apũoñe numia gũhɔ pejecɔoro wahaeta. <sup>20</sup> Sa yena Cohãcjũre ohõ saha ni siniña: “Pohecɔ ijigũ judio masa ɔsã soye decori ijigũ gũhɔre ɔsã oma duhtiatu deco ijieracãhdo”, ni siniña mɔsa Cohãcjũre. <sup>21</sup> Ti decorire masa ña yũhdɔaro wahaeta. Ahri yehpare tiquiro bajumehnedi bato masa ñano yũhdɔe tiahye. Tiquina sa yũhdɔepɛgũta ijipihitiye ti purĩne yũhdɔoro pihtiri deco panogã ña yũhdɔaro yũhdɔeta masa. Sa ñano tiquina yũhdɔuri bato pari turi sata ñano yũhdɔusi ahri yehpapɔ. <sup>22</sup> Cohãcjũ ti decorire meheñe decorigã ijigũ yerota. Tiquiro sa yeragũ ne ihcãquiro masano yũhdɔeraboaga. Sa yero tiquiro beseriquina tiquina yũhdɔatire meheñe decorigã cũnota Cohãcjũ.

<sup>23</sup> Ti pjere apequina mɔsare “Ihñaña. Ohõpɔ ijire Cristo”, tiquina nigũ tiquinare tũhoeracãhña. “Topɔ ijire Cristo”, tiquina nigũ tiquinare tũhoeracãhña. <sup>24</sup> “Cristo ijiaja”, ni mehoñequina, “Cohãcjũ yere yahu mũhtarina ijiaja”, ni mehoñequina ijieta ti pjere. Sa ye Cohãcjũ tiquiro beseriquinare ni mehoñe, tiquina bajumehneñene ye ihñoeta. Cohãcjũ yequinare Cohãcjũre tiquina cohãgũ ye duare tiquina ni mehoñequina. <sup>25</sup> Ahri ijipihitiyere yahuyuaia mɔsare ti sa wahato pano. Sa yena tũhoya mɔsa. <sup>26</sup> Apequina masa mɔsare “Ihñaña. Masa marienopɔ ijire Cristo”, tiquina nigũ topɔre ihñana wahaeracãhña. Sa yena “Ohõpɔ ahri tucũripɔ ijire tiquiro”, tiquina nigũ tiquinare tũhoeracãhña. <sup>27</sup> Yũhɔ masɔ Cohãcjũ ohorigɔ wacũeno mehna tojoa tautja. Ɔpo miadoqueoro ɔhmɔsere asũ mɔja taropɔ, asũ sajãnopɔ wacũeno mehna ti miadoqueoro saha wacũeno mehna tojoa tautja yũhɔ. <sup>28</sup> Masa tiquina ñañe yeducuripɔ topɔ Cohãcjũ tiquina ñañe buhiri buhiri dahrerota tiquinare, ni yahuri Jesu.

*Cristo ahri yehpapɔ* tiquiro tojoa tatire yahuahye tiquiro

(*Mr 13.24-37; Lc 21.25-33; 17.26-30, 34-36*)

<sup>29</sup> Sa ye tiquinare yahu nemori:

—Ti ñano yũhdɔye decori bato asũ deco cjũno, ñami cjũno gũhɔ buhrio duhueta. Tiquina sa wahagũ ñahpicoha paca ɔhmɔsepɔ ijiye paca bora dijia taeta. Sa ye ɔhmɔse cjě yehpari, ñahpicoha gũhɔ ti sa wahaducurore comesaeta. Sa ye ñuhmieta. <sup>30</sup> Ti pjeta yũhɔ masɔ Cohãcjũ ohorigɔ ɔhmɔsepɔ yũhɔ bajumehnenore yũhɔ ihñogũ ihñaeta masa. Sa ye ijipihitiye cururi cjěna utieta. Sa yegɔ yũhɔ tutuaye mehna, yũhɔ asi siteye mehna ɔhmɔano cjě ehmeo cururi bui ahri yehpapɔre yũhɔ tojoa tagũ ihñaeta tiquina. <sup>31</sup> Corneta bisirota. Sa yegɔ yeequina angelere ijipihitiropɔ ahri yehpapɔ ohoutja yũhɔ. Sa ye ijipihitiropɔ yeequina yũhɔ beseriquinare tiquina neeta.

<sup>32</sup> Yojopɔre higueraɔre tũhotuya mɔsa. Tũ queoye mehna mɔsare buheitja. Tũ yucɔgɔ pũri tigũ ihñana, cũhma mehenogã dũhsagũ masine mɔsa. <sup>33</sup> Sata ahri ijipihitiye yũhɔ nidire ti sa wahagũ ihñana, yũhɔ tojoa tato mehenogã ti dũhsagũ masinata mɔsa. <sup>34</sup> Ijirota niita niia mɔsare. Ti pje cjěna tiquina yariato pano ijipihitiye yũhɔ nidiro sahata sa waharota. Ɔhmɔse, ahri yehpa gũhɔ pihtia waharota. <sup>35</sup> Yũhɔ yahuducuye pehe ne comesasi. Ijipihitiye yũhɔ nidiro sahata sa waha sohtori tirota.

<sup>36</sup> Ti decore yũhɔ tojoa tati decore, ti hora gũhɔre masiedaja yũhɔ. Angele gũhɔ tire masiedare. Masa gũhɔ masiedare. Yũhɔ Pacɔ dihita tire masine.

<sup>37</sup> Noé tiquiro ijiri pje cjěna tiquina ijiriro sahata ahri yehpapɔ yũhɔ tojoa tato panogãre sata ijieta masa. <sup>38</sup> Yehpa miniato pano masa ihya, sihni, yeahye. Sa yeye ɔmɔa, numia mehna omoca dũhteahye. Noé gũhɔ yucɔsapɔ tiquina sajãto pano sa yee timahye masa. <sup>39</sup> Duita tutuaro acoro ahta, wacũeno mehna yehpa minia wahahye. Masa gũhɔ mini pihtia wahahye. Wacũeno mehna tiquina minidiro saha yũhɔ masɔ Cohãcjũ ohorigɔ ahri yehpapɔre wacũeno mehna tojoa tautja. <sup>40</sup> Ti pjere wesepɔ pɔaro dahrayequina ijigũ ihcãquiro yũhɔre cahmediquirore neitja. Sa yero yũhɔre cahmediquiro topɔ tojoarota. <sup>41</sup> Ti pjere pɔaro numia ihcãnopɔ tiquina trigore ña mũtoñequina numia ijigũ ihcãcoro yũhɔre cahmedicorore neitja. Sa yero yũhɔre cahmedicoro topɔta tojoarota.

<sup>42</sup> 'Quehnoano wacū masi cohteya. Yũhũ m̄sa pũhto, yũhũ tojoa tati decore ne masiedare m̄sa. <sup>43</sup> Ahr̄ire wacũña. Yaqueriquiro wũhũpũ tiquiro sajã yaqueato panore wũhũ upũro masino, ti ñami tiquiro car̄iedaboaga, yaqueriquirore cohtero. Sa yero yaqueriquirore tiquiro ya wũhũpũ sajã dutieraboaga. Yaqueriquiro tiquiro wacũeno mehna tiquiro ahtar̄iro saha wacũeno mehna ahtaũtja yũhũ. <sup>44</sup> Sa yena yeere sa yeducuna yũhũre cohteya. Yũhũ masũ Cohãcjũ ohorigũ ahri yehpũpũ tojoa tagũ wacũeno mehna ahtaũtja, nidi Jesu.

*Apequiro dahra cohteriquiro tiquiro pũhtoro* ño peo, apequiro ño peerare  
(Lc 12.41-48)

<sup>45</sup> Sa ye Jesu queoye mehna ohõ saha ni buhe nemori tja:

—Dahra cohteriquiro tiquiro pũhtoro ño peoriquiro tũho masiniquiro ijire. Tiquiro sa ijigũ ihñano apequina dahra cohteyequina bui cũre tiquirore tiquiro pũhtoro pehe waharo taro. Sa tiquirore cũ tuhasa wahaa wahare pũhtoro. Sa yero ihyari pje ijigũ dahra cohteriquiro apequinare ihyayere itire. <sup>46</sup> Came pũhtoro tiquiro ya wũhũpũ tojoa wihire. Tiquiro tojoa wihigũ ihñano dahra cohteriquiro pehe tiquiro pũhtoro dutir̄iro sahata ye pehoriquiro ijiro, bucueriquiro ijirota. <sup>47</sup> Ijirota m̄sare niita niaja. Tiquiro sa yegũ ihñano tiquiro pũhtoro ijipihtiye tiquiro yere ihña ihboriquiro cũnota tiquirore. <sup>48</sup> Sa yepegũta ñar̄iquiro dahra cohteriquiro pehe “Yũhũ pũhtoro bajuerare”, nino, <sup>49</sup> apequina dahra cohteyequinare quẽpe, pajiro ihya, sihni, queheyequina mehna queherota. <sup>50</sup> Came tiquiro pũhtoro wacũeno mehna tojoa tarota. Ti deco, ti hora gũhũre ne masiedare dahra cohteriquiro. <sup>51</sup> Pũhtoro pehe tojoa taro ñar̄iquiro tiquiro ñano yerire tũhoro, tiquirore tutuaro buhiri dahrerota. Sa yero ni mehoñequina tiquina waharopũ cohãnota tiquirore. Topũre tiquiro tutuaro uti, bũjũa witiro mehna bahque dihorota, ni yahuri Jesu.

## 25

*Pũa omope nuhmia queoye mehna buheahye Jesu*

<sup>1</sup> Sa ye Jesu pari turi queoye mehna ohõ saha ni buhe nemori tja:

—Uhmũse cjũno pũhtoro tiquiro ijiye ahri queoye yero saha ijire: Pũa omope nuhmia ijiahye. Ihcã ñami tiquina sihõne paca mehna omoca dũhteatiquirore piti caye wahahye. <sup>2</sup> Tiquina mehna ihcã omope numia tũho masieñequina numia ijiahye. Apequina numia pehe ihcã omope numia tũho masieñequina numia ijiahye. <sup>3</sup> Tũho masieñequina numia pehe tiquina sihõne pacare, pose tiye pacare nemahye. Apee pacare uhsẽ pose tiye pacare ti pihtigũ tiquina pioborire nedahye. <sup>4</sup> Tũho masieñequina numia pehe tiquina sihõne paca uhsẽ pose tiye pacare neahye. Apee paca tiquina pioati paca gũhũre neahye. <sup>5</sup> Sa ye omoca dũhteatiquiro tiquiro bajueragũ tiquina numiare wũjũa purĩgũ car̄ia wahahye. <sup>6</sup> Sa yero ñami decopũ saũuducugũ tũhoahye. “Tũhoya. Omoca dũhteatiquiro ahtar̄o ca tare. Tiquirore piti cana ahtaya”, ni saũuducugũ tũhoahye. <sup>7</sup> Tiquiro sa nigũ tũhoye numia wahcã, tiquina ye sihõne pacare quehnoahye. <sup>8</sup> Sa ye tũho masieñequina numia pehe apee numia tũho masieñequina numiare ohõ saha niahye: “Uhsã sihõne paca yatiro nine. Sa yena mehenogã m̄sa ye uhsere ohoya uhsãre”, ni sinimahye tiquina numia. <sup>9</sup> Tiquina sa siniepegũta tũho masieñequina numia ohõ saha yũhtiahye: “Uhsã ye uhsẽ mari ijipihtinare esa tuhaeraboaga. Sa yena uhsẽ cũoyequinare m̄sa basi dũna wahaya”, ni yũhtiahye tũho masieñequina numia pehe. <sup>10</sup> Sa ye tũho masieñequina numia dúye wahahye. Tiquina sa wahari bato omoca dũhteatiquiro wihiahye. Tiquiro wihigũ ihña tiquina yere quehno tuhasariquina numia tũho masieñequina numia tiquirore piti cahye. Piti ca bõse deco omoca dũhteri decopũ tiquiro mehna ihñañe wahahye. Sa ye bõse decore tiquina yeri wũhũpũ apequina mehna numia tiquina sajãri bato, sopecahare biha cãhye. <sup>11</sup> Camerũ tũho masieñequina numia pehe wihimahye. “Pũhto, uhsãre pũohña”, nimahye tiquina numia. <sup>12</sup> “Ijirota m̄sare niita niaja. M̄sare masiedaja yũhũ”, niahye tiquiro tiquina numiare.

<sup>13</sup> Sa yena tũho masiñequina numia tiquina yere quehnoano quehno tuhasa, tiquina cohteriro saha quehnoana, ñañe mariena iji, cohteya m̄sa gũhũ. Yũhũ tojoa tati decore ti hora gũhũre ne masiedare m̄sa, ni yahuri Jesu.

*Niñeru cjoeri uru cjoeri queoyere yahuahye Jesu*

<sup>14</sup> Sa ni yahu tuhasa queoye mehna ohõ saha ni buhe nemori tja:

—Ti pjere yũhũ tojoa tati pje ahri queoye yero saha ijirota. Wũhũ upũro ijiahye. Tiquiro ape siepũ tinino waharo taro, tiquirore dahra cohteyequinare pijioahye. Sa yero tiquinare tiquiro yere cohte dutiahye.

<sup>15</sup> Sa cohte dutiro tiquina ihbo masino puno tiquinare niñeru cjoerire ohoahye. Ihcãquirore ihcã omope cjoeri wapa bũjũye cjoerire uru cjoerire ohoahye. Apequirore pũa cjoer ohoahye. Apequirore ihcã cjoer ohoahye. Tiquinare oho tuhasa, wahaa wahahye.

<sup>16</sup> Sa ye ihcã omope cjoeri tiquiro ohoriquiro duita tiquiro wahari batota ti cjoeri mehna apee borore dúahye. Tiquiro dúrire apequinare duahye. Tiquiro duari wapa pũa omope cjoeri wapa yeahye tiquirore. Sa yero pũa omope cjoeri cũoahye. <sup>17</sup> Sa yero pũa cjoer tiquiro ohoriquiro duita tiquiro wahari batota ti cjoeri mehna apee borore dúahye. Tiquiro dúrire apequinare duahye. Tiquiro duari wapa pititia cjoer wapa yeahye tiquirore. Sa yero pititia cjoer cũoahye. <sup>18</sup> Ihcã cjoere tiquiro ohoriquiro pehe cope sehe, ti cjoere yahye, ti copepũ nũono.

<sup>19</sup> Came yoari bato tiquina pũhtoro wihiahye. Sa wihiro tiquiro niñeru cjoeri mehna tiquina ñehe nemorire queoro ahtaro tiquirore dahra cohteyequinare pijioahye. <sup>20</sup> Sa yero ihcã omope cjoeri tiquiro ohoriquiro pũhtoro cahapũ esa, pũa omope cjoeri wiahye tiquirore. “Ihcã omope cjoeri yũhũre ohori m̄hũ. Ihñaña. Ti cjoeri mehna apeye cjoerire ñehe nemou”, niahye tiquirore. <sup>21</sup> “Quehnoano yeaya m̄hũ. M̄hũ quehnoagũ, yũhũ dutiriro saha yerigũ ijire. Mehenogãre quehnoano yeaya m̄hũ. Sa yegũ yojopũre m̄hũre pajiro m̄hũ dahratire cũtja. Sa yegũ yũhũ mehna bucueya m̄hũ”, niahye tiquiro pũhtoro. <sup>22</sup> Sa yero pũa cjoere ñehediquiro pũhtoro cahapũ esa, yahuahye tiquirore: “Pũa cjoer yũhũre ohori m̄hũ. Ihñaña. Ti cjoeri mehna apeye cjoeri pũa cjoer ñehe nemou”, niahye tiquiro. <sup>23</sup> “Quehnoano yeaya m̄hũ. M̄hũ quehnoagũ, yũhũ dutiriro saha yerigũ ijire. Mehenogãre quehnoano yeaya m̄hũ. Sa yegũ yojopũre pajiro m̄hũ dahratire cũtja. Sa yegũ yũhũ mehna bucueya m̄hũ”, niahye tiquiro pũhtoro.

<sup>24</sup> Sa yero ihcã cjoere ñehediquiro pũhtoro cahapũ esa, yahuahye tiquirore: “Pũhto, m̄hũ apequina pehere tutuaro dahra dutigũ ijire. Sa tutuaro dahra dutigũ ijigũ m̄hũ basi oterapegũta ti dũcare nene m̄hũ. <sup>25</sup> M̄hũ sa ijigũ m̄hũre cuei. Sa cuegũ cope sehe, ti copepũ m̄hũ niñeru cjoere nũou. Ihñaña. Ohõpũ ijire m̄hũ ya cjoer niñeru cjoer”, niahye tiquiro. <sup>26</sup> “M̄hũ ñagũ, cape bũjugũ ijire. Yũhũ basi oterapegũta ti dũcare yũhũ negũ ijigũ masine m̄hũ. <sup>27</sup> Yũhũ sa ijigũ ihñaepegũta yũhũ niñeru cjoere niñeru ihbori wũhũpũ ihboboaya m̄hũ. M̄hũ sa ihbogũ tiquina ti cjoere wiayerũ apee niñeru oho nemoboaya tiquina”, niahye pũhtoro tiquirore. <sup>28</sup> Sa nino apequina tiquiro dahra cohteyequinare dutiahye tiquiro: “Niñeru cjoere ehmaña tiquirore. Pũa omope cjoerire cũoriquiro pehere ohoya. <sup>29</sup> Cũoyequinare oho nemoutja. Sa ye pajiro cũoeta. Cũoyequina pehere mehenogã tiquina cũoepegũta tire ehmautja. <sup>30</sup> Ahriquiro dahra cohteriquiro dũhseatiquiro ijierare. Nahitianopũ ñanopũ cohã cãhña tiquirore. Topũ tiquiro tutuaro uti, bũjũa witiro mehna bahque dihorota”, niahye pũhtoro, ni yahuri Jesu.

*Buhiri dahreatire yahuahye Jesu*

<sup>31</sup> Sa ye Jesu yahu nemori:

—Yũhũ masũ Cohãcjũ ohorigũ ijipihtiyequina angele mehna pũhto ijigũ tagũ, yũhũ pũhtoro dujiropũ yũhũ asi siteye mehna dujigũtja. <sup>32</sup> Sa yũhũ dujigũ, ahri yehpa cjẽna ijipihtiyequina yũhũ cahapũ cahmecoeta. Tiquina sa cahmecoari bato pũa curua tu waũtja tiquinare. Ovejare ihña ihboriquiro ovejare, cabra gũhũre tiquiro tu wariro saha masare tu wa docoutja. <sup>33</sup> Sa tu wagũ oveja yero saha ijieyequinare quehnoañequinare

yũhũ poto pehe bese docoutja. Sa yegu cabra yero saha ijiyequinare ñañequinare yũhũ cũ pehe pehepũ bese docoutja. <sup>34</sup> Yũhũ sa yeri bato yũhũ ijipihtiyequina pũhto pehe yũhũ poto pehepũ yũhũ bese docoriquinare ohõ saha ni yahutja: “Yũhũ Pacũ musare quehnoano yere. Ahri yehpare bajumehnenopũ musa ye ijiatire tiquiro pũhtoro ijirore quehnoyu tuhasari Cohãcjũ. Sa yena yojoopũre tiquiro quehnoripopũre ijina ahtaya. <sup>35</sup> Yũhũ Ƶjũa ahbagũ musa pehe yũhũre ihyayere ohori. Yũhũ aco wũogũ yũhũre musa sihõri. Musa cahapũ yũhũ tinigũ yũhũre ihña masiedapenata yũhũre quehnoano piti cari musa. <sup>36</sup> Suhti mariegu yũhũ ijigũ ihñana musa pehe yũhũre suhti sãari. Dohatigu yũhũ ijigũ musa yũhũre ihñana ahtari. Peresupũ yũhũ ijigũ gũhũre yũhũre ihñana ahtari musa”, niitja quehnoañequinare. <sup>37</sup> Yũhũ sa nigũ tuhoye tiquina yũhũre sinitueta: “¿Pũhto, dahse ijigũ mũhũ Ƶjũa ahbagũ mũhũre ihyayere ohori usã? ¿Dahse ijigũ mũhũ aco wũogũ mũhũre sihõri usã? <sup>38</sup> ¿Dahse ijigũ mũhũre ihña masiedapenata mũhũre quehnoano piti cari usã? ¿Dahse ijigũ suhti mariegu mũhũ ijigũ mũhũre suhti sãari usã? <sup>39</sup> ¿Dahse ijigũ mũhũ dohatigũ o peresupũ mũhũ ijigũ gũhũre mũhũre ihñana esari usã?” nieta yũhũre. <sup>40</sup> Tiquina sa ni sinitugũ tuhogu yũhũ pũhto tiquinare yahutja. “Ijirota musare niita niaja. Ahriquina yeequina mehna cjũno ihyo ijiriquiro tiquiro ijepegũta, tiquirore musa sata yeri. Sa ijiriquirore sa yena, yũhũre yero saha yena nidi musa tiquinare”, ni yahutja.

<sup>41</sup> Quehnoañequinare yũhũ sa ni yahuri bato yũhũ cũ pehe pehepũ ducuyequinare yũhũ ijipihtiyequina pũhto ohõ saha ni yahutja: “Cohãcjũ tiquiro buhiri dahreatina ijire musa. Yũhũ mehna tojoeracãhña. Pecapũ wahaya musa. Ti peca ne yatierare. Watĩno, tiquiro yequina angele gũhũ tiquina ijiatire ti pecare yeri Cohãcjũ. <sup>42</sup> Yũhũ Ƶjũa ahbagũ musa pehe yũhũre ihyayere ohoerari. Yũhũ aco wũogũ musa yũhũre sihõedari. <sup>43</sup> Yũhũre masiedana musa yũhũre piti caerari. Sa ihña cãri. Suhti mariegu yũhũ ijepegũta, yũhũre suhti sãaedari musa. Dohatigu yũhũ ijigũ peresupũ yũhũ ijigũ gũhũre sa ihña cãri musa yũhũre”, ni yahutja tiquinare ñañequinare. <sup>44</sup> Yũhũ sa nigũ tuhoye tiquina yũhũre sinitueta: “¿Pũhto, mũhũ Ƶjũa ahbagũ, mũhũ aco wũogũ, usã masiedigu mũhũ ijigũ, suhti mariegu mũhũ ijigũ, dohatigu mũhũ ijigũ, peresupũ mũhũ ijigũ dahse ijigũ usã pehe mũhũre yedohoerari?” ni sinitueta yũhũre. <sup>45</sup> Tiquina sa ni sinitugũ yũhũ tiquinare ohõ saha ni yahutja: “Ijirota musare niita niaja. Ahriquina yeequina mehna cjũno ihyo ijiriquirore musa ne yedohoerari. Sa ijiriquirore musa yedohoerana, yũhũreta sa yena nidi musa”, ni yahutja tiquinare. <sup>46</sup> Sa yero tiquinare sa buhiri dahreducurota Cohãcjũ. Ti buhiri dahreye ne phtisi. Sa ye, quehnoañequina pehe ijipihtiyede decori quehnoano ijietã, ni yahuri Jesu.

## 26

*Pahia pũhto*, judio masa bũcũna mehna Jesure wejẽ duahye

(Mr 14.1-2; Lc 22.1-2; Jn 11.45-53)

<sup>1</sup> Ti ijipihtiyere tiquiro buheri bato Jesu usãre tiquiro buhenare yahuri:

<sup>2</sup> —Pua deco bato pascua ijirota. Tire musa masine. Ti pjere yũhũ masure Cohãcjũ ohorigure ñeheeta. Ñeheñe, yũhũre curusapũ wejẽeta, nidi tiquiro usãre.

<sup>3</sup> Sa ye pahia pũhto, judio masa bũcũna gũhũ cahmecoahye. Caifa pahia pũhtoro ya wũhũpũ cahmecoahye tiquina. <sup>4</sup> Topũ cahmecoã, tiquina ni mehoñe mehna Jesure ñehe tiquina wejẽatire cahme yahuye niahye.

<sup>5</sup> —Bose deco ijigũ tiquirore ñehedacũhna, “Masa usuari”, nina, niahye tiquina basi.

*Numino ehme sitiye* uhse mehna Jesure pio peoahye

(Mr 14.3-9; Jn 12.1-8)

<sup>6</sup> Ti pjere Simo camĩ bũcũ mũna wihiro ijimediquiro ya wũhũpũ ijiri Jesu. Tiquiro ijiri macã Betania wame tiri macã ijiri. <sup>7</sup> Ti wũhũpũ tiquiro ihyari watoã ihcãcoro numino ehme sitiye ne cãhta, Jesu dapu bui pio peori. Ti ehme sitiye alabastro wame tiriapũ pose tiri. Wapa bũjũye co ijiri. <sup>8</sup> Ticoro sa pio peogũ ihñana usã Jesu buhena usuã.



—¿Duhsero ahricoro ahri core wapa bujuyere sa ye siteajari? <sup>9</sup> Ti ehme sitiye duaboaya. Sa duaro pajiro wapa ñeheboaya. Sa ñeheno ti niñerure pejecuoyequinare ohoboaya ahricoro, nii usã tiquiro buhena.

<sup>10</sup> Usã sa ni usuagũ ihñano, Jesu yahuri usãre:

—Sa niedacãhña ticorore. Yuhure quehnoano yero nine. <sup>11</sup> Pejecuoyequina pehe musa mehna sa ijiducuenta. Sa yena tiquina pehere musa oho masine. Yuhũ pehe ahri yehrapure musa mehna sa ijiducusi. <sup>12</sup> Yuhure tiquina yato pano yuhũ pagure quehnoyuro, ticoro yuhure pio peori. <sup>13</sup> Ijirota musare niita niaja. Ijipihtiro ahri yehrapũ quehnoañe buheyere tiquina yahuropũ ahricoro yojopure ticoro yerire yahueta. Tiquina sa yahugũ tuhoye ticorore masa peyequina wacũeta, ni yahuri Jesu usãre.

*Juda Iscariote Jesure ihña tuhtiyequinare ihñoahye*

*(Mr 14.10-11; Lc 22.3-6)*

<sup>14</sup> Ti pjere ihcãquiro usã mehna cjũno Juda Iscariote pahia pũntoa cahapũ esahye. <sup>15</sup> Esa, tiquinare sinituahye.

—¿Jesure musare yuhũ ihñogũ noho puno wapa yenatari musa? ni sinituahye tiquinare.

Tiquiro sa nigũ tiquina tiquirore treinta cjoeri plata cjoerire ohoahye.

<sup>16</sup> Tiquina sa ohogũ Juda pehe Jesure tiquiro ihñoati ñamine cohtero niahye.

*Jesu tiquiro buheyequina mehna tiquiro ihya bato tiri deco ijiahye*

*(Mr 14.12-25; Lc 22.7-23; Jn 13.21-30; 1 Co 11.23-26)*

<sup>17</sup> Sa ye pugũ yeye moremehneñe pãre tiquina ihyati deco bose deco iji ducari deco usã tiquiro buhena Jesu cahapũ waha, sinituu tiquirore:

—¿Noho boropũ bose deco ijigũ mari ihyatire quehnoyu dutigũ ohoutjari mũhũ usãre? nii tiquirore.

<sup>18</sup> Usã sa nigũ tiquiro yũhtiri:

—Jerusalẽpũ wahaya. Topũ ijiriquire ohõ saha ni yahuya: “Marine buheriquiro tiquiro ñano yuhduati deco mehenogã duhsatjiãñohti. Pascua ijigũ mũhũ ya wũhũpũ Jesu usãre tiquiro buhenare siho ihyati ijiñohti”, ni yahuya ti wũhũ upũrore, ni ohori Jesu usãre.

<sup>19</sup> Sa yena usãre tiquiro dutiriro sahata yena, pascua ijigũ usã ihyatire quehnou usã.

<sup>20</sup> Sa ye ti ñamine usã mehna doce tiquiro buhena mehna ihyaro nidi Jesu. <sup>21</sup> Usã ihyari watoa tiquiro usãre yahuri:

—Ijirota musare niita niaja. Ihcãquiro musa mehna cjũno yuhure ihña tuhtiyequinare ihñonota yuhure, ni yahuri tiquiro usãre.

<sup>22</sup> Tiquiro sa nigũ tuhona tutuaro bujũa witina, tiquirore sinitu dũcaũ usã ijipihtina:

—¿Pũhto, yuhũta ijiajari mũhure ihñoacjũ? ni sinituu.

<sup>23</sup> Usã sa ni sinitugũ tiquiro yũhtiri:

—Yuhũ ihyari papũ yuhũ mehna soha ihyariquiro ijire yuhure ihña tuhtiyequinare ihñoatiquiro. <sup>24</sup> Panopũ yuhure tiquina ojoariro sahata yuhũ masũ Cohãcjũ ohorigũ yariagũtja. Sa yero yuhure ihña tuhtiyequinare ihñoatiquiro ñano yuhdũrota. Tiquiro pehe masa bajueraro quehnoa yuhduaboaya. Ñano yuhdũeraboaya, nidi Jesu.

<sup>25</sup> Tiquiro sa nigũta tiquirore ihñoatiquiro Juda sinituri:

—¿Buhegũ, mũhure ihñoacjũ ijiajari yuhũ? ni sinituri tiquiro.

Jesu yũhtiri:

—Ûhũ. Mũhũta ijire, nidi.

<sup>26</sup> Sa ni yahu tuhasa usã tiquiro buhena mehna ihyaro taro nidi. Sa yero Jesu pãre ne, Cohãcjũre “Quehnoare”, nidi. Sa ni tuhasa tire nuha, usãre tiquiro buhenare itiri.

—Ahrire ne, ihyaya. Ahri yuhũ pagũ ijire, nidi tiquiro.

<sup>27</sup> Sa ni tuhasa tiquiro sihnidi pare ne, Cohãcjũre “Quehnoare”, ni, usãre ohori.

—Musa ijipihtina ahrire sihniña. <sup>28</sup> Ahri yuhũ dii ijire. Peyequina masa tiquina ñañe yerire cohãgũ tagũ yariũtja. Sa yegũ yuhũ diire cohãũtja. Cohãcjũ “Musare yuhduoutja”,



tiquiro nidiro esagũ yũhũ yariaro mehna tiquiro nidiro sohtori tirota. <sup>29</sup> Mũsare niita niaja. Yũhũ Pacũ tiquiro puhtoro ijiropũ uhmũsepu mũsa mehna wahma core uñse core sihniitja. Mari sa sihniato pano ahri core sihni nemosi yũhũ, nidi Jesu usãre.

<sup>30</sup> Sa yena Cohãcjũ yere basa tuhasana cunũpu Olivo wame tidũpu wahau usã.

*Pedro Jesure tiquiro cohãtire yahuahye Jesu*

*(Mr 14.26-31; Lc 22.31-34; Jn 13.36-38)*

<sup>31</sup> Topũ usã esagũ Jesu pehe usãre yahuri:

—Mia ñami yũhũre cohã cãnata mũsa. Ohõ sahata nine Cohãcjũ tiquiro yere tiquina ojoari pũpu yũhũre yahuro: “Ovejare ihña ihboriquiro yero saha ijiriquirore yũhũ Cohãcjũ cohãgũtja. Yũhũ sa cohãgũ tiquiro yequina oveja yero saha ijiyequina duhti site cãa wahaeta”, nine Cohãcjũ tiquiro yere tiquina ojoari pũpu. <sup>32</sup> Sa yegũ Cohãcjũ yũhũre tiquiro masori bato mũsa pano Galileapũ wahayutja yũhũ, nidi tiquiro.

<sup>33</sup> Tiquiro sa nigũ tuhoru ohõ saha nimedi Pedro:

—Yũhũ mehna cjẽna ijipihitiyequina mũhũre tiquina cohãepẽgũta yũhũ pehe mũhũre ne cohãsi, nimedi Pedro tiquirore.

<sup>34</sup> Jesu yũhtiri:

—Ijirota niita niaja mũhũre. Mia ñami canaca tiquiro yahuato pano “Yũhũ Jesure masiedaga”, niita mũhũ. Ihtia taha sa niita mũhũ, nidi tiquiro Pedrorre.

<sup>35</sup> Tiquiro sa niepẽgũta Pedro ohõ saha ni yũhtiri:

—Mũhũ mehna yũhũre tiquina wejẽ duepẽgũta “Jesure masiedaga”, ne nisi yũhũ, ni yũhtimedi Pedro.

Sa yena usã gũhũ apeqũna tiquiro buhena Pedro tiquiro nidiro sahata nimi usã Jesure.

*Getsemaní wame tiri wesepũ Cohãcjũre siniahye Jesu*

*(Mr 14.32-42; Lc 22.39-46)*

<sup>36</sup> Sa ye Getsemaní wame tiri wesepũ Jesu usã tiquiro buhena mehna waha, topũ esa, usãre nidi:

—Ohõ dujiyuya. Mũsa ohõ dujiri watoa sohõ cjũnogãpu Cohãcjũre sinigũ wahagu niaja, nidi tiquiro usãre.

<sup>37</sup> Sa ni tuhasa, Pedrorre, puaro Zebedeo pohnene tiquina ihtiarore piji cãri. Sa yero tiquiro tutuaro bujũa witi, ñano jeripohna tiahye. <sup>38</sup> Sa bujũa witiro tiquiro mehna cjẽnare tiquiro piji cãriquinare ohõ saha niahye:

—Tutuaro ñano jeripohna tiaja yũhũ. Yũhũre tutuaro purĩno saha tuhotugũ niaja. Sohõ cjũnogã wahagũ niaja. Ohõpu tojoaya. Sa yena yũhũ mehnata carĩedacãhña mũsa gũhũ, niahye tiquiro tiquinare.

<sup>39</sup> Sa ni tuhasa mehenogã waha nemo, yehrapũ quehe sa, Cohãcjũre niahye:

—Mai, yũhũ ñano yũhũuatire ye dueragũ yeracãhña. Yũhũ sa niepẽgũta yũhũ cahmeno saha yeracãhña. Mũhũ pehe masine. Mũhũ cahmeno saha yeya yũhũre, ni siniahye tiquiro Cohãcjũre.

<sup>40</sup> Sa ni tuhasa, ihtiaro tiquiro buheyequina cahapũ wihiro, carĩnequinare ihñahye. Tiquinare ihñano, Pedrorre ohõ saha niahye:

—¿Ihcã hora waro yũhũ mehna carĩegũ iji masiedajari mũhũ? <sup>41</sup> Quehnoano yeya mũsa. Sa yena Cohãcjũre siniducuya mũsa, “Ñano yeari”, nina. Mũsa tuhotuye mehna quehnoañene ye duamene mũsa. Mũsa sehsaro sa ye duepenata tire ye masiedare mũsa, ni yahuahye Jesu.

<sup>42</sup> Sa ni yahu tuhasa, pari turi waha, Cohãcjũre siniahye:

—Mai, yũhũ ñano yũhũuatire ye duagũ yeya yũhũre. Mũhũ cahmeno saha yeya, ni siniahye tiquiro.

<sup>43</sup> Ni, tiquiro buheyequina ihtiaro buheyequina cahapũ pari turi wihiahye tja. Sa wihiro carĩnequinareta ihñahye tja. Wujũa purĩ yũhũuahye tiquinare. <sup>44</sup> Sa yero tiquinare cũ cã, pari turi waha, Cohãcjũre siniahye. To pano tiquiro nidiro sahata niahye tja. <sup>45</sup> Sa ni tuhasa tiquiro buheyequina cahapũ wihi, tiquinare ohõ saha niahye:

—¿Yojopu pūritare carīnina nijari mūsa? ¿Sorīna nijari mūsa? niahye tiquiro.  
Sa ni tuhasa, masa tiquina ahtagū ihñano, ohō saha niahye.

—Tūhoya. Mianogāta yūhu masure Cohācjū ohorigure ñañequinare ohoeta yūhure.  
<sup>46</sup> Wahcāña. Isa wahana. Ihñaña. Yūhure ihña tuhtyequinare ihñoatiquiro ohōpu ahtare, niahye tiquiro.

*Jesure ihña tuhtyequina tiquirore peresu yeahye*  
(Mr 14.43-50; Lc 22.47-53; Jn 18.2-11)

<sup>47</sup> Tiquiro sa nino watoa ūsā mehna cjāno ijimediquire Juda pehe wihiri. Masa peyequina ahtari tiquiro mehna. Tiquina pahia pūhto, judio masa bācūna gūhu tiquina ohoriquina ijiri. Nōseñe pjīnine, yucū tiāri gūhure cūori. <sup>48</sup> Coā warore Jesure ihña tuhtyequinare ihñoatiquiro masare ohō saha ni yahuyu tuhasahye:

—Yūhu wahsupu ihmidiquireta ijirōta mūsa ñehetiquiro. Tiquirore yūhu ihmidi bato ñehēña tiquirore, niahye Juda tiquinare.

<sup>49</sup> Sa ye wihiro Jesu cahapu duita wahari.

—¿Buhegu, ijijari mūhu? ni, tiquirore wahsupu ihmidi.

<sup>50</sup> Tiquiro sa ihmigū Jesu ohō saha nidi:

—Yūhu acayū, ohōpūre mūhu yei tū ahtarire yeya mūhu, nidi tiquiro.

Sa ye tiquina Jesure ñehedi.

<sup>51</sup> Tiquina sa yegū ihñano Jesu mehna cjāno tiquiro ñoseni pjīne tūā we ne, pahia pūhtoro cahacjūnore cahmonore dute pahre cāri. <sup>52</sup> Tiquiro sa yegū ihñano Jesu tiquirore yahuri.

—Mūhu ñoseni pjīne ihboya. Apequinare mūhu ñosegū tiquina ñose cahmegū yariagūta mūhu. <sup>53</sup> Yūhu Pacure yūhure yūhu yedoho dutigū tiquiro pehe peyequina angelere doce cururire yūhu cahapu ohoboaya tiquiro. ¿Tire masiedajari mūhu? <sup>54</sup> Sa yedohoboriquiro tiquiro ijiepegūta tiquirore yūhure yedoho dutisi yūhu. Yūhu sa dutieragū Cohācjū yere tiquina ojoari pū ti nidiro sahata sa waharota, nidi tiquiro.

<sup>55</sup> Sa ni tuhasa masare yahuri tiquiro:

—¿Dūhse ijiro boro mūsa ñoseñe pjīni mehna, yucū tiāri mehna yaque bācūrore yero saha mūsa yūhure ñehena ahtajari? Decoripe Cohācjū wūhūpu mūsure yūhu buhe dujigū, mūsa yūhure ne ñehedari. <sup>56</sup> Sa ijiepegūta ahri ijipihtiye sa waharo nine Cohācjū yere yahu mūhtariquina tiquina ni ojoariro sahata, nidi Jesu.

Tiquirore tiquina sa ñehegū ihñana ūsā tiquiro buhena tiquirore cohā oma cāa wahau ūsā.

*Judio masa pūhto Jesure sinituahye*  
(Mr 14.53-65; Lc 22.54-55, 63-71; Jn 18.12-14, 19-24)

<sup>57</sup> Sa ye tiquirore ñehediquina pahia pūhtoro Caifa wame tiriquire ya wūhūpu ne sahye tiquirore. Ti wūhūpūta marine judio masare buheyequina, bācūna gūhu cahmecoahye.

<sup>58</sup> Topu Jesure tiquina neagū Pedro yoropu tiquinare ihña nūnu tāhye. Sa nūnu tāno Caifa ya wūhure cahmotari sahrīnore esa, ti sahrīno puhapu sajāa wahahye. Sajā sa, ti wūhure cohteyequina surara mehna dujahye. Jesure tiquina dūhse yegū ihñano taro niahye.

<sup>59</sup> Sa ye pahia pūhto, apequina pūhto mehna Jesure wejē duti duaye, ni mehoñe mehna tiquirore tiquina ñano buhiri dahreatire wacū macamahye. <sup>60</sup> Tiquina yahusātire wacū bocaerahye. Sa wacū bocaerapeta peyequina masa tiquirore sa ni meho yahusā maca cāhye. Sa ye pūaro tiquina bato wihyequina tiquirore yahusāhye tja.

<sup>61</sup> —Ahriquire ohō saha nidi: “Cohācjū wūhure cohā masiaja. Sa cohāgu ihtia deco wahaboro ti wūhure pari turi yeitja”, tiquiro nigū tūhou ūsā, ni yahusā maca cāhye Jesure.

<sup>62</sup> Tiquina sa nidi bato pahia pūhtoro wahcādūca sa, Jesure sinituahye:

—¿Ahriquina mūhure tiquina yahusāepēgūta tiquinare yūhti cahmedajari mūhu? niahye pūhtoro.

<sup>63</sup> Tiquiro sa nigũ tũhooperota Jesu sata tũhotu cãhye. Tiquiro sa yũhtieragũ ihñano pahia pũhtoro pari turi sinituahye tja:

—Cohãcjũ catiriquiro wame mehna poto niña mũhũ. Mũhũ sa niedagũ tiquiro mũhũre buhiri dahrerota. Yahuya usãre. ¿Cristo Cohãcjũ macũta ijiajari mũhũ? ni sinituahye tja.

<sup>64</sup> Tiquiro sa nigũpũta Jesu yũhtiahye:

—Tiquirota ijiaja. Mũsare poto yahugũta niaja. Came yũhũ masũ Cohãcjũ ohorigũ yũhũ Pacũ tutuariquiro cahapũ tiquiro poto pehepũ yũhũ dujigũ ihñanata mũsa. Sa yena mũmũse cjẽ ehmeo cururi bui yũhũ ahtagũ gũhũre ihñanata mũsa, ni yũhtiahye Jesu.

<sup>65</sup> Tiquiro sa nigũ tũhoro pahia pũhtoro tiquiro sañari suhtirore tũhrẽ cãhye apequinare “Usua yũhdũare”, ni ihña masi dutiro.

—Cohãcjũre pajiro ñano yahuducuro nine ahriquiro. Sa ye tiquiro ñano yahuducuyere tũho tuhasaja mari. Sa ye topequinata yahusãahdo ahriquirore. Ohõpũta tiquiro ñano yahuducugũ tũhoaja mari basita. <sup>66</sup> ¿Dũhse yenatari mari yojopũre ahriquirore? ni sinituahye tiquiro apequina pũhtoare.

—Tiquiro ñari buhiri wejẽ cãno cahmene tiquirore, ni yũhtiahye tiquina.

<sup>67</sup> Tiquina sa nidi bato tiquiro wũhdoare sihco puti ohõ, tiquirore quẽpeahye tiquina.

<sup>68</sup> Tiquirore quẽpe tuhasa, ohõ saha niahye tiquirore:

—¿Noa pehe mũhũre quẽajari? Cristo ijigũ ihñedapegũta yahuya usãre, ni bujũpeahye tiquina.

—*Tiquirore masiedaga, niahye Pedro Jesure*

(*Mr 14.66-72; Lc 22.56-62; Jn 18.15-18, 25-27*)

<sup>69</sup> Sa ye ti wũhũ cahapũ ijiri paapũ quehnoari paapũ Pedro pehe dujiahye. Tiquiro sa dujigũ ihñano pahia pũhtoro cahacjõno tiquiro cahapũ esaro, ohõ saha niahye:

—Mũhũ gũhũ Jesu Galilea cjũno mehna ijiri, niahye ticoro.

<sup>70</sup> Ticoro sa nigũ tũhoro, Pedro ohõ saha niahye:

—¿Dũhse ni maca cõo niajari mũhũ? Mũhũ nidiquirore ne masiedaga yũhũ, niahye Pedro ticoro ijipihtiyequina tiquina tũhoropũ.

<sup>71</sup> Tiquiro sa nidi bato ti paa cjã sahrĩno sopecaha cahapũ wahahye Pedro. Topũ tiquiro ijigũ apesorõ cahacjõno tiquirore ihñano, topũ ijiiyequinare ohõ saha niahye:

—Jesu Nazare cjũno mehna ijiri ahriquiro, niahye ticoro Pedrorẽ tja.

<sup>72</sup> Ticoro sa nigũ tũhoro Pedro yũhtiahye:

—Cohãcjũ mehna poto nii niaja. Tiquiro mũhũ nidiquirore ne masiedaga yũhũ, ni yũhtiahye Pedro.

<sup>73</sup> Sa ye came cjũno topũ ducuyequina Pedro cahapũ waha, tiquirore ohõ saha niahye tja:

—Poto tjire. Jesu yequina mehna cjũ ijire mũhũ gũhũ. Tiquina yero saha yahuducure mũhũ, niahye tiquina Pedrorẽ.

<sup>74</sup> Tiquina sa nigũ Pedro yũhtiahye:

—Poto Cohãcjũ mehna nii niaja mũsare. Yũhũ poto yũhũ niedagũ Cohãcjũ yũhũre buhiri dahreahro. Tiquirore mũsa nidiquirore ne masiedaga yũhũ, ni yũhtiahye tiquiro tiquinare.

Tiquiro sa nigũta canaca yahuahye. <sup>75</sup> Tiquiro yahugũ tũhoro Jesu tiquirore nidire wacũahye. “Canaca tiquiro yahuatõ pano ‘Jesure masiedaga’, niita mũhũ. Ihtia taha warõ sa niita mũhũ”, Jesu tiquirore nidire wacũahye Pedro. Sa wacũno, ti sahrĩnore wijia, tutuaro utiahye.

## 27

*Pilato cahapũ Jesure neahye*

(*Mr 15.1; Lc 23.1-2; Jn 18.28-32*)

<sup>1</sup> Sa ye bohrea quehagũpũ pahia pũhtoã mari judio masa bucũna gũhũ Jesure tiquina wejẽ dutiatire cahme yahuducuahye. <sup>2</sup> Tiquina sa yeri bato tiquirore dũhte, Pilato cahapũ nea, tiquirore ohoahye Pilatore. Pilato pehe ti yehpa cjẽna pũhtoro ijiri.

*Juda Iscariote yariaa wahahye*

<sup>3</sup> Sa yero Jesure tiquina wejē dutigū ihñano Juda pehe Jesure ihñoriquiro tiquirore tiquiro ihñorire tutuaro wacū bújua witiahye. Sa bújua witiro treinta cjoeri tiquiro ñehedi niñeru cjoerire wiaro waharo, pahia caharū, búcuna caharū esa, ohō saha niahye:

<sup>4</sup> —Jesu musare yuhū ihñoriquiro ñañe marieniquiro tiquiro ijiepegūta tiquina wejē dutiri tiquirore. Sa yegu musare tiquirore ihñogu ñano yegu niaya yuhū, ni yahuahye Juda tiquinare.

Tiquiro sa ni yahuri bato tiquina yūhtiahye:

—Sata yecūnahdo. Ūsāre dūhseati ijierare ti mūhū sa niñe. Mūhū dihita sa ni tūhoture tire, ni yūhtiahye tiquina tiquirore.

<sup>5</sup> Tiquina sa ni yūhtiri bato Cohācjū ya wūhūpū Juda tiquiro ye niñeru cjoerire doque site cūahye. Doque site cū, wahaa wahahye. Waha, yuta dare dūhte ohō, tiquiro basi wamūare tu suha, uhpu cjū sa, yariaa wahahye.

<sup>6</sup> Sa ye pahia pūhtoa niñeru cjoerire ne, ohō saha niahye:

—Ahri niñerure Cohācjū wūhū cjā acaropū niñeru ihbori acaropū mari cū masiedaja. Ahri niñeru mehnata masūnore wejē dutiri. Sa ye mari ye dutiye marine sa ijiye niñerure ihbo dutierare, niahye tiquina basi.

<sup>7</sup> Tiquina sa nidi bato “Ohō saha yeihna”, tiquina ni yahuri bato dihi suturire yeriquiro ya yehpare dúahye. Ti cjoeri mehna dúahye. Ape sie cjēna tiquina wihi tiquina yariagū tiquina yati yehpa ijiatore ti yehpare dúahye. <sup>8</sup> Sa ye ti yehpare “Dii yehpa”, wame yeri masa. Yojoṛū gūhūre sata wame tire. <sup>9</sup> Ahri ijipihtiye sa wahahye Jeremia panopū “Sa waharota”, tiquiro ni ojoariro sahata. Tiquiro Cohācjū yere yahu mūhtariquiro ijiahye. Ohō saha ni ojoahye tiquiro: “Treinta niñeru cjoerire plata cjoerire ‘To punota wapa yenata tiquirore usā ñeheatire’, nieta Israe masa. <sup>10</sup> Sa ye ti cjoeri mehna dihi suturire yeriquiro ya yehpare dúeta tiquina. Ohō sahata yūhūre ye dutiri Cohācjū”, ni ojoahye Jeremia panopū.

*Pilato Jesure sinituahye*

(Mr 15.2-5; Lc 23.3-5; Jn 18.33-38)

<sup>11</sup> Sa ye Pilatore tiquina ohori bato tiquiro pehe Jesure sinituahye:

—¿Potota judio masa pūhtota ijiajari mūhū? ni sinituahye Jesure.

—Mūhū nino sahata ijiaja, ni yūhtiahye Jesu.

<sup>12</sup> Sa ni yūhtieperota, pahia pūhtoa, búcuna gūhū tiquina tiquirore yahusāgū yūhtierahye Jesu. <sup>13</sup> Tiquiro sa yūhtieragū ihñano Pilato sinituahye:

—¿Ahri ijipihtiye mūhūre tiquina yahusārire tūhoerajari mūhū? ni sinituahye tiquiro Jesure.

<sup>14</sup> Tiquiro sa ni sinituepegūta Jesu ne mehenogā yūhtierahye. Tiquiro sa yūhtieragū ihñano Pilato ne dūhse ni masiedahye.

*Jesure wejē dutiahye*

(Mr 15.6-20; Lc 23.13-25; Jn 18.38-19.16)

<sup>15</sup> Cūhmaripe pascua ijigū masa yaquiro ijiatiquirore ihcāquiro peresupū ijiriquirore Pilato sa wio basaducue tiahye. <sup>16</sup> Ti pjere Barrabá wame tiriquiro peresupū ijiahye. Tiquirore masiahye masa. <sup>17</sup> Sa yero tiquina cahmecoagū Pilato pehe sinituahye tiquinare:

—¿Diquiro pehere musare wio basaboagari yuhū? ¿O Barrabá pehere o Jesure Cristo tiquina nidiquirore wio basaboagari yuhū? ni sinituahye tiquiro.

<sup>18</sup> Jesure masa cahīgū ihñañe judio masa mari pūhtoa tiquirore ihña tuhtiahye. Sa ihña tuhtiye tiquirore ohoahye Pilatore. Sa yero masa tiquina cahīdi buhiri tiquina ihña tuhtirire masino Pilato Jesure wio duamahye.

<sup>19</sup> Sa ye Pilato masare ñañe yeyequinare tiquiro beseri pahtapū dujigū tiquiro namono tiquirore quiti ohoahye: “Mia ñamine Jesure quehēgo, tutuaro ñano yūhdū. Sa yegu

tiquirore ñañe marieniquirore ne sijoro saha yeracãhña mũhũ”, ni yahudoqueoahye tiquiro namono Pilatore.

<sup>20</sup> Sa ye coã waropũre pahia pũhtoa, bucũna gũhũ masare ohõ saha ni duti tuhasahye. “Barrabá pehere wio duti, Jesu pehere wejẽ dutiya”, ni dutiahye masare. <sup>21</sup> Sa yero Pilato masare sinituahye:

—¿Ahriquina pũarore diquiro pehere mũsare wio basaboagari yũhũ? ni sinituahye.

—Barrabá pehere wio basaya usãre, ni yũhtiahye.

<sup>22</sup> —¿Ahriquiro Jesu Cristo tiquina nidiquiro pehere dũhse yeitari yũhũ, mũsa sa ni saũuducugũ? ni sinituahye tiquiro.

—Curusapũ quẽ biha wejẽña tiquirore, ni yũhtiahye masa ijipihtiequina.

<sup>23</sup> —¿Yabe borore ñañene yeari ahriquiro, mũsa sa nigũ? niahye tiquiro.

Tiquiro sa nigũ tũhoye tiquina tutuaro mehna saũuducuahye:

—Curusapũ quẽ biha wejẽña tiquirore, ni saũuducuahye masa tiquirore.

<sup>24</sup> Tiquina sa ni saũuducugũ tũhoro, tiquirore tiquina tũho dueragũ ihñano “Masa usua, cahmequeboaga”, nino, yũhtiro ohõ saha yeahye Pilato. Masa tiquina ihñonopũ tiquiro omo coseahye. Sa omo cosero ohõ saha niahye.

—Ahriquirore wejẽdi buhiri yee buhiri ijierare. Mũsa ye buhiri ijire, nino omo coseahye.

<sup>25</sup> Tiquiro sa nigũ tũhoye ijipihtiequina masa ohõ saha niahye.

—Ahriquirore wejẽdi buhiri usã, usã pohna gũhũ usã ye buhiri ijiahro, niahye masa.

<sup>26</sup> Tiquina sa nigũ tũhoro Pilato Barrabáre peresupũ ijiriquirore wio dutiahye masa tiquina cahmeniquirore. Sa ye tuhasa Jesu pehere yuta dari mehna tana duti, tiquirore curusapũ wejẽ dutiro ohoahye surarare.

<sup>27</sup> Tiquiro sa ohogũ Pilato ya wũhũpũ tiquiro yequina surara Jesure neñe esahye. Sa ye tiquina surara ijipihtiequina Jesu cahapũ cahmecoahye. <sup>28</sup> Sa ye tiquiro suhtire tu we ne, pũhoro ya suhtiro saha bajuri suhtirore tiquirore sãahye. <sup>29</sup> Sa sãa tuhasa, pota behtore ye tuhasa, tiquiro dapu bui duhu peoahye. Sa duhu peo tuhasa, yucũgũre poto pehe dahra suhahye. Dahra suha tuhasa, dũsepe curi mehna quehe sa, bũjũpeahye tiquirore.

—Quehnoano ahtaya. Judio masa pũhto, quehnoano ahtaya, ni bũjũpeahye tiquirore.

<sup>30</sup> Sa nieta tiquirore sihco puti ohõ, tiquina dahra suhadũre tiquirore tũã we ne, tiquiro dapure quẽahye tũ mehnata. <sup>31</sup> Tiquina sa bũjũperi bato tiquina sãari suhtirore tu we ne, tiquiro ye suhti pehere sãahye tja. Sãa tuhasa, curusapũ wejẽñe tehe, tiquirore ne wijiahye.

*Tiquina Jesure curusapũ quẽ biha, wejẽahye*

*(Mr 15.21-32; Lc 23.26-43; Jn 19.17-27)*

<sup>32</sup> Tiquirore ne cã, Simo wame tiriquirore Cirene cjãnore piti ca, tiquirore Jesu wũari curusare wũa cã dutiri.

<sup>33</sup> Wũa cã Gólgota wame tiropũ esari. “Gólgota”, nino “Dapu pehtoro”, nino nine. <sup>34</sup> Sa ye vinore sũẽñe co mehna tiquina moreñe core Jesure ohomedi. Ti acore sihni tuhu, sihniedari tiquiro.

<sup>35</sup> Sa ye Jesu ye suhtire tiquina tu we nedi bato tiquirore curusapũ quẽ bihari tiquina. Sa quẽ biha tuhasa, tiquiro ye suhtire “¿Noa yaro ijiretari ohõ?” ni, cahme doqueperi, ni ojoahye panopũ. <sup>36</sup> Doquepe tuhasa tiquirore ihña dujuducuri tiquina. <sup>37</sup> Tiquiro dapu bui curusapũ ohõ saha ni ojoari pũjne duhu ohõri tiquina tiquiro ñañe buhirire yahu duaye. “AHRIQUIRO JESU JUDIO MASA PũHTORO IJIRE”, ni ojoari tiquina ti pũjne.

<sup>38</sup> Came pũaro yaque bucũnare Jesu cahapũ apeye curusaripũ quẽ biha docori tiquina. Ihcãquiro tiquiro poto pehe, apequiro tiquiro cũ pehe pehe quẽ biha docori tiquina. <sup>39</sup> Curusari cahapũ yũhdũ cãñequina Jesure ihña, tiquina dapu pacare yure, tiquirore ñano yahuducuri:



<sup>40</sup> —¿Cohācjũ wuhure cohã, ihtia deco wahaboro pari turi ti wuhure dahreborigu ijiajari mũhũ? Cohācjũ macũ ijigũ mũhũ basi dijia taya. Sa yegũ mũhũ basi yedohoya, nidi masa.

<sup>41</sup> Sata ni bũjũperi tiquirore. Pahia pũhtoa gũhũ, marine judio masare buheyequina gũhũ, bũcũna gũhũ tiquirore sa ni bũjũperi.

<sup>42</sup> —Tiquiro apequinare yũhdũoriquiro ijiro tiquiro basi gũhũ yũhdũoahro. “Israe masa pũhto ijiaja”, nimene tiquiro. Sa yena tiquiro basi dijia tagũ ihũana tiquirore wacũ tutuanata. <sup>43</sup> Tiquiro pehe Cohācjũre wacũ tutuamene. Sa yero “Cohācjũ macũ ijiaja”, nimene tiquiro. Tiquiro sa ijigũ Cohācjũ pehe tiquirore yedohoahro, ni bũjũperi tiquina.

<sup>44</sup> Yaque bũcũna tiquiro cahapũ tiquina quẽ bihanohriquina sata tiquirore bũjũpe, ñano yahuducuri tiquina gũhũ.

*Jesu yariaa wahahye*

(Mr 15.33-41; Lc 23.44-49; Jn 19.28-30; He 6.19-20; 10.19-20)

<sup>45</sup> Sa ye coheri pje ijigũ ihtia hora waro ijipihtiropũ nahitiano ijiri. <sup>46</sup> Sa yero ti pjere nahitia yũhdũgũ waro Jesu tutuaro sañuducuri:

—¿Elí, Elí lema sabactani? nidi tiquiro. Sa nino ohõ saha nino niahye: “¿Yũhũ Pacũ, yũhũ Pacũ, dũhsegũ yũhure cohājari mũhũ?” nino nidi.

<sup>47</sup> Tiquiro sa nigũ tũhoye ihquẽquina topũ ducuyequina ohõ saha nimedi:

—Cohācjũ yere yahu mũhtariquirore Eliare pijioro niboaga, nimedi tiquina.

<sup>48</sup> Sa yero ihcãquiro tiquina mehna cjũno oma cã, aco ihmini sũhte mehna vino sũẽne core soha tuhasa, yucũgũ sohtoapũ dũhte ohõ, Jesu cahapũ esa, tiquirore sihõmedi.

<sup>49</sup> Tiquiro sa yegũ ihũaũe apequina sihõriquirore ohõ saha nidi:

—Cohteniña. Elia ahriquirore tiquiro yũhdũogũ ihũaũhna mari, nidi apequina.

<sup>50</sup> Tiquina sa nidi bato pari turi sañuducu, Jesu pehe yariaa wahari. <sup>51</sup> Tiquiro yariagũta Cohācjũ wũhũ cjã suhtiro cahsero, topũ tiquina cahmotari cahsero deco tũhnũ ma dijia, cjũ saa wahahye. Sa yero yehpa gũhũ ñũhmidi. Sa ñũhmigũ utã paca bũjũye paca wahtia wahari. <sup>52</sup> Sa ye masa coperi parĩgũ, peyequina Cohācjũ yequina mũna panopũ yariariquina mũna masa wijiahye. <sup>53</sup> Masa wijia, Jesu masa wijiaro bato ti coperire cohã cã, quehnoari macapũ Jerusalẽpũ wahari tiquina. Topũ tiquina wahagũ peyequina masa ihũahye tiquinare.

<sup>54</sup> Sa ye ti ijipihtiyere ihũaũe, yehpa ñũhmigũ ihũaũe, surara pũhtoro tiquiro yequina surara mehna ihũa maria wahari. Tiquina Jesure curusapũ ijiriquirore cohteyequina ijiri. Ihũa maria waha, ohõ saha nidi:

—Ijirota ijire. Ahriquiro Cohācjũ macũnota ijimeya, nidi tiquina.

<sup>55</sup> Sa ye Galileapũ Jesu mehna ahtariquina numia tiquirore yedohoriquina numia yoaropũ tiquirore curusapũ ijiriquirore ihũaducuye nidi. <sup>56</sup> Tiquina numia mehna María Magdalena ijiri. Apecoro María wame tiricoro gũhũ ijiri. Ticoro pehe Santiago, José gũhũ pacoro ijiri. Apecoro Zebedeo namono ijiri.

*Jesu pagũre masa coperũ cũahye José*

(Mr 15.42-47; Lc 23.50-56; Jn 19.38-42)

<sup>57</sup> Sa ye ñamicahapũ José Arimatea cjũno doeri cjẽ upũro topũ wihiahye. Tiquiro Jesu buheriquiro ijiri. <sup>58</sup> Wihi, Pilato cahapũ esa, Jesu pagũre siniahye. Tiquiro sa sinigũ tũhoro Jesu pagũre tiquirore oho dutiahye Pilato. <sup>59</sup> Tiquiro sa dutiri bato José pehe tiquiro pagũre ne dijio, quehnoari suhtiro wete marieni suhtiro mehna tiquiro pagũre wahmeahye. <sup>60</sup> Wahme tuhasa, José tiquiro ya masa coperũ cũahye Jesu pagũre. Ti cope tiquina utãpũ seheri cope wahma cope ijiri. Ti coperũ ne sajã dũhu cũ tuhasa, pajiria utãre tu torẽ cãhye tia mehna biharo taro. Biha tuhasa, wahaa wahahye. <sup>61</sup> Sa ye María Magdalena, apecoro María mehna ti copere ihũa dũjiducuahye.

*Jesure tiquina cũri copere surara cohteahye*



<sup>62</sup> Sa ye ape deco, pascua ijiatire tiquina quehnori deco bato, saurú ijigũ pahia pũhto, fariseo masa gũhũ Pilato cahapũ cahmecoahye. <sup>63</sup> Cahmecoahye tuhasa ohõ saha niahye tiquina Pilatore:

—Pũhto, tiquiro ni mehoriquiro Jesu catiro ohõ saha niahye: “Ihtia deco wahaboro masa wijiagũtja yũhũ”, niahye tiquiro. <sup>64</sup> Tiquiro sa nidiqiro ijigũ tiquiro buheyequina pehe tiquiro pagũre yaqueboaga. Sa yaqueye masare ohõ saha niboaga: “Jesu masa wijiari”, niboaga tiquina. Tiquiro Jesu pehe masare ni mehono nidi. Sa ijiepegũta tiquiro buheyequina pehe “Tiquiro masa wijiari”, niñe, ni mehoñe nieta. Sa yero Jesu tiquiro ni mehoriro yũhdũoro tiquina ye ni mehoñe pehe ña yũhdũarota. “Sa yaqueari”, nigũ ihtia deco waro tiquiro masa copere mũhũ yequina surarare cohte dutiya, niahye tiquina Pilatore.

<sup>65</sup> Pilato yũhtiahye:

—Aũ. Ti copere cohteahro. Sa yena mũsa gũhũ mũsa ye masino puno ti copere quehnoano cohteya, niahye tiquiro tiquinare.

<sup>66</sup> Tiquiro sa nigũ tiquina waha, ti copere biharia utã mehnarũta ñehogũrũta wihtã ñeheahye masa tiquina sajãgũ ihña masiñe tehe. Sa ye surarare ti copere cohte dutiahye.

## 28

### *Jesu masa wijiayahye*

*(Mr 16.1-8; Lc 24.1-12; Jn 20.1-10)*

<sup>1</sup> Sa ye judio masa mari sori deco saurú pehe yũhdũgũ domingo ijigũ ñami cjũnogã ijigũ María Magdalena apecoro María mehna Jesu masa copere ihñañe wahahye. <sup>2</sup> Sa yero duita yehpa tutuaro ñuhmiahye. Sa ñuhmigũ mari pũhtoro tiquiro yaquiro angel mũmũserũ ijiriquiro dijia ta, masa copere biharia utãre tu torẽ cã, tia bui dujiahye. <sup>3</sup> Uro miadoqueoro yero saha quehnoano asi siteahye tiquiro. Sa ye tiquiro suhti ehmeo curua yero saha quehnoano yehseye suhti ijiahye. <sup>4</sup> Tiquiro sa bajuagũ ti copere cohteyequina surara cue yũhdũye, nanare yũhdũa waha, buigã warona yaria yũhdũa wahahye. <sup>5</sup> Sa yero angel pehe tiquina numiare ohõ saha niahye:

—Yũhũre cueracãhña. Curusapũ tiquina quẽ bihariqiro, Jesure mũsa macagũ masiaja yũhũ. <sup>6</sup> Tiquiro yojopũre ohõre mariedare. Tiquiro nidiro sahata masa wijiã wahari. Tiquiro pagũre tiquina cũrĩrore ihñana ahtaya. <sup>7</sup> Sa yena tiquiro buheyequina cahapũ mũmũñano waha, ohõ saha ni yahuna wahaya: “Jesu masa wijiari. Sa yero mũsa pano Galileapũ tiquiro wahayurota. Topũ tiquirore ihñanata mũsa”, ni yahuna wahaya mũsa. Ahrita ijire mũsare yũhũ yahuri quti, niahye angel tiquina numiare.

<sup>8</sup> Tiquiro sa nidi bato tiquina numia masa copere ijiye numia sojaro mehna wijiã, tiquirore cuepeta bucue yũhdũye mehna Jesu buheyequinare yahuye oma cãa wahahye.

<sup>9</sup> Sa wahayequina numiare Jesu piti ca, ohõ saha niahye:

—¿Quehnoano ijiajari mũsa? niahye tiquiro.

Tiquiro sa nidi bato, tiquina pehe tiquiro cahapũ esa, dahpocãrine ñehe, tiquirore ño peohye.

<sup>10</sup> —Cueracãhña mũsa. Yũhũ bahanare “Galileapũ wahaya”, ni yahuna wahaya. Topũ yũhũre ihñaeta tiquina, niahye Jesu tiquinare.

### *Masa copere cohteyequina surara tiquina ihñarire yahuahye*

<sup>11</sup> Tiquiro sa nidi bato numia wahari watoa ihquẽquina masa copere cohteriquina mehna cjẽna surara, Jerusalẽpũ pahia pũhtoare ijipihtiyere yahu pehoye wahahye. Jesu tiquiro masa copere wijiãre yahu peho cãhye. <sup>12</sup> Tiquina sa ni yahugũ pahia pũhtoã, judio masa mari bucũna mehna cahmecoahye. Cahmecoahye, yahuducuahye. Sa yeye surarare ni meho dutiye niñerure wapa yeahye.

<sup>13</sup> —Ohõ saha niña mũsa masare: “Ñami usã carĩdi bato tiquiro buheyequina pehe masa copere wihĩ, tiquiro pagũre ne cãri jiri”, ni yahuya masare. <sup>14</sup> Mũsa sa ni yahugũ

Pilato pehe m̄sa carĩ ȳhduarire t̄hoboaga. Tiquiro sa t̄hogũ, “M̄sare tuhtiari”, nina, m̄sare yahu basanata ùsã tiquirore, niahye tiquina surarare.

<sup>15</sup> Tiquina sa nidi bato surara pehe niñerure ñehe, tiquinare tiquina ni meho dutiro sahata masare yahuye wahahye. Sa ye tiquina ni mehoriro sahata Jesu tiquiro masa copere wijiare yahuducuri judio masa. Yojoꝛũ gũhũre sata nine tiquina.

*Jesu tiquiro yere buhe dutiro ohoahye tiquiro buheyequinare*

*(Mr 16.14-18; Lc 24.36-49; Jn 20.19-23)*

<sup>16</sup> Sa ye ùsã Jesu buhena once buhena c̄nũꝛũ Galileapũ ijidũꝛũ Jesu tiquiro waha dutidũꝛũ wahaũ ùsã. <sup>17</sup> Topũ esa, Jesure ihñana, ño peou ùsã tiquirore. Sa ño peopenata, ùsã ihquẽquina “Ahriquiro Cohãcjũ macũno ijieraboaga”, ni t̄hotumi.

<sup>18</sup> Ùsã sa ño peogũ tiquiro pehe ùsã cahapũ wihi, ohõ saha nidi:

—Ahri yehrapũre, ùhmũsepũ gũhũre Cohãcjũ ijipihtiyequina bui tutuayere ohori ȳhũre. <sup>19</sup> Tiquiro sa ohogũ ohõ saha dutiaja m̄sare: Ijipihtiro cjẽnare yeere buhena wahaya. Yeequina tiquina wahatire buhena wahaya. Sa yena mari Pacũ wame mehna, ȳhũ wame mehna, Espĩritu Santo wame mehna tiquinare wame yeya. <sup>20</sup> Sa yena m̄sare ȳhũ dutirire tiquina ye pehoatire buheya tiquinare m̄sa. Sa yena ahrire ȳhũ niatire wacũña: Ijipihtiye decori ahri yehpa ijiro puno m̄sa mehna sa ijiducugũtja. M̄sa mehna ȳhũ sa ijiducuatire wacũña m̄sa, ni yahuri ùsãre Jesu.

## San Marcos

*Ñu wame yeriquiro buhe ducahye*

*(Mt 3.1-12; Lc 3.1-9, 15-17; Jn 1.19-28)*

<sup>1</sup> Ahri pūpū Jesucristo Cohācjū macūno tiquiro yerire quehnoañe buheyere yahu ducaja. <sup>2</sup> Cohācjū yere yahu mūhtariquiro mūnano Isaia tiquiro ojoariro sahata yahuye ijire. Ohō saha ni ojoahye tiquiro:

Cohācjū tiquiro macūnore ohō saha niahye: “Mūhū pano mūhūre yahuyuatiquirore ohoyugū niaja. <sup>3</sup> Sa yero tiquiro masa marienopū waharota. Tiquirore tūhoyequinare yahuro sañuducurota: ‘Mari pūhtoro tiquiro ahtato pano mahare mari quehnoyuro saha quehnoana ijyuya mūsa. Mūsa ñañe yerire būjua witiya,’ ni sañuducurota,” niahye Cohācjū, ni ojoahye Isaia.

<sup>4</sup> Ñu wame yeriquiro masa marienopū buhee tiahye.

—Mūsa ñañe yerire būjua witiya. Yojoṗure quehnoañe pehere comesaya. Sa yena wame yenohrina ijiya. Mūsa sa comesagū ihñano Cohācjū mūsa ñañe yerire borota, ni buhee tiahye tiquiro.

<sup>5</sup> Sa yero ijipiltiyequina Judea dihta cjē macari cjēna Jerusalē cjēna mehna tiquiro cahapū esagū ihñañe Ñu pehe Jordā wame tiri mapū wame yeahye tiquinare. Tiquinare tiquiro wame yegū tiquina pehe tiquina ñañe yerire yahu yūhdūahye Cohācjūre.

<sup>6</sup> Sa yero Ñu camello poari suhtirore sañariquiro wahiquina cahsero mehna tūā dihoriquiro ijiahye. Poreroare, umiquina nūcū cjēna umine ihyaē tiahye. <sup>7</sup> Sa yero ohō saha ni buhee tiahye.

—Yūhū bato yūhū yūhdūoro tutuariquiro ahtarota. Quehnoa yūhdūariquiro ijire tiquiro. Tiquiro yero saha ijieraja yūhū pehe. Sa yegū tiquirore tūhotugū, “Ihyo ijigu ijiaja yūhū”, ni tūhotuaja yūhū. <sup>8</sup> Mū sare wame yegū aco mehna wame yei. Tiquiro pehe yūhū yūhdūoro yerota. Espiritu Santore masa mehna ijiducugū yerota, ni buhee tiahye Ñu.

*Ñu Jesure wame yeahye*

*(Mt 3.13-17; Lc 3.21-22)*

<sup>9</sup> Sa ye ti ṗjere Jesu Nazarepū Galilea yehrapū ijiri macapū ijiriquiro Jordā wame tiri mapū esahye. Topū tiquiro esagū Ñu wame yeahye tiquirore. <sup>10</sup> Tiquiro wame ye tuhasagū Jesu diapū ijiriquiro maja saduca ūhmūanopū ihña mūoahye. Ūhmūse parī maa wahahye. To parī maagūta Espiritu bujua yero saha Jesu bui dijia tahye. <sup>11</sup> Sa yero ūhmūserpū yahuducuro ca tahye:

—Mūhū yūhū macū yūhū cahīgū ijire. Mūhū mehna tutuaro bucueaja, nino ca tahye ūhmūserpū.

*Satana ñañene ye dutimahye Jesure*

*(Mt 4.1-11; Lc 4.1-13)*

<sup>12</sup> Ti ṗjere Jesure masa marienopū Espiritu Santo neahye. <sup>13</sup> Topūre esaro cuarenta decori waro ijiahye. Watīno pehe Jesu tiquiro ñañene yegū ihña duaro ñañene ye dutimahye tiquirore. Sa yero Jesu wahiquina nūcū cjēna mehna ijiahye. Topū tiquiro ijigū ihñañe angele pehe tiquirore yedohoahye.

*Jesu Galilea yehrapū buhe ducahye*

*(Mt 4.12-17; Lc 4.14-15)*

<sup>14</sup> Sa ye Ñure peresupū tiquina biha daporī bato Jesu pehe Galilea yehrapū quehnoañe buheyere Cohācjū pūhtoro ijyere yahuro wahahye. <sup>15</sup> Ohō saha ni yahuahye:

—Yojoṗure ohō saha ijire. Cohācjū tiquiro pūhtoro ijiato mehenogā dūhsare. Mūsa ñañe yerire būjua witiya. Sa yena quehnoañene comesaya. Quehnoañe buheyere tūhoya mūsa, ni buhee tiahye Jesu.

*Jesu pititiano wahi yohyeyequinare* “Yuhū mehna cjāna ijiana ahtaya”, niahye  
(Mt 4.18-22; Lc 5.1-11)

<sup>16</sup> Tire yahu tuhasaro Galilea wame tiri ditara dūhtū cahapū esaro, ihñahye Simore, tiquiro bahūro Andre mehna. Tiquina wahi yohyeyequina ijiahye. Sa ye tiquina wēñecjūre doque ñoñe niahye ti ditarapū.

<sup>17</sup> —Yuhū mehna cjāna ijiana ahtaya mūsa. Yuhū mehna mūsa ahtagū mūsa wahire ñehe cahmecoana mūsa ijiro saha Cohācjū yequina ijiatiquinare masare piji cahmecoana ijigū yeitja mū sare. Yuhū mehna mūsa ahtagū sa ye anajare cūtja mū sare, niahye Jesu.

<sup>18</sup> Tiquiro sa nigū tūhoye tiquina wēñecjūre cū cā, tiquiro mehna wahahye.

<sup>19</sup> Sa ye tiquina mehenogā yūhdū cā, Santiagore, tiquiro bahūro Ñu gūhūre boca sahye tja. Tiquina pehe Zebedeo pohne ijiahye. Tiquina yaria yucūsapū wēñecjūre quehnoñe niahye. <sup>20</sup> Sa yero tiquiro pijioḡū tiquina pehe tiquina pacūrore, tiquirore yedohoyequina mehna yucūsapū cū cā, Jesu mehna wahahye.

*Watīare cūoriquiro* Jesure piti cahye  
(Lc 4.31-37)

<sup>21</sup> Sa ye tiquina Capernau wame tiri macapū esahye. Sa yero saurū ijigū judio masa buheri wūhūpū buhero esahye tiquiro. <sup>22</sup> Sa yero tiquiro quehnoano masi pehoriquiro buhero ūsā judio masare buheyequina yero saha ijierahye tiquiro. Tiquiro sa buheḡū ti maca cjēna tūho maria wahahye. <sup>23</sup> Ti pjere ti wūhūpū ijiriquiro watīare cūoriquiro ijiahye. Sa yero ohō saha niahye Jesure:

<sup>24</sup> —Mūhū Jesu Nazare cjū cariboeracāhña ūsāre. ¿Dūhse yei tūū nijari ūsāre? ¿Mūhū ūsāre butigū yei tūū nijari? Cohācjū macū quehnoagū mūhū ijigū yūhū masiaja, ni sañuducuahye tiquiro Jesure.

<sup>25</sup> Tiquiro sa nigū tūhoro Jesu tuhtiahye watīare:

—Dihta mariahña. Duhuya tiquirore, niahye Jesu.

<sup>26</sup> Sa yeye watīa tiquirore yehrapū doque quehe sa tunugū yeye, tiquiro tutuaro sañuducuri watoa duhuahye tiquirore. <sup>27</sup> Sa ye ijipihtiyequina ti wūhūpū dujiyequina acūa yūhdūa waha, ohō saha niahye:

—Ahyou. ¿Ahri wahma buheye ijiajari? Tiquiro pūhtoro yero saha dutire watīare. Tiquiro dutigū tiquina watīa pehe yūhdūdūcaerare tiquirore, ni yahuducuahye ti wūhūpū dujiyequina tiquina basi.

<sup>28</sup> Sa ye meheñe decori batota duita ijipihtiyequina Galilea yehpa cjēna tire tiquiro sa yerire tūhoahye.

*Jesu Simo Pedro mareonore duti* yūhdūḡū yeahye  
(Mt 8.14-15; Lc 4.38-39)

<sup>29</sup> Sa ye Jesu gūhū judio masa buheri wūhūpū ijiriquina wijiaa wahahye. Tiquina sa wijari bato Jesu, Santiago, Ñu, apequina tiquina mehna cjēna gūhūre, Simo, tiquiro bahūro Andre mehna tiquina ya wūhūpū siho sajā sahye. <sup>30</sup> Ti pjere Simo mareono ujuaye dohatiricoro cuñano bui ticoro cuñagū ihñañe yahuahye Jesure. <sup>31</sup> Tiquina sa ni yahugū tūhoro tiquiro pehe ticoro cahapū esaro, ticoro omocare ñehe, ticorore weje wahcō dapoahye. Tiquiro sa weje wahcō dapogūta ticorore ujuaye surua wahahye. Ti sa sururi bato ticorota ihyayere peoahye.

*Jesu peyequina dohatiyequinare* yūhdūoahye  
(Mt 8.16-17; Lc 4.40-41)

<sup>32</sup> Ñamicahapū asū sajāri bato masa peyequina dohatiyequinare, watīa cūoyequinare Jesu cahapū ne sahye. <sup>33</sup> Sa ye ijipihtiyequina ti maca cjēna cahmecoa dūca sahye ti wūhū sopecahapū. <sup>34</sup> Sa yero Jesu peyequina dohatiyequinare, peyequina watīa cūoyequinare quehnoa wahagū yeahye. Peyequina watīare cohāhye. Sa yero Jesure watīa tiquirore masigū ihñano Jesu pehe tiquinare yahuducu dutierahye.

*Jesu buhe tinino wahahye**(Lc 4.42-44)*

<sup>35</sup> Sa ye ñami cjũno wahcã, nahitia cjũgũ masa marienopũ Cohãcjũre sinino wahahye Jesu. <sup>36</sup> Tiquiro sa wahagũ ihñañe Simo gũhũ tiquirore macañe esahye. <sup>37</sup> Sa ye tiquirore piti caye, ohõ saha niahye:

—Masa ijipihtiyequina mũhũre macañe nidi, niahye tiquina.

<sup>38</sup> Tiquina sa nigũ tũhoro ohõ saha niahye Jesu:

—Ahri macarine buhegũ ahtaũ yũhũ. Sa yena apeye macari ohõ cahagã cjẽ macaripũ wahaũhna mari. Yũhũ ti macari gũhũre buheitja, niahye Jesu tiquinare.

<sup>39</sup> Sa yero ijipihtiye Galilea yehpare buhe tiniahye. Sa yero macaripe judio masa buheye wũhũsepũ buhero, watĩare masa mehna ijiyequinare cohã wioahye.

*Jesu cami bũcũ mũna wihirore yũhdũoahye**(Mt 8.1-4; Lc 5.12-16)*

<sup>40</sup> Sa ye apequiro dohatiriquiro cami bũcũ mũna wihiro Jesure piti caro dũsepe curi mehna quehe sa siniahye:

—Mũhũ yũhũre yũhdũo duagũ yũhdũoya, niahye cami bũcũ mũna wihiro.

<sup>41</sup> Tiquiro sa nigũ tũhoro Jesu tiquirore paja ihñañe. Sa yero tiquiro omocare siõdoqueo tiquirore ña peoahye. Sa ña peoro ohõ saha niahye:

—Tire ye duaja. Quehnoagũ ijiya mũhũ, niahye Jesu.

<sup>42</sup> Tiquiro sa nigũta tiquiro cami ahbari yati maa wahahye. Quehnoa wahahye tiquiro.

<sup>43</sup> Tiquiro sa wahagũ ihñano Jesu tiquirore tutuaro mehna yahuahye:

<sup>44</sup> —Apequinare ahrire yahu siteracãhña. Sa yahuerapegũta mũhũ pagũre pahire ihñoña. Cohãcjũ dutiye Moiseri tiquiro cũriro sahata yeya. Sa yegũ minicjũare ohoya pahire mũhũ quehnoagũ mũhũ waharire masare mũhũ ihñoatire, niahye Jesu. Sa ni tuhasa “Wahaya”, niahye tiquirore.

<sup>45</sup> Tiquiro sa yahu dutierapegũta tiquiro waha, ijipihtiye macari cjẽnare Jesu yerire yahuahye. Tiquiro sa yahuri bato Jesu masa peyequina ijiropũre waha masiedahye. Sa yero tiquiro meheñequinagã ijiropũ ijiyahye. Topũ tiquiro ijigũ peye macari cjẽna tiquiro cahapũ esahye.

## 2

*Jesu tini masieniquirore tinigũ yeahye**(Mt 9.1-8; Lc 5.17-26)*

<sup>1</sup> Meheñe decori bato Jesu Capernaupũ tojoa wahahye. Wũhũpũ tiquiro ijigũ masa tũhoahye. <sup>2</sup> Sa ye topũ masa peyequina cahmecoã, ti wũhũre wahpa wijiadũca saa wahahye. Sa yero Jesu tiquinare quehnoañe buheyere yahuahye. <sup>3</sup> Sa ye apequina gũhũ ahta, pititiaro umũa tini masieniquirore ne wihiahye. <sup>4</sup> Tiquina masa peyequina ijigũ ihñañe Jesu cahapũ sajã masiedahye. Sa ye tiquina wũhũ buipũ muji pahmare ne wedoqueo, Jesu bui waro meheni copegã dahre, tini masieniquirore tiquiro cuñari cahsero mehna duhu dijioahye Jesu caha waro. “Jesu ahriquirore tiquiro dohatiyere yũhdũgũ yerota”, ni tũhotuahye tiquina. <sup>5</sup> Tiquina sa ni tũhotugũ masino Jesu pehe dohatiriquirore ohõ saha ni yahuahye:

—Yũhũ macũ, mũhũ ñañe yerire cohã tuhasaũ, niahye Jesu tini masieniquirore.

<sup>6</sup> Tiquiro sa nigũ tũhoye, usã acaye judio masare buheyequina topũre dujiyequina tiquina basi ohõ saha ni tũhotumahye: <sup>7</sup> “Ahriquiro sa ni yahuducueracãhdo. Cohãcjũre ñano yahuducuro nine tiquiro. Masũno mari yero saha ijiriquiro ijire tiquiro gũhũ. Sa yero tiquiro ahriquiro ñañe yerire cohã masiedare. Cohãcjũ dihita masa tiquina ñañe yerire cohã masine”, ni tũhotumahye tiquina. <sup>8</sup> Tiquina sa ni tũhotugũ ihñano Jesu tiquina tũhotuyere masino ohõ saha niahye:

—¿Dũhse yena mũsa sa ni tũhotuajari? <sup>9</sup> “Mũhũ ñañe yerire cohã tuhasaja”, yũhũ nigũ, “Ni mehogũ ijire”, yũhũre nina nine mũsa masiedapenata. Tiquiro tini masieniquirore

“Wahcādūca, wahaya”, yuhū nigū, tiquiro tinigū ihñana yuhū nidi potota ijigū duita masinata mūsa. <sup>10</sup> Yuhū masū Cohācjū ohorigū ahri yehpapure masa tiquina ñañe yerire cohā masiaja yuhū. Yuhū sa cohārire mūsa masiato saha ohō saha tiquiro wahagū yeitja, niahye Jesu judio masare buheyequinare.

Sa ni tuhasa tini masieniquirore ohō saha niahye:

<sup>11</sup> —Muhūre niita niaja. Wahcādūcaya. Mūhū cuñari cahserore ne cāhña mūhū ya wuhūpū, niahye Jesu tiquirore.

<sup>12</sup> Tiquiro sa nigūta tini masieniquiro wahcādūca sa, tiquiro cuñari cahserore ne, ijipihtiequina tiquina ihñono wijiaa wahahye. Tiquiro sa yegū ihñañe tiquina ijipihtiequina ihña acūaa wahahye. “Cohācjū tutuariquiro ijire. Ne mari ohō saha yegūre ihñeda tii”, niahye tiquina basi.

*Jesu Levíre “Yuhū mehna cjū ijiacjū ahtaya”, niahye*

*(Mt 9.9-13; Lc 5.27-32)*

<sup>13</sup> Sa ye pari turi Jesu ditara dūhtū cahapū wahahye. Sa yero masa peyequina tiquiro cahapū tiquina cahmecoagū ihñano tiquiro buheahye tiquinare. <sup>14</sup> Sa ye tuhasa topū ijiriquiro waharo Levíre Alfeo macūnore tiquiro dahrari tucūpū boca sahye. Apequina mehna pūhtoa ye ijiatire wapa ne cohteyequina ijiahye Leví gūhū. Tiquirore boca saro ohō saha niahye:

—Yuhū mehna cjū ijiacjū ahtaya mūhū, niahye Jesu Levíre.

Tiquiro sa nigū Leví pehe wahcādūca sa, Jesu mehna wahahye.

<sup>15</sup> Jesu mehna wahayequina peyequina ijiahye. Sa yero Leví ya wuhūpū mesa cahapū peyequina wapa ne cohteyequina mehna, “Ñano yeyequina”, tiquina niñequina mehna tiquiro buheyequina mehna dujiahye Jesu. <sup>16</sup> Topū tiquina dujiri bato apequina ūsā judio masare buheyequina, fariseo masa mehna Jesu tiquiro ihyagū ihñahye tiquina. Sa ihñañe ohō saha niahye:

—¿Dūhsero ñano yeyequina, wapa ne cohteyequina mehna ihyajari Jesu? ni sinituahye judio masare buheyequina Jesu buheyequinare.

<sup>17</sup> Tiquina sa nigū tūhoro queoye mehna yūhtiahye Jesu:

—Dohatiyequina duturure macaedare. Dohatiyequina dihita duturure macare. Ñañequina dohatiyequina yero saha ijire. Sa yegū ñañequina dihitare tiquina ñañe yerire būjūa witi duti, quehnoañe pehere tiquinare comesagū yegū tagū nii yuhū. Tiquina basi “Quehnoana ijiaja ūsā”, ni tūhotuyequinare yedohogū tagū niedū yuhū, niahye tiquiro tiquinare.

*Sijiyere Jesure sinituahye apequina*

*(Mt 9.14-17; Lc 5.33-39)*

<sup>18</sup> Ti pjere Ñu buheyequina, fariseo masa gūhū Cohācjūre ño peoye tehe, sijie tiahye. Sa ye masa Jesure sinituahye:

—Ñu buheyequina, fariseo masa buheyequina gūhū Cohācjūre ño peoye tehe sijire. ¿Dūhse ye mūhū buheyequina sijierajari? niahye tiquina Jesure.

<sup>19</sup> Jesu tiquiro tūhotuye mehna queoye mehna buhero tiquinare ohō saha ni yūhtiahye:

—Ohō saha ijire ti: Omoca dūhteriquiro bose deco ijigū tiquiro mehna cjēna būjūa witiro mehna ijierare. Sa ye sijiyequina ijierare. Sata yuhū buheyequina gūhū yuhū mehna ijiye, siji masiedare. <sup>20</sup> Yuhū Pacū Cohācjū yuhūre tiquiro neari bato pūritare pari turi yuhū buheyequina mehna ijisi yuhū. Sa ye ti pjerū yuhū buheyequina gūhū sijieta, niahye Jesu.

<sup>21</sup> Panopū cjē buheye mehna tiquina buhe more duagū ihñano ohō saha ni nemoahye Jesu tiquinare queoye mehna buhero.

—Ne wahma cahsero suhtiro cahsero mehna mūnāno suhtirore sere ohōno cahmedare. Sa yegū wahma cahsero mari coseri bato mūnāno suhtirore weje cahmecoā, paji yūhdūaro tūhnūgū yere. (Sata mūna buheye wahma buheye mehna piti dahre



buheraro cahmene.) <sup>22</sup> Sa yena ne uhse co bisiye core wahiquire cahsero ajuropure muna ajuropure pose yeraro cahmene. Sa yegũ uhse co bisiye pahmuñepu muna ajurore tuhnu dijiaa wahare. Ti ajuro tuhnu gũ uhse co gũhũ ajuro gũhũ cohãa wahare. Sa yena uhse co wahma core wahma ajuropure pose yero cahmene. (Sata wahma buheye muna buheye mehna buhe moredaro cahmene,) ni buheahye Jesu tiquinare.

*Saurú ijigũ* Jesu buheyequina trigo parorire peheahye  
(Mt 12.1-8; Lc 6.1-5)

<sup>23</sup> Ape deco saurú ijigũ Jesu gũhũ trigo wesepu wahahye. Tiquiro buheyequina pehe trigo parorire pehe yũhdũ cãhye. <sup>24</sup> Tiquina sa yegũ ihñañe ohõ saha ni tuhtiahye fariseo masa Jesure:

—Tuhorĩña usãre. ¿Duhse ye mũhũ buheyequina saurú mari sori deco ijiepegũta dahrajari? Mari dutiyere yũhdũdũcaye nine, niahye tiquina Jesure.

<sup>25-26</sup> Tiquina sa nigũ tuhoro Jesu tiquinare yũhtiahye. “Yũhũ buheyequina yũhdũdũcaye niedare”, nino taro ohõ saha niahye:

—Davi mũnano tiquiro mehna cjẽna mehna ujua ahbaro, Cohãcjũ wũhũpũ sajã, Cohãcjũ ye pãre ihyahye. Sa yero tiquiro mehna cjẽna gũhũre ti pãre ohoahye. Ti pãre pahia dihita ihyae tiahye. Cohãcjũ dutiye tiquina ojoari pũ apequnare ti pãre ihya dutierare. Ti pjere Abiatar wame tiriquire pahia pũhtoro ijiahye. ¿Davi gũhũ tire tiquina yerire Cohãcjũ yere tiquina ojoari pũre buherari mũsa? (Ti pãre ihyaro Cohãcjũre yũhdũdũcaro niedahye. Miare ahri pjerire ihyaye yũhũ buheyequina gũhũ Cohãcjũre yũhdũdũcaye niedare,) niahye Jesu tiquinare.

<sup>27</sup> Sa ni tuhasa ohõ saha ni nemoahye:

—Sa yero Cohãcjũ saurú decore tiquina sori deco cũno, masa ya deco cũno nidi dahra wahyariquinare so dutiro. Ti deco cahacjẽna ijiatire cũno niedari masare. <sup>28</sup> Sa yegũ yũhũ masũ Cohãcjũ ohorigũ ahri deco saurú decore masa tiquina yeatire yahugũ ijigũ pũhto ijiaja, niahye Jesu tiquinare.

### 3

*Omoca* bũhariquire quiti ijire  
(Mt 12.9-14; Lc 6.6-11)

<sup>1</sup> Sa ye Jesu usã judio masa buheri wũhũpũ esaro, sajãhye tja. Sa yero omoca bũhariquire gũhũ topũ ijiahye. Sa ye ti wũhũpũ ijieyequina Jesu dihitare ihñadoque ohõahye. <sup>2</sup> Saurú ijigũ Jesu omoca bũhariquire tiquiro yũhdũogũ ihña duahye tiquina. Tiquiro sa yegũ ihñañe tiquirore yahusã duahye. “Mari sori decore Jesu dahraro nine”, ni yahusã duahye tiquina. <sup>3</sup> Sa yero ohõ saha niahye Jesu omoca bũhariquire:

—Wahcãdũca saya. Ohõpũ ahtaya, niahye.

Sa ni tuhasa ti wũhũpũ ijieyequinare yahuahye:

<sup>4</sup> —¿Saurú ijigũ quehnoañene yegũ quehnoaedajari? ¿O ñañe yegũ pehere quehnoajari, mũsa tuhõugũ? Saurú ijigũ masũnore masogũ quehnoarĩne. Masũnore wejẽgũ pehere quehnoaedare, ni yahuahye Jesu tiquinare.

Tiquiro sa niepegũta tiquina pehe ne yũhtierahye. <sup>5</sup> Tiquina sa yũhtieragũ ihñano Jesu tiquina mehna usuahye. Tiquina tuhõ dueragũ ihñano Jesu bũjua witiahye.

—Mũhũ omocare siõ potoya, niahye tiquiro omoca bũhariquire.

Tiquiro sa nigũ tuhoro tiquiro omocare siõ potoahye. Tiquiro siõ potogũta omoca quehnoa wahahye. <sup>6</sup> Sa omoca quehnoa wahagũ ihñañe fariseo masa wijiaa wahahye. Wijia, Herode mehna cjẽna mehna cahmecoa, “¿Duhse ye Jesure wejẽnatari mari?” niahye tiquina basi.

*Masa peyequina ditara* dũhtũ cahapũ ijiahye

<sup>7-8</sup> Sa ye Jesu tiquiro buheyequina mehna ditara cahapũ wahahye. Tiquina sa wahagũ ihñañe Galilea cjẽna masa peyequina tiquiro bato esahye. Sa ye Judea yehpa cjẽna, Jerusalẽ cjẽna, Idumea yehpa cjẽna, Jordã wame tiri ma ape sie pahrẽ cjẽna, Tiro wame

tiri maca cjēna, to cahapū ijiyequina, Sidō wame tiri maca cjēna, to cahapū ijiyequina mehna masa peyequina ijiptiyequina tiqiro yerire tūhoye, tiqiro cahapū esahye. <sup>9</sup> Sa ye masa peyequina ijiye, Jesu cahare bihsa dūca sahye. Sa yero Jesu yucū sare quehno pahsa dutiahye tiqiro buheyequinare. <sup>10</sup> Peyequina dohatiyequinare tiqiro yūhdūogū ihñāñe apequina dohatiyequina gūhū Jesure piha duaye, bihsa dūca sahye. <sup>11</sup> Sa ye watīare cūoyequina pehe Jesure ihñāñe tiqiro cahapū dūsepe curi mehna quehe sahye.

—Mūhū Cohācjū macū ijire, ni sañuducua hye tiquina tiqirore.

<sup>12</sup> Sa yero tiquinare Cohācjū macūno tiqiro ijiyere tutuaro mehna apequinare yahu dutierahye Jesu.

*Jesu tiqiro buheyequinare doce tiqiro ohoatiquinare bese docoahye*

*(Mt 10.1-4; Lc 6.12-16)*

<sup>13</sup> Sa ye Jesu cūnūpū mūja, tiqiro cahmeñequinare pijiahye. Tiqiro pijigū tūhoye, tiqiro cahapū esahye tiquina. <sup>14</sup> Sa yero doce ūmūare tiqiro mehna cjēnare, tiqiro ohoatiquinare, apeye macaripūre tiqiro yere buheatiquinare bese docoahye Jesu. Sa ye tiquina ya curua Jesu cūriquina wame tiahye. <sup>15</sup> Sa yero dohatiyequinare yūhdūoatire, watīare cohāti gūhūre cūahye tiquinare. <sup>16-19</sup> Ahriquina ijiahye doce ūmūa Jesu tiqiro bese docoriquina: Simo, Santiago Zebedeo macūno, Ōu Santiago bahūro, Andre, Felipe, Bartolomé, Mateo, Tomasu, Santiago Alfeo macūno, Tadeo, Simo celote ya curua cjūno ijimediquiro, Juda Iscariote, ahriquina ijiahye tiqiro bese docoriquina. Jesu Simore Pedro wame yeahye. Santiagore, Ōu mehna Boanerges wame yeahye. Boanerges “Ūpo cjēna”, nino nine. Juda Iscariote Jesure ihñā tuhtiyequinare ihñōatiqiro ijiahye.

—Jesu watīno tutuayere cūore, ni yahusāhye masa

*(Mt 12.22-32; Lc 11.14-23; 12.10)*

<sup>20</sup> Tiquinare bese doco tuhasa, dijia, Jesu tiqiro buheyequina mehna wūhūpū sajāa wahahye. Sa ye topū pari turi masa peyequina cahmecoañe, bihsaa wahahye. Tiquina sa bihsagū ihñano Jesu ihya masiedahye. Sa ye tiqiro buheyequina gūhū ihya masiedahye. <sup>21</sup> Sa ye apequina Jesu acaye tire tūhoye tiqiro cahapū esaye, tiqirore ñehemahye. “Tiqiro tūho masieniquiro waharo nine”, nimahye tiquina.

<sup>22</sup> Apequina ohō saha nimahye:

—Beelzebú tiqirore sa wahagū yero niaga. Tiqiro watīare cohāno, Beelzebú watīa pūhtoro tutuaye mehna tiquinare cohāre, nimahye Jerusalēpū ahtariquina ūsā judio masare buheyequina.

<sup>23</sup> Tiquina sa nigū tūhoro Jesu pehe tiquinare piji, tiqiro tūhotuye mehna queoye mehna yahuahye tiquinare, “Watīno ye tutuaye mehna watīare cohāgū niedaja”, nino taro.

<sup>24</sup> —Watīa tiquina basi cohā masiedare. Sa ye ihcā yehpa cjēna tiquina basi cahme wejē, ti yehpa cjēna yaria pihtia wahaboaga. <sup>25</sup> Sa ye ihcā wūhū cjēna tiquina basi cahmequeñe ti wūhū cjēna waha pihtia wahaboaga. <sup>26</sup> Sa yero Satana watīa pūhtoro pehe watīare cohāno tiquina basita cahmequeñe niboaga. Sa ye tiquina waha pihtia wahaboaga.

<sup>27</sup> Ohō sahata ijire mari queoye mehna buhegū. Tutuariqiro ya wūhūpū apeqiro sajā sa yaque masiedare. Tutuariqirore dūhteraro tiqiro ya wūhūpū sajā sa yaque masiedare. Tutuariqirore tiqiro dūhteri bato sajā sa yaque masine, ni yahuahye Jesu.

(Ohō saha ni yahuahye watīnore tiqiro yūhdūdūcarire yahuro. Watīno tutuariqiro tiqiro ijiepegūta Jesu tiqirore yūhdūdūcare watīare cohāno.)

<sup>28</sup> Sa ni tuhasa ohō saha ni yahu nemoahye Jesu:

—Poto niita niaja mū sare. Ijiptiye ñāñe masa tiquina yegū tiquina yahuducugū gūhūre Cohācjū bo masine. <sup>29</sup> Sa boeperota Espīritu Santore tiquina ñano yahuducugū ti pūritare ne bosī. Tiquina sa nidi buhiri sa buhiri tiducuyequina ijietā, niahye Jesu tiquinare.

<sup>30</sup> Jesu Espiritu Santo tiquiro tutuaye mehna watĩare tiquiro cohãepẽgũta “Tiquiro watĩno tutuaye mehna watĩare cohãno nine”, nimahye masa. Tiquina sa nigũ tũhoro ti quitire Espiritu Santo quitire yahuahye Jesu tiquinare.

*Jesu acaye tiquirore pijahye*

*(Mt 12.46-50; Lc 8.19-21)*

<sup>31</sup> Sa ye Jesu bahana tiquiro pacoro mehna wihiahye. Sa wihiye sopecahapũ ijiahye. Apequinare piji dutiahye tiquirore. <sup>32</sup> Sa ye masa tiquiro cahapũ dujiyequina yahuahye tiquirore.

—Mũhũ paco, mũhũ bahana mehna sopecahapũ mũhũre pijiri, niahye.

<sup>33</sup> Tiquina sa nigũ tũhoro ohõ saha niahye Jesu tiquinare buhero taro:

—¿Noa ijiajari yũhũ paco, yũhũ bahana gũhũ, mũsa ihũagũ? niahye tiquiro tiquinare buhero.

<sup>34</sup> Sa nino tiquiro caha dujiyequinare ihũano ohõ saha niahye:

—Ahriquina ijire yũhũ paco, yũhũ bahana yero saha ijiyequina. Cohãcjũ cahmeñene yere ahriquina. <sup>35</sup> Sa yeyequina yũhũ bahũ, yũhũ baho, yũhũ paco yero saha ijire, ni buheahye Jesu tiquinare.

## 4

*Jesu oteriquiro quitire buheahye*

*(Mt 13.1-9; Lc 8.4-8)*

<sup>1</sup> Sa ye pari turi ditara dũhtũ cahapũ Jesu buhe dũcahaye. Sa ye topũre buhe dũcaro masa peyequina tiquiro cahapũ tiquina cahmecoagũ ihũano Jesu pehe yucũsapũ buhe pahsahye. Sa ye masa pehe ditara dũhtũ cahapũ ducuahye. <sup>2</sup> Sa yero Jesu peye tiquiro tũhotuye mehna piti dahre yahuahye tiquinare buhero.

<sup>3</sup> —Ahri quitire tũhoya mũsa, niahye tiquiro.

—Oteriquiro otero wahahye. <sup>4</sup> Tiquiro sa otegũ apeye pjeri maha dũhtũ cahapũ bora quehe sahye. Sa bora quehe saye pjerire minicjũa ahta, ihya cãhye. <sup>5</sup> Sa ye apeye pjeri utã pjeri watoa bora quehe sahye. Utã pjeri watoa dihta marieda cjũno ijiepegũ duita pihnimahye. <sup>6</sup> Sa pihnidi ijieperota, asũ tutuaro asigũ nũhcori marieda, ñaia wahahye. <sup>7</sup> Apeye pjeri taa watoa bora quehe sahye. Taa pehe dia yũhdũa waha, oteri pehere wejẽ cãhye. Sa yero dũca mariedahye. <sup>8</sup> Apeye pjeri quehnoari dihtare bora quehe sahye. Quehnoano pihniñe ijiro quehnoano dũca tiahye. Apeye cjũ treinta pjeri, apeye cjũ sesenta pjeri, apeye cjũ cien pjeri dũca tiahye. <sup>9</sup> Ahrire quehnoano tũhoya mũsa, niahye Jesu.

*Jesu quti mehna tiquiro buherire yahuahye*

*(Mt 13.10-17; Lc 8.9-10)*

<sup>10</sup> Sa ye tiquina sehsaro ijiye doce buheyequina, apequina Jesu mehna ijiyequina ti quitire masi duaye, Jesure sinituahye. <sup>11</sup> Tiquina sa sinituri bato Jesu ohõ saha ni yahuahye:

—Cohãcjũ masa pũhtoro tiquiro ijiyere, panopũ apequina tiquina masiedarire mũsare masigũ yere Cohãcjũ. Apequina pehere sa yerare tiquiro. Tiquinare quti mehnata buheitja. <sup>12</sup> Sa ye tiquina ihũaepeta ihũedariquina yero saha tojoare. Sa ye tũhoepeta masisi. Tiquina masiñe quehnoañe pehere comesaboaya. Tiquina sa comesagũ ihũano tiquina ñañe yerire boboaya Cohãcjũ. (Sa ijiepegũta tiquina pehe ne tũho duerare,) niahye Jesu.

*Jesu oteriquiro quitire yahu pehoahye*

*(Mt 13.18-23; Lc 8.11-15)*

<sup>13</sup> Tiquiro sa nidi bato ohõ saha ni yahu nemoahye tiquinare:

—¿Ahri quitire tũhoena niajari mũsa? ¿Mũsa ahri quitire tũhoerana, dũhse apeye quitire tũhonatari mũsa? niahye Jesu tiquinare.

Sa ni tuhasa ohõ saha ni yahu nemoahye tiquinare:

<sup>14</sup> —Oteriquiro tiquiro oteri pjeri quehnoañe buheye yero saha ijire. <sup>15</sup> Sa yero maha dũhtũ caha bora quehe sari pjeri quehnoañe buheye yero saha ijire. Sa yero masa quehnoañe buheyere tiquina tũhogũ ihñano Satana pehe ahta, ti buheye quehnoañe buheyere masi dutierare tiquinare, minicjua ti pjerire tiquina dote nediro saha yero. <sup>16</sup> Sa ye utã pjeri watoa bora quehe sari pjeri quehnoañe buheye yero saha ijire. Sa ye masa quehnoañe buheyere tũho, bucueye mehna duita tire tũho ñehe maa wahare. <sup>17</sup> Sa tũho ñehepeta utã pjeri watoa ijiye cju nũhcori marieñe cju yero saha ahriquina masa gũhũ tutuerare. Sa tutueraye, ñano yũhdaye, yeequina tiquina ijiri buhiri apequina tiquinare ñano yegũ ihñañe yee pehere duhu cãhre. Apequina tiquinare ñano yegũ tire ihcãno sahaeraye, yeere duhu cãhre. <sup>18</sup> Sa ye taa watoa bora quehe sari pjeri quehnoañe buheye yero saha ijire. <sup>19</sup> Sa ye masa quehnoañe buheyere tũhoepeta, ahri yehpa cjẽne pajiro bujua witi tũhotuye, niñeru pehere cahĩne. Apee boro gũhũre peye tutuaro cahmene. Tiquina sa ni tũhotugũ ti pehe quehnoañe buheyere cahmotare. Ti sa cahmotagũ masa quehnoañe pehere yerare. <sup>20</sup> Sa ye quehnoari yehpapũ bora quehe sari pjeri quehnoañe buheye yero saha ijire. Sa ye masa quehnoañe buheyere tũhoye tire cahmene. Sa masiñequina ijiye, Cohãcjũ tiquiro cahmeno sahata quehnoañene yere tiquina. Ihquẽquina mehenno quehnoañene yere treinta pjeri dũca tiro saha. Apequina bui cjũno quehnoañene yere sesenta pjeri dũca tiro saha. Apequina pajiro quehnoañene yere cien pjeri dũca tiro saha, ni yahuahye Jesu tiquinare.

*Jesu sihãria quitire buheahye*

(Lc 8.16-18)

<sup>21</sup> Sa ni tuhasa ohõ saha ni nemoahye:

—Ne sihãriare dihi sutu docapũ cũedare. Sa ye tiare cumuno docapũ cũedare. Æh-muanopũ duhu peore quehnoano buhrio dutiye. <sup>22</sup> Ijipihtiye tiquina masiedarire came masa masieta. Sihãria buhriogũ mari ihña masino saha panopũre tiquina masiedarire masieta masa. <sup>23</sup> Ahrire quehnoano tũhoya mũsa. <sup>24</sup> Mehenogã masi duana mehenogã masinata. Pajiro masi duana pajiro masinata. Sa yena mũsa tũhona quehnoano tũho nũnũña. <sup>25</sup> Quehnoano tũho nũnũriquiri quehnoano masinota. Tũho nũnũeniquiro, “Mehenogã tũhoaja”, tiquiro niepegũta ti pehe butia waharota, niahye Jesu tiquinare.

*Jesu trigore oteriquiro quitire buheahye*

<sup>26</sup> Sa ni tuhasa ohõ saha ni yahu nemoahye:

—Cohãcjũ masa pũhoro tiquiro ijiye trigore oteriquiro yero saha ijire. <sup>27</sup> Ote tuhasa bohrearo tiquiro oteri pihniñene ihñare tiquiro. “¿Dũhse pihni wijia ta dũcajari?” ni ihña masiedare oteriquiro tiquiro basi. <sup>28</sup> Ti oteri ti basi dũca tire. Pari pũgã wijia mũhtare. Came pari paro wijia, bũcuare. <sup>29</sup> Ti parori bũcua tuhasagũ ihñano, pehere peheri pje ijigũ. (Tiquiro ote, ti bũcuarire tiquiro masiedaro saha Cohãcjũ yequina masa tiquina wahari gũhũre yahu peho masiedare masa,) ni buheahye Jesu.

*Mostaza pje quitire yahuahye Jesu*

(Mt 13.31-32; Lc 13.18-19)

<sup>30</sup> Sa ni tuhasa ohõ saha ni buhe nemoahye queoye mehna buhero:

—¿Ne Cohãcjũ masa pũhoro tiquiro ijiye yabe boro yero saha ijiajari, mũsa tũhotugũ? ¿Dise quti mehna tire yahunatari? <sup>31</sup> Mostaza pjegã yero saha ijire Cohãcjũ pũhoro ijiye. Ti pjegã tiquiro otegũre meheni pjegã waro ijire. <sup>32</sup> Sa ijieperota ti pjegã quehnoano pihnine. Sa yero pajidu wahare. Sa ye tũ dũpũri bujaye dũpũri bũcuagũ ihñañe minicjua ti dũpũripũ suhti suhare, niahye Jesu. (Sa nino ohõ saha nino niahye. Mostaza pjegã pajidu tũ bũcuariro saha ãhmũse cjũnore mari pũhoro masiñequina meheñequinagã tiquina iji mũhtaepẽgũta camerũre peyequina wahaeta.)

*Quti mehna tiquiro buherire yahuahye Jesu*

(Mt 13.34-35)

<sup>33</sup> Sa yero ti quti tiquiro nidiro saha peye quitire tiquina tũho ñeheno puno quehnoañe buheyere bueahye tiquinare. <sup>34</sup> Quti marieno yahuerahye tiquinare. Sa yero tiquina sehsharo ijiyequinare Jesu quehnoano yahu pehoahye tiquiro buheyequinare.

*Jesu wihnonore* yũsu dutiahye

(Mt 8.23-27; Lc 8.22-25)

<sup>35</sup> Sa ye ti decore ñamicahapũ Jesu tiquiro buheyequinare ohõ saha niahye:

—Isa, si pahrẽpũ pehãũhna, niahye tiquinare.

<sup>36</sup> Tiquiro sa nigũ tũhoye yucũsarũ sajã, masare yehparũ ducuyequinare tota cũ, tiquiro buheyequina dihita Jesure ne pehã wahahye. Sa ye apeye yucũsari mehna apequina tiquina bato pehãhye. <sup>37</sup> Tiquina sa pehãgũ wihnono tutuaro wẽahye. Sa wẽno yucũsare tutuaro pahcõri quẽ sajãhye. Mehenogã dũhsamahye tiquina miniboriro. <sup>38</sup> Sa wahari watoa Jesu yucũsa ohoturopũ suhti puti buipũ carĩno niahye. Sa ye tiquina tiquirore wahcõahye.

—¿Buhegũ, mũhũ cuerajari? Mari minina tana niajũ, niahye tiquina tiquirore.

<sup>39</sup> Tiquina sa nigũta Jesu pehe wahcã, wihnonore,

—To punota wẽ duhuya, niahye.

Sa ninota pahcõri gũhũre,

—Yũsũahya, niahye.

Tiquiro sa nigũta wihnono yũhdũa wahahye. Sa ye pahcõri gũhũ yũsu dijiaa wahahye.

<sup>40</sup> —¿Dũhse yena cue maca cãna niajari mũsa? ¿Mũsa yũhũre wacũ tutuerajari? niahye Jesu.

<sup>41</sup> Sa wahagũ ihñãñe acũa yũhdũa wahahye.

—¿Yohou, dũhse ijiriquiro boro masũno ijiajari ahriiquiro? Ahri wihnono, pahcõri gũhũ tiquiro dutigũ yũhdũdũcaerare tiquirore, niahye tiquina pehe.

## 5

*Watĩare* cũoriquire yũhdũoahye Jesu

(Mt 8.28-34; Lc 8.26-39)

<sup>1-2</sup> Sa ye tiquina si pahrẽpũ Gerasa cjẽna ya yehparũ pehã sahye. Sa yero Jesu pehe yucũsarũ sañariquiro maja sadũcahye. Tiquiro sa maja sadũcari bato watĩa cũoriquire masa coperi utã coperi watoapũ ijiriquiro wijia ta, tiquiro cahapũ ahtahye. <sup>3</sup> Watĩa cũoriquire masa coperi watoa ijiriquiro ijiahye. Apequina pehe tiquirore come da pajiri da mehna ñehẽ dũhte masiedahye. <sup>4</sup> Sa ye peye tahari masa tiquirore dahpocãri apõñe behtori mehna, come dari mehna dũhtemahye. Tiquiro omocari gũhũre dũhtemahye. Sa yero tiquiro pehe come darire nuha, dahpocãri apõñe behtori gũhũre nuha site mũjahye. Sa ye tutuariquiro tiquiro ijiro mehna masa pehe tiquirore ñehẽ masiedahye. <sup>5</sup> Nami ijigũ, deco ijigũ utã coperi watoapũ cũnũpũ sa sañuducue tiahye tiquiro. Sa yero utã mehna tiquiro basi tiquiro pagũre quẽe tiahye. <sup>6</sup> Sa yero yoaropũ Jesure ihñadoqueo tiquiro cahapũ oma maa cãhta, dũsepe curi mehna quehe sahye tiquirore ño peoro taro.

<sup>7-8</sup> —Watĩa duhuya tiquirore, niahye Jesu.

Tiquiro sa nigũ tũhorõ watĩa cũoriquire ohõ saha niahye:

—¿Jesu, Cohãcjũ tutuariquiro macũ, yabere yegũ tũũ niajari mũhũ yũhũre? Cohãcjũ tiquiro ihñonopũ siniaja yũhũ mũhũre. Yũhũre ñano yeracãhña, ni sañuducuahye watĩa cũoriquire Jesure.

<sup>9</sup> —¿Dũhse wame tiajari mũhũ? niahye Jesu tiquirore.

—Usã peyequina ijiaja. Sa yena “Peyequina watĩa” wame tiaja. <sup>10</sup> Usã ahri dihtapũ ijinare ape siepũ waha dutieracãhña, niahye watĩa cũoriquire.

<sup>11</sup> Ti pjere yesea peyequina tiquina cahapũ cũnũ dahpotopũ ihyaye niahye. <sup>12</sup> Topũ tiquina ihyaducugũ ihñãñe, ohõ saha ni siniahye watĩa:

—Sisequina yesea cahapũ waha dutiya usãre. Tiquina mehna iji dutiya usãre, ni siniahye watĩa tiquirore.



<sup>13</sup> Tiquina sa nigũ tũhoro tiquinare waha dutiahye Jesu. Tiquiro sa waha dutigũ watĩa masũno mehna ijiriquina waha, yesea dos mil yesea cahapũ esahye. Tiquina cahapũ tiquina esari bato yesea pehe ijipihtiyequina ditara dũhtũ cahapũ oma buha, ti ditarapũ bora ñojoa, mini yaria pihia wahahye.

<sup>14</sup> Tiquina sa minigũ ihñañe, yeseare cohteyequina pajiri macapũ, daye macarigãpũ gũhũre tire yahuye waha, oma cãa wahahye. Tiquina sa yahugũ tũhoye masa pehe peyequina tiquiro yerire ihñañe wahahye. <sup>15</sup> Sa ye Jesu cahapũ wihiye, watĩa cœoriquiro tiquiro suhti tiriquire, tũho masiniquiro tiquiro dujigũ ihñañe, ihña maria waha, cueahye. <sup>16</sup> Sa ye watĩa cœomediquiro, yesea gũhũre tiquina sa waharire ihñariquina apequinare yahu pehoahye. <sup>17</sup> Tiquina sa yahu pehogũ tũhoye, Jesure tutuaro mehna ape sierũ waha dutiahye.

<sup>18</sup> Sa yero yucũsapũ Jesu tiquiro sajãgũ ihñano, “Mũhũ mehna waha duaja”, ni tutuaro sinimahye watĩare cœomediquiro Jesure. <sup>19</sup> Tiquiro sa nigũ Jesu tiquirore yahuahye:

—Yũhũ mehna wahaeracãhña. Mũhũ ya wũhũpũ mũhũ caha ijieyequina cahapũ yũhũ mũhũ pũhto mũhũre yũhũ yerire yahugũ wahaya. Mũhũre yũhũ paja ihñarire yahugũ wahaya tiquinare, niahye tiquirore.

<sup>20</sup> Tiquiro sa nigũ watĩa cœomediquiro pehe Decapoli wame tiri macapũ Jesu tiquirore yũhdœorire yahu dũcahye. Tiquiro sa ni yahugũ tũhoye ijipihtiyequina masa tũho maria wahahye.

*Jairo maconore* yũhdœoro, dii mũna wihoro dohatiducuricoro gũhũre yũhdœoahye Jesu (Mt 9.18-26; Lc 8.40-56)

<sup>21</sup> Sa ye pari turi Jesu tiquiro majare pehã sagũ masa peyequina tiquiro cahapũ ditara dũhtũ cahapũ cahmecoahye. <sup>22</sup> Sa yero usã judio masa buheri wũhũre ihña ihboriquiro Jairo wame tiriquire ahta, Jesure ihña, tiquiro dahpocãri cahapũ dũsepe curi mehna quehe saro, ohõ saha niahye:

<sup>23</sup> —Yũhũ macogã yariaro nidi. Sa yegũ ticorore mũhũ omoca mehna ña peogũ, yũhdœogũ ahtaya. Mũhũ sa yegũ ticoro masanota, niahye tiquiro Jesure.

<sup>24</sup> Tiquiro sa nigũ Jesu gũhũ pehe tiquiro mehna wahahye. Mahapũ tiquiro wahagũ masa peyequina tiquirore nũnũ tã cã bihsaro esadũca sahye. <sup>25</sup> Sa yero numino doce cũhmari waro decoripe dii mũna dohatiducuricoro topũ ijiahye. To pano peyequina duturuu ticorore ñano yũhdũgũ yeahye. <sup>26</sup> Sa yero duturuare ijipihtie ticoro niñeru mehna wapa yemahye ticoro aco ye dutiro. Tiquina sa yepegũta ticoro mũnanota ijiducu cãhye. Sa yero ticoro tiquinare ihñari bato to pano ijiriro yũhdœoro ñano wahahye. <sup>27</sup> Ticoro sa ñano yũhdœuri bato Jesu yeyere tũhoye, apequina yahuahye ticorore. Sa yero ticoro Jesu bato masa peyequina watoa ahta, Jesu suhtirore ñehe tuhuahye. <sup>28</sup> “Yũhũ tiquiro suhtiro dihitarẽ ñehe tuhugo quehnoa wahagota”, ni tũhotuahye. <sup>29</sup> Sa yero ticoro sa ñehe tuhuri bato ticoro dii mũna dohatiyere yũhdũgũ ticoro pagũre quehnoari pagũ tũhotuahye. <sup>30</sup> Sa yero Jesu tiquiro tutuaye mehna dohatiyere tiquiro cohãrere masino, masa watoa majaredũca sa ihñahye.

—¿Noa yũhũ suhtirore ñehe tuhuajari? niahye tiquiro.

<sup>31</sup> Tiquiro sa nigũ tũhoye tiquiro buheyequina ohõ saha niahye:

—Bihsarĩne. Sa ye masa peyequina mũhũre pihare. “¿Noa yũhũre ñehe tuhuajari?” nigũ, ¿dũhse nigũ sa niajari mũhũ? niahye tiquina pehe tiquirore.

<sup>32</sup> Sa yero Jesu tiquirore ñehe tuhuricorore macahye. <sup>33</sup> Tiquiro sa macano watoa ticoro pehe ticoro pagũ quehnoa wahagũ tũhoturo, cue nanare dũsepe curi mehna quehe sahye tiquiro caha tiquirore ño peoro. <sup>34</sup> Sa yero ticoro potota yahu pehoahye tiquirore. Ticoro sa ni yahuri bato Jesu ticorore yahuahye:

—Maco, yũhũre mũhũ wacũ tutuaye mehna quehnoago tojoare yojopũre. Bucueye mehna wahaya. Dohatiye mariego ijiya, niahye Jesu ticorore.

<sup>35</sup> Tiquiro sa ni yahuducuri bato judio masare buheri wũhũre ihña ihboriquiro ya wũhũ cãña yahuye wihiahye.



—Mũhũ maco yaria wahari. Sa yegũ buheriquirore piji cãhteracãhña, niahye tiquina.

<sup>36</sup> Tiquina sa niepegũta sa tãhotu cãhno, Jesu ti wũhũre ihña ihboriquirore ohõ saha ni yahuahye:

—Bũjũa witieracãhña. Yũhũre wacũ tutuaya. Ti dihitare yeya, niahye ti wũhũre ihña ihboriquirore.

<sup>37</sup> Sa ni tuhasa Santiago, tiquiro bahũro Ñũ, Pedro tiquina dihitare “Yũhũ mehna ahtaya”, niahye Jesu. <sup>38</sup> Sa yero judio masa buheri wũhũre ihña ihboriquiro ya wũhũrũ esahye. Ti wũhũrũ masa peyequina ñano bisi ñehe quea utigũ, tiquina sañuducugũ tũhoahye Jesu.

<sup>39</sup> —Ñano ni, ñehe quea utieracãhña mũsa. Ticorogã mũsa sa ni utigũ yarierare. Carĩno nine, niahye Jesu tiquinare.

<sup>40</sup> Tiquiro sa nigũ tũhoye “Sa ni maca cãhno nine ahriquiro”, ni bũjũahye tiquina pehe tiquirore.

Sa yero tiquiro tiquinare sopechãrũ wio peho cãhye. Sa wio tuhasaro ticorogã pacũsumũare, tiquiro mehna cjẽna gũhũre ticorogã cahãrũ neahye Jesu. <sup>41</sup> Sa yero Jesu ticoro omocare ñehe, “Talita cum”, niahye tiquiro. “Talita cum”, nino, “Mehenicorogã wahcãña’, niaja yũhũ”, nino nine.

<sup>42</sup> Tiquiro sa nigũ ticorogã wahcãdũca sa, tiniahye. Doce cũhmari cũoricoro ijiahye ticoro. Ticorore tiquiro sa yegũ ihñañe tiquina ihña maria wahahye. <sup>43</sup> Sa yero Jesu tutuaro mehna tiquiro sa yerire yahu site dutierahye. Sa ye tuhasa ticorore ihyayere oho dutiahye.

## 6

*Nazare cjẽna Jesure cahmedahye*

*(Mt 13.53-58; Lc 4.16-30)*

<sup>1</sup> Sa ye topũ ijiriquiro Jesu waha, tiquiro buheyequina mehna tiquiro ya dihtarũ tojoa sahye. <sup>2</sup> Sa yero Jesu saurũ ijigũ judio masa buheri wũhũrũ buhe dũcahye. Tiquiro sa buhegũ masa peyequina tiquirore tũhoye, acũa wahahye.

—¿Ahriquiro nohorũ tũhoyari ahri buheyere? ¿Dũhse yero quehnoano masi pehoajari ahriquiro? Cohãcjũ tutuaye mehna ye ihñore ahriquiro masare. <sup>3</sup> Ahriquiro taboa dahrari masũno María macũno, Santiago, José, Juda, Simo tiquina wahminota ijimederõ. Sa ye tiquiro bahana numia mari ya macarũ ijinimedi. Sa yero tiquiro gũhũ mari yero saha ijiriquiro ijire, niahye tiquina Jesure tũhoriquina.

Sa ye Jesure ihña tuhtiye, tiquirore cahmedahye. <sup>4</sup> Tiquina sa cahmedagũ ihñano ohõ saha niahye Jesu:

—Cohãcjũ yere yahu mũhtariquirore apequina ño peore. Tiquina sa ño peorepegũta tiquiro ya maca cjẽna, tiquiro acaye tiquiro ya wũhũrũ ijieyequinata ño peerare tiquirore. Sa yena yũhũre ño peerare mũsa ohõre bũcũarigũ yũhũ ijigũ, niahye Jesu tiquinare.

<sup>5</sup> Sa yero ti macarũ ijiriquiro Jesu Cohãcjũ tutuaye mehna ye ihño masiedahye. Sa ye ihñoedaperota ihquẽquina dohatiyequina bui tiquiro omocare duhu peo, yũhdũoahye tiquiro. <sup>6</sup> Sa yero to cjẽna Jesure tiquina wacũ tutueragũ ihñano, “¿Dũhse ijire boro yũhũre cahmedajari?” ni tũhotuahye tiquiro. Sa yero Jesu ti maca cahãrũ ijiye macaripũ buhero wahahye.

*Jesu doce buheyequinare buhe dutiro ohoahye*

*(Mt 10.5-15; Lc 9.1-6)*

<sup>7</sup> Sa ye Jesu doce tiquiro buheyequinare pijio, pũeyequina dihita ohoahye tiquinare macaripũre buhe dutiro. Sa yero tiquiro tutuayere ohoahye tiquinare watĩare tiquina cohãtire. <sup>8</sup> Sa ohoro apee boro, ihyayere, ajurire, niñerure tiquiro ne cã dutierahye tiquinare. Tiquina tuaye cjũ dihitare ne cã dutiahye tiquinare. Ihcãnota suhtirore saña dutiahye tiquinare. Rũaro saña dutierahye. <sup>9</sup> Sa yero cũhta cũñe cahserire saña dutiahye

tiquinare. Ihcã suhtirota saña dutiahye tiquinare. P̄aro saña dutierahye. <sup>10</sup> Sa yero ohõ saha ni yahuahye tiquinare:

—Ijipihtiye macarip̄are m̄sare tiquina car̄ino ohogũ ti w̄h̄ur̄ta tojoar̄ña. Coã wahanap̄a wijiaya ti w̄h̄ure. <sup>11</sup> Sa yena ape maca cj̄ena m̄sare tiquina cahmedagũ tiquina t̄aho dueragũ ti macare ȳhd̄ana dahpoc̄ari cj̄e dihta esa wah̄aire wej̄e site c̄ũña m̄sa tiquinare tiquina ye buhirire masigũ yena, ni yahuahye Jesu tiquinare.

<sup>12</sup> Sa ye doce buheyequina masare tiquina ñāne yerire b̄j̄ua witi dutiye, quehnoañe pehere ye dutiye, buheye wahahye. <sup>13</sup> Sa wahaye peyequina wat̄iare coh̄āne, dohatiye-quinare ūhse mehna wisȭne ȳhd̄ugũ yeahye.

*Ñu wame yeriquirore apequina wej̄eahye*

*(Mt 14.1-12; Lc 9.7-9)*

<sup>14</sup> Sa ye Jesure masa peyequina masiahye. Sa yero tiquiro yerire p̄h̄toro Herode t̄hooahye. Sa t̄hoooro ohõ saha ni t̄hotumahye tiquiro: “Ñu wame yeriquiro yariariquiro pari turi bajuaro niaga. Sa bajuariquiro ijiro tiquiro tutuaye mehna tire yero niaga”, ni t̄hotumahye Herode. “Jesu Ñuta ijire”, ni t̄hotumahye. <sup>15</sup> Apequina pehe ohõ saha ni t̄hotumahye: “Elia ijire”, ni t̄hotumahye. Apequina pehe “Coh̄ãcj̄u yere yahu m̄htariquiro panop̄a cj̄ena yero saha ijire tiquiro”, ni t̄hotumahye tiquina Jesure. <sup>16</sup> Tiquina sa ni t̄hotuepegũta Herode pehe Jesu tiquiro yerire t̄horo ohõ saha ni t̄hotumahye. “Ñu ȳh̄u dapu d̄ate sure dutiriquiro bajuaro niaga”, ni t̄hotumahye.

<sup>17-18</sup> Ñure tiquina wej̄eato pano Herode tiquirore ñehe duti, peresu ye dutiahye. Herode tiquiro bah̄aro Felipe namonore Herodia wame tiricorore ehma, namo tiahye.

—M̄h̄u bah̄u namonore namo tigũ Coh̄ãcj̄u dutiyere ȳhd̄ud̄ucagũ nine m̄h̄u, ni yahuahye Ñu Herodere.

Tiquiro sa nidi buhiri Herode namono Herodia Ñure peresu tiquina yegũ cahmeahye. <sup>19</sup> Sa yero ticoro pehe Ñure ih̄ña tuhtiro, tiquirore wej̄e duti duamahye. Sa ye dueperota ticoro tiquirore wej̄e duti masiedahye. <sup>20</sup> Herode Ñure cuero “Ñu quehnoañene yeriquiro, quehnoariquiro ijire”, ni t̄hotuahye. Sa yero Herodere cariboro yeahye Ñu pehe tiquirore yahuro. Sa cariboepegũta tiquiro bucueye mehna t̄homahye Ñure. <sup>21</sup> Tiquiro sa bucueye mehna t̄hoepegũta Herodia tiquirore ticoro wej̄e dutiati deco ūm̄a sahye. Ti p̄je Herode masa bajuari deco ijigũ tiquiro bose deco dahreahye. Sa ye tiquiro yequina gobierno cj̄ena, surara p̄h̄toa, Galilea cj̄ena p̄h̄toa ḡũh̄u tiquiro ya bose decore ih̄ñañe wihiahye. <sup>22</sup> Sa yero Herodia macono bose decore ih̄ñano wihiro tiquina ih̄ñonop̄a basa ih̄ñoahye. Ticoro sa basa ih̄nogũ ih̄ñañe, Herode tiquiro pijioriquina ḡũh̄u bucueahye. Tiquina sa bucuegũ ih̄ñano ohõ saha niahye Herode:

—M̄h̄u cahmeñene siniña ȳh̄ure. Sa yegũ ohoḡtja m̄h̄ure m̄h̄u cahmeñene. <sup>23</sup> Coh̄ãcj̄u mehna poto niaja m̄h̄ure. M̄h̄u sinino puno yeere deco mehna ohoḡtja m̄h̄ure, niahye tiquiro ticorore.

<sup>24</sup> Tiquiro sa nigũ ticoro Herodia macono pehe ticoro pacoro cahap̄a waha, sinituahye:

—¿Yabere sinigotari ȳh̄u? ni sinituahye ticoro pacorore.

—Ñu wame yeriquiro dapure siniña, niahye ticoro pacoro pehe.

<sup>25</sup> Ticoro sa nigũta Herodia macono ūm̄añano p̄h̄toro Herode cahap̄a waha, siniahye:

—Mianogãta Ñu wame yeriquiro dapure waparo mehna ohoya ȳh̄ure, niahye ticoro.

<sup>26</sup> Ticoro sa nigũ t̄horo p̄h̄toro Herode pehe tutuaro b̄j̄ua witiyahye. Masa tiquina ih̄ñonop̄a “Ohoḡtja m̄h̄ure”, niahye tiquiro. Sa yero b̄e tiro, tiquiro “M̄h̄ure ohoeraja”, ni masiedahye ticorore. <sup>27</sup> Sa yero duita surarare peresup̄a ijiyequinare cohteriquirore Ñu dapure d̄ate sure ne cãhta dutiahye. <sup>28</sup> Tiquiro sa dutigũ t̄horo surara pehe waha, tiquiro dapure d̄ate sure, waparo mehna ne cãhtahye. Ne cãhta nuhminore Herodia maconore ohoahye. Sa yero ticoro tiquiro dapure ñehe, ticoro pacorore oho ȳhd̄uoahye.

<sup>29</sup> Sa ye Ñu buheyequina ijiriquina pehe tire t̄hoye, top̄a esa, tiquiro paḡure masa cop̄er̄a ne cã, c̄uahye.

*Jesu cinco mil masare ihyaye ohoahye**(Mt 14.13-21; Lc 9.10-17; Jn 6.1-14)*

<sup>30</sup> Sa ye Jesu ohoriquina tiquiro caharᵑ tojoa saye, tiquina yerire, tiquina buherire yahuahye tiquirore. <sup>31</sup> Ti pjere masa peyequina sa majareducuye, tiquinare ne ihyaro ohoerahye. Sa yero ohō saha niahye Jesu tiquinare.

—Masa marienopᵑ mari sehsaro sona wahauhna, niahye tiquinare.

<sup>32</sup> Sa ye tiquina sehsaro yucᵑsa mehna masa marienopᵑ wahahye. <sup>33</sup> Tiquina sa wahagū ihñañe masa peyequina tiquinare masiahye. Sa masiñe peye macari cjēna maharᵑ waha, Jesu tiquiro esatopᵑ tiquina masa pehe oma cā esa mūhtahye. <sup>34</sup> Tiquina sa esagū Jesu tuha sa paha, yucᵑsapᵑ sañariquiro maja dᵑcaro, tiquiro masa peyequina ijigū ihñahye. Oveja cohteriquiro marieñequina yero saha ijiahye masa, tiquiro ihñagū. Sa yero Jesu tiquinare paja ihñano, peye quehnoañe buheyere buheahye. <sup>35</sup> Namicaharᵑ doce buheyequina Jesu caharᵑ esa, ohō saha niahye:

—Ohō masa marienopᵑ ijire. Namicaha waharo nine. <sup>36</sup> Ohō cahagā ijiye wuhᵑseripᵑ, macaripᵑ gūhᵑre tiquina ihyatire dú dutiya masare tiquina pohe tiatire, niahye tiquina Jesure.

<sup>37</sup> —Ihyayere ohoya tiquinare, nimahye Jesu tiquiro buheyequinare.

Tiquiro sa nigū ohō saha ni yūhtiahye:

—¿Dos cientos niñeru cjoeri mehna tiquina ihyati pāre dúnatari ᵑsā? niahye tiquina Jesure.

<sup>38</sup> —¿Nohope paca pā ijiajari? Ihñana wahaya, niahye tiquiro.

Tiquiro sa nigū tiquina pehe ihyayere bocaye, ohō saha niahye:

—Ihcā omope paca pā paca, pᵑaro wahi ijire, niahye tiquina pehe.

<sup>39</sup> Tiquina sa nigū tᵑhoro Jesu pehe pe cururi taa bui duji dutiahye masare. <sup>40</sup> Tiquiro sa duji dutiri bato tiquina pe cururi dujiahye. Ihquē cururire cincuenta masa ijiahye. Apeye cururi pehere cien masa ijiahye. <sup>41</sup> Tiquina sa duji tuhasagū ihñano Jesu pehe ihcā omope paca pā pacare, pᵑaro wahi mehna ne, ᵑhmᵑsepᵑ ihña mᵑoahye. Sa ihña mᵑono Cohācjüre “Quehnoare”, nino niahye. Tiquiro sa nidi bato pā pacare nuha, tiquiro buheyequinare masare iti duti ohoahye. Sa yero pᵑaro wahire iti dutiahye ijipihtiequinare. <sup>42</sup> Sa ye ijipihtiequina ihya, yapi yūhdᵑa wahahye. <sup>43</sup> Tiquina ihya dᵑharire doce pᵑhᵑse waro pāre, wahi gūhᵑre ne cahmecoahye wahpo dapoahye tiquina. <sup>44</sup> Sa ye pāre ihyariquina ᵑmᵑa dihitare tiquina queogū cinco mil ᵑmᵑa ijiahye.

*Jesu aco bui tiniahye**(Mt 14.22-27; Jn 6.16-21)*

<sup>45</sup> Ti pjeta Jesu tiquiro buheyequinare yucᵑsapᵑ sajā duti, ape sie pahrᵑpᵑ Betsaidapᵑ tiquiro pano pehāyu dutiahye. Sa yero tiquina pehāri watoa Jesu pehe masare cohe tiahye. <sup>46</sup> Cohe ti tuhasa cᵑnᵑpᵑ Cohācjüre sinino wahahye. <sup>47</sup> Came ñamipᵑ yucᵑsa mehna ditarapᵑ tiquina pehāducugū Jesu ihcāquirota tiquina pehā tariopᵑ ijiahye. <sup>48</sup> Sa yero tiquina ñano yūhdᵑa wajagū, tiquina pano wihnono wᵑgū ihñadoqueoahye tiquiro. Sa yero bohrea mᵑja tato pano tiquina caharᵑ esaro, aco bui tini cāa wahahye. Tiquinare tiquiro yūhdᵑa cā duamahye. <sup>49</sup> Tiquiro yūhdᵑa cā duepegūta tiquirore aco bui ahtagū ihñañe, cue niahye. “Yariariquiro ijiboaga”, ni ihñamahye tiquina. Sa ni tᵑhotuye tiquina sañuducuahye. <sup>50</sup> Ijipihtiequina tiquirore ihñañe, ihña maria wahahye. Tiquina sa ihña mariagū ihñano Jesu tiquinare yahuahye:

—Wacū tutuaya mᵑsa. Ne, yūhᵑre cueracāhña. Yūhᵑta ijiaja, niahye tiquinare.

<sup>51</sup> Sa ni tuhasa tiquiro tiquina mehna yucᵑsapᵑ sajāhye. Tiquiro sajāri batogāta wihnono yūhdᵑa wahahye. Sa wahagū tiquina pehe acᵑa yūhdᵑa wahahye. <sup>52</sup> Tiquiro pāre peye yerire wacūedahye tiquina. Tire quehnoano masiedahye.

*Jesu Genesare cjēnare, dohatiequinare yūhdᵑoahye**(Mt 14.34-36)*

<sup>53</sup> Sa ye tiquina pehã sa, Genesare dihtarũ pehã sa, tiare dũhte poho, dũhtũ caharũ pahsahye. <sup>54</sup> Sa ye yucũsarũ ijiriquina tiquina majagũta masa pehe Jesure ihña masiahye. <sup>55</sup> Sa ihña masiñe ijipihtiro tiquina ya yehparũ oma maja, dohatiyequinare tiquina cuñañe cahseri mehna yo cãhtahye. “Jesu topũ ijiri”, masa nigũ tũhoye topũre esahye tiquina. <sup>56</sup> Sa ye ijipihtiyẽ macari tiquiro esaye macaripũ, bũjũye macaripũ, daye macarigãpũ, meheñe wũhũsegã ijiye caharũ gũhũre masa dohatiyequinare Jesu caharũ nea cũahye. Sa topũ maharipũ tiquina cũnopũ Jesure tiquiro suhtiro dũhtũ cahare ñehe tuhu duaye, tutuaro siniahye tiquina:

—Mũhũ suhtiro dũhtũ caha dihitare usãre ñehe tuhu dutiya, ni siniahye.

Sa ye tiquiro suhtirore ñehe tuhuriquinape quehnoa wahahye tiquina.

## 7

### *Masa ñañequina wahagũ yeyere yahuahye Jesu (Mt 15.1-20)*

<sup>1</sup> Sa ye Jerusalẽpũ ahtariquina usã acaye judio masare buheyequina, fariseo masa gũhũ Jesu caharũ cahmecoahye. <sup>2-4</sup> Fariseo masa ijipihtiyequina apequina judio masa mehna panopũ cjẽna tiquina dutiriro saha tiquina omocarine omo coserape ihyera tiahye. Sa ye doeri cjẽ duayequina caharũ esayequina tiquina ye wũhũsepũ wihiye tiquina dutiriro saha tiquina omocarine omo coserape ihyera tiahye. Sa ye peye apeye dutiyere panopũ cjẽna judio masa tiquina dutiyere yee tiahye. Sihniñe parire coseye, dihi suturire coseye, come suturire coseye, yee tiahye tiquina judio masa, “Cohãcjũ sa cahmene”, niñe. Sa ye Jesu caharũ cahmecoañe Jesu buheyequina judio masa tiquina dutiriro saha tiquina omo coseragũ ihñahye fariseo masa. <sup>5</sup> Sa ihña tuhasaye Jesure sinituahye:

—Mũhũ buheyequina ihyaye mari ñecũsumũna mũna tiquina dutiriro sahata tiquina omocarine omo coserape. ¿Dũhse yeye mari dutiyere yerajari? niahye tiquina Jesure.

<sup>6</sup> Tiquina sa nigũ tũhoro Jesu yahuahye tiquinare.

—Masa tiquina ihñono dihita quehnoano iji mehona ijire mũsa. Cohãcjũ yere yahu mũhtariquiro mũnano Isaia mũsare panopũre potota yahue tiahye. Ohõ saha niahye: Ahriquina masa yũhũre quehnoano yahuducuepeta yũhũre ne ño peoerare. <sup>7</sup> Sa ye yũhũre tiquina ñu buheye dũhseati ijierare. “Cohãcjũ ye dutiye ijire ahri”, ni meho buhere tiquina buheye, ni ojoahye Isaia.

<sup>8</sup> Ti ijirota ijire. Panopũ cjẽna ye dutiye pehere yena tana Cohãcjũ ye dutiyere yerare mũsa. <sup>9</sup> Cohãcjũ ye dutiyere cohãna, mũsa acaye ye dutiye pehere yere mũsa. <sup>10</sup> Ohõ saha yena Cohãcjũ ye pehere yũhdũdũcana nine mũsa. Panopũre ohõ saha niahye Cohãcjũ tiquiro dutiyere Moisere cũno: “Mũsa pacũsumũare ño peoya. Ihcãquiro tiquiro pacũsumũare ñano quiti dahreriquiro ijiro ti buhiri tiquina wejẽatiquiro ijirota”, niahye Cohãcjũ Moisere tiquiro cũri dutiye. <sup>11</sup> Tiquiro sa niepegũta ohõ saha ye dutire mũsa tiquina pacũsumũare yedoho dutierana: Tiquina pacũsumũare tiquina ohoborire Cohãcjũ pehere oho dutire mũsa. Sa ni buhemene mũsa. <sup>12</sup> Sa buhena tiquina pacũsumũare ño peogũ yerare mũsa tiquinare. <sup>13</sup> Sa yena Cohãcjũ dutiyere yũhdũdũcana nine mũsa mari acaye panopũ cjẽna ye dutiye pehere yena. Apequinare mũsa ye buheye dihitare tũho dutire mũsa. Peye sa ijiyere yere mũsa, niahye Jesu tiquinare.

<sup>14</sup> Sa ni tuhasaro apequinare pijioahye. Ohõ saha niahye:

—Mũsa ijipihtina tũhoya yũhũre. Yũhũ niñene quehnoano masiña mũsa. <sup>15</sup> Mũsa dũserire sajàne pehe mũsa ihyaye pehe mũsare ñana ijigũ yerare. Mũsa ñañe yahuducuyẽ pehe mũsa dũseri wijiaye pehe mũsare ñana ijigũ yere. [ <sup>16</sup> Yũhũre quehnoano tũhoya,] niahye Jesu.

<sup>17</sup> Sa ni tuhasa Jesu masa caharũ ijiriquiro waha, wũhũpũ sajàa wahahye. Sa sajà sagũ ihñañe tiquiro buheyequina pehe tiquiro buherire sinituahye. Tiquina sa sinitugũ tũhoro ohõ saha niahye tiquiro:

<sup>18</sup> —¿Ne tũho ñehedajari mũsa? Mũsa dũserire sajãñe pehe mũsa ihyaye pehe mũsare ñana ijigũ yerare. <sup>19</sup> Ti mũsa tũhotuyepũre sajãedare. Mũsa paapũ sajã yũhdũa wahare, niahye Jesu.

Sa nino “Ijipihtiye ihyaye quehnoañe ijire”, nino niahye. <sup>20</sup> Ohõ saha ni nemoahye:

—Mũsa ñañe yahuducuye pehe mũsa dũseri wijiaye pehe mũsare ñana ijigũ yere. <sup>21-22</sup> Ñano tũhotuye, wũana tiye, numia mehna ñano yeducuye, ɯmũa mehna ñano yeducuye, masare wejẽñe, yaqueye, apequiro yere tutuaro cahme yũhdũye, ñano yeye, ni mehoñe, peye ñañene yeducuye, apequiro yere coo ihña tuhtiye, ñano quiti dahreye, “Apequinare yũhdũdũcaja”, ni tũhotuye, tũho masieñequina ijiye, ti ijipihtiye mũsare mũsa tũhotuyepũ ahtare. <sup>23</sup> Ijipihtiye ahri ñañe mũsa tũhotuyepũ ahta, mũsare ñana ijigũ yere, niahye Jesu.

*Judio masono ijericoro Jesure wacũ tutuahye*

(Mt 15.21-28)

<sup>24</sup> Sa yero Tiro wame tiri maca cahapũ esaro, to cjã wũhũpũ sajãa wahahye. Sa yero apequinare tiquiro ijiri wũhũre yahu dutierahye. Sa yahu dutieraperota tiquinare tiquiro duhti masiedahye. <sup>25</sup> Ti pjereta numino ticoro macono watĩno cœoricoro tiquiro cahapũ ijiahye. Sa ye Jesu yerire ihñañe apequina ticoro pacorore yahuahye. Tiquina sa yahuri bato ticoro pacoro pehe waha, Jesu dahpocãri cahapũ dũsepe curi mehna quehe sahye tiquirore ño peoro. <sup>26</sup> Ticoro Siria yehpapũ ijiri yehpa Fenicia wame tiri yehpa cjõno ijiahye.

—Watĩnore cohãrĩña yũhũ macore, ni siniahye ticoro Jesure.

<sup>27</sup> Ticoro sa sinigũ tũhoro ohõ saha niahye Jesu:

—Wahmanore wũhũ upũro pohne ye ihyayere diayeare yũhũ oho mũhtagũ to wahaerare. (Israe masa yere ape yehpa cjẽnare yũhũ oho mũhtagũ to wahaerare,) niahye Jesu ticorore queoye mehna yahuro.

<sup>28</sup> —Sa tjire pũhto. Sa ijiepegũta diaye gũhũ mesa doca tiquina pohne ihya site dijioyere ihya cohtere tiquina gũhũ. (Ape yehpa cjõ yũhũ ijiepegũta yũhũ gũhũre yedoho masine mũhũ,) ni yũhtiahye ticoro.

<sup>29</sup> —Mũhũ sa ni yũhtigũ mũhũ macore watĩno duhu tuhasari. Ihñago wahaya, niahye Jesu ticorore.

<sup>30</sup> Tiquiro sa nigũ tũhoro waha, ticoro wũhũpũ esaro, ticoro maconore watĩno marienicoropũre cuñanopũ ijiricorore ihñahye.

*Cahmono tũhoeriquirore, yahuducu masieniquirore yũhdũoahye Jesu*

<sup>31</sup> Ti pjere Jesu Tiro wame tiri maca cahapũ ijiriquiro waha, Sidõ wame tiri macare esa yũhdũ cã, Decapoli wame tiri macare esa yũhdũ cã, Galilea wame tiri ditarapũ esahye.

<sup>32</sup> Sa ye cahmono tũhoeriquirore, yahuducu masieniquirore Jesu cahapũ ne cãhtahye apequina.

—Mũhũ omoca mehna ña peoya tiquirore, ni siniahye tiquina tiquirore.

<sup>33</sup> Tiquina sa nigũta Jesu pehe tũhoeriquirore ne cã, masa marienopũ siho esahye. Tiquina sehsharo ijiahye. Sa yero Jesu tiquiro omo piri mehna tũhoeriquirore cahmo coperire ohbe sõahye. Sa ye tuhasa, sihco puti, tiquiro ñehmenore ña peoahye.

<sup>34</sup> Sa ye tuhasa ɯhmũsepũ ihña mũo, jeri ne, ohõ saha niahye:

—Efata, niahye Jesu. “Efata”, nino “Põohña”, nino nine. Sa nino tiquirore tũho dutiro niahye. Sa yero yahuducu dutiro niahye.

<sup>35</sup> Tiquiro sa nigũta tiquiro pehe tũho boca, tiquiro ñehmeno cahbiro wahagũ tũhoturo quehnoano yahuducuahye. <sup>36</sup> Sa yero Jesu tiquinare tire apequinare yahu site dutierahye. Tiquiro sa yahu site dutieraripe taharita tja tiquina apequinare yahu site nemoahye. <sup>37</sup> Sa ye masa tũho maria wahaye, ohõ saha niahye:

—Ijipihtiyere tiquiro quehnoano yere. Tũhoeyequinare quehnoano tũhogũ yere. Yahuducu masieñequina gũhũre quehnoano yahuducugũ yere Jesu, niahye masa.



## 8

*Cuatro mil masare ihyayere ohoahye Jesu*  
(Mt 15.32-39)

<sup>1</sup> Ti pjere pari turi masa peyequina cahmecoari bato ihyaye marieñequina tiquina ijigũ ihñano Jesu tiquiro buheyequinare pijioahye:

<sup>2</sup> —Ahriquina masa ihtia deco waro yũhũ mehna iji tuhasari. Sa ye tiquinare pohe mariedare. Tiquina pohe mariedagũ ihñagũ tiquinare paja ihñaja yũhũ. <sup>3</sup> Apequina tiquina mehna cjẽna yoaropũ ahtari. “Tiquinapũ ẽjũa ahbayequina mahapũ borari”, nigũ tiquinare ihyaye marieno tiquina ye wũhũsepũ waha duti dueraja. Sa yegũ tiquinare pohe oho duaja, niahye Jesu tiquiro buheyequinare.

<sup>4</sup> —¿Dũhse ye mari ohõre masa marienopũre pãre boca ohoboagari mari? niahye Jesu buheyequina tiquirore.

<sup>5</sup> —¿Nohope paca pã pacare cũoajari mũsa? ni sinituahye Jesu.

—Siete pã paca ijire, niahye tiquina.

<sup>6</sup> Sa yero tiquiro masare yehpapũ duji duti, siete pã pacare ne, Cohãcjũre “Quehnoare”, niahye. Sa ni tuhasa, ti pacare nuha, tiquiro buheyequinare oho, masare iti dutiahye. Tiquiro sa dutiri bato tiquiro buheyequina pehe pãre masare itiahye. <sup>7</sup> Sa ye wahi gũhũre meheñequinagã cũoahye tiquina. Sa yero tiquinare Cohãcjũre “Quehnoare”, ni, wahi gũhũre iti dutiahye. <sup>8</sup> Tiquina iti tuhasagũ tiquina ihyaye, yapi yũhdũa wahahye. Tiquina ihya dũharire siete pũhũse waro ne cahmecoa wahpo dapoahye tiquina. Tiquina cuatro mil masa ijiahye. <sup>9-10</sup> Sa ye tuhasa Jesu masare cohe tiahye. Cohe ti tuhasa tiquiro buheyequina mehna yucũsapũ sajãhye. Sajã tuhasa Dalmanuta wame tiri maca cahapũ wahahye.

*Fariseo masa Jesure Cohãcjũ tutuaye mehna ye ihño dutiahye*  
(Mt 16.1-4; Lc 12.54-56)

<sup>11</sup> Sa ye fariseo masa wihi, Jesu mehna cahme dũse tutuahye. Tiquina Jesure Cohãcjũ tutuaye mehna ye ihño dutiye, tiquiro ye ihño masiedagũ ihña duamahye. <sup>12</sup> Tiquina sa dutigũ tũhoro Jesu tutuaro bũjũa witi pihopũri, jeri sajãedaro, ohõ saha niahye:

—¿Mũsa yojoapũ cjãna dũhse yena mũsa Cohãcjũ tutuaye mehna ye ihñoñene ihña duajari? Potota niita niaja mũsare. Yojoapũ cjãnare mũsare Cohãcjũ tutuaye mehna ne ye ihñosi yũhũ, niahye Jesu.

<sup>13</sup> Sa ni tuhasa waha, pari turi yucũsapũ sajã, ape sie pahrẽpũ pehãa wahahye.

*Fariseo masa, Herode mehna cjẽna gũhũre tiquina ñañe buheyere yahuahye Jesu*  
(Mt 16.5-12)

<sup>14</sup> Sa wahaye, pãre bo cũ, yucũsapũ ihcãriata pãre cũoahye tiquina. <sup>15</sup> Sa yero Jesu cua pesaro mehna yahuahye tiquinare.

—Quehnoano yeya. Fariseo masa, Herode mehna cjẽna gũhũ tiquina ye pãre pugũ yeyere ihñana quehnoano yeya. Cuarĩne ti, ni yahuahye.

<sup>16</sup> Tiquiro sa nigũ tũhoye tiquiro buheyequina pehe tire tiquina basi yahuducuahye.

—Mari pãre mari ne cãhtaeragũ ihñano sa niaga ahriquiro, nimahye tiquina.

<sup>17</sup> Tiquina sa nidire masino tiquinare sinituahye Jesu:

—¿Dũhse yena mũsa pã borire wacũajari mũsa? ¿Mũsa masiedajari? ¿Tũhoerajari? ¿Tũho duerajari mũsa? <sup>18</sup> ¿Caperi tina ijiepenata ihñedajari mũsa? ¿Sa yena cahmono tina ijiepenata tũhoerajari mũsa? ¿Mũsa ahrire wacũedajari? <sup>19</sup> ¿Yũhũ ihcã omope paca pã pacare nuha, cinco mil masare yũhũ ohorire wacũedajari mũsa? ¿Tiquina ihya dũharire nohope pũhũsere pã pacare mũsa ne cahmecoa wahpo dapori pũhũsere neari mũsa? niahye Jesu tiquinare.

—Doce pũhũse nei, niahye tiquina tiquirore.

<sup>20</sup> —¿Sa ye yũhũ siete pã pacare cuatro mil masare yũhũ ohori bato nohope pũhũsere pã pacare mũsa wahpo dapori pũhũsere neari mũsa? niahye Jesu.

—Siete pũhũse nei, niahye tiquina tiquirore.

<sup>21</sup> —¿Sa ihñaeppenata quehnoano masiedajari mæsa? niahye Jesu tiquinare.

*Jesu caperi bajueriquirote ihñagũ yeahye*

<sup>22</sup> Sa ye Betsaidapæ tiquina esagũ ihñañe, masa pehe caperi bajueriquirote ne cãhtahye.

—Tiquirote ña peoya, ni tutuaro siniahye tiquina Jesure.

<sup>23</sup> Sa yero Jesu caperi bajueriquiro omocare ñehe, ti maca dũhtu cahapæ tiquirote tuã cãhye. Topæ ne sa, tiquiro caperire sihco puti, tiquiro omocari mehna tiquirote ña peohye.

—¿Mũhũ ihñagũ bajuajari? ni sinituahye Jesu.

<sup>24</sup> Tiquiro sa nigũ tiquiro pehe ihñano ohõ saha niahye:

—Ûmũare ihñaja. Yũhũ sa ihñaepegũta tiquina yucuri tiniñe cju yero saha bajure, niahye caperi bajueriquiro.

<sup>25</sup> Tiquiro sa nigũ tũhoro Jesu pehe tiquiro omocari mehna tiquiro caperire ña peohye tja. Tiquiro sa ña peori bato caperi bajueriquiro tutuaro tiquiro ihñagũ caperi quehnoano bajuahye. Sa yero ijipihiyere quehnoano ihñahye tiquiro. <sup>26</sup> Sa yero Jesu tiquirote tiquiro ya wũhũpæ ohoahye.

—Macapæ pũritare wahaeracãhña, niahye Jesu tiquirote.

*Jesu potota Cristo tiquiro ijiyere Cohãcjũ ohoriquiro tiquiro ijiyere yahuahye Pedro*  
(Mt 16.13-20; Lc 9.18-21)

<sup>27</sup> Sa ye Jesu tiquiro buheyequina mehna Cesarea Filipo wame tiri maca cahapæ ijije macaripæ waha nemoahye. Topæ waharo Jesu sinituahye tiquiro buheyequinare:

—¿Noa boro ijiagari yũhũ, masa yũhũre tiquina tũhotugũ? ni sinituahye tiquiro.

<sup>28</sup> Tiquiro sa sinitugũ tũhoye yũhtiahye tiquina:

—“Ñu wame yeriquiro ijire”, nine. Apequina “Elia ijire”, nine. Apequina “Cohãcjũ yere yahu mũhtariquina mehna cjũno ijiboaga”, nine, ni yũhtiahye tiquiro buheyequina tiquirote.

<sup>29</sup> Tiquiro sa nidi bato Jesu sinitu nemoahye:

—¿Mæsa pehe tũhotugũ noa boro ijiagari yũhũ? ni sinituahye tja.

—Mũhũ Cristo Cohãcjũ ohorigu ijire, ni yũhtiahye Pedro.

<sup>30</sup> Tiquiro sa nigũ tũhoro Jesu ohõ saha niahye:

—Yũhũre “Cristo ijire tiquiro”, ni yahu site niedacãhña apequinapære, niahye tiquinare.

*Jesu tiquiro yaria masa wijiatire yahuahye*  
(Mt 16.21-28; Lc 9.22-27)

<sup>31</sup> Sa ye tiquiro buhe dũcahye tiquinare.

—Yũhũ masu Cohãcjũ ohorigu ijiaja. Sa yegu tutuaro ñano yũhdũguta. Sata waharo cahmene yũhũre. Judio masa bũcũna, pahia pũhtoa, mari judio masare buheyequina yũhũre cahmedaye, yũhũre wejẽeta. Tiquina sa wejẽgũ ihtia deco wahaboro masa wijiajutja, niahye Jesu tiquinare.

<sup>32</sup> Sa nino ne tũho wisiagũ yero marieno yahuro niahye tiquinare. Tiquiro sa nigũ tũhoro Pedro pehe yoa cjũnogã Jesure ne sadũca, tiquirote sa ni dutierahye. <sup>33</sup> Tiquiro sa ni dutieragũ tũhoro Jesu tiquiro buheyequinare majare ihña, tuhtiahye Pedrote.

—Satana yero saha yahuducugu nine mũhũ. Sa niedacãhña. Mũhũ tũhotuye masa ye ijire. Cohãcjũ ye ijierare, niahye tiquiro Pedrote.

<sup>34</sup> Sa ni tuhasa masare tiquiro buheyequina mehna tiquiro cahapæ pijio ohõ saha niahye:

—Ihcãquiro yaquiro iji duaro, tiquiro esa tuharo ye duamedire duhu cãnota. Sa yero yaquiro tiquiro ijiri buhiri ñano yũhdũeperota yũhũre duhusi. Sa yero yeere yeducuriquiro ijirota. <sup>35</sup> Masũno tiquiro esa tuharo tiquiro cahmeno sahata yeriquiro pecapæ waharota. Sa yero masũno, yeere sa yeducuro, quehnoañe buheyere sa yeducuro, ijipihiyere decori yũhũ mehna mũmũsepe ijiducurota. <sup>36</sup> ¿Ihcãquiro masũno ahri yehpa

cjēne ijipihtiyere c̄woriq̄iuro pecap̄u waharo yabere wapatajari tiquiro? Sa ijiriquiro ne wapataerare. <sup>37</sup> Pecap̄u tiquiro jeripohna wahagū ne d̄uhse wapa ye wioro basioeraga. Mas̄no jeripohna ihyo waro ijierare. <sup>38</sup> Yojoṛp̄ure, ñañequina Coh̄c̄j̄ure cahmeeñequina tiquina esa tuharo yeri deco ijiro nine. Ihquēquina ȳh̄ure, ȳh̄u buheye ḡh̄ure b̄ue tis̄aboaga. Tiquina sa yegū ih̄ñagu ȳh̄u mas̄u Coh̄c̄j̄ū ohoriḡu quehnoañequina angele mehna ȳh̄u Pac̄u asi sitero mehna tojoa taḡu ȳh̄ure b̄ue tis̄añequinare b̄ue tis̄aḡutja ȳh̄u ḡh̄u, ni yahuahye Jesu.

## 9

<sup>1</sup> Sa ni tuhasa oh̄o saha ni nemoahye Jesu:

—Potota niita niaja m̄sare. Ihquēquina m̄sa oh̄ōṛp̄ure ijina m̄sa yariato pano Coh̄c̄j̄ū tiquiro p̄h̄toro ijiṛp̄ure ȳh̄u saj̄ḡū ȳh̄ure ih̄ñanata, niahye Jesu tiquinare.

*Jesu tiquiro paḡure* comesahye

(Mt 17.1-13; Lc 9.28-36)

<sup>2</sup> Sa ye seis decori bato Jesu Pedrose, Santiagore, tiquiro bah̄uro Ñu ḡh̄ure uhm̄an̄u c̄n̄p̄u tiquina dihitare p̄iji m̄jahye. Uhm̄an̄op̄u esari bato tiquina ih̄ñonop̄u tiquiro paḡure comesaa wahahye. <sup>3</sup> Tiquiro suhtiro asi sitero yero saha yehsero wahahye. Ahri yehpa cjēna numia suhti coseyequina numia sa yehseye ye masiedare. <sup>4</sup> Sa ye Jesu Elia m̄n̄ano, Moise m̄n̄ano mehna tiquina yahuducugū ih̄ñahye tiquina ihtiaro tiquiro buheyequina. <sup>5-6</sup> Sa ye tiquina tutuaro cueahye. Sa cuero d̄uhse ni masiedamehno oh̄o saha nimahye Pedro:

—P̄h̄to, mari oh̄o ijigū quehnoa duare. Ihtia w̄h̄uḡā yematja. M̄h̄u ya w̄h̄uḡā, Moise ya w̄h̄uḡā, Elia ya w̄h̄uḡā yematja, nimahye tiquiro Jesure.

<sup>7</sup> Sa yero tiquina bui ehmeo curua cahmotahye. Sa cahmotaḡūta ehmeo watoap̄u nino ca tahye:

—Ahriquiro ȳh̄u mac̄u ȳh̄u cah̄ñiquiro ijire. T̄uhoya tiquirore, nino ca tahye.

<sup>8</sup> Sa niḡūta Pedro ḡh̄u ih̄ñamahye. Jesu dihitare ih̄ñahye. Tiquina ih̄ñariquina pehe mariedahye. <sup>9</sup> Sa yero c̄n̄p̄u tiquina dijia taḡū Jesu tiquinare yahuahye:

—Mianoḡā ȳh̄ure sa wahaṛire apequinare yahuerac̄h̄ñā. Ȳh̄u mas̄u Coh̄c̄j̄ū ohoriḡu ȳh̄u yaria masa wijiari bato tire apequinare yahuya m̄sa, ni yahuahye tiquiro.

<sup>10</sup> Sa ye tiquiro dutiriro sahata tiquina ih̄ñarire yahuerahye apequinare. Sa ye tiquina basi oh̄o saha ni sinitu yahuducuahye:

—¿“Ȳh̄u yaria masa wijiari bato”, nino d̄uhse nino niari tiquiro? ni, yahuducuahye tiquina.

Sa ye Jesure oh̄o saha ni sinituahye:

<sup>11</sup> —“Cristo tiquiro ahtato pano Eliare ahta m̄htano cahmene”, nine mari acaye judio masare buheyequina. ¿D̄uhse ijiro boro sa niagari tiquina? ni sinituahye tiquina tiquirore.

<sup>12-13</sup> Jesu yahtiahye:

—Ijirota ijire. Eliare ahta m̄hta dutiri Coh̄c̄j̄ū, ijipihtiyere quehno m̄htatiquirore. Ȳh̄u mas̄u Coh̄c̄j̄ū ohoriḡu peye tahari ñano ȳh̄d̄uḡūta. Apequina ȳh̄ure cahmedaye, ñano yeeta. ¿D̄uhse ijiro boro tire sa ni ojoari, m̄sa tuhotuḡū? Sa yeḡu ahriṛe niitja m̄sare: Elia wihi tuhasari. Tiquiro sa wihiepeḡūta tiquina cahmediro saha tiquirore ñano yeahye. Sata ni ojoahye tiquirore, niahye Jesu tiquinare.

*Jesu coã wahm̄ua* c̄htariquirore ȳh̄d̄uoahye

(Mt 17.14-21; Lc 9.37-43)

<sup>14</sup> Sa ye dijia ta, apequina buheyequina cahap̄u esa, peyequina masare ih̄ñahye. Tiquiro buheyequina pehe judio masare buheyequina mehna cahme d̄use tutuaye niahye. <sup>15</sup> Sa ye Jesu ḡh̄u tiquina dijia taḡū ih̄ñañe, ijipihtiyequina masa ac̄ua waha, tiquiro cahap̄u oma c̄ā wahahye. Tiquiro cahap̄u esaye,

—¿Ahtajari? niahye tiquirore.

<sup>16</sup> —Ahtaja, ni tuhasa,  
—¿Duhse ni cahme duse tutuana niari masa tiquina mehna? ni sinituahye Jesu tiqiuro buheyequinare.

<sup>17</sup> Tiquiro sa ni sinitugã tãhoro, masa watoa ducuriqiuro yahuahye tiqiurore:

—Buhegu, yũhũ macũre watĩno cõoriqiurore mũhũre ne cãhtami. Watĩno pehe tiqiurore yahuducu dutierare. <sup>18</sup> Yũhũ macũre tiqiuro ñehẽgũ yehpapũ bora, bahque diho, buhaa wahae tiri tiqiuro. Sa waharo sahpo tua wahae tiri. Sa yegũ mũhũ buheyequinare watĩnore cohã dutimi. Yũhũ sa dutiepegũta tiquina cohã masiedari watĩnore, ni yahuahye Jesure.

<sup>19</sup> Tiquiro sa nigũ tãhoro Jesu ohõ saha niahye tiquinare:

—Ne, yũhũre wacũ tutuerare mũsa. Yoari pje mũsare buhemaja yũhũ. ¿Noho puno yoari pje yũhũre mũsa cariboajari? Tiquirore ne cãhtaya yũhũre, niahye Jesu.

<sup>20</sup> Tiquiro sa nigũ tãhoye watĩno cõoriqiurore Jesu caha ne cãhtahye. Tiquina ne wihigũ ihũano watĩno pehe coã wahmũa cãhtariqiurore yehpapũ doque quehe sa, tunu nanaregũ yeahye. Sa yero sahpo tuua wahahye.

<sup>21</sup> —¿Noho puno yoari pje watĩnore cõojari ahriqiuro? ni, sinituahye Jesu pehe tiqiuro pacũrore.

—Nijinogã ijirõpũta tiqiurore cõo dũcari. <sup>22</sup> Sa yero watĩno pehe tiqiurore pecapũ, acõpũ cohã wejẽmedi. Sa yegũ mũhũ ye masigũ usãre paja ihũa, yedohoya, niahye tiqiuro pacũro Jesure.

<sup>23</sup> Tiquiro sa nigũ tãhoro ohõ saha niahye Jesu:

—¿“Mũhũ ye masiegũ ijire”, nijari mũhũ yũhũre? Yũhũre mũhũ wacũ tutuagũ ihũano, Cohãcjũ ijipihiyere ye peho masine, mũhũre yedohoro, niahye Jesu.

<sup>24</sup> Tiquiro sa nigũta coã wahmũa cãhtariqiuro pacũro ohõ saha ni saũuducuahye:

—Mũhũre wacũ tutuaja. Yũhũ wacũ tutueragũ ihũagũ yũhũre yedohoya mũhũre yũhũ wacũ tutuato saha, niahye tiqiuro.

<sup>25</sup> Sa yero masa peyequina tiquina cahapũ oma cãhta, tiquina cahmecoagũ ihũano, Jesu watĩnore ohõ saha ni tuhtiahye:

—Mũhũ yahuducu dutiegũ, tũho dutiegũ ahriqiuro mehna ijirigũ wahaya. Sa wahagũ tiqiurore pari turi cariboeracãhũa, niahye Jesu.

<sup>26</sup> Tiquiro sa nigũ tãhoro watĩno saũuducu, coã wahmũa cãhtariqiurore yehpapũ doque quehe sa tunu nanaregũ ye, wahahye. Tiquiro sa yegũ coã wahmũa cãhtariqiuro yariariqiuro yero saha wahahye.

<sup>27</sup> —Tiquiro yariaa wahare, nimahye masa peyequina.

Tiquina sa niepegũta Jesu pehe tiqiuro omocare ñehẽ, tiqiurore wahcõahye. Tiquiro sa wahcõgũ wahcãhye tiqiuro pehe. <sup>28</sup> Came Jesu gũhũ wũhũpũ tiquina sajã sagũ tiqiuro buheyequina tiqiurore sinituahye:

—¿Duhse yena usã pehe watĩnore cohã masiedayari, mũhũ tũhotugũ? ni sinituahye tiquina.

<sup>29</sup> —Ahriqiuro boro watĩnore cohã duana Cohãcjũre tutuaro sinino cahmene mũsare, ni yũhtiahye Jesu tiquinare.

*Pari turi Jesu tiqiuro yaria masa wijiatiye yahuahye*

*(Mt 17.22-23; Lc 9.43-45)*

<sup>30</sup> Sa ye topũ ijiriquina waha, Galilea yehpapũ esa, yũhdũa wahahye. Topũ tiquina waharire apequina masigũ cahmedahye Jesu tiqiuro yequinare buhero taro. <sup>31</sup> Topũ esaro tiqiuro buheyequinare buheahye. Ohõ saha ni buheahye:

—Yũhũ masũ Cohãcjũ ohorigũ ijiaja. Masa yũhũre ñehẽ, apequinapũre yũhũre ohoeta. Tiquina sa ohori bato yũhũre wejẽeta. Tiquina sa wejõrigũ ijiepegũta ihtia deco wahaboro masa wijiagũtja, niahye tiquinare.

<sup>32</sup> Tiquiro sa nigũ tãhoye tiquina quehnoano tũho ñehedahye. Sa ye cueye, tiqiurore tire sinitu nemoedahye.

*Jesu buheyequina tiquina mehna cjūnore pūhto sō duaye nimahye*  
(Mt 18.1-5; Lc 9.46-48)

<sup>33</sup> Sa ye Capernaupū tiquina esari bato wūhūpū tiquina ijigū Jesu pehe sinituahye tiquinare.

—ĶMahapūre ahtana, dūhse ni yahuducu cāhtana niari mūsa? ni, sinituahye tiquinare.

<sup>34</sup> Tiquiro sa sinitugū tiquina yūhtierahye. Mahapūre ahtaye, cahme ohō saha ni yahuducu cāhtaye niahye:

—ĶMari mehna cjūnore diquiro pehere mari pūhtoro sōnatari mari? ni yahuducuye niahye mahapūre ahtaye.

<sup>35</sup> Sa ye tiquina sa nidire bue tiye Jesure yūhtierahye. Tiquina sa yūhtieragū ihñano Jesu nuju sa, tiquiro buheyequinare doce buheyequinare pijio ohō saha niahye:

—Mūsa pūhtoia iji duana ijipihtiyequina masa tiquina cahācjāna ijiro cahmene mū sare. Sa yena ihyo ijina ijipihtiyequina docapū ijinata mūsa, niahye Jesu tiquinare.

<sup>36</sup> Sa nino nijinogāre tiquina watoa duhu docoahye. Duhu doco tuhasa tiquirogāre ne wūa, ohō saha ni yahuahye:

<sup>37</sup> —Yeere ye duana ahriquirogāre mūsa cahmena, yūhū gūhūre cahmene mūsa. Sa yena yūhūre cahmena, yūhūre ohoriquiro mari Pacū gūhūre cahmene mūsa, niahye Jesu tiquinare.

*Marine ihña tuhtiriquiro ijieraro, mari mehna cjūno ijire*  
(Mt 10.42; Lc 9.49-50)

<sup>38</sup> Came Ņu ohō saha niahye Jesure:

—Buhegū, mūhū wame mehna watīare cohāriquiore ūsā ihñau. Mari mehna cjūno tiquiro ijieragū ihñana tire tiquirore ye dutierahti ūsā, niahye tiquina.

<sup>39</sup> Tiquina sa nigū tūhoro Jesu tiquinare yahuahye:

—Sa niedacāhña mūsa tiquirore. Ihcāquiro yūhū wame mehna Cohācjū tutuaye mehna yero, came yūhūre űnano ni yahuducu masiedare. <sup>40</sup> Marine ihña tuhtiriquiro ijieraro, tiquiro mari mehna cjūno ijire. <sup>41</sup> Mū sare potota nii niaja. Yeequina mūsa ijigū ihñañe apequina mū sare tiquina yedohogū ihñano Cohācjū tiquinare quehnoano yerota. Acore mū sare tiquina mehenogā sihōgū tiquinare quehnoano yerota Cohācjū tiquina sa yeri wapa, niahye Jesu tiquinare.

*Ņañene yegū cuarīne*  
(Mt 18.6-9; Lc 17.1-2)

<sup>42</sup> Sa yero Jesu yahu nemoahye:

—Ahriquirogā yero saha ijiriquirore yūhūre wacū tutua dūcariquiore yahugūtja mū sare. Apequiro ahriquirogā yero saha ijiriquirore űañene ye dutiro tiquiro űa yūhdūaro yūhdūrota. Ihcāquirore tiquiro wamūapū pajiria ūtāre dūhte yo, pajiri mapū tiquirore tiquina cohāgū űnano wahaboaga tiquiro. Sa ijiepegūta ahriquirogā yero saha ijiriquirore űañene ye dutiriquiro tiquiro pehe pajiri mapū tiquina cohāriquiore yūhdūoro űnano yūhdūrota. <sup>43-44</sup> Mūhū omoca mehna űnano yegū ti omocare mūhū dūte cohāboriro saha ti mūhū űnano yeye pehere duhuya. Tire duhueragū pecapū wahagūta. Topūre ne peca yatierare. Sa ye becoa ne yarierare. Mūhū omocare cohāgū ti si dihita butiboaga. Sa yegū mūhū pehe sa bajuri turu ijiepegūta came Cohācjū mehna ijigūta. Pūa omoca mehna pecapū wahagū mūhū sa wahagū űa yūhdūaboaga. Sa yegū ti mūhū űnano yeye pehere duhuya. <sup>45-46</sup> Mūhū dahpocā mehna űnano yegū ti dahpocā gūhūre mūhū dūte cohāboriro saha ti mūhū űnano yeye pehere duhuya. Tire duhueragū pecapū wahagūta. Topūre ne peca yatierare. Sa ye becoa ne yarierare. Mūhū dahpocāre mūhū cohāgū ti si dihita butiboaga. Sa yegū sa bajuri turu ijiepegūta came Cohācjū mehna ijigūta. Pūa dahpocā mehna pecapū wahagū mūhū sa wahagū űa yūhdūaboaga. Sa yegū ti mūhū űnano yeye pehere duhuya. <sup>47-48</sup> Mūhū capea mehna űnano yegū tiare ore we mūhū cohāboriro saha ti mūhū űnano yeye pehere duhuya. Tire duhueragū pecapū wahagūta. Topūre ne peca yatierare. Sa ye becoa ne yarierare. Tiare mūhū cohāgū tia



dihita butiboaga. Ihcã capea mariedapegũta came Cohãcjũ mehna ijigũta. Pũa capea mehna pecapũ wahagũ mũhũ sa wahagũ ña yũhduaboaga. Sa yegũ ti mũhũ ñano yeye pehere duhuya.

<sup>49</sup> Ahri yehparũ ijina ñano yũhdũnata mũsa. Pecapũ mari ƣjũgũ marine purĩno saha ñano yũhdũnata mũsa. <sup>50</sup> Moa quehnoano ocare. Moa ocaeragũ ti moare ocagũ yero basioerare. Moa ocaeraro ti moa ne quehnoaedare. Ti moare dũhsero basioerare. Sa ijigũ ihñana ti moare cohãno cahmene. Moa quehnoano ti ocaro saha mũsa gũhũ masa quehnoana ijiya. Sa yena apequina mehna quehnoano mehna ijiya, ni yahuahye Jesu tiquinare.

## 10

*Tiquina namosãnumiare cohãñene yahuahye Jesu*  
(Mt 19.1-12; Lc 16.18)

<sup>1</sup> Sa ye tiquiro topũ ijiriquiro waha, Judea yehpa cahapũ esa, Jordã wame tiri ma ape sie pahrẽpũ esahye. Topũ tiquiro esagũ ihñañe masa peyequina tiquiro cahapũ cahmecoahye tja. Tiquina sa cahmecoagũ ihñano to pano tiquiro buheriro sahata pari turi buheahye tja. <sup>2</sup> Tiquiro sa buheri watoa fariseo masa wihiahye. Jesure ñano tiquiro yahuducugũ tũho duamahye tiquina. Sa tũho duaye tiquina Jesure sinituahye.

—¿Mari namosãnumiare cohãgũ quehnoaboagari? ¿Mari dutiye pehe sata ye dutiajari, mũhũ tũhotugũ? ni sinituahye tiquina.

<sup>3</sup> —¿Dũhse ye dutiajari to Moise mũsare tiquiro cũri? ni yũhtiahye Jesu.

<sup>4</sup> —“Papersa pũre mũsa cohãñene yahuyere ojoana mũsa namosãnumiare cohã masine”, niahye Moise, ni yũhtiahye fariseo masa pehe.

<sup>5</sup> Tiquina sa nigũ tũhoru ohõ saha ni yahuahye Jesu:

—Cohãcjũ dutiyere mũsa ye dueragũ ihñano sa ni ojoahye Moise. <sup>6</sup> Tiquiro sa ni ojoari ijiepegũta ahri yehpare bajumehnediquiro ƣmũno, numino gũhũre yeahye. <sup>7</sup> Sa yero ƣmũno tiquiro pacusũmũare cohã wijia, tiquiro namono mehna ijirota. <sup>8</sup> Sa ye tiquina pũaro ijiepeteta ihcã pagũ yero saha ijire. Sa ye tiquina pũaro yero saha ijierare. Ihcã pagũ yero saha ijiye nine. <sup>9</sup> Cohãcjũ tiquiro omoca dũhte dutiriquina ijire. Sa ye tiquinare cahme duhueraro cahmene, niahye Jesu tiquinare.

<sup>10</sup> Sa ni tuhasa tiquiro buheyequina mehna wũhũpũ sajãa wahahye. Wũhũpũ sajã sa, tiquina namosãnumiare cohãñene tiquiro buheyequina sinituahye tja tiquirore. <sup>11</sup> Tiquina sa sinitugũ tiquiro yũhtiahye:

—Tiquiro namonore cohãriquiru apecorore namo tiro, apecoro mehna ñano yeriquiro ijire. Sa yero tiquiro cohãricorore ñano wahagũ yero nine. <sup>12</sup> Sa yero numino pehe ticoro manũnore cohãno, apecuquirore manũ tiro, tiquiro mehna ñano yericoro ijire, niahye Jesu tiquinare.

*Macanagã ye ijiatire Cohãcjũre sini basahye Jesu*  
(Mt 19.13-15; Lc 18.15-17)

<sup>13</sup> Sa ye macanagãre Jesure ña peo dutiye tehe tiquinagãre Jesu cahapũ ne cãhtaye niahye. Tiquina sa yegũ ihñañe tiquiro buheyequina pehe tiquinagãre ne cãhtayequinare tuhtiahye. <sup>14</sup> Tiquina sa tuhtigũ ihñano Jesu usuaro, ohõ saha niahye tiquinare:

—Macanagã yũhũ cahapũ ahtaahro. “Waharĩsa”, niedacãhña tiquinagãre. Tiquinagã Cohãcjũre tiquina pũhtoro tũhoture. Sa ye Cohãcjũ tiquiro pũhtoro ijirupũre ahriquinagã yero saha tũhotuyequina ijire topũre. <sup>15</sup> Ijirota niita niaja mũsare. Ahriquinagã Cohãcjũre tiquina cahmeno saha mũsa pehe cahmedana, tiquiro cahapũ wahasi mũsa. Mũsa wahaeragũ mũsa pũhtoro ijisi tiquiro, niahye Jesu.

<sup>16</sup> Sa ni tuhasa Jesu macanagãre ne wũa, tiquinagãre ña peoro ohõ saha niahye:

—Ahriquinagã quehnoañequina wahaahro, ni sini basahye Cohãcjũre.

*Doeri cjẽ upũro Jesure sinituahye*  
(Mt 19.16-30; Lc 18.18-30)



<sup>17</sup> Sa ye Jesu mahapɔ tiquiro wahaducugũ apequiro pehe oma cã, tiquiro dahpocãri cahapɔ dusepe curi mehna quehe sahye tiquirore ño peoro.

—¿Ne, quehnoagɔ buhegɔ, yɔhɔ ijipihtiyee decori Cohãcjũ mehna iji duagɔ dahse yegɔtari yɔhɔ? niahye tiquiro Jesure.

<sup>18</sup> Tiquiro sa nigũ Jesu yɔhtiahye:

—¿Dahse ijiro boro yɔhɔre “Quehnoagɔ”, ni pisujari mɔhɔ? Cohãcjũ dihita quehnoariquiro ijire. <sup>19</sup> Ahri Cohãcjũ dutiyere masine mɔhɔ: Masare wejẽdacãhña. Wɔana tieracãhña. Yaqueracãhña. Ni mehoedacãhña. Apequina yere ni meho nedacãhña. Mɔsa pacɔsumɔare ño peoya. Ahri dutiyere yero cahmene masare, ni yahuahye Jesu tiquirore.

<sup>20</sup> —Buhegɔ, tire ijipihtiyere coã wahmɔa cãhtagɔ ijigɔpɔta yɔhdɔdɔcaera tii yɔhɔ, niahye tiquiro Jesure.

<sup>21</sup> Tiquiro sa nigũ tɔhoro Jesu pehe tiquirore ihñadoque ohõ, cahñahye. Sa yero ohõ saha niahye:

—Mehenogã dahsare mɔhɔre mɔhɔ ye pehoato. Ijipihtiyere mɔhɔ yere duagɔ wahaya. Sa yegɔ ijipihtiyee mɔhɔ wapatari niñerure pejecɔoyequinare ohoya. Mɔhɔ sa yegũ pajiro mɔhɔ ye ɔhmɔserɔ, Cohãcjũ cahapɔ ijirota. Mɔhɔ sa yeri bato yɔhɔ mehna cjũ ijiajɔ ahtaya, niahye Jesu tiquirore.

<sup>22</sup> Tiquiro sa nigũ tɔhoro tiquiro pehe peye doeri cjẽ cɔoriquiro ijiro tire pejecɔoyequinare oho dueraro, bɔjɔa witi, coaera, wahaa wahahye.

<sup>23</sup> Tiquiro sa bɔjɔa witi gũ ihñano Jesu majaredɔca sa, tiquiro buheyequinare ihñadoque ohõ, ohõ saha niahye:

—Doeri cjẽ cɔoyequina Cohãcjũ pɔhtoro ijirɔpɔre tiquinare waharo basioera cjũre, niahye tiquinare.

<sup>24</sup> Tiquiro sa nigũ tɔhoye tiquina pehe tiquirore tɔho maria wahahye. Sa ni tuhasa Jesu pari turi yahuahye tiquinare:

—Yɔhɔ acaye, ijipihtiyequina doeri cjẽ opana Cohãcjũre wacũno marieno Cohãcjũ pɔhtoro ijirɔpɔ tiquinare waharo basioerare. <sup>25</sup> Camello pehe awia copepɔ tiquiro sajã duagũ basioerare. Tiquiro sa ijiro yɔhdɔoro doeri cjẽ cɔoriquirore Cohãcjũre wacũno marieno Cohãcjũ pɔhtoro tiquiro ijirɔpɔre tiquirore waharo basioerare, ni yahuahye tiquinare.

<sup>26</sup> Tiquiro sa nigũ tɔhoye to pano tiquina tɔho mariariro yɔhdɔoro tɔho maria waha, tiquina basi ohõ saha niahye:

—Yohou, tiquiro nino sahata potota ijigũ ne ihcãquiro masɔnore yɔhdɔoeraboaga Cohãcjũ, niahye tiquina basi.

<sup>27</sup> Tiquina sa nigũ tɔhoro Jesu tiquinare ihñadoque ohõ, ohõ saha niahye:

—Masa tiquina esa tuharo quehnoano yeri mehna Cohãcjũ cahapɔ waha masiedare. Cohãcjũ pehe masare pecapɔ wahaboriquinare yɔhdɔo masine. Tiquiro ijipihtiyere quehnoano ye masi peho cãhre, niahye Jesu tiquinare.

<sup>28</sup> Tiquiro sa nigũ Pedro tiquirore ohõ saha niahye:

—Tɔhorĩña. Ƴsã pehe ijipihtiyee Ƴsã yere cũ cãɔ mɔhɔ mehna wahana tana, niahye tiquiro Jesure.

<sup>29</sup> Tiquiro sa nigũta Jesu ohõ saha niahye:

—Ijirota niita nijaja mɔsare. Quehnoañe buheyere, yeere yena tana yɔhɔre ño peona tana mɔsa wɔhɔsere, mɔsa bahanare, mɔsa pacɔsumɔare, mɔsa pohɔnare, mɔsa weserire cũrina ijina, pajiro wapatanata mɔsa yojɔpɔre. <sup>30</sup> Sa yena mɔsa wɔhɔsere, mɔsa bahanare, mɔsa pacɔsãnumiare, mɔsa pohɔnare, weserire, to pano mɔsa cɔoriro yɔhdɔoro yojɔpɔre peye cɔonata mɔsa. Sa ye apequina mɔsare ñano yeeta. Sa yena camerɔre ape tjuɔpɔ ijipihtiyee decori Cohãcjũ mehna ijinata. <sup>31</sup> Yojɔpɔre peyequina pɔhtoa ijiriquina ti pjerɔre ihyo ijieyequina tojoaeta. Sa ye yojɔpɔre peyequina ihyo ijieyequina ijiriquina ti pjerɔre pɔhtoa comesaeta tja, ni yahuahye Jesu tiquinare.

*Pari turi Jesu tiquiro yaria masa wijiatiye yahuahye*  
(Mt 20.17-19; Lc 18.31-34)

<sup>32</sup> Sa ye tiquina maharũ maja, Jerusalẽrũ mũjañe niahye. Jesu tiquina panogã ãhmũ tãhye. Sa tiquiro ãhmũ tãgũ ihñañe tiquiro buheyequina ihña maria wahahye. Sa ye tiquina bato nũnũ tãriquina pehe cuero mehna nũnũ tãhye. Sa yero Jesu tiquiro buheyequinare tiquina sehsaro neahye tja. Sa yero masa tiquirore dũhse yeatiye Jesu yahu dũcahye tiquinare.

<sup>33</sup> —Tũhoya yũhũre. Yojoũrũre Jerusalẽrũ wahana niaja mari. Topũ masa yũhũ masũre Cohãcjũ ohorigũre ñehe, apeqũnarũre yũhũre ohoeta. Pahia pũhtoare, mari acaye judio masare buheyequina gũhũre yũhũre ohoeta. Sa ye yũhũre wejẽ dutieta tiquina. Sa wejẽ dutiye judio masa ijieyequina pehere yũhũre ohoeta. <sup>34</sup> Tiquina sa ohori bato tiquina pehe yũhũre bujũpe, sihco puti ohõ, tana, wejẽeta. Sa yegũ yũhũ yariari bato ihtia deco wahaboro masa wijiagũtja, ni yahuahye Jesu tiquinare.

*Santiago, Ñu mehna Jesure siniahye*  
(Mt 20.20-28)

<sup>35</sup> Sa ye Santiago, Ñu mehna Jesu caharũ esaye, siniahye tiquirore. Tiquina Zebedeo pohne ijiahye. Sa ye ohõ saha ni siniahye:

—Buhegũ, usã sinino saha usãre yeya mũhũ, niahye tiquina Jesure.

<sup>36</sup> —¿Dũhse yũhũ yegũ cahmeajari mũsa? niahye Jesu tiquinare.

<sup>37</sup> —Ijipihtiequina pũhtoro ijigũ usãre mũhũ mehna duji dutiya. Ihcãquiro mũhũ poto pehe, apeqũro mũhũ cũ pehe pehe duji dutiya usãre, mũhũ mehna pũhtoa usã ijiato saha, niahye tiquina Jesure.

<sup>38</sup> Tiquina sa nigũ tũhoro ohõ saha ni yahuahye Jesu tiquinare:

—Mũsa ñano yũhũduatore masiedapenata sa sinine yũhũre. ¿Yojoũrũre yũhũ ñano yũhũduato saha mũsa gũhũ ñano yũhũdũna ihcãno sahaboagari? ni sinituahye tiquinare.

<sup>39</sup> Tiquiro sa sinitugũ tũhoye tiquina yũhtiahye:

—Ihcãno sahanata, ni yũhtiahye tiquina.

Tiquina sa nigũ Jesu ohõ saha ni yahuahye:

—Yũhũ ñano yũhũduato saha ñano yũhũdũnata mũsa gũhũ. <sup>40</sup> Mũsa sa yũhũdũnanaja mũsa ijiepegũta, yũhũ mehna dutiatiquinare, yũhũ mehna dujiatiquinare bese masiedaja yũhũ. Ahrire yũhũ Pacũ pehe quehno tuhasari. Sa ye tiquiro beseatiquina dihita yũhũ poto pehe yũhũ cũ pehe pehe dujieta, niahye Jesu tiquinare.

<sup>41</sup> Sa ye apeqũna pũa omopequina buheyequina Santiago, Ñu ahriquina pũaro mehna usuahye tiquina sa sinidire tũhoye. <sup>42</sup> Tiquina sa usuagũ ihñano Jesu tiquiro buheyequinare pijio ohõ saha niahye:

—Cohãcjũre masieñequina pũhtoa pehe tiquina masare dutiye, usuaro mehna dutire.

<sup>43</sup> Mũsa pehe ne sa yesi mũsa basi. Mũsa mehna cjũno pũhtoro iji duaro, ijipihtiequina tiquiro mehna cjẽna cahacjũno ijiro cahmene tiquirore. <sup>44</sup> Sa yero ijipihtiequinare dutiriquiro iji duaro, apeqũna cahacjũno ijiro cahmene tiquirore. <sup>45</sup> Sata ijigũ ijiaja yũhũ gũhũ. Yũhũ masũ Cohãcjũ ohorigũ ijiepegũta ahri yehparũ masare yedohogũ ahtaũ. Sa yegũ peyequina masa ye buhirire yariagũ ahtagũ nii. Sa yegũ peyequina masare pecarũ wahaboriquinare yũhũdogũ ahtagũ nii. Masare dutipegũ ahtagũ niedũ, niahye Jesu tiquinare.

*Bartimeore, caperi bajueriquirore ihñagũ yeahye Jesu*  
(Mt 20.29-34; Lc 18.35-43)

<sup>46</sup> Sa ye tiquina Jericõrũ esahye. Sa yero Jesu tiquiro buheyequina, masa peyequina mehna ti macarũ ijieyequina tiquina wahagũ Bartimeo pehe maha dũhtũ caharũ dujiahye. Tiquiro Timeo macũno caperi bajueriquiro ijiro, decoripe masare niñerure siniducuriquiro ijiahye. <sup>47</sup> Sa yero topũ Jesu Nazare cjũno tiquiro caharũ ahtagũ tũhoro Bartimeo ohõ saha ni sañuducuahye:

—Jesu, Davi m̄nano panami iji turiagu, masare ȳhd̄uoac̄j̄, paja ih̄ñaña ȳh̄ure, ni sañuducuahye Jesure.

<sup>48</sup> Tiquiro sa nigũ t̄hoye masa peyequina Bartimeore “Dihta mariahña”, ni tuhtiahye tiquina tiquirore. Tiquina sa tuhtigũ t̄horo Bartimeo to pano tiquiro sañuducuriro ȳhd̄uo c̄j̄no sañuducu nemoahye tja:

—Jesu, Davi m̄nano panami iji turiagu, masare ȳhd̄uoac̄j̄, paja ih̄ñaña ȳh̄ure, ni sañuducuahye tiquiro.

<sup>49</sup> Tiquiro sa ni sañuducugũ t̄horo Jesu pehe esad̄uca, “Pijiohya tiquirore”, niahye. Tiquiro sa nigũ tiquina pehe caperi bajueriquirore piji c̄ahye:

—Bucueya. Wahc̄ad̄ucaya. Tiquiro m̄h̄ure pijiore, niahye tiquina Bartimeore.

<sup>50</sup> Tiquina sa nigũ t̄horo tiquiro bui c̄j̄ suhtirore tu we c̄ũ, uhpu ȳhd̄u c̄ã, Jesu cahap̄ esad̄ucahye. <sup>51</sup> Sa yero Jesu sinituahye tiquirore.

—¿D̄h̄se ȳh̄u yegũ cahmeajari m̄h̄u? niahye Jesu tiquirore.

—Ȳh̄u p̄hto, ȳh̄ure ih̄nagũ yeya, niahye caperi bajueriquiro.

<sup>52</sup> —Wahaya. M̄h̄u ȳh̄ure wacũ tutuagu quehnoa wahare, niahye Jesu tiquirore.

Tiquiro sa nigũta caperi bajueriquiro ih̄ñaa wahahye. Sa quehnoa waharo Jesu mehna mahap̄ wahaahye.

## 11

*Jerusal̄ep̄ esahye Jesu*

*(Mt 21.1-11; Lc 19.28-40; Jn 12.12-19)*

<sup>1</sup> Sa ye Jerusal̄ep̄ tiquina esato panogã Betfaḡe wame tiri maca cahap̄, Betania wame tiri maca cahap̄ ijid̄ap̄, Olivo wame tid̄ c̄n̄ap̄ esa m̄htahye. Top̄ esaro p̄arore tiquiro buheyequina mehna c̄j̄nare Jesu ohoro ohõ saha niahye:

<sup>2</sup> —Si macap̄ wahaya. Top̄ esana duita burroḡare tiquina d̄hte docoriquiroḡare bocanata. Apequina pesamehnediquiroḡã ijiaga. Tiquiroḡare bocana, yuta dare p̄ã, ne c̄hta basaya ȳh̄ure. <sup>3</sup> M̄sa sa yegũ ih̄ñano burroḡã up̄ro “¿D̄hsena burroḡare p̄jari?” tiquiro nigũ t̄hona, ohõ saha ni ȳhtiya tiquirore: “Mari p̄htoro burroḡare cahmedoqueo nidi. Sa yero mianogãta wiarota tiquiro”, ni yahuya tiquirore, ni yahu duti ohoahye tiquiro buheyequinare p̄arore.

<sup>4</sup> Tiquiro sa nigũ waha, w̄h̄u cahap̄ ijiri mahap̄ sopecaha cahap̄ burroḡare tiquina d̄hte docoriquiroḡare bocahye. <sup>5</sup> Sa ye tiquiroḡare yuta dare tiquina p̄gũ ih̄ñañe top̄ ducuyequina sinituahye tiquinare:

—¿D̄h̄se yena tana m̄sa yuta dare p̄jari burroḡare? ni sinituahye tiquina.

<sup>6</sup> Tiquina sa nigũ t̄hoye, tiquina pehe Jesu tiquiro nidiro sahata yahuahye top̄ ducuyequinare. Tiquina sa yahugũ t̄hoye top̄ ducuyequina pehe “Neahña”, niahye tiquinare. <sup>7</sup> Sa ye tiquina burroḡare Jesu cahap̄ ne sahye. Tiquina ne sari bato tiquiroḡã bui tiquina suhtire duhu peo tuhasagũ ih̄ñano, Jesu pehe tiquiroḡã bui m̄ja p̄eahye, waharo taro. <sup>8</sup> Sa ye masa peyequina tiquina bui sañañe suhtire tu we ne, mahap̄ seõ c̄ũ m̄htahye, Jesure ño peoye. Apequina pehe p̄ri tiye d̄p̄r̄ire weserip̄ tiquina ne c̄htari d̄p̄r̄ire mahap̄ c̄ahye.

<sup>9</sup> Sa ye tiquiro pano wahayequina, tiquiro bato ahtayequina mehna ohõ saha ni sañuducuahye:

—Ahriquirore ño peuhna. Ahriquiri Coh̄c̄j̄ tiquiro ohoriquiro quehnoano ijiahro.

<sup>10</sup> Mari ñec̄u iji turariquiri Davi m̄nano p̄htoro tiquiro ijiriro saha ahtariquiri quehnoano ijiahro. Æhm̄se c̄j̄nore “Tutuagu ijire”, ni ño peuhna, ni sañuducuahye tiquina.

<sup>11</sup> Sa yero Jesu Jerusal̄ep̄ esaro Coh̄c̄j̄ ya w̄h̄up̄ sajã saro, ti w̄h̄up̄ ijiyere ijip̄htiyere ih̄ña peho c̄ahye. Ih̄ña tuhasa “Ñamicahap̄ ijire. Deco c̄j̄nota wahañh̄na”, nino, Jesu tiquiro buheyequina doce buheyequina mehna Betaniap̄ wahahye.

*Jesu higuera*gure yaria dutiahye  
(Mt 21.18-19)

<sup>12</sup> Sa ye ape deco tiquina Betaniapɛ ijiriquina wahaa wahahye. Sa yero Jesu pehe ɛjɛa ahbaa waha, yoaropɛ higuera wame tidɛre quehnoano p̄iri tidɛre ih̄nɛno tɛ dɛcare macano wahamahye. <sup>13</sup> Dɛca mariedahye. Dɛca tiri pje ijieraro p̄iri dihita ijiahye. <sup>14</sup> Sa yero dɛca mariedagũ ih̄nɛno oh̄o saha niahye:

—Ahdu dɛcare masa ne pari turi ihyeracãhdo. Ne dɛca tieracãhdo, niahye Jesu. Tiquiro sa nigũ tiquiro buheyequina pehe tãhoahye.

*Jesu Cohãcjũ* wãhɛre Cohãcjũ mehna yahuducuri wãhɛ ye dutiahye  
(Mt 21.12-17; Lc 19.45-48; Jn 2.13-22)

<sup>15</sup> Tiquiro sa yeri bato tiquina Jerusalɛpɛ esahye. Topɛ esaro, Jesu Cohãcjũ ya wãhɛpɛ sajã saro apee boro duayequinare, dúyequina gũhɛre cohã wioahye. Sa yero niñeru comesaye mesarire yo wahcõ, ne majare cũ mɛjahye. Bujuaare duayequina tiquina dujiye pahtari gũhɛre sata yeahye. <sup>16</sup> Sa yero apee borore ne sajã dutierahye masare. <sup>17</sup> Sa yero Jesu oh̄o saha ni buheahye tiquinare:

—Oh̄o saha nine Cohãcjũ yere tiquina ojoari p̄i: “Ya wãhɛ Cohãcjũ mehna yahuducuri wãhɛ wame tirota. Sa yero ijipihtiro cjẽna ya wãhɛ ijirota”, ni ojoahye Cohãcjũ yere tiquina ojoari p̄i. Ti p̄i sa niepegũta mɛsa pehe ahri wãhɛpɛ duana, mɛsa basĩ cahme yaquere mɛsa, ni buheahye tiquinare.

<sup>18</sup> Tiquiro sa ni buhegũ ijipihtiequina masa pehe tãho maria wahahye. Sa ye pahia pãhtoa, ɛsã judio masa buheyequina mehna tiquirore cue niahye. Sa ye tiquina tiquirore wejẽatire wacũ macamahye. <sup>19</sup> Tiquina sa yegũ ñamicahapɛ Jesu tiquiro buheyequina mehna ti macapɛ ijiriquina wahaa wahahye.

*Higuera*gũ ñaia wahahye  
(Mt 21.20-22)

<sup>20</sup> Sa ye bohrearo mahapɛ maja taye, higuera

gure ih̄nahye. Tɛ nũhcoripɛ ñai dɛca, ñaia wahahye tɛ. <sup>21</sup> Tɛre ih̄nɛno Pedro pehe wacũ, oh̄o saha niahye:

—Buhegũ, ih̄naña. Higuera

gũ mũhɛ yaria dutidũ yaria wahaya, niahye Pedro.

<sup>22</sup> Tiquiro sa nigũta Jesu yahuahye tiquinare:

—Cohãcjũre wacũ tutuaya mɛsa. <sup>23</sup> Ijirota niita niaja mɛsare. Ahdu cãnɛre pajiri mapɛ mɛsa cohã dutigũ mɛsa nidiro saha sa waharota. Cohãcjũre quehnoano mɛsa wacũ tutuagũ “Yũhũ sinidiro saha waharota”, mɛsa ni tãhotugũ mɛsa nidiro saha waharota.

<sup>24</sup> Sa yegũ ahrire yahugũtja mɛsare. Cohãcjũ mehna yahuducuna, tiquirore sinina, “Yũhũ sinidiro saha ohorota yũhɛre”, ni tãhotuya. Mɛsa sa yegũ ih̄nɛno Cohãcjũ mɛsa siniñene ohorota. <sup>25</sup> Sa yena Cohãcjũ mehna mɛsa yahuducuoato pano mɛsare apequina tiquina ñano yegũ mɛsa usarire duhuya. Mɛsa sa yegũ ih̄nɛno mari Pacũ ɛhmũse cjũno mɛsa ñañe yeri pehere tiquiro gũhɛ usua duhurota. [ <sup>26</sup> Mɛsare ñano yeriquinare mɛsa usua duheragũ mari Pacũ gũhɛ ɛhmũse cjũno mɛsa ñañe yeri pehere usuaro ne duhusi tiquiro gũhɛ,] niahye Jesu.

*Pahia* pãhtoa, judio masare buheyequina, bɛcũna mehna Jesu mehna cahme dɛse tini wiahye

(Mt 21.23-27; Lc 20.1-8)

<sup>27</sup> Tiquiro sa nidi bato tiquina Jerusalɛpɛ wahahye tja. Sa ye Jesu Cohãcjũ wãhɛpɛ tiquiro tinigũ ih̄nañe pahia pãhtoa, ɛsã judio masare buheyequina, bɛcũna gũhɛ tiquiro cahapɛ esaye, tiquirore sinituahye:

<sup>28</sup> —¿Dũhsegũ canɛre sa yeari mũhɛ? ¿Noa mũhɛre tire sa ye dutiari? ni sinituahye tiquina Jesure.

<sup>29</sup> Tiquina sa nigũ Jesu yũhtiahye:

—Mɛsa pehere sinitu mũhtagũtja. Quehnoano yũhɛre mɛsa yũhtigũ mɛsare yahugũtja yũhɛ gũhɛ. <sup>30</sup> ¿Ñu masare tiquiro wame yegũ noa boro pehe tiquirore wame

ye dutiyari, m̄sa t̄hotuḡũ? ¿O Coh̄c̄jũ dutierayari? ¿O masa pehe tiquirore dutiyari, m̄sa t̄hotuḡũ? ni sinituahye tiquinare.

<sup>31</sup> Tiquiro sa nigũ tiquina pehe tiquina basi oh̄o saha niahye:

—¿D̄hse ni ȳhtinatari mari? “Coh̄c̄jũ Ñure dutiri jiri”, mari nigũ, “¿D̄hsena Coh̄c̄jũ Ñure tiquiro dutiepeḡũta tiquirore t̄ho d̄erari m̄sa?” niboaga Jesu marine.  
<sup>32</sup> Sa yero “Ñu tiquiro wame yegũ Coh̄c̄jũ pehe tiquirore dutierari jiri”, mari nigũ masa pehe usueta mari mehna, niahye tiquina basi.

“Potota Ñu Coh̄c̄jũ yere yahu m̄htariquiro ijire”, ni t̄hotue tiahye masa pehe. Sa ye pahia p̄h̄toa, ũs̄a judio masare buheyequina, b̄c̄c̄na mehna tiquinare cue niahye. <sup>33</sup> Sa ye tiquina Jesure oh̄o saha ni ȳhtiahye:

—Ñure wame ye dutiriquirore ũs̄a masiedaga, niahye tiquina Jesure.

—Ti pje p̄r̄ita ȳh̄ũ ḡh̄ũ ah̄rire ȳh̄ũ yerire dutiriquirore yahueraja m̄sare, niahye Jesu tiquinare.

## 12

### *Ñañequina dahra cohteyequina quitire yahuahye Jesu*

*(Mt 21.33-46; Lc 20.9-19)*

<sup>1</sup> Sa ye Jesu tiquiro t̄hotuye mehna oh̄o saha ni queoye mehna buhe d̄cahye tiquinare.

—Wese up̄ro ũhse darire oteahye. Ote tuhasa, sahr̄nore doco, ũhsere tiquina c̄hta m̄toati copere sehe, ũhm̄ari w̄h̄ḡã dahreahye tiquiro. Sa yero ti wesere apequinare ihc̄ã pehe pahma c̄no, ti wesere cohte dutiahye. Cohte duti tuhasa ape sier̄ũ wahaa wahahye tiquiro. <sup>2</sup> Came ũhse ñidi pje ijigũ wese up̄ro tiquiro cahac̄j̄n̄ore wese cj̄ẽ tiquiro ya pahma cj̄ẽ d̄care ne dutiro ohomahye. <sup>3</sup> Sa ye wesere cohteyequina pehe tiquiro cahac̄j̄n̄ore ñehe, quẽahye tiquirore. Sa ye tuhasa tiquiro cahac̄j̄n̄ore ũhse t̄horine ohoerapeta tojoa dutiahye tiquirore. <sup>4</sup> Sa yero wese up̄ro apequiro tiquiro cahac̄j̄n̄ore ohomahye tja. Sa ye cohteyequina pehe tiquiro dapure cam̄i dahre, ñano yeahye tiquina tiquirore. <sup>5</sup> Sa yero apequiro pehere tiquiro ohogũ cohteyequina tiquirore wej̄eahye. Peyequina apequina ḡh̄ũre sa dihita ye m̄jahye. Apequina pehere quẽ, apequina pehere wej̄eahye tiquina.

<sup>6</sup> Sa yero wese up̄ro mac̄no dihita d̄hsahye. Tiquiro cah̄niquiro ijiahye. Sa yero tiquiro mac̄nore ohoahye, “Ȳh̄ũ mac̄ pehere ño peota”, nino. <sup>7</sup> Tiquiro sa ni t̄hotuepeḡũta cohteyequina tiquina basi oh̄o saha ni yahuducuahye: “Wese up̄ro mac̄no ijire ah̄riquiro. Tiquirore wej̄ih̄na mari. Sa yero ah̄ri wese mari ya wese tojoarota”, nimahye tiquina basi. <sup>8</sup> Sa niñe tiquirore ñehe, wej̄ẽ, wese d̄ht̄ũ cahap̄ũ ne c̄ã, coh̄ã c̄ahye tiquina tiquirore.

<sup>9</sup> ¿Ne wese up̄ro ahtar̄o d̄hse yerotari tiquiro wesere cohteyequinare, m̄sa t̄hotuḡũ? Oh̄o saha yerota tiquinare: Tiquiro tiquinare wej̄ẽno, apequina pehere wesere cohte dutirota. <sup>10-11</sup> ¿Coh̄c̄jũ yere tiquina ojoari p̄re ah̄rire buherari m̄sa? Oh̄o saha ni ojoahye:

Ah̄riquiro Cristo ũt̄ã yero saha ijire. ũt̄ãre w̄h̄ũre dahreyequina tiquina coh̄ãno saha masa tiquirore coh̄ãeta. Tiquina sa coh̄ãep̄eḡũta yojop̄are w̄h̄ũre dahreyequina w̄h̄ũre yeye, tiquina c̄ũ m̄htaria ũt̄ãre tiquina c̄no saha Coh̄c̄jũ tiquirore p̄h̄toro s̄ori. Coh̄c̄jũ pehe ah̄rire yeri. Tiquiro sa yegũ ih̄n̄ana, “Quehnoa ȳh̄d̄ũare”, ni t̄hotuaja mari, ni ojoahye panop̄are.

¿Tire ne buherari m̄sa? niahye Jesu tiquinare.

<sup>12</sup> Tiquiro sa nigũ t̄hoye pahia p̄h̄toa, ũs̄a acaye judio masare buheyequina, b̄c̄c̄na mehna oh̄o saha ni t̄hotuahye: “Jesu wesere cohteyequina quit̄i mehna marine tuhtiro nine”, ni t̄hotuahye. Sa ni t̄hotuye Jesure ñehe duamahye. Sa ñehe duepeta masare cue niahye. Sa cueye tiquirore coh̄ã c̄ã wahahye.



*Fariseo masa, Herode ya curua cjēna mehna gobierno cjē wapare sinituahye Jesure*  
(Mt 22.15-22; Lc 20.20-26)

<sup>13</sup> Waha, tiquina fariseo masare, Herode ya curua cjēna gūhure Jesure sinitu dutiye ohoahye tja. Jesu ñano tiquiro yūhtigū ye duamahye tiquina, tiquirore yahusāne tehe.

<sup>14</sup> Sa ye Jesu cahapū esaye, tiquirore niji sio sinitumahye:

—Buhegū, poto yahuducugū, ni mehoñe mariegū mūhū ijigū masiaja usā. Cohācjū yere queoro mūhū yahugū gūhure masiaja usā. Sa yegū ihcāquiro pūhtoro waro ijiepegūta tiquiro gūhure dōyaro marieno potota yahure mūhū. Sa yegū usāre yahuya. ¿Roma cjūno ijipihtiequina pūhtoro yere marine wapa yero cahmeajari, mūhū tūhotugū? ¿Mari dutiye wapa ye dutiajari, mūhū tūhotugū? ni sinituahye tiquina Jesure.

<sup>15</sup> Tiquina sa sinitugū tūhoro tiquina ñano ye duayere masino Jesu ohō saha ni sinituahye tiquinare:

—¿Dūhse yena yūhū ñano yahuducugū tūho duajari mūsa? Yojoपुरे niñeru cjoere ne cāhtaya. Ti cjoere ihñauhna, niahye Jesu tiquinare.

<sup>16</sup> Tiquiro sa nigū tūhoye tiquina pehe ihcā cjoere ne cāhtahye. Tiquina ne wihigū Jesu sinituahye tiquinare:

—¿Noa boro queoye wahñajari ahri cjoere? ¿Noa boro wame wahñajari? ni sinituahye tiquiro.

—César, masa ijipihtiequina pūhtoro queoye, tiquiro wame gūhū wahñare, ni yūhtiahye tiquina.

<sup>17</sup> Tiquina sa nigū Jesu yahuahye tiquinare:

—Ti pje pūrita masa ijipihtiequina pūhtoro yere tiquiro pehere ohoya. Cohācjū yere Cohācjū pehere ohoya, ni yahuahye Jesu.

Tiquiro sa nigū tūhoye tūho maria wahahye.

*Cohācjū tiquiro masoatire yahuahye Jesu saduceo masare*

(Mt 22.23-33; Lc 20.27-40)

<sup>18</sup> Sa ye ihquēquina saduceo masa Jesu cahapū wihiahye. Saduceo masa pehe “Cohācjū yariariquinare masosi”, ni tūhotuyequina ijiahye. <sup>19</sup> Sa ye tiquina ohō saha niahye tiquirore:

—Buhegū, ohō saha ni buheahye Moise: “Ihcāquiro wahmino namo tiriquire pohna mariedaperota yariagū ihñano tiquiro bahūrore tiquiro wahmino namono ijiricorore nūoano cahmene. Sa yero wahmino mūnano tiquiro pohna tiboro saha pohna tiro cahmene tiquiro bahūrore. Sa ye tiquiro pohne tiquiro wahmino mūnano pohne yero saha ijieta”, ni ojoahye Moise, niahye tiquina Jesure.

<sup>20</sup> Tire ni tuhasa, ahri quitireta yahu nemoahye Jesure:

—Ihcāquiro masūno ijiahye. Seis bahana tiahye. Tiquiro wahmino pehe namo ti, pohna mariedaperota yariaa wahahye. <sup>21</sup> Sa yero apequiro tiquiro bahūro gūhū tiquiro wahmino namono ijiricorore cūomahye. Tiquiro sa nūoari bato tiquiro wahmino yero saha pohna mariedaperota yariaa wahahye tja. Sa yero ahriquire bahūro tiquiro wahmino mūnano yero saha pohna mariedaperota yariaa wahahye. <sup>22</sup> Sa dihita wahahye ihcāquiro pohne waro. Ne pohna mariedapeta yaria pihitia wahahye tiquina. Tiquina namono ijiricoro gūhū tiquina batota yariaa wahahye. <sup>23</sup> ¿Ne, Cohācjū ijipihtiequinare yariariquina mūnare tiquiro masogū diquiro namono pehe ijiritari ticoro? Tiquina ijipihtiequina ticorore namo tiriquire mūna ijiahye. ¿Sa yero diquiro namono pehe ijiboagari ticoro pototi? ni sinituahye tiquina.

<sup>24</sup> Jesu yūhtiahye tiquinare:

—Cohācjū yere tiquina ojoari pūre, tiquiro masiñe gūhure ne masiedare mūsa. Sa yero mūsa tūhotuyē pehe ne poto ijierare. <sup>25</sup> Yariariquina mūna tiquina masa mūjari bato angele yero saha ijire. Namō marieñequina, manū marieñe numia ijire topure. <sup>26</sup> Yariariquina mūna tiquina masa wijiato pehere mū sare yahugūtja: Tire Moise quehnoano yahu pehoahye. Mehenūgā ūjūri quitire ohō saha ni yahuahye tiquiro: “Yūhū Abrahā, Isaac, Jacob tiquina pūhto tjiaja”, ni yahuri Cohācjū yūhure”, ni ojoahye



Moise tiqiro ojoari pũpũ. <sup>27</sup> Tiquina yariari bato “Tiquina pũhto tjaja”, ni yahuahye Cohãcjũ. Sa nieperota yariariquina mũna pũhtoro ijierare Cohãcjũ. “Tiquina pũhto tjaja”, tiqiro niñe mehna catiyequina tiquina ijigũ masiaja mari. Tiquiro catiyequina pũhtoro ijire. Sa yena “Yariariquina masasi”, ni tũhotuna potota tũhotuerare mũsa, niahye Jesu tiquinare.

*Quehnoa yũhdũro dutirore yahuahye Jesu*  
(Mt 22.34-40)

<sup>28</sup> Sa ye ihcãquiuro usã acaye judio masare buheyequina mehna cjũno tiquina cahapũ wihi, tiquina cahme yahuducugũ tũhoahye. Jesu quehnoano yũhtiyere tũhoro sinituahye tiqirore.

—¿Cohãcjũ ye dutiro quehnoa yũhdũari dutiro noho pehe ijijari, mũhũ tũhotugũ? ni sinituahye tiqiro Jesure.

<sup>29</sup> Jesu tiqirore yahuahye:

—Ahri dutiro ijire apeye dutiye bui quehnoa yũhdũari dutiro: “Israe masa, tũhoya. Cohãcjũ mũsa pũhtoro yũhũ ihcãta ijijaja. <sup>30</sup> Tutuaro mũsa jeripohnari mehna, quehnoano mũsa wacũñe mehna, mũsa tutuaye mehna yũhũre cahĩña”, nine Cohãcjũ. <sup>31</sup> Ahri dutiro bato apero dutiro quehnoano ijire. “Mũhũ basi mũhũ cahĩno saha mũhũ cahapũ ijieyequina gũhũre cahĩña”, nine Cohãcjũ. Ahri pũaro dutirota ijipihtiye apeye dutiye yũhdũoro ijire, ni yahuahye Jesu tiqirore.

<sup>32</sup> Tiquiro sa nigũ judio masare buheriquiro ohõ saha niahye:

—Sa tjire. Buhegũ, potota nine mũhũ. Cohãcjũ ihcãquiurota ijire. Apequiuro tiqiro yero saha ijiriquiro mariedare. Mũhũ niñe potota ijire. <sup>33</sup> Cohãcjũre tutuaro mari jeripohnari mehna, mari wacũñe mehna, mari tutuaye mehna tiqirore cahĩno cahmene marine. Yũhũ caha ijieyequinare yũhũ basi yũhũ cahĩno saha tiquina gũhũre cahĩno cahmene yũhũre. Wahiquinare wejẽ ẽjũa mũo mari ohori mehna mari ño peogũ quehnoarĩmene. Ahri yũhdũoro Cohãcjũre, masa gũhũre mari cahĩñe quehnoa yũhdũare. Mũhũ sa niñe ijirota ijire, niahye judio masare buheriquiro Jesure.

<sup>34</sup> Tiquiro sa quehnoano yũhtigũ tũhoro Jesu yahuahye tiqirore:

—Mehenogã dũhsare mũhũre Cohãcjũre mũhũ quehnoano masiato, niahye tiqirore. Tiquiro sa nigũ tũhoye apequina cueye, ne sinituerahye Jesure.

*Cristo Davi mũnano pũhtoro ijire*  
(Mt 22.41-46; Lc 20.41-44)

<sup>35</sup> Sa ye Cohãcjũ wũhũpũ buhero ohõ saha niahye Jesu:

—“Cristo Davi mũnano panamino iji turiariquiro ijire”, ni buhere mari acaye judio masare buheyequina. ¿Dũhse niñe sa ni buhejari tiquina? <sup>36</sup> Davi tiqiro basi Espĩritu Santo tiqiro dutiriro sahata ohõ saha ni yahuahye:

Cohãcjũ yũhũ pũhtoro ohõ saha nidi: “Ohõpũ yũhũ poto pehe dujiya. Sa yegũ mũhũre ihña tuhtieyequinare mũhũre yũhdũdũca basagũtja yũhũ”, nidi Cohãcjũ yũhũ pũhtoro, ni ojoahye Davi mũnano.

<sup>37</sup> Sa ni ojoaro Davi mũnano pũhtoro tiahye Cristore. ¿Davi mũnano Cristo ñecũno mũnano iji turiariquiro ijieperota dũhsero Davi pehe pũhtoro tiyari Cristore? Cristo Davi mũnano pũhtoro ijire, ni yahuahye Jesu.

Tiqiro sa ni buhegũ peyequina masa bucueye mehna tũhoahye tiqirore.

*Jesu judio masare buheyequina tiquina ñañene yahuahye*  
(Mt 23.1-36; Lc 11.37-54; 20.45-47)

<sup>38</sup> Sa yero tiqiro buhe nemono ohõ saha niahye:

—Mari acaye judio masare buheyequina tiquina ñañe yeyere quehnoano ihñaña. Sa yena tiquina yero saha yeracãhña. Tiquina yoaye suhti saña, masa tiquina ihñonopũ majare, doeri cjẽ duaropũ apequina pũhtoare quehnoano ño peo tiquina sinino saha tiquina piti ca sinigũ cahmene tiquina. <sup>39</sup> Sa ye mari judio masa buheye wũhũsepe quehnoañe dujiye dihitare duji duare. Sa ye bose deco ijigũ topũ gũhũre quehnoañe

dujiye dihitare cahmene tiquina. <sup>40</sup> Tiquina wape wiha numia ye wuhusere tiquina cwoye gũhure ehmare ti numiare. Sa ye tiquina masa ihñonopu yoari pje Cohãcjũre siniducumene masare ihña dutiye. Tiquina sa yeri buhiri apequina bui cjũno tiquinare Cohãcjũ pajiro buhiri dahrerota, niahye Jesu tiquinare.

*Wape wihoro ticoro ohorire yahuahye Jesu*  
(Lc 21.1-4)

<sup>41</sup> Sa yero Jesu Cohãcjũ wuhũ cjẽ niñeru tiquina sãri acaro caharu dujiahye. Topu masa tiquina niñeru duhu sãgũ ihña dujiro niahye. Sa ye niñeru opana ti acaropu pajiro duhu sãhye. <sup>42</sup> Sa yero wape wihoro pejecuoricoro ti acaropu ahta, puã cjoegã duhu sãhye. Puã cjoie ihcã centavo pose ijire. <sup>43</sup> Ti cjoeri ticoro duhu sãgũ ihñano tiquiro buheyequinare pijioahye:

—Ijirota niita niaja musare. Ahricoro wape wihoro pejecuoricoro pehe niñeru ihbori acaropu duhu sãno apequina ijipihitiyequina tiquina ohori yũhdũoro ohori ticoro pehe. <sup>44</sup> Apequina doeri cjẽ opana pajiro tiquina ohoepegũta tiquina ye pajiro dũhsare. Ahricoro pehe pejecuoricoro ijieperota ijipihitiye ticoro ihyatire dũborigãre oho pehori, niahye Jesu.

### 13

*—Cohãcjũ wuhũ cohãri wuhũ ijirota, niahye Jesu*  
(Mt 24.1-2; Lc 21.5-6)

<sup>1</sup> Sa ye Cohãcjũ wuhũpũre tiquina wijiagũ ihcãquiro buheyequina mehna cjũno ohõ saha niahye:

—Buhegu, ihñaña. Ahri wuhuse quehnoañe utã paca mehna tiquina yeri wuhuse quehnoa yũhdũaye wuhuse ijicjoare, niahye tiquiro.

<sup>2</sup> Tiquiro sa nigũ Jesu yahuahye tiquinare:

—Ahri ijipihitiye mari ihñari wuhuse, ahri wuhuse cjẽ utã paca gũhure cohã pehoeta. Ne ihcãria utã tojoasi, niahye Jesu tiquinare.

*Decori pihtiatire yahuahye Jesu*  
(Mt 24.3-28; Lc 21.7-24; 17.22-24)

<sup>3</sup> Sa ye Jesu Olivo wame tidũ cunũpu Cohãcjũ wuhũ potopu ijidũpu esahye. Tũ buipũ dujiahye. Topu Pedro, Santiago, Ñu, Andre mehna tiquina sehsaro ijiye, tiquina tiquirore sinituahye:

<sup>4</sup> —Yahuya usãre. ¿Dũhse ijigũ sa waharotari mũhũ nidiro saha waharo? ¿Deco pihtiato panogã ijigũ dũhse ti waha dũcagũ ihñanatarari usã? ni sinituahye tiquina Jesure.

<sup>5</sup> Jesu yũhtiahye:

—Quehnoano yeya musa. Sa yena apequina tiquina ni mehoñene tũhoeracãhña musa. <sup>6</sup> Peyequina masa “Cristo ijiaja yũhũ”, ni mehoñequina ahtaeta. Tiquina sa ni mehogũ tũhoye peyequina masa Cohãcjũ yere duhueta.

<sup>7</sup> ’Musa cahagã masa apequina tiquina cahme wejẽgũ tũhonata musa. Sa yena yoaropu gũhure tiquina cahme wejẽgũ tũhoonata musa. Sa tũhooopenata ne tire pajiro tũhotueracãhña. Sa waharota. Tiquina sa yegũ pihtiatide deco dũhsarĩnota. <sup>8</sup> Ti pjere ihcã yehpa cjẽna ape yehpa cjẽna mehna cahme wejẽeta. Sa ye ihcãquiro pũhtoro yequina apequiro pũhtoro yequina mehna cahme wejẽeta. Sa yero ijipihitiri yehpa ñuhminota. Sa ye peyequina masa ujuã mehna yarieta. Sa wahagũ ahri yehpa cjẽnare tiquina ñano yũhdũ nemoato dũhsarĩnota. Ñano yũhdũrieta.

<sup>9</sup> Sa wahagũ ihñana musa basi quehnoano yeya. Apequina musare ñehe, ñano ye dutiye ohoeta apequina pũhtoapũre. Sa ye judio masa mari buheye wuhusepu musare quẽeta. Tiquina sa yegũ bũjuye macari cjẽna pũhtoa, tiquina bui pũhtoa gũhũ musare buhiri dahreye tehe sinitueta musare. Yeequina musa ijiri buhirire apequina musare yahusãeta. Sa yena yeere yahunata musa tiquinare. <sup>10</sup> Sa ye pihtiatide deco pano quehnoañe buheye ijipihitiye yehpari cjẽnare buheripũ ijirota. <sup>11</sup> Sa yena musare

buhiri dahre dutiye, buhiri dahre dutiatiquiro cahapũ tiquina neagũ tiquirore m̄sa niatire “Yahu masiedaboaga”, ni tũhotueracãhña m̄sa. Ti pjere m̄sa niatire m̄sare Espiritu Santo yahurota. Tiquiro sa yahurire yahuya m̄sa. M̄sa esa tuharo yahuducusi m̄sa. Espiritu Santo m̄sare yahuducu basarota. <sup>12</sup> Ti pjere tiquina wahmisũm̄a tiquina bahanare wejẽ dutiye ohoeta pũhtoare, yeequina tiquina ijiri buhiri. Tiquina pacũsum̄a tiquina pohnene wejẽ dutiye ohoeta pũhtoare. Tiquina pohne pehe tiquina pacũsum̄are wejẽ dutiye ohoeta pũhtoare. <sup>13</sup> Sa ye yeequina m̄sa ijiri buhiri m̄sare masa ijipihitiyequina ihña tuhtietã. Tiquina sa yepegũta ahri yehpapũ m̄sa catiro puno m̄sare tiquina ñano yerire ihcãno sahana yũhũre duhuerana, yũhdũnata m̄sa.

<sup>14</sup> Sa yena ña yũhdũariquirore Cohãcjũ yere ñano yeriquirore ihñanata m̄sa. Cohãcjũ ya wũhũpũ tiquiro ducugũ ihñanata. Topũ tiquirore ijieraro cahmene. Topũ tiquiro ducugũ ihñañe Judea yehpapũ ijiequina cũnũ cjũpũ duhti oma m̄jaa wahaahro. Ahri yũhũ nidire quehnoano masiña m̄sa. <sup>15</sup> Sojaro mehna oma duhtiahro. Ti pjere tiquina wũhũse bui cjẽ paaripũ ijiequina wũhũ puhapũ ijieyere tiquina yere neñe wahaeracãhdo tiquina waha madoqueoato saha. <sup>16</sup> Sa ye ti pjere apequina tiquina weseripũ ijiequina tiquina bui cjẽ suhtire wũhũpũ ijieyere suhtire neñe wahaeracãhdo tiquina waha madoqueoato saha. <sup>17</sup> Ti pjere niji pacosãnumia, tiquina pohnene apũoñe numia gũhũ pejecũoro wahaeta. <sup>18</sup> Sa yena ohõ saha ni siniña Cohãcjũre: “Pohecũ ijigũ sa wahaeracãhdo”, ni siniña tiquirore. <sup>19</sup> Ti decorire masa ña yũhdũaro wahaeta. Ahri yehpare tiquiro bajumehnedi bato masa ñano yũhdũe tiahye. Ti sa ijiepegũta ijipihitiye ti puriñe yũhdũoro pihitiati deco ijigũre ña yũhdũaro masa yũhdũeta. Sa ñano tiquina yũhdũari bato pari turi sa ña yũhdũaro yũhdũasi ahri yehpapũ. <sup>20</sup> Sa yero Cohãcjũ ti decorire meheñe decorigã ijigũ yerota. Tiquiro sa yeragũ ne ihcãquiro masũno yũhdũeraboaga. Sa yero tiquiro beseriquina tiquina yũhdũatire meheñe decorigã cũnota Cohãcjũ.

<sup>21</sup> Ti pjere apequina m̄sare “Ihñaña. Ahriquiro ijire Cristo”, tiquina nigũ tiquinare tũhoeracãhña. “Topũ ijire Cristo”, tiquina nigũ gũhũre tũhoeracãhña. <sup>22</sup> “Cristo ijiaja”, ni mehoñequina, “Cohãcjũ yere yahu mũhtana ijiaja”, ni mehoñequina ijietã ti pjereta. Sa ye Cohãcjũ beseriquinare ni mehoñe, tiquina tutuaye mehna ye ihñoeta. Cohãcjũ yequinare Cohãcjũre tiquina cohã duagũ ye duare tiquina mehoñequina. <sup>23</sup> Ahrire yahuyujaja m̄sare sa wahato pano. Sa yena quehnoano yeya m̄sa, ni yahuahye Jesu.

*Jesu ahri dihtapũre tiquiro tojoa tatire yahuahye*  
(Mt 24.29-35, 42-44; Lc 21.25-36)

<sup>24</sup> Sa ni tuhasa ohõ saha ni yahuahye Jesu:

—Ti decori ijigũ tiquina ñano yũhdũari bato asũ deco cjũno, ñami cjũno gũhũ buhrio duhu cãeta. <sup>25</sup> Tiquina sa wahagũta ñahpicoha paca uhmũsepũ ijieyere paca bora dijiaa wahaeta. Sa ye uhmũse cjẽ yehpari, ñahpicoha gũhũ ti sa wahaducurore comesaeta. Sa ye ñuhmieta. <sup>26</sup> Ti pjeta yũhũ masũ Cohãcjũ ohorigũ ahtagũtja. Sa ye uhmũsepũ yũhũ tutuaye mehna yũhũ asi siteye mehna uhmũse cjẽ ehmeo cururi buipũ ahri yehpapũre yũhũ tojoa tagũ ihñaeta masa. <sup>27</sup> Sa yegũ yeequina angelere ijipihitiropũ ahri yehpapũ ohogũtja. Sa ye ijipihitiropũ yeequina yũhũ beseriquinare tiquina neeta.

<sup>28</sup> Yojoapũre higuergũre tũhotuya m̄sa. Tũ quiti mehna m̄sare queoye mehna buhegũtja. Tũ yucũgũ pũri tigũ ihñana cũhma mehenogã dũhsagũ masine m̄sa. <sup>29</sup> Sata ahri ijipihitiye yũhũ nidi sa wahagũ ihñana, yũhũ tojoa tato mehenogã dũhsagũ masinata m̄sa. <sup>30</sup> Ijirota niita niaja m̄sare. Ti pje cjẽna tiquina yariato panore ijipihitiye yũhũ nidiro sahata sa waharota. <sup>31</sup> Uhmũse, ahri yehpa gũhũ pihitiã waharota. Yũhũ yahuducuye pehe ne comesasi. Ijipihitiye yũhũ nidiro sahata sa waha sohtori tiarota.

<sup>32</sup> Ti decore yũhũ tojoa tati decore, ti hora gũhũre masiedaja yũhũ. Angele gũhũ tire masiedare. Masa gũhũ ne masiedare. Yũhũ Pacũ dihita tire masine.

<sup>33</sup> M̄sa gũhũ ti decore masiedare. Sa yena quehnoano yeya. Quehnoano cohteya. Cohãcjũre siniña m̄sa. <sup>34</sup> Ohõ saha cohteya m̄sa. Ahri quiti mehna m̄sare queoye

mehna buhegütja. Wuhũ upũro yoaropũ tiquiro tinino saha ijire ahri. Tiquiro wahato pano tiquiro cahacjẽnare wuhũre cohte dutiahye. Tiquinape tiquina dahrayere cũahye. Sa yero wuhũre cohteriquirore tiquiro tojoa tatore cohte dutiahye. <sup>35</sup> Sa yena mũsa gũhũ quehnoano wacũ masi cohteya. Wuhũ upũro tiquiro tojoa tatore tiquina masiedariro saha yũhũ mũsa pũhto tojoa tati decore masiedare mũsa gũhũ. Ñamicahapũ, ñami deco, canaca tiquiro yahuri pje ijigũ bohrearopũ ahtaboaga. <sup>36</sup> Yũhũ sa wacũeno mehna yũhũ wihiatore masina, yeere sa yeducuya. Sa yena yũhũre quehnoano cohteya. <sup>37</sup> Sa yegũ mũsare yũhũ nino sahata ijipihtiyequinare sa niaja: Quehnoano wacũ masi cohteya, niahye Jesu tiquinare.

## 14

*Pahia pũhtoa, judio masare buheyequina mehna Jesure wejẽ duahe*  
(Mt 26.1-5; Lc 22.1-2; Jn 11.45-53)

<sup>1</sup> Sa ye ti pjere pascua wame tiri bose deco pano pugũ yeye moremehneñe pãre tiquina ihyati deco pano, pũa deco dahsarĩahye. Ti pjere pahia pũhtoa, usã acaye judio masare buheyequina mehna Jesure tiquina ni mehoñe mehna tiquina ñehe wejẽatire cahme yahuducuye niahye.

<sup>2</sup> —Bose deco ijigũ tiquirore ñehedacũhna “Masa usuari”, nina, niahye tiquina basi.

*Numino ehme sitiye* ãhse mehna Jesure pio peoahye  
(Mt 26.6-13; Jn 12.1-8)

<sup>3</sup> Sa ye Jesu gũhũ Betaniapũ, Simo cami bũcũ mũna wihiro ijimediquiro ya wũhũpũ ijiahye. Sa yero tiquina ihyari watoa numino pehe alabastro mehna yeriare ehme sitiye nardo wame tiye ãhsere pose tiriare ne wihiahye. Ti ãhse pehe wapa bũjũye ijiahye. Sa yero ticoro tiare pohadoqueo, Jesu dapu bui pio peoahye. <sup>4</sup> Ticoro sa yegũ ihñañe apequina usuaa wahahye.

—¿Dũhse yero ahricoro ahri ehme sitiye co wapa bũjũyere sa ye siteajari? <sup>5</sup> Tire ticoro duaboaya. Tire duaro tres cientos niñeru cjoerire wapataboaya. Sa yero ti niñerure pejecũoyequinare ohoboaya ticoro, ni cohteahye apequina pehe ticoro sa yegũ ihñañe.

Sa ye tiquina ticorore tuhtiahye.

<sup>6</sup> Tiquina sa nigũ tũhoro Jesu tiquinare yahuahye:

—Sa niedacãhña ticorore. Yũhũre ticoro quehnoano yero nine. <sup>7</sup> Pejecũoyequina pehe mũsa mehna sa ijiducuenta. Sa yena mũsa cahmedi pje tiquinare oho masine. Yũhũ pehe ahri yehpare mũsa mehna sa ijiducusi. <sup>8</sup> Ticoro cũoro puno mehna ticoro yũhũre sa yeri. Yũhũre tiquina yato pano yũhũ pagũre quehnoyuro, ehme sitiye pio peori ticoro. <sup>9</sup> Sa yegũ potota niita niaja mũsare. Ijipihtiro ahri yehpapũ quehnoañe buheyere tiquina yahuatorũ ahricoro yojopũre ticoro yerire yahueta. Tiquina sa yahugũ tũhoye ticorore masa peyequina wacũeta, ni yahuahye Jesu.

*Juda Iscariote Jesure ihña tuhtiyequinare tiquiro ihñaotire yahuahye pahia pũhtoare*  
(Mt 26.14-16; Lc 22.3-6)

<sup>10</sup> Ti pjereta Juda Iscariote doce buheyequina mehna cjũno Jesure tiquiro ihñaotire yahuro wahahye tiquirore ihña tuhtiyequinare, pahia pũhtoare. <sup>11</sup> Sa ye pahia pũhtoa tire tũhoye bucueahye.

—Mũhũre niñerure ohonatja, niahye tiquina Judare.

Sa yero Jesure ihña tuhtiyequinare tiquiro ihñaotire wacũ macahye.

*Jesu tiquiro buheyequina mehna tiquina ihya bato tiri deco ijiahye*  
(Mt 26.17-29; Lc 22.7-23; Jn 13.21-30; 1 Co 11.23-26)

<sup>12</sup> Pugũ yeye moremehneñe pãre tiquina ihyati bose deco iji dũcari deco, ovejare pascua deco ijigũ ihyatiqirore tiquina wejẽati deco ijiahye. Ti pjere tiquiro buheyequina pehe sinituahye Jesure:

—¿Noho boropũ bose deco ijigũ mari ihyatire quehnoyu dutigũ ohoutjari mũhũ usãre? niahye tiquirore.

<sup>13</sup> Tiquina sa nigũta Jesu pehe pũaro tiquiro buheyequina mehna cjẽnare ohoahye.

—Jerusalẽpũ wahaya. Topũ mũsa esagũ aco suture wũariquiro mũsare piti carota. Tiquiro piti cagũ tiquiro mehna wahaya. <sup>14</sup> Sa wahana tiquiro siho sajãri wũhũpũ esana wũhũ upũrore ohõ saha ni yahuya: “¿Nohopũ yũhũ buheyequina mehna pascua cjẽ ihyayere ihyanatari?” nidi buheriquiro”, niña wũhũ upũrore. <sup>15</sup> Mũsa sa nigũ tũhoro uhmũano cjã tucũre pajiri tucũre mari cahmeñe mehna tiquina quehñori tucũre ihñonota wũhũ upũro. Topũ mari ihyatire dahreya mũsa, niahye Jesu tiquinare.

<sup>16</sup> Tiquiro sa nigũ tũhoye tiquina tiquiro buheyequina ti macapũ wahahye. Topũ esagũ tiquinare tiquiro nidiro sahata wahahye. Sa ye tiquina pascua cjẽ ihyayere dahreahye.

<sup>17</sup> Sa ye nahitia cãhtagũ Jesu doce tiquiro buheyequina mehna topũre esahye. <sup>18</sup> Sa yero tiquina mehna mesapũ ihyaro Jesu tiquinare yahuahye:

—Poto niita niaja mũsare. Ihcãquiro mũsa mehna cjũno yũhũ mehna ihyariquirota yũhũre ihña tuhtiyequinare ihñonota, ni yahuahye Jesu tiquinare.

<sup>19</sup> Tiquiro sa nigũ tũhoye tiquina pehe bũjũa witiahye.

—¿Yũhũta ijiajari mũhũre ihñocajũ? ni sinitu pihthahye tiquina Jesure.

<sup>20</sup> —Mũsa mehna cjũnota ijire tiquiro. Yũhũ ihyari papũ yũhũ mehna soha ihyariquirota ijire yũhũre ihña tuhtiyequinare ihñotiquiro. <sup>21</sup> Panopũ yũhũre tiquina yahu ojoariro sahata yũhũ masũ Cohãcjũ ohorigũ yariagũta. Sa yero yũhũre ihña tuhtiyequinare ihñoriquiro pejecũoro yũhdũrota. Tiquiro pehe masa bajueragũ, quehnoa yũhdũaboya. Nãno yũhdũeraboya, niahye Jesu tiquinare.

<sup>22</sup> Sa ni yahu tuhasaro tiquiro buheyequina mehna ihyaro taro niahye. Sa yero Jesu pãre ne, Cohãcjũre “Quehnoare”, niahye. Sa ninota tiare nuha, itiahye tiquinare.

—Ahrire ne ihyaya. Ahri yũhũ pagũ ijire, niahye tiquiro tiquinare.

<sup>23</sup> Sa ni tuhasa tiquiro sihnini pare ne, Cohãcjũre “Quehnoare”, ni tuhasa, ohoahye tiquinare. Tiquiro oho tuhasagũ tiquina ijipihtiyequina tire sihniahye.

<sup>24</sup> —Ahri yũhũ dii ijire. Peyequina masa tiquina ñãñe yerire cohãgũ tagũ yariagũtja. Sa yegũ yũhũ diire cohãgũtja. Mari Pacũ “Mũsare yũhdũogũtja”, tiquiro nidiro esagũ yũhũ yariaro mehna tiquiro nidiro sohtori tirota. <sup>25</sup> Poto niita niaja mũsare. Cohãcjũ tiquiro pũhtoro ijiropũ wahma core uñse core yũhũ sihniato pano, ahri dihtapũre uñse core pari turi sihnisi yũhũ, niahye Jesu tiquinare.

*Pedro Jesure tiquiro cohãtũre yahuahye Jesu*

*(Mt 26.30-35; Lc 22.31-34; Jn 13.36-38)*

<sup>26</sup> Sa ye tiquina ihcã taha Cohãcjũ ye basayere basa tuhasa, cũnũpũ Olivo wame tidũpũ wahaahye. <sup>27</sup> Topũ siho esaro Jesu tiquinare yahuahye:

—Yojoũpũre mũsa ijipihtina yũhũre cohãnata. Ohõ sahata nine Cohãcjũ yere tiquina ojoari pũpũ yũhũre yahuro: “Ovejare ihña ihboriquiro yero saha ijiriquirore Cohãcjũ cohãnata. Sa tiquiro cohãgũ tiquiro yequina oveja yero saha ijiequina duhti site cãa wahaeta”, nine Cohãcjũ yere tiquina ojoari pũpũ. <sup>28</sup> Sa yegũ Cohãcjũ yũhũre tiquiro masori bato mũsa pano Galileapũ wahayugũtja yũhũ, niahye Jesu tiquinare.

<sup>29</sup> Tiquiro sa nigũ Pedro ohõ saha niahye:

—Yũhũ mehna cjẽna ijipihtiyequina tiquina cohã cãepegũta yũhũ pehe mũhũre ne cohãsi, nimahye Pedro tiquirore.

<sup>30</sup> Jesu yũhtiahye:

—Potota niita niaja mũhũre. Mia ñamita canaca pũa taha tiquiro yahuato pano “Yũhũ Jesure masiedaja”, nigũta mũhũ. Ihtia taha sa nigũta mũhũ, niahye Jesu Pedrore.

<sup>31</sup> Tiquiro sa niepegũta Pedro ohõ saha ni tutuaro bisiro yũhtiahye:

—Mũhũ mehna yũhũre tiquina wejẽ duepegũta “Jesure masiedaja”, ne nisi yũhũ, ni yũhtimahye tiquiro Jesure.

Pedro sa nigũ tũhoye tiquiro mehna cjẽna gũhũ sa dihita ni yũhtiahye.

*Getsemaní wame tiri wesepũ Jesu Cohãcjũre siniahye*

*(Mt 26.36-46; Lc 22.39-46)*



<sup>32</sup> Sa ye tiquina Getsemaní wame tiri wesepu wahahye. Topu esaro ohō saha niahye Jesu:

—Yuhu Cohācjüre yuhu sinino watoa ohō dujiyuya, niahye tiquiro buheyequinare.

<sup>33</sup> Sa ni tuhasa Pedrore, Santiagore, Ñure tiquinare ihtiarore piji cāhye. Tiquinare sa piji cāno, pajiro tūhotu dūcahye tiquiro. Sa yero ñano jeripohna tiahye.

<sup>34</sup> Sa bujua witiro tiquiro mehna cjēnare tiquiro piji cāriquinare ohō saha niahye:

—Yuhu ñano jeripohna tiaja. Yuhure tutuaro purino saha tūhotugu niaja. Ohō tojoaya. Sa yena yuhu mehnata carīedacāhña mūsa gūhu, niahye Jesu tiquinare.

<sup>35-36</sup> Sa ni tuhasa tiquiro topu mehenogā waha nemo, yehrapu quehe saro, Cohācjüre niahye:

—Mai, mūhu ijipihtiyere ye masine. Sa yegu yuhu ñano yūhdūatire ye dueragu yeracāhña. Yuhu sa niepegūta yuhu cahmeno saha yeracāhña. Mūhu pehe masine. Mūhu cahmeno saha yeya yuhure, ni siniahye tiquiro Cohācjüre.

<sup>37</sup> Sa ni tuhasa, ihtiaro tiquiro buheyequina cahapu wihiro, carīnequinare ihñahye. Tiquinare ihñano Pedrore niahye:

—¿Simo, carīgu nijari mūhu? ¿Ihcā hora waro yuhu ihcāno mehna carīegu iji masiedajari mūhu? <sup>38</sup> Quehnoano yeya mūsa. Sa yena Cohācjüre siniducuya mūsa, “Ñano yeari”, nina. Mūsa tūhotuye mehna quehnoañene ye duamene mūsa. Mūsa sehsaro sa ye duepenata tire ye masiedare mūsa, niahye Jesu Pedrore.

<sup>39</sup> Sa ni yahu tuhasa pari turi waha, Cohācjüre siniahye. To pano tiquiro sinidiro sahata siniahye tja. <sup>40</sup> Sa sini tuhasaro pari turi tiquina cahapu wihiahye tja. Sa wihiro carīnequinare ihñahye tja. Wujua quehe yūhdūahye tiquina. Sa ye tiquina Jesure dūhse ni masiedahye. <sup>41</sup> Sa yero pari turi Cohācjüre tiquiro sinidi bato tiquina cahapu wihi, tiquinare niahye:

—¿Yojopu pūritare carīnina nijari mūsa? ¿Sorīna nijari mūsa? To punota umu saro taro nine. Mianogāta yuhure Cohācjū ohorigure ñañequinare tiquina ohoati pje umu saro nine. <sup>42</sup> Wahcāña. Isa wahana. Ihñaña. Yuhure ihña tuhtiyequinare ihñoatiquiro ohō ahtare, niahye Jesu tiquinare.

*Jesure ihña tuhtiyequina tiquirore peresu yeahye*

*(Mt 26.47-56; Lc 22.47-53; Jn 18.2-11)*

<sup>43</sup> Tiquiro sa nino watoata Juda, doce buheyequina mehna cjūno ijimediquiro wihiahye. Sa ye masa peyequina ñoseñe pjīni, yucu tiāri cūoyequina tiquiro mehna wihiahye. Pahia pūhto, judio masare buheyequina, bucūna, tiquina ohoriquina masa pehe ijiahye. <sup>44</sup> Coā warore Jesure ihña tuhtiyequinare ihñoatiquiro masare ohō saha ni yahu queo tuhasahye.

—Wahsupure yuhu ihmidiquiro tiquirota ijirota mūsa ñeheatiquiro. Tiquirore yuhu ihmidi bato ñehēña tiquirore. Sa yena quehnoano ñehēña tiquirore “Duhtiarī”, nina, ni yahu tuhasahye Juda pehe.

<sup>45</sup> Sa yero wihirota Jesu cahapu duita waha madoqueoahye.

—Buhegu, ninota wahsupure ihmiahye tiquirore.

<sup>46</sup> Tiquiro sa yegū ihñañe tiquina Jesure ñehēahye.

<sup>47</sup> Tiquina sa yegū ihñano to cahapu ducuyequina mehna cjūno tiquiro ñoseni pjīne tūā we nedoqueo, pahia pūhtoro cahacjūnore tiquiro cahmonore dūte pahrē cāhye.

<sup>48</sup> Sa yero Jesu ohō saha niahye:

—¿Dūhse ijiro boro mūsa ñoseñe pjīni mehna, yucu tiāri mehna ahtana, yaque-riquirōre yero saha yuhure ñehena ahtajari? <sup>49</sup> Decoripe Cohācjū wūhūpu mū sare yuhu buhe dujigū, mūsa yuhure ne ñehedari. Sa ijiepegūta ahri ijipihtiyē sa waharo niaga Cohācjū yere tiquina ni ojoariro sahata, niahye Jesu masare.

<sup>50</sup> Sa ye Jesu buheyequina tiquirore cohā cā, ijipihtiyequina oma site cāa wahahye.

<sup>51</sup> Sa yero wahmūno suhti mariediquiro ihcāno coma cjūno dihita comariquiro Jesu bato nūnu tāmahye. Tiquiro sa nūnu tīgū ihñañe tiquirore ñehemahye. <sup>52</sup> Tiquirore

tiquina ñehe duagũ ihñano tiquiro coma cjũnore cohã cã, suhti mariediquiro oma cã wahahye.

Pũhtoa cahapũ neahye Jesure

(Mt 26.57-68; Lc 22.54-55, 63-71; Jn 18.12-14, 19-24)

<sup>53</sup> Sa ye pahia pũhtoro cahapũ Jesure ne cãhye. Sa ye ijipihtiequina pahia pũhtoa, bũcũna, usã acaye judio masare buheyequina gũhũ cahmecoahye. <sup>54</sup> Sa yero Pedro pehe Jesu bato yoraropũ nũnũ tãhye. Sa nũnũ tãno pahia pũhtoa ya wũhũ cahapũ esahye. Sa yero tiquiro ti wũhũre cohteyequina surara mehna peca dũhtũ cahapũ sohma dujiahye.

<sup>55</sup> Pahia pũhtoa, ijipihtiequina apequina pũhtoa gũhũ Jesure wejẽ duti duaye, ni mehoñe mehna tiquirore tiquina ñano buhiri dahreatore wacũ macañe nimahye. Tiquina yahusãtire wacũ bocaerahye. <sup>56</sup> Sa wacũ bocaerapeta peyequina masa tiquirore sa yahusã maca cãhye. Tiquina yahusãñe poto ijierahye. Apequiro sijoro saha ni, apequiro sijoro saha niahye. <sup>57</sup> Sa ye apequina topũ esaye, Jesure yahusãhye.

<sup>58</sup> —Ahriquiro ohõ saha nidi: “Yũhũ ahri wũhũre Cohãcjũ wũhũre masa tiquina dahreri wũhũre cohãgũtja. Sa cohãgũ ihtia deco wahaboro ti wũhũre pari turi yegũtja. Ti wũhũ masa tiquina dahreri wũhũ ijisi”, tiquiro nigũ usã tũhou, niahye ni meho yahusãñequina.

<sup>59</sup> Tiquina sa ni yahusãepẽgũta tiquina yahusãñe gũhũ poto ijierahye. Apequiro sijoro saha ni, apequiro sijoro saha niahye.

<sup>60</sup> Tiquina sa nigũ tũhoro pahia pũhtoro tiquina watoa ducuriquiro wahcãdũca sa, Jesure sinituahye:

—¿Ahriquina mũhũre tiquina yahusãepẽgũta tiquinare yũhti cahmedajari mũhũ? ¿Mũhũre tiquina yahusãrĩre dũhse ni yũhti cahmeajari mũhũ? niahye tiquiro Jesure.

<sup>61</sup> Tiquiro sa nigũ tũhooperota Jesu sata tũhotu cãhye. Tiquiro sa yũhtieragũ ihñano pahia pũhtoro tiquirore sinituahye tja:

—¿Cristota ijiajari mũhũ? ¿Quehnoariquiro Cohãcjũ macũ warota ijiajari mũhũ? niahye tiquiro Jesure.

<sup>62</sup> —Tiquiro tjiaja. Sa yena yũhũre masure Cohãcjũ ohorigũre yũhũ Pacũ tutuariquiro poto pehepũ yũhũ dujigũ ihñanata mũsa. Sa yena uhmũse cjẽ ehmeo cururi watoa yũhũ ahtagũ gũhũre ihñanata mũsa, niahye Jesu tiquirore.

<sup>63-64</sup> Tiquiro sa nigũta pahia pũhtoro pehe tiquiro sañari suhtirore tiquiro basi tũhrẽ cãhye, apequinare “Usua yũhdũare”, ni ihña masi dutiro.

—Cohãcjũre ñano yahuducuro nine ahriquiro. Sa yena tiquiro ñano yahuducuyere tũho tuhasaja mari. Sa ye topequinata yahusãahdo ahriquirore. ¿Sa yena dũhse yenatari mari yojopũre ahriquirore? niahye pahia pũhtoro apequina pũhtoare.

—Tiquiro ñari buhiri wejẽno cahmene tiquirore, ni yũhtiahye apequina pũhtoa.

<sup>65</sup> Sa ye tiquina mehna cjẽna Jesure sihco puti, tiquiro caperire dũhte biha, tiquirore quẽpeahye. Quẽpe tuhasa ohõ saha nipeahye:

—¿Noa pehe mũhũre quẽari? Ihñedapegũta yahuya usãre, ni bũjũpeahye tiquina.

Sa ye pũhtoro yequina surara pehe Jesure quẽpe tuhasa, neahye.

—*Tiquirore masiedaga, niahye Pedro Jesure*

(Mt 26.69-75; Lc 22.56-62; Jn 18.15-18, 25-29)

<sup>66</sup> Sa yero wũhũ caha ijiri paapũ quehnoari paapũ Pedro ijigũ pahia pũhtoro cahacjõno wihiahye. <sup>67</sup> Pedro tiquiro sohmagũ ihñano ticoro tiquiro dihitare ihñaducuahye.

—Nazare cjũno mehna, Jesu mehna mũhũ gũhũ ijiri, niahye ticoro Pedore.

<sup>68</sup> Ticoro sa nigũ tũhoro tiquiro ohõ saha niahye:

—¿Dũhse ni macago niajari mũhũ? Mũhũ nidiquirore ne masiedaja yũhũ, niahye Pedro ticoro.

Tiquiro sa nidi bato Pedro sahrĩno sopecaha cahapũ wahahye. Sa yero topũ tiquiro ducugũ canaca yahuahye. <sup>69</sup> Topũ tiquiro ijigũ ihñano cahacjõno pehe ticoro cahapũ ducuyequinare yahuahye tja:

—Ahriquiro gũhũ Jesu buheyequina mehna cjũno ijire, niahye ticoro.

<sup>70</sup> Ticoro sa nigũ tũhoro Pedro pari turi ohõ saha niahye tja:

—Tiquirore masiedaja yũhũ, niahye tja.

Sa yero came cjũnopũ topũ ducuriquina Pedrore ohõ saha niahye:

—Ijirota ijire. Mũhũ Galilea cjũ ijire. Sa yegũ tiquina mehna cjũta ijire mũhũ, niahye tiquina tiquirore.

<sup>71</sup> Tiquina sa nigũ tũhoro tiquiro yũhtiahye:

—Potota Cohãcjũ mehna niaja mũsare. Potota yũhũ niedagũ Cohãcjũ yũhũre buhiri dahreahro. Tiquirore mũsa nidiquirore ne masiedaga yũhũ, ni yũhtiahye Pedro tiquinare.

<sup>72</sup> Tiquiro sa nigũta canaca yahuahye tja. Tiquiro sa yahugũ tũhoro Jesu tiquirore nidire wacũahye Pedro: “Canaca pũa taha tiquiro yahuato pano mũhũ yũhũre ‘Jesure masiedaga’, nigũta mũhũ. Ihtia taha sa nigũta mũhũ”, Jesu tiquiro nidire wacũahye Pedro pehe. Tiquiro sa nidire wacũno, tutuaro utiahye Pedro.

## 15

### *Pilato Jesure sinituahye*

(Mt 27.1-2, 11-14; Lc 23.1-5; Jn 18.28-38)

<sup>1</sup> Sa ye bohrearopũ pahia pũhtoa, bũcũna, usã judio masare buheyequina, ijipihtiyequina apequina pũhtoa mehna cahmecoa, yahuducuahye tiquina yeatire masiũe tehe. Tiquina basi yahuducu tuhasa, Jesure dũhte, ne cã, Pilatore ohoahye tiquirore. <sup>2</sup> Tiquina ne sagũ ihũano Pilato tiquirore sinituahye:

—¿Potota judio masa pũhtota ijiajari mũhũ? niahye tiquiro Jesure.

—Mũhũ nino sahata ijiaja, ni yũhtiahye Jesu.

<sup>3</sup> Sa ye pahia pũhtoa peye yahusãhye tiquirore. <sup>4</sup> Tiquina sa ni yahusãgũ tũhoro Pilato tiquirore sinituahye tja:

—Ahriquina mũhũre peye yahusãũe nine. ¿Tiquina sa yahusãepegũta yũhtierajari mũhũ? niahye tiquiro.

<sup>5</sup> Tiquiro sa niepegũta Jesu ne pari turi yũhti nemoedahye. Sa yero Pilato ne dũhse ni masiedahye.

### *Jesure wejẽ dutiahye*

(Mt 27.15-31; Lc 23.13-25; Jn 18.38-19.16)

<sup>6</sup> Cũhmaripe pascuaripe masa yaquiro ijiatiquirore ihcãquiro peresupũ ijiriquirore tiquina cahmediquirore Pilato wio basaducue tiahye. <sup>7</sup> Ti pjere Barrabá wame tiriquiro peresupũ ijiahye. Tiquiro pũhtoare cohã duayequina, masare wejẽnequina mehna cjũno ijiahye. <sup>8</sup> Sa ye masa peyequina Pilato cahapũ esaye, tiquirore siniahye:

—Cũhmaripe usãre mũhũ yeducuriro sahata yeya usãre. Ihcãquiro peresupũ ijiriquirore usãre wio basaya, niahye tiquina.

<sup>9</sup> Tiquina sa nigũta Pilato tiquinare sinituahye:

—¿Mũsa yaquiro ijiatiquirore mũsa judio masa pũhtoro wio basaboagari yũhũ? ni sinituahye masare Jesure wio duaro.

<sup>10</sup> Jesure masa tiquina cahĩgũ ihũaũe pahia pũhtoa gũhũ tiquirore ihũa tuhtiahye. Sa ihũa tuhtiye tiquirore ohoahye Pilatorũre. Sa yero masa tiquina cahĩdi buhiri tiquina ihũa tuhtirire masino Pilato Jesure wio duamahye. <sup>11</sup> Tiquiro sa wio duepegũta pahia pũhtoa Jesu mehna masare usuagũ yahye. Ohõ saha ni dutiahye tiquinare: “Barrabá pehere wioya. Jesure wejẽ dutiya”, ni dutiahye masare. <sup>12</sup> Sa yero Pilatore Barrabáre tiquina wio dutiri bato Pilato tiquinare sinituahye tja:

—¿Ahriquiro judio masa pũhtoro mũsa nidiquiro pehere dũhse yegũtari yũhũ, mũsa sa nigũ? ni sinituahye tiquiro.

<sup>13</sup> —Curusapũ quẽ biha wejẽña tiquirore, ni saũuducuahye masa.

<sup>14</sup> —¿Yabe borore ñaũene yeari ahriquiro, mũsa sa ni saũuducugũ? ni sinituahye tiquinare.

Tiquiro sa nigũ tũhoye tiquina sañuducu nemoahye tja:

—Curusapũ quẽ biha wejẽña tiquirore, ni sañuducuahye tiquina.

<sup>15</sup> Tiquina sa ni sañuducugũ tũhoro Pilato pehe masare bucuegũ ye duaro Barrabá pehere peresupũ ijiriquirore wio dutiahye masa tiquina cahmediquirore. Sa yero Jesu pehere yuta dari mehna tana duti, curusapũ quẽ biha wejẽ dutiro ohoahye surarare.

<sup>16</sup> Sa ye surara Pilato ya wũhũpũ pretorio wame tiri wũhũpũ tiquirore ne sahye. Ne sa tuhasa tiquina apequina surarare tiquina mehna cjẽnare cahmecoañe tehe pijioahye.

<sup>17</sup> Sa ye tiquina pũhtoro ya suhtiro yero saha bajuri suhtirore Jesure sãa, pota behtore dahre, ti behtore tiquiro dapu bui duhu peoahye. <sup>18</sup> Sa ye tuhasa ohõ saha ni bũjũpeahye tiquina tiquirore:

—Quehnoano ahtaya. Judio masa pũhto, quehnoano ahtaya, ni bũjũpeahye.

<sup>19</sup> Sa nieta yucũgũ mehna tiquiro dapure quẽ, tiquirore sihco puti wisõ, cua pesaro yeyequina yero saha tiquirore quehe sa, ño peoro saha yeahye. Tiquirore ñano yeye niahye. Sa ye bũjũpeye niahye. <sup>20</sup> Sa yepe tuhasa tiquina sãari suhtirore tu we nedoqueo, tiquiro ye suhti pehere tiquirore sãa, tiquirore curusapũ quẽ biha wejẽñe wahaye, nea wahahye tiquina.

*Tiquina Jesure curusapũ quẽ biha wejẽahye*

*(Mt 27.32-44; Lc 23.26-43; Jn 19.17-27)*

<sup>21</sup> Sa ye topũ wahariquiro, Simo Cirene cjũno ihquẽ wũhũse ijiropũ esariquiro, tiquina cahapũ wihigũ ihñañe surara pehe tiquirore Jesu ya curusare wũa cã dutiahye. Alejandro, Rufo pacũro ijiahye Simo pehe.

<sup>22</sup> Waha, Gólgota wame tiropũ esahye. Gólgota nino “Dapu pehtoro”, nino nine. <sup>23</sup> Sa ye vinore mirra wame tiye co mehna tiquina moredi core Jesure ohomahye. Sa yero ti core sihni duerahye tiquiro. <sup>24</sup> Sa ye curusapũ Jesure quẽ bihahye tiquina. Quẽ biha tuhasa tiquiro suhti ijirire “¿Noa yaro ijirrotari ohõ?” ni cahme doquepeahye tiquina.

<sup>25</sup> Jesure curusapũ tiquina quẽ bihagũ ihtia hora dũhsahye coheri pje esato. <sup>26</sup> Sa ye curusapũ ohõ saha ni ojoari pũñe duhu ohõahye tiquina tiquiro ñañe buhirire yahu duaye. “AHRIQUIRO JUDIO MASA PũHTORO IJIRE”, ni ojoahye tiquina ti pũñe. <sup>27</sup> Sa ye pũaro yaque bũcũna Jesu caha apeye curusaripũ tiquina quẽ biha ohõriquina ijiahye tiquina. Ihcãquiro pota pehe, apequiro cũ pehe pehe quẽ biha ohõahye tiquina gũhũre. [<sup>28</sup> Tiquina sa yegũ panopũ Cohãcjũ yere tiquina yahu ojoariro sahata waharo niahye. Ohõ saha ni ojoahye: “ ‘Dutiyere yũhdũdũcayequina mehna cjũno ijire’, ni, tũhoturi masa tiquirore”, ni ojoahye panopũ.]

<sup>29</sup> Sa ye curusari cahapũ yũhdũ cãñequina Jesure ihña, tiquina dapu pacare yuredoqueo, tiquirore ñano ni yahuducuahye:

—Quehnoare. Quehnoare. ¿Cohãcjũ wũhũre cohã, ihtia deco wahaboro pari turi ti wũhũre dahreacjũ ijiajari mũhũ? <sup>30</sup> Mũhũ basi dijiahya. Sa yegũ mũhũ basi yedohoya. Sa yegũ yũhdũ wutigũta mũhũ, ni bũjũpeahye tiquina.

<sup>31</sup> Tiquina yero sahata pahia pũhtoa gũhũ usã judio masare buheyequina gũhũ tiquirore sa ni bũjũpeahye. Sa ni bũjũpeye ohõ saha niahye tiquina basi:

—Tiquiro apequinare yũhdũoriquiro ijieperota tiquiro basi yũhdũo masiedare.

<sup>32</sup> “Israe masa pũhto, Cristo ijiaja”, nimeri tiquiro. Sa yena tiquiro basi dijia tagũ ihñaña tiquirore wacũ tutuanata, ni bũjũpeahye tiquina.

Sa ye yaque bũcũna tiquiro caha tiquina quẽ biha ohõriquina gũhũ sata ñano ni bũjũpeahye tiquirore tja.

*Jesu yariaa wahahye*

*(Mt 27.45-56; Lc 23.44-49; Jn 19.28-30; He 6.19-20; 10.19-20)*

<sup>33</sup> Sa ye coheri pje ijigũ ihtia hora waro ijipihtiropũ nahitiaa wahahye. <sup>34</sup> Sa yero nahitia yũhdũgũ waro Jesu tutuaro sañuducuahye:

—¿Eloi, Eloi lema sabactani? niahye tiquiro.

Sa nino ohō saha nino niahye. “¿Yuhū Pacu, yuhū Pacu, dūhsegu yuhūre cohājari mūhū?” nino niahye.

<sup>35</sup> Tiquiro sa nigū tūhoye ihquēquina topū ducuriquina ohō saha nimahye:

—Cohācjū yere yahu mūhtariquirore Elia mūnanore pijioro niboaga, nimahye tiquina.

<sup>36</sup> Sa yero ihcāquiro tiquina mehna cjūno oma cā, aco ihmīni sūhtere vino sūēñe core tiquiro sohari sūhtere ne cā, yucūgu sohtoapū dūhte ohō, Jesure sihōmahye. Sa sihōno ohō saha nimahye:

—Cohteniña. Elia mūnana ahriquirore tiquiro yūhdūogū ihñarīhna mari, nimahye tiquiro apequinare.

<sup>37</sup> Tiquiro sa nidi bato Jesu pehe tutuaro sañuducu, yariaa wahahye. <sup>38</sup> Tiquiro yariagūta Cohācjū wāhū cjā suhtiro cahsero tore tiquina cahmotari cahsero deco mehna bui pehe tūhnū dijia ta, tūhnū maa cjū saa wahahye. <sup>39</sup> Tiquiro sa yariagū ihñano surara pūhtoro Jesu caha ducuriquiro ohō saha niahye:

—Ijirota ijire. Ahriquiro Cohācjū macūnota ijire, niahye tiquiro.

<sup>40</sup> Sa ye yoaropū ducuye numia Jesure ihñaducuye niahye. Tiquina numia mehna María Magdalena ijiahye. Apecoro María wame tiricoro gūhū ijiahye. Ticoro pehe José, tiquiro bahūro Santiago, tiquina pacoro ijiahye. Apecoro Salomé ijiahye. <sup>41</sup> Tiquina numia Jesu yere quehnoano tūhoyequina numia ijiye, Galilea yehpapū tiquiro ijigū tiquirore yedohoe tiahye. Tiquina numia mehna peyequina apequina numia gūhū Jerusalēpū Jesu mehna ahtariquina numia ijiahye.

*Jesu pagūre masa copepū cūahye*

*(Mt 27.57-61; Lc 23.50-56; Jn 19.38-42)*

<sup>42-43</sup> Sa ye ti deco tiquiro yariari deco saurū pano judio masa ūsā sori deco pano ijiri deco ijiahye. Sa yero pascua cjē ijiatire tiquina quehnoyuri deco ijiahye. Ti ñamita José Arimatea cjūno cuero marieno Pilato cahapū esahye Jesu pagūre sinino esaro. José judio masa ūsā pūhtoa mehna cjūno, pūhtoa tiquina cua pesaro ihñariquiro waro ijiahye. Sa yero Cohācjū masa bui tiquiro pūhtoro sajātoore cohtero niahye. <sup>44</sup> Sa yero José Pilatore tiquiro sini tuhasagū tūhoro tūho maria wahahye Pilato pehe. “¿Jesu yaria tuhasayari?” ni tūhoturo, tūho maria wahahye. Sa yero surara pūhtoroore pijio ohō saha niahye tiquirore:

—¿Jesu yariaa wahari? ni, sinituahye tiquirore.

<sup>45</sup> Tiquiro sa nigū surara pūhtoro yūhtiahye:

—Yariaa wahari, niahye.

Tiquiro sa nigū Pilato Jesu pagūre oho dutiahye Josére. <sup>46</sup> Tiquiro sa oho dutiri bato José quehnoari suhtirore dúahye. Dú tuhasa, Jesu pagūre ne dijio, suhtiro mehna wahme, masa copepū utāpū tiquina seheri copepū tiquiro pagūre cūahye. Cū tuhasa, ti cope caha ijiria utāre pajiria utāre tu torē cā, ti copere bihahye. <sup>47</sup> Sa ye María Magdalena, María José pacoro Jesure tiquina cūrirore ihñahye.

## 16

*Jesu masa wijiahye*

*(Mt 28.1-10; Lc 24.1-12; Jn 20.1-10)*

<sup>1</sup> Sa ye saurū yūhdūgū María Magdalena, María Santiago pacoro, Salomé mehna wisōñe co ehme sitiyaere dúahye tiquiro pagūre wisōñe tehe. <sup>2</sup> Sa ye domingo bohrea queharo Jesure tiquina cūri copepū wahahye tiquina. <sup>3</sup> Wahaducuye, ohō saha niahye:

—¿Ti copere biharia utāre noa marine pōo basarotari na? niahye tiquina basi.

<sup>4</sup> Ti copepū esaye, ti copere biharia utāre pajiria utāre tiquina pōo cūriare ihñahye tiquina. <sup>5</sup> Sa ihñañe ti copepū sajā sahye. Sa sajā sahye, wahmūnore poto pehe dūjiriquire yehseye suhti tiriquire ihñā, acūaa wahahye. <sup>6</sup> Tiquina sa acūagū ohō saha niahye tiquiro:

—Yūhūre ihñā acūeracāhñā. Jesu Nazare cjūno tiquina quē biha wejēdiquiro mūsa macariquiro masa wijia tuhasari. Ohōre mariedare. Tiquirore tiquina cūrirore ihñāñā.



<sup>7</sup> “Tiquiro m̄sa pano Galileap̄ waharota”, ni yahuna wahaya tiquiro buheyequinare, Pedro ḡh̄re. Top̄ tiquiro nidiro sahata m̄sa tiquirore ih̄n̄anata, ni yahuahye wahm̄no tiquinare.

<sup>8</sup> Tiquiro sa niḡ t̄hoye tiquina cueye, nanare, masa cope cahap̄ ijiriquina oma c̄a wahahye. Sa cueye apequinare yahuerahye.

*Jesu María Magdalenare bajuahye*

*(Jn 20.11-18)*

[<sup>9</sup> Sa ye domingo ijiḡ Jesu tiquiro masa wijiari bato María Magdalenare bajua m̄htahye. Ticoro siete wat̄are c̄omedicoro ijimahye. Sa yero Jesu tiquiro yariato pano wat̄are tiquiro coh̄nohricoro ijiahye. Sa yero ticoro pehere bajua m̄htahye tiquiro masa wijiari bato. <sup>10</sup> Sa ye Jesu mehna cj̄na tiquiro yariaḡ ih̄ñañe tutuaro b̄j̄na witi, utiye niahye. Sa tiquina utiri watoa ticoro pehe tiquirore ih̄narire yahumahye tiquinare.

<sup>11</sup> “Cristo catiri. Ih̄ñañ”, ticoro ni yahuepeḡta t̄ho duerahye.

*Jesu tiquiro buheyequinare bajuahye*

*(Lc 24.13-35)*

<sup>12</sup> Came p̄aro tiquina mehna cj̄na w̄h̄se marienop̄ tiquina tiniḡ Jesu sijoro saha bajuriquiro tiquinare bajuahye. <sup>13</sup> Tiquiro sa bajuaḡ ih̄ñañe tiquina tojoaa waha, apequinare Jesu yequinare tire yahuahye. Tiquina sa ni yahuepeḡta tiquina pehe t̄ho duerahye.

*Jesu tiquiro yere buhe dutiro ohoahye tiquiro buheyequinare*

*(Mt 28.16-20; Lc 24.36-49; Jn 20.19-23)*

<sup>14</sup> Came doce tiquiro buheyequinare mesa cahap̄ tiquina dujiḡ tiquinare bajuahye tiquiro. Sa yero tiquirore ih̄n̄ariquinare tiquina yahuḡ t̄ho dueyequinare masino Jesu tiquinare tuhtiahye. Tiquirore tiquina quehnoano wac̄ tutuerari buhirire tuhtiahye tiquinare. <sup>15</sup> Sa tuhti tuhasaro tiquinare oh̄ saha niahye:

—Ahri yehpa ijipihtirop̄ quehnoañe buheyere ijipihtiyequina masare buhena wahaya. <sup>16</sup> Ȳh̄re wac̄ tutuayequinare tiquina wame yenohriquinare pecap̄ waha-boriquinare ȳhd̄orota Coh̄cj̄. Sa ye ȳh̄re wac̄ tutueyequina Coh̄cj̄ tiquiro buhiri dahreatiquina pecap̄ wahatiquina ijieta. <sup>17</sup> Sa ye ȳh̄re wac̄ tutuayequina ȳh̄ tutuaye mehna oh̄ saha yeeta: Ȳh̄ tutuaye mehna, ȳh̄ wame mehna wat̄are coh̄eta. Sa ye wahma yahuducuyere yahuducueta. <sup>18</sup> Sa ye añaaare tiquina ñeheḡ, ijipihtiye nima d̄h̄se ijiye nimare tiquina sih̄niḡ, tiquinare ne pur̄si. Sa ye dohatiyequina bui tiquina omocarine tiquina ña peoḡ dohatiyequina pehe quehnoa wahaeta, niahye Jesu tiquiro buheyequinare.

*Jesu ùhm̄sep̄ m̄jaa wahahye*

*(Lc 24.50-53)*

<sup>19</sup> Sa ni yahu tuhasa mari p̄h̄toro Jesu ùhm̄sep̄ m̄jaa wahahye. Top̄ esaro Coh̄cj̄ poto pehe dujahye tiquiro mehna p̄h̄toro ijiro. <sup>20</sup> Sa ye Jesu buheyequina ijipihtirop̄ quehnoañe buheyere buheye waha wahahye. Tiquina sa buheḡ mari p̄h̄toro tiquinare yedohoahye. Tiquiro tutuaye mehna ye ih̄ño, masiḡ yeahye tiquinare, masare tiquiro ye buheyere t̄ho dutiro. To punota ijire.]

## San Lucas

<sup>1-2</sup> Pũhto Teófilo, ahrire mũhu buheatire mũhũre ojoa ohogu niaja. Jesu usã mehna ijinino tiquiro yerire apequina ojoa dũca tuhasari jiri. Coã waropũre Jesure ihñariquina, tiquiro yere buheriquina tiquina ni yahuriro sahata apequina tire ojoa dũca tuhasari jiri. <sup>3</sup> Sa yegũ ahri ijipihitiyere quehnoano masi peho duagũ buhei. Sa yegũ yũhũ gũhũ tire quehnoano ojoa duaja mũhũ buheatire yegũ. <sup>4</sup> Jesu yere yahuyequina mũhũre buhe tuhasari. Tire quehnoano mũhũ masi nemoatire ahri pũre mũhũre ojoa ohogu niaja.

### *Ñu wame yeatiquiro tiquiro masa bajuatire angel yahuahye*

<sup>5</sup> Jesu masa bajuato pano, Herode Judea yehpa cjẽna pũhtoro tiquiro ijigũ Zacaria wame tiriquire pehe pahi ijiahye. Sa yero Zacaria tiquiro ya curua cjẽna pehe pahia curua Abia mũnano ya curua cjẽna ijiahye. Zacaria namono gũhũ pahi Aaron mũnano panameono iji turiaricoropũ ijiahye. Ticoro pehe Elisabe wame tiricoro ijiahye. <sup>6</sup> Tiquina pũaro Cohãcjũ dutiyere quehnoano ye pehoyequina tiquina ijigũ ihñano, “Decoripe quehnoañene yere”, ni ihñahye Cohãcjũ tiquinare. <sup>7</sup> Elisabe ne pohna marienicoro ijiahye. Ticoro Zacaria mehna sata muhũ cãhye pohna mariedape.

<sup>8</sup> Pahia dahrayere dahraye tehe, decoripe tiquina comesae tiahye. “Zacaria ya curua cjẽna ijire”, tiquina nidi bato tiquiro pahia decoripe tiquina yeducuriro saha Cohãcjũ ya wũhũpũ dahraro taro niahye Zacaria. <sup>9</sup> Pahia sa yeducuriro saha tiquina “¿Noare ijiretari ẽjũa mũoatiquiro?” niñe, doquepeye mehna bueyere ehme sitiye ẽjũa mũoatiquirore beseahye. Cohãcjũre ño peori altarpũ tiquina beseriquiro Zacaria ehme sitiye ẽjũa mũoatiquiro ijiahye. Sa yero tiquiro Cohãcjũ wũhũpũ sajãa wahahye ẽjũa mũono waharo. <sup>10</sup> Wũhũpũ ijire ehme sitiye tiquiro ẽjũa mũono watoa ijipihitiyequina masa pehe sopecahapũ Cohãcjũre sinie tiahye. <sup>11</sup> Ti pjere Cohãcjũ yaquiro angel Cohãcjũre ño peori altar poto pehe bajuadũca sahye Zacariare. <sup>12</sup> Tiquiro sa bajuagũ ihñano Zacaria tiquirore ihña maria, cuea wahahye. <sup>13</sup> Sa tiquiro cuegũ ihñano angel tiquirore yahuahye:

—Zacaria, cueracãhña. Cohãcjũ mũhũ sinidire tũhori. Sa yena mũsa pohna tinata. Mũsa macũ masa bajuarota. Tiquiro bajuagũ Ñu wame yeya tiquirogãre. <sup>14-17</sup> “Tiquiro quehnoariquire, tutuariquire ijire”, ni, ihñanota Cohãcjũ mũhũ macũre. Tiquiro masa bajuari bato vinore, sihbiorire sihnisi. Sa yero tiquiro masa bajuari bato Espĩritu Santo nidiro sahata yeriquiro ijireta tiquiro. Sa yero peyequina mũhũ acaye Israe masare Cohãcjũ mari pũhtoro quehnoano cahmegũ yerota mũhũ macũ. Sa yero tiquiro Cohãcjũ yere buhero Elia mũnano Cohãcjũ yere yahu mũhtariquire tiquiro buheriro sahata Espĩritu Santo yedohoro mehna Cohãcjũ tutuaye mehna mũhũ macũ gũhũ buherota. Sa buhero tiquina pacũsumũa tiquina pohne mehna quehnoano cahme cahĩgũ yerota. Sa yero dutiyere yũhdũducariquinare quehnoano tiquina ño peoye mehna yũhtigũ yerota. Sa buhero mari pũhtoro Cohãcjũ yequina ijiatire yerota tiquiro. Sa yegũ tiquiro masa bajuari bato mũhũ bucuegũta. Peyequina apequina gũhũ bucueeta, niahye angel Zacariare.

<sup>18</sup> Tiquiro sa nigũ tũhoro Zacaria pehe sinituahye angelre:

—Usã bucũna ijiaja. ¿Sa yegũ mũhũ nidi poto ijigũ dũhse masigũtari yũhũ? niahye tiquiro.

<sup>19</sup> Tiquiro sa nigũ angel pehe tiquirore yahuahye:

—Yũhũ Gabriel wame tigũ ijiaja. Cohãcjũ cahacjũ tiquiro cahapũ ducugũ ijiaja yũhũ. Cohãcjũ ahri quehnoañe quitire yahu dutiro, mũhũ cahapũ yũhũre ohori. <sup>20</sup> Yũhũ yahuriro sahata potota waharota. Yũhũ sa niepegũta yũhũre mũhũ poto tũhoerari. Sa yegũ yojopũre mũhũ yahuducuegũ wahagũta. Mũhũ macũ tiquiro bajuari bato yahuducugũta tja, niahye angel Zacariare.

<sup>21</sup> Sopечahapꝛ ijyiequina masa Zacariare cohteyе niahye. “¿Dꝛhse ijiro boro tiquiro Cohācjꝛ wꝛhꝛꝛ ijiro, sojaro wijia taerajari?” ni, cohteyе niahye masa tiquirore. <sup>22</sup> Sa yero ti wꝛhꝛꝛ ijiriquiro wijia wihi, tiquina mehna yahuducu masiedahye. Tiquiro sa yahuducu masiedagꝛ ihñañe “Tiquiro Cohācjꝛ wꝛhꝛꝛ bajuanohno niaya”, ni, tꝛhotuahye tiquina. Sa yero yahuducu masiedaro tiquiro omocari mehna masare yahuducuahye.

<sup>23</sup> Cohācjꝛ wꝛhꝛꝛ tiquiro dahraye pihtigꝛ, tojoaa wahahye tiquiro ya wꝛhꝛꝛ. <sup>24</sup> Tiquiro sa wahari bato tiquiro namono Elisabe coã nijinore cꝛo cāhtaro niahye. Sa yero ticoro ihcā omope asꝛi waro masa cahapꝛ wahaerahye. <sup>25</sup> Ohõ saha niahye ticoro: “Yojoꝛꝛe yꝛhꝛe Cohācjꝛ yedohori. Yꝛhꝛ pohna mariego ijigo tutuaro bꝛoro tꝛhotuu yꝛhꝛ. Cohācjꝛ yedohoro mehna nijinogāre bocagota”, ni tꝛhotuahye ticoro.

### *Jesu tiquiro masa bajuatire yahuahye angel*

<sup>26-27</sup> Elisabe seis asꝛi ticoro niji pacoro ticoro ijiri bato Cohācjꝛ pehe angel Gabriel wame tiriquire nuhmino cahapꝛ ohoahye. Ticoro Nazareꝛ Galilea yehpapꝛ ijiri macapꝛ ijiahye. María wame tiricoro ijiahye. José wame tiriquire ijiahye ticoro mehna omoca dꝛhteatiquiro. Tiquiro panopꝛ cjꝛno Davi mꝛnano panamino iji turiariquiro ijiahye. <sup>28</sup> Sa yero María cahapꝛ esaro, angel yahuahye:

—¿Ne, ijiajari mꝛhꝛ, María? Cohācjꝛ mꝛhꝛ mehna ijiro nine. Sa yero mꝛhꝛe quehnoano yero nine. [Ijipihtiyе numia apequina numia yꝛhdꝛoro quehnoano yere mꝛhꝛe,] niahye angel tiorore.

<sup>29</sup> Tiquiro sa nigꝛ tꝛhoro, ticoro tutuaro wacꝛ tꝛhotuahye. Angel tiquiro yahurire tꝛhoturo “¿Dꝛhse nino yꝛhꝛe sa niagari?” ni wacꝛahye ticoro. <sup>30</sup> Ticoro sa ni wacꝛgꝛ ihñano angel yahuahye tiorore:

—María, Cohācjꝛ mꝛhꝛe tutuaro cahñe. Sa yego mꝛhꝛe yꝛhꝛ yahuatire tꝛho acueracāhña. <sup>31</sup> Quehnoano tꝛhoya. Nijinore bocagota mꝛhꝛ. Sa yero mꝛhꝛ macꝛ masa bajarota. Tiquirore Jesu wame yegota mꝛhꝛ. <sup>32-33</sup> Tiquiro tutua yꝛhdꝛariquiro ijirota. Sa ye tiquirore “Cohācjꝛ ꝛhmꝛe cjꝛno macꝛno ijire”, nieta masa. Sa yero mꝛhꝛ macꝛ ñecꝛno iji turiariquiro mꝛnanopꝛ Davi mꝛnano Israe masa tiquina ꝛhtoro tiquiro ijiriro sahata mꝛhꝛ macꝛ gꝛhꝛe cꝛnota Cohācjꝛ. Sa yero ijipihtiyе decori tiquiro Israe masare dutirota. Sa yero tiquiro ꝛhtoro ijie pehe ne pihtisi, niahye angel.

<sup>34</sup> Tiquiro sa nigꝛ María pehe sinituahye:

—¿Dꝛhse yꝛhꝛ manꝛ mariedapegota pohna tiboagari yꝛhꝛ? niahye ticoro.

<sup>35</sup> Ticoro sa nigꝛ angel pehe yahuahye:

—Espíritu Santo mꝛhꝛe pohna tigꝛ yerota. Sa yero Cohācjꝛ tiquiro tutuaye ehmeo curua yero saha ahtarota mꝛhꝛe. Sa ye “Cohācjꝛ macꝛno ijire”, nieta masa mꝛhꝛ macꝛe ñañe yerariquirore. <sup>36-37</sup> Cohācjꝛ ijipihtiyere ye masine. Sa yero mꝛhꝛ acayoro Elisabe bꝛꝛoro ijieperota nijinogāre bocari ticoro gꝛhꝛ. Ticoro pohna tirota ꝛmꝛnogāre. Masa tiorore “Pohna marienicoꝛo ijire”, tiquina nidicoro, yojoꝛꝛe seis asꝛi waro wahare nijino ticoro bocari bato, niahye angel Maríare.

<sup>38</sup> Tiquiro sa nigꝛ María yꝛhtiahye:

—Yꝛhꝛe tꝛhoya. Mari ꝛhtoro tiquiro cahacjõ ijiaja yꝛhꝛ. Mꝛhꝛ nidiro saha yꝛhꝛe sa wahaahro, niahye ticoro.

Ticoro sa nidi bato angel wahaa wahahye.

### *María Elisabere ihñano wahahye*

<sup>39</sup> Tiquiro sa nidi bato María cꝛnꝛ cjꝛ ijiri yehpapꝛ Judea yehpapꝛ ijiri macapꝛ sojaro mehna wahaa wahahye. <sup>40</sup> Topꝛ esaro, Zacaria ya wꝛhꝛꝛ sajāno, “¿Ne, ijiajari?” niahye ticoro Elisabere. <sup>41</sup> Ticoro sa nigꝛ Elisabe tꝛhogꝛta, ticoro macꝛno pehe niji suhtiroꝛo ijiriquiro ñuhmiahye. Elisabe Espiritu Santo dutiriro sahata ye pehoricoro ijiro, tiquiro tutuayere cꝛoricoro ijiahye. <sup>42</sup> Sa yero tutuaro bucueye mehna ticoro tutuaro yahuducuahye.

—Ijipihtiyequina numia yǎhduro mǎhure quehnoano yeri Cohǎcjǎ. Mǎh macǎ gǎhure quehnoano yeri Cohǎcjǎ. <sup>43</sup> Cuehi, yǎh pǎhuro pacoro yǎh cahapǎ ahtagǎ quehnoano yeri yǎhure Cohǎcjǎ. <sup>44</sup> Mǎh yǎhure “¿Ne, ijiajari?” mǎh nigǎ yǎh macǎ pehe niji suhtiorǎ ijiriquiro bucueye mehna ñuhmiahti yǎhure. <sup>45</sup> Cohǎcjǎ tiquiro nidiro sahata yerota. Sa yego tiquiro yahurire tǎhorigo ijigo bucuego ijire mǎh, niahye Elisabe.

<sup>46</sup> Ticoro sa nigǎ María yǎhtiahye:

“Cohǎcjǎ quehnoariquiro, tutuariquiro ijire”, niaja. Yǎh quehnoano jeripohna tiaja.

<sup>47</sup> Cohǎcjǎ yǎhure pecapǎ wahaborigore yedohoriquiro ijire. Sa yero yojopǎre yǎhure quehnoano bucueye mehna ijigǎ yere. <sup>48-49</sup> Yǎhure tiquiro cahacjǎre wacǎri jiri. Cohǎcjǎ tutua yǎhduariquiro quehnoañe dihitare yǎhure yedohori. Sa ye yojopǎre “Ticorore Cohǎcjǎ quehnoano yeri”, ijipihtiyequina masa sa ni, yahuducueta yǎhure. Cohǎcjǎ ñañe marieniquiro ijire. <sup>50</sup> Ijipihtiye decori ijipihtiyequina tiquirore ño peoyequinare tiquiro paja ihñariquiro ijire. <sup>51</sup> Cohǎcjǎ tiquiro tutuaye mehna yeahye. “Apequinare masi yǎhdudǎcaja”, niñequinare yǎhdudǎcahye tiquiro. <sup>52</sup> Pǎhtoare cohǎhye tiquiro. Sa yero cahacjǎna pehere pǎhtoa yero saha cǎhye tiquinare. <sup>53</sup> Ujǎa ahbayequinare tiquiro quehnoañe ihyayere ohoahye. Sa yero peye doeri cjǎ cǎoyequinare doeri cjǎ cǎoeragǎ yeahye tiquiro. <sup>54-55</sup> Mari ñecǎsumǎa iji turiayequina mǎnare tiquiro yahu cǎriro sahata ye pehoahye Cohǎcjǎ. “Pecapǎ wahaboriquinare yǎhdǎoutja”, tiquiro ni yahu cǎriro sahata ye pehoahye. Sa yero tiquiro cahacjǎnare Israe masare tiquiro yedohoahye. Abrahǎ mǎnanore mari ñecǎsumǎa mǎnare ijipihtiyequina tiquiro acaye tiquiro bato ijiyequina gǎhure Cohǎcjǎ ijipihtiye decori sa paja ihñaducuriquiro ijie tiahye. Tiquinare tiquiro yahu cǎrire boerahye Cohǎcjǎ, niahye María.

<sup>56</sup> Ihtia asǎ waro Elisabe mehna ijiahye. To puno ticoro ijiri bato ticoro ya macapǎ tojoaa wahahye María.

### *Ñu masa bajuahye*

<sup>57</sup> Elisabe ticoro niji wahcǎ, pohna tiahye. Ticoro macǎno masa bajuahye. <sup>58</sup> Sa yero Cohǎcjǎ ticorore tiquiro sa yegǎ ticoro ya maca cjǎna ticoro acaye gǎhǎ ticoro mehna bucueahye. <sup>59</sup> Ocho decori tiquiro masa bajuari bato, tiquiro pacǎsumǎa tiquirogǎre cuhnucunǎ sohtoa cahserogǎre yǎhre ne dutiye tee niahye. Sa yeye tiquina mehna cjǎna tiquina cahapǎ esahye tiquina yǎhre negǎ ihñañe tehe. Tiquina mehna cjǎna Zacaria tiquiro pacǎro wamene tiquirogǎre wame ye duamahye. <sup>60</sup> Tiquina sa wame ye duepegǎta tiquiro pacoro ohǎ saha niahye:

—Tiquiro pacǎro wamene wame yeraja. Ñu wame yematja tiquirogǎre, niahye ticoro.

<sup>61</sup> —Mǎh acaye ne ihcǎquiro Ñu wame tiriquiro mariedare, niahye tiquina ticorore.

<sup>62</sup> Sa ye tiquina omocari mehna yahuducu, Zacariare sinituahye tiquina:

—¿Mǎh waro dǎhse wame ye duajari mǎh macǎre? ni, sinituahye tiquirore.

<sup>63</sup> Tiquina sa nigǎ tiquiro pehe ojoari pjǎne sini, ñehe, ojoahye: “Yǎh macǎ Ñu wame tirota”, ni, ojoahye Zacaria. Tiquiro sa ni ojoagǎ tiquina pehe tǎho maria wahahye.

<sup>64</sup> Tiquiro sa ni ojoari bato tiquirore yahuducugǎ yeahye Cohǎcjǎ. Sa yero tiquiro yahuducua wahahye.

—Cohǎcjǎ tutuariquiro, quehnoariquiro ijire, niahye tiquiro.

<sup>65</sup> Tiquiro sa ni yahuducugǎ tǎhoye to cjǎna tǎho maria wahahye. Sa ye ahri ijipihtiyere Judea yehpa cjǎnare cǎnǎ cjǎ watoa ijiyequinare masa yahu siteahye. Sa ye masa to cjǎna quehnoano masi pihtia wahahye. <sup>66</sup> Ijipihtiyequina tire tǎhoye wacǎahye. “Cohǎcjǎ tutuayere ahriquirogǎ cǎore. Sa yero ihyo ijiriquiro ijisi tiquirogǎ”, ni, tǎhotuahye masa.

### *Zacaria Cohǎcjǎre ño peoahye*

<sup>67</sup> Sa yero tiquiro pacuro Zacaria Espiritu Santo dutiro sahata ye pehoriquiro ijiro tiquiro tutuayere cōriquirō ijiro Cohācjū yere yahuahye:

<sup>68</sup> Cohācjūre ño peouhna mari. Mari Israe masa tiquiro yequina ijiaja mari. Sa yero mari cahapū wihiro, marine yedohoro quehnoano yūhdugū yerota. <sup>69</sup> Sa yero Cohācjū tutuariquirōre marine pecapū wahaborinare quehnoano yūhdugū yeatiquirōre ohori jiri. Marine quehnoano yūhdūoatiquiro tiquiro acayuro mūnano Davi ijire. Davi mūnano pehe marine yūhdūoatiquiro cahācjūno ijire. <sup>70</sup> Panopū tiquiro yere yahu mūhtariquinare Cohācjū ohō sahata ni ahrire yahu dutiahye. <sup>71</sup> Marine ihña tuhtiequina marine ñano tiquina ye duagū ihñano “Mūsare yedohoutja”, ni, cūahye Cohācjū marine. <sup>72</sup> Mari ñecusumua mūnare “Mūsare paja ihñagū, yedohoutja. Mūsare yūhū yahu cūrire wacūtja”, niahye Cohācjū mari ñecusumua iji turiayequina mūnare. Ti pjerpūre tiquiro nidiro sahata marine yojopūre yere. <sup>73-75</sup> Ohō saha ni cūahye Cohācjū panopūre Abrahāre: “Mūhū acaye camerū ijiyequinare ihña tuhtiequina tiquina ijigū cohātja. Sa yegū mūhū acayere yedohoutja. Sa ye tiquina cuero marieno yūhū dutiyere ye masieta. Sa yegū tiquina ñañene yūhū cohāgū, tiquina yūhū ihñonopū ijipihtie decori quehnoañequina ijiduceta”, ni, yahu cūahye panopū Cohācjū mari acayuro mūnanore Abrahāre, niahye Zacaria.

Sa ni tuhasa tiquiro macūnore ohō saha niahye:

<sup>76-77</sup> Macū, mūhūre ohō saha nieta masa: “Cohācjū tutua yūhdūariquirō tiquiro yere yahu mūhtariquirō ijire”, nieta mūhūre. Sa yegū mūhū mari pūhtoro Cristo pano wahayugūta mūhū. Sa wahagū ohō saha ni yahugūta mūhū. “Cohācjū mūsa ñañene cohāno, pecapū wahaborinare yūhdūorota mūsare”, ni, yahugūta mūhū. Sa ni yahugū mari pūhtoro tiquiro ahtatire yahuyugū nigūta mūhū. <sup>78</sup> Cohācjū pehe marine tutuaro paja ihñariquirō marine quehnoano yeriquiro ijiro, tiquiro marine pecapū wahaborinare yūhdūo duare. Marine yūhdūoro ahtarō Cristo mari cahapū ahtarota. <sup>79</sup> Ijipihtiequina marine pecapū wahaborinare yūhdūo duare tiquiro. Sa yero Cohācjūre masiena mari ijigū ihñano marine masigū ye duare tiquiro. Sa yero mari quehnoano ihcāno mehna mari ijiatire yahurota marine, niahye Zacaria.

<sup>80</sup> Sa yero Zacaria macūno quehnoano pagū tiriquirō masahye. Sa yero Cohācjūre tutuaro ño peohye. Sa yero yoari pje masa marienopū ijie tiahye. Israe masare buhe dūcaro topūta ijie tiahye.

## 2

### *Jesu masa bajuahye*

*(Mt 1.18-25)*

<sup>1</sup> Ti pje ijihtie yehpari cjēna pūhtoro Augusto ijie tiahye. Sa yero ijihtiequinare queo dutiahye. <sup>2</sup> Ahriquina masare tiquina coā queo dūcagū Siria yehpa cjēna pūhtoro Cirenio wame tiriquirō ijiahye. <sup>3</sup> Sa ye ijihtiequina tiquina ñecusumua panopū cjēna ye macaripū tiquina wamene oja ohōne wahahye. <sup>4</sup> José gūhū Nazarepū Galilea yehpapū ijiri macapū ijiriquina waha, Judea yehpapū Belē wame tiri macapū esahye. Pūhtoro Davi mūnano panopū cjūno tiquiro masa bajuariro ijiahye Belē. José Davi mūnano panamino iji turiariquiro ijiro Belēpū tiquiro wamene oja ohō dutiro wahahye. <sup>5</sup> Sa yero María tiquiro omoca dūhtaticoro mehna topū tiquiro wamene oja ohō dutiro esahye. Ticoro pehere meheñe decorigā dūhsahye nijino bajuato. <sup>6</sup> Sa yero Belēpū esaro ticoro niji wahcōahye. <sup>7</sup> Topūre masa tiquina carñi wūhū ne esa tuhaerahye tiquinare. Sa yero ticoro pohna ti tuhasa, tiquirogāre suhtiro mehna coma, wecua tiquina ihyari cohropū, taa bui tiquirogāre duhu peohye. Tiquirogā ticoro coā macū ti mūhtariquirōgā ijiahye.

### *Angele ovejare ihña ihboyequinare bajuahye*



<sup>8</sup> Ti ñamine oveja tiquina ijiropu ovejare ihña ihboyequina tiquina yequina ovejare ihña ihboye niahye. <sup>9</sup> Sa yero Cohãcjũ ohoriquiro angel tiquinare bajuahye. Tiquiro sa bajuagũ Cohãcjũ asi siteye tiquinare buhrioahye. Tiquiro sa asi sitegũ ihñañe, ovejare ihña ihboyequina cuea wahahye. <sup>10</sup> Tiquina sa wahagũ angel tiquinare yahuahye:

—Quehnoañe quitire musare yahugu ahtaja. Ijipihtiequinare masare bucuegũ yerota ahri quití. Sa yena yũhũre cueracãhña m̄sa. <sup>11</sup> Mia ñamine puhtoro Davi m̄nana ya macapu musare pecapu wahaborinare yũhũoatiquiro, Cristo Cohãcjũ ohoriquiro mari puhtoro masa bajua tuhasari. <sup>12</sup> Sa yero suhtiro mehna comariquirogã wecua ihyari cohro bui tiquina duhu peoriquirogã m̄sa ihñatiquirogã tiquiro ijirota, ni yahuahye angel tiquinare.

<sup>13</sup> Tiquiro sa nigũta peyequina uhmuse cjẽna iji m̄htariquiro angel mehna Cohãcjũre ño peohye. Ohõ saha ni ño peohye tiquina:

<sup>14</sup> Cohãcjũre uhmuse cjũnore ño peohna. Sa ye Cohãcjũ tiquiro cahñequina cuero marieno cahmequeno marieno quehnoano ijiahro, ni, ño peohye angele pari.

<sup>15</sup> Sa ni tuhasa uhmusepu tiquina m̄jari bato ovejare ihña ihboyequina pehe tiquina basi cahme yahuducuahye:

—Ahrire Cohãcjũ marine tiquiro yahurire Belẽpu isa ihñaũhna, niahye tiquina basi.

<sup>16</sup> Sa niñe sojaro mehna wahaa wahahye. Tiquina Maríare, Josére boca sa, nijinogãre wecua ihyari cohropu tiquina duhu peoriquirogãre ihñahye tiquina. <sup>17</sup> Ovejare ihña ihboyequina tiquirogãre ihña tuhasa nijinogãre angel tiquiro yahurire yahuahye apequinare. <sup>18</sup> Tiquina sa ni yahugũ ijipihtiequina tiquinare tuho maria wahahye. <sup>19</sup> Ahri ijipihtiyere María wacũ tuhotuahye. <sup>20</sup> Sa yeye ovejare ihña ihboyequina pehe angel tiquiro yahuriro saha ijigũ ihñañe, “Cohãcjũ tutuariquiro ijire”, ni bucueahye. Sa ni bucueye tojoaa wahahye.

*Cohãcjũ wũhũpu Jesu pacusũmua tiquirogãre neahye*

<sup>21</sup> Ihcã semana bato nijinogã tiquiro cuhnucunũ sohtoa cahserogãre yũhre ne tuhasa tiquirogãre tiquina Jesu wame yeahye. Jesure coã waro ticoro bocato pano angel pehe “Jesu wame yeya tiquirogãre”, ni yahu tuhasahye. Sa yeye tiquirogãre Jesu wame yeahye.

<sup>22-24</sup> Cohãcjũ dutiye Moise tiquiro yahuriro saha yeye tehe, José, María mehna Jerusalẽpu wahahye. Topu wahahye María ticoro pohna tiri bato pagu quehnoaricoro ticoro tojoarire ihñono taro. Cohãcjũ dutiriro sahata tiquina minicjũare ohoye wahahye Cohãcjũre ño peoye. Ohõ saha dutiahye Cohãcjũ: “Bujuaare puaro ohoya yũhũre. O tiquina marriedagũ apequina boro minicjũare ohoya yũhũre ño peona”, ni dutiahye Cohãcjũ. Tiquiro dutiriro sahata yeahye tiquina ticoro pagu quehnoari pagu ticoro waharire ihñoñe taye.

Topu wahaye tiquina Jesugãre neahye. Tiquirogãre Cohãcjũre “Ahriquirogã m̄hũ yaquiro ijiatiquirogã ijire”, ni ihñoñe wahahye. Ohõ saha yeahye Cohãcjũ yere tiquina ojoari pũpu tiquiro ye dutiriro sahata. “Ijipihtiequina m̄sa pohna coã bajua m̄htañe-quinagãre Cohãcjũre ihñoña. ‘Ahriquirogã m̄hũ yaquirogã ijiatiquiro ijire’, ni ihñoña”, ni dutiahye Cohãcjũ. Sa ye tiquiro dutiriro sahata yeahye tiquina, Jerusalẽpu ijiye.

<sup>25</sup> Ti macapu Simeo wame tiriquiro ijiahye. Tiquiro quehnoariquiro, Cohãcjũre ño peoriquiro ijiro, Israe masare Cohãcjũ yedohoatire cohteriquiro ijiahye. Sa yero Simeo Espiritu Santo tiquiro nidiro saha yeriquiro ijiahye. <sup>26</sup> Sa yero tiquiro yariato pano Cohãcjũ tiquiro ohoatiquirore Cristore tiquiro ihñatire yahuahye Espiritu Santo tiquirore Simeore. <sup>27</sup> Sa yero Espiritu Santo tiquirore dutigũ Cohãcjũ wũhũpu sajãa wahahye. Tiquiro sajã sari bato Jesu pacusũmua tiquina macunogãre ne sajãhye. Cohãcjũ tiquiro dutiriro sahata yeye niahye. <sup>28</sup> Simeo pehe tiquirogãre wua ne, Cohãcjũre ño peo, “Quehnoare”, ni, tiquiro mehna yahuducuahye.

Ohõ saha niahye tiquiro Cohãcjũre:

<sup>29-32</sup> Yojoapu pũritare puhto, m̄hũ nidiro sahata masare pecapu wahaboriquinare yũhũoatiquirore ohori jiri m̄hũ. Tiquiro judio masa ijieyequinare buhero

muhure quehnoano masigũ yerota tiquinare. Masare yuhduoatiquiro Israe masunore muhu cũahye. Usã acayurore Israe masunore muhu cũgũ ijipihtiyequina masiñe, “Israe masare quehnoano yere Cohãcjũ”, nieta masa. Ahriquirogã usãre yuhduoatiquiro ijire. Sa yegũ ahriquirogãre ihña tuhasagũ, yojopure quehnoano bucuere yariutja, niahye Simeo.

<sup>33</sup> Simeo tiquirogãre tiquiro sa nigũ tiquirogã pacusumua pehe tũho maria wahahye.

<sup>34</sup> Sa yero Simeo tiquinare “Quehnoano ijiya m̄sa”, nino tiquiro María Jesu pacorore yahuahye:

—Cohãcjũ ahriquirogãre beseahye. Sa beseriquirogã tiquiro ijiepegũta judio masa peyequina tiquirore yuhducaeta. Sa ye tiquina pecapũ wahaeta. Sa yero judio masare peyequina tiquiro yuhduoatiquiro gũhure Cohãcjũ beseri tiquirogãre. Tiquiro Cohãcjũ yere yahuriqui tiquiro ijiepegũta masa peyequina tiquirore ñano ni yahuduceta.

<sup>35</sup> Tiquina sa yegũ ayequina tiquina ñano wacũñene masieta. Sa yego muhu tutuaro purĩno yero saha bujua witigota, niahye Simeo Marĩare.

<sup>36</sup> Topũ Cohãcjũ yere yahu muhtaricoro Ana wame tiricoro ijiahye. Ticoro Fanuel macono ijiro, Aser m̄n̄ano ya curua cjõno ijiahye. Bucuro waro ijiahye. Ticoro nuhmino ijiro manũ tiahye. Sa yero siete cũhmari waro ticoro manũno mehna ijiahye. To puno tiquiro ijiri bato ticoro manũno yariaa wahahye. <sup>37</sup> Sa yero ochenta y cuatro cũhmari waro wape wihoro ijie tiahye ticoro. Sa yero ticoro deco gũhure ñami gũhure Cohãcjũ yere yero taro siji, Cohãcjũ mehna yahuducu, Cohãcjũ wuhure ne wijiaera tiahye. <sup>38</sup> Simeo tiquiro yahuducuri watoa ticoro tiquina cahapũ wihiro, bucuero, Cohãcjũre “Quehnoare”, niahye. Sa yero Jerusalẽ cjẽnare pecapũ wahaboriquinare yuhduoatiquirore cohteyequinare ticoro Jesugãre yahuahye peyequina masare.

*José, María, Jesu mehna Nazarepũ* tojoaa wahahye tja

<sup>39</sup> Cohãcjũ dutiriro sahata ye tuhasaye, tiquina ya macapũ Nazarepũ tojoaa wahahye. Galilea yehpapũ ijiahye ti maca Nazare. <sup>40</sup> Sa yero Jesu quehnoano masa, tutuariqui wahahye. Sa yero tiquiro quehnoano tũho masiniquiro ijiahye. Sa yero tiquirore Cohãcjũ quehnoano yeahye.

*Jesu coã wahmua* dũcaro, Cohãcjũ ya wuhũpũ judio masare buheyequina mehna yahuducuro niahye

<sup>41</sup> Cũhmaripe Jesu pacusumua Jerusalẽpũ pascua decorire bose decorire ihñañe wahae tiahye. <sup>42</sup> Jesu doce cũhmari tiquiro cuogũ tiquina yeducuriro sahata tiquina ijipihtiyequina Jerusalẽpũ wahahye. <sup>43</sup> Sa yeye bose decorire ihña tuhasa tiquina ya macapũ tojoaa wahahye tja. Tiquina sa tojoepegũta Jesu pehe Jerusalẽpũ tojoa cãhye. Tiquiro pacusumua tiquiro tojoa queherire masiedahye. <sup>44</sup> “Tiquiro mari mehna cjẽna mehna ijiaga”, ni tũhotumahye tiquina. Sa ye tiquina ihcã deco waro Jesu marieno wahamahye. Sa ye tiquina Jesure tiquina acaye watoa macamahye. <sup>45</sup> Ne bocaerahye. Sa ye tiquina Jerusalẽpũ tiquirore macañe wahahye.

<sup>46</sup> Ihtia deco bato Cohãcjũ wuhũpũ tiquirore boca sahye. Sa yero Jesu judio masare buheyequinare tũho, tiquinare sinituro niahye. Sa ye cahme yahuducuye niahye. <sup>47</sup> Tiquina ijipihtiyequina Jesure tũhoye quehnoano masiniquirogã tiquiro ijigũ ihñañe, tiquina tũho maria wahahye. <sup>48</sup> Tiquiro pacusumua gũhũ Jesure ihñañe, ihña maria wahahye. Sa yero tiquiro pacoro tiquirore ohõ saha niahye:

—¿Macũ, dũhsegũ sa yeajari muhu usãre? Muhu pacusumua ohõ saha ni tũhotuu usã. “Tiquiro butia wahaga”, ni macaja usã muhure, niahye ticoro macunore.

<sup>49</sup> Ticoro sa nigũ tiquiro pacusumua yahuahye:

—¿Dũhsena yuhure macajari m̄sa? Yuhũ Pacũ yuhure tiquiro dutiriro saha yegũ niaja. ¿Tire masiedajari m̄sa? niahye tiquiro.

<sup>50</sup> Tiquiro sa niepegũta tiquina tũho ñehedahye.

<sup>51</sup> Sa yero Jesu Nazarepũ tojoaa waha, tiquiro pacusumua ne yuhducaerahye. Ahri ijipihtiye tiquiro yerire María quehnoano wacũahye. <sup>52</sup> Sa yero Jesu bucua, quehnoano

tũho masiniquiro wahahye. Sa ye Cohãcjũ, masa gũhu “Quehnoariquiro ijire”, ni ihñahye tiquirore.

### 3

*Ñu wame yeriquiro masare Cohãcjũ yere yahuahye*

*(Mt 3.1-12; Mr 1.1-8; Jn 1.19-28)*

<sup>1</sup> Ti pjere tiquina pũthoro Tiberio wame tiriquiro pũthoro ijiri bato quince cãmari wahahye. Sa yero Poncio Pilato wame tiriquiro Judea yehpa cjẽna pũthoro ijiahye. Sa yero Herode wame tiriquiro Galilea yehpa cjẽna pũthoro ijiahye. Tiquiro bahuro Felipe Iturea yehpa cjẽna, Traconite yehpa cjẽna gũhu tiquina pũthoro ijiahye. Sa yero Lisania wame tiriquiro Abilinia yehpa cjẽna pũthoro ijiahye. <sup>2</sup> Sa ye Anás, Caifa mehna ijipihitiyequina pahia pũthoa ijiahye. Ahriquina ijipihitiyequina tiquina ijiri pjere Ñu Zacaria macũno masa marienopũ ijiriquirore Cohãcjũ pehe tiquirore tiquiro yere yahu dutiahye. <sup>3</sup> Sa yero Jordã wame tiri ma dũhtũ cahapũ ijiri yehpapũ ijipihitiropũ Ñu buhero wahahye.

—Musa ñaño yeyere bũjũa witiya. Yojoopũre quehnoañe pehere comesaya. Sa yena wame yenohrina ijiya. Musa sa comesagũ ihñano Cohãcjũ musa ñaño yerire borota, ni, buhee tiahye tiquiro.

<sup>4</sup> Isaia mũnano panopũ cjũno Cohãcjũ yere yahu mũhtariquiro ojoariro sahata ahriquiro yojoopũre yero niahye. Ohõ saha ni ojoahye Isaia Ñu tiquiro buheatire:

Masa marienopũ yahuducu sañuducuriquiro ohõ saha ni buherota: “Mari pũthoro ahtato pano mahare mari quehnoyuriro saha quehnoana ijiyuya musa. Musa ñaño yerire bũjũa witiya. <sup>5</sup> Pe wũhtũri, pe buhuari gũhũre quehnoari paa mari yeriro saha, pari yawi ijiye maharine potoye mahari mari yeriro saha, ñaño maharine quehnoañe maharine mari yeriro saha, wetere musa coseriro saha musa ñaño yeyere duhuya. <sup>6</sup> Musa sa yegũ Cohãcjũ musare pecapũ wahaborinare tiquiro yũhdũogũ ihñaeta ijipihitiri yehpa cjẽna”, ninota tiquiro sañuducu yahuriquiro pehe, ni ojoahye Isaia mũnano panopũre.

<sup>7</sup> Masa peyequina Ñu cahapũ wihiye tiquiro tiquinare wame yegũ cahmeahye tiquina. Sa yero tiquiro tiquinare yahuahye:

—Añaã pari yero saha ña yũhdũna, cue duhti duana ijire musa. Musa ñaño yerire bũjũa witi duerana Cohãcjũ musa ñaño buhirire tiquiro buhiri dahreato pano duhti masiedare musa. <sup>8</sup> Sa yena potota musa ñañene bũjũa witina ijina, quehnoañene comesana ijina, quehnoañe pehere yeya musa. Ohõ saha ni tũhotueracãhña. “Panopũ cjũno Abrahã mari ñecũ mũnano ijie tiahye. Sa yena tiquiro panamena ijina mari Cohãcjũ yequina ijiaja”, ni tũhotueracãhña musa. Musare niita niaja. Abrahã panamena iji turiana ijimene musa. Musa sa ijiepegũta ti musa sa ijiye dũhseati ijierare. Cohãcjũ pehe ahri utã paca mehna Abrahã acayere dahre masine. Sa ye Abrahã acaye musa ijiye ihyo waro ijire utã paca ihyo waro ti ijiro saha. <sup>9</sup> Ohõ saha ijire: Masa yucũri yero saha ijire. Cohãcjũ pehe yucũrire quẽatiare comeare cõoriquiro yero saha ijire. Sa yero ñaño dũca tiye cjũre dũte cohã, ti nũhcori gũhũre dũte sure peho cãnota. Dũte sure tuhasa, pecapũ ẽjũanota tiquiro ti cjũre, nũhcori gũhũre. Sata yerota masa gũhũre tiquirore cahmeeñequinare, niahye Ñu masare.

<sup>10</sup> Tiquiro sa nigũ tũhoye masa pehe tiquirore sinituahye:

—¿Dũhse yenatari usã? niahye tiquina Ñure.

<sup>11</sup> —Pua suhtiro cõoriquiro suhti mariediquirore ihcãno ohoya. Sa yena musa ihyaye cõona apequina gũhũre ohoya, niahye Ñu.

<sup>12</sup> Meheñequinagã pũthoa ye ijiatire wapa ne cohteyequina wame yenohriquina iji duahye tiquina gũhu. Sa yeye Ñu cahapũ wihiye, tiquirore sinituahye:

—¿Buhegu, usã pehe dũhse yenatari usã? niahye tiquina tiquirore.

<sup>13</sup> —Musa pũthoa tiquina dutiro punota masare wapa neña. Ni meho wapa ne nemoedacãhña, ni yahuahye Ñu tiquinare.

<sup>14</sup> Apequina surara tiquirore sinituahye tja:

—¿Ūsã pehe dũhse yenatari? niahye tiquina tiquirore tja.

—Masa yere niñerure ehmedacãhña. Sa yena tiquina ye niñerure ni meho nedacãhña. Mũsare tiquina wapa yero punota bucueya, ni, yahuahye Ñu.

<sup>15</sup> Masa Cristore Cohãcjũ tiquiro ohoatiquirore cohteye niahye. Sa yeye ohõ saha ni tũhotu dũcahye tiquina Ñure. “Ahriquiroy Ñu pehe Cristo ijiboaga”, ni tũhotumahye tiquina. <sup>16</sup> Tiquina sa nigũ tũhoro Ñu ijipihtiyequinare yahuahye:

—Yũhũ bato yũhũ yũhdũoro tutuariquiroy ahtarota. Quehnoa yũhdũariquiroy ijire tiquiro. Tiquiro yero saha ijieraja yũhũ pehe. Sa yegũ tiquirore tũhotugũ, “Ihyo ijigũ ijiaja”, ni tũhotuaja yũhũ. Yũhũ pehe mũsare wame yegũ aco mehna wame yemi. Tiquiro pehe yũhũ yũhdũoro yerota. Espĩritu Santore masa mehna ijiducugũ yerota. Sa yero pecarũ ñañene tiquiro ƣjũa wero saha tiquiro ahtariquiroy pehe mũsa ñano yeyere cose werota. <sup>17</sup> Yũhũ bato ahtariquiroy trigo cahseri cohãriquiroy yero saha ijire. Ti cahserire cohãriquiroy tiquiro batiro mehna ijipihtiye trigo pjeri cahserire puti were. Sa ye tuhasa trigo pehere tiquiro ihbori wũhũrũ cũnota. Sata yerota tiquina ñañene bũjũa witiyequinare yũhũ bato ahtariquiroy. Tiquiro puti weri cahseri pehere ƣjũanota. Ti peca tiquiro ƣjũari peca ne yatisi. Sata yerota tiquiro yũhũ bato ahtariquiroy tiquina ñañene bũjũa witiyequinare, ni yahuahye Ñu.

<sup>18</sup> Peye tiquiro sa ni yahuye mehna masare quehnoañe buheyere yahuahye Ñu. <sup>19</sup> Sa yero pũhoro Herode pehe tiquiro bahũro Felipe namonore tiquiro namo tiri buhiri, pajiro ñañene tiquiro yeri buhiri gũhũre Ñu tiquirore yahumahye. <sup>20</sup> Tiquiro sa ni yahuri buhiri Herode pehe Ñure peresu yeahye, pari turi ñañene yero.

*Ñu Jesure wame yeahye*

*(Mt 3.13-17; Mr 1.9-11)*

<sup>21</sup> Ñure tiquina peresu yeato pano apequina masare Ñu pehe wame yero niahye. Tiquinare wame yero Jesu gũhũre wame yeahye. Sa yero Jesu diapũ ducuriquiroy Cohãcjũre tiquiro sinino watoa ƣhmũse parĩ maa wahahye. <sup>22</sup> Sa parĩ maari bato Espĩritu Santo bujua yero saha bajuriquiroy Jesu buirũ dijia tahye. Tiquiro ahtagũ ƣhmũserũ yahuducuro ca tahye:

—Mũhũ yũhũ macũ yũhũ cahĩgũ ijire. Mũhũ mehna tutuaro bucueaja, nino ca tahye ƣhmũserũ.

*Jesu acaye paaporũ cjẽna ijiahye*

*(Mt 1.1-17)*

<sup>23</sup> Jesu buhe dũcari cũhmare treinta cũhmari cũoahye tiquiro. “Tiquiro Josẽ macũno ijire”, ni, tũhotumahye masa. Josẽ pehe Elĩ macũno ijiahye. <sup>24</sup> Elĩ Matat macũno ijiahye. Matat Levĩ macũno ijiahye. Levĩ Melqui macũno ijiahye. Melqui Jana macũno ijiahye. Jana Josẽ macũno ijiahye. <sup>25</sup> Josẽ Matatĩa macũno ijiahye. Matatĩa Amõs macũno ijiahye. Amõs Nahũm macũno ijiahye. Nahũm Esli macũno ijiahye. Esli Nagai macũno ijiahye. <sup>26</sup> Nagai Maat macũno ijiahye. Maat Matatĩa macũno ijiahye. Matatĩa Semei macũno ijiahye. Semei Josec macũno ijiahye. Josec Judá macũno ijiahye. <sup>27</sup> Judá Joanán macũno ijiahye. Joanán Resa macũno ijiahye. Resa Zorobabel macũno ijiahye. Zorobabel Salatiel macũno ijiahye. Salatiel Neri macũno ijiahye. <sup>28</sup> Neri Melqui macũno ijiahye. Melqui Adi macũno ijiahye. Adi Cosam macũno ijiahye. Cosam Elmadam macũno ijiahye. Elmadam Er macũno ijiahye. <sup>29</sup> Er Josuẽ macũno ijiahye. Josuẽ Eliezer macũno ijiahye. Eliezer Jorim macũno ijiahye. Jorim Matat macũno ijiahye. <sup>30</sup> Matat Levĩ macũno ijiahye. Levĩ Simeo macũno ijiahye. Simeo Judá macũno ijiahye. Judá Josẽ macũno ijiahye. Josẽ Jonam macũno ijiahye. Jonam Eliaquim macũno ijiahye. <sup>31</sup> Eliaquim Melea macũno ijiahye. Melea Mena macũno ijiahye. Mena Matata macũno ijiahye. Matata Natán macũno ijiahye. <sup>32</sup> Natán Davi macũno ijiahye. Davi Isai macũno ijiahye. Isai Obed macũno ijiahye. Obed Booz macũno ijiahye. Booz Salmõn macũno ijiahye. Salmõn Naasõn macũno ijiahye. <sup>33</sup> Naasõn Aminadab macũno ijiahye. Aminadab Admin macũno

ijiahye. Admin Arni macuno ijiahye. Arni Esrom macuno ijiahye. Esrom Fare macuno ijiahye. Fare Judá macuno ijiahye. <sup>34</sup> Judá Jacob macuno ijiahye. Jacob Isaac macuno ijiahye. Isaac Abrahã macuno ijiahye. Abrahã Taré macuno ijiahye. Taré Nacor macuno ijiahye. <sup>35</sup> Nacor Serug macuno ijiahye. Serug Ragau macuno ijiahye. Ragau Peleg macuno ijiahye. Peleg Heber macuno ijiahye. Heber Sala macuno ijiahye. <sup>36</sup> Sala Cainán macuno ijiahye. Cainán Arfaxad macuno ijiahye. Arfaxad Sem macuno ijiahye. Sem Noé macuno ijiahye. Noé Lamec macuno ijiahye. <sup>37</sup> Lamec Matusalē macuno ijiahye. Matusalē Enoco macuno ijiahye. Enoco Jared macuno ijiahye. Jared Mahalaleel macuno ijiahye. Mahalaleel Cainán macuno ijiahye. <sup>38</sup> Cainán Eno macuno ijiahye. Eno Sete macuno ijiahye. Sete Adán macuno ijiahye. Adán Cohācjũ yeriquireo ijiahye.

## 4

*Watĩno ñañene ye dutimahye Jesure*  
(Mt 4.1-11; Mr 1.12-13)

<sup>1</sup> Jesu Espĩritu Santo dutiriro saha ye pehoriquiro ijiro, Jordã wame tiri ma cahapu ijiriquiro tojoaa wahahye. Tiquiro sa tojoaa wahagũ Espĩritu Santo pehe tiquirore masa marienopũ neahye. <sup>2</sup> Topũ esaro cuarenta decori ijiahye. Sa yero watĩno pehe Jesure ñañene yegũ cahmemahye. Sa yero ñañene ye dutimahye tiquirore. Ti decorire ne Jesu ihyerahye. Sa yero ti decori pihtigũ waro tiquiro ɱjua ahbahye.

<sup>3</sup> Tiquiro sa ɱjua ahbagũ ihñano watĩno ohõ saha nimahye Jesure:

—Mũhũ Cohācjũ macũ ijigũ, ahria ɱtãre ihyaye dojomehneña, nimahye Jesure.

<sup>4</sup> Jesu ohõ saha ni yũhtiahye:

—Yeraja. Cohācjũ yere tiquina ojoari pũpũ ohõ saha nine: “Masare ihyaye mehna dihita catieraro cahmene. Ijipihtiye Cohācjũ ye yahuye mehna ijiro cahmene”, nine Cohācjũ, ni yũhtiahye Jesu watĩnore.

<sup>5</sup> Tiquiro sa nidi bato watĩno pehe tiquirore cunũ ɱhmũanũ buipũ ne mũja saro, duita ijipihtiye macarine ihño dijioahye Jesure. <sup>6</sup> Sa ihñono Jesure yahuahye:

—Ijipihtiye ahri macari yũhũre tiquiro ohori ijire. Sa yegũ yũhũ cahmediquirore oho masiaja. Sa yegũ ahri macarine, ahri macari cjenare dutiati gũhũre, tiquina cũoye mehna mũhũre ohoutja. <sup>7</sup> Yũhũre mũhũ ño peogũ ahri macari ijipihtiye macarine mũhũre ohoutja, niahye watĩno Jesure.

<sup>8</sup> Jesu ohõ saha ni yũhtiahye tiquirore:

—Mũhũre ño peeraja. Ohõ saha nine Cohācjũ yere tiquina ojoari pũ: “Mũhũ pũhtoro Cohācjũ dihitare ño peoya. Tiquiro ye dutiye dihitare yeya”, ni ojoahye Cohācjũ yere, niahye Jesu watĩnore.

<sup>9-11</sup> Tiquiro sa nidi bato Jerusalẽpũ watĩno pehe tiquirore ne cã, Cohācjũ wũhũ buipũ ne sahye. Ne sa tuhasa tiquirore ohõ saha nimahye:

—Cohācjũ yere tiquina ojoari pũ ohõ saha nine: “Cohācjũ tiquiro yequina angelere mũhũre ihña ihbo dutirota. Sa yeye tiquina pehe mũhũre ihña ihboeta, ‘Mũhũpũ ɱtãpũ pũhari’, niñe”, ni ojoahye Cohācjũ yere tiquina ojoari pũpũ. Tiquiro sa nidi poto ijigũ mũhũ Cohācjũ macũ ijigũ, yehpapũ uhpu dijia ihñoña yũhũre. Mũhũre tiquina yedohogũ ihñoña yũhũre, nimahye watĩno Jesure.

<sup>12</sup> Jesu uhpu dijia ihño dueraro ohõ saha ni yũhtiahye tiquirore:

—Cohācjũ yere tiquina ojoari pũ ohõ saha nine: “Mũsa pũhtoro Cohācjũ tiquiro nidire ‘¿Poto ijiajari?’ ni masi duana, Cohācjũre ye ihño duti tuhueracãhña”, nine Cohācjũ yere tiquina ojoari pũpũ, niahye Jesu watĩnore.

<sup>13</sup> Sa yero watĩno ijipihtiye ñañene Jesure ye dutimahye. Sa duti tuhasaro mehenogã duhu cãriahye.

*Galilea yehpapũ Jesu buhe dũcahye*  
(Mt 4.12-17; Mr 1.14-15)



<sup>14</sup> Came Jesu GalileapɁ tojoaa wahahye. Sa yero tiquiro Espíritu Santo tutuaye mehna yeahye. TopɁ ijipihtiorɁ masa tiquirore quiti tiahye. <sup>15</sup> Judio masa buheye wəhəsepɁ Jesu gũhɁ buhee tiahye. Sa ye ijipihtiyequina masa tiquirore quehnoano yahuducuahye.

*Nazare* cǵəna Jesure ne cahmedahye

(Mt 13.53-58; Mr 6.1-6)

<sup>16-17</sup> Came NazarepɁ Jesu tiquiro masariropɁta esahye. TopɁ esa, saurú ijigũ tiquiro sa yeducuriro saha judio masa tiquina buheri wəhəpɁ sajã sahye. TopɁ tiquiro Cohăcǵũ yere tiquina ojoari pũre buhero taro topɁ ducuahye. Tiquiro sa ducugũ ihñãñe to cǵəna pehe Cohăcǵũ yere yahu mǁhtariquiro Isaia mǁnano tiquiro ojoari pũre tiquirore ohoahye. Ti pũpɁ Jesu ahri yahuyere bocaro buheahye:

<sup>18</sup> Cohăcǵũ yaquiro Espíritu yəhɁ mehna ijiro, yəhəre dutiri. Tiquiro pejesɁoyequinare quehnoañe buheyere yahu dutiro ohori yəhəre. Sa yero peresupɁ ijyeyequina gũhəre tiquinare tiquiro yəhdəotire yahu dutiro ohori yəhəre. Caperi bajeyequina tiquina quehnoano ihñatire ohori yəhəre. Sa yero masa ñano tiquina yenohriquinare wioacǵure yəhəre ohori. <sup>19</sup> Mari pəhtoro Cohăcǵũ tiquiro yequinare pecapɁ wahaboriquinare tiquiro yəhdəotire yəhəre yahu dutiro ohori, ni buheahye Jesu.

<sup>20</sup> Sa ni buhe tuhasa Jesu ti pũre quehnoari tunu torē, wəhɁ cǵənore wia tuhasa, nuju sahye. Tiquiro nuju sagũ ihñãñe topɁ ijyeyequina ijipihtiyequina tiquiro dihitare ihñahye.

<sup>21</sup> Tiquina sa yegũ tiquiro tiquinare yahu dɁcahye:

—Ahri mianogãta yəhɁ buhero saha Cohăcǵũ tiquiro nidiro sahata waharo nine, niahye Jesu.

<sup>22</sup> Tiquiro sa nigũ təhoye “Ahriquiro quehnoariquiro ijire”, ni təhotuahye tiquina. Sa yeye tiquina tiquiro quehnoano yahuducugũ təhoye, təho maria wahahye. Sa yeye ohõ saha niahye tiquina basi:

—¿Yohnah, José macɁno ijierajari ahriquiro? niahye tiquina basi.

<sup>23</sup> Tiquina sa nigũ masino Jesu yahuahye tiquinare:

—YəhɁ buheyere təho duerana, ohõ saha ni təhoture mɁsa yəhəre: “Duturu dohatiro tiquiro basi aco ti masine duturu waro tiquiro ijyere ihñono. MəhɁ gũhɁ duturu tiquiro ye ihñono saha məhɁ nidiro saha ijigũ Cohăcǵũ tutuaye mehna ye ihñoña Ɂsəre. CapernaupɁre Cohăcǵũ tutuaye mehna ye ihñoñohiti məhɁ. Ɂsã gũhəre sa ye ihñoña, məhɁ buheyere ‘Poto tjire’, Ɂsã niato saha”, ni duare mɁsa yəhəre. <sup>24</sup> Ahrire yahutja mɁsare. Cohăcǵũ yere yahu mǁhtariquirore tiquiro ya maca cǵəna ño peerare. Sa yena yəhəre ño peerare mɁsa ohõpɁ yəhɁ masarigũ ijigũ. <sup>25</sup> Sata ijiahye panopɁre. PanopɁ Elia tiquiro ijiri pjere ihtia cəhɁma ape cəhɁma deco waro ne acoro ahtaerahye. Sa yero ijipihtiorɁta ne ihyaye mariedahye. <sup>26</sup> Ti pjere peyeyequina wape wiha numia Israe yehrapɁ tiquina ijiepegũta Cohăcǵũ Elia mǁnanore tiquinare yedoho dutiro ohoerahye. Tiquiro ya macare sa ye dutieraperota ape yehrapɁ Sidõ cahapɁ ijiri macapɁ Sarepta wame tiri maca cǵõno wape wihorore yedoho dutiro Elia mǁnanore ohoahye Cohăcǵũ.

<sup>27</sup> Came Cohăcǵũ yere yahu mǁhtariquiro Eliseo mǁnano tiquiro ijiri pjere Israe yehrapɁ peyeyequina camí bɁcɁ mǁna wiha tiquina ijiepegũta ihcãquiro Israe masɁnore ne quehnoa wahagũ yerahye Eliseo mǁnano. Tiquiro ya yehpa cǵənare yeraperota Naamán wame tiriquiro Siria yehpa cǵəno dihitare quehnoa wahagũ yeahye tiquiro. Sa yero Israe masare yedohoeraro, Israe masa ijyeyequina pehere yedohoahye Cohăcǵũ, niahye Jesu tiquinare.

<sup>28</sup> Tiquiro sa nigũ təhoye ijipihtiyequina ti wəhəpɁ ijyeyequina usua yəhdəa wahahye.

<sup>29</sup> Sa yeye tiquina wahcãdɁca, Jesure ne wijia, ti maca dəhtɁ cahapɁ ijiri cənpɁrɁ tiquirore tudoque dijio duamahye. <sup>30</sup> Tiquina sa ye duepegũta Jesu tiquina watoata wahaa wahahye.

*Watĩnore* cɁoriquiro Jesure piti cahye

(Mr 1.21-28)

<sup>31</sup> Came Jesu Galilea yehparu ijiri macapu Capernau wame tiri macapu esa, sauru ijigū masare buheahye. <sup>32</sup> Quehnoano masi pehoriquire tiquiro buhegū tūhoye masa tūho maria wahahye. <sup>33</sup> Ti wūhuru watīnore cūoriquire ijiahye. Tutuaro sañuducuahye:

<sup>34</sup> —Mūhū Jesu Nazare cū ūsāre cariboeracāhña mūhū. ¿Dūhse yegū tagū nijari ūsāre? ¿Mūhū ūsāre butigū yegū tagū nijari? Cohācjū macū, quehnoagu mūhū ijigū yūhū masiaja, ni sañuducuahye Jesure.

<sup>35</sup> Tiquiro sa nigū tūhoro Jesu tuhtiahye watīnore:

—Dihta mariahña. Duhuya tiquirore, niahye Jesu.

Tiquiro sa nidi bato masūnore watīno pehe yehparū doque quehe sa tunugū yeahye. Tiquiro sa yeri bato tiquiro pehe quehnoa wahahye. <sup>36</sup> Topū ijīyequina ijīpihtīyequina tiquiro sa wahagū ihñāñe, ihñā maria wahahye. Sa ye tiquina basi ohō saha ni yahuducuahye:

—¿Yabe boro buheye ijīajari ahri sa wahagū yeye? Yohnah. Tutuaro mehna pūhtoro yero saha ahriquire watīare dutire. Sa yeye tiquiro dutiro sahata tiquina masare duhure, ni yahuducuahye tiquina basi.

<sup>37</sup> Tiquiro sa yegū ihñāñe ti yehparū ijīpihtīropū masa Jesure quiti dahreahye.

*Jesu Simo Pedro mareonore dutire yūhdūoahye*

*(Mt 8.14-15; Mr 1.29-31)*

<sup>38</sup> Judio masa tiquina buheri wūhure wijia, Simo ya wūhuru sajā sahye Jesu. Topū Simo mareono dohatiro niahye. Tutuaro ujuaye tiahye. Sa ye tiquina ticoro dohatigū yahuahye Jesure. <sup>39</sup> Tiquina yahuri bato tiquiro ticoro cahapu esa, ujuayere suru dutiahye. Tiquiro sa suru dutiri bato ticorore ujuaye surua waha, duita quehnoa wahahye. Ticoro sa waharo wahcā nuju sa, ticorota tiquinare ihyayere peoahye.

*Peyequina dohatīyequinare yūhdūoahye Jesu*

*(Mt 8.16-17; Mr 1.32-34)*

<sup>40</sup> Asū sajāri bato ijīpihtīyequina masa tiquiro cahapu ijīyequina dohatīyequinare Jesu cahapu ne sahye. Dohatīyequina peyequina sijoro saha ijīye dohatīyere cūoahye. Sa yero Jesu tiquiro omocari mehna tiquina bui ña peo, ijīpihtīyequinare tiquina dohatīyere quehnoano yūhdūoahye. <sup>41</sup> Watīa gūhure Jesu duhu dutigū tiquina duhuye sañuducuahye:

—Mūhū potota Cohācjū macū ijire, niahye tiquina Jesure.

Jesu Cohācjū ohoriquire tiquiro Cristo ijigū watīa masiahye. Sa yero Jesu tiquinare yahuducu dutierahye, “Cristo ijire”, ni yahu siteari”, nino.

*Galilea yehparū buheahye Jesu*

*(Mr 1.35-39)*

<sup>42</sup> Bohrea mūja tagū Jesu ti macapu ijīriquire waha, masa marienopū esahye. Tiquiro sa esari bato masa tiquirore maca cā, boca saye, ohō saha niahye:

—Ūsā ya macapu tojoaya ūsā mehna. Ape sie wahaegūta, nimahye tiquina Jesure.

<sup>43</sup> Tiquina sa niepegūta tiquiro pehe ohō saha ni yūhtiahye:

—Cohācjū tiquiro pūhtoro ijīyere quehnoañe buheyere apeye macaripū gūhure buhe duaja yūhū. Cohācjū yūhure ohori tire yahuaçjūre, niahye Jesu tiquinare.

<sup>44</sup> Sa yero Judea yehparū ijīye wūhūsepū, judio masa tiquina buheye wūhūsepū tiquiro buhe tiniahye.

## 5

*Jesu tiquiro buheyequinare peyequina wahi wejēgū yeahye*

*(Mt 4.18-22; Mr 1.16-20)*

<sup>1</sup> Ape deco Jesu Genesare wame tiri ditara dūhtū cahapu esahye. Topū tiquiro ijigū ihñāñe peyequina masa Cohācjū yere tūho duaye tiquirore nūnū tā sahye. Quehnoano wahpa dūca saa wahahye masa pari. <sup>2</sup> Pūa yucūsa padūropū pahsaye yucūsarire Jesu ihñahye. Ti yucūsari cūjēna yohyeyequina maja sadūca, tiquina wēñecjūre coseye niahye.

<sup>3</sup> Sa yero Jesu Simo yariapɤ sajāhye. Sajā tuhasa tia yucɤsare dia dɤhtɤ cahapɤ cuñariare weje buho dutiahye. Sa yero yucɤsapɤ duji, masare buheahye. <sup>4</sup> Buhe tuhasa, Jesu Simore ohō saha niahye:

—Deco cǵunogā tu wioya. Sa yena mɤhɤ mehna cǵēna mehna mɤsa wēñecǵure doque ñoña wahi ñeheanaja, niahye Jesu.

<sup>5</sup> Tiquiro sa nigū tɤhoro Simo Jesure yɤhtiahye:

—Pɤhto, wahi wejē bohreami ɤsā mia ñamine. Bohreepenata ne ihcāquirogā wejē-dahti ɤsā. Sa wejēdapenata mɤhɤ dutiro saha doque ño tuhunata, ni yɤhtiahye Simo.

<sup>6</sup> Sa ni tuhasa tiquina doque ñoahye. Sa tiquina doque ñogū tiquina wēñecǵure peyequina wahi sajāhye. Peyequina tiquina sajāgū wēñecǵu tɤhnɤa wahamahye. <sup>7</sup> Sa wahagū ihñañe aperia cǵēnare tiquina mehna cǵēnare pijioahye.

—Mɤsa gūhɤ yedohona ahtaya ɤsāre, ni pijioahye Simo gūhɤ.

Tiquina sa yedohori bato pɤaria yucɤsa quehnoano miniparo bocahye wahire. <sup>8</sup> Simo Pedro sa wahi peyequina tiquina sajāgū ihñano, Jesu cahapɤ dɤsepe curi mehna quehe sa, tiquirore niahye:

—Yɤhɤ pɤhto, mɤhɤ mehna ijibogɤ ijieraja yɤhɤ. Ñagɤ ijiaja yɤhɤ. Sa yegɤ yɤhɤre duhuya, niahye Simo Jesure.

<sup>9</sup> Tiquiro, ijipihtiyequina tiquiro mehna cǵēna gūhɤ peyequina wahi sajāgū ihñañe, ihña maria wahahye tiquina gūhɤ. <sup>10</sup> Pɤaro Simo mehna cǵēna Zebedeo pohne Santiago, tiquiro bahɤro Ñu mehna, tiquina gūhɤ ihña maria wahahye. Tiquina sa ihña mariagū ihñano Jesu Pedrore yahuahye:

—Ihña mariedacāhña. Yojoɤɤre mɤhɤ wahire ñehe cahmecoagɤ mɤhɤ ijiro saha Cohācǵū yequina ijiatiquinare piji cahmecoagɤ ijiguta mɤhɤ, niahye Jesu Simore.

<sup>11</sup> Tiquiro sa nidi bato tiquina yucɤsarire ditara dɤhtɤ cahapɤ weje mo cū cā, tiquina ye ijipihtiyere topɤta cū cā, Jesu mehna wahaa wahahye.

*Jesu cami bɤcɤ mɤna wihirore cami yatigū yeahye*

*(Mt 8.1-4; Mr 1.40-45)*

<sup>12</sup> Jesu ape macapɤ tiquiro ijigū cami bɤcɤ mɤna wihiro tiquirore piti cahye. Sa piti caro tiquiro Jesure ihña, dɤsepe curi mehna quehe sa, tutuaro siniahye:

—Pɤhto, mɤhɤ yɤhɤre yɤhdɤo duagɤ yɤhdɤoya, ni siniahye.

<sup>13</sup> Tiquiro sa nidi bato Jesu tiquirore ña peoro ohō saha niahye:

—Tire ye duaja. Yojoɤɤ quehnoagɤ ijiya mɤhɤ, niahye.

Tiquiro sa nigūta tiquiro cami ahbari yatia wahahye. <sup>14</sup> Sa yero Jesu tiquirore dutiahye:

—Ahri yɤhɤ ohō saha yerire apequinare yahueracāhña. Pahi cahapɤ wahaya yojoɤɤre. Sa yegɤ mɤhɤ pagɤre quehnoari pagɤ waharire ihñoña tiquirore. Cohācǵū dutiye Moiserre tiquiro cūri nidiro saha yeya. Sa yegɤ pahire pɤaro minicǵare ohoya mɤhɤ cami yɤhdɤurire ijipihtiyequinare ihñogɤ tɤhɤ, niahye cami bɤcɤ mɤna cɤomediquirore.

<sup>15</sup> “Yahueracāhña”, tiquiro sa niepegūta ijipihtiroɤ masa Jesure quiti dahre nemoahye. Tiquina sa quiti dahregū tɤhoye masa peyequina tiquiro cahapɤ esahye. Dohatiyequina yɤhdɤu duaye, tiquina gūhɤ tiquiro cahapɤ esahye. <sup>16</sup> Tiquina sa esaepēgūta Jesu masa marienopɤ Cohācǵūre sinino wahaa wahahye.

*Jesu tini masieniquirore yɤhdɤoahye*

*(Mt 9.1-8; Mr 2.1-12)*

<sup>17</sup> Ape deco Jesu buhegū fariseo masa, judio masare buheyequina gūhɤ topɤ dujiahye. Tiquina peye macari Galileapɤ ijiye macari cǵēna, Judeapɤ ijiye macari cǵēna, Jerusalē cǵēna ijiahye. Sa yero Jesu Cohācǵū tutuaye mehna dohatiyequinare yɤhdɤoahye.

<sup>18</sup> Meheñequinagā ɤmɤa tini masieniquirore tiquiro cuñari cahsero mehna yo wɤa wihiahye. Sa yeye tiquirore Jesu cahapɤ cū duaye, wɤhɤpɤ yo sajā duamahye tiquina tiquirore. <sup>19</sup> Sa sajā duepeta masa peyequina ijigū tiquina tiquirore yo sajā masiedahye. Sa yeye tiquirore wɤhɤ buipɤ yo mɤjahye. Yo mɤja sa, mehenogā pōo we, ti copepɤ tini masieniquirore tiquiro cuñari cahsero mehna duhu dijioahye Jesu cahapɤ ijiyequina

watoa. <sup>20</sup> “Jesu ahriquiore tiquiro dohatiyere yuhdugũ yerota”, ni tũhotuahye tiquina. Tiquina sa ni tũhotugũ masino Cohãcjũre tiquina wacũ tutuayere masino, Jesu tini masieniquirote ohõ saha ni yahuahye:

—Yũhũ acayũ, mũhũ ñañe yeyere yũhũ cohã tuhasaũ, niahye Jesu tiquirote.

<sup>21</sup> Tiquiro sa nigũ tũhoye fariseo masa, judio masare buheyequina gũhũ tiquina basi ohõ saha ni tũhotumahye: “Ahriquirote sa ni yahuducueracãhdo. Masũno mari yero saha ijiro, tiquiro ñañe yeyere cohã masiedare. Cohãcjũ dihita masa tiquina ñañe yeyere cohã masine”, ni, tũhotumahye tiquina.

<sup>22</sup> Jesu tiquina tũhotuyere masino, ohõ saha niahye:

—¿Dũhse yena sa ni tũhotuajari mũsa? <sup>23</sup> “Mũhũ ñañe yeyere yũhũ cohã tuhasaja”, yũhũ nigũ, “Ni mehogu ijire”, yũhũre nine mũsa quehnoano masiedapenata. “Wahcãdũca wahaya”, yũhũ nigũ tiquiro tinigũ ihñana yũhũ nidi poto ijigũ duita masinata. <sup>24</sup> Yũhũ masũ Cohãcjũ ohorigũ ahri yehrapũ ñañe yeyere cohã masiaja yũhũ. Masa tiquina ñañe yeyere cohãcjũre cũri Cohãcjũ yũhũre. Yũhũ sa cohãrire mũsa masiato saha ohõ saha ye ihñoutja mũsa ihñatire, niahye Jesu.

Sa ni tuhasa tini masieniquirote ohõ saha niahye:

—Mũhũre niita niaja. Wahcãdũcaya. Mũhũ cuñari cahserore ne cãhña mũhũ ya wũhũpũ, niahye tiquirote.

<sup>25</sup> Tiquiro sa nigũ tũhorota ijipihtiyequina tiquina ihñonopũ wahcãdũca, tiquiro cuñari cahserore ne, tiquiro ya wũhũpũ tojoa wahahye. Sa waharo tiquiro Cohãcjũre ño peoro, bucueye mehna quehnoano yahuducuahye. <sup>26</sup> Tiquiro sa yegũ ihñañe masa pehe ijipihtiyequina ihña maria wahahye. Tiquina ihña maria waha, Cohãcjũre ño peoye, bucueye mehna quehnoano yahuducuahye:

—Miare sijoro saha ijiyere ihñaũ mari, niahye tiquina.

#### *Jesu Levíre pijiahye*

*(Mt 9.9-13; Mr 2.13-17)*

<sup>27</sup> Sa ye tuhasa waha, Leví wame tiriquirote tiquiro dahrari tucũpũ ijiriquirote boca sahye Jesu. Leví pehe pũhto ye ijiatire masare wapa ne cohteriquiro ijiahye. Sa boca saro tiquirote ohõ saha niahye:

—Yũhũ mehna cjũ ijiajũ ahtaya, niahye tiquiro Levíre.

<sup>28</sup> Tiquiro sa nigũ Leví pehe ijipihtiyequiro dahrayere duhu cã, Jesu mehna wahaa wahahye.

<sup>29</sup> Came Leví ya wũhũpũ Jesu ya bose deco yeye niahye. Topũ peyequina wapa ne cohteyequina, ayequina Leví gũhũ mehna dujiahye. <sup>30</sup> Tiquina mehna Jesu gũhũ dujigũ ihñañe meheñequinagã fariseo masa, judio masare buheyequina mehna usua, Jesu buheyequinare sinituahye.

—¿Dũhsena ñano yeyequina, wapa ne cohteyequina mehna ihyajari mũsa? ni tuhtiahye tiquina.

<sup>31</sup> Tiquina sa nigũ tũhoro Jesu yũhtiahye tiquinare. Ohõ saha ni queoye mehna buheahye:

—Dohatyequina duturure macaedare. Dohatyequina dihita duturure macare. Ñañequina dohatyequina yero saha ijire. <sup>32</sup> Sa yegũ ñañequina dihitaro tiquina ñañene bũjũa witi dutigũ, quehnoañe pehere comesagũ yegũ tũũ nii yũhũ. Tiquina basi “Quehnoana ijiaja usã”, ni tũhotuyequinare yedohogũ ahtaerũ yũhũ, niahye Jesu.

#### *Sijiyere Jesure sinituahye ayequina*

*(Mt 9.14-17; Mr 2.18-22)*

<sup>33</sup> Sa yeye meheñequinagã masa Jesure ohõ saha ni sinituahye:

—Ñũ buheyequina peye tahari Cohãcjũre ño peoye tehe, sijire. Sa yeye, tiquina peye tahari Cohãcjũre sinine. Fariseo buheyequina gũhũ tiquina yero saha yere. Tiquina sa yepegũta mũhũ buheyequina pehe ihya, sihnine. Sa ye Cohãcjũre ño peoye tehe, sijierare. ¿Dũhse yeye sa yerajari tiquina? niahye tiquina Jesure.

<sup>34</sup> Tiquina sa nigũ Jesu tiquiro tũhotuye mehna quiti dahre buhero taro tiquinare ohõ saha ni yũhtiahye:

—Ohõ saha ijire ti: Omoca dũhteropũ tiquina pijioriquina omoca dũhteriquiro mehna ijiye, siji masiedare. Sata yũhũ buheyequina gũhũ yũhũ mehna ijiye, siji masiedare. Yũhũ omoca dũhteriquiro yero saha ijiaja. Omoca dũhteriquiro bose deco tiquiro yegũ tiquiro mehna cjẽna ihyeyequina ijierare. <sup>35</sup> Yũhũ Pacũ Cohãcjũ yũhũre tiquiro nedi bato pũritare yũhũ buheyequina mehna ijisi yũhũ. Sa yeye ti pjerũta yũhũ buheyequina gũhũ sijieta, niahye Jesu.

<sup>36</sup> Panopũ cjẽ buheye wahma buheye mehna tiquina buhe more duagũ ihũano ohõ saha ni nemoahye Jesu tiquinare queoye mehna buhero.

—Ne wahma suhtirore meheni cahserogã tũhrẽ ne, mũna suhtirore sere ohõno cahmedare. Mari sa sere ohõna wahma cahserore tũhrẽ cohãna niaja. Sa yero wahma cahsero mũna suhtiro mehna ihcãno saha bajuerare. <sup>37</sup> Sa yena ne ùhse co bisiye core wahiquire cahsero ajuropũre mũna ajuropũre pose yero cahmedare. Sa yegũ ùhse co bisiye pahmuũerũ mũna ajurore tũhrẽ cãhre. Sa tũhnũgũ ùhse co gũhũ, ajuro gũhũ cohãa wahare. <sup>38</sup> Sa yena ùhse co wahma core wahma ajuropũ pose yero cahmene. (Sata wahma buheye mũna buheye mehna buhe moredaro cahmene.) <sup>39</sup> Mũna core masa tiquina sihnidi bato, wahma core cahmedare tiquina. Ohõ saha nine masa. “Mũna co wahma co bui cjũnogã quehnoañe ijire”, nine masa, niahye Jesu tiquinare.

## 6

### *Judio masa tiquina sori decore trigore peheahye Jesu buheyequina*

*(Mt 12.1-8; Mr 2.23-28)*

<sup>1</sup> Ape deco saurũ ijigũ Jesu gũhũ trigo wesepũ esahye. Topũ esa, tiquiro buheyequina pehe trigo parorire pehe, ti pjerire sahquẽ site dijio, ti pjerire ihya cã wahaa wahahye tiquina. <sup>2</sup> Tiquina sa yegũ ihũañe meheũequinagã fariseo masa tiquinare sinituahye:

—¿Dũhse yena mũsa saurũ mari sori deco ijiepegũta Cohãcjũ tiquiro dutierari decore dahrajari mũsa? niahye fariseo masa.

Tiquina sa nigũ tũhoro Jesu tiquinare yũhtiahye “Yũhũ buheyequina yũhdũdũcaye niedare”, nino taro:

<sup>3-4</sup> —Davi mũnano tiquiro mehna cjẽna mehna ùjũa ahbaro, Cohãcjũ wũhũrũ sajã, Cohãcjũ ye pãre ihyahye. Sa ihyaro tiquiro mehna cjẽna gũhũre ti pãre ihya dutiro ohoahye. Ti pãre pahia dihita ihyae tiahye. Cohãcjũ dutiye ti pãre apequinare ihya dutierare. ¿Davi mũnano tire tiquiro yerire buherari mũsa? (Ti pãre ihyaro Cohãcjũre yũhdũdũcaro niedahye. Miare ahri pjerire ihyaye yũhũ buheyequina gũhũ Cohãcjũre yũhdũdũcaye niedare.) <sup>5</sup> Yũhũ masũ Cohãcjũ ohorigũ ahri deco saurũ decore masa tiquina yeatire yahugũ ijigũ pũhto ijiaja, niahye Jesu.

### *Omoca bũhariquire quiti*

*(Mt 12.9-14; Mr 3.1-6)*

<sup>6</sup> Ape deco saurũ ijigũ Jesu judio masa tiquina buheri wũhũrũ sajã saro, buheahye masare. Topũ omoca poto pehe bũhariquire ijiahye. <sup>7</sup> Meheũequinagã judio masare buheyequina, fariseo masa gũhũ Jesure yahusã duamahye. “Saurũ decore masũnore dohatiyere yũhdũoboaga Jesu”, ni, ihũna mũnũ yahusã duamahye tiquina Jesure. <sup>8</sup> Jesu tiquina tũhotuyere masino, omoca bũhariquire ohõ saha niahye:

—Wahcãdũcaya. Ohõpũ ahtaya, niahye tiquiro.

Tiquiro sa nidi bato omoca bũhariquire pehe wahcãdũca, topũ ducuahye. <sup>9</sup> Sa yero Jesu tiquinare sinituahye.

—Mũsare sinitũtja: ¿Saurũ ijigũ yabere ye dutiajari Cohãcjũ dutiye? ¿Quehnoañene yegũ quehnoaedajari? ¿Ñañene yegũ pehere quehnoaboagari, mũsa tũhotugũ? Saurũ ijigũ masũnore masogũ quehnoarĩne. Saurũ ijigũ masũnore wejẽgũ pehere quehnoaedare. Ñarĩne, niahye Jesu tiquinare.



<sup>10</sup> Sa nino Jesu tiquinare ijipihtiyequinare ihñadoqueo, omoca buhariquiore ohō saha niahye tja:

—Muhñ omocare siō potoya, niahye tiqiro.

Tiqiro sa nigūta omoca buhariquiore pehe siō potogūta, omoca quehnoa wahahye.

<sup>11</sup> Tiqiro sa yegū ihñañe tiquina tiqiro mehna tutuaro usuahye.

—¿Duhse yenatari mari ahriquiore? niahye tiquina basi.

*Jesu tiqiro buheyequinare docere tiqiro ohoatiquinare bese docoahye*

(Mt 10.1-4; Mr 3.13-19)

<sup>12</sup> Ti decorire Jesu cñpñ Cohācjūre sinino mñjaa wahahye. Topñ ijiro, ñamine Cohācjū mehna yahuducu bohreahye. <sup>13</sup> Bohrearopñ tiqiro buheyequinare tiqiro cahapñ pijioahye. Pijio tuhasa, tiquina mehna cjēnare doce waro tiqiro ohoatiquinare bese docoahye. Sa ye tiqiro cūriquina wame tiahye. <sup>14-15</sup> Ahriquina ijiahye Jesu tiqiro bese docoriquina: Simo ijiahye. Simore Pedro ni pisuahye Jesu pehe. Simo bahuro Andre, Santiago, Ñu, Felipe, Bartolomé, Mateo, Tomasu, Santiago ijiahye. Santiago pehe Alfeo macño ijiahye. Sa ye Simo celote ya curua cjēno ijimediquiro, <sup>16</sup> Juda Santiago bahuro, Juda Iscariote tiquina ijiahye tiqiro bese docoriquina. Juda Iscariote pehe Jesure ihña tuhtiyequinare ihñoatiquiro ijiahye.

*Jesu peyequina masare buheahye*

(Mt 4.23-25)

<sup>17</sup> Sa ye Jesu tiqiro buheyequina mehna cñpñ buipñ ijiriquina dijia taye, peyequina apequina tiqiro buheyequina mehna dijia wihiduca, quehnoari paapñ ducuahye tiquina. Ijipihtiropñ Judea yehrapñ ijiye macari cjēna, Jerusalē cjēna, Tiro wame tiri maca cjēna, Sidō wame tiri maca cjēna pajiri ma dūhtu cahapñ ijiye macari cjēna masa peyequina tiqiro cahapñ wihiahye. <sup>18</sup> Tiquina Jesu buheyere tuhoye tehe, tiquina dohatiyere cohāgū cahmeahye. Watña cñoyequina gūhñ tiqiro cahapñ wihi, quehnoa wahahye. <sup>19</sup> Jesu tiqiro tutuaye mehna yūhdugū yeahye tiquinare. Sa ye tiquina ijipihtiyequina tiquiore dahra tuhuye ahtahye.

*Jesu bucueye, bujña witiye gūhñre buheahye*

(Mt 5.1-12)

<sup>20</sup> Came Jesu tiqiro buheyequinare ihña, yahuahye:

—Musa pejecuona, (musa ñañene bujña witina), Cohācjū tiqiro pñtoro ijiropñ wahanata musa. Sa yena musa bucuenata.

<sup>21</sup> 'Yojoṛpñre musa uñña ahbana, yapina ijinata. Sa yena bucuenata.

'Yojoṛpñ utina ijina, came musa bujñnata. Sa yena musa bucuenata.

<sup>22</sup> 'Yuhñ masu Cohācjū ohorigū ijiaja. Sa yena yeere yena musa ijiri buhiri apequina musare tiquina ihña tuhtiepegūta bucuena ijire musa. Musare tiquina cohāepēgūta bucuenata. Musare tiquina ñano yahuducuepegūta "Ñana ijire", musare tiquina niepegūta musa pehe bucuenata. <sup>23</sup> Musare tiquina sa yegū ihñano uñmūsepñ musa esagū pajiro quehnoano yerota Cohācjū musare. Sa yena tutuaro bucuena ijiya. Quehnoano jeripohna tina ijiya. Musare ihña tuhtiequina tiquina acaye panopñ cjēna sata ñano yeahye Cohācjū yere yahu mñhtariquina gūhñre.

<sup>24</sup> 'Sa yena musa yojoṛpñ peye cñona ahri yehrapñ musa quehnoano iji cā tuhasari. Sa yena ñano yūhdūna ijinata musa.

<sup>25</sup> 'Yojoṛpñ yapina musa uñña ahbanata. Musa sa ijirina ñano yūhdūnata.

'Yojoṛpñre musa bujñrina ijina camerpñre utinata. Sa yena ñano yūhdūnata.

<sup>26</sup> ' "Cohācjū yere yahu mñhtana ijiaja", ni mehoñequinare "Quehnoañequina ijire", nimahye peyequina panopñ cjēna. Sa nimediquina tiquina acaye yojoṛpñ cjēna gūhñ sata "Quehnoañequina ijire", niboaga ihquēquina musa mehna cjēnare. Tiquina sa ninohrina musa ijina ñano yūhdūnata musa gūhñ, ni buheahye Jesu.

Musare ihña tuhtiyequina tiquina ijiepegũta tiquina gũhũre cahĩña  
(Mt 5.38-48; 7.12)

<sup>27</sup> Sa yero ohõ saha ni buhe nemoahye Jesu:

—Yũhũre tuho duanare, musareta nigũ niaja. Musare ihña tuhtiyequina tiquina ijiepegũta tiquina gũhũre cahĩña. Musare ihña tuhtiyequinare quehnoano yeya. <sup>28</sup> Musare “Ñano yũhdũahro”, niñequina tiquina ijiepegũta quehnoa dutiya tiquinare. Musare ñano yeyequina tiquina ijiepegũta “Tiquina gũhũ quehnoano ijiahro”, ni sini basaya Cohãcjũre. <sup>29</sup> Ihcãquiuro musa wahsupure tiquiro quẽgũ, ape sie gũhũre quẽ dutiya tiquirore. Musa bui cjã suhtirore tiquiro ehmagũ musa camisa gũhũre sa oho cãhña tiquirore. <sup>30</sup> Musare sinidiquirore tiquiro sinino punota ohoya tiquirore. Musa yere tiquiro negũ tiquirore sinitueracãhña pari turi tire. <sup>31</sup> Apequina musare tiquina quehnoano yegũ cahmene musa. Tiquinare musa quehnoano yegũ cahmeno saha quehnoano yeya tiquina gũhũre. Tiquina quehnoano yerapegũta musa pehe tiquinare quehnoano yeya.

<sup>32</sup> Musare cahĩñequina dihitare musa cahĩgũ ti ne dũhseati ijierare apequina pehere musa cahiedagũ. Ñañequina gũhũ sata yere. <sup>33</sup> Sa yena musare quehnoano yeyequina dihitare musa quehnoano yegũ ti gũhũ ne dũhseati ijierare apequina pehere musa quehnoano yeragũ. Tire ñañequina gũhũ yere. <sup>34</sup> Sa yero “Yũhũre wiaya tire”, musa niñequina dihitare musa wasogũ ne ti dũhseati ijierare. Ñañequina gũhũ apequinare “Yũhũre wiaya tire”, tiquina niñequinare wasore. <sup>35</sup> Sa yena musa pehe musare ihña tuhtiyequina gũhũre cahĩña. Sa yena tiquinare quehnoano yeya. Apequiore wasona “Yũhũre ne wiasi ahriquiuro”, ni tuhotuenata tiquirore wasoya. Cohãcjũ pehe tiquirore “Quehnoare”, nieñequina gũhũre, ñañequina gũhũre quehnoano yere. Tiquiro yero saha yeya musa gũhũ. Musa sa yegũ Cohãcjũ tutuaro quehnoano yerota musare. Sa yena Cohãcjũ tutua yũhdũariquiuro uhmũse cjũno pohna ijinata. <sup>36</sup> Mari Рачу uhmũse cjũno tiquiro paja ihñariro sahata musa gũhũ masare paja ihñaña, ni yahuahye Jesu.

Apequina gũhũre “Ñañequina ijire”, niedacãhña  
(Mt 7.1-5)

<sup>37</sup> Sa yero tiquinare yahu nemoahye:

—Apequinare “Ñañequina ijire”, niedacãhña musa. Musa sa niedagũ Cohãcjũ musa gũhũre “Ñana ijire”, nisi. Apequina musare tiquina ñano yerire tiquina ñano nidi gũhũre boya musa. Musa sa bogũ ihñano Cohãcjũ musa gũhũre musa ñañe yerire borota. <sup>38</sup> Apee borore cũona apequinare ohoya. Musa sa ohogũ Cohãcjũ gũhũ musare ohorota. Sa ohoro quehnoano queoro musare pajiro ohorota. Quehnoano wahpa yũhdũro ohorota. Apequinare musa ohoriro punota Cohãcjũ gũhũ musa gũhũre ohorota, niahye Jesu tiquinare.

<sup>39</sup> Sa ni tuhasa Jesu qiti mehna buhero ohõ saha ni yahu nemoahye:

—Caperi bajueyequina sehsaro tiquina basi quehnoano tuã cã masiedare. Sa tuã cãñe, tiquina pũaropũ bora maa sajãa wahaeta copepũ. (Sata Cohãcjũ yere masieñequina apequinare buhe masiedare. Sa ye tiquina ijipihtiyequina pecarpũ wahaeta.) <sup>40</sup> Buheyequina tiquinare buheriquirore masi yũhdũdũcaerare. Sa ijiepetã ijipihtiyequina buheyequina tiquina quehnoano buhe pehori bato tiquinare buheriquiro yero saha ijietã, niahye Jesu.

<sup>41</sup> Sa ni tuhasa apeye qiti mehna yahu nemoahye:

—Mari queoye mehna buhegũ ohõ saha yena ijire musa: Musã acayũro tiquiro capearpũ meheni pohcarogã tiquirore bora sajãgũ ti pohcarogãre quehnoano ihñare musa. Musã ya capearpũ pajiri pjĩ ijiepegũta ti pjĩne ne ihñedare musa. Meheni pohcarogãre musã ihñano saha musã acayũro tiquiro ñano yeye pehere quehnoano ihñare musa. Musã basi musã ñañene tutuaro yepenata tire masiedare musã pajiri pjĩne musã ihñedaro sahata. ¿Dũhse yena sa yeajari musã? <sup>42</sup> Ohõ saha nina yero saha ijire musã: “Yũhũ acayũ, ñañene yegũ nine mũhũ. Sa yegũ tire duhuya”, nina yero saha ijire musã. Sa nina ijiepenata pajiro ñañene yere musã pehe. ¿Dũhse yena musã ñañene yepenata tire

masiedajari m̄sa? Masa ih̄nono dihita quehnoano iji mehona ijire m̄sa sa yena. Pajiri p̄j̄ne m̄sa capear̄p̄ ijiri p̄j̄ne m̄sa ne m̄htaboriro saha m̄sa ñano yeye pehere duhu m̄htaña. M̄sa sa yeri bato m̄sa acaȳro tiquiro ñano yeyere duhuḡ ye masiboaga meheni pohcaroḡare m̄sa neboriro saha, ni buheahye Jesu.

*Masa yahuducuyere* t̄hona tiquina ijiye tiyere masiaja mari  
(Mt 7.17-20; 12.34-35)

<sup>43</sup> Sa yero queoye mehna buhero oh̄o saha ni yahu nemoahye tiquinare:

—Quehnoad̄u yuc̄ḡu ñañene d̄ca tierare. Sa yero ñad̄u quehnoañene d̄ca tierare.

<sup>44</sup> Yuc̄u d̄care masina t̄re masine m̄sa. Potaḡu higuera pacare d̄ca tierare. Sa yero pota buc̄ḡu ùhse t̄horine d̄ca tierare. <sup>45</sup> Sata ijire masa ḡh̄u. Quehnoariquiro tiquiro t̄hotuyep̄u quehnoañe ijire. Sa yero tiquiro quehnoañene yere quehnoad̄u quehnoañene d̄ca tiro saha. Ñariquiro tiquiro t̄hotuyep̄ure ñañe ijire. Sa yero tiquiro ñañene yere ñad̄u ñañene d̄ca tiro saha. Mari t̄hotuyep̄u marine ti ijiro saha yahuducuaaja mari, ni yahuahye Jesu.

*P̄na w̄h̄u yeyequina* quitire yahuahye Jesu  
(Mt 7.24-27)

<sup>46</sup> Sa yero tiquinare yahu nemoahye:

—M̄sa ȳh̄re “P̄hto”, nine. Sa niepenata ȳh̄u dutiye pehere yerare m̄sa. ¿D̄hse ijiro boro sa yerajari? <sup>47</sup> Ijipihtiyequina ȳh̄re cahmeñequina ȳh̄u yahuyere t̄hore. Sa yeye ȳh̄u dutiyere ȳhd̄d̄caerare. Oh̄o sahata ijire ȳh̄re ȳhd̄d̄cayequina: <sup>48</sup> W̄h̄u dahreriquiro yero saha ijire tiquina. Tiquiro ùhc̄añe coperire sehe, w̄h̄re doco d̄care. Ti w̄h̄u quehnoano tiquiro yeri w̄h̄u ijiro dia miniḡu tutuaro aco tutuepeḡta ti w̄h̄u quehnoano tojoare. <sup>49</sup> Sa yeye ȳh̄u dutiyere t̄hoepeta ȳhd̄d̄cayequina pehe w̄h̄re quehnoano yerariquiro yero saha ijire. Ti w̄h̄re buiḡa doco, quehnoano ye d̄caerare. Tiquiro sa yeri w̄h̄u ijiro dia miniḡu aco tutuaḡu duita ti w̄h̄u coh̄o bar̄na wahare. Sa yero ti w̄h̄u tutuaro bora quehea wahare, niahye Jesu.

## 7

*Surara p̄htoro* cahacj̄nore tiquiro dohatiḡu Jesu ȳhd̄uoahye tiquirore  
(Mt 8.5-13)

<sup>1</sup> Ti quitire masare yahu tuhasa Jesu ḡh̄u Capernaup̄u esahye. <sup>2</sup> Top̄u ijiriquiro cien surara p̄htoro tiquiro cahacj̄nore tutuaro cah̄ahye. Tiquiro cahacj̄no pehe tutuaro dohatiro, yariarop̄u niahye. <sup>3</sup> Sa yero Jesu yeyere t̄horo, judio masa buc̄nare Jesu cahap̄u ohoahye p̄htoro pehe.

—Dohatiriquirore ȳhd̄uoḡu ahtaya, ni, yahu dutiro buc̄nare ohoahye p̄htoro.

<sup>4</sup> Tiquina Jesu cahap̄u esa, oh̄o saha ni tutuaro mehna yahuahye tiquirore:

—Surara p̄htoro us̄are ohori. Tiquiro cahacj̄nore dohatiriquirore ȳhd̄uḡu cahmedi tiquiro. Tiquiro p̄htoro pehe quehnoariquiro ijire. Tiquiro sa ijiḡu yedohoya tiquirore. <sup>5</sup> Mari ya maca cj̄nare tiquiro cah̄ne. Sa yero tiquiro us̄a buheri w̄h̄re tiquina yeri wapare wapa yere, niahye buc̄na Jesure.

<sup>6</sup> Tiquina sa ni yahuḡu t̄horo Jesu pehe tiquina mehna wahahye. Surara p̄htoro ya w̄h̄u cahaḡap̄u tiquiro esaḡu p̄htoro pehe tiquiro mehna cj̄nare Jesure oh̄o saha ni yahu dutiro ohoahye:

—P̄hto, quehnoanota. Ahtaerac̄h̄ña. Quehnoaḡu ijieraja ȳh̄u. Ya w̄h̄up̄u m̄h̄re saj̄a ta dutiboḡu ijieraja ȳh̄u. <sup>7</sup> Sa yeḡu m̄h̄u cahap̄u wahaeraja. Ȳh̄u sa ijiepeḡta m̄h̄u masiñe mehna ȳhd̄u dutiya m̄h̄u tiquirore. M̄h̄u sa yeḡu ȳh̄u cahacj̄no quehnoanota. <sup>8</sup> Ȳh̄re ȳh̄u bui ijiyequina apequina p̄htoa dutire. Sa yeḡu ȳh̄u ḡh̄u surarare dutiaja. Ih̄c̄aquiore “Wahaya”, ȳh̄u niḡu tiquiro wahare. Apequiore “Ahtaya”, ȳh̄u niḡu tiquiro ahtare. Ȳh̄u cahacj̄nore “Ahrire yeya”, ȳh̄u niḡu tire tiquiro yere. M̄h̄u ḡh̄u dutiḡta ijire. Sa yero m̄h̄u dutiro saha tiquiro dohatiriquiro ȳhd̄urota, ni yahu dutiahye surara p̄htoro.

<sup>9</sup> Tiquiro sa nigũ tũho maria waharo, peyequina masa tiquiro mehna ijiyequinare majareduca sa, yahuahye:

—Mũsare niita niaja. Tiquiro surara pũthoro Israe masũno ijieriquiro Cohãcjũre tutuaro wacũ tutuare. Tiquiro cahacjũnore yũhũ yũhdũgũ yeatire masi tuhasare. Israe masare ne ahriiquiro yero saha ijiyequinare ihũeda tirũ yũhũ, niahye Jesu.

<sup>10</sup> Tiquiro sa nidi bato surara pũthoro Jesu cahapũ tiquiro ohoriquina tiquina pũthoro ya wũhũpũ tojoaa wahahye. Tojoa sa dohatiriiquiro yũhdũriiquiropũre ihũahye tiquina.

*Jesu wape wihoro macũnore masoahye*

<sup>11</sup> Came cjũnogã Nai wame tiri macapũ Jesu tiquiro buheyequina mehna peyequina masa mehna wahahye. <sup>12</sup> Ti macare sajãri sopecaha cahapũ tiquiro esagũ yariariiquirore masa ne wija taye niahye. Yariariiquiro pacoro wape wihoro ijiahye. Ihcãquirota ijiriiquiro yariahye. Sa ye to cjẽna masa peyequina ticoro mehna wahahye. <sup>13</sup> Tiquina sa wahagũ ihũano Jesu ticorore paja ihũahye.

—Utieracãhã, niahye Jesu ticorore.

<sup>14</sup> Sa nino yariariiquiro tiquiro masa putire ña peoahye. Tiquiro sa ña peogũ ihũañe ti putire wũayequina pehe esadũcahye.

—Macũ, yũhũ mũhũre ohõ saha niaja. Wahcã nujuña, niahye Jesu.

<sup>15</sup> Tiquiro sa nidi bato yariariiquiro mũnano wahcã nuju, yahuducuahye. Sa yero Jesu tiquirore tiquiro pacorore wiahye. <sup>16</sup> Tiquiro sa yegũ ihũañe tiquina ijipihtiequina cuea wahahye. Sa yeye tiquina Cohãcjũre ño peo, ohõ saha niahye:

—Cohãcjũ yere yahu mũhtariiquiro masi yũhdũariiquiro yojopũ pũritare mari watoa ijire, niahye tiquina.

—Cohãcjũ marine tiquiro yequinare yedohoro wihi tuhasare, niahye apequina.

<sup>17</sup> Sa yeye ijipihtiequina Judea yehpa cjẽnare ti yehpa dũhtũ cahapũ ijiye macari cjẽnare Jesu yerire masa yahu site pehoahye.

*Ñu wame yeriquiro tiquiro buheyequinare Jesure sinitu dutiahye  
(Mt 11.2-19)*

<sup>18</sup> Sa ye Jesu yerire ihũañe Ñure yahuahye tiquiro buheyequina. Sa tiquina yahugũ tũhoro pũarore tiquiro cahapũ pijio, <sup>19</sup> Jesure sinitu dutiro ohoahye Ñu. Ohõ saha ni sinitu dutiahye:

—¿Ñu “Yũhũ bato apequiro ahtarota”, tiquiro nidigũta ijiajari mũhũ? ¿Tiquiro nidigũ mũhũ ijieragũ apequirore cohtenatari usã? ni sinitu dutiahye Ñu pũaro tiquiro buheyequinare.

<sup>20</sup> Sa ye tiquina Jesu cahapũ esa, sinituahye tiquirore:

—Ñu wame yeriquiro mũhũre sinitu dutiro ohori usãre. ¿Ñu “Yũhũ bato apequiro ahtarota”, tiquiro nidigũta ijiajari mũhũ? ¿Tiquiro nidigũ mũhũ ijieragũ apequirore cohtenatari usã? ni sinituahye tiquina Jesure.

<sup>21</sup> Ti pjeta peyequina dohatiyequinare, watã sũoyequinare, caperi bajueyequinare yũhdũgũ yeahye Jesu. <sup>22</sup> Sa yero Ñu ohoriquinare Jesu yũhtiahye:

—Yojopũre mũsa ihũarire mũsa tũhorire Ñure yahuna wahaya: Ohõ saha niña: “Caperi bajueyequina ihũare. Tini masieñequina tinine. Cami ahbariquina quehnoa wahare. Tũhoerariquina tũhoa wahare. Yariariquina masaa wahare. Tiquina ijipihtiequinare quehnoa wahagũ yei yũhũ. Sa yegũ pejecũoyequinare quehnoañe buheyere yahuaa. <sup>23</sup> Yũhũre tũhoriiquiro ‘Poto ijire’, nidiquiro tiquiro bucueriquiro ijire”, Ñure ni yahuna wahaya, niahye Jesu.

<sup>24</sup> Ñu buheyequina tiquina wahari bato Jesu pehe Ñu tiquiro ijiye tiyere yahu dũcahye peyequina masare:

—Masa marienopũ esana, taare wihnono wẽdoqueo mũjagũ ihũana eserari mũsa.

<sup>25</sup> “Quehnoañe suhti sañariiquirore ihũana wahũhũna”, niedari mũsa masa marienopũ wahana. Quehnoañe suhti sañañequina wapa bũjũyere sũoyequina pũhtoa ye wũhũsepu ijire. Masa marienopũ ijierare. <sup>26</sup> Masa marienopũ esana Cohãcjũ yere yahu

mũhtariquirore ihñana esari mũa. Ijirota ijire. Ñu Cohãcjũ yere yahu mũhtariquiro ijire. Apequina Cohãcjũ yere yahu mũhtariquina yũhdũoro ijiriquiro ijire tiquiro pehe.

<sup>27</sup> Panopũ Cohãcjũ yere tiquina ojoari pũpũ Ñure ohõ saha ni yahuahye:

Mari Pacũ tiquiro macũnore ohõ saha niahye: “Mũhũ pano mũhũre yahuyuatiquirore ohogũtja. Mũhũ wihiatore quehnoyurota tiquiro”, niahye Cohãcjũ, ni ojoahye panopũre Ñure.

<sup>28</sup> Mũsare poto niita niaja. Apequina masa ijipihtiequina bui ijire Ñu. Ahri decoripũre tiquiro sa ijiepegũta Cohãcjũ tiquiro pũhtoro ijiropũre ijipihtiequina do-capũ ijiriquiro pũrita Ñu bui ijire, niahye Jesu masare.

<sup>29</sup> Tiquiro sa nigũ tũhoye ijipihtiequina masa, wapa ne cohteyequina mehna Ñu tiquiro wame yenohriquina ijiye ohõ saha ni tũhotuahye Cohãcjũre. “Cohãcjũ poto yeriquiro ijire”, ni tũhotuahye tiquina. <sup>30</sup> Fariseo masa pehe, judio masare buheyequina gũhũ Ñu wame yenohriquina iji duerahye. Sa ye tiquinare Cohãcjũ yequina tiquiro ye duagũ cahmedahye tiquina.

<sup>31</sup> Sa yero Jesu pari turi yahuahye:

—¿Yojopũ cjẽna masa disequina yero saha ijiajari tiquina, mũa tũhotugũ? <sup>32</sup> Tiquina macanagã yero saha ijire. Apequina tiquina cahmeno saha yeragũ bucuere tiquinagã. Doeri cjẽ duaropũ apepe dujiye, ohõ saha ni pisuducure tiquinagã basi: “Mũa basatire usã putipemi. ¿Dũhsena mũa basaerari usã putipegũ? Usã tutuaro ñehe quea utipe, sañuducumi. ¿Mũa pehe dũhsena usã mehna utiperari?” niducuyequina yero sahata ijire yojopũ cjẽna gũhũ. Yojopũ cjẽna tiquina cahmeno saha usã yeragũ ihñañe bucuere tiquina gũhũ. <sup>33</sup> Ñu wame yeriquiro Cohãcjũre ño peoro taro sijiro, vinore sihniedare. Tiquiro sa sihniedagũ ihñana, “Watĩnore cũore. Sa yero tũho masieniquiro ijire”, nimesi mũa tiquirore. <sup>34</sup> Yũhũ masũ Cohãcjũ ohorigũ ijigũ, yũhũ ihya sihniaja. Yũhũ sa yegũ ihñana ohõ saha nine mũa yũhũ pehere. “Ihñaña. Ahriquiro pajiro ihyariquiro, queheriquiro ijire. Wapa ne cohteyequina, ñano yeyequina gũhũ tiquina mehna piti tiriquiro ijire tiquiro”, nine mũa yũhũre. Sa nina macanagã yero saha yahuducuna ijire mũa. Mũa cahmeno saha usã yeragũ bucuere mũa. <sup>35</sup> Sa masiedapenata usã ye ihñorire ihñana, Cohãcjũ yere usã masigũ masinata mũa, ni yahuahye Jesu.

*Simo wame tiriquiro fariseo masũno ya wũhũpũ ijiahye Jesu*

<sup>36</sup> Fariseo masũno tiquiro ya wũhũpũ ihya dutiro pijiahye Jesure. Tiquiro sa pijigũ Jesu tiquiro ya wũhũpũ esa, tiquina ihyari mesa cahapũ nuju sahye. <sup>37-38</sup> Ti macapũre ñañe yericoro ijiahye. Jesu fariseo masũno ya wũhũpũ tiquiro dujigũ ticoro tũhoahye. Sa tũhoro alabastro mehna yeriare ehme sitiye pose tiriare ne cãhta, Jesu behero pehepũ wihidũca, utiahye. Sa utiro, Jesu dahpocãrine ticoro yahco co mehna weo, ticoro poari mehna wũoahye. Tiquiro dahpocãri wũagũ ihñano ticoro tiquiro dahpocãrine ihmi, ehme sitiye mehna pio peoahye. <sup>39</sup> Ticoro sa yegũ ihñano fariseo masũno Jesure pijiriquiro tiquiro basi ohõ saha ni tũhotumahye: “Ahricoro tiquirore ñehe tuhuricoro ñañe yericoro ijire. Ahriquiro Jesu Cohãcjũ yere yahu mũhtariquiro ijiro tire masiboaga”, ni, tũhotumahye. <sup>40</sup> Tiquiro sa ni tũhotuyere masino Jesu yahuahye tiquirore:

—Simo, yojopũ pũritare mũhũre yahu duaja, niahye Jesu.

—¿Buhegũ, yũhũre dũhse ni yahu duajari mũhũ? niahye Simo.

<sup>41</sup> Tiquiro sa nigũ Jesu ohõ saha ni queoye mehna buhe yahuahye:

—Pũhtorore pũaro wapamoñequina ijiahye. Ihcãquiro wapamoriquiro quinientos niñeru cjoerire wapamoahye. Apequiro pehe cincuenta niñeru cjoerire wapamoahye.

<sup>42</sup> Sa ye tire tiquina wapa ye masiedagũ ihñano tiquiro tiquina wapamoñene wapa ye dutierahye. ¿Yojopũ pũritare diquiro pehe wapamoriquiro tiquiro pũhtorore cahĩ yũhdũrotari? ni sinituahye Jesu.

<sup>43</sup> Simo yũhtiahye:



—Ōbah, pajiro wapamoriquire mehenogã wapamoriquire yũhduoro tiquiro pũhtorore cahĩboaga, niahye Simo.

—Poto yũhtiri mũhũ yũhũre, niahye Jesu.

<sup>44</sup> Sa ni tuhasa tiquirore pio peoricorore majare ihña, Jesu Simore yahu nemoahye:

—Ahricorore ihñaña mũhũ. Mũhũ ya wũhũpũ yũhũ sajã wihiri bato yũhũ dahpocãrine coseati acore yũhũre ohoerari mũhũ. Ahricoro pehe ticoro yahco co mehna yũhũ dahpocãrine weo, ticoro poari mehna wãori yũhũre. <sup>45</sup> Mũhũ pehe yũhũre piti ca ihmiedari. Ahricoro pehe ohõpũ yũhũ dujiro puno yũhũ dahpocãrine ihmidi. <sup>46</sup> Mũhũ pehe yũhũ dapure ùhse mehna pio peoerari. Ticoro pehe yũhũ dahpocãrine ehme sitiye mehna pio peori. <sup>47</sup> Sa nigũ mũhũreta yahugũta niaja. Ahricoro ticoro ñañe yeye pe yũhũaye ijire. Sa ijieperota ticoro tutuaro cahĩne yũhũre. Sa yegũ ticoro ñañene bou. Sa yeye tiquina ñañene mehenogã yũhũ bonohriquina mehenogã cahĩne yũhũre, niahye Jesu Simore.

<sup>48</sup> Sa ni tuhasa tiquiro ticorore yahuahye:

—Yojopũ pũritare mũhũ ñañe yeyere bou, niahye Jesu.

<sup>49</sup> Tiquiro sa nigũ tũhoye Jesu mehna dujiyequina tiquina basi ohõ saha ni yahudu-cuahye:

—Ahriquiro potota ñañe yeyere boriquire ijire. ¿Dũhse ijiriquiro boro ijiajari ahriquire ñañene boriquire? niahye tiquina basi.

<sup>50</sup> Sa yero Jesu numinore ohõ saha ni yahuahye:

—Yũhũre mũhũ wacũ tutuagũ mũhũre pecapũ wahaborigore yũhũoaja. Cuero marieno mũhũ ya wũhũpũ tojoaa wahaya, niahye Jesu ticorore.

## 8

### *Numia Jesure yedohoahye*

<sup>1</sup> Came bujũye macaripũ, daye macarigãpũ gũhũre esa, Cohãcjũ tiquiro pũhtoro ijijere quehnoañe buheyere yahuahye Jesu. Doce tiquiro buheyequina pehe tiquiro mehna ijiahye. <sup>2</sup> Sa ye numia gũhũ watĩa cõmediquina numia, dohatimediquina numia Jesu quehnoa wahagũ tiquiro yeriquina numia tiquiro mehna tiniahye. “María”, tiquina nidicorore “Magdalena”, ni pisue tiahye ticorore. Ticorore siete watĩare Jesu cohãhye to pano. Sa yero ticoro gũhũ Jesu mehna tiniahye. <sup>3</sup> Chuza wame tiriquire Herodere yedohomediquiro namono Juana gũhũ Jesu mehna tiniahye. Susana wame tiricoro gũhũ apeqũna numia mehna peyequina tiquina cõoye mehna Jesu gũhũre yedohoahye.

### *Jesu oteriquiro quitire yahuahye*

(Mt 13.1-9; Mr 4.1-9)

<sup>4</sup> Sa ye peye macari cjẽna Jesu cahapũ cahmecoahye. Tiquina sa cahmecoari bato Jesu tiquiro tũhotuye mehna queoye mehna tiquinare yahuahye buhero taro:

<sup>5</sup> —Oteriquiro otero wahahye. Tiquiro sa otegũ apeye pjeri maha dũhtũ cahapũ bora quehe sahye. Sa yeye ti pjerire masa cũhta diho cũahye. Sa ye minicjãa pari pehe ti pjerire ihyahye. <sup>6</sup> Sa ye apeye pjeri utã paca watoa bora quehe sahye. Topũ yehrapũ aco mariedahye. Sa ye ti pjeri pihni wahcãdũca ñaia wahahye. <sup>7</sup> Apeye pjeri taa watoa bora quehe sahye. Taa pehe ti oteye mehna pihniahye. Taa pehe dia yũhũ waha, oteyere wejẽahye. <sup>8</sup> Apeye pjeri quehnoari yehrapũ bora quehe sahye. Quehnoano pihni, dũca tiahye. Sa ye peye dũca tiahye, niahye Jesu.

Sa ni tuhasa ohõ saha tutuaro ni nemoahye:

—Ahrire quehnoano tũhoya mũsa, niahye tiquiro.

### *Jesu queoye mehna tiquiro buherire yahuahye*

(Mt 13.10-17; Mr 4.10-12)

<sup>9</sup> Came tiquiro buheyequina ti queoyere masi duaye, Jesure sinituahye:

—¿Ahri queoye mehna dũhse ni yahugũ niajari mũhũ? ni, sinituahye tiquina.

<sup>10</sup> Tiquina sa nigũ Jesu yũhtiahye:

—Cohãcjũ masa puhtoro tiquiro ijiyere panopũ apequina tiquina masiedarire musare masigũ yerota Cohãcjũ. Apequina pehere sa yerare tiquiro. Tiquinare queoye mehnata buheitja. Yũhu sa yegũ tiquina yũhu buheyere tũhoepeta masisi, niahye Jesu tiquiro buheyequinare.

*Jesu oteriquiro quitire yahu pehoahye*

*(Mt 13.18-23; Mr 4.13-20)*

<sup>11</sup> Sa ni tuhasa tiquinare yahu nemoahye:

—Ohõ saha ni yahure ahri quiti: Oteye pjeri quehnoañe buheye yero saha ijire. <sup>12</sup> Sa ye maha dũhtũ cahapũ borari pjeri pehe quehnoañe buheye yero saha ijire. Sa yero masa quehnoañe buheyere tiquina tũhogũ ihñano watĩno pehe ahta, ti buheyere masi dutierare masare. Minicjua ti pjerire tiquina dote nediro saha yere. Tiquiro sa yeragũ tiquina Cohãcjũre wacũ tutuaboa. Tiquina sa wacũ tutuagũ ihñano Cohãcjũ pehe tiquinare pecapũ wahaboriquinare yũhdũoboa. <sup>13</sup> Utã pjeri watoa borari pjeri quehnoañe buheye yero saha ijire. Sa ye masa quehnoañe buheyere tũho, bucueye mehna tire tũho nene. Sa tũho nepeta utã watoa ijiye cjũ nũhcori marieñe cjũ yero saha ahriquina masa gũhu tutuerare. Sa tutueraye yeequina tiquina ijiri buhiri apequina tiquinare ñano yegũ ihñañe yee pehere duhu cãhre. <sup>14</sup> Sa ye taa watoa borari pjeri quehnoañe buheye yero saha ijire. Sa ye masa quehnoañe buheyere tũhoepeta, ahri yehpa cjẽne pajiro bũjua witi tũhotu, niñeru pehere cahĩ, ahri yehpa cjẽne bucuere tiquina. Sa yeye ti pehe quehnoañe buheyere cahmotagũ, masa pehe quehnoañe pehere yerare. <sup>15</sup> Sa ye quehnoari yehrapũ borari pjeri quehnoañe buheye yero saha ijire. Sa yeye masa quehnoañe buheyere tũhoye, quehnoano mehna ti buheyere yũhdũdũcaerare. Sa ye yucũgũ dũca tiro saha quehnoañe buheyere tũhoyequina pehe Cohãcjũ tiquiro cahmeno saha quehnoañene yere, niahye Jesu.

*Jesu sihãria quitire buheahye*

*(Mr 4.21-25)*

<sup>16</sup> Sa ni tuhasa apeye queoye mehna buheahye tiquiro:

—Ne sihãriare dihi sutu docapũ cũedare masa. Sa ye tiare cumuno docapũ cũedare. Uhmũanopũ tiare duhu peore wũhũpũ sajã tayequina tiquina quehnoano ihña sajã tato saha. <sup>17</sup> Ijipihtiye tiquina masiedarire came masa masieta. Sihãria buhriogũ mari ihña masino saha panopũ tiquina masiedarire masieta masa.

<sup>18</sup> 'Sa yena musa tũhona quehnoano tũho nũnũña. Quehnoano tũho nũnũriquiro, quehnoano masinota. Tũho nũnũmediquiro "Mehenogã tũhoaja", tiquiro niepegũta ti pehere boaa waharota, niahye Jesu.

*Jesu acaye tiquirore pijiahye*

*(Mt 12.46-50; Mr 3.31-35)*

<sup>19</sup> Came Jesu bahana tiquina pacoro mehna tiquiro cahapũ wahaye nimahye. Masa peyequina ijigũ tiquiro cahapũ eserahye. <sup>20</sup> Sa yero ihcãquiro Jesure yahuahye:

—Mũhu paco mũhu bahana mehna sopecahapũ ducuri. Mũhũre ihñañe taye niñohti, niahye tiquiro Jesure.

<sup>21</sup> Tiquiro sa nigũ Jesu ohõ saha ni yahuahye ijipihtiyequinare:

—Cohãcjũ buheyere tũhoyequina, tire yũhdũdũcaeyequina tiquinata yũhu paco yũhu bahana yero saha ijire, niahye Jesu tiquinare.

*Jesu wihnonore yũsũ dutiahye*

*(Mt 8.23-27; Mr 4.35-41)*

<sup>22</sup> Ape deco Jesu tiquiro buheyequina mehna yucũsapũ sajãhye.

—Isa, pehãũhna, ni, tiquina ijipihtiyequina tia mehna ditarapũ pehãa wahahye.

<sup>23</sup> Sa pehãno carĩa wahahye Jesu. Tiquina sa pehãducuropũ tutuaro wihnono wẽahye. Wihnono wẽgũ bũjũye pahcõri wahcã, tiquinare mio cãmahye. Sa waharo miono cua

yuhduahye tiquinare. <sup>24</sup> Sa wahagũ ihñañe, acuaa waha, Jesu caharũ waha, tiquiore wahcõahye.

—Buhegũ, mari yariana tana niajú, niahye tiquina.

Tiquina sa nigũ Jesu pehe wahcã, wihnonore,

—To punota wẽ duhuya, niahye.

Sa nino pahcõri gũhũre,

—Yusua wahaya, niahye.

Tiquiro sa nigũta wihnono yuhdua wahahye. Sa ye pahcõri gũhũ yusũ dijiaa wahahye.

<sup>25</sup> Sa wahari bato Jesu tiquinare ohõ saha niahye:

—¿Musa yuhũre wacũ tutuerajari? niahye tiquiore.

Tiquiro sa nigũ tiquina pehe cue, acuaa waha, tiquina basi ohõ saha ni yahuducuahye:

—¿Yohou, dũhse ijiriquiro boro masũno ijijari ahriquiore? Ahri wihnono, pahcõri gũhũ tiquiore dutigũ yuhducaerare tiquiore, niahye tiquina basi.

*Watia cõoriquiore yuhduoahye Jesu*

*(Mt 8.28-34; Mr 5.1-20)*

<sup>26</sup> Sa ye tiquina ape sie pahrẽpũ Gerasa cjẽna ya yehparũ pehã sahye. Ti yehpa Galilea yehpa poto ijiahye. <sup>27</sup> Topũ Jesu tiquiore maja saducagũ waro to cjẽno watia cõoriquiore tiquiore caharũ ahtahye. Tiquiro yoari pje suhti marieniquiro ijiro, tiquiore ya wuhũpũre ne ijierahye. Sa yero masa coperi utãpũ tiquina seheri coperi caharũ ijie tiahye tiquiore.

<sup>28-29</sup> Sa ye peye tahari watia tiquiore ñeheahye. Sa yero tiquiore peresupũ ijigũ tiquiore omocarine, dahpocãrine come dari mehna dũhteriquiro ijieperota, ti darire tũã sure mũjahye. Sa ye watia pehe tiquiore masa marienopũ ne cã mũjae tiahye. Sa yero tiquiore Jesure ihñaadoqueo, tutuaro sañuducu, Jesu caharũ dũsepe curi mehna quehe sahye. Tiquiro sa yegũ ihñano Jesu pehe tiquiore dutiahye:

—Ahriquiore mehna ijieracãhña. Wahaya watia, niahye.

Tiquiro sa nigũ tũhoro watia cõoriquiore tutuaro sañuducu, sinituahye Jesure:

—¿Jesu, uhmũse cjũ Cohãcjũ macũ yabere yei tũũ niajari mũhũ yuhũre? Yuhũre ñano yeracãhña, niahye watia cõoriquiore.

<sup>30</sup> Tiquiro sa nigũ Jesu pehe sinituahye tiquiore:

—¿Dũhse wame tiajari mũhũ? niahye.

Peyequina watia tiquiore mehna ijiahye. Sa yero ohõ saha niahye tiquinare cõoriquiore.

—Watia peyequina wame tiaja usã, ni, yũhtiahye watia cõoriquiore.

<sup>31</sup> —Uhcũãri coperũ usãre waha dutieracãhña, ni, tutuaro siniahye watia pehe.

<sup>32</sup> Ti pjere topũ cũnũ dahpotopũ yesea peyequina ihyaye niahye. Tiquina topũ ihyagũ ihñañe watia ohõ saha ni siniahye Jesure:

—Sisequina yesea caharũ waha dutiya usãre. Tiquina mehna iji dutiya usãre, ni, siniahye watia.

Tiquina sa nigũ tũhoro Jesu tiquinare yesea caharũ waha dutiahye. <sup>33</sup> Tiquiro sa waha dutiri bato watia pehe masũno mehna ijimediquina waha, yesea caharũ esahye. Tiquina caharũ tiquina esari bato yesea pehe pari cjũpũ oma maa buhaa waha, ditarapũ bora ñojoa mini yaria pihãtia wahahye.

<sup>34</sup> Yeseare cohteyequina yesea tiquina sa minigũ ihñañe, cue, oma cãa wahahye. Sa oma cã macarũ esa, ti maca cjẽnare, ihquẽ wuhũse ijiro cjẽna gũhũre tiquina ihñarire yahu siteahye. <sup>35</sup> Tiquina sa yahu siteri bato masa ihñañe wahahye. Sa ye Jesu caharũ esa, watia cõomediquiore suhti sañariquiro tũho masiniquiro tiquiore dujigũ ihñañe tiquina. Tiquina ijipihãtiyere ihñañe, tiquina cue niahye. <sup>36</sup> Watia cõomediquiore tiquiore quehnoa waharire ihñañequina apequinare tiquina ihñarire yahuahye. <sup>37</sup> Ti pjeta Gerasa yehpa cjẽna peyequina Jesure tutuaro cueye, tiquiore waha dutiahye. Tiquina sa waha dutigũ Jesu yucũsapũ sajã, waharo taro niahye. <sup>38</sup> Watia cõomediquiore Jesu wahato pano tutuaro sinimahye tiquiore:

—Mũhũ mehna waha duaja, ni sinimahye.

<sup>39</sup> Tiquiro sa nigūta Jesu tiquirore yūhtiahye:

—Mũhũ ya macarũ wahaya. Sa wahagũ Cohăcjũ mũhũre tiquiro yerire yahuya apequinare, niahye Jesu.

Tiquiro sa nidi bato waha, tiquiro ya macarũ esaro, masũno pehe Jesu tiquirore yerire ijipihtiyequina tiquiro ya maca cjênare yahuahye.

*Jairo maconore* yũhdũoro, dii mũna wihoro dohatiducuricoro gũhũre yũhdũoahye Jesu (Mt 9.18-26; Mr 5.21-43)

<sup>40</sup> Ape sie pahrẽpũ Jesu pari turi tiquiro pehã sagũ ihñañe masa peyequina tiquirore cohte, bucueye mehna piti cahye tiquirore. <sup>41-42</sup> Topũ judio masa buheri wũhũ cohteriquiro Jairo wame tiriquire Jesu caharũ esa, tiquiro dahpocãri caharũ dũsepe curi mehna quehe sahye tiquirore ño peoro. Tiquiro macono yariaro niahye. Ticoro ihcãcorota ijiricoro doce cũhmari cũoricoro ijiahye. Sa yero tiquiro ya wũhũpũ Jesure piji cãhye. “Aũ”, ni, tiquiro mehna wahahye Jesu gũhũ.

Maharũ tiquina sa wahagũ pe yũhdũayequina masa ijiye, wahpa yũhdũahye. <sup>43</sup> Sa yero apecoro numino doce cũhmari waro dii mũna dohatiducuricoro topũ ijiahye. To pano duturuare ijipihtiyequina ye niñeru mehna wapa yemahye ticoro aco ye dutiro. Tiquina sa aco yepegũta mũnanota ijiducu cãhye ticoro. <sup>44</sup> Sa yero ticoro Jesu behero pehepũ ahta, tiquiro suhtiro sohtoare ticoro ñehe tuhugũta ticoro dohatiyequina pihtia wahahye. <sup>45</sup> Ticoro sa ñehe tuhugũ tuhuro Jesu sinituahye.

—¿Noa yũhũ suhtirore ñehe tuhujari? niahye tiquiro.

Ijipihtiyequina “Ñehe tuhuerũ”, niahye. Sa ye Pedro gũhũ ohõ saha niahye:

—Buhegũ, bihsarĩne. Sa yeye masa peyequina mũhũre ñehe tuhure. ¿Dũhsegũ sa ni sinitujari mũhũ? niahye tiquina Jesure.

<sup>46</sup> Tiquina sa nigũ Jesu yūhtiahye:

—Mianogãta yũhũ yũhdũgũ yei ihcãcorore. Sa yegũ yũhũre ticoro ñehe tuhugũ masiaja, niahye tiquiro.

<sup>47</sup> Tiquiro sa nigũ tuhoro ticoro duhti masiedaro, nanarerico Jesu caharũ dũsepe curi mehna quehe sahye tiquirore ño peoro. Sa ye ijipihtiyequina masa tiquina tuhoro pũ ticoro dohatiyere, Jesure ticoro ñehe tuhure, ticoro quehnoa waharire yahuahye ticoro. <sup>48</sup> Ticoro yahu tuhasagũ Jesu ticorore yahuahye:

—Maco, yũhũre mũhũ wacũ tutuaye mehna quehnoago tojoare yojorũre. Bucueye mehna wahaya, niahye ticorore.

<sup>49</sup> Tiquiro sa nini watoa Jairo ya wũhũpũ ijiriquiro yahuro wihiahye:

—Mũhũ macogã yariaa wahari. Sa yegũ buheriquirore piji cãhtaeracãhña, niahye tiquiro.

<sup>50</sup> Tiquiro sa nigũ tuhoro, Jairore ohõ saha ni yahuahye Jesu:

—Bũjũ witi tuhueracãhña. Yũhũre wacũ tutuaya. Ti dihitare yeya. Mũhũ sa yegũ ticorogã masaa waharota, niahye Jesu.

<sup>51</sup> Sa ni tuhasa tiquiro ya wũhũpũ esa, Pedro, Ñu, Santiago, dohatiricoro pacũsumũa topequinata ne sajãhye. Apequina pehere Jesu sajã dutierahye. <sup>52</sup> Topũ ijipihtiyequina masa tiquina ñehe quea utiri watoa sajã sahye Jesu.

—Utieracãhña. Ticorogã yariere. Carĩno nine, niahye tiquiro.

<sup>53</sup> Tiquiro sa nigũ tuhoye tiquina pehe ticoro yariaricoro ijigũ masiñe, Jesure bũjũahye. “Sa ni maca cãno nine”, ni bũjũahye. <sup>54</sup> Sa yero Jesu ticorogã omocare ñehe, pisuahye:

—Mehenicorogã wahcãña, niahye.

<sup>55</sup> Tiquiro sa nigũta yariaricoro masaa waha, wahcãdũca sahye ticorogã. Ticoro wahcãdũcari bato Jesu ticorore ihyayere oho dutierahye. <sup>56</sup> Ticoro sa masagũ ihñañe ticoro pacũsumũa ihña maria wahahye. Sa yero Jesu tire apequinare yahu dutierahye.

## 9

*Jesu doce tiquiro buheyequinare buhe dutiro ohoahye**(Mt 10.5-15; Mr 6.7-13)*

<sup>1</sup> Sa ye Jesu docere tiquiro buheyequinare pijio, tiquiro tutuayere ohoahye tiquinare. Wafiare tiquina cohâtire, dohatiyequinare yũhdugũ yeati gũhare tiquiro tutuayere ohoahye tiquinare. <sup>2</sup> Sa ye tuhasa tiquinare Cohãcjũ tiquiro pũhtoro ijiyere buhe dutiro, dohatiyequinare yũhdũo dutiro ohoahye tiquinare. <sup>3</sup> Ohõ saha ni dutiahye Jesu tiquinare:

—Musa wahana apee borore nedacãhña. Tua dũre, ajurore, ihyayere, niñerure nedacãhña. Musa sañano dihitare saña cãhña. Apeye suhtire nedacãhña. <sup>4</sup> Ijipihtiye macaripũ musare tiquina carĩno ohogũ ti wãhũpũta ijiniña. Coã wahanapũ wijiaya ti wãhũre. <sup>5</sup> Apeye macari cjẽna musare tiquina cahmedagũ ihñana ti macarine yũhdũ cãa wahaya. Sa wahana musa dahpocãri cjẽ dihta esa wahãrire wejẽ site cũña musa tiquinare tiquina ye buhirire masigũ yena, niahye Jesu.

<sup>6</sup> Tiquiro sa nidi bato tiquiro buheyequina pehe waha, ijipihtiye macaripũ quehnoañe buheyere yahu tiniahye. Sa ye dohatiyequinare yũhdũoe tiahye.

*Jesu tiquiro yerire Herode tũhoahye**(Mt 14.1-12; Mr 6.14-29)*

<sup>7</sup> Sa ye Herode Galilea yehpa cjẽna pũhtoro Jesu yerire tũhoahye. “¿Noa boro ijijari tiquiro Jesu?” nieperota ne masiedahye. Ihquẽquina ohõ saha nimahye Jesure. “Ñu wame yeriquiro mũnano masa mũjahye. Sa yero ‘Jesu’, tiquina nidiquiro tiquirota ijire”, nimahye ihquẽquina. Tiquina sa nigũ tũhoro Herode Jesure dũhse ni masiedahye. <sup>8</sup> Sa ye apequina “Tiquiro Elia mũnano yojopũ bajuaro nine”, nimahye. Apequina pehe “Cohãcjũ yere yahu mũhtariquina panopũ cjẽna mehna cjũno yojopũ masa bajuaro nine”, nimahye Jesure. <sup>9</sup> Tiquina sa ni yahuducuepegũta ohõ saha ni tũhotuahye Herode: “Ñu dapure dũte sure duti tuhasaũ yãhũ. ¿Yojopũre ijiriquiro masa tiquina yahuriquiro noa boro ijiboagari tiquiro pehe?” ni, tũhoturo tiquiro Jesure ihña duamahye.

*Jesu cinco mil masare ihyayere ohoahye**(Mt 14.13-21; Mr 6.30-44; Jn 6.1-14)*

<sup>10</sup> Sa ye Jesu tiquiro ohoriquina tiquiro cahapũ tojoa sa, tiquina yerire yahuahye Jesure. Tiquina yahu tuhasagũ Jesu tiquina dihitare Betsaida wame tiri macapũ siho wahahye. <sup>11</sup> Tiquina waharire masiñe, masa peyequina tiquinare nũnũ tã cãa wahahye. Jesure tiquina mũmũ sagũ ihñano piti cahye Jesu tiquinare. Sa yero tiquiro Cohãcjũ pũhtoro ijiyere tiquinare yahu, dohatiyequinare yũhdugũ yeahye.

<sup>12</sup> Ñamicahapũ doce tiquiro buheyequina tiquiro cahapũ esa, Jesure yahuahye:

—Ohõ masa marienopũ ijire. Ohõ majano cjẽ wãhũsepũ ahriquina masare ohoya. Carĩato, tiquina ihyati gũhare maca dutiya tiquinare, niahye tiquina Jesure.

<sup>13-14</sup> Tiquina sa nigũ Jesu yũhtiahye tiquinare:

—Sa niedacãhña. Ihyayere ohoya tiquinare, niahye.

Tiquiro sa nigũ tũhoye tiquina yũhtiahye:

—Ihcã omope paca pã paca, pũaro wahi to punota cũoaja mari. ¿Ahriquina peyequina masa tiquina ihyatire dũboagari usã? niahye tiquiro buheyequina.

Peyequina masa tiquina ijigũ ihñañe sa niahye tiquiro buheyequina. Topũre cinco mil mũmũa ijiahye. Sa yero Jesu yahuahye tiquiro buheyequinare:

—Cincuenta masare ihcã curua duji dutiya. Apeye cururi gũhare topequinata duji dutiya, niahye Jesu tiquiro buheyequinare.

<sup>15</sup> Tiquiro sa nigũ buheyequina tiquiro dutiriro sahata ye, ijipihtiyequina masare duji dutiahye. <sup>16</sup> Duji duti tuhasa Jesu ihcã omope paca pã pacare pũaro wahire ne, mũmũanopũ ihña mũoahye. Sa ihña mũono Cohãcjũre “Quehnoare”, niahye. Tiquiro sa nidi bato pã pacare nuha, tiquiro buheyequinare masare iti dutiro ohoahye. <sup>17</sup> Sa ye



tiquina ijipihtiyequina masa ihya, yapi yũhdũa wahahye. Tiquina yapi wehorire doce pũhũse ne cahmecoah wahpo dapoahye tiquiro buheyequina.

*Jesu potota Cristo tiquiro ijiyere Cohãcjũ* ohoriquiro tiquiro ijiyere yahuahye Pedro  
(Mt 16.13-19; Mr 8.27-29)

<sup>18</sup> Ihcã deco Jesu ihcãquirola ijiro, Cohãcjũre sinino niahye. Tiquiro sinini watoa tiquiro buheyequina tiquiro cahapũ esahye. Sa yero Jesu sinituahye tiquinare:

—¿Noa boro ijiagari yũhũ, masa yũhũre tiquina tũhotugũ? ni sinituahye.

Tiquiro sa sinitugũ tũhoye tiquiro buheyequina yũhtiahye:

<sup>19</sup> —“Ñu wame yeriquiro ijire”, nine mũhũre. Apequina “Elia ijire”, nine. Apequina “Cohãcjũ yere yahu mũhtariquina mehna cjũno panopũ cjũno masa bajuaro nine yojopũre”, nine, ni yũhtiahye tiquiro buheyequina pehe tiquirore.

<sup>20</sup> Tiquina sa nidi bato Jesu tiquinare sinituahye tja:

—¿Mũsa pehe mũsa tũhotugũ, noa boro ijiagari yũhũ? ni, sinituahye tja.

—Mũhũ Cristo Cohãcjũ ohorigũ ijire, ni yũhtiahye Pedro.

*Jesu tiquiro yaria masa wijiatiye yahuahye*  
(Mt 16.20-28; Mr 8.30-9.1)

<sup>21</sup> Sa ye Pedro “Cristo ijire mũhũ”, tiquiro nidire apequinare Jesu yahu site dutierahye tiquiro buheyequinare. <sup>22</sup> Sa ni yahu site dutiera tuhassa ohõ saha ni nemoahye:

—Yũhũ masũ Cohãcjũ ohorigũ tutuaro ñano yũhdũta. Sata yũhdũro cahmene yũhũre. Sa ye mari judio masare buheyequina, bũcũna, pahia pũhtoah mehna yũhũre cahmeda, yũhũre wejẽeta. Tiquina wejẽdi bato ihtia deco wahaboro masa wijiagũtja, niahye Jesu tiquinare.

<sup>23</sup> Came ijipihtiyequinare ohõ saha ni yahuahye Jesu:

—Ihcãquirola yaquirola iji duaro, tiquiro cahmeno ye duamedire duhu cãnota. Sa yero yaquirola tiquiro ijiri buhiri ñano yũhdũeperota yũhũre duhusi. Sa yero yeere yeducuriquiro ijirota. <sup>24</sup> Masũno yũhũre wacũno marieno tiquiro esa tuharo tiquiro cahmeno saha yero, pecapũ waharota. Sa yero yeere sa yeducuriquiro ijipihtiye decori yũhũ mehna mũmũsepũ ijiducurota. <sup>25</sup> ¿Ihcãquirola masũno ahri yehpa cjẽne ijipihtiye cõroriquiro Cohãcjũre cahmedaro pecapũ waharo, yabere wapatajari tiquiro? Sa ijiriquiro ne wapataerare. <sup>26</sup> Ihquẽquina yũhũre, yũhũ buheye gũhũre bũe tisãboaga. Tiquina sa yegũ ihũagũ yũhũ gũhũ yũhũre sa yeyequinare bũe tisãgũtja. Yũhũ masũ Cohãcjũ ohorigũ quehnoañequina angele mehna usã asi siteropũ, yũhũ Pacũ tiquiro asi siteropũ tojoa tagũ tiquinare bũe tisãgũta. <sup>27</sup> Poto niita niaja mũsare. Yojopũre ihquẽquina mũsa ohõpũre ijiequina mũsa yariato pano Cohãcjũ ijipihtiyequina bui pũhtoro tiquiro iji dũcagũ ihũanata mũsa, niahye Jesu tiquinare.

*Jesu tiquiro pagũre comesahye*  
(Mt 17.1-8; Mr 9.2-8)

<sup>28</sup> Sa ye ocho decori tire tiquiro yahuri bato Jesu Pedre, Ñure, Santiagore tiquina dihitare pijiahye. Sa ye waha, Cohãcjũre siniñe waha, cũnũpũ mũjaa wahahye tiquina.

<sup>29</sup> Cohãcjũre tiquiro sinini watoa Jesu ya wũhdoah comesahye. Sa yero tiquiro suhtiro asi siteri suhtiro quehnoano yehseri suhtiro wahahye. <sup>30</sup> Tiquiro sa wahari watoa pũaro mũmũa tiquiro mehna yahuducuye niahye. Yahuducuyequina pehe Elia mũnana, Moise mũnana gũhũ ijiahye. <sup>31</sup> Tiquina mũmũse cjẽ asi siteye mehna bajuahye. Jesu camegãta Jerusalẽpũ tiquiro yariatire tiquina Jesu mehna yahuducuye niahye. <sup>32</sup> Pedro gũhũre wũjũa purĩ yũhdũahye. Sa carĩepeta acũa, wahcã wihi, Jesu tiquiro asi siteyere ihũañe, pũaro tiquiro mehna ducuyequina gũhũre ihũahye. <sup>33</sup> Moise mũnana gũhũ tiquina wahato panogã Pedro Jesure ohõ saha nimahye:

—Pũhto, mari ohõre ijigũ quehnoa duare. Ihtia wũhũgã yematja. Mũhũ ya wũhũgã, Moise ya wũhũgã, Elia ya wũhũgã yematja, nimahye Pedro.

Sa nieperota tiquiro nidire ne masiedahye. <sup>34</sup> Tiquiro sa ni yahuducuri watoa tiquinare ehmeo curua cahmotahye. Sa cahmotagũ ihñañe tiquina cuea wahahye. <sup>35</sup> Sa yero ehmeo puhiarũ yahuducuye bisiro ca tahye:

—Ahriquiro yũhũ macũ, yũhũ beseriquiro ijire. Quehnoano tũhoya tiquirore, nino ca tahye ehmeo curua puhiarũre.

<sup>36</sup> Tiquiro sa nidi bato Jesu dihitare ihñahye tiquina. Came tiquina ihñarire apequinare yahuerahye. Ne ihcãquirore yahuerahye.

*Jesu watĩno cãoriquirogãre yũhdũoahye*  
(Mt 17.14-21; Mr 9.14-29)

<sup>37</sup> Ape deco tiquina cãnũrũ tiquina dijia tagũ peyequina masa Jesure piti cahye. <sup>38</sup> Sa yero tiquina mehna cjũno Jesure pisuahye:

—Buhegũ, mũhũre tutuaro ahrire sini duaja yũhũ. Yũhũ macũ ihcãquirota ijire. Sa yegũ tiquirore ihña basaya mũhũ. <sup>39</sup> Watĩno tiquirore ñehe, sañuducu tunu nanaregũ ye, sahpo tua wahagũ yee tire. Sa yero watĩno yũhũ macũre ñano yũhdũgũ ye, ne duhu duerare. <sup>40</sup> Mũhũ buheyequinare watĩnore cohã dutigũ tutuaro sinimi. Yũhũ sa siniepegũta tiquina tiquirore cohã masiedari, niahye tiquiro Jesure.

<sup>41</sup> Tiquiro sa nigũ Jesu pehe ohõ saha niahye tiquiro buheyequinare:

—Yojoꝛũ cjẽna mũsa ñana ijire. ¿Yũhũre ne wacũ tutuerabutiajari? Yoabutiari pje mũsare buhemi yũhũ. ¿Noho puno yoari pje yũhũre mũsa cariboboagari? ni tuhtiahye Jesu.

Sa ni tuhasa watĩa cãoriquiro pacũrore ohõ saha niahye:

—Mũhũ macũre ne cãhtaya, niahye.

<sup>42</sup> Tiquiro sa nidi bato tiquiro macũno Jesu caharũ tiquiro ahtari watoa watĩno pehe tiquirore yehparũ doque quehe sa, tunu nanaregũ yeahye. Tiquiro sa yegũ Jesu watĩnore waha dutiahye. Tiquiro sa dutigũ watĩnore cãoriquirogã yũhdũa wahahye. Sa yero Jesu pehe tiquirogãre wiahye tiquiro pacũrore. <sup>43</sup> Ijipihtiyequina masa Cohãcjũ tutuaye mehna tiquiro quehnoa wahagũ ihñañe, ihña maria wahahye.

*Pari turi Jesu tiquiro yaria masa wijiatiye yahuahye*  
(Mt 17.22-23; Mr 9.30-32)

Masa Jesu tiquiro yerire tiquina ihña, ihña maria wahagũ Jesu pehe tiquiro buheyequinare ohõ saha ni yahuahye:

<sup>44</sup> —Mianogãta yũhũ yahuatire boeracãhña mũsa. Yũhũre Cohãcjũ tiquiro ohorigure apeqiro yũhũre ñehe dutiro ohorota masare, niahye Jesu.

<sup>45</sup> Tiquiro sa niepegũta tiquina pehe tiquiro yahuyere quehnoano tũhoerahye. Tiquiro yahurire tiquinare masino basioerahye. Ti pjeta Cohãcjũ tiquinare tire tũho dutiero niahye. Sa ye tiquina cueye, tire tiquirore sinituerahye.

*Jesu buheyequina tiquina mehna cjũnore pũhto sõ duamahye*  
(Mt 18.1-5; Mr 9.33-37)

<sup>46</sup> Came Jesu buheyequina cahme sehña soye niahye:

—¿Mari mehna cjũno diquiro pehe pũhtoro sajãnotari? niñe niahye tiquina basi.

<sup>47</sup> Tiquina sa nigũ Jesu pehe tiquina tũhotuyere masino, nijinogãre tiquiro caharũ ducu duti, tiquiro buheyequinare yahuahye:

<sup>48</sup> —Yeere yena tana ahriquirogãre cahmena, yũhũ gũhũre cahmene mũsa. Sa yena yũhũre cahmena, yũhũre ohoriquiro gũhũre cahmene mũsa. Mũsa mehna cjũno mũsa cahacjũno ijiro tiquiro gũhũ pũhtoro ijirota, niahye Jesu.

*Marine ihña tuhtiriquiro ijieraro, mari mehna cjũno ijire*  
(Mr 9.38-40)

<sup>49</sup> Came Ñu Jesure ohõ saha ni yahuahye:

—Buhegũ, mũhũ wame mehna watĩare cohãriquirore usã ihñaũ. Mari mehna cjũno tiquiro ijieragũ ihñana tire tiquirore ye dutierũ usã, niahye Ñu Jesure.

<sup>50</sup> Tiquiro sa nigũ Jesu Ñure apequina buheyequina gũhure ohõ saha ni yahuahye:  
 –Sa niedacãhña mûsa tiquirore. Marine ihña tuhtiriquiro ijieraro, tiquiro mari mehna cjãno ijire, niahye Jesu tiquiro buheyequinare.

*Jesu Santiagore, Ñu gũhure tuhtiahye*

<sup>51</sup> Ti pjere Jesu ùhmûsepũ tiquiro wahato panogã, “Jerusalẽpũ wahautja”, niahye tiquiro. Sa nino topũ waharo niahye. <sup>52</sup> Sa ye Jesu tiquiro pano ohoriquina waha, Samaria yehpa cjã macapũ esa, topũ Jesu tiquiro ijiatire quehno duamahye. <sup>53</sup> Jesu Jerusalẽpũ waharo taro niahye. Topũ wahatiquiro tiquiro ijigũ tũhoye, to cjẽna tiquirore cahmedahye. <sup>54</sup> Tire tũhoye Santiago, Ñu mehna yahuahye Jesure:

–Pũhto, mũhũ cahmegũ ùhmûse cjã peca mehna tiquinare wejẽ dutinata, nimahye tiquina tiquirore.

<sup>55</sup> Tiquina sa nigũ Jesu majare ihña, tuhtiahye tiquina pũarore.

<sup>56</sup> Sa tuhti tuhasa, ape macapũ Jesu gũhũ waha wahahye.

*Apequina Jesu mehna wahamahye*

*(Mt 8.19-22)*

<sup>57</sup> Ti mahapũ tiquina wahagũ, ihcãquiro Jesure yahuahye:

–Mũhũ mehna waha duaja noho mũhũ waharopũ, niahye tiquiro.

<sup>58</sup> Tiquiro sa ni tuhasagũ Jesu yũhtiahye:

–Ihquẽquina nũcũ cjẽna wahiquina tiquina coperi cũore. Minicjũa gũhũ tiquina suhti cũore. Yũhũ masũ Cohãcjũ ohorigũ pehe yũhũ carĩni wũhũ cũoeraja, niahye Jesu.

<sup>59</sup> Came apequirore Jesu pijiahye:

–Yũhũ mehna cjũ ijiajũ ahtaya, niahye.

Tiquiro sa nigũ yũhtiahye Jesure:

–Pũhto, yũhũ pacũ tiquiro yariagũ yarĩgutja. Sa ya tuhasagu pũrita mũhũ mehna wahagũtja, niahye tiquiro.

<sup>60</sup> Tiquiro sa nigũ Jesu yahuahye:

–Yũhũre cahmeñequina yariariquina yero saha ijire. Tiquina pehe yariariquinare yaahro. Sa yegũ mũhũ pehe Cohãcjũ tiquiro pũhtoro ijiyere quehnoañe buheyere buhegũ ahtaya, niahye Jesu tiquirore.

<sup>61</sup> Sa yero apequiro Jesure ohõ saha niahye:

–Pũhto, mũhũ mehna wahautja. Mũhũ mehna yũhũ wahato pano yũhũ acayere cohe tinii wahautja, niahye tiquiro Jesure.

<sup>62</sup> Tiquiro sa nigũ Jesu yahuahye tiquirore:

–Dahrariquiro dahra dueraro tiquiro dahseatiquiro ijierare. Tiquiro yero sahata ijiriquiro ohõ saha ijire: “Cohãcjũ yere ye duaja”, nieperota tire yerare. Tiquiro Cohãcjũ yaquiro ijiboriquiro ijierare, niahye Jesu.

## 10

*Jesu setenta y dos buheyequinare buhe dutiro ohoahye*

<sup>1</sup> Came Jesu apequina buheyequinare setenta y dos buheyequinare bese, macaripũ tiquiro wahato pano ohoyuahye. Ti macarine pũeyequina dihita ohoyuahye tiquiro. <sup>2</sup> Sa ohoyuro ohõ saha ni yahuahye tiquinare queoye mehna buhero:

–Trigo peye ti bũcũa tuhasagũ peye ijigũ dahraye pajiro ijire. Sa ijiepegũta dahrayequina pehe meheñequinagã ijire. Sata quehnoañe buheyere tũhoatiquina peyequina ijigũ pajiro ijire mari dahraye. Sa ijiepegũta meheñequinagã dahrari masa yero sahata quehnoañe buheyere buheatiquina gũhũ meheñequinagã ijire. Sa yena quehnoañe buheyere buheatiquinare apequinare tiquiro ohoatire siniña Cohãcjũre mûsa. <sup>3</sup> Wahaya mûsa. Mûsare yũhũ ohogũ mûsa oveja pohne yayia watoa tiquina ijiro sahata mûsa gũhũ ñañequina usuayequina watoa ijinata. <sup>4</sup> Niñeru ajurore, paji cjũri ajuro gũhũre, dahpo suhtire nedacãhña. Mûsa mahapũ tinina apequinare boca sa yahuducueracãhña. Poto wahaya. <sup>5</sup> Ijipihtiye mûsa sajãñe wũhũsepũ sajãna, “Ahri wũhũ

cjēna quehnoano ijiahero”, ni m̄htaña. <sup>6</sup> Ti w̄h̄u cjēna quehnoano mehna ijyequina cahmequeno marieñequina tiquina ijigū, tire niña tiquinare. Quehnoano mehna tiquina ijieragū ihñana ti w̄h̄u cjēnare sa niedacāhña. <sup>7</sup> Ihcā w̄h̄u sajā sad̄cana tiquina quehnoañequina ijigū ti w̄h̄u p̄ta tojoaya. Top̄u tiquina duhu peorire ihya, sihniña. Dahrayequinare tiquina wapatayere neno cahmene. Sa yena tiquina wapatayere tiquina neno sahata tiquina duhu peorire neña m̄sa gūh̄u. Sa yena ihcā w̄h̄u p̄ta m̄sa esari w̄h̄u p̄ta ijina, ti maca cjē w̄h̄u sep̄u carī tiniedacāhña. <sup>8</sup> Macap̄re m̄sa esana to cjēna pehe m̄sare tiquina cahmeñequina ijigū ti ihyayere tiquina duhu peorire ihyaya. <sup>9</sup> To cjēna dohatiyequinare ȳhd̄oaya. Sa yena ohō saha niña to cjēnare: “Cohācj̄u yojop̄re mari p̄toro tiquiro ijati mehenogā d̄hsare”, niña tiquinare. <sup>10</sup> Ape macap̄u m̄sa esagū tiquina pehe m̄sare cahmedaboaga. Tiquina cahmedagū ihñana ti maca decop̄u waha, ohō saha niña tiquinare. <sup>11</sup> “Ahri maca cjē dihtare dahpocāri cjē dihtare wejē site cohāna niaja ūsāre m̄sa cahmedari buhiri ihñona. Sa yena ahrire wacūña. Cohācj̄u mari p̄toro yojop̄re tiquiro ijati mehenogā d̄hsare”, niña tiquinare. <sup>12</sup> M̄sare potō niita niaja. Sodoma cjēna ña ȳhd̄uayequina ijiahye. Tiquina sa ijiepegūta pih̄tiati deco ijigū Cohācj̄u tiquiro buhiri dahreati deco ijigū Sodoma cjēna ȳhd̄uoro m̄sare cahmeeñequina pehere buhiri dahrerota, niahye Jesu.

*Apeye macari cjēna Cohācj̄ure ȳhd̄ud̄cayequina ijire*  
(Mt 11.20-24)

<sup>13</sup> Came Jesu ohō saha niahye macari cjēnare:

—Corazín cjāna, m̄sa ñano ȳhd̄anata. Betsaida cjāna, m̄sa gūh̄u ñano ȳhd̄anata. M̄sa ye macarip̄re Cohācj̄u tutuaye mehna ye ihñomi. Tiro wame tiri macare, Sidō wame tiri maca gūh̄ure tiquiro tutuaye mehna ȳh̄u ye ihñogū ihñañe panop̄u to cjēna pehe tiquina ñañene buj̄ua witiboaga. Sa ye quehnoañene comesaboaga. Duita tiquina masa dija suhtire saña, tiquina basi peca cjē nujuare tiquina bui dahra site peoboaga tiquina ñañene buj̄ua witiyere ihñone. <sup>14</sup> Cohācj̄u tiquiro buhiri dahreati deco ijigū Tiro cjēna, Sidō cjēna ȳhd̄uoro m̄sa pehere m̄sa ñari buhiri m̄sare tutuaro buhiri dahrerota tiquiro. <sup>15</sup> Capernau cjāna, m̄sa esa tuharo ūhm̄sep̄u waha duamene. M̄sa sa waha duepegūta m̄sa ñari buhiri m̄sare Cohācj̄u pecap̄u cohānota, niahye Jesu.

<sup>16</sup> Sa ni tuhasa Jesu tiquiro buheyequinare yahuahye:

—M̄sare t̄hoyequina ȳh̄u gūh̄ure t̄hore. M̄sare cahmeeñequina, ȳh̄u gūh̄ure cahmedare. Sa yeye ȳh̄ure cahmeeñequina, tiquina ȳh̄ure ohoriquiro gūh̄ure cahmedare, niahye Jesu tiquinare.

*Setenta y dos buheyequina tojoa wihiahye*

<sup>17</sup> Came setenta y dos buheyequina bucueye mehna tojoa wihiahye:

—P̄hto, m̄h̄u wame mehna m̄h̄u tutuaye mehna wat̄iare ūsā dutigū tiquina pehe ūsāre ȳhd̄ud̄caerare, niahye tiquina Jesure.

<sup>18</sup> Tiquina sa nigū Jesu ȳhtiahye tiquinare:

—Ūhm̄sep̄u mia sitedoque dijioro sahata, wat̄ino tiquiro bora dijia tagū ihñan. <sup>19</sup> Quehnoano t̄hoya. M̄sare ȳh̄u tutuayere ohou ȳh̄u. Sa yeḡu añaa parire, cutipa parire, wat̄inore marine ihña tuhtiriquirore m̄sa ȳhd̄ud̄catire ohou ȳh̄u. Sa ye tiquina m̄sare ñano ye masiedare. <sup>20</sup> Ȳh̄u sa ohoepegūta wat̄ia m̄sare tiquina ȳhd̄ud̄caeragū ihñana ti dihitare bucueraçhña. Ahri pehere bucueya. Ūhm̄sep̄u Cohācj̄u yequina tiquina wamene tiquiro ojoa ohōri t̄jup̄u m̄sa wamene tiquiro ojoa ohōgū ihñana, ti pehere bucueya m̄sa, niahye Jesu tiquinare.

*Jesu bucueahye*

(Mt 11.25-27; 13.16-17)

<sup>21</sup> Ti pjere Esp̄ritu Santo Jesure tutuaro bucuegū yeahye. Sa yero Jesu ohō saha niahye:

—Mai, m̄h̄u ūhm̄sep̄u gūh̄ure yehpar̄u gūh̄ure p̄hto ijire. Masi ȳhd̄ud̄cayequinare m̄h̄u yahuerarire ihyo ijyequina pehere yahuri m̄h̄u. M̄h̄u sa yegū

ihñagũ “Quehnoa yũhdũare”, niaja. Sata ijire mai. Mũhũ ye duariro sahata, mũhũ cahmediro sahata tiquinare mũhũ yere yahuri mũhũ, niahye Jesu.

Sa ni tuhasa apequinare ohõ saha niahye:

<sup>22</sup>—Yũhũ Pacũ ijipihiyere yũhũre ohori. Yũhũ Pacũ dihita yũhũre masine. Yũhũ gũhũ tiquirore masiaja. Yũhũ beseriquina gũhũ tiquirore masine, yũhũ masi dutiyequina ijiye. Topequinata yũhũ Pacũre masiaja usã, niahye Jesu.

<sup>23</sup> Tiquiro sa nidi bato tiquina sehsaro ijigũ Jesu tiquiro buheyequinare ohõ saha niahye:

—Ahri ijipihiyere mũsa ihñana bucuena ijire. <sup>24</sup> Ijirota ijire. Peyequina Cohãcjũ yere yahu mũhtariquina, ihquẽ yehpari cjẽna pũhũa yojopũ mũsa ihñarire ihña duamahye tiquina gũhũ. Sa ye mũsa tũhori gũhũre tũho duamahye, niahye Jesu.

*Quehnoariquiro Samaria cjũno* quitire yahuahye Jesu

<sup>25</sup> Ti pjeta judio masare buheriquiro Jesu cahapũ wihi, Jesure tiquiro ñano yahuducugũ ye duamahye:

—¿Buhegũ, yũhũ ijipihiyere decori Cohãcjũ mehna iji duagũ dũhse yeboagari yũhũ? ni, sinituahye tiquiro Jesure.

<sup>26</sup> Tiquiro sa nigũ Jesu yũhtiahye tiquirore:

—¿Dũhse ni yahuajari Cohãcjũ yere tiquina ojoari pũpũ? ¿Cohãcjũ tiquiro ni ojoarire dũhse ni tũhotuajari mũhũ? niahye Jesu tiquirore.

<sup>27</sup> Jesu sa nigũ tiquiro yũhtiahye:

—Ohõ saha niahye Cohãcjũ: “Tutuario mũsa jeripohnari mehna, quehnoano mũsa tutuaye mehna, mũsa wacũne mehna Cohãcjũre cahĩña. Sa ye mũhũ basi mũhũ cahĩno saha mũhũ cahapũ ijiequina gũhũre cahĩña”, niahye tiquiro Jesure.

<sup>28</sup> Tiquiro sa nigũ Jesu yũhtiahye:

—Potota nine mũhũ. Tire yeya. Sa yegũ ijipihiyere decori Cohãcjũ mehna ijigũta mũhũ, niahye tiquirore.

<sup>29</sup> “Ahriquiro Cohãcjũ dutiyere ye pehoriquiro ijire”, masa tiquirore tiquina ni ihñagũ cahmeahye judio masare buheriquiro. Sa cahmeno tiquiro Jesure ohõ saha ni sinituahye:

—¿Noa boro ijiboagari yũhũre mũhũ cahĩ dutiriquiro? niahye tiquiro.

<sup>30</sup> Tiquiro sa nigũ Jesu ohõ saha ni queoye mehna piti dahre buheahye:

—Ihcã deco Jerusalẽpũ ahtariquiro Jericõpũ wahariquirore mahapũ tiquiro tinigũ yaqueyequina tiquirore ñeheahye. Sa ñeheñe, tiquiro suhtirore tu we ne, tiquirore tutuario quẽahye. Sa tutuario quẽ, tiquiro yariaro taro yegũ duhuahye tiquina tiquirore.

<sup>31</sup> Ti pjeta pahi ti mahapũ ahtahye. Sa ahtaro tiquina quẽdiquirore ihñaeperota maha ape sie dũhtũ cahapũ yũhdũ cãa wahahye. <sup>32</sup> Sa ye Cohãcjũ wũhũpũ dahrariquiro gũhũ pejecũoriquiro cahapũ esa, tiquirore ihña, maha ape sierũ yũhdũ cãa wahahye. <sup>33</sup> Sa ye Samaria cjũno pehe topũ waha, yoa cjũnopũ pejecũoriquirore ihña, tiquirore paja ihñahye. <sup>34</sup> Sa yero tiquiro pejecũoriquiro cahapũ esa, uñse, vino mehna moredire tiquiro camine pio peoahye. Pio peo tuhasa suhtiro cahsero mehna dũhteahye tiquiro camine. Tuhasa, pejecũoriquirore tiquiro yaquiro burro bui duhu peo, carĩni wũhũpũ ne cãhye tiquirore. Topũ ijiro, Samaria cjũno quehnoano ihña ihboahye tiquirore.

<sup>35</sup> Ape deco tiquiro carĩni wũhũ upũrore pũa cjoe niñeru cjoerire oho, ohõ saha niahye:

“Ahriquirore ihña ihboya. Ahri esa tuhaeragũ pari turi tojoa tagũ wapa ye pehoutja”, niahye Samaria cjũno wũhũ upũrore, niahye Jesu.

<sup>36</sup> Sa ni tuhasa judio masare buheriquirore sinituahye Jesu:

—¿Ahriquina ihtiaro mũmũa diquiro pehe ijiajari pejecũoriquirore cahĩdiquiro? niahye Jesu.

<sup>37</sup> Tiquiro sa nigũ tũhoro buheriquiro pehe Jesure yũhtiahye:

—Pejecũoriquirore yedohoriquiro ijiaga tiquirore cahĩdiquiro, niahye tiquiro Jesure.

—Wahaya. Mũhũ gũhũ masare sata yei wahaya, niahye Jesu buheriquirore.

*Marta, María gũhũ* cahapũ tiniyahye Jesu

*Marta, María gũhũ* masare sata yei wahaya, niahye Jesu buheriquirore.



<sup>38</sup> Sa ye Jesu tiquiro buheyequina mehna tiquina wahagũ, ape macapũ tiquina tinigũ, Marta wame tiricoro tiquinare ticoro ya wũhũpũ sajã ta dutiahye. <sup>39</sup> Ticoro bahoro María tiquiro dahpocãri cahapũ duji, tiquiro buheyere tũhoahye. <sup>40</sup> Ticoro sa yegũ ihñano Marta ticoro dahraye peye ijigũ usuahye. Sa yero ticoro Jesure yahuahye:

—¿Pũhto, yũhũ ihcõta dahragũ yũhũre yũhũ baho ticoro yedohoeragũ mũhũre quehnoajari, mũhũ ihñagũ? Ticorore yũhũre yedoho dutiya, niahye Marta Jesure.

<sup>41</sup> Ticoro sa nigũ Jesu yũhtiahye:

—Marta, dahraye peye cũogo pajiro tũhoture mũhũ. <sup>42</sup> Cohãcjũ tiquiro yere tũho dutire. María quehnoañene yero taro, tire cahmene. Sa yegũ yũhũre ticoro tũhogũ “Yedohogo wahaya”, niedaja ticorore, niahye Jesu Martare.

## 11

*Jesu Cohãcjũre siniñene buheahye*

*(Mt 6.9-15; 7.7-11)*

<sup>1</sup> Ihcã deco Jesu Cohãcjũre sinino niahye. Tiquiro sini tuhasagũ, ihcãquiro tiquiro buheyequina mehna cjũno tiquirore ohõ saha niahye:

—Pũhto, Ñu tiquiro buheyequinare tiquiro buheriro sahata Cohãcjũre siniñene usã gũhũre buheya mũhũ, niahye tiquiro Jesure.

<sup>2</sup> Tiquiro sa nigũ tũhoro Jesu tiquinare yahuahye:

—Ohõ saha Cohãcjũre siniña: “Usã Pacũ, ãhmũse cjũ mũhũ quehnoagũ sa ijiducure. Yojobũre ijipihtyequina pũhto ijiya. <sup>3</sup> Sa yegũ decoripe usã ihyatire ohoducuya usãre. <sup>4</sup> Apequina usãre tiquina ñañe yerire usã boaja. Sa yegũ mũhũ gũhũ usã ñañe yerire boya. Sa yegũ usã ñañene ye duagũ usã tutuaro cahmegũ ihñagũ tire usãre ye dutiegũta”, ni siniña Cohãcjũre, niahye Jesu tiquinare.

<sup>5</sup> Came Jesu quiti mehna tiquiro buheyequinare ohõ saha ni buheahye:

—Ihcãquiro ñami decopũ tiquiro acayũro ya wũhũpũ waha, tiquirore siniahye: “Yũhũ acayũ, ihtiarã pã pacare ohoya yũhũre. <sup>6</sup> Apequiro yũhũ acayũro tinino ahtariquiro mianogãta ya wũhũpũ wihiri. Sa yegũ tiquirore yũhũ nuati mariedare”, niahye tiquiro acayũrore. <sup>7</sup> Tiquiro sa nigũ tiquiro acayũro wũhũ puhãpũ ijiriquiro yũhtiahye: “Yũhũre cariboeracãhña. Sopecaha bihariro ijire. Yũhũ, yũhũ pohna mehna carĩna niaja. Wahcãno pjeraga yũhũre mũhũre ihyayere ohoborigũ”, niahye tiquiro acayũro. <sup>8</sup> ¿Dũhse waharotari sinidiquirore? Poto niaja mũsare. Tiquiro acayũro ijieperota, ihyaye ohoboriquiro wahcã duerahye. Tiquiro wahcã duerapegũta ihyaye sinidiquiro pehe bue tiro marieno tiquiro yoari pje siniducugũ ijipihtye tiquiro sinidiro sahata ohorota. <sup>9</sup> Sa yegũ ahrire mũsare ni yahugũ niaja: Cohãcjũre siniña. Sa sinina mũsa nenata. Mũsa sinidire bocanata. Tiquirore sa siniducuya. Mũsa sa yegũ tiquiro ohorota. <sup>10</sup> Ijipihtyequina Cohãcjũre siniñequina neeta. Sa ye tiquina sinidire bocaeta. Sa yero ijipihtyequina Cohãcjũre sa siniducyequinare tiquiro tiquinare ohorota.

<sup>11</sup> ¿Mũsa pohna mũsare wahire tiquina sinigũ añare ohoboagari mũsa tiquinare?

<sup>12</sup> ¿Mũsa pohna canaca dũere tiquina sinigũ cutipare ohoboagari mũsa tiquinare? Ne ohosi. <sup>13</sup> Mũsa ñana ijiepenata mũsa pohñare quehnoañene ohoe tiri mũsa. Sa yero Cohãcjũ pehe mũsa ohori yũhũro quehnoañene ohore mũsare. Tiquiro mari Pacũ ãhmũse cjũno Espĩritu Santore ohorota tiquirore siniñequinare, niahye Jesu tiquiro buheyequinare.

—*Jesu watĩno tutuayere* cũore, ni, yahusãhye masa

*(Mt 12.22-30; Mr 3.20-27)*

<sup>14</sup> Ti pjere Jesu watĩnore cohãno niahye. Watĩno pehe yahuducu masiedagũ yeahye masũnore. Sa yero watĩno masũnore tiquiro duhuri bato masũno pehe yahuducu dũcahye. Tiquiro yahuducugũ tũhoye masa peyequina tũho maria wahahye. <sup>15</sup> Tiquina sa tũho mariepegũta apequina pehe ohõ saha niahye:

—Ahriquiro Jesu watĩare tiquiro cohãgũ Beelzebú wame tiriquiro watĩa pũhtoro pehe tiquirore yedohore, niahye apequina.

<sup>16</sup> Apequina “¿Jesu Cohãcjũ tiquiro ohoriquiro ijiajari?” ni masi duaye tiquirore Cohãcjũ tutuaye mehna ye ihño dutimahye. <sup>17</sup> Tiquina sa dutigũ tũhoro “Watĩno tutuaye mehna watĩare cohãre”, ni, tiquina tũhotuyere masino, tiquinare ohõ saha ni yahuahye Jesu, “Watĩno ye tutuaye mehna watĩare cohãgũ niedaja”, nino taro:

—Ihcã yehpa cjẽna tiquina basi cahmequeñe, ti yehpa cjẽna yaria pihtia wahaboaga. Sa ye ihcã wũhũ cjẽna tiquina basi cahmequeñe, ti wũhũ cjẽna waha pihtia wahaboaga.

<sup>18</sup> Sa ye, watĩno yequina watĩa tiquina basi cahmequeñe, tiquina watĩa gũhũ waha pihtia wahaboaga. Ihcã curua iji masiedaboaga. Mũsa yũhũre ohõ saha nine. “Tiquiro watĩno tutuaye mehna watĩare cohãre”, mũsa yũhũre nina niaga. <sup>19</sup> ¿Yũhũre mũsa nidi poto ijigũ mũsa mehna cjẽna watĩare cohãñe watĩno tutuaye mehnata cohãjari tiquina gũhũ, mũsa ihñagũ? Mũsa mehna cjẽna watĩare cohãñe, watĩno tutuaye mehna cohãñe niedare. Ahrire masina watĩno tiquiro tutuaye mehna watĩare yũhũ cohãedagũ masinata mũsa. <sup>20</sup> Sa yegũ yũhũ pehe watĩare cohãgũ Cohãcjũ tutuaye mehna cohãja. Ahrire masina, Cohãcjũ tiquiro pũhtoro iji dũcayere masinata mũsa.

<sup>21</sup> Tutuariquiro tiquiro ye wamoa mehna tiquiro ya wũhũre tiquiro ihña ihbogũ tiquiro yere apequina yaque masiedare. <sup>22</sup> Tiquiro sa ihña ihbopegũta apequiro tutua yũhdũriquiro tiquiro mehna cahmeque, tiquirore yũhdũdũca, tiquiro ye wamoare ehma cã, tiquiro yere ehma cãhre. Ohõ sahata ye yũhdũdũcaro cahmene watĩare. <sup>23</sup> Ihcãquiro yũhũre cahmedaro, yũhũre ihña tuhtiriquiro ijire. Ihcãquiro yũhũre yedohoeraro yũhũre ñano yero nine, ni buheahye Jesu.

*Watĩno pari turi masũnore tiquiro sajãri quitire yahuahye Jesu*

*(Mt 12.43-45)*

<sup>24</sup> Sa yero tiquiro tũhotuye mehna ohõ saha ni queoye mehna buheahye tiquinare:

—Watĩno masũno mehna ijiriquiro waha, tiquiro aco marieni yehpapũ tinino, tiquiro ijiatore macamahye. Bocaeraro, ohõ saha ni tũhotuahye: “Masũno yũhũ duhuriquiro mehna pari turi ijigũ wahautja”, ni, tũhotuahye tiquiro. <sup>25</sup> Sa nino tiquiro tojoa waha, masũnore bocahye. Sa tiquiro bocagũ masũno pehe quehnoariquiro ijimahye. <sup>26</sup> Sa yero watĩno apequina siete watĩare tiquiro yũhdũoro ñañequinare pijiro wahahye. Tiquiro sa pijigũ tiquina ijipihtiyequina watĩa masũno mehna ijiahye. Sa yero masũno pehe to pano ihcãquiro watĩnore cũoro, ñariquiro ijimahye. Camepũ pehere peyequina watĩare cũoriquiro ijiro, to pano tiquiro ijiriro yũhdũoro ña yũhdũariquiro ijiahye, niahye Jesu.

*Jesu bucueyere yahuahye*

<sup>27</sup> Tire tiquiro sa nigũ masa watoa ijiricoro numino Jesure yahuahye:

—Mũhũre pohna tiricoro, mũhũre apũoricoro bucuericoro ijire, niahye Jesure.

<sup>28</sup> Ticoro sa ni tuhasagũ tũhoro Jesu ticorore yũhtiahye:

—Cohãcjũ yahuducuyere tũhoyequina tiquiro dutiyere yeyequina tiquinata ijiaga bucueyequina, niahye Jesu ticorore.

*Masa ñañequina Jesure Cohãcjũ tutuaye mehna ye ihño dutiahye*

*(Mt 12.38-42; Mr 8.12)*

<sup>29</sup> Sa ye peyequina masa Jesu cahapũ tiquina wihigũ, tiquiro tiquinare yahu nemoahye:

—Yojopũ cjẽna ñañequina ijire. Yũhũre poto nigũ yũhũ ijiyere tiquina masi duaye, Cohãcjũ tutuaye mehna yũhũ ye ihñogũ ihña duamene. Tiquina sa ihña duepegũta Jona panopũ cjũno Cohãcjũ tutuaye mehna tiquiro yeri dihitare ihñonota Cohãcjũ tiquinare.

<sup>30</sup> Jona Cohãcjũ yere yahu mũhtariquiro ijiro, tiquiro Nínive wame tiri maca cjẽnare Cohãcjũ yere tiquiro masigũ yeriro sahata yũhũ masũ Cohãcjũ ohorigũ masigũ yeaja yojopũ cjẽnare. <sup>31</sup> Buhiri dahreati deco ijigũ pũhtoro sur cjõno panopũ cjõno ducu, yojopũ cjẽnare “Ñana ijire mũsa”, ni, yahusãnota ticoro. Ticoro Salomo panopũ cjũno tiquiro masiñene tũho duaro yoaropũ ahri yehpa ape siepũ ijiricoro Salomore tũhoro ahtahye. Sa yero quehnoano yero niahye yojopũ cjẽna yũhdũoro. Sa yero ticoro

yahusānota yojopu cjēnare. Sa nigu musare poto niita niaja. Yojopu musare yuhu buheye Salomo tiqiro buheri yuhduoro ijire. <sup>32</sup> Buhiri dahreati deco ijigū Nínive wame tiri maca cjēna gūhu ducu, yojopu cjēnare “Ñana ijire mūsa”, ni yahusāeta tiquina. Jona tiquinare Cohācjū yere tiqiro yahugū tūhoye, tiquina ñañene bájua witi, quehnoañene cahmeahye tiquina pehe. Sa cahmeñe quehnoano yeye niahye yojopu cjēna yuhduoro. Sa ye tiquina gūhu yojopu cjēnare “Ñana ijire mūsa”, ni yahusāeta. Musare poto niita niaja. Yojopu musare yuhu buheye Jona tiqiro buheri yuhduoro ijire, ni yahuahye Jesu.

*Masa tiquina tūhoturo sahata yere*  
(Mt 5.15; 6.22-23)

<sup>33</sup> Sa yero queoye mehna buhero ohō saha ni yahu nemoahye tiquinare:

—Masa sihāriare sihāñe nūoedare. Tiare sihāñe dihi sutu docapu duhu dapoerare. Tiare uhmūseru duhu peore wūhuru sajā tayequina tiquina quehnoano ihña sajā tatore yeye. <sup>34</sup> Sihāria quehnoano buhriogū mari quehnoano ihña masino sahata quehnoañene tūhotuye mehna quehnoano ye masinata mūsa. Mūsa tūhoturo sahata yere mūsa. Quehnoañene tūhotuna quehnoano yere mūsa. Quehnoañene tūhotuerana ñañe pehere yere mūsa. <sup>35</sup> Sa yena quehnoano yeya. Mūsa tūhotuyepu ñañene wacūedacāhña. Ñañene ne cahmedacāhña. <sup>36</sup> Tuhasa mūsa tūhotuyepu quehnoañe ijigū, ñañe ne mariedagū quehnoañe dihitare tūhotunata, ni buheahye Jesu.

*Fariseo masare, judio masare buheyequina gūhure Jesu tuhti yahuahye*  
(Mt 23.1-36; Mr 12.38-40; Lc 20.45-47)

<sup>37</sup> Jesu tiqiro buhe tuhasagū ihña, fariseo masano tiqirore tiqiro ya wūhuru ihya dutiro pijiahye. Sa yero Jesu tiqiro ya wūhuru sajā sa, tiquina ihyaropu tiquina mehna nuju sahye. <sup>38</sup> Tiqiro sa nuju sagū fariseo masano pehe Jesure ihña nununo judio masa tiquina omo coseducuro sahata tiqiro omo coseragū ihñano ohō saha ni tūhotuahye: “Yohou. ¿Ahriqiro dūhsero omo coserajari usā yero saha?” ni tūhotuahye. <sup>39</sup> Tiqiro sa ni tūhotugū masino Jesu tiqirore yahuahye:

—Mūsa fariseo masa sihniñe parire, wapari gūhure bui pehe dihitare mūsa cosero sahata quehnoañene ye ihñore mūsa buigā warona. Sa yepenata Cohācjū yere queoro yerare. Apequina yere ehma mūjare mūsa. Sa yena ñañe dihitare tūhoture mūsa. <sup>40</sup> Tūho masiedare mūsa. Cohācjū mūsa pagurire yeriqiro mūsa tūho masiñe gūhure yeahye. ¿Tire masiedajari mūsa? <sup>41</sup> Sa yena mūsa yere pejecūoyequinare ohoya mūsa. Mūsa sa yena quehnoañene tūhotuna ijinata.

<sup>42</sup> Mūsa fariseo masa ñano yuhdunata. Moa yero saha ijiyere ihyayere ocagū yeyere cūona mehenogā ohomene mūsa. Cohācjūre ño peona tana pahiare ohomene mūsa. Sa ohoepenata quehnoañene yerare mūsa. Sa yena masare paja ihñedare mūsa. Sa yena Cohācjūre ño peoerare mūsa. Oteye ducagāre mūsa nedire mehenogā Cohācjūre mūsa ohogū quehnoañene. Sa ohona ohō saha ye nemoña: Quehnoañene yeya. Sa yena paja ihñaña masare. Sa yena Cohācjūre ño peoya mūsa.

<sup>43</sup> Mūsa fariseo masa ñano yuhdunata. Buheri wūhuru ijina, quehnoañe dujiye dihitare duji duare mūsa. Doeri cjē duaropu apequina pūhtoare quehnoano ño peo tiquina sinino saha musare piti cagū cahmene mūsa.

<sup>44</sup> Ñano yuhdunata mūsa. Masa cope nūori cope yero saha ijire mūsa. Ti cope cahagā masa ijiye, puhiaru cjūno ahbariqirore ihñedare tiquina. (Sata masa mūsa cahagā ijiye, mūsa tūhotuyepure ñañe ijiyere masiedare tiquina,) niahye Jesu tiquinare.

<sup>45</sup> Tiqiro sa nigū tūhoro judio masare buheyequina mehna cjūno Jesure yahuahye:

—Buhegu, tire nigu usā gūhure ñano nii niaga mūhu, niahye tiqiro Jesure.

<sup>46</sup> Tiqiro sa nigū Jesu yūhtiahye:

—Ijirota ijire. Judio masare buhena mūsa gūhu ñano yuhdunata. Mūsa apequinare tiquina ye masiedarire ye dutire mūsa tiquinare. Sa ye dutiepenata mūsa pehe tiquinare ne mehenogā yedohoerare ti dutiyere tiquina yeati pehere.

<sup>47</sup> Sa yena m̄sa ñano ȳhd̄nata. Coh̄c̄j̄ yere yahu m̄htariquina panop̄ c̄j̄na tiquina masa coperire quehnoano quehnomene m̄sa tiquinare ño peoro saha yena. M̄sa sa yepeḡta panop̄ c̄j̄na m̄sa acaye pehe tiquinare wej̄eahye. <sup>48</sup> M̄sa acaye panop̄ c̄j̄na pehe Coh̄c̄j̄ yere yahu m̄htariquinare tiquina wej̄ediro sahata m̄sa ḡh̄ yeboaga. Sa yena yojop̄re ti masa coperire quehnomene m̄sa. Sa quehnona m̄sa acaye tiquinare tiquina wej̄edire wac̄ure m̄sa. Sa tiquina wej̄õr̄ire wac̄una “Quehnoa c̄ahre”, ni wac̄ure m̄sa.

<sup>49</sup> Coh̄c̄j̄ tiquiro masiñe mehna oh̄o saha ni yahuahye: “Yeere yahu m̄htariquina ḡh̄re ȳh̄ buhe duti c̄uriquina ḡh̄re ohoutja tiquinare. Sa yeye tiquina ȳh̄ ohoriquinare apequinare wej̄e, apequinare ñano yeeta”, niahye Coh̄c̄j̄. <sup>50-51</sup> Ahri yehpare Coh̄c̄j̄ tiquiro bajumehnedi bato Caĩ pehe Aberē wej̄eahye. Sa ye Coh̄c̄j̄ yere yahu m̄htariquinare Abe bato ijiyequina ḡh̄re ñañequina wej̄eahye. Came Zacariare Coh̄c̄j̄ w̄h̄p̄ Coh̄c̄j̄re ño peori altar cahap̄ m̄sa acaye wej̄eahye. Ijipihtiequina tiquinare tiquina wej̄edi buhiri yojop̄ c̄j̄nare Coh̄c̄j̄ buhiri dahrerota. Sata ijire. M̄sare niḡta niaja. Ijipihtiequina tiquinare tiquina wej̄edi buhirire yojop̄ c̄j̄nare Coh̄c̄j̄ buhiri dahrerota.

<sup>52</sup> M̄sa judio masare buhena, m̄sa ñano ȳhd̄nata. Coh̄c̄j̄ masiñene tiquina ojoari p̄rine c̄oepenata apequinare yahuerare m̄sa. M̄sa basi Coh̄c̄j̄ yere t̄hoerare. Sa yena apequina tiquiro yere tiquina t̄ho duepeḡta tire m̄sa tiquinare t̄ho dutierare, niahye Jesu tiquinare.

<sup>53-54</sup> Tiquiro sa niḡ t̄hoye judio masare buheyequina, fariseo masa ḡh̄ tiquiro mehna usua, tiquirore ñano yahuducuahye. Sa ye Jesu tiquiro ñano ȳhtiḡ t̄ho duaye, tiquina peye ni meho c̄i sinitumahye tiquirore, tiquirore yahus̄ duaye.

## 12

### *Tiquina ni mehoducurire Jesu yahuahye*

(Mt 16.6; 10.26-27; Mr 8.15)

<sup>1</sup> Sa ye Jesu cahap̄ masa peyequina cahmecoa, wahpa ȳhd̄uahye. Top̄ Jesu tiquiro buheyequinare oh̄o saha ni yahu d̄cah̄ye:

—Quehnoano wac̄ masiña m̄sa. Fariseo masa tiquina ye p̄re puḡ yeyere ih̄na quehnoano wac̄ masiña. Tiquina ni mehoducurire niḡ niaja “P̄re puḡ yeye”, niḡ.

<sup>2</sup> Ijipihtie apequina tiquina masiedarire came masieta. <sup>3</sup> Sa yero ñamip̄re tiquina n̄o yahuducurire buhriorop̄ bajuḡ yero sahata Coh̄c̄j̄ yahurota. Bihari tuc̄p̄ apequiore cahmono caha tiquina nidire masa peyequina watoa yahurota Coh̄c̄j̄, ni yahuahye Jesu.

### *Masa tiquina cueatiquirore yahuahye Jesu*

(Mt 10.28-31)

<sup>4</sup> Sa yero Jesu yahu nemoahye tiquinare:

—Poto niita niaja m̄sare. Masare wej̄eñequina wej̄e tuhasa pari turi tiquina wej̄õriquina m̄nare ñano ye nemo masiedare. Sa yena m̄sare wej̄e duayequinare cuerac̄h̄na. <sup>5</sup> Yojop̄re m̄sa cueatiquirore m̄sa ño peoatiquirore yahutja. Coh̄c̄j̄ pehere cue, ño peoya. Tiquiro m̄sa yariari bato pecap̄ coh̄ masine m̄sare. Sata ijire. Poto niḡ niaja. Coh̄c̄j̄ pehere cue, ño peoya.

<sup>6</sup> Ih̄c̄ omopequina siripia wapa mariedare. Sa wapa mariedapeḡta ih̄c̄quioḡre Coh̄c̄j̄ ne boerare. <sup>7</sup> Sa yero m̄sa poarire ne ih̄c̄ poa da d̄hsaro marieno masi pehore Coh̄c̄j̄. Sata m̄sa ijiye tiye ḡh̄re masi pehore Coh̄c̄j̄. Sa masino m̄sare ih̄na ih̄bducure. Siripia ȳhd̄oro Coh̄c̄j̄ cah̄ne m̄sa pehere. Sa yena tiquirore ño peona, cuerac̄h̄na m̄sa, niahye Jesu.

### *Jesu yequina m̄sa ijiyere yahuya masare*

(Mt 10.32-33; 12.32; 10.19-20)

<sup>8</sup> Sa ye Jesu yahu nemoahye:

—Mūsare niita niaja. Ihcāquiro “Jesu yaquiro ijiaja”, masare tiquiro nigū ihñagū, yūhū masū Cohācjū ohorigū “Tiquiro yaquiro ijire”, ni yahutja Cohācjū yequina angelere. <sup>9</sup> Ihcāquiro “Jesu yaquiro ijieraja”, masare tiquiro nigū, yūhū gūhū “Tiquiro yaquiro ijierare”, ni, yahutja Cohācjū yequina angelere.

<sup>10</sup> 'Ihcāquiro yūhūre ñano tiquiro ni yahuducugū ti ñañene Cohācjū bo masine. Sa boeperota ihcāquiro Espiritu Santo pehere tiquiro ñano ni yahuducugū ti ñañene ne Cohācjū bosī.

<sup>11</sup> 'Mari judio masa buheri wāhūpū pūhtoā cahapū apeqūina mūsare ne sajā “Ñañequina ijire”, ni yahusāeta. Tiquina sa yahusāgū mūsa yahuducuatire “Acuehi, masiedaboaga”, ni tūhotueracāhña. <sup>12</sup> Tiquina mūsare yahusāgūta Espiritu Santo mūsa yahuducuatire yahurota, niahye Jesu.

*Doeri cjē* upūro quitire yahuahye Jesu

<sup>13</sup> Sa ye masa mehna cjūno Jesure ohō saha ni yahuahye:

—Buhegū, ūsā pacū tiquiro yariari bato tiquiro ye ūsāre tojoare. Sa yegū yūhū wahmine tire yūhū gūhūre queoro tu wa dutiya, niahye tiquiro Jesure.

<sup>14</sup> Tiquiro sa nigū Jesu yūhtiahye:

—Ne ti borore tu wabogū ijieraja yūhū, niahye Jesu tiquirore.

<sup>15</sup> Sa ni tuhasa Jesu ijipihtiyequinare yahuahye:

—Quehnoano yeya mūsa. Doeri cjēne, apee boro gūhūre cahñedacāhña. Peye cūoepenata ti mehnata bucueducueraja mari, niahye Jesu.

<sup>16</sup> Sa ni tuhasa Jesu qūiti mehna yahuahye tiquinare:

—Doeri cjē upūro quehnoari yehpare cūoahye. Sa ye ti yehpapū tiquiro otegū quehnoano dūca tiahye. <sup>17</sup> Sa yero tiquiro basi ohō saha ni tūhotumahye: “Dūca ihboye wūhūse ne esa tuhaerare. <sup>18</sup> Yojoapūre ohō saha yeitja: Yojoapū yūhū ihboye wūhūse cohā cā, mūna wūhūse yūhūoro wahma wūhūse yeitja. Ti wūhūsepū yūhū oteye dūcare, ijipihtiyere yeere ihboutja. <sup>19</sup> Yūhū sa yeri bato, ohō saha ni, tūhotutja yūhū basi: ‘Yūhū peye apee boro cūogū ijiaja. Quehnoano soutja. Sa yegū ihya, sihni, bucueitja’, ni tūhotutja yūhū basi”, ni tūhotumahye tiquiro. <sup>20</sup> Tiquiro sa ni tūhotugū Cohācjū tiquirore yahuahye: “Mūhū ne tūho masiegū ijire. Mia ñamita mūhū yariagūta. Mūhū sa wahagū mūhū ye, mūhū cahñi butia waharota”, niahye Cohācjū tiquirore, niahye Jesu masare.

<sup>21</sup> Tire nino, masare ohō saha ni yahuahye Jesu:

—Sata wahaeta doeri cjē opana Cohācjūre wacūēñequina. Sa yero peye doeri cjēne, niñerure tiquiro ye ijati dihitare ihboriquiro Cohācjūre wacūedarō, tiquiro pejecūoriquiro yero saha ijirota, Cohācjū tiquiro ihñagū. Sa yero Cohācjū tiquirore ihña bucuere, niahye Jesu.

*Cohācjū* tiquiro pohnene ihña ihbore

(Mt 6.25-34)

<sup>22</sup> Sa ye Jesu tiquiro buheyequinare ohō saha ni yahuahye:

—Ahrire mūsare nigū niaja: Mūsa ihyatire, mūsa suhti sañatire, pajiro būjūa witi tūhotueracāhña. <sup>23</sup> Cohācjū mūsare bajumehnenō, ihyatiquina dihitare yerari mūsare. Sa yero suhti sañatiquina dihitare yerari mūsare tiquiro. <sup>24</sup> Minicjūa parire Cohācjū tiquiro ihña ihboyere masiña. Tiquina weseri marieñequina ijire. Sa ye ihyayere tiquina ihboye wūhūse tiquinare mariedare. Tiquina sa ijigū ihñano tiquinare Cohācjū tiquina ihyatire ohore. Minicjūa yūhūoro mūsa pehere cahñe Cohācjū. <sup>25</sup> Pajiro mūsa tūhotuye mehna ti mūsare ihcā hora cati nemogū yerare. Sa yero mūsa pajiro tūhotuye dūhseati ijierare. <sup>26</sup> Sa ye pajiro mūsa tūhotuye mehna ne mehenogā ye masiedare mūsa. ¿Sa yena pajiro mūsa tūhotuye ti dūhseati ijierapegūta dūhse yena mūsa ihyatire, mūsa sihniatire, mūsa sañatire pajiro būjūa witi tūhotuajari?

<sup>27</sup> 'Nūcū cjē cohorire tūhotuya. Ti cohorī ti basi suhtire yerare. Sa yerapeta quehnoañe suhti sañañequina yero saha quehnoano bajure ti cohorī. Salomo mūnāno



quehnoañe suhtire sañariquiro tiquiro ijiepegūta ti cohoru pehe tiquiro yūhdūoro quehnoa yūhdūaye cohoru waro ijire. <sup>28</sup> Cohorire quehnoañe cohoru yere Cohācjū pehe. Tiquiro sa yepegūta cohoru pehe meheñe decorigā ijiducume ñai bora dijiaa wahare. Mehenogā iji, ape deco pecarū ujūa wahare. Ti sa ijiepegūta cohorire quehnoañe cohoru ijigū yere Cohācjū. Sa yero Cohācjū cohorire tiquiro quehnoañe cohoru tiquiro yeriro yūhdūoro mūsa gūhūre quehnoano yerota. Suhtire ohorota. Mehenogā Cohācjūre wacū tutuare mūsa. <sup>29</sup> Sa yena mūsa ihyatire, mūsa sihniatire pajiro bujua witi tūhotueracāhña. <sup>30</sup> Cohācjūre cahmeñequina pehe ahri yehpa cjēna pehe tire sa macaducuye nine. Mari Pacū ūhmūse cjūno ijipihtiye mūsa cahmeñene masine. Tiquiro sa masigū pajiro bujua witi tūhotueracāhña. <sup>31</sup> “Cohācjū yūhū pūhtoro ijire”, ni tūhotu, tiquirore cahmeña mūsa. Mūsa sa yeri bato Cohācjū pehe mūsa cahmeñe dūhsagū ohorota, ni yahu nemoahye Jesu.

*Ūhmūsepū mari peye cūo masiaja*  
(Mt 6.19-21)

<sup>32</sup> Sa yero tiquinare yahu nemoahye:

—Yūhū cahña, meheñequinagā ijiepenata, cueracāhña mūsa. Cohācjū tiquiro pūhtoro ijiropūre tiquiro mehna mūsa ijigū cahmene tiquiro. <sup>33</sup> Sa yena mūsa yere dua pehoya. Tire dua, ti niñerure ne, pejecūoyequinare ohoya. Sata mūsa yegū ūhmūse cjē mūsa wapataye ne pihtisi. Ūhmūsepū mūsa ye ijiro ne pihtierare. Topūre mūsa yere nea masiedare yaqueriquiro. Sa ye mecasia gūhū tire tūa masiedare. <sup>34</sup> Ūhmūsepū mūsa ye ijigū ūhmūse cjē dihitare tūhotunata mūsa, niahye Jesu.

*Jesu tiquiro tojoa tatire cohte dutiahye tiquiro yequinare*

<sup>35-36</sup> Sa ni tuhasa tiquinare yahu nemoahye:

—Mūsa yere quehnoyu tuhasariquina yero saha yeere sa yeducuna ijina yūhūre cohteya. Dahra cohteyequina tiquina pūhtoro omoca dūhteri bōse decopū tiquiro wahagū tiquiro tojoa tatire tiquina cohtere. Tiquina sa cohteriro saha yūhū tojoa tatire cohteya mūsa gūhū. Pūhtoro tiquiro wūhūpū wihi, sopecahare tiquiro dotegū tūhoye tiquina duita pōo sōre tiquirore. <sup>37</sup> Dahra cohteyequina tiquina pūhtoro wihigū tiquiro cahmeno sahata yeducuyequina ijiye, bucuyequina ijieta. Tiquina sa yegū ihñano pūhtoro pehe dahra cohteriquiro yero saha comesarota. Sa yero dahra cohteyequinare duji dutiro, tiquiro tiquina ihyayere peorota. <sup>38</sup> Tiquiro wihiri pje ñami decopū, o bohreagūpū ijiepegūta dahra cohteyequina pehe tiquiro wihiri pjere tiquirore quehnoano cohteyequina ijiye, bucuyequina ijieta tiquina. <sup>39</sup> Ahrire wacūña. Yaqueriquiro wūhūpū tiquiro wihiatō pano ti wūhū cjūno masiedare. Wūhū cjūno yaqueriquiro tiquiro wihiatore masino, yaqueriquirore sajā ta dutieraboaga. Sa yero wacūeno mehna ahtare yaqueriquiro. <sup>40</sup> Sa yena mūsa gūhū cohteya. Yūhū masū Cohācjū ohorigū wacūeno mehna ahtatja. Sa yena yeere sa yeducuna ijina cohteya mūsa, niahye Jesu tiquinare.

*Apequiro dahra cohteriquiro tiquiro pūhtoro tiquiro ño peogū, apequiro pehe ño peerahye*

(Mt 24.45-51)

<sup>41</sup> Tiquiro sa nigū Pedro pehe sinituahye Jesure:

—¿Ahri quitire yahugū ūsāre nigū niajari? ¿O ijipihtiyequinare sa nigū niajari? niahye Pedro.

<sup>42</sup> Tiquiro sa nigū Jesu tiquiro tūhotuye mehna ohō saha ni queoye mehna buheahye tiquinare:

—Dahra cohteriquiro tiquiro pūhtoro ño peoriquiro tūho masiniquiro ohō sahata ijire. Pūhtoro tinino waharo, dahra cohteriquirore tiquiro ya wūhūre cūre. Tiquiro cūnohriquirō pehe dutiriquiro ijirota. Sa yero tiquiro ihyari pje ijigū apequina dahra cohteyequinare ihyayere itire. <sup>43</sup> Came pūhtoro tiquiro wihigū dahra cohteriquiro pehe tiquiro pūhtoro tiquiro dutiriro sahata ye pehoriquiro ijiro, tiquiro bucueriquiro ijirota.

<sup>44</sup> Poto niguta niaja musare. Tiquiro sa yegũ tiquiro puhtoro ijipihtiye tiquiro yere ihña ihboriquiro cñnota tiquirore. <sup>45</sup> Apequiro dahra cohteriquiro pehe “Yũhu puhtoro yoari pje bajuerare”, niboaga. Sa nino apequina dahra cohteyequinare umũare, numia gũhũre quẽ mũja, pajiro ihya, sihni, queheboaga. <sup>46</sup> Tiquiro sa yeri bato wacũeno mehna tiquiro puhtoro wihirota. Sa wihiro tiquirore ñano buhiri dahrerota. Sa yero Cohãcjũre yũhdũdcayequinare tiquiro cohãnopũ tiquirore cohãnota.

<sup>47</sup> Sa yero dahra cohteriquiro tiquiro puhtoro cahmeñene masiniquiro ijieperota tire tiquiro yeragũ, tiquiro quehnoano dahraeragũ tiquiro puhtoro pehe tiquirore yuta da mehna tananota. <sup>48</sup> Apequiro pehe dahra cohteriquiro tiquiro puhtoro cahmeñene masieniquiro ijiro quehnoano yeragũ ihñano tiquiro puhtoro pehe derogã tiquirore tananota. Cohãcjũ pajiro masare ohoro pajiro tiquinare apequinare oho dutirota. Sa yero tiquiro cahmeñene masigũ yere masare. Quehnoano tiquiro masigũ yenhriquinare quehnoano yũhti dutire tiquiro, niahye Jesu.

*Jesu masare cahme tu wagũ yere*  
(Mt 10.34-36)

<sup>49</sup> Sa ni tuhasa Jesu tiquinare yahuahye tja:

—Peca uñũ weriro sahata yũhu ahri yehpapũre masa tiquina ñaño yeyere cose wegũ ahtagũ nii. Yojoapũ pũrita peca uñũa wero saha ñaño marieñequina masa tiquina ijigũ tutuaro cahmeaja yũhu. <sup>50</sup> Yũhu ñano yũhdũtja. Yũhu sa ñano yũhdũatire cohtegũ, ñano jeripohna tiaja yũhu. <sup>51</sup> ¿Dũhse ni tuhotuajari mũsa yũhũre? ¿“Tiquiro masare tiquiro buheri bato apequina tiquina basi ihña tuhtisi”, ni tuhotuajari mũsa yũhũre? Sa ijierare. Masare yũhu buheri bato ihquẽquina yeere tuhoeta. Apequina pehe tiquinare ihña tuhtieta. Ihcãno saha ijisi masa. Musare niguta niaja. Masa yũhu buheyere tuhoeye, pũa curua cahme tu waeta. <sup>52</sup> Yojoapũre ihcã wũhu cjẽna ihcã omopequina masa yũhu buheyere tuhoeye, pũa curua tiquina basi cahme tu waeta. Ihcã curua ihtiaro, ape curua pũaro ijietã. <sup>53</sup> Tiquiro pacũro tiquiro macũnore ihña tuhtirota yaquiro tiquiro ijiri buhiri. Tiquiro macũno gũhũ tiquiro pacũrore ihña tuhtirota yaquiro tiquiro ijiri buhiri. Sa yero ticoro pacoro maconore ihña tuhtirota yacoro ticoro ijiri buhiri. Sa yero apecoro macono gũhũ ticoro pacoro ihña tuhtirota yacoro ticoro ijiri buhiri. Sa yero ticoro mareono ticoro macũ namonore ihña tuhtirota yacoro ticoro ijiri buhiri. Sa yero apecoro macũ namono gũhũ ticoro mareonore ihña tuhtirota yacoro ticoro ijiri buhiri. Sa waharota, yũhu buheyere tiquina tuhogũ, niahye Jesu.

*Quehnoari deco ijiatire, ñari deco ijiatire masa tiquina masiñene yahuahye Jesu*  
(Mt 16.1-4; Mr 8.11-13)

<sup>54</sup> Sa ye Jesu masare ohõ saha ni yahuahye tja:

—Ahrie pehepũ acoro cururire ihñana, duita “Acoro ahtarota”, nine mũsa. Mũsa sa nidi bato acoro ahtare. <sup>55</sup> Sa yena surpũ wihnono ahtagũ “Asiri deco ijirota”, nine mũsa ahri yehpapũ ijina. Mũsa sa nidi bato cũhmari deco ijire. <sup>56</sup> Mũsa masa ihñonopũ quehnoano iji mehoducuna ijire. Mũsa ahri yehpare umũse gũhũre ihñana, quehnoari deco ijiatire, ñari deco ijiatĩ gũhũre masine mũsa. ¿Sa yena yojoapũ cjẽ decorire masiepenata dũhsena ahri yehpa cjãna yojoapũre mũsa dũhse wahatire masiedajari mũsa? niahye Jesu.

*Mũsare ihña tuhtiriquiro mehna mũsa cahmequedire cahmeque duhuya*  
(Mt 5.25-26)

<sup>57</sup> Sa ni tuhasa ohõ saha ni yahu nemoahye:

—¿Mũsa poto yeatire yojoapũ masiedajari mũsa? <sup>58</sup> Apequiro mũhũre yahusãno waharo buhiri dahre dutiri wũhũpũ waha dutiboaga. Topũ wahana “Pari turi mũhũre sa yesi”, nigũ cahmeque duhuya. Mũhũ sa duhueragũ tiquiro buhiri dahre dutiriquiro cahapũ neaboaga mũhũre. Sa yero buhiri dahre dutiriquiro pehe mũhũre surarare tiquiro ohogũ, mũhũre surara peresu yeeta. <sup>59</sup> Mũhũre nigũ niaja. Topũ ijiniita mũhũ. Tee tiquina wapa ye dutirire mũhũ wapa ye pehogũpũ wijiagũta mũhũ, niahye Jesu.

## 13

Musa ñañe yerire bujua witi, quehnoañe pehere comesaya

<sup>1</sup> Ti pjere meheñequinagã masa Jesure ohõ saha ni yahue tiahye:

—Galilea cjëna wahiquirore wejẽ ujãa mæo Cohãcjũre tiquina ño peori watoa Pilato pehe tiquinare wejẽahye. Tiquiro sa wejẽgũ wahiquiro dii mehna masa dii moreahye, ni, yahuahye tiquina Jesure.

<sup>2</sup> Tiquina yahu tuhasagũ Jesu yũhtiahye:

—¿Galilea cjëna Pilato tiquiro wejẽgũ wejõriquina mænare dũhse ni tũhotuajari mũa? ¿Tiquina sa yariagũ apequina Galilea cjëna yũhdũoro ñañequina tiquina ijiri buhiri sa yeyari Cohãcjũ tiquinare, mũa tũhotugũ? <sup>3</sup> Ijierare. Mũsare niita niaja. Mũa pehe mũa ñañene bujua witierana, quehnoañe pehere comesaerana, mũa gũhũ yariana pecapũ wahanata. <sup>4</sup> Sa ye sohõ ijiriquina diez y ocho masa Siloé wame tiri wũhũ ãhmũari wũhũ tiquina bui wihnoa dijiaro, tiquinare wejẽ pehoahye. ¿Sa waha yariaye, apequina Jerusalẽ cjëna yũhdũoro ñañequina ijiyari tiquina, mũa tũhotugũ? <sup>5</sup> Ijierare. Mũsare niita niaja. Mũa ñañene bujua witierana quehnoañe pehere comesaerana, mũa gũhũ yarianata. Sa yena pecapũ wahanata, niahye Jesu tiquinare.

*Higueragũ* dũca mariedũ quitire yahuahye Jesu

<sup>6</sup> Sa ni tuhasa apeye queoye mehna piti dahre yahuahye tiquinare:

—Wese upũro tiquiro wesepũ higueragũre cõoahye. Sa yero tiquiro tũ dũcare macano wahamahye. Bocaerahye. <sup>7</sup> Bocaeraro tiquiro wese dahrariquirore yahuahye. “Tũhoya yũhũre. Ihtia cũhma waro higueragũ dũcare macamaja. Dũca mariedare. Tũ dũca mariedagũ tũre quẽ cohã cãhã. Tũ ya wesepũ ijigũ apedũre otero basioerare. Apedũ tũ ihyaborire ihyaboaga tũ dũca mariedũ pehe”, niahye wese upũro tiquirore dahra cohteriquirore. <sup>8</sup> Tiquiro sa nigũ tũhoro dahra cohteriquiro ohõ saha niahye: “Pũhto, ahũ ihcã cũhma waro ducurĩahdo. Tũ nũhcoripũ yũhũ sehegũtja. Tuhasa, wahiquiro cũhta mehna ti copere yautja. <sup>9</sup> Yũhũ sa yeri bato tũ ape cũhma dũca tiro dũca tiboaga. Tũ dũca mariedagũ mũhũ quẽ cohã dutigũta”, niahye dahra cohteriquiro wese upũrore, ni, yahuahye Jesu.

*Saurũ deco ijigũ* Jesu dohatiricorore yũhdũoahye

<sup>10</sup> Ti pjere saurũ deco ijigũ Jesu judio masa buheri wũhũpũ buhero niahye. <sup>11</sup> Topũ watĩno cõoricoro ijiahye. Watĩno pehe diez y ocho cũhmari waro dohatigũ yeahye ticorore. Sa yero pari tjũ ducuricoro ijiro, poto ducu masiedahye. <sup>12</sup> Ticoro sa ijigũ ihñano Jesu ticorore ihña, pisuahye:

—Numio, mũhũ dohatiye pihãtia wahare, ni, pisuahye Jesu.

<sup>13</sup> Tiquiro pisuri bato ticorore tiquiro ña peogũ duita ticoro quehnoano poto dũca sahye. Sa waharo “Cohãcjũ tutuagũ, quehnoagũ ijire mũhũ”, ni ño peoahye ticoro. <sup>14</sup> Jesu ticorore saurũ deco ijigũ tiquiro yũhdũogũ ihñano judio masa buheri wũhũ cohteriquiro pehe tiquiro mehna usuahye. Sa usuario tiquiro masare ohõ saha niahye:

—Seis decori ijire mari dahraye decori. Sa yena mũa dohatiyequinare yũhdũo duana, ti decorire tire yeya. Saurũ mari sori decore tire yeracãhã, niahye ti wũhũre cohteriquiro.

<sup>15</sup> Tiquiro sa nigũ Jesu ohõ saha ni yũhtiahye:

—Masa ihñono dihita quehnoana iji mehona ijire mũa. Mũa wecũre, burro gũhũre cõona saurũ decore tiquina dũhteri dare pã, tiquinare ne buha, sihni dutiboaga. <sup>16</sup> Yojopũ ahricorore Abrahã mũnano acayorore watĩno diez y ocho cũhmari waro ticorore dohatigũ yere. ¿Saurũ deco ijigũ ticorore yũhdũo dutierajari mũa? niahye Jesu.

<sup>17</sup> Tiquiro sa nigũ tũhoye, tiquina bũoro wahahye. Sa ye apequina pehe ijipihãtiyequina Jesu yerire ihña, bucueahye.

*Mostaza pje queoyere yahuahye Jesu*  
(Mt 13.31-32; Mr 4.30-32)

<sup>18</sup> Sa ye Jesu queoye mehna buheahye masare:

—¿Ne Cohãcjũ masa pũhtoro tiquiro ijiye yabe boro yero saha ijiajari? Ahri quitu mehna tire tiquiro pũhtoro ijiyere yahutja yũhũ. <sup>19</sup> Mostaza pjegã yero saha ijire. Ti pjegãre oteriquiro tiquiro ya wesere otere. Tiquiro oteri bato ti pjegã pihnine. Sa ye tu bũcuagũ minicjũa pari ti dũpũripũ suhti suhare, niahye Jesu. (Sa nino ohõ saha nino niahye. Mostaza pjegã pajidu tu bũcuariro saha uhmũse cjũnore mari pũhtorore masiũequina meheũequinagã tiquina iji mũhtaepẽgũta camerũ tiquina peyequina wahaeta.)

*Pã pugũ yeye queoyere yahuahye Jesu*

*(Mt 13.33)*

<sup>20</sup> Sa yero pari turi Jesu queoye mehna buheahye:

—¿Ne Cohãcjũ masa pũhtoro tiquiro ijiye yabe boro yero saha ijiajari? <sup>21</sup> Pãre pugũ yeye yero saha ijire. Tire numino ihcã ajuro trigore aco mehna quehnoano tire dahra morene pã bũcuatire. Ticoro sa yegũ pãre pugũ yeye pehe trigore quehnoano sehssaa wahare, niahye Jesu. (Sa nino ohõ saha nino niahye. Pãre pugũ yeye trigore ti sehssaa wahariro saha uhmũse cjũnore mari pũhtorore peyequina masa ijipihtiro cjẽna masieta.)

*Meheni sopecahagã quitire yahuahye Jesu*

*(Mt 7.13-14, 21-23)*

<sup>22</sup> Sa ye Jesu bũjũye macaripũ, daye macarigãpũ gũhũre buhe cã, Jerusalẽpũ esaro taro niahye. <sup>23</sup> Tiquiro sa wahari watoa masũno Jesure ohõ saha ni sinituahye:

—¿Pũhto, meheũequinagã masare pecarũ wahaboriquinare yũhdũrotari Cohãcjũ? niahye tiquiro Jesure.

Tiquiro sa nigũ Jesu queoye mehna buhero ohõ saha ni yahuahye:

<sup>24</sup> —Peyequina masa Cohãcjũ caharũ waha duaye, sajã duamene. Meheni sopecahagãre mũsa sajã duagũ mijorĩne. Sata Cohãcjũ caharũ mũsa waha duagũ mijorĩne. Masa sa sajã duepeta sajã masiedare. Sa yena mũsa pehe meheni sopecahagãre mũsa tutuaro sajã duaboro sahata Cohãcjũ pehere tutuaro masiãna. <sup>25</sup> Ohõ saha yerota Cohãcjũ peyequina masare. Tiquiro wũhũ upũro yero saha ijire. Wũhũ upũro wahcã, sopecahagãre biharota. Tiquiro sa yegũ sopecahagãpũ ducuna, dotenata. Dotena ohõ saha ninata. “Pũhto, sope pahmare pũohũna”, mũsa nigũ wũhũ upũro pehe yũhtirota. “Mũsare, mũsa ahtariro gũhũre ne masiedaja yũhũ”, ni yũhtirota. <sup>26</sup> Tiquiro sa nigũ mũsa yũhtinata. “Mũhũ mehna usã ihya, sihnii. Usã ya macarũ buheri mũhũ”, ninata mũsa. <sup>27</sup> Mũsa sa nigũ tiquiro pehe yũhtirota. “Mũsare, mũsa ahtariro gũhũre ne masiedaja. Ijipihtina mũsa ñaũe yerina yũhũ caharũ ahtaeracãhũna”, ninota wũhũ upũro. <sup>28</sup> Sa ye Abrahãre, Isaare, Jacore, ijipihtiyequina Cohãcjũ yere yahu mũhtariquinare Cohãcjũ tiquiro pũhtoro ijirore tiquina ijigũ ihũana, mũsa pehe sopecaharũ cohõrina ijina tutuaro utinata. Sa yena mũsa tutuaro bũjũa witina, bahque dihonata. <sup>29</sup> Ti pjere ijipihtiro cjẽna Cohãcjũ tiquiro pũhtoro ijiorũre esa, tiquiro mehna ihya dujieta. <sup>30</sup> Yojoũre ihyo ijiyequina ijiriquina ti pjere pũhtoia ijieta. Sa yeye yojoũre pũhtoia ijiriquina ti pjeũre ihyo ijiyequina ijieta, niahye Jesu.

*Jerusalẽ cjẽnare tutuaro cahĩahye Jesu*

*(Mt 23.37-39)*

<sup>31</sup> Ti pjere meheũequinagã fariseo masa Jesu caharũ esa, tiquirore yahuahye:

—Herode mũhũre wejẽ duare. Sa yegũ ape siepũ wahaya mũhũ, niahye tiquirore.

<sup>32</sup> Tiquina sa nigũ Jesu pehe yũhtiahye:

—Herode ni mehoũe peyariquiro ijire tiquiro. Ohõ saha ni yahuya tiquirore: “Jesu watĩare cohãno nine. Sa yero dohatiyequinare yũhdũoro nine. Tire miare, ñamia gũhũre yerota. Sa yero ñamia bohrearo dahra bato tirota”, ni yahuya Herodere. <sup>33</sup> Sa yegũ miare waha, ñamia gũhũre waha, ñamia bohrearo gũhũre waha, Jerusalẽpũ esautja. Cohãcjũ yere yahu mũhtagũre yũhũre wejẽeta masa. Cohãcjũ yere yahu mũhtariquinare

tiquina wejĕgũ Jerusalĕpũ ijiro cahmene tiquinare. Sa yegũ yũhũ gũhũre Jerusalĕpũ ijiro cahmene.

<sup>34</sup> 'Ahyou, Jerusalĕ cjãna, mũsa Cohãcjũ yere yahu mũhtariquinare wejĕ, mũsa cahapũ tiquiro ohoriquinare Ʃtã paca mehna doque wejĕdi mũsa. Canaca ticoro pohnene wũye dũpũri mehna ticoro moha cuñano saha peye tahari mũsare cahĩducumi. Mũsare cahmemi. Mũsa pehe yũhũre ne cahmedari. <sup>35</sup> Yojopũ mũsa ya maca cohõri maca ijirota. Ijirota niita niaja mũsare. Cohãcjũ mari pũhtoro tiquiro tutuaye mehna ahtaũtja yũhũ. Yũhũ ahtagũ mũsa yũhũre “Cohãcjũ tutuaye mehna ahtariquiro quehnoahdo”, ninata. Yũhũre mũsa tire niato pano pari turi yũhũre ihñasi mũsa, niahye Jesu.

## 14

### *Dohatiriquirore yũhdũoahye Jesu*

<sup>1</sup> Ape deco saurũ ijigũ fariseo masa pũhtoa mehna cjũno ya wũhũpũ Jesu ihyaro wahahye. Ti wũhũpũ ijiequina tiquirore ihña nũnũahye. <sup>2</sup> Sa yero omoca, ñecũ gũhũ ipinohriquiro tiquiro cahapũ esahye. <sup>3</sup> Sa yero Jesu judio masare buheyequinare, fariseo masa gũhũre sinituahye:

—¿Saurũ ijigũ dohatiriquirore yũhdũo dutiajari Cohãcjũ yere tiquina ojoari pũpũ? niahye Jesu.

<sup>4</sup> Tiquiro sa ni sinituepegũta tiquina yũhtierahye. Tiquina yũhtieragũ ihñano Jesu dohatiriquirore yũhdũo, “Wahaya”, niahye tiquirore. <sup>5</sup> Sa ye tuhasaro, tiquinare sinituahye tja:

—¿Ihcãquiro mũsa mehna cjũno tiquiro macũno saurũ deco mari sori deco ijigũ aco ijiri copepũ tiquiro bora sajãgũ ne wioeraboagari, mũsa tũhotugũ? ¿Tiquiro yaquiro wecũ gũhũre ne wioeraboagari, mũsa sa nina? Ne wioboaga tiquiro, niahye Jesu.

<sup>6</sup> Tiquiro sa niepegũta tiquina tiquiro siniturire yũhti masiedahye tja.

### *Omoca dũhteri bose deco ijigũ pijioriquinare yahuahye Jesu*

<sup>7</sup> Fariseo masũno ya wũhũpũ ijiro ti wũhũ cjũno tiquiro pijioriquina quehnoañe dujiyere tiquina besegũ ihñahye Jesu. Sa ihña tuhasa ohõ saha ni yahuahye ijipihtiequinare:

<sup>8</sup> —Omoca dũhteri bose deco mũsare tiquiro pijiogũ, quehnoañe dujiyere bese dujieracãhña. Mũsa yũhdũoro cua pesayequinare pijioboaga ahri wũhũ upũro. <sup>9</sup> Tiquiro sa yegũ mũsa quehnoañe dujiyepũ dujiigũ “Ahriquina cua pesayequina pehere mũsa dujiyere ohoya”, niboaga wũhũ upũro mũsare. Tiquiro sa nigũ mũsa pehe bũoro wahana, ñañe dujiyepũ dujiiboaga. <sup>10</sup> Sa yena wũhũ upũro mũsare tiquiro pijiogũ, ñañe dujiyepũ duji mũhtaña. Mũsa sa yegũ wũhũ upũro mũsare “Quehnoañe dujiye pehere dujina ahtaya”, ninota mũsare tiquiro. Mũsa sa wahagũ apequina tiquiro pijioriquina pehe mũsare ño peoye mehna ihñaeta. <sup>11</sup> Ihcãquiro tiquiro basi “Pũhtota ijiaja”, ni tũhoturiquiro cahacjũno ijirota. Sa yero apequiro “Cahacjũ ijiaja”, ni, tũhoturiquiro, apequinare yũhdũũca dueriquiro tiquiro pehe pũhtoro ijirota, niahye Jesu tiquinare.

<sup>12</sup> Sa ni tuhasa Jesu wũhũ upũrore yahuahye:

—Mũhũ bose deco dahregũ mũhũ cahapũ ijiequinare, mũhũ bahanare, mũhũ acayere, doeri cjẽ opanare pijioeracãhña. Mũhũ tiquinare pijiogũ mũhũ gũhũre tiquina gũhũ piji cahmeeta. Sa piji cahmeñe mũhũre tiquina wapamonore wapa yeeta. <sup>13</sup> Mũhũ bose deco dahregũ pejecũoyequinare, tini masieñequinare, pari yuri wahayequinare, caperi bajueyequinare pijiohya. <sup>14</sup> Mũhũ sa yegũ ihñano Cohãcjũ mũhũre quehnoano yerota. Tiquina pehe mũhũre tiquina wapamonore wapa ye masiedare. Sa yero quehnoañequina yariariquina tiquina masa mũjari pje ijigũ Cohãcjũ pehe quehnoano mũhũ yeri wapa mũhũre quehnoano yerota, niahye Jesu wũhũ upũrore.

### *Pajiri bose deco queoyere yahuahye Jesu*

(Mt 22.1-10)

<sup>15</sup> Tiquiro sa nigũ tũhoro apequiro ihyari mesa cahapũ dujiriquiro, Jesure yahuahye:



—Cohãcjũ tiquiro pũhtoro ijiropũ tiquiro ihyari mesa cahapũ dujiyequina tutuaro bucueyequina ijieta, niahye tiquiro Jesure.

<sup>16</sup> Tiquiro sa nigũ Jesu ahri queoyere yahuahye tiquirore:

—Pajiri bose deco dahreriquiro peyequina masare pijioahye. <sup>17</sup> Tiquiro pijiori bato bose deco tiquiro cahacjũnore tiquiro pijioriquinare yahu dutiro ohoahye. “Isa, ijipihiyere bose deco cjẽ ijiatire quehno tuhasari. Sa yero mũsare pijiori”, ni, yahu dutiahye tiquiro cahacjũnore. <sup>18</sup> Tiquiro cahacjũno tiquiro sa ni yahuepegũta, tiquiro pijionohriquina pehe “Waha masiedaja”, niahye tiquina. Tiquiro pijio mũhtanohriquiri ohõ saha ni yahuahye tiquiro cahacjũnore. “Mianogãta yehpare dũu. Sa yegũ ti yehpare ihãagũ wahagũ niaja. Sa yero waharo basioeraga. Ño peo cjũña mũhũ yũhũre. Yũhũre basioerare”, niahye tiquiro pijio mũhtanohriquiri pehe tiquiro cahacjũnore. <sup>19</sup> Apequiri pehe ohõ saha niahye: “Wecũare pũa omoca pihtiyequinare mianogãta dũu. Buhe tuhugũ wahau tũu niaja ti weje cãtore. Sa yegũ wecũare ‘¿Quehnoano dahrajari?’ ni ihãagũ wahagũ tũu niaja. Sa yegũ wahasi. Yũhũre basioerare”, niahye tiquiro gũhũ. <sup>20</sup> Apequiri pehe ohõ saha niahye: “Yũhũ mianogãta omoca dũhte. Sa yero bose decopũ waharo basioeraga yũhũre”, niahye tiquiro cahacjũnore.

<sup>21</sup> Tiquiro sa nigũ cahacjũno pehe tojoa waha, tiquiro pũhtoropũre tiquina nidire yahu peho cãhye. Tiquiro sa ni yahugũ tiquiro pũhtoro tutuaro usua, ohõ saha niahye tiquiro cahacjũnore. “Wũhũse watoa cjẽ maharipũ wahaya. Pejecũoyequinare macarĩsa. Sa yegũ pejecũoyequinare, tini masieñequinare, caperi bajueyequinare, pari yuri wahayequinare mũmũñano ne cãhtaya tiquinare”, niahye pũhtoro. <sup>22</sup> Came cjũnogã tiquiro cahacjũno yahuahye tiquiro pũhtoro: “Pũhto, mũhũ dutiro sahata yei. Yũhũ sa yepegũta apequina gũhũ esa tuhaeta”, niahye tiquiro cahacjũno. <sup>23</sup> Tiquiro sa nigũ pũhtoro tiquirore dutiahye: “Ihquẽ wũhũse ijiropũ wahaya. Topũ bũjũye maharipũ, daye maharigãpũ gũhũre masare ya wũhũpũ ahta dutiya, ya wũhũpũ tiquina wahpagũ. <sup>24</sup> Poto niita niaja mũhũre. Ahriquina yũhũ pijio mũhtamediquina yũhũ ihyayere ne mehenogã ihyasi”, niahye pũhtoro, ni yahuahye Jesu.

*Jesu mehna wahagũ* mijorĩne

(Mt 10.37-38)

<sup>25</sup> Ti pjere peyequina masa Jesu mehna wahahye. Sa yero Jesu tiquinare majare ihña, yahuahye:

<sup>26</sup> —Ihcãquiro yũhũ buheriquiro iji duaro apequina yũhdũoro yũhũ pehere cahĩno cahmene. Tiquiro pacũrore, tiquiro pacorore, tiquiro namonore, tiquiro pohnene, tiquiro bahanare, tiquiro pagũ gũhũre tiquiro cahĩno yũhdũoro yũhũ pehere cahĩno cahmene. <sup>27</sup> Ihcãquiro yũhũ buheriquiro iji duaro yeere sa yeducuriquiro ijirota. Sa yero yaquiro tiquiro ijiri buhiri ñano yũhdũeperota yũhũre ne duhusi. <sup>28</sup> Ahrire masiyuro cahmene mũsare. Ohõ saha ijire ti: Wũhũ dahreriquiro tiquiro mũmũari wũhũre yeato pano wũhũ wapa tiatire queo mũhtare. Sa yero, ti wũhũre tiquiro pehoatire masine tiquiro. <sup>29</sup> Wapa tiyere queoeraro ti wũhũre yero pehoerabo. Sa ye tiquirore ihñañequina bũjũpeboa. <sup>30</sup> “Ahriquiri ti wũhũre yero, tutuerare”, ni, bũjũpeboa. <sup>31</sup> Pũhtoro apequiri pũhtoro yeequina mehna tiquina cahmequeato pano, tiquiro yequina surarare tiquiro cahme wejẽ dutiato pano, tiquiro yequina surarare queorota. “¿Yũhũ diez mil surara mehna apequiri veinte mil surara cũoriquiro mehna cahme wejẽgũ tutueraboagari yũhũ?” ni, tũhoturo queorota tiquiro. <sup>32</sup> Sa queoro, tiquiro tutueratire masinota. Sa masino apequiri pũhtoro tiquiro yequina surara mehna cahme wejẽno ahtariquiro yoaropũ tiquiro ijigũta, tutueriquiro pehe “Cahme wejẽdacũhna”, ni dutiro ohoboaga dahra cohteriquirore. <sup>33</sup> Sa yena yũhũ buhena iji duana, mũsa yeatire mũsare masino cahmene. Mũsa ye duaye pehere duhu duerana, yũhũ buhena iji masiedare, ni yahuahye Jesu.

*Moa ocayere yahuahye Jesu*

(Mt 5.13; Mr 9.50)

<sup>34</sup> Sa yero tiquinare yahu nemoahye:

—Moa quehnoano ocare. Ti ocaeragũ ocaye yero basioerare. <sup>35</sup> Moa ocaeraro ti moa ne quehnoaedare. Ti moare dũhsero basioerare. Ti sa ijigũ ti moare cohãno cahmene. Ne dũhseati ijierare ti moa. (Ti dũhseati ijieraro saha ijieracãhña m̄sa. Cohãcjũ ye pehere cohãedacãhña.) Ahrire quehnoano tũhoya m̄sa, niahye Jesu.

## 15

*Oveja butiriquiro queoyere yahuahye Jesu*

(Mt 18.10-14)

<sup>1</sup> Sa ye ape deco peyequina wapa ne cohteyequina apequina “Ñañequina”, tiquina niñequina mehna Jesure tũhoye ahtahye. <sup>2</sup> Tiquina sa yegũ ihñañe fariseo masa, judio masare buheyequina gũhũ Jesure ihña tuhtiye, ohõ saha niahye tiquina basi:

—Ahrikiro ñañequinare piti tire. Sa yero tiquina mehna ihyare, ni, yahuducuahye tiquina basi.

<sup>3</sup> Tiquina sa ni yahuducugũ Jesu tiquiro tũhotuye mehna ohõ saha ni, queoye mehna buheahye tiquinare:

<sup>4</sup> —¿Cien oveja c̄oriquiro ihcãquiro oveja butigũ ihñano dũhse yerotari tiquiro? Ohõ saha yerota. Tiquiro noventa y nueve ovejare tiquina ihyariorp̄ cũ, butiriquirore macano waharota. Ovejare bocarop̄ duhurota. <sup>5</sup> Tiquirore bocaro bucuero. Sa yero tiquiro butiriquirore w̄na peo, tiquiro ya w̄h̄p̄ ne tojoaa waharota. <sup>6</sup> Ne tojoa sa, tiquiro cahap̄ ijiyequinare, tiquiro acayere piji cahmecoanota. “Yaquiro oveja butiriquirore boca tuhasa. Sa yena yũhũ mehna bucueya”, ninota tiquiro tiquinare. <sup>7</sup> Poto niita niaja m̄sare. Noventa y nueve oveja peyequina tiquina ijiro sahata, peyequina masa ohõ saha ni tũhoture: “Ñano yeraja. Sa yegũ yũhũ ñañene b̄j̄a w̄tisi. Quehnoañe pehere comesasi yũhũ”, ni, tũhoture peyequina masa. Tiquina sa ni tũhotugũ ihñañe ãhm̄se cj̄ena Cohãcjũ cahap̄ ijiyequina bucuere. Apequiro pehere bucuere. Butiriquiro oveja ihcãquirota butiriro sahata tiquiro up̄ro tiquirore bocariro sahata ihcãquiro ñariquiro tiquiro ñañene b̄j̄a w̄tigũ, quehnoañe pehere comesagũ ihñañe, Cohãcjũ cahap̄ ijiyequina tutuaro bucuere, niahye Jesu.

*Niñeru cjoer butiri queoyere yahuahye Jesu*

<sup>8</sup> Sa ni yahu tuhasa, queoye mehna yahu nemoahye tja:

—¿P̄na omope cjoeri niñeru cjoeri c̄oricoro ihcã cjoer butigũ dũhse yerotari ticoro? Ohõ saha yerota ticoro. Sihãriare sihã, w̄h̄re coha, quehnoano maca pehorota. Ti cjoere bocarop̄ duhurota. <sup>9</sup> Ti cjoere boca tuhasa, ticoro cahap̄ ijiyequinare, ticoro mehna cj̄enare piji cahmecoanota. “Niñeru cjoer yũh̄re butiri cjoere boca. Sa yena yũhũ mehna bucueya”, ninota ticoro. <sup>10</sup> Potota niita niaja m̄sare. Sata ihcãquiro ñariquiro tiquiro ñañene b̄j̄a w̄tigũ quehnoañe pehere comesagũ Cohãcjũ yequina angele pehe tutuaro bucueeta, niahye Jesu.

*Tiquiro mac̄no butiri queoyere yahuahye Jesu*

<sup>11</sup> Sa ni yahu tuhasa Jesu queoye mehna yahu nemoahye tja:

—Buc̄ro pohne p̄aro ãm̄a ijiahye. <sup>12</sup> Dũhsariquiro pehe ohõ saha niahye tiquiro pac̄rore: “Mai, m̄hũ yariari bato m̄hũ ohoatire yũh̄re ohoya”, niahye tiquiro pac̄rore. Tiquiro sa nigũ tiquina pac̄ro p̄arop̄reta tiquiro pohnene itiahye tiquiro c̄orire. <sup>13</sup> Meheñe decorigã bato dũhsariquiro tiquiro yere ijip̄htiyere ne, yoarop̄ ape yehp̄ waha wahahye. Top̄ esaro tũho masieniquiro yero saha ye, tiquiro niñerure, tiquiro yere ye site peho cãh̄e. <sup>14</sup> Tiquiro ye site pehori bato ti yehp̄re ne ihyare mariedi pje iji dũcah̄e. Sa yero tiquiro ãj̄a ahbah̄e. <sup>15</sup> Sa yero ti yehp̄ cj̄ dahrayere macah̄e. Tiquiro bocagũ tiquiro p̄h̄toro yesea cohteriquiro s̄ah̄e tiquirore. <sup>16</sup> Sa yero tiquiro yeseare nu, tiquina ihyayere ihya duamah̄e. Tiquiro sa ihya duepegũta ti ihyayere to cj̄ena ohoerah̄e tiquirore. <sup>17</sup> Sa ye tiquiro top̄ wacũah̄e. “Yũhũ pac̄re dahra cohteyequina pehe b̄j̄ye ihyayere ihyare. Tiquina ihya dũhari gũhũ b̄j̄ye

dahsare. Tiquina sa quehnoano yuhduri watoa yuhu pehe ohõpu ijigu, ujua ahbaga niaga. <sup>18</sup> Yojoõpu yuhu pacu cahapu tojoagutja. Yuhu pacu cahapu esagu ohõ saha niitja tiquirore: ‘Mai, Cohãcjũre ñano yei. Mũhu gũhũre ñano yei. <sup>19</sup> Ñagu ijiaja yuhu. Mũhu macu yero saha ijibogu ijieraja yuhu. Mũhũre dahra cohteriquiro yero saha yeya yuhũre’, niitja yuhu pacũre”, ni tuhotuahye tiquiro. <sup>20</sup> Sa ni tuhoturõta wahcãdũca, tiquiro pacũro cahapu tojoaa wahahye. Topũ tiquiro esariquiro tojoa tagũ tiquiro pacũro pehe yoarõpũta tiquiro macũnore ihñahye.

’Tiquiro sa wihigũ ihñano macũnore paja ihñahye. Paja ihñano tiquiro cahapu oma cã, tiquirore quẽ suhsu maa, tiquiro wahsupure ihmiahye pacũro tiquiro macũnore. <sup>21</sup> “Mai, Cohãcjũre ñano yei. Mũhu gũhũre ñano yei. Ñagu ijiaja yuhu. Mũhu macu yero saha ijibogu ijieraja yuhu”, niahye tiquiro pacũrore. <sup>22</sup> Tiquiro sa nigũ tuhõro pacũro pehe dahra cohteyequinare pijiahye. “Sojaro mehna, quehnoa yuhdũari suhtirore ne cãhtaya. Sa yena yuhu macũre sããña. Sãã tuhãsa, tiquiro omõca sañari behtore sãã, dahpo suhti gũhũre sããña. <sup>23</sup> Sãã tuhãsa, dihi tiriquirogãre wecũgãre wejẽña. Bose deco yeihna mari. <sup>24</sup> Ahriquiro yuhu macu yariariquiro yero saha wahariquiro ijire. Sa wahãperõta yojoõpu catire tiquiro. Tiquiro butimediquirore pari turi bocaũ. Sa yena bõse deco yeihna mari”, niahye tiquiro pacũro. Tiquiro sa nidi bato bõse deco dahre dũcahye tiquina.

<sup>25</sup> ’Ti pjere tiquiro wahmino pehe wesepũ ijiahye. Wesepũ ijiriquiro cohe tojoa taro wuhũ cahapu esaro, tiquina basayere tuhõahye tiquiro. <sup>26</sup> Tuhõro, ihcãquiro dahra cohteriquirore pijio, tiquirore sinituahye tiquiro: “¿Dũhse ijiro boro basaye niari?” niahye tiquiro dahra cohteriquirore. <sup>27</sup> “Mũhu bahũ coheri. Tiquiro quehnoariquiro, catiriquiro tiquiro cohegũ mũhu pacu dihi tiriquirogãre wecũgãre wejẽ dutiri”, ni yũhtiahye dahra cohteriquiro. <sup>28</sup> Tiquiro sa ni yahugũ tiquiro wahmino pehe tutuaro usuaro, wuhũpu sajãedahye. Tiquiro sajãedagũ ihñano tiquiro pacũro sopecahapu wijia ta, “Sajã taya”, ni, pijimahye tiquiro macũnore. <sup>29</sup> Tiquiro sa pijigũ macũno yũhtiahye. “Tuhõya mai. Yoari pje mũhũre dahra cohteriquiro yero saha mũhũre yedõhomi. Sa yegũ mũhu dutiyere ne ihcã taha yuhdũdũcaerũ. Yuhu mũhũre dahra cohtepẽgũta yuhũre ne õhoerari mũhu. Ne ihcãquiro wahiquirogãre ne õhoerari mũhu yuhũre yuhu piti tiyequina mehna yuhu bõse deco dahreatire. <sup>30</sup> Sa yero ahriquiro mũhu macu pehe ñãnequina numia mehna mũhu yere ye site pehoñõhti. Tire ye site peho tuhãsa, wuhũpu tiquiro tojoa wihigũ dihi tiriquirogãre wecũgãre wejẽ dutiñõhti mũhu tiquiro ihyatiquirore”, niahye tiquiro wahmino pehe pacũrore. <sup>31</sup> “Macu, yuhu mehna ijipihitiye decori mũhu ijigũ ijipihitiye yuhu cõoye mũhu ye ijire. <sup>32</sup> Mũhu bahũ pehe yariariquiro yero saha wahari marine. Sa ye yojoõpu tiquiro catiriquiro ijire. Tiquiro butiriquiro yero saha ijiri. Tiquiro sa wahari bato yojoõpu tiquirore bocaũ. Sa yero tiquiro tojoa wihigũ mari bõse deco ye bucuegũ quehnoare”, niahye tiquiro macũnore, niahye Jesu tiquinare.

## 16

*Niñeru cohteriquiro* tuhõ masiniquiro quitire Jesu yahuahye

<sup>1</sup> Sa ye ahri quitire tiquiro buheyequinare yahuahye Jesu:

—Doeri cõẽ upũro ye niñerure cohteriquiro niñerure quehnoano tiquiro ihboeragũ ihñano apequiro pehe yahusãhye doeri cõẽ upũrore. “Mũhu ye niñerure ye siterõ nine”, ni yahusãhye tiquirore. <sup>2</sup> Tiquiro yahusã tuhãsari bato niñeru cohteriquirore pijioahye. Sa yero tiquiro wihigũ ihñano, tiquirore pũhõro yahuahye. “Yee niñerure mũhu ye siterire apequiro yuhũre yahuri. Sa yegũ yeere cohtegũ jji nemosi mũhu. Sa yegũ yeere mũhu yerire yahu peho ojoaya. Mũhũre cohãgũ niaja”, niahye pũhõro tiquirore. <sup>3</sup> Tiquiro sa nidi bato ohõ saha ni tuhotuahye cohteriquiro tiquiro basi: “Yuhu pũhõro yuhũre cohãno tarõ niaga. Yuhu tutueraja. Sa yegũ tutuaro dahra masiedaja. Sa yegũ apequinare yuhu niñerure sinigũ bũoro yuhdũboaga yuhu. ¿Sa yegũ dahse yeitari yuhu? <sup>4</sup> Yojoõpu pũritare yuhu yeatire masiaja yuhu. Ohõ saha yuhu

yegū yūhū dahraye mariedagū yūhū pūhtorore wapamoñequina yūhūre cahīeta. Sa ye tiquina ye wūhūsepu sajā dutieta yūhūre”, ni tūhotuahye tiquiro. <sup>5</sup> Sa ni tūhoturo tiquiro ijipihtiyequina tiquiro pūhtorore wapamoñequinare pijioahye. Pijio tuhasa, cohteahye. Wihi mūhtariquirore ohō saha ni sinituahye tiquiro. “¿Yūhū pūhtorore noho puno wapamoajari mūhū?” niahye tiquiro. <sup>6</sup> Tiquiro sa nigū wapamoriquiro pehe yūhtiahye. “Cien tambores ūhsere olivo dūca mehna tiquina yeri ūhsere wapamoaja tiquirore”, ni, yūhtiahye. Tiquiro sa ni yahugū cohteriquiro pehe ohō saha ni yahuahye. “Ohōpū ijire mūhū wapamonore ojoa ohōri pū. Dujiya. Sa yegū mūhū wapamonore deco mehna ne, deco mehna ojoa quehnoña”, niahye cohteriquiro wapamoriquirore. <sup>7</sup> Sa ni tuhasa apequiro wapamoriquirore sinituahye tiquiro. “¿Mūhū waro, noho puno wapamoajari?” niahye tja. “Cien ajuri trigo pjeri ajurire wapamoaja yūhū”, niahye wapamoriquiro niñerure cohteriquirore. “Ohōpū ijire mūhū wapamonore ojoa ohōri pū. Mūhū wapamonore ochenta ojoa quehnoña”, niahye cohteriquiro. <sup>8</sup> Tiquiro sa quehnoano ni meho mihnigū ihñano “Ahriquiro ni mehoriquiro quehnoano masidiquiro ijiaga”, ni tūhotuahye tiquiro pūhtoro niñerure cohteriquirore. Ahri deco cĵēna, Cohācĵūre cahmeeñequina tiquina yere quehnorire tiquina niñeru ihborire Cohācĵū yequina yūhdūoro masiaga tiquina, niahye Jesu.

<sup>9</sup> Sa ni tuhasa Jesu yahu nemoahye:

—Sa yegū mūsare niita niaja. Mūsa cūoyere, pejecūoyequinare mūsa ohogū, tiquina pehe mūsare cahīeta. Mūsa sa yegū mūsa cūoye pihtiaro bato mūsa ūhmūsepu esagū mūsare cahīeta topure.

<sup>10</sup> Ihyo ijiyequina ye dahrayere poto yena, pūhtoa ye dahraye gūhūre poto yenata. Ihyo ijiyequina ye dahrayere queoro yerana, pūhtoa ye dahraye gūhūre queoro yesi mūsa. <sup>11</sup> Sa yena ahri yehrapū mūsa cūoye mehna mūsa quehnoano yerana Cohācĵū mūsare tiquiro ye buheye gūhūre quehnoano yesi mūsa. Sa yero ti buheyere cūsi tiquiro. <sup>12</sup> Sa yena apequiro yere mūsa quehnoano ye basaeragū ihñano mūsa ye ijiatire ohosi mūsare.

<sup>13</sup> Ihcāquiro Cohācĵū pehere wacūno, tutua yūhdūaro niñeru pehere wacūedare. Niñeru pehere tutua yūhdūaro wacūno Cohācĵū pehere wacūedare. Niñeru dihitare cahmediquiro ijiro Cohācĵūre bucuegū yerare. Cohācĵū gūhūre, niñeru gūhūre pūarore cahme yūhdūdūcaro basioerare mūsare. Niñerure cahme yūhdūariquiro Cohācĵūre quehnoano ño peo masiedare, niahye Jesu.

<sup>14</sup> Tiquiro sa nigū tūhoye fariseo masa pehe tiquirore būjūpeahye. Tiquina pehe niñerure cahīahye. Sa ye būjūpeahye. <sup>15</sup> Tiquina būjūpegū tūhoro Jesu tiquinare yahuahye:

—Masa tiquina ihñonore mūsa quehnoano yemene. Mūsa sa yegū “Quehnoañequina, poto yeyequina ijire”, nimene masa mūsare. Cohācĵū pehe mūsa tūhotuyere masine. Masa “Quehnoa yūhdūare”, tiquina nidire Cohācĵū pehe sijoro saha ni tūhoture. Tire ihña yabire, niahye Jesu.

*Cohācĵū* dutiyere, tiquiro pūhtoro ijiyere yahuahye Jesu

<sup>16</sup> Sa ni tuhasa ohō saha ni nemoahye Jesu:

—Ñu wame yeriquiro tiquiro ijiato pano Moiserre tiquiro cūri dutiye mehna Cohācĵū marine dutiri. Cohācĵū yere yahu mūhtariquina tiquina ojoari mehna gūhū marine dutiri. Yojobū pehere Ñu tiquiro buhe dūcari bato quehnoañe buheyere, Cohācĵū tiquiro pūhtoro ijiye gūhūre masi dūcare masa. Sa masiñe masa tiquina esa tuharo tiquina tutuaye mehna Cohācĵū tiquiro pūhtoro ijirore sajā duamene. <sup>17</sup> Moiserre tiquiro cūri dutiyepū Cohācĵū nidiro sahata ye pehorota tiquiro. Ūhmūse gūhū ahri yehpa gūhū pihtia wahaepēgūta Cohācĵū nidiro sahata ye pehorota, niahye Jesu.

*Namonore cohāñene yahuahye Jesu*

(Mt 19.1-12; Mr 10.1-12)

<sup>18</sup> Sa ni tuhasa ohō saha ni nemoahye Jesu:

—Masuno tiquiro namonore cohãno, apecoro mehna omoca dũhtero, ticoro mehna ñano yero nine. Apequiro tiquiro cohãricoro mehna omoca dũhtero, tiquiro gũhu ticoro mehna ñano yero nine, niahye Jesu.

*Doeri cjẽ* upũro, pejecũoriquiro queoyere yahuahye Jesu

<sup>19</sup> Sa ye queoye mehna yahuahye Jesu:

—Ti pjepũre doeri cjẽ upũro ijie tiahye. Tiquiro suhti pehe wapa bũju yũhdũahye. Sa yero decoripe quehnoañe dihitare ihyaro, peye cũoahye tiquiro. <sup>20</sup> Sa yero ti pjere apequiro pejecũoriquiro, Lázaro wame tiriqiro ijie tiahye. Tiquiro pagũ peye cami tiriqiro ijiahye. Sa ye apequina pehe tiquirore doeri cjẽ upũro ya wũhu cjã sahrĩno cahapũ ne sae tiahye. <sup>21</sup> Sa yero pejecũoriquiro pehe doeri cjẽ upũro tiquiro ihyari mesa docapũ yehpapũ dujiro tiquiro ihya site dijioyere ihyae timahye. “Tiquiro ihya site dijiorire ihyagũ yapigũta yũhu”, ni, tũhotue timahye tiquiro. Sa ye diayea tiquiro camine nehneñe ahtae tiahye.

<sup>22</sup> Sa yero pejecũoriquiro tiquiro yariaa wahagũ, Abrahã cahapũ paraíso wame tiropũ angele tiquirore ne mũjahye. Sa yero doeri cjẽ upũro gũhu tiquiro batogãta yariaa wahahye. Tiquiro yariagũ tiquirore yahye. <sup>23</sup> Sa yero doeri cjẽ upũrore tutuaro peca mũjahye. Sa yero pecapũ ijiro mũhmũsepũ ijiriquirore Abrahãre ihñahye. Lázaro gũhũre ihñahye. <sup>24</sup> Ihña tuhasa, tiquiro Abrahãre pisuahye. “Yũhu acayũ Abrahã, raja ihñaña yũhũre. Pecapũ yũhu ñano yũhdũgũ niaja. Yũhu sa wahagũ Lázarore yũhũre ohoya. Sa yero acore tiquiro omo piriapũ soha, yũhu ñehmenore aco mehna nehono ahtaahro. Tire yũsũoahro tiquiro”, niahye doeri cjẽ upũro. <sup>25</sup> Tiquiro sa nigũ Abrahã tiquirore yahuahye: “Yũhu acayũ, catigũpũ mũhu ijipihtiyere quehnoañene cũori. Lázaro pehe decoripe ñano yũhdũri. Yojoapũ pehere mũhu ñano yũhdũgũ tiquiro pehe ohõpũre bucueye mehna ijiro nine. <sup>26</sup> Sa ye mari watoa mũhcũari cope ijire. Sa ye ohõre ijieyequina topũre waha masiedare. Sa ye topũ ijieyequina ohõpũre ahta duayequina ahta masiedare”, niahye Abrahã doeri cjẽ upũrore. <sup>27</sup> Tiquiro sa nigũ doeri cjẽ upũro ohõ saha ni nemoahye: “Yũhu acayũ, tutuaro siniaja mũhũre. Lázarore yũhu pacũ ya wũhũpũ ohoya. <sup>28</sup> Yũhu ihcã omopequina bahana tii. Lázaro tiquinare yahuahro. Tiquina ohõre ñano yũhdũropũre ahtaeracãhdo”, niahye tiquiro. <sup>29</sup> Sa nigũ Abrahã pehe yũhtiahye: “Cohãcjũ dutiyere Moise marine cũrĩre, Cohãcjũ yere yahu mũhtariquina tiquina ojoarire cũore mũhu bahana. Sa ye mũhu bahana tireta tũhoahro”, niahye Abrahã. <sup>30</sup> Tiquiro sa nigũ doeri cjẽ upũro pehe yũhtiahye: “Yũhu acayũ Abrahã, tire cũoepeta quehnoano tũhosi. Lázaro yariariquiro masa bajua, tiquina cahapũ esagũ ihñañe tiquina pehe ñañene bũjua witi, quehnoañe pehere comesaeta. Sa ye quehnoañene yeeta yũhu bahana pehe”, niahye doeri cjẽ upũro mũnana. <sup>31</sup> Tiquiro sa nigũ Abrahã pehe yahuahye: “Mũhu bahana Moise cũri pũ tiquiro yahuyere, Cohãcjũ yere yahu mũhtariquina mũna tiquina yahuyere tũho dueyequina ijire. Sa ye Lázaro yariariquiro mũnana masa bajuepegũta tiquina Cohãcjũre tũho duasi”, niahye Abrahã, ni, yahuahye Jesu.

## 17

*Ñañene yegũ* cuarĩne

(Mt 18.6-7, 21-22; Mr 9.42)

<sup>1</sup> Sa ye Jesu yahuahye tiquiro buheyequinare:

—Masare ñañe yegũ yeye peye ijire. Sa yeye masa ñañene yere. Ti sa ijiepegũta masũnore ñañene yegũ yeriquiro pehe ña yũhdũaro yũhdũrota. <sup>2</sup> Masũnore tiquiro wamũapũ pajiria mũtãre dũhte yo, pajiri mapũ tiquirore cohãgũ ñano wahaboaga tiquiro. Apequiro pehe ahriquinagã mehna cjũnogãre ñañene yegũ yero pajiri mapũ tiquina cohãriquiro yũhdũoro ñano yũhdũrota. Tiquirore tutuaro buhiri dahrero cahmene. <sup>3</sup> Quehnoano yeya mũsa. Mũsa acayũro ñano tiquiro yegũ ihñana “Yeracãhña”, niña tiquirore. Sa yena tiquiro ñañene bũjua witi, quehnoañene comesagũ mũsa pehe



tiquiro ñañe yeyere boya. <sup>4</sup> Sa yero m̄sa acayuro ihcã decota siete tahari m̄sare ñano tiquiro yegũ m̄sare tiquiro bo dutigũ boya. “Pari turi m̄hure ñano yesi”, siete tahari tiquiro nigũ tope taharita tiquiro ñano yerire boya, niahye Jesu.

*Cohãcjũre wacũ tutuayere yahuahye Jesu*

<sup>5</sup> Sa ye Jesu buheyequina tiquirore ohõ saha niahye:

—Cohãcjũre usãre quehnoano wacũ tutua nemogũ yeya, niahye tiquina Jesure.

<sup>6</sup> Tiquina sa nigũ Jesu yũhtiahye:

—Mostaza capegã meheni pjegã ijire. Ti yero saha Cohãcjũre mehenogã wacũ tutuana, ohõ saha wahagũ ye masinata m̄sa: Ahdu yucugure ohõ saha ni masine: “M̄hũ yucugũ m̄hũ basi duhtu cã, pajiri mapũ bora ñjoaña”, ni masine m̄sa. M̄sa sa nigũ tũ yucugũ pehe m̄sa dutiro sahata waharota, niahye Jesu.

*Dahra cohteriquiro tiquiro dahrayere yahuahye Jesu*

<sup>7</sup> Came ahri quitire yahuahye Jesu:

—M̄sare dahra cohteriquiro ijero wesepũ tanare. Sa yero ovejare ihña ihbore. ¿Dahra cohteriquiro tiquiro tojoa wihigũ dũhse niboagari m̄sa tiquirore? ¿“Sojaro mehna ahtaya. M̄hũ ihyaye ohõpũ ijire”, niboagari m̄sa? <sup>8</sup> Sa niedare m̄sa. Tiquirore ohõ saha nine m̄sa: “Yũhũ ihyayere doha quehnoña. Sa yegũ yũhũ ihya sihnigũ yũhure cohteya. Yũhũ bato m̄hũ gũhũ ihya sihniña”, nine m̄sa dahra cohteriquirore. <sup>9</sup> Dahra cohteriquiro m̄sa dutiyere tiquiro yegũ tiquirore “Quehnoare”, niedare m̄sa. Tiquiro dahraye dihitare yero niaga tiquiro. <sup>10</sup> M̄sa gũhũ tiquiro yero saha ijire. Cohãcjũ dutiriro sahata ye pehona ohõ saha ni, tũhotuya m̄sa. “Usã gũhũ dahra cohtena dihita ijiaja. Ihyo ijina ijiaja usã. Usã dahraye dihitare yei usã”, ni, tũhotuya m̄sa, niahye Jesu tiquiro buheyequinare.

*Pũa omopequina cami bũcu m̄na wihare yũhdũoahye Jesu*

<sup>11</sup> Ape deco Jerusalẽpũ Jesu waharo niahye. Topũ waharo Samaria yehpa, Galilea yehpa, ti pũa yehpa watoa yũhdu cãhye. <sup>12-13</sup> Ape macapũ wahari mahapũ tiquiro tinigũ pũa omopequina cami bũcu m̄na wiha pehe tiquirore piti cahye. Sa ye yoa cjũnopũ ducuye pisuahye:

—Jesu, pũhto, usãre paja ihñaña, niahye tiquina.

<sup>14</sup> Sa nigũ tiquinare ihña, yahuahye Jesu:

—Pahire m̄sa pagũrre quehnoañe pagũri m̄sa waharire ihñona wahaya, niahye tiquinare.

Sa nidi bato tiquina wahari watoa quehnoa wahahye. <sup>15</sup> Sa yero ihcãquiro tiquina mehna cjũno quehnoano tiquiro pagũ wahagũ ihñano, Jesu cahapũ majare tojoa tahye. Sa tojoa taro tutuaro mehna Cohãcjũre ño peoahye. “Cohãcjũ tutuariquiro, quehnoariquiro ijire”, ni, ño peoahye tiquiro. <sup>16</sup> Sa nino tiquiro Jesu dahpocãri caha dũsepe curi mehna quehe sa, “Quehnoare”, niahye tiquiro. Samaria cjũno ijiahye. <sup>17</sup> Tiquiro sa yeri bato Jesu ohõ saha ni sinituahye:

—Pũa omopequina ijiri masa quehnoa wahariquina. ¿Apequina nueve dũhsayequina pehe nohopũ ijiagari tiquina? <sup>18</sup> Ahriquiro ape yehpa cjũno dihita Cohãcjũre “Quehnoare”, nino taro tojoa tari. ¿Dũhse ijero boro apequina ahtaerajari? niahye Jesu.

<sup>19</sup> Sa ni tuhasa Jesu yahuahye dũsepe curi mehna quehe sariquirore.

—Wahcãdũcaya. Wahaya. M̄hũ Cohãcjũre wacũ tutuagũ, yũhdũre m̄hũ, niahye Jesu tiquirore.

*Cohãcjũ tiquiro pũhtoro ijiatire yahuahye Jesu*

(Mt 24.23-28, 36-41)

<sup>20</sup> Ti pjere meheñequinagã fariseo masa Jesure sinituahye:

—¿Dũhse ijigũ Cohãcjũ pũhtoro iji dũcarotari? niahye tiquina.

Tiquina sa nigũ Jesu yũhtiahye:

—Cohãcjũ tiquiro puhtoro iji ducagũ masa ihña masiedare. <sup>21</sup> “Cohãcjũ puhtoro ijiye ohõpũ ijire”, ni masiedare. “Sohõpũ ijire”, ni masiedare. Cohãcjũ tiquiro puhtoro ijiye masa tiquina tuhoyepũ ijire, niahye Jesu fariseo masare.

<sup>22</sup> Sa ni tuhasa Jesu tiquiro buheyequinare ohõ saha ni yahuahye:

—Came yũhu masũ Cohãcjũ ohorigũ ahri yehpapũ yũhu tojoa tatire tutuaro cahmenata mũsa. Mehenogã yũhũre ihña duepenata yũhũre ihñasi mũsa. Mũsa yũhũre sa ihña duepegũta ti pjere ahtasi yũhũ. <sup>23</sup> Apequina mũsare ohõ saha nieta. “Tiquirore ihñaña. Cristo ijire. Ahriquiroro ihñaña. Cristo ijire”, nieta mũsare. Tiquina sa niepegũta tiquinare tuhoeracãhña. <sup>24</sup> Upo miadoqueoro wacũeno mehna ti mia sitedoqueoro sahata yũhũ gũhũ masũ Cohãcjũ ohorigũ wacũeno mehna tojoa tautja. <sup>25</sup> Ahrire yũhũ yeato pano yũhũ tutuaro ñano yũhdũta. Sa ye yojopũ cjẽna yũhũre cahmesi. <sup>26</sup> Noé tiquiro ijiri pje cjẽna tiquina ijiriro sahata yũhũ masũ Cohãcjũ ohorigũ yũhũ tojoa tagũ sata ijietã masa. <sup>27</sup> Noé tiquiro ijiri pjere ijipihtiyequina masa sa ihyaducue tiahye. Sa ye sihniducue tiahye. Umũa, numia mehna omoca dũhtee tiahye. Noé pajiria yucũsapũ tiquiro sajãto pano Cohãcjũ tiquinare tiquiro mioato pano ti ijipihtiyere masa yeducue tiahye. Sata ijirota yũhũ tojoa tagũ gũhũre. <sup>28</sup> Lote tiquiro ijiri pje cjẽna tiquina ijiriro sahata yũhũ tojoa tagũ ijietã masa. Lote tiquiro ijie tiri pjere masa ihya, sihni, dú, dua, weserire ote, wũhũse yeahye. <sup>29</sup> Tiquina sa yeri watoa Sodoma wame tiri macapũ ijiriquiro Lote tiquiro wahari deco umũse cjã peca, peca asiye paca utã pjeri gũhũ acoro ahtaro saha tiquina bui bora pje, tiquinare wejẽ pehoe tiahye. <sup>30</sup> Yũhũ masũ Cohãcjũ ohorigũ wacũeno mehna yũhũ tojoa tagũ tiquina yero sahata yeyequina ijietã masa ti pjere.

<sup>31</sup> ‘Ti pjere ihcãquiro tiquiro ya wũhũ bui cjã paapũ quehnoari paapũ ijiriquiro wũhũ puhiapũ tiquiro ye ijigũ tire neno wahaeracãhdo tiquiro sojaro mehna wahato saha. Sa yero wesepũ ijiriquiro gũhũ ti pjere tiquiro ya wũhũpũ piheracãhdo tiquiro sojaro mehna wahato saha. <sup>32</sup> Lote namono ticoro waharire wacũña mũsa. <sup>33</sup> Masũno yũhũre wacũno marieno tiquiro esa tuharo tiquiro cahmeno saha yero, pecapũ waharota. Sa yero yeere sa yeducuriquiro ijipihtiyere decori yũhũ mehna umũsepepe ijirota.

<sup>34</sup> ‘Ti ñamine pũaro ihcã cuñanopũ carĩnequinare ihcãquiro yũhũre cahmeniquirore neitja. Sa yero yũhũre cahmedariquiro topũ tojoarota. <sup>35</sup> ‘Ti pjere pũaro numia ihcãnopũ tiquina trigore tu mũtoñe numiare ihcãcoro yũhũre cahmenicorore neitja. Sa yero yũhũre cahmedaricoro topũta tojoarota. <sup>36</sup> [Sa ye wesepũ pũaro dahrayequina tiquina ijigũ ihcãquirota neitja. Ihcãquiro topũ tojoarota,] niahye Jesu.

<sup>37</sup> Sa nigũ tiquiro buheyequina pehe sinituahye tiquirore.

—¿Nohopũ sa waharotari? ni sinituahye tiquina.

Tiquina sa nigũ Jesu yũhtiahye:

—Masa tiquina ñano yeducurirorpũ, topũ Cohãcjũ buhiri dahrerota tiquinare, niahye Jesu.

## 18

### *Wape wihoro ticoro buhiri dahre dutiye queoyere yahuahye Jesu*

<sup>1</sup> Sa ye Jesu tiquinare Cohãcjũre siniñene yahuro ohõ saha niahye:

—Mũsa Cohãcjũre sinina, cohteya tiquiro yũhtiatire. Yoari pje cohtepenata bujũa witierracãhña. Tiquirore sinina duhuerracãhña, niahye Jesu.

<sup>2</sup> Tiquiro sa nidire buhero taro ahri queoye mehna yahuahye tiquinare:

—Ape macapũ tiquina buhiri dahre dutiriquiro ijiahye. Tiquiro Cohãcjũre ño peoerahye. Sa yero masa gũhũre ño peoerahye. <sup>3</sup> Sa yero wape wihoro gũhũ topũ ijiahye. Ticoro tiquiro cahapũ sa majareno ohõ saha niahye: “Yũhũre ihña tuhtiriquirore buhiri dahre dutiya mũhũ. Yũhũre ni cahmota basaya”, ni siniducuahye ticoro tiquirore.

<sup>4</sup> Ticoro sa nigũ peye tahari tiquiro “Yesi yũhũ”, nimahye ticorore. Tiquiro sa niepegũta ticoro peye tahari sa siniducuro tiquirore ni cariboro ye cãmahye. Ticoro caribogũ, ohõ saha niahye tiquiro basi. “Yũhũ Cohãcjũre, masa gũhũre ño peoeraja. <sup>5</sup> Yũhũ sa ño

peoegu yũhũ ijiepegũta ahricoro pehe yũhũre caribo ye cãmaga. Yũhũre sa cariboro yũhũre caributigũ yerota ticoro. Sa ni yahusãducugũ ticorore ihña tuhtiriquirore buhiri dahre dutiitja”, niahye buhiri dahre dutiriquiro, niahye Jesu.

<sup>6</sup> Sa nino Jesu tiquinare yahu nemoahye:

—Sa niahye ñariquiro buhiri dahre dutiriquiro. Tiquiro nidire wacũña m̄sa. <sup>7</sup> Tiquiro yũhdũoro Cohãcjũ pehe tiquiro yequina tiquiro beseriquinare ñamipũ, decopũ tiquirore sinidiquinare yũhtiro, yedohorota. <sup>8</sup> M̄sare niita niaja. Cohãcjũre tiquina sinidiro sahata duita tiquinare yedohorota. ¿Tiquiro sa yũhtiriquiro ijiepegũta yũhũ masũ Cohãcjũ ohorigũ ahri yehpapũ tojoa tagũ Cohãcjũre wacũ tutuayequinare bocaboagari yũhũ? niahye Jesu.

*P̄naro masa Cohãcjũre tiquina siniñe quitire yahuahye Jesu*

<sup>9</sup> Sa ye apeye qiti mehna ohõ saha ni yahuahye Jesu: “Usã pehe quehnoana ijiaja. Apequina pehe ñano yeyequina ijire”, ni, tuhotuyequinare ahri quitire yahuahye:

<sup>10</sup> —Cohãcjũ ya wũhũpũ p̄naro m̄m̄sa Cohãcjũre siniñe wahahye. Ihcãquiro fariseo masũno ijiahye. Apequiro wapa ne cohteriquiro ijiahye. <sup>11</sup> Sa yero fariseo masũno pehe ducu, ohõ saha ni yahuahye Cohãcjũre: “Yũhũ yaquerigũ, ñañene yerigũ, numia mehna ñano yerigũ ijieraja. Apequina yero saha ijieraja. Ahriquiro wapa ne cohteriquiro yero saha ñagũ ijieraja. Sa yegũ mũhũre ‘Quehnoare’, niaja Cohãcjũ. <sup>12</sup> Yũhũ semanaripe p̄na decore mũhũ yere yegũ sijiaja. Sa yegũ p̄na omope cjoeri niñeru cjoerire wapatagũ ihcã cjoere mũhũre ohoaja”, niahye fariseo masũno Cohãcjũre. <sup>13</sup> Sa yero wapa ne cohteriquiro pehe yoaropũ muhri yo ducu, tiquiro ñañene bũjũa witi, uhmũseperẽ ihñedahye. Tiquiro ñañene bũjũa witi tiquiro ijiro tiquiro cutirore quẽ ohõ, siniahye Cohãcjũre: “Cohãcjũ, yũhũ ñagũ ijiaja. Sa yegũ mũhũ paja ihñaña yũhũre”, niahye tiquiro Cohãcjũre. <sup>14</sup> M̄sare niita niaja. Ahriquiro wapa ne cohteriquiro pehere tiquiro ya wũhũpũ tojoagũ Cohãcjũ pehe “Mũhũ ñañene cohã tuhasa”, niahye tiquirore. Apequiro fariseo masũnore “Mũhũ ñañene cohã”, niedahye Cohãcjũ. “Yũhũ quehnoagũ ijiaja”, nidiquiro Cohãcjũ ihñagũ ñariquiro ijire. “Yũhũ ñagũ ijiaja. Sa yegũ yee ñañene bũjũa witi”, nidiquirore Cohãcjũ quehnoariquiro ijigũ yerota tiquirore, niahye Jesu.

*Macanagãre tiquina ye ijiatire Cohãcjũre sini basahye Jesu*

*(Mt 19.13-15; Mr 10.13-16)*

<sup>15</sup> Sa ye masa tiquina pohnene macanagãre Jesure ña peo dutiye tehe, tiquiro cahapũ ne wihyahye. Tiquina sa yegũ ihñaña Jesu buheyequina tiquinagãre ne wihyequinare tuhtiahye. <sup>16</sup> Tiquina sa tuhtigũ ihñano Jesu macanagãre pijioahye tiquiro cahapũ. Pijio tuhasa ohõ saha niahye tiquiro buheyequinare:

—Macanagã yũhũ cahapũ ahtaahro. “Waharĩsa”, niedacãhña tiquinagãre. Tiquinagã Cohãcjũre tiquina pũhtoro tuhture. Sa ye Cohãcjũ pũhtoro ijiropũre ahriquinagã yero sahata tuhotuyequina ijire topũre. <sup>17</sup> Potota niita niaja m̄sare. Ahriquinagã Cohãcjũre tiquina cahmeno saha m̄sa pehe cahmedana, tiquiro cahapũ wahasi m̄sa. M̄sa wahaeragũ m̄sa pũhtoro ijisi tiquiro, niahye Jesu.

*Doeri cjẽ up̄nro Jesure sinituahye*

*(Mt 19.16-30; Mr 10.17-31)*

<sup>18</sup> Tiquiro sa nidi bato judio masa pũhtoa mehna cjũno Jesure sinituahye:

—¿Ne, quehnoagũ, buhegũ, ijipihtiyẽ decori Cohãcjũ mehna iji duagũ, dũhse yeboagari yũhũ? niahye tiquiro.

<sup>19</sup> Tiquiro sa nigũ Jesu yũhtiahye:

—¿Dũhse ijiro boro yũhũre “Quehnoagũ”, ni pisujari mũhũ? Cohãcjũ dihita quehnoariquiro ijire. <sup>20</sup> Ahri Cohãcjũ dutiyere masine mũhũ. “Wũana tieracãhña. Masare wejẽdacãhña. Yaqueracãhña. Ni mehoedacãhña. M̄sa pacũsumũare ño peoya”, ni, sa ye dutire Cohãcjũ. Sa yegũ tire yeya mũhũ, niahye Jesu.

<sup>21</sup> Tiquiro sa nigũ Jesure yũhtiahye:

—Tire ijipihtiyere yũhũ coã wahmũa cãhtagũ ijigũpũta yũhdũdũcaerahti, niahye tiquiro.

<sup>22</sup> Tiquiro sa nigũ tũhoro, Jesu tiquirore ohõ saha ni yahuahye:

—Mehenogã dũhsare mũhũre mũhũ ye pehoati. Ijipihtiyere mũhũ yere duagũ wahaya. Sa yegũ ijipihtiyere mũhũ wapatari niñerure pejecũoyequinare ohoya. Mũhũ sa yegũ peye mũhũ ye uhmũsepũ, Cohãcjũ cahapũ ijirota. Sa ye tuhasagũ yũhũ mehna cjũ ijiajũ ahtaya, niahye Jesu tiquirore.

<sup>23</sup> Tiquiro sa nigũ tũhoro tiquiro pehe peye doeri cjẽ cũoriquiro ijiro tire pejecũoyequinare oho dueraro, tutuaro bũjũa witi, wahaa wahahye.

<sup>24</sup> Tiquiro sa bũjũa witi gũ ihñano Jesu ohõ saha ni yahuahye apequinare:

—Doeri cjẽ opana Cohãcjũ tiquiro pũhtoro ijipõpõre tiquinare waharo basioera cjũre. <sup>25</sup> Camello pehe awia copõpõ tiquiro sajã duagũ basioerare tiquirore. Tiquiro sa ijiro yũhdũoro doeri cjẽ upõro Cohãcjũre cahmedaro, Cohãcjũ tiquiro pũhtoro ijipõpõre waharo basioerare, niahye Jesu.

<sup>26</sup> Tiquiro sa nigũ tiquirore tũhoyequina ohõ saha niahye:

—Aa, dũhse tiquiro nino saha poto ijigũ, ne ihcãquiro masũno Cohãcjũ cahapũ waha masiedaboaga, niahye tiquina basi.

<sup>27</sup> Tiquina sa nigũ Jesu yũhtiahye:

—Masa tiquina esa tuharo quehnoano yeri mehna Cohãcjũ cahapũ waha masiedare. Cohãcjũ pehe masare pecapũ wahaboriquinare yũhdũo masine. Tiquiro ijipihtiyere quehnoano ye masi peho cãre, niahye Jesu tiquinare.

<sup>28</sup> Tiquiro sa nigũ Pedro tiquirore ohõ saha niahye:

—Tũhorĩña. Uã pehe ijipihtiyere usã yere cũ cãũ mũhũ mehna wahana, niahye tiquiro Jesure.

<sup>29</sup> Tiquiro sa nigũ Jesu ohõ saha niahye:

—Potota mũsare niita niaja. Mũsa Cohãcjũ yere yena tana mũsa wũhũsere, mũsa pacũsumũare, mũsa bahanare, mũsa namosãnumiare, mũsa pohnare cũrina ijina pajiro wapatanata mũsa yojopõre. <sup>30</sup> Mũsa cũri yũhdũoro wapatanata. Sa yena mũsa yariari bato ijipihtiyere decori Cohãcjũ mehna ijinata mũsa, niahye Jesu tiquinare.

*Pari turi Jesu tiquiro yaria masa wijiatiye yahuahye*

*(Mt 20.17-19; Mr 10.32-34)*

<sup>31</sup> Sa ye Jesu doce tiquiro buheyequinare neahye. Sa neano tiquinare yahuahye:

—Tũhoya yũhũre. Yojopõre mari Jerusalõpũ wahana niaja. Topũ yũhũre masũre Cohãcjũ ohorigure Cohãcjũ yere yahu mũhtariquina panopũ tiquina yahuriro sahata sa yeeta yũhũre. <sup>32</sup> Topũ masa yũhũre ñeheñe, judio masa ijieyequinare ohoeta yũhũre. Yũhũre tiquina ohori bato tiquina yũhũre bũjũpe, ñano ni, yũhũre sihco puti ohõeta.

<sup>33</sup> Sa ye yuta dari mehna tana tuhasa wejẽeta yũhũre. Sa yegũ ihtia deco wahaboro masa wijiagũta yũhũ, niahye Jesu tiquinare.

<sup>34</sup> Tiquiro sa ni yahurire quehnoano masiedahye tiquiro buheyequina. Cohãcjũ tire tiquinare quehnoano masigũ yeraniahye.

*Caperi bajueriquirore ihñagũ yeahye Jesu*

*(Mt 20.29-34; Mr 10.46-52)*

<sup>35</sup> Sa ye Jesu gũhũ Jericó wame tiri maca cahagãpũ esahye. Topũ caperi bajueriquiro maha dũhtũ caha duji, niñeru sinino niahye. <sup>36</sup> Sa yero masa peyequina tiquiro caha yũhdũagũ tũhoro sinituahye tiquinare:

—¿Dũhse ijiro boro masa peyequina yũhdũajari? ni sinituahye tiquiro.

<sup>37</sup> —Jesu Nazare cjũno waharo nine, ni, yahuahye apequina tiquirore.

<sup>38</sup> Tiquina sa ni yahugũ tũhoro tiquiro sañuducuahye:

—Jesu, Davi mũnano panami iji turiagũ, masare yũhdũoacjũ, yũhũre paja ihñaña, ni sañuducuahye Jesure.

<sup>39</sup> Tiquiro sa nigũ tiquiro caha ihñaducuyequina pehe, “Dihta mariahña”, ni tuhtiahye tiquirore. Tiquina sa ni tuhtiepegũta to pano tiquiro sañuducuriro yũhdũoro sañuducu nemoahye tja:

—Davi mũnano panami iji turiagu, masare yũhdũoacju, yũhũre paja ihñaña, ni sañuducuahye tiquiro.

<sup>40</sup> Tiquiro sa ni sañuducugũ tũhoro, Jesu pehe esadũca, “Pijioya tiquirore”, niahye. Tiquiro sa nigũ tiquina pehe caperi bajueriquirore piji cãhye. Tiquina sa piji cãgũ Jesu cahapu esagũ Jesu pehe tiquirore sinituahye:

<sup>41</sup> —¿Dũhse yũhũ yegũ cahmeajari mũhũ? niahye Jesu.

—Yũhũ pũhto, yũhũre ihñagũ yeya, ni yũhtiahye caperi bajueriquiro.

<sup>42</sup> —Ihñaña. Yũhũre wacũ tutuagu, quehnoa wahare mũhũ, niahye Jesu tiquirore.

<sup>43</sup> Tiquiro sa nigũta caperi bajueriquiro ihñaa wahahye. Sa quehnoa waharo, tiquiro Jesu mehna wahahye. “Cohãcjũ tutuariquiro ijire”, niahye tiquiro. Sa ye masa peyequina caperi bajueriquiro ihñagũ ihñañe “Cohãcjũ quehnoariquiro, tutuariquiro ijire”, niahye tiquina gũhũ.

## 19

### *Zaqueo Jesure piti cahye*

<sup>1</sup> Sa ye Jesu Jericõpu esa, ti macapu yũhdũ cãno taro niahye. <sup>2</sup> Doeri cjẽ upũro Zaqueo wame tiquiro wapa ne cohteyequina pũhoro topũ ijiahye. <sup>3</sup> Sa yero tiquiro Jesure “¿Diquiro boro ijiagari?” ni ihña masino taro Jesure ihña duamahye. Sa tiquiro ihña duepegũta ãhũmediquirogã ijigũ masa peyequina tiquirogãre cahmotahye. <sup>4</sup> Sa yero tiquiro masare oma yũhdũ cã, sicõmoro wame tidũ yucũgũpũ mũjahye Jesure ihñano taro. Came cjũnogã tũ cahapu Jesu yũhdũaro taro niahye. Sa yero Zaqueo tũpũ cohtero niahye. <sup>5</sup> Tiquiro sa cohte pesari watoa Jesu pehe tũ dahpotopũ esadũca, Zaqueore ihña mũo, tiquirore pisuahye:

—Zaqueo yojopũre mũhũ ya wũhũpũ tojoagũtja. Sa yegũ sojaro mehna dijia taya, niahye Jesu.

<sup>6</sup> Tiquiro sa nigũ Zaqueo pehe sojaro mehna dijia ta, tutuaro bucueye mehna tiquiro ya wũhũpũ waha dutiahye Jesure. <sup>7</sup> Tiquiro sa piti cagũ ihñañe, ijipihtiyequina masa tiquina basi ohõ saha ni yahuducuahye:

—Ahriquiro Jesu ñariquiro ya wũhũpũ tinino waha duare, ni, yahuducuahye ijipihtiyequina tiquina basi.

<sup>8</sup> Zaqueo pehe piti ca tuhasa topũ ducuro, Jesure yahuahye:

—Pũhto, tũhoya yũhũre. Ijipihtiyeyere deco mehna pejecũoyequinare ohoutja. Sa yegũ yũhũ apequirore cien niñeru cjoerire ni meho ehmarigũ ijigũ, cuatro cientos niñeru cjoerire wapa ye bui peoutja tiquirore, niahye Zaqueo Jesure.

<sup>9</sup> Tiquiro sa nigũ Jesu pehe yahuahye tiquirore:

—Miare mũhũre mũhũ ya wũhũpũ ijiyequina gũhũre pecapu wahaboriquinare Cohãcjũ yũhdũo tuhasare. Mũhũ gũhũ Abrahã mũnano acayũ ijire. <sup>10</sup> Yũhũ masũ Cohãcjũ ohorigũ pecapu wahaboriquinare macagu ahtagũ nii. Topũ wahaboriquinare quehnoano yũhdũogũ ahtagũ nii, niahye Jesu Zaqueore.

### *Niñeru cjoeri uru cjoeri quitire yahuahye Jesu*

*(Mt 25.14-30)*

<sup>11</sup> Sa ye tiquirore tũhoyequinare Jesu apeye queoye mehna yahuahye. Mehenogã dũhsahye Jerusalẽpu tiquiro esato. Sa ye tiquirore tũhoyequina ohõ saha ni tũhotuahye: “Cohãcjũ pũhoro yojopũre iji dũcaro taro nine”, ni, tũhotuahye tiquina. <sup>12</sup> Tiquina sa ni tũhotugũ Jesu yahuahye tiquinare:

—Ihcãquiro pũhoro macũno pũhoro sajãtiquiro yoaropũ ape yehrapũ waharo taro niahye. Topũre esagũ ihñano tiquina tiquirore pũhoro sõñe tee niahye. Came tiquiro ya wũhũpũ tojoa wihiro taro niahye. <sup>13</sup> Coã warore tiquiro wahato panore



pūhtoro pua omopequina dahra cohteyequinare pijioahye. Sa pijioro, tiquiro tiquinare tiquinape cjoeri niñeru cjoeri wapa bujūye cjoeri uru cjoerire ohoahye. Oho tuhasa, yahuahye tiquinare: “Yūhū mariedagū ahri niñeru mehna mūsa wapata nemoatire macañā”, niahye tiquiro dahra cohteyequinare.<sup>14</sup> Sa ye tiquiro ya maca cjenata tiquirore cahmedahye. Sa cahmedaye, apequinare tiquirore pūhtorore yahu dutiye ohoahye. “Mūhū ūsā pūhto ijigū cahmedaja ūsā”, niahye tiquina yahu dutiriquina pehe.<sup>15</sup> Sa tiquina cahmedapegūta came tiquina pūhtoro sajahye tiquiro. Pūhtoro saja tuhasa tiquiro ya wūhūpū tojoa tahye.

’Sa tojoa wihiro dahra cohteyequinare tiquiro ye niñeru mehna tiquina wapata nemorire masino taro, tiquinare pijioahye.<sup>16</sup> Tiquiro pijiori bato, wihi mūhtariquiro tiquirore yahuahye: “Pūhto, mūhū niñeru cjoe, yūhūre mūhū ohori cjoe mehna pua omope cjoeri wapata nemou yūhū”, niahye dahra cohteriquiro pūhtorore.<sup>17</sup> “Quehnoano yeaya mūhū. Mūhū quehnoagu dahra cohtegu ijire. Mūhū mehenogā mehna yūhū dutihiro sahata ye pehogu ijigu yojopū pua omope macari cjenā tiquina pūhto ijiajū wahagūta mūhū”, niahye pūhtoro dahra cohteriquirore.<sup>18</sup> Tiquiro bato wihiriquiro tiquiro mehna cjenā ohō saha niahye: “Pūhto, mūhū ya cjoe niñeru cjoe yūhūre mūhū ohori cjoe mehna ihcā omope cjoeri wapata nemou yūhū gūhū”, ni yahuahye tiquiro pūhtorore.<sup>19</sup> “Ihcā omope macari cjenā pūhto ijiajū wahagūta mūhū”, niahye pūhtoro tiquirore.<sup>20</sup> Tiquiro sa nidi bato apequiro dahra cohteriquiro wihi, yahuahye: “Pūhto, mūhū niñeru cjoe ohō ijire. Suhtiro cahsero mehna coma, ti cjoere ihbou.<sup>21</sup> Mūhū tutuaro dahra dutigu ijire. Sa tutuaro dahra dutigu ijigu mūhū basi oterapegūta ti dūcare nene mūhū. Sa yegu mūhūre cue nii”, niahye tiquiro pūhtorore “Ti cjoe mehna wapataerū yūhū”, ni yahuro.<sup>22</sup> Tiquiro sa nigū tiquiro pūhtoro ohō saha niahye: “Mūhū sa nigū ñagu ijire mūhū. Yūhūre mūhū sa nidi buhiri mūhūre buhiri dahregūtja yūhū. Yūhū mūhūre tutuaro dahra dutigu yūhū ijigū masine mūhū. Apequina yere yūhū negū yūhū oterarigu ijiepegūta dūcare negū yūhū ijigū masine mūhū.<sup>23</sup> Yūhū sa ijigū ihñaepegūta ya cjoere niñeru ihbori wūhūpū cūedahya mūhū. Tire tiquina wasori wapa wapata nemoboaya mūhū. ¿Dūhsegu sa yerari mūhū? Tire mūhū yegū tojoa wihigu wapata nemoboaya yūhū”, niahye tiquina pūhtoro.<sup>24</sup> Sa ni tuhasa tiquiro cahapū ducuyequinare dutiahye: “Niñeru cjoere ehmañā tiquirore. Pua omope cjoerire cūoriquirore ohoya”, niahye pūhtoro.<sup>25</sup> Tiquiro sa nigū tiquina pehe yahuahye tiquirore: “Pūhto, pua omope cjoeri cūoriquiro peye cūo tuhasare”, niahye tiquina.<sup>26</sup> Tiquina sa nigū pūhtoro yūhtiahye: “Mū sare niita niaja. Ijipihtiyequina cūoyequinare oho nemoutja. Cūoriquiro pehere mehenogā tiquiro cūoepegūta tire ehmagūtja.<sup>27</sup> Yojopū pūritare yūhūre ihñā tuhtiyequinare yūhūre tiquina pūhtoro iji dutieriquinare yūhū cahapū ne cāhtaya. Sa yena yūhū ihñonopū wejēñā tiquinare”, niahye pūhtoro dahra cohteyequinare, ni, buheahye Jesu.

*Jerusalēpū esahye Jesu*

*(Mt 21.1-11; Mr 11.1-11; Jn 12.12-19)*

<sup>28</sup> Sa ni tuhasa Jesu apequina pano Jerusalēpū wahahye.<sup>29</sup> Tiquiro Betfagé wame tiri maca cahapū Betania wame tiri maca cahapū esa, cūnū Olivo wame tidū cahapū esa mūhtahye. Jerusalēpū tiquiro esato mehenogā dūhsatjiāhye. Sa yero pūaro tiquiro buheyequinare Jesu ohoro ohō saha niahye:

<sup>30</sup> —Si macapū burrogāre nena wahaya. Topū esana, burrogāre tiquina dūhte docoriquirogāre boca sanata. Apequina pesamehnediquirogā ijiaga. Tiquirogāre bocana, yuta dare pā, ne cāhta basaya yūhūre.<sup>31</sup> Mūsa sa yegū ihñano, burrogā upūro “¿Dūhsena burrogāre pājari?” tiquiro nigū tūhona ohō saha ni yūhtiya tiquirore: “Mari pūhtoro burrogāre cahmedoqueo nidi”, ni, yahuya tiquirore, ni yahu duti ohoahye tiquiro buheyequinare pūarore.

<sup>32</sup> Tiquiro sa nigũ tiquina p̄aro pehe tiquiro nidirop̄u esahye. Tiquina sa esagũ ijipihtiye Jesu tiquiro nidiro sahata ijiahye. <sup>33</sup> Sa ye tiquirogãre tiquina pãgũ ihñañe tiquirogã opana tiquinare sinituahye:

—¿Duhse yena tana m̄sa yuta dare pãjari burrogãre? ni, sinituahye tiquina.

<sup>34</sup> —Mari p̄ahoro burrogãre cahmedoqueo nidi, ni yũhtiahye tiquina.

<sup>35</sup> Sa ni yahu tuhasa tiquirogãre Jesu cahap̄u ne sahye. Ne sa tuhasa tiquina bui cjẽ suhtire tiquirogã bui seõ peo, tiquirogã buip̄u Jesu m̄ja p̄jegũ yedohoahye tiquina.

<sup>36</sup> Jesu tiquirogã bui pesagũ tiquiro wahato pano masa tiquina bui cjẽ suhtire tu we ne, mahap̄u seõ cũ m̄htahye Jesure ño peoye. <sup>37</sup> Sa ye tiquina Jerusalẽ cahagãp̄u esa, Olivo wame tidap̄u dijia tari mahap̄u esahye. Top̄u Jesu buhegũ tũhoyequina peyequina ijipihtiye Cohãcjũ tutuaye mehna tiquiro ye ihñorire, tiquiro quehnoañe yerire tiquina ihñarire wacũñe, Cohãcjũre “Quehnoagũ, tutuagũ ijire”, ni sañuducuahye. Sa ye tutuaro sañuducu, Cohãcjũre ño peoye, ohõ saha niahye:

<sup>38</sup> —Ahriquiro Cohãcjũ tiquiro ohoriquirore, mari p̄ahoro Cohãcjũ quehnoano yeahro. Uhm̄se cjẽna quehnoano ijiahro. Cohãcjũ tiquiro tutuariquiro ijigũ ijipihtiyequina masiahdo, ni ño peoahye tiquina.

<sup>39</sup> Tiquina sa nigũ tũhoye fariseo masa meheñequinagã tiquina watoa ijiyequina Jesure yahuahye:

—Buhegũ, m̄hũ buheyequinare dihta maria dutiya, niahye tiquina.

<sup>40</sup> —M̄sare niita niaja. Tiquina sañuducueragũ utã paca pari pehe sañuducuboaga, niahye Jesu fariseo masare.

<sup>41</sup> Sa ni tuhasa Jesu Jerusalẽ cahagãp̄u esa, ti macare ihñano, utiahye. <sup>42</sup> Ohõ saha niahye tiquiro:

—Jerusalẽ cjãna yojop̄u p̄ritare m̄sare pecap̄u wahaborinare Cohãcjũ tiquiro yũhduoatire m̄sa masigũ quehnoa yũhduaboaga. Sa ijipegũta yojop̄ure m̄sa tire ne tũho duerare. Sa yero Cohãcjũ tire m̄sare masi dutierare. <sup>43</sup> M̄sare ihña tuhtiequina m̄sa ijiri macare cahmota sotoa peho quẽheeta. Sa ye, m̄sare tiquina wijia dutisi. <sup>44</sup> Ti pjeta tiquina m̄sa ya macare cohã pehoeta. M̄sa gũhũre wejẽeta. M̄sare ihña tuhtiequina quehnoano cohã pehoeta m̄sa ya macare. Cohãcjũ pecap̄u wahaborinare m̄sare tiquiro yũhduoatire m̄sa masi duerari. M̄sa masi duerari buhiri m̄sare ihña tuhtiequinare Cohãcjũ m̄sare cohã dutirota, niahye Jesu Jerusalẽ cjẽnare.

*Cohãcjũ wũhũp̄u Jesu esahye*

*(Mt 21.12-17; Mr 11.15-19; Jn 2.13-22)*

<sup>45</sup> Sa ye Jerusalẽp̄u esaro, Jesu Cohãcjũ wũhũp̄u sajãa wahahye. Sa yero apee boro duayequinare ti wũhũp̄u ijiyequinare boca saro, tiquinare cohã wio cãhye. Ohõ saha niahye tiquinare:

<sup>46</sup> —Cohãcjũ yere tiquina ojoari p̄p̄u ohõ saha nine: “Ya wũhũ Cohãcjũ mehna yahuducuri wũhũ wame tirota”, niahye tiquiro yere tiquina ojoari p̄p̄u. Tiquiro sa niepegũta m̄sa pehe ahri wũhũp̄u duana, m̄sa basi cahme yaquere m̄sa, niahye Jesu.

<sup>47</sup> Sa ye decoripe Cohãcjũ wũhũp̄u Jesu buheahye. Sa ye pahia p̄htoa, judio masare buheyequina, masa p̄htoa gũhũ tiquirore tiquina wejẽatire wacũ macahye. <sup>48</sup> Masa ijipihtiyequina tiquirore sa tũhoducuye, tiquiro buheyere quehnoano tũho nũnũnequina ijiahye. Tiquina sa quehnoano tũho nũnũgũ Jesure wejẽ duayequina pehe tiquirore tiquina wejẽatire bocaerahye.

## 20

*Pahia p̄htoa, judio masare buheyequina, bucũna gũhũ Jesu mehna cahme tuhtie niahye*

*(Mt 21.23-27; Mr 11.27-33)*

<sup>1</sup> Ape deco Cohācjū wuhupū Jesu masare quehnoañe buheyere buhero niahye. Tiquiro sa buhegū pahia puhtoa, judio masare buheyequina, bucuna mehna tiquiro cahapū wihye, sinituahye:

<sup>2</sup> —Yahuya usāre. ¿Duhsegū canure sa yeari mūhū? ¿Noa mūhure tire sa ye dutiari? niahye tiquina Jesure.

<sup>3</sup> Tiquina sa nigū Jesu yūhtiahye tiquinare:

—Musa pehere sinitu mūhtagūtja. Yahuya yūhure. <sup>4</sup> ¿Ñu masare tiquiro wame yegū noa boro pehe tiquirore wame ye dutiyari, musa tūhotugū? ¿O Cohācjū dutierayari? ¿O masa pehe dutiyari, musa tūhotugū? ni sinituahye Jesu tiquinare.

<sup>5</sup> Tiquiro sa nigū tiquina pehe tiquina basi ohō saha niahye:

—¿Duhse ni yūhtinatari mari? “Cohācjū Ñure dutie tiahye”, mari nigū, “¿Duhseña Ñure Cohācjū dutiepegūta tiquirore tūho duerari musa?” niboaga Jesu marine. Sa yena “Cohācjū Ñure dutiye tiahye”, ni yūhti masiedaja mari. <sup>6</sup> Ahriquina masa pehe “Potota Ñu Cohācjū yere yahu mūhtariquiro ijire”, ni tūhoture tiquina. Sa ni tūhotuye “Ñu tiquiro wame yegū Cohācjū tiquirore dutierahye”, mari nigū tūhoye marine masa utā paca mehna doqueeta. Sa yena ti gūhure yūhti masiedaja mari, ni yahuducuahye tiquina basi.

<sup>7</sup> Sa ni yahuducu tuhasa tiquina Jesure yūhtiahye:

—Ñure wame ye dutiriquirore usā masiedaja, niahye tiquina.

<sup>8</sup> Tiquina sa nigū Jesu yūhtiahye:

—Ti pje pūrita yūhū gūhū musa sinitu mūhtarire yahueraja musare. Ahrire yūhū yerire dutiriquirore yahueraja musare, niahye tiquinare.

*Ñañequina dahra cohteyequina queoyere yahuahye Jesu*

*(Mt 21.33-44; Mr 12.1-11)*

<sup>9</sup> Sa ye Jesu tiquiro tūhotuye mehna queoye mehna ohō saha ni buhe dūcahye masare:

—Wese upūro uhse darire oteahye. Ote tuhasa, ti wesere apequinare ihcā pehe pahma cūahye. Pahma cūno ti wesere tiquinare ihña ihbo dutiahye. Sa duti tuhasa ape yehpapū waha, yoari pje bajuerahye. <sup>10</sup> Sa yero uhse ñidi pje ijigū wese upūro tiquiro cahacjūnore wesere ihña ihboyequina cahapū ohoahye. Wese cjē oteri dūcare tiquiro ya pahrē cjēne ne dutiro ohomahye. Sa ye ihña ihboyequina pehe tiquiro cahacjūnore piti ca quēahye tiquirore. Sa ye tiquina tiquirore dūcare ohoerapeta tojoa dutiahye. <sup>11</sup> Sa yero wese upūro apequiro tiquiro cahacjūnore ti wese cjē oteri dūcare ne dutiro ohomahye tja. Sa ye wesere ihña ihboyequina tiquiro gūhure quē, ñano yeahye tiquirore. Sa ye tuhasa tiquirore ti dūcare ohoerapeta tojoa dutiahye tja. <sup>12</sup> Tiquina sa yeri bato wese upūro apequiro cahacjūnore ohomahye tja. Sa ye wesere ihña ihboyequina pehe tiquiro gūhure camī dahre, ti wese dūhtū cahapū cohā cāhye tiquirore.

<sup>13</sup> Tiquina sa yeri bato wese upūro ohō saha ni tūhotumahye: “¿Duhse yegūtari yūhū? Ohō saha yegūtja. Yūhū macure yūhū cahīniquirore ohogūtja. Ijirota ijire. Tiquina tiquirore ño peoeta”, ni tūhotumahye wese upūro pehe. <sup>14</sup> Sa ye tiquiro macūnore tiquiro ohoriquirore esagū ihñañe ihña ihboyequina pehe tiquina basi ohō saha ni, yahuducuahye. “Ahriquiro wese upūro macūno ijire. Tiquirore wejēihna. Sa yero ahri wese mari ya wese tojoarota”, nimahye tiquina basi. <sup>15</sup> Sa ni tuhasa wese upūro macūnore wese dūhtū cahapū nea, wejē cāhye tiquirore. ¿Tiquina sa yegū ihñano dūhse yerotari wese upūro wesere ihña ihboyequinare? niahye Jesu.

<sup>16</sup> —Ti wesere ihña ihboyequinare wejēno taro, apequinare wesere ihña ihbo dutirota, ni yūhtiahye Jesu tiquiro basi.

Tiquiro sa nigū tūhoye masa pehe ohō saha niahye:

—Marine sa wahaeracāhdo, niahye tiquina.

<sup>17</sup> Tiquina sa nigū Jesu pehe tiquinare sinituahye:

—¿Cohācjū yere tiquina ojoari pūre ohō saha ni yahuducuye, dūhse nino niajari, musa tūhotugū?

Ahriquiro Cristo utã yero saha ijire. Utãre wuhũ dahreyequina tiquina cohãno saha masa tiquirore cohãeta. Tiquina sa yepegũta yojopure wuhũ dahreyequina wuhure yeye tiquina cũ mũhtaria utãre tiquina cũno saha Cohãcjũ tiquirore pũhtoro sõri, ni ojoahye.

<sup>18</sup> 'Ijipihtiequina tia utã bui doque queheyequinare mũta sitea wahaeta. Sa yero tia utã masũno bui bora pjero, mũtaa wahagũ yerota tiquirore. Tiquiro pagũ mũnanore daye manarigã wahagũ yerota, niahye Jesu. (Sa nino tiquirore cahmedariquina, tiquiro buhiri dahreatiquina tiquina ñano yũhdũatire yahuro niahye.)

Pũhtoa ye wapare apequina sinituahye Jesure

(Mt 21.45-46; 22.15-22; Mr 12.13-17)

<sup>19</sup> Tiquiro sa nigũ tũhoye judio masare buheyequina, pahia pũhtoa gũhũ, “Jesu wesere ihña ihboyequina queoye mehna marine tuhtiro nine”, ni, tũhotuahye tiquina.

Sa ni tũhotuye tiquina Jesure ñehe duamahye. Sa ñehe duepeta tiquina masare cue niahye. <sup>20</sup> Sa cueye, Jesure tiquina ñeheatu pjere cohteahye tiquina. Sa ye “Poto ijiyequina yero saha ye meho ijiya mũsa”, niahye tiquina apequinare. Tiquiro ñano ni yũhtigũ ye duaye nimahye tiquirore yahusã duaye. Sa ye Jesure sinitu dutiye ohoahye ni mehoñequinare. Jesu ñano ni yahuducugũ tũhoye ti yehpa cjẽna pũhtoro peresu ye dutiye tee nimahye. <sup>21</sup> Sa ye tiquina Jesure ni meje cũ sinituye nimahye:

—Buhegũ, poto yahuducugũ, ni mehoñe mariegũ mũhũ ijigũ usã masiaja. Sa yegu ihcãquiro pũhtoro waro tiquiro ijipegũta tiquiro gũhũre dõyaro marieno potota yahure mũhũ. Mũhũ Cohãcjũ yere poto mũhũ buhegũ gũhũre usã masiaja. <sup>22</sup> Yahuya usãre. ¿Ne, Roma cjũnore ijipihtiequina pũhtoro gobierno cjẽne marine wapa yero cahmeajari, mũhũ tũhotugũ? ¿Mari dutiye wapa ye dutiajari, mũhũ tũhotugũ? ni sinituahye tiquina Jesure.

<sup>23</sup> Tiquina sa nigũ tũhoro Jesu tiquina ñano ye duayere masino, tiquinare yũhtiahye:

<sup>24</sup> —Yojopure niñeru cjoere pũhtoare wapa yeati cjoere ne cãhtaya. Ti cjoere ihñaũhna, niahye.

Ti cjoere tiquina ne wihigũ ihñano ohõ saha niahye Jesu:

—¿Noa boro queoye wahñajari ahri cjoere? ¿Noa boro wame wahñajari? niahye Jesu tiquinare.

—César, masa ijipihtiequina pũhtoro queoye, tiquiro wame gũhũ wahñare, ni yũhtiahye tiquina.

<sup>25</sup> Tiquina sa nigũ Jesu yahuahye:

—Ti pje pũrita masa ijipihtiequina pũhtoro yere tiquiro pehere ohoya. Cohãcjũ yere Cohãcjũ pehere ohoya, niahye Jesu tiquinare.

<sup>26</sup> Sa ye masa tiquina ihñonopũ Jesure ñano ni yahuducugũ ye masiedahye tiquina. Sa ye Jesu yũhtiyere tũhoye, tiquina tũho maria wahahye. Sa tũho maria waha, dihta maria wahahye.

Cohãcjũ tiquiro masoatire yahuahye Jesu saduceo masare

(Mt 22.23-33; Mr 12.18-27)

<sup>27</sup> Sa ye meheñequinagã saduceo masa Jesu cahapũ wihiahye. “Cohãcjũ yariariquinare masosi”, ni tũhotuyequina ijiahye saduceo masa. Sa ye tiquina ohõ saha niahye tiquirore:

<sup>28</sup> —Buhegũ, ohõ saha ni buheahye Moise: “Ihcãquiro tiquiro wahmino namo tiriquire pohna mariedaperota tiquiro yariagũ ihñano tiquiro bahũrore tiquiro wahmino namono ijiricorore nũoano cahmene. Sa yero tiquiro wahmino mũnanao tiquiro pohna tiboriro sahata pohna tiro cahmene tiquiro bahũrore. Sa ye tiquiro pohne tiquiro wahmino mũnanao pohne yero saha ijietã”, ni, ojoahye Moise, niahye tiquina.

<sup>29</sup> Tire ni tuhasa ahri quitire tja yahu nemoahye Jesure:

—Ihcãquiro masũno ijiahye. Seis bahana tiahye. Tiquina wahmino pehe namo ti, pohna mariediquiro yariaa wahahye. <sup>30</sup> Sa yero apequiro tiquiro bahũro gũhũ tiquiro wahmino namono ijiricorore nũoahye. Tiquiro sa nũoari bato tiquiro wahmino yero

sahata pohna mariedaperota tiquiro gũhũ yariaa wahahye. <sup>31</sup> Sa yero ahriquiro bahũro gũhũ tiquiro wahmino mũnano yero sahata pohna mariedaperota yariaa wahahye. Sa dihita wahahye ihcãquiro pohne waro. Ne pohna mariedapeta yaria pihtia wahahye. <sup>32</sup> Tiquina namono ijiricoro gũhũ tiquina batota yariaa wahahye. <sup>33</sup> ¿Ne, Cohãcjũ ijipihtiyequinare yariariquina mũnare tiquiro masogũ diquiro namono pehe ijiboagari ticoro pototi? Tiquina ijipihtiyequina ticorore namo tiriquina mũna ijiahye. ¿Sa yero diquiro namono pehe ijirrotari? ni sinituahye tiquina.

<sup>34</sup> Tiquina sa nigũ Jesu yũhtiahye:

—Yojopũ cjẽna omoca dũhtere. <sup>35</sup> Tiquina sa dũhtepegũta apequina pehe topũ cjẽna pehe sa ijierare. Apequina mũmũare, numia gũhũre poto yeyequinare Cohãcjũ quehnoañequina ijigũ yerota. Tiquina yariari bato masa mũjaeta. Sa ye tiquina topũ omoca dũhterare. <sup>36</sup> Sa ye tiquina angele yero sahata ne yariasi. Tiquina Cohãcjũ masoriquina ijiye, Cohãcjũ pohne ijire. <sup>37</sup> Yojopũre yariariquina mũna tiquina masa wijiatu pehere mũsare yahutja. Tire Moise quehnoano yahu pehoahye. Tiquiro mehenugã mũjũri quitire ohõ saha ni yahuahye: “Abrahã, Isaac, Jacob tiquina pũhtoro ijire Cohãcjũ,” ni ojoahye Moise. <sup>38</sup> Tiquina yariari bato “Tiquina pũhto ijiaja”, ni yahuahye Cohãcjũ. Sa nieperota yariariquina mũna pũhtoro ijierare Cohãcjũ. “Tiquina pũhto ijiaja”, tiquiro niñe mehna catiyequina tiquina ijigũ masiaja mari. Tiquiro catiyequina pũhtoro ijire. Ijipihtiyequina masa catire, Cohãcjũ ihñagũ, niahye Jesu tiquinare.

<sup>39</sup> Tiquiro sa nigũ meheñequinagã judio masare buheyequina ohõ saha niahye:

—Buhegũ, mũhũ quehnoano yũhtiri, niahye tiquina Jesure.

<sup>40</sup> Sa ye pari turi Jesure sinitu duerahye tiquina.

*Cristo pehe Davi mũnano pũhtoro ijire  
(Mt 22.41-46; Mr 12.35-37)*

<sup>41</sup> Came Jesu ohõ saha ni yahu nemoahye tiquinare:

—“Cristo Davi mũnano panamino iji turiariquiro ijirota”, ni buhere apequina. ¿Dũhse ye tiquina sa ni buheajari? <sup>42</sup> Davi mũnano tiquiro basi Salmopũ tiquiro ojoari pũpũ ohõ saha ni, ojoahye:

Cohãcjũ yũhũ pũhtorore ohõ saha nidi: “Ohõpũ yũhũ poto pehepũ dujiya. <sup>43</sup> Sa yegũ mũhũre ihña tuhtiyequinare mũhũre yũhdũdũca basantja yũhũ”, nidi Cohãcjũ yũhũ pũhtorore, ni, ojoahye Davi mũnano.

<sup>44</sup> Sa ni ojoaro Davi mũnano Cristore “Yũhũ pũhtoro”, ni pisuahye. Davi mũnano Cristo ñecũno iji turiariquiro ijieperota Cristore “Yũhũ pũhtoro”, ni pisuahye. ¿Davi mũnano Cristo ñecũno iji turiariquiro ijieperota dũhse ijiro boro tiquiro “Yũhũ pũhtoro”, ni pisuyari Cristore? Cristo pehe Davi mũnano pũhtoro ijire, ni yahuahye Jesu.

*Judio masare buheyequina tiquina ñañe yeyere yahuahye Jesu  
(Mt 23.1-36; Mr 12.38-40; Lc 11.37-54)*

<sup>45</sup> Masa peyequina Jesure tiquina tũhori watoa Jesu pehe tiquiro buheyequinare ohõ saha ni yahuahye:

<sup>46</sup> —Mari judio masare buheyequina tiquina ñañe yeyere ihñana quehnoano wacũ masiña. Sa yena tiquina yero saha yeracãhña. Tiquina yoaye suhti saña, masa tiquina ihñonopũ tini, doeri cjẽ duaropũ apequina pũhtoare quehnoano ño peo tiquina sinino saha tiquina piti ca sinigũ cahmene tiquina. Sa ye tiquina mari judio masa buheye wũhũsepũ quehnoañe dujiye dihitare duji duare. Sa ye bose deco ijigũ topũ gũhũre quehnoañe dujiye dihitare cahmene. <sup>47</sup> Tiquina wape wiha numia ye wũhũsere tiquina cũoye gũhũre ehmare ti numiare. Sa ye tiquina masa ihñonopũ yoari pje Cohãcjũre siniducumene masare ihña dutiye. Tiquina sa yegũ apequina bui cjũno tiquinare Cohãcjũ buhiri dahrerota, niahye Jesu tiquinare.



## 21

*Wape wihoro Cohăcjŭ wuhupŭ ticoro ohorire yahuahye Jesu*  
(Mr 12.41-44)

<sup>1</sup> Sa ni yahu tuhasa Cohăcjŭ wuhŭ cjĕ niŋeru tiquina sâri acarore niŋeru opana tiquina ye niŋerure duhu săgŭ ihŋa dujiro niahye Jesu. <sup>2</sup> Sa ihŋano wape wihoro pejecuoricoro pŭa cjoegăre ticoro duhu săgŭ gŭhŭre ihŋahye. <sup>3</sup> Tire ihŋa tuhasa ohŭ saha ni yahuahye: —Potota niita niaja musare. Ahricoro wape wihoro pejecuoricoro pehe niŋeru sâri acaropŭ duhu săno apequina ijipihtiyequina ohori yuhduoro ohori ticoro pehe. <sup>4</sup> Apequina niŋeru opana pajiro tiquina ohopegŭta tiquina ye pajiro dăhsare. Ahricoro pehe pejecuoricoro ijieperota ijipihtiye ticoro ihyatire ticoro dŭborigăre oho pehori, niahye Jesu.

—Cohăcjŭ wuhŭ cohŭri wuhŭ ijirota, niahye Jesu  
(Mt 24.1-2; Mr 13.1-2)

<sup>5</sup> Sa ye apequina Cohăcjŭ wuhŭre ohŭ saha niahye: —Quehnoaŋe ută paca mehna yeri wuhŭ, quehnoa yuhduari wuhŭ ijicjoare. Masa Cohăcjŭ ya wuhŭ ijiatire tiquina ohori gŭhŭ ti wuhŭpŭre quehnoano cŭri jire, ni, yahuducuye niahye.

Tiquina sa nigŭ Jesu yahuahye tiquinare:

<sup>6</sup> —Ahri ijipihtiye mari ihŋari wuhŭsere, ahri ută paca gŭhŭre cohă pehoeta. Ne ihcăria ută tojoasi, niahye Jesu tiquinare.

*Pihtiati deco ijiatire yahuahye Jesu*  
(Mt 24.3-28; Mr 13.3-23)

<sup>7</sup> Tiquiro sa nigŭ tuhoye tiquina pehe sinituahye tiquirore: —ŶBuhegŭ, dăhse ijigŭ muhŭ nidiro saha sa waharotari? ŶPihtiati deco panogă ijigŭ dăhse ti waha ducagŭ ihŋanatari usă? ni sinituahye tiquina Jesure.

<sup>8</sup> Jesu yuhthiahye tiquinare:

—Quehnoano yeya musa. Sa yena musare apequina tiquina ni mehoŋene tuhoeracăhŋa. Peyequina masa “Cristo ijiaja yuhŭ”, ni mehoŋequina ahtaeta. Sa niŋe, “Yojopŭre pihtiati deco ijiaato mehenogă dăhsare”, nieta. Tiquina sa nigŭ tuhoeracăhŋa. <sup>9</sup> Sa ye apequina “Cahme wejĕne nine”, musare nieta. “Yojopŭre pŭhtoare masa cohăŋe nine”, nieta. Musa tire tuhona cueracăhŋa. Pihtiati deco pano ohŭ saha waha muhtanota. Sa wahagŭ pihtiati deco wahato dăhsarŋota, niahye Jesu.

<sup>10</sup> Sa ni tuhasa ohŭ saha ni yahu nemoahye:

—Ihcă yehpa cjĕna ape yehpa cjĕna mehna cahme wejĕeta. <sup>11</sup> Sa yero tutuaro yehpa ŋuhmi, masa peyequina ŭjua mehna yaria, ijipihtiyo cjĕna dohatieta. Sa ye ŭhmŭse cjĕ cua pesaye bajuagŭ ihŋaŋe, masa ihŋa maria wahaeta.

<sup>12</sup> Ahri ijipihtiye sa wahato pano, apequina musare ŋehe, ŋano yeeta. Sa ye mari judio masa buheye wuhŭsepŭ tiquina musare yahusă, peresu yeeta musare. Tiquina sa yegŭ peye yehpari cjĕna pŭhtoa cahapŭ, peye macari cjĕna pŭhtoa cahapŭ ducunata musa tiquina yahusănohrina. Yeequina musa ijiri buhiri sa yeeta. <sup>13</sup> Tiquina sa yahusăgŭ musa pehe quehnoaŋe buheyere tiquinare yahunata. <sup>14</sup> Ti pjere musare tiquina yahusăgŭ pŭhtoroore musa yuhthiatire “Yahu masiedaboaga”, ni tuhotueracăhŋa musa. <sup>15</sup> Yuhŭ musare yahu basautja. Musare sa yedohogŭ tuho masiŋene, quehnoaŋe yahuducuye gŭhŭre musare yahugŭ yeitja. Musa sa yegŭ musare ihŋa tuhtiyequina pehe musa yahuducuyere tuho, “Ti poto ijierare”, ni, yuhthi masisi. <sup>16</sup> Ti pjere musa pacusumŭa, musa bahana, musa acaye, musa mehna cjĕna gŭhŭ musare ihŋa tuhtiyequinare ohoeta musare, yeequina musa ijiri buhiri. Tiquina sa yegŭ musare ihŋa tuhtiyequina musa mehna cjĕnare apequinare wejĕeta. <sup>17</sup> Sa ye yeequina musa ijigŭ ihŋaŋe, ijipihtiyequina musare ihŋa tuhtietia. <sup>18</sup> Musare sa ihŋa tuhtiepeta ne mehenogă musare ŋano yesi. <sup>19</sup> Sa yena musa wacŭ tutuana ijiya. Musa sa yena, Cohăcjŭ mehna sa ijiducunata.

<sup>20</sup> 'Sa ye peyequina surara Jerusalēpū tiquina cahmota sotoa peho cāgū ihñana, Jerusalēne tiquina cohāto mehenogā dūhsagū masinata mūsa. <sup>21</sup> Ti sa wahagū ihñañe Judea yehpapū ijiyequina cūnū cju cahapū oma duhtiahro. Sa ye Jerusalēpū ijiyequina wahaahro. Sa ye weseripū ijiyequina Jerusalēpū tojoeracāhdo sojaro mehna tiquina wahato pehe. <sup>22</sup> Ti decoripū buhiri dahreye decoripū ijipihtiye Cohācjū tiquiro ojoari pū tiquiro nidiro sahata sa waharota. <sup>23</sup> Ijipihtiropū ahri yehpapū ñano yūhdūeta. Ti sa wahagū, niji wahcōñe numia, tiquina pohne apūoñe numia gūhū pejecuro wahaeta. <sup>24</sup> Apequina ahri maca cjēna mehna cahme wejēeta. Sa ye apequina ahri maca cjēnare ijipihtiye yehparipū ne cā, peresu yeeta. Sa ye judio masa ijieyequina Jerusalēne ñano ye, tiquinare yūhdūdūcaeta. Judio masa ijieyequina ya deco pihtigūpū Jerusalē cjēnare ñano ye duhueta, ni yahuahye Jesu.

*Jesu ahri yehpapū* tiquiro tojoa tatire yahuahye

(Mt 24.29-35, 42-44; Mr 13.24-37)

<sup>25</sup> Sa yero tiquinare yahu nemoahye:

—Ti pjere asū deco cjūno, ñami cjūno, ñahpicoha gūhū sijoro saha ijiyequina wahaeta. Ijipihtiyequina ahri yehpa cjēna “Acuehi, yarianata”, ni tūhotuyequina pajiri ma cjē pahcōri cua yūhdūaro ti pahcōri bisi cāhtagū tūhoye tutuaro cueeta. <sup>26</sup> Ti pjere ūhmūse cjē yehpari, ñahpicoha gūhū ti sa wahaducurore comesaeta. Sa ye ñuhmieta. Ti sa wahagū ihñañe, masa pehe ahri yehpa pihtiatire cohteye, tutuaro cueeta. <sup>27</sup> Ti pjeta yūhū masū Cohācjū ohorigū Cohācjū tutuaye mehna tiquiro asi siteye mehna ehmeo curua buipū yūhū ahtagū ihñañe masa. <sup>28</sup> Ahri sa waha dūcagū ihñana, wacū tutuana ijiya. Sa yena ūhmūsepū ihñañe. Ti pjere Cohācjū mū sare pecapū wahaborinare tiquiro yūhdūoato mehenogā dūhsarota, niahye Jesu.

<sup>29</sup> Sa ni tuhasa ahri queoye mehna buheahye Jesu:

—Higueragūre, apeye cju gūhūre tūhotuya mūsa. <sup>30</sup> Tū yucūgū pūri tigū ihñana, cūhma mehenogā dūhsagū masine mūsa. <sup>31</sup> Sata ahri ijipihtiye yūhū nidire ti sa wahagū ihñana, Cohācjū tiquiro pūhtoro ijiati pje mehenogā dūhsagū masinata mūsa.

<sup>32</sup> 'Mū sare poto niita niaja. Ti pje cjēna tiquina yariato pano ijipihtiye yūhū nidiro sahata sa waharota. <sup>33</sup> Ūhmūse, ahri yehpa gūhū pihtia waharota. Yūhū yahuducuye pehe ne comesasi. Ijipihtiye yūhū nidiro sahata sa waha sohtori tirota.

<sup>34</sup> 'Yūhū tojoa tati decore ne masiedare mūsa. Sa yena quehnoano yeya. Bose decorire queheye decorire yeducueracāhñe. Sa yena queheracāhñe. Ahri yehpa cjēne pajiro tūhotueracāhñe. Mūsa yūhū nidiro sahata yena, wacūeno mehna ahri yehpapū yūhū ahtagū mūsa ne acūasi. <sup>35</sup> Wahiquirore yuri da wacūeno mehna ti da tūā suharo saha wacūeno mehna ahtatja yūhū. Ijipihtiyequina ahri yehpa cjēna tiquina masiedi watoa ti deco wacūeno mehna sa waharota. <sup>36</sup> Quehnoano wacū masi cohteya. Sa yena Cohācjūre ahrire sa siniducuya: “Ahri pihtiatu decore sa wahagū yūhūre yedohoya. Tutuayere ohoya yūhūre ahrire quehnoano yūhū yūhdūatire. Sa yegū Cristore mūhū ohoriqirore cuero marieno yūhūre piti cagū yeya”, ni, siniña Cohācjūre, niahye Jesu.

<sup>37</sup> Sa ye ti decorire Cohācjū wūhūpū Jesu buhee tiahye. Ñaminipe buhe tuhasaro Olivo wame tidū cūnūpū waha, topū iji bohreaye tiahye. <sup>38</sup> Bohreayepē tahari ijipihtiyequina masa Cohācjū wūhūpū tiquirore tūhoye wahae tiahye.

## 22

*Pahia pūhto*a, judio masare buheyequina mehna wejē duahye Jesure

(Mt 26.1-5, 14-16; Mr 14.1-2, 10-11; Jn 11.45-53)

<sup>1</sup> Sa ye ti pjere pugū yeye moremehneñe pāre tiquina ihyati bose deco mehenogā dūhsahye. Ti bose deco pascua wame tiahye. <sup>2</sup> Sa ye pahia pūhto, judio masare buheyequina mehna Jesure wejē duaye, tiquina wejēatire wacū macahye. Jesure wejē duepeta, masa pehere cueahye, “Usuari”, niñe.

<sup>3</sup> Sa ye watĩno Juda Iscariotere ñano tiquiro ye dutigũ Juda pehe yũhtiahye tiquirore. Juda doce buheyequina mehna cjũno ijimahye. <sup>4</sup> Sa yero tiquiro pahia pũhtoare, Cohãcjũ wũhũ cjẽna surara pũhtoa mehna gũhũre yahuro wahahye. Tiquina cahapũ esa, tiquinare Jesure tiquiro ihũoatire yahuahye tiquinare. <sup>5</sup> Tiquiro sa nigũ tũhoye, tiquina bucue, “Mũhũre niũerure wapa yematja”, niahye tiquina Judare. <sup>6</sup> Tiquina sa nigũ Juda “Aũ, tiquirore mũsare ihũoutja”, ni, masa tiquina ihũeno watoa Jesure ihũa tuhtieyquinare tiquiro ihũoati ñamine cohtero niahye.

*Jesu buheyequina mehna tiquiro ihya bato tiati deco ijiahye*

*(Mt 26.17-29; Mr 14.12-25; Jn 13.21-30; 1 Co 11.23-26)*

<sup>7</sup> Pugũ yeye moremehneũe pãre ihyati bose deco iji dũcari deco ijiahye. Sa yero pascua cjẽ ijiatire ovejare tiquina ihyatiquinare tiquina wejẽdi deco ijiahye. <sup>8</sup> Ti pjeta Pedrore, Ñu gũhũre Jesu yahuahye:

—Bose decopũ mari ihyatire quehnona wahaya, niahye Jesu tiquinare.

<sup>9</sup> —¿Noho boropũ mari ihyatire quehnoyu dutigũ ohoajari mũhũ usãre? ni sinituahye tiquina tiquirore.

<sup>10</sup> Tiquina sa nigũ Jesu yũhtiahye:

—Jerusalẽpũ mũsa esagũ aco sutu wũariquiro mũsare piti carota. Tiquiro piti cagũ tiquiro mehna wahaya. <sup>11</sup> Sa wahana tiquiro siho sajãri wũhũpũ esana wũhũ upũrore ohõ saha ni yahuya. “¿Nohopũ yũhũ buheyequina mehna pascua cjẽ ihyayere ihyanatari?” nidi buheriquiro”, niũa wũhũ upũrore. <sup>12</sup> Mũsa sa nigũ tũhoro uhmũano cjã tucũre pajiri tucũre mari cahmeũe mehna tiquina quehnoiri tucũre ihũonota wũhũ upũro. Topũ mari ihyatire dahreya mũsa, niahye Jesu tiquinare.

<sup>13</sup> Tiquiro sa nigũ tiquina ti macapũ wahahye. Topũ tiquina esagũ tiquinare tiquiro nidiro sahata wahahye. Sa ye tiquina pascua cjẽ ihyatire dahreahye.

<sup>14</sup> Ihyari pje ijigũ Jesu doce tiquiro buheyequina mehna ihya dujiahye. <sup>15-16</sup> Topũ ihyaropũ dujiro Jesu tiquinare yahuahye:

—Mũsare niita niaja. Ahri pascua bose decore mari dahreja Cohãcjũ tiquiro yequinare tiquiro yũhdũotire wacũna. Came Cohãcjũ tiquiro pũhtoro ijiropũ tiquiro yequinare yũhdũo tuhasarota. Tiquiro sa yũhdũoato pano ahri deco cjẽne pari turi ihyasi yũhũ. Sa yegũ yojopũre yũhũ ñano yũhdũoato pano ahri pascua cjẽ ihyayere mũsa mehna tutuaro ihya duahti yũhũ, niahye Jesu.

<sup>17-18</sup> Sa ninota Jesu sihnidi pare ne, Cohãcjũre “Quehnoare”, ni sini, tiquinare yahuahye:

—Mũsare niita niaja. Cohãcjũ ijipihtieyquina pũhtoro tiquiro ijianto pano ahri vinore ne pari turi sihnisi yũhũ. Sa yena ahri vinore ne, mũsa basi iti sihniũa, niahye Jesu.

<sup>19</sup> Sa ni tuhasa pãre ne, Cohãcjũre “Quehnoare”, niahye. Sa yero tiare nuha, itiahye tiquinare. Tiare itiro, tiquinare yahuahye:

—Ahri yũhũ pagũ ijire. Yũhũ pagũ yũhũre ihũa tuhtieyquinare tiquina ohori pagũ ijirota mũsare yũhũ yũhdũoati. Sa yena yũhũre mũsa wacũatire ahrire ihyaya, niahye Jesu.

<sup>20</sup> Sa ihya tuhasa sata tiquiro tiquinare sihnidi pa gũhũre ohoahye. Sa ohoro, tiquinare yahuahye:

—Mũsa ñaũe yeyere cohãgũ tagũ yariũtja. Sa yegũ yũhũ diire cohãũtja. Cohãcjũ “Mũsare yũhdũoutja”, tiquiro nidiro esa tuhagũ yũhũ yariaro mehna tiquiro nidiro sohtori tirota.

<sup>21</sup> Yojopũre tũhoya mũsa. Yũhũre ihũa tuhtieyquinare yũhũre ihũoatiquiro yojopũre yũhũ mehna ohõ dujire. <sup>22</sup> Cohãcjũ tiquiro dutiriro sahata yũhũ masũ Cohãcjũ ohorigũ yariũtja. Tiquiro sa yaria dutiepegũta yũhũre ihũa tuhtieyquinare ihũoatiquiro pũrita ña yũhdũaro yũhdũarota, niahye Jesu tiquinare.

<sup>23</sup> Tiquiro sa nigũ tiquina pehe tiquina basi ohõ saha ni sinituahye:

—¿Jesure ihũa tuhtieyquinare ihũoatiquiro mari mehna cjũno diquiro boro ijiagari? ni, yahuducuahye tiquina basi.

—¿*Mari mehna* cjũno diquiro pehe ijiagari pũthoro? ni yahuducuahye Jesu buheyequina tiquina basi

<sup>24</sup> Came Jesu buheyequina ohõ saha ni yahuducuahye:

—¿*Mari mehna* cjũno diquiro pehe ijiagari pũthoro? ni yahuducuahye tiquina basi.

<sup>25</sup> Tiquina sa ni yahuducugũ tũhoro Jesu tiquinare yahuahye:

—Cohãcjũre cahmeeñequina pũthoa pehe tiquina masare dutiye, purĩno mehna dutire. Sa ye pũthoare “Tiquina masare yedohoyequina ijire”, nimene apequina masa tiquinare. <sup>26</sup> Mũsa pehe sa yesi mũsa basi. Mũsa mehna cjũno mũsa wahmi pehere tiquiro bahũro yero saha ijiro cahmene. Mũsa mehna cjũno pũthoro iji duaro cahacjũno yero saha ijiro cahmene tiquirore. <sup>27</sup> ¿Diquiro ijiagari pũthoro? ¿Ihya dujiriquiro pehe pũthoro ijiagari? ¿O ihyayere itiriquiro pehe pũthoro ijiagari? Ihya dujiriquirota ijiaga pũthoro. Tiquiro sa ijiepegũta yũhũ pehe cahacjũno yero saha mũsare yedohogũ ahtaũ.

<sup>28</sup> Mũsa yũhũre tiquina ñano yeppegũta mũsa pehe yũhũre duhuerare. <sup>29</sup> Sa yegũ yũhũ Pacũ yũhũre tiquiro pũthoro sõriro sahata mũsa gũhũre pũthoa sõgũtja yũhũ. <sup>30</sup> Yũhũ pũtho yũhũ ijigũ yũhũ ihyari mesapũ mũsa gũhũ ihya, sihninata. Sa yena mũsa pũthoa dujiyere dujinata. Mũsa topũ dujina Israe masare doce cururi cjẽnare besenata mũsa ñañequinare, quehnoañequinare, niahye Jesu tiquiro buheyequinare.

*Pedro Jesure tiquiro cohãtũre yahuahye Jesu*

(Mt 26.31-35; Mr 14.27-31; Jn 13.36-38)

<sup>31</sup> Sa ni tuhasa Pedrore Jesu ohõ saha ni yahuahye:

—Simo Pedro yũhũre tũhoya. Mũsare ijipihtinare watĩno yũhũre cohãgũ ye duare. Trigo wese cjũno trigore tiquiro wejẽ site cohãriro sahata mũsare ijipihtinare watĩno ñano ye duare. Sa ye duaro, Cohãcjũre sinidi. <sup>32</sup> Tiquiro sa sinigũ ihñagũ yũhũ pehe Cohãcjũre sini basapũ mũhũre. Yũhũre mũhũ wacũ tutua duhueratire sini basapũ mũhũre. Sa yegũ mũhũ yũhũ mehna cjũ pari turi ijigũ yeequinare yedohoya mũhũ, yũhũre tiquina wacũ tutua nemoati, niahye Jesu Pedrore.

<sup>33</sup> Tiquiro sa nigũ Pedro yũhtiahye:

—Pũtho, yũhũre tiquina peresu yeppegũta, yũhũre tiquina wejẽ duepegũta mũhũ mehna cjũ ijiitja, niahye Pedro.

<sup>34</sup> Jesu yũhtiahye:

—Pedro, mũhũre niita niaja. Mĩa ñami canaca tiquiro yahuato pano “Jesure masiedaja”, nigũta mũhũ apequinare. Ihtia taha sa nigũta mũhũ, niahye Jesu Pedrore.

*Jesure tiquina ñano ye dũcato mehenogã dũhsahye*

<sup>35</sup> Sa ni tuhasa Jesu tiquiro buheyequinare yahuahye:

—¿Sohõ ijiri pje niñeru ajuro mariena, pajiri ajuro mariena, dahpo suhti mariena mũsare yũhũ ohogũ apee boro dũhsari mũsare? ni sinituahye Jesu.

—Ne usãre yabe dũhsaerari, ni yũhtiahye tiquina.

<sup>36</sup> —Ti pjere mũsare dũhsaerapegũta yojopũ pehere niñeru ajurore cõona tire neña. Pajiri ajurore cõona gũhũ neña. Sa yena mũsare ñoseni pjĩ mariedagũ mũsa suhtire duana ti pjĩne dúya. <sup>37</sup> Ahrire mũsare nii niaja. Cohãcjũ yere tiquina ojoari pũpũ tiquina nidiro sahata yũhũre sa waharo cahmene. Ohõ saha niahye ti pũpũ: “Tiquiro dutiyere yũhdũdũcayequina mehna cjũno ijire’, nieta masa”, ni, ojoahye, niahye Jesu.

<sup>38</sup> —Ihñaña pũtho. Pũa pjĩ ñoseñe pjĩnine cõoaja usã, niahye tiquiro buheyequina.

—To punota ijire, ni yũhtiahye Jesu.

*Getsemaní wame tiri wesepũ Jesu Cohãcjũre siniahye*

(Mt 26.36-46; Mr 14.32-42)

<sup>39</sup> Sa ye Jesu tiquiro sa yeducuriro sahata Olivo wame tidũ cũnũpũ wahahye. Tiquiro sa wahagũ tiquiro buheyequina tiquiro mehna wahahye. <sup>40</sup> Topũ esaro tiquiro tiquinare yahuahye:

—Cohãcjũre siniña mũsa ñano yeratire, niahye Jesu tiquinare.

<sup>41</sup> Sa ni tuhasa tiquiro dihita mehenogã waha nemo, dusepe curi mehna quehe sa, Cohãcjũre siniahye:

<sup>42</sup> —Mai, yũhũ ñano yũhduatire ye dueragũ yeracãhña. Yũhũ sa niepegũta yũhũ cahmeñe pehere yeracãhña. Mũhũ pehe masine. Mũhũ cahmeno saha yeya yũhũre, ni siniahye Jesu Cohãcjũre.

<sup>43</sup> Tiquiro sa sinigũ ãhmũsepũ ahtariquiro angel Jesure bajua, yedohoahye tiquirore.  
<sup>44</sup> Sa yero Jesu ñano jeripohna ti, tutuaro mehna Cohãcjũre siniahye. Sa yero tiquiro asi ti cuhsaye dii pjeri yero saha tiquirore wijia, yehparũ bora quehe sahye.

<sup>45</sup> Cohãcjũre sini bato ti, wahcãdũca sa, tiquiro buheyequina caharũ wihiahye. Tiquiro wihigũ tiquiro buheyequina tutuaro bãjũa witiyequina ijiye, carĩne niahye. <sup>46</sup> Sa yero Jesu tiquinare ohõ saha ni yahuahye:

—¿Dũhsena carĩajari mũsa? Wahcãña. Cohãcjũre siniña mũsa, “Ñano yeari”, nina, niahye Jesu tiquinare.

*Jesure ihña tuhtiyequina tiquirore peresu yeahye*

*(Mt 26.47-56; Mr 14.43-50; Jn 18.2-11)*

<sup>47</sup> Tiquiro sa ni yahuducuri watoa masa peyequina wihiahye. Juda doce buheyequina mehna cjũno ijimediquiro masare ãhmũ tã cãhtariquiro ijiahye. Sa yero tiquiro Jesu caharũ wihi, wahsupu ihmiahye tiquirore. <sup>48</sup> Tiquiro sa ihmigũ Jesu tiquirore sinituahye:

—¿Juda, yũhũ masũre Cohãcjũ ohorigure yũhũre ihña tuhtiyequinare ihñogũ yũhũre wahsupu ihmĩne mehna sa yeajari mũhũ? niahye Jesu.

<sup>49</sup> Tiquiro sa nidi bato Jesu buheyequina masa Jesure tiquina ñeheatire masiñe, tiquirore sinituahye:

—¿Pũhto, usã ñoseñe pjĩni mehna tiquina mehna cahmequema? niahye tiquina.

<sup>50</sup> Tiquina sa nidi bato ihcãquiro Jesu buheyequina mehna cjũno pehe pahia pũhtoro cahacjũnore tiquiro ñoseni pjĩ mehna tiquiro cahmonore poto pehe ijiri cahmonore dũte pahrẽ cãhye. <sup>51</sup> Tiquiro sa yegũ ihñano Jesu tiquirore ohõ saha niahye:

—Sa yeracãhña, niahye.

Ni, cahacjũno cahmono ijiriropũ ña ohõahye. Tiquiro ña ohõgũta cahmono mũnano sahata ijiahye tja. <sup>52</sup> Sa ye tuhasa pahia pũhtoare Cohãcjũ wũhũ cjẽna surara pũhtoare, bũcũna gũhũre tiquirore ñeheñe ahtariquinare Jesu sinituahye:

—¿Dũhse ijiro boro mũsa ñoseñe pjĩni, yucũ tiãri mehna yaqueriquirore tiquina yeriro saha mũsa yũhũre ñehena ahtajari? <sup>53</sup> Decoripe Cohãcjũ wũhũpũ mũsa mehna yũhũ ijigũ, mũsa yũhũre ñehedari. Sa ijiepegũta yojopũre mũsa ya deco yũhũre mũsa ñano yeati deco ijire. Yojopũ watĩno tiquiro ñano yeati deco gũhũ ijire, niahye Jesu.

*—Tiquirore masiedaja, niahye Pedro Jesure*

*(Mt 26.57-58, 69-75; Mr 14.53-54, 66-72; Jn 18.12-18, 25-27)*

<sup>54</sup> Tiquina Jesure ñehe tuhasa pahia pũhtoro ya wũhũpũ neahye tiquina tiquirore. Tiquina topũ neagũ Pedro yoaropũ tiquinare ihña mũnũ tãhye. <sup>55</sup> Pũhtoro ya wũhũpũ esa, topũ wũhũ caharũ ijiri paarũ, quehnoari paa decorũ peca wijiãhye apeqũna. Tiquina wijiãgũ ihñano Pedro peca caharũ dujiyequina mehna dujiahye. <sup>56</sup> Tiquiro dujiri bato ihcãcoro cahacjõno tiquirore quehnoano ihña, apeqũnare ohõ saha ni yahuahye:

—Ahriquiro gũhũ tiquiro mehna ijiri, niahye ticoro.

<sup>57</sup> Ticoro sa nigũ tũhoro Pedro yũhtiahye:

—Numio, tiquirore ne masiedaja yũhũ, nimahye tiquiro.

<sup>58</sup> Came cjũnogã apeqũro Pedrore ihña, ohõ saha ni yahuahye:

—Mũhũ gũhũ tiquina mehna cjũ ijire, niahye tiquiro.

—Ne ijieraja, nimahye Pedro.

<sup>59</sup> Ihcã hora bato apeqũro apeqũnare ohõ saha ni yahuahye:

—Ijirota ijire. Ahriquiro Galilea cjũno ijire. Sa yero potota Jesu mehna ijiri ahriquiro gũhũ, niahye tiquiro apeqũnare.

<sup>60</sup> Tiquiro sa nigũ Pedro yũhtiahye:



—Ne, m̄h̄u nidiquirore masiedaja ȳh̄u, ni ȳhtiahye Pedro.

Tiquiro sa ni yahuducuri watoa canaca yahuahye. <sup>61</sup> Tiquiro yahuḡta Jesu w̄h̄u cahar̄u ijiriquiro Pedrore majare ih̄adoqueoahye. Tiquiro sa yeḡ Pedro pehe Jesu tiquiro nidire wac̄ahye. “Mia ñami canaca tiquiro yahuato pano, ‘Ȳh̄u Jesure masiedaja’, niḡta m̄h̄u. Ihtia taha sa niḡta m̄h̄u”, Jesu tiquiro nidire wac̄ahye Pedro. <sup>62</sup> Sa wac̄ino Pedro top̄u wijia ta, tutuaro utiahye.

*Jesure buj̄pe, quēahye tiquina*

(Mt 26.67-68; Mr 14.65)

<sup>63</sup> Sa ye Jesure cohteyequina surara tiquirore buj̄pe, quēpeahye. <sup>64</sup> Sa quēpeye, tiquiro caperire d̄hte cahmota, tiquirore sinituahye:

—¿Diquiro m̄h̄ure quēari? Ih̄edapeḡta yahuya us̄are, ni sinitupeahye tiquina.

<sup>65</sup> Sa ye peye ñano ni yahuducuahye tiquina tiquirore.

*Jesure p̄h̄toa sinituahye*

(Mt 26.59-66; Mr 14.55-64; Jn 18.19-24)

<sup>66</sup> Bohrearop̄u judio masa buc̄na, pahia p̄h̄toa, judio masare buheyequina ḡh̄u cahmecoahye. Tiquina sa cahmecoanop̄u apequina tiquina cahar̄u Jesure ne c̄htahye.

<sup>67</sup> —Yahuya us̄are. ¿Cristota ijiajari m̄h̄u? ni sinituahye tiquina Jesure.

Tiquina sa niḡ Jesu ȳhtiahye:

—M̄sare ȳh̄u yahuḡ, ȳh̄ure t̄hosi m̄sa. <sup>68</sup> M̄sare ȳh̄u sinituḡ ȳh̄ure ȳhtisi m̄sa. Sa yena ȳh̄ure wiosi m̄sa. <sup>69</sup> M̄sa wioerapeḡta came cj̄noḡa ijipihtiye decori ȳh̄u mas̄u Coh̄cj̄u ohorigu Coh̄cj̄u tutuariquiro tiquiro poto peher̄u dujiḡtja, niahye Jesu.

<sup>70</sup> Tiquiro sa niḡ tiquina ijipihtiyequina sinituahye tja pari turi:

—¿Sa niḡ Coh̄cj̄u mac̄ta ijiajari m̄h̄u? niahye tiquina.

—M̄sa nino sahata ijiaja, ni ȳhtiahye Jesu tiquinare.

<sup>71</sup> Tiquiro sa niḡ tiquina oh̄ saha ni yahuducuahye tiquina basi:

—Ahriquiro Coh̄cj̄ure pajiro tiquiro ñano yahuducuḡ mari basi t̄hou. Sa ye topequinata yahus̄ahdo ahriquirore, niahye tiquina basi.

## 23

*Pilato Jesure sinituahye*

(Mt 27.1-2, 11-14; Mr 15.1-5; Jn 18.28-38)

<sup>1</sup> Sa ni tuhasa tiquina ijipihtiyequina wahc̄d̄ca, Jesure Pilato cahar̄u neahye. <sup>2</sup> Ne esa, Jesure yahus̄a d̄cahye:

—Ahriquiro mari ya yehpa cj̄nare tiquiro ñano ye dutiḡ us̄a t̄hou. Mari p̄htorore ahriquiro wapa ye dutierare. Sa yero tiquiro “P̄h̄to ijiaja. Cristo masare ȳhd̄oac̄j̄u ijiaja ȳh̄u”, ni yahuducure tiquiro basi, ni yahus̄ahye tiquina Jesure.

<sup>3</sup> Tiquina sa ni yahus̄ari bato Pilato Jesure sinituahye:

—¿Judio masa p̄htota ijiajari m̄h̄u? niahye tiquiro Jesure.

—M̄h̄u nino sahata ijiaja, ni ȳhtiahye Jesu.

<sup>4</sup> Tiquiro sa niḡ Pilato pahia p̄htoare, masa ḡh̄ure yahuahye:

—Ahriquiro buhiri mariedare, niahye tiquiro.

<sup>5</sup> Tiquiro sa niepeḡta tiquina tutuaro yahus̄a nemoahye:

—Tiquiro buheye mehna masare cahmequeḡ yere. Galilea yehpar̄u tiquiro tire ye d̄cari. Sa ye d̄ca tuhasa ijipih̄tiro Judea yehpar̄u tire tiquiro yere. Sa yero yojop̄u oh̄p̄u ḡh̄ure tire yero taro nine, ni, yahus̄ahye tiquina.

*Herode Jesure sinituahye*

<sup>6</sup> Tiquina sa ni yahus̄aḡ t̄horo Pilato pehe sinituahye:

—¿Ahriquiro Galilea cj̄no ijiajari? niahye tiquiro.

<sup>7</sup> —To cj̄nota ijire, ni ȳhtiahye apequina.

Tiquina sa ni yuhtigū tūhoro Pilato pehe Jesu tiquiro ijiri yehpare masino puhtoro Herode ya yehpa cĵūno Jesu tiquiro ijigū masiahye. Tire masino Jesure Herode cahapu ohoahye. Ti pjere Herode Jerusalēpu ijiahye. <sup>8</sup> To pano Herode Jesure tūho tuhasahye. Tiquiro sa tūhori bato yoari bato tiquirore ihña duahye. Jesu Cohācjū tutuaye mehna tiquiro ye ihñogū ihña duamahye tiquiro. Sa yero tiquiro Jesure ihñano, bucueahye. <sup>9</sup> Sa yero peye tahari sinituahye Jesure. Tiquiro sa sinituepegūta Jesu ne yuhtierahye tiquirore. <sup>10</sup> Pahia puhto, judio masare buheyequina gūhū Herode cahapu esa, tutuaro Jesure yahusāhye. <sup>11</sup> Tiquina yahusāri bato, Herode tiquiro yequina surara mehna bujūpe, Jesure ñano yeahye. Sa bujūpeye, quehnoari suhtirore puhtoro tiquiro sañari suhtiro yero saha bajuri suhtirore sāahye tiquina Jesure. Sa bujūpe tuhasa, tiquirore Pilato cahapu ohoahye tja. <sup>12</sup> Ti decore Herode, Pilato mehna quehnoano tiquina basi cahme yeyequina iji dūcahye. To panore tiquina basi cahme ihña tuhtieyehina ijinimahye.

*Masa Jesure wejē dutiahye*

*(Mt 27.15-26; Mr 15.6-15; Jn 18.39-19.16)*

<sup>13</sup> Sa ye Pilato pahia puhtoare, apequina puhtoare, masa gūhūre tiquiro pijioḡū, cahmecoahye. <sup>14</sup> Tiquina cahmecoa pihdigū ihñano ohō saha niahye Pilato tiquinare:

—Ahriquiore yūhūre ne cāhtana, “Tiquiro masare ñano ye dutiri”, nimeri mūsa yūhūre. Yojopū mūsa ihñonopū ahriquiore quehnoano sinitu pehou tja. Yūhū sa sinituri bato mūsa tiquirore sa yahusāducugū tiquirore ñañe buhiri ne mariedare, yūhū ihñagū. <sup>15</sup> Herode gūhū tiquirore “Ne, ñañe buhiri mariedare”, nidi. Sa nino ahriquiore pari turi ūsāre oho majare tojore tja. Sa yena ahriquiore tiquiro ñañe buhiri mariedagū tiquirore mūsa wejē duti masiedare. <sup>16</sup> Sa yegū tiquirore yuta dari mehna tana dutiitja yūhū. Sa tiquina tanari bato tiquirore wioutja, nimahye Pilato masare.

[<sup>17</sup> Cūhmaripe pascua bose decorire masa yaquiro ijiatiquirore ihcāquiro peresupū ijiriquirore Pilato wio basaducue tiahye.] <sup>18</sup> Sa ye Pilato “Jesure wioutja”, tiquiro nigū tūhoye ijipihtieyehina masa ohō saha ni sañuducuahye:

—Tiquirore Jesure wejēña. Barrabá pehere ūsāre wio basaya, ni sañuducuahye masa.

<sup>19</sup> To pano Barrabá pehere Jerusalēpu puhtoare tiquiro cohā dutiri buhiri, masare tiquiro cahmeque dutiri buhiri, tiquiro wejēdi buhiri, peresu yeahye tiquirore. Sa ye camepūre tiquirore masa wio dutiye niahye. <sup>20</sup> Pilato Jesu pehere wio duamahye. Sa yero tiquiro masare sinituahye tja. <sup>21</sup> Tiquiro sa wio duepegūta tiquina tiquirore niahye tja:

—Curusapu quē biha wejēña tiquirore. Wejēña tiquirore, ni sañuducuahye tiquina.

<sup>22</sup> Tiquina sa nigū Pilato ihtia taha waro ohō saha nimahye tiquinare:

—¿Yabere ñano yeri tiquiro mūsa sa ni sañuducugū? Ne tiquirore ñañe buhiri mariedare. Sa yegū tiquirore wejē duti masiedaja. Tiquirore yuta dari mehna tana dutiitja. To punota ye dutiitja. Sa yegū wioutja tiquirore, nimahye Pilato.

<sup>23</sup> Tiquiro sa niepegūta tiquina tutuaro mehna sañuducu nemo, Jesure curusapu wejē dutiahye. Tiquina sa ni sañuducugū tūhoro tiquina cahmediro sahata Pilato yeahye. <sup>24</sup> Sa yero tiquina sinidiro sahata Pilato Jesure wejē dutiahye. <sup>25</sup> Sa dutiro tiquiro peresupū ijiriquirore masare cahmequegū yeriquirore, masare wejēdiquirore masa tiquina sinidiro sahata Pilato Barrabá pehere wioahye. Sa yero Pilato Jesure curusapu wejē dutiahye.

*Tiquina Jesure curusapu quē biha wejēahye*

*(Mt 27.32-44; Mr 15.21-32; Jn 19.17-27)*

<sup>26</sup> Sa ye tiquina Jesure wejēne wahaye, neahye. Ti pje tiquina sa yeri watoa Simo wame tiriquire Cirene cĵūno ihquē wūhūse ijioropū esariquire tojoa taro niahye. Jerusalēpu tiquiro wihigū ihñañe Jesure neañequina tiquirore piti ca, ñehe, curusare tiquirore wūa cā dutiahye Jesu bato pehe.

<sup>27</sup> Sa ye masa peyequina Jesure ihña nũnũ tãhye. Sa ye masa watoa ijiyequina numia tiquirore tiquina sa yegũ ihñañe tutuaro utiahye. <sup>28</sup> Tiquina utigũ tũhoro, tiquina numiare Jesu majare ihña, ohõ saha niahye:

—Jerusalẽ cjãna numia, yũhũre utieracãhña. Mũsa ye ijiatire, mũsa pohna ye ijiati gũhũre utiya. <sup>29</sup> Apeye decori ijigũ ña yũhũaro yũhdũnata mũsa. Ti pjere masa ohõ saha nieta. “Pohna mariena numia, pohna tiena numia, apũoedari numia yojopũ mari ijigũ quehnoa yũhdũaboaga”, nieta numia. <sup>30</sup> Ti pjere cãnũre ohõ saha ni yahuducueta masa. “Mũhũ cãnũ usã buipũ bora dijia taya. Usãre nũoña”, nieta masa cueye. <sup>31</sup> Masa yũhũre buhiri mariegũre ohõ saha tiquina yegũ, ñañe buhiri cũoyequina pehe ña yũhũaro wahaeta, niahye Jesu.

<sup>32</sup> Apequina pũaro dutiyere yũhdũdũcayequina tiquina ijigũ tiquina gũhũre Jesu mehna tiquina wejẽatiquinare neahye tiquina. <sup>33</sup> Tiquinare nea, “Dapu pehtoro”, wame tiropũ esa, curusapũ Jesure quẽ biha ohõahye. Sa ye pũaro yũhdũdũcayequina gũhũre apequirore tiquiro poto pehe, apequirore tiquiro cũ pehe pehe quẽ biha ohõahye. <sup>34</sup> Tiquina sa yegũ Jesu ohõ saha niahye:

—Mai, ahriquina yũhũre wejẽatiquina yojopũ tiquina ñano yerire boya tiquinare. Tiquina dũhse yerire masiedare tiquina. Sa yegũ tiquina ñano yerire boya, niahye Jesu.

Sa ye Jesu suhtire cahme itiyẽ, tiquina doquepeahye. Tiquiro suhtire “¿Noa yaro ijirotari ohõ?” ni cahme doquepeahye tiquina. <sup>35</sup> Sa ye masa topũ ducuyequina tiquina ihñaducuri watoa judio masa pũhtoa Jesure bũjũpeahye:

—Tiquiro apequina masare yariaboriquinare yũhdũoñohiti. Sa yero tiquiro Cristo Cohãcjũ beseriquiro ijero, yojopũ yariaboriquiro ijero, tiquiro basi yũhdũoahro, ni, bũjũpeahye tiquina.

<sup>36</sup> Surara gũhũ tiquirore bũjũpeahye. Jesu cahapũ esa, tiquina tiquirore ñañe co vinore ohomahye. <sup>37</sup> Tire yeye ohõ saha niahye tiquina:

—Mũhũ judio masa tiquina pũhto ijigũ mũhũ basi yũhdũya. Sa yegũ yũhdũ witigũta mũhũ, ni, bũjũpeahye tiquina.

<sup>38</sup> Sa ye tiquiro bui ohõ saha ni ojoa ohõahye. “AHRIQUIRO JUDIO MASA PũHTORO IJIRE”, ni, ojoa ohõahye.

<sup>39</sup> Apequiro tiquiro mehna tiquina quẽ biha ohõriquiro yũhdũdũcariquiro pehe ñano yahuducuahye Jesure:

—¿Mũhũ Cristo masare yũhdũoacjũ ijierajari? Mũhũ basi, usã gũhũre yedohoya, niahye tiquiro Jesure.

<sup>40</sup> Tiquiro sa nigũ tũhoro apequiro yũhdũdũcariquiro Jesu poto pehepũ tiquina quẽ biha ohõriquiro pehe tiquirore ohõ saha niahye:

—Mari gũhũre poto ijiye mehna buhiri dahrere tiquina. ¿Dũhsegũ Cohãcjũre ne ño peerajari mũhũ? <sup>41</sup> Marine ñañe buhiri ye, poto yeye nine tiquina. Ñañene mari yeri buhiri marine buhiri dahrere tiquina. Ahriquiro pehe ñañene yerare, niahye tiquiro apequiro yũhdũdũcariquirore.

<sup>42</sup> Sa nino, tiquiro Jesure ohõ saha niahye:

—Jesu, mũhũ pũhto ijigũ tojoa tagũ, yũhũre wacũña, niahye tiquiro Jesure.

<sup>43</sup> —Mũhũre ahrire nii niaja. Miare paraíso wame tiropũ mũhũ yũhũ mehna ijiita, niahye Jesu tiquirore.

### *Jesu yariaa wahahye*

*(Mt 27.45-56; Mr 15.33-41; Jn 19.28-30; He 6.19-20; 10.19-20)*

<sup>44</sup> Sa ye coheri pje ijigũ asũ asi duhuahye. Sa yero ijipihtiro ti dihtapũre ihtia hora waro quehnoano nahitiahye. <sup>45</sup> Nahitiari watoa, Cohãcjũ wũhũ cjã suhtiro cahsero, tiquina tore cahmotari cahsero decopũ ti cahsero uhmũsepũ tũhũ dũca, tũhũ yojoa saa wahahye. <sup>46</sup> Sa yero Jesu tutuaro sañuducuahye:

—Mai, yũhũ jeripohnare mũhũre wiaja mũhũ ihña ihboatire, ni, sañuducuahye Jesu. Sa ni tuhasa yariaa wahahye.

<sup>47</sup> Tiquiro sa yariagũ ihñano, surara pũhtoro pehe “Cohãcjũ tutuariquiro ijire”, nino, “Ahriquiro Jesu mũnano potota quehnoariquiro ijimeya”, niahye surara pũhtoro.

<sup>48</sup> Sa ye tiquina wejẽgũ ihñañe ahtariquina Jesu tiquiro yariagũ ihñañe, tiquina ye wũhũsepũ tojoaa wahahye. Tojoaa waha, tiquina ñañe yerire bũjũa witiye mehna tiquina cutiro bui quẽ ohõahye. <sup>49</sup> Ijipihtiyequina Jesu yequina tiquiro mehna cjẽna Galileapũ tiquiro mehna ahtariquina numia gũhũ Jesure yoaropũ ihñaducuahye.

*Jesu pagũre masa copepũ cũahye*

*(Mt 27.57-61; Mr 15.42-47; Jn 19.38-42)*

<sup>50-51</sup> Ti pjere José wame tiriquiro topũ ijiahye. Judea yehpa cjã maca Arimatea wame tiri maca cjũno ijiahye. Sa yero tiquiro quehnoariquiro, poto yeriquiro ijiro, Cohãcjũ pũhtoro iji dũcatire cohteriquiro ijiahye. Sa yero tiquiro judio masa pũhtoa mehna cjũno ijieperota Jesure tiquina wejẽ dutigũ cahmedamahye tiquiro. <sup>52</sup> Sa yero Pilato cahapũ esa, Jesu pagũre siniahye. <sup>53</sup> Sini tuhasa, Jesu pagũre ne dijio, quehnoari suhtiro mehna tiquiro pagũre wahmeahye. Sa wahme tuhasa, masa copepũ utãpũ tiquina seheri copepũ cũahye tiquiro pagũre. Ti copere ne apequina yariariquinare cũedarĩahye. <sup>54</sup> Ti deco saurũ deco ijiatire tiquina quehnoyuri deco ijiahye. Saurũ tiquina sori deco ijiasi mehenogã dũhsahye.

<sup>55</sup> Sa ye Galileapũ Jesu mehna ahtariquina numia masa copepũ José mehna wahahye. Masa copepũ esa, ti copere ihña, Jesu pagũre tiquina cũrire ihñahye. <sup>56</sup> Came tiquina ye wũhũsepũ tojoaa waha, ehme sitiye co, wisõñe mehna quehnoahye tiquina. Sa ye saurũ ijigũ Cohãcjũ dutiye Moiserẽ tiquiro cũri dutiye nino sahata tiquina soahye.

## 24

*Jesu masa wijiãhye*

*(Mt 28.1-10; Mr 16.1-8; Jn 20.1-10)*

<sup>1</sup> Domingo ijigũ bohrearopũ tiquina numia ehme sitiye tiquina quehnorire Jesu masa copepũ ne cãmahye. <sup>2</sup> Ti copepũ esa, ti copere bihariare utãre tiquina põo duhu cũria utãre ihñahye. <sup>3</sup> Sa ihñañe tiquina ti copepũ sajãa wahahye. Jesu pagũre bocaerahye tiquina. <sup>4</sup> Tiquiro pagũre bocaera, “¿Dũhse wahayari?” ni tũhotuahye tiquina. Tiquina sa ni tũhotu yahuducuri watoa pũaro umũa asi siteye suhti sañañequina tiquina cahapũ ducuahye. <sup>5</sup> Topũ tiquina ducugũ ihña, numia cueye, dũsepe curi mehna quehe sahye. Sa ye umũa pehe tiquinare yahuahye:

—¿Dũhsena yariariquiro ijirore Jesure macajari mũsa? Yojoapũre tiquiro catiriquiro ijire. <sup>6</sup> Tiquiro ohõre mariedare. Masa wijiã tuhasari. ¿Sohõ ijiri pjere tiquiro Galileapũ mũsa mehna ijiro mũsare tiquiro nidire wacũajari mũsa? <sup>7</sup> “Yũhũre Cohãcjũ ohorigũre apequiro ohorota ñañequinare. Tiquiro ohori bato yũhũre curusapũ quẽ biha wejẽeta tiquina. Sa yegũ yũhũ yariari bato ihtia deco wahaboro masa wijiãgũtja yũhũ”, nidi mũsare. ¿Tiquiro sa nidire wacũajari mũsa? niahye umũa pehe.

<sup>8</sup> Tiquina sa nigũ tũhoye, numia pehe tiquiro nidire wacũahye. <sup>9</sup> Tiquina sa nidi bato tiquina tojoaa waha, once buheyequinare apequina gũhũre tire yahu pehoahye. <sup>10</sup> Tiquina numia pehe María Magdalena, Juana, María Santiago pacoro ijiahye. Tiquina numia apequina numia gũhũ ijiahye Jesu buheyequinare yahuri numia. <sup>11</sup> Tiquina sa ni yahuepegũta Jesu buheyequina pehe “Poto niñe niedaga. Ni mehoñe niaga ahriquina numia”, ni tũhotumahye. Sa ye tiquina numiare tũho duerahye.

<sup>12</sup> Tiquina sa nigũ tũhoro, Pedro pehe masa copepũ oma cã, ihñano wahahye. Ti copepũ esa, tiquiro muhri ihña sõahye. Jesure tiquina wahmedi suhtiro dihitare ihñahye. “¿Dũhse wahayari?” ni, tũhotu, tiquiro ya wũhũpũ tojoaa wahahye.

*Emau wame tiri maca cjã mahapũ Jesu bajuahye*

*(Mr 16.12-13)*

<sup>13</sup> Ti decota pũaro Jesu buheyequina mehna cjẽna Emau wame tiri macapũ wahaye niahye. Jerusalẽ once kilómetro yoaro ijire Emaupũ esato. <sup>14</sup> Emaupũ waha, ijipihtiye

Jerusalēpū ti pjere Jesu tiquiro sa waharire tiquirore tiquina ñano yerire yahuducu cãñe niahye. <sup>15</sup> Tiquina sa ni yahuducuri watoa Jesu pehe tiquina cahapū esa, tiquina mehna wahahye. <sup>16</sup> Sa ye tiquirore ihñaepeta tiquina tiquirore ihña masiedahye.

<sup>17</sup> —¿Duhse ni yahuducu cãna nijari mūsa? ni, sinituahye Jesu.

Tiquiro sa nigū tiquina bñjua witiyequina esaducahye.

<sup>18</sup> Cleofa wame tiriquire pehe Jesure yuhtiahye:

—¿Yojopure Jerusalēpū tiquina yerire mūhū dihita masiedajari? ni sinituahye tiquiro.

<sup>19</sup> —¿Duhse wahari Jerusalēpūre? niahye Jesu.

Tiquiro sa nigū Cleofa yuhtiahye:

—Jesure Nazare cñnore tiquina yerire nina niaja. Tiquiro Cohācjū yere yahu mūhtariquire ijimedi. Sa ye tiquiro yahuducurire tūhoye, tiquiro yeri gūhure ihñañe, “Tutuariquire ijire”, ni, tūhotumedi masa. Cohācjū gūhū sata ni tūhotuaga. <sup>20</sup> Mari pahia pūhtoa, apequina pūhtoa mehna tiquirore wejē dutiye, apequinare ohori. Tiquina sa ohogū apequina pehe tiquirore curusapū quē biha wejēdi. <sup>21</sup> “Roma cñenare cohātiquiro Israe masa pūhtoro ijiatiquiro ijire”, ni, tūhotumi ũsā tiquirore. Mia mehna ihtia deco wahare tiquiro yariari bato. <sup>22</sup> Meheñequinagā numia ũsā mehna cñena numia ũsāre acugū yeri. Bohrearopū Jesu tiquiro masa copepū tiquina numia esa, <sup>23</sup> tiquiro pagure bocaerañohti. Tiquiro pagure bocaeraye, tiquina tojoa wihi yahuri. “Ūsāre angele bajuari. Jesu catiñohti”, ni yahuri ũsāre numia pehe. <sup>24</sup> Tiquina sa nigū apequina ũsā mehna cñena ti copepū esa, numia tiquina nidiro sahata ihñañohti. Tiquina gūhū Jesure ihñedañohti, niahye tiquiro Jesure.

<sup>25</sup> Tiquiro sa nidi bato Jesu yahuahye tiquinare:

—Mūsa ne tūho masiedare. ¿Cohācjū yere yahu mūhtariquina mūna tiquina nidire quehnoano tūhoerari mūsa? <sup>26</sup> Cristore tiquiro pūhtoro ijato pano ũhmūsepū tiquiro mūjato pano tiquirore ñano yūhdūro cahmedi. ¿Tire masiedajari mūsa? niahye Jesu tiquinare.

<sup>27</sup> Sa nino Cohācjū Cristore tiquiro ni yahu tiquina ojoarire Jesu yahu peho cāhye tiquinare. Moise mūnano tiquiro ojoarire Jesu yahu dūcahye. Sa yero ijipihtiyequina Cohācjū yere yahu mūhtariquina Cristore tiquina ojoari gūhure yahu peho cāhye tiquiro.

<sup>28</sup> Tiquina wahari macapū tiquina esaye taye yegū, Jesu pehe tiquinare yūhdū cā wahamahye. <sup>29</sup> Tiquiro sa yepegūta tiquina tiquirore waha dutierahye:

—Ūsā mehna tojoaya. Ñamicahapū ijire. Nahinopū nine, niahye tiquina tiquirore.

Sa yero Jesu tiquina mehna wūhūpū sajāa wahahye. <sup>30</sup> Wūhūpū sajā sa, tiquiro tiquina mehna ihyari mesapū nuju sa, pāre ne, Cohācjūre “Quehnoare”, niahye. Sa nino ti pāre nuha ne, tiquinare ohoahye. <sup>31</sup> Tiquiro sa yegū ihñañe tiquina Jesure ihña masiahye. Tiquina ihña masi dūcagūta tiquiro buti maa wahahye. <sup>32</sup> Tiquiro sa buti maa wahagū ihñañe tiquina basi ohō saha ni yahuducuahye:

—Mahapū tiquiro marine tiquiro yahuducuri watoa Cohācjū tiquiro ojoarire tiquiro yahuri watoa mari jeripohnari mehna quehnoano bucueye mehna tūhotuu mari, niahye tiquina basi.

<sup>33</sup> Sa ni tuhasa tiquina duita Jerusalēpū majare tojoaa wahahye tja. Topū esa, once buheyequinare apequina mehna cahmecoañequinare bocaheye. <sup>34</sup> Tiquina esagū, once buheyequina ohō saha niahye:

—Potota mari pūhtoro masa wijiañohti. Simo Pedro tiquirore ihñañohti, niahye once buheyequina.

<sup>35</sup> Tiquina sa nigū puaro Emau cñena mahapū Jesure tiquina ihñarire yahuahye:

—Jesu pāre tiquiro nuhagū ũsā ihña masii tiquirore, ni, yahu pehoahye tiquina apequinare.

*Jesu tiquiro buheyequinare bajuahye*

*(Mt 28.16-20; Mr 16.14-18; Jn 20.19-23)*

<sup>36</sup> Tiquina sa ni yahuri watoa tiquina cahapū iji tuhasahye Jesu pehe.



—¿Ijjajari m̄sa? niahye tiquiro tiquinare.

<sup>37</sup> Tiquiro sa nigũ tuhoye tiquina “Mari yariariquiro m̄nanore ihñana niaja”, ni tuhohuyeh, tutuaro cueahye. <sup>38</sup> Tiquina sa cuegũ ihñano tiquiro tiquinare yahuahye:

—¿Dũhsena cueajari m̄sa? ¿Dũhsena “Ahri poto ijierare”, niajari m̄sa? <sup>39</sup> Yũhũ omocarine, yũhũ dahpocãri gũhũre ihñaña. M̄sa yũhũre ihñana, ihña masinata. Yũhũre ñehe tuhuya. Ñehe tuhuna masinata m̄sa. Yariariquiro m̄nanopũ pagũ mariedare. Yũhũ pehe pagũ tiaja, niahye Jesu.

<sup>40</sup> Sa nino tiquiro omocari gũhũre, tiquiro dahpocãri gũhũre ihñoahye tiquinare.

<sup>41</sup> Tiquiro sa ihñoepregũta tiquina tutuaro bucue, ihña maria waha, “Ahri poto ijieraga”, ni tuhohuyeh. Tiquina sa tuhohugũ masino Jesu tiquinare sinituahye:

—¿Ohõpũ ihyaye ijajari? niahye tiquiro.

<sup>42</sup> Tiquiro sa nigũ tuhoye wahi dohariquirore ohoahye tiquirore. <sup>43</sup> Tire ne, tiquina ihñonopũ Jesu ihyahye. <sup>44</sup> Ihya tuhasa, Jesu yahuahye tiquinare:

—Sohõ ijiri pje m̄sa mehna ijigũ m̄sare yũhũ yahuriro sahata yojopũ yũhũ sa wahaũ. Cohãcjũ dutiye Moise marine tiquiro cũri tiquiro sa ni ojoariro sahata yũhũre sa wahari. Cohãcjũ yere yahu m̄htariquina, Salmo ojoari pũre ojoayequina gũhũ panopũ yũhũre tiquina ni yahuriro sahata yojopũre yũhũre sa wahari. Sa wahacjũta ijii yũhũ, niahye Jesu.

<sup>45</sup> Sa ni tuhasa Cohãcjũ yere tiquina yahu ojoarire tiquiro buheyequinare masigũ yeahye Jesu:

<sup>46</sup> —Cohãcjũ yere tiquina ojoari ohõ saha nine: “Cristore ñano yũhdũro cahmene. Sa yero ihtia deco wahaboro tiquiro yariari bato tiquiro masa wijiarota. <sup>47</sup> Tiquiro masa wijiaro bato ijipihitiye yehparipũ tiquiro yequina Cristo yere yahueta. Masa tiquina ñañene tiquina bũjũa witiatire, quehnoañene tiquina comesatire Cohãcjũ tiquina ñañene tiquiro cohãtire yahueta tiquiro yequina. Sa yahuye taye, Jerusalẽpũ yahu dũcaeta”, niahye Cohãcjũ yere tiquina ojoari pũpũ, niahye Jesu.

<sup>48</sup> Sa ni tuhasa ohõ saha ni yahu nemoahye:

—M̄sa pehe ahri ijipihitiyere ihñarina ijire. Sa yena apequinare yahunata. <sup>49</sup> “Espiritu Santore m̄sare ohoutja”, Cohãcjũ tiquiro nidiquirore yũhũ pehe m̄sare ohoutja. Tiquiro ãhm̄sẽ cjẽ tutuayere ohoatiquiro ijire. Sa yena Jerusalẽpũ tiquiro wihiatire cohũteya m̄sa, niahye Jesu tiquiro buheyequinare.

*Jesu ãhm̄sẽpũ m̄jãa wahahye*

*(Mr 16.19-20)*

<sup>50</sup> Sa ni tuhasa Jesu tiquinare Jerusalẽpũ ijieyequinare Betania cahapũ neahye. Topũ esa, Jesu tiquiro omocarine ne m̄so, “Quehnoano ijija”, niahye tiquinare. <sup>51</sup> Sa ni tuhasa, tiquinare cũ, ãhm̄sẽpũ m̄jãa wahahye. <sup>52</sup> Tiquiro m̄jari bato tiquina tiquirore ño peo, Jerusalẽpũ tutuaro bucueye mehna tojoaa wahahye. <sup>53</sup> Topũ iji, decoripe tiquina Cohãcjũ wũhũpũ Cohãcjũ mehna yahuducu, “Quehnoare”, ni ño peoahye tiquina tiquirore. To punota ijire.

## San Juan

*Cohãcjũ* ye yahuducuyere yahuriquiro masũnota iji dũcahye

<sup>1</sup> Duitapũta ahri yehpa to ijiato panopũta Cohãcjũ ye yahuducuyere yahuriquiro Cristo masare yũhdũoatiquiro duita iji tuhasae tiahye. Tiquiro Cohãcjũ mehna ijiahye. Sa yero tiquiro Cohãcjũta iji cãhno niahye. <sup>2</sup> Duitapũta coã waropũre Cristo Cohãcjũ mehna ijiahye. <sup>3</sup> Sa yero coã waropũre ne mariedarire bajumehneahye. Ahri yehpare, uhmũsere, ijipihtiyere, masa gũhũre bajumehne dutiahye Cohãcjũ tiquirore. Sa yero ahrire bajumehne pehoahye tiquiro. Ahrire yojopũre mari ihñañene, mari ihñedari gũhũre tiquiro bajumehnedagũ ne mariedaboya. <sup>4</sup> Cristo catiyere ohoriquiro ijiro nine. Buhrioro marine to quehnoano ihña masigũ yero saha mari Pacũre quehnoano masigũ yere. Sa yero mari Pacũre masigũ yere masare. <sup>5</sup> Ahri yehpa cjẽna ñañene wacũ, tiquina tutuaro cahmeñe nahitiano yero saha ijiye nine. Buhrioro quehnoano marine to ihña masigũ yero saha Cohãcjũ ye yahuducuyere yahuriquiro masare masigũ yere. Sa yero nahitiano buhriorore to yũhdũdũcaero sahata Cristore ne ñañe yũhdũdũcaerare.

<sup>6-7</sup> Cohãcjũ Ñũ wame tiriquiro pehere ohoahye, Cristo buhrioro yero saha ijiriquireore masare yahu mũhta dutiro. Tiquiro ohogũ Ñũ pehe masare yahuro ahtari tiquiro yahuriquireore Cristore ijipihtiyequina tiquina wacũ tutuatire. <sup>8</sup> Ñũ pehe Cristo ijierari. Sa ijieraro tiquiro Cristo pehere masare yahu mũhtano ahtari. <sup>9</sup> Cristo buhrioro yero saha ijiriquireore ijipihtiyequina masare Cohãcjũre masigũ yeatiquiro pehe ahri yehpapũ ahtari jiri. Ijirota ijire ahri. Tiquiro buhrioro yero saha ijiriquireore warota ijire.

<sup>10</sup> Sa yero Cristo ahri yehpapũ ijiri jimedi. Ahri yehpare bajumehnediquiro ijiahye. Tiquiro sa ijiepegũta tiquiro ya yehpa cjẽna tiquirore ne masiedari. <sup>11</sup> Tiquiro ya yehpapũ masa bajuari jimedi. Tiquiro ya yehpapũ tiquiro masa bajuariquireore ijiepegũta tiquiro ya yehpa cjẽna pehe ne tiquirore cahmedari jiri. <sup>12</sup> Tiquina sa cahmedapegũta apequina pehere ijipihtiyequina tiquirore cahmeñequina pehere tiquinare Cohãcjũ tiquiro pohne ijigũ yeri jiri. Tiquirore wacũ tutuayequina pũrita potota tiquiro pohne warota ijire. <sup>13</sup> Tiquina Cohãcjũ pohmeta ijiye nine. Sa ye masa tiquina masa bajuariro saha ijierare, Cohãcjũ pohne tiquina wahagũ.

<sup>14</sup> Sa yero Cristo masũno tiquiro iji dũcari bato mari mehnata ijire tiquiro. Tiquiro sa ijigũ ihñana masare cahñiquiro, potota yahuriquireore tiquiro ijigũ usã masii. Tiquiro dihita Cohãcjũ macũno ijiro tutuariquireore quehnoariquireore ijiri. Tiquiro sa ijiriquireore ijigũ usã masii. <sup>15</sup> Ñũ Cristore yahu mũhtano ohõ saha ni saũducure masare yahuro:

—Siquiro ahtare yũhũ ohõ saha ni yahuriquireore: “Tiquiro yũhũ bato ahtariquireore ijire. Sa ijieperota tiquiro yũhũ yũhdũoro tutuariquireore ijire. Tiquiro yũhũ masa bajuato panopũ iji tuhasahye. Sa yero tiquiro yũhũ yũhdũoro tutuariquireore ijire”, mũsare yũhũ ni yahuriquireore ahriquireota ijire, nidi Ñũ Jesure masare yahuro.

<sup>16</sup> Tiquiro Cristo pehe quehnoano tutuaro masare cahñiquiro ijiro marine ijipihtinare quehnoano yeducure. <sup>17</sup> Cohãcjũ dutiyere Moise pehe cũ mũhtahye marine. Jesu-cristo pehe Cohãcjũ masare tiquiro cahñene buhero ahtari. Cohãcjũ tiquiro potota yahuducuye gũhũre buhero ahtari. <sup>18</sup> Masa ne Cohãcjũre ihñedare. Tiquirore mari ihñedapegũta tiquiro macũno ihcãquirola ijiriquireore tiquiro Pacũro mehna sa ijiducure. Sa yero tiquiro Pacũrore marine masigũ yeri.

*Apequina Ñũ wame yeriquireore sinituahye*

(Mt 3.3, 11-12; Mr 1.2-3, 7-8; Lc 3.4-6, 15-17)

<sup>19</sup> Usã acaye judio masa pũhũa Jerusalẽpũ ijieyquinare pahiare, Cohãcjũ wũhũpũ dahrayequina gũhũre Ñũ cahapũ ohori jiri. “¿Noa boro ijiajari mũhũ?” ni sinitu dutiye ohori jiri tiquinare. Tiquina sa sinitugũ ohõ saha ni yahuri Ñũ pehe. <sup>20</sup> Yeero boro marieno yahuri. Potota yahuri:

—Yuhũ Cristo Cohãcjũ masare yũhdũo dutiro tiquiro ohorigũ ijieraja, nidi tiquiro.

<sup>21</sup> Tiquiro sa nigũ tiquina pehe tiquirore pari turi sinituri tja:

—¿Mũhũ Cristo ijieragũ Elia pehe ijiajari mũhũ? nidi tiquina.

—Ijieraja yũhũ, nidi tiquiro.

—¿Usã cohterigũ Cohãcjũ yere yahu mũhtacjũ pehe ijiajari mũhũ? nidi tiquina.

—Tiquiro ijieraja yũhũ, nidi Ñu pehe.

<sup>22</sup> Tiquiro sa nigũ tiquina tiquirore pari turi sinituri tja:

—Usãre sinitu dutiriquinare usã yahuro quehnoano pota usãre yahu madoqueohya. ¿Noa boro pehe ijiajari mũhũ? ¿Mũhũ basita dũhse ijigũ ijiajari mũhũ? “Sa ijigũ ijiaja yũhũ”, ni yahuya usãre, nidi tiquina Ñure.

<sup>23</sup> Tiquina sa nigũ ohõ saha ni yũhtiri tiquiro:

—Masa marienopũ ohõ saha ni saũducugũ ijiaja yũhũ, Cohãcjũ yere yahu mũhtariquiro Isaia mũnanao tiquiro ni yahuriro sahata: “Mari pũhtoro tiquiro ahtato pano mahare mari quehnoyuro saha quehnoana ijiyuya mũa”, ni masare yahu saũducugũ ijiaja yũhũ, nidi Ñu tiquinare.

<sup>24</sup> Ñure sinituyequina fariseo masa tiquina ohoriquina ijiri. <sup>25</sup> Sa ye tiquina Ñure sinituri tja:

—¿Mũhũ Cristo, Elia, Cohãcjũ yere yahu mũhtagũ usã cohterigũ ijierapegũta dũhsegu masare wame yeajari mũhũ? nidi tiquina.

<sup>26</sup> Tiquina sa nigũ tũhoro yũhtiri tiquiro:

—Yuhũ aco mehna masare wame yeaja. Apequiro pehe mũa masieniquiro pehe mũa watoa iji tuhasare. <sup>27</sup> Tiquiro pehe yũhũ bato ahtariquiro yũhũ yũhdũoro tutuariquiro ijire. Quehnoa yũhdũariquiro ijire. Tiquiro yero saha ijieraja yũhũ pehe. Sa yegũ tiquirore tũhotugũ, “Ihyo ijigũ ijiaja yũhũ”, ni tũhotuaja yũhũ, nidi Ñu tiquinare.

<sup>28</sup> Sa ni yahuducuri tiquina, Betaniapũ Jordã wame tiri ma ape sie pahrẽpũ, Ñu masare tiquiro wame yeriropũ.

*Jesu Cohãcjũ* ohoriquiro tiquiro yaquiro cordero yero saha ijiriquiro ijire

<sup>29</sup> Ape decopũ Jesu Ñu cahagã cjũno tiquiro ahtagũ Ñu tiquirore ihũano ohõ saha nidi:

—Ihũaña. Ahriquiro Cohãcjũ ohoriquiro tiquiro yaquiro cordero yero saha ijiriquiro ijire. Corderore mari wejẽdiro sahata masa ahriquiro gũhũre wejẽeta. Sa yariaro ahri yehpa cjẽnare tiquina ñaũe yerire cohãnota tiquiro. <sup>30</sup> Ahriquiota ijire yũhũ ohõ saha nidiquiro: “Yuhũ bato ahtariquiro yũhũ yũhdũoro tutuariquiro ijire. Yuhũ masa bajuato pano tiquiro iji tuhasahye. Sa yero tiquiro yũhũ yũhdũoro tutuare”, yũhũ nidiquiro ahriquiota ijire. <sup>31</sup> Yuhũ pehe ahriquirore masiedahti. Sa masiedapegũta aco mehna wame yei ahtaũ nii yũhũ acaye Israe masa ahriquirore tiquina masiatore, nidi Ñu.

<sup>32</sup> Sa ni tuhasa Ñu yahu nemori:

—Espíritu Santo aũmũsepũ bujua yero saha Cristo bui dijia ta, tiquiro bui wihidũcagũ ihũañũ. <sup>33</sup> Cohãcjũ yũhũre tiquiro yahueragũ tiquirore ne masiedaboaga yũhũ. Tiquiro yũhũre mũsare aco mehna wame ye dutiro ohoriquiro Cohãcjũ pehe ohõ saha ni yahu mũhta tuhasari yũhũre: “Espíritu Santo dijia ta tiquiro bui wihidũcanohriquiro tiquirota ijirota. Tiquiro pehe Espiritu Santore masa mehna ijiducugũ yerota”, nidi Cohãcjũ yũhũre. <sup>34</sup> Yojobũ pũritare tiquirore ihũña tuhasaũ yũhũ. Sa ihũagũ “Potota Cohãcjũ macũno ijire”, nii yũhũ mũsare, ni yahuri Ñu usãre.

*Jesu buheyequina tiquiro piji* mũhtariquina ijire

<sup>35-36</sup> Ape decopũ Ñu mehna usã pũana tiquiro buhena usã ducugũ, Jesu usã cahapũ yũhdũ cãno nidi. Tiquiro sa yũhdũ cãgũ Ñu tiquirore ihũano, pari turi ohõ saha nidi usãre:

—Ihũaña. Ahriquiro Cohãcjũ yaquiro cordero yero saha ijiriquiro ijire, nidi Ñu.

<sup>37</sup> Tiquiro sa nigũ usã pũana tiquiro buhena pehe tire tũhona Jesure nũnũ tãũ. <sup>38</sup> Usã sa nũnũ tãgũ ihũano Jesu usãre majare ihũña, sinituri:

—¿Yabere macana niajari mũa? nidi tiquiro.

Tiquiro sa nigũ usã gũhũ sinituu tiquirore:

—¿Buhegu, nohopu ijiajari mũhu? nii usã tiquirore.

<sup>39</sup> —Yũhu mehna ahtatjiãna ihñana taya, nidi Jesu usãre.

Tiquiro sa nigũ usã pehe tiquiro ijiropu ihñana wahaũ. Ti pjere ñamicahapu cuatro hora ijiri. Sa yena ti decore tiquiro mehna tojoau usã.

<sup>40</sup> Usã puana Ñure tũhorina, Jesure nunu tãrina yũhu piti Andre mehna ijii. Andre pehe Simo bahũro ijiri. <sup>41</sup> Sa yero duita tiquiro wahminore Simore maca, boca, tiquirore ohõ saha ni yahuahye:

—Mesiare Cohãcjũ marine yũhdũo dutiro tiquiro ohoriquirore usã bocaũ, niahye Andre Simore. Mesia usã ye mehna nina, Cristo nina niaja.

<sup>42</sup> Sa ni tuhasa tiquiro Simore Jesu cahapu neari. Tiquiro cahapu esagũ ihñano Jesu pehe Simore ohõ saha nidi:

—Mũhu Simo wame tigu, Ñu macu ijire. YojoPURE mũhũre Cefa wame yeitja, nidi Jesu Simore. Cefa usã ye mehna nina, Pedro nina niaja.

*Felipere, Natanae* gũhũre pijiahye Jesu

<sup>43</sup> Ape decopu Jesu Galilea yehpau waha duari. Sa yero tiquiro wahato pano Felipere piti ca ohõ saha nidi:

—Yũhu mehna cjũ ijiajũ ahtaya, nidi Jesu.

<sup>44</sup> Felipe pehe Betsaida cjũno ijiri. Tiquiro Andre, Pedro mehna ihcã maca cjẽna ijiri tiquina. <sup>45</sup> Sa yero Felipe Natanaene maca, tiquirore bocaro ohõ saha ni yahuri:

—Cohãcjũ dutiyere Moise tiquiro ojoari pũpu tiquiro yahuriquirore apequina Cohãcjũ yere yahu mũtariquina gũhu tiquina yahuriquirore usã bocaũ. Jesu Nazare cjũno, José macnota ijire, nidi tiquiro Natanaene.

<sup>46</sup> —NazarePURE ne ihcãquiro quehnoariquiro mariedare, nidi Natanae.

—Ihñagu taya mũhu, nidi Felipe.

<sup>47</sup> Sa ye Jesu cahapu tiquiro esagũ ihñano Jesu pehe ohõ saha nidi Natanaene:

—Ahriquiro yojoPURE ahtariquiro potota quehnoariquiro judio masũno warota ijire. Tiquirore mehoñe ne mariedare, nidi Jesu Natanae pehere.

<sup>48</sup> Tiquiro sa nigũ tũhoro Natanae pehe tiquirore sinituri:

—¿Dũhsegu yũhũre quehnoano masiajari mũhu? nidi.

—Felipe mũhũre tiquiro pijiato pano, higuerau docapu mũhu ijigũ ihñau yũhu mũhũre, nidi Jesu.

<sup>49</sup> Tiquiro sa nigũ Natanae pehe ohõ saha nidi tja:

—Buhegu, potota mũhu Cohãcjũ macu ijire. Mũhu Israe masa usã puhto ijiajũ ijire, nidi Natanae.

<sup>50</sup> Tiquiro sa nigũ tũhoro ohõ saha ni yũturi Jesu:

—Higuerau docapu yũhu mũhũre ihñarire masigu yũhũre “Cohãcjũ macu ijire”, ni wacũ tutuare mũhu. ¿Tita mũhũre sa masigũ yeajari? Ahri mũhũre yũhu ihñari yũhdũoro Cohãcjũ tutuaye mehna ye ihñogutja yũhu mũhũre. Yũhu sa ye ihñogũ ihñaguta mũhu, nidi Jesu Natanaene.

<sup>51</sup> Sa ninota ohõ saha ni yahu nemori:

—Potota mũhũre niita niaja. Yũhu masu Cohãcjũ ohoriguta ijiaja. Uhmũsepu parĩ maagũ Cohãcjũ tiquiro yequina angele yũhu bui tiquina dijia tagũ, tiquina mũjagũ gũhũre ihñaguta mũhu, nidi Jesu tiquirore.

## 2

*Caná wame tiri macapu* tiquina omoca dũhteropu Jesu wahahye

<sup>1</sup> Ihtia deco bato Canápu Galilea yehpau ijiri macapu omoca dũhteri bosc deco ijiri. Sa yero Jesu pacoro ti wũhũpu ijiri. <sup>2</sup> Jesu mehna usãre tiquiro buhena gũhũre omoca dũhteropu pijiori tiquina. <sup>3</sup> Ti bosc deco cjẽ vino pihtigũ Jesu pacoro tiquirore yahuri:

—YojoPURE vino pihtia wahari, nidi ticoro Jesure.

<sup>4</sup> Ticoro sa nigũ tuhoro Jesu ohõ saha nidi:

—¿Iño, dahsego tago tire yũhũre yahuajari mũhũ? Masa yũhũre tiquina masiato dahsarĩne, nidi Jesu tiquiro pacorore.

<sup>5</sup> Tiquiro sa nidi bato tiquiro pacoro pehe tiquina cahacjẽnare dutiri:

—Yũhũ macu tiquiro dutiro sahata yeya, nidi ticoro.

<sup>6</sup> Ti pjeppure usã acaye judio masa Cohãcjũ yere yeye tehe masare tiquina pagũrire sa coseducu dutie tiri. Sa ye ti wũhũppure seis suturi utã mehna tiquina yeri suturi aco pose tiye suturi ijiri. Ti suturi Cohãcjũ yere yeye tehe tiquina coseye aco pose tiye suturi ijiri. Ti suturi cincuenta o setenta litro pose esa tuhari. <sup>7</sup> Sa yero tiquina cahacjẽnare dutiri Jesu:

—Ahri suturire acore pio sã nemoña. Quehnoano wahpo dapoya, nidi Jesu.

Tiquiro sa nigũ tiquina pehe quehnoano wahpo dapó peho cãhri ti suturire.

<sup>8</sup> Tiquina sa yeri bato Jesu tiquinare dutiri tja:

—Yojoppure ti acore wa ne, wũhũ cjũnore ohoya, nidi.

Tiquiro sa nigũ tuhoye ti acore wa ne, wũhũ cjũnore ohori. <sup>9</sup> Tiquina sa ohogũ tiquiro pehe ti acore vino wahagũ yeri acore sihni tuhuri. Ti acore tiquiro dahse yerire masiedari tiquiro. Tiquiro sa masiedapegũta tiquiro cahacjẽna ti acore wayequina pehe masidi. Wũhũ cjũno sa masiedaro omoca dahteriquirore pijio, ohõ saha ni yahuri:

<sup>10</sup> —Apequina masa quehnoañe vinore sihõ mũhtare. Masa tiquina quehnoano sihnidi batopũ ña cjũñe core sihõri tiquina. Mũhũ pehe quehnoañe core ihbo, came cjũno ti core sihõri usãre, nidi wũhũ cjũno omoca dahteriquirore.

<sup>11</sup> Canãpũ Galileapũ ijiri macapũ Jesu acore vino tiquiro wahagũ yero, topũ Cohãcjũ tutuaye mehna coã ye dũcari. Sa yero apequinare tiquiro tutuayere ihñori Jesu. Tiquiro sa ihñori bato usã tiquiro buhena tiquirore wacũ tutuaũ.

<sup>12</sup> Came Jesu tiquiro pacorore, tiquiro bahanare, usãre tiquiro buhena gũhũre Capernaupũ siho esari. Topũ esana, meheñe decorigã tojoarĩ usã.

*Jesu Cohãcjũ wũhũppure esahye*

*(Mt 21.12-13; Mr 11.15-18; Lc 19.45-46)*

<sup>13</sup> Pascua ijigũ judio masa usã bose deco ijiato mehenogã dahsatjiãri. Sa yero Jesu Jerusalẽpũ esari. <sup>14</sup> Topũ esaro tiquiro Cohãcjũ wũhũppure sajã saro, wecuare, ovejare, bujuaare duayequinare boca sari. Sa yero niñerure comesayequina mesaripũ dujigũ tiquina gũhũre boca sari. <sup>15</sup> Sa boca saro yuta dari mehna tanari da ye, tiquinare ijipihitiyequinare sopecahapũ tana nũnũ wiori. Oveja, wecuã gũhũ tana nũnũ wio cãri tiquiro. Sa yero niñeru comesayequina ye mesarire ne majaredoqueo, doque cũ cãri. Ti niñeru cjoeri gũhũre doque site cãri. <sup>16</sup> Sa ye tuhasa bujuaare duayequinare ohõ saha nidi:

—Musa bujuaare ne wijiaya. Yũhũ Pacu ya wũhũre apee boro duari wũhũ yeracãhña, nidi Jesu tiquinare.

<sup>17</sup> Tiquiro sa yegũ ihñana usã tiquiro buhena pehe Cohãcjũ yere tiquina ojoari pũpũ tiquiro nidire wacũu: “Cohãcjũ, mũhũ ya wũhũre tutuaro cahĩaja. Sa cahĩgũ ti wũhũre ñano tiquina yegũ ihñagũ tutuaro bujua witiãja yũhũ”, ni ojoahye Cohãcjũ yere tiquina ojoari pũpũ”, ni wacũu usã Jesu buhena.

<sup>18</sup> Jesu tiquiro sa yeri bato usã acaye judio masa pũntoa tiquirore sinituri:

—¿Dahsegu mũhũ ahriquinare Cohãcjũ wũhũppure ijiyequinare cohã wioari? Cohãcjũ mũhũre tire ye dutiriquiro tiquiro ijigũ Cohãcjũ tutuaye mehna ye ihñõña mũhũ usã ihñatire, nidi tiquina Jesure.

<sup>19</sup> Tiquina sa nigũ Jesu yũhtiri:

—Ahri wũhũre musã cohãgũ ihtia deco wahaboro tuhasautja yũhũ, nidi Jesu tiquinare.

<sup>20</sup> —Ihtia deco ahri wũhũre yesi mũhũ. Cuarenta y seis cũhmari waro tiquina yeri wũhũ ijire ahri wũhũ, nidi tiquina pehe Jesure.

<sup>21</sup> Tiquiro sa nigũ tiquina tiquirore quehnoano tũhoerari. Jesu “Ahri wũhũre”, nino tiquiro pagũre nino nidi jimedi.



<sup>22</sup> Sa ye tiquiro yariari bato, tiquiro masa wijiari bato usã tiquiro buhena pehe tiquiro nidire wacũna, Cohãcjũ yere tiquina ojoari pũre Jesu tiquiro yahuri gãhũre “Ti ijirota ijire”, ni wacũu usã.

*Ijipihtiyequina tiquina wacũñene Jesu masine*

<sup>23</sup> Pascua bose deco ijigũ Jesu Jerusalẽpũ ijiri. Topũ tiquiro ijigũ masa peyequina Cohãcjũ tutuaye mehna tiquiro ye ihñogũ ihñañe tiquirore wacũ tutuari. <sup>24</sup> Tiquina sa wacũ tutuepegũta Jesu masa tiquina wacũñene quehnoano masino, “Yũhũre sa wacũ tutuaducuetã”, ni tũhotuerahye. <sup>25</sup> Masa tiquina tũhotuyere quehnoano masidi tiquiro. Sa masino masa tiquina tũhotuyere apequinare ne sinituerari.

3

*Jesu Nicodemore yahuahye*

<sup>1</sup> Ti macare Nicodemo wame tiriquire, judio masa pũtoha mehna cjũno ijiri. Tiquiro fariseo masa ya curua cjũno ijiri. <sup>2</sup> Sa yero ihcã ñami tiquiro Jesu cahapũ ahta, tiquiro mehna yahuducuahye:

—Buhegũ, mũhũ Cohãcjũ buhe dutiro tiquiro ohorigũ mũhũ ijigũ usã masiaja. Cohãcjũ mũhũre tiquiro yedohoeragũ mũhũ pehe tiquiro tutuaye mehna ne ye ihñodaboaga. Mũhũ peye tahari Cohãcjũ tutuaye mehna ye ihñore, niahye Nicodemo Jesure.

<sup>3</sup> Tiquiro sa nigũ Jesu pehe yahuahye:

—Ijirota mũhũre niita niaja. Wahma masa bajuariquire yero saha pari turi masa bajuariquire dihita Cohãcjũ yaquire iji masine, niahye Jesu.

<sup>4</sup> —Yohnah. ¿Bucũro pehe dũhse ye pari turi masa bajuaboari tiquiro? Tiquiro pacoro niji suhtiropũ majare sajã, pari turi bajua masiedaboaga tiquiro, niahye Nicodemo.

Tiquiro sa nigũ Jesu yũhtiahye:

<sup>5</sup> —Ijirota niita niaja mũhũre. Wahma masa bajuariquire yero saha aco mehna, Espĩritu Santo tiquiro tutuaye mehna pari turi masa bajuariquire dihita Cohãcjũ yaquire iji masine. <sup>6</sup> Numia niji pacosãnumia ijiye, macanagãre masa bajuagũ yere. Espĩritu Santo pehe masare Cohãcjũ pohne ijigũ yere. <sup>7</sup> “Wahma masa bajuariquire yero saha pari turi masa bajuariquire dihita Cohãcjũ yaquire iji masine”, yũhũ nigũ, tũho wisieracãhña. <sup>8</sup> Espĩritu Santo masare Cohãcjũ pohne tiquiro yegũ ti wihnono yero saha ijire. Wihnono to ahtariropũ ahtare. To ahtaro ca tagũ mari tũhoaja. Sa tũhoopenata to ahtarirore, to waharirore ne masiedaja. Sata yere Espĩritu Santo masare Cohãcjũ pohne yero, niahye Jesu Nicodemore.

<sup>9</sup> —Mũhũ niñene quehnoano masiedaga, niahye Nicodemo.

<sup>10</sup> Tiquiro sa nigũ tũhoro ohõ saha niahye Jesu:

—¿Mũhũ judio masare buhegũ ijiepegũta, dũhsegũ yũhũ niñene tũhoerajari? <sup>11</sup> Ijirota niita niaja mũhũre. Usã masidire usã ihñarire usã yahuaaja. Usã sa yahuepegũta ne mũsa acaye judio masa ne tũho duerare. <sup>12</sup> Ahri yehpa cjẽ mehna masa tiquina masa bajuari mehna mũsare queoye mehna yũhũ buhe mũhtarire “Ijirota ijire”, niedare mũsa. Sa niedana queoye mehna buhero marieno Cohãcjũ yere yũhũ yahugũ gãhũre “Ijirota ijire”, nisi mũsa.

<sup>13</sup> Ne ihcãquire ãhmũsepũ Cohãcjũ cahapũ wahariquire ne pari turi tojoa tasi. Yũhũ masũ Cohãcjũ ohorigũ yũhũ dihita ãhmũsepũ ijirigũ ahri yehpapũ ahtau. Sa yegũ yũhũ dihita Cohãcjũ yere mũsare yahu masiaja. <sup>14</sup> Panopũre masa marienopũ Moise mũnãno bronze wame tiri come mehna tiquina yeriquirere añare yucũgũ tiquina docodũpũ duhu yoahye. Yucũgũpũ tiquina duhu yoriro sahata yũhũre masũre Cohãcjũ ohorigũre tiquirore tiquina yeriro sahata yũhũ gãhũre duhu yoeta. <sup>15</sup> Yũhũre tiquina sa yeri bato ijipihtiyequina yũhũre wacũ tutuayequina ijipihtiye decori Cohãcjũ mehna ijiducuetã, niahye Jesu.

*Cohãcjũ ijipihtiyequinare cahĩne*

<sup>16</sup> Sa ni tuhasa ohõ saha ni nemoahye:

—Cohãcjũ ijipihtiyequina ahri yehpa cjênare tutuaro cahĩne. Sa yero yũhũre tiquiro macũre ihcũta ijigũre Cohãcjũ ohori ijipihtiyequina yũhũre wacũ tutuayequina pecapũ tiquina “Wahaeracãhdo”, nino. Sa ye ijipihtiye decori Cohãcjũ mehna ijieta tiquina. <sup>17</sup> Cohãcjũ yũhũre tiquiro macũre masare buhiri dahre dutiro ohoerari yũhũre ahri yehpapũre. Sa yero masare pecapũ wahaboriquinare yũhdũoacjũre yũhũre ohori.

<sup>18</sup> Yũhũre Cohãcjũ macũre wacũ tutuayequinare ne buhiri dahresi Cohãcjũ. Yũhũre wacũ tutueyequina pũritare Cohãcjũ buhiri dahre duti tuhasari. Masa yũhũre Cohãcjũ macũre ihcũta ijigũre tiquina wacũ tutuerari buhiri, buhiri dahrerota tiquinare. <sup>19</sup> Yũhũ, Cohãcjũ macũ ahri yehpapũ ahtagũ buhrioro quehnoano marine to ihña masigũ yero sahata Cohãcjũ yere quehnoano masigũ yeaja. Yũhũ sa masigũ yegũ ihñañe yũhũre wacũ tutueyequina yũhũre cahmedare. Tiquina ñañe yeye pehere quehnoano cahmene. Tiquina sa cahmedi buhiri tiquinare buhiri dahrerota. <sup>20</sup> Ijipihtiyequina ñañene yeyequina tiquina ñañe yeyere duhu duerare. Sa ye buhrioro to bajumehmeno sahata tiquina ñañe yerire “Bajumehneari”, niñe, yũhũre cahmedari tiquina. <sup>21</sup> Quehnoañene yeyequina pehe yũhũre, yũhũ buheye gũhũre cahmene. Cohãcjũ yere tiquina yeyere yũhũ quehnoano bajuro dahregũ bue tierare tiquina. Sa ye yũhũre buhrioro yero saha ijigũre cahmene, ni yahuahye Jesu.

*Pari turi Ñu wame yeriquiro Jesure yahuahye*

<sup>22</sup> Came Jesu usãre tiquiro buhenare Judea yehpapũ siho wahari. Topũ esaro to cjẽna mehna meheñe decorigã tojoa, wame yeri tiquinare. <sup>23</sup> Ñu gũhũ masare wame yero niahye Enón wame tiri macapũ. Enón Salim wame tiri maca cahapũ ijiri. Topũ dia ijiri. Sa yero Ñu topũ wame yero niahye masare. <sup>24</sup> Tiquina peresu yeato pano Enópũ wame yero niahye Ñu. <sup>25</sup> Ti pjere Ñu buheyequina mehna cjẽna meheñequinagã judio masũno mehna wame yeyere yahuducuye niahye. <sup>26</sup> Sa ye tiquina Ñu cahapũ esa, tiquirore yahuahye:

—Buhegũ, Jordã si pahrẽpũ mũhũ mehna ijiriquiro “Tiquirota ijiaga”, mũhũ nidiquiro pehe yojoapũre masare wame yero nine. Tiquiro sa yegũ ijipihtiyequina tiquiro cahapũ dihita wahare, niahye tiquina Ñure.

<sup>27</sup> Tiquina sa nigũ tũhoro Ñu yũhtiahye:

—Tiquiro tutuariquiro ijigũ Cohãcjũ pehe tiquirore sa ijigũ yere. <sup>28</sup> “Cristo ijieraja”, yũhũ nigũ mũsa tũhori. Sa ijierapegũta tiquiro pano ohonoho mũhtarigũ ijiaja yũhũ. <sup>29</sup> Cristo mehna masa tiquina wahagũ ihñagũ tutuaro bucueaja. Ohõ saha ijire ti: Omoca dũhtericoro ticoro manũno mehna ijiro wahare. Omoca dũhtegũ cohteriquiro pehe dũhteatiquiro namo tigũ ihñano tiquiro yahuducugũ tũhoro tutuaro bucuere. Sa yegũ yũhũ omoca dũhtegũ cohteriquiro tiquiro bucuero saha Cristo mehna masa tiquina wahagũ ihñagũ tutuaro bucueaja. <sup>30</sup> Cristo pehere wacũ tutuaro cahmene masare. Yũhũ pehere wacũ tutueraro cahmene masare, ni yũhtiahye Ñu.

*Cohãcjũ macũno ãhmũsepũ ahtariquiro ijire*

<sup>31</sup> Sa ni tuhasaro ohõ saha ni nemoahye Ñu:

—Ëhmũsepũ ahtariquiro ijipihtiyequina yũhdũoro tutuariquiro ijire. Ahri yehpapũ masarina ijina ahri yehpa cjãna ijiaja mari. Sa yena ahri yehpa cjẽne yahuducuaja mari. Ëhmũsepũ ahtariquiro pehe ijipihtiyequina yũhdũoro tutuariquiro ijire. <sup>32</sup> Tiquiro ihñarire, tiquiro tũhorire tiquiro yahure. Tiquiro sa yahuepegũta tiquiro yahuyere masa pehe ne tũho duerare. <sup>33</sup> Ëhmũsepũ ahtariquiro tiquiro yahuyere masa tũhoye, “Cohãcjũ potota nidiquiro ijire”, niñe nine tiquina. <sup>34</sup> Ahriquiro Cristore Cohãcjũ ohoriquirore Espĩritu Santo ye tutuayere oho pehore Cohãcjũ. Sa yero tiquiro Cohãcjũ ye yahuducuyere yahure. <sup>35</sup> Cohãcjũ tiquiro macũnore tutuaro cahĩne. Sa yero ijipihtiyequina pũhtoro iji dutiri tiquiro macũnore. Ijipihtiye upũro iji dutire tiquirore. <sup>36</sup> Cohãcjũ macũnore wacũ tutuayequina pehe ijipihtiye decori Cohãcjũ mehna ijieta.

Tiquiro macunore yuhducayequina pehe Cohăcjũ caharũ wahasi. Sa ye ijipihtiye decori umserũ ijisi. Sa yero Cohăcjũ tiquinare tutuaro buhiri dahrerota, niahye Ñu.

## 4

*Jesu Samaria cjõno mehna yahuducuro niahye*

<sup>1</sup> Jesu Ñu yuhduoro peyequina buheyequinare tiquiro cœogũ, Ñu yuhduoro masare tiquiro wame yegũ fariseo masa tũhoahye. <sup>2</sup> Tiquina sa tũhoepegũta Jesu pehe tiquiro basi masare wame yerari. Ûsã tiquiro buhena pehe masare wame yei. <sup>3</sup> Fariseo masa tiquina sa masigũ tũhoru Jesu pehe Judea yehparũ ijiriquiro Galilea yehparũ usãre siho tojoaa wahari.

<sup>4</sup> Topũ wahana Samaria yehpare esa yuhdu cãna tana nii usã. <sup>5</sup> Sa yuhdu cãna Samaria yehparũ ijiri macarũ Sicar wame tiri macarũ esaũ. Ti maca caharũ panorũ cjũno Jacob mnanano tiquiro macuno José mnanore tiquiro ohori yehpa ijiri. <sup>6</sup> Topũ Jacob mnanano tiquiro sihnidi cope ijiri. Sa yero Jesu pehe yororũ ahtariquiro ijiro, tiquiro wahyia yuhduaro ti cope duhtũ caharũ nuju sari. Ti pje tiquiro nuju sari pje coheri pje waro ijiri. <sup>7-8</sup> Ûsã tiquiro buhena pehe macarũ ihyayere usã dúna wahari bato ihcãquirota tiquiro topũ tojoa nuju sari. Sa yero Samaria cjõno ti coperũ aco waro wihigũ Jesu ticorore acore siniahye:

—Acore ohoya yuhũre, niahye.

<sup>9</sup> —Mũhũ judio masũ ijire. Yuhũ pehe Samaria cjõ ijiaja. ¿Dũhsegu yuhũre acore siniajari mũhũ? niahye ticoro Jesure.

Judio masa Samaria cjẽnare ihña tuhtiyequina ijire. Sa yero ticoro sa niahye.

<sup>10</sup> Ticoro sa nidi bato Jesu ticorore yahuahye:

—Mũhũre Cohăcjũ tiquiro yedoho duayer masigo, mũhũre acore sinigũre masigo, mũhũ yuhũ pehere siniboaya. Mũhũ sa sinigũ apeye aco pehere ohoboaya yuhũ. Ti aco pehe catigũ yere, niahye Jesu ticorore.

<sup>11</sup> Tiquiro sa nigũ tũhoru ticoro yũhtiahye tiquirore:

—Ne mũhũre sutu mariedare. Sa yero ahri cope uhcuãrĩne. ¿Sa yegu ahri catigũ yeye acore nohorũ wa neboagari mũhũ? <sup>12</sup> Mari ñecũ mnanano Jacob panorũ cjũno ahri copere marine cũe tiahye. Tiquiro, tiquiro pohne, nuñequina gũhũ ahri acore sihnĩe tiahye. ¿“Apeye acore ohoboaya yuhũ”, mũhũ nigũ, Jacob yuhduoro tutuagu ijiajari mũhũ, sa ni tũhotugũ? niahye ticoro.

<sup>13</sup> Ticoro sa nigũ Jesu yũhtiahye:

—Ijipihtiyequina ahri acore sihnĩnequina, pari turi aco wũoeta. <sup>14</sup> Yee aco pehere sihnĩnequina ne pari turi aco wũosi. Sa ye, yee acore sihnĩnequina Cohăcjũ mehna sa ijiducueta. Ma pohterũ aco to sa wijiaducuro sahata yee aco ne pihtisi, niahye Jesu.

<sup>15</sup> Tiquiro sa nigũ tũhoru numino pehe ohõ saha niahye:

—Ti acore ohoya yuhũre pari turi yuhũ aco wũoeraro quehnoano. Sa yego pari turi ne ohõpũre aco wasi yuhũ, niahye ticoro.

<sup>16</sup> Ticoro sa nigũ Jesu ticorore yahuahye:

—Ti pje pũrita mũhũ manũnore pijigo wahaya. Piji tuhasa ohõpũ ahtaya tiquiro mehna, niahye Jesu ticorore.

<sup>17-18</sup> —Manũ mariego ijiaja yuhũ, niahye ticoro.

—Ijirota nimene mũhũ. Ihcã omope tahari manũ ti tuhasamedi mũhũ. Sa yero yojopũre mũhũ mehna ijiriquiro mũhũ manũno ijierare. Sa ye “Manũ mariego ijiaja”, nigo potota nimene mũhũ, niahye Jesu ticorore.

<sup>19</sup> Tiquiro sa nigũ tũhoru ohõ saha niahye ticoro:

—Ãa, Cohăcjũ yere yahu mũhtagũ ijire mũhũ, yuhũ tũhotugũ. <sup>20</sup> Ûsã ñecũsumũa iji turiayequina mũna ahdu cũnarũ Cohăcjũre ño peoe tiahye. Sa yena mũsa pehe judio masa “Jerusalẽpũ Cohăcjũre ño peoro cahmene masare”, nie tiri mũsa judio masa, niahye ticoro.

Ticoro sa nigũ Jesu yũhtiahye:

<sup>21</sup> —Numio, yũhũ pehere tũhorĩña. Camerũ ahdu cãnũrũ, Jerusalẽrũ gũhũre mari Pacũre ño peosi mũsa. <sup>22</sup> Mũsa pehe mũsa ño peoriquirore masiedare. Masare yũhũoatiqũiro judio masũnota ijire. Sa yena usã judio masa pehe usã ño peoriquirore masiaja. <sup>23</sup> Yojoũre, camerũ gũhũre Cohãcjũre potota ño peoyequina tiquina quehnoano tũhotuye mehna tiquirore ño peoeta. Sa mari ño peogũ cahmene Cohãcjũ. <sup>24</sup> Cohãcjũre, pagũ marieniquiro tiquiro ijigũ masa tiquirore ihñedare. Sa ye tiquirore ño peoye, tiquina quehnoano tũhotuye mehna tiquirore quehnoano potota ño peoro cahmene masare, niahye Jesu.

<sup>25</sup> Tiquiro sa nigũta ticoro yũhtiahye:

—Mesia, “Cristo” tiquina nidiquiro pehe masare yũhũoatiqũiro tiquiro ahtatire masiaja yũhũ. Tiquiro ahtaro marine ijipihtiyere buhe peho cãnota, niahye ticoro.

<sup>26</sup> —Yũhũta ijiaja Cristo, niahye Jesu ticorore.

<sup>27</sup> Tiquiro sa nigũ waro wihii usã. Sa yena usã tiquiro buhena pehe Jesu numino mehna tiquiro yahuducugũ ihñana, ihña maria wahau. Sa ihña mariepenata, “¿Dũhse cahmeajari mũhũ? ¿Dũhse niari mũhũ ticorore?” ni sinituerũ tiquirore. <sup>28</sup> Sa yero numino ticoro ya suture duhu dapo cã, macarũ wahaa wahari. Topũ esaro masare yahuro, ohõ saha niahye:

<sup>29</sup> —Yũhũ yerire yahu pehoriquirore ihñana ahtaya mũsa. Tiquiro potota Cristo ijiboaga, ape taha yero, niahye ticoro.

<sup>30</sup> Ticoro sa nigũ tũhoye ti maca cjẽna pehe Jesure ihñañe ahtari. <sup>31</sup> Ti pjere usã Jesu buhena pehe tiquirore tutuaro ihya dutimi:

—Buhegũ, ihyaya, nimi usã.

<sup>32</sup> —Sijoro ijiye ihyayere cũoaja yũhũ. Tire mũsa masiedare, nidi tiquiro.

<sup>33</sup> Tiquiro sa nigũ tũhona usã basi ohõ saha ni yahuducuu:

—¿Apequina tiquirore ihyaye oho tuhasayari? nii usã basi.

Usã sa nigũ Jesu yahuri:

<sup>34</sup> —Masa pehe ihya coare. Yũhũre ohoriquiro tiquiro cahmeñe pehere ye coaja yũhũ pehe. <sup>35</sup> “Pititia asũ dũhsare mari dũca duha neato”, wese upũro tiquiro nidiro saha mũsa pehe ni tũhotueracãhña. “Cohãcjũ yere usã yahuato dũhsarĩne”, ni tũhotueracãhña. Ijirota niita niaja mũsare. Yojoũrũ pũritare masare ihñaña. Dũcare neni pje to ijiro sahata, yojoũrũ pũrita masa yũhũ buheyere tiquina tũhoati pje ijiro nine. <sup>36</sup> Oteye dũcare neñequinare tiquina wapa yeriro sahata yeere buheriquinare, yeequina ijiatiquinare pijiyequinare, tiquina sa yeri wapa tiquinare quehnoano yeitja yũhũ. Tiquina sa buhegũ tũhoye yũhũ buheyere tũhoyequina yeequina pehe Cohãcjũ mehna ijipihtiyere decori ijiducuetã. Sa ye tiquinare buhe mũhtañequina, came yeequina wahagũ yeyequina gũhũ ihcãno saha bucueducuetã. <sup>37</sup> “Ihcãquiro ote mũhtariquiro ijire. Apequiro pehe dũcare neniquiro ijire”, nie tiahye panorũ. Ti ijirota ijire. Tiquina sa nidiro sahata ihquẽquina yeere yahu mũhtañequina ijire. Apequina pehe yeere buheye, yeequina wahagũ yere. <sup>38</sup> Wese upũro yequina dahra cohteyequina oterariquina tiquina ijiepegũ tiquiro oteye dũcare tiquinare ne dutiro ohore. Sa masare buhe mũhtaedarina mũsa ijiepegũta yeequina wahatiquinare buhe dutigũ ohoaja mũsare. Apequina pehe tiquinare buhe mũhta tuhasari. Tiquina buheriquinarũre pari turi buhe nemona, yeequina wahagũ yenata mũsa pehe. Sa ye buhe mũhtañequina pehe tiquina yedohoro mehna apequinare yeequina wahagũ yenata mũsa, nidi Jesu.

<sup>39</sup> Ti pjere Samaria cjõno “Yũhũ yerire tiquiro yahu pehori”, ticoro sa nigũ tũhoye Samaria cjẽna peyequina Jesure cahmeahye. <sup>40</sup> Sa ye Samaria cjẽna Jesu caharũ esaye, “Usã mehna tojoarĩña”, nidi tiquirore. Tiquina sa nigũ usã gũhũ tiquiro mehna pũa deco tojoarĩ. <sup>41</sup> Apequina gũhũ peyequina Jesure tũhoye, cahmedi tiquirore. <sup>42</sup> Ohõ saha nidi masa numinore:

—Coã waropũre mũhũ yahurire tũhona, Jesure cahmei. Yojoũrũ pũritare tiquiro yahuducuyere tũhona tiquirore cahmeaja. Sa yena tiquiro pehere tũhona ahri yehpa

cjēnare pecap̄wahaboriquinare yūhd̄oriq̄uiro potota tiquiro ijigū yojop̄ usā masiaja, nidi masa Samaria cjōnore.

*P̄h̄toro mac̄nore dohatiriquirore yūhd̄oahye Jesu*

<sup>43</sup> P̄ua deco bato Jesu usāre Galilea yehrap̄ siho wahari. <sup>44</sup> Coā warop̄ure ohō saha nie tiri tiquiro: “Cohācjū yere yahu m̄htariq̄uirore tiquiro ya yehpa cjēna tiquirore ño peerare. Sa ye yūh̄ure ño peerare ohō cjēna ohōp̄ yūh̄u b̄uc̄arigū ijigū”, nie tiri Jesu. <sup>45</sup> Sa ye Galileap̄ tiquiro esagū to cjēna tiquirore quehnoano piti cari. To pano Jerusalēp̄ bose deco Jesu tiquiro yerire ih̄nariquina ijiri tiquina.

<sup>46</sup> Sa ye Canáp̄ Galileap̄ ijiri macap̄ acore tiquiro ūhse co bajumehnedi macap̄ wah̄u usā tiquiro mehna. Caná cahap̄ ijiri macap̄ Capernau wame tiri macap̄ p̄h̄toro mac̄no dohatiro niahye. <sup>47</sup> Sa yero Jesu Judeap̄ ijiriquiro tiquiro Galileap̄ esagū p̄h̄toro tūhoahye. Tire tūhoro Jesu cahap̄ wihiri:

—Yūh̄u mac̄u yariaro nidi. Sa ye tiquirore yūhd̄oḡu ahtaya, ni tutuaro mehna pijiri tiquirore.

<sup>48</sup> Tiquiro sa nigū tūhoro Jesu yūhtiri:

—Cohācjū tutuaye mehna yūh̄u yegū ih̄nedana, ne yūh̄ure wacū tutuerare m̄sa, nidi Jesu tiquirore.

<sup>49</sup> Tiquiro sa nigū p̄h̄toro pehe ohō saha nidi:

—P̄h̄to, yūh̄u mac̄u tiquiro yariato pano ahtaya, nidi tiquiro Jesure.

<sup>50</sup> —Tojoahya. M̄h̄u mac̄u catiaga, nidi Jesu.

Tiquiro sa nigū tūhoro, “Tiquiro nidiro sahata catirota yūh̄u mac̄u”, nino, p̄h̄toro tojoaa wahari.

<sup>51</sup> Sa tojoaducuriquirore tiquiro cahacjēna tiquirore piti ca, yahuahye:

—M̄h̄u mac̄u catiri, ni yahuahye tiquina tiquirore.

<sup>52</sup> —¿Noho asū ijigū yūhd̄uari yūh̄u mac̄u? ni sinituahye tiquiro cahacjēnare.

—Can̄ure coheri pje batogā ujuaye sururi tiquirore, niahye tiquina.

<sup>53</sup> Tiquina sa nigū tūhoro ohō saha ni tūhotuahye tiquiro: “Jesu yūh̄ure tiquiro sa ni yahuri pjeta ujuaye suruaya”, ni tūhotuahye p̄h̄toro pehe. “Poto ninota niaya yūh̄ure”, nino, tiquiro ijipih̄tiyequina tiquiro acaye mehna Jesure wacū tutuahye.

<sup>54</sup> Jesu Judea yehrap̄ ijiriquiro Galilea yehrap̄ tiquiro esari bato p̄h̄toro mac̄nore tiquiro yūhd̄orire mari queogū p̄ua taha Cohācjū tutuaye mehna ye ih̄ño tuhasari Jesu.

## 5

*Tini masieniquirore yūhd̄oahye Jesu*

<sup>1</sup> Came judio masa Cohācjūre usā ño peori bose deco ijigū Jesu Jerusalēp̄ esari tja. <sup>2</sup> Top̄ oveja wame tiri sopecaha cahap̄ cuhsari cope ijiri. Usā judio masa ye mehna niñe Betzata wame tiri cope ijiri. Ti cope cahap̄ ihcā omope tihamehneñe tucūri ijiri. <sup>3</sup> Ti tucūrip̄ peyequina dohatiyequina cuñari. Caperi bajueyequina, pari yuri wahayequina, tini masieñequina tiquina ti cope cahap̄ ijiri. [Top̄ ijie aco ñuhmi maanore cohteye nidi. <sup>4</sup> Top̄ buharo ti cope cjē acore ihquē tahari ñuhmigū ye m̄jahye angel. Ti cope cjē aco ñuhmidi bato ña mio m̄htariq̄uiro pehe d̄h̄se ijyere dohatiyere c̄oriquiro quehnoa wahahye.] <sup>5</sup> Sa yero tore treinta y ocho c̄h̄mari waro dohatiriquiro ijiri. <sup>6</sup> Top̄ tiquiro cuñagū ih̄nano tiquiro sa yorari pje dohatiriquiro ijigū masidi Jesu tiquirore. Sa masino tiquirore sinituri:

—¿Pagū dohatiye mariegū iji duajari m̄h̄u? nidi Jesu.

<sup>7</sup> Tiquiro sa nigūta dohatiriquiro yūhtiri:

—Ti aco ñuhmigū yūh̄ure aco ijiri copep̄ neaboriquiro mariedare. Ti copep̄ yūh̄u ña mio duepegūta arequina pehe yūh̄u pano sa ña mio m̄htaducure, nidi tiquiro Jesure.

<sup>8</sup> —Wahc̄ad̄ucaya. M̄h̄u cuñari cahserore ne c̄h̄ña, nidi Jesu tiquirore.

<sup>9</sup> Tiquiro sa nigūta dohatiriquiro pehe tiquiro cuñari cahserore ne, tini d̄ucari. Ti deco saurú judio masa usā sori deco ijiri. <sup>10</sup> Ti decore Jesu sa yegū ih̄ñañe judio masa usā p̄h̄toa pehe dohatimediquirore ohō saha ni yahuahye:



—Miare saurú deco mari sori deco ijiepegūta m̄h̄u cuñari cahserore neare m̄h̄u. Sa yeḡu mari dutiyere ȳhd̄ud̄acaḡu nine m̄h̄u, niahye tiquina tiquirore.

<sup>11</sup> —Ȳh̄ure ȳh̄u dohatiyere coh̄ariquiro pehe oh̄o saha nidi ȳh̄ure: “M̄h̄u cuñari cahserore ne c̄h̄ña”, nidi tiquirō ȳh̄ure, ni ȳht̄iahye dohatimediquiro.

<sup>12</sup> —¿Tire m̄h̄ure sa nidiquiro pehe noa boro ijiari tiquirō? ni sinituahye tiquina.

<sup>13</sup> Top̄u masa peyequina tiquina ijiḡu ih̄ño Jesu pehe waha tuhasari. Sa yero dohatimediquiro pehe tiquirō ȳhd̄uoriquiro wamene masiedahye. <sup>14</sup> Came Coh̄c̄j̄ũ w̄h̄ur̄u Jesu tiquirōre piti ca yahuri:

—T̄hor̄iña m̄h̄u ȳh̄ure. Yojoṗ̄ure quehnoano paḡu tire m̄h̄u. Ñañene ye nemoedac̄h̄ña. Pari turi ñañene ye nemoḡ̄u m̄h̄u dohatiriro ȳhd̄uoro wahaḡu m̄h̄u, nidi Jesu tiquirōre.

<sup>15</sup> Tiquirō sa nidi bato dohatimediquiro pehe us̄a judio masa p̄h̄toa tiquirōre sinituriquina cahar̄u esaro yahuahye tiquinare:

—Jesu wame tiriquirō ȳh̄ure ȳhd̄uḡu yeri, ni yahuahye tiquirō.

<sup>16</sup> Sa ye saurú ijiḡu dohatiriquirore tiquirō dohatiyere Jesu coh̄aḡu masiñe, judio masa us̄a p̄h̄toa pehe tiquirōre ñano ye d̄ucari.

<sup>17</sup> Sa ñano tiquirōre tiquina ye duaḡu masino Jesu pehe yahuri tiquinare:

—Ȳh̄u Pac̄u yojoṗ̄ure dahrar̄ino nine. Ȳh̄u ḡ̄h̄u dahrar̄i niaja, ni yahuri tiquirōre ñano ye duayequinare.

<sup>18</sup> Tiquirō sa niḡu judio masa us̄a p̄h̄toa pehe tiquirō mehna tutuaro usuaye, to pano tiquina nidiro ȳhd̄uoro tiquirōre wej̄e duari. Saurú decore tiquina sori decore ih̄c̄aquirō dohatiriquirore tiquirō ȳhd̄uoḡu ih̄ñañe tiquina usuari. Sa usuaye tiquirō Coh̄c̄j̄ũre “Ȳh̄u Pac̄u”, niḡu t̄h̄oye, tiquina pehe to pano tiquina nidiro ȳhd̄uoro usua nemoahye tja. “ ‘Ȳh̄u Pac̄u’, nino Jesu tiquirō basi ‘Coh̄c̄j̄ũ mehna ih̄c̄ano saha ijiaja’, ni wac̄uga tiquirō”, ni t̄hoturi judio masa us̄a p̄h̄toa.

*Jesu Coh̄c̄j̄ũ* ohoriquiro ijire

<sup>19</sup> Sa ye Jesu tiquinare yahuari:

—Ijirota niita niaja m̄sare. Ȳh̄u Coh̄c̄j̄ũ mac̄u, ȳh̄u esa tuharo yeraja. Ȳh̄u Pac̄u tiquirō yerire ih̄ñaḡu, tire yeaja. <sup>20</sup> Ȳh̄u Pac̄u ȳh̄ure tiquirō mac̄ure cah̄ine. Sa yero tiquirō yerire ȳh̄ure ih̄ño pehore. Ahri yojoṗ̄u tiquirō tutuaye mehna ȳh̄u yeri ȳhd̄uoro tiquirō apeyere ye dutirota ȳh̄ure. Tiquirō sa ye dutiḡu tiquirō tutuaye mehna ye ih̄ñoutja ȳh̄u. Sa yena ih̄ña maria wahanata m̄sa. <sup>21</sup> Ȳh̄u Pac̄u yariariquinare tiquirō masoriro sahata ȳh̄u ḡ̄h̄u ȳh̄u cahmeñequinare masoutja. <sup>22-23</sup> Ne ȳh̄u Pac̄u pehe masa tiquina ñañe buhirire buhiri dahreriquiro ijierare. Ȳh̄u pehere tire tiquina ñañe buhirire buhiri dahreac̄j̄ure c̄uri ȳh̄u Pac̄u. Ijipihtiyequina masa tiquirōre tiquina ño peoriro sahata ȳh̄u ḡ̄h̄ure tiquina ño peoatire buhiri dahreac̄j̄ure c̄uri ȳh̄ure. Ȳh̄ure tiquirō mac̄ure ño peoerana ȳh̄u Pac̄u ḡ̄h̄ure ño peoerare m̄sa. Tiquirō ijire ȳh̄ure ohoriquiro, nidi Jesu.

<sup>24</sup> Sa ni tuhasa oh̄o saha ni yahu nemori:

—Ijirota niita niaja m̄sare. Ȳh̄u yahuducuyere t̄h̄oyequina, ȳh̄ure ohoriquirore wac̄u tutuayequina ijipihtiyē decori ̄hm̄sep̄u sa ijiducueta. Sa yeḡu tiquinare buhiri dahresi ȳh̄u. Sa ye tiquina pecar̄u wahaboriquina ȳhd̄ueta. <sup>25</sup> Ijirota niita niaja m̄sare. Pecar̄u wahatiquina ȳh̄ure Coh̄c̄j̄ũ mac̄ure tiquina t̄hoati pje yojoṗ̄u ijire. Camer̄u ḡ̄h̄ure ȳh̄ure tiquina t̄hoeta tja. Sa t̄h̄oye t̄ho n̄n̄ñequina pehe Coh̄c̄j̄ũ mehna sa ijiducueta. <sup>26</sup> Coh̄c̄j̄ũ ȳh̄u Pac̄u pehe sa ijiducuḡu yeriquiro ijire. Sa yero ȳh̄ure tiquirō mac̄ure sa ijiducuḡu yeac̄j̄u iji dutiri tiquirō ȳh̄ure. <sup>27</sup> Sa yeḡu ȳh̄u mas̄u Coh̄c̄j̄ũ tiquirō ohoriḡu ȳh̄u ijiḡu tiquirō masare buhiri dahreac̄j̄ure c̄uri ȳh̄ure. <sup>28</sup> Ahrire t̄h̄ona, t̄ho mariedac̄h̄ña m̄sa. Ape decop̄ure ijipihtiyequina yariariquina masa coperip̄u ijiyequina ȳh̄u yahuducuḡu t̄hoeta. <sup>29</sup> Sa t̄h̄oye, quehnoañene yeriquina ijipihtiyē decori Coh̄c̄j̄ũ mehna ijiatiquina masa m̄jaeta. Ñañene yeriquina pehe ñañene tiquina yeri buhiri pecar̄u wahaeta, ni yahuri Jesu.

<sup>30</sup> Sa ni tuhasa ohõ saha ni yahu nemori:

—Yũhũ esa tuharo ne yeraja. Ne yũhũ basi yũhũ cahmeno ye dueraja. Yũhũre ohoriquiro tiquiro dutiriro sahata ye duaja. Sa yegũ tiquiro nidiro sahata buhiri dahreaja. Sa yegũ yũhũ masare buhiri dahregũ queoro yeaja. <sup>31</sup> “Yũhũ tutuagũ ijiaja”, yũhũ ni yahugũ “Mũhũ yahuye ne poto ijierare”, ni masiboaga mũsa. <sup>32</sup> Apequiro ijire yũhũre yahuriquiro. Tiquiro Ñu pehe masare yahure yũhũre. Masare yũhũre tiquiro yahuri ijirota ijire. Tire yũhũ quehnoano masiaja. <sup>33</sup> Mũsa apequina pehere Ñupũre yũhũre sinitu dutina ohori. Sa yero potota yahure tiquiro mũsare. <sup>34</sup> “Cohãcjũ macũno ijire ahriquiro”, yũhũre ni yahuatiquinare macaedaja. Sa macaedapegũta Ñu masũno tiquiro ijiepegũta yũhũre “Cohãcjũ macũno ijire”, tiquiro ni yahurire yahugũ niaja. Mũsa yũhũre wacũ tutuatire, mũsa pecapũ wahaborina mũsa yũhũre Ñu tiquiro yahurire yahugũ niaja. <sup>35</sup> Sihãria meheñe decorigã ihña masigũ yero sahata Ñu mũsare buhe mũhtano mehenogã tiquiro catiro puno mũsare masigũ yeri. Tiquiro sa buhegũ tũhona meheñe decorigã bucueri mũsa. <sup>36</sup> Yũhũ ijiepegiere tiquiro sa buhepegũta Cohãcjũ pehe yũhũ ijiepegiere quehnoano yahure. Tiquiro sa yahugũ Ñu yũhũ ijiepegiere tiquiro yahuye yũhũre ijire Cohãcjũ ye yahuye. Sa yegũ Cohãcjũ tiquiro tutuaye mehna yũhũre tiquiro ye dutirire yojopũ yei niaja. Ahrire yũhũ yegũ ihñana potota Cohãcjũ ohorigũ yũhũ ijiepegiere masine mũsa. <sup>37</sup> Sa yero yũhũ Pacũ yũhũre ohoriquiro tiquiro basi “Tiquiro yũhũ ohoriquiro ijire”, ni yahure mũsare. Tiquiro sa ni yahuepegũta tiquiro yahuducuyere ne tũhoerari mũsa. Sa yena mũsa tiquirore ne masiedari. <sup>38</sup> Yũhũre Cohãcjũ ohorigũre mũsa ne tũho duerari. Sa yena mũsa Cohãcjũ yere ne cahmedari. <sup>39</sup> Cohãcjũ yere tiquina ojoari pũre mũsa buhena, “Mari ahri pũre buhena ijiepegiere decori Cohãcjũ mehna sa ijiducunata”, nine mũsa. Ti pũta yũhũre yahure. <sup>40</sup> Ti pũ yũhũre ti yahuepegũta mũsa pehe yũhũre cahmedare. Ijiepegiere decori Cohãcjũ mehna mũsa sa ijiducuatire yũhũre sini duerare mũsa, ni yahuri Jesu.

<sup>41</sup> Sa ni tuhasa ohõ saha ni nemori:

—Yũhũre mũsa ño peoeragũ ihñagũ usueraja yũhũ pehe. <sup>42</sup> Mũsa pehe Cohãcjũre mũsa cahiedagũ masiaja yũhũ. <sup>43</sup> Cohãcjũ yũhũ Pacũ tiquiro yũhũre dutiriro sahata yũhũ ahtaepẽgũta mũsa yũhũre cahmedari. Apequiro pehere Cohãcjũ ohoeriquiro tiquiro ijiepegũta tiquiro pehere cahmenata mũsa. <sup>44</sup> Apequina masa mũsare tiquina ño peogũ cahmene mũsa. Cohãcjũ mũsa mehna tiquiro bucuẽgũ cahmedare mũsa. Tiquiro dihita Cohãcjũ waro ijire. Sa cahmedana yũhũ gũhũre tũhoerare mũsa. Yũhũre wacũ tutuerare. <sup>45</sup> Mũsare yũhũ Pacũre ne yahusãsi yũhũ. Tire masiña mũsa. Moise tiquiro ojoari pũ pehe mũsare yahusãnota. “Ti pũ cjẽ dutiyere mari ye pehona, Cohãcjũ cahapũ wahanata”, mũsa nidi pũ pehe mũsare yahusãnota. <sup>46</sup> Moise tiquiro ojoari pũpũ yũhũ pehere yahuahye. Sa yena ti pũre “Ijirota ijire”, nina, yũhũ yahuye gũhũre “Ijirota ijire”, niboaya mũsa. <sup>47</sup> Moise tiquiro ojoari pũre “Ijirota ijire”, niedana, yũhũ yahuducuye gũhũre “Ijirota ijire”, nisi mũsa, nidi Jesu tiquinare.

## 6

*Cinco mil masare ihyayere ohoahye Jesu*  
(Mt 14.13-21; Mr 6.30-44; Lc 9.10-17)

<sup>1</sup> Sa tiquiro buheri bato Galilea wame tiri ditara ape sie pahrẽpũ usã Jesu mehna pehãa wahanũ. Ti ditara pajiri ditara Tiberia wame tiri. <sup>2</sup> To pano Galilea yehpapũ Jesu dohatiyequinare tiquina dohatiyere tiquiro cohãgũ masa ihñae tiri. Tiquina sa ihñari bato Jesu pehãgũ ihñañe masa peyequina tiquirore nũnũ tã cãri. <sup>3</sup> Topũ esana usã tiquiro buhena pehe tiquiro mehna cunũpũ mũja sa, tũ buipũ dujii. <sup>4</sup> Ti deco pascua wame tiri bose deco ijiato judio masa usã ya bose deco mehenogã dũhsari. <sup>5-6</sup> Topũ dujiro, Jesu peyequina masa tiquiro cahapũ tiquina ahtagũ ihñadoqueori. Sa ihñadoqueoro Felipere sinituri:

—¿Ahriquina masa tiquina ihyatire nohopũ dũnatari mari? nidi Felipere.

Jesu tiquiro basi tiquiro yeatire masieperota Felipere sinituri, “¿Duhse yuhtirodari?” nino. <sup>7</sup> Tiquiro sa sinitugũ tuhoro Felipe yuhtiri:

—Doscientos niñeru cjoeri pose ihyayere mari dúepégũta masare dayegã ihyayere mari itiepegũta ne esa tuhasi, nidi Felipe Jesure.

<sup>8</sup> Usã mehna cjũno Andre, Simo Pedro bahuro pehe Jesure yahuri:

<sup>9</sup> —Ihcã omope pã pacare, pũaro wahire nijino ohõ cõore. To punogãta tiquiro cuoepegũta masa pehe peyequina waro ijire. Sa yero ahri mehenogã ihyaye ne esa tuhasi, nidi Andre.

<sup>10</sup> —Masare duji dutiya mũsa, nidi Jesu usãre tiquiro buhenare.

Topũ taa dayegã ijiro ijiri. Usã duji dutigũ masa nuju sa pihtiari taa buipũ. Umũa dihitare mari queogũ cinco mil ijiri. <sup>11</sup> Tiquina sa nuju sagũ ihñano Jesu pehe pãre ne, Cohãcjũre “Quehnoare” nidi. Sa ni tuhasarota usãre tiquiro buhenare iti dutiri. Tiquiro sa dutigũ usã pehe dujiyequinare iti cãũ. Pũaro wahi gũhũre iti cãũ. Ijipihtiyequinare quehnoano tiquina esa tuharo ihyayere tiquinare itii. <sup>12</sup> Sa ye masa pehe yapia wahari. Tiquina sa yapigũ ihñano Jesu usãre nidi:

—Tiquina ihya duharire quehnoano ne peho cãhña. Sa yena tiquina ihya duharire ne bosì, nidi.

<sup>13</sup> Tiquiro sa nigũ usã pehe ihcã omope pã paca duhsarire usã ne cahmecoagũ doce pũhũse waro wijiari. <sup>14</sup> Sa ye masa ti bajumehnenore Jesu tiquiro yegũ ihñañe, ohõ saha nidi:

—Ijirota ijire. Ahriquiro Cohãcjũ yere yahu mũhtariquiro ahri yehpapũ ahtariquiro mari cohteriquirota ijire, nidi tiquina.

<sup>15</sup> Tiquina Jesure tiquina puhtoro ijiatiquiro ñehe sõ duamedì. Jesu tire masino pari turi ihcãquirola cunũpũ wahaa wahari.

#### *Jesu aco bui tiniahye*

(Mt 14.22-27; Mr 6.45-52)

<sup>16</sup> Ñamicahapũ usã tiquiro buhena ditarapũ buhaũ. <sup>17</sup> Topũre buha sa, yucũsapũ sajã, Capernau wame tiri macapũ pehãũ. Usã pehãri pje ñamipũ ijiri. Sa yero Jesu usã cahapũ ahtaerani. <sup>18</sup> Wihnono tutuaro wẽgũ, pajiri ma pahcõri wahcãri. <sup>19</sup> Ihcã omope kilõmetro esaboro waro usã esagũ waro Jesu usã cahapũ wihiri. Aco bui tiquiro ahtagũ ihñaũ usã. Sa usã cahapũ tiquiro ahtagũ ihñana usã cuei. <sup>20</sup> Sa usã cuegũ ihñano tiquiro usãre yahuri:

—Ne yuhũre ihña cueracãhña. Yuhũta ijiaja, nidi Jesu.

<sup>21</sup> Tiquiro sa nigũ tuhona usã bucueye mehna tiquirore piti ca sajã dutii. Tiquiro sajãri batogãta usã wahari yehpapũre pehã sa tuhasaũ.

#### *Masa pehe Jesure macahye*

<sup>22</sup> Ti ñamine masa topũ tojoariquina pehe ihcãriata usã pehãtiare ihñahye. Tia mehna usã pehãgũ ihñari tiquina. Jesu usã mehna tiquiro wahaeragũ gũhũre ihñari tiquina. Sa ye ape decore tiquirore cohteye nimahye. <sup>23</sup> Tiberia wame tiri macapũ ahtaye, Jesu Cohãcjũre “Quehnoare”, tiquiro nidiro cahagã cjũnopũ, masare tiquiro ihyaye itiro caha cjũnopũ wahã sahye tiquina yucũsa mehna. <sup>24</sup> Sa ye ape deco usã Jesu mehna ijirirore usã mariedagũ ihñañe, masa yucũsapũ sajã, Capernaupũ usãre nũnũ tã pehã sari. Jesure maca saye nidi tiquina.

#### *Jesu catiyere oho, ihyaye yero saha ijiriquiro ijire*

<sup>25</sup> Ditarapũ pehã, Jesure boca saye, masa sinituri tiquirore:

—¿Buhegũ, duhse ijigũ ahtari mũhũ ohõpũre? ni sinituri tiquina.

<sup>26</sup> Tiquina sa sinitugũ Jesu tiquinare yahuri:

—Ijirota niita niaja mũsare. Bajumehnedire yuhũ yepegũta yuhũ pehere wacũ tutuerare mũsa. Yuhũre wacũ tutuerapenata yuhũre macare mũsa. Yuhũ mehna bujũye ihyana, mũsa yapirina yuhũre maca cãhtari tja. <sup>27</sup> Ihyaye ne sa ijiducuerare. Camerũ pihtia wahare. Sa yena tire wacũducueracãhña. Apeye ihyaye sijoro saha ijiye ihyaye

pehere macaña m̄sa. Ti ihyayere bocana ijipihtiye decori Cohācjū mehna ijinata. Sa ye ti ihyaye p̄rita ne pihtierare. Ti ihyayere ȳh̄u mas̄ Cohācjū ohorigu m̄sare ohoutja. Cohācjū ȳh̄u Pacu ȳh̄ure tire oho dutiriquiro ijire. Cohācjū tiquiro ohorigu ȳh̄u ijiyere ih̄no tuhasari m̄sare, nidi Jesu.

<sup>28</sup> Tiquiro sa nigū tiquina sinituri tiquirore:

—¿Cohācjū tiquiro ye dutiyere yena tana d̄hse yenatari us̄a? ni sinituri tiquina.

<sup>29</sup>—Ahr̄re Cohācjū m̄sare ye dutire: “Ȳh̄u ohoriquirore wacū tutuaya”, nino m̄sare ye dutire Cohācjū, nidi Jesu.

<sup>30</sup> Tiquiro sa nigū t̄hoye tiquina oh̄o saha nidi tja:

—Cohācjū ohorigu ijigu tiquiro tutuaye mehna ye ih̄noña us̄are m̄h̄ure us̄a quehnoano wacū tutuatire. ¿Yabe borore yeitjari m̄h̄u? <sup>31</sup> Mari ñecusum̄a m̄nap̄ panop̄ cjēna masa marienop̄ maná wame tiye pacare ihyae tiahye. Cohācjū yere tiquina ojoari p̄p̄ oh̄o saha ni yahuahye: “Tiquiro tiquinare ūhm̄se cjē ihyayere ohoe tiahye tiquina ihyatire”, ni ojoahye Cohācjū yere tiquina ojoari p̄p̄. ¿Tiquiro sa yeriro sahata yeitjari m̄h̄u ḡh̄u? nidi tiquina.

<sup>32</sup> Tiquina sa nigū Jesu yahuri tiquinare:

—Ijirota niaja m̄sare. Moise ūhm̄se cjē ihyayere ohoerari m̄sare. Ȳh̄u Pacu pehe ūhm̄se cjē ihyaye potota ijiyere m̄sare ohoriquiro ijire. <sup>33</sup> Cohācjū ye ihyaye ūhm̄sepu dijia taye, ijipih̄tiri yehpa cjēnare catiyere oho masine, nidi Jesu tiquinare.

<sup>34</sup>—P̄h̄to, decoripe ti ihyayere ohoya us̄are, nidi tiquina.

<sup>35</sup> Tiquina sa nigū t̄horo Jesu yahuri tiquinare:

—Ȳh̄u pehe catiyere oho, ihyaye yero saha ijigu ijiaja. Mari ye ihyayere mari ihyari batota duita ūj̄a ahbaa wahaja mari tja. Sihniñe ḡh̄ure mari sihnidi batota aco w̄oa wahaja tja. Sa ijiepeḡta ȳh̄ure cahmediquiro, ȳh̄ure wacū tutuariquiro ūj̄a ahbaerariquiro yero saha tiquiro bucueye tiquirore pihtisi. <sup>36</sup> M̄sa pehe ȳh̄ure ih̄ñaepenata ȳh̄ure wacū tutueranine. Tireta m̄sare yahue timi ȳh̄u. <sup>37</sup> Ijipihtiyequina yeequina ijiatiquinare ȳh̄ure ȳh̄u Pacu tiquiro c̄uriquina pehe ȳh̄ure cahmeeta. Sa ye ȳh̄ure cahmeñequinare ne coh̄asi ȳh̄u. <sup>38</sup> Ūhm̄sepu ahtagu ȳh̄u cahmeno yei ahtagu niedu ȳh̄u. Ȳh̄ure ohoriquiro tiquiro cahmediro sahata yei ahtagu nii ȳh̄u. <sup>39</sup> Ahr̄ta ijire ȳh̄ure ohoriquiro tiquiro cahmeñe waro: Ijipihtiyequina yeequina ȳh̄ure tiquiro ohoriquinare ȳh̄u boeragū cahmene ȳh̄ure ohoriquiro pihtiri deco ijigū tiquina masa m̄jatire. <sup>40</sup> Ijipihtiyequina ȳh̄ure Cohācjū mac̄ure ih̄ñañequina, ȳh̄ure wacū tutuayequina ijipihtiye decori tiquiro mehna tiquina ijigū cahmene ȳh̄u Pacu. Sa yegu pihtiri decop̄ tiquinare masoutja, nidi Jesu.

<sup>41</sup> “Ȳh̄u ūhm̄sepu ahtaye ihyaye yero saha ijigu ijiaja”, tiquiro nigū t̄hoye judio masa us̄a p̄h̄toa pehe tiquiro mehna usua, tiquina basi Jesure ñano ni yahuducuri.

<sup>42</sup>—¿Ahr̄iquiro Jesu José mac̄no ijierajari? Tiquiro pac̄ro, pacoro ḡh̄ure mari masiaja. Sa yero mari yero saha pagu tiriquireta ijire. ¿Sa ijieperota d̄hsero “Ūhm̄sepu ahta”, niajari tiquiro? ni usuari tiquina.

Tiquina sa nigū t̄horo Jesu yahuri tiquinare:

<sup>43</sup>—M̄sa ȳh̄ure ñano ni yahuducuerac̄h̄ña. <sup>44</sup> Ȳh̄u Pacu ȳh̄ure ohoriquiro pehe masare ȳh̄u pehere cahmegū yere. Tiquiro sa yeragū masa pehe yeequina iji masiedaboaya. Pihtiri deco ijigū yeequinare masoutja ȳh̄u. <sup>45</sup> Cohācjū yere yahu m̄htariquina pehe oh̄o saha ni ojoahye: “Cohācjū tiquinare buherota”, ni ojoahye Cohācjū yere yahu m̄htariquinap̄. Ijipihtiyequina ȳh̄u Pacu ye buheyere t̄hoyequina, tiquirore ȳhtiyequina ȳh̄ure cahmene. Sa yeye yeequina ijire.

<sup>46</sup> Ȳh̄u Pacu ne ihc̄aquiromo mas̄no ih̄ñedare. Ȳh̄u Cohācjū ohorigu dihita ȳh̄u Pacu ih̄ña. <sup>47</sup> Ijirota niaja m̄sare. Ȳh̄ure wacū tutuariquiro ijipihtiye decori ȳh̄u Pacu mehna sa ijiducurota. <sup>48</sup> Ȳh̄u catiyere oho, ihyaye yero saha ijigu ijiaja. <sup>49</sup> M̄sa ñecusum̄a m̄na iji turiayequina masa marienop̄ maná ihyae tiahye. Sa tire ihyaepereta yariaa wahae tiahye. <sup>50</sup> Ūhm̄sepu ahtari ihyayere ȳh̄u niñe ihyayere mas̄no ihyaro, ne pecap̄ wahasi. <sup>51</sup> Ȳh̄u ūhm̄sepu ahtari ihyaye catiyere oho, ihyaye

yero saha ijigũ ijiaja yũhũ. Ahri ihyayere ihyariquiro ijipihtiye decori yũhũ Pacũ mehna sa ijiducurota. Ahri ihyaye catigũ yere. Ahri ihyaye yero saha ijiye yũhũ pagũta ijire. Ijipihtiri yehpa cjẽna Cohãcjũ mehna tiquina sa ijiducuatire yũhũ pagũre ohogũtja. Sa ohogũ yariagũtja, nidi Jesu.

<sup>52</sup> Tiquiro sa nigũ tũhoye usã acaye judio masa pehe tire ohõ saha ni yahuducuri tiquina basi:

—¿Ahriquiro dũhse ye tiquiro pagũre ihyatire ohorotari? nidi tiquina basi.

<sup>53</sup> Tiquina sa nigũ tũhoro Jesu yahuri:

—Ijirota niaja mũsare. Yũhũ masũ Cohãcjũ ohorigũ ijiaja. Yũhũ pagũre ihyeriquiro, yũhũ diire sihnieniquiro uhmũsepũ wahasi. <sup>54</sup> Sa yũhũ pagũre ihyariquirore, yũhũ diire sihnidiquirore pihtiri deco ijigũ masoutja. Sa yero uhmũsepũ sa ijiducurota tiquiro. <sup>55</sup> Yũhũ pagũ potota ihyaye waro yero saha ijire. Yũhũ dii potota sihniñe yero saha ijire. <sup>56</sup> Yũhũ pagũre ihyariquiro yũhũ diire sihnidiquiro yũhũ mehna bucueye mehna ijiducurota. Sa yegũ yũhũ gũhũ tiquiro mehna bucueye mehna ijiducuaaja. <sup>57</sup> Yũhũ Pacũ yũhũre ohoriquiro sa ijiducure. Sa ijiducuro, yũhũ gũhũre sa ijiducugũ yere. Sa yeye yũhũre sa ijiducugũre masa ihyaye, Cohãcjũ mehna uhmũsepũ sa ijiducuetã tiquina gũhũ. <sup>58</sup> Ahri tjire uhmũsepũ ahtari ihyaye. Mari ñecũsumũa mũna iji turiayequina tiquina ihyari yero saha ijierare ahri ihyaye. Tiquina pehe ti ihyayere ihyãepeta yaria pihtia wahãe tiahye. Ahri ihyaye pehere ihyariquiro uhmũsepũ sa ijiducurota, nidi Jesu.

<sup>59</sup> Capernaupũ judio masa usã buheri wũhũpũ Jesu buhero, sata ni yahuri.

*Jesu ye buheyere tũhona uhmũsepũ sa ijiducunata mari*

<sup>60</sup> Peyequina Jesure cahmeñequina tiquiro sa ni buheyere tũhoye, ohõ saha ni yahuducuri:

—Ahri buheye tutuaro mijore. Sa yena mari tũho duera cjũaja, ni yahuducuri tiquina basi.

<sup>61</sup> Tiquina sa nigũ Jesu pehe tiquina yahuducurire masidi. Sa masino tiquiro sinituri tiquinare:

—¿Ahri buheyere tũhona usuajari mũsa? <sup>62</sup> ¿Yũhũ masũ Cohãcjũ ohorigũ uhmũsepũ yũhũ tojoaa wahagũ ihñana dũhse ni tũhotunatari mũsa? ¿To gũhũre usuanatari mũsa? <sup>63</sup> Masũno tiquiro jeripohnare cũoro catire. Tiquiro pagũ pehe tiquirore catigũ yerare. Masũno tiquiro jeripohna tiquirore catigũ yero saha yũhũ buheye pehe mũsare Cohãcjũ mehna sa ijiducugũ yere. <sup>64</sup> Apequina mũsa mehna cjẽna ne yũhũre wacũ tutuerare, nidi Jesu.

Coã waropũre Jesu tiquirore wacũ tutueyequinare masidi. Sa yero tiquirore ihña tuhtieyequinare ihñootiquiro gũhũre masi tuhasari. Sa tiquirore wacũ tutueyequinare masino “Apequina mũsa mehna cjẽna yũhũre wacũ tutuerare”, nidi Jesu. <sup>65</sup> Sa ni tuhasa ohõ saha ni nemori:

—Ohõ saha ni yahumi mũsare: “Yũhũ Pacũ masare yũhũ pehere cahmegũ yere. Tiquiro sa yeragũ masa pehe yeequina iji masiedaboaya”, mũsare nie timi, nidi Jesu.

<sup>66</sup> Tiquiro sa ni buhegũ tũhoye peyequina Jesure cahmemediquina tiquirore cohã, tiquiro mehna pari turi wahaerari. <sup>67</sup> Tiquina sa yegũ ihñano Jesu usãre doce tiquiro buhenare sinituri:

—¿Mũsa gũhũ yũhũre cohãnatjari? ni sinituri usãre. <sup>68</sup> Tiquiro sa nigũ Simo Pedro yũhtiri tiquirore:

—Pũhto, usãre apequiro buheriquiro mariedare. Mũhũ ye buheyere tũhona Cohãcjũ mehna sa ijiducunãtja usã. Mũhũ ye buheye dihita tire yahure usãre. <sup>69</sup> Sa yena usã mũhũre wacũ tutuaja. Sa yena mũhũ quehnoagũ, Cohãcjũ macũ tiquiro ohorigũ mũhũ ijigũ usã masiaja. Sa yena mũhũre cohãsi usã, nidi Simo Pedro Jesure.

<sup>70</sup> Tiquiro sa nigũ tũhoro Jesu yahuri usãre:

—Yũhũ pehe mũsare doce besei. Sa ijiepegũta ihcãquiro mũsa mehna cjũno watĩno yaquiro ijiatiquiro ijire, nidi usãre tiquiro buhenare.



<sup>71</sup> Sa nino Judare Simo Iscariote macunore nino nidi. Juda pehe doce usã mehna cjũno Jesure ihña tuhtiyequinare ihñoatiquiro ijiri.

## 7

*Jesu acaye tiquirore “Cohãcjũ macuno ijire”*, ni, ne masiedahye

<sup>1</sup> Came Jesu Galilea yehpapũ tinino wahari. Judea yehpapũ judio masa tiquirore wejẽ duari. Tiquina sa wejẽ duagũ masino tiquiro ti yehpapũ wahaerari. <sup>2</sup> Judio masa daye wuhusegã usã yeati bose deco mehenogã dũhsatjãri. <sup>3</sup> Sa ye Jesu bahana tiquirore yahuri:

—Judeapũ wahaya. Topũ mũhũ yequinare mũhũ bajumehneñene ihñogũ wahaya mũhũ. <sup>4</sup> Masare mũhũ bajumehneñene ihño duagũ ne nũosi mũhũ. Ye ihñono cahmene. Potota ahri bajumehneñene ye masigũ ijigũ tire masare ihñoña, nimedi tiquina.

<sup>5</sup> Tiquiro bahana ijiepetã Jesure “Cohãcjũ macuno ijire”, niedari. Sa yeye sa nidi tiquina tiquirore. <sup>6</sup> Tiquina sa nidi bato Jesu yahuri tiquinare:

—Masa yuhũre tiquina quehnoano masiati pje dũhsarĩne. Mũsa ihña duana bose deco ijigũ waha masine. <sup>7</sup> Ahri yehpa cjẽna mũsa pehere ihña tuhtierare. Tiquina ñañe yerire yuhũ yahugũ tiquina yuhũ pehere ihña tuhtire. <sup>8</sup> Bose deco ijigũ wahaya mũsa sehsaro. Yuhũ pehere yuhũ wahati pje dũhsarĩne. Sa yegũ yuhũ pehe bose decore mianogãre ihñau wahaĩsi, nidi Jesu tiquinare.

<sup>9</sup> Sa nino tiquiro Galileapũ tojoari.

*Jesu daye wuhusegã tiquina yeri bose deco ijigũ wahahye*

<sup>10</sup> Bose decopũ Jesu bahana tiquina wahari bato Jesu gũhũ tiquina bato wahari. Sa waharo masa tiquina ihñeno watoa wahari. <sup>11</sup> Bose deco ijiequina judio masa usã pũhtoã tiquirore macari:

—¿Nohopũ ijiagari tiquiro? ni sinituahye tiquina.

<sup>12</sup> Sa ye masa gũhũ Jesure peyequina yahu wajahye. Apequina “Tiquiro quehnoariquiro ijire”, niahye. Apequina “Tiquiro ñariquiro ijire. Masare mehoriquiro ijire”, ni yahu wajahye tiquina.

<sup>13</sup> Sa niepeta judio masa usã pũhtoãre cueye masa tiquina ihñenopũ Jesure yahu wajahye.

<sup>14</sup> Bose decori deco mehna dũhsagũ Cohãcjũ wuhũpũ Jesu sajã saro, buheri. <sup>15</sup> Tiquiro sa buhegũ usã acaye judio masa tuho maria waha, ohõ saha nidi:

—¿Ahriquiro buheropũ buhemehnediquiro ijieperota dũhsero quehnoano masi pehoajari? nidi tiquina basi tiquirore.

<sup>16</sup> Tiquina sa nigũ Jesu yahuri tiquinare:

—Yuhũ buheri yee yahuducuye ijierare. Yuhũre ohoriquiro ye yahuducuye pehe ijire ahri buheye. <sup>17</sup> Cohãcjũ cahmeñene ye duayequina yuhũ buheye pehere Cohãcjũ ye yahuducuye ti ijigũ masieta. Yuhũ esa tuharo yuhũ buheragũ gũhũre masieta tiquina. <sup>18</sup> Ihcãquiro tiquiro esa tuharo tiquiro masiñe mehna buhero “Yuhũ dihitarẽ ño peoya”, nino nine tiquiro. Sa ijiepegũta yuhũre ohoriquiro pehere mũsa ño peogũ cahmeaja yuhũ pehe. Yuhũ sa nigũ tuhona “Potota ni yahuducure tiquiro. Ne mehoedare”, ni masinata mũsa.

<sup>19</sup> Cohãcjũ dutiyere Moise mũnãno pehe cũahye mũsare. Tiquiro sa cũepẽgũta mũsa ijipihtina ti dutiye pehere ne yũhtierari. ¿Dũhsena yuhũre wejẽ duajari mũsa? nidi Jesu usã acaye judio masare.

<sup>20</sup> —Tuho masiedare mũhũ. Watĩnore cũore mũhũ. Mũhũre wejẽ duayequina mariedare, ni yũhtiri tiquina Jesure.

Tiquina sa nigũ Jesu yũhtiri:

<sup>21</sup> —Mari judio masa mari sori deco saurũ ijigũ ihcã tahata Cohãcjũ tutuaye mehna dohatiriquiro tiquiro dohatiyere yuhũ cohãgũ mũsa ihña maria wahari. <sup>22</sup> Mari ñecũsumũa mũna panopũ cjẽna pehe tiquina pagũre cuhnucunũ sohtoã cahserogãre yuhũre neñequina tiquina yeriro sahata Moise yuhũre ne dutiahye. Potota Moise pehe

ti dutirore cūedahye. Mari ñecusumna muna iji turiayequina pehe tire cū, yahu turiahye. Tiquiro sa dutigū saurú sori deco ijiepegūta masunore tiquiro cuhnucunā sohtoa cahserogāre yūhre nene mūsa. <sup>23</sup> Saurú ijigū masunore tiquiro cuhnucunā sohtoa cahserogāre yūhre nene mūsa, Moise dutiyere yena tana. ¿Mūsa gūhū saurú decore tire yepenata ti decopū dohatiriquirore yūhū yūhdūogū dūhsena yūhū mehna usuajari mūsa? <sup>24</sup> Yūhū yerire mūsa quehnoano masiedapenata, yūhūre ñano tūhotueracāhña. Mūsa quehnoano masidi bato yūhūre mūsa tūhotugū potota ijirota. Yūhū yerire masina, queoro masiña mūsa, nidi Jesu.

*Jesu coā waropū* tiquiro ahtarirore yahuahye

<sup>25</sup> Tiquiro sa ni yahuri bato meheñequinagā Jerusalē cjēna tiquirore ohō saha ni yahu wajari:

—¿Ahriquiuro judio masa pūhtoa tiquina wejē duariquiuro ijierajari? <sup>26</sup> Sa yero tiquirore tiquina wejē duepegūta ijipihtiequina ihñono masare buhero nine tiquiro. Sa ye tiquirore wejē duayequina ijiepeta sa ihña cāre. ¿“Tiquiro potota Cristo ijire”, ni, tūhotuagari pūhtoa pehe? <sup>27</sup> Sa ijiepegūta ahriquiuro Jesu tiquiro ahtarirore mari masiaja. Cristo pehe masare yūhdūoatiquiuro tiquiro ahtagū tiquiro ahtariro pehere masimehnedare. Sa yero masare yūhdūoatiquiuro Cristo waro ijierare Jesu, ni yahu wajari tiquina Jerusalē cjēna.

<sup>28</sup> Tiquina sa niñene masino, Jesu ohō saha ni tutuaro sañuducu buheri Cohācjū wūhūpū:

—Yūhūre ohō saha ni tūhoture mūsa: “Tiquirore masiaja. Sa yena tiquiro ahtariro gūhūre masiaja”, ni tūhotumene mūsa. Mūsa sa ni tūhotuepenata yūhūre ohoriquiurore ne masiedare mūsa. Yūhūre ohoriquiuro poto niniquiuro, poto yeriquiro ijire. Tiquirore ne masiedare mūsa. <sup>29</sup> Tiquirota yūhūre ohori. Sa yegū tiquiro cahapūta ahtaū. Sa yegū yūhū pehe tiquirore masiaja, nidi Jesu judio masare.

<sup>30</sup> Tiquiro sa nigū tūhoye tiquirore ñehe duamedī. Tiquina sa ñehe duepegūta Jesu tiquiro ñano yūhdūati pje dūhsarīdi. Sa ye tiquina tiquirore ñehe masiedari. <sup>31</sup> Apequina masa pehe peyequina tiquirore wacū tutuaye, ohō saha nidi:

—“Cristo peye tahari Cohācjū tutuaye mehna ye ihñonota”, panopū tiquina ni yahu mūhtariro sahata ahriquiuro Jesu pehe peye tahari Cohācjū tutuaye mehna ye ihñore. Ijipihtiequina apequina yūhdūoro Cohācjū tutuaye mehna ye ihñore tiquiro. Sa yero Cristo Cohācjū ohoriquiurota ijire ahriquiuro Jesu, nidi Jesure wacū tutua dūcayequina.

*Fariseo masa Jesure peresu ye dutiahye*

<sup>32</sup> Masa Jesure tiquina sa ni yahuducugū tūhoahye fariseo masa. Sa ye tiquina, pahia pūhtoa mehna Jesure ñehe dutiye ohoahye surarare, Cohācjū wūhūre cohteyequinare.

<sup>33</sup> Sa yero Jesu judio masare ohō saha nidi:

—Meheñe decorigā mūsa mehna ijiniitja. Sa yegū mehenogā bato yūhūre ohoriquiuro cahapū wahaūtja. <sup>34</sup> Yūhū ijiatore mūsa waha masiedare. Sa yena yūhūre macaepenata ne bocasi mūsa, nidi Jesu judio masare.

<sup>35</sup> Tiquiro sa nigū tūhoye tiquina basi ohō saha ni yahuducuri:

—¿Ahriquiuro sa nino nohopū waharotari, mūsa tūhotugū? ¿Griego masa cahapū judio masa waha siteriquina tiquina ijiye macaripū griego masapūre buhero wahaboagari ahriquiuro? <sup>36</sup> ¿“Yūhū ijiatore mūsa waha masiedare. Sa yena mūsa yūhūre macaepenata ne bocasi”, tiquiro nigū dūhse nino boro ahriquiuro sa niajari? ni yahuducuri judio masa tiquina basi.

*Catigū yeye mārīne yahuahye Jesu*

<sup>37</sup> Bose deco bato tiri deco ti deco waro ijiro nidi. Ti decore Jesu topū ducuro, tutuaro mehna sañuducu yahuri:

—Aco wūoyequina acore tiquina tutuaro cahmeno saha ijipihtie decori Cohācjū mehna mūsa ijiatire tutuaro cahmena yūhūre siniña. Mūsa sa sinigū tiquiro yequina mūsa iji dutiitja. <sup>38</sup> Yūhūre wacū tutuayequinare ohō saha ni ojoahye Cohācjū yere

tiquina ojoari pūr̃: “Mári pohterip̃ catigū yeye aco sa wijiaducuro sahata catigū yeriquiro tiquina mehna sa ijiducurota”, ni ojoahye Cohācjū yere tiquina ojoari pūr̃, ni yahuri Jesu judio masare.

<sup>39</sup> Sa catigū yeriquirore wame peo yahuro “Yūhure wacū tutuayequina Espiritu Santore cūoeta”, nino nidi Jesu. Tiquiro ūhm̃sep̃ tiquiro m̃jaedarīgū Espiritu Santo pehe wihieraniahye.

*Judio masa tu wahye p̃na curua*

<sup>40</sup> Jesu tiquiro sa nigū tūhoye, masa peyequina ohō saha ni yahuducuri:

—Ahriquiro potota Cohācjū yere yahu m̃htariquiro mari cohteriquiro ijire, nidi masa.

<sup>41</sup> Ohō saha nidi apequina gūh̃:

—Ahriquiro Cristo marine yūhd̃oatiquiro ijire, nidi.

Apequina pehe ohō saha nidi:

—Cristo ahtarō, Galilea yehpa cjūno ijisi tiquiro. Ahriquiro Jesu pehe to cjūnota ijire.

<sup>42</sup> Cristo Davi m̃ñano panamino ape tjuro cjūno ijiatiquiro ijirota. Sa yero Davi ya maca ijirip̃ Belēp̃ Cristo masa bajarota. Ohō saha ni yahure Cohācjū yere tiquina ojoari pūr̃. Ahriquiro Jesu pehe Belēp̃ masa bajarahye. Sa yero tiquiro Cohācjū ohoriquiro Cristo waro ijierare, nidi tiquina.

<sup>43</sup> Sa ye Jesure tūhomediquina p̃na curua tu wari tiquina basi. <sup>44</sup> Meheñequinagā masa pehe Jesure ñehe duamedi. Sa ñehe duepeta tiquirore ñehedari.

*Judio masa p̃h̃toa Jesure ne wacū tutuerahye*

<sup>45</sup> Sa ye surara pahia p̃h̃toa cahap̃ fariseo masa cahap̃ tojoaa wahahye. Tiquina tojoa sagū ihñañe tiquina surarare sinituahye:

—¿Dūhsena Jesure ñehedari m̃sa? ni sinituahye tiquina pehe.

<sup>46</sup> —Tiquiro quehnoa yūhd̃aro yahuducuriquiro ijiri. Apequina tiquiro yero saha yahuducuyequina ne mariedare, ni yūhtiahye surara tiquinare.

<sup>47</sup> Tiquina sa nigū fariseo masa pehe ohō saha ni yahuahye:

—¿M̃sare tiquiro mehogū “Potota nino niaga”, niajari m̃sa gūh̃? <sup>48</sup> Mari p̃h̃toa Jesure wacū tutueyequina ijiye ne tiquirore cahmedare. Ūsā gūh̃ sa ijina tiquirore cahmedaja. <sup>49</sup> Ahriquina masa pehe Cohācjū dutiyere Moiserē tiquiro cūrire masiedare. (Sa masieñequina ijiye Jesure wacū tutuayequina ijiye, tiquirore cahmene.) Tiquina sa cahmedi buhiri tiquinare mari Pacū buhiri dahrerota, niahye fariseo masa.

<sup>50</sup> Fariseo mas̃no Nicodemo Jesure yahuducuro esariquiro top̃ ijiahye tiquina mehna. Tiquina sa nigū tūhoro ohō saha niahye tiquiro tiquinare:

<sup>51</sup> —Jesu ñano yerire masiedaja mari. Sa masiedana marine tiquiro yahuato pano tiquirore buhiri dahre masiedaja mari. Sa masiedapenata tiquirore buhiri dahrena, mari ye dutiyere yūhd̃ucana niaja mari, niahye Nicodemo tiquinare.

<sup>52</sup> Tiquiro sa nigū tūhoye ohō saha ni yūhtiahye tiquina:

—¿M̃h̃ gūh̃ tiquiro yero saha Galilea cjūta ijajari? Cohācjū yere tiquina ojoari pūr̃ buhe pehoya. Sa buhegū “Cohācjū yere yahu m̃htariquina ne ihcāquiro mariedare Galileare”, ni buhe masiita m̃h̃. (Sa yero sa ni maca cāno nine Jesu,) ni yūhtiahye tiquina Nicodemore.

[ <sup>53</sup> Tiquina sa nidi bato tiquina ye wūh̃sep̃ tojoaa wahahye.

## 8

*Ūm̃no mehna ñano yericorore judio masa p̃h̃toa wacūeno mehna esa pjeahye*

<sup>1</sup> Jesu cūnp̃ Olivo wame tid̃p̃ wahari. <sup>2</sup> Sa yero bohrearo Cohācjū wūh̃p̃ tiquiro esari tja. Tiquiro esagū ihñañe masa peyequina tiquiro cahap̃ cahmecoari. Tiquina sa cahmecoagū ihñano tiquiro pehe d̃ujitjāno tiquinare buhe d̃ucari. <sup>3</sup> Tiquiro sa buheri watoa ūsā acaye judio masa buheyequina, fariseo masa mehna ti wūh̃p̃ nūminore ne cāhtari. Ticoro ūm̃no mehna ñano yegū waro wacūeno mehna esa pjeahye tiquina

ticorore. Sa esa pjeje ticorore Cohācjū wuhupū ne sajāri tiquina. Ne sajā sa tuhasa ijipihtiyequina ihñono ticorore duhu docoye ohō saha nidi:

<sup>4</sup> —Buhegū, ahricoro umano mehna ñano ticoro yegū waro wacūeno mehna ticorore esa pjei. <sup>5</sup> Cohācjū dutiyere Moise mnanopū marine tiquiro cūri ohō saha nine: “Umāno mehna ñano yericorore utā paca mehna doque wejēña”, niahye Cohācjū dutiye. ¿Muhū waro dahse ni tuhotaajari ahrire? ni sinituri tiquina Jesure.

<sup>6</sup> Jesu ñano nigū taho duaye nimesi tiquina tiquirore yahusāñe tehe. Tiquina sa sinituepegūta Jesu muhri quehe, yehpapū tiquiro omo piria mehna ojoari. <sup>7</sup> Sa tiquina ni sinituducugū Jesu pehe wahcā nuju sa, tiquinare yahuri:

—Musa mehna cjūno ñano yerariquiro ticorore utā mehna doque mūhtaahdo, nidi Jesu.

<sup>8</sup> Sa ni tuhasa pari turi muhri quehe, yehpapū ojoari tja. <sup>9</sup> Tire tuhoye tiquina ñañe yerire wacūñe, tiquina wahmisumua pehe wijia mūhtari. Tiquina bato tiriquina mehna cjēna gūhū wijia pihtia wahari. Sa yero numino topū ducuricoro Jesu mehna tojoari. <sup>10</sup> Sa yero Jesu wahcā nuju sa ticorore sinituri:

—¿Nohopū wahajari tiquina? ¿Muhūre buhiri dahre duamediquina mariedajari yojoapūre? nidi ticorore.

<sup>11</sup> —Mariedare pūhto, ni yūhtiri ticoro.

—Yūhū gūhū buhiri dahreraja mūhūre. Wahaya. Sa yego ñañene ye nemoedacāhña, nidi Jesu ticorore.]

*Buhriero marine ihña masigū* yero saha Jesu ahri yehpa cjēnare mari Pacūre masigū yere

<sup>12</sup> Pari turi Jesu ti wuhupū ijিয়েquinare yahuri:

—Buhriero marine to ihña masigū yero sahata yūhū ahri yehpa cjēnare Cohācjūre masigū yeaja. Yūhūre wacū tutuariquiro ijipihtiye decori Cohācjū mehna sa ijiducurota. Sa yero tiquiro quehnoañene wacūnota. Sa yero tiquiro ñañene wacū duerare, ni yahuri Jesu.

<sup>13</sup> Tiquiro sa nigū tiquirore fariseo masa ohō saha nidi:

—Muhū basi mūhū ijiye tiyere sa ni yahuducugū nine. Sa ye mūhū ohō saha ni mūhū esa tuharo mūhū ni yahuducu maca quēhe ne dahseati ijierare, nidi tiquina Jesure.

Tiquina sa nigū Jesu yūhtiri:

<sup>14</sup> —Yūhū ahtarirore masiaja yūhū. Yūhū wahato gūhūre masiaja yūhū. Musa ne tire masiedare. Musa ohō saha niepegūta yūhū ijiye tiyere musare yūhū yahuri poto tjire.

<sup>15</sup> Musa esa tuharo musa ihñari dihitare masine musa. Sa yena quehnoano masiedare musa. Sa masiedapenata yūhūre ñano ni yahuducure musa. Yūhū pehe yūhū esa tuharo masare ne sa niedaja. <sup>16</sup> Sa yegū masa tiquina ijiye tiyere ihña masigū yūhū esa tuharo ihña masiedaja. Yūhū pūrita yūhūre ohoriquiro mehna ihña masiaja. Sa yegū masa tiquina ijiye tiyere yūhū ihña masiñe poto tjire. <sup>17</sup> Musare dutiye tiquina ojoari pū ohō saha ni yahure. “Pūaro masa ihcāno saha tiquina yahugū ohō saha tiquina yahuyē poto tjire”, ni yahu ojoari jiri. <sup>18</sup> Yūhūre yahuriquiro mehna usā pūana tjiaja. Yūhū ijiye tiyere yahuaaja yūhū. Sa yero yūhū Pacū gūhū yahure yūhū pehere. Tiquiro tjire yūhūre ohoriquiro, nidi Jesu.

<sup>19</sup> —¿Nohopū ijiagari mūhū pacū? ni sinituri tiquina.

—Yūhūre musa masiedare. Yūhū Pacū gūhūre masiedare musa. Yūhūre masina, yūhū Pacū gūhūre masiboaga musa, ni yūhtiri Jesu tiquinare.

<sup>20</sup> Jesu tiquinare buhero sa ni yahuducuri Cohācjū wuhupū tiquina niñeru sāñe acari cahapū. Tiquiro ñano yūhūatī pje ijieranidi. Sa ye tiquina mehna tiquiro ijiepegūta tiquina tiquirore ñehedari.

—Yūhū wahatopūre musa pehe waha masisi, niahye Jesu

<sup>21</sup> Pari turi Jesu tiquinare yahuri tja:

—Yuhũ ahtariorpũ wahautja. Yuhũ wahari bato m̄sa yuhũre macanata. Sa yena m̄sa ñañe buhiri tiye mehna yarianata. Yuhũ wahatopũre m̄sa pehe waha masisi, ni yahuri Jesu.

<sup>22</sup> —“Yuhũ wahatopũre m̄sa pehe waha masisi”, tiquiro nigũ tũhoye, “¿Ahriquiro tiquiro basi wejẽ yariarotari, sa nino?” nidi usã acaye judio masa tiquina basi.

<sup>23</sup> Tiquina basi sa nigũ Jesu yahuri tiquinare:

—M̄sa pehe ahri yehpa cjãna ijire. Yuhũ pehe uhmũse cjũ ijiaja. Ahri yehpapũ bajarina ijire m̄sa pehe. Uhmũsepũ ahtarigũ ijiaja yuhũ pehe. <sup>24</sup> M̄sa yuhũ ijiye tiyere yuhũ nidire “Poto ijierare”, nina, m̄sa ñañe buhiri tiye mehna yarianata m̄sa. Sa yegũ “M̄sa ñañe buhiri tiye mehna yarianata m̄sa”, nimi m̄sare, nidi Jesu tiquinare.

<sup>25</sup> —¿Noa boro ijiajari m̄hũ? ni sinituri tiquina.

—Coã waropũre yuhũ niducuriro sahata ijiaja yuhũ. <sup>26</sup> M̄sare yuhũ yahuati pajiro dũhsarĩne. Sa yero m̄sa ñano yeri buhirire m̄sare yuhũ yahuati pajiro dũhsarĩne. Sa yegũ yuhũre ohoriquiro tiquiro yahurire ahri yehpa cjẽnare yahuaja. Tiquiro yahuri poto tjire, nidi Jesu tiquinare.

<sup>27</sup> “Yuhũre ohoriquiro”, tiquiro nigũ tũhoye, “Mari Pacũ ijiaja”, ni tũhotuerari tiquina. <sup>28</sup> Tiquina sa ni tũhotueragũ ihãno Jesu yahuri tiquinare.

—Yuhũre masũre Cohãcjũ ohorigũre m̄sa yucũ teõ mehna wahcõ doconata. M̄sa sa yena, “Tiquiro Cohãcjũ ohoriquiro tjire”, ni masinata m̄sa yuhũre. Sa yena yuhũ esa tuharo yuhũ yerarigũ ijigũ masinata m̄sa. Sa yena yuhũ Pacũ yuhũre tiquiro buheri dihitare yahurigũ yuhũ ijigũ gũhũre masinata m̄sa. <sup>29</sup> Sa yero yuhũre ohoriquiro pehe yuhũ mehna ijire. Tiquiro cahmeñene ijipihtiyere decori yeducuaja. Sa yero yuhũre tiquiro ne cohãedare, nidi Jesu.

<sup>30</sup> Tiquiro sa nigũ tũhoye, tiquirore masa peyequina wacũ tutuari.

*Cohãcjũ* pohnene, ñañe yeyequina gũhũre yahuahye Jesu

<sup>31</sup> Sa ye apequina judio masa Jesure wacũ tutuari. Sa yero Jesu tiquinare yahuri:

—Yuhũ dutiyere ye pehona, potota yuhũ buhena ijire m̄sa. <sup>32</sup> Sa yena poto masinata m̄sa. Poto ijiyere masina, ñañe yeyere duhu masinata. Sa yena cahacjẽna yero saha iji nemosi m̄sa, nidi Jesu tiquinare.

<sup>33</sup> Tiquiro sa nigũ tũhoye ohõ saha ni yũhtiri tiquina:

—Usã pehe panorpũ cjũno Abrahã m̄nano panamena iji turiana ijiaja. Sa yena ne apequina tiquina cahacjãna ijieraja usã. ¿Sa yegũ “Cahacjẽna yero saha iji nemosi”, nigũ, dũhse ijiro boro usãre sa niajari m̄hũ? ni sinituri tiquina Jesure.

<sup>34</sup> Tiquina sa nigũ tũhoro ohõ saha nidi tiquiro:

—Ijirota niaja m̄sare. Ijipihtiyequina ñañene yeyequina pehe tiquina ñañene ye duhu masiedare. Sa yero ñañe pehe tiquina pũhtoro yero saha ijire. Sa ijiyequina ijiye cahacjẽna yero saha ijire tiquina. <sup>35</sup> Cahacjũno pehe tiquiro pũhtoro ya curua cjũno ijipihtiyere decori ijiducuerare. Ti wũhũ cjũno macũno pehe ijipihtiyere decori potota ti curua cjũno ijire tiquiro. (Yuhũ pehe Cohãcjũ macũ ijiaja. Sa yegũ dutigũ ijiaja. M̄sa ñañe yeyere duhu dutiitja.) <sup>36</sup> Sa yena yuhũ Cohãcjũ macũ ñañene yuhũ duhugũ yenhurina ijina potota ñañene duhurina ijire m̄sa. <sup>37</sup> Abrahã m̄nano panamena iji turiana m̄sa ijigũ masiaja. Sa ijiepenata yuhũ yahuyere pehere tũho duerare m̄sa. Sa yena yuhũre wejẽ duare m̄sa. <sup>38</sup> Yuhũ Pacũ yuhũre tiquiro masigũ yerire yahuaja m̄sare. Yuhũ sa yahuepegũta m̄sa pacũ watĩno m̄sare tiquiro dutiyere yere m̄sa gũhũ, nidi Jesu tiquinare.

<sup>39</sup> —Abrahã m̄nano panorpũ cjũno usã ñecũ m̄nano ijie tiahye. Sa yero watĩno usã pacũ ijierare, ni yũhtiri tiquina.

Tiquina sa nigũ Jesu yũhtiri:

—Abrahã panamena iji turiana ijina, tiquiro yeriro sahata yeboaga m̄sa. <sup>40</sup> Cohãcjũ yuhũre poto tiquiro yahuyere m̄sare yuhũ yahuepegũta yuhũre wejẽ duare m̄sa.



Abrahã m̄nano pehe ne sa yera tiahye. <sup>41</sup> M̄sa pacu tiquiro yeriro sahata yere m̄sa, nidi Jesu tiquinare.

Tiquiro sa nigũ tiquina yũhtiri:

—Omoca dũhtemehneñequina pohna ijieraja usã. Ihcãquirota ijire usã Pacu. Tiquirota ijire Cohãcjũ, nidi tiquina.

<sup>42</sup> Tiquina sa nigũ Jesu yũhtiri:

—Cohãcjũ mehna cjũ ijigũ, ohõpũre ahtau. Sa yena Cohãcjũ m̄sa Pacu tiquiro ijigũ yũhũre cahĩboya m̄sa. Yũhũ esa tuharo ahtaeru yũhũ pũrita. Cohãcjũ tiquiro ohogũ ahtau ohõpũre. <sup>43</sup> ¿Dũhsena yũhũ yahuducuyere tũhoerajari m̄sa? Yũhũ yahuyere tũho duerare m̄sa. Sa yena tũhoerare m̄sa. <sup>44</sup> M̄sa pacu pehe watĩno ijire. Sa yena watĩno cahmeñe pehere ye duare m̄sa. Ahri yehpa coã waropũ to iji dũcagũpũ, yojopũ gũhũre tiquiro masare wejẽdiquiro ijire. Tiquirore poto yahuducuye mariedare. Sa yero tiquiro ne poto yahuducuerare. Tiquiro coã waropũre ni meho mũhta dũcariquiro ijie tiahye. Sa yero tiquiro sa ni mehoducuriquiro ijiro, ni mehoñene yahure. <sup>45</sup> Yũhũ pehe m̄sare poto yahuaja. Sa yũhũ yahuepegũta yũhũre tũhoerare m̄sa. <sup>46</sup> “Mũhũ ñano yegũ ijire”, yũhũre ni masiedare m̄sa. ¿Poto m̄sare yũhũ yahuepegũta dũhsena tũhoerajari m̄sa? <sup>47</sup> Cohãcjũ pohne pehe tiquiro yahuducuyere tũhore. Tiquiro pohne ijierana, tiquiro yahuducuyere tũho duerare m̄sa, nidi Jesu tiquinare.

*Abrahã tiquiro ijiato pano Cristo pehe iji tuhasae tiahye*

<sup>48</sup> Tiquiro sa nigũ tũhoye judio masa tiquirore ohõ saha nidi:

—“Mũhũ Samaria cjũ ijire. Sa yegũ watĩnore cũore mũhũ”, usã nidi poto tjire, nidi tiquina Jesure.

<sup>49</sup> Tiquina sa nigũ tũhoro ohõ saha ni yũhtiri Jesu:

—Watĩnore cũoeraja yũhũ. Yũhũ Pacure ño peoaja. M̄sa pehe yũhũre ño peoerare. <sup>50</sup> Yũhũre masa tiquina ño peogũ cahmedaja yũhũ. Yũhũ Pacu pehe yũhũre ño peogũ cahmene masare. Tiquiro pũrita yũhũ ijiye tiyere quehnoano ihña masino, sata ño peo dutire. Sa yero yũhũre tiquina cahmedari buhiri, buhiri dahreatiquiro ijirota tiquiro. <sup>51</sup> Ijirota niaja m̄sare. Yũhũ dutiyere yeriquiro ijipihtiye decori Cohãcjũ mehna sa ijiducurota, nidi Jesu.

<sup>52</sup> Tiquiro sa nigũ tũhoye ohõ saha nidi tiquina:

—Yojopũ pũritare watĩnore cũogũ mũhũ ijigũ usã quehnoano masiaja. Abrahã m̄nano yariaa wahahye. Cohãcjũ yere yahu mũhtariquina gũhũ yaria pihtia wahahye. ¿Sa yegũ “Yũhũ dutiyere yeriquiro ijipihtiye decori Cohãcjũ mehna sa ijiducurota”, nigũ dũhse nigũ sa niajari mũhũ? <sup>53</sup> ¿Usã ñecu m̄nano Abrahã yũhdũoro tutuajari mũhũ? Tiquiro, Cohãcjũ yere yahu mũhtariquina gũhũ yariaa wahahye. ¿Mũhũ pehe noa boro ijiajari mũhũ, sa ni yahuducugũ? Mũhũ sa nibogũ ijierare, nidi tiquina.

<sup>54</sup> Tiquina sa nigũ tũhoro Jesu yahu nemori:

—Yũhũ basi “Tutuagu ijiaja yũhũ”, yũhũ nigũ, tutuagu ijieraboaga yũhũ. Yũhũ Pacu pehe “Tiquiro tutuariquiro ijire”, nine yũhũre. “Usã Pacu”, m̄sa nidiquiro pehe yũhũ Pacu tjire. <sup>55</sup> M̄sa pehe yũhũ Pacure ne masiedare. Yũhũ pehe tiquirore masiaja. “Tiquirore masiedaja”, nigũ m̄sa yero saha ni mehoñe peyagu ijiboaga yũhũ. Potota tiquirore masiaja. Sa yegũ tiquiro dutiyere yeaja. <sup>56</sup> Ahri yehpapũ yũhũ ahtatore mari ñecu Abrahã m̄nano masie tiahye. Sa masino tiquiro bucuee tiahye, nidi Jesu.

Tiquiro sa nigũ tiquina yũhtiri:

<sup>57</sup> —Cincuenta cũhmari cũoeraga mũhũ. Abrahã m̄nano panopũ cjũno ijiri. ¿Yojopũre tiquiro m̄nanore mũhũ dũhse masiboagari? nidi judio masa Jesure.

<sup>58</sup> —Ijirota niaja m̄sare. Abrahã tiquiro ijiato pano yũhũ pehe iji mũhta tuhasae tii, nidi Jesu tiquinare.

<sup>59</sup> Tiquiro sa nigũ tũhoye tiquina pehe utã pacare ne, tiquirore doque duamedii. Tiquina sa doque duepegũta Jesu pehe Cohãcjũ wũhũpũ ijiriquiro duhti wijiaa wahari.

## 9

*Caperi bajueriquirore ihñagũ yeahye Jesu*

<sup>1</sup> Sa yena Jesu ʘsã tiquiro buhena mehna mahapũ wahana, apequirore caperi bajueriquirore boca sau. Tiquiro wahma masa bajaropũta caperi bajueriquiro ijie tiahye.

<sup>2</sup> ʘsã gũhũ tiquirore ihñana, sinituu Jesure:

—¿Buhegũ, ahriquiro dũhsero caperi bajueriquiro masa bajuayari? ¿Ñañene yeyari tiquiro sa waharo? ¿O tiquiro pacũsumũa pehe ñañene yeyari tiquiro sa wahagũ? ni sinituu ʘsã pehe Jesure.

<sup>3</sup> ʘsã sa nigũ tũhoro ohõ saha ni yũhtiri tiquiro:

—Ahriquiro ñañene yeri buhiri caperi bajueriquiro wahaerari. Tiquiro pacũsumũa gũhũ ñañene tiquina yeri buhiri caperi bajueriquiro wahaerari. Cohãcjũ tiquirore caperi bajueragũ yeri tiquirore ihñagũ yero taro, masare tiquiro ihñoatire. <sup>4</sup> Yũhũre ohoriquiro tiquiro cũrire yojopũre yero cahmene marine. Ñamipũ mari dahra masieno sahata camepũ yũhũre ohoriquiro tiquiro cũrire ye masiedaja mari. <sup>5</sup> Ahri yehpapũ buhrioro marine to ihña masigũ yero saha ijigũ ahri yehpa cjẽnare Cohãcjũ yere masigũ yeaja yũhũ, nidi Jesu.

<sup>6</sup> Sa ni tuhasarota yehpapũ sihco puti cũri. Tiquiro sa sihco puti cũrire dihta mehna dahra more, caperi bajueriquirore tiquiro caperire wisõri. <sup>7</sup> Sa wisõno ohõ saha nidi Jesu:

—Siloé wame tiri copepũ cuhsari copepũ mũhũ caperire cosegũ wahaya, nidi Jesu.

Siloé ʘsã ye mehna niñe “Ohori cope”, niñe nidi.

Jesu tiquiro caperire cose dutiriquiro pehe waha, cose, caperi ihñariquiropũ tojoa wihiri. <sup>8</sup> Tiquiro tojoa wihigũ tiquiro cahapũ ijiyequina tiquirore ihñari. To pano niñeru sinimediquiro tiquiro ijigũ ihñariquina tiquirore ohõ saha nidi tiquina basi:

—¿Ahriquiro sohõ ijiriquiro niñeru sinidiquiro ijierajari? nidi tiquina.

<sup>9</sup> —Tiquirota ijire, nidi apequina pehe.

—Tiquiro ijierare. Tiquiro saha bajuriquiro ijire, nidi apequina pehe.

Tiquina sa nigũ tũhoro caperi bajueramediquiro pehe ohõ saha nidi:

—Tiquiro tjiaja yũhũ, nidi tiquinare.

<sup>10</sup> Tiquiro sa nigũ masa tiquirore sinituri.

—¿Caperi bajuegũ ijirigũ dũhse waha ihñari mũhũ? ni sinituri tiquina tiquirore.

<sup>11</sup> —Jesu wame tiriquiro sihco co mehna dihta mehna dahra more, yũhũ caperire wisõri. Yũhũre wisõ tuhasa “Siloé wame tiri copepũ mũhũ caperire cosegũ wahaya”, tiquiro nigũ cosegũ esau yũhũ. Yũhũ sa coseri bato yũhũ caperi quehnoano bajuri yũhũre, ni, yahuri tiquiro masare.

<sup>12</sup> —¿Mũhũre sa yeriquiro nohopũ ijiagari tiquiro? nidi tiquina.

—Õbah. Noho ijero ijiaga, nidi tiquiro.

*Caperi bajueramediquirore fariseo masa sinituahye*

<sup>13</sup> Sa ni yahuducu tuhasa tiquina caperi bajueramediquirore fariseo masa cahapũ neari. <sup>14</sup> Ti deco Jesu dihtare sihco co mehna dahra more caperi bajueriquirore tiquiro ihñagũ yeri deco saurũ deco ijiri. Ti deco ʘsã sori deco ijiri. <sup>15</sup> Sa ye fariseo masa pehe tiquirore sinituahye tja.

—¿Dũhse ye mũhũ ihñari? ni sinituahye tiquina.

—Dihta mehna yũhũ caperire wisõri. Sa yegũ yũhũ caperire yũhũ coseri bato ihña dũcau yũhũ, ni yahuahye tiquiro tiquinare.

<sup>16</sup> —Tiquiro saurũ decore mari sori decore mari dahra dutieri decore dahraya. Sa yero tiquiro Cohãcjũ yaquiro ijierare, niahye apequina fariseo masa pehe.

Apequina pehe ohõ saha niahye:

—Ñañene yeriquiro ohõ saha yũhdũo masiedare. Sa yero tiquiro quehnoariquiro ijiboaga, niahye apequina.

Sa ye tiquina pũa curua tu wahye tiquina basi. <sup>17</sup> Sa ye pari turi tiquina caperi bajueramediquirore sinituahye tja.

—¿Mũhũre caperire quehnoano yeriquirore mũhũ waro dũhse ni tũhotuajari Jesure? niahye tiquina tiquirore.

—Tiquiro potota Cohãcjũ yere yahu mũhtariquiro ijire, niahye caperi bajueramediquiro.

<sup>18</sup> Coã waropũre judio masa ohõ saha ni tũhotumahye. “Ahriquiro caperi bajueramediquiro ijierare”, ni tũhotumahye tiquina. Sa ni tũhotuye caperi bajueramediquiro pacũsumũare pijioahye tiquina. <sup>19</sup> Pijio, tiquiro pacũsumũare sinituahye fariseo masa pũhtoa.

—¿Ahriquiro potota mũsa macũ ijiajari? ¿Duita tiquiro caperi bajueriquiro masa bajuari? ¿Potota caperi bajueriquiro ijieperota dũhsero ihñajari yojopũre? ni sinituahye tiquina tiquiro pacũsumũare.

<sup>20</sup> —Ahriquiro usã macũta ijire. Sa yero duita caperi bajueriquiro masa bajue tiri tiquiro. <sup>21</sup> Tire masiepenata tiquiro ihñarire, tiquirore ihñagũ yeriquiro gũhũre masiedaja usã. Usã macũre sinituya. Bũcũro ijire tiquiro. Tiquiro basi yahu masine, niahye tiquiro pacũsumũa.

<sup>22</sup> Judio masa usã pũhtoa coã waropũre ohõ saha nie tiahye.

—“Jesuta Cristo Cohãcjũ ohoriquiro ijire”, niñequinare mari buheye wũhũsepu sajã dutisi usã, nie tiahye judio masa pũhtoa.

Tiquina sa nigũ tũhoye caperi bajueramediquiro pacũsumũa judio masa pũhtoare cue niahye. <sup>23</sup> Sa cueye, “Bũcũro ijire tiquiro. Tiquirore sinituya”, niahye tiquina judio masa pũhtoare.

<sup>24</sup> Came judio masa pũhtoa pari turi pijioahye caperi bajueramediquirore tja. Pijio ohõ saha niahye tiquirore:

—Cohãcjũ mehna poto yahuya mũhũ. Jesure ni mehoriquiro tiquiro ñaũe yeriquiro ijigũ usã masiaja. Sa yegũ poto yahuya usãre, niahye judio masa caperi bajueramediquirore.

<sup>25</sup> Tiquina sa nigũ tũhoro ohõ saha ni yũhtiahye tiquiro:

—Jesure tiquiro ñaũe yeriquiro ijigũ masiedaja yũhũ. Ihcãnota masiaja yũhũ. Panopũre caperi bajuegũ ijie tii yũhũ. Yojopũre ihñaja yũhũ. Ti dihitare masiaja yũhũ, ni yũhtiahye caperi bajueramediquiro tiquinare.

<sup>26</sup> —¿Dũhse yeri mũhũre tiquiro? ¿Mũhũ caperi ihñatire dũhse yeri tiquiro mũhũre? ni sinituahye tiquina.

<sup>27</sup> —Tireta mũsare yahu tuhasami yũhũ. Yũhũ sa niepegũta mũsa ne tũho duerare yũhũre. ¿Dũhse ye duana pari turi yũhũ yahugũ tũho duajari mũsa? ¿Mũsa gũhũ tiquiro buhena iji duajari? niahye tiquiro tiquinare.

<sup>28</sup> Tiquiro sa nigũ tũhoye tiquina tuhtiahye tiquirore:

—Mũhũ Jesu buherigũ ijire. Usã pehe Moise buhena ijiaja. <sup>29</sup> Potota Cohãcjũ Moiserre yahuducue tiahye. Jesu tiquiro ahtarirore usã masiedaja, niahye tiquina caperi bajueramediquirore.

<sup>30</sup> Tiquina sa nigũ yũhtiahye tiquiro:

—¿Tiquiro ahtarirore mũsa masiedagũ yũhũre ihñagũ yeriquiro ijiro, Cohãcjũ ohoriquiro ijieraboagari tiquiro? <sup>31</sup> Cohãcjũ ñaũe yeyequinare tiquina siniñene tũhoerare. Ti pũritare mari masiaja. Tiquinare tũhoeraperota Cohãcjũre ño peoriquirore, tiquiro dutiyere yeriquirore tiquiro siniñene tũhore Cohãcjũ. <sup>32</sup> Coã waropũre ahri yehpa iji dũcagũpũre ne coã masa bajaropũ caperi bajueriquirore ne ihcãquiro ihñagũ yeriquiro marieda tiahye. <sup>33</sup> Sa yero Jesu Cohãcjũ ohoriquiro ijieraro yũhũre ihñagũ yeraboaya tiquiro, niahye tiquiro tiquinare.

<sup>34</sup> —Mũhũ duita ñagũ ijie tiahye. ¿Sa ijiepegũta usãre buhe duajari mũhũ? niahye judio masa pũhtoa tiquirore.

Sa ni tuhasayeta tiquina tiquirore cohã wio cãhye.

*Jesu yere cahmeeñequina caperi bajueyequina tiquina ihña masieno saha mari Pacure masiedare*

<sup>35</sup> Sa yero caperi bajueramediquirote tiquina cohã wiorire Jesu tũhori. Sa tũhoro caperi bajueramediquirote boca saro tiquirote sinituri:

—¿Masunore Cohãcjũ ohoriqirote wacũ tutuajari mũhũ? nidi Jesu.

<sup>36</sup> —¿Pũhto, noa ijiajari tiquiro? Tiquirote masigũ wacũ tutuagũtja tiquirote, nidi caperi bajueramediquiro Jesure.

<sup>37</sup> —Tiquirote ihña tuhasari mũhũ. Yojoꝑũre mũhũ mehna yahuducugũ tiquirota ijiaja yũhũ, nidi Jesu caperi bajueramediquirote.

<sup>38</sup> —Pũhto, mũhũre wacũ tutuaja, nidi caperi bajueramediquiro.

Sa nino tiquiro Jesu caha dũsepe curi mehna quehe sa, tiquirote ño peori.

<sup>39</sup> Tiquiro sa ño peogũ ihñano ohõ saha nidi Jesu:

—Quehnoañequina, ñañequina gũhũ tiquina yerire masigũ yei ahtaũ ahri yehpaꝑũre. Caperi bajueyequina tiquina ihña masieno saha tiquina yero saha ijiequina yũhũ Pacure masiedare. Sa masieñequinare yũhũ Pacure masigũ yei ahtaũ yũhũ. “Usã quehnoano masiaja”, ni tũhotumediquina quehnoano tiquina masiedarire masigũ yei ahtaũ yũhũ, nidi Jesu.

<sup>40</sup> Tiquiro sa nigũ tũhoye meheñequinagã fariseo masa tiquirote ohõ saha nidi:

—¿“Caperi bajueyequina tiquina ihña masieno saha quehnoano masiedare mũsa gũhũ”, nii niajari mũhũ usãre? nidi fariseo masa Jesure.

<sup>41</sup> Tiquina sa nigũ ohõ saha nidi Jesu:

—Caperi bajueyequina tiquina ihña masieno saha poto mũsa quehnoano masiedagũ, mũsare buhiri mariedaboaya. “Usã quehnoano masina ijiaja”, mũsa nidi buhiri, buhiri tina ijinine mũsa yojoꝑũre, nidi Jesu tiquinare.

## 10

*Ovejare coheriquiro quitire yahuahye Jesu*

<sup>1</sup> Came queoye mehna buhero ohõ saha nidi Jesu:

—Ijirota niaja mũsare. Ovejare coheri sahrĩno sopecaha sajãedariquiro, sopecaha marienopũ sajãriquiro pehe yaque bũcũro ijire. <sup>2</sup> Sopecaha sajãriquiro pehe ovejare coheriquiro ijire. <sup>3</sup> Sopecahare coheriquiro sopecahare pũore ovejare coheriquiro sajãtore. Ovejare coheriquiro yahuducugũ tũho cãhtare tiquiro nuñequina oveja pari. Tiquinare pijioro tiquina wame mehna pisuducure tiquiro. Sa yero tiquinare sahrĩnopũ ijiriquinare piji wiodocore sopecahapũ. <sup>4</sup> Tiquiro yequinare ijipihtiyequinare piji wio tiquinare sa uhmũ tãducure. Oveja pehe tiquiro yahuducuyere tũho masiñe tiquiro bato nũnũ tãre. <sup>5</sup> Apequirote tiquina ihña masieniquirote nũnũ tãedare tiquina. Sa ye apequina tiquina yahuducuyere tũhoye, cue oma sitea wahare, nidi Jesu tiquinare.

<sup>6</sup> Ahri queoyere tiquiro sa yahuepegũta tiquiro yahuyere masiedari tiquina.

*Jesu ovejare quehnoano coheriquiro yero saha tiquiro yequinare quehnoano cohere*

<sup>7</sup> Pari turi Jesu tiquinare yahuri tja:

—Ijirota niaja mũsare. Ovejare coheri sahrĩno sopecaha yero saha ijiaja yũhũ. <sup>8</sup> Ijipihtiyequina yũhũ pano ahtayequina ni mehoñene buheyequina yaqueyequina yero saha ijire. Tiquina sa ijiepegũta oveja yero saha ijiequina yeequina pehe apequinare ne tũho cãedare. <sup>9</sup> Yũhũ ovejare coheri sahrĩno sopecaha yero saha ijiaja. Sopecaha sajãñequina yero saha ijire yũhũre wacũ tutuayequina. Sa yegũ tiquinare pecapũ wahaboriquinare yũhũoutja. Ovejare cahmotari sahrĩno tiquinare cahmotariro sahata yũhũ yũhũoyequinare cahmotaũtja. Sa ye tiquina cahmeñene cũoeta tiquina, nidi Jesu.

<sup>10</sup> Sa ni tuhasa ohõ saha ni nemori:

—Mũsare ni meho buheyequina ovejare yaqueyequina yero saha ijire. Apequina yaque duaye, apequina wejẽ duaye ahtare. Oveja yero saha ijiequinare, yeequina ijipihtiye decori Cohãcjũ mehna ijiatiquinare yegũ ahtaũ yũhũ. Sa yegũ yeequina decoripe tiquina bucueatire ahtaũ yũhũ. <sup>11</sup> Ovejare quehnoano coheriquiro yero saha ijiaja yũhũ. Ovejare

quehnoano cohteriquiro yariatiquiro ijieperota tiquiro yequina ovejare cohtere, “Sijoro wahari”, nino. Yeequina Cohãcjũ mehna tiquina sa ijiducuatire yegũ yariũtja yũhũ. <sup>12</sup> Oveja upũro cahacjũno pehe oveja upũro ijierare. Sa yeye oveja tiquiro yequina ijierare. Sa yero yairo ovejare tiquiro ihyaro ahtagũ ihãano tiquiro cahacjũno pehe ovejare cohã doco cã, oma cãa wahare. Tiquiro sa cohã docori bato, yairo ovejare tiquiro ñehegũ ihãaãe oveja pari oma site cãa wahare. <sup>13</sup> Tiquiro cahacjũno pehe tiquiro wapataye dihitare cahmene. Sa yero tiquiro ovejare quehnoano cohte coerare, nidi Jesu.

<sup>14</sup> Sa ni tuhasa ohõ saha ni nemori:

—Ovejare quehnoano cohteriquiro yero saha ijiaja yũhũ. Sa yegũ yeequinare masiaja yũhũ. Sa yeye yeequina pehe yũhũre masine. <sup>15</sup> Sata yũhũ Pacũ gũhũ yũhũre masine. Sa yegũ yũhũ gũhũ yũhũ Pacũre masiaja. Oveja yero saha ijiequina yeequina Cohãcjũ mehna tiquina sa ijiducuatire yariũtja yũhũ. <sup>16</sup> Apequina oveja ape sahrĩno cjẽna yero saha ijiequina apequina masa gũhũ yeequina ijietã. Tiquina gũhũre neagũtja. Sa ye yũhũ yahuducugũ tũho cãeta tiquina gũhũ. Sa ye yeequina ijipihtiequina ihcã curuata ijietã. Sa yegũ yũhũ dihita yeequinare cohteitja, nidi Jesu.

<sup>17</sup> Sa ni tuhasa ohõ saha ni nemori:

—Yeequina Cohãcjũ mehna tiquina sa ijiducuatire yariũtja yũhũ. Yũhũ yariari bato masa mũjagũtja. Sa yeacjũ yũhũ ijigũ yũhũ Pacũ yũhũre cahĩne. <sup>18</sup> Yũhũ wejẽ dutieragũ yũhũre wejẽ masiedaboaya tiquina. Yũhũ cahmeno sahata yũhũre wejẽeta. Sa yegũ yeequina Cohãcjũ mehna tiquina sa ijiducuatire yariũtja. Yaria masiaja yũhũ. Sa yegũ masa mũja masiaja. Yũhũ Pacũ yũhũre tireta ye dutiri, nidi Jesu.

<sup>19</sup> Tiquiro sa nigũ tũhoye judio masa pũa curua tu wari. Apequina sijoro tũhotu, apequina gũhũ sijoro tũhoturi.

<sup>20</sup> —Tiquiro watĩno cũore. Sa yero tũho masiedare. ¿Dũhsena tiquirore pari turi tũhoajari mũsa? nidi apequina peyequina judio masa.

<sup>21</sup> Apequina pehe ohõ saha nidi:

—Watĩno cũoriquiro ijero sa ni yahuducueraboaya. Caperi bajueriquirore ihãagũ ye masiedare watĩnore cũoriquiro. Sa yero watĩnore cũoerare Jesu, nidi apequina judio masa.

### *Judio masa Jesure cahmedahye*

<sup>22</sup> Ape deco usã acaye judio masa Jerusalẽpũ bose deco yeye nidi pari turi. Cohãcjũ wũhũre panopũ Cohãcjũre tiquina ohorire tiquina wacũati deco ijiri. Ti pjere pohesu ijiri. <sup>23</sup> Ti decore Salomo wame tiri tucũpũ Cohãcjũ wũhũpũ ijiri tucũpũ Jesu ihãa tinino nidi. <sup>24</sup> Ti tucũpũ tiquiro ijigũ ihãaãe usã acaye judio masa tiquiro cahapũ cahmecoã, tiquirore sinituri.

—Yoabutiari pje usãre quehnoano yahueraga mũhũ. Poto usãre quehnoano yahu madoqueohya mũhũ. ¿Cohãcjũ ohorigũ Cristota ijiajari mũhũ? nidi tiquina Jesure.

<sup>25</sup> Tiquina sa nigũ tũhoro ohõ saha ni yũhtiri Jesu:

—Mũsare yahu tuhasamajagũ. Yũhũ sa yahuepegũta yũhũre tũho duerare mũsa. Yũhũ Pacũ yũhũre tiquiro dutiriro sahata tiquiro tutuaye mehna ye ihãoaja. Sa yegũ yũhũ Cristo ijiereta mũsare ihãogũ njaja. <sup>26</sup> Yũhũ sa ihãoepegũta yũhũre tũho duerare mũsa. Mũsa pehe yeequina ijierare. Sa yena apequiro yequina oveja yero saha ijina, yũhũ pehere tũhoerare mũsa. <sup>27</sup> Ovejare cohteriquirore tiquiro yequina tiquina tũhoro saha yũhũre yeequina tũhore. Sa yegũ tiquinare masiaja yũhũ. Sa ye tiquina yũhũ mehna wahare. <sup>28</sup> Sa yegũ ijipihtie decori Cohãcjũ mehna ijigũ yeaja tiquinare. Sa ye tiquina pecapũ wahasi. Sa yegũ yeequinare yũhũ cohtegũ apequina pehe ne yũhũre ehma masiedare yeequinare. <sup>29</sup> Yũhũ Pacũ yũhũre yeequinare ohoriquiro ijipihtiequina yũhdũoro tutuariquiro ijire. Sa ye yũhũ Pacũ pehe yeequinare tiquiro cohtegũ apequina pehe tiquiro gũhũre ne ehma masiedare tiquinare. <sup>30</sup> Yũhũ, yũhũ Pacũ mehna ihcũta ijiaja, nidi Jesu judio masare.



<sup>31</sup> Tiquiro sa nigũ tuhoye judio masa pehe tiquirore tiquina doque wejēati utā pacare pari turi nemedi tja. <sup>32</sup> Tiquina sa yegũ ihñano Jesu sinituri tiquinare:

—Yũhu Pacu tutuaye mehna peye tahari ye ihñomi mäsare. ¿Dise boro pehere yũhu yeri buhiri yũhure utā paca mehna doque wejē duajari mäsä? ni sinituri Jesu.

<sup>33</sup> Tiquiro sa nigũ tuhoye ohõ saha nidi tiquina:

—Cohãcjũ tutuaye mehna mũhu ye ihñori buhiri mũhure utā mehna doque wejē dueraja usã. Cohãcjũre mũhu ñano yahuducuri buhiri mũhure utā paca mehna doque wejē duaja usã. Masu ijiepegũta “Cohãcjũ ijiaja yũhu”, mũhu niñe buhiri mehna mũhure utā paca mehna doque wejē duaja usã, ni yũhtiri tiquina.

<sup>34</sup> Tiquina sa ni yũhtigũ tuhoro Jesu tiquinare yahuri:

—Musa gũhure “Cohãmana”, ni pisuri Cohãcjũ. Sata ni ojoahye tiquiro dutiyere tiquina ojoari pũpũ. <sup>35</sup> Cohãcjũ yere tiquina ojoari pũ potota ijigũ mari masiaja. “Ni mehoñe ijire”, ti pũre ni masiedaja mari. Sa yero tiquiro yere tuhoyequinare potota tiquiro “Cohãmana”, ni pisure. <sup>36</sup> Cohãcjũ yũhure besetjiãno, ahri yehpapure ohori. Sa yegu yũhu “Cohãcjũ macu ijiaja”, yũhu nidi buhiri “Cohãcjũre ñano yahuducuro nine Jesu”, nine mäsä yũhure. ¿Dũhsena yũhure sa niajari mäsä? <sup>37</sup> Yũhu Pacu tiquiro cahmediro sahata tiquiro tutuaye mehna yũhu ye ihñoadagũ pũritare yũhu buherire “Poto tjire” niedaboaga mäsä. <sup>38</sup> Yũhu Pacu tiquiro tutuaye mehna yũhu ye ihñoepegũta yũhu pehere tuho duerare mäsä. Sa tuho duerapenata tiquiro tutuaye mehna yũhu ye ihñogũ ihñana yũhu yerire “Poto tjire”, niña mäsä. Mäsä sa nina, yũhu Pacu mehna usã ihcãno saha ijigũ masinata mäsä. Sa yena tũhonata mäsä, nidi Jesu tiquinare.

<sup>39</sup> Tiquiro sa nigũ tiquina pari turi tiquirore ñehe duamede. Tiquina sa ñehe duagũ ihñano tiquiro duhti wijiaa wahari.

<sup>40</sup> Sa wijariquiroputa Ñu masare tiquiro wame ye mũhtaripõ Jordã asũ mũja taro pehepũ pari turi Jesu wahari tja. Topũ esaro tojoa cãri tiquiro. <sup>41</sup> Sa ye masa peyequina tiquirore ihñañe esari. Ohõ saha nidi tiquina basi:

—Ñu pehe Cohãcjũ tutuaye mehna ye ihñoadari. Sa ye ihñoadapegũta ijipihtiyere Jesure tiquiro yahuri pehe queorota ijire, nidi masa tiquina basi.

<sup>42</sup> Sa ye topũre masa peyequina wacũ tutua dũcari Jesure.

## 11

### *Lázaro wame tiriqiro yariaa wahahye*

<sup>1</sup> Sa ye Betania wame tiri maca cjũno Lázaro wame tiriqiro dohatiro niahye. Ti macapũ tiquiro wahmiosãnumia gũhu María, Marta mehna ijiri. <sup>2</sup> María pehe Jesure ehme sitiye pio wisõaticoro, ticoro poari mehna tiquirore tu coseaticoro ijire. Ticoro bahũro Lázaro pehe dohatiro niahye. <sup>3</sup> Sa ye tiquina numia apequinare Jesure yahu dutiye ohoahye.

—Pũhto, mũhu cahñiquiro dohatiro nine, ni yahu dutiye ohoahye Lázaro wahmiosãnumia.

<sup>4</sup> Ti quitire tuhoro ohõ saha nidi Jesu:

—Yojopũre Lázaro tiquiro dohatiyere tiquiro yariati ijierare. Cohãcjũ tutuayere masare ihñootire yojopũre tiquiro dohatire. Sa ye yũhu tutuagũ yũhu ijigũ gũhure masa ihñaeta, nidi Jesu.

<sup>5</sup> Jesu Martare, ticoro bahoro gũhure, Lázaro gũhure tutuaro cahĩdi. <sup>6</sup> Sa nino Lázaro tiquiro dohatigũ tuhoperota topũ Jesu pũa deco tojoari. <sup>7</sup> Pũa deco bato Jesu ohõ saha nidi usãre tiquiro buhenare:

—Pari turi Judea yehpapũ tojoa wahaũhna tja, nidi usãre.

<sup>8</sup> —Buhegũ, canũagãta judio masa mũhure utā paca mehna doque wejē duamede. ¿Dũhsegu pari turi tojoaa waha duajari mũhu? nii usã pehe.

<sup>9</sup> Usã sa nigũ tuhoro tiquirore tiquina wejē masiedarĩne yahuro, queoye mehna buhero ohõ saha nidi usãre:

—Pajiro tūhotueracāhña. Ihcā decore doce horari waro ijire. Asū deco cjūno ijigū quehnoano ihñaja mari. Sa yena decore tinina, ne pūha boraeraja mari. <sup>10</sup> Nahitianopu tiniñequina pūha boraahare. Asū deco cjūno mariedagū quehnoano ihñedare tiquina, nidi Jesu. (Sa nino ohō saha nino niahye: “Yojopure yūhū Pacu yere yūhū yahu pehoato dūhsarīne. Sa ye yūhūre wejē masiedarīne”, nino niahye.)

<sup>11</sup> Sa nino ūsāre yahu nemori tja:

—Mari mehna cjūno Lázaro, carīno niaga. Tiquiro sa carītepegūta yūhū tiquirore wahcōgū wahautja, nidi ūsāre.

<sup>12</sup> —Pūhto, Lázaro carīniquiro ijiro, yūhdurota, nii ūsā.

<sup>13</sup> Ūsā sa niepegūta Jesu “Carīno niaga”, nino “Yariaa wahare”, nino nidi jimedi. Tiquiro sa nigū tūhona “Lázaro soro niaga”, ni tūhotumi ūsā pehe. <sup>14</sup> Ūsā sa ni tūhotugū masino Jesu poto yahuri ūsāre:

—Lázaro yariaa wahaga. <sup>15</sup> Yūhū marieno tiquiro yariagū quehnoarīne. Sa yena mūsa yūhūre wacū tutua nemonata. Isa mari ihñana wahauhna tiquiro cahapū, nidi Jesu.

<sup>16</sup> Tomasu sūhdūariquiro tiquina ni pisuriquiro ohō saha nidi ūsāre:

—Mari gūhū Jesu mehna wahauhna. Tiquirore wejēñe, mari gūhūre wejēahdo, nidi Tomasu.

*Jesu sa ijiducugū* yeriquiro masare masoriquiro ijire

<sup>17</sup> Sa ye topure ūsā esari bato to cjēna ohō saha ni yahuri Jesure:

—Pititia deco wahare Lázaro mūnanore masa copepū tiquina cūri bato, ni yahuri tiquirore.

<sup>18</sup> Betania pehe Jerusalē cahapū ihtia kilómetro yoaro ijiri. <sup>19</sup> Sa ye ūsā acaye judio masa peyequina Martare, María gūhūre ñehe quea utiye ahtahye Lázaro yariari bato. <sup>20</sup> Sa yero Jesu mehna ūsā esana tana yegū tūhoro Marta pehe ūsāre piti caro ahtari jiri. Ticoro sa piti caro wahagū María pehe tiquina ya wūhūpū tojoahye. <sup>21</sup> Sa piti caro Marta ohō saha nidi Jesure:

—Pūhto, yūhū bahū tiquiro yariato pano mūhū ohōpū ijigū tiquiro yarieraboaya.

<sup>22</sup> Yojopū gūhūre Cohācjūre mūhū sini basagū tiquiro mūhū sinino sahata yerota, nidi Marta Jesure.

<sup>23</sup> —Mūhū bahū masa wijiarota, nidi Jesu ticorore.

<sup>24</sup> —Ahri yehpa pihtiatī deco tiquiro masa wijiatore masiaja yūhū, nidi ticoro.

<sup>25</sup> Ticoro sa nigū Jesu yahuri tja:

—Yūhū masa wijiajū yegū tjiaja. Yūhū sa ijiducugū yegū tjiaja. Yūhūre wacū tutuariquiro yarieperota sa ijiducurota. <sup>26</sup> Sa ye ijipihtiyequina Cohācjū mehna ijiducuyequina yūhūre wacū tutuayequina ne pecapū wahasi. ¿Ahrire masiajari mūhū? nidi Jesu ticorore.

<sup>27</sup> —Pūhto, masiaja yūhū. Cristo Cohācjū macū, “Ahri yehpapū ahtarota”, tiquina nidigū mūhū ijigū masiaja yūhū, nidi Marta Jesure.

*Lázaro masa cope cahapū* esaro Jesu utiahye

<sup>28</sup> Marta sa ni tuhasa ticoro bahoro Maríare pijiro wahari.

—Marine buheriquiro mari ya macapure wihiri. Mūhūre pijire, derogā ni yahuahye Maríare.

<sup>29</sup> Ticoro sa nigū tūhoro María sojaro mehna wahcādaca, ūsā cahapū ahtahye Jesure ihñano taro. <sup>30</sup> Tiquina ya macapū esera nii ūsā. Marta ticoro piti carīropū ijini ūsā.

<sup>31</sup> Judio masa ti wūhūpū Maríare ñehe quea utiye niahye. Sa ye ticoro wahagū ihñañe, tiquina ticorore nūnū tā cāhye. “Ticoro bahūro mūnanore tiquina cūri copepū utiro waharo nine ticoro”, ni tūhotumahye tiquina. Sa ni tūhotuyē ticorore nūnū tā cāhye.

<sup>32</sup> Sa yero María ūsā cahapū wihiro, Jesure ihña, tiquiro dahpocāri cahapū dūsepe curi mehna quehe sari.

—Pūhto, yūhū bahū tiquiro yariato pano mūhū ohōpū ijigū tiquiro yarieraboaya, nidi ticoro Jesure.

<sup>33</sup> Sa yero judio masa ticoro mehna ahtariquina gũhũ tiquina utigũ ihñano Jesu pehe tutuaro bujua witi ñano jeripohna tiri.

<sup>34</sup> —¿Lázaro mñanore nohopũ cohãri msa? ni sinituri Jesu.

—Ihñau taya, ni piji cãri tiquina.

<sup>35</sup> Tiquina sa nigũ tuhoru Jesu utiri.

<sup>36</sup> —Lázaro mñanore Jesu tutuaro cahĩmeyari, nidi judio masa tiquina basi.

<sup>37</sup> Apequina pehe ohõ saha nidi:

—Caperi bajueriquirore ihñagũ yeriquiro ijire ahriquiuro Jesu. ¿Sa yero Lázaro tiquiro yariato pano tiquirore yũhdũoeraboayari? nidi tiquina.

#### *Lázaro masa wijiãhye*

<sup>38</sup> Sa yero Jesu pari turi tutuaro bujua witiri. Sa yena usã ijipihntina Lázaro masa copepũ esau. Utãpũ tiquina seheri cope ijiri. Sa yero tiquiro pagũre tiquina siõ sãa cũri cope ijiri. Sa yero ti cope pajiria utã mehna tiquina bihari cope ijiri.

<sup>39</sup> —Utã bihariare neña, nidi Jesu.

Tiquiro sa nigũ tuhoru Marta yariariquiuro mñanano wahmiono ohõ saha nidi:

—Pũhto, yojopũ pititia deco waha tuhasare tiquiro yariari bato. Sa yero tiquiro pagũ ijiriro urĩ yũhdũaga, nidi Jesure.

<sup>40</sup> —“Yũhũre wacũ tutuago Cohãcjũ tutuayere ihñagota”, mũhũre nimigũ, nidi Jesu Martare.

<sup>41</sup> Tiquiro sa nidi bato tiquina utã bihariare ne wiori. Tiquina sa nedi bato Jesu pehe mũmũserũ ihña mũo, Cohãcjũre ohõ saha nidi:

—Mai, yũhũre mũhũ tuho tuhasari. Tire mũhũ yegũ masigũ bucueaja mũhũre.

<sup>42</sup> Yũhũre mũhũ decoripe tuhoducure. Tire masiaja. Sa masiepegũta yũhũ mũhũ ohorigũ yũhũ ijigũ ohõre ducuyequina tiquina masiatire mũhũre sa niaja. Tire “Potota ijire”, tiquina nino quehnoano sa nigũ niaja, nidi Jesu tiquiro Pacũrore.

<sup>43</sup> Sa ni tuhasa Jesu tutuaro sañuducuri:

—Lázaro ahtaya, ni sañuducuri tiquiro.

<sup>44</sup> Tiquiro sa nigũ yariariquiuro mñanano omocarine tiquiro dahpocãri gũhũre suhti cahseri mehna tiquina dũhtemediquiro, tiquiro dapure suhtiro mehna tiquina wahmemediquiro, masa copepũ wija tari.

—Tiquina dũhterire pãña tiquirore, nidi Jesu.

#### *Judio masa pũhto pehe Jesure ñehe duamahye*

*(Mt 26.1-5; Mr 14.1-2; Lc 22.1-2)*

<sup>45</sup> Tiquiro sa masogũ ihñañe peyequina judio masa mehna cjẽna María mehna ahtariquina Jesure wacũ tutua, cahmedi. <sup>46</sup> Apequina tiquina mehna cjẽna pehe fariseo masa cahapũ esaye, Jesu yerire yahuahye tiquinare. <sup>47-48</sup> Sa ye pahia pũhto, fariseo masa pũhto gũhũ cahmecoa, tiquina basi ohõ saha ni yahuducuahye:

—Jesu peye tahari Cohãcjũ tutuaye mehna ye ihñore. Tiquiro sa ye ihñogũ “Tire yeracãhña”, mari niedagũ ijipihntiyequina masa tiquirore cahmeñe, tiquiro mehna wahaboaga. Sa ye Roma cjẽna pũhto Cohãcjũ wũhũre cohã dutiye ohoeta tiquina yequina surarare. Mari ya dihta gũhũre ehmaeta tiquina. (Mari ya dihta cjẽna Jesure tiquina pũhtoro cũgũ ihñañe Roma cjẽna pũhto “Marine cohãñe nine”, ni usua ñano yeeta marine.) ¿Sa yena dũhse yenatari yojopũre? ni yahuducuahye tiquina basi.

<sup>49</sup> Tiquina sa niepegũta apequiuro Caifa wame tiriquiuro ti cãmure pahia pũhtoro ijiro, tiquinare yahuahye:

—Musa pehe ne masiedare. <sup>50</sup> Judio masa ijipihntina mari ye ijiatire ihcãquiuro masũno tiquiro yariagũ quehnoare. Tiquiro yariaragũ marine ijipihntina judio masare cohã peho cãboaga. Tire musa masiedare, niahye Caifa tiquinare.

<sup>51</sup> Sa nino tiquiro esa tuharo sa nino niedahye. Pahia pũhtoro tiquiro ijigũ judio masa ye ijiatire Jesu yariatire mari Pacũ pehe Caifa sa ni yahu dutiahye. <sup>52</sup> Jesu yariaro judio masa dihitare yũhdũoro taro niedare. Sa yariaro ijipihntiyequina Cohãcjũ pohne ahri

yehparɸ iji siteyequina gũhure ihcã curuata ijigũ yeatire yariatiquiro ijiri Jesu. <sup>53</sup> Sa ye ti decota tiquina “¿Jesure dahse ye wejēnatarī mari?” ni yahuducuye, tiquirore wejēne tee niahye.

<sup>54</sup> Tiquina sa wejē duagũ masino Jesu peyequina judio masa watoa pari turi tinino wahaerari. Sa yero masa marieno cahagã Efraĩ wame tiri macapɸ usãre siho wahari. Usãre ti maca siho tojoarĩdi Jesu.

<sup>55</sup> Ti pjere pascua bose decori usã judio masa usã bose decori ijiato mehenogã dahsatjiãri. Sa ye bose deco panogã masa peyequina apeye macari cjēna Jerusalēpɸ cahmecoari. Pascua cjēne tiquina ihyato pano Cohãcjũ yere yeye tehe, tiquina cahmo-mohnore cohoro saha tiquina ñañene cosee tee nidi. <sup>56</sup> Sa ye tiquina Jesure macañe niahye. Sa ye Cohãcjũ wuhɸɸ ijiyequina ohõ saha ni yahuducuahye:

—¿Bose decore ihñano ahtaeraboari Jesu, mɸsa tũhotugũ? niahye tiquina basi.

<sup>57</sup> Sa ye pahia pũhtoa, fariseo masa gũhũ ohõ saha ni yahu dutiahye masare:

—Jesu wihigũ ihñana, yahuya usãre. Tiquirore ñehena tana niaja, niahye pũhtoa masare.

## 12

*María Jesu dahpocãrine ehme sitiye mehna pio peoahye*

*(Mt 26.6-13; Mr 14.3-9)*

<sup>1</sup> Jesu, usã tiquiro buhena mehna Betaniapɸ usã esari bato pascua deco esato seis decori waro dahsarĩdi. Lázaro Jesu masoriquiro ti maca cjũno ijiri. <sup>2</sup> Usã esari bato Jesu gũhũ usã ihyatire dahreri apequina. Sa ye Lázaro, Jesu, usã mehna mesa cahapɸ nuju saɸ. Usã sa nuju sari bato Marta ihyayere peori usãre. <sup>3</sup> Sa yero María ehme sitiye uhsere nardo wame tiye cohorī uhsere kilo deco mehna ne cãhta Jesu dahpocãrine pio peori. Ti uhsere wapa ti yũhdũari. Pio peo tuhasa ticoro poari mehna wũori. Ticoro sa pio peori bato ti wũhũ quehnoano ehme siti sehsaa wahari. <sup>4</sup> Usã mehna cjũno, Jesure ihña tuhtiyequinare ihñootiquiro Juda Iscariote pehe ohõ saha nidi:

<sup>5</sup> —¿Dahse yero ahricoro sa ye siteajari? Tire ticoro duaboaya. Tire duaro tres cientos niñeru cjoerire wapataboaya. Sa yero ticoro ti niñerure pejecɸoyequinare ohoboaya, nidi tiquiro.

<sup>6</sup> Juda pehe pejecɸoyequinare yedoho duerari. Tiquiro usã niñerure ihbo basariquiro ijieperota yaqueriquiro ijiri. Sa yero tiquiro usã niñerure ihquẽ tahari ne mũjari. Sa yero “Ti niñerure neitja”, nino, sa nidi Marĩare tiquiro.

<sup>7</sup> Tiquiro sa nigũ tũhoro ohõ saha nidi Jesu:

—Sa niedacãhña ticorore. Ticoro ehme sitiye yũhure ticoro daharire yũhure pio peori, yũhure tiquina yato pano yũhũ pagũre quehnoyuro. Pejecɸoyequina pehe mɸsa mehna sa ijiducuenta. Sa yena tiquinare oho masine mɸsa. <sup>8</sup> Yũhũ pehe ahri yehparɸre mɸsa mehna sa ijiducusi, nidi Jesu.

*Pahia pũhtoa Lázarore wejē duahye*

<sup>9</sup> Sa ye Jesu Betaniapɸ tiquiro ijigũ tũhoye, usã acaye judio masa peyequina tiquirore ihñañe ahtari. Tiquiro dihitare ihñañe ahtaye niedari. Lázaro yariamediquirore Jesu masoriquirore tiquiro gũhure ihñañe ahtaye nidi. <sup>10</sup> Tiquina ihñañe esarire masiñe, pahia pũhtoa Lázaro gũhure wejē duari. <sup>11</sup> Lázaro yariamediquiro Jesu masoriquiro ijigũ ihñañe peyequina masa Jesure wacũ tutuari. Tiquiro sa masogũ ihñañe peyequina judio masa tiquina pahia ye buheye pehere duhu cãri. Tiquina sa duhugũ ihñañe pahia pũhtoa pehe usua yũhdũye Lázarore wejē duari.

*Jerusalēpɸ esahye Jesu*

*(Mt 21.1-11; Mr 11.1-11; Lc 19.28-40)*

<sup>12</sup> Pascua bose decore tiquina yegũ peyequina masa Jerusalēpɸ ihñañe wahari jiri. Ape deco Jerusalēpɸ Jesu ahtatire masa tũhori. <sup>13</sup> Sa ye iqui pohnarine ne cã, tiquirore piti caye wahari. Sa piti caye ohõ saha ni sañuducuri tiquina:

—Ahriquiore ño peouhna. Ahriquiore Cohãcjũ ohoriquiro quehnoano ijiahero. Ahriquiore judio masa mari puhtoro tjire, ni sañuducuri tiquina.

<sup>14</sup> Jesu burrogã tiquiro bocariquiogã bui pesari. “Ohõ sahata yerota”, ni ojoahye Cohãcjũ yere tiquina ojoari pũpũ:

<sup>15</sup> Jerusalẽ wame tiri maca cjãna, cueracãhña mũa. Ihñaña. Mũa puhtoro burrogã bui pesa cãhtare, ni yahuahye Cohãcjũ yere tiquina ojoari pũpũ.

<sup>16</sup> “Tiquina sa ni ojoari Jesure nino niaga”, ni, usã tiquiro buhena quehnoano masiedarĩ. Sa masiedapenata umũsepũ Jesu mũjari bato usã ti ojoarire wacũ boca tuho masii. Ohõ saha ni tuhotuu: “Cohãcjũ yere tiquina ojoari pũ pehe Jesure yahuro nimeya. Sa ye Cohãcjũ yere tiquina ojoari pũ nidiro sahata yeri masa Jesure”, ni tuhotu, masii usã.

<sup>17</sup> Lázarore masa copepũ ijiriquirore Jesu pisu masogũ ihñariquina pehe yahuri masare. <sup>18</sup> Sa ye Lázarore Jesu masorire tuhori bato masa peyequina Jesure ihñañe ahtari.

<sup>19</sup> Tiquina sa ahtagũ ihñañe fariseo masa tiquina basi ohõ saha niahye:

—Ijipihtiyequina Jesu yequina dihita wahaye nine yojopũre. Sa yena mari dũhse ye masiedaga tiquinare, niahye fariseo masa tiquina basi.

#### *Meheñequinagã griego masa Jesure maca cãhtahye*

<sup>20</sup> Sa ye bose deco Cohãcjũre ño peoye ahtayequina mehna cjẽna meheñequinagã griego masa ijiri. <sup>21</sup> Sa ye tiquina Felipe cahapũ wihiahye. Felipe pehe Betsaida wame tiri maca Galilea yehpapũ ijiri maca cjũno ijiri. Sa ye tiquiro cahapũ wihiriquina ohõ saha niahye tiquirore:

—Jesure ihña duaga usã, niahye tiquina.

<sup>22</sup> Tiquina sa nigũ tuhoro Felipe Andrepũre tire yahuro wahahye. Sa ye tiquina puaro Jesure yahuri. <sup>23</sup> Tiquina sa ni yahuri bato Jesu tiquinare yahuri:

—Yũhũ masũ Cohãcjũ ohorigũ ijiaja. Yũhũre ijipihtiyequina tiquina ño peoati pje yojopũre ijirota nine. Yojopũre yũhũ yariati pje ijirota nine. <sup>24</sup> Potota musare yahugũ niaja. Oteri pjere yehpapũ mari yaeragũ, ti pjere mari oteragũ ihcã pjeta tojoarota. Sa yero ti pjere mari yari bato pihni, dũca tirota. (Sata yũhũ yariari bato yũhũre tiquina yari bato peyequina masare Cohãcjũ mehna sa ijiducuatiquina ijigũ yeitja yũhũ.) <sup>25</sup> Ahri yehpapũ mũa ijiyere pajiro tuhotuboaga mũa. Sa tuhotuna Cohãcjũre wacũedana, pecapũ wahanata mũa. Ahri yehpapũ mũa ijiyere sa tuhotu cãna, Cohãcjũ mehna sa ijiducunata. <sup>26</sup> Yeere ye duana yũhũ buheyere quehnoano tuhoya mũa. Mũa sa yena mũa gũhũ yũhũ ijirorpũ ijinata. Yeere yeriquirore yũhũ Pacũ pehe ño peorota, nidi Jesu.

#### *Jesu tiquiro yariatore yahuahye*

<sup>27</sup> Sa ni tuhasa ohõ saha ni nemori:

—Yojopũre yũhũ ñano jeripohna tiaja. ¿Yũhũ Pacũre dũhse nigũtari yũhũ? ¿“Mai, yũhũ ñano yũhũdũatire yeracãhña yũhũre”, niboagari yũhũ? Tire niedaja yũhũ. Ñano yũhũdũacjũta ahri yehpapũ ahtaũ. Sa yero yũhũ ñano yũhũdũati pje yojopũre ijirota nine, ni yahuri usãre tiquiro buhenare.

<sup>28</sup> Sa yero ohõ saha nidi tiquiro Pacũrore:

—Mai, mũhũ tutuagũ ijiyere yojopũre ihñaña masare, nidi Jesu tiquiro Pacũrore.

Tiquiro sa nigũ umũsepũ yahuducuro ca tari:

—Tutuagũ yũhũ ijiyere masare ihña tuhasaũ. Yojopũre sa yegũ pari turi ihñoutja masare, nino ca tari.

<sup>29</sup> Tiquiro sa nigũ tuhoye topũ ducuyequina masa peyequina ohõ saha nidi:

—Upo ijiaga sa bisiro, nidi masa.

—Angel Jesure yahuro nidi, nidi apequina masa.

<sup>30</sup> Ohõ saha nidi Jesu pehe:

—Umũsepũ sa bisiro yũhũre tuho dutiro niedari. Mũa pehere tuho dutiro sa bisiro ca tari. <sup>31</sup> Yojopũre ahri yehpa cjẽna tiquina ñaña yeri buhirire buhiri dahrerota tiquinare. Ahri yehpa cjẽna puhtoro watĩnore cohãnota Cohãcjũ. <sup>32</sup> Sa yegũ yũhũre curusapũ tiquina wahcõ docogũ peyequina masare yeequina ijiatiquinare yeitja yũhũ, nidi Jesu.



<sup>33</sup> Sa nino curusapɤ tiquiro yariatire yahuro nidi Jesu masare. <sup>34</sup> Tiquiro sa nigũ tũhoye masa pehe tiquirore ohõ saha nidi:

—Cohãcjũ yere tiquina ojoari pũpɤ ohõ saha nine: “Cristo ijipihtiye decori ijirota”, ni ojoahye. ¿Tiquiro sa ni ojoagũ mũhũre masũre Cohãcjũ ohorigũre dũhse yeye curusapɤ wahcõ docoetari masa mũhũre? ¿Masũno Cohãcjũ ohoriquiro noa ijiajari tiquiro? ni sinituri tiquina.

<sup>35</sup> Tiquina sa nigũ ohõ saha ni yũhtiri Jesu:

—Buhrioro mehna mari ihña masigũ yero saha masare Cohãcjũ yere quehnoano masigũ yeaja yũhũ. Came cjũnogã mũsa mehna ijisi yũhũ. Mũsare yũhũ buhegũ yojopũre tũhoya mũsa “Ñañe yeari”, nina, Cohãcjũ mehna mũsa sa ijiducuatire. Yũhũ buheyere tũhoeyequina nahitiano tiniñequina yero saha tiquina wahatore masiedare. <sup>36</sup> Sa yegũ buhrioro yero saha ijigũ ijiaja yũhũ. Sa yegũ mũsare buhegũ Cohãcjũ yere quehnoano masigũ yeaja mũsare. Yojopũre yũhũ wahato pano yũhũre wacũ tutuaya. Sa wacũ tutuana yeequina ijinata mũsa, nidi Jesu.

Sa ni yahu tuhasa duhti cãa wahari.

#### *Judio masa Jesure cahmedahye*

<sup>37</sup> Peye tahari Cohãcjũ tutuaye mehna tiquinare Jesu tiquiro ye ihñoepegũta peyequina judio masa tiquirore ne tũho duerari. <sup>38</sup> Cohãcjũ yere tiquina ojoari pũpɤ Isaia mũnano tiquiro ojoariro sahata yeye nidi tiquina. Ohõ saha ni ojoahye Isaia mũnano:

Cohãcjũ, mũhũ buheyere usã yahugũ masa ne tũho duerare. Mũhũ tutuayere tiquinare mũhũ ye ihñoepegũta, tire “Poto ijierare”, nidi tiquina, ni ojoahye Isaia mũnano.

<sup>39</sup> Tiquina sa tũho dueragũ ihñano Cohãcjũ tiquinare masiedagũ yeri. Ti gũhũre Isaia mũnano ohõ saha ni ojoahye:

<sup>40</sup> Caperi bajueyequina yero saha ijigũ yee tiahye Cohãcjũ tiquinare. Sa yero tiquiro yere masiedagũ yee tiahye tiquinare. Sa ye tiquiro tutuayere ihñaepeta tiquina ihñarire masiedare. Sa ye tiquiro buheyere tũhoepeta tire masiedare tiquina. Cohãcjũ ye buheyere masiñe tiquina ñañe yerire cohã dutiboaya. Sa yero tiquinare yũhdũoboaya tiquiro, ni ojoahye Isaia mũnano Cohãcjũ yere tiquina ojoari pũpɤ.

<sup>41</sup> Sa ni ojoaro Isaia Cristo tutuayere masino tiquiro nidiro sahata Cristore yahu ojoahye.

<sup>42</sup> Apequina Jesure tiquina cahmedapegũta judio masa usã pũhtoa mehna cjẽna peyequina Jesure wacũ tutua, cahmedi. Sa cahmepeta tiquina fariseo masare cueye apequinare “Jesu yequina wahau usã”, ni yahu duerari. Tire tiquina yahugũ tũhoye Jesure tiquina cahmedi buhiri judio masa usã buheri wũhũpɤ tiquinare sajã dutieraboaga fariseo masa pehe. <sup>43</sup> Cohãcjũre bucuegũ ye duepeta ti yũhdũoro fariseo masa pehere bucuegũ ye duari Jesure cahme dũcayequina. Sa ye tiquina “Jesu yequina wahau”, ni apequinare yahu duerari.

#### *Jesu yahuyere tiquina tũho duerari buhiri masa buhiri tieta*

<sup>44</sup> Sa ye Jesu tutuaro sañuducu, yahuri:

—Yũhũre wacũ tutuariquiro yũhũ dihitare wacũ tutuerare. Yũhũre ohoriquiro gũhũre wacũ tutuare tiquiro. <sup>45</sup> Sa ye yũhũre masiñequina yũhũre ohoriquiro gũhũre masine. <sup>46</sup> Buhrioro mehna mari ihña masigũ yero saha ahri yehpɤ Cohãcjũ yere masigũ yei ahtaũ nii yũhũ. Sa yegũ Cohãcjũ yere masare masigũ yeaja. Ihcãquiro nahitiano wahariquiro yero saha ñañene yeducure. Yũhũre wacũ tutuariquiro tiquiro yero saha yesi. Yũhũre wacũ tutuariquiro potota tũhorota. <sup>47</sup> Apequina yũhũ yahuyere tũhoepeta yũhũ nidiro saha yerare. Tiquina sa yerapegũta tiquina yerari buhirire buhiri dahresi yũhũ pehe tiquinare. Ahri yehpɤre buhiri dahregũ ahtagũ niedũ yũhũ. Ahri yehpa cjẽnare pecapɤ wahaboriquinare yũhdũoacjũ ahtagũ nii yũhũ. <sup>48</sup> Yũhũre cahmeeñequina, yũhũ yahuye gũhũre cahmeeñequina buhiri dahrenohatiquina ijietã. Tiquina yũhũ yahuyere tiquina tũhoerari buhiri ahri yehpa pihtiri deco ijigũpɤ buhiri

tieta. <sup>49</sup> Yũhũ esa tuharo yeraja. Yũhũ Pacũ yũhũre ohoriquiro pehe yũhũre yahu dutiri. Sa yero yũhũ yahuye pehe tiquiro ye yahuducuye ijire. <sup>50</sup> Tiquiro ye yahuducuyere tuhona Cohãcjũ mehna sa ijiducunata mũsa. Sa yegũ yũhũ Pacũ tiquiro yahu dutiriro sahata yahuaja mũsare, nidi Jesu.

## 13

### *Jesu buheyequina dahpocãrine coseahye tiquiro*

<sup>1</sup> Sa ye pascua deco bose deco panogã ahri yehpare tiquiro cohã cãtore tiquiro Pacũro cahapũ tiquiro wahatore masidi Jesu. Sa yero ahri yehpa cjẽnare tiquiro yequinare tiquiro tutuaro cahĩdi tiquina mehna tiquiro ijiro puno. Sa cahĩducure tiquiro yequinare.

<sup>2</sup> Ti ñamine Jesu usã tiquiro buhena mehna usã ihyagũ Juda Iscariotere Simo macũnore Jesure ihña tuhtiyequinare ihño duti tuhasari jiri watĩno pehe. <sup>3</sup> Sa yero mari Pacũ Cohãcjũ Jesure ijipihtiyequina bui tiquiro pũhoro sõrĩre masidi Jesu. Sa yero Cohãcjũ cahapũ tiquiro ahtarire came uhmũsepu tiquiro mũjati gũhũre masidi. <sup>4</sup> Sa masino wahcãdũca, tiquiro suhtiro bui cjãnore tu we ne, tore cũ tuhasa, suhtiro cahsero mehna tiquiro pari yũjũ dũhteri. <sup>5</sup> Dũhte tuhasa, waparopũ acore pio sãa, usã tiquiro buhena dahpocãrine cose dũcari. Usãre cose tuhasa tiquiro dũhteri cahsero mehna wũori usã dahpocãrine.

<sup>6</sup> Apequina buheyequinare cose cã, Simo Pedropũre esari. Tiquiro dahpocãrine tiquiro coseato pano Pedro pehe tiquirore ohõ saha nidi:

—¿Pũhto, yũhũ dahpocãrine cosegũ tũũ niajari mũhũ? nidi Pedro Jesure.

<sup>7</sup> —Mianogã mũhũre yũhũ yeatire masiedare mũhũ. Sa masiedapegũta camerũ masiita mũhũ, nidi Jesu tiquirore.

<sup>8</sup> —Yũhũ dahpocãrine ne cosesi mũhũ, nidi Pedro.

—Mũhũre yũhũ coseragũ yaquiro ijisi mũhũ, nidi Jesu.

<sup>9</sup> —Pũhto, yũhũ dahpocãri dihitare coseracãhña. Yũhũ dahpocãrine, yũhũ omocarine, yũhũ dapu gũhũre coseya, nidi Pedro.

<sup>10</sup> Tiquiro sa nigũ Jesu queoye mehna buhero ohõ saha nidi:

—Ihcãquiro masũno cuhsaro tiquiro pagũre quehnoano tu cose pehore. Sa yero pari turi tiquirore tu cosero cahmedare. Tiquiro dahpocãri dihitare tu cosero cahmene. Ijipihtina mũsa ñañe yerire coserina mũsa ijiepegũta ihcãquiro mũsa mehna cjũno tiquiro ñañene cosemehnediquiro ijire, nidi Jesu.

<sup>11</sup> Jesu tiquirore ihña tuhtiyequinare ihñoatiquirore masidi: Sa masino “Ihcãquiro mũsa mehna cjũno tiquiro ñañene cosemehnediquiro ijire”, nidi.

<sup>12</sup> Usã dahpocãrine cose tuhasa, tiquiro suhtirore saña tuhasa, nuju sari tiquiro dũjiriropũta.

—¿Mianogã mũsare yũhũ yerire masiajari mũsa? <sup>13</sup> Mũsa yũhũre “Buhegũ”, ni pisuna, “Pũhto”, ni pisuna poto ninata nine mũsa yũhũre. Mũsare buhegũ, mũsa pũhto potota ijiaja yũhũ. <sup>14</sup> Sa yena yũhũ mũsare buhegũ, mũsa pũhto ijiepegũta mũsa dahpocãrine yũhũ cosegũ ihñana mũsa gũhũ mũsa mehna cjẽna dahpocãrine coseya. <sup>15</sup> Mianogã mũsa yeatire mũsare ihñou. Mũsa mehna cjẽnare mũsa yedohoatire ihñou. Mũsare yũhũ yeriro sahata mũsa gũhũ yeya. <sup>16</sup> Ijirota niaja mũsare. Mũsa yũhũ cahacjẽna yero saha ijina yũhũ bui ijierare. Mũsare buhe duti yũhũ ohorina ijire mũsa. Sa yena yũhũ bui ijierare mũsa. Sa yegũ “Yũhũ yeriro sahata yeya”, nii mũsare. <sup>17</sup> Ahrire masina, yũhũ dutiyere yena, bucuena ijinata mũsa.

<sup>18</sup> Mũsare ijipihtinare sa niedaja. Yũhũ beseriquinare masiaja yũhũ. Cohãcjũ tiquiro yere tiquina ojoari pũpu tiquiro ni ojoariro sahata waharota. “Yũhũ mehna ihyariquirota yũhũre wejẽ duari”, ni ojoahye Cohãcjũ yere tiquina ojoari pũpu. <sup>19</sup> Tiquiro sa yeato pano ahrire yahuyugũ niaja mũsare. Yũhũre tiquiro sa yeri bato, “Jesuta Cristo Cohãcjũ ohoriquirota ijire”, mũsa niatire ahrire mũsare yahuyugũ niaja yũhũ. <sup>20</sup> Ijirota mũsare niaja. Yũhũ ohoriquinare cahmediquiro yũhũ gũhũre cahmene tiquiro. Sa yero

yũhũre cahmediquiro yũhũre ohoriquiro gũhũre cahmene tiquiro, nidi Jesu usãre tiquiro buhenare.

*Juda Jesure ihña tuhtiequinare tiquiro ihñoatore yahuahye Jesu*

*(Mt 26.20-25; Mr 14.17-21; Lc 22.21-23)*

<sup>21</sup> Sa ni yahu tuhasa Jesu tutuaro bũjũa witiri. Sa bũjũa witiro yahuri tiquiro usãre.

—Ijirota mũsare niaja. Ihcãquiro mũsa mehna cjũno yũhũre ihña tuhtiequinare yũhũre ihñonota, nidi Jesu.

<sup>22</sup> Tiquiro sa nigũ tũhona Jesure ihñoatiquirore masiedana, usã basi cahme ihña.

<sup>23</sup> Jesu buheyequina mehna cjũ yũhũ, Jesu cahĩdigũ ijii. Sa yegũ tiquiro cahapũ pari paha dujii. <sup>24</sup> Sa yero Simo Pedro yũhũre tiquiro omoca mehna sinituri:

—¿Jesure ihñoatiquiro noa pehere nino niajari Jesu? Yahuya usãre, nino, tiquiro omoca mehna sinituri Pedro.

<sup>25</sup> Tiquiro sa nigũ yũhũ pehe Jesu cahapũ dujirigũ sinituu tiquirore:

—¿Pũhto, noare nigũ niajari mũhũ? nii yũhũ.

<sup>26</sup> —Ahria pãre dahra waha ne, yũhũ ña mio yũhũ ohoatiquiro pehe tiquirota ijire yũhũre ihñoatiquiro, nidi Jesu.

Sa ni tuhasa pãre tiquiro dahra waha nedirore ña mio tuhasa tire Simo Iscariote macũnore Judare ohori. <sup>27</sup> Sa yero pãre tiquiro ñehedi bato watĩno pehe Judare ñano ye dutiri jiri. Sa yero Jesu tiquirore ohõ saha nidi:

—Mũhũ yeatore sojaro mehna ye madoqueohya mũhũ, nidi Jesu Judare.

<sup>28</sup> Tiquiro sa nigũ tũhona usã mesapũ dujina, Jesu Judare tiquiro nidire quehnoano masiedũ. <sup>29</sup> Ihquẽquina ohõ saha ni tũhotumi: “Juda usã niñerure ihboriquiro ijire. Sa yero bose deco usã ihyatire dú dutiro ohori Jesu Judare. O pejecũoyequinare niñerure oho dutiro niboaga Jesu”, ni tũhotumi usã ihquẽquina. <sup>30</sup> Sa yero Juda ti pãre ñehe tuhasa, wijiaa wahari. Tiquiro wijari pje ñami ijiri.

*Wahma dutirore yahuahye Jesu*

<sup>31</sup> Tiquiro wijari bato ohõ saha nidi Jesu:

—Yojopũ pũritare yũhũ masũ Cohãcjũ ohorigũ yũhũ tutuagũ yũhũ ijieye tiyere ihñonota Cohãcjũ masare. Sa yegũ Cohãcjũ tiquiro tutuariquiro ijieyere ihñoutja yũhũ pehe. <sup>32</sup> Sa yegũ Cohãcjũ tiquiro tutuayere yũhũ ihñogũ tiquiro pehe yũhũ tutuaye gũhũre yojopũ pũritare ihño madoqueorota. <sup>33</sup> Yũhũ pohna yũhũre tũhoya. Meheñe decorigã mũsa mehna ijinigtja. Yũhũ wahari bato yũhũre macanata mũsa. Sa yegũ mari acaye judio masare yũhũ nidiro sahata mũsa gũhũre niaja. “Yũhũ wahatore mũsa pehe waha masiedare”, tiquinare yũhũ nidiro sahata mũsa gũhũre yahuaaja. <sup>34</sup> Wahma dutirore mũsare yahugũtja. Mũsa mehna cjẽnare cahĩña mũsa. Mũsare yũhũ cahĩdiro sahata, mũsa mehna cjẽnare cahĩña. <sup>35</sup> Sa yena mũsa mehna cjẽnare mũsa cahĩgũ ihñañe, yeequina mũsa ijieyere masieta apeqũna, nidi Jesu usãre.

*“Jesure masiedaja”, Pedro tiquiro niatire yahuahye Jesu*

*(Mt 26.31-35; Mr 14.27-31; Lc 22.31-34)*

<sup>36</sup> Tiquiro sa nigũ Simo Pedro Jesure sinituri:

—¿Pũhto, nohopũ wahautjari mũhũ? nidi Pedro.

—Yũhũ wahatorũre yojopũre yũhũ mehna waha masiedare mũhũ. Yojopũre waha masiedapegũta came yũhũ cahapũ wahautta mũhũ, nidi Jesu Pedore.

<sup>37</sup> —¿Pũhto, dũhsegũ yojopũre mũhũ mehna waha masiedaboari yũhũ? Yũhũre tiquina wejẽ duepegũta mũhũre ne duhusi yũhũ, nidi Pedro Jesure.

<sup>38</sup> —¿Yũhũre ne duhueraagũtari mũhũ? Poto mũhũre yahutja. Canaca tiquiro yahuatũ pano “Jesure masiedaja”, niita mũhũ apeqũnare. Ihtia taha sa niita mũhũ, nidi Jesu Pedore.

<sup>1</sup> Came Jesu usāre ohō saha ni yahuri:

—Ne bujua witi, pajiro wacūedacāhña. Cohācjāre wacū tutuaya. Sa yena yūhu gūhure wacū tutuaya. <sup>2</sup> Yūhu Pacu tiquiro ijiropure peye wūhuse ijire. Mūsa ijiatore quehnoyugū wahagātja. Ti ijirota ijire. Sa yegū mūsare tire yahuaja. <sup>3</sup> Sa yegū mūsa ijiatore quehno tuhasa, tojoa tautja yūhu. Sa yegū yūhu cahapū mūsa ijiatire mūsare negū ahtautja yūhu. <sup>4</sup> Sa yena yūhu wahati mahare masine mūsa, nidi Jesu usāre tiquiro buhenare.

<sup>5</sup> —Pūhto, mūhu wahatore masiedaja usā. ¿Sa yena dūhse ye mūhu wahati mahare masinatari usā? ni sinituri Tomasu Jesure.

<sup>6</sup> Tiquiro sa ni sinitugū Jesu yūhtiri:

—Cohācjū cahapū wahagū yegū ijiita niaja yūhu. Sa yegū poto ijiyere yahugū ijiita niaja yūhu. Sa yegū ūhmūsepure catiducugū yegū ijiita niaja yūhu. Sa ye yeequina dihita yūhu Pacu cahapū wahaeta. <sup>7</sup> Yūhure masina, yūhu Pacu gūhure masiboya mūsa. Yojoपुरe tiquirore ihñari mūsa. Sa yena tiquirore masi tuhasare mūsa, nidi Jesu usāre.

<sup>8</sup> Tiquiro sa nigū Felipe ohō saha nidi:

—Pūhto, mari Pacure ihñōña usāre. To punota ihña duaja usā, nidi tiquiro.

<sup>9</sup> Tiquiro sa nigū Jesu yahuri:

—¿Felipe, yoari pje yūhu mehna ijiepegūta, mūhu masiedajari yūhure? Yūhure ihñariquiro yūhu Pacu gūhure ihña tuhasari. ¿Sa yegū “Mari Pacure ihñōña usāre”, nigū dūhsegu sa niajari mūhu yūhure? <sup>10</sup> Yūhu, yūhu Pacu mehna pūana ijiepenata ihcūta ijiaja. ¿Tire “Poto ijierare”, niimeje niajari mūhu? Mūsare yahugū yūhu esa tuharo yahugū niedaja. Yūhu Pacure yahu basagū niaja. Sa yero tiquiro yūhu mehna ijiriquiro tiquiro tutuaye mehna ye ihñore. <sup>11</sup> Yūhu, yūhu Pacu mehna pūana ijiepenata ihcūta ijiaja. Tire “Ijirota ijire”, ni wacūña mūsa. Tire “Ijirota ijire”, niedana, Cohācjū tutuaye mehna yūhu ye ihñorire wacūna, yūhu Pacu mehna yūhu ihcūta ijiyere “Ijirota ijire”, ni wacūña mūsa. <sup>12</sup> Ijirota mūsare niaja. Yūhure wacū tutuariquiro yūhu yeriro sahata yerota. Sa yero tiquiro pehe yūhu yūhduoro yerota. Yūhu Pacu cahapū tojoa wahau tūu niaja yojoपुरe. Sa yero yūhure wacū tutuariquiro yūhu yūhduoro Cohācjū tutuaye mehna ye ihñonota. <sup>13</sup> Sa yegū yūhure wacū tutuayequina tiquina sinino punota yeitja. Sa yegū yūhu Pacu tiquiro tutuariquiro ijiyere ihñoutja. <sup>14</sup> Yūhure wacū tutuana mūsa ijigū mūsa sinino punota yeitja, nidi Jesu.

—*Espíritu Santore* mūsare ohoutja, ni yahuahye Jesu

<sup>15</sup> Sa ni tuhasa ohō saha ni nemori:

—Yūhure mūsa cahīna, yūhu dutiyere quehnoano ye pehonata. <sup>16</sup> Yūhu Pacure sinitija. Yūhu sa sinigū yūhu Pacu pehe apeqirore mūsare yedohatiquirore mūsare ohorota. Sa yero tiquiro mūsare yedohatiquiro pehe ijiipitiye decori mūsa mehna ijirota. <sup>17</sup> Tiquiro poto yahuriquiro Espiritu Santota ijire. Ahri yehpa cjēna pehe Espiritu Santore masiedare. Sa ye tiquirore cūo masiedare. Tiquirota mūsa mehna ijirota. Sa yena mūsa pehe tiquirore cūonata. Sa yena tiquirore masine mūsa. <sup>18</sup> Mūsare cohāsi yūhu. Mūsa mehna ijigū tagū, tojoa tautja yūhu. <sup>19</sup> Sa ijiepegūta mehenogā dūhsare yūhu wahato. Yūhu wahari bato ahri yehpa cjēna yūhure wacū tutueyequina yūhure pari turi ihñasi. Mūsa pehe yūhure ihñanata. Yūhu catigū ijigū mūsa gūhu ijiipitiye decori Cohācjū mehna catinata. <sup>20</sup> Ti deco yūhu tojoa tati deco yūhu Pacu mehna ihcūta usā ijigū masinata mūsa. Sa yegū yūhu mehna cjāna mūsa ijigū mūsa mehna cjū yūhu ijigū gūhure masinata mūsa. <sup>21</sup> Yūhu dutiyere yeriquiro yūhure cahīniquirota ijire. Sa yero yūhure cahīniquirore yūhu Pacu pehe cahīnota. Sa yegū yūhu gūhu tiquirore cahīitja. Sa ye yūhure quehnoano masigū yeitja tiquirore, nidi Jesu usāre tiquiro buhenare.

<sup>22</sup> Usā mehna cjūno apeqiro Juda wame tiriquiro ijiri. Juda Iscariote Jesure ihña tuhtiyequinare ihñotiquiro ijierari tiquiro. Apeqiro Juda ijiri. Sa yero tiquiro Jesure sinituri:

—¿Pūhto, dūhse yeitjari mūhu usāre sa nigū? ¿Ahri yehpa cjēnare mūhure masigū yeragū, yabere yeitari mūhu usā dihitarare mūhure masigū yegū? ni sinituri Juda.

<sup>23</sup> Tiquiro sa nigũ tũhoro Jesu tiquirore yahuri:

—Yũhũre cahĩnequina, yũhũ dutiyere quehnoano yeye nine. Tiquina sa yegũ yũhũ Pacũ pehe tiquinare cahĩnota. Sa yena tiquina mehna ijina ahtanatja usã. <sup>24</sup> Yũhũre cahĩnequiro yũhũ dutiyere yerare. Sa ye yũhũ yahuye mũsa tũhori pehe yee yahuye ijierare. Yũhũre ohoriquiro ye yahuye pehe ijire. Tiquiro yũhũ Pacũta ijire.

<sup>25</sup> Mũsa mehna ijinigũ ahrire mũsare yahugũ niaja. <sup>26</sup> Came yũhũ sinigũ yũhũ Pacũ Espĩritu Santore ohorota mũsare. Sa yero Espĩritu Santo pehe mũsare yedohoatiquiro ijero, mũsare buhe pehorota tiquiro. Sa yero mũsare yũhũ yahurire mũsare wacũgũ yerota tiquiro.

<sup>27</sup> Mũsare quehnoano ijigũ yeitja yũhũ. Yũhũ quehnoano ijiriro sahata quehnoano ijigũ yeitja yũhũ mũsare. Ahri yehpa cjẽna tiquina ni mehoriro sahata yesi yũhũ mũsare. Yũhũ pũrita potota quehnoano ijigũ yeitja mũsare. Bũjũa witi pajiro wacũedacãhña mũsa. Sa yena cueracãhña mũsa. <sup>28</sup> “Yũhũ wahautja. Sa yegũ mũsa mehna ijigũ tagũ tojoa tautja”, mũsare yũhũ sa ni yahugũ tũho tuhasari mũsa. Tire tũhona, bucueboaya mũsa. Yũhũre mũsa poto cahĩna, bucueboaya mũsa. Yũhũ Pacũ pehe yũhũ yũhdũoro tutuare. Sa yena tiquiro cahapũ yũhũ wahatore mũsa masidi bato yũhũre cahĩna, bucueboaya mũsa. <sup>29</sup> Mũsa yũhũre wacũ tutuatire yũhũ wahatore yahuyugũ niaja mũsare.

<sup>30</sup> Ahri yehpa cjẽna pũhtoro watĩno pũhtoro ijero taro nine yojopũre. Tiquiro sa ijero tagũ yũhũ mũsa mehna yũhũ yahuducu bato tiati pje mehenogã dũhsare. Tiquiro pehe yũhũre yũhdũdũca masiedare. <sup>31</sup> Sa yegũ yũhũre yũhũ Pacũ tiquiro dutiriro sahata yeaja yũhũ. Sata yeaja yũhũ, yũhũ Pacũre yũhũ cahĩne ahri yehpa cjẽna tiquina masiatire. Wahcãdũcaya. Isa wahana, nidi Jesu usãre tiquiro buhenare.

## 15

*Jesu* ùhse da yero saha ijiriquiro ijire

<sup>1</sup> Came queoye mehna buhero usãre ohõ saha nidi Jesu:

—Yũhũ potota ùhse da yero saha ijigũ ijiaja. Yũhũ Pacũ pehe ùhse dare ihña ihboriquiro yero saha ijire. <sup>2</sup> Yeequina ùhse da dũpũri yero saha ijiequina yũhũ mehna cjẽnata ijire. Ùhse da dũpũri dũca marieñe dũpũrire ihña ihboriquiro tiquiro pehe cohãriro saha yũhũ Pacũ tiquiro cahmeñene yerariquinare cohãre. Dũca tiye dũpũrire ihña ihboriquiro tiquiro quehnoriro saha yũhũ Pacũ tiquiro cahmeñene yeyequinare yedohorota tiquiro, “Yũhũ cahmeñene ye nemoahdo”, nino. <sup>3</sup> Yeere tũhona, “Ijirota ijire”, nidi mũsa. Sa yero yũhũ Pacũ mũsa ñañe yerire cohã tuhasari. <sup>4</sup> Yũhũ mehna cjãna ijiya mũsa. Sa yegũ mũsa mehna ijitja. Ùhse da dũpũri ùhse da mehna wahñaedaye dũpũri ijiye, ti dũpũri pehe dũca mariedare. Sata yũhũ mehna cjãna ijierana, yũhũ Pacũ cahmeñene ye masiedare mũsa.

<sup>5</sup> Yũhũ ùhse da yero saha ijigũ ijiaja. Mũsa pehe ti da dũpũri yero saha ijina ijire. Yũhũ mehna cjũno mehna yũhũ ijigũ dũca tiye dũpũri yero saha tiquiro yũhũ Pacũ cahmeñene yere. Yũhũ mehna cjãna ijierana yũhũ Pacũ cahmeñene ye masiedare mũsa. <sup>6</sup> Ñañe dũpũrire tiquiro cohãboriro saha yũhũ mehna cjẽna ijieyequinare yũhũ Pacũ cohãnota. Ti dũpũri ñai dijiaa wahagũ ùhse dare ihña ihboriquiro ti dũpũrire ne cahmecoa pecapũ ùjũa cohãnota. Sata yerota Cohãcjũ yũhũ mehna cjẽna ijieyequinare.

<sup>7</sup> Yũhũ mehna cjãna ijina, yũhũ buheyere boeraboaga mũsa. Sa boerana, mũsa cahmeno punota siniña. Sa yegũ mũsa sinino punota ye basautja. <sup>8</sup> Yũhũ Pacũ cahmeñene yena mũsa ijigũ ihñañe “Jesu yequina ijire ahriquina”, ni masieta masa. Sa ye mũsare ihñañe yũhũ Pacũre ño peoeta. <sup>9</sup> Yũhũ Pacũ yũhũre tiquiro cahĩdiro sahata mũsare yũhũ gũhũ cahĩe tii. Yũhũ cahĩna ijiducuya mũsa. <sup>10</sup> Yũhũ cahĩnequina ijiducuyequina yũhũ dutiyere yere. Yũhũ Pacũ ye dutiyere yeaja yũhũ. Sa yegũ tiquiro cahñogũ ijiducujaja yũhũ. Sata mũsa gũhũ yũhũ dutiyere yena yũhũ cahĩna ijiducunata mũsa.



<sup>11</sup> 'Ahrire m̄sare yahuu ȳh̄u mehna m̄sa quehnoano bucueatire. Sa yena tutuaro bucuenata m̄sa. <sup>12</sup> Oh̄o saha dutiaja m̄sare: M̄sare ȳh̄u cah̄īdiro sahata m̄sa mehna cj̄ena ḡh̄ure cah̄īña. <sup>13</sup> Ihc̄aquiroy mas̄no tiquiro mehna cj̄eno ye buhiri yariaro tiquiro mehna cj̄unore tutuaro cah̄īne, apequina tiquina cah̄īdiro ȳh̄d̄uro. <sup>14</sup> Sa yena ȳh̄u dutiyere yena ȳh̄u mehna cj̄ana ijire m̄sa. <sup>15</sup> Potota ȳh̄u mehna cj̄ana waro ijire m̄sa. M̄sa sa ijiḡu ijipihtiyey ȳh̄u yerire yahuaaja m̄sare. Cahacj̄ano tiquiro p̄h̄toro yerire masiedare tiquiro. Sa yeḡu "Ȳh̄u cahacj̄ana ih̄yo ijina ijire m̄sa", m̄sare niedaja. Ȳh̄u Pac̄u ȳh̄ure tiquiro yahurire m̄sare yahu p̄hou. Sa yahuḡu "Ȳh̄u mehna cj̄ana ijire m̄sa", m̄sare niaja yojop̄re. <sup>16</sup> M̄sa pehe ȳh̄ure ne beserari. Ȳh̄u pehe m̄sare besei ȳh̄u Pac̄u cahmeñene m̄sa yeatire. M̄sa sa yeḡu m̄sa yeye ne ih̄yo waro ijisi. Ahri deco yoaro punota sa ijiducuati ijire m̄sa yeye. M̄sa sa yeḡu ȳh̄ure m̄sa wac̄u tutuaḡu ȳh̄u Pac̄ure m̄sa sinino punota tiquiro m̄sare ohorota. <sup>17</sup> Ahrire m̄sare dutiaja ȳh̄u: M̄sa mehna cj̄enare cah̄īña m̄sa, ni yahuri Jesu.

*Jesure tiquiro yequina ḡh̄ure ahri yehpa cj̄ena ih̄ña tuhtire*

<sup>18</sup> Sa yero tiquiro yahu nemori:

—Ahri yehpa cj̄ena m̄sare tiquina ih̄ña tuhtiḡu ih̄ñana ahrire wac̄īña m̄sa: M̄sare tiquina ih̄ña tuhtiatoy pano ȳh̄u pehere ih̄ña tuhti m̄htari tiquina. <sup>19</sup> Coh̄acj̄ure cahmedana m̄sa ijiḡu, ahri yehpa cj̄ena tiquina cahme cah̄īdiro sahata m̄sa ḡh̄ure cah̄iboaya tiquina. Ahri yehpa cj̄ana m̄sa ijiḡu m̄sare besei. Sa yena yojop̄re ahri yehpa cj̄ana waro ijierare m̄sa. M̄sa sa ijieraḡu ih̄ñañe ahri yehpa cj̄ena m̄sare ih̄ña tuhtire. <sup>20</sup> "Yeequina ijina m̄sa ȳh̄u bui ijierare", m̄sare ȳh̄u nidire wac̄īña m̄sa. Sa yena ȳh̄u docap̄u ijina ȳh̄u ñano ȳh̄d̄uriro sahata ñano ȳh̄d̄unata m̄sa ḡh̄u. Ȳh̄ure ñano yeriquinata m̄sa ḡh̄ure ñano yeeta. Ȳh̄u buheḡu ȳh̄t̄iriquinata m̄sa buheḡu ḡh̄ure ȳh̄t̄ieta tiquina. <sup>21</sup> Ahri yehpa cj̄ena ȳh̄ure ohoriquirore masiedare. Sa ye ȳh̄ure wac̄u tutuana m̄sa ijiḡu ih̄ñañe tiquina ñano yeeta m̄sare.

<sup>22</sup> 'Tiquinare ȳh̄u buheḡu ahtaeraḡu ȳh̄ure tiquina cahmedari buhiri, buhiri mariedaboaya. Yojop̄re tiquinare ȳh̄u buheri bato "Ñañe buhiri mariedare us̄are", ni masiedare tiquina. <sup>23</sup> Ȳh̄ure ih̄ña tuhtiriquiro ȳh̄u Pac̄u ḡh̄ure ih̄ña tuhtire. <sup>24</sup> Coh̄acj̄u tiquiro tutuaye mehna apequina tiquina ne yerarire ye ih̄ñou. Sa ye tiquinare tire ȳh̄u ye ih̄ñoedaḡu tiquinare ñañe buhiri mariedaboaya. Coh̄acj̄u tutuaye mehna ȳh̄u ye ih̄ñore tiquina ih̄ñari bato ȳh̄ure ȳh̄u Pac̄u ḡh̄ure ih̄ña tuhtire tiquina. <sup>25</sup> Sa ih̄ña tuhtiyey Coh̄acj̄u yere tiquina ojoari p̄p̄u duitap̄ta tiquiro ni ojoariro sahata yeye nidi tiquina. Oh̄o saha ni ojoahye: "Tiquinare ȳh̄u ñano yerapeḡta ȳh̄ure ih̄ña tuhtire tiquina", ni ojoahye duitap̄ta Coh̄acj̄u yere tiquina ojoari p̄p̄u.

<sup>26</sup> 'Ȳh̄u batop̄u m̄sare yedohoatiquiro, ȳh̄u Pac̄u mehna ijiriquiro m̄sare ȳh̄u ohoatiquiro Esp̄ritu Santota ijire. Tiquiro potota yahuriquiro ijire. Sa yero tiquiro ahtaro, ȳh̄u ijiye tiyere yahurota m̄sare. <sup>27</sup> Masare ȳh̄u buhe d̄ucaḡp̄ta m̄sa ḡh̄u decoripe ȳh̄u mehna ijiducuri. Sa yena m̄sa ḡh̄u ȳh̄u ijiye tiyere yahunata apequinare, ni yahuri Jesu.

## 16

<sup>1</sup> Sa ni tuhasa us̄are oh̄o saha ni yahu nemori:

—Came ȳh̄u buheyere ȳh̄u ḡh̄ure m̄sa coh̄aedatire ahrire ijipihtiyere yahuu m̄sare. <sup>2</sup> Judio masa mari buheye w̄h̄usep̄u m̄sa saj̄a duaḡu m̄sare saj̄a dutisi yeequina m̄sa ijiri buhiri. Sa ye ape tahap̄u m̄sare wej̄e, "Coh̄acj̄u cahmeñene yena niaja", ni tuh̄otuetamaga apequina. <sup>3</sup> Sa ye ȳh̄u Pac̄ure, ȳh̄u ḡh̄ure tiquina masiedare. Sa masiedaye m̄sare ñano yeeta tiquina. <sup>4</sup> Sa yena m̄sare ñano tiquina yeḡu ih̄ñana "Tiquina oh̄o saha yeato panota Jesu yahu tuhasari us̄are", ni wac̄unata m̄sa. M̄sa sa ni wac̄uatire yojop̄re ahrire yahu m̄htaḡu niaja m̄sare, ni yahuri Jesu.

*Esp̄ritu Santo tiquiro yeatire yahuahye Jesu*

Sa ni tuhasa oh̄o saha ni yahu nemori:

—Coã waropure mûsa mehna ijigũ ahrire mûsare yahuerũ. <sup>5</sup> Yojopũ pehere yũhũre ohoriquiro cahapũ wahautja. “¿Nohopũ wahautjari mũhũ?” yũhũre ni, ihcãquiro borota ne sinituerari mûsa. <sup>6</sup> Sa sinituerapenata yũhũ wahatire mûsare yũhũ yahu mũjagũ mûsa ñano jeripohna tire. <sup>7</sup> Mûsare ijirota yahugũta niaja. Yũhũ wahari bato mûsare quehnoanota. Yũhũ uhmũsepũ wahaeragũ mûsare yedohoatiquiro pehe ahtaeraboaya. Wahagũ mûsare tiquirore oho dijioutja yũhũ. <sup>8</sup> Yũhũ sa oho dijiogũ tiquiro ahtarota. Sa wihiro ahri yehpa cjẽna ñaãe yeyequina tiquina ijiyere tiquinare masigũ yerota tiquiro. Sa yero quehnoano ijiye tiye gũhũre buherota tiquiro masare. Sa yero Cohãcjũ masare tiquiro buhiri dahreato gũhũre yahurota masare yedohoatiquiro pehe. <sup>9</sup> Yũhũre wacũ tutueyequina ijire ahri yehpa cjẽna. Sa yero yedohoatiquiro pehe masa ñaãe yeyequina tiquina ijiye tiyere tiquinare masigũ yerota. <sup>10</sup> Yũhũ Pacũ cahapũ wahautja. Yũhũ sa wahari bato masa yũhũre ihñasi. Sa yero quehnoano ijiye tiye gũhũre buherota yedohoatiquiro pehe. <sup>11</sup> Ahri yehpa cjẽna pũtorore watĩnore Cohãcjũ buhiri dahre duti tuhasari. Sa yero Cohãcjũ masare tiquiro buhiri dahreati gũhũre yahurota yedohoatiquiro pehe.

<sup>12</sup> Pajiro ijire mûsare yũhũ yahuati. Yũhũ sa yahu nemo duepegũta tire yũhũ yahugũ yojopũ masinisi mûsa. Sa yena yojopure quehnoano tũhosi mûsa. <sup>13</sup> Yũhũ sa yahu nemoedagũ Espĩritu Santo pehe mûsare yahu nemono ahtarota. Tiquiro esa tuharo mûsare yahusi. Tiquirore yũhũ Pacũ yahu dutirire tiquiro yahurota mûsare. Sa yero mûsare poto yahu pehorota. Sa yero “Camerũ ohõ saha waharota”, ni yahurota tiquiro mûsare. <sup>14</sup> Sa yero yeere mûsare tiquiro yahurota. Sa yahuro yũhũre ño peogũ yerota masare. <sup>15</sup> Ijipihtiye yũhũ Pacũ ye, yee gũhũ ijire. Sa yegũ “Espĩritu Santo pehe yeere yahurota mûsare”, nii mûsare, ni yahuri Jesu.

—Bũjũa witina ijiepenata came bucuenata mûsa, ni yahuahye Jesu

<sup>16</sup> Sa ni tuhasa ohõ saha ni yahu nemori:

—Mehenogã bato mûsa yũhũre ihñasi. Sa yena mehenogã bato mûsa yũhũre ihñanata tja, nidi Jesu usãre tiquiro buhenare.

<sup>17</sup> Tiquiro sa nigũ tũhona, usã pehe meheñequinagã ohõ saha ni yahuducuu usã basi:

—¿“Mehenogã bato mûsa yũhũre ihñasi. Sa yena mehenogã bato mûsa yũhũre ihñanata tja”, nino dũhse nino sa niajari marine? ¿Sa yero “Yũhũ Pacũ cahapũ wahautja”, nino dũhse ijiro boro marine sa niagari tiquiro? <sup>18</sup> ¿“Mehenogã bato”, nino dũhse nino sa niajari ahriquiro? Tiquiro ni yahurire quehnoano masiedaja mari, ni yahuducuu usã basi.

<sup>19</sup> Usã sa ni yahuducugũ Jesu tiquirore usã sinitu duarire masino, usãre yahuri:

—¿“Mehenogã bato mûsa yũhũre ihñasi. Sa yena mehenogã bato yũhũre ihñanata tja”, yũhũ nidire sinitu duajari mûsa? ¿Tire yũhũ nidire masiedajari mûsa? <sup>20</sup> Ijirota mûsare nigũ niaja. Yũhũ yariagũ ihñana mûsa utinata. Sa yena tutuaro bũjũa witinata. Sa ye yũhũre ño peoyequina pehe bucueta. Mûsa pehe bũjũa witina ijiepenata, came bucuenata mûsa. <sup>21</sup> Ohõ saha ijire ti: Numino niji wahcõno, ticoro ñano yũhdũato pano ijire. Sa yero ticoro tutuaro bũjũa witiere. Sa bũjũa witiereperota ticoro pohna tiri bato ticorore purĩdire wacũedare ticoro. Nijinogã ahri yehpapũ tiquiro masa bajuagũ ticoro bucuere. Sa yero ticorore purĩdire wacũedare. <sup>22</sup> Sata mûsa yojopure bũjũa witinata. Came mûsare ihñautja. Sa yena mûsa tutuaro bucuenata. Mûsa sa bucuẽgũ apeqũna mûsare bũjũa witiẽgũ ye masisi.

<sup>23</sup> Ti deco mûsa yũhũre ihñari deco yũhũre sinitusi mûsa. Masi tuhasarinapũ ijinata. Ijirota mûsare nigũ niaja. Yũhũre mûsa wacũ tutuagũ ihñano yũhũ Pacũre mûsa siniñene tiquiro mûsare ohorota. <sup>24</sup> Ahri deco pano yũhũ tutuaye mehna Cohãcjũre siniedarĩdi mûsa. Yũhũre wacũ tutuatjãna Cohãcjũre siniña. Mûsa sa sinigũ mûsa sinidire mûsare ohorota, mûsa quehnoano bucuẽatire, nidi Jesu usãre.

Ñaãequinare Jesu pehe yũhdũducuhye

<sup>25</sup> Sa ni tuhasa ohõ saha ni nemori:

—Queoye mehna mūsare yahue tii. Sa yahuepegūta came mūsare queoye mehna yahusi yūhū. Sa yahueragu yūhū Pacu pehere quehnoano potō yahutja mūsare. <sup>26</sup> Ti decore mūsare yūhū Pacu sine basasi yūhū. Yūhūre wacū tutuana, mūsa basi tiquireore sininata. <sup>27</sup> Mūsa yūhūre cahīne. Sa yena yūhū Pacu cahapu yūhū ahtarigu ijigū “Ijirota ijire”, nine mūsa. Sa nina mūsa ijigū ihñano yūhūre cahīna mūsa ijigū ihñano yūhū Pacu pehe mūsare cahīne. Tiquiro sa cahīgū tiquireore mūsa sininata. <sup>28</sup> Yūhū Pacu cahapu ijirigu ahri yehrapure ahtaū yūhū. Sa yegu yojopure ahri yehrapu ijirigu yūhū Pacu cahapu wahautja, nidi Jesu.

<sup>29</sup> Tiquiro sa nigū ūsā tiquiro buhena ohō saha nii:

—Yojopu pūrita queoye marieno yahuducugu quehnoano bajuro yahugu nine mūhū ūsāre. <sup>30</sup> Mūhū quehnoano masi pehogu mūhū ijigū yojopu pūritare ūsā masiaja. Sa ye apequina mūhūre buhe masiedare. Tire yojopure ūsā quehnoano masiaja. ūsā quehnoano masina, Cohācjū cahapu ahtarigu mūhū ijigū “Ijirota ijire”, niaja ūsā, nii ūsā Jesure.

<sup>31</sup> ūsā sa nigū Jesu yūhtiri ūsāre:

—¿Yojopure “Ijirota ijire”, niajari mūsa? <sup>32</sup> Came cjūno ijipihitina mūsa wūhūseru waha sitena, yūhūre cohānata mūsa. Mūsa sa cohāpepegūta yūhū Pacu pehe yūhū mehna ijire. Sa yegu yūhū ihcūta ijieraja. <sup>33</sup> Ahrire mūsare yahu mūhtaū, yūhūre mūsa wacū tutuaye mehna mūsa quehnoano ijiatore. Cohācjūre cahmeeñequina cahapu mūsa ijigū ñano yeeta mūsare tiquina. Tiquina sa yepegūta bucueya mūsa. Ahri yehpa cjēna tiquina ñañe yerire yūhdūdcagu ijiaja yūhū. Sa yena yūhūre wacū tutuana bucueya mūsa, nidi Jesu ūsāre tiquiro buhenare.

## 17

### *Jesu tiquiro buheyequinare Cohācjūre sine basahye*

<sup>1</sup> Sa ni yahu tuhasa Jesu ūhmūanopu ihña mūo, Cohācjūre ohō saha ni yahuducuri:

—Mai, yojopure mūhū yahu queoriro sahata yūhūre ñano tiquina yeati pje esarota nine. Yūhūre mūhū macure masare ño peogū yeya. Mūhū sa yegū mūhūre masare ño peogū yeitja yūhū gūhū. <sup>2</sup> Ijipihitiquina puhto yūhūre cūri mūhū. Sa yegu yūhūre mūhū ohoriquinare mūhū mehna sa ijiducugū yeitja yūhū. Sa yegu mūhūre masare ño peogū yeitja yūhū. <sup>3</sup> Mūhū dihita Cohācjū waro ijire. Yūhū Jesucristo mūhū ohorigu ijiaja. Sa ye ijipihitiquina mūhūre masiñequina, yūhū gūhūre masiñequina ūhmūseru mari mehna sa ijiducuetā, nidi Jesu.

<sup>4</sup> Sa ninota ohō saha ni nemori mari Pacure:

—Ahri yehrapure mūhū ye dutirire ye peho tuhasaū yūhū. Sa yegu mūhūre masare ño peogū yei yūhū. <sup>5</sup> Ahri yehpa ijiato pano mūhū mehna yūhū ijigū ijipihitiquina yūhūre tiquina ño peo mūhtariro sahata yojopure yūhūre tiquina ño peogū yeya tja.

<sup>6</sup> Ahri yehrapu ijiyequinare yūhūre mūhū ohoriquinare mūhūre masigū yei. Mūhū ohoriquina mūhū yequina ijire. Sa yegu tiquinare ohori mūhū yūhūre. Sa ye mūhū dutiyere yeri tiquina. <sup>7-8</sup> Yūhūre mūhū yahurire tiquinare buhei. Yūhū sa buhegū tūhoye yūhū buheyere cahmedi tiquina. Sa ye potota mūhū cahapu ahtarigu yūhū ijigū masine tiquina. Sa ye mūhū ohorigu yūhū ijigū “Ijirota ijire”, ni tūhoture tiquina. Sa ye ijipihitaye yee mūhū ye ti ijigū masine tiquina.

<sup>9</sup> Tiquinare mūhūre sine basagu niaja. Apequina pehere sine basagu niedaja yūhū. Yūhūre mūhū ohoriquina mūhū yequina ijire. Sa yegu tiquinare sine basagu niaja mūhūre. <sup>10</sup> Tiquina ijipihitiquina mūhū yequina ijire. Sa ye mūhū yequina pehe yeequina ijire. Yūhūre wacū tutuaye yūhū tutuagu ijiyere masigū yere tiquina masare.

<sup>11</sup> Yojopure ahri yehrapure tojoasi yūhū. Mūhū cahapu wahaū tū niaja. Yūhū sa wahaepēgūta yojopure yūhūre mūhū ohoriquina ahri yehpare tojoare. Mai, mūhū quehnoagu ijire. Yūhūre mūhū ohoriquinare mūhū tutuaye mehna ihña ihbo basaya. Mūhū sa ihña ihbogū mari ihcūta mari ijiro saha tiquina gūhū ihcā curuata ijiagro.

<sup>12</sup> Tiquina mehna ijigū mūhū tutuaye mehna tiquinare quehnoano ihña ihbou. Ihcāquiro pūrīta pecapū waharota mūhū yere tiquina ojoari pūrū yahuriro sahata.

<sup>13</sup> 'Yojoṛpūre mūhū cahapū wahaū tūū niaja. Sa yegū ahri yehpapū ahri ijipihtiyere yeequinare yahuaja yūhū mehna tiquina quehnoano bucueatire. <sup>14</sup> Mūhū yere yahū tiquinare. Tiquina gūhū yūhū yero sahata ahri yehpapū iji dojoatiquina ijierare. Sa ye ahri yehpa cjēna pehe tiquinare ihña tuhtire. <sup>15</sup> "Ahri yehpapū ijiyequinare, yeequinare neahña", niedaja. Yūhū sa niedapegūta tiquinare quehnoano ihña ihboya. "Watīno ñañene tiquinare ye dutiari", nigū, quehnoano ihña ihboya tiquinare. <sup>16</sup> Ahri yehpa cjū ijieraja. Tiquina gūhū yūhū yero sahata ahri yehpapū iji dojoatiquina ijierare. <sup>17</sup> Yeequinare mūhū buheye mehna quehnoañequina yeya tiquinare. Mūhū yahūye pehe ijirota ijire. <sup>18</sup> Ahri yehpapūre yūhūre mūhū ohoriro sahata yūhū pehe yeequina gūhūre mūhū yere buhe dutigū ohou. <sup>19</sup> Mūhū cahmeñene yegū tagū yariacjū ijigū yūhū pagūre ohoaja. Sa yeaja yūhū, yeequina gūhū mūhū cahmeñene poto tiquina quehnoano yeatire.

<sup>20-21</sup> "Yeequina yojoṛpūre ijiyequina dihitare yedohoya", ni sini basaeraja yūhū. Yeequina apequina gūhūre yeere tiquina buheri bato tiquina gūhū yūhūre wacū tutuaeta. Tiquina gūhūre yedohoya, yeequina ijipihtiyequina ihcā curua tiquina ijiro quehnoano. Yūhū mūhū mehna mari pūana ijiepenata ihcūta ijiaja. Ihcūta mari ijiro sahata tiquina gūhū mari mehna ihcā curuata ijiahro. Ihcā curuata ijiahro, mūhū ohorigū yūhū ijiyere ijipihtiyequina masa "Ijirota ijire", tiquina niatire. <sup>22</sup> Yūhūre mūhū tutuaye ohorire yeequinare ohou. Ti tutuayere cūoye, ihcūta mari ijiro sahata tiquina gūhū ihcā curuata ijietā. <sup>23</sup> Yūhū tiquina mehna ijiaja. Sa yegū mūhū yūhū mehna ijire. Mari sa ijigū yeequina potota ihcā curuata quehnoano ijietā. Ihcā curuata tiquina ijigū ihñañe mūhū ohorigū yūhū ijiyere ahri yehpa cjēna masieta. Sa ye yūhūre mūhū cahīdiro sahata yeequina gūhūre mūhū cahīñene masieta masa.

<sup>24</sup> 'Mai, ahri yehpa iji dūcato pano yūhūre cahīe tiri mūhū. Sa cahīgū yūhū tutuagū ijiyere ihñori mūhū. Sa yegū yūhūre mūhū ohoriquinare yūhū mehna tiquina ijigū cahmeaja, yūhū tutuagū ijiyere tiquina masiatire. <sup>25</sup> Mai, mūhū quehnoagū ijire. Ahri yehpa cjēna ñañequina mūhūre masiedare. Yūhū pehe mūhūre masiaja. Sa ye mūhū ohorigū yūhū ijigū masine yeequina. <sup>26</sup> Tiquinare mūhūre masigū yei. Came gūhūre mūhūre tiquinare masigū yeitja, yūhūre mūhū cahīdiro sahata apequinare tiquina cahiatire. Sa yegū yeequina mehna ijigūtja, nidi Jesu mari Pacūre.

## 18

### *Jesure peresu yeahye*

(Mt 26.47-56; Mr 14.43-50; Lc 22.47-53)

<sup>1</sup> Tiquiro sa nidi bato Jesu, usā gūhū tiquiro buhena Cedrō wame tiri mare pehā, olivo wame tiye cjū wesepū esau. <sup>2</sup> Peye tahari ti wesepū Jesu mehna cahmecoae tii. Sa yero Juda Jesure ihña tuhtiyequinare ihñootiquiro ti wesere masidi. <sup>3</sup> Sa masino pūa curua surarare ūhmū tā cāhtari ti wesepū Jesure ihñono taro. Ihcā curua surara waro ijiri. Ape curua surara Cohācjū wūhūre cohteyequina ijiri. Tiquina pahia pūhtoā, fariseo masa tiquina ohoriquina ijiri surara, Cohācjū wūhūre cohteyequina mehna. Sa ahtaye sihāñe pacare, sihāñe cjū gūhūre sihā cāhtari. Tiquina wamoā gūhūre ne cāhtari tiquina. <sup>4</sup> Ti wesepū tiquina wihiri bato Jesu tiquiro ñano yūhūatire masino, tiquinare piti ca, sinituri:

—¿Noare macana niajari mūsa? nidi Jesu.

<sup>5</sup> —Jesu Nazare cjūnōre macaja usā, ni yūhtiri tiquina.

—Tiquiro tjiaja yūhū, nidi Jesu.

Juda pehe Jesure ñehe dutiro ihñoriquiro tiquina mehna ijiri. <sup>6</sup> Sa ye "Tiquiro tjiaja yūhū", Jesu nigūta tiquina pehe tūho maria waha, du siti maa, yehpapū bora quehe sari.

<sup>7</sup> Tiquina sa wahagū ihñano pari turi sinituri tiquinare Jesu:

—¿Noare macana niajari mūsa? nidi.

—Jesu Nazare cjūnore macana niaja usā, ni yūhtiri tiquina tja.

<sup>8</sup> —“Yūhū tjiaja”, ni tuhasamigu yūhū mūsare. Sa yena yūhūre ñehena ahriquinare yūhū mehna cjēnare peresu yeracāhña mūsā, nidi Jesu.

<sup>9</sup> Sa usāre cahīno ne ihcāquirore butigū yerari. Sa yero to pano Cohācjūre tiquiro nidiro sahata yero nidi tiquiro. “Yūhūre mūhū ohoriquinare ne ihcāquiro boerū”, tiquiro nidiro sahata yero nidi Jesu. <sup>10</sup> Sa ye Simo Pedro ñoseni pjīne cūoro, ti pjīne tūā we nedoqueo, pahia pūhtoro cahacjūno Malco wame tiriquiro cahmonore dūte pahrē cāri. Poto pehe cjā cahmonore dūte pahrē cāri. <sup>11</sup> Tiquiro sa dūte pahrēgū ihñano Jesu tiquirore ohō saha nidi:

—Mūhū ñoseni pjīne ihboya. Yūhū Pacū yūhūre tiquiro ñano yūhdū dutiriro sahata ñano yūhdūtja yūhū, nidi Jesu Pedrore.

*Pahia pūhtoro cahapū Jesure neahye tiquina*

*(Mt 26.57-58; Mr 14.53-54; Lc 22.54)*

<sup>12</sup> Tiquiro sa ni tuhasagūta surara, tiquina pūhtoro mehna, Cohācjū wūhūre cohteyquina surara gūhū Jesure ñehē, tiquirore dūhteri. <sup>13</sup> Dūhte tuhasa Anás cahapū nea mūhtari tiquina. Anás pehe Caifa mareino ijiri. Caifa pehe ti cūhmare pahia pūhtoro ijiri. <sup>14</sup> “Judio masa ye ijiatire ihcāquiro masūno yariagū quehnoanota”, nidiquiro boro ijiri Caifa pehe.

*—Jesure masiedaja, niahye Pedro*

*(Mt 26.69-70; Mr 14.66-68; Lc 22.55-57)*

<sup>15</sup> Sa yena yūhū Simo Pedro mehna Jesure yoa cjūnopū ihña nūnū tāh. Caifa ya wūhūpū neañe nidi Jesure. Yūhū pehe pahia pūhtoro tiquiro ihña masinohgū ijigū Jesu bato pūhtoro ya wūhū ijiri sahrīnopū sajā wahāh. <sup>16</sup> Yūhū sa sajāgū Pedro pehe sahrīno sopecahapū tojoadūca sari. Sa yegū majare wijia ta, sopecahare cohtericorore sinituu. Yūhū sa sinitu tuhasagū ticoro Pedrore sajā ta dutiri. Ticoro sajā ta dutiri bato yūhū Pedrore ne sajāa wahāh. <sup>17</sup> Yūhū sa ne sajāgū ihñano sopecahare cohtericoro pehe Pedrore sinituri:

—¿Jesu buheyequina mehna cjū ijierajari mūhū? nidi ticoro Pedrore.

—Ijieraja yūhū, ni yūhtiri Pedro pehe.

<sup>18</sup> Usā esato pano to cjēna pūhtoā cahacjēna, surara mehna tiquina sohmati pecare wijīā tuhasari jiri. Yūsuarīdī. Sa ye tiquina ti peca dūhtū caha ducuye, sohmañe nidi. Tiquina sa sohmagū ihñano Pedro gūhū ahta, sohmarī.

*Pahia pūhtoro Jesure sinituahye*

*(Mt 26.59-66; Mr 14.55-64; Lc 22.66-71)*

<sup>19</sup> Sa ye pahia pūhtoro Jesu buherire, usā tiquiro buhena gūhūre sinituahye Jesure.

<sup>20</sup> Tiquiro sa sinitugū Jesu pehe yūhtiahye tiquirore:

—Ijipihtiyequinare buhegū tiquina ihñono ducuu. Sa buhegū judio masa mari buheye wūhūseperū Cohācjū wūhūpū gūhūre sa buheducuu yūhū. Dūhtitjiāgū buherū yūhū.

<sup>21</sup> ¿Dūhsegū yūhūre sinituajari mūhū? Sinitu duagū yūhū buheyequinare sinituya. Yūhū buherire tiquina masine, ni yūhtiahye Jesu.

<sup>22</sup> Tiquiro sa nigū tūhoro topū ducuriquiro surara pehe tiquiro omoca mehna Jesure quēahye.

—Sa niedacāhña pahia pūhtoro, niahye surara pehe Jesure.

<sup>23</sup> Tiquiro sa nigūta Jesu ohō saha niahye:

—Ñano yūhū ni yahuducurire yahuya yūhūre. ¿Poto mūsare yūhū yahuepegūta, dūhsegū tagū yūhūre quēajari mūhū? niahye Jesu surarare.

<sup>24</sup> Came Anás Jesure tiquina dūhteriquirore Caifa pahia pūhtoro cahapū ohoahye.

*—Jesure masiedaja, pari turi niahye Pedro*

*(Mt 26.71-75; Mr 14.69-72; Lc 22.58-62)*



<sup>25</sup> Sa ye Simo Pedro peca duhtu cahapu ducuro, sohmano nidi. Tiquiro sa sohmaducugũ ihñañe to cjëna tiquirore sinituri:

—¿Mũhu gũhu Jesu buheyequina mehna cjũ mũhu ijierajari? nidi tiquina Pedrore.

—Ijieraja yũhu, ni yũhtiri Pedro.

<sup>26</sup> Sa yero pahia puhtoro cahacjëna mehna cjũno Pedro tiquiro cahmono dute pahrëdiquiro acayuro pehe Pedrore sinituri:

—¿Jesure tiquina ñehedi wesepu yũhu ijigũ mũhu gũhu tiquiro mehna ijieracoahte? ni sinituri tiquiro Pedrore.

<sup>27</sup> —Yũhu tiquiro mehna ijieru, nidi Pedro.

Tiquiro sa nigũta canaca yahuri.

### *Jesure Pilato sinituahye*

(Mt 27.1-2, 11-14; Mr 15.1-5; Lc 23.1-5)

<sup>28</sup> Nami cjũno ijigũ Caifa ya wũhũpu ijiriquina Jesure ne wijia, Roma cjëna puhtoro Pilato ya wũhũpu nea wahari tiquina. Sa wahaepeta tiquiro ya wũhũpu sajãedari. Pascua deco ijigũ tiquina ihyatiquina ijiye, ohõ saha nidi: “Judio masũno ijierare Pilato. Tiquiro sa ijiriquiro ijigũ tiquiro ya wũhũre sajãna, mari dutiyere yũhdũdũcana niboaga. Sa yena mari sajãgũ marine bose deco cjë ihyayere ihya dutieraboaga”, nidi. Sa niñe puhtoro Pilato ya wũhũre sajãedari Jesure neariquina pehe. <sup>29</sup> Tiquina sa sajãedagũ ihñano Pilato tiquina cahapu wũhu sopecahapu esadũcaro, tiquinare sinituri:

—¿Yabe buhirire ahriquiore yahusã duajari mũsa? nidi Pilato tiquinare.

<sup>30</sup> —Ahriquiore quehnoariquiore ijigũ wũhũre usã ohoeraboaya. Nariquiore ijire tiquiro, ni yũhtiri tiquina.

<sup>31</sup> Tiquina sa nigũ Pilato ohõ saha nidi:

—Mũsa basita tiquirore neañã. Sa yena mũsa ye dutiye ti nidiro sahata tiquirore buhiri dahreya, nidi Pilato tiquinare.

—Mũsa ye dutiye pehe usãre masũnore wejẽ dutierare, nidi tiquina Pilatore.

Sa niñe Jesure wejẽ dutiye tee nidi.

<sup>32</sup> Tiquina sa wejẽ dutigũ Jesu pehe curusapu tiquiro yariatire to pano tiquiro yahuriro sahata wahari. <sup>33</sup> Tiquina sa nidi bato, Pilato pehe wũhũpu majare sajã, Jesure pijioahye. Pijio tuhasa, tiquirore sinituahye:

—¿Judio masa tiquina puhto tjiajari mũhu? ni sinituahye Pilato.

<sup>34</sup> —¿Mũhu esa tuharota sa ni sinituajari mũhu yũhũre? ¿O apequina pehe yũhũre tiquina yahusãri bato tire sinituajari mũhu? niahye Jesu Pilatore.

<sup>35</sup> —Judio masũ ijieraja yũhu. Mũhu ya yehpa cjëna, pahia puhto gũhu mũhũre ohori usãre. ¿Yabere ñano yeari mũhu tiquina sa buhiri dahre duagũ? niahye Pilato.

<sup>36</sup> —Ahri yehpa cjũ puhto ijieraja yũhu. Ahri yehpa cjũ puhto yũhu ijigũ, yũhu buheyequina yũhũre yedohoboaya. Judio masare ñehẽ dutieraboaya. Yũhu puhto ijiye ahri yehpa cjë ijierare, niahye Jesu Pilatore.

<sup>37</sup> —¿Sa yegu puhto ijiajari mũhu sa nigũ? niahye Pilato.

—Mũhu nino sahata puhto ijiaja. Masa tiquina puhto ijigũ tagũ masa bajuũ yũhu. Sa yegu ahri yehpapũ ahtaũ tiquina puhto ijii tũhu, poto ijiyere yahugũ tũhu. Ijipihtiyequina poto ijiyere tũho duayequina, yũhu yahuyere tũhore, niahye Jesu.

<sup>38</sup> —¿Yabe boro ijiajari poto ijiye? niahye Pilato.

### *Judio masa Jesure wejẽ dutiahye*

(Mt 27.15-31; Mr 15.6-20; Lc 23.13-25)

Sa ni tuhasa Pilato judio masa caha majare tojoa tiquinare yahuri:

—Ahriquiore Jesure ne buhiri mariedare. <sup>39</sup> Cũhmaripe pascua ijigũ ihcãquiore peresu ijiriquirore mũsa wio dutiducure. ¿Sa yegu ahriquiore Jesureta mũsa puhtoro ijiatiquiro mũsare wio basagari yũhu? nidi Pilato judio masare.

<sup>40</sup> Tiquiro sa nigũ tũhoye judio masa ohõ saha ni saũducuri:

—Tiquirore wioeracãhña. Barrabá pehere usãre wio basaya, ni sañuducuri judio masa Pilatore.

Barrabá pehe yaque bucuro ijiri.

## 19

<sup>1</sup> Tiquina sa ni sañuducuri bato Pilato Jesure tana dutiahye. Sa ye tiquiro yequina surara pehe tiquirore tanahye. <sup>2</sup> Tana tuhasa tiquina pota behto ye tuhasa, Jesu dapu buipɛ duhu peohye. Duhu peo tuhasa, pɛhtoa ye suhti borore tiquirore sãa tuhasa, tiquiro cahapɛ esa dɛca, ohõ saha ni bujɛpeahye tiquina:

<sup>3</sup> —Quehnoano ahtaya. Judio masa pɛhto, quehnoano ahtaya, ni bujɛpe, Jesu wãhdoare quẽ mɛjahye.

<sup>4</sup> Sa yero Pilato pari turi judio masa cahapɛ waha, tiquinare yahuri:

—Tuhoya mɛsa. Ahriquiro ne buhiri mariediquiro ijire. Sa yegɛ tire mɛsa masiatire mɛsa cahapɛ tiquirore ne cãhtaɛ, nidi Pilato.

<sup>5</sup> Tiquiro sa ni tuhasagũ Jesu pota behto pesariquiro, pɛhtoa ye suhti borore sañariquiro wãhɛpɛ ijiriquiro wijia tari. Tiquiro sa wijia tagũ Pilato tiquinare ohõ saha nidi:

—Ihñaña. Ahriquiro ijire tiquiro, nidi Pilato.

<sup>6</sup> Tiquiro sa ni tuhasagũ tuhoye, pahia pɛhtoa, surara gũhɛ Jesure ihñañe, sañuducuri:

—Curusapɛ quẽ biha wejẽña tiquirore. Curusapɛ quẽ biha wejẽña tiquirore, ni sañuducuri tiquina.

—Tiquiro ne buhiri mariedare. Sa yena mɛsa basita tiquirore neahña. Sa yena mɛsata tiquirore curusapɛ quẽ biha wejẽña, nidi Pilato tiquinare.

<sup>7</sup> —Tiquiro basi “Cohãcjũ macɛ ijiaja”, nie tiri. Tire tiquiro sa nigũ usã dutiye pehe tiquirore wejẽ dutire, nidi tiquina Pilatore.

<sup>8</sup> Tiquina sa nigũ tuhoro cue yãhdɛa wahari Pilato pehe. <sup>9</sup> Sa yero pari turi wãhɛpɛre majare sajã, Jesure sinituahye tja:

—¿Noho cjũ ijiajari mɛhɛ? ni sinituahye tiquiro Jesure.

Tiquiro sa ni sinituepegũta Jesu tiquirore yãhtierahye.

<sup>10</sup> Tiquiro sa yãhtieragũ ihñano Pilato tiquirore sinitu nemoahye:

—¿Yãhɛre yãhtierajari mɛhɛ? Yãhɛ mɛhɛre peresupɛ ijirigɛre wio masiaja. Sa yegɛ mɛhɛre curusapɛ gũhɛre quẽ biha wejẽ duti masiaja yãhɛ. ¿Tire masiedajari mɛhɛ? niahye Pilato Jesure.

<sup>11</sup> —Cohãcjũ mɛhɛre tiquiro dutieragũ yãhɛre ñano ye dutieraboaya mɛhɛ. Yãhɛre ihña tuhtiequinare ihñoriquiro pehe mɛhɛ yãhdɛoro ñano buhiri tire, niahye Jesu Pilatore.

<sup>12</sup> Tiquiro sa nigũ tuhoro Pilato pehe tiquirore wio duamahye. Tiquiro sa wio duepegũta pari turi judio masa sañuducuri:

—Jesu “Pɛhto ijiaja”, nino mari ijipihtina pɛhtorore Roma cjɛnore ihña tuhtiriquiro ijire tiquiro. Sa yegɛ tiquirore wio gɛ mɛhɛ gũhɛ mari pɛhtorore ihña tuhtigɛ ijiaja mɛhɛ, ni sañuducuri judio masa Pilatore.

<sup>13</sup> Tiquina sa nigũ tuhoro Jesure wãhɛpɛ ijiriquirore ne wijia ta, buhiri dahre dutiro taro tiquiro dujiri pahtapɛ nuju sari Pilato. Tiquiro buhiri dahre dutiri paa ɛtã mehna tiquina yeri paa judio masa ye mehna Gabata wame tiri. <sup>14</sup> Ti deco pascua bose deco usã ihyatire usã quehñori deco ijiri. Ti pjere coheri pje waro ijiri. Nuju sa tuhasa Pilato masare ohõ saha ni yahuri:

—Ahriquiro tjire mɛsa pɛhtoro, nidi tiquiro.

<sup>15</sup> Tiquiro sa nigũ tuhoye judio masa sañuducuri:

—Yariahro tiquiro. Yariahro tiquiro. Curusapɛ quẽ biha wejẽña tiquirore, ni sañuducuri tiquina.

—¿Mɛsa pɛhtoro tiquiro ijiepegũta tiquirore curusapɛ quẽ biha wejẽ dutiajari mɛsa? nidi Pilato.

Tiquiro sa nigũ ohõ saha ni yãhtiri pahia pɛhtoa:

—Mari ijipihitina pũhtoro Roma cjũnota tiquiro usã pũhtoro ijire. Apequiro pũhtoro usãre mariedare, ni yũhtiri pahia pũhtoa.

<sup>16</sup> Tiquina sa ni yahuducuri bato Pilato Jesure curusapũ quẽ biha wejẽ dutiro, tiquirore ohori tiquinare.

*Jesure quẽ biha wejẽahye tiquina*

*(Mt 27.32-44; Mr 15.21-32; Lc 23.26-43)*

Sa ye tiquina Jesure ne wijiari. <sup>17</sup> Tiquina ne wijiagũ Jesu pehe tiquiro ya curusare tiquiro basi wũa ne, dapu pehtoro wame tiropũ esari. Usã judio masa ye mehna Gólgota wame tiri. <sup>18</sup> Topũ esaye tiquina Jesure quẽ biha ohõri. Sa ye apequina pũarore ihcãquiro tiquiro poto pehe, apequiro tiquiro cũ pehe pehe quẽ biha ohõri tiquina. Sa yero Jesu tiquina deco curusapũ wahñari. <sup>19</sup> Tiquina quẽ biha tuhasagũ Pilato taboa pũĩne ojoa duti, Jesure tiquina quẽ biha ohõri curusapũ quẽ biha ohõ dutiri jiri ti pũĩne. Ohõ saha ni ojoa dutiri jiri tiquiro: “AHRIQUIRO JESU NAZARE CJũNO, JUDIO MASA PũHTORO IJIRE”, ni ojoa dutiri jiri Pilato ti pũĩne. <sup>20</sup> Ti pũĩne ojoaro judio masa ye mehna, Roma cjẽna ye mehna, griego masa ye mehna ojoari jiri apequiro. Sa yero Jesure curusapũ tiquina quẽ biha ohõriro maca cahagã ijiri. To cahagã ijiequina peyequina judio masa Pilato ojoa dutirire ihña, buheri. <sup>21</sup> Sa buhe tuhasa judio masa usã pahia pũhtoa ohõ saha nidi Pilatore:

—“Ahriquiro judio masa pũhtoro ijire”, ni ojoa dutieracãhña. Usã pũhtoro ijierare ahriquiro. Sa yegũ ohõ saha ni ojoa quehno dutiya mũhũ. “Ahriquiro ‘Judio masa pũhtoa ijijaja’, ni ihcãquirota tiquiro basita sa ni tũhoturiquiro ijiri”, ni ojoa quehno dutiya, nidi pahia pũhtoa.

<sup>22</sup> —Yũhũ ojoa duti mũhtariro sahata ijirota, nidi Pilato tiquinare.

<sup>23</sup> Jesure tiquina quẽ bihari bato pititiaro surara pehe Jesu suhtire tiquina basi itiri. Tiquina sa iti duepegũta ihcã suhtiro yoari suhtiro dohori marieni suhtiro ijiri. Ti suhtiro suhari suhtiro ijiri. <sup>24</sup> Ti suhtiro sa ijigũ ohõ saha nidi tiquina basi:

—Ahri suhtirore tũhrẽdacũhna. Ahri suhtirore neatiquirore masi duana, doquepeihna mari, nidi tiquina basi.

Sa doquepeye, Cohãcjũ yere tiquina ojoari pũpũ tiquina ni ojoariro sahata yeye nidi tiquina. “Yũhũ suhtire tiquina basi itiri. Sa ye yũhũ suhtire neatiquinare masi duaye, doqueperi tiquina”, ni ojoahye Cohãcjũ yere tiquina ojoari pũpũ. Tiquiro sa ni ojoariro sahata sa yeye nidi tiquina.

<sup>25</sup> Surara tiquina sa yegũ, Jesu pacoro, Jesu mũono, María Cleofa namono, María Magdalena mehna Jesu curusa cahagã ihñaducuri tiquina. <sup>26</sup> Sa yero tiquiro pacoro yũhũ tiquiro cahñogũ gũhũ tiquiro cahapũ usã ducugũ ihñano tiquiro pacorore yahuri Jesu:

—Yojoapũre ahriquiro mũhũ macũ ijire, nidi Jesu tiquiro pacorore.

<sup>27</sup> Sa ni tuhasa, yũhũre ohõ saha ni yahuri tiquiro:

—Yojoapũre ahricoro mũhũ paco ijire, nidi Jesu yũhũre.

Tiquiro sa nidi bato Jesu pacorore ya wũhũpũ iji dutii.

*Jesu yaria wahahye*

*(Mt 27.45-56; Mr 15.33-41; Lc 23.44-49)*

<sup>28</sup> Tiquiro sa ni yahuri bato ohõ saha ni tũhotu, masiahye Jesu: “Ijipihitiye Cohãcjũ yũhũre dahra dutiro tiquiro cũrre ye pehou”, ni tũhotu, masiahye Jesu. Sa masino Cohãcjũ yere tiquina ojoari pũpũ tiquiro ni yahuriro sahata ohõ saha nidi Jesu:

—Aco wũoaga yũhũ, nidi Jesu.

<sup>29</sup> Sa yero topũ vino sũẽne co pose tiri sutu dujiri. Sa yero topũ ijiriquiro aco ihmini suhtere sũẽne co mehna tiquina sohari suhtere yucũgũ hisopo wame tidũ sohtoapũ dũhte ohõri. Sa yero Jesu dũseropũ siõ ohõri. <sup>30</sup> Ti core Jesu ihmi tuhasa ohõ saha nidi:

—To punota ijijaga, ninota tiquiro dapure muhri yo, yariaa wahari.

*Surara Jesu pati pahma batogã ñoseahye ñosenũ mehna*

<sup>31</sup> Ti deco pascua bose deco pano ijiri. Bose deco cjēne usā ihyatire quehñori deco ijiri. Sa ye ape deco saurū ijigū tiquina bose deco ijigū curusarip̄a yariariquinare cū duerari. Ti deco Cohācjüre tiquina ño peori bose deco ijiri. Sa ye ti decop̄a tiquina quē biha ohōriquinare curusarip̄a tiquina wahñagū cahmedari tiquina. Sa ye tiquina quē biha ohōriquinare tiquina ñecū cohārīne quē nuha dutiye tehe, judio masa siniahye Pilatore, “Tiquina yaria madoqueoahro”, niñe. Tiquina sa yeri bato tiquina paḡarire ne dijio madoqueoye tee nidi. <sup>32</sup> Tiquina sa dutigū surara pehe curusari cahap̄a esa, ihcāquiro yaqueriquiro ñecū cohārīne quē nuhari. Apequiro gūhure sata yeri tiquina. <sup>33</sup> Sa ye Jesu ñecū cohārīne quē nuhae tee yemehe, tiquiro yariariquiro ijigū ihñañe, quē nuhaedari.

<sup>34</sup> Sa quē nuhaedaye ihcāquiro surara tiquiro pati pahma batogā ñosenū mehna ñosedī. Tiquiro sa ñosegū duita tiquiro dii, aco mehna wijiari. <sup>35</sup> Ti sa wahagū ihñañ yuhñ. Yuhñ ahri pūre ojarigū musare poto yahuaja. Poto yuhñ yahuye ijigū masiaja yuhñ. Musare yahuaja musa gūhñ Jesure musa wacū tutuato saha. <sup>36</sup> Cohācjū yere tiquina ojoari pū ti nidiro sahata sa wahari: “Tiquiro cohārīne ne ihcā cohāre quē nuhaedari”, tiquiro ni ojoariro sahata Jesu ñecū cohārīne ne ihcā cohāre quē nuhaedari. <sup>37</sup> Sa yero ape pūp̄a Cohācjū yere tiquina ojoari pūp̄a ohō saha nine. “Tiquirore tiquina ñosediquirore ihñañeta tiquina”, ni ojoahye Cohācjū yere tiquina ojoari pūp̄a.

*Jesu paḡare masa copep̄a cūahye*

*(Mt 27.57-61; Mr 15.42-47; Lc 23.50-56)*

<sup>38</sup> Tiquiro yariari bato José Arimatea cjūno Jesu paḡare ne dijioro taro, Pilatore siniahye. José pehe apequina judio masare cuero, Jesure wacū tutuariquiro tiquiro ijiyere yahu duerahye. Sa yero tiquiro paḡare sinidi bato Pilato pehe Jesu paḡare nea dutiahye. Tiquiro nea dutigū José curusa cahap̄a esa, Jesu paḡare nea wahahye. <sup>39</sup> Nicodemo gūhñ José mehna wahahye. Tiquiro yucugū cjē ehme sitiye, mirra wame tiye ehme sitiye yucugū cjē mehna dahra moredire ne cāhye. Jesu paḡare tiquina cohāto pano tiquina quehnoati ijiahye ti ehme sitiye. Tiquiro ne cāhtari treinta kilo nūcūahye. Nicodemo sohō ijiri pje Jesu mehna tiquiro coā yahuducuri pje ñamip̄a Jesu cahap̄a esariquiro ijiahye. <sup>40</sup> Sa ye tiquina p̄aro Jesu paḡare ne, judio masa yariariquinare usā cohāducuro sahata tiquiro paḡare ehme sitiye mehna suhti mehna wahmeahye. <sup>41</sup> Curusap̄a Jesure tiquina wejēdiro cahap̄a wese ijiri. Ti wesep̄a masa cope utāp̄a wahma tiquina seheri cope ijiri. Ti copere ne ihcāquiro yariariquirore cohāedarīdi. <sup>42</sup> Pascua bose deco judio masa bose deco usā ihyatire quehñori deco ijiri. Sa ijiri deco ijigū ti cope cahagā tiquiro curusa ijigū, top̄a cūahye tiquina Jesu paḡare.

## 20

*Jesu masa wijiāhye*

*(Mt 28.1-10; Mr 16.1-8; Lc 24.1-12)*

<sup>1</sup> Domingo ñami cjūnogā ijigū, bohreato panogā María Magdalena Jesu masa copep̄a esahye. Top̄a esaro ti copere tiquina tu biharia utāre yoa cjūnop̄a tiquina p̄o cūria utāre ihñahye ticoro. <sup>2</sup> Sa ijigū ihñano, usā cahap̄a oma tojoa tari ticoro. Simo Pedro mehna yuhñ usā p̄ana ijii. Wihi ohō saha ni yahuri usāre ticoro:

—Mari p̄ah̄toro paḡare ne cāri jiri. Nohop̄a ne cā cūcoayaye mari masiedaja, nidi ticoro usāre.

<sup>3</sup> Ticoro sa nigū tūhona, Pedro mehna masa copep̄a ihñana wahañ usā. <sup>4</sup> Sa ihñana wahana usā p̄ana oma cāñ. Sa oma cāna, yuhñ Pedroro oma yuhñ cāgū masa copep̄a esa mūhtañ. <sup>5</sup> Top̄a esagū muhri ihñā sōu ti copep̄are. Muhri ihñā sōgū tiquirore tiquina wahmedi suhtiro dihitare ihñañ. Sa ye ti copere sajāedū. <sup>6</sup> Yuhñ sa ihñari batop̄a Simo Pedro yuhñ batop̄a wihiri. Wihi masa copep̄a sajā, tiquiro paḡare tiquina wahmedi suhtirore ihñari tiquiro. <sup>7</sup> Sa yero Jesu dapure tiquina wahmedi cahsero gūhure ihñari tja. Ti cahsero sijoro cuñano tiquiro torēdi cahsero ijiri. <sup>8</sup> Sa yegū yuhñ gūhñ masa copep̄a esa mūhtarigū ti copep̄a sajāñ. Jesu sa mariedagū ihñagū “Potota Jesu

masa wijiahya”, ni tūhotuu yūhū. <sup>9</sup> Ti copepū ūsā wahato pano Cohācjū yere tiquina ojoari pūpū Cristo tiquiro yariatire yahurire, tiquiro masa wijiatire yahuri gūhūre ūsā quehnoano masiedarīmi. Ti copere yūhū ihñari bato, “Ijirota Jesu masa wijiahya”, ni, tūhotuu yūhū. <sup>10</sup> Sa ihña tuhasa ūsā ye wūhūsepū tojoaa wahañ.

*Jesu María Magdalenare bajuahye*

(Mr 16.9-11)

<sup>11</sup> Sa ye masa copepū María majare tojoa ta, ti cope sopecahapū wihi, ducuro, utiro niahye. Sa utieperota ticoro muhri ihña sōahye masa copepūre. <sup>12</sup> Sa ihña sōno pūaro angelere, yehseye suhti sañañequinare Jesu tiquiro cuñamediropū tiquina dujigū ihñahye ticoro. Ihcāquiro tiquiro dapu timediropū dujiahye. Apequiro tiquiro dahpocāri timediropū dujiahye. <sup>13</sup> Tiquinare ticoro ihñagū tiquina pehe ticorore sinituahye:

—¿Numio, dūhse yego utiajari mūhū? niahye tiquina.

—Yūhū pūhtoro pagūre ne cāri jiri. Sa yego tiquiro pagūre tiquina cūrire masiedaga yūhū, niahye ticoro.

<sup>14</sup> Sa ni tuhasa, majaredūcameno Jesure topū ducuriquirore ihñahye ticoro. Sa ihñaeperota Jesure masiedahye ticoro.

<sup>15</sup> —¿Numio, dūhse yego utiajari mūhū? ¿Noare macago niajari? niahye Jesu ticorore.

“Ahriquiro ahri wesere cohteriquiro ijire”, ni tūhotumahye ticoro Jesure. Sa ni tūhoturo, ohō saha niahye ticoro:

—Mūhū tiquiro pagūre nedigū ijigū mūhū cūrirore yahuya yūhūre. Mūhū yahuri bato tiquiro pagūre negotja, niahye ticoro tiquirore.

<sup>16</sup> Ticoro sa nidi bato Jesu ohō saha niahye:

—María, niahye.

Tiquiro sa ni pisugū tūhoro majare ihñadoqueo ticoro hebreo ye mehna ohō saha niahye:

—Rabuni, niahye ticoro Jesure. “Rabuni”, nino, “Buhegū”, nino niahye.

<sup>17</sup> —Yūhū Pacū cahapū mūjaedarīaja yūhū. Yūhū sa mūjaedarīgū yūhūre ñehedacāhña. Sa yego apequina yeequina cahapū wahaya. Tiquina cahapū esago ohō saha ni yahuya tiquinare: “Yūhū Pacū cahapū wahañ tūñ niaja. Mūsa Pacū gūhū ijire tiquiro. Yaquiro Cohācjū cahapū wahañ tūñ niaja. Mūsa yaquiro Cohācjū gūhū ijire tiquiro’, nidi Jesu”, ni yahuya tiquinare, niahye Jesu Maríare.

<sup>18</sup> Tiquiro sa nidi bato María Magdalena ūsā Jesu buhena cahapū wihi, yahuri ūsāre:

—Mari pūhtorore ihñañ yūhū, ni, Jesu tiquiro yahu dutirire yahuri ūsāre ticoro.

*Jesu tiquiro buheyequinare bajuahye*

(Mt 28.16-20; Mr 16.14-18; Lc 24.36-49)

<sup>19</sup> Ti deco domingo ñamicahapū ūsā Jesu buhena ūsā acaye judio masare cuena, wūhūpū biha sajā, dujii ūsā. Sa ūsā dujigū Jesu ūsā watoapū bajuadūca saro ohō saha nidi:

—¿Ne, ijiajari mūsa? Quehnoano ijiya mūsa, nidi.

<sup>20</sup> Sa ni tuhasa, tiquiro omocarine, tiquiro pati pahma bato gūhūre ūsāre ihñori. Sa yena ūsā tiquirore ūsā pūhtorore ihñana bucuei. <sup>21</sup> Pari turi Jesu ūsāre ohō saha nidi:

—Quehnoano ijiya mūsa. Yūhū Pacū yūhūre tiquiro ohoriro sahata, mūsa gūhūre yee buheyere buheanare ohoaja, nidi Jesu ūsāre.

<sup>22</sup> Sa ni tuhasa tiquiro ūsāre puti peori. Sa puti peoro Espiritu Santore ūsā ñeheatire ihñono nidi ūsāre. Ihño tuhasa ohō saha nidi:

—Yojoṗū Espiritu Santore ñeheña mūsa, mūsa mehna ijiatiquirore. <sup>23</sup> Apequina tiquina ñañe yerire mūsa bogū, sata ijietā. Sa ye apequina tiquina ñañe yerire mūsa boeragū ti bori ijisi, nidi Jesu ūsāre tiquiro buhenare.

*Jesure masa wijiariquirore Tomasu ihñahye*

<sup>24</sup> Jesu ūsā watoapū tiquiro bajuagū Tomasu sūhdūariquiro tiquina ni pisuriquiro ūsā mehna mariedari.



<sup>25</sup> Tiquiro sa mariedagũ usã mehna cjêna tiquirore yahumedi.

—Mari pũhtorore usã ihñau, ni yahumi usã Tomasure.

Usã sa ni yahuepegũta ohõ saha nidi Tomasu:

—Tiquiro omocarine tiquina quẽ bihari coperire ihñedagũ, ti coperire yũhũ omo piria mehna ohbe tuhueragũ “Ijirota masa wijiahya”, nisi yũhũ. Sa yegũ tiquiro pati pahma bato ijiri copere yũhũ omoca mehna siõ sõedagũ, “Ijirota masa wijiahya”, nisi yũhũ tiquirore, nidi Tomasu.

<sup>26</sup> Ocho decori bato pari turi usã tiquiro buhena usã wũhũpũ ijii. Ti pjere Tomasu usã mehna ijiri. Ti wũhũ bihari wũhũ ijiri. Bihari wũhũ ijiepegũta Jesu wũhũpũ sajã taro, usã watoapũ bajuadũca saro ohõ saha nidi:

—¿Ne, ijiajari mũsa? Quehnoano ijia mũsa, nidi.

<sup>27</sup> Sa ni tuhasa, tiquiro Tomasure yahuri:

—Ihñaña yũhũ omocarine. Sa ye mũhũ omo piria mehna yũhũ omocarine tiquina quẽ bihari coperire ohbe tuhuya. Sa yegũ mũhũ omoca mehna yũhũ pati pahma bato ijiri copere siõ sõ tuhuya. “Poto ijierare”, niedacãhña. “Ijirota ijire”, niña mũhũ, nidi Jesu Tomasure.

<sup>28</sup> Tiquiro sa nidi bato Tomasu yũhtiri:

—Mũhũ yũhũ pũhto ijire. Yaquiro Cohãcjũ ijire mũhũ, nidi Tomasu Jesure.

<sup>29</sup> —Yũhũre mũhũ ihñari bato yũhũre wacũ tutuare mũhũ. Apequina pehe yũhũre ihñedapeta yũhũre wacũ tutuaeta. Sa ye tiquina mũhũ yũhũoro bucueeta, nidi Jesu Tomasure.

### *Jesure mari masiatire ahri pũre ojoahye Ñu*

<sup>30</sup> Sa yero peye apeye gũhũre Cohãcjũ tutuaye mehna ye ihñori Jesu usã mehna ijiro. Tire tiquiro yerire ahri pũpũ oja pehoeradũ yũhũ. <sup>31</sup> Sa oja pehoerapegũta ahri pũpũ yũhũ yahurire oja “Jesuta Cristo Cohãcjũ ohoriquiro ijire. Tiquiro potota Cohãcjũ macũno ijire”, mũsa ni masiatire. Sa yena mũsa tiquirore wacũ tutuana Cohãcjũ mehna mũsa sa ijiducuatire oja ahri pũre.

## 21

### *Jesu siete tiquiro buheyequinare bajuahye*

<sup>1</sup> Came Tiberia wame tiri ditara dũhtũ cahapũ usãre tiquiro buhenare Jesu pari turi bajuari tja. Usãre bajuaro ohõ saha yeri tiquiro. <sup>2</sup> Simo Pedro, Tomasu sũhdũariquiro tiquina niniquiro, Natanae Galilea yehrapũ ijiri maca, Canã wame tiri maca cjũno, apequina pũaro buheyequina, Zebedeo pohna pũana usã ohõpequinata cahmecoau.

<sup>3</sup> Sa usã cahmecoari bato Simo Pedro usãre ohõ saha nidi:

—Wahi wejẽgũ wahaũ niaja, nidi tiquiro.

—Usã gũhũ mũhũ mehna wahanatja, nii usã tiquirore.

Sa ni tuhasa buhaa wahaũ. Sa yena yucũsa mehna wahaũ. Ti ñamine usã quehnoano wahi wejẽ bohreenata ne ihcãquiro wahi wejẽdadũ. <sup>4</sup> Bohrea parĩ quehagũ Jesu padũropũ ducugũ tiquirore ihñami usã. Sa ihñapenata tiquirore ihña masiedũ usã. <sup>5</sup> Sa yero tiquiro pehe usãre sinituri:

—¿Ne wahi wejẽajari mũsa? nidi Jesu.

—Ne wejẽdabutiaga usã, ni yũhtii usã.

<sup>6</sup> —Yucũsa poto pehe pahrẽ pehe doque ñoña. Tie pehe doque ñona wahi wejẽnata mũsa, nidi usãre.

Tiquiro sa nigũ tũhona usã tiquiro nidirota doque ñou. Usã doque ño tuhasagũta peyequina wahi sajãri. Peyequina wahi sajãgũ wẽñanũre yucũsapũ weje sãana cũedadũ usã. <sup>7</sup> Sa yegũ yũhũ Jesu cahñogũ Pedrore yahuu:

—Mari pũhtorota ijire siquiro padũropũ ducuriquiro, nii yũhũ Pedrore.

Yũhũ sa nigũ tũhoro Jesuta tiquiro ijigũ masino, Simo Pedro tiquiro suhtirore sañari. Wahi wejẽno taro tiquiro suhtirore tu weriquiro ijinidi. Tiquiro suhtirore saña tuhasa, diapũ uhpu ñojoaa wahari. <sup>8</sup> Sa yena usã apequina buhena yucũsapũ ijina, cien metro

yoaro diapurẽ pahsau usã. Sa yena wẽñanũre wahi peyequina sajãdũre yucusa mehna weje nujuau usã. <sup>9</sup> Dũhtũ caharũ usã wahã sagũ, topũ peca niti dihita asi cuñari peca ijiri. Ti peca bui tiquiro pũhõ cũriquirore wahire ihñau usã. Pã gãhũre ihñau usã.

<sup>10</sup> Sa usã ihñagũ ihñano Jesu usãre ohõ saha nidi:

—Mianogã mũsa wejẽdiquinare meheñequinagã ne cãhtaya, nidi usãre.

<sup>11</sup> Tiquiro sa nigũ Simo Pedro pehe Jesu mehna ijiriquiro yucusarũ sajã, wẽñanũre, bũjũyequina wahi ciento cincuenta y tres wahi sajãdũre weje majari. Peyequina wahi sajãepeta wẽñanũre tũhrẽdari.

<sup>12</sup> —Ihyana ahtaya, nidi Jesu usãre.

“¿Noa boro ijiajari mũhũ?” ni sinituerũ usã tiquirore. Usã pũhtoro tiquiro ijigũ masii usã. <sup>13</sup> Sa yero Jesu peca caharũ esaro, pãre ne, usãre itiri. Wahi gãhũre itiri.

<sup>14</sup> Sa yero Jesu tiquiro masa wijiari bato padũropũ bajuaro ihtia taha usãre tiquiro buhenare bajuaro nidi.

### *Jesu Simo Pedro mehna yahuducuahye*

<sup>15</sup> Usã ihyari bato Jesu Simo Pedore sinituri:

—¿Simo Ñu macũ, ahriquinare mũhũ cahĩno yũhdũoro yũhũre cahĩajari mũhũ? nidi Jesu Simo Pedore.

—Pũhto, mũhũre cahĩaja yũhũ. Mũhũre yũhũ cahĩgũ masine mũhũ, ni yũhtiri Simo Pedro.

<sup>16</sup> —Sa yegũ ovejagãre tiquina nuno saha yeequinare buheya mũhũ, nidi Jesu.

Sa ni tuhasa pari turi tiquiro Simo Pedore sinituri:

—¿Simo Ñu macũ, yũhũre cahĩajari mũhũ? nidi Jesu.

—Pũhto, mũhũre cahĩaja yũhũ. Mũhũre yũhũ cahĩgũ masine mũhũ, ni yũhtiri Simo Pedro.

—Ovejare cohteriquiro ovejare tiquiro quehnoano cohtero saha, yeequinare quehnoano buhe cohteya, nidi Jesu Pedore.

<sup>17</sup> Sa ni tuhasa pari turi Simo Pedore sinituri:

—¿Simo Ñu macũ, yũhũre cahĩajari mũhũ? nidi Jesu tja.

Ihtia taha sa ni tiquiro sinitugũ tũhoro Simo Pedro tutuaro bũjũa witiri:

—Pũhto, mũhũ masi pehore. Mũhũre yũhũ cahĩgũ masine mũhũ, ni yũhtiri Simo Pedro.

—Ovejare tiquina nuno saha yeequinare buheya mũhũ. <sup>18</sup> Ijirota mũhũre niaja. Mũhũ wahmũ ijigũ mũhũ suhtire saña, mũhũ cahmediropũ tinie tiahye mũhũ. Sa yerigũ mũhũ ijiepegũta came mũhũ bũcũ ijigũ, mũhũ omocarine mũhũ siõdoqueogũ apeqũro mũhũre suhtiro sãanota. Sa yero mũhũ waha dueropũ mũhũre neanota, nidi Jesu Simo Pedore.

<sup>19</sup> Sa nino Simo Pedore dũhse waha tiquiro yariatire yahuro nidi. Camerũ bũcũro tiquiro wahagũ sa yeye taye niahye apeqũna tiquirore. Cohãcjũ yere Pedro yeri buhiri apeqũna tiquirore wejẽñe taye niahye. Sa yero Pedro yariatire yahuro nidi Jesu. Sa ni yahu tuhasa, ohõ saha ni nemori Pedore:

—Poto yũhũ buheriro sahata yeya mũhũ, nidi Jesu Pedore.

### *Jesu tiquiro cahĩniquiro buheriquiro ahri pũre ojoariquiro ijire*

<sup>20</sup> Tiquiro sa nigũta Pedro pehe majare ihñadoqueo, yũhũre Ñure Jesu tiquiro cahĩogũ buherigũre tiquinare yũhũ nũnũ tãgũ ihñano Pedro Jesure sinituri. Yũhũ pehe Pedro ihñarigũ to pano ohõ saha nidigũ ijii. “¿Pũhto, mũhũre ihñã tuhtiyequinare ihñõatiquiro pehe noa boro ijiagari tiquiro?” ni Jesure siniturigũ ijii yũhũ. Ti pjere Jesu tiquiro pari paha ihya dujii yũhũ. Sa yero yũhũre ihñano Pedro Jesure sinituri:

<sup>21</sup> —¿Pũhto, ahriquiro pehe dũhse waharotari? ni sinituri.

<sup>22</sup> —Tire mũhũre yahueraja. Ahri yehparũ yũhũ tojoa tato pano ahriquirore ijiducugũ yũhũ yeatire masiedare mũhũ. Sa yegũ mũhũre yahueraja. Poto yũhũ buheriro sahata yeya mũhũ, nidi Jesu Pedore.

<sup>23</sup> Tire tiquiro yahurire ijipihitiyequina Jesu yequina tiquina basi yahu sitemedi. Tire yahu siteye ohõ saha nimedi tiquina pehe: “Jesu tiquiro cahĩniquiro buheriquiro yariasi”, ni yahu sitemedi yũhũre Jesu yequina tiquina basi. Tiquina sa niepegũta “Tiquiro yariasi”, nino niedari jimedi Jesu. “Ahri yehrapũ yũhũ tojoa tato pano ahriquirore ijiducugũ yũhũ yeatire masiedare mũhũ. Sa yegũ mũhũre yahueraja”, nidi Jesu Pedrore.

<sup>24</sup> Jesu buherigũ ahrire yahurigũ, ahri pũre ojoarigũ ijiaja yũhũ. Sa yena ahri yũhũ yahuye poto ijigũ masiaja mari.

<sup>25</sup> Peye apeye gũhũre Jesu yeri. Tiquiro yerire mari ojoa pehogũ ti pũri ojoari pũri peye waro wahaboaga. Sa ye ti pũrine mari ihbogũ esa tuhaeraboaga ahri yehpa. Wahpaa wahaboaga, yũhũ tũhotugũ. To puno tjire.

## Jesu buhe dutiro tiquiro cūriquina tiquina yerire yahuri pũ ijire

—*Espíritu Santo ahtarota, niahye ahri pũre ojoariquiro*

<sup>1-2</sup> Teófilo, ahri quitire mũhũre ojoagu niaja. To pano yũhũ ojoa mũhtari pũre Jesu yerire, tiquiro buheyere mũhũre yahu tuhasaũ. Tee uhmũserũ tiquiro mũjarire yũhũ yahu bato tii. Jesu tiquiro mũjato pano Espiritu Santo tutuaye mehna dutiahye tiquiro bese cūriquinare. <sup>3</sup> Sa ye Jesu curusapũ tiquiro yariari bato ihquẽ tahari pagũ tiriquiro bajuahye tiquiro cūriquinare. Cuarenta decori bato bajua bato tiahye. Sa yero tiquiro basi catiriquiro ijiyere ihũoahye tiquinare. Sa bajuaro mari Pacũ tiquiro pũhtoro ijiyere quehnoañe buheyere yahuahye tiquinare.

<sup>4</sup> Jesu tiquiro cūriquina mehna ijinino tiquinare ohõ saha ni yahuahye:

—Jerusalẽpũta ijiniña yojopũre. “Espiritu Santore mũsare ohogũtja”, yũhũ Pacũ tiquiro nidiquirore cohteniña. Tire tiquiro nidire mũsare yahuu yũhũ. <sup>5</sup> Ñũ mũsare wame yero aco mehna wame yemedi. Yũhũ pehe ti yũhdũoro yeitja mũsare. Mehenogã bato Espiritu Santore mũsa mehna ijiducugũ yeitja mũsare, niahye Jesu.

*Jesu uhmũserũ mũjaa wahahye*

<sup>6</sup> Sa ye ape taha cũnũpũ Olivo wame tidũpũ Jesu tiquinare tiquiro bajuagũ ihũañe tiquina sinituahye tiquirore:

—¿Pũhto, Israe yehpare tiquina ehmari yehpare dũhse ijigũ usãre pari turi cũgũtjari mũhũ? ¿Dũhse ijigũ mari acaye warore pũhtoro sũgũtjari mũhũ? niahye tiquiro yequina.

<sup>7</sup> Tiquina sa nigũ tũhoro Jesu ohõ saha niahye:

—Mari Pacũ dihita ti decore mũsa ya yehpare mũsa quehnoano ijiatire cũ masine. Ti decore mũsare masino basioerare. <sup>8</sup> Sa masiedapenata mũsare Espiritu Santo tiquiro wihigũ Cohãcjũ ye tutuayere cũonata mũsa. Tiquiro ye tutuayere mũsa cũona Jerusalẽ cjẽnare, ijipihtiyequina Judea yehpa cjẽnare, Samaria yehpa cjẽnare, sa ye ijipihtiye yehpari cjẽnare quehnoañe buheyere buhenata mũsa. Yũhũ yariarire, yũhũ masa mũjarire tiquinare buhenata mũsa, ni yahuahye Jesu tiquinare.

<sup>9</sup> Sa ni yahu tuhasa, Jesu uhmũserũ mũjaa wahahye. Tiquina tiquirore ihũa nũnũ tã mũogũta ehmeo curua puhiarũ sajã, buti mũjaa wahahye. <sup>10</sup> Sa ye tiquina Jesu mũjariquirore tiquina ihũa mũori watoa pũaro angele yehseye suhti sañañequina Jesu tiquiro cūriquina watoa bajuadũca sahye. <sup>11</sup> Sa ye tiquinare ohõ saha niahye:

—¿Mũsa Galilea cjãna, dũhse ijiro boro ihũa mũoducuna nijari mũsa? Ahriquiro Jesu uhmũserũ mũjariquiro, tiquiro mũjariro saha ahtarota, ni yahuahye angele.

*Jesu cūriquina Juda mũnanore comesatiquirore beseahye*

<sup>12</sup> Sa ye Jesu yequina cũnũpũ Olivo wame tidũpũ ijiriquina dijia ta, Jerusalẽpũ tojoa sahye. Tũ cũnũpũre ihcã kilómetro yũhdũo cjũno yoaro ijiahye Jerusalẽ dũhtũ cahapũre. <sup>13</sup> Tojoa sa, uhmũanopũ tiquina ijiri tucũpũ mũjaa wahahye. Ahriquina ijiahye: Pedro, Ñũ, Santiago, Andre, Felipe, Tomasu, Bartolomé, Mateo, Santiago, Simo, Juda ijiahye. Santiago pehe Alfeo macũno ijiahye. Simo pehe celote wame tiri curua cjũno ijimediquiro ijiahye. Juda pehe Santiago acayũro ijiahye. <sup>14</sup> Peye tahari ahriquina ijipihtiyequina, numia mehna, María Jesu pacoro mehna, Jesu bahana mehna quehnoano cahmecoa, tutuaro mehna mari Pacũre sinie tiahye.

<sup>15</sup> Sa ye ti decorire masa peyequina cahmecoahye. Ciento veinte ijiye ijiboaya. Sa yero Pedro pehe tiquiro mehna cjẽna Cristo yequina watoa ducu, yahuahye tiquinare:

<sup>16</sup> —Yũhũ acaye, Cohãcjũ panopũ tiquiro nidiro sahata waharo nidi. Tire Espiritu Santo Davire yahu dutiahye Juda mũnanore. Juda mũnana Jesure ñeheatiquinare ihũoriquiro

ijiri. <sup>17</sup> Sa yeatiqiro ijieperota mari mehna Jesu yere yeriquiro ijimedi. Sa yero usã mehna cjãnota ijimedi, niahye Pedro.

<sup>18</sup> Jesure ihño dutiye tiquina wapa yerire Juda mñano pehe wiari bato tiqiro basita wejẽ yariaa wahahye. Sa yero bora waha, tiqiro cãhta misi da tũhña waha, yariaa wahahye. Tiquiro wiari mehna apequina mehenogã yehpare dúahye. <sup>19</sup> Ijipihtiyequina Jerusalẽ cjẽna masi pihti cãri jiri Juda mñano tiqiro ñano yerire. Sa masiñe tiqiro ye niñeru mehna tiquina dúri yehpare Acéldama wame yeri jiri tiquina ye yahuducuye mehna. Acéldama niñe, “Dii yehpa”, niñe nine. <sup>20</sup> Came ohõ saha ni nemoahye Pedro:

—Panopũ tiquina ojoariro sahata sa wahari Juda mñano. Salmo tiqiro ojoari pũpũ ohõ saha ni ojoahye:

Tiqiro wũhũ cohõri wũhũ ijiaho. Sa ye apequina ti wũhũre ijieracãhdo, ni, ojoahye.

Ohõ gãhũre ohõ saha ni ojoahye:

Apequiro tiqiro dahrayere comesariquiro ijirota, ni, ojoahye Salmopũ.

<sup>21-22</sup> Sa yena mari ihcãquiro beseihna. Ñu wame yeriquiro mñano masare tiqiro buheri watoa ihquẽquina Jesu yequina mari mehna wahari. Tiquina mehna cjũnore ihcãquiro bese neno cahmene mari mehna cjũno ijiatiquirore. Jesu mehna mari ijigũ mari mehna sa ijiducuriquirore besero cahmene. Sa mari beseri bato Jesu tiqiro masa mujarire mari mehna buherota, ni yahuahye Pedro tiqiro acayere Cristo yequinare.

<sup>23</sup> Tiquiro sa nigũ tũhoye pũarore bese boca hye tiquina. Ihcãquiro José Justo wame tiri quirore beseahye. Tiquiro Barsaba tiquina ni pisuriquiro ijiahye. Sa ye apequirore Matia wame tiri quirore beseahye. <sup>24-25</sup> Tiquinare bese boca tuhasa, tiquina mari Pacũre ohõ saha ni siniahye:

—Mũhũ usã pũhto, ijipihtiyequina masa tiquina tũhotuyere masine. Ahriquina pũaro usã beseriquina ijire. Juda mñanore comesati quirore diquiro mũhũ cahmeniquirore beseya. Jesure cohãtjiano Juda mñano pehe pecapũ wahahye. Tiquirore comesariquiro Jesu tiqiro cũriquiro ijirota. Sa yero usã mehna quehnoañe buheyere buherota, niahye tiquina mari Pacũre.

<sup>26</sup> Sa niñeta Juda mñanore comesati quirore beseye tehe utã paca mehna doque cũ mujahye “Noa pehe sajãnotari”, niñe. Matia tiqiro quehnoano wijiagũ, tiqiro pehe Jesu cũriquina once cũriquina mehna cjũno tojoahye.

## 2

### *Espíritu Santo Jesu yequina mehna iji dũcahye*

<sup>1</sup> Sa ye Pentecoste wame tiri deco ijigũ tiquina ijipihtiyequina ihcã wũhũpũ cahme-coahye. <sup>2</sup> Ti pjereta wihnono tutuaro wẽno saha uhmũanopũ bisiro ca tahye. Sa bisiro ca tagũ tũhoahye ijipihtiyequina ti wũhũpũ ijiriquina. <sup>3</sup> Sa ye peca pohna yero saha ijiye tiquina ijipihtiyequina dapu paca bui bajuahye. Ti peca pohnarigã ñehmeno yero saha bajuahye. <sup>4</sup> Sa yero Espiritu Santo wihiahye tiquinare tiqiro tutuayere ohoro taro. Espiritu Santo tiquinare yedohoro puno tiquina pehe apequina ye mehna quehnoano yahuducuahye.

<sup>5</sup> Ti decorire Jerusalẽpũ peyequina judio masa ijiahye. Mari Pacũre ño peoyequina ijiahye. Tiquina macaripe cjẽna ijiahye. <sup>6</sup> Sa ye uhmũsepũ bisigũ tũhoye Jesu buheyequina cahapũ peyequina cahmecoahye. Masape ye yahuducuyere Jesu buheyequina tiquina yahuducugũ tũhoahye. Sa tiquina yahuducugũ tũhoye, tiquina tũho maria wahahye.

<sup>7-8</sup> —Ahyou, ¿Dũhse yeye ahriquina Galilea cjẽna ijiepetã quehnoano mari yere yahuducujari? Tiquina mari masa bajaropũ ahtariquina yero sahata yahuducuye ca tare, niahye tiquina pehe.

<sup>9-10</sup> —Ijipihtiyequina mari yere yojopũre yahuducuye nine: Partia cjãna, Media cjãna, Elã cjãna, Mesopotamia cjãna, Judea cjãna, Capadocia cjãna, Ponto cjãna, Asia cjãna, Frigia cjãna, Panfilia cjãna, Egipto cjãna, Libiapũ ijiye macaripũ Cirene cahapũ ijina, Romapũ ahtarina ijiaja mari. Ihquẽquina judio masa ijiaja mari. Apequina mari judio masa ijiena, judio masa ye buheyere buhenapũ ijiaja mari. <sup>11</sup> Creta cjẽna gãhũ, Arabia



cjēna gūhu ijire mari mehna. Sa yena ahriquina mari yere tiquina yahuducugū tuhoaja mari. Tiquina mari ye mehna Cohācjū tutuaye mehna tiquiro yerire yahuye nine, ni yahuducuahye masa tiquina basi.

<sup>12</sup> Sa niñeta tiquina tuho acuaa waha, tiquina ihñarire tiquina tuhorire quehnoano masiedahye.

—¿Ahri duhse ijiro boro ahriquina apequina ye mehna Cohācjū yere sa quehnoano yahuducujari, msa tuhotugū? ni cahme sinituahye tiquina basi.

<sup>13</sup> Tiquina sa ni tuhotuepegūta apequina tiquina mehna cjēna bujapeahye:

—¿Duhse ahriquina sihbiori sihni, queheye nijari? ni bujapeahye apequina tiquina basi.

### *Pedro masare yahuahye*

<sup>14</sup> Sa yero Pedro once Jesu cūriquina mehna ducu, masare yahuahye:

—Msa Judea yehpa cjāna, ijipihtina Jerusalēpu ijina, ahrire masiña msa. Yuhu yahugū tuhoya msa. <sup>15</sup> Msa tuhotuye poto ijierare. Yojopta nueve hora ijire. Sa ye ahriquina queherare. <sup>16</sup> Ahriquina Cohācjū panopu tiquiro nidiro sahata yeye nine. Ti pjeppure Joere Cohācjū yere yahu muhtariquirore, ahrire yahu dutiahye Cohācjū pehe:

<sup>17</sup> Iji bato tiye decori ijigū ohō saha ijirota: Yaquiro Espiriture masare ijipihtiequinare ohogutja. Sa ye msa pohnapu yeere yahueta. Sa ye msa mehna cjēna wahma pjia bajumehneñene ihñeta. Sa ye msa mehna cjēna bucuna quehēnopu quehēeta. <sup>18</sup> Sa yegu yuhu cahacjēnare, yuhu cahacjēna numia gūhure yaquiro Espiriture ohogutja. Sa ye tiquina yahueta yeere. <sup>19</sup> Sa yegu yuhu tutuaye mehna bajumehneñene ye ihñogutja hmanopu. Yehrapu gūhure yuhu bajumehneñene ihñogutja: Diire, pecare, peca ohmeore ihñogutja. <sup>20</sup> Sa yero asū deco cjūno nahitiaa waharota. Nami cjūno dii yero saha sohāriquiro comesarota. Ohō saha waharota Cristo msa puhtoro tiquiro ahtati deco, yuhu nidi deco pano. Ti decopu ihña maria wahaeta masa. Sa yero ihyo ijiri deco ijisi. Ti deco quehnoari deco ijirota. <sup>21</sup> Sa yero ohō saha ijirota. Ijipihtiequina masa Cristore tiquina ñañene cohā duti siniñequinare tiquiro tiquinare pecapu wahaboriquinare yuhduorota, nine Cohācjū, ni ojoahye Joel.

<sup>22</sup> Msa Israe masa yuhu yahugū tuhoya: Jesu Nazare cjūno pehe Cohācjū ohoriquiro ijiri. Jesure tiquiro ohorire masa tiquina masiato saha tiquiro tutuaye mehna ye ihñori musare. Msa tire masine. <sup>23</sup> Jesure ohori musare apequiro. Panopu Cohācjū “Sa waharota”, tiquiro nidiro sahata sa yeri apequiro. Sa yena msa Jesure curusapu wejē dutiri masa ñañequinare. <sup>24</sup> Cohācjū pehe Jesure yariariquiro mnanore masori. Pari turi ne yariasi tiquiro. Tiquiro yaria dojoerare. Sa catiducuatiquiro ijire. <sup>25</sup> Ohō saha niahye Davi panopu cjūno Cristo tiquiro niboriro sahata:

Yuhu puhto, yuhu mehna ijire mhu. Ijipihtie decori Cohācjū yuhu puhto yuhu caha mhu ijigū ihñae tii yuhu cuerato saha. <sup>26-27</sup> Mhu Cohācjū yuhu jeripohnare yariayequina tiquina ijirppure ne cohāsi. Yuhure ñanopu yuhu jeripohnare cohāsi mhu. Yuhu mhu cahacjū mhu ño peogu ijiaja. Yuhu pagure ahba dutisi mhu. Sa yegu tutuaro bucueaja. Bucueye mehna yahuducujaja. Sa yegu mhu Cohācjūre quehnoano wacū tutuagu ijigu cuero marieno quehnoano iji cjā. <sup>28</sup> Yuhure pari turi catigū yeguta mhu. Yuhu mehna mhu ijigū tutuaro bucueaja, ni, ojoahye Davi mnanano Cristo tiquiro niboriro sahata.

<sup>29</sup> 'Acaye, ohō saha quehnoano yahugutja musare Davire mari acayuro, panopu cjūnore. Tiquiro yariaa wahahye. Sa yero tiquirore tiquina yari cope yojoppure ijire. Sa yero “Yuhu pagure ahba dutisi mhu”, ni ojoaro tiquiro basi wame peo yahuro niedahye. <sup>30-31</sup> Panopu Cohācjū Davi mnanore ohō saha niahye: “Poto niita naja. Mhu panamena iji turiayequina mehna cjūno mhu yero saha ahri yehpa cjēna puhtoro ijirota”, niahye Cohācjū Davire. Davi Cohācjū yere yahu muhtariquiro ijiahye. Sa yero Cristore Cohācjū tiquiro puhtoro sōatire masino, Cristo tiquiro masa mujatire yahu

mũhta tuhasahye Davi pehe. Ohõ saha niahye: “Tiquiro yariayequina ijiropure iji dojoasi. Tiquiro pagu topu ahbasi”, niahye Davi. <sup>32</sup> Ahriquiore Jesure Cohãcjũ masori. Usã ijipihina ihña. <sup>33</sup> Cristo mari Pacu poto pehepu ijire dutiriquiro ijiro. Sa yero tiquiro Pacuro “Espíritu Santore yehpapu ohogutja”, niahye tiquirore. Sa yero Cristo pehe ahriquinare Espiritu Santore ohori. Yojobure Espiritu tiquiro yeyere musa ihñana nine. Sa yena musa tuhore. <sup>34</sup> Davi munano pehe Jesu tiquiro mujariro sahata umusepu mjaedahye. Sa yero tiquiro basi ohõ saha niahye:

Cohãcjũ nidi yuhu puhtorore: “Yuhu poto pehepu dujiya muhu. <sup>35</sup> Mũhure ihña tuhtiequinare mũhure yuhduduca basautja yuhu”, nidi Cohãcjũ yuhu puhtorore, niahye Davi munano.

<sup>36</sup> Sa yena ijipihina Israe masa ahrire quehnoano masiña musa: Ahriquiore Jesure musa curusapu wejediquire musa puhtoro sori Cohãcjũ pehe. Tiquirore musare yuhduoatiquirore Cristore cõri Cohãcjũ, ni yahuahye masare Pedro.

<sup>37</sup> Tiquiro sa nigũ tuhoye tutuaro bujua witiye, cueye masa pehe Pedro gũhure sinituahye:

—¿Usã acaye, dahse yenatari usã? ni sinituahye tiquina.

<sup>38</sup> Tiquina sa ni sinitugũ yuhtiahye Pedro gũhu:

—Musa ñahe yeyere bujua witina ijiya. Quehnoañe pehere comesaya. Sa yena Jesu wame mehna wame yenohrina ijiya musa ijipihina. Musa sa yegũ musa ñañene borota Cohãcjũ. Musa sa yegũ Espiritu Santo musa mehna ijirota. Cohãcjũ yaquiore Espiritu Santore sa oho cãnota musare. <sup>39</sup> Musare, musa pohnare, musa panamena iji turiayequinare, yoaropu cjẽnare, ijipihiequina Cohãcjũ mari puhtoro tiquiro beseriquinare, “Potota yuhduogutja musare”, ni, cũahye Cohãcjũ, niahye Pedro.

<sup>40</sup> Sa ni tuhasa peye yahu nemoahye tiquiro. Sa yero tutuaro mehna yahuahye tiquinare:

—Ahri yehpa cjẽnare tiquina ñano yeri buhirire buhiri dahrerota Cohãcjũ. Sa yena musa pehe Cohãcjũ yequina ijiya. Musa sa ijigũ tiquiro musare buhiri dahresi, niahye Pedro masare.

<sup>41</sup> Tiquiro sa nigũ tuhoye peyequina tiquiro yahuducuyere quehnoano tũhoahye. Sa yero tiquinare tiquiro wame yahye. Sa ye Cohãcjũ yequina mehna cjẽna tres mil masa waha nemoahye. <sup>42</sup> Sa ye tiquina masa Cristo cõriquina mehna decoripe ijie tiahye. Sa ye tiquina ti buheyere decoripe tuhoe tiahye. Tiquina ihyayere cahme iti, Cohãcjũre sini, Cristo cõriquina mehna quehnoano ijie tiahye.

*Jesu yequina coã iji ducayequina tiquina ijiye tiyere yahuahye*

<sup>43</sup> Sa ye Cohãcjũ tutuaye mehna ye ihñoahye Jesu cõriquina. Tiquina sa yegũ ihñahe masa ijipihiequina ihña maria wahae tiahye. <sup>44</sup> Sa ye ijipihiequina Jesure wacũ tutuayequina cahmecoa, quehnoano ijie tiahye. Sa ye tiquina yere cahme itie tiahye.

<sup>45</sup> Tiquina yere dua, ijipihiequinare apee boro marieñequinare tiquinape ohoe tiahye tiquina. <sup>46</sup> Sa ye decoripe tiquina Cohãcjũ wũhũpu cahmecoae tiahye. Ijipihiequina tiquina ye wũhũsepu bucueye mehna cahmecoa, ihyae tiahye. <sup>47</sup> Tiquina sa cahmecoa, “Cohãcjũ quehnoariquire ijire”, ni ño peoe tiahye. Sa ye apequina masa tiquinare cahme yuhdũe tiahye. Sa yero decoripe Cohãcjũ apequinare tiquiro yequina wahagũ yee tiahye.

### 3

*Tini masieniquire yuhduoahye mari Pacu*

<sup>1</sup> Namicahapu tres ijigũ Cohãcjũ mehna yahuducuri pje ijigũ Pedro, Ñu mehna Cohãcjũ wũhũpu wahaye niahye. <sup>2</sup> Decoripe ti wũhu cã sopecaha quehnoari sopecaha wame tiri sopecahapu apequina ihcãquiore masunore ne cãhta, duhu dapoe tiahye. Tiquiro masuno pehe wahma masa bajaroputa tini masiedahye. Sa yero tiquiro ti sopecaha caha niñerure sini dujie tiahye ti wũhũpu sajãñequinare. <sup>3</sup> Sa ye Pedro, Ñu mehna ti wũhũpu tiquina esaducagũ tini masieniquire pehe tiquinare ihña, niñerure siniahye. <sup>4</sup> Sa ye Pedro gũhu tiquirore ihña, Pedro pehe ohõ saha niahye:

—Ūsāre ihñaña m̄h̄h̄, niahye Pedro tiquirore.

<sup>5</sup> Tiquiro sa nigū t̄horo “Ahriquina mehenogā ȳh̄re niñerure ohoeta”, ni t̄hoturo ihñadoque ohō, t̄hoahye tiquinare. <sup>6</sup> Tiquiro sa ni t̄hotuepegūta Pedro tiquirore ohō saha ni yahuahye:

—Niñerure c̄oeraja ȳh̄h̄. C̄oerapeita, ahrire yeitja m̄h̄re. Jesucristo Nazare cj̄no tiquiro tutuaye mehna tiniña m̄h̄h̄, niahye Pedro tini masieniquirore.

<sup>7</sup> Sa ninota tiquiro omocare poto pehe cj̄ omocare ñehe, tiquirore weje wahcō docoahye. Ti pjeta tini masieniquirore tiquiro ñecari tutuaa wahahye. <sup>8</sup> Tiquiro sa wahari bato tiquiro wahcād̄ca sa, waha d̄cah̄ye. Sa yero tiquiro waha, uhpu maa, “Cohācj̄ quehnoariquiro ijire”, ni bucueahye. Sa bucuro tiquina mehna Cohācj̄ w̄h̄p̄ sajā wahahye. <sup>9</sup> Tiquiro sa tinigū “Cohācj̄ quehnoariquiro ijire”, tiquiro nigū masa ijipihtiequina tiquirore ihñahye. <sup>10</sup> Sa ye masa tiquirore ihña masiahye. Tiquiro Cohācj̄ w̄h̄h̄ cj̄ sopecaha quehnoari sopecaha caha niñerure tiquiro sini dujirire masiahye masa. Sa ye tiquiro tinigū ihñañe, ihña maria wahahye.

*Cohācj̄ w̄h̄p̄ Pedro masare buheahye*

<sup>11</sup> Sa ye tini masieniquiro Pedro ḡh̄re tiquiro ñeheni watoa, masa ijipihtiequina ihña maria waha, quehnoari paap̄ Salomo wame tiri paap̄ oma cā, cahmecoahye.

<sup>12</sup> Tiquina sa cahmecoari bato Pedro pehe yahuahye tiquinare:

—¿M̄sa Israe masa, d̄h̄se yena ahriquirore ihña mariajari? ¿D̄h̄se yena ūsāre m̄sa ihña n̄n̄ajari? Ūsā pehe ūsā ye tutuaye mehna Cohācj̄re ūsā wacū tutuaye mehna ūsā esa tuharo ahriquirore tinigū yerū ūsā. <sup>13</sup> Abrahā, Isaac, Jacob mari ñec̄sum̄na panop̄ cj̄na Cohācj̄re ño peoe tiahye. Tiquiro Cohācj̄ pehe tiquiro cahacj̄nore Jesure tutuariquiro, quehnoariquiro tiquiro ijigū m̄sare ihñoe tiri. M̄sa Jesure tiquirore ihña tuhtiequinare ohori. Sa yena Pilato tiquirore peresu wio duepegūta m̄sa pehe tiquirore wiogū cahmedari. Pilatore Jesure ohori m̄sa. <sup>14</sup> Pilato tiquirore wio duamedī. Tiquiro sa wio duepegūta m̄sa Jesure quehnoariquirore, quehnoano yeriquirore cahmedana, apequirore masa wejēdiquiro pehere wio dutiri m̄sa. <sup>15</sup> Sa yena Jesure marine catigū yeriquirore wejēdī m̄sa, ūsā acaye judio masa. Tiquiro yariagū Cohācj̄ tiquirore masori. Tire ūsā ihñau. <sup>16</sup> Sa yena ūsā tiquirore wacū tutuana ijija. Ūsā sa wacū tutuagū ihñano ahriquirore m̄sa yojop̄ ihñariquirore m̄sa ihña masiniquirore Jesu pehe tiquiro tutuaye mehna tinigū yeri.

<sup>17</sup> Ȳh̄h̄ acaye, mari p̄h̄toa mehna Jesure quehnoano masiedapenata tiquirore wejēdī m̄sa. Tire masiaja ȳh̄h̄. <sup>18</sup> Sa ye panop̄ cj̄na Cohācj̄ yere yahu m̄htariquina Cohācj̄ tiquinare tiquiro yahu dutiriro sahata yahuahye tiquina. “Cristo ñano ȳhd̄rota”, ni yahuahye tiquina. Tiquina sa ni yahuriro sahata sa wahari yojop̄re. <sup>19</sup> Sa yena yojop̄re m̄sa ñañe yerire b̄j̄na witina ijiya. Quehnoañe pehere comesaya. Cristore wacū tutuaya. Sa yero m̄sa ñañe yerire borota Cohācj̄. Sa yero m̄sare bucueye decori cūnota tiquiro. Sa yena quehnoano jeri sajānata. <sup>20</sup> Sa yero Cohācj̄ Cristore tiquiro beseriquirore m̄sare ohorota. Cristo Jesuta ijire. <sup>21</sup> Cohācj̄ cahap̄ iji nine Jesu. Panop̄ Cohācj̄ tiquiro yere yahu m̄htariquinare yahuyu dutiahye. Masare ahri yehpa ḡh̄re tiquiro yeatire yahuyu dutiahye. Sa yero tiquiro yahuriro sahata yojop̄re ijipihtiyere quehnono nine. Quehno tuhasaro pari turi Cristore ahri yehpap̄ ohorota. <sup>22</sup> Moise tire yahuro ohō saha niahye: “Mari mehna cj̄nore mari acaȳrore Cohācj̄ yere yahu m̄htariquirore Cohācj̄ mari p̄h̄toro ohorota m̄sare. Ȳh̄re tiquiro ohoriro saha ohorota tiquiro ḡh̄re. Sa yena m̄sare tiquiro yahugū t̄ho pihti cāhña m̄sa. <sup>23</sup> Ohō saha ijirota. Ijipihtiequina tiquirore t̄hoerariquinare, tiquiro dutiyere yerariquinare tiquiro cohānota. Cohācj̄ yequina mehna cj̄na ijisi tiquina”, niahye Moise.

<sup>24</sup> Ijipihtiequina Cohācj̄ yere yahu m̄htariquinape Samuel, tiquiro bato ijiequina ḡh̄h̄ ahri decorire yahuahye. <sup>25</sup> Mari ñec̄sum̄na panop̄ cj̄nare yahuahye Cohācj̄. Mari ḡh̄re sa ni yahuro niahye. Abrahāre tiquiro nidiro sahata mari ḡh̄re ni yahuro niahye. Ohō saha ni yahuahye Cohācj̄ Abrahāre: “Ijiphtiri yehpa cj̄nare quehnoano

yeitja. Ohõ saha tire yeitja: Camepũ iji nunũ tãriquiuro mũhũ acayũro pehe masare quehnoano ye basarota yũhũre”, niahye Cohãcjũ Abrahãre. <sup>26</sup> Sa yero Cohãcjũ tiquiuro macũnore mari cahapũ oho mũhtari mari ñãñe yeyere duhu dutiatiquirore. Sa yero marine tiquiuro quehnoano yeri, niahye Pedro tiquinare.

## 4

*Pedro, Ñu mehna pũhtoare yahuducuahye*

<sup>1-3</sup> Masa mehna tiquiuro yahuducuri watoa pahia, Cohãcjũ wũhũre cohteyequina surara pũhtoro, saduceo masa gũhũ tiquinare tũhoahye. Ohõ saha ni buheahye Pedro Ñu mehna masare:

—Jesu tiquiuro yariari bato masa mũjaa wahari. Tiquiro sa masagũ ihñana mari gũhũ came mari tiquiuro yequina mari masa mũjatire masiaja mari, ni yahuahye Pedro gũhũ.

Tiquina sa nigũ tũhoye pũhtoa pehe tiquina mehna usuahye. Sa usuaye nahi quehagũ ihñãñe tiquina Pedore, apequina Jesu cũriquina gũhũre ñehe, peresu yeahye. <sup>4</sup> Pũhtoa tiquina sa cahmedapegũta peyequina Cohãcjũ yere tũhoyequina pehe “Ijirota ijire”, ni tũhotuahye. Sa ye Jesu yequina peyequina sajãhye. Tiquinare mũmũ sehsarore mari queogũ Jesure wacũ tutuayequina cinco mil masa ijiahye.

<sup>5</sup> Sa ye ape decopũ ti maca cjẽna pũhtoa, bũcũna, judio masa buheyequina mehna Jerusalẽpũ cahmecoahye. <sup>6</sup> Sa yero pahia pũhtoro, Anás wame tiriquiuro topũ ijiahye. Tiquiro acaye gũhũ ijiahye. Caifa, Ñu, Alejandro, apequina mehna Anás acaye gũhũ ijiahye. <sup>7</sup> Sa ye tiquina Pedro gũhũre tiquina cahmedoqueogũ, surara pehe pũhtoa watoapũ tiquinare ne wihi docoahye. Tiquina sa yeri bato pũhtoa sinituahye Pedro gũhũre:

—¿Noa ye tutuaye mehna mũsa tiquiore tinigũ yeari? ¿Noa ijiajari mũsare tire ye dutiriquiuro? ni, sinituahye tiquina.

<sup>8</sup> Tiquina sa nigũ tũhoro Espĩritu Santo tutuaye mehna yahuahye Pedro tiquinare:

<sup>9</sup> —¿Mũsa pũhtoa, mũsa bũcũna, usã tini masieniquirore quehnoa wahagũ usã yerire sinituna niajari mũsa? <sup>10</sup> Ahrire masiña mũsa ijipihtina, Israe masa. Ahrire Jesucristo sa yeri. Jesu Nazare cjũno, mũsa curusapũ wejẽdiquiro, Cohãcjũ tiquiuro masoriquiro pehe ahriquiuro tini masieniquirore quehnoa wahagũ yeri. Sa yena ahriquiore yojopũre mũsa ihñonopũ tiquiuro tinigũ ihñare mũsa. Ohõ saha nine Cohãcjũ yere tiquina ojoari pũpũ Cristore yahuro: <sup>11</sup> “Ahriquiuro utã yero saha ijiriquiro ijire. Utãre wũhũ dahreatiquina tiquina cohãno saha masa tiquiore cohãri. Tiquina sa yepegũta yojopũre wũhũ dahreriquina wũhũre yeye tiquina cũ mũhtari utãre tiquina cũno saha Cohãcjũ tiquiore pũhtoro sõri. Tiquiro Cristo pehe mariedagũ Cohãcjũ yequina wahaeraboaya masa. Tiquiro sa ihyo ijiriquiro ijierapegũta mũsa mari pũhtoa mehna tiquiore cahmedari. Mũsa sa cahmedapegũta Cohãcjũ pehe tiquiore mari pũhtoro sõri”, ni ojoahye panopũre. <sup>12</sup> Ne, apequiuro masare pecapũ wahaboriquinare yũhdũoriquiro ne mariedare. Ahri yehpapũre Jesu dihita masare yũhdũoriquiro ijire. Ne apequina tiquiuro yero saha ijiequina ne mariedare, ni yahuahye Pedro tiquinare.

<sup>13</sup> Tiquiro sa ni yahuri bato Pedro, Ñu mehna buhemehneñequina tiquina ijigũ ihñãñe, cuero marieno tiquina buhegũ ihñãñe, pũhtoa, bũcũna, judio masa buheyequina mehna tũho maria wahahye. Sa ye Jesu yero saha tiquina buhegũ ihñãñe, ohõ saha masiahye tiquina: “Pedro, Ñu gũhũ potota Jesu mehna cjẽna ijire ahriquina”, ni, masiahye tiquina. <sup>14</sup> Sa yero tini masieniquiro ijimediquiro Pedro gũhũ mehna ijiahye. Tiquiro quehnoariquiuro ijigũ ihñahye pũhtoa, bũcũna, judio masa buheyequina mehna. Sa ye tiquina Pedro gũhũre “Ñano yeye nine”, ni yahusã masiedahye. <sup>15</sup> Sa yahusã masiedaye, pũhtoa tiquina cahmecoari tucũpũ ijiequinare Pedro gũhũre wija dutiahye. <sup>16</sup> Tiquina wijiari bato tiquina basi ohõ saha ni yahuducuahye:

—¿Ahriquinare dũhse yenatari mari? ni, yahuducuahye tiquina.

Ohõ saha ni yahuducu nemoahye:

—Pedro, Ñu mehna Cohācjũ tutuaye mehna tini masieniquirore tinigũ yeri jiri. Sa ye Jerusalē cjēna ijipihtiyequina tiquina sa yerire masidi. Sa yena mari pehe “Sa yerari tiquina”, ni masiedaja mari. <sup>17</sup> Sa yena Jesu tiquiro buherire apequinare buhe dutieracũhna tiquinare, “Apequina ti buheyere cahmeari”, nina, ni yahuducuahye tiquina basi.

<sup>18</sup> Sa ni yahuducu tuhasa Pedro gũhũre pijio, ohõ saha niahye:

—Jesu tiquiro buherire ne buheracãhña apequinare. Tire ne yahuducueracãhña, nimahye tiquinare.

<sup>19</sup> Tiquina sa nigũ tũhoye Pedro, Ñu mehna ohõ saha niahye tiquinare:

—Musa ohõ saha nigũ musare yũhtina, Cohācjũ pehere yũhdũdũcana niboaga usã. ¿Noa pehere usã yũhtigũ cahmeajari musa? ¿Musa pehere usã yũhtigũ cahmeajari musa? ¿O Cohācjũ pehere usã yũhtigũ cahmedajari musa? <sup>20</sup> Usã pehere usã ihñarire, usã tũhorire usãre nũono basioerare, ni yũhtiahye Pedro, Ñu mehna.

<sup>21</sup> Tiquina sa nigũ tũhoye pũthoa pehe pari turi dutimahye tiquinare tja:

—Jesu tiquiro buherire musa buheri buhiri ñano yũhdũnata musa, nimahye pũthoa tiquinare.

“Ñu, Pedro mehna ñano yeye nine”, ni masiedari jiri tiquina. Sa ye masa pehe tini masieniquiro tiquiro yũhdũgũ ihñañe, “Cohācjũ potota quehnoariquiro ijire”, niahye masa. Tiquina sa nigũ tũhoye pũthoa pehe Pedro gũhũre buhiri dahre masieda, tiquinare wioahye. <sup>22</sup> Tini masieniquiro, tiquina yũhdũoriquiro cuarenta cũhmari cũoriquiro ijiahye.

#### *Jesu yequina tiquina cueratire siniahye Cohācjũre*

<sup>23</sup> Sa ye Pedro, Ñu mehna tiquina mehna cjēna cahapũ esa, pahia pũthoa, bũcũna tiquinare tiquina nidire yahuahye. <sup>24</sup> Tiquina sa nigũ tũhoye tiquina ijipihtiyequina mari Pacũre Cohācjũre siniahye:

—Usã pũtho, mũhũ uhmũsere, yehpare, mări gũhũre yerigũ, ijipihtiyequina catiyequinare yerigũ ijire mũhũ. <sup>25</sup> Mũhũ yaquiro Espĩritu Santo usã ñecũ mũnano Davire mũhũ cahacjũnore ahrire yahu dutiahye mũhũ nidiro sahata:

¿Dũhse ye Israe masa ijieyequina usuajari? Tũho masieñequina ijire masa. <sup>26</sup> Peye yehpari cjēna pũthoa cahmecoa, mari pũthoro Cohācjũre, tiquiro pũthoro sũriquiro Cristo gũhũre ihña tuhti, ñano ye duare tiquinare, ni yahu dutiahye mũhũ Davire panopũre.

<sup>27</sup> Sa tũjire. Ahri macapũ Herode, Poncio Pilato, judio masa ijieyequina, judio masa mehna mũhũ beseriquirore Jesure quehnoariquiro mũhũ cahacjũnore wejẽ duaye, cahmecoari. <sup>28</sup> Ti pje mũhũ cahmediro sahata “Sa waharota”, mũhũ nidiro sahata yeri tiquina. Mũhũ masiñe mehna sa ni yahuahye mũhũ. <sup>29</sup> Sa yegũ usã pũtho, tiquina usãre “Musa buheri buhiri ñano yũhdũnata”, tiquina nidire wacũña mũhũ. Usãre yũhdũoya. Sa yegũ usãre mũhũ cahacjũnare cuero marieno mũhũ buheyere yahu dutiya usãre. <sup>30</sup> Mũhũ tutuaye mehna dohatiyequinare yũhdũoya. Sa yegũ mũhũ buheyere cuero marieno yahu dutiya usãre. Sa yegũ Jesu quehnoariquiro mũhũ cahacjũno tiquiro tutuaye mehna ye ihño dutiya usãre. Sa yegũ dohatiyequinare usã yũhdũ dutigũ tiquiro tutuaye mehna yedohoya usãre, ni siniahye tiquina mari Pacũre.

<sup>31</sup> Tiquina sa ni sinidi bato, tiquina cahmecoari wũhũ ñũhmia wahahye. Sa ñũhmigũta Espĩritu Santo tiquiro tutuaye mehna wacũ tutuayequina wahagũ yeahye tiquinare. Sa wahaye, Espĩritu Santo tiquiro dutiriro sahata yeye, cuero marieno Cohācjũ yere yahuahye tiquina.

#### *Jesu yequina tiquina yere itie tiahye*

<sup>32-33</sup> Sa ye Cohācjũ tiquiro tutuaye mehna tiquina Jesu cũriquina ohõ saha ni yahue tiahye masare: “Jesu tiquiro masarire usã ihñau”, ni, yahue tiahye tiquina masare. Sa yero tiquinare ijipihtiyequinare Cohācjũ quehnoano yedohoducue tiahye. Sa ye Jesure wacũ tutuayequina peyequina ijiye, tiquina ihcãno saha tũhotuyequina ijie tiahye.



Sa ye tiquina yere, tiquina doeri cjēne “Yee dihita ijire”, ne nieda tiahye. Tiquina ijipihtiyequina tiquina yere apee boro marieñequinare tiquina mehna cjēnare itie tiahye. <sup>34</sup> Sa ye tiquina mehna cjēna pejecɔoyequina marieda tiahye. Tiquina mehna cjēna dihta cɔoyequina, wɔhɔse cɔoyequina tiquina yere duae tiahye. <sup>35</sup> Sa duaye tiquina wapatarire ne cãhta, Jesu cūriquinare ohoe tiahye. Sa ye tiquina pehe tire tiquina mehna cjēnare itie tiahye. Ijipihtiyequina cɔoyequinare itie tiahye. <sup>36</sup> Ti pjere ihcãquiro tiquina mehna cjãno José wame tiriquire ijiahye. Jesu cūriquina Josere Bernabé wame yeahye. Tiquiro wame Bernabé “Masare bucueriquiro ijire”, nine griego ye mehna. Tiquiro Leví ya curua cjãno Chipre nɔcɔo cjãno ijiahye. <sup>37</sup> Sa yero tiquiro wese cɔoriquiro ijiro tire duahye. Sa yero tiquiro wapatarire Jesu cūriquinare ohoahye tiquiro apequinare iti dutiro.

## 5

### *Anania tiquiro namono Safira mehna ni mehoahye*

<sup>1</sup> Apequina gũhɔ Bernabé yero saha yemahye. Tiquina Anania wame tiriquire, tiquiro namono Safira wame tiricoro ijiahye. Tiquina ya wesere duahye tiquiro. <sup>2</sup> Sa dueperota tiquiro wapatarire tiquiro basi neahye. Tiquiro namono gũhɔ tiquiro sa yerire masiahye. Sa yero tiquina wapatarire tiquina dɔharire ne cãhta, Jesu cūriquinare ohoahye Anania pehe. Sa ohoro “Oho pehogɔ niaja”, nimahye tiquiro. <sup>3</sup> Tiquiro sa yegũ ihñano Pedro tiquirore yahuahye:

—Anania, watĩno mɔhɔre ni meho dutiri jiri Espiritu Santore. Sa yegɔ mɔhɔ ya yehpare dua, mɔhɔ wapatarire mɔhɔ basi nedi jiri. <sup>4</sup> Mɔhɔ duato pano mɔhɔ ya wese ijiri. Sa yero mɔhɔ duari bato mɔhɔ ye wapata ijiri. ¿Sa yegɔ dɔhse ijiro boro sa ni mehoari mɔhɔ? Mɔhɔ ɔsã dihitare ni mehoedari. Cohãcjũ gũhɔre ni mehoari mɔhɔ, niahye Pedro tiquirore.

<sup>5</sup> Tiquiro sa nigũ tɔhorota, Anania pehe doque quehe sa, yariaa wahahye. Sa ye ijipihtiyequina tiquiro sa wahagũ masiñe, tutuaro cueahye. <sup>6</sup> Tiquiro yariari bato wahma pjia ahta, tiquiro pagure suhtiro cahsero mehna wahme, sopecahapɔ ne wijia, yahye tiquirore.

<sup>7</sup> Sa ye ihtia hora bato Anania mɔnano namono, tiquiro yariarire masiedaro Pedro cahapɔ sajãhye. <sup>8</sup> Sa yero Pedro ticorore ohõ saha niahye:

—¿Mɔsa ya wesere duatjiãna noho puno wapatarĩ mɔsa? niahye tiquiro.

Sa yero ticoro manɔno mɔnano tiquiro nidiro punota, “To punota wapataɔ ɔsã”, ni yahumahye ticoro.

<sup>9</sup> Sa yero Pedro yahuahye ticorore:

—¿Dɔhse yena mɔsa ihcãno saha Cohãcjũ yaquiro Espiriture ni meho duajari? Tɔhoya yojopɔre. Mɔhɔ manɔno mɔnanore yariquina ahtare. Mɔhɔ gũhɔre mɔhɔ pagure neñe taye nine, niahye Pedro.

<sup>10</sup> Tiquiro sa ni yahugũta ticoro doque quehe sa yariaa wahahye. Sa ye wahma pjia ti wɔhɔre sajã wihĩ, ticoro pagure ne wijiaa wahahye. Ne wijia ticorore ne cãa wahahye. Ne cã, ticoro manɔno mɔnano pari paha yahye. <sup>11</sup> Sa ye Jesu yequina ijipihtiyequina apequina tire tɔhoye cue yɔhdɔahye.

### *Jesu cūriquina Cohãcjũ tutuaye mehna ye ihñoahye*

<sup>12</sup> Sa ye masa watoapɔ Jesu cūriquina peye tahari Cohãcjũ tutuaye mehna ye ihñoeh tiahye. Sa ye tiquina Salomo wame tiri tucũpɔ quehnoari tucũpɔ cahmecoae tiahye. <sup>13</sup> Sa ye apequina tiquinare cueye, tiquina cahapɔ wahaera tiahye. Sa cuepeta tiquinare Jesu cūriquinare, “Quehnoañequina ijire ahriquina”, nie tiahye masa. <sup>14</sup> Sa ye ɔmɔa, numia peyequina Jesure wacũ tutua dɔcahye. <sup>15</sup> Sa ye tiquina dohatiyequinare ne cãhta, coma cjũne mehna pũ ta, duhu cũe tiahye mahapɔ tiquinare. Sa ye Pedro tiquinare tiquiro ña peogũ cahmeahye tiquinare ne cãhtariquina pehe dohatiyequina tiquina yɔhdɔgũ cahmeñe. Tiquinare tiquiro ña peoeragũ Pedro tiquina bui watĩdoque peogũ cahmeahye tiquina. Ti dihitare cahmeahye tiquina yɔhdɔato saha. <sup>16</sup> Sa ye Jerusalẽ caha ijie

macari cjēna gūhū dohatiyequinare, watīa mehna ijiyequina gūhure ne cāhtae tiahye. Ijipihtiyequina tiquina paguri quehnoa wahahye.

*Jesu cūriquinare apequna ñano yee tiahye*

<sup>17</sup> Tiquina sa yegū ihñañe pahia puhtoro, tiquiro mehna cjēna mehna Pedro gūhure ihña tuhtiahye. Pahia puhtoro mehna cjēna saduceo masa ijiahye. <sup>18</sup> Sa ye tiquina usua yūhdūa, Jesu cūriquinare ñehe, peresu yeahye. <sup>19</sup> Sa yero ñamipū Cohācjū yaquiro angel pōoahye tiquinare peresupū dujiyequinare. Sa ye tiquinare wijia ta dutiro yahuahye angel:

<sup>20</sup> —Cohācjū wūhupū wahaya. Ti wūhupū ijina Cohācjū tiquiro masorire ahri quehnoañe buheyere yahuya masare, niahye angel tiquinare.

<sup>21</sup> Tiquiro sa nigū tūhoye, ñami cjūno Cohācjū wūhupū sajā, masare buheahye tiquina. Ti decota pahia puhtoro, tiquiro mehna cjēna, Israe masa puhtoahye mehna cahmecoahye, Jesu cūriquinare peresupū ijiyequinare ne cāhta dutimahye surara puhtoahye. <sup>22</sup> Sa niepegūta surara puhtoahye peresu tiquina yeri wūhupū waha, ihñahye. Tiquinare bocaerahye. Bocaera, tojoaa wahahye. Tojoa sa yahuahye tiquina puhtoahye:

<sup>23</sup> —Peresupū ijiye sope pahmari bihari pahmari dihita ijiri. Sa ye ti pahmari cahapū tiquina peresu yeriquinare cohteyequina ducuri. Sa ihñau ūsā. Ūsā sa ihñaepēgūta pōo sāa, ūsā ihñagū, tiquina peresu yeriquina mariedari, ni yahuahye tiquina.

<sup>24</sup> Tiquina sa nigū tūhoye, surara Cohācjū wūhure cohteyequina puhtoro, pahia puhtoahye mehna tire tūho, tūho maria wahahye. “¿Dūhse waha sohtori tirotari ahri, tiquina sa yeye?” ni, tūhotuahye tiquina. <sup>25</sup> Sa yero tiquina cahapū apeqiro ahta, tiquinare yahuahye:

—Mūsa peresu yeriquina Cohācjū wūhupū ijiri. Ihñana wahaya. Ti wūhupū masare buheye nidi tiquina, ni yahuahye.

<sup>26</sup> Tiquiro sa nigū tūhoro, surara puhtoro tiquiro yequina surara mehna waha, Jesu cūriquinare pari turi ñehe cāhtahye tja. Sa ñehēpeta tiquinare surara tuhtierahye. Sa ye tiquinare quēboriquina ijiepetā, masare cueye quēdahye tiquinare. “Ahriquinare mari quēgū apequna masa pehe utā paca mehna doqueeta marine”, ni, tūhotuahye tiquina surara pehe. <sup>27</sup> Sa ye tiquinare ne cāhta, puhtoahye caha duhu docoahye tiquina. Tiquina sa ne wihi duhu docogū pahia puhtoro tiquinare tuhtiahye:

<sup>28</sup> —Mūsa ūsā tutuaro dutimi. “Jesu yere buheracāhña”, nimi ūsā mūsa. Ūsā sa niepegūta mūsa pehe ijipihtiyequina Jerusalē cjēnare buheri mūsa. Jesu tiquiro yariari buhiri, ūsāre buhiri tigū ye duana niaga mūsa, niahye puhtoro pehe.

<sup>29</sup> Tiquiro sa nigū tūhoro Pedro pehe apequna Jesu cūriquina mehna yūhtiahye:

—Cohācjū dutiri pehere ye mūhtanatja. Sa yena came Cohācjū cahmegū masa tiquina dutiyere yematja. <sup>30</sup> Cohācjū, mari acaye panopū cjēna puhtoro Jesure masori jiri. Tiquirota ijire mūsa curusapū quē biha wejēdiquiro. <sup>31</sup> Jesure “Quehnoagū ijire”, ni, tiquiro poto pehe duji dutiri Jesure tiquiro Pacūro pehe. Sa yero Jesu masa puhtoro, masare masoriquiro ijiro, Israe masare tiquina ñañe yerire bājua witiyequina iji dutiro, tiquina ñañene cohā duare Jesu. <sup>32</sup> Sa yena ūsā pehe Jesu tiquiro yerire ihñarina ijina tire yahujā ūsā. Espiritu Santo tire ihñariquiro ijiro yahure tiquiro gūhū. Tiquirore Espiritu Santore Cohācjū ohori. Ijipihtiyequina Cohācjū dutiyere yeyequinare tiquiro Espiritu Santore ohori, ni yahuahye tiquinare.

<sup>33</sup> Tiquiro sa nigū tūhoye puhtoahye pehe usua yūhdūahye. Sa ye tiquina Jesu cūriquinare wejē duamahye. <sup>34</sup> Sa wejē duepegūta Gamalie, fariseo masūno topū ijiriquiro tiquinare “Wejēari”, nino tiquinare yahuro taro niahye. Tiquiro puhtoahye mehna cjūno, dutiyere buheriquiro ijigū, masa tiquirore ño peoe tiahye. Tiquiro Jesu cūriquinare mehenogā cohte dutiro ape siepū tiquinare ne cā dutiahye surarare. Tiquina sa ne cāri bato tiquiro yahuahye masare:

<sup>35</sup> —Mūsa Israe masa, ahriquinare mūsa yeatire quehnoano tūhotuya “Mūsapū wejēari”, nina. <sup>36</sup> Wacūña Teuda mūnanore. Tiquiro basi “Masare yūhdūdūcagū ijijaja

yħħ”, nidi masare. Sa ye masa peyequina cuatro cientos masa tiquiro mehna cjēna tojoari. Sa ye apequina pehe tiquirore wejēdi jiri. Tiquiro buheyere buheriquina pehe waha sitea wahari jiri. Sa ye tiquina mħna yojopħre mariedare. <sup>37</sup> Came masare tiquina queori pje ijigħ Galilea cjħno Juda wame tiriquiro mħnano masare tiquiro buhegħ tiquiro mehna masa peyequina tojoari. Tiquiro għħ yariaa wahari jiri. Sa ye tiquiro yequina ijipihitiyequina waha sitea wahari jiri. <sup>38</sup> Sa nigħ mħsare yojopħ aħrire yahugħ niaja. Sa ihħa cħħa aħriquinare Jesu yere yahuyequinare. Sa ye aħri buheye, aħriquina ye buheye Cohħcjħ ye buheye ijieraro, pihtia waharota Teuda għħ tiquina ye buheye ti pihtiro sahata. <sup>39</sup> Sa ijiepegħta aħri Cohħcjħ ye buheye ijero, ne pihtisi. Aħri buheye Cohħcjħ ye ijigħ ne aħrire butigħ ye masiedare mħsa. Mħsa aħrire butigħ ye duana Cohħcjħ mehna cahmequena niboaga mħsa, niahye Gamalie tiquinare.

<sup>40</sup> Tiquiro sa ni yahugħ tħhoye, “Ijirota ijire”, ni tħhotuahye masa. Sa ye tiquina Jesu cħriquinare pijio, tiquina wihigħ ihħaħe, tiquinare tanahye. “Jesu yere buheracħħa mħsa”, ni tuhasa, tiquinare waha dutiahye. <sup>41</sup> Tiquina sa waha dutigħ tħhoye tiquina pħħtoa cahapħ ijiriquina wahaa wahahye. Jesu yere tiquina yeri buhiri ħnano yħħdaye tutuaro bucueahye Jesu cħriquina. <sup>42</sup> Sa ye decoripe Cohħcjħ wħħħpħ, tiquina ye wħħseph Cristo Jesu ye buheyere yahue tiahye tiquina.

## 6

### *Siete yedohoyequinare beseahye Jesu yequina*

<sup>1</sup> Ti decorire Jesu buheyequina peyequina wahahye. Sa ye judio masa tiquina quehnoano yeragħ ihħaħe griego masa pehe tiquina mehna cahme tuhtiahye Jesu yequina dihita ijiepete. Griego masa wape wiha numiare decoripe tiquina ihyayere quehnoano tiquina itieragħ ihħaħe, judio masare tuhtiahye. <sup>2</sup> Sa ye doce Jesu cħriquina, peyequina Jesu buheyequinare tiquina cahapħ pijio, ohħ saha ni yahuahye:

—ħsħ Cohħcjħ yere buhena ijiaja. Ihyayere itiborina ijieraja ħsħ. <sup>3</sup> Mħsa ħsħ acaye, siete ħħħare, “Quehnoaħequina”, apequina tiquina niħequinare, quehnoano tħho masiħequinare, Espħritu Santo cħoyequinare macaħa. Tiquinare ihyayere iti dutiya mħsa. <sup>4</sup> Sa yena ħsħ pehe decoripe Cohħcjħre sini, Cohħcjħ yere buhenatja, niahye tiquina Jesu cħriquina.

<sup>5</sup> Tiquina sa nigħ tħhoye, “Aħ, sata yeihna”, niahye tiquina ijipihitiyequina Jesu yequina. Sa ye Estebħre Cristore wacħ tutuariquirore, Espħritu Santo tutuayere pajiro cħoriquirore beseahye tiquina. Apequina għħare beseahye. Felipere, Prħcorore, Nicanore, Timore, Parmenare, Nicolare ihyaye itiatiquinare beseahye tiquina. Nicola pehe judio masħno ijieriquiro Antioquħ cjħno judio masa ye buheyere cahmeno, tiquina mehna sajħmediquiro ijiahye. <sup>6</sup> Tiquina beseriquinare Jesu cħriquina cahapħ ne wihiahye apequina Jesu yequina pehe. Tiquina sa ne wihigħ ihħaħe tiquina Cohħcjħre sini basaye, tiquina beseriquina bui omocarine duhu peohye.

<sup>7</sup> Sa ye ti yehpa cjēna Cohħcjħ yere masi pihti cjħħe niahye. Sa ye Jerusalħpħ ijieyequina Jesu buheyequina peyequina wahahye. Sa ye pahia għħ peyequina Jesu yequina wahahye.

### *Apequina Estebħre ħeheahye*

<sup>8</sup> Sa yero Estebħ Cohħcjħ tutuayere cħoriquiro ijiahye. Tiquiro Cohħcjħ quehnoano yenhriquiro ijiahye. Sa yero tiquiro Cohħcjħ tutuaye mehna ye ihħoahye masa tiquina ihħono. <sup>9</sup> Tiquiro sa yepegħta judio masa tiquina buheri wħħ cjēna tiquirore ihħa tuhtiahye. Sa ye tiquiro mehna cahme dħse tini wiaye niahye. Cahacjēna ijirire yħħdħ witrighina wame tiyequina ijiahye tiquina. Cirene cjēna, Alejandrħa cjēna, Cilicia cjēna, Asia cjēna mehna peyequina ijiahye tiquina. <sup>10</sup> Sa ye Estebħ quehnoano masiniquiro Espħritu Santore pajiro cħoriquiro tiquiro yahuducugħ tħhoye tiquina “Mħħ nidi poto ijierare”, tiquirore ni ihħo masiedahye. <sup>11</sup> Sa tħho dueraye tiquina apequinare ni meho dutiye, wapa yeahye tiquinare. Tiquina sa ni meho dutigħ ohħ saha ni yahusħmahye tiquina:

—Ahriquiro Cohācjũre tiquiro ñano yahuducugũ, Moisere tiquiro ñano yahuducugũ gũhũre usã tũhou, ni yahusãmahye ni mehoñequina pehe apequinare.

<sup>12</sup> Tiquina sa nigũ tũhoye masa, judio masa buheyequina, bucuna gũhũ tiquiro mehna usuahye. Sa ye tiquina Estebãre ñehe, tiquina pũhtoa cahapũ neahye tiquirore. <sup>13-14</sup> Sa ye tiquina apequinare ni meho dutiahye:

—Ahriquiro decoripe Cohācjũ wũhũre, tiquiro dutiye gũhũre ñano yahuducuriquiro ijire. Tũhou usã tiquirore tiquiro ohõ saha nigũ: “Jesu Nazare cjũno Cohācjũ wũhũre cohãnota. Sa yero tiquiro Moise dutiyere marine yahurire comesarota Jesu”, nidi Estebã usã tũhogũ, ni meho yahusãmahye tiquina.

<sup>15</sup> Sa ye ijipihtiyequina topũ dujiyequina Estebãre quehnoano ihñadoque ohõ, tiquiro wũhdoare ihñahye tiquina. Angel yero saha bajuahye tiquiro wũhdo.

## 7

### *Estebã Jesu yere yahuahye*

<sup>1</sup> Sa ye pahia pũhtoro sinituahye Estebãre.

—¿Ahriquina niñe potota ijiajari? ni, sinituahye tiquiro Estebãre.

<sup>2</sup> Tiquiro sa nigũ tũhoro, Estebã pehe tiquinare ohõ saha ni yahuahye:

—Yũhũ acaye, bucuna, usã pacusumũa tũhoya. Abrahã mari ñecu mũnano panopũ cjũno Mesopotamiapũ tiquiro ijigũ, Harãpũ tiquiro ijiato pano, Cohācjũ tutuariquiro asi siteriquiro pehe tiquirore Abrahãre bajuahye. <sup>3</sup> Sa bajuaro Cohācjũ yahuahye tiquirore. “Mũhũ ya yehpare mũhũ acaye mehna ijieracãhña. Sa yegũ ape yehpapũ wahaya. Mũhũ sa wahagũ mũhũre ti yehpare ihñogũtja yũhũ”, niahye Cohācjũ Abrahãre. <sup>4</sup> Tiquiro sa nigũ tũhoye, Abrahã gũhũ Caldea yehpa cjẽna ya yehpapũ ijiriquina wahahye. Sa yero Harãpũ esahye. Topũ esa, ijiahye. Sa yero tiquiro pacuro yariari bato ahri yehpa yojopũ mũsa ijiri yehpapũ Cohācjũ ahta dutiahye Abrahãre. <sup>5</sup> Cohācjũ Abrahã tiquiro ijiri yehpare quehnoano waro cũedarĩahye tiquirore. Ne mehenogã cũedarĩahye. Sa yero Abrahã pohna marieniquiro ijiepegũta Cohācjũ pehe tiquirore ohõ saha ni yahuahye. “Mũhũre, mũhũ panamena ape tjuro cjẽnapũre ahri yehpare ohogũtja”, niahye Cohācjũ Abrahãre. <sup>6</sup> Sa ninota ohõ saha ni yahu nemoahye Cohācjũ. “Mũhũ panamena ape tjuro cjẽna ape yehpapũ wahaye, topũ apequina cahapũ ijiye, tiquina cahacjẽna ijietã tiquina. Sa ye cuatro cientos cũhmari waro to cjẽna ñano yeeta mũhũ panamena iji turiayequinare. <sup>7</sup> Sa yegũ to cjẽnare tiquina sa yeri buhiri buhiri dahregũtja yũhũ. Yũhũ sa yeri bato mũhũ panamena iji turiayequina ahri yehpapũ wihietã tja. Sa ye ahri yehpapũ yũhũ cahacjẽna ijietã tiquina”, niahye Cohācjũ Abrahãre. <sup>8</sup> Sa nino Cohācjũ “Yũhũ nidiro sahata yegũtja”, nino Abrahã tiquiro wacũatire ohõ saha cũahye tiquirore. Cũhnucunũ sohtoa cahserogãre yũhre ne dutiahye tiquirore, tiquiro ni yahuripũre wacũ dutiro. Sa ye Abrahã Isaare pohna tiahye. Ocho decori bato cũhnucunũ sohtoa cahserogãre yũhre neahye Isaare. Came Isaac Jacore pohna tiahye. Sa yero Jacob doce waro pohna tiahye. Tiquina doce pehe mari ye cururipe mari dahpoto cjẽna ijiatiquina ijiahye.

<sup>9</sup> Sa ye tiquina mari ñecusumũa mũna panopũ cjẽna Josere cooye ihña tuhtiyere, tiquirore dua cãhye Egiptopũ wahayequinare. Sa yero Josere Cohācjũ yedohoahye.

<sup>10</sup> Tiquiro ñano yũhdũgũ ihñano Cohācjũ tiquirore yedohoahye. Tiquiro sa yedohogũ Josẽ pehe quehnoano tũho masiniquiro wahahye. Sa yero faraõ Egipto cjũno pũhtoro pehe Josere cahmeahye. Tiquirore cahmegũ yehye Cohācjũ pehe. Tiquiro sa yegũ faraõ pehe Josere pũhtoro sũahye tiquiro yequina masare dutiatiquirore. Tiquiro faraõ ya wũhũ gũhũre pũhtoro ijiahye.

<sup>11</sup> Sa ye ti pjere Egiptopũ, Canapũ ne acoro ahtaerahye. Sa ye ñano yũhdũahye to cjẽna. Sa ye mari ñecusumũa mũna panopũ cjẽna ihyayere bocaerahye. <sup>12</sup> Sa bocaeraro Egiptopũ trigo ijigũ tũhoro, Jacob tiquiro pohnene mari ñecusumũa mũnare topũ coã ohoro niahye. <sup>13</sup> Came Egiptopũ tiquina esagũ Josẽ tiquiro wahmisumũare yahuahye. “Mũsa bahũta ijiaja yũhũ”, niahye tiquinare. Sa yero Josẽ acayere coã ihñano niahye

pũhtoro faraõ. <sup>14</sup> Came José tiquiro wahmisũmũare tiquiro pacũro Jacore piji dutiro ohoahye. Tiquiro acaye setenta y cinco masa ijiahye. <sup>15</sup> Tiquiro macũno pijiogũ tũhoro Jacob wahahye Egiptopũ tiquiro macũno cahapũ. Tiquiro macũno cahapũ ijiro, came yariaa wahahye. Sa ye mari ñecũsumũa mũna gũhũ topũ yaria pihtia wahahye. <sup>16</sup> Sa ye Siquẽ wame tiropũ tiquina pagũrire nea, masa coperire sehe tuhasa cohãhye tiquina pagũrire. Abrahã tiquiro dúri yehpa ijiahye ti yehpa. Panopũ Abrahã ti yehpare Hamor pohne dũahye niñeru mehna.

<sup>17</sup> 'Sa yero Cohãcjũ Abrahãre "Ahri yehpare ohogũtja mũhũre", niahye. Ti yehpare "Ohogũtja", tiquiro nidi pje mũmũ sagũ tiquiro acaye Israe masa peyequina masa wahahye. <sup>18</sup> Egiptopũ tiquina ijinigũ, apequiro pũhtoro sajãhye. Sa yero tiquiro pũhtoro pehe Josere masiedahye. <sup>19</sup> Tiquiro mari acayere ñano ye dua, tiquina pohne wejẽ dua, cohã dutiahye tiquinare. Sa yero mari ñecũsumũa mũna iji turiayequinare ñano yeahye pũhtoro faraõ pehe. <sup>20</sup> Tiquiro sa yeri watoa Moise mũnano pehe masa bajuahye. Tiquiro quehnoariquiro, Cohãcjũ tiquiro quehnoano ihña coariquiro ijiahye. Sa ye ihtia asũ waro quehnoano ihboahye tiquirogãre tiquiro pacũsumũa. <sup>21</sup> Sa yero Moiserẽ tiquina nũo nemoedagũ faraõ macono tiquirogãre ihña boca, ne maja, ticoro macũnore yero saha cũoahye tiquirogãre. <sup>22</sup> Sa ye Egipto cjẽna quehnoano masiñequina yere buheahye Moiserẽ. Sa yero cuero marieno yahuducuriquiro pũhtoro yero saha yeriquiro ijiahye Moise.

<sup>23</sup> 'Sa ijieperota tiquiro cuarenta cũhmarĩ cũoro tiquiro acayere Israe masare ihña duaro tiquina cahapũ tinino wahahye. <sup>24</sup> Sa tinino esaro Egipto cjũno Moise acayũrore tiquiro ñano yegũ Moise ihñaahye. Sa ihñano tiquiro acayũrore yedohoahye Moise. Tiquiro acayũrore yedohoro, Egipto cjũno pehere wejẽahye tiquiro. <sup>25</sup> Sa yero Moise ohõ saha ni tũhotumahye. "Yũhũ acaye tiquina acayũrore yũhũ yedohogũ ihñañe 'Cohãcjũ marine quehnoano yedohogũ ye dutiro oho ahriquirore', ni tũhotueta yũhũ acaye", ni tũhotumahye Moise. Tiquiro sa ni tũhotuepegũta tiquina pehe ne sa ni tũhotuerahye. <sup>26</sup> Ape decopũ Moise tiquiro acayere pũaro tiquina basi cahmequeñequinare ihñaahye. Sa yero tiquiro tiquinare yahumahye. "¿Mũsa basi ijiepenata cahmequeajari mũsa?" nimahye Moise tiquinare. <sup>27</sup> Tiquiro sa nigũ tũhoro ihcãquiro tiquiro acayũrore ñano yeriquiro Moiserẽ tũdoqueoahye. "Mũhũ usã pũhto ijierare. Usãre dutigũ ijierare mũhũ. <sup>28</sup> ¿Canũre Egipto cjũnore mũhũ wejẽdiro sahata yũhũre wejẽ duagũ niajari mũhũ?" niahye tiquiro Moiserẽ. <sup>29</sup> Tiquiro sa nigũ tũho maria waha, Moise oma duhti cãa wahahye. Madiã yehrapũ wahaa wahahye. Topũre numino boca pũaro pohna tiahye.

<sup>30</sup> 'Sa ye Moise cuarenta cũhmarĩ waro topũ tiquiro ijiri bato Sinaĩ wame tidũ cũnũ caha masa marienopũ tiquiro ijigũ angel tiquirore bajuahye. Angel pehe yucũgũ mehenũgã mũĩri peca pohnapũ bajuahye. <sup>31</sup> Tũ sa mũjũgũ ihñano Moise ihña maria wahahye. Ti pecare cahagã quehnoano tiquiro ihñano wahagũ waro Cohãcjũ tiquirore yahuahye. <sup>32</sup> "Cohãcjũ ijiaja yũhũ. Mũhũ ñecũsumũa Abrahã, Isaac, Jacob tiquina ño peorigũ ijiaja", niahye Cohãcjũ Moiserẽ. Tiquiro sa nigũ tũhoro Moise pehe nanarea wahahye. Ne ihña wahcõedahye. <sup>33</sup> Sa yero Cohãcjũ yahuahye tiquirore. "Mianogãta yũhũ cahapũ ducugũ nine mũhũ. Sa yegũ cua pesaro mehna mũhũ dahpo suhtire tu weya. <sup>34</sup> Yeequina masa Egiptopũ tiquina ñano yũhdũgũ ihñaũ. Tiquina utiyere tũhou. Sa yegũ tiquinare yedohogũ ahtaũ. Tiquina sa wahagũ ihñagũ wahaya mũhũ gũhũ. Egiptopũ mũhũre ohogũtja tiquinare yedoho dutigũ", niahye Cohãcjũ Moiserẽ.

<sup>35</sup> 'Tiquina pehe mari acaye Israe masa Moiserẽ cahmedahye. "Mũhũ usã pũhto ijierare. Mũhũ usãre dutigũ ijierare", Moiserẽ sa niñe cahmedaye niahye tiquina. Tiquina sa cahmedapegũta Cohãcjũ tiquirore Egiptopũ ohoahye, mari acayere Israe masare yedohoatiquirore, pũhtoro ijiatiquirore. Angel tiquirore yucũgũpũ bajuariquiro pehe oho basahye tiquirore. <sup>36</sup> Moise mari acayere Israe masare Egiptopũ ijiyequinare wioahye. Sa yero Egiptopũ ahriquiro Moise Cohãcjũ tutuaye mehna ye ihño dũcahye. Sa yero pajiri ma sohãri mapũ sa yeahye tja. Camerũ masa marienopũ gũhũre cuarenta cũhmarĩ waro Cohãcjũ tutuaye mehna ye ihñoahye tiquiro. <sup>37</sup> Ahriquiro Moise pehe



mari acayere Israe masare yahuahye. “Yũhũ yero saha ijiriquirore Cohãcjũ yere yahu mũhtariquirore Cohãcjũ ohorota. Sa yero tiquiro mũasa mehna cjũno mũasa acayũro ijirota”, niahye Moise tiquinare. <sup>38</sup> Moise masa marienopũ mari acaye Israe masa mehna ijiahye. Sa yero Sinaí wame tidũ cũnpũ tiquirore yahuriquiro angel mehna ijiahye. Sa yero mari ñecũsumũa panopũ cjẽna mehna ijiahye tiquiro. Cohãcjũ tiquiro dutiyere cũriquiro ijiahye Moise.

<sup>39-40</sup> Sa ye ti dutiyere cũnpũ Moiserere tiquiro cũri watoa mari ñecũsumũa panopũ cjẽna Egiptopũ tojoaa duahye, Moiserere yũhdũdũcaye. Tiquina tiquirore cahmedahye. Sa cahmedaye, tiquina Moise bahũro Aarõre ohõ saha niahye: “Cohãmana queoyere yeya mari yequina ijiatiquinare. Sa ye tiquina mũhũ yeriquina marine dutiye mari waha duari mahapũ marine neaeta. ¿Tiquiro Egiptopũ ijiequinare marine ne cãhtariquiro Moise dũhse wahayari tiquiro? Masiedaja usã”, niahye tiquina. <sup>41</sup> Sa ye ti decorire tiquina wecũ queoyere uru mehna yeahye. Sa ye tuhasa, tiquina wahiquinare wejẽ, tiquina yeriquiro cahapũ ne cãhta, ño peohye tiquirore. Sa ye tiquina yeriquiro wecũre ihũa, bucue, boscue deco yeahye. <sup>42</sup> Cohãcjũ wecũre tiquina ño peogũ ihũano tiquinare cohã cãa wahamahye. “Yũhũre cohã, ñahpicoha pehere ño peocũnahdo”, nino cohã cãa wahamahye. Cohãcjũ yere yahu mũhtariquina sa ni, ojoahye.

Mũasa yũhũre ña yũhdũaro yeri. Israe masa masa marienopũ cuarenta cũhmari waro ijina, wahiquinare mũasa wejẽnequinare mũasa mũjũañequinare ohona, yũhũre mũasa ño peoboriro sahata yemedi mũasa. Sa yepenata yũhũ pehere mũasa ño peorerari. <sup>43</sup> Sa yena mũasa Molo wame tiriquirore ño peona ijina, tiquirore ño peori yũhũre cũori mũasa. Ñahpicoha apequiro cohãcjũ Rejã wame tiria queoyere mũasa yeriare mũasa ño peori tja. Ti queoyere mũasa yeriquinare mũasa ño peori. Mũasa sa yeri buhiri mũasa Babilonia ape sie pahrẽpũ cohãgũtja yũhũ, ni, yahu ojoahye Cohãcjũ yere yahu mũhtariquina.

<sup>44</sup> Sa ye masa marienopũ Cohãcjũ masa mehna tiquiro ijiri yũhũre wahiquina cahseri yũhũre cũoahye mari ñecũsumũa panopũ cjẽna. Ti yũhũ Cohãcjũ masa mehna tiquiro yahuducuri yũhũ ijiahye. Ti yũhũpũ Cohãcjũ dutiye tiquiro ojoari pũĩni utã pũĩni ijiahye. Ti yũhũre Cohãcjũ tiquiro yahuriro sahata Moiserere tiquiro ihũnoriro sahata dahre dutiahye Cohãcjũ Moiserere. <sup>45</sup> Sa ye mari ñecũsumũa panopũ cjẽna Josué mehna ti yũhũre wahiquina cahseri mehna tiquina yeri yũhũre ne cãhtahye ahri yehrapũ mari ijiri yehrapũ. Tiquinare mari acaye Israe masare Cohãcjũ tiquiro cũati yehrapũre ahri yehrapũre tiquina wihiato pano ahri yehrapũrũ iji mũhtariquina Canaa cjẽna mũnare Cohãcjũ cohã cãhye. Ti pjere Cohãcjũre ño peori yũhũre wahiquina cahseri yũhũre cũoahye mari ñecũsumũa. Tee Davi mũnano tiquiro ijigũpũ cũo bato tiahye ti yũhũre. <sup>46</sup> Sa yero Davi mũnano Cohãcjũre bucuegũ yeahye. Sa yero Cohãcjũ ya yũhũ ijiatire Davi pehe ye duaro, sinimahye Cohãcjũre. <sup>47</sup> Tiquiro sa siniepegũta Salomo pehe Cohãcjũ ya yũhũre yeahye. <sup>48</sup> Tiquiro sa yepegũta Cohãcjũ pehe masa tiquina yeri yũhũpũre ijierare. Ohõ saha niahye Cohãcjũ yere yahu mũhtariquiro.

<sup>49</sup> “Uhmũse yũhũ dujiro ijire. Topũ dujigũ dutiaja yũhũ. Sa yero yehpa pehe yũhũ dahrocãrine duhu peoro yero saha ijire. Yũhũ tutua yũhdũagũrũ ijiaja. Ya yũhũ ijiatore ye masiedare mũasa. Cohãcjũ yũhũ ijigũ yũhũ ijati yũhũre mũasa ye masiedare. <sup>50</sup> Yũhũ basĩ ahri yehpare ijipihtiro yei yũhũ”, niahye Cohãcjũ, ni ojoahye Cohãcjũ yere yahu mũhtariquiro.

<sup>51</sup> Mũasa ne yũhti duena ijire. Cohãcjũ yere tũhoepenata, tiquirore yũhti duerare. Espĩritu Santore yũhdũdũca yũhdũare mũasa. Mũasa ñecũsumũa tiquina yeriro sahata yere mũasa. <sup>52</sup> Mũasa ñecũsumũa ijipihtiyequina Cohãcjũ yere yahu mũhtariquinare ñano yeahye. Tiquina Cohãcjũ yere yahu mũhtariquina pehe “Came quehnoariquiro Cohãcjũ yere yahu mũhtariquiro ahtarota”, tiquina ni yahuyequina ijigũ tũhoye mũasa ñecũsumũa mũna sa ni yahuriquinare wejẽ tiahye. Sa yena “Quehnoariquiro”, tiquina nidiquirore mũasa gũhũ yojopũre tiquiro ya curua cjãna ijiepenata tiquirore wejẽdi.

<sup>53</sup> Cohãcjũ dutiyere angele pehe yahumahye mũsare. Sa yena mũsa ti dutiyere cõomahye. Sa yena ti dutiyere yũhdũdũcari mũsa, niahye Estebã.

*Tiquina Estebãre* utã paca mehna doque wejẽahye

<sup>54</sup> Tiquiro sa nigũ tũhoye tiquina pehe tutuaro usuahye. Sa tutuaro usuaye, cuayequina wahahye. <sup>55</sup> Tiquina sa usuepegũta tiquiro Espĩritu Santo dutiro sahana pehoriqiro ijiro, tiquiro tutuayere quehnoano cõoriquiro ijiro, umũsepũ ihũadoque mũo, Cohãcjũ asi siteyere ihũahye Estebã. Jesu Cohãcjũ poto pehepũ ducugũ ihũahye tiquiro. <sup>56</sup> Sa ihũano ohõ saha niahye:

—Umũsepũ mehenogã parĩ we maagũ Jesu Cohãcjũ ohoriquiro Cohãcjũ poto pehepũ tiquiro ducugũ ihũaja yũhũ, niahye Estebã.

<sup>57</sup> Tiquiro sa nigũ tũhoye tiquina tutuaro saũuducu, tiquina cahmo coperire biha cã, ihcãno mehna tiquiro cahapũ oma maa cã, tiquirore ñeheahye. <sup>58</sup> Ñehe tuhasa, tiquirore ne cã, ti maca dũhtũ cahapũ cohãhye tiquirore. Sa ye utã paca mehna doque wejẽahye tiquirore. Tiquina sa wejẽato pano tiquirore yahusãriquina tiquirore utã paca mehna doqueatiquina tiquina suhtire tu we, wahmũnore Saulo wame tiriquirore tiquina suhtire cõo basa dutiahye. <sup>59</sup> Sa yero Estebãre tiquina wejẽato pano ohõ saha niahye tiquiro:

—Jesu yũhũ pũhto, yũhũ jeripohnare neña, niahye tiquiro.

Tiquiro sa nino watoa tiquina pehe utã paca mehna doqueye niahye tiquirore.

<sup>60</sup> Sa yero tiquiro dũsepe curi mehna quehe sa, ohõ saha niahye:

—Pũhto Jesu, ahriquina yojopũ ñano yũhũre tiquina yeyere tiquinare buhiri dahreracãhña mũhũ, niahye Estebã.

Sa nidi bato tiquiro yariaa wahahye.

## 8

<sup>1</sup> Sa yero Estebã tiquiro yariagũ ihũano, “Quehnoare”, niahye Saulo pehe.

*Saulo Jesu yequinare ñano yeahye*

Sa ye ti decoreta Jesu yequinare Jerusalẽpũ ijiyequinare ñano ye dũcahaye apequina pehe. Tiquina sa ye dũcagũ Jesu yequina Judea yehrapũ, Samaria yehrapũ, yooropũ duhti site cãa wahahye. Jesu cõriquina dihita wahaerahye. <sup>2</sup> Sa ye apequina Cohãcjũre ño peoyequina Estebãre ya, tutuaro utiahye tiquina. <sup>3</sup> Sa yero Saulo pehe Jesu yequinare ña yũhdũaro yee timahye. Tiquiro tiquina ye wũhũsepũ sajã, umũare, numiare ñehe, peresupũ biha docoe tiahye.

*Samariapũ* Jesu yere buheahye Felipe

<sup>4</sup> Sa yeye yooropũ waha siteriquina Jesu yere buheahye. <sup>5</sup> Sa yero Felipe Samaria wame tiri macapũ esa, Cristo yere buheahye ti maca cjẽnare. <sup>6</sup> Tiquiro sa buhegũ ti maca cjẽna quehnoano tũhoe tiahye. Sa ye Cohãcjũ tutuaye mehna tiquiro ye ihũogũ ihũahye tiquina. Sa ihũañe tiquirore quehnoano tũhoe tiahye. <sup>7</sup> Peyequina watĩare cõoyequina tiquiro cahapũ tiquina wihigũ ihũano watĩa pehere waha dutie tiahye tiquiro. Watĩa pehe tutuaro saũuducu, duhu cãa wahahye tiquina. Sa yero peyequina tini masieñequinare, pari yuri wahayequinare quehnoano pagũ tiyequina wahagũ yeahye. <sup>8</sup> Tiquiro sa yegũ ihũañe ti maca cjẽna peyequina masa bucueahye.

<sup>9</sup> Ti pjere Simo wame tiriquiro ti maca cjũno yairo ijiahye. Sa yero yayia tiquina yerire ye ihũoe tiahye Samaria cjẽnare. Tiquiro sa ye ihũogũ ihũañe, ti maca cjẽna ihũa maria waha, tiquirore cua pesaro ihũae tiahye.

—Yũhũ masi pehogũ ijiaja, nimahye Simo pehe tiquinare.

<sup>10</sup> Tiquiro sa yegũ ihũañe masa pehe ohõ saha nie timahye:

—Ahriqiro Cohãcjũ ye tutuayere cõoriquiro ijire. Cohãcjũ yero saha tutuariqiro ijire, nie timahye tiquirore masa, pũhto mehna.

Tiquina ijipihtiyequina quehnoano tũhoahye tiquirore.

<sup>11</sup> Tiquiro yayia tiquina yeye mehna yoari pje ye ihũoe tiahye tiquinare. Tiquiro sa ye ihũogũ ihũañe tiquina ihũa maria wahae tiahye. Sa ye tiquina tiquirore ño peoe tiahye.

<sup>12</sup> Tiquina sa ño peopegãta Felipe pehe Cohãcjũ tiquiro pãhtoro ijiyere, Jesucristo yere quehnoañe buheyere yahuahye. Tiquiro sa yahugũ tiquina tiquirore quehnoano tãhoahye. Tiquina sa quehnoano tãhogũ ihñano umãa, numia gũhure wame yeahye Felipe. <sup>13</sup> Sa yero Simo gũhũ Felipere quehnoano tãhoe tiahye. Sa yero tiquiro gũhure wame yeahye. Tiquiro sa wame yeri bato Felipe mehna tojoae tiahye tiquiro. Felipe pehe Cohãcjũ tutuaye mehna tiquiro ye ihñogũ ihñano, dohatiyequinare tiquiro yãhdãogũ ihñano Simo ihña maria wahahye.

<sup>14</sup> Sa ye Samaria cjëna Cohãcjũ yere tiquina tutuaro cahmegũ Jesu cãriquina Jerusalẽpũ ijiyequina tãhooahye tiquinare. Sa tiquina cahmegũ tãhooye Pedrore, Ñu gũhure ohoahye Samariapũ. <sup>15</sup> Topũ esaye Pedro gũhũ Cohãcjũre siniahye. “Ahriquina Samaria cjëna mũhure ño peoyequina mũhũ yaquiro Espiritu Santore cãoahro”, ni, sini basahye tiquina Cohãcjũre. <sup>16</sup> Tiquina Samaria cjëna Jesucristo wame mehna wame yeriquina ijiahye. Ti dihitare masiahye tiquina. Sa ye Espiritu Santore cãoera tiahye ti pjere tiquina. <sup>17</sup> Sa ye Pedro, Ñu mehna Samaria cjënare tiquina omocarine tiquina bui duhu peori bato Espiritu Santore cão dũcae tiahye tiquina.

<sup>18</sup> Sa yero Pedro gũhũ tiquina omocari mehna tiquina duhu peogũ ihñahye Simo. Espiritu Santore tiquina ñehẽgũ gũhure ihñahye tiquiro. Sa ihñariquiro ijiro, ti tutuayere cahmeno, niñeru mehna wapa ye duamahye. Ohõ saha nimahye Simo:

<sup>19</sup> —Yũhũ gũhure ohoya ahri tutuayere. Yũhũ gũhũ yũhũ omocari mehna masa bui duhu peo yegũ tãũ niaja Espiritu Santore tiquina ñeheato saha. Sa yegũ ahri yũhũ yeati wapare wapa ye duaja, nimahye Simo tiquinare.

<sup>20-21</sup> Tiquiro sa nigũ tãhoro Pedro ohõ saha niahye:

—Mũhũ niñeru mehna Cohãcjũ ye tutuayere mũhũ dú duari buhiri mũhũ niñeru mehnata pecapũ wahaya mũhũ. Cohãcjũ mũhũ tãhotuyere masine. Mũhũ ñagũ ijinine. Sa yegũ ahrire usã yeyere ye masiedare mũhũ. Ahrire yebogũ ijierare mũhũ. <sup>22-23</sup> Tutuaro ihña coore mũhũ. Sa yegũ ñañe yeyere ne duhu masiedare mũhũ. Sa yegũ ahrire mũhũ ñañe yerire bũjũa witiya mũhũ. Cohãcjũre mũhũ ñañe tãhotuyere bo dutigũ siniña mũhũ. Mũhũ sa yegũ ihñano tiquiro mũhũ ñañene borota, niahye Pedro tiquirore.

<sup>24</sup> Tiquiro sa nigũ tãhoro Simo yãhtiahye tiquirore.

—Yũhure sini basaya mũsa Cohãcjũre mũhũ nidiro saha yũhũ wahaeragũ. Ti buhiri pecapũ waha dueraja yũhũ, niahye Simo tiquirore.

<sup>25</sup> Came Pedro Ñu mehna Cohãcjũ yere yahuahye. “Jesu tiquiro masa mũjagũ ihñau usã”, ni, Samaria yehrapũ ijiye macari cjënare quehnoañe buheyere buheahye. Tiquinare Cohãcjũ yere buhe tuhasa Jerusalẽpũ tojoaa wahahye.

*Felipe Etiopía yehpa cjũnore buheahye*

<sup>26</sup> Sa ye Cohãcjũ tiquiro yaquiro angel Felipere yahuahye:

—Yojoapũre sur pehepũ wahaya. Jerusalẽ caha ijiri mahapũ Gazapũ wahari mahapũ wahaya, ni yahuahye angel Felipere.

Ti maha masa marienopũ ijire. <sup>27</sup> Tiquiro sa nigũ tãhoro tiquiro pehe ti mahapũ wahahye. Came ti mahapũ ihcãquiro masũnore piti caro taro niahye. Tiquiro piti catiquiro ijiahye Etiopía yehpa cjũno pãhtoro. Sa yero Candace wame tiricoro Etiopía cjõno pãhtoro yere, niñerure ijipihtiyere ihña ihboriquiro ijiahye. Sa yero tiquiro Jerusalẽpũ mari Pacũre ño peoro waha tuhasahye. <sup>28</sup> Tiquiro ya macapũ tunuria mehna tojoa taro tiapũ wahaeperota buhero niahye. Cohãcjũ yere yahu mãhtariquiro Isaia tiquiro ojoari pũre buhero niahye. <sup>29</sup> Sa yero Espiritu Santo pehe Felipere ohõ saha ni yahuahye:

—Siquiro tunuriapũ wahariquiro cahapũ wahaya, niahye Espiritu Santo tiquirore.

<sup>30</sup> Tiquiro sa nigũ tãhoro Felipe pehe tunuria cahapũ oma cã, Isaia ojoarire Etiopía cjũno buhegũ tãhoahye. Sa tãhoro Felipe sinituahye tiquirore:

—¿Mũhũ buheyere tãho masiajari mũhũ? niahye tiquiro.

<sup>31</sup> Tiquiro sa nigũ tuhoro Etiopía cjũno ohõ saha ni yũhtiahye:  
—Apequiro yũhure yahu yũhdũoatiquiro mariedagũ quehnoano masiedaga yũhũ. Ohõ yũhure yahu dujigũ ahtaya yũhũ pari paha, ni yũhtiahye tiquiro Felipere.

—Aũ, ni, nuju sahye tiquiro caha.

<sup>32</sup> Sa ye Cohãcjũ yere Etiopía cjũnore tiquiro buheri pũ ohõ saha niahye:  
Ovejare tiquina ñehe wejẽdiro saha tiquiro gũhure ñehe wejẽeta masa. Sa yero ovejagãre tiquiro poarire tiquina segũ tiquiro dihta marieno saha tiquiro masũno gũhũ dihta marieno ijirota. <sup>33</sup> Tiquirore tiquina bujũpeeta. Sa ye tiquiro ñano yerapegũta tiquina pehe ñano yeeta tiquirore. Tiquiro ahri yehparũ ijigũ tiquina tiquirore wejẽeta. Sa yero tiquiro pohna marieniquiro yariaa waharota, ni ojoahye ti pũpũre.

<sup>34</sup> Ti pũ sa ni yahugũ ihũano, Etiopía cjũno sinituahye:

—Yahuya yũhure. ¿Ohõ saha Isaia tiquiro nidiquiro noa boro ijiajari ahriquiro? ¿Isaia tiquiro basi yahuro niagari? ¿O apequirore yahuro niagari? ni, sinituahye Etiopía cjũno.

<sup>35</sup> Tiquiro sa ni sinitugũ tuhoro Felipe pehe ti pũre ihũa, Jesu yere yahuahye Etiopía cjũnore. <sup>36</sup> Sa ye tiquina tia mehna waha, mágãpũ esahye.

—Ihũaña, ohõ mágã ijire. Ahri mágãpũ yũhure wame yeya, niahye Etiopía cjũno.

[<sup>37</sup> —Jesure mũhũ quehnoano wacũ tutuagũ ihũagũ mũhure wame yeitja, niahye Felipe tiquirore.

—Jesure wacũ tutuaja yũhũ. Tiquiro Cristo Cohãcjũ macũno ijire. Tire quehnoano masiaja yũhũ, niahye Etiopía cjũno.]

<sup>38</sup> Sa ninota tunuria ohoturiquirore yũsũo dutiahye. Tia yũsũ quehe sari bato wijiahye tiquina. Wijia, ti mágãpũ esa, ñumudũca sahye tiquina. Topũ ñumudũca sa, Felipe pehe tiquirore wame yeahye. <sup>39</sup> Wame ye tuhasa tiquina majadũca sagũ Cohãcjũ yaquiro Espĩritu Felipere nea wahahye. Tiquiro sa wahari bato Etiopía cjũno quehnoano bucueriquiro tiquiro ya yehparũ tojoaa wahahye. Tiquiro sa yeri bato tigũ ne pari turi Felipere ihũa nemoedahye. <sup>40</sup> Sa ye tuhasa Azotopũ esahye Felipe pehe. Sa yero peye macarine quehnoañe buheyere buheahye masare. Cesareapũ buhe bato tiahye.

## 9

*Saulo Jesucristore ihũano tiquirore wacũ tutua dũcahye*

*(Hch 22.6-16; 26.12-18)*

<sup>1</sup> Ti pjere Saulo Jesu yequinare ihũa tuhtiriquiro, “Tiquinare wejẽgũtja”, nino, tiquiro pahia pũhtoro cahapũ wahahye. <sup>2</sup> Topũ esaro tiquiro ojoari pũrine siniahye pahia pũhtorore. Ohõ saha niahye:

—Damasco cjẽ wũhũsepũ judio masa mari buheye wũhũsepũ Jesu yequinare mũmũare, numiare boca sagũ, tiquinare ñehe dũhte, Jerusalẽpũ ne cãhtagũtja. Ti wũhũsepũ ijiequinare yũhũ ñeheatire papera pũre ohoya, ni siniahye Saulo pahia pũhtorore.

<sup>3</sup> Ti pũre ne tuhasa, waha, Damasco cahagã tiquiro esagũ waro mũhmũanopũ asi sitedoque dijioahye tiquirore. <sup>4</sup> Sa asi sitedoque dijiogũta tiquiro yehparũ bora quehe saro, yahuducugũ tũhoahye:

—¿Saulo, dũhsegũ mũhũ yũhure ñano yeajari? nino ca tahye.

<sup>5</sup> —¿Pũhto, noa boro ijiajari mũhũ? niahye Saulo pehe.

—Yũhũ Jesu, mũhũ ñano yenohrigũ ijiaja. [Mũhũ yũhũ mehna usuagũ yũhure yũhtieragũ, mũhũ basita ñano yũhdũre, niahye Jesu Saulore.

<sup>6</sup> Tiquiro sa nigũ Saulo cue nanare, ohõ saha ni sinituahye:

—¿Pũhto, dũhse yũhũ yegũ cahmeajari mũhũ? niahye Saulo.

Tiquiro sa nigũ ohõ saha niahye Jesu:]

—Wahcãdũcaya mũhũ. Si macapũ wahaya. Ti macapũ mũhũ esagũ ti maca cjũno mũhũ yeatire yahurota mũhure, niahye Jesu Saulore.

<sup>7</sup> Tiquiro sa nigũ Saulo mehna cjẽna pehe tiquiro yahuducuye dihitare tũhoahye. Jesu pehere ihũedahye. Tiquiro sa wahagũ ihũaña, cueye, tiquina yahuducu masiedahye. <sup>8</sup> Sa

yero Saulo yehpapu cuñariquiro wahcādaca, tiquiro ihñagũ tiquiro caperi bajuerahye. Sa ye tiquina tiquiro omocare ñehe, Damascopu tuã cãa wahahye tiquirore. <sup>9</sup> Sa yero tiquiro ihtia deco waro ne ihñeda, ihyera, ne sihniedahye.

<sup>10</sup> Sa ye Jesu buheriquiro Anania wame tiriquiro Damascopu ijiahye. Sa yero Jesu bajuahye Ananiare. Sa bajuaro pisuahye tiquirore:

—¿Anania, ijiajari mũhu? niahye Jesu.

—Ijiaja, ni, yũhtiahye Anania tiquirore.

<sup>11</sup> Tiquiro sa nigũ Jesu yuahye tiquirore:

—Poto wame tiri mahapu wahaya. Topu wahagũ Juda ya wũhũpu Tarso cjũnore Saulo wame tiriquirore macaña. Tiquiro Cohãcjũre sinino niaga. <sup>12</sup> Sa yero quehẽno saha tiquiro ihñarire ihñano niaga topure. Ohõ saha ijiyere ihñano niaga tiquiro: Mũhu omocare tiquiro bui duhu peo, tiquiro caperi quehnoa wahagũ ihñano niaga tiquirore bajarire, niahye Jesu Ananiare.

<sup>13</sup> Tiquiro sa nigũ tũhoro Anania ohõ saha niahye:

—Pũhto, tiquiro mũhu yequinare quehnoañequinare Jerusalẽ cjẽnare ñano yeñohti. Peyequina masa yũhũre sa ni yahuri. <sup>14</sup> Sa yero ohõre tiquiro ijipiltiyequina mũhũre cahmeñequinare peresu yero taro niñohti. Pahia pũhtoa tiquirore sa ye dutiñohti, niahye Anania Jesure.

<sup>15</sup> Tiquiro sa nigũ Jesu pehe yuahye tiquirore:

—Tiquiro Saulo pehe yũhu beseriquiro ijire. Tiquiro yee buheyere peye macari cjẽnare, Israe masa ijieyequinare, tiquina pũhtoare, Israe masa gũhũre buherota. Sa yegũ wahaya mũhu. <sup>16</sup> Sa yero peye tahari yeere tiquiro yeri buhiri tiquiro ñano yũhdũrota. Tire tiquirore masigũ yegũtja, niahye Jesu Ananiare.

<sup>17</sup> Tiquiro sa nidi bato Anania pehe waha, esa, Saulo tiquiro ijiri wũhũpu sajãhye. Sajã sa, tiquiro omocare Saulo bui duhu peo, yuahye tiquirore.

—Yũhu acayũ Saulo, mari pũhoro Jesu pehe mahapu mũhũre bajuariquiro yũhũre ohori, mũhu caperire ihña dutiro, Espĩritu Santore mũhũre cũo dutiro, tiquiro dutiriro sahata mũhũre ye dutiro, ni yuahye Anania Saulore.

<sup>18</sup> Tiquiro sa nigũta tiquiro caperire wahi nũtũri saha bajuyere tiquiro caperire pahna dijiagũ ihñahye Saulo. Tiquiro sa ihña tuhasari bato wahcādaca sagũ apequiro pehe wame yeahye tiquirore. <sup>19</sup> Sa yero tiquiro ihyari bato pagũ tutuariquiro wahahye.

*Saulo Damascopu* Jesu yere buhe dũcahye

Sa ye meheñe decorigã Damasco cjẽna Jesu yequina mehna ijiahye Saulo.

<sup>20</sup> Sa yero ti pjereta tiquiro judio masa buheye wũhũsepũ Jesu yere buheahye masare. Jesu Cohãcjũ macũno tiquiro ijiyere yuahye Saulo. <sup>21</sup> Tiquiro sa yahugũ ihñañe ijipiltiyequina tiquirore tũhoyequina acũaa wahahye.

—Ahriquiro Cohãcjũ yequinare Jesure cahmeñequinare ñano yee tiriquiro ijire. Sa yero tiquiro tiquinare ñehe, dũhte, pahia pũhtoare oho duari jimedi. Sa ye duaro ohõpũre ahtari jimedi tiquiro, niahye masa tiquirore tũhoyequina.

<sup>22</sup> Tiquina sa ni tũhotuepegũta Saulo cuero marieno tutuaro mehna buhe dũcahye. Judio masare Damasco cjẽnare quehnoano yuahye. “Ahriquiro Jesu potota Cristo marine yũhdũoriquiro ijire”, tiquiro ni yahugũ tiquina pehe tiquirore “Ni mehono nine ahriquiro”, ni masiedahye tiquirore.

<sup>23</sup> Sa ye peye decori bato judio masa tiquirore wejẽ duaye, tiquina basi yahuducuahye.

<sup>24</sup> Sa yero Saulo tiquina wejẽ duagũ masiahye tiquiro basi. Sa ye ti maca cjẽ sopecaharire decopũre, ñamipũ gũhũre cohtee tiahye tiquirore wejẽ duaye. <sup>25</sup> Tiquina sa wejẽ duagũ ihñañe ñamipũ Saulo buheyequina tiquirore pũhũro pajiri pũhũdupũ ne sãa, ti maca cjã sahrĩno behero pehepu duhu dijiyahye tiquirore.

*Saulo Jerusalẽpu* ijiahye

<sup>26</sup> Sa ye Saulo Jerusalẽpu esaro, topu Jesu yequina mehna tiquiro iji duamahye. Tiquiro sa iji duepegũta tiquina tiquirore “Jesu buheriquiro ijierare ahriquiro”, niñe, tiquirore



cue niahye. <sup>27</sup> Tiquina sa cuepegūta Bernabé pehe tiquirore ne cāhye Jesu cūriquina caharū. Sa yero Saulo maharū Jesure tiquiro ihñarire, Jesu mehna tiquiro yahuducurire, Damascopū cuero marieno Jesu yere tiquiro buhe ducarire yahuahye Bernabé pehe. <sup>28</sup> Tiquiro sa ni yahuri bato Saulo tiquina mehna sajāno, Jerusalēpū tiquina mehna ijie tiahye. <sup>29</sup> Sa yero tiquiro cuero marieno Jesu yere buhee tiahye. Sa yero tiquiro judio masare Jesu yere yahu yūhdūdūcaro niahye. Tiquina judio masa griego masa yere yahuducuyequina ijiahye. Sa ye Saulo tiquiro sa yahu yūhdūdūcari buhiri tiquina tiquirore wejē duamahye. <sup>30</sup> Tiquina sa wejē duagū ihñañe, Saulo mehna cjēna Jesu yequina pehe tiquirore Cesarearū ne duhti cāa wahahye. Topū tiquirore siho ijiducume Tarsopū ohoahye tiquirore.

<sup>31</sup> Sa ye ijipihtiropū, Judea yehparū, Galilea yehparū, Samaria yehparū Cohācjū yequina quehnoano ijie tiahye. Ti pjere ne masa ñano yera tiahye tiquinare. Sa ye quehnoano buheahye tiquina. Sa ye tiquina Cohācjūre cua pesaro ihñahye. Espiritu Santo tiquinare tiquiro yedohogū tiquina pehe masa peyequina wahahye.

*Pedro Eneare quehnoa wahagū yeahye*

<sup>32</sup> Sa ye Pedro ijipihtiye macaripū waharo, Jesu yequina Lida maca cjēna caharū gūhūre esahye tiquiro. <sup>33</sup> Topū esaro Enea wame tiriquirore boca sahye. Enea tini masieniquiro ijiro, ocho cūhmari waro cuñari cahsero mehna cuñae tiahye tiquiro. <sup>34</sup> Sa yero Pedro pehe tiquirore ohō saha niahye:

—Enea, Jesucristo mūhūre quehnoa wahagū yere. Wahcādūcaya. Mūhū eō tu cuñari cahserore quehnoña, niahye Pedro tiquirore.

Tiquiro sa nigūta tiquiro wahcādūca wahaahye. <sup>35</sup> Sa ye ijipihtiyequina Lida cjēna, Saronā cjēna tiquirore ihñañe, tiquina ñañe yerire duhu, Jesure wacū tutuahye.

*Dorca wame tiricorore masoahye Pedro Jesu tutuaye mehna*

<sup>36</sup> Sa ye Jope wame tiri macarū Jesure ño peoricoro Tabita wame tiricoro ijiahye. Ticoro wame Tabita griego ye yahuducuye mehna Dorca ijire. Ticoro quehnoañene yero, peye ohoe tiahye pejecūoyequinare. <sup>37</sup> Sa yero ti pjere ticoro dohati wahcō, yariaa wahahye. Ticoro yariagū ihñañe, tiquina ticorore quehnoano cose, ūhmūano cjā tucūpū cūahye ticorore. <sup>38</sup> Lida wame tiri maca Jope cahagāpū ijiri. Sa ye Jesu buheyequina Jope cjēna Pedro Lidarū tiquiro ijigū tūhoahye. Sa tūhoye, pūaro ohoahye Pedro caharū. Tiquiro caharū esaye, Pedrorre yahuahye tiquina.

—Sojaro mehna ūsā ijiropū wahaya, ni yahuahye tiquina.

<sup>39</sup> Tiquina sa nigū tūhoro tiquina mehna wahaahye tiquiro. Topū tiquirore tiquina ne sari bato ūhmūano cjā tucūpū ne mājaa wahahye tiquirore. Sa ye ijipihtiyequina wape wiha numia tiquiro caharū esadūca, utiahye. Tabita tiquina mehna ijininopū peye suhtire yee tiahye. Sa ye tiquina ticoro yeri suhti ijirore ihñoahye Pedrorre. <sup>40</sup> Tiquina sa ihñoepegūta Pedro tiquinare ti tucūpū ijieyequinare wijia dutiahye. Tiquina wijiaro bato tiquiro dūsepe curi mehna quehe sa, Cohācjūre ticorore sini basahye. Sa yero ticoro pagūre majare ihñahye.

—Tabita wahcāña, niahye tiquiro.

Tiquiro sa nigūta ticoro pehe ihñā wahcō, Pedrorre ihñā, wahcā nuju sahye. <sup>41</sup> Ticoro wahcā nuju sagū ihñā, tiquiro ticoro omocare ñehe, tūā wahcō docoahye ticorore. Sa yero tiquiro to cjēnare Jesu yequinare, wape wiha numiare pijio, ticorore catiricorore wiahye tiquinare. <sup>42</sup> Tiquiro sa yeri bato ijipihtiyequina Jope cjēna tire masiñe peyequina masa Jesure wacū tutua dūcahye. <sup>43</sup> Came Jopepū Simo wahiquina cahserore quehnoriquiro mehna peye decori Pedro tiquiro mehna ijiahye.

## 10

*Pedro Corneliore Jesu yere yahu dūcahye*

<sup>1</sup> Ti pjere Cesarearū Cornelio wame tiriquiro ijiahye. Tiquiro cien surara pūhoro ijiahye. Tiquina surara pehe tiquina ya curua Italiano wame tiahye. <sup>2</sup> Cornelio tiquiro

ya wuhu cjēna mehna mari Pacure ño peoyequina, cua pesaro ihñañequina ijie tiahye. Sa yero tiquiro judio masa pejecuoyequinare yedohoro, peye ohoahye. Sa yero decoripe tiquiro mari Pacure sinie tiahye. <sup>3</sup> Sa ye ñamicahapũ tres hora ijigũ Cohãcjũ yaquiro angel tiquirore bajuahye. Sa bajuaro Cornelio cahapũ sajahye.

—Cornelio, niahye angel tiquirore.

<sup>4</sup> Sa yero Cornelio tiquirore ihña cuero ohõ saha niahye:

—¿Pũhto, yabere cahmeajari? niahye tiquiro.

—Pejecuoyequinare mũhu ohorire, mari Pacure mũhu sinidire tiquiro wacũno niaga.

<sup>5</sup> Sa yegũ Joperũ mũhu cahacjēnare ohoya. Topũ Simo Pedro wame tiquirore ijire. Tiquirore ne cãhta dutiya mũhu cahacjēnare. <sup>6</sup> Tiquiro apequiro Simo wahuquina cahseri quehnoriquiro cahapũ, pajiri ma dũhtũ cahapũ ijiri wũhũpũ ijire, niahye angel Corneliore.

<sup>7</sup> Angel sa ni tuhasa, wijiaa wahahye. Tiquiro sa wijari bato Cornelio pũaro tiquirore yedohoyequinare ihcãquiro surara mehna cjēnore pijiahye. Surara pehe mari Pacure ño peoriquiro ijiro, decoripe Corneliore yedohoe tiahye. <sup>8</sup> Sa yero Cornelio tiquinare yahu peho, Joperũ ohoahye tiquinare.

<sup>9</sup> Sa ye ape deco Joperũ tiquina wahari watoa coheri pje ijigũ Pedro pehe wũhu buipũ Cohãcjũre sinino wahahye. <sup>10</sup> Sa yero tiquiro mũhũ ahbagũ ihya duahye. Sa ihya duaro apequina tiquiro ihyayere tiquina dahreri watoa tiquiro pehe bajuagũ ihñahye. <sup>11</sup> Uhmũanopũ parĩ maagũ, pajiri cahsero ti cahsero sohtoripũ dũhteri cahsero dijia tagũ ihñahye. <sup>12</sup> Ti cahsero puhapũ peyequina wahuquina nũcũ cjēna, yehrapũ bũa tiniñequina, minicjũa pari ijiahye. <sup>13</sup> Tire tiquiro ihñari bato, Pedro yahuducugũ tũhoahye.

—Pedro, wahcãdũcaya. Ahriquinare wejẽ ihyaya, ni yahuducugũ tũhoahye tiquiro.

<sup>14</sup> Tiquiro sa niepegũta Pedro ohõ saha niahye:

—Pũhto, ne tiquinare ihyeraja yũhũ. Ñañequinare, Cohãcjũ tiquiro ihya dutierariquinare ne ihyera tii yũhũ, niahye Pedro.

<sup>15</sup> Sa yero Pedro pari turi yahuducugũ tũhoahye:

—Cohãcjũ “Quehnoañequina ijire”, tiquiro nidiquinare “Ñañequina ijire”, niedacãhña mũhu tiquinare, ni yahuducugũ tũhoahye Pedro.

<sup>16</sup> Sa ye ihtia taha tiquina sa ni yahuducuri bato ti cahsero uhmũanopũ mũjaa wahahye tja. <sup>17</sup> Sa yero Pedro tutuaro wacũ “¿Dũhse ni yahu duaro nijari sa bajuaro?” ni tũhotuahye tiquiro basi. Tiquiro sa tũhoturi watoa Cornelio ohoriquina pehe Pedro ijiri wũhũpũ esahye. “¿Simo ya wũhu nohorũ ijiajari?” ni, tiquina sinituri bato ti wũhũpũ esahye tiquina. <sup>18</sup> Sa ye tiquina sinitu madoqueoahye. “¿Simo Pedro wame tiquiro ahri wũhũre ijiajari?” ni sinituahye tiquina. <sup>19</sup> Sa yero Pedro tiquiro tũhoturi watoa Espĩritu Santo tiquirore yahuahye:

—Ihñaña. Ihtiaro mũhũre macañe nine. <sup>20</sup> Wahcãdũcaya. Dijiahya. Tiquina mehna wahaya. Yabiro marieno wahaya quehnoano mehna. Yũhũ pehe tiquinare ohõpũre ahtagũ yei, niahye Espĩritu Santo Pedore.

<sup>21</sup> Tiquiro sa nigũ tũhoro Pedro tiquina cahapũ dijiaa wahahye.

—Ihñaña. Ohõpũ ijiaja yũhũ mũsa maca cãhtarigũ. ¿Dũhse yena tana nijari mũsa yũhũ cahapũre? niahye Pedro tiquinare.

<sup>22</sup> Tiquiro sa nigũta tiquina pehe ohõ saha niahye:

—Cornelio cien surara pũhtoro, quehnoañene yeriquiro, mari Pacure cua pesaro ihñariquiro, ijipihtiyequina judio masa “Quehnoariquiro”, tiquina nidiquiro mũhũre piji dutiro ohori usãre. Cohãcjũ quehnoariquiro yaquiro angel Corneliore mũhũre piji dutiñohti. Ohõ saha niñohti: “Pedrore mũhũ ya wũhũpũ ne cãhta dutiya mũhũ cahacjēnare. Sa ye tiquiro mũhũre yahurota”, ni piji dutiñohti angel Corneliore, ni yahuahye Cornelio Pedore tiquiro piji dutiriquina pehe.

<sup>23</sup> Tiquina sa nigũ Pedro pehe tiquinare sajã ta duti, ihyaye oho, tiquiro ijiri wũhũpũ carĩ dutiahye tiquinare. Sa yero ape deco Pedro wahcã, tiquina mehna wahaa wahahye. Sa ye apequina Cristo yequina Jope cjẽna Pedrore piti ti cãhye.

<sup>24</sup> Ape deco tiquina Cesareapũ esahye. Sa yero Cornelio pehe tiquiro acayere, tiquiro mehna cjẽna gũhũre piji cahmeco, Pedrore cohteahye. <sup>25</sup> Sa yero Pedro Cornelio ya wũhũ cahapũ tiquiro ahtagũ ihñano Cornelio pehe tiquirore piti ca wijia, tiquiro dahpocãri cahapũ quehe sahye. <sup>26</sup> Sa yepegũta Pedro tiquirore ne wahcõ doco ohõ saha niahye:

—Ducuya mũhũ. Yũhũ gũhũ mũhũ yero saha ijigũ ijiaja. Cohãcjũ ijieraja yũhũ, niahye Pedro tiquirore.

<sup>27</sup> Tiquiro sa ni tuhasari bato Cornelio tiquirore ne sajãa wahahye tiquiro ya wũhũpũ. Topũ sajã saro masa pari ti wũhũpũ cahmeco, tiquirore cohteyequinare ihñahye Pedro. <sup>28</sup> Sa yero Pedro tiquinare yahuahye:

—Judio masũ ijiepegũta ape curua cjẽna mehna ijigũ usã dutiyere yũhdũdũcagũ niaja yũhũ. Tire quehnoano masine mũsa. Sa ijiepegũta ape curua cjẽnare “Ñañequina ijire”, yũhũre ni dutierari Cohãcjũ. Sa ni yahuri yũhũre tiquiro. <sup>29</sup> Tiquiro sa nigũ tũhogũ ohõpũre mũsa cahapũre ahtaũ. Mũsa yũhũre pijiogũ “Ne wahaeraja”, niedũ yũhũ. “¿Dũhse ijiro boro yũhũ ohõpũ ahtagũ cahmeari mũsa?” niahye tiquinare Pedro.

<sup>30</sup> Tiquiro sa nigũ tũhoro Cornelio pehe ohõ saha niahye:

—Tres hora ijigũ waro mari Pacũ yaquiro angel yũhũre bajuari. Pitiia deco wahare yũhũre tiquiro bajuari bato. Ti decota mari Pacũre yũhũ sinini watoa angel asi siteri suhtiro sañariquiro yũhũ cahapũ ducuri. <sup>31</sup> Sa yero tiquiro yũhũre ohõ saha nidi: “Cornelio, mũhũ mari Pacũre mũhũ sinigũ tiquiro tũhori. Sa yero pejecũoyequinare tiquina cahmeñene mũhũ ohogũ ihñano mari Pacũ wacũno mũhũre yedohorota. <sup>32</sup> Sa yegũ Joperũ mũhũ cahacjẽnare ohoya, Simore, Pedro wame tiriquirore mũhũ cahapũ tiquina ne cãhtagũ. Tiquiro apequiro Simo wahiquina cahseri quehnoriquiro ya wũhũpũ pajiri ma dũhtũ cahapũ ijiri wũhũpũ ijire tiquiro”, ni yahuri yũhũre tiquiro. <sup>33</sup> Tiquiro sa nigũ tũhogũ yũhũ cahacjẽnare mũhũre ne cãhta dutigũ ohou yũhũ. Sa yegũ quehnoano yegũ ahtari jiri mũhũ usã cahapũre. Sa yena usã ijipihitina ohõre mari Pacũ tiquiro ihñonopũ ijina niaja usã. Ijipihitiyere mari Pacũ mũhũre tiquiro yahu dutirire tũho duana, cohtei usã, niahye Cornelio Pedrore.

### *Pedro Jesu yere yahuahye*

<sup>34</sup> Tiquiro sa nigũ tũhoro, Pedro ohõ saha ni yahuahye:

—Yojobũ masiaja. Ijirota ijire. Cohãcjũ ihcãno saha quehnoano yere marine. <sup>35</sup> Sa yero ijipihitiye macari cjẽna Cohãcjũre cua pesaro tiquina ihñagũ, quehnoañene tiquina yegũ Cohãcjũ pehe tiquina mehna bucuere. <sup>36</sup> Cohãcjũ usã judio masa cahapũ Jesucristore ohori. Masare Cohãcjũ mehna quehnoano iji dutiro Jesu pehe quehnoañe buheyere yahuri. Ti buheyere mũsa masine. Jesucristo pehe ijipihitiyequina masa pũhtoro ijire. <sup>37</sup> Ñũ wame yeriquiro ohõ saha ni yahuri: “Mũsa ñañene bũjũa witiya. Sa yena wame yenohrina ijiya”, ni, yahuri Ñũ. Masare tiquiro sa ni yahuri bato Galileapũ quehnoañe buheyere Jesu pehe yahu dũcari. Came Judea yehpapũ ti buheyere yahu pehori. <sup>38</sup> Ahriquiro Jesu Nazare cjẽnore Cohãcjũ pehe tiquiro tutuayere, Espĩritu Santo mehna tiquiro ye masiatire ohori Jesure. Sa yero Jesu quehnoano yero wahari. Sa waharo watĩare cũoyequinare ñano yũhdũyequinare ijipihitiyequina quehnoa wahagũ yeri. Mari Pacũ Jesu mehna ijiri. <sup>39</sup> Judea yehpapũ, Jerusalẽpũ gũhũre ijipihitiye tiquiro yerire usã ihñanũ. Came tiquina curusapũ wejẽdi tiquirore. <sup>40</sup> Sa yero ihtia deco wahaboro Cohãcjũ tiquirore masori jiri. Sa yero Jesure apequinare bajuagũ yeri jiri mari Pacũ. <sup>41</sup> Ti pjere Jesure ijipihitiyequina ihñedari. Meheñequinagãre bajuari tiquiro. Mari Pacũ tiquiro cahmenare, Jesure ihñatinare panopũ usãre mari Pacũ beseahye. Usã pehe Jesu tiquiro masari bato tiquiro mehna ihya, sihnii. <sup>42</sup> Sa yero usãre tiquiro dutiri. “Masare yahuya. Yũhũ Jesu ijipihitiyequina catiyequina, yariariquina gũhũre buhiri

dahreacjũ yũhũre ijigũ yeri mari Pacũ. Sa yena tire masare yahuya”, ni dutiri Jesu usãre. <sup>43</sup> Ijipihtiyequina Jesure tiquina wacũ tutuagũ ihñano Cohãcjũ tiquina ñañene borota. Tire ijipihtiyequina Cohãcjũ yere yahu mãhtariquina panopũ cjẽna yahuyuahye, ni yahuahye Pedro.

*Judio masa ijieyequina Espiritu Santore cũo dũcahye*

<sup>44</sup> Ti ijipihtiyere tiquiro sa ni yahuri watoapũ, ijipihtiyequina tire tũhoyequina mehna Espiritu Santo iji dũcahye. <sup>45-46</sup> Sa ye judio masa ijieyequina tũhomeneñe yahuducuye mehna bucueye mehna yahuducu dũcahye. Ti yahuducuye mehna Cohãcjũre “Tutuagũ, quehnoagũ ijire”, niñe niahye. Tiquina sa nigũ tũhoahye Pedro acaye judio masa Jesu yequina. Sa ye Espiritu Santo judio masa ijieyequina mehna tiquiro iji dũcagũ ihñañe judio masa pehe ihña maria wahahye. Sa yero Pedro ohõ saha ni yahuahye judio masare:

<sup>47</sup> —Mari yero sahata Espiritu Santore cũore ahriquina gũhũ. ¿Tiquina sa ijigũ ihñana ahriquinare wame yeraboagari mari? niahye Pedro tiquinare.

<sup>48</sup> Sa ni tuhasa Jesu wame mehna judio masa ijieyequinare wame ye dutiahye Pedro. Tiquina sa yeri bato “Usã mehna meheñe decorigã tojoarĩña”, niahye tiquina Pedro gũhũre.

## 11

*Pedro Jerusalẽ cjẽnare Jesu yequinare yahuahye*

<sup>1</sup> Sa ye judio masa ijieyequina gũhũ Cohãcjũ yere tiquina quehnoano cahmegũ Jesu cũriquina pehe tiquina acaye Judeapũ ijieyequina mehna tũhooahye. <sup>2</sup> Sa ye Pedro Jerusalẽpũ tiquiro tojoa sagũ ihñañe judio masa Jesu yequina meheñequinagã tiquirore ohõ saha niahye:

<sup>3</sup> —¿Judio masa ijieyequinare dũhse ijiro boro ihñagũ esari mãhũ? ¿Dũhse ijiro boro tiquina mehna ihyari mãhũ? ni, tuhtiahye Pedrore tiquina.

<sup>4</sup> Tiquina sa nigũ tũhoro Pedro tiquiro yerire yahu peho cãhye tiquinare. <sup>5</sup> Ohõ saha ni yahuahye:

—Yũhũ Joperpũ ijigũ Cohãcjũre sinigũ nii. Sa yero yũhũre ohõ saha bajuari. Pajiri cahsero ti cahsero sohtoripũ dũhteri cahsero uhmũanopũ yũhũ cahapũ dijia tagũ ihñau. <sup>6</sup> Sa yegũ ti cahserore quehnoano ihñau, “¿Yabe boro ti cahseropũre ijiajari?” nigũ. Sa yegũ ihñau ti cahseropũre ijieyequinare: Wahiquinare nũcũ cjẽnare, yehrapũ bũa tiniñequinare, minicjũa parire ihñau. <sup>7</sup> Sa yegũ yũhũre tiquiro yahuducuyere tũhou. “Pedro, wahcãdũcaya. Wejẽ ihyaya ahriquinare”, nino ca tari yũhũre. <sup>8</sup> Tiquiro sa nigũ tũhogũ ohõ saha nii yũhũ. “Pũhto, ne tiquinare ihyeraja yũhũ. Ñañequinare, Cohãcjũ tiquiro ihya dutieyequinare ne ihyera tii yũhũ”, nii yũhũ. <sup>9</sup> Yũhũ sa niepegũta uhmũanopũ pari turi yũhũre yahuducuro ca tari tja. “Cohãcjũ ‘Quehnoañequina ijire’, tiquiro nidiquinare ‘Ñañequina ijire’, niedacãhña mãhũ”, nino ca tari yũhũre. <sup>10</sup> Sa yero ihtia taha usã sa ni yahuducuri bato ti cahsero uhmũanopũ mãjaa wahari tja. <sup>11</sup> Yũhũ sa ihñari watoa ihtiaro uhmũa usã ijiri wũhũpũ esari jiri. Tiquina Cesarea cjũno ohoriquina ijiri. <sup>12</sup> Sa yero Espiritu Santo pehe yũhũre tiquina mehna waha dutiro “ ‘Tiquina ñañequina ijire’, niedacãhña tiquinare”, ni yahuri yũhũre tiquiro. Sa ye ahriquina seis yũhũ acaye mehna Cesarea cjũno ya wũhũpũ sajãu usã. <sup>13</sup> Sa yero tiquiro usãre ohõ saha ni yahuri. “Angel yũhũ wũhũpũ ducugũ ihñau yũhũ. Ohõ saha ni yahuri yũhũre: ‘Joperpũ Simore Pedro wame tiriquire ne cãhta dutiya. <sup>14</sup> Tiquiro mãhũre mãhũ acaye mehna mãsare ijipihtinare pecapũ wahaborinare mãsa yũhũdũatire yahurota’, nidi angel yũhũre”, ni, yahuri Cesarea cjũno yũhũre. <sup>15</sup> Sa ye yũhũ yahuducuri watoa Espiritu Santo pehe tiquina mehna iji dũcari, marine tiquiro ye mãhtariro sahata. <sup>16</sup> Sa yegũ Jesu tiquiro yahurire wacũu yũhũ. Ohõ saha ni yahuri tiquiro: “Ñu mãsare wame yero aco mehna wame yemedi. Yũhũ pehe tiquiro yũhũdũoro yeitja mãsare. Came Espiritu Santore mãsa mehna ijiducugũ yeitja”, ni yahuri. <sup>17</sup> Sa yero Jesucristo mari pũhtoro mari wacũ tutuagũ ihñano Cohãcjũ yaquiro Espiritu Santore ohori marine. Sa yero Cohãcjũ

marine Espiritu Santore tiquiro ohoriro sahata judio masa ijieyequina gũhũre tiquiro ohori. Cohãcjũ tiquiro sa yegũ ihñagũ tiquirore yũhdũdũca masiedaja yũhũ, niahye Pedro tiquinare, judio masare Jesu yequinare.

<sup>18</sup> Tiquiro sa nigũ tũhoye, tiquina tiquirore ne ni nemoedahye. Tiquirore tuhti masiedahye. Sa ye tiquina,

—Cohãcjũ quehnoariquiro, tutuariquiro ijire, niahye.

Ohõ saha ni nemoahye:

—Judio masa ijieyequina gũhũ tiquina ñañene bujũa witiyequina ijiye, Cohãcjũ yequina ijietã. Sa tiquiro yequina ijiye, tiquina gũhũ ijipihtiye decori tiquiro mehna ijietã, ni nemoahye tiquina.

*Antioquíapũ* apequina Jesu yequina ijiahye

<sup>19</sup> Sa ye Estebãre tiquina wejẽdi bato masa Jesu yequinare ñano yeahye. Tiquina sa yegũ ihñañe Jesu yequina duhti sitea wahahye. Sa ye tiquina Feniciapũ, Chiprepũ, Antioquíapũ waha, judio masa dihitare Cohãcjũ yere yahue timahye tiquina. <sup>20</sup> Tiquina sa yepegũta apequina pehe Jesu yequina mehna cjẽna Chipre cjẽna, Cirene cjẽna, Antioquíapũ esa, judio masa ijieyequinare Jesu yere buheahye Cohãcjũ tiquinare tiquiro yũhdũoatire. <sup>21</sup> Sa yero mari pũhtoro tiquinare yedohoahye. Sa ye masa peyequina Jesure wacũ tutuaye, quehnoañe pehere comesahye.

<sup>22</sup> Sa ye “Antioquíã cjẽnapũ Jesure cahmeaga”, ni tũhooahye Jerusalẽ cjẽna Jesu yequina. Tiquina sa tũhoori bato Jerusalẽ cjẽna Bernabé wame tiriquire Antioquíapũ ohoahye. <sup>23</sup> Sa yero tiquiro Antioquíapũ esaro, Cohãcjũ yedohoye mehna judio masa ijieyequina tiquiro yequina tiquina wahagũ ihñano, tutuaro bucueahye. Sa yero tiquiro to cjẽnare ohõ saha ni yahuahye:

—Jesure sa wacũ tutuaducuya. Tiquiro yere ne duhueracãhña, ni yahuahye tiquiro ijipihtiyequina tiquinare.

<sup>24</sup> Bernabé quehnoariquiro ijiro, Espiritu Santore pajiro cœoriquiro ijiro, tiquiro dutiriro sahata yeriquiro ijiro, Jesure quehnoano wacũ tutuahye tiquiro. Sa ye tiquiro buheri bato masa peyequina wacũ tutuahye Jesure.

<sup>25</sup> Came tiquiro Tarso wame tiri macapũ Saulore macano wahahye. <sup>26</sup> Topũ tiquirore boca sahye. Tiquiro boca sari bato Antioquíapũ ne cãhye Saulore. Topũ tiquina esari bato ihcã cũhma waro tiquina Cohãcjũ yequina mehna cahmecoã, peyequina masare buhee tiahye tiquina. Sa ye Antioquíapũ Cristo yequina Cristiano wame ti dũcahye.

<sup>27</sup> Ti pjere Cohãcjũ yere yahu mũhtariquina Jerusalẽpũ ijiriquina waha, Antioquíapũ esahye. <sup>28</sup> Sa yero tiquina mehna cjẽno Agabo wame tiriquire Jesu yequina watoapũ ducuro, Espiritu Santo tutuaye mehna yahuahye tiquinare. “Ijipihtiri yehpapũre tutuaro ẽjũa waharota”, ni yahuahye tiquiro. Ti pjere ihyaye mariedi pje ijigũ ijipihtiyequina pũhtoro Claudio ijiahye. <sup>29</sup> Sa ye Cristo buheyequina, ijipihtiyequina tiquina cœoro puno tiquina acayere oho duaye, tiquina basi cahme yahuducuahye. “Judeã yehpa cjẽna Jesu yequinare niñerure ohouhna”, niahye tiquina basi. <sup>30</sup> Tiquina sa nidi bato Bernabé, Saulo mehna ti niñerure ne cã basahye. Topũ esaye Judeã yehpa cjẽnare Jesu yequina pũhtoare wiahye ti niñerure.

## 12

*Pedrore peresu yeahye*

<sup>1</sup> Ti pjere pũhtoro Herode ihquẽquinare Jesu yequinare ñano ye dũcae tiahye. <sup>2</sup> Sa yero tiquiro Ñu wahminore Santiago pehere ñoseni pjĩ mehna tiquiro wejẽ dutigũ apequina pehe tiquirore wejẽahye. <sup>3</sup> Santiagore tiquiro wejẽgũ judio masa bucueahye. Tiquina bucueyere Herode masino, “Sa dihita cahmene tiquina”, nino Pedro gũhũre peresu yeahye. Ti decorire pugũ yeye moremehneñe pãre tiquina ihyati bose deco pascua ijiahye.



<sup>4</sup> Sa ye Herode ñehe dutiriquina Pedrore ñehe, peresu yeahye. Sa yero diez y seis surarare cohte dutiahye tiqiurore. Pititiaro surara cohteahye tiqiurore. Came pititiaro tiquina comesayequina tiqiurore cohte m̄ajae tiahye. Sata yeahye tiquina diez y seis surara. Herode pehe pascua bato Pedrore peresup̄a ijiriquirore masa ih̄nonop̄a duhu doco duamahye tiqiurore wejē dutiro taro. <sup>5</sup> Sa yero Pedro peresup̄a ijiahye. Top̄a tiqiuro ijigū Jesu yequina pehe Cohācjūre tutuaro sini basae tiahye tiqiurore.

*Peresup̄a* ijiriquirore Pedrore Cohācjū wioahye

<sup>6</sup> Sa ye ñamine Pedro come dari p̄a da mehna tiquina d̄ahteri qiuro p̄aro surara watoap̄a car̄ino niahye. Sa ye surara sopecahap̄a cohteducue tiahye tiqiurore. Sa yero ti deco bohrearo Herode Pedrore judio masa ih̄nonop̄a duhu doco duamahye tiqiurore wejē dutiro taro. <sup>7</sup> Sa yero Cohācjū yaqiuro angel pehe Pedro cahap̄a tiqiuro ducugū peresup̄a tiqiuro ijiri tucū buhrio pihtia wahahye. Sa yero angel Pedro cahap̄a ducuro Pedro pati pahmap̄a ohbe careahye.

—Sojaro mehna wahcāña, niahye tiqiuro Pedrore.

Tiqiuro sa nigūta tiqiuro omocarine tiquina d̄ahteri dari come dari suru site dijiaa wahahye. <sup>8</sup> Sa yero angel tiqiurore yahuahye:

—Weje dihoya m̄h̄u weje dihori dare. M̄h̄u dahpo suhti ḡh̄ure sañaña, niahye tiqiuro.

Tiqiuro sa nigū Pedro pehe tiqiuro nidiro saha yeahye.

—M̄h̄u bui cjā suhtirore sañaña. Ȳh̄u mehna wahaya, niahye angel.

<sup>9</sup> Tiqiuro sa nigū ti tucūp̄a ijiriquiro wijia, angel bato wahaa wahahye tiqiuro. Sa wahaeperota ohō saha ni t̄hotumahye tiqiuro. “¿Ahri poto ijieragari? ¿Quehēgu niagari ȳh̄u?” ni, t̄hotumahye tiqiuro. <sup>10</sup> Sa ye tiquina tiqiuro ijiri tucū sopecahap̄a ducuyequina surarare ȳhd̄u cā, apequina yoa cjūno ducuyequina ḡh̄ure ȳhd̄u cā, pajiri sopecahap̄a esahye. Ti sope pahma macap̄a wahari mahare cahmotari pahma ijiahye. Ti sope pahma esa tuharo parīgū tiquina wijiaa wahahye. Wijiaa waha, tiquina mahap̄a wahaa wahahye. Mehenogā tiquina waha nemogū angel pehe wahaa wahahye. Sa yero Pedro ihcāquiota tojoahye. <sup>11</sup> Sa tiqiurore angel tiqiuro wahari bato tiqiuro yerire Pedro masiahye. Ohō saha ni t̄hotuahye tiqiuro. “Angel Cohācjū ohoriqiuro peresup̄a ȳh̄u ijigū ȳh̄ure wioro wihiri. Yojop̄a tire masiaja tiqiuro sa yerire. Judio masa pehe ȳh̄ure tiquina ye duarire Cohācjū pehe tiquinare ye dutierari. Sa yero ȳh̄ure, Herode tiqiuro peresu yeriḡure wiori”, ni, t̄hotuahye Pedro.

<sup>12</sup> Tiqiuro sa ni t̄hoturi bato María Ñu pacoro ya w̄h̄up̄a esahye Pedro. Ñu pehe Marco wame tiriqiuro ijiri. Ti w̄h̄up̄a masa peyequina cahmecoa, Cohācjūre siniñe niahye. <sup>13</sup> Sa yero Pedro sope pahmare doteahye. Rode wame tiricoro cahacjōno tiqiuro dotegū t̄horo ih̄n̄ano esahye ticoro. <sup>14</sup> Sa yero Pedro ticoro tiqiuro pisugū t̄horo tiqiuro yahuducuyere t̄ho masi, tutuaro bucue, sopecahare p̄oedahye. Sa bucuemeno tiqiurore p̄oboricoro boaa wahahye. Pedro top̄a tiqiuro ducugūta ticoro majared̄ca oma sajāa wahahye.

—Pedro sopecahap̄a wihiri, ni, yahuro sajāhye.

<sup>15</sup> Sa ye tiquina w̄h̄up̄a ijiequina ticoro sa nigū t̄hoye,

—Sa nicōo niaga m̄h̄u. Sa ni macacōo nine m̄h̄u, niahye tiquina ticoro.

—Poto tjire. Poto nigota niaja, niahye ticoro.

Ticoro sa nigū t̄hoye,

—Tiqiuro ijieraga. Tiqiuro jeripohna wihiro niaga, niahye tiquina pehe.

<sup>16</sup> Tiquina sa nini watoa Pedro sope pahmare sata doteducuro niahye. Tiqiuro sa yegū t̄hoye, tiquina sopecahare p̄o, tiqiurore ih̄na, ih̄na maria wahahye. <sup>17</sup> Sa yero Pedro tiqiuro omoca mehna “Dihta mariañña”, nino, Cohācjū peresup̄a tiqiurore wiorire yahuahye tiquinare.

—Ahr̄ire yahuya Santiagore, apequina Jesu yequina ḡh̄ure, niahye tiqiuro.

Sa ni yahu tuhasa tiquiro ape sie pahrēpᵤ yᵤhdᵤ cāa wahahye. <sup>18</sup> Sa ye bohrea quehagū surara Pedro tiquiro dᵤhse ye wijiariᵣe ne masiedahye. Sa masiedaye acᵤaa wahahye. <sup>19</sup> Sa yero Herode Pedroro maca dutimahye. Sa yero tiquiro surarare peresu cohteriquinare tiquiro sinituri bato tiquinare wejē dutiahye Herode pehe. Sa yero Herode Judeapᵤ ijiriquiro waha, Cesareapᵤ ijiro wahahye.

#### *Herode variaa wahahye*

<sup>20</sup> Sa yero Tiro wame tiri maca cjēna mehna, Sidō cjēna mehna Herode pehe usuahye. Tiquiro sa usuagū ihñañe ti macari cjēna pehe Herode tiquina mehna tiquiro usarire quehnoñe waha, tiquiro mehna yahuducuye wahahye. Sa ye tiquiro cahacjñore Blasto wame tiriquire piti tiahye tiquina. Sa ye tiquina Blasto yedohoro mehna Herode cahapᵤ esahye. Tiquiro cahapᵤ esa, ohō saha niahye:

—Mari quehnoano ijihna. Mari basi ihña tuhtieracūhna, ni siniahye tiquina Herodere.

Tiquina ya yehpa cjēna Herode ya yehpapᵤ ihyayere bocaᵣe tiahye. Sa ye Herode tiquinare ihña tuhtigū cahmedahye tiquina. <sup>21</sup> Sa yero Herode tiquiro queori decorᵤ, pᵤhtoro tiquiro sañañe suhti quehnoañe suhtire sañahye tiquiro. Sa yero tiquiro dujiropᵤ dujitjiāno, masare yahuducu ihñohaye. <sup>22</sup> Tiquiro sa yahuducu ihñogū tᵤhoye masa pehe sañuducuahye:

—Ahriquirō yahuducuriquiro masᵤno ijierare. Cohācjū ijire, ni sañuducumahye tiquina Herodere.

<sup>23</sup> Tiquina sa nigūta Cohācjū yaquirō angel Herodere dohatiyere ohoahye. “Cohācjū ijieraja yᵤhᵤ”, ne niedahye Herode. Tiquiro sa niedari buhiri angel tiquiro dohatigū yeahye. Tiquiro sa dohatigū tiquiro becoa ihya wejē cāhye.

<sup>24</sup> Sa ye Jesu yequina peyequina masare Jesu ye buheyere buhee tiahye.

<sup>25</sup> Sa ye Bernabé, Saulo mehna buhe peho, Jerusalēpᵤ ijiequina Antioquíapᵤ tojoaa wahahye. Sa ye Ñu Marco wame tiriquire tiquina ne cāhye tiquina mehna.

## 13

### *Jesu yequina Bernabére Saulo mehna Cohācjū yere buhe dutiye ohoahye*

<sup>1</sup> Ti pjere Antioquíapᵤ Cohācjū yequina mehna cjēna, Cohācjū yere yahu mᵤhtariquina ijiahye. Masare buheyequinata ijiahye tiquina gūhᵤ. Bernabé, Simo Negro wame tiriquire, Ludio Cirene cjēno, Manae, Saulo mehna tiquina ijiahye. Manae pehe pᵤhtoro Herode mᵤnanao mehna tiquina pᵤaro ihcāno mehna bᵤcᵤariquina ijimahye. <sup>2</sup> Sa ye tiquina Cohācjūre tiquina ño peori watoa, tiquina sijiri watoa, Espiritu Santo pehe yahuahye tiquinare.

—Bernabére, Saulo mehna cūña yᵤhᵤ cahmeno saha yeatiquinare. Tire yeatiquinare bese cūgᵤ niaja tiquinare, niahye Espiritu Santo.

<sup>3</sup> Tiquiro sa nigū tiquina pehe siji Cohācjūre sini, Bernabé bui Saulo bui tiquina omocarine duhu peohaye. Sa duhu peoye tiquinare buhe dutiye ohoahye.

### *Chiprepᵤ Jesu cūriquina buheahye*

<sup>4</sup> Sa ye tiquina Saulo, Bernabé mehna Espiritu Santo tiquiro ohoriquina ijie, Seleuciapᵤ esa, ti macare yᵤhdᵤ cā, Chipre wame tiri nᵤcᵤopᵤ esahye tiquina. <sup>5</sup> Sa ye Salamina wame tiri petamahapᵤ esahye. Ti macapᵤ judio masa buheye wᵤhᵤsepᵤ, Cohācjū yere yahu dᵤcahye tiquina. Sa yero Ñu Marco gūhᵤ tiquina mehna waha, tiquinare yedohoahye. <sup>6</sup> Sa ye tiquina ti nᵤcᵤo sohtoapᵤ maja, ti nᵤcᵤo torepᵤ ijiri macapᵤ Pafō wame tiri macapᵤ esaye, yairore boca sahye tiquina. Tiquiro judio masᵤno, Barjesu wame tiriquire ijiahye. Barjesu griego ye mehna niñe Elima tiquina ni pisuriquiro ijiahye. “Cohācjū yere yahu mᵤhtagᵤ ijiaja yᵤhᵤ”, ni, masare ni mehoducuriquiro ijiahye tiquiro. <sup>7</sup> Sa yero tiquiro Sergio Paulo wame tiriquire mehna cjēno ijiahye. Sergio Paulo pehe ti nᵤcᵤo cjēna pᵤhtoro masi pehoriquiro ijiahye. Sa yero Cohācjū yere tᵤho duaro tiquinare Bernabé, Saulo mehna pijioahye tiquiro. <sup>8</sup> Tiquiro sa pijiopegūta Elima, yairo pehe tiquinare buhe dutierahye. Tiquiro Sergio Paulo Jesu yere tiquiro ño peogū

cahmesãedahye yairo pehe. Sa yero yairo pehe Sergio Paulore Cohãcjũ yere cohã dutiro nimahye. <sup>9-10</sup> Tiquiro sa cohã dutiepegũta Saulo, Pablo tiquina nidiquiro Espiritu Santore cœoriquire ijero, yairore quehnoano ihña diho cũ tiquirore yahuahye:

—Mũhũ ni mehoñe peyagũ, ñagũ, watĩno tiquiro dutiyere yegũ, quehnoañene ihña yabigũ ijire mũhũ. ¿Dũhse yegũ Cohãcjũ yere “Ni mehoñe ijire”, sa niducujari mũhũ? <sup>11</sup> Mũhũ sa nigũ Cohãcjũ caperi bajuerağũ yerota mũhũre. Sa yegũ meheñe decorigã mũhũ ihñasi, niahye Pablo.

Tiquiro sa nigũta yairo pehe bueri yero saha ijiyere ihña mũhtano, nahitiano dihitare ihñahye. Sa yero tiquirore tuãtiquirore macahye tiquiro. <sup>12</sup> Tiquiro sa wahagũ ihñano, Sergio Paulo pehe Jesu yere “Ijirota ijire”, ni masiahye. Mari pũhtoro yere tiquiro tũho, tũho maria waha, Jesure wacũ tutua dũcahye.

*Pablo Bernabé mehna Antioquiapũ* Pisidia yehparũ ijiri macarũ ijiahye

<sup>13</sup> Sa ye Pablo gũhũ Pafopũ ijiriquina yucusa mehna waha, Pergerũ esahye. Perge Panfilia yehparũ ijire. Topũ esa, Ñu Marco tiquinare cohã cã, Jerusalẽpũ waha wahahye. <sup>14</sup> Sa ye tiquina Pergerũ ijiriquina waha, Antioquiapũ esahye. Antioquia Pisidia yehparũ ijire. Topũ esaye, saurũ deco ijigũ tiquina judio masa buheri wũhũpũ sajã sa, topũ dujiahye. <sup>15</sup> Sa ye ti wũhũre cohteyequina Cohãcjũ dutiyere, Moiserũ marine tiquiro cũrire, Cohãcjũ yere yahu mũhtariquina tiquina ojoarire tiquina buheri bato tiquina pijiahye Pablo gũhũre.

—¿Ûsã acaye, masare mũsa yahu duaye ijiajari? Tire yahu duana yahuya mianogãta, niahye ti wũhũre cohteyequina.

<sup>16</sup> Tiquina sa nigũ tũhoro, Pablo wahcãdũca sa, “Yahuducueracãhña”, nino tiquiro omoca mehna quẽ dijioahye. Tiquina dihta mariagũ ihñano, tiquiro ohõ saha niahye:

—Israe masa, Israe masa ijiena gũhũ mari Pacure ño peona, tuhoya mũsa. <sup>17</sup> Mari ñecusũmũa mũna panopũ cjẽna Cohãcjũre ño peoe tiahye. Tiquina mũnare Cohãcjũ besee tiahye. Sa ye mari ñecusũmũa mũna yoari pje Egiptopũ ijie tiahye ape yehpa cjẽna ijiepetã. Topũ tiquina ijigũ Cohãcjũ quehnoano yee tiahye tiquinare. Sa ye peyequina masaputiahye tiquina. Ohõ saha yeahye tiquinare. Tiquinare Egiptopũ ijiriquinare tiquiro tutuaye mehna wioahye Cohãcjũ. <sup>18</sup> Tiquiro sa wiori bato tiquina cuarenta cũhmari waro masa marienopũ tinie tiahye. Topũ tiquirore tiquina yũhdũdũcagũ Cohãcjũ sata tũhotu cãhye. <sup>19</sup> Sa yero Canaa wame tiri yehparũre siete cururi cjẽnare cohã tuhãsa, Cohãcjũ ti yehpare ohoahye Israe masa pehere. <sup>20</sup> Ti ijipihtiyere tiquina yegũ cuatrocientos cincuenta cũhmari waro yũhdũahye. Camerũ masare dutiatiquinare cũahye Cohãcjũ Israe masare. Cohãcjũ tiquiro cũriquina Samuel tiquiro ijigũpũ iji bato tie tiahye. Samuel pehe Cohãcjũ yere yahu mũhtariquire ijie tiahye. <sup>21</sup> Came Israe masa pehe tiquina pũhtoro ijiatiquirore macae tiahye. Sa ye Cohãcjũre sinie tiahye. Tiquina sa sinigũ ihñano Cohãcjũ Saulore cũahye tiquinare. Saulo Cis macũno ijero, Benjami ya curua cjũno ijiahye. Sa yero cuarenta cũhmari waro tiquina pũhtoro ijiatiquiro cũahye Cohãcjũ tiquirore. <sup>22</sup> Sa yero Cohãcjũ Saulore tiquiro cohãri bato Davire cũahye tiquiro. Ohõ saha niahye Cohãcjũ Davire: “Davi Isaí macũnore bocaũ yũhũ. Tiquiro mehna bucueaja yũhũ. Tiquiro yũhũ cahmeñene yerota”, niahye Cohãcjũ.

<sup>23</sup> Ahriquire Davi panamino iji turiariquiro ijire Jesu. Cohãcjũ Jesure cũri jiri Israe masare yũhdũoatiquiro. “Masare quehnoano yeitja”, niahye Cohãcjũ. Tiquiro nidiro sahata yeri tiquiro. <sup>24</sup> Tiquiro sa yeato pano Jesu wihiato pano Ñu ohõ saha ni buheri jiri: “Mũsa ñañene bũjũa witiya. Quehnoañe pehere comesaya. Sa yena wame yenohrina ijia”, ni buheri jiri Ñu ijipihtiyequina Israe masare. <sup>25</sup> Sa yero Ñu tiquiro buhe bato tiato pano, tiquiro yariato pano ohõ saha ni yahue tiri jiri: “¿Noa boro ijiajari yũhũ, mũsa tũhotugũ? Cristo ijieraja yũhũ. Apegũ ijiaja. Yũhũ sa ijiepegũ tuhoya yũhũre. Yũhũ bato yũhũ yũhdũoro tutuariquiro ahtarota. Tiquiro quehnoa yũhdũriquire ijire. Tiquiro yero saha ijieraja yũhũ”, ni yahuahye Ñu masare.

<sup>26</sup> 'Yuhũ acaye, Abrahã panamena iji turiana, Israe masa ijiena gũhũ ijipihtina mari Pacure ño peona, marine ahri tiquiro yũhdũoatire yahuri buheyere ohori jiri mari Pacũ. <sup>27</sup> Jerusalẽ cjẽna tiquina pũhtoa mehna saurũ decori ijigũ Cohãcjũ yere yahu mũhtariquina tiquina ojoarire buhepeta quehnoano masiedari jiri. Sa masiedaye, Jesu tiquinare yũhdũoatiquiro tiquiro ijigũ gũhũre masiedari jiri. Tiquina sa masiedapeta Jesure wejẽ dutiahye. Sa yeye Cohãcjũ yere yahu mũhtariquina tiquina ojoariro sahata yeye niahye. <sup>28</sup> Tiquirore tiquina wejẽato pano tiquina Jesure yahusãmahye. Sa ye tiquiro ñañene yerapegũta tiquina Pilatore Jesure wejẽ dutiye tee, siniahye. <sup>29</sup> Sa ye panopũ tiquina ojoariro sahata Jesure ye tuhasa, tiquirore curusapũ ijiriquirore ne dijio, masa coperũ ẽtãre tiquina seheri coperũ cũahye tiquirore. <sup>30</sup> Sa ijiepegũta tiquiro yariari bato Cohãcjũ masori jiri tiquirore. <sup>31</sup> Sa ye Galileapũ ahtariquina Jerusalẽpũ tiquiro mehna esariquina peye decori tiquirore yaria masa bajuariquirore ihãae tiahye. Sa ye yojopũre tiquirore tiquina ihãarire masare yahuri tiquina.

<sup>32-33</sup> 'Sa yena quehnoañe buheyere yahuaja usã mũsare. Cohãcjũ mari ñecusũmũare "Masare quehnoano yeitja", panopũ tiquiro nidiro sahata yojopũre marine tiquina acayere yeri. Tire tiquiro yahurire ohõ saha yeri tiquiro. Cohãcjũ Jesure masori jiri. Sa yena Jesure tiquiro masorire yahuaja mũsare. Pũaro Salmopũ panopũ tiquina ojoariro sahata sa wahari jiri. " 'Mũhũ yũhũ macũ ijire. Miare mũhũre bajuagũ yei', nine Cohãcjũ tiquiro macũnore", ni ojoahye panopũre. <sup>34</sup> Sa yero Cohãcjũ Jesure tiquiro masoatire pari turi tiquiro yarieratire yahuyuro ohõ saha ni, yahu ojoahye Salmore ojoariquiro. " 'Davire yũhũ paja ihãariro sahata tiquirore yũhũ nidiro sahata potota quehnoano yegũtja mũhũ gũhũre', nidi Cohãcjũ", ni ojoahye. <sup>35</sup> Sa yero ape Salmo gũhũre ohõ saha ni, yahuahye: "Cohãcjũ mũhũ cahacjũno quehnoariquiro tiquiro pagure ahba dutierare mũhũ", ni, ojoahye. <sup>36</sup> Sa yero Davi Cohãcjũ tiquiro cahmediro sahata tiquiro ijiri pje cjẽnare yedohoahye. Came tiquiro yariaa wahahye. Tiquiro yariari bato tiquiro pacusũmũare tiquina yeriro sahata yahye tiquiro gũhũre. Sa yero tiquiro ahbaa wahahye. <sup>37</sup> Tiquiro sa ahbaepẽgũta ahriquiro, Cohãcjũ tiquiro masoriquiro pehe ne ahbaerari. <sup>38</sup> Sa yena mũsa yũhũ acaye ahrire masiña: Cohãcjũ mũsa ñañene tiquiro cohãtire mũsare yahuaja usã. Jesu pehe ñañene cohãtiquiro ijire. <sup>39</sup> Sa yero tiquirore wacũ tutuayequinare tiquiro tiquina ñañe yerire borota. Moisere Cohãcjũ cũri dutiyere mũsa yeri mehna Cohãcjũ cahapũ wahasi mũsa. Sa yero dutiyere yeye mehna yũhdũ duayequinare tiquina ñañene cohãsi Cohãcjũ. <sup>40</sup> Sa yena quehnoano yeya. Mũsa quehnoano yeragũ Cohãcjũ yere yahu mũhtariquina tiquina ojoariro sahata mũsare wahaboaga. Ohõ saha ni ojoahye:

<sup>41</sup> Tũhoya mũsa. Ñano ni bũjũprena, yũhũre ihãa tuhtina ijire mũsa. Yũhũ ohõ saha yegũ cueya mũsa. Sa yena butia wahaya. Mũsa ijie decorire Cohãcjũ tutuaye mehna mũsare ye ihõogũtja. Yũhũ sa ye ihõogũ ihãaepenata "Ijirota ijire", nisi mũsa. Apequiro tire mũsare tiquiro quehnoano yahuepegũta "Ijirota ijire", nisi mũsa, ni ojoahye Cohãcjũ yere yahu mũhtariquiro, ni yahuahye Pablo tiquinare.

<sup>42</sup> Tiquiro sa ni yahuri bato judio masa buheri wũhũpũ tiquina wijiari bato masa tiquirore tũhoriquina pehe tiquinare siniahye:

—Ape semanapũ saurũ ijigũ usãre ahrire buhaya tja, ni siniahye tiquina Pablo gũhũre.

<sup>43</sup> Sa ye ti wũhũpũ ijiriquina wijia, judio masa peyequina, judio masa ijieyequina gũhũ Pablo gũhũ mehna wahahye. Judio masa ijieyequina judio masa yere buheyequina ijiahye. Tiquina sa wahagũ Pablo, Bernabẽ mehna quehnoano yahuahye tiquinare. "Cohãcjũ mũsare cahĩne. Sa yena tiquirore ño peoducuya", ni buheahye tiquina.

<sup>44</sup> Sa ye ape semanare saurũ ijigũ ijipihtiyequina Jesu yere tũho duayequina cahme-coahye. <sup>45</sup> Sa yepẽgũta judio masa pehe peyequina masare Jesu yere tũho duayequinare ihãañe, ihãa tuhtiahye. Sa ihãa tuhtiyeyequina sijoro ni yahuducu, Pablõre ñano quiti dojomehneahye. "Mũsare tiquiro buhaya poto ijierare", niahye tiquina. <sup>46</sup> Tiquina sa nigũ tũhoye, Pablo, Bernabẽ mehna tiquinare quiti dojomehnediquinare cuero marieno yahuahye:

—Cohãcjũ tiquiro dutiro sahata mäsare buhe muhtami usã. Usã sa buhepegũta mäsare pehe tire cahmeda tuhasari. Ijipihtiye decori Cohãcjũ mehna ijiye gũhũre cahmeda tuhasari mäsare. Sa yena usã pehe judio masa ijieyequina pehere buhe ducanatja. <sup>47</sup> Sata dutiahye mari puhtoro usãre:

“Mäsare judio masa ijieyequinare buhena tiquinare Cohãcjũ yere quehnoano masigũ yenata mäsare. Sa yegũ mäsare yoaropũ ijieyequinare mäsare buhegũ tuhoyequinare tiquina pehere pecapũ wahaboriquinare yuhduogutja yuhũ”, ni yahuahye usãre Cohãcjũ, ni yahuahye Pablo, Bernabé mehna.

<sup>48</sup> Tiquina sa nigũ tuhoye judio masa ijieyequina pehe bucueahye. “Cohãcjũ ye pehe quehnoañe ijire”, niahye tiquina. Sa ye Cohãcjũ tiquiro cahmeñequina ijipihtiye decori tiquiro mehna tiquina ijiatire tiquiro oho duariquina Jesure wacũ tutua ducahye. <sup>49</sup> Sa ye mari puhtoro Cristo yere ti yehpapũre yahu pehoahye. <sup>50</sup> Tiquina sa yahugũ ihñañe judio masa coerahye. Topũ mari Pacũre ño peoye numia, quehnoañe numia ijiahye. Sa ye judio masa Pablo gũhũre ñano ni yahu wajahye. Tiquina sa ni yahu wajagũ tuhoye ti numia Pablo mehna, Bernabé mehna gũhũre usuahye. Sa ye ti maca cjẽna puhtoa gũhũ tiquina mehna usuahye. Sa usuaye to cjẽna ñano yeahye Pablo gũhũre. Tiquina sa yeri bato Pablo gũhũre tiquina ya yehpapũ ijieyequinare cohã wioahye. <sup>51</sup> Tiquina sa yegũ ihñañe Pablo, Bernabé mehna tiquina dahpocãri cjẽ dihta wahãrire wejẽ site boro cũahye ti maca cjẽna tiquina ñañe buhirire ihñoñe. Sa ye tuhasa tiquina Iconiopũ wahaa wahahye. <sup>52</sup> Sa ye tiquina Jesu yequina pajiro bucueye, Espiritu Santo pajiro cãoye, tiquiro dutiro sahata yeyequina ijiahye.

## 14

*Pablo, Bernabé mehna Iconiopũ ijiahye*

<sup>1</sup> Sa ye Pablo, Bernabé mehna judio masa buheri wuhũpũ sajã, Jesu yere yahuahye. Sa ye judio masa peyequina Jesure wacũ tutua ducahye. Sa ye judio masa ijieyequina gũhũ Jesure wacũ tutua ducahye. <sup>2</sup> Sa ijiepegũta judio masa Jesure cahmedariquina gũhũ tiquina mehna ijiahye. Tiquina judio masa ijieyequinare usuagũ yeahye. Jesu yequina mehna tiquinare usuagũ yeahye judio masa pehe. Tiquina sa yegũ judio masa ijieyequina ñano tuhutuahye Jesu yequinare. <sup>3</sup> Tiquina sa tuhutugũ ihñañe Jesu yequina Pablo, Bernabé mehna topũ yoari pje ijiye, cuero marieno mari puhtoro yere quehnoano buheahye. Cohãcjũ masare tiquiro cahĩñene buheahye. Tiquina sa buheri watoa Cohãcjũ tutuaye mehna ye ihñoahye, “Ahri buheye ijirota ijire”, niñe. <sup>4</sup> Sa ijiepegũta ti maca cjẽna deco mehna judio masa yere cahmeñequina tojoahye. Deco mehna Jesu yere cahmeñequina gũhũ tojoahye. Tiquina pũa curua tojoahye. <sup>5</sup> Sa ye judio masa ijieyequina, judio masa, tiquina puhtoa mehna Jesu cũriquinare ñano yemahye. Utã paca mehna doque wejẽ duamahye tiquinare. <sup>6</sup> Tiquina sa ye duarire masiñe, Pablo, Bernabé mehna Licaonia yehpapũ duhti cãa wahahye. Ti yehpapũ ijiri maca Listra wame tiri macare yuhdu cã, Derbepũ esahye. <sup>7</sup> Topũ esaye, quehnoañe buheyere buheahye tiquina.

*Listrapũ Pablora utã paca mehna doqueahye*

<sup>8</sup> Sa ye Listrapũ tini masieniquiro ijiahye. Tiquiro wahma masa bajaropũta tini masieniquiro ijiahye. <sup>9-10</sup> Sa yero tiquiro Pablo buhegũ tuhohahye. Tiquiro tuhori watoa Pablo pehe tiquiro dihitare ihñañe.

—Ahriquiri Jesure wacũ tutuare. Sa yero tiquiro quehnoariquiro waha duare, ni tuhutuahye Pablo.

Sa ni tuhuturo tutuaro mehna ohõ saha niahye Pablo tiquirore:

—Wahcãducaya, niahye Pablo tiquirore.

Tiquiro sa nigũ tuhoroa tini masieniquiro pehe uhpudũca sa, wahaa wahahye.

<sup>11</sup> Pablo sa yegũ ihñañe masa sañuducuahye. Tiquina Licaonia ye mehna sañuducuahye.

—Cohãmana, masa saha bajuyequina uhmũserũ ijieyequina mari cahapũ dijia tari jiri, ni sañuducuahye tiquina.



<sup>12</sup> Sa ye tiquina Bernabére “Zeus”, ni, pisuahye. Sa ye Pablo buhe m̄htariquiro p̄htoro yero saha tiquiro ijigũ ihñañe “Hermes”, ni, pisuahye tiquina tiquirore. <sup>13</sup> Sa yero Zeure ño peoyequina ya w̄h̄u ti maca d̄ht̄u cahap̄u ijiahye. Sa yero Zeus yequina tiquina yaquiro pahi pehe wec̄are, cohorì mehna macap̄u sajã tari sopecaha cahap̄u ne cãhtahye. Zeure ño peo duaro wec̄are oho duamahye. Sa yero tiquiro wec̄are ʉjũa m̄oñe mehna Pablöre, Bernabére ño peo duamahye tiquiro, masa mehna. <sup>14</sup> Tiquina sa yegũ ihñañe Pablo, Bernabé mehna tiquina basi tiquina ye suhtire t̄hr̄edoqueohye tiquina b̄j̄ua witiyere masare ihñoñe tehe. T̄hr̄edoqueo tuhasa masa watoa oma cã, sañuducuahye tiquina:

<sup>15</sup> —M̄sa ohõ saha yeracãhña. ʉsã ḡh̄u m̄sa yero sahata masa ijiaja. M̄sa ohõ saha yeye ne d̄h̄seati ijierare. Sa yena m̄sare buhena ahtāu m̄sa ohõ saha yeyere duhu dutina tana. Ahriquina cohãmanare m̄sa yeriquinare ñañequinare cohãña. Sa yena Cohãcj̄ure catiriquiro pehere ño peoya. Cohãcj̄ũ pehe ʉhm̄sere, yehpare, pajiri mare ijipihtiyere yeriquiro ijire. <sup>16</sup> Sa yero tiquiro panop̄u ijipihtiyere macari cj̄ena tiquina yerire sa ihña cãhye. <sup>17</sup> Sa yeperota tiquiro ijiye tiyere ihñore masare. Tiquiro masare quehnoañene ye, acoro ahtagũ ye, d̄ca tigũ ye, masare ihyayere ohoducure. Tiquiro sa ohogũ masa bucuere. Sata tiquiro ijiye tiyere ihñore masare, niahye Pablo, Bernabé mehna.

<sup>18</sup> Tiquina sa nigũ t̄hoepeta masa wec̄are wejẽ ʉjũa m̄uo, tiquinare ño peo duamahye. Sata tiquina ño peo duagũ ihñañe tiquinare sa ye dutierahye Pablo ḡh̄u. Tiquina sa yeyere duhu duerapeta duhuahye.

<sup>19</sup> Sa ye apequina judio masa Antioquía cj̄ena, Iconio cj̄ena ḡh̄u Listrap̄u esahye. Top̄u esaye, Pablöre ñano yahuducuahye judio masa. Tiquina sa ni yahuducugũ t̄hoye, masa tiquiro mehna usuahye. Sa usuaye ʉtã paca mehna doqueahye tiquirore. ʉtã paca mehna tiquirore doque tuhasa “Ahriquiro yariaa wahare”, niñe, ti maca d̄ht̄u cahap̄u tiquirore weje sa cũ cã, waha wahahye. <sup>20</sup> Tiquina sa yeri bato Jesu yequina Pablöre ihñañe esahye. Tiquiro cahap̄u tiquina cahmecoada ca sagũ waro Pablo wahcãd̄ca, tiquina mehna macap̄u tojoaa wahahye. Sa ye ape decor̄u tiquiro Bernabé mehna Derber̄u wahahye.

<sup>21</sup> Sa ye top̄u tiquina quehnoañe buheyere peyequina masare yahuahye. Sa ye peyequina Jesu yequina tiquina wahari bato, Pablo ḡh̄u Listrap̄u esa, ti macare ȳhd̄u cã, Iconiop̄u esa, ti macare ȳhd̄u cã, Antioquíap̄u Pisidia yehpap̄u ijiri macap̄u esa, ti macap̄u tojoahye. <sup>22</sup> Ti macarip̄u esaye to cj̄ena Jesu yequinare quehnoañe buheyere yahuye, tiquinare quehnoano jeripohna tigũ yeahye. Sa Jesure wacũ tutuaducu dutiye ohõ saha ni yahuahye tiquinare:

—Cohãcj̄ũ ijirop̄ure mari waha duana, tutuaro marine ñano ȳhd̄uro cahmene, ni yahuahye Pablo ḡh̄u.

<sup>23</sup> Sa ye macaripe cj̄enare Jesu yequinare tiquina p̄htoa ijiatire c̄uahye Pablo, Bernabé mehna. Sa ye tiquina sijiri bato Cohãcj̄ure siniahye:

—P̄hto, ahriquina m̄h̄u yequinare ihña ihboya, ni sini basahye tiquina Cohãcj̄ure, tiquina wacũ tutuariquirore.

*Pablo Bernabé mehna Antioquíap̄u* tiquina iji m̄htari macap̄u tojoaa wahahye

<sup>24</sup> Tiquina sa yeri bato tiquina Pisidia yehpap̄u ijiriquina waha wahahye Panfilia yehpap̄u. <sup>25</sup> Sa ye Pergep̄ure tiquina buhe tuhasa, Atalia wame tiri macap̄u waha wahahye. <sup>26</sup> Sa ye ti macap̄u esa, Antioquíap̄u tojoaye, yuc̄sa mehna waha wahahye. Ti macap̄uta panop̄u tiquina ijinigũ Jesu yequina Cohãcj̄ũ yere buhe dutiye Pablo ḡh̄ure ohoahye. Sa ohoye, ohõ saha niahye:

—Cohãcj̄ũ m̄h̄u cahñe mehna ahriquinare ihña ihboya, ni ohoahye tiquina.

Sa ye tiquina buhe dutirire buhe pehoahye Pablo, Bernabé mehna. <sup>27</sup> Sa ye tiquina Antioquíap̄u tiquina tojoa sari bato Jesu yequina mehna cahmecoa, Cohãcj̄ũ tutuaye mehna tiquina yerire yahu pehoahye tiquina. Judio masa ijieyequina ḡh̄u Cohãcj̄ũ

yequina tiquina waharire yahuahye tiquina. <sup>28</sup> Sa ye Pablo gũhũ topũre Jesu yequina mehna yoari pje ijie tiahye.

## 15

*Jerusalēpũ* Jesu yequina cahmecoahye

<sup>1</sup> Sa ye Judea yehpa cjēna meheñequinagã Antioquíapũ esaye, Jesu yequinare ohõ saha ni buhe dũcahye tiquina:

—Cohãcjũ dutiyere Moiserẽ cũno ohõ saha ni cũahye. Ijipihtiyequina tiquina cuhnucunũ sohtoa cahserogãre tiquina yũhre neatire yahu cũahye Moiserẽ. Mũsa tire yeragũ Cohãcjũ mũsare yũhdũosi, ni buheahye tiquina to cjēnare.

<sup>2</sup> Sa ni buheye Judea yehpa cjēna pehe cahme dũse tini wiahye Pablo, Bernabé mehna. Tiquina sa cahme dũse tini wiari bato Jesu yequina pehe Pablore, Bernabére apequina to cjēna gũhũre Jerusalēpũ ohoahye. Judea yehpa cjēna tiquina buherire Jesu cũriquinare, Jesu yequina pũhtoa gũhũre sinitu dutiye ohoahye Pablo gũhũre.

<sup>3</sup> Sa ye Jesu yequina tiquinare ohogũ waha, Fenicia yehpare esa, yũhdũ cã, Samaria yehparũ esahye. Ti macaripũ esaye, judio masa ijieyequina Cohãcjũ yere tiquina cahme dũcarire yahuahye tiquina to cjēnare. Tiquina sa yahugũ tũhoye to cjēna Jesu yequina tutuaro bucueahye.

<sup>4</sup> Sa ye tiquina Jerusalēpũ esagũ ihñãñe to cjēna Jesu yequina tiquiro cũriquina, tiquiro yequina pũhtoa mehna bucueye mehna quehnoano piti cahye tiquinare. Sa ye Pablo, Bernabé mehna Cohãcjũ tutuaye mehna tiquina yerire yahuahye tiquina Jerusalē cjēnare. Judio masa ijieyequina Jesu yequina tiquina wahari gũhũre yahuahye tiquinare.

<sup>5</sup> Sa ijiepegũta topũ fariseo masa Jesu yequina meheñequinagã ijiahye. Sa ye tiquina topũre wahcãdũca, ohõ saha ni yahuahye:

—Tiquinare judio masa ijieyequinare tiquina cuhnucunũ sohtoa cahserogãre yũhre neno cahmene. “Cohãcjũ Moiserẽ tiquiro dutirire yeya mũsa gũhũ”, nino cahmene tiquinare, niahye tiquina fariseo masa gũhũ.

<sup>6</sup> Tiquina sa nigũ tũhoye Jesu cũriquina, Jesu yequina pũhtoa mehna tiquina sa nidire quehnoñe tehe, cahmecoahye. <sup>7</sup> Sa ye peye tiquina yahuducuri bato Pedro wahcãdũca yahuahye tiquinare:

—Yũhũ acaye, panopũ yũhũre mũsa mehna ijirigũre Cohãcjũ ohõ saha ye dutiro yũhũre cũri. Tiquiro yũhũre quehnoañe buheyere judio masa ijieyequinare yahu dutiro cũri. Tiquinare Jesure wacũ tutua dutiro yũhũre tiquinare buhe dutiri. <sup>8</sup> Sa yero Cohãcjũ masa tũhotuyere masine. Sa yero tiquiro judio masa ijieyequinare tiquiro yequina tiquiro yerire ihñono taro Espĩritu Santore ohori tiquinare, marine tiquiro yeriro sahata. <sup>9</sup> Sa ohoro tiquiro marine tiquina gũhũre ihcãno saha quehnoano yeri. Tiquirore tiquina wacũ tutuagũ tiquina ñãñene bori tiquiro. <sup>10</sup> Mari pehe Cohãcjũ Moiserẽ tiquiro cũri dutiyere ye peho masiedaja. Sa ye mari ñecũsumũa mũna gũhũ ti dutiyere ye peho masiedahye. ¿Sa mari ye masiedapegũta dũhse yena Jesu yequinare judio masa ijieyequinare tire ye duti duajari mũsa? Sa ye dutina Cohãcjũ tiquinare tiquiro yerire “Queoro wahaerare”, nina niaga mũsa. <sup>11</sup> Mũsa sa niepegũta ohõ saha usã tũhotuaja. Yojopũre judio masa ijieyequina yero sahata mari gũhũre mari pũhtoro Jesu cahĩne mehna Cohãcjũ yũhdũorota, niahye Pedro tiquinare.

<sup>12</sup> Tiquiro sa nigũ tũhoye ijipihtiyequina dihta maria wahahye. Sa ye Pablo, Bernabé mehna judio masa ijieyequina watoa Cohãcjũ tutuaye mehna tiquina ye ihñorire yahuahye tiquinare. <sup>13</sup> Sa tiquina yahu tuhasari bato Santiago yahuahye.

—Acaye, tũhoya yũhũre. <sup>14</sup> Cohãcjũ judio masa ijieyequinare tiquiro yequina wahagũ yeahye. Coã tiquinare sa wahagũ yeahye. Tire yahu tuhasari marine Pedro pehe. <sup>15</sup> Panopũ cjēna Cohãcjũ yere yahu mũhtariquina tiquina yahuriro sahata sa wahari judio masa ijieyequinare. Ohõ saha ni mari Pacũ yere ojoahye tiquina:

<sup>16</sup> Panopũ Davi mũnano ya curua cjēna tiquina pũhtoa tiquina ijiri pihtia wahari. Came tojoa tautja yũhũ. Sa yegũ pari turi Davi ya curua cjēnore pũhtoro sũutja. <sup>17</sup> Yũhũ

sa yeri bato ijipihtiyequina apequina judio masa ijieyequina yuhure tiquina pũhtore cahmeeta tiquina. “Yeequina ijiya”, yuhũ ni pisuriquina pehe yuhure cahmeeta. <sup>18</sup> Sata nine mari pũhtoro. Panopũ tiquiro ahrire masare yahue tiri jiri, ni ojoahye Cohãcjũ yere yahu mũhtariquina.

<sup>19</sup> Sa yegũ ohõ saha tũhotuaja yuhũ. Judio masa ijieyequinare Cohãcjũ yere wahma cahme dũcayequinare peye ye dutieracũhna mari. <sup>20</sup> Sa dutierapenata tiquinare ojoa ohouhna mari. Ohõ saha ni, ojoa ohouhna. “Ñãñe ihyayere, ‘Cohãcjũ ijire’, tiquina nimeri queoyere ño peo tiquina duhu peori ihyayere ihyeracãhña. Sa yena wũana tieracãhña. Sa yena wamũa tiquina ñehe wejẽdiquinare wahiquinare ihyeracãhña. Diire sihniedacãhña”, ni yahu ojoa ohouhna. <sup>21</sup> Yoari pje judio masa buheye wũhũserũ saurũ ijigũ Cohãcjũ Moiseri tiquiro cũri dutiyere buhee tiri masa. Sa ye ijipihtiye macaripũ Moise tiquiro yahuyere buhee tiri. Sa yena yuhũ nidiro sahata judio masa ijieyequinare Jesu yequinare ojoa ohouhna, judio masa pehe tiquina mehna “Usuari”, nina, niahye Santiago.

#### *Judio masa ijieyequinare Jesu yequina pũhtoa ojoa ohoahye*

<sup>22</sup> Ti pjere Jesu cũriquina, Jesu yequina pũhtoa ijipihtiyequina Jesu yequina mehna pũaro tiquina mehna cjẽnare beseahye tiquina ohoatiquinare. Antioquíapũ Pablo, Bernabé mehna wahatiquinare tiquinare bese ohoahye. Sa ye tiquina Judare, Sila mehna ohoahye. Juda pehe Barsaba pũaro wame wame tiahye. Tiquina acaye Jesu yequina tiquinare ño peoahye. <sup>23</sup> Tiquinare tiquina beseri bato Jesu yequina ojoari pũre ohoahye tiquina mehna. Ohõ saha ni ojoahye tiquina:

—Jesu cũrina, tiquiro yequina pũhtoa, mũsa acaye Jesu yequina mehna usã quehnoa dutiaja mũsare. Ijipihtina judio masa ijienare Antioquíapũ, Siriapũ, Ciliciapũ ijinare mũsare Jesu yequinare quehnoa dutiaja usã. <sup>24</sup> Usã mehna cjẽna mũsa cahapũ esaye, mũsare peye dutiyere ye dutiñohti. Sa ye mũsare cariboñohti. Tiquina sa dutiepegũta usã pehe tiquinare tire buhe dutina ohoerũ. <sup>25-26</sup> Sa yena usã ijipihtina ihcãno mehna mũsa cahapũ ohoatiquinare usã besei. Mari cahĩnequinare Pablo, Bernabé mehna Cristo Jesu mari pũhtoro yere cuero marieno tiquina buhegũ peye tahari apequina tiquinare wejẽmahye. Tiquina sa wejẽ duagũ mehenogã mehna yũhdũahye tiquina. Tiquina mehna usã beseriquinare yojopũre ohoaja. <sup>27</sup> Sa yena Judare, Sila mehna mũsa cahapũ ohoaja. Usã ojoarire tiquina pehe mũsare yahueta. <sup>28</sup> Espĩritu Santo wacũno sahata usã gũhũ tũhotuaja. Ohõ saha ijire ti: Apeye dutiyepũre cũedaja mũsare. Ahri dutiye dihitare cũnatja mũsare: <sup>29</sup> Ñãñe ihyayere, “Cohãcjũ ijire”, tiquina nimeri queoyere ño peo tiquina duhu peori ihyayere ihyeracãhña. Diire sihniedacãhña. Wamũa tiquina ñehe wejẽdiquinare wahiquinare ihyeracãhña. Sa yena wũana tieracãhña. Ahri yuhũ ye dutierarire yerana quehnoañene yena ninata mũsa. To puno tjire mũsare usã yahu duaye, ni ojoa ohoahye Jesu yequina Jerusalẽpũ ijieyequina.

<sup>30</sup> Ti pũre ojoa tuhasa, ohoahye Antioquíapũ wahayequinare. Tiquina ohori bato waha, Antioquíapũ esahye. Topũ tiquina esari bato peyequina masare cahmecoa duti, tiquina ojoari pũre wiahye tiquinare. <sup>31</sup> Ti pũre tiquina buheri bato quehnoañene tiquina yahugũ tũhoye, quehnoano bucueahye. <sup>32</sup> Sa ye Juda, Sila mehna Cohãcjũ yere yahu mũhtariquina ijiye, yoari pje Jesu yequinare Cohãcjũ yere yahuahye. Tiquina sa yahugũ tũhoye, Jesu yequina pehe bucue, quehnoano jeripohna tiahye. <sup>33</sup> Sa ye Juda, Sila mehna topũ meheñe decorigã tiquina ijiri bato tiquina tojoa tagũ to cjẽnare tiquina cohe tigũ, “Quehnoano wahaya mũsa”, niahye Antioquíã cjẽna. Sa ye Juda gũhũre ohoriquinare quehnoa dutioahye. Tiquina sa nidi bato Juda pehe tojoaa wahahye. <sup>34</sup> Sa ijiepegũta Sila pehe topũta tojoa cãhye Antioquíapũta. <sup>35</sup> Sa ye Pablo, Bernabé gũhũ meheñe decorigã tojoarĩahye ti macapũ. Sa ye tiquina apequina peyequina mehna Jesu yere buheahye.

#### *Pari turi Pablo quehnoañe buheyere buhe tinino wahahye*

<sup>36</sup> Sa ye meheñe decorigã bato Pablo, Bernabé mehna yahuducuahye:

—Ijipihtiyequinare mari buhe ducariquinare ihñana wahauhna tja, niahye Pablo gũhũ tiquina basi.

<sup>37</sup> Sa yero Bernabé pehe Ñure tiquina mehna nea duamahye. Ñu Marco pũaro wame wame tiriquireo ijiahye. <sup>38</sup> To pano tiquiro tiquina mehna Panfiliapũ esaro tiquina mehna tojoerahye. Tiquina yerire ihcãno sahaeraro, tojoaa wahahye. Tiquiro ihcãno sahaeragũ ihñano Pablo pari turi tiquirore nea duerahye. <sup>39</sup> Tiquiro nea dueragũ ihñano Bernabé Pablo mehna pũaro tiquina basi cahme yahuducu cahme tu wahye. Bernabé pehe Chipre wame tiri nucũopũ Marco mehna pehãa wahahye. <sup>40</sup> Pablo pehe Sila mehna piti ti cã, wahahye. Sa ye tiquina buheye wahato pano Jesu yequina tiquinare ohoye, “Cohãcjũ mũsare quehnoano ihña ihboahro”, niahye. Tiquina sa nidi bato Pablo, Sila mehna wahaa wahahye. <sup>41</sup> Sa wahaye, Siria yehpapũ, Cilicia yehpapũ gũhũre esaye, topũ Jesu yequinare quehnoano jeripohna ti bucuegũ yeahye tiquinare.

## 16

### *Timoteo Pablo mehna wahahye*

<sup>1</sup> Tiquina sa yeri bato Pablo gũhũ Derberũ, Listrapũ esaye, Timoteore boca sahye. Timoteo Jesu yaquiro ijiro, judio masono macũno ijiahye tiquiro. Tiquiro pacoro gũhũ Jesu yacorota ijiahye. Tiquiro pacuro pehe griego masũno ijiahye. <sup>2</sup> Sa ye Listra cjẽna, Iconio cjẽna Jesu yequina ohõ saha niahye Timoteore: “Timoteo masa quehnoariquireo ijire”, ni yahue tiahye. <sup>3</sup> Sa yero Pablo Timoteore nea duahye. Sa ijepegũta ti yehpa cjẽna judio masa pehe Timoteo pacuro griego masũno tiquiro ijigũ masiahye. Sa yero Pablo judio masare “Usuari”, nino, Timoteo cuhnucunũ sohtoa cahserogãre yũhre neahye. Judio masa dutiye nidiro sahata yeahye. <sup>4</sup> Tiquiro sa yeri bato tiquina esari macari cjẽnare tiquina dutiyere ojoari pũ cjẽne yahuahye. Ti pũ Jesu cũriquina, tiquiro yequina pũhtoa mehna Jerusalẽpũ ijiyequina tiquina ojoari pũ ijiahye. Sa ye ti dutiyere quehnoano yahuahye to cjẽnare Jesu yequinare. <sup>5</sup> Tiquina sa yahugũ tũhoye Jesu yequina pehe Jesure wacũ tutua nemoahye. Sa ye Jesu yequina decoripe peyequina wahaducuahye.

### *Pablo quehẽnopũ Macedonia cjũnore ihñahye*

<sup>6-7</sup> Sa yero Asia yehpapũ pehere quehnoañe buheyere buhe dutierahye Espiritu Santo tiquinare. Sa ye tiquina Frigia yehpare yũhdũa, Galacia yehpare yũhdũa, Misia yehpa dũhtũ cahapũ esahye. Bitinia yehpa pehe waha duamahye. Tiquina waha duepegũta Espiritu Santo pehe tiquinare topũre waha dutierahye. <sup>8</sup> Tiquiro sa nidi bato tiquina pehe Misia yehpare yũhdũa, Troapũ wihiri. <sup>9</sup> Topũ tiquiro wihiri bato ohõ saha quehẽahye Pablo. Macedonia yehpa cjũno tiquiro caha ducugũ ihñahye tiquiro. “Usãre Macedonia yehpa cjãnare yedohogũ ahtaya”, ni, pijiahye tiquiro Pablore. <sup>10</sup> Tiquiro quehẽdi bato wahcã, usã yere quehno tuhãsa, Macedoniapũ wahaa wahau usã. “Cohãcjũ ti yehpapũre quehnoañe buheyere buhe dutiro nine marine”, ni tũhotuu usã.

### *Pablo, Sila mehna Filipopũ ijiahye*

<sup>11</sup> Sa yena usã Troapũ ijina yucũsa mehna Samotracia wame tiri nucũopũ pehã sau usã. Sa yena ape deco Neapolipũ wahau usã. <sup>12</sup> Ti macare yũhdũ cãna Filipopũ Roma cjẽna ya macapũ esau usã. Ti maca Macedonia yehpapũ ijiri maca ijiri. Ihyo ijiri maca ijierari. Topũre meheñe decorigã usã ijii. <sup>13</sup> Sa yena saurũ ijigũ usã ti maca dũhtũ cahapũ, dia dũhtũ cahapũ esau. Topũ Cohãcjũ mehna tiquina yahuducuro ijiri. Topũ dujina topũ cahmecoañe numia mehna yahuducuu usã. <sup>14</sup> Ihcãcoro usãre tũhoricoro Tiatira cjõno Lidia wame tiricoro ijiri. Sa yero ticoro quehnoañe suhti wapa tiye suhtire duaricoro, mari Pacũre ño peoricoro ijiri. Sa yero Pablo yahuyere quehnoano tũhogũ yeri Cohãcjũ ticorore. <sup>15</sup> Sa ye ticorore, ticoro ya wũhũ cjẽna mehna wame yeri Pablo. Tiquiro sa wame yeri bato ohõ saha nidi ticoro:

—“Jesu yacoro tjire mũhũ gũhũ”, nine mũsa yũhũre. Sa yena ya wũhũpũ sajã tarĩña mũsa. Yũhũ mehna tojoarĩña, nidi ticoro usãre.

Ticoro sa nigũ tuhona ticoro ya wuhupũ tojoarĩ usã.

<sup>16</sup> Ape deco Cohãcjũ mehna tiquina yahuducuropũ usã wahagũ watĩnore cõoricoro piti cari usãre. Ticoro apequina cahacjõno ijiri. Sa yero ticoro masare “Ohõ saha waharota musare”, ni, yahuyuricoro ijiri. Sa yahuro pajiro wapata basari ticoro pũhtoare. <sup>17</sup> Sa yero Pablo mehna usã wahagũ, usãre nunũ tã, sañuducuri ticoro:

—Ahriquina Cohãcjũ tutua yũhdũariquiro yedohoriquina ijire. Mari yariari bato Cohãcjũ marine tiquiro quehnoano yũhdũoatire yahure tiquina, ni sañuducuri ticoro.

<sup>18</sup> Peye decori sa ni cariboducuri Pablõre. Sa yero pari turi ticoro sa ni sañuducugũ tuhoro Pablo majare ihña, ohõ saha nidi watĩnore:

—Jesucristo tutuaye mehna dutiaja mũhũre. Ticorore duhuya. Waharĩsa mũhũ, nidi Pablo.

Tiquiro sa nigũta watĩno pehe wahaa wahari.

<sup>19</sup> Tiquina sa yeri bato ticoro pũhtoa pehe niñeru ticoro wapataericoro wahagũ ihñañe, tiquina Pablõre, Sila mehna ñehedi. Ñehe tuhasa, tiquinare neari ti maca decopũ pũhtoa cahapũ. <sup>20</sup> Sa ne cã, buhiri dahre dutiyequina cahapũ cũri tiquinare.

—Ahriquina judio masa mari ya maca cjẽnare cariboye nine. <sup>21</sup> Tiquina mari dutiyere cohã dutiye, apeye buheyere buheye nine. Mari ye dutiyere yũhdũdũcagũ ye duaye nine. Mari Roma cjãna ijina ahriquina yahuye pehere ye masiedaja mari. Sa yena tiquina buheyere mari cahmedaja, nidi ticoro pũhtoa buhiri dahre dutiyequina.

<sup>22</sup> Tiquina sa nigũ tuhoye masa peyequina Pablo gũhũ mehna usua yũhdũa wahahye. Sa ye buhiri dahre dutiyequina pehe Pablo gũhũ suhtire tiquina tũhrẽ cohãri bato daye cjũgã mehna tana dutiri tiquinare. <sup>23</sup> Tutuaro tana tuhasa peresu yeri tiquinare. Tiquina sa peresu yeri bato peresu ijiyequinare cohteriquirore quehnoano ihña ihbo dutiahye tiquina. <sup>24</sup> Tiquina sa dutiri bato tiquinare cohteriquiro pehe ti wũhũ puhia cjã tucũpũ tiquinare cũ, taboa mehna tiquina dahpocãrine biha cũahye.

<sup>25</sup> Ñami deco Pablo, Sila mehna Cohãcjũre sini, tiquirore basa peohaye. Tiquina sa basagũ tuhoahye apequina peresupũ ijiyequina. <sup>26</sup> Tiquina sa ni basagũta ti wũhũ tutuaro ñuhmiahye. Sa ñuhmigũ ihcãno mehna ijiptiye sope pahmari parĩa wahahye. Sa ye peresupũ ijiyequinare tiquina dũhteri dari come dari suru site dijiaa wahahye. <sup>27</sup> Sa wahagũ ihñano ti wũhũre cohteriquiro pehe “Peresu ijiyequina duhti tuhasari jiri”, ni tuhutumahye. Sa ni tuhuturo tiquiro ñoseni pjĩne nedoqueo tiquiro basi ñosemahye. <sup>28</sup> Tiquiro sa yegũ ihñano Pablo tiquirore tutuaro sañuducu ohõ saha niahye:

—Mũhũ basi ñano yeracãhña. Ijiphtina ohõre ijiaja usã, niahye tiquiro tiquinare cohteriquirore.

<sup>29</sup> Tiquiro sa nigũ tuhoro tiquinare cohteriquiro pehe sihã duti, tiquina cahapũ oma cã, Pablo, Sila tiquina dahpocãri cahapũ nanare doque quehe sahye tiquiro. <sup>30</sup> Sa yero tiquiro tiquinare ti tucũpũ ijiyequinare ne wijia, sinituahye:

—¿Dũhse yeagari yũhũ Cohãcjũ yaquiro iji duagũ? ni, sinituahye tiquiro.

<sup>31</sup> —Jesucristore wacũ tutuaya mũhũ. Mũhũ acaye gũhũ tiquirore wacũ tutuahro. Mũsa sa yegũ musare pecapũ wahaborinare Cohãcjũ yũhdũorota, ni, yahuahye tiquina.

<sup>32-33</sup> Tiquina sa nidi hora ñami deco batogã ijiahye. Tiquina sa nidi bato tiquinare cohteriquiro ya wũhũpũ neahye tiquinare. Tiquiro ya wũhũpũ ne sa, tiquina camine coseahye tiquiro. Tiquiro sa cose tuhasari bato tiquiro cohteriquiro acaye mehna ijigũ Cohãcjũ yere buheahye Pablo gũhũ. Tiquina buheri bato wame yeahye tiquinare. <sup>34</sup> Tiquina wame ye tuhasari bato tiquinare cohteriquiro Pablo gũhũre ihyaye peohaye. Sa ye tiquiro acaye mehna quehnoañe buheyere tiquina tuhori bato tutuaro bucueahye, Cohãcjũre masi dũcaye.

<sup>35</sup> Bohrea parĩ cãhtagũ ihñañe pũhtoa pehe surarare peresu yeri wũhũpũ ohoahye Pablo gũhũre wio dutiye. <sup>36</sup> Tiquina sa wio dutiri bato ti wũhũre cohteriquiro Pablo gũhũre yahuahye:

—Pũhtoa musare wio dutiri. Sa yena cuero marieno wijiaja, niahye tiquiro Pablo gũhũre.



<sup>37</sup> Tiquina sa wio duepegūta Pablo yahuahye surarare:

—Ūsã ñano yeru. Sa yena usã ne buhiri mariedaja. Ihyo warota tiquina pũtoa pehe masa ihñonopu yucuri mehna tanari usãre, usã Roma cjãna usã ijiepegūta. Tana tuhasa peresu yeri usãre. Sa ye yojopu masa tiquina ihñeno wio duare usãre, usãre ñano tiquina yerire “Bũoro yũhdũari”, niñe. Pũtoa tiquina basita wioye ahtaahro usãre, niahye Pablo surarare.

<sup>38</sup> Tiquiro sa nigũ tũhoye surara pehe pũtoare yahuye wahahye. Tiquina sa ni yahuri bato Pablo, Sila mehna Roma cjẽna tiquina ijigũ masiñe pũtoa pehe cue niahye. <sup>39</sup> Sa ye tiquina Pablo gũhu cahapu esa, ohõ saha niahye:

—Ñano yeahiti usã musare. Ne pari turi sa yesi, niahye pũtoa Pablo gũhure.

Sa ni tuhasa pũtoa tiquinare peresupu ijiequinare wio, tiquinare ape siepu waha dutiahye. <sup>40</sup> Tiquina sa nidi bato Pablo, Sila mehna peresupu ijiriquina wijia, Lidia wame tiricoro ya wũhũpu wahahye. Ti wũhũpu tiquina esari bato Jesu yequinare piti cahye. Sa ye tiquina Jesu yequinare quehnoano buheye, quehnoano jeripohna tigũ yeahye tiquinare. Tiquina sa yeri bato Pablo, Sila mehna waha wahahye.

## 17

*Tesalónica* cjẽna usuahye Jesu yequina mehna

<sup>1</sup> Sa ye tiquina Anfipolipu esa, yũhdũaye, Apoloniapu esa, yũhdũaye, Tesalõnicapu esahye tiquina. Topu judio masa buheri wũhu ijiahye. <sup>2</sup> Semanaripe tiquiro yeriro sahata Pablo buheri wũhũpu waha tiahye. Topu esa, ihtia semana waro saurũ decorire tiquiro panopu cjẽ tiquina ojoarire Cohãcjũ yere masare buhe, tire tiquina basi cahme yahuducue tiahye Pablo. <sup>3</sup> Sa yero tiquiro Cohãcjũ yere yahuahye:

—Judio masa, musa pũtoro musa coheriquiro Cristo ahtahye ñano yũhdũatiquiro. Sa yero tiquiro yariaa wahahye masa mũjano taro. Sa yero ahriquiuro Jesu, yũhu yahuriquiuro, tiquiro Cristo warota ijire marine yũhdũoatiquiro. Tiquirota ijire musa coheriquiro. Ohõ sahata nine Cohãcjũ yere tiquina ojoari pũ, ni yahuahye Pablo.

<sup>4</sup> Tiquiro sa nigũ tũhoye meheñequinagã topu ijiequina “Potota ijire”, niahye. Sa ye tiquina Pablo gũhu mehna wahahye. Sa ye apequina gũhu griego masa peyequina mari Pacure ño peoyequina pehe Pablora tũhoye, tiquina mehna cjẽna numia gũhu peyequina pũtoa numia gũhu tiquirore tũhoye Jesu yequina tojoahye. Sa ye Pablo gũhu mehna wahahye. <sup>5</sup> Sa ijiepegūta apequina judio masa pehe tiquina sa wahagũ ihñañe, ihña coahye. Sa ye tiquina ñañequina dahraeyequinare peyequinare piji cahmecoa ohõ saha ni dutiahye: “Ahriquina ñano yeye nine”, ni sañuducu dutiahye tiquinare. Sa sañuducuye ijipihtiequina ti maca cjẽnare usuagũ yeahye Pablo gũhu mehna. Sa ye judio masa Jasõ ya wũhũpu sajã, Pablo gũhure macamahye, tiquinare masapure ohoye tehe. <sup>6</sup> Sa macaepeta tiquinare bocaerahye. Sa ye Jasõre, apequina Jesu yequina gũhure ñehe, weje wijiaa wahahye tiquinare. Pũtoa cahapu ne sa, ohõ saha ni yahusãhye tiquina.

—Pablo gũhu masare ijipihtipure caribo yũhdũare. Sa ye yojopure tiquina mari ya macare wihi tuhasari. <sup>7</sup> Sa yero ahriquiuro Jasõ tiquinare tiquiro ya wũhũpu sajã ta dutiri. Tiquina ijipihtiequina mari pũtoro Roma cjũno tiquiro dutiyere yũhdũdũcare. “Apequiuro musa pũtoro ijire. Jesu tiquirota ijire”, niñe, mari pũtoro dutiyere yũhdũdũcare tiquina, ni yahusãhye judio masa pehe pũtoare.

<sup>8</sup> Tiquina sa ni yahusãgũ tũhoye, ijipihtiequina masa, pũtoa gũhu usua, tutuaro sañuducuahye. <sup>9</sup> Tiquina sa sañuducuepegūta pũtoa Jasõre, tiquiro mehna cjẽna gũhure, niñerure wapa ye duti, wioahye.

*Pablo Sila mehna Bereapũ* esahye

<sup>10</sup> Ti pjeta ñamipu Pablo gũhure Jesu yequina nuõ ohoahye Bereapũ. Topu esa tiquina judio masa buheri wũhũpu sajã wahahye. <sup>11</sup> Berea cjẽna pehe Tesalónica cjẽna yũhdũoro Jesu yere quehnoano tũhoyequina ijiahye. Sa ye tiquina Jesu yere tũhori bato “¿Potota ijajari?” ni masi duaye, decoripe tiquiro yere tiquina ojoari pũre sa buheducue

tiahye tiquina. <sup>12</sup> Sa ye tiquina peyequina Jesure wacũ tutuayequina ijiahye. Griego masa gũhũ, ɰmũa, pũhtoa numia mehna Jesure wacũ tutuayequina ijiahye. <sup>13</sup> Sa ijiepegũta Pablo Bereapũ Cohãcjũ yere tiquiro buhegũ gũhũre tũhoye, Tesalónica cjẽna judio masa torũ esahye. Torũ esaye, Berea cjẽnare quitĩ dojomehneñe, Pablo gũhũ mehna usuagũ yeahye tiquina. <sup>14</sup> Tiquina sa yegũ ihñañe Jesu yequina Pablöre sojaro mehna pajiri ma dũhtũ cahapũ ohoahye. Tiquina sa ohoepẽgũta Sila, Timoteo mehna Bereapũ tojoahye. <sup>15</sup> Sa ye apequina Pablöre Atenapũ ne cã soahye. Tiquirore so tuhasa, majare tojoaa wahahye Bereapũ tja.

—Sojaro mehna waha, piti tina wahaya Pablöre, ni yahuahye Silare, Timoteo gũhũre. Sa ni yahu dutiahye Pablo tiquinare.

#### *Pablo Atenapũ ijiahye*

<sup>16</sup> Sa yero Pablo Atenapũ cohtero niahye Sila, Timoteo gũhũre. Sa yero Atena cjẽna “Cohãcjũ ijire”, tiquina niñe queoyere peye tiquina cũogũ ihñano Pablo tutuaro bũjũa witiyahye tiquina mehna. <sup>17</sup> Sa bũjũa witiro judio masa buheri wũhũpũ judio masa mehna yahuducuahye. Sa yero tja judio masa ijieyequina gũhũre yahuducuahye tiquiro. Tiquina ihquẽquina mari Pacũre ño peoyequina ijiahye. Sa yero Pablo ti maca decorũ decoripe tiquiro cahapũ sa tini majare sajãñequina mehna yahuducuahye. <sup>18</sup> Apequina Epicũreo yere buheyequina, Estoico yere buheyequina gũhũ Pablo mehna yahuducuahye.

—¿Ahriquiro yahuducuye peyariquiro dũhse ni yahuducuro nijari tiquiro? niahye tiquina.

Pablo Jesu yere, tiquiro masa mũjarire tiquiro yahugũ tũhoye ohõ saha ni tũhotumahye masa. “Tiquiro apequina cohãmanare yahuro niaga”, ni, tũhotumahye tiquina. <sup>19</sup> Tiquina tũhori bato Areópago wame tiropũ Pablöre nea wahahye.

—Ahri buheye, wahma buheyere yojopũ mũhũ yahurire masi duaja usã. <sup>20</sup> Mũhũ buheye sijoro saha ijire. Sa yena usã tire masi duaja, niahye tiquina Pablöre.

<sup>21</sup> Ijipihtiyequina Atena cjẽna decoripe wahma buheyere yahuducuducu duahye. Sa ye tire tũho duahye. Ape yehpa cjẽna gũhũ Atenapũ ijiye, sata ye duahye. Sa ye Pablo yahuyere tũho duahye tiquina.

<sup>22</sup> Sa yero Pablo Areópago wame tiropũ wahcãdũca, ohõ saha ni yahuahye:

—Atena cjãna, peyequina mũsa cohãmanare mũsa tutuaro ño peona mũsa ijigũ masiaja yũhũ. <sup>23</sup> Ahri maca mũsa ya macare cohãmanare mũsa ño peorire ihña tiniyũhũ. Sa ihña tinigũ yũhũ ihcã cuhtupũ, cohãmanare ño peona mũsa ohoyere mũsa cũnopũ ahrire buhei. “Cohãcjũ, mari masimehnediquiro ya cuhtu ijire”, ni, ojoari jiri mũsa tire mũsa cũnopũ. Mũsa tiquirore masiedapenata tiquirore ño peori jiri mũsa. Tiquiroreta mũsa masiediquirore yahugũ niaja yũhũ mũsare.

<sup>24</sup> Cohãcjũ ijipihtiri yehpare, ijipihtiyere bajumehnediquiro ijire. Tiquiro ɰhmũsere, yehrapũre, pũhtoro ijiro, tiquiro masa tiquina yeri wũhũpũ ijierare. <sup>25</sup> Sa yero tiquiro mari ijiyere, mari jeri neñe gũhũre, ijipihtiyere marine apee borore ohoriquiro ijiro, mari yedohoyere cahmedare. Tiquiro pejecũoriquiro ijierare.

<sup>26</sup> Tiquiro ihcãquiro ɰmũnore ye dũcahye. Tiquiro mehnata ijipihtiri yehpa cjẽnare masare yeahye. Sa yero ijipihtiri yehrapũre marine cũahye tiquiro. “Ohõ puno yoari pje ohõpũre catieta”, nino queo cũahye marine. <sup>27</sup> “Tiquina yũhũre macañe, bocaeta”, ni tũhotuahye Cohãcjũ. Sa yero Cohãcjũ yoaropũ ijierare. Mari mehnata ijire. Ohõ saha ni ojoahye. <sup>28</sup> “Marine ijigũ yere tiquiro. Sa yero masa mehna sa ijiducure tiquiro”, ni ojoahye. Mũsa mehna cjẽna panopũ cjẽna basayere quehnoano ojoayequina tiquina ojoariro sahata nii niaja. “Mari gũhũ Cohãcjũ pohna ijiaja”, ni ojoahye tiquina. <sup>29</sup> Sa yena tiquiro pohna ijina ohõ saha ni tũhotueracãhña mũsa. Queoyere, uru, plata, ɰtã mehna mũsa esa tuharo mũsa yeriquinare “Cohãmana ijire”, ni tũhotueracãhña mũsa. <sup>30</sup> Panopũ masa tiquina masieñequina ijinigũ tiquina ñañene yepegũta Cohãcjũ sa ihña cãhrĩahye. Sa yeperota yojopũre ijipihtiri yehpa cjẽnare tiquina ñañene bũjũa witi dutire

Cohãcjã. <sup>31</sup> Came Cohãcjũ tiquiro queori decopũ ijipihtiri yehpa cjẽnare queoro beserota quehnoañequinare, ñañequinare. Tiquiro bese duti cõriquiro Jesu pehe beserota. Jesure yariariquirore masoahye tiquiro. Sa masono “Ahriquiro yũhũ cõriquiro ijire”, ni, ihõno niahye Cohãcjũ masare, ni yahuahye Pablo Atena cjẽnare.

<sup>32</sup> Tiquiro sa nigũ masa mũjarire tiquiro yahuducugũ tũhoye apequina tiquirore bũjũpeahye. Sa ye apequina pehe ohõ saha niahye:

—Pari turi ahrire mũhũ yahugũ usã tũho duaja, niahye tiquina Pablõre.

<sup>33</sup> Tiquina sa nidi bato Pablo wahaa wahahye. <sup>34</sup> Sa ye meheñequinagã tiquiro mehna ijieye, Jesure wacũ tutua dũcahye. Dionisio Areõpago cjũno pũhtoa mehna cjũno Jesure wacũ tutua dũcahye. Damari wame tiricoro gũhũ, apequina mehna Jesure wacũ tutua dũcahye.

## 18

### *Pablo Corintopũ* ijiahye

<sup>1</sup> Sa ye, Pablo Atenapũ ijiriquiro waha, Corinto wame tiri macapũ esahye. <sup>2</sup> Topũ esaro, judio masũno Aquila wame tiriquirore boca sahye tiquiro. Ijipihtiequina pũhthora Claudio wame tiriquiro judio masare Romapũ ijieyequinare tiquiro cohãgũ, Aquila pehe tiquiro namono Priscila mehna waha, Corintopũ esahye. Aquila pehe Ponto wame tiri yehrapũ masa bajuariquiro ijiahye. Sa ye tiquina Corintopũ tiquina ijigũ, Pablo tiquina cahapũ esahye. <sup>3</sup> Aquila gũhũ carpa cahseri wũhũsere yeyequina ijiahye. Pablo gũhũ carpa cahseri wũhũsere yeriquirota ijiahye. Sa yero tiquiro tiquina mehna dahra, topũ tojoahye. <sup>4</sup> Sa yero Pablo saurũ ijigũ semanaripe judio masa tiquina buheri wũhũpũ judio masare, judio masa ijieyequina gũhũre Cohãcjũ yere yahuahye. Tiquiro sa ni yahugũ tũhoye, “Ijirota ijire”, niahye tiquina ihquẽquina.

<sup>5</sup> Sa ye Sila, Timoteo mehna Macedoniapũ ijiriquina, Pablo cahapũ esahye. Topũ tiquina esari bato Pablo pehe ijipihtie decori judio masare quehnoano buhee tiahye:

—Jesu, Cristo marine yũhdũoatiquiro mari cohteriquiro ijire, ni yahue tiahye tiquiro.

<sup>6</sup> Tiquiro sa ni buhepegũta, judio masa pehe tiquirore tũho duerahye. Sa ye tiquina ñano ni quitĩ dojomehneahye tiquirore. Tiquina sa yegũ Pablo tiquinare tiquiro tuhtiboriro sahata, tiquiro suhtirore dihta wahãrire wejẽ site cũahye.

—Mũsa ye buhiri pecapũ wahanata. Cohãcjũ tiquiro dutiro sahata mũsare buhemi yũhũ. Sa buhepegũta mũsa yũhũre tũho duerari. Yojoapũre judio masa ijieyequina pehere buhegũ wahaũtja, niahye Pablo judio masare.

<sup>7</sup> Tiquiro sa nidi bato tiquiro topũ ijiriquiro waha, Ticio Justo wame tiriquiro ya wũhũpũ esahye. Justo Cohãcjũre ño peoriquiro ijiahye. Tiquiro ya wũhũ pehe judio masa buheri wũhũ cahapũ ijiahye. <sup>8</sup> Sa ye Crispo wame tiriquiro buheri wũhũre cohteriquiro, tiquiro namono, tiquiro pohne gũhũ Jesure wacũ tutuayequina ijiahye. Sa ye apequina Corinto cjẽna peyequina Cohãcjũ yere tũhoye, Jesure wacũ tutuahye. Tiquina sa wacũ tutuayequina ijigũ tiquinare wame yeahye. <sup>9-10</sup> Ihcã ñami Cohãcjũ quehẽnopũ yahuahye Pablõre. Tiquirore ohõ saha niahye:

—Mũhũ mehna ijiaja. Ahri macare yeequina peyequina ijire. Sa ye apequina masa mũhũre ñano ye masiedare. Sa yegũ cueracãhũna mũhũ. Sa cueragũ yeere tutuaro yahuya. Sa tũhotueracãhũna, ni yahuahye Cohãcjũ Pablõre.

<sup>11</sup> Sa ye ihcã cũhma quehnoano, ape cũhma deco waro to cjẽnare Cohãcjũ yere buhe, ijie tiahye Pablo.

<sup>12</sup> Tiquiro sa ijiri watoa Galiõ wame tiriquiro Acaya yehpa cjẽna pũhthora tiquiro ijigũ judio masa ijipihtiequina ihcãno mehna Pablõre yahusãñe taye, tiquirore buhiri dahre dutieyequina cahapũ neahye tiquina.

<sup>13</sup> —Ahriquiro masare Cohãcjũre ño peo dutiro ahri yehpa cjẽ dutiye pehere cohã dutiro nine, ni yahusãhye judio masa buhiri dahre dutieyequinare.

<sup>14</sup> Tiquina sa ni yahusãgũ tũhoro Pablo pehe tiquinare yahu duamahye. Sa yahu duepegũta Galiõ pehe judio masare yahuahye:

—Ahriquiroy usã Roma cjãna ye dutiyere yãhduducariquiroy tiquiroy ijigũ mãsare yãhti-boaya yãhũ. <sup>15</sup> Sa yena mãsa judio masa ye dutiye pehere ahriquiroy yãhduducariquiroy ijigũ mãsa basi quehnoña. Ahrirey mãsa mehna masino pjerare yãhũre, ni yahuahye tiquiroy judio masare.

<sup>16</sup> Sa ninota tiquinare judio masa yahusãñe ahtamediquinare tiquiroy ya tucũpũ ijiriquinare cohã wioahye tiquiroy. <sup>17</sup> Tiquiroy sa cohã wiori bato ijipihtiyequina ti wãhũpũ ijiriquina Sostenene judio masa buheri wãhũre coheriquiroyre Jesu yaquiroyre ñehe, buhiri dahre dutiyequina cahapũ queãhye tiquiroyre. Tiquina sa quẽgũ ihñano Galiõ sa ihña cãhye.

*Pablo Antioquíapũ* tojoaa wahahye

<sup>18</sup> Sa yero Pablo Corintopũ yoari pje ijiriquiroy “Wahãũ niaja”, ni cohe tiahye tiquiroy Jesu yequinare. Tiquiroy sa nidi bato tiquiroy Priscila, Aquila mehna Siria yehpapũ ijiri macapũ pehãa wahahye. Cencrea wame tiri petamahapũ tiquina esari bato Pablo Cohãcjũre “Ohõ saha mũhũre ye basautja”, tiquiroy nidire ye tuhasariquiroyre ijiahye. Sa yero sa yeriquina judio masa tiquina yeducuriroy sahata tiquiroy poarire wãha peho dutiahye. <sup>19</sup> Sa yero tiquina Efeso wame tiri macapũ pehã sa, Priscilare, Aquila gũhũre cũahye Pablo. Tiquinare topũ cũ, judio masa tiquina buheri wãhũpũ wahahye. Ti wãhũpũ esa, Cohãcjũ yere yahuahye. Sa yahuro judio masa mehna yahuducuahye. <sup>20</sup> Tiquiroy sa yahuducuri bato tiquiroyre tiquina mehna tojoa dutimahye. Tiquina sa dutiepegũta ohõ saha niahye Pablo:

—Tojoeraja mãsa mehna, niahye Pablo tiquinare.

<sup>21</sup> Sa ninota,

—Wahagũ niaja. Cohãcjũ cahmegũ pari turi tojoa taboaga, niahye tiquinare Pablo.

Sa ni tuhasa Efesopũ ijiriquiroy pehãa wahahye tiquiroy.

<sup>22</sup> Sa yero Cesareapũ pehã sa, yãhdũ cã, Jerusalẽpũ esahye. Topũ esa, to cjẽna Jesu yequinare “¿Ne ijajari mãsa?” ni, tiquinare ihña yãhdũã Antioquíapũ esahye. <sup>23</sup> Topũ meheñe decorigã ijiahye. Topũ ijiriquiroy yãhdũahye. Galacia yehpapũ ijiye macaripũ, Frigia yehpapũ ijiye macaripũ pari turi esa, ti macari cjẽnare Jesu yequinare buhero, bucuegũ yeahye.

*Apolo wame tiriquiroy Efesopũ* buheahye

<sup>24</sup> Ti pjere, judio masũno Apolo wame tiriquiroy, Alejandría cjũno Efesopũ esahye. Tiquiroy quehnoano yahu mihnidiquiroy ijiahye. Sa yero tiquiroy Cohãcjũ ojoarire quehnoano masiahye. <sup>25</sup> Apequiroy tiquiroyre Cohãcjũ yere yahu tuhasae tiahye. Sa yero tiquiroy Ñũ wame yeriquiroy ye buheye dihitare masiahye. Sa ijieperota tiquiroy tutuaro bucueye mehna Cohãcjũ yere quehnoano buheahye. <sup>26</sup> Sa yero judio masa tiquina buheri wãhũpũ tiquiroy cuero marieno tiquinare buhe dũcahye. Tiquiroy sa buhegũ tiquina tũhori bato Priscila, Aquila mehna tiquiroyre tiquina mehna neahye. Cohãcjũ yere tiquiroy quehnoano poto yahu pehoeragũ ihñañe quehnoano poto yahu pehoahye tiquina tiquiroyre. <sup>27-28</sup> Sa ye tiquiroy Apolo pehe Acaya yehpapũ tiquiroy waha duagũ Jesu yequina tiquiroyre “Quehnoano wahaya”, ni, ojoari pũrine ohoahye tiquiroyre. Ti pũri Acayapũ ijiyequina Jesu yequinare Apolore quehnoano piti ca dutiye pũri ijiahye. Sa yero Apolo topũ esaro, to cjẽnare Jesure wacũ tutuayequinare Cohãcjũ cahĩñe mehna quehnoano yedohoahye. Judio masare ti macapũ ijiyequinare ohõ saha ni yahuahye:

—Cohãcjũ ohoriquiroy mãsa coheriquiroy ijire Jesu. Cristo waro ijire tiquiroy, ni yahuahye judio masare apequina masa tiquina ihñonopũ.

Cohãcjũ yere tiquina ojoari mehna tiquiroy quehnoano queoro yahugũ tũhoye tiquina “Poto ijierare”, ni masiedahye. Sa yero Cohãcjũ cahĩñe mehna tiquiroyre wacũ tutuayequinare quehnoano yedohoahye Apolo.

<sup>1</sup> CorintopɁ Apolo tiquiro ijiri watoa, Pablo pehe cɁnɁ cɁɁɁɁ mɁja yɁhɁɁ, EfesopɁ esahye. TopɁ esaro ihquẽquina Jesu yequinare bocahe. <sup>2</sup> Tiquinare boca saro tiquiro tiquinare sinituahye:

—¿Musa Jesure wacũ tutuari bato mɁsa pehe Espiritu Santore cɁo dɁcari? ni, sinituahye Pablo.

Tiquiro sa nigũ tɁhoye tiquirore ohõ saha ni yahuahye tiquina:

—“Espiritu Santo ijire”, ni yahuerari Ɂsãre, ni yahuahye tiquina.

<sup>3</sup> Tiquina sa ni yahuri bato Pablo tiquinare sinituahye tja:

—¿Noa ye buheyere mɁsa tɁhori bato wame yeri mɁsare? niahye tiquiro tja.

—Ñu ye buheyere Ɂsã tɁhori bato wame yeri Ɂsãre, ni yahuahye tiquina.

<sup>4</sup> Tiquina sa nigũ tɁhoro ohõ saha niahye Pablo:

—Masa tiquina ñaňe yerire tiquina duhugũ ihñano wame yeahye Ñu. Sa yero tiquiro wame yeye pehe tiquina ñaňe yerire tiquina duhurire masare ihñoati ijire. Sa yero apee boro gũhɁre yahu nemoahye Ñu. “YɁhɁ bato ahtariquiro pehere wacũ tutuaya mɁsa”, ni yahuahye tiquiro. Sa nino Jesure yahuro niahye, ni yahuahye Pablo tiquinare.

<sup>5</sup> Tiquiro sa nigũ tiquina tɁhori bato, Jesu wame mehna wame yeahye tiquinare.

<sup>6</sup> Sa yero Pablo tiquina ihquẽquina bui tiquiro omoca duhu peogũ, Espiritu Santo pehe wihyahye tiquinapɁre. Tiquiro sa wihiri bato tiquina pehe tɁhomehneňe yahuducuye mehna yahuducu, Cohãcjũ yere yahuahye. <sup>7</sup> Tiquina ijipihtiequina doce ɁmɁa ijiye ijiboaga.

<sup>8</sup> Came Pablo judio masa tiquina buheri wɁhɁɁɁ sajã, ihtia asũ waro decoripe cuero marieno Cohãcjũ pɁhtoro tiquiro ijiyere yahuducuahye tiquina mehna. Tiquirore tiquina sa tɁhori bato “Ahri ijirota ijire”, niahye tiquina. <sup>9</sup> Sa niepegũta apequina pehe tɁho duerahye. Sa ye tiquina masa tɁhoro quehnoaňe buheyere ñano niahye. Tiquina sa nigũ tɁhoro Pablo pehe Jesu yequinare piji wijia, ape sierɁ wahahye. Waha, Tirano wame tiri wɁhɁ buheri wɁhɁɁɁ decoripe masare Cohãcjũ yere yahuahye tiquiro. <sup>10</sup> PɁa cɁhɁma waro buhee tiahye tiquinare. Tiquiro sa buhegũ ijipihtiequina Asia yehpa cjẽna judio masa, judio masa ijieyequina mehna mari pɁhtoro Jesu yere tɁhoahye. <sup>11</sup> Sa yero Cohãcjũ tutuaye mehna Pablo peye tahari ye ihñoahye. <sup>12</sup> Suhti cahseri Pablo tiquiro pagɁre pihari cahserire, tiquiro pihari suhti gũhɁre ne cã, dohatiyequinare ohoahye. Ti suhtire ohogũ tire ñeheňe tiquina dohatiye yɁhɁɁɁ wahahye. Sa ye watĩa tiquina mehna ijiriquina waha wahahye ti suhtire tiquina ñehedi bato.

<sup>13</sup> Sa ijigũ apequina judio masa, sa tiniducuyequina, watĩare cohãñequina judio masa yayia ijiahye. Sa ye Pablo tiquiro yeriro sahata Jesu tutuaye mehna watĩare cohã duamahye. Sa ye watĩare duhu dutimahye tiquina.

—Pablo yahuriquiro, Jesu tiquiro tutuaye mehna dutiaja mɁsare. Wahaya. Ahriquiro mehna pari turi ijieracãhña, nimahye tiquina watĩare ohoye.

<sup>14</sup> Esceva wame tiriquiro siete tiquiro pohne pehe sata yemahye. Esceva pehe judio masɁno pahia pɁhtoro ijiahye. <sup>15</sup> Tiquiro pohne watĩnore tiquina waha dutiri bato, watĩno pehe ohõ saha niahye tiquinare:

—Jesure masiaja. Pablo gũhɁre masiaja. MɁsa pehere masiedaja, niahye watĩno tiquinare.

<sup>16</sup> Tiquiro sa nigũta watĩnore cɁoriquiro pehe tutuaro tiquinare ñehe maa wahahye. Sa yero tiquinare ña yɁhɁɁaro yeahye. Tiquiro sa yeri bato suhti marieñequina, cami tiyequina oma wijiaa wahahye tiquina ti wɁhɁre. <sup>17</sup> Tiquina sa yeri bato ijipihtiequina Efeso cjẽna, judio masa, judio masa ijieyequina mehna tire tɁhoye, cue yɁhɁɁahye tiquina. Sa ye mari pɁhtoro Jesu yere bujɁpero marieno yahuducuahye masa pehe.

<sup>18</sup> Sa ye masa peyequina Jesure wacũ tutuayequina tiquina ñano yerire yahuye ahtahye. <sup>19</sup> Tiquina mehna cjẽna peyequina yayia masare ujuayequina yero saha yeyequina ijiahye. Sa ye tiquina ojoari pũrine yayia tiquina yerire yahuye pũrine topɁ ne cãhta, masa ihñonopɁ ti pũrine Ɂjũa cohã cãhye tiquina. Ti pũri wapa tirire tiquina queogũ, ijipihtieye pũri cincuenta mil cjoeri niñeru cjoeri wapa timahye ti pũri. <sup>20</sup> Sa



ye Cohãcjũ yere cahmeñequina peyequina wahahye. Cohãcjũ tutuaye mehna tiquiro yequina wahahye.

<sup>21</sup> Tiquina sa wahari bato Pablo ohõ saha ni tũhotuahye: “Macedonia yehparũ esa mũhta, ti yehpare yũhdũa, Acaya yehpare esautja. Ti yehpare yũhũ esari bato Jerusalẽpũ wahautja. Ti macare yũhũ esari bato Romapũ wahautja”, ni tũhotuahye Pablo. <sup>22</sup> Pũaro tiquirore yedohoyequinare tiquiro pano oho mũhtahye Macedonia yehparũ. Timoteo, Erasto gũhũ ijiahye tiquina. Sa yero Pablo pehe ihcãquirola tojoa nũnũ tãrĩahye Asia yehparũ.

*Efesopũ* masa usua, sañuducuahye

<sup>23</sup> Ti pjere Efesopũ Jesu yere apequina cahmedaye, Pablo gũhũre tuhtiahye. <sup>24</sup> Plata mehna dahrariquiro Demetrio wame tiriquiro plata mehna cohãcjõno Artemisa wame tiricoro ya wũhũ queoyere yeriquiro ijiahye. Sa yero tiquiro apequina plata mehna dahrayequina mehna ti queoyere dua, pajiro wapatahye tiquina. <sup>25</sup> Sa yero Demetrio apequina plata mehna dahrayequinare piji cahmecoahye yahuahye tiquinare.

—Tũhoya mũsa. Ahri dahraye mehna pajiro mari wapatarire masine mũsa. <sup>26</sup> Ahriquiro Pablo yerire tiquiro buheri gũhũre masine mũsa. Ohõ saha ni buhere tiquiro. “Cohãmana queoye masa tiquina yeyequina catiyequina ijierare”, ni yahue tiri tiquiro. Tiquiro sa nigũ tũhoye peyequina Efeso cjẽna, ijipihtiropũ apequina Asia yehpa cjẽna gũhũ ti buheyere “Ijirola ijire”, nie tiri. <sup>27</sup> Sa niñe mari dahrayere masa ñano yahuducuboaga. Sa ye mari yacoro cohãcjõno Artemisa ya wũhũre masa cohãboaga. Sa yero ticoro ijipihtiyequina Asia yehpa cjẽna, ijipihitiri yehpa cjẽna tiquina ño peoricoro ticoro ijiepegũta ticoro tutuaye butiarota. Sa ye masa ticorore masiedaboaga, niahye Demetrio tiquinare.

<sup>28</sup> Tiquiro sa nigũ tũhoye tiquina pehe tutuaro usua, sañuducuahye:

—Artemisa Efeso cjãna mari yacoro cohãcjõno tutuaricoro ijire, ni, sañuducuahye tiquina.

<sup>29</sup> Sa ye Efeso cjẽna ijipihtiyequina sañuducu yũhdũa, tũho masiñe pihtia wahahye. Sa wahaye, Gayore, Aristarco gũhũre ñehe, masa tiquina cahmecoanopũ tiquinare weje cãhye. Gayo, Aristarco mehna Macedonia cjẽna ijiye, Pablo mehna tiniñequina ijiye tiahye. <sup>30</sup> Sa ye Pablo masa cahapũ tiquiro waha duagũ, Jesu yequina pehe tiquirore waha dutierahye. <sup>31</sup> Sa ye apequina ti yehpa cjẽna pũhtoa, Pablo mehna cjẽna ijiye, tiquina cahacjẽnare yahu dutiahye Pablore:

—Masa tiquina cahmecoanopũ wahaeracãhña, ni yahu duti ohoahye pũhtoa tiquina cahacjẽnare Pablopũre.

<sup>32</sup> Sa ye topũ cahmecoañequina mehna cjẽna pehe peyequina “¿Dũhsena tana mari cahmecoana nijari?” ni, masiedahye. Sa ye tiquina sañuducu nemoahye. Ahrie peherpũ ijiequina sijoro ni, sañuducuahye. Apequina gũhũ sijoro ni sañuducuahye. <sup>33</sup> Sa ye judio masa pehe Alejandro wame tiriquirore masare yahu dutimahye. Sa yero Alejandro “Dihta mariahña”, nino tiquiro omoca mehna quẽ dijioahye. “Ahriquina usãre judio masare tuhtiyey nine”, ni tũhoturo judio masare cahmota duaro, yahuducumahye. <sup>34</sup> Tiquiro sa niepegũta judio masũno tiquiro ijigũ ihñañe masa ijipihtiyequina ihcãno mehna pũa hora waro sañuducuahye:

—Artemisa, Efeso cjãna mari yacoro cohãcjõno tutuaricoro ijire, ni, sañuducuahye tiquina.

<sup>35</sup> Tiquina sa ni sañuducugũ ihñano, Efeso cjẽna pũhtoare yedohoriquiro masare, “Dihta mariahña”, ni, yahuahye tiquinare.

—Mũsa Efeso cjãna tũhoya. Efeso cjãna mari yacoro tutuaricoro cohãcjõno Artemisa ya wũhũ cohtena mari ijigũ ijipihitiri yehpa cjẽna masine. Sa ye uhmũsepũ bora dijia tari queoyere cohtena mari ijigũ gũhũre masine masa. <sup>36</sup> Sa ye apequina “Ahri poto ijierare”, ni masiedare. Sa yena usueracãhña mũsa. Quehnoano tũhotuya mũsa. <sup>37</sup> Ahriquina mũsa ñehe tariquina mari cohãcjõnore ñano ni yahuducuerari. Sa ye tiquina cohãmana wũhũsepũre sajã, yaquerari. Sa yena quehnoano yeya mũsa. <sup>38</sup> Sa ye Demetrio,

plata mehna dahrayequina mehna ahriquinare m̄sa ñehediquinare yahusã duaye, buhiri dahre dutiyequina pehere yahuahro tiquina. Tiquina buhiri dahre dutiyequinare ahriquinare yahusã masine. <sup>39</sup> Pari turi cahmecoana quehnoano mehna cahmecoaña. Yojop̄re m̄sa yeriro saha yeracãhña. <sup>40</sup> Miare m̄sa ihyo waro usua, sañuducurire mari p̄htoa t̄hoye, “Marine cohãñe niaga”, ni t̄hotueta tiquina. Sa yena m̄sa sa ni sañuducurire tiquinare quehnoano poto yahu masiedaja mari, niahye p̄htoare yedohoriquiro masare.

<sup>41</sup> Sa ni yahu tuhasa, “To puno tjire. Wahaya”, niahye tiquiro masare.

## 20

*Macedonia yehp̄p̄* ḡh̄ure, Grecia yehp̄p̄ ḡh̄ure Pablo esahye

<sup>1</sup> Ti sa wahari bato, Pablo pehe Jesu yequinare p̄ji cahmecoa yahuahye. Yahu tuhasa, tiquinare cohe tiahye. Cohe ti tuhasa, Macedonia yehp̄p̄ wahaa wahahye. <sup>2</sup> Top̄ esa, buhe, to c̄j̄na Jesu yequinare bucueḡũ yeahye tiquiro. Tiquinare buhe tuhasa, Grecia yehp̄p̄ esahye tiquiro. <sup>3</sup> Top̄ tiquiro ihtia as̄ũ waro ijiahye. Top̄ ijiro Siria yehp̄p̄ pehãa waha duamahye. Tiquiro sa waha duepeḡũta judio masa duhti queahye, tiquirore ñehe duaye. Sa yero Pablo ape mahap̄, Macedoniap̄ wahari mahap̄ wahahye. <sup>4</sup> Sa waharo Asiap̄ta esahye. Top̄ Berea c̄j̄no Pirro mac̄no Sópater wame tiriquire pehe Pablore piti ti cãhye. Sa ye Tesalónica c̄j̄na Aristarco, Segundo ḡh̄ũ tiquirore piti ti cãhye. Sa ye Asia c̄j̄na Tíquico, Trófimo ḡh̄ũ Asiap̄ tiquirore piti ti cãhye. Derbe c̄j̄no Gayo wame tiriquire Timoteo ḡh̄ũ tiquiro mehna wahahye. <sup>5</sup> Tiquiro mehna c̄j̄na tiquiro pano waha, Troa wame tiri macap̄ tiquirore cohteri jiri. <sup>6</sup> Tiquina sa cohteḡũ puḡũ yeye moremehneñe p̄re tiquina ihyari bose deco bato usã pehe Filipop̄ ijirina yuc̄sa mehna waha, ihcã omope decori pehã, Troap̄ usã esau. Siete decori waro iji top̄re.

*Troap̄* Pablo tinino wahahye

<sup>7</sup> Domingo ijiḡũ Jesu yequina cahmecoa, p̄re duhu peori Santa cena yeye tehe. Tiquina sa yeato pano Pablo tiquinare buheri. Sa yero Pablo ape decor̄p̄ wahatiquiro ijiro yoari p̄je tiquiro buheri. Ñami decor̄p̄ buhe duhuro taro nimedi. <sup>8</sup> Sa yena ñhm̄ano c̄j̄a tuc̄p̄ peye paca sihãñe paca ijiri tuc̄p̄ cahmecoau usã. <sup>9</sup> Pablore tiquiro t̄hori watoa wahm̄ano Eutico wame tiriquire meheni sopecahagã buip̄ m̄ja p̄je dujiri. Sa yero Pablo tiquinare yoari p̄je tiquiro buhe nemoḡũ wahm̄anore w̄j̄ua ahtari. Sa yero tiquiro carĩ maa, ihtia casario buip̄ dujiriquiro majare maa dijiaa wahari. Tiquiro bora dijiaa bato tiquina tiquirore yariariquirore tu wahc̄o dapori. <sup>10</sup> Tiquina sa yeḡũ ihñano Pablo dijia, wahm̄anore quẽ suhsuri. Tiquiro sa yeri bato Jesu yequinare yahuri tiquiro: —Jeripohna ñaedacãhña. Yarierare ahriquire. Catire, nidi Pablo pehe.

<sup>11-12</sup> Tiquiro sa niḡũ wahm̄ano yariamediquiro masaa wahari. Tiquiro sa masaḡũ ihñañe tiquina bucue ȳhd̄ari. Sa bucueye ñhm̄ano c̄j̄a tuc̄p̄ m̄ja, p̄re duhu peori Santa cena yeye tehe. Tiquina sa yeri bato yoari p̄je Pablo tiquinare buheri. Tee bohreato panoḡap̄ tiquinare buhe duhuri. Tiquiro buhe tuhasaḡũ wahaa wahau usã.

*Pablo Troap̄* ijiriquiro waha, Miletop̄ esahye

<sup>13</sup> Pablo pano yuc̄sa mehna Asõp̄ usã pehe esa m̄htaũ. Pablo pehe mahap̄ waha duari. Pablo tiquiro nidiro sahata Asõp̄ tiquirore usã piti cau. <sup>14</sup> Tiquirore usã piti caḡũ, usã mehna tiquiro sajãri yuc̄sap̄. Tia mehna waha, Mitilener̄p̄ usã esau. <sup>15</sup> Top̄re esa ȳhd̄ua, ape decor̄p̄ Quíore ȳhd̄ua usã. Ape decor̄p̄ Samop̄ esau usã. Ape deco pehere Miletop̄ esau usã. <sup>16</sup> Pablo Pentecoste deco ijiḡũ, Jerusalēp̄ esa duari. Sa yero Asia yehp̄p̄ yoari p̄je iji duerari. Sa yero Efesore poto ȳhd̄ua, Miletop̄ wahã sau usã.

*Pablo Efeso c̄j̄nare* Jesu yequina p̄htoare yahuahye

<sup>17</sup> Sa yero Pablo Miletop̄ ijiro, Efeso c̄j̄nare Jesu yequina p̄htoare pijiori tiquiro. <sup>18</sup> Sa tiquiro pijiori bato tiquina Pablo cahap̄ wihiri. Tiquina wihiḡũ ihñano tiquinare Pablo yahuri:

—Asiapu coã wihigu musa mehna yuhu yerire masine musa. <sup>19</sup> Musa mehna ijigu ne sijoro nino marieno Jesu, mari puhtoro yere yee tii yuhu. Sa yegu musare paja ihñau. “Musare yuhducaja”, niedu yuhu. Judio masa yuhure tiquina ñano yepeguta Cohacjũ yere yee tii yuhu. <sup>20</sup> Sa yegu musa quehnoano wahatire cahmegu musare yahu peho cau yuhu. Masa tiquina ihñonopu musa wuhusepu gũhure buhei yuhu. <sup>21</sup> Sa yegu judio masare, judio masa ijieyequina gũhure ihcãno mehna buhei yuhu. “Musa ñañene bujua witina, Cohacjũ ye pehere comesaya. Sa yena Jesu mari puhtoro wacũ tutuaya”, ni yahuu yuhu. <sup>22</sup> Sa yegu Espiritu Santo tiquiro dutiriro sahata yojopure Jerusalẽpu wahau niaja. Yuhu topu wahagu yuhu duhse wahatire masiedaja yuhu. <sup>23</sup> Ohõ saha nidi Espiritu Santo yuhure: “Jerusalẽpu mũhu ñano yuhduta. Sa ye mũhure peresu yeeta”, nidi Espiritu Santo yuhure. Yojopure yuhu macaripe yuhu esagũ sa ni yahuri yuhure. Jerusalẽpu wahagu Espiritu Santo tiquiro yahuri dihitare masiaja. <sup>24</sup> Tiquiro sa yahuepeguta quehnoañe buheyere, Cohacjũ tiquiro cahĩne buheyere yahuacjũ ijiaja. Jesu mari puhtoro tiquiro ye dutirire ye peho duaja. Ahrire yerigu ijigu, yuhu yariatire cueraja yuhu.

<sup>25</sup> Sa yegu musa mehna ijigu Cohacjũ tiquiro puhtoro ijyere yahue tii yuhu musare. Ne musare pari turi ihñasi yuhu. Ahrire masiaja yuhu. <sup>26-27</sup> Sa masigu miare ahrire yahuaja musare. Ijipihtye Cohacjũ yere yahuu yuhu musare. Sa yero ijipihtyequina musa mehna cjẽna Cohacjũ yere cahmeeñequina tiquina ijigũ yee buhiri ijierare. <sup>28-29</sup> Musa basi quehnoano yeya. Sa yena Jesu yequinare Espiritu Santo musare ihbo dutigũ, tiquiro ihbo dutiriquinare quehnoano ihboya. Ovejare ihboyequina ovejare tiquina ihboro saha Jesu yequina gũhure ihboya musa. Cohacjũ macano tiquiro yariaro tiquiro dii cohãno mehna Cohacjũ tiquinare tiquiro yequina ijiatiquinare yeri. Yuhu ohõre wahari bato apequina ñañequina pehe yaquiro ovejare tiquina wejẽno saha Jesu yere musa yeborire dojomehneeta. Sa yena Jesu yequinare quehnoano ihboya. <sup>30</sup> Camerure apequina musa mehna cjẽna pehe Jesu yequinare ni meho, apeye buheyere tuho dutieta. Tiquina sa dutigũ tiquina tuhoeta. <sup>31</sup> Sa yena quehnoano yeya musa. Decoripe, ñaminipe paja ihñañe mehna buhei yuhu musare. Ihtia cahma waro quehnoano buhei yuhu musare ijiphtinare. Tire quehnoano wacũña musa.

<sup>32</sup> Yojopure yuhu wahari bato Cohacjũ musare ihña ihborota. Tiquiro cahĩne buheyere buhena quehnoano ijinata musa. Cohacjũ tiquiro buheye mehna musare tiquiro yequinare quehnoano yedoho masine. Sa yero tiquiro yequina dihitare tiquiro ye duariro sahata musa pũritare quehnoano yerota. <sup>33</sup> Musa niñeru caoyere, musa suhti caoye gũhure “Yuhure ohoya”, niedu. <sup>34</sup> Yuhu basi dahra wapatau ye ijiatire. Sa yegu yuhu cahmeñene, yuhu mehna cjẽna tiquina cahmeñe gũhure yuhu dahra wapatau mehna nei. Yuhu sa yerire masine musa. <sup>35</sup> Mari ohõ saha tutuaro dahrana apee boro caoyequinare yedohoro cahmene marine. Ahrire musare ye ihñou yuhu. Jesu mari puhtoro tiquiro nidire wacũña musa. “Tiquiro ohogũ ñehediquiro yuhduoro ohoriquiro pehe bucuere”, nidi jiri Jesu tiquiro basi, ni yahuri Pablo Jesu yequina puhtoare.

<sup>36</sup> Sa nidi bato Pablo tiquina mehna dusepe curi mehna quehe sa, Cohacjũre sinidi. <sup>37</sup> Tiquiro sa sinidi bato tiquina ijipihtyequina Pablore quẽ suhsu, wahsupure ihmi, utiri. <sup>38</sup> “Musare pari turi ihñasi yuhu”, to pano tiquiro nigũ tuhoye tutuaro bujua witiri tiquina. Sa ye tiquirore tu nũnũ tã buhari petamahapu. Topu usãre ihña nũnũ tãri usã wahagũ.

## 21

### *Pablo Jerusalẽpu pari turi wahahye*

<sup>1</sup> Jesu yequinare “Wahana niaja”, ni, yucusa mehna, Cos wame tiri nucopu poto waha, pehã sau usã. Ape decopu Roda wame tiri nucopu pehã sa, yuhdua, Pátara wame tiri macapu esau usã. <sup>2</sup> Pátarapu ijina, Feniciapu wahatiare yucusare bocau usã. Sa yena tia mehna wahau usã. <sup>3</sup> Sa wahana Chipre wame tiri nucore poto ihña yuhduu usã. Cũ pehe pehe ijiri ti nucuo. Ti nucore yuhdua, Siria wame tiri yehrapu esau usã. Sa

yena yucusa cjê doeri cjêne yucusa cjũno Tiro wame tiri macapũ tiquiro dure mogũ topũ pahsarĩi. <sup>4</sup> Topũ Jesu yequinare ihñana, siete decori waro tojoarĩi usã ti macapũ. Sa ye to cjêna Jesu yequinare Espiritu Santo tiquiro yahuriro sahata tiquina Pablöre Jerusalẽpũ waha dutieramedi. <sup>5</sup> Tiquina sa niepegũta ti macare siete decori usã ijiri bato, wahaũ usã. Usã wahato panogã ijipihtiequina Jesu yequina, tiquina namosãnumia mehna, tiquina pohne mehna, maca dũhtũ cahapũ usãre ihña tojoari. Sa yena ijipihtina usã padũropũ esa, dũsepe curi mehna quehe sa, Cohãcjũre sinii. <sup>6</sup> Usã sa sinidi bato, “Wahana niaja”, ni, tiquinare quẽ suhsu bato ti wahaũ usã. Usã wahagũ ihña nũnũ tã, tiquina pehe majaa wahari tiquina ye wũhũserũ.

<sup>7</sup> Tiro wame tiri macare maja yũhdũũ usã. Sa yena Tolemaidapũ wahã sau usã. Topũta pajiri mare waha bato tii usã. Ti macapũ esa, Jesu yequinare “¿Usã acaye, ijiajari?” ni, ihcã deco usã tiquina mehna ijini. <sup>8</sup> Sa yena ape decorũ tja Pablo mehna mahapũ wahaũ usã Cesarea wame tiri macapũ wahana. Topũ esa, quehnoañe buheyere yahuriquiro Felipe wame tiri quiro ya wũhũpũ esaũ. Sa yena tiquiro mehna tojoaũ usã. Felipe Jesu yequina tiquina siete besenohriquina mehna cjũno ijiri. <sup>9</sup> Sa yero tiquiro pititiaro numia pacũro ijiri. Tiquina numia pehe Cohãcjũ yere yahuye numia ijiri. Nuhmia ijiri. <sup>10-11</sup> Topũ usã meheñe decorigã usã ijiri bato, Agabo wame tiri quiro Cohãcjũ yere yahu mũhtariquiro Judeapũ ijiri quiro usãre ihñano wihiri. Sa yero tiquiro Pablo ya dare jeri turi dare ne, tiquiro dahpocãrine, tiquiro omocarine dũhtero, queo yahuri:

—Ohõ saha nidi Espiritu Santo. “Ahri dare cũoriquiro Jerusalẽpũ tiquiro esagũ, judio masa sa dũhteeta tiquirore. Dũhte tuhasa, judio masa ijieyequinare ohoeta tiquina tiquirore”, nidi Espiritu Santo, ni yahuri Agabo.

<sup>12</sup> Tiquiro sa nigũ tũhona, usã Cesarea cjêna mehna Pablöre tutuaro cahĩi usã. Tiquirore Jerusalẽpũ waha dutierami. <sup>13</sup> Usã sa nigũ Pablo pehe yũhtiri:

—¿Dũhse ni utina niajari mũsa? Yũhũ pehere bũjũa witigũ yeaga mũsa. Tiquina yũhũre peresu tiquina yegũ quehnoanota. Yũhũ Jerusalẽpũ Jesu mari pũhtoro yere yũhũ yeri buhiri yũhũ yariagũ quehnoanota, nidi Pablo usãre.

<sup>14</sup> “Wahaeraja”, tiquiro nigũ tũho duana nimi usã. Tiquiro “Wahaũtja”, tiquiro nigũ, sa tũhotu cũhũ usã. Ohõ saha nii:

—Mari pũhtoro tiquiro cahmeno sahata yeahro, nii usã.

<sup>15</sup> Tire yahu bato ti, usã yere quehno, wahaa wahaũ usã Jerusalẽpũ wahana. <sup>16</sup> Topũ usã wahagũ meheñequinagã Cesarea cjêna Jesu yequina pehe usã mehna wahari. Sa yena tiquina mehna cjũno Chipre cjũno Mnasõ wame tiri quiro ya wũhũpũ esaũ usã. Tiquiro yoari pje Jesu buheriquiro ijiri. Sa yero tiquiro ya wũhũ usã ijiati wũhũ ijiri. Sa yena Jerusalẽpũ esaũ usã.

#### *Pablo Santiagore ihñano wahahye*

<sup>17</sup> Jerusalẽpũ usã esagũ, to cjêna Jesu yequina pehe “¿Wihiajari?” ni, bucueye mehna piti cari usãre. <sup>18</sup> Ape decorũ Pablo usã mehna Santiagore ihñano esari. Usã topũ esagũ topũ ijipihtiequina Jesu yequina pũhtoa ijiri. <sup>19</sup> Sa yero Pablo tiquinare tiquiro omoca ñehedi bato judio masa ijieyequinare tiquiro buherire yahu pehori Jesu yequinare. Cohãcjũ tiquiro yedohoye mehna tiquiro yerire yahu pehori. <sup>20</sup> Tiquiro sa ni yahugũ tũhoye, “Cohãcjũ quehnoagũ, tutuagũ ijire mũhũ”, ni ño peori tiquina pehe Cohãcjũre. Sa ni tuhasa tiquina Pablöre ohõ saha ni yahuri:

—Usã acayũ, yojopũre peyequina judio masa Jesure wacũ tutuayequina ijire. Tire masine mũhũ. Sa ye tiquina ohõ saha ni tũhoture: “Cohãcjũ dutiyere, Moiserpũta marine tiquiro cũrre marine ye pehoro cahmene”, niñe nine. <sup>21</sup> Ohõ saha ni nemore tiquina. “Ape sierũ ijieyequinare judio masa ijieyequina watoapũ ijieyequinare judio masare Cohãcjũ Moiserre tiquiro cũrre cohã dutiahye Pablo”, nimeri ohõ cjêna judio masa mũhũre. “Pablo judio masa pohne cuhnucunũ sohtoa cahserogãre yũhũre ne dutierare”, nimeri mũhũre tiquina. “Judio masa tiquina yee tiyere Pablo duhu dutire”, ni ahri gũhũre ni yahu wajare mũhũre. <sup>22</sup> Sa ye mũhũ ohõre wihigũ tũhoye tiquina

cahmecoeta mūhure tuhtiye tehe. Sa yegū ohō saha yero cahmene mūhure. <sup>23</sup> Mūhure usā dutiro sahata yeya. Yojoṗure ohōre pititiaro umua Cohācjūre wacūñequina “Ohō saha yenatja”, niñequina ijire. <sup>24</sup> Tiquina mehna wahaya. Sa ye Cohācjū Moiserere tiquiro dutiriro sahata tiquina basi Cohācjū yere yee tehe tiquina ñano yeyere coseye nine. Mūhū gūhū sata yeya. Sa yegū tiquina sa yeati wapare wapa yeya mūhū pehe. Mūhū sa wapa yeri bato tiquina poarire wūha peho duti masine tiquina. Mūhū sa yegū ihñañe masa mūhure tiquina niñe ni mehori ijigū masieta ijipihtiyequina. Cohācjū Moiserere tiquiro cūri dutiyere yegū mūhū ijigū masieta tiquina.

<sup>25</sup> Sa yena judio masa ijieyequina Jesu yequina pehere usā ojoari pūre oho tuhasa. Ohō saha ni, ojoa usā. “‘Cohācjū ijire’, tiquina niñe queoyere ño peo tiquina duhu peori ihyayere, diire, wamua tiquina ñehe wejēdiquinare wahiquinare ihyeracāhña masa. Sa yena wūana tieracāhña”, ni, yahu ojoa usā ojoari pūpūre, nidi tiquina Pablore.

*Cohācjū wūhūpū judio masa Pablore ñeheahye*

<sup>26</sup> Tiquina sa ni yahuducuri bato ape deco Pablo pehe pititiaro umua mehna tiquina basi Cohācjū yere yeye tehe tiquina ñano yerire coseye tehe, Cohācjū wūhūpū sajāa wahahye. Ti wūhūpū sajā saro, tiquinare yahuahye Pablo: “Ohōpe decori dūhsare masa coseato”, ni yahuahye tiquiro pititiarore. Sa ye tiquina cose bato tiri decopū tiquinapequina Cohācjūre wahiquinare tiquina ohoati deco ijiri.

<sup>27</sup> Sa ye tiquina cose pehoboriro mehenogā dūhsagū waro Cohācjū wūhūpū Pablo tiquiro ijigū Asia yehpa cjēna judio masa pehe ihñahye tiquirore. Sa ihñañe Pablore quiti dojomehne, apequinare tiquiro mehna usuagū yeahye tiquina. Sa usua, judio masa Pablore ñehe, sañuducuahye:

<sup>28</sup> —Musa usā acaye, Israe masa usāre yedohona ahtaya. Ahriquiore ijire. Ahriquiore Cohācjū Moiserere tiquiro cūri dutiyere, ahri wūhū gūhūre cohā duti, buhere ijipihtiyequinare. Sa ye marine judio masare ñano ni yahuducure. Sa yero tiquiro Cohācjū wūhūpūre judio masa ijieyequinare ne sajāri. Sa yero ahri wūhūre ñañe mariedi wūhūre tiquiro dojomehnedi, ni, sañuducuahye judio masa Asia yehpa cjēna to cjēnare.

<sup>29</sup> To pano Jerusalēpū Pablo Tróximo mehna tiquiro ijigū judio masa ihñae tiahye. Tróximo Efeso cjūno judio masūno ijieriquiro ijiri. Tiquiro sa ijigū masiñe ohō saha ni tūhotuahye tiquina: “Pablo Tróximore Cohācjū wūhūre ne sajāno niaga”, ni tūhotuahye judio masa. <sup>30</sup> Masare sa ni yahu tiquina sañuducuri bato ti maca cjēna peyequina tutuaro usuahye. Peyequina oma cāhta, Cohācjū wūhūpū ijiriquirore Pablore ñehe weje wijiaa wahahye. Sa ye ti wūhū sopecaharire bihahye tiquina. <sup>31</sup> Sa ye tiquina tiquirore wejēñe tee nimahye. Tiquina sa yegū ihñañe “Ijipihtiyequina Jerusalē cjēna usua, sañuducuye nidi”, ni, apequina pehe yahuye wahahye surara pūhtorore. <sup>32</sup> Tiquina sa nigū tūhoro pūhtoro pehe tiquiro yequina surarare, tiquina dutiequina gūhūre cahmecoadoqueo, tiquina mehna Pablore wejē duayequina cahapū oma cā esahye. Surara tiquina esagū ihñañe Pablore quēmediquina quē duhu cāhye. <sup>33</sup> Sa yero surara pūhtoro Pablo cahapū esa, pūa da come dari mehna tiquirore dūhte dutiahye. Tiquina dūhte tuhasagū ihñano, pūhtoro Pablore sinituahye:

—¿Noa boro ijiajari ahriquiore? ¿Yabe buhiri tiquirore sa yeajari masa? ni, sinituahye tiquiro tiquinare.

<sup>34</sup> Tiquiro sa sinitugū tūhoye masa pehe “Ohō saha yeri tiquiro”, ni, apequina gūhū sijoro saha ni sañuducu, yahuahye surara pūhtorore. Sa ni tiquina sañuducugū surara pūhtoro quehnoano tūhoerahye. Sa yero tiquiro surara ya wūhūpū Pablore nea dutiahye. <sup>35</sup> Ti wūhūpū esa, Pablo mūjari escarerapū tiquiro mūjano taro yegū masa pehe tiquirore quē duaye nimahye. Tiquina sa yegū surara pehe tiquirore ne wūa mūjaa wahahye. <sup>36</sup> Masa tiquinare peyequina nūnū tā, sañuducu nūnū tāhye.

—Tiquirore wejē cāhña, ni, sañuducuahye tiquina Pablore.

*Pablo “Ne masare ñano yeraja yūhū”, ni, yahuahye*

<sup>37</sup> Sa ye ti wūhūpū tiquina peresu yeato pano, Pablo pehe pūhtorore siniahye:



—Yũhũ mũhũ mehna yahuducu duaga, ni siniahye Pablo.

—¿Mũhũ griego masa yere yahuducuajari? <sup>38</sup> ¿Sohõ ijirigũ, Egipto cjũ ijierajari mũhũ? Tiquiro masare tiquina pũhtoare cohã dutiriquiro, cuatro mil masa wejẽnequina pehere masa marienopũ neari jiri. ¿Tiquiro ijierajari mũhũ? niahye surara pũhtoro Pablore.

<sup>39</sup> Tiquiro sa nigũ tũhoro Pablo yũhtiahye:

—Tiquiro ijieraja yũhũ. Judio masũ ijiaja. Tarsopũ Cilicia yehrapũ ijiri macapũ masa bajuũ yũhũ. Ihyo ijiri maca cjũ ijieraja yũhũ. Yũhũ ahriquina masa mehna yahuducu duaga yũhũ, niahye Pablo tiquirore.

<sup>40</sup> Tiquiro sa nigũ tũhoro pũhtoro pehe tiquirore yahuducu dutiahye masa mehna. Sa yero Pablo mũjari escarerapũ ducuro tiquiro omocari mehna “Dihta mariahña”, niahye masare. Tiquiro sa yegũ ihñañe, dihta mari pihitia wahahye. Tiquina dihta mariahgũ ihñano, Pablo judio masa ye mehna yahuahye tiquinare.

## 22

<sup>1</sup>—Yũhũ acaye, yũhũ yerire yahutja mũsare. Yũhũ yahugũ tũhoya mũsa, niahye Pablo.

<sup>2</sup> Tiquiro sa nigũ Pablo judio masa ye mehna tiquiro yahuducugũ tũhoye masa pehe dihta mari dojoa wahahye. Sa yero Pablo tiquinare yahuahye:

<sup>3</sup>—Yũhũ judio masũta ijiaja. Tarso wame tiri macapũ, Cilicia yehrapũ ijiri macapũ masa bajuũ yũhũ. Sa ijiepegũta ahri maca Jerusalẽpũta bũcũaũ yũhũ. Sa yero yũhũre Gamalie wame tiriquiro buhee tiri. Sa yegũ yũhũ mari ñecũsũmũa mũna panopũ cjẽna dutiyere quehnoano buhei. Yojoapũre mari Pacũre mũsa yero sahata yũhũ gũhũ ño peoe timi. <sup>4</sup> Sa yegũ Jesu yequinare ñano yee tii yũhũ. Ihquẽquina tiquinare wejẽe tii yũhũ. Ñmũare, numia gũhũre ñehe, peresu yee tii yũhũ. <sup>5</sup> Pahia pũhtoro, judio masa bũcũna mehna tiquina ojoaye pũrine Jesu yequinare ñehe dutiye pũrine yũhũre ojoa basari. Mari acayere Damasco cjẽnare ti pũrine ihñogũ tũũ nimi Jesu yequinare ñehei tũhũ. Tiquinare ñehe, ne cãhta peresu yei tũũ nimi. Jerusalẽpũ tiquinare ne cãhta duami buhiri dahrei tũhũ. Ohõ saha yũhũ nigũ pahia pũhtoro, judio masa bũcũna gũhũ quehnoano masine, ni yahuahye Pablo.

*Pablo Jesu yaquiro tiquiro waha dũcarire yahuahye*

*(Hch 9.1-19; 26.12-18)*

<sup>6</sup> Sa ni tuhasa ohõ saha ni yahu nemoahye:

—Sa yero coheri pje ijigũ Damascopũ yũhũ esa quehegũ waro mũhũanopũ asi sitedoque dijiori yũhũre. <sup>7</sup> Sa wahagũ yũhũ yehrapũ bora quehe saa waharũ yũhũ. Yũhũ bora quehe sari bato yahuducuro ca tari yũhũre. “¿Saulo, dũhsegũ yũhũre ñano yeajari?” nino ca tari yũhũre. <sup>8</sup> “¿Pũhto, noa boro ijiajari mũhũ?” ni, sinituu yũhũ. “Yũhũ Jesu Nazare cjũ, mũhũ ñano yenohrigũ ijiaja yũhũ”, ni, yũhtiri yũhũre tiquiro. <sup>9</sup> Yũhũ sa wahagũ yũhũ mehna cjẽna buhriorore ihñari. Sa ihñaepeta yũhũ mehna tiquiro yahuducugũ tũhoerari tiquina. <sup>10</sup> “¿Pũhto, dũhse yegũtari yũhũ?” ni sinituu Jesure. “Wahcãdũcaya. Damascopũ wahaya. Topũ mũhũ wahagũ, mũhũre ijipihtiye yũhũ ye dutiatire apequiro yahurota mũhũre”, nidi tiquiro yũhũre. <sup>11</sup> Tutuaro tiquiro asi sitedoqueogũ, yũhũ caperi opoa waharũ yũhũ. Sa ye, yũhũ mehna cjẽna yũhũ omocare ñehe, Damascopũ tũã cãri yũhũre.

<sup>12</sup> Topũ Anania wame tiriquiro, Cohãcjũre ño peoriquiro marine Cohãcjũ dutiyere ye pehoriquiro ijiri. To cjẽna judio masa ijipihtiyequina tiquina ño peoriquiro ijiri. <sup>13</sup> Sa yero tiquiro yũhũ cahapũ wihidũca yũhũre yahuri. “Yũhũ acayũ Saulo, ihñaña pari turi tja”, nidi tiquiro. Tiquiro sa nidi bato pari turi ihñaũ yũhũ. Sa yegũ tiquirore ihñaũ yũhũ. <sup>14</sup> Yũhũ sa ihñaagũ tiquiro Anania yũhũre yahuri. “Mari Pacũ tiquiro cahmeñene quehnoano masiacjũre panopũ bese tuhasahye mũhũre. Sa yero ‘Yũhũ macũ quehnoariquirore ihña, tũhorota’, ni yahuahye mũhũre mari Pacũ panopũ. Tiquiro ijire mari ñecũsũmũa mũna tiquina ño peoriquiro. <sup>15</sup> Sa yegũ mũhũ ihñarire, mũhũ tũhorire yahugũta mũhũ ijipihtiyequinare. <sup>16</sup> Sa yena yojoapũre yoari pje ijieracũhna.

Wahcãdũcaya. Sa yegũ wame yenohrigũ ijiya. Jesure mũhũ sinigũ mũhũ ñañene cohãnota”, nidi yũhũre tiquiro, niahye Pablo tiquirore wejẽ duariquinare.

*Pablo judio masa ijieyequinare tiquiro buherire yahuahye*

<sup>17</sup> Sa ni tuhasa Pablo yahu nemoahye:

—Sa ye tuhasa yũhũ Jerusalẽpũ tojoa ta, Cohãcjũ wũhũpũ Cohãcjũre sinigũ esau.  
<sup>18</sup> Yũhũ topũ ijigũ Jesu yũhũre bajue tiri. Sa bajoaro yũhũre yahuri. “Jerusalẽ cjẽna yeere mũhũ yahugũ tũho duerare. Sa yegũ amũñano ape sierũ wahaya”, nidi Jesu yũhũre. <sup>19</sup> Tiquiro sa nigũ tũhogũ yahuu tiquirore: “Pũhto, mũhũ yequinare judio masa buheye wũhũsepũ ijieyequinare yũhũ ñehe, quẽdire masine Jerusalẽ cjẽna. <sup>20</sup> Sa yegũ mũhũre yahuriquirore Estebã pehere tiquina wejẽgũ ihñagũ ‘Quehnoano yeye wejẽne’, nimi. Tiquirore tiquina wejẽgũ tiquina suhtire cũo basau yũhũ. Ti gũhũre masine ahri maca cjẽna. Sa ye yũhũ yahugũ tũhoboaga yũhũre”, ni yahuu yũhũ Jesure. <sup>21</sup> Yũhũ sa nigũ tũhoro Jesu yũhũre yahuri: “Yoaropũ judio masa ijieyequinare buheacjũre ohoutja mũhũre. Sa yegũ wahaya mũhũ”, nidi yũhũre yũhũ pũhtoro, niahye Pablo masare.

*Surara pũhtoro Pablo mehna yahuducuahye*

<sup>22</sup> Tiquiro yahu mũhtari dihitare quehnoano tũhomahye masa. Sa tũhoepeta judio masa ijieyequina cahapũ Jesu Pablõre tiquiro ohoatire tiquiro yahugũ tũhoye tiquina saũuducu dũcahye tja:

—Ahriquiro yojopũ pũritare yariacũnahdo, ni saũuducuahye tiquina.

<sup>23</sup> Sa ye tiquina saũuducu nemo, usuaye mehna tiquina suhtire wahba sitedũca, dihta mehna doque mũoahye. <sup>24</sup> Surara pũhtoro surara ya wũhũpũ Pablõre ne sajã dutiahye tiquiro yequina surarare. Sa yero surara pũhtoro “¿Dũhse ijiro boro Pablo mehna usua ñano saũuducuye nijari masa?” ni sinitu duamahye. Pablõre tire sinituro taro, yuta dari mehna tana dutimahye tiquirore. <sup>25</sup> Sa tana dutiepegũta tiquirore tiquina dũhteri bato, tiquiro cahapũ ijiriquirore surarare yahuahye Pablo:

—Yũhũ Roma cjũ ijiaja. Sa yena “Ñano yeriquiro ijire ahriquiro”, yũhũre ni masiedare mũsa. Sa yena yuta dari mehna yũhũre tana masiedare mũsa, niahye Pablo tiquirore.

<sup>26</sup> Tiquiro sa nigũ tũhoro surara tiquiro pũhtõre yahuro wahahye:

—Ahriquiro Roma cjũno ijire. Sa yegũ quehnoano yeya tiquirore, ni yahuahye tiquiro pũhtõre.

<sup>27</sup> Tiquiro sa nidi bato surara pũhtõre pehe Pablõre sinituro wahahye:

—¿Potota mũhũ Roma cjũ ijiajari? Yahuya yũhũre tire, niahye tiquiro.

—To cjũta ijiaja yũhũ, ni yũhtiahye Pablo.

<sup>28</sup> Tiquiro sa nigũ tũhoro pũhtõre pehe tiquirore yahuahye:

—Yũhũ Roma cjũ iji duagũ niñeru pajiro wapa yei, niahye tiquiro.

—Yũhũ Roma cjã macapũ masa bajũũ. Sa yegũ Roma cjũ ijiaja yũhũ pehe, niahye Pablo.

<sup>29</sup> Tiquiro sa nigũ tũhoye tiquirore tanaboriquina wahaa wahahye. Sa yero Pablo Roma cjũno tiquiro ijigũ masino, tiquirore come dari mehna tiquina dũhterire wacũno, cue niahye pũhtõre pehe.

*Pablo judio masa pũhtõre yahuahye*

<sup>30</sup> Sa yero surara pũhtõre judio masa Pablõre tiquina yahusãrire quehnoano masi duahye. Sa masi duaro ape decopũ come darire tiquirore pã dutiri bato, pahia pũhtoare, judio masa bũcũna mehna cahmecoa dutiahye surara pũhtõre. Tiquiro sa cahmecoa dutiri bato tiquiro topũ Pablõre ne cã, tiquina ihñono duhu docoahye tiquirore.

## 23

<sup>1</sup> Sa yero Pablo judio masa bũcũnare ihña piti ca ducu, yahuahye:

—Yũhũ acaye, Cohãcjũ tiquiro ihñonopũ ijipihtiye decori quehnoano yeducuaja yũhũ, niahye Pablo.

<sup>2</sup> Tiquiro sa nigũ tũhoro ijipihtiyequina pahia bui ijiriquiro Anania pehe Pablo dũserore quẽ dutiahye. <sup>3</sup> Tiquiro cahapũ ducuyequinare quẽ dutiahye. Tiquirore tiquina quẽdi bato Pablo Ananiare tuhtiahye:

—Masa ihũono dihita quehnoano iji mehogũ ijire mũhũ. “Cohãcjũ dutiyere yũhdũdcagũ nine”, yũhũre niepeguta yũhũre quẽ dutire mũhũ. Sa quẽ dutigũ mũhũ pehe dutiyere yũhdũdcagũ niaga, niahye Pablo tiquirore.

<sup>4</sup> Tiquiro sa nigũ tũhoye Pablo cahapũ ducuyequina ohõ saha niahye tiquirore:

—Cohãcjũ tiquiro beseriquiro pahia pũhtorore ñano yahuducueracãhña mũhũ, niahye tiquina Pablore.

<sup>5</sup> Tiquina sa nigũ tũhoro Pablo ni nemoahye tja:

—Yũhũ acaye, tiquiro pahia pũhtoro ijiyere masiedũ yũhũ. Sa yegũ sa ni maca cãhti yũhũ. Cohãcjũ yere tiquina ojoari ohõ saha ni yahure tiquirore: “Mũhũ ya maca cjẽna pũhtorore ñano ni, yahuducueracãhña”, ni ojoahye, niahye Pablo tiquinare “Boya”, nino.

<sup>6</sup> Sa ye topũ pũa curua cjẽna ijiahye. Ihcã curua saduceo masa ijiahye. Ape curua pehe fariseo masa ijiahye. Pũa curua tiquina ijigũ masino, Pablo judio masa bũcũnare tutuaro saũuducu yahuahye:

—Yũhũ acaye, yũhũ fariseo masũ ijiaja. Fariseo masũno macũta ijiaja yũhũ gũhũ. “Yariariquina masa mũjaeta”, yũhũ sa nidi buhiri yũhũre ñano ye duare mũsa, niahye Pablo.

<sup>7</sup> Tiquiro sa nigũ tũhoye fariseo masa, saduceo masa tiquina basi cahme tuhtiahye. Sa ye tiquina basi pũa curua tu wahye. <sup>8</sup> Saduceo masa ohõ saha niñequina ijiahye: “Yariariquina masa mũjasi. Espiritua, angele gũhũ ne mariedare”, niñequina ijiahye. Sa ye fariseo masa pehe tiquina yero saha niedahye. Sa ye Pablo “Yariariquina masa mũjaeta”, tiquiro nigũ tiquina basi cahme tuhtiahye. <sup>9</sup> Sa cahme tuhtiye, tutuaro saũuducuahye. Sa ye fariseo masa mehna cjẽna judio masa buheyequina wahcãdũca, tuhti, yahuahye:

—Ahriquiro Pablo ñano yerari. Sa yero espĩritu o angel, poto tiquiro mehna yahuducuriquiro ijiboaga, niahye tiquina.

<sup>10</sup> Tiquina sa nidi bato tiquina ijipihtiyequina cahme tuhti, tutuaro usuahye. Pablore tiquina wejẽ duagũ ihũano cuesãhye surara pũhtoro pehe. Sa yero Pablore tiquiro ya wũhũpũ ne cã dutiro, tiquiro masa watoapũ surarare ohoahye.

<sup>11</sup> Ape ñami Jesu mari pũhtoro Pablo cahapũ ducuro, yahuahye tiquirore:

—Cueracãhña. Yojoꝛũre ohõre Jerusalẽpũ yee buheyere yahuri mũhũ. Sa yegũ Romapũ gũhũre ohõ sahata yei wahaya, niahye mari pũhtoro Jesu Pablore.

#### *Judio masa Pablore wejẽ duamahye*

<sup>12-13</sup> Ape decopũ ñami cjũno ijigũ judio masa cahmecoahye.

—Ohõ saha yeihna. Pablore wejẽihna. Tiquirore mari wejẽato pano sihniedacũhna. Ihyeracũhna. Tiquirore wejẽdana ujuã mehna yariũhna. Sa yero Cohãcjũ mari pehere wejẽahdo, niahye tiquina.

Tiquina cuarenta bui cjũno judio masa ijiahye. <sup>14</sup> Tiquina sa nidi bato tiquina pahia pũhtoare, bũcũna gũhũre yahuye wahahye:

—Pablore usã wejẽato pano ihyayere usã ihyeraja. <sup>15</sup> Sa yena mũsa, bũcũna mehna ohõ saha ni pijioya. “Pablore pari turi sinitu duaja”, niña surara pũhtorore. Mũsa sa nidi bato surara pũhtorore ne cãhta dutiya Pablore. Sa yena Pablo ohõ cahagã tiquiro wihigũ waro tiquirore wejẽnatja usã, niahye tiquina pahia pũhtoare.

<sup>16</sup> Sa ye Pablo pacjũno tiquina sa ni yahuducugũ tũhoahye. Tiquina sa nigũ tũhoro waha, surara ya wũhũpũ Pablore yahuro sajãhye. <sup>17</sup> Tiquiro sa yahuri bato Pablo pehe ihcãquiro surarare pijio yahuahye tiquirore:

—Ahriquiro wahmũnore pũhtoro cahapũ neahña. Ahriquiro mũhũ pũhtorore yahu duaro nine, niahye Pablo.

<sup>18</sup> Tiquiro sa nigũ tũhoro surara pehe Pablo pacjũnore tiquiro pũhtoro caharũ ne sa, yahuahye:

—Peresupũ ijiriquiro Pablo pehe yũhũre pijio, ahriquiro wahmũnore mũhũ caharũ ne cã dutiri. Ahriquiro mũhũre yahuro taro niũohti, niahye surara tiquiro pũhtoro.

<sup>19</sup> Tiquiro sa nigũ tũhoro pũhtoro pehe wahmũno omocare ñehe tuã cã, masa marienopũ tiquirore sinituahye:

—¿Dũhse nigũ tũu niari mũhũ yũhũre? niahye tiquiro Pablo pacjũnore.

<sup>20</sup> Tiquiro sa sinitugũ tũhoro ohõ saha ni yahuahye:

—Judio masa ihcãno mehna “Ohõ saha yeihna”, ni, ñamiarũ judio masa bũcũna caharũ mũhũre Pablone nea dutieta. “Bũcũna Pablone pari turi sinitu duare”, ni mehoeta. <sup>21</sup> Sa niepegũta cuarenta bui cjũno masa tiquirore wejẽ duayequina duhti, cohte duare. Tiquina tiquirore wejẽato pano ihyayere ihyasi. Sa ye sihnisi. “Tiquirore mari wejẽdagũ Cohãcjũ marine wejẽahdo”, nidi tiquina basi. Sa ye yojopũre mũhũre Pablone ne cãhta dutiye tiquina pehe duhti, cohte tuhasari, Pablone wejẽñe tehe. Sa yegũ tiquina yahuye wihigũ tiquinare yũhtieracãhña mũhũ, ni yahuahye wahmũno surara pũhtoro.

<sup>22</sup> Tiquiro sa nigũ tũhoro surara pũhtoro ohõ saha niahye:

—Yũhũre mũhũ yahurire apeqũnare yahueracãhña, ni yahuahye wahmũnore.

Sa ni tuhasa wahmũnore “Waharĩsa”, niahye tiquiro.

*Pablone pũhtoro Feli wame tiri quiro caharũ ohoahye*

<sup>23</sup> Sa yero surara pũhtoro pũaro tiquiro yequina cien surara pũhtoare piji cã, tiquinare dutiahye:

—Dos cientos surarare, setenta caballoa bui pesayequinare, dos cientos doqueye cjũ cũoyequina mehna Cesarearũ wahatiquinare tiquina yere quehno dutina wahaya. Sa yena mũsa mia ñami nueve ijigũ mũsa wahatore cohteya. <sup>24</sup> Sa yena Pablone caballoare tiquiro pesatiquinare quehno basaya. Pũhtoro Feli caharũ, Cesarearũ, quehnoano soya tiquirore, niahye surara pũhtoro.

<sup>25</sup> Sa ni tuhasa papera ojoahye. Ohõ saha ni ojoahye tiquiro: <sup>26</sup> “Yũhũ Claudio Lisia mũhũre tutuagũ pũhto Felire quehnoa dutiaja. <sup>27</sup> Judio masa ahriquiro Pablone ñehe, wejẽmedi. Sa yegũ Roma cjũno tiquiro ijigũ masigũ, yequina surara mehna tiquirore yedohou esau. <sup>28</sup> Sa yegũ tiquirore tiquina yahusãrire masi duagũ judio masa bũcũna caharũ ne sau tiquirore. <sup>29</sup> Sa yegũ tiquiro judio masa ye dutiye dihitarẽ tiquiro yũhdũdũcagũ mari ye dutiyere tiquiro yũhdũdũcaeragũ ihũagũ, tiquirore peresupũ cũ duerũ. Yabe buhiri yariaro mariedare tiquirore. <sup>30</sup> Sa yero judio masa tiquirore wejẽ dua, tiquina bũca quehegũ ihũano apeqũro yahuri yũhũre. Tiquiro sa yahuri bato Pablone yojopũre mũhũ caharũ ohogũ niaja. Sa yegũ tiquirore yahusãriquinare tiquiro ñaũe yerire mũhũre yahu duti tuhasau yũhũ”, ni, ojoahye surara pũhtoro.

<sup>31</sup> Sa ye surara tiquina pũhtoro tiquiro dutiriro sahata yeahye. Ti ñamine Antipatri wame tiri macarũ Pablone ne sahye. <sup>32</sup> Ape decorũ apeqũna surara caballoa bui pesaerariquina ti macarũ tojoa tahye tiquina ya macarũ. Apeqũna surara caballoa bui pesayequina dihita tiquirore ne yũhdũ cãhye. <sup>33</sup> Tee Cesarearũ ne sahye Pablone. Sa ye surara pũhtoro tiquiro ohori pũre pũhtoro Felire wiahye. Sa ye Pablone ne sahye pũhtoro caharũ. <sup>34</sup> Tiquina sa wiari bato pũhtoro ti pũre tiquiro ihũari bato apeqũnare sinituahye:

—¿Di yehpa cjũno ijiajari ahriquiro Pablo? ni sinituahye tiquiro.

—Cilicia yehpa cjũno ijire, ni yahuahye tiquirore.

<sup>35</sup> Tiquinare sinitu tuhasa, Feli Pablone yahuahye:

—Mũhũre yahusãriquina ohõre tiquina wihigũ mũhũ yahugũ tũhoutja, niahye Feli Pablone.

Tiquiro sa nidi bato Herode ya wũhũrũ tiquirore cũahye. Sa yero tiquiro yequina surarare Pablone cohte dutiahye pũhtoro.

## 24

*Pablo “Ñano yeru yuhũ”, ni yahuahye Felire*

<sup>1</sup> Ihcã omope decori bato, Anania pahia pũhtoro, apequina judio masa bucuna, dutiyere mihnidiquiro Tertulo wame tiriquireo mehna Cesarearu esahye. Sa ye tiquina Pablora yahusã duaye pũhtoro Feli caharu esahye. <sup>2</sup> Sa yero Pablora topure tiquina ne sari bato Tertulo tiquireore yahusã dũcahye. Sa yahusã dũcaro ohõ saha ni yahusãhye Felire:

—Mũhu quehnoano masigu, usã pũhto mũhu quehnoano dutigũ usã ahri yehpa cjãna quehnoano iji cjã usã cahmequeno marieno. Mũhu dutiye mehna quehnoañe pehere comesaro nine ahri yehpa. <sup>3</sup> Sa yena usã quehnoano iji cãna bucueaja. Sa yena mũhu mehna quehnoano bucueaja. <sup>4</sup> Yojopure mehenogã mũhure cariboutja yuhũ. Mehenogã mũhu mehna yahuducu duaja. Usãre tũhodoqueorĩña mũhu. <sup>5</sup> Ahriquireo usãre caribo yũhdũare. Ijipihtiye yehpari cjẽnare judio masare tiquina usua saũducugũ yere ahriquireo. Sa yero masa tiquina basi cahme tuhtigũ yere ahriquireo. “Pũhtoare cohãhna”, niñequina mehna cjũno ijire ahriquireo. Sa yero nazareno wame tiri curua pũhtoro ijire. <sup>6</sup> Sa yero Cohãcjũ wũhure ñano tiquireo ye duagũ ihñana usã ñehẽi ahriquireore. [Usã ñehedi bato usã ye dutiyere tiquireo yũhdũdũcariquiro ijigũ tiquireore buhiri dahre duami usã. <sup>7</sup> Usã sa ye duepegũta surara pũhtoro Lisia wame tiriquireo tiquireore usãre tutuaro mehna ehma cãri. <sup>8</sup> Came tiquireore yahusãriquinare mũhu caharu waha dutiri Lisia. Tiquireo sa nigũ tũhona ahtau usã.] Mũhu pũrita ahriquireore sinitugũ, ijipihtiyere tiquireo ye buhirire masiguta mũhu, niahye Tertulo Felire.

<sup>9</sup> Tiquireo sa nidi bato apequina judio masa “Tertulo tiquireo nidiro sahata poto ijire”, niahye tiquina gũhu. <sup>10</sup> Tiquina sa ni yahusãri bato pũhtoro Feli Pablora yahu dutiahye. Ohõ saha ni yahuahye Pablo:

—Peye cũhmarĩ ahri yehpa cjẽnare mũhu dutirire masiaja yuhũ. Sa yegu yuhũ yerire mũhure yahugũ bucueaja. <sup>11</sup> Doce decorita wahare Jerusalẽru Cohãcjũre yuhũ ño peori bato. Mũhu ahri poto ijigũ masi duagu apequinare sinituya. <sup>12</sup> Judio masa wũhure Cohãcjũ wũhũpũre boca tiquina ñehẽgũ masare ni saũducugũ niedũ. Sa yegu “Musa pũhtoare cohãña”, nigũ niedũ. Sa yegu judio masa buheye wũhũsere, tiquina ya maca gũhure ne ñano yera tii. <sup>13</sup> Sa ye wũhure yahusãriquina pehe tiquina yahusãrire “Ohõ saha yeri ahriquireo”, ni, yahu masiedare mũhure. <sup>14</sup> Yojopũ yuhũ yerire yahutja mũhure. Duita usã ñecũsumũna tiquina ño peoriquireore mari Pacũre ño peoaja yuhũ gũhu. Sa yegu tiquireo yere yeaja Jesu ye quehnoañe buheye nidiro sahata. “Jesu ye ni mehoñe ijire”, ni yahuducure ahriquina judio masa. Tiquina sa niepegũta Cohãcjũ dutiye, Moisepũre tiquireo cũrĩre ti gũhure ño peoaja yuhũ. Sa yegu Cohãcjũ yere yahu mũhtariquina tiquina ojoari gũhure ño peoaja yuhũ. <sup>15</sup> Ahriquina apequina judio masa tiquina tũhoturo sahata Cohãcjũ ijipihtiyequina masare yariariquinare quehnoañequina, ñañequina mehna tiquina masa mũjagũ yerota. Yuhũ gũhu sata ni tũhotuaja. <sup>16</sup> Sa yegu buhiri mariedaja yuhũ. Cohãcjũ tire masine. Sa ye masa gũhu tire masine. Sa ye potota yahuaja yuhũ mũhure. Sa yegu quehnoano tũhotuaja.

<sup>17-18</sup> Peye cũhmarine ape siepũ tinidigu ijigu Jerusalẽne tojoa wihi, yuhũ acayere judio masa pejecũoyequinare niñerure ohogu tũu nii yuhũ. Tojoa wihi Cohãcjũre ño peogu tũu, tiquireo ya wũhũpũ sajãmi. Sa yegu Cohãcjũ tiquireo cose dutiro sahata yuhũ basi yuhũ ñañene coseri bato wahiquirore oho duami tiquireore ño peogu tũhu. Topũ yuhũ ijigũ ahriquina judio masa wũhure bocari. Tiquina bocagũ apequina yuhũ mehna mariedari. Usua, saũducuyequina mariedari. <sup>19</sup> Sa ye apequina judio masa Asia yehpa cjẽna topũ ijiri. Tiquina yuhũ ñano yegũ ihñariquina ijiye, yahusãñe ahtaahro. <sup>20</sup> Ahriquina ohõpũre ijieyequina pehe judio masa bucuna mehna yuhũ ijigũ ihñariquina yuhũ ñano yerire masiñe, tiquina gũhu yahusãahdo. <sup>21</sup> Ihcãnogã pũritare wũhure tiquina yahusã masine: Ti pje tiquina mehna ijigu ohõ saha ni tutuaro saũducuu yuhũ. “Yariariquina masa mũjaeta’, yuhũ nidi buhiri, buhiri dahrere mũsa”, nii tiquinare, ni yahuahye Pablo Felire.



<sup>22</sup> Tiquiro sa ni yahuri bato Feli ohō saha ni yahuahye Pablöre:

—Yojoꝛꝛꝛ to puno tjire. Surara ꝑꝛꝛhtoro Lisia tiquiro wihiri bato mꝛꝛhꝛꝛe yꝛꝛhꝛꝛ yeatore masiitja yꝛꝛhꝛꝛ, niahye Feli Pablöre.

Feli pehe Jesu yequina tiquina yerire quehnoano masi pehoriquiro ijiahye.

<sup>23</sup> Sa ni tuhasa, Pablöre cohteriquiro surarare Feli quehnoano ihña nꝛꝛnꝛꝛ dutiahye “Peresupꝛꝛ ijiriquiro duhtiari”, nino. Sa ijieperota mehenogã ohori tiquiro tiniatore. Pablo mehna cjēnare tiquirore peresupꝛꝛ ijiriquirore yedoho dutiro sa dutiahye Feli.

<sup>24</sup> Meheñe decorigã bato Feli, tiquiro namono Drusila wame tiricoro mehna ahta, Pablöre pijiahye. Feli namono pehe judio masono ijiahye. Pablöre tiquina pijiri bato, Jesucristore tiquiro wacū tutuayere Pablo pehe yahuahye tiquinare. <sup>25</sup> Sa yahuro quehnoañene, quehnoano wacū masiñene, ñañene cahmedare, pihtiri deco ijigũ Cohãcjũ masare tiquiro buhiri dahreatore yahuahye Pablo. Tiquiro sa ni yahugũ tũhoro Feli cuero, Pablöre yahuahye:

—Yojoꝛꝛꝛꝛe wahaꝛiꝛsa. Came yꝛꝛhꝛꝛe dahraye mariedagũ mꝛꝛhꝛꝛe pijiiitja tja, niahye Pablöre.

<sup>26</sup> Sa nino Pablo tiquiro niñeru ohogũ cahmemahye Feli. Sa yero tiquiro niñerure cahmeno, peye tahari Pablöre piji, tiquiro mehna yahuducue timahye Feli. Niñerure tiquiro wapa yegũ Pablöre wioboaga, ape taha yero. <sup>27</sup> ꝑꝛꝛa cꝛꝛhꝛꝛa bato Porcio Festo wame tiriquire Feli comesariquire ijiahye. Sa ijiepegũta Feli pehe ꝑꝛꝛhtoro ijiro, judio masare bucuegũ ye duahye. Sa yero tiquiro Pablöre peresupꝛꝛ iji dutiniahye.

## 25

### *Pablo Festore tiquiro yerire yahuahye*

<sup>1</sup> Sa ye Festo ti yehꝑꝛꝛꝛ ihtia deco tiquiro ijiri bato, Cesareꝑꝛꝛ ijiriquiro waha, Jerusalēꝑꝛꝛ esahye. <sup>2</sup> Topꝛꝛ tiquiro ijigũ pahia ꝑꝛꝛhtoa, judio masa ꝑꝛꝛhtoa mehna Pablöre tiquina yahusãrire yahuahye Festore. <sup>3</sup> Pablo mahꝑꝛꝛ wahagũ tiquirore buca quehe, wejē duaye nimahye tiquina. Sa ye tiquina Festore tutuaro sinimahye:

—Pablöre Jerusalēꝑꝛꝛ ohoya, ni, sinimahye tiquina Festore.

<sup>4</sup> Tiquina sa nigũ tũhoro, Festo yahuahye tiquinare:

—Yojoꝛꝛꝛꝛe Pablo Cesareꝑꝛꝛ peresu ijire. Yojoꝛꝛꝛꝛe yꝛꝛhꝛꝛ topꝛꝛ wahaꝛꝛ tũta niaja.

<sup>5</sup> Pablo tiquiro ñano yeriquiro ijigũ, mꝛꝛsa ꝑꝛꝛhtoa Cesareꝑꝛꝛ yꝛꝛhꝛꝛ mehna waha, tiquirore yahusãahdo, niahye Festo.

<sup>6</sup> Sa yero Festo ocho o diez decori tiquina mehna tiquiro ijiri bato Cesareꝑꝛꝛ tojoaa wahahye. Ape decopꝛꝛ tiquiro buhiri dahre dutiri wꝛꝛhꝛꝛꝛꝛ dujiro, Pablöre ne cãhta dutiahye.

<sup>7</sup> Sa ye Pablo Festo cahꝑꝛꝛ tiquiro wihigũ, judio masa Jerusalēꝑꝛꝛ ahtariquina pehe Pablo cahꝑꝛꝛ ducu, tiquirore tutuaro mehna yahusã dꝛꝛcahye. Sa yahusãepeta “Ahriquire tiquiro ñano yegũ ihñaꝛ”, ni, masiedahye. <sup>8</sup> Tiquina sa ni yahusãri bato Pablo tiquiro yerire yahuahye:

—Judio masa tiquina dutiyere, Cohãcjũ wꝛꝛhꝛꝛ cjē dutiyere, Roma cjãno ꝑꝛꝛhtoro tiquiro dutiyere yꝛꝛhdꝛꝛdꝛꝛcaerꝛ, niahye Pablo.

<sup>9</sup> Festo pehe judio masare bucuegũ ye duaro, Pablöre sinituahye:

—¿Jerusalēꝑꝛꝛ waha duajari mꝛꝛhꝛꝛ? Mꝛꝛhꝛꝛ yerire yꝛꝛhꝛꝛe topꝛꝛ yahuta mꝛꝛhꝛꝛ, niahye Festo Pablöre.

<sup>10</sup> Tiquiro sa nigũ tũhoro Pablo yahuahye:

—Ijipihtiyequina ꝑꝛꝛhtoro tiquiro ya wꝛꝛhꝛꝛꝛꝛ buhiri dahre dutiri wꝛꝛhꝛꝛꝛꝛ ijiaja yojoꝛꝛꝛꝛe. Ahri wꝛꝛhꝛꝛ boropꝛꝛ yꝛꝛhꝛꝛ yerire tũhoya. Judio masare yꝛꝛhꝛꝛ ñano yerarire quehnoano masine mꝛꝛhꝛꝛ. <sup>11</sup> Dutiyere yꝛꝛhdꝛꝛdꝛꝛcarigꝛꝛ ijigꝛꝛ “Yꝛꝛhꝛꝛe wejēdacãhña”, niedaboaya yꝛꝛhꝛꝛ. Sa yegũ ahriquina yahusãri pehe ni mehoñe ijigũ yꝛꝛhꝛꝛe yahusãriquinare yꝛꝛhꝛꝛe oho masiedare mꝛꝛhꝛꝛ. Yꝛꝛhꝛꝛ yerire ijipihtiyequina ꝑꝛꝛhtoro Cēsare yahu duaja, niahye Pablo.

<sup>12</sup> Tiquiro sa nigũ tũhoro Festo pehe quehnoano masi yahuyequinare sinitu tuhasa, yahuahye Pablöre:

—Mũhũ ijipihtiequina pũhtorore mũhũ yerire mũhũ yahu duagũ tiquiro cahapũ ohonatja mũhũre, niahye Festo Pablöre.

*Festo pũhtoro Agripare Pablo tiquiro ijiye tiyere yahuahye*

<sup>13</sup> Camerũ pũhtoro Agripa, Berenice wame tiricoro mehna Cesareapũ Festore ihñañe esahye.

—¿Ne, ijiajari mũhũ? niahye tiquina Festore piti caye.

<sup>14</sup> Topũ peye decori tiquina ijiri bato Festo yahuahye Agripare Pablo tiquiro ijiye tiyere: —Ohõre Feli tiquiro peresu yeriquiro ijire. <sup>15</sup> Sa ye Jerusalẽpũ yũhũ wahagũ judio masa tiquina pahia pũhtoa, tiquina bucũna mehna ahriquiore yahusãri. “Tiquiro ye buhirire wejẽña tiquirore”, ni, sinidi tiquina yũhũre. <sup>16</sup> Tiquina sa ni sinigũ tũhogũ yũhũ tiquinare ohõ saha ni yahuu. “Roma cjẽna pehe peresu tiquina yeriquinare masare ohoerare. Sa yegũ tiquirore ohoeraja mũsare. Uũã ñehediquirore tiquirore yahusãriquinare tiquiro ihñato pano tiquirore buhiri dahre masiedaja uũã. Tiquiro basi tiquiro yerire tiquiro yahueragũ tiquirore buhiri dahre masiedaja uũã”, nii tiquinare. <sup>17</sup> Sa yegũ ohõre tiquina wihigũ ihñagũ yoari pje yerũ yũhũ. Sa yegũ ape decopũ buhiri dahre dutiri wũhũpũ dujigũ, tiquina yahusãriquiore pijii. <sup>18</sup> Sa ye ti wũhũpũ tiquiro wihigũ ihñañe tiquirore ihña tuhtiequina wahcãdũcari. Tiquina sa wahcãdũcagũ ihñagũ “Ña yũhdũaro ni yahusãeta”, ni, tũhotumi yũhũ tiquinare. Tiquirore yahusã duepeta yahusã masiedari tiquina. <sup>19</sup> Sa ye ahriquiore Cohãcjũ yere tiquiro yahuri buhiri judio masa tiquirore tuhtiri. Jesu wame tiriquire tiquiro yaria masa mũjarire tiquiro yahuri buhiri yahusãri ahriquiore. Ahri dihitare yahusãri. <sup>20</sup> Tire masiedagũ tiquirore quehnoano sinituu. “¿Jerusalẽpũ waha duajari mũhũ yũhũ mehna? Topũ yahuya mũhũ yerire yũhũre”, nimi tiquirore. <sup>21</sup> Yũhũ sa niepegũta tiquiro waha duerari. “Yũhũ yerire ijipihtiequina pũhtorore yahu duaja”, nidi tiquiro yũhũre. Tiquiro sa nidi bato ohõpũta tiquirore cohte dutii, ijipihtiequina pũhtoro cahapũ tiquirore yũhũ ohoato pano, niahye Festo Agripare.

<sup>22</sup> —Yũhũ basi tũho duaja tiquirore, niahye Agripa Festore.

—Ñamiapũ tiquirore tũhoya mũhũ, ni yahuahye Festo.

<sup>23</sup> Ape decopũ Agripa, Berenice mehna tiquina buhiri dahre dutiri wũhũpũ esa, “Pũhtoa ijiaja uũã”, niñe cua pesaro ye ihñoahye tiquina, surara pũhtoa, ti maca cjẽna pũhtoa mehna. Sata ye sajãhye ti wũhũpũ. Tiquina sajã sari bato Pablöre pijiahye Festo.

<sup>24</sup> Sa yero Festo ohõ saha ni yahuahye:

—Pũhto Agripa, mũsa ijipihina ahri wũhũre cahmecoana, tũhoya. Ohõre ahriquiore peyequina judio masa tiquina yahusãriquiore ijire. Jerusalẽpũ, Cesareapũ gũhũre tiquina tiquirore yahusãri. “Tiquirore wejẽña”, sa niducuye nine tiquina. <sup>25</sup> Tiquina sa niepegũta ohõ saha tũhotuaja yũhũ. Ahriquiore ne ñano yeriquiro ijierare. ¿Yabe buhiri wejẽboagari mari tiquirore? Sa yegũ ijipihtiequina pũhtorore César Augustore ahriquiore yerire tiquiro yahu duagũ ijipihtiequina pũhtoro cahapũ ohogũtja tiquirore. <sup>26-27</sup> Sa yegũ ahriquiore yerire tũho, quehnoano masiedarĩaja yũhũ. Sa masiedagũ mari pũhtorore yahu ojoa masiedaja. Sa yegũ mũsare tiquiro yahugũ tũho dutigũ niaja yojopũre. Pũhto Agripa, yojopũ pũritare ahriquiore ijire mũhũ sinituatiquire. Mũhũ sinitu tuhasa, mari masidi bato ahriquiore tiquina yahusãri quehnoano yahu ojoaũtja. Ahriquiore ñano yerire yũhũ masiedapegũta mari pũhtoro cahapũ tiquirore yũhũ ohogũ quehnoaedare. Sa yegũ yojopũre tiquina yahusãri quehnoano masi duagũ niaja, niahye Festo tiquinare.

*Pablo Agripare tiquiro yerire yahuahye*

<sup>1</sup> Tiquiro sa nidi bato Agripa Pablöre yahuahye:

—Mũhũ basita yahuya, niahye tiquiro Pablore.

Tiquiro sa nidi bato Pablo pehe, “Dihta mariahña”, nino tiquiro omocarine siõ mũo, tiquiro yerire yahuahye:

<sup>2</sup>—Pũhto Agripa, yũhũre judio masa tiquina yahusãrĩre, yũhũ yerire mũhũre yahugũ, yojopũre quehnoano jeripohna tiaja. <sup>3</sup> Mũhũ judio masa usã yee tiyere, usã buheye gũhũre mũhũ quehnoano masigũ pũritare bucueaja yũhũ. Sa yegũ mũhũ yũhũre quehnoano tũhoya, ni dũcahye Pablo.

*Pablo Jesu yaquiro tiquiro ijiato pano tiquiro ijie tirire yahuahye*

<sup>4</sup> Sa ni tuhasaro ohõ saha ni nemoahye tiquiro:

—Wahmũ yũhũ ijie tirire ijipihtiyequina judio masa masine. Ijipihtiyeye decori yũhũ masa bajuari bato yũhũ ya dihtapũre, Jerusalẽpũ gũhũre yũhũ ijirire masine tiquina. <sup>5</sup> Coã waropũre fariseo masũ ijimi. Sa yegũ fariseo masa tiquina dutiyere, tiquina yeye borore ye pehogũ yũhũ ijigũ tiquina masine. Tiquina mũhũre yahu duaye, tire yahu masine tiquina. <sup>6</sup> Ahri buhirita yũhũre yahusã mũjare. Usã ñecusũmũa iji turiayequinare “Yariariquinare masoutja”, Cohãcjũ tiquiro ni cũrĩre “Poto tjire”, yũhũ nidi buhiri ahriquina yũhũre yahusã mũjare. <sup>7</sup> Yũhũ acaye judio masa ijipihtiyequina doce cururi cjẽna Cohãcjũ masare tiquiro masoatire bucue, cohteducure. Sa ye Cohãcjũre ño peoducure. Sa cohteducuyequina ijiye usã yero saha yere tiquina. Pũhto Agripa, sa ihcãno saha yena usã ijiepegũta tiquina pehe tiquiro masoatire yũhũ cohteri buhiri yũhũre yahusã mũjare judio masa. <sup>8</sup> ¿Mũsa judio masa pehe dũhse yena Cohãcjũ tiquiro masorire tiquina yahugũ tũho duerajari mũsa, judio masa? ni yahuahye Pablo.

*Pablo Jesu yequinare tiquiro ñano yee tirire yahuahye Agripare*

<sup>9</sup> Sa ni tuhasa ohõ saha ni yahu nemoahye:

—Jesure Nazare cjũnore ihñedarĩgũ, ñañe dihitare ye duami tiquiro yequinare. <sup>10</sup> Sa yegũ Jerusalẽpũ sa yee timi yũhũ. Pahia pũhtoa yũhũre tiquina dutiri bato peyequinare Jesu yequinare peresu yee tii. Sa yegũ pũhtoa tiquinare wejẽ dutigũ, wejẽ dutii yũhũ gũhũ. <sup>11</sup> Peye tahari ijipihtiyeye judio masa buheye wũhũsepũ Jesu yequinare ñano ye dutie tirũ. Sa yegũ Jesu yequina Jesure tiquina cohãgũ ye duagũ nimi. Tiquina mehna tutuaro usuau yũhũ. Sa yegũ apeye macaripũ gũhũre tiquinare ñano yegũ esae tii yũhũ, ni yahuahye Pablo.

*Pablo Jesu yaquiro tiquiro waharire yahuahye*

*(Hch 9.1-19; 22.6-16)*

<sup>12</sup> Sa ni tuhasa ohõ saha ni yahu nemoahye:

—Damascopũ Jesu yequinare ñano ye duagũ esami. Tiquinare ñano yũhũ ye duagũ ihñañe pahia pũhtoa yũhũre waha dutiri. <sup>13</sup> Ohõ saha ijiri pũhto Agripa: Coheri pje ijigũ waro mahapũ yũhũ wahagũ uhmũano cjẽ asi siteye, asũ deco cjũno yũhdũoro, yũhũre yũhũ mehna wahayequina gũhũre asi siteri. <sup>14</sup> Usã ijipihtina yehpapũ bora quehe sa, judio masa ye mehna yũhũre tiquiro yahuducugũ tũhou. “¿Saulo, dũhse yegũ mũhũ yũhũre ñano yeajari? Mũhũ yũhũ mehna usuagu yũhũre yũhtieragu, mũhũ basi ñano yũhdũre”, nidi yũhũre. <sup>15</sup> “¿Pũhto, noa boro ijiajari mũhũ?” ni, sinituu yũhũ. “Yũhũ Jesu, mũhũ ñano yenohrigũ ijiaja. <sup>16</sup> Wahcãdũcaya mũhũ. Mũhũre yũhũ cahacjũ ijiajũ yegũ tagũ, yojopũ bajuaja yũhũ. Miare yũhũre mũhũ ihñarire, came mũhũre yũhũ ihñoati gũhũre apequinare yahugũta mũhũ. <sup>17</sup> Judio masare, judio masa ijieyequinare gũhũre mũhũre buhe dutigũ ohogũtja. Tiquina cahapũ mũhũ ijigũ, mũhũre tiquina ihña tuhtigũ mũhũre yedohogũtja. <sup>18</sup> Yeere tiquinare masigũ yeya mũhũ. Sa yegũ tiquinare ñañene duhugũ yeya. Quehnoañe pehere comesagũ yeya tiquinare. Watĩnore cahmedagũ yeya mũhũ. Sa yegũ Cohãcjũ ye pehere yegũ yeya mũhũ tiquinare. Mũhũ sa yegũ tiquina yũhũre wacũ tutuaeta. Tiquina sa wacũ tutuagũ ihñagu tiquina ñañe yerire boutja. Sa ye tiquina Cohãcjũ tiquiro beseriquina mehna cjẽna ijieta. Tiquiro ohoatire cũoatiquina ijieta tiquina”, nidi Jesu yũhũre, ni yahuahye Pablo.

*Pablo tiqairo yerire tiqairo dahrayere yahuahye*

<sup>19</sup> Sa ni tuhasa ohō saha ni yahu nemoahye:

—Pūhto Agripa, ũhmuano cjē yūhū tūhoyere yūhdūdaera. <sup>20</sup> Damascopū buhe mūhtaū. Came Jerusalēpū buhei tja. Came Judea yehrapū, judio masa ijieyequina cahapū gūhūre masare tiquina ñañe yerire bujua witi dutii, Cohācjū yere cahme dutigū. “Quehnoañene mūsa yegū ihñañe ñañene mūsa bujua witiire apequina masieta”, nigū, tiquinare quehnoañene ye dutigū buhei. <sup>21</sup> Cohācjū ya wūhūpū yūhū ijigū yūhū sa ni yahuri buhiri judio masa yūhūre ñehe, wejē duamedi. <sup>22</sup> Tiquina sa yepegūta decoripe Cohācjū tiqairo yedohoro mehna sa buheducaja. Sa yegū yojopūre mūsa ijipihtina pūhtoare, ihyo ijina gūhūre tiqairo yere yahugū niaja. Panopū cjēna Cohācjū yere yahu mūhtariquina, Moise mehna tiquina yahuyuriro sahata yahuaja yūhū gūhū. Ohō saha ni yahuyuahye tiquina. <sup>23</sup> “Cristo Cohācjū ohoriquiro pehe ñano yūhdūrota. Sa yero yariaro masa mūja mūhtariquiro waharota tiqairo. Sa yero masare tiqairo yūhdūoatire judio masare, judio masa ijieyequina gūhūre masigū yerota”, ni yahuyū ojoae tiahye panopū cjēna. Yūhū gūhū tiquina yero sahata yahuaja, ni yahuahye Pablo Agripare.

*Pablo Agripare Jesu yaquiro wahagū ye duamahye*

<sup>24</sup> Tiqairo sa ni yahuri bato Festo tiqairore tutuaro sañuducu yahuducuahye:

—Pablo, mūhū tūho masiegū ijire. Mūhū peye buhegū cohto tia wahare, ni sañuducuahye tiqairo Pablore.

<sup>25</sup> Tiqairo sa nigū tūhoro Pablo yūhtiahye Festore:

—Pūhto, tūho masiegū ijieraja yūhū. Yūhū yahuyē ijirota ijire. Sa yegū yūhū ahrire cua pesaro mehna quehnoano niaja. <sup>26</sup> Pūhtoro Agripa pehe ahri yūhū yahurire quehnoano masine. Sa yegū yūhū tiqairore cuero marieno yahuaja. Ahri yahuyere ijipihtiequina masa masine. Sa yegū ijipihtie ahrire yūhū nidire pūhtoro Agripa tiqairo masigū masiaja yūhū, niahye Pablo Festore.

Sa ni tuhasa ohō saha niahye Agripare:

<sup>27</sup> —Pūhto Agripa, Cohācjū yere yahu mūhtariquina tiquina yahue tirire tūhore mūhū. Tiquina yahue tirire mūhū tūhogū masiaja yūhū, niahye Pablo Agripare.

<sup>28</sup> —¿Ahrire yūhūre yahugū mehenogā mūhū yahuyē mehna Jesu yaquiro yūhū wahagū ye duagū nijari mūhū? niahye Agripa Pablore.

Tiqairo sa nigū Pablo yūhtiahye:

<sup>29</sup> —Mehenogā yahuducugū o yoari pje yahuducugū mūsa ijipihtinare “Yūhū ijiro sahata Jesu yequina ijiahro”, ni sini basaja Cohācjūre. Sa sinipegūta yūhū yero saha peresupū mūsa ijigū cahmedaja yūhū, niahye Pablo Agripare.

<sup>30-31</sup> Tiqairo sa nidi bato Agripa, Festo, Berenice ijipihtiequina apequina mehna wahcādūca, wijia, tiquina basi yahuducuahye:

—Ahriquiro buhiri mariedare. Sa yena tiqairore ne peresu ye masiedaja mari. ¿Sa yena mari yabe buhiri tiqairore wejēboagari? ni, yahuducuahye tiquina basi.

<sup>32</sup> —Ahriquiro “Ijipihtiequina pūhtoro César pehere yūhū yerire yahu duaja”, tiqairo niedagū mari wioboaya tiqairore peresupū ijiriquirore, niahye Agripa Festore.

## 27

*Pablo tiqairore tiquina yahusārire Romapū yahuro wahahye*

<sup>1</sup> Pablore Italiapū yucūsa mehna ohoye tehe, tiqairore apequina mehna tiquina peresu yeriquina mehna Julio wame tiriqairo mehna cūri tiquina. Julio cien surara pūhtoro ijiro, tiqairo ya curua “Augusto yequina surara”, wame tiri. <sup>2</sup> Sa yena Adramitio wame tiro cjāria yucūsapū sajāū ũsā. Tia Asiapū wahatia ijiri. Sajā tuhasa, tia mehna wahaū. Aristarco Tesalónica wame tiri maca cjūno ũsā mehna wahari. Tesalónica Macedonia yehrapū ijire. <sup>3</sup> Ape decopū ũsā Sidōpū esau. Topū esaro Julio Pablore quehnoano yeri. Sa yero Pablore tiqairo mehna cjēna cahapū ihñano waha dutiri. Sa yero Pablo mehna cjēna tiqairore tiqairo cahmeñene tiquina ohogū “Quehnoanota”, nidi Julio. <sup>4</sup> Yucūsa

mehna usã pehãgũ tutuaro wihnono usãre ape siepũ wẽdoque pehõri. Sa yena Chipre wame tiri nucuo cahmotaropũ poto pehepũ wahaũ usã. <sup>5</sup> Tee Ciliciare yũhdũa, Panfilia gũhũre yũhdũa, Mira wame tiri macapũ Licia yehpapũ ijiri macapũ pehã sau.

<sup>6</sup> Topũ esana, Alejandriapũ ahtariare, Italiapũ wahatiare yucũsare bocaũ. Sa yero usãre tiapũ waha dutiri surara pũhtoro. <sup>7</sup> Peye decori dero dero waha, “Wape cœo yũhdũare”, ni, waha, Gnido wame tiri maca potopũ esau usã. Topũ esa yũhdũa, wihnono tutuaro wẽgũ, usã waha duarioropũ usãre wẽ ohõedari. Sa yena usã cũ pehe pehepũ majare pehãa wahaũ. Sa yena Creta wame tiri nucuo cahmotari pahrẽ pehe usã pehãa waha, Salmón wame tiri ñoare yũhdũa wahaũ usã. <sup>8</sup> Topũ yũhdũ, ti nucuo dũhtũ cahapũ waha, “Wape cœo yũhdũare”, ni, waha, Quehnoari petamaha wame tiropũ wahã sau. Petamaha Lasea wame tiri maca cahapũ ijiri.

<sup>9</sup> Topũ yoari pje usã ijiri bato, usã wahato pehe cua yũhdũari. Sa yero tiquina sijiri deco bose deco yũhdũari bato, Pablo tiquinare yahuri:

<sup>10</sup> —Tũhoya mũsa. Sijiri deco bose deco bato mari wahagũ marine minino cua yũhdũare. Ahria yucũsa, yucũsa cjẽ, mũsa doeri cjẽ gũhũ mari mehna cjẽna gũhũ mari butiboaga mari wahana, nidi Pablo.

<sup>11</sup> Tiquiro sa niepegũta surara pũhtoro yucũsa upũrore tũhoro, ohoturiquiro gũhũre tũhoro, Pablo yahuye pehere tũho duerari waha duaro. <sup>12</sup> Tiquina pahsari petamaha quehnoari petamaha pohecũ ijigũ tiquina pahsari petamaha ijierari. Sa ijiri petamaha ijigũ yucũsa cjẽna peyequina waha dua, Fenicepũ yojoa duamedì. Fenice Creta wame tiri nucuo cjã petamaha ijiro, wihnono ahtaro pehe, asũ sajãno pehe cũ pehe pehepũ, poto pehepũ gũhũre ihñadoqueo, wihnono ahtagũ quehnoano cahmotari maca ijiri. Sa ijiri petamaha ijigũ masiñe tiquina topũ ihcã pohecũ iji duamedì.

*Pajiri mapũ* wihnono, acoro mehna pajiro wẽ cãhtahye

<sup>13</sup> Sa ye sur pehe derogã wihnono ahta dũcari. “Miare quehnoari deco mari wahati deco ijire”, ni tũhotumahye tiquina. Sa wihnono wẽgũ yucũsa mehna waha dũca, Creta nucuo dũhtũ cahagã yojoau usã. <sup>14</sup> Sa yojoaepẽgũta came cjũno wihnono noreste wame tiri wihnono tutuaro wẽdi. <sup>15</sup> Sa yero yucũsare wihnono tutuaro wahã wihiri. Wihnono ahtaro pehere waha masiedana, majare paha, wihnono wẽonopũ wahaũ usã. <sup>16</sup> Cauda wame tiri nucuo gã cahapũ sur pehepũ waha, ti nucuo gã usãre mehenogã cahmotari. “Marine wape cœo yũhdũare”, nina tore pajiria yucũsa cjãria meheniagã yucũsagãre quehnoano weje peo dũhteì usã. <sup>17</sup> Tiagãre yucũsapũ usã weje peo dũhteri bato pajiria yucũsapũ pajiri da mehna tiquina wahme ñehe peori. Sirte wame tiri padũrore “Tia yucũsa doque wahã sari”, niñe, cue nidi tiquina. Sa ye wihno ñeheñe suhtire tiquina ne dijiori bato yucũsa dihitare wihnono wẽdoqueori. <sup>18</sup> Wihnono, acoro mehna tutuaro ahtari. Ape deco gũhũre wihnono mũnanota ahtagũ ihñañe tiquina doeri cjẽne diapũ duredoque ño tuhãsa, pehãa wahaũ usã. <sup>19</sup> Ape deco yucũsa cjẽne diapũ cohãri tiquina basi. <sup>20</sup> Peye decori ñicuñe decori ijigũ, asũ deco cjũno ñahpicoha paca gũhũ ne bajuerari. Sa yero tutuaro wihnono wẽdi. Sa yena “Minia wahaja mari. Sa yena yariaa wahanata”, ni tũhotumi usã.

<sup>21</sup> Sa ye tiquina yoari pje tiquina sijiri bato Pablo tiquina poto ducu, yahuri tiquinare:

—To pano mũsare yũhũ yahugũ tũhoerari mũsa. “Cretapũ ijirina mari wahagũ cuarĩaga”, yũhũ nigũ tũhoerari mũsa. Yũhũre tũhona, ahria cjẽ ijipihtiyere boeraboaya mũsa. <sup>22</sup> Sa niepegũta yojopũ mũsare yahuaja. Cueracãhña. Ijipihtina mari yũhdũnata. Ahria yucũsa dihita marine wahtia waharota. <sup>23</sup> Mía ñamine Cohãcjũ yaquiro angel yũhũre bajuari. Cohãcjũ yaquiro ijiaja yũhũ. Sa yegũ tiquirore ño peoaja yũhũ. Angel pehe yũhũ cahapũ ahtaro, yahuri. <sup>24</sup> “Pablo, cueracãhña. Ijipihtiyequina pũhtoro mũhũ yerire mũhũre yahuro cahmene. Cohãcjũ quehnoariquiro ijire. Sa yero tiquirore mũhũ sinidiro sahata yojopũre mũhũ mehna cjẽna gũhũre yedohorota”, nidi yũhũre angel. <sup>25</sup> Sa yena cueracãhña mũsa. Angel yũhũre tiquiro nidiro sahata waharota. Cohãcjũre wacũ tutuaja yũhũ. Sa yegũ tiquiro yahuriro sahata “Ijirota ijire”, ni tũhotuaja



yuhu. <sup>26</sup>Yuhu sa niepegūta marine nūcūropu wihnono wēdoque ohōnota, ni yahuri Pablo tiquinare.

<sup>27</sup>Ihcā ñami pua semana bato pajiri ma Adria wame tiri mapu wihnono usāre tutuaro wēdi. Ti pjere ñami decopu yucūsa cjēna umua pehe “Dūhtu cahapu ijiaja mari”, ni tūhoturi tiquina. <sup>28</sup>Sa ni tūhotuye nūcūria comea yuta da mehna dūhte, duhudoque dijio, queori. Treinta y seis metro waro uhcuāri. Mehenogā waha, queori tja. Ti pjere veintisiete metro waro uhcuāri. <sup>29</sup>Sa ye utā pacare “Doque wahā sari”, niñe yucūsa ohoturopu pititia pjine dūhte pohoye pjine duhudoque dijiori diapu. Sa ye “Sojaro mehna bohreahro”, ni, tutuaro sinidi tiquina. <sup>30</sup>Yucūsa cjēna umua pehe duhtimedī. Tiquina meheniagāre yucūsa cjāriare diapu weje boro poho, yucūsa ehquēapu dūhte pohoye pjine tiquina dijioro sahata yeri tiquina meheniagāre “Marine ihñari”, niñe.

<sup>31</sup>Tiquina sa yepegūta Pablo surara pūhtoro, tiquiro yequina surara mehna yahuri:

—Ahriquina umua meheniagā yucūsa mehna tiquina wahagū mūsa ijipihina yari-anata, nidi Pablo.

<sup>32</sup>Tiquiro sa nigū tūhoye surara pehe meheniagāre dūhteye darire yūhre sure, tiare cohāri.

<sup>33</sup>Bohreato panogā Pablo tiquinare tutuaro ihya dutiri:

—Pua semana waro mūsa dūhse wahatire masi duana, cohtena, ne ihyerari mūsa.

<sup>34</sup>Sa yena yojopure ihyana taya. Tutuaro mū sare ihya dutiaja. Mūsa cati duana ihyaya. Ijipihina mūsa yūhdūnata, nidi Pablo tiquinare.

<sup>35</sup>Tiquiro sa nidi bato Pablo pāre ne, ijipihiequina tiquina ihñonopu Cohācjūre “Quehnoare”, ni duhu peo, tire ihya dūcari tiquiro. <sup>36</sup>Tiquiro sa ihyagū ihñañe tiquina cuero marieno waha, ijipihiequina tiquina gūhu ihyari. <sup>37</sup>Usā ijipihina doscientos setenta y seis masa yucūsapu ijii usā. <sup>38</sup>Tiquina ijipihiequina yapia waha “Ahria yucūsa nūcu niaga”, ni, peye trigo ihyayere diapu cohāri.

*Yucūsa paduropu doque quehe sahye*

<sup>39</sup>Bohreagū yucūsa cjēna umua nūcūore ihñañe, “Ohō saha wame tiri nūcūo ijire ahri nūcūo”, ni, ihñā masiedari. Sa masiedapeta tiquina pari tucūpu paduro ijigū ihñañe, “Mari ti tucūpu wahana, topure doque pje saboaga paduropu”, nidi tiquina. <sup>40</sup>Sa niñe dūhte pohoye pjine dūhteye darire yūhre sure dijioahye. Ohoturi pjī dūhteye dari gūhure yūhre sure cāri tiquina. Tiquina sa yeri bato yucūsa ehquēa cjā suhtirore wahcō docori, poto wihnono wēdoqueogū cahmeñe. <sup>41</sup>Sa yepegūta yucūsa ehquēa pehe ape paduropu quehe sa, nūjua masiedari. Sa yero ohoturore tutuaro pahcōri quē ohōgu tia ohoturo wahtia wahari. <sup>42</sup>Tia sa wahagū ihñañe ohō saha nidi surara:

—Ahria minigū mari peresu yeriquina dūhtu cahapu ba nūjua duhtieta. Sa yena tiquinare wejē pehouhna, nidi surara.

<sup>43</sup>Sa niepegūta surara pūhtoro pehe Pablore wejē dueraro, ijipihiequina peresu ijiequinare wejē duerari. Sa yero ijipihiequina ba masiñequinare surara pūhtoro poto dūhtu cahapu ba nūjua dutiri. <sup>44</sup>Sa ye apequina yucūsa cjē pjini wahti siteri pjini mehna bora ñojoa, ti pjini bui pesa ba nūjari. Usā sa yena usā ijipihina dūhtu cahapu wahā sau.

## 28

*Pablo Malta wame tiri nūcūropu ijiahye*

<sup>1</sup>Sa ye ti nūcūropu usā ijipihina majadūca sana, ti nūcūo wamene masii. Malta wame tiri nūcūo ijiri. <sup>2</sup>Ti nūcūo cjēna masa usāre quehnoano yeri. Sa yena usā acoro weri bato yūsuā yūhduari usāre. Sa ye to cjēna pehe peca wijiā tuhasa, usāre sohma dutiri. <sup>3</sup>Pablo pecare ne cāhta, tu tiāri. Tiquiro tu tiāri bato ti peca puhiapu sañariquiro aña tutuaro asigū wijiā taro, Pablo omocapu bahque wahā sari yaha wero marieno. <sup>4</sup>Tiquiro bahque wahā sagū ihñañe ti nūcūo cjēna tiquina basi ohō saha ni yahuducuri:

—Ahriquiro masa wejēdiquiro ijiboaga. Sa yero tutuaricoro buhiri dahrericoro umūse cjōno tiquirore buhiri dahrero, cati dutierare. Tiquiro pajiri mapu minino

yuhdu tuhasari jimedi. Yojopure ticoro pehe tiqiurore cati dutierare, nimedi tiquina basi.

<sup>5</sup> Sa niepegūta Pablo añare pecapu wejē sitedoqueori. Tiquiurore aña puriedari. <sup>6</sup> “Ipirota”, niñe, cohtemedi tiquina. Ne ipierari tiqiurore. “Tiquiro yariaa waharota”, niñe tiquina cohtemedi. Tiquiurore puriedari. Yoari pje bato tiqiurore ipieragū ihñañe, tiqiurore puriedagū ihñañe, sijoro tuhaturi tiquina. “Ahriquiuro cohāmana mehna cjēno ijiboaga” nimedi tiquina.

<sup>7</sup> Tiquina ba wahā sariro cahagāpu Publio wame tiriqiuro ye weseri ijiri. Tiquiro ti nūcūo cjēno pūhtoro ijiri. Sa yena usāre tiqiuro quehnoano yegū ihtia deco waro tiqiuro ya wūhūpu ijini usā. <sup>8</sup> Publio pacūro yojoa mehna, ujuaye dohatiriqiuro ijiri. Sa yero tiqiuro cuñanopu cuñari. Sa yero Pablo dohatiriqiuro ya tucūpu sajā, Cohācjūre sini, tiqiuro omocarine tiqiuro bui duhu peo, quehnoa wahagū yeri tiqiurore. <sup>9</sup> Tiquiro quehnoa wahagū ihñañe ijipihtiequina apequna ti nūcūo cjēna dohatiyequinare Pablo cahapu ne cāhtari. Tiquina sa ne cāhtagū ihñano Pablo quehnoa wahagū yeri tiquina gūhūre. <sup>10</sup> Came tiquina peyequina usāre wapa marieno ohoari. Usā wahato panogā ijipihtie usā cahmeñene, usā wahana ihyatire yucūsapu dure sāri tiquina.

#### *Pablo Romapu esahye*

<sup>11</sup> Ihtia asū ti nūcūopu usā ijiri bato yucūsa mehna waha usā. Tia yucūsa ehquēapu pūaro cohāmana Cástor, Pólux wame tiyequina tiquina queoye ducuri. Alejandriapu ahtaria ijiri tia. Pohecū ijiro puno ti nūcūopu tia yucūsa pahsari. <sup>12</sup> Waha, Siracusa wame tiri macapu esana, ihtia deco waro ti macare ijii usā. <sup>13</sup> Ti macare wijia, waha, Regio wame tiri macapu usā esau. Ape decopu surpu wihnono ahta, usāre wēdoqueori. Pūa deco bato Puteoli wame tiri macapu esau. <sup>14</sup> Topu Jesu yequina meheñequinagā usāre piti cari.

—Ihcā semana waro usā mehna tojoaya, nidi tiquina usāre.

Tiquina sa nigū tuhona ihcā semana waro tiquina mehna tojoarīi. Came mahapu maja, Romapu esau usā. <sup>15</sup> To cjēna Jesu yequina pehe Romapu usā esatire tuhoye, Apio wame tiropu doeri cjēne duaropu usāre piti cari. Apequna Jesu yequina ihtia wūhū wame tiropu usāre piti cari. Tiquina sa piti cagū ihñano Pablo bucueye mehna Cohācjūre “Quehnoare”, ni, quehnoano jeri sāa wahari.

<sup>16</sup> Romapu usā esari bato peresu tiquina yeriquinare to cjūnore peresu cohteyequina pūhtorore yahuri. Sa yahuepegūta Pablo pehere ihcāquiurota cūri to cjēna pūhto. Sa yero tiqiurore ihcāquiuro surara cohteri.

#### *Pablo Romapu buheahye*

<sup>17</sup> Ihtia deco bato Pablo judio masa pūhto mehna cahmecoano taro, tiquinare pijiri. Tiquina cahmecoari bato tiqiuro tiquinare yahuri:

—Yūhū acaye, mari acayere, mari ñecūsumūa panopu cjēna tiquina yee tirire, marine tiquina buheri gūhūre yūhdūdūcaera tii yūhū. Yūhū yūhdūdūcaerapegūta Jerusalēpu yūhūre ñehedi apequna judio masa. Tiquina sa yeri bato Roma cjēnare yūhūre peresu ye dutiri tiquina. <sup>18</sup> Tiquina sa yegū Roma cjēna yūhūre sinitu, yūhū ñano yerarigū yūhū ijigū yūhūre “Buhiri tiriqiuro ijire”, ni masiedari. “¿Ne yabe buhiri wejēboagari mari tiqiurore?” nidi yūhūre tiquina. Sa ye yūhūre sinituyequina pehe yūhūre wio duamedī. <sup>19</sup> Judio masa pehe yūhūre wio dutierari. Sa yegū yūhū acayere judio masare yūhūre tiquina yerire yahu duerapegūta “Ijipihtiequina pūhtorore yūhū yerire poto yahu duaja yūhū”, ni sinii yūhū. Judio masa yūhūre tiquina wio dueragū ihñagū “Romapu yahuro cahmene yūhūre”, nii yūhū. <sup>20</sup> Sa yegū mū sare ahrire yahu duagū pijii. Cristo marine yūhdūoatiqiuro judio masa tiquina cohteriquiro yere yūhū yahuri buhiri yūhū peresupū ijiaja. Sa yegū tire mū sare yahugū tuhū pijii, nidi Pablo judio masa pūhtoare.

<sup>21</sup> Tiquiro sa nigū tuhoye tiquina pehe tiqiurore yahuri:

—Judio masa mūhūre qūiti yahuyē pūrine usāre ne ohoerari. Sa ye topu ahtariquina gūhū usā acaye usāre mūhū sa waharire yahuera tiri. Tiquina “Tiquiro ñano yeriquiro ijire” ni mūhūre yahuerari. <sup>22</sup> Tiquina sa yahuerapegūta mūhū ya curuare ijipihtirōpu

masa ñano tiquina yahuducugũ usã masiaja. Sa masina mũhũ buheyere mũhũ yahugũ tũho duaja usã, nidi tiquina tiquiore.

<sup>23</sup> Sa ni tuhasa, “Ape decopũ ijiihna”, nidi tiquina. Ape decopũ Pablo mehna cahmecoa mũhtariquina yũhdũoro masa peyequina tiquiore ijiropũ wihiri. Ñami cjũnogã Cohãcjũ tiquiore pũhtoro ijiyere quehnoañe buheyere tiquiore buhe dũca, tee ñamipũ buhe duhuri. Cohãcjũ dutiyere Moisepure tiquiore cũrire, Cohãcjũ yere yahu mũhtariquina tiquina ojoari gũhũre buheri. Sa buhero, tiquinare Jesure masigũ ye duaro nimedi Pablo. <sup>24</sup> Ihquẽquina tiquiore buherire cahmedi. Sa cahmepegũta apequna pehe tũho duerari. <sup>25</sup> Sa ye tiquina basi pũa curua tu wa, wahaye tee nidi. Tiquina wahato pano Pablo Isaia tiquiore yahuducurire yahuri. Ohõ saha nidi tiquinare:

—Isaia Cohãcjũ yere yahu mũhtariquiore tiquiore yahuri ijirota ijire. Mari ñecũsumũa mũna iji turiayequinare yahuro taro Espĩritu Santo Isaiare ohõ saha ni yahu ojoa dutiahye:

<sup>26-27</sup> Ahrire ahriquinare yahugũ wahaya: “Dapu paca bũtina ijire mũsa. Sa yena yeere tũho duerare mũsa. Cahmo coperi susueyequina yero saha tũho duerare mũsa. Sa yena yeere tũhoopenata tũhosi mũsa. Mũsa sa ijierana quehnoano tũhoboaya mũsa. Sa yena quehnoañe pehere comesaboaya mũsa. Sa yegũ mũsare pecapũ wahaborinare yũhdũoboaya yũhũ”, nidi Cohãcjũ, ni ojoahye Isaia, nidi Pablo tiquinare.

<sup>28</sup> Tiquiore sa nidi bato Pablo yahu nemori:

—Ahrire masiña mũsa. Cohãcjũ ye buheyere masare tiquiore quehnoano yũhdũoyere judio masa ijieyequinare buhenatja usã. Tiquina pehe tũhoeta, nidi Pablo judio masare.

<sup>29</sup> Tiquiore sa nigũ tũhoye judio masa tire tiquina basi tutuaro cahme dũse tini wia, wijiari.

<sup>30</sup> Pũa cũhma waro Pablo apequna wasori wũhũpũ, tiquiore ijiye wapa wapa yeati wũhũpũ ijiri. Topũ ijiro, ijipihtiyequina ti wũhũpũ wihiyequinare bucueye mehna piti cari tiquiore. <sup>31</sup> Sa yero tiquiore cuero marieno Cohãcjũ pũhtoro ijiyere, mari pũhtoro Jesucristo ye gũhũre buhee tiri. Tiquiore sa buhegũ ne apequna tiquiore “Buheracãhña”, nieda tiri.

## Romanos

*Pablo Roma* cjēnare Jesu yequinare ojoa ohoahye

<sup>1</sup> Yũhũ Pablo mʉsare Roma cjānare ojoa ohoaja. Yũhũ Cohācjũ cahacjũ ijiaja. Sa yero quehnoañe buheyere buhe dutiro yũhũre cūri tiquiro.

<sup>2</sup> Ti buheyere quehnoañe buheyere panopũ Cohācjũ “Yahugũ tũũ niaja”, nie tiahye. Tiquiro sa ni yahuriro sahata tiquiro yere yahu mʉhtariquinare panopũ cjēnare tiquiro yahuatire tiquiro ya pũpũ ojoa dutiahye. <sup>3</sup> Ti buheyeta tiquiro macũnore yahuye ijire. Tiquiro masũno waro ijiro taro Davi mʉnano panamino iji turiariquiro ijiahye tiquiro. <sup>4</sup> Jesucristo mari pũhtoro Cohācjũ macũno ñañe marieniquiro tiquiro ijiyere ohõ saha ihñoahye Cohācjũ. Tiquiro yariari bato Cohācjũ tutuaye mehna tiquirore masa wijiagũ yeahye. Sa yero Jesucristo potota Cohācjũ macũno tiquiro ijiyere ihñoahye Cohācjũ masare. <sup>5</sup> Tiquirota ʉsāre paja ihñano ʉsāre tiquiro yere buhe dutiro ohori ijipihtiyequina Jesucristore wacũ tutua tiquina ño peoatire. <sup>6</sup> Sa yero mʉsa gũhũre Jesucristo yequina ijanare beseahye tiquiro.

<sup>7</sup> Mʉsare, Cohācjũ cahĩnare, Roma cjānare, tiquiro yequina ijanare yeri mʉsare tiquiro. Mʉsare ijipihtinare ahri pũre ojoa ohoaja. Sa yegũ Cohācjũ mari Pacũ, mari pũhtoro Jesucristo mehna mʉsare quehnoa dutiaja. Tiquina yedohoye mehna quehnoano ijija mʉsa.

*Pablo Romapũre* ihñano waha duaro nimahye

<sup>8</sup> Ahrire yahu mʉhtautja mʉsare: Ijipihtiye macari cjēna Jesucristore mʉsa wacũ tutuarire masa yahuri yũhũre. Tiquina sa ni yahugũ tũhogũ “Quehnoare”, niaja Cohācjũre. Jesucristo yedohoro mehna sa ni sini basaja. Cohācjũre sini basagũ mʉsare sa sini basaducuaaja. <sup>9</sup> Yũhũre tiquiro dutigũ tiquiro macũno ye buheyere quehnoañe buheyere tutuaro buhegũ tiquiro cahacjũta ijiaja yũhũ. Sa yero mʉsare Cohācjũre yũhũ sa sini basaducugũ tiquiro masine. <sup>10</sup> Sa sini basagũ Cohācjũ cahmegũ yojopũ pũritare mʉsa cahapũ yũhũ ihñanũ wahatore siniaja. Yoari pje mʉsare ihña duagũ yũhũ wahatire cohteie ye cāmaja yũhũ. <sup>11</sup> Cohācjũ yere mʉsare buhe duaja Jesure mʉsa wacũ tutua nemoatire. Sa yegũ mʉsare tutuaro ihña duaja yũhũ. <sup>12</sup> Jesure wacũ tutuaja mari. Sa yegũ mʉsare ihña duaja Jesure mari wacũ tutuaye mehna pũa peheri mari cahme bucuegũ yeatore.

<sup>13</sup> Yũhũ acaye, ahrire mʉsa masigũ cahmeaja. Quehnoañe buheyere yũhũ buheri bato apequina mʉsa acaye judio masa ijieyequina Jesure wacũ tutuari. Sa yegũ peye tahari mʉsa cahapũ waha duami apequina Jesure tiquina wacũ tutuariro sahata mʉsa mehna cjēna gũhũ tiquina wacũ tutuatire. Sa waha duepegũta waha masiedũ yũhũ. <sup>14</sup> Ijipihtiyequinare quehnoañe buheyere buhero ijiro nine yũhũre. Pecasāre, pohteri cjē gũhũre, masiñequinare, masieñequina gũhũre buheacjũ ijiita niaja yũhũ. <sup>15</sup> Sa buheacjũ ijigũ mʉsare Roma cjānare quehnoañe buheyere tutuaro buhe duaja.

*Quehnoañe buheyere masa* tũhoye Jesure wacũ tutua dũcare

<sup>16</sup> Quehnoañe buheyere tũhoye Jesure wacũ tutua dũcare masa. Sa yero ijipihtiyequinare Jesure wacũ tutuayequinare Cohācjũ tutuaye mehna pecapũ wahaboriquinare yũhdũore. Tiquina sa yũhdũgũ masigũ ti buheyere quehnoañe buheyere buhegũ bũoro yũhdũeraja. Ti buheyere judio masa pehere buhe mʉhtari jiri Jesu gũhũ. Tiquina buheri bato judio masa ijieyequina gũhũre ʉsā buhei. <sup>17</sup> Ti buheye ohõ saha ni yahure: Jesure wacũ tutuayequinare “Quehnoañequina ijire”, ni, ihñare Cohācjũ. Tiquirore wacũ tutua dũcayequinare sata ni ihñare Cohācjũ. Tiquiro sa ni ihñari bato tiquirore wacũ tutuaducure tiquina. Ahri panopũ tiquina ni ojoariro sahata ijire: “ ‘Quehnoañequina ijire’, tiquiro ni ihñañequina Cohācjũre wacũ tutuayequinata ijire. Sa wacũ tutuaye, ijipihtiye decori Cohācjũ mehna sa ijiducuenta”, ni, ojoahye.

*Masa tiquina ñañe yeri buhirire yahuahye Pablo*

<sup>18</sup> Cohãcjũ ʌhmʌsepʌ ijiriquirore masa tiquina yʌhdʌdʌcarire, tiquina ñañe yeri gũhure ihñano, tiquina sa yeri buhiri usuare. Tiquiro sa usarire masigũ yere tiquinare. Masa tiquina ñañe yeye mehna apequinare quehnoañe buheyere tʌhoeragũ yere tiquina pehe. <sup>19</sup> Tiquiro basi tiquiro ijiye tiyere masigũ yeahye Cohãcjũ. Tiquiro sa yegũ Cohãcjũre masigũ mijoedare masare. <sup>20</sup> Cohãcjũ ʌhmʌse cjũno tiquiro ijiyere, tutuariquiro tiquiro ijiye gũhure mari ihñedapegũta tiquiro basi tiquiro ijiyere marine masigũ yere tiquiro. Ahri yehpare tiquiro bajumehnedi bato ijipihtiye tiquiro bajumehnedire ihñañe “Cohãcjũ tiquiro yeri ijire ahri”, niñe, Cohãcjũ tiquiro ijiye tiyere masine masa. Sa ye masa Cohãcjũre masiepeta sa ñañene yeducuye, buhiri tire. “Mũhure masiedʌ. Sa yegũ ñañene yei”, ni masisi Cohãcjũre. <sup>21</sup> Sa ye Cohãcjũ tiquiro ijiye tiyere masiepeta tiquina tiquirore ño peerare. Sa ye tiquinare tiquiro quehnoano yeppegũta tiquina pehe “Quehnoare”, niedare tiquirore. Sa tʌho masieñequina ijiye, ñañe dihitare tʌhoture tiquina. <sup>22</sup> “Tʌho masina ijiaja”, niepeta tʌho masieñequina wahare tiquina. <sup>23</sup> Sa wahaye Cohãcjũre sa ijiducuriquirore tiquina ño peerare. Sa ño peeraye, “Cohãcjũ ijire”, tiquina niñe queoye pehere ño peore. Mari masa yarianaja dihita ijiaja. Mari sa ijina mari ijiepegũta Cohãcjũre ño peoyequina pehe masa queoyere yere tiquina. Tiquina sa yeri bato ti queoye pehere ño peore tiquina. Sa ye tja minicjua queoyere, pinoa queoyere, wahiquina queoye gũhure “Cohãcjũ ijire”, ni ño peo maca cãhre tiquina.

<sup>24</sup> Tiquina sa yegũ ihñano “Tiquina esa tuharo ñañene yecũnahdo”, nino Cohãcjũ cohã cãri tiquinare. Tiquiro sa cohãri bato tiquina ña yʌhdʌaro cahme yeducure tiquina basi. <sup>25</sup> Sa ye Cohãcjũ ye pehere cahmedaye, ni mehoñe pehere quehnoano tʌhore tiquina. Cohãcjũ ye pehere ni mehoñe yero saha ijigũ yere tiquina. Potota Cohãcjũ warore ijipihtiyere yeriquirore ño peoducuro cahmene. Sata ijiahiro. Tiquina pehe tiquirore ño peerare. Sa tiquirore ño peeraye, Cohãcjũ yeri pehere ño peore tiquina. Sata ijiahiro.

<sup>26</sup> Tiquina sa yeducugũ ihñano “Tiquina esa tuharo ñañene yecũnahdo”, nino Cohãcjũ cohã cãri tiquinare. Sa ye tiquina mehna cjẽna numia manʌ tiyequina numia yero saha ijierare. Sa ye tiquina numia, numia sehsharo ñano yere tiquina paguri mehna. <sup>27</sup> Tiquina yero saha ijiyequina ʌmʌ gũhʌ tiquina esa tuharo ña yʌhdʌaro yere tiquina paguri mehna. Sa ye tiquina basita ñano yeri buhiri tiquina paguri pehe ñano yʌhdʌre.

<sup>28</sup> Sa Cohãcjũre tiquina cahmedari buhiri, Cohãcjũ tiquinare cohãri. Tiquiro sa cohãgũ tiquina pehe ñano wacũducu, ñano yeducure. <sup>29</sup> Sa ye tiquina tutuaro ñano yeducure. Ñañene tutuaro cahmeducuyequina, apequina yere tutuaro cahmeñequina, apequinare ñano yeducuyequina, apequina apee boro tiquina cʌogũ ihña cooducuyequina, masare wejẽñequina, cahme dʌse tini wiayequina, ni mehoñequina, masare ihña tuhtiyequina, ñañe quiti dahreyequina, <sup>30</sup> apequina tiquina yerapegũta ñano ni yahu wajayequina, Cohãcjũre ihña tuhtiyequina, apequinare purĩno yʌhtiyequina, “ʌsã pehe masi yʌhdʌdʌcaja”, ni tʌhotuyequina, apequinare sa ni yahuyequina, apeye ñañene ye dʌcayequina, tiquina pacʌsumʌare yʌhtiyequina, <sup>31</sup> tʌho masieñequina, tiquina nino sahata yeeyequina, masare ne cahñeñequina, tiquina basi cahme pihopũri duhuyequina, ne paja ihñeñequina ijire tiquina. <sup>32</sup> Sa ñano yeducuyequinare Cohãcjũ pecapʌ cohãnota. Tiquiro sa cohãtire masiepeta tiquina ti ñañene sa yeducure. Sa ye apequina tiquinare ihña cũ tiquina yero saha ñano tiquina yegũ ihñañe, “ʌsã yero saha yere”, ni bucuere.

## 2

*Masare buhiri dahre dutiro tire mehono marieno potota yerota Cohãcjũ*

<sup>1</sup> “Tiquina ña yʌhdʌayequina ijire”, ni yahu wajaeracãhña apequinare. Mʌsa gũhʌ tiquina yero saha yere. “Ñañene yeraja. Sa yena ñañe buhiri mariedaga”, ni masiedare mʌsa. Sa yena ijina tiquinare yahu wajana ijina, mʌsa basi buhiri dahre dutina niaga. <sup>2</sup> Sa yena ñañe yena ijiepenata mʌsa yahu wajagũ mʌsa gũhure Cohãcjũ buhiri dahrerota. Potota queoro tiquiro buhiri dahregũ masiaja mari. <sup>3</sup> Apequinare “Buhiri tieta”, ni yahu wajana mʌsa ijigũ mʌsa gũhure buhiri dahrerota. Sa yena “ʌsãre buhiri dahresi”,



ni tūhotuboaga mūsa. Ijierare. Mūsa gūhure buhiri dahrerota tiquiro. <sup>4</sup> Mūsa ñano yepegūta Cohācjū mūsare paja ihñano duita buhiri dahrerare. Sa yena “Cohācjū yūhu mehna usuasi”, ni tūhotuboaga mūsa. Ijierare. Cohācjū mūsare paja ihñano, duita buhiri dahrerare mūsa ñañene bujua witigū ihña duaro, tiquirore mūsa yūhtigū cahmeno. <sup>5</sup> Sa buhiri dahre dueraperota mūsa Cohācjūre yūhti dueragū, mūsa ñañe yerire bujua witieragū, buhiri dahrerota mūsare. Buhiri dahreri deco pano mūsare tiquiro buhiri dahreboriro yūhduoro ti deco waropure ñano mūsare buhiri dahrerota Cohācjū. Ni mehono marieno buhiri dahrerota. <sup>6</sup> Sa yero ijipihtiequinare tiquina ñano yeri buhiri buhiri dahrerota Cohācjū. Sa yero quehnoañene tiquina yeri wapa quehnoano yerota masare. <sup>7</sup> Ihquēquina quehnoañene yeducuequina ijire. Tiquina quehnoañene ye duayequina, Cohācjūre quehnoano bucuegū ye duayequina, ijipihtie decori Cohācjū mehna iji duayequina ijire. Tiquina pūritare decoripe tiquiro mehna ijigū yerota Cohācjū. <sup>8</sup> Apequina pehe tiquina yero saha ijierare. Tiquina esa tuharo yeyequina ijire. Cohācjū yere cahmedare. Tiquina mehna Cohācjū tutuaro usarota. <sup>9</sup> Ijipihtiequina ñano yeriquina ñano yūhdueta. Judio masare sata waha mūhtanota. Sa ye judio masa ijieyequina gūhure sata waha. <sup>10</sup> Ijipihtiequina quehnoañene yeyequina pehere Cohācjū “Quehnoare”, ninota. Sa ye masa tiquinare ño peota. Sa yero tiquinare quehnoano ijigū yerota Cohācjū. Judio masare sata waha mūhtanota. Sa ye judio masa ijieyequina gūhure sata waha.

<sup>11</sup> Cohācjū mari yerire ihñano queoro besere ijipihtinare, ñana, quehnoana gūhure. <sup>12</sup> Apequina Cohācjū Moiserere tiquiro dutirire masieñequina tiquina ijiepegūta ñañene tiquina yegū, buhiri dahrerota Cohācjū tiquina gūhure. Sa yero ti dutiyere cūoyequina ñañene tiquina yegū ti dutiyere tiquina yūhdūdcari buhiri buhiri dahrerota Cohācjū. <sup>13</sup> Cohācjū dutiyere tūhoepeta yūhtieyequinare “Quehnoañequina ijire ahriquina”, niedare Cohācjū. Tiquiro ye dutiyere yeyequina pehere “Quehnoañequina ijire”, ni ihñare tiquinare Cohācjū. <sup>14</sup> Judio masa ijieyequina Cohācjū Moiserere tiquiro cūri dutiye cūoerapeta, tiquina esa tuharo quehnoañene yeye, Cohācjū dutiyere yeye nine. Sa ye Moiserere tiquiro dutiyere ojoari pūre cūoerapeta tiquina tūhotuyepu tiquiro ye dutiyere cūore. <sup>15</sup> Sa ye tiquiro ye dutiyere tiquina tūhotuyepu potota cūore tiquina. Sa cūoye ñañene yeye, duita tiquina ñañe yerire masine tiquina. Sa yero ñañene yeriquiro “¿Dūhse ijiro boro ñañene yeri yūhu?” ni tūhoture tiquiro. Sa yero quehnoañene tiquiro basi yeri gūhure masine tiquiro. <sup>16</sup> Sa ye Cohācjū Jesucristore tiquiro ohoati decoru masa tiquina yahu duerarire Jesucristo masi pehoru, tiquiro tiquinare beserota quehnoañequina, ñañequina gūhure. Sata tiquina yerire masidiquiro ijiro, beserota tiquiro quehnoañe buheye ti nino sahata. Ti buheyeta ijire mūsare yūhu buheri.

*Cohācjū* Moiserere tiquiro dutirire yahuahye Pablo

<sup>17</sup> Mūsa pehe judio masa ijina, Cohācjū Moiserere tiquiro dutiyere ño peona ijina, “Cohācjū yequina ijiaja”, ni tūhotumene mūsa. <sup>18</sup> Sa yena Cohācjū dutiyere masina ijina, tiquiro cahmeñene masine mūsa. Sa masina ijina, “Quehnoañene usā yeatire bese masiaja usā”, ni tūhotumene mūsa. <sup>19</sup> Sa ni tūhotuna ohō saha ni tūhotu nemore mūsa: “Apequinare ne masieñequinare quehnoano masigū yeaja usā. Tiquinare usā buheragū ne Cohācjūre masiedaboaga tiquina. Sa ye ñañene duhueraboaga”, ni tūhotumene mūsa. <sup>20</sup> Sa yena “Tūho masieñequinare quehnoañene ye dutina, macanagā gūhure buhena ijiaja usā”, ni tūhotumene mūsa. Sa yena “Cohācjū dutiyere cūona, poto ijiyere masi pehoaja usā”, ni tūhotumene mūsa. <sup>21</sup> ¿Sa yena apequinare buhena ijiepenata, dūhse yena mūsa pehe mūsa buheriro saha yerajari? ¿Apequinare yaque dutierapenata dūhsena mūsa pehe yaqueajari? <sup>22</sup> ¿Apequiro namono mehna ñano ye dutierapenata dūhsena mūsa pehe apequiro namono mehna ñano yeajari? “Cohācjū ijire”, tiquina niñe queoyere ihña yabina ijire mūsa. Sa ihña yabina ijina Cohācjū waro pehere ño peona ijimene mūsa. ¿Sa ño peona ijiepenata dūhsena tiquirore quehnoano ño peoerajari mūsa? <sup>23</sup> “Cohācjū Moiserere tiquiro dutiyere cūoaja usā”, nina ijiepenata ti

dutiyere yuhduducare m̄sa. Sa yuhduducana Cohācjūre ño peoeragū yena niaga m̄sa apequinare. <sup>24</sup> Sata nine Cohācjū yere tiquina ojoari p̄p̄: “Cohācjū dutiyere m̄sa yuhduducari buhiri judio masa ijieyequina pehere Cohācjūre tiquina ñano yahuducugū yere m̄sa judio masa”, ni ojoahye Cohācjū yere tiquina ojoari p̄p̄.

<sup>25</sup> “Cohācjū yequina ijiaja”, ni t̄hoture ihquēquina judio masa cuhnucun̄ sohtoa cahserogāre yuhre nenohriquina. Cohācjū yere tiquina yegū judio masa tiquina ijigū quehnoarīne. Tiquiro yere tiquina yeragū judio masa tiquina ijiye tiye d̄hseati ijierare. Yuhre nenohriquina tiquina ijiye tiye gūh̄ d̄hseati ijierare. <sup>26</sup> Sa yero judio masa ijieyequina cuhnucun̄ sohtoa cahserogāre yuhre nemehneñequina tiquina ijiepegūta, Cohācjū dutiyere tiquina yegū ihñano “Yeequina masata ijire”, ni ihñare Cohācjū tiquinare. Judio masa pehere tiquiro sa ni ihñaboriro sahata judio masa ijieyequina pehere sa ni ihñare. <sup>27</sup> Peyequina judio masa Cohācjū Moiserere tiquiro dutiyere c̄oepeta tire yerare tiquina. Sa ye apequina judio masa ijieyequina pehe cuhnucun̄ sohtoa cahserogāre yuhremehneñequina ijiepetata tiquiro dutiyere yere. Sa yequina ijiye judio masa tiquina ñano yerire masigū ye ye nine. <sup>28</sup> Yojoṗ̄re judio mas̄no waro tiquiro ijiyere yahutja masare. Tiquiro cuhnucun̄ sohtoa cahserogāre yuhre nenohriquirō ijieperota Cohācjūre ño peoeraro, potota judio mas̄no waro ijierare. <sup>29</sup> Cohācjū yaquirō Esp̄ritu Santore c̄oriquiro tiquirore yuh̄tiriquiro tiquiro tjire judio mas̄no waro. Sa yero tiquiro cuhnucun̄ sohtoa cahserogāre tiquiro yuhre ne cohāriro sahata tiquiro ñañe yerire duhure tiquiro. Tiquiro esa tuharo dutiyere yeriquiro ijieraperota Esp̄ritu Santo yedohoye mehna tiquiro ñañe yerire duhure. Sa ijiriquirore “Quehnoariquiro ijire”, ni ihñare Cohācjū pehe. Masa pehe tiquirore tiquina sa niedapegūta, sa nine Cohācjū pehe.

### 3

<sup>1</sup> ¿Yuh̄ sa nigū judio masa ijiye tiye ihyo waro ijiajari, m̄sa t̄hotugū? Ne ihyo waro ijiro niedare. ¿Cohācjū judio masare tiquiro dutiriro sahata tiquina paḡurire cuhnucun̄ sohtoa cahserogāre tiquina yuhre ne cohāñe ihyo waro ijiajari, m̄sa t̄hotugū? Ne ihyo waro ijiro niedare. <sup>2</sup> Judio masa tiquina ijiye tiye ihyo waro ijierare. Cohācjū yere tiquina ojoari p̄re judio masare cū m̄htahye. Sa ye judio masa tiquina ijigū quehnoarīne tiquinare. <sup>3</sup> Sa ye ihquēquina judio masa Cohācjūre tiquina t̄hoerapegūta tiquiro nidi ijirota ijire. Sa yero tiquiro ni c̄iriro sahata yerota tiquiro. <sup>4</sup> Sata ijire. Ijipihtiyequina masa ni mehoñequina tiquina ijiepegūta Cohācjū pehe ne ni mehoedare. Panop̄ tiquiro yere yahu m̄htariquiro tiquiro ni ojoariro sahata ne ni mehoedare Cohācjū.

Poto nigū ijire m̄h̄ Cohācjū. Sa ye m̄h̄re masa ne “Queoro yahuducuerare”, ni yahusā masiedare, ni ojoahye panop̄re.

<sup>5</sup> Ohō saha ni t̄hotuboaga masa: “Mari ñañene yena Cohācjū quehnoañene tiquiro yeriquiro ijigū masigū yeaja. Sa yero ñañene mari yegū quehnoarīne. ¿Ti sa quehnoañe ijiepegūta d̄hsero tiquiro mari ñañene yeri buhirire buhiri dahre maca cjāri?” ni t̄hotuboaga masa. Masa tiquina t̄hotuboriro saha nigū niaja yuh̄. <sup>6</sup> Sa ijierare. Mari ñañe yeri pehe quehnoañe ijigū Cohācjū mari ñañene yeri buhirire buhiri dahre masiedaboaga.

<sup>7</sup> Masa pehe ni mehoñequina ijire. Cohācjū pehe ne ni mehoedare. Sa yena masa tiquina ni mehogū ihñana Cohācjū pehe ne ni mehoeniquiro tiquiro ijigū quehnoano ihña masiaja mari. Sa ye masa ni mehoñe, Cohācjū tiquiro ni mehoeniquiro tiquiro ijiyere ihñone niboaga tiquina. Sata ni t̄hotumene ihquēquina. Sa ni t̄hotuye ohō saha ni t̄hotu nemomene tiquina: “Usā ni mehoñe mehna Cohācjū tiquiro ni mehoeniquiro ijiyere ihñona niaja. Sa ihñona quehnoano yena niaja. Sa ye usā ni mehoñe quehnoarīne. ¿Usā ni mehoñe quehnoañe ijiepegūta d̄hse ijiro boro usā ni mehoñe buhirire usāre buhiri dahre maca cāboari Cohācjū?” ni t̄hotumene ihquēquina masa. <sup>8</sup> Sa ye ohō saha ni mehore ihquēquina usāre: “Ñano yena Cohācjū tiquiro quehnoariquiro ijigū ihñona

niaga. Sa yena ñano yeihna', nidi Pablo gũhũ", ni meho yahusäre usäre ihquẽquina. Tiquina sa nidi buhiri tiquinare Cohãcjũ buhiri dahrerota. Sata yero cahmene tiquinare.

*Ijipihtina buhiri tina ijiaja mari*

<sup>9</sup> ¿Sa ye dũhse ni tũhotuajari mũsa? ¿Mari judio masa apequina yũhdũoro quehnoana ijiajari mari? Ijieraja mari. Judio masa, judio masa ijiena gũhũ ijipihtina buhiri tina ijiaja mari. Sata ijire ijipihtiyequinare yũhũ buheriro sahata. <sup>10</sup> Panopũ tiquiro ni ojoariro sahata ijire ti: Ohõ saha ni ojoahye:

Ne ihcãquiro masũno quehnoariquiro mariedare. <sup>11</sup> Ijipihtiyequina masa tũho dueyequina dihita ijire. Sa ye ijipihtiyequina masa ne Cohãcjũre wacũ peerare. <sup>12</sup> Sa ye tiquina Cohãcjũ yere cohãñe, ijipihtiyequina ñañene yeyequina wahari. Ne ihcãquiro quehnoañene yeriquiro mariedare. <sup>13</sup> Tiquina dũseri masa coperi tiquina pũo docoro yero saha ijire. Tiquina yahuducugũ, masa coperi urĩ wijiario saha ni mehoñe dihita tiquina dũserire wijiare. Sa yahuducuye aña dũsero tiquiro nima purĩne wijiario saha purĩno tiquina yahuducuye wijiare tiquina dũserire. <sup>14</sup> Sa ye tiquina apequinare ñano yahuducuyequina purĩno yahuducuyequina ijire. <sup>15</sup> Sa ye usua ñañequina duita masare wejẽñequina ijire. <sup>16</sup> Sa ye noho tiquina waharopũ tiquina masare ñano ye, ñano yũhdugũ yere tiquinare. <sup>17</sup> Sa ye apequina masa mehna tiquina quehnoano ijierare. <sup>18</sup> Sa ye Cohãcjũre ne ño peerare, ni ojoahye panopũre.

<sup>19-20</sup> Cohãcjũ Moisere tiquiro dutiyere marine judio masare ohoahye tiquiro dutiyere ijipihtina mari ye pehoatire. Ti dutiyere cœopeta, tire yeraye, "Ñañe buhiri mariedare usäre", ni masiedare masa. Sa ye tiquina ijipihtiro cjẽna Cohãcjũ tiquiro buhiri dahrenohatiquina tiquina ijigũ, masieta tiquina basi. Sa ye ñañequina tiquina ijiyere masiñe, "Quehnoana ijiaja usã", ni masiedare Cohãcjũre. Cohãcjũ tiquiro ye dutiye pehere ne masa yerare. Sa ye tiquina ñañequina ijiyere tiquiro dutiye pehe masigũ yere tiquinare. Sa masiñe ohõ saha ni masiedare tiquina: "Cohãcjũ dutiyere ye pehou. Sa yero Cohãcjũ usäre 'Quehnoañequina ijire', ni ihñare", ne ni masiedare masa.

*Cohãcjũre quehnoano mari wacũ tutuana tiquiro yequina wahaja mari*

<sup>21</sup> Sa ye Cohãcjũ Moisere tiquiro dutiye, tiquiro yere yahu mũhtariquina tiquina ojoari gũhũ Cohãcjũ masare tiquina ñañe yerire tiquiro borire yahuahye. Tiquiro dutiye sa yahuepegũta yojopũta Moisere tiquiro dutiri marieno masare tiquina ñañe yerire tiquiro borire yahure marine Cohãcjũ. <sup>22</sup> Ijipihtiyequina Jesucristore wacũ tutuayequinare, tiquirore tũhoyequinare "Quehnoañequina ijire", ni ihñare Cohãcjũ. Cohãcjũ ijipihtiyequinare ihcãno saha yeriquiro ijire. <sup>23</sup> Mari ijipihtina ñañene yerina ijiaja. Sa yena Cohãcjũ tiquiro cahmediro sahata ne yerũ. <sup>24</sup> Mari sa yerapegũta mari Pacũ marine tiquiro paja ihñagũ mari ñañe yerire Jesucristo pehe bore. Tiquiro sa bogũ "Quehnoana ijire", ni ihñare Cohãcjũ marine Jesure wacũ tutuanare. Mari esa tuharo ye dutiro marieno Jesu yedohoro mehna mari ñañe yerire bore. <sup>25</sup> Panopũ cjẽna tiquina ñañe yerire ihñano Cohãcjũ duita buhiri dahrerahye tiquinare. Sa buhiri dahreraro tiquina ñañe yerire ihyo warota sa tũhotu cãno niedahye. Came tiquiro Jesucristore ohori jiri mari ñañe buhiri yariatiquirore tiquiro diire cohãtiquirore. Jesucristore mari wacũ tutuagũ Cohãcjũ pehe mari ñañe yerire borota. Sa yero tiquiro nidiro sahata yeriquiro tiquiro ijiyere masigũ yero niahye. <sup>26</sup> Sa yero yojopũre tiquiro nidiro saha yeriquiro tiquiro ijiyere masa tiquina masigũ cahmene tiquiro. Sa yero Jesure wacũ tutuayequinare quehnoañequina tiquiro yerire tiquina masigũ cahmene Cohãcjũ. Tiquiro sa yerire tiquina masiatire tiquiro macũnore mari ñañe buhirire yariatiquirore ohori jiri.

<sup>27</sup> ¿Yojopũre "Quehnoana ijiaja mari", ni masiagari mari, mũsa tũhotugũ? Tire ne ni masiedaja mari. ¿Dũhsena tire ni masiedagari mari? ¿Cohãcjũ tiquiro dutiyere yena, "Quehnoana ijiaja", ni masiboari mari? Ijierare. Ti gũhũre ni masiedaja mari. Mari sa ni masiedapegũta Jesure mari wacũ tutuagũ "Quehnoana ijire", ni ihñanota marine

Cohãcjã. <sup>28</sup> Ohõ saha masiaja mari: Jesure mari wacũ tutuagũ ihñano marine ihña coare Cohãcjã. Sa yero marine “Quehnoana ijire”, ni ihñare tiquiro. Tiquiro ye dutiyere mari yeri wapa sa ni ihñedare. Tiquirore mari wacũ tutuagũ sa ni ihñare.

<sup>29</sup> Cohãcjã judio masa puhtoro dihita ijierare. Judio masa ijieyequina puhtoro gũhũ ijire tiquiro. <sup>30</sup> Sa yero Cohãcjũ ihcãquirota ijero, ijipihtiequina puhtoro ijire. Sa ijiriquiro ijero judio masa Jesure tiquina wacũ tutuagũ tiquinare “Quehnoañequina ijire”, ni ihñanota. Sa yero judio masa ijieyequina gũhũ Jesure tiquina wacũ tutuagũ tiquina gũhũre “Quehnoañequina ijire”, ni ihñanota Cohãcjũ. <sup>31</sup> ¿Sa yena Jesure wacũ tutuana Cohãcjũ Moiserere tiquiro dutiyere cohãna niboari mari? Cohãedaja mari tire. Jesure wacũ tutuana, Cohãcjũ dutiyere yena niaja mari.

#### 4

*Abrahã Cohãcjũre* tiquiro wacũ tutuarire yahuahye Pablo

<sup>1</sup> Mari ñecũ mũnano iji muhtariquiropũre Abrahã mũnanore Cohãcjũ ohõ saha yeahye: <sup>2</sup> Abrahã quehnoano tiquiro yepegũta “Quehnoariquiro ijire”, ni ihñedarĩahye Cohãcjũ tiquirore. Sa yero quehnoano yeperota ñariquiro ijinino “Yũhũ pũrita quehnoagu ijiaja”, ni masiedahye Abrahã, Cohãcjũ ihñagũ. <sup>3</sup> Cohãcjũ yere tiquina ojoari pũ ohõ saha nine: “Abrahã Cohãcjũ tiquiro nidire quehnoano tuhogũ, Cohãcjũre tiquiro wacũ tutuagũ Cohãcjũ tiquirore ‘Potota quehnoariquiro ijire’, ni, ihñahye”, ni ojoahye tiquiro yere tiquina ojoari pũpũ. <sup>4</sup> Puhtoro dahrayequinare wapa yero, ihyo waro tiquiro paja ihñañe mehna wapa yero niedare. Tiquina dahrari wapa tiquinare wapa yero nine. <sup>5</sup> Cohãcjũre wacũ tutuayequina pehere dahrayequinare tiquiro wapa yero saha yerare Cohãcjũ. Cohãcjũre wacũ tutuariquirore “Quehnoariquiro ijire”, ni ihñare Cohãcjũ. Tiquiro sa ni ihñagũ ti quehnoañe tiquiro yeri wapa ijierare. Cohãcjũ pehe tiquirore cahmeñequinare quehnoañequina wahagũ yere. Sa yero masũno Cohãcjũre tiquiro wacũ tutuagũ ihñano “Quehnoariquiro ijire”, ni ihñare Cohãcjũ tiquirore. <sup>6</sup> Sata niahye panopũ cjũno Davi mũnano. Masũno quehnoano tiquiro yepegũta Cohãcjũ pehe ihña coeranine. Cohãcjũre tiquiro wacũ tutuagũ ihñano Cohãcjũ ihña coare. Sa yero tiquirore “Quehnoariquiro ijire”, ni ihñare. Tiquiro sa ni ihñanohriquiro masũno pehe tiquiro bucueyere yahuahye Davi mũnano. Ohõ saha niahye:

<sup>7</sup> Tiquina ñañe yerire tiquiro bonohriquina pehe tutuaro bucuere. <sup>8</sup> “Quehnoañequina ijire. Tiquina ñañe yerire wacũsi yũhũ”, Cohãcjũ sa ninohriquina tutuaro bucuere, niahye Davi mũnano.

<sup>9</sup> ¿Judio masa tiquina cuhnucunũ sohtoa cahserogãre yũhre nenohriquina dihitare tiquina ñañe yerire boyari Cohãcjũ? Ijierare. Judio masa ijieyequina yũhre nemehneñequina gũhũre tiquina ñañe yerire bore tiquiro. Pari turi Abrahãre wacũña mũsa. Tiquiro Cohãcjũre wacũ tutuagũ ihñano “Quehnoariquiro ijire”, ni ihñahye Cohãcjũ. <sup>10</sup> ¿Dũhse ijigũ sa yeari Abrahã, mũsa tuhogũ? Tiquiro cuhnucunũ sohtoa cahserogãre tiquiro yũhre neato panopũta tiquirore “Quehnoariquiro ijire”, ni ihñahye Cohãcjũ. Sa yero yũhre nenohno, tiquiro ñañe yerire bo tuhasanohriquiropũ yũhre nenohahye. <sup>11</sup> Sa yero duita Cohãcjũre wacũ tutua muhtahye Abrahã. Tiquiro sa wacũ tutuagũ ihñano “Quehnoariquiro ijire”, ni ihñahye Cohãcjũ tiquirore. Sa tiquiro wacũ tutuayere, Cohãcjũ yaquiro tiquiro ijiyere tiquiro ihñoatore Cohãcjũ tiquirore cuhnucunũ sohtoa cahserogãre yũhre ne dutiahye. Sa yero Abrahã tiquiro yũhreato pano Cohãcjũ pehe “Quehnoariquiro ijire”, ni ihña tuhasahye tiquirore. Tiquiro yũhre neato pano tiquiro sa ihñariro saha ijipihtiequina Cohãcjũre wacũ tutuayequinare judio masa ijieyequina yũhremehneñequinare “Quehnoañequina ijire”, ni ihñare Cohãcjũ. Tiquiro sa ni ihñañequina tiquina ijigũ Abrahã tiquina ñecũno mũnano waro ijiriro saha wahare. <sup>12</sup> Tiquina yero sahata judio masa, yũhrenohriquina Cohãcjũre tiquina wacũ tutuagũ tiquina ñecũno mũnano poto ijie tiahye Abrahã. Tiquiro yũhreato pano Cohãcjũre wacũ tutuahye. Sa ye tiquiro yero saha wacũ tutuayequina judio masa Abrahã panamena iji turiayequina ijire.

*Cohãcjũ* Abrahãre tiquiro ni cũrire “Poto tjire”, niahye Abrahã

<sup>13</sup> Panopũ ohõ saha niahye Cohãcjũ Abrahãre. “Ahri yehpare mũhũre, mũhũ pana-  
mena iji turiayequinapũ gãhũre ohoutja”, ni, cũahye Cohãcjũ Abrahãre. Ti dutiyere  
tiquiro quehnoano yeri wapa sa niedahye Cohãcjũ tiquirore. Abrahã Cohãcjũre tiquiro  
wacũ tutuari wapa pehere sa niahye Cohãcjũ tiquirore, “Quehnoariquiro ijire”, tiquirore  
tiquiro ni ihñari bato. <sup>14</sup> “Cohãcjũ Moiserere tiquiro cũri dutiye dihitare yero cahmene”,  
nine judio masa. Sa niñequina Cohãcjũre wacũ tutuaro marieno ahri yehpa ijipihtirore  
ne duare. Wacũ tutuaro marieno tiquina negũ mari pehe Cohãcjũre mari wacũ tutuaye  
dũhseati ijieraboaya. Sa yero Cohãcjũ marine tiquiro ni cũri dũhseati ijieraboaya.  
<sup>15</sup> Moiserere tiquiro cũri dutiye pehere yerare masa. Sa ye ti dutiyere tiquina yerari buhiri  
ahri yehpare tiquinare neno basioerare. Sa yero ti dutiyere tiquina yũhdũdũcari buhiri  
masare buhiri dahrerota Cohãcjũ. Sa ye ti dutiye mariedagũ ti dutiyere yũhdũdũcaro  
gũhũ mariedaboaya.

<sup>16</sup> Sa ye Cohãcjũre wacũ tutuayequina dihita tiquiro ohoatire neeta. Abrahã Cohãcjũre  
wacũ tutuahye. Sa yero ijipihtiyequina tiquiro yero saha Cohãcjũre wacũ tutuayequina  
tiquina ñecũno poto yero saha tojoare Abrahã. Sa yero “Ahrire mũsare ohoutja”,  
Cohãcjũ nino ijipihtiyequinare tiquirore wacũ tutuayequinare nino niahye. Sa ye  
Cohãcjũ Moiserere tiquiro dutirire yeyequina Cohãcjũre wacũ tutuayequina Cohãcjũ  
ohoatire neeta. Tiquina dihita nesi. Ijipihtiyequina Abrahã yero saha Cohãcjũre wacũ  
tutuayequina gãhũ tiquinare tiquiro ohoatire neeta. <sup>17</sup> Tire Abrahãre tiquiro nidiro  
sahata ojoahye panopũre: “ ‘Peye macari cjẽna tiquina ñecũno ijiaçjũre cũu mũhũre’, ni  
cũahye Cohãcjũ Abrahãre”, ni ojoahye panopũ. Sa yero tiquiro Cohãcjũre wacũ tutuahye.  
Sa ye tiquiro yero saha mari wacũ tutuagũ mari ñecũ ijigũ yehye Cohãcjũ tiquirore.  
Cohãcjũ pehe yariariquinare masoriquiro, ijipihtiyequinare bajumehnediquiro ijire. Sa  
yero ijipihtiyere, yojopũre mariedagũ gãhũre bajumehneatiqiro ijire.

<sup>18</sup> “Peye macari cjẽna mũhũ panamena iji turiayequina ijieta”, Cohãcjũ tiquiro sa nigũ  
Abrahã pehe pohna mariediquiro ijieperota, “Ijirota ijire”, ni tũhotuahye. <sup>19</sup> Sa yero cien  
cũhmari cũoriquiro ijieperota pohna dahre masieniquiro ijieperota Sara tiquiro namono  
ne pohna mariedicoro ticoro ijiepegũta “Pohna ti masiedaja usã”, ni tũhotuerahye  
Abrahã. Sa yero Cohãcjũ tiquiro ni cũrire “Ijirota ijire”, niahye Abrahã. <sup>20</sup> “Tiquiro  
nidiro sahata yeraboaga”, ne ni tũhotuerahye Abrahã. Sa yero tiquiro Cohãcjũ cũrire  
quehnoano tũhoahye. Sa niñene tũhotjiãno “Cohãcjũ tutuariquiro ijire”, ni ño peoro  
niahye. Sa yero Cohãcjũre wacũ tutua nemoahye tiquiro. <sup>21</sup> “Cohãcjũ tiquiro nidiro  
sahata quehnoano ye masine”, ni tũhotu quehnoano masiahye Abrahã. <sup>22</sup> Tiquiro sa  
masigũ Cohãcjũre tiquiro wacũ tutuagũ Cohãcjũ pehe “Quehnoariquiro ijire”, ni ihñahye  
Abrahãre. Sata ni ojoahye Cohãcjũ yere tiquina ojoari pũpũ.

<sup>23</sup> Sa ye Abrahã dihitare sa ni ojoerahye. <sup>24</sup> Tire mari masiatire mari gãhũre sa ni  
ojoahye. Sa yero Cohãcjũre mari wacũ tutuagũ “Quehnoana ijire”, ni ihñanota mari  
gũhũre Cohãcjũ. Tiquiro pũrita mari pũhoro Jesu tiquiro yariagũ masori jiri tiquirore.  
<sup>25</sup> Jesu pehe mari ñaãe buhiri yariari jiri. Tiquiro yariari bato masa wijiari jiri tiquiro  
Cohãcjũ marine “Quehnoana ijire”, tiquiro ni ihñatire.

## 5

*“Quehnoana ijire”, Cohãcjũ* ni ihñagũ ohõ saha waharota marine

<sup>1</sup> Jesucristore mari wacũ tutuagũ ihñano “Quehnoana ijire”, ni ihñare marine Cohãcjũ.  
Tiquiro sa ni ihñagũ Cohãcjũ mehna cjãna marine ijigũ yere mari pũhoro Jesucristo. <sup>2</sup> Sa  
yena mari tiquirore wacũ tutuagũ ihñano Cohãcjũ marine cahĩno, pecapũ wahaborinare  
yũhdũori tiquiro mehna mari ijiato saha. Cohãcjũ pũrita quehnoa yũhdũariquiro ijire. Sa  
yero tiquiro yero saha ijigũ yerota marine tiquiro. Tiquiro sa yeatire quehnoano masiaja  
mari. Sa yena bucueaja. <sup>3</sup> Mari ñano yũhdũna gãhũ bucueaja mari. Ñano yũhdũna, tire  
dũca cjã mari. Sa dũca cãna, ñano yũhdũepenata quehnoano Cohãcjũre wacũ tutuana  
wahaja mari. Sa yena Cohãcjũ yere duhueraja mari. <sup>4</sup> Mari sa yegũ ihñano “Quehnoare”,



ninota Cohācjū marine. Tiquiro sa nigū marine tiquiro yūhdūoatire quehnoano masiaja mari. <sup>5</sup> Sa yero Cohācjū marine tiquiro yaquiro Espiritu Santore ohori mari mehna ijiatiquirore. Sa yero Espiritu Santo pehe mari mehna ijiro Cohācjū marine tiquiro sa cahīducuyere masigū yere. Tiquiro sa masigū yegū marine tiquiro yūhdūoati quehnoano waro ijiro nine. Potota yūhdūnata mari.

<sup>6</sup> Sa yero mari ñañe yerire mari basi mari yūhdūo masiedagū tiquiro queoriro esagū mari ñañe buhirire Cristo yariahye. <sup>7</sup> Quehnoañe dihitare yeriquirore yūhdūoro taro apequiro yariaboaga ape taha yero. <sup>8</sup> Mari pehe ñana mari ijiniepegūta marine yūhdūoro taro Cristo yariahye. Tiquiro sa yegū Cohācjū marine tiquiro tutuaro cahīñene masiaja mari. <sup>9</sup> Mari ye buhirire tiquiro sa yariagū tiquiro dii wijiagū Cohācjū pehe marine “Quehnoana ijire”, ni ihñare. Tiquiro sa ni ihñari bato yojopū pehere marine pecapū wahaborinare yūhdūorota Jesu. “Quehnoana ijire”, tiquiro niato pano marine yūhdūoeranidi. Yojopū pehere marine Cohācjū yequina tiquiro yeri bato marine buhiri dahresi pecapū Cohācjū. <sup>10</sup> Sa yena Cohācjūre ihña tuhtina mari ijiniepegūta tiquiro macño yariaro, mari ñañe yerire cohāri. Sa cohāno Cohācjūre mari mehna usueregū yeri tiquiro. Sa yena tiquiro yequina wahaja mari. Yojopū pūritare ti yūhdūo cjūno yerota marine. Tiquiro yequina mari ijigū Jesu tiquiro masa mūjari mehna, marine pecapū wahaborinare quehnoano yūhdūorota tiquiro. <sup>11</sup> Camepū mari yūhdūatire bucueaja. Yojopūre ahri gūhūre bucueaja. Mari pūhtoro Jesucristo mari ñañe buhirire tiquiro yariari bato Cohācjū yequina ijiaja mari. Sa yena bucueaja.

*Adāre, Cristore yahuahye Pablo Roma cjēnare*

<sup>12</sup> Adán tiquiro ñañene yeri bato ahri yehpare ñañe iji dūcahye. Ñañe iji dūcagū masa yaria dūcahye. Ijipihtina mari ñañene yeaja. Sa yena ijipihtina ñana mari ijiri buhiri yariaja. <sup>13</sup> Cohācjū tiquiro dutiyere Moiserre tiquiro cūato pano potota ahri yehpa cjēna ñañene yee tiahye. Tiquina sa yepegūta ti dutiye mariedagū ti dutiyere tiquina yūhdūdūcari buhiri buhiri dahre masiedahye. <sup>14</sup> Tiquiro sa buhiri dahre masiedapegūta Adán gūhū tiquiro bato ijiyequina gūhū dutiye mariedapegūta yarie tiahye. Moise tiquiro ijiato pano dutiye mariedapegūta masa yarie tiahye. Apequina ñañe yeye Adán tiquiro ñano yeriro saha waro yera timahye. Sa ijiepetā tiquina gūhū yarie tiahye. Sa yero Adán ñañene tiquiro ye dūcariro saha yoari batopū ahri yehpapū ahtariquiro quehnoañene ye dūcari jiri.

<sup>15</sup> Adán tiquiro yūhdūdūcari Cohācjū masare tiquiro paja ihñañe yero saha ijierare. Cohācjū tiquiro paja ihñañe pehe quehnoa yūhdūare. Adán ihcāquirola ijieperota ñañene tiquiro ye dūcari buhiri peyequina masa yarie tiahye. Cohācjū pehe marine paja ihñano, Jesucristore ohori jiri. Sa yero tiquiro ihcāquirola ijiriquiro pecapū wahaboriquinare masare peyequinare yūhdūore. <sup>16</sup> Sa yero Cohācjū masare tiquiro paja ihñañe Adán tiquiro yūhdūdūcari yero saha ijierare. Adán pehe ihcāquirola ijiriquiro ñañene tiquiro yeri buhiri ijipihtiyequina masa buhiri tiyequina ijire. Sa tiquina buhiri tiyequina ijiepegūta masa pajiro ñañene tiquina yepegūta yojopūre masare paja ihñano Cohācjū tiquina ñañene bore. Sa boro “Quehnoañequina ijire”, ni ihñare tiquiro tiquinare. <sup>17</sup> Adán ihcāquirola ijiriquiro ñañene ye dūcagū ijipihtiyequina masa yariaducure. Ti poto tjire. Sa ijiepegūta ahri pehere bucuenata mari. Yojopūre Cohācjū masare paja ihñano Jesucristo ihcāquirola ijiriquiro tiquiro yariari mehna tiquina ñañene boro, tiquinare “Quehnoañequina ijire”, ni ihñare. Sa ye ijipihtiyequina tiquiro sa ni ihñañequina ūhmūsepū Cristo mehna pūhtoa ijietā.

<sup>18</sup> Ihcāquirola Adán ñañene ye dūcagū ijipihtiyequina ñañene ye dūcahye. Tiquina sa yegū Cohācjū buhiri dahrerota tiquinare. Apequiro Jesu pehe quehnoañene tiquiro yegū ijipihtiyequina tiquina ñañene bonohriquina iji masine. Ñañene tiquiro bonohriquina tiquina ijigū “Quehnoañequina ijire”, ni ihñanota tiquinare Cohācjū. Sa ye ijipihtiyē decori tiquiro mehna ijiducuetā tiquina. <sup>19</sup> Ihcāquirola Adán Cohācjūre yūhdūdūcahye. Tiquiro sa yegū peyequina masa ñano yeyequina iji dūcahye. Sa yero apequiro Jesu pehe

Cohācjüre yuhtiahye. Tiquiro sa yegū peyequina masa tiquina ñañe yerire bonohriquina wahahye. Tiquina sa wahagū “Quehnoañequina ijire”, ni ihñahye Cohācjū tiquinare.

<sup>20</sup> Cohācjū dutiyere Moiserē cūahye ijipihtiyequina masa tiquina ñañene tiquina quehnoano masiatire. Sa ye masa tiquina ñañene masiñe, ti yuħduoro Cohācjū tiquinare tutuaro tiquiro cahñene masieta. Tiquiro marine cahī yuħduare. <sup>21</sup> Tiquina ñañene tiquina yeri buhirire masa yariatiquina ijire. Sa ye pecapū wahaeta. Cohācjū mari Pacū pehe masare cahī yuħduare. Tiquiro sa tutuaro cahīgū mari puħtoro Jesucristore tiquiro ohogū tiquiro pehe masare quehnoañequina wahagū yere. Sa ye tiquinare “Quehnoañequina ijire”, Cohācjū tiquiro ni ihñagū tiquina ijipihtiyē decori tiquiro mehna sa ijiducueta.

## 6

*Yariariquina muna* tiquina ñañene yerariro saha Cristo yequina gūhū ñañene yeducuerare

<sup>1</sup> ¿Dūhse yenatari mari yojopure, mūsa tuhotugū? ¿Cohācjüre marine cahī nemo duti duana ñañene ye nemoboagari mari? <sup>2</sup> Ijierare. Ñañene yeracūhna mari. Yariariquina muna ñañene tiquina yerariro saha Cristo yequina ijina mari gūhū ñañene yeraro cahmene. <sup>3</sup> Sa ye Jesu yequina mari ijiyere masa tiquina masiatire aco mehna wame yeri marine apequina. Jesu mari ñañe yeri buhiri yariari jiri. Sa yena tiquiro yequina ijina, mari ñañe yerire ye duerū. Sa yena duhuu. Tiquiro mari ñañe buhiri yariari jiri. <sup>4</sup> Sa yena Cristo pagure masa copepū tiquina ya cohāriro sahata mari ñañe yerire duhuaja. Sa yena mari Pacū tiquiro tutuaye mehna Cristo tiquiro masa mūjariro saha mari gūhū tiquiro tutuaye mehna quehnoañe pehere comesaja. Sa yena quehnoana wahaja.

<sup>5</sup> Sa yena Cristo yequina ijina Cristo yariaro ahri yehpa cǰā pagure tiquiro cohāriro saha mari gūhū yariariquina tiquina duhuriro saha mari ñañe yerire duhuu. Sa yena Cristo yequina ijina tiquiro masa mūjariro sahata mari gūhū quehnoana ijinata. Ti poto tjire. <sup>6</sup> Cristo yequina iji ducana tiquiro mehna yariariquina yero saha wahau pari turi mari ñañene yerato saha. Sa waharina ijina ñañene yeducu nemosi mari. Tire mari masiaja. <sup>7</sup> Yariariquiro mūnanopū ñañene ye nemoedare. <sup>8</sup> Cristo mehna yariariquina yero saha ijina, tiquiro masa mūjariro sahata mari gūhū quehnoana ijinata. “Ti poto tjire”, ni tuhotuaja mari. <sup>9</sup> Cristo tiquiro yaria masa mūjari bato ne pari turi yariasi. Apequiro tiquirore pari turi yariagū ye masiedare. Tire mari masiaja. <sup>10</sup> Sa yero Cristo ihcā taha yariaro, masa tiquina ñañe yerire cohāno taro yariahye. Tiquiro catiriquiro ijiro mari Pacū tiquiro cahmeno sahata yeducuatiquiro ijire tiquiro. <sup>11</sup> Tiquiro yero sahata mūsa gūhū ohō saha ni tuhotuya: “Yariariquina muna tiquina yeraro saha mari gūhū ñañene yeraja. Jesu yequina ijina mari Pacū tiquiro cahmeno sahata yeanaja ijina niaja mari gūhū”, ni tuhotuya mūsa.

<sup>12</sup> Sa yena mūsa yarianaja ijina ñañene yeducueracāhña. Sa yena mūsa ñañe ye duayere tutuaro cahmepenata tire sa tuhotu cāhña. <sup>13</sup> Ñañene yeracāhña. Pecapū wahaborina Jesu tiquiro yuħduonohrina ijire mūsa. Tiquiro sa yenohrina ijina Cohācjū cahmeñe dihitarē yeya mūsa. Sa yena quehnoañene yeya mūsa. <sup>14</sup> Yojopure Cohācjū Moiserē tiquiro dutiyē mehna marine dutierare. Cohācjū marine cahño tiquiro pehe marine dutire. Sa yena tiquiro yedohoro mehna ñañene ye duasi mari.

*Mūsa* ñañene yeducugū ti ñañe mūsa puħtoro yero saha ijire

<sup>15</sup> ¿Yuħū sa nigū dūhse ni tuhotuajari mūsa? ¿Cohācjū pehere yuhtianaja ijina Moiserē tiquiro dutiyere yuhtianaja ijierana, ñañene yeducuboagari mari? Ijierare. Yeducusi. <sup>16</sup> ¿Ahrire masiedajari mūsa? Mūsa quehnoano yuhtiriquiro mūsa puħtoro ijire. Sa yena tiquiro cahacǰāna ijire mūsa. Mūsa sa yuhti mūsa puħtoro tiriro sahata ñañene yeducuna mūsa ijigū ti ñañe mūsa puħtoro yero saha ijire. Sa yena ñañene duhu masiedare mūsa. Sa yena ijina pecapū wahanaja ijire mūsa. Cohācjüre quehnoano ño peona ijina tiquiro cahacǰāna ijire mūsa. Sa yena tiquiro yequina quehnoana ijire mūsa. ¿Tire masiedajari

musa? <sup>17</sup> Panopu ñañene yeducuna musa ijigũ ti ñañe musa puhtoro yero saha ijimedi. Yojobu pehere quehnoañe buheyere tuhona Jesure wacũ tutuana Cohãcjũre quehnoano ño peona wahari musa. Tire masigũ “Quehnoare”, niaja Cohãcjũre. <sup>18</sup> Sa wahana yojobure ñañe ti dutiro saha yerare musa. Sa yena Cohãcjũ cahacjana ijina quehnoañe pehere yere musa. <sup>19</sup> Cahacjena puhtoare tiquina quehnoano ño peoyere masi pehere musa. Sa yegu ti musa masidi mehna queoye mehna buhei musare “Ahri buheyere musa esa tuharo tuhoeraboaga”, nigũ. Panopu ñañene yeducuna ijimedi musa. Musa sa yeducuro sahata yojobu pehere quehnoañene yeducuna ijiya musa. Sa yena Cohãcjũ cahmeñe dihitare yenata musa.

<sup>20</sup> Panopu ñañe dihitare yerina ijina, quehnoañe pehere yera tiri musa. <sup>21</sup> ¿Ti pjerure ñañe dihitare yena yabere wapataru musa? Ti musa ñañe yerire wacũna yojobure bue tiaga musa. Ti ñañene musa yeri buhiri pecapu wahaboaya musa. Sa yena ñañene yena ne wapataerare musa. <sup>22</sup> Yojobu pehere musa ñañe yerire duhuna Cohãcjũ cahacjana wahari musa. Sa yena Cohãcjũ cahmeñe dihitare yena ijinata. Sa yena ijipihtiyere decori Cohãcjũ mehna ijinata. <sup>23</sup> Ñañene mari yeri buhiri pecapu wahanaja ijiya ijipihtina mari. Mari sa ijiepegũta mari puhtoro Jesucristore mari wacũ tutuagũ ihñano, ijipihtiyere decori tiquiro mehna marine ijiducugũ yerota. Mari sa ijiducuatire sa oho cãnota.

## 7

### *Cohãcjũ* Moisere tiquiro ohori dutiyere yahu nemoahye Pablo

<sup>1</sup> Yũhu acaye, Cohãcjũ Moisere tiquiro dutirire quehnoano masine musa. Masũno tiquiro catinigũ ti dutiyere yũhdũdũca dutierare. Tiquiro yariari bato pũritare ti dutiyere yero basioerare. Ti gũhure masine musa. <sup>2</sup> Ohõ saha ijire: Numinore ticoro manũno mehna dihita iji dutire Cohãcjũ Moisere tiquiro dutiri pehe. Tiquiro sa dutiepegũta ticoro manũno yariari bato ticoro pehe apequirore manũ ti masine. Ticoro ti dutiro mehna iji nemoedare. Ohõ saha ni yahure ti dutiye. <sup>3</sup> Sa yero ticoro manũno tiquiro catiepegũta ticoro apequirore manũ tiro, ñano yero nine ticoro. Sa ijieperota ticoro manũno yariari batopu apequirore manũ tiro, Cohãcjũ dutiyere yũhdũdũcaerare ticoro sa yericoro. Sa yero ñano yericoro ijierare ticoro.

<sup>4</sup> Musa gũhu yũhu acaye Jesu yequina wahana, dutiyere musa yeri wapa tiquiro yequina wahaerare musa. Sa yena yariariquina muna dutiye mehna tiquina ijieraro saha musa gũhu ti dutiye mehna ijierare. Musa Cristo ya curua cjãna ijire. Sa yena yojobure tiquiro yequina ijire musa. Tiquiro pehe yariari bato masa mujari jiri Cohãcjũ cahmeno saha mari yeatire. <sup>5</sup> Panopu ñañene mari esa tuharo yee timi. Sa yena Cohãcjũ Moisere tiquiro dutirire mari masidi bato ti dutiyere yũhdũdũca duami. Ti dutiye mariedagũ yũhdũdũca dueraboya. Sa yena ti dutiyere mari masidi bato ñañene tutuaro yemi mari. Sa mari ñañene yena mari pecapu wahaborinata ijie timi. <sup>6</sup> Sa wahaborina ijiepenata Cristo yequina ijina yojobure ti dutiye mehna ijieraja mari. Sa yero Espiritu Santo mari mehna ijiriquiro marine quehnoañe pehere comesagũ yere. Tiquiro sa yegũ panopu cjẽ dutiye tiquiro ojoari ti mehna ijieraja mari yojobure.

### *Tiquiro ñañe yerire yahuahye Pablo*

<sup>7</sup> ¿Sa yena Cohãcjũ Moisere tiquiro dutirire dũhse niboagari mari? ¿Ti dutiye ñañe ijiagari, musa tuhutugũ? Ijierare. Ti dutiye mehna ñañene masii. Sa yegu ti dutiye mariedagũ ñañene masiedaboya yũhu. Ti dutiye ohõ saha ijire. “Apequina yepure tutuaro cahmedacãhña”, niahye ti dutiye. Sa niedagũ apequina yepure tutuaro cahmeñe ti ñañe ijigũ masiedaboya yũhu. <sup>8</sup> Sa yegu ti dutiyere yũhu masidi bato apequina yepure tutuaro cahmee timi yũhu. Ti dutiyere masiedagũ apequina yepure tutuaro yũhu cahmeñe ti ñañe ijigũ masiedaboya yũhu. <sup>9</sup> Ti dutiyere yũhu quehnoano masiato pano sa tuhutu cũhu. Sa yegu ti dutiyere yũhu masidi bato tutuaro ñañene ye duami. Sa yegu pecapu yũhu wahatire masie tii. <sup>10</sup> Sa ye Cohãcjũ dutiyere yũhdũdũcaeraye, masa tiquiro mehna quehnoano ijiducuboya. Sa ye ti dutiye pehe quehnoano ijiducugũ yebori

dutiye ijire. Sa ijieperota yuhũ yuhdũdũcari buhiri yuhũre pecarũ waha dutimedi. <sup>11</sup> Sa yegũ ñañene yegũ Cohãcjũ Moisere tiquiro dutiye yuhdũdũca duami. Ñañene tutuaro cahmegũ yuhũ ijigũ quehnoañene masiedũ. Ti ñañe pehe yuhũre dojomehnedi. Sa yegũ quehnoano masiedũ. Sa masiedagũ Cohãcjũ dutiye yuhdũdũcaũ. Sa yegũ ti dutiye yuhũ masidi bato yuhũ ñañe buhirire pecarũ yuhũ wahaborirore masii. Ti dutiye mehna sa masii.

<sup>12</sup> Sa ye Moisere tiquiro cũri dutiye quehnoañe ijire. Sa ye queoro ijirota nine ti dutiye. <sup>13</sup> ¿Sa ijieperota marine ti quehnoañe dutiye pehe pecarũ wahagũ yeajari? Ijierare. Topũ wahagũ yerare. Mari ñañe yeye pehe marine pecarũ wahagũ yere. Ti dutiye mari masidi bato ti dutiye yuhdũdũcana, ñañene yena mari ijiyere masiaja mari. Sa yena mari ñana mari ijiyere masina, mari pecarũ wahati gũhũre masiaja mari. Sa yena ti dutiye masina mari yuhdũdũcarire ti ña yuhdũaye ijigũ masiaja mari.

<sup>14</sup> Moisere tiquiro dutiri Cohãcjũ pehe tiquiro cũri ti ijigũ masiaja mari. Yuhũ pehe apequina yero saha ñagũ ijiaja. Sa yegũ ñañene yeducugũ ijiaja. <sup>15</sup> Sa yeducugũ ijiepegũta yuhũ yerire ne masiedũ yuhũ. Yuhũ cahmeno saha yeraja yuhũ. Sa yegũ yuhũ tutuaro ye dueramedireta yeaga yuhũ. Sa yegũ yuhũ yerire ne masiedaga yuhũ. <sup>16</sup> Sa yegũ ñañene ye duerapegũta ñañene yeaja yuhũ. Tire yegũ Cohãcjũ dutiye quehnoañe ijigũ masiaja yuhũ. <sup>17</sup> Sa yegũ yuhũ waro ti ñañene yojopũre yeraja. Yuhũ tũhotuyepũ ijiye ñañe ti pehe yuhũre ñañene yegũ yere. <sup>18</sup> Quehnoañene tutuaro ye duepegũta ne cũedaga. Ñañe pehe yuhũre dojomehne mũjare. Ahri yehpa cjũ yuhũ ijigũ yuhũ tũhotuyepũ ñañe dihita ijire. Ne quehnoañe mariedabutiare. <sup>19</sup> Quehnoañe yuhũ ye duaye pehere ne yeraja yuhũ. Yuhũ ñañene yuhũ ye dueye pehere yeaja. <sup>20</sup> Sa yegũ yuhũ ye dueyere yegũ yojopũre yuhũ waro tire yeraja. Yuhũ tũhotuyepũ ijiye ñañe ti pehe yuhũre ñañene yegũ yere.

<sup>21</sup> Sa yero yuhũre ohõ saha wahare: Quehnoañene yuhũ ye duepegũta yuhũ tũhotuyepũ ñañe ijire. Sa yegũ quehnoañe pehere yeraja. <sup>22</sup> Cohãcjũ Moisere tiquiro dutirire yuhũ tũhotuye mehna tutuaro cahmeaja. <sup>23</sup> Sa yegũ yuhũ ahrire masiaja: Yuhũ tũhotuye mehna quehnoañene ye duaja. Sa ye duepegũta yuhũ basi ñañene tutuaro ye duaja. Sa yegũ yuhũ esa tuharo ñañene duhu masiedaga yuhũ.

<sup>24</sup> Sa ñañene duhu masiedagũ pejesũogũ ijiaja yuhũ. Ñañene yegũ pecarũ wahagũta yuhũ. Yohnah. ¿Yuhũ ñañene yuhũre pecarũ waha dutiye ñañene noa yuhũre cohã basaboagari? <sup>25</sup> Jesucristore yuhũ wacũ tutuagũ tiquirota yuhũ ñañene cohãnota. Tiquiro sa yegũ Cohãcjũre “Quehnoare”, niaja yuhũ. Sa yegũ yojopũre yuhũ basi yuhũ tũhotuye mehna Cohãcjũ dutiye yeaja. Sa yegũ ijiepegũta yuhũ esa tuharo ijigũ ñañe pehe yuhũre ñañene yegũ yere.

## 8

*Espíritu Santore* с̣oyequina tiquina ijiye tiyere yahuahye Pablo

<sup>1</sup> Yojopũre Jesucristo yequinare tiquina buhiri tiato mariedare. [Tiquina ñañe tutuaro cahmeñene yerare. Sa ye Espiritu Santo tiquiro dutiro saha yeducure tiquina.] <sup>2</sup> Sa yero Jesucristo yaquiro yuhũ ijigũ Espiritu Santo ñañene duhugũ yere yuhũre. Sa yero Espiritu Santo ijipihtiye decori Cohãcjũ mehna ijigũ yere yuhũre. Ñañene yuhũre duhugũ yero yuhũre pecarũ wahaborigũre yuhdũore tiquiro. <sup>3</sup> Cohãcjũ Moisere tiquiro dutirire mari esa tuharo ne ye pehosi. Sa ye pehoerana yuhdũdũcana ijiaja mari. Sa yena mari ijigũ Cohãcjũ marine yuhdũoeranidi. Mari sa ijina ijiepegũta ohõ saha Cohãcjũ marine yuhdũorota. Tiquiro mari ñañe buhirire yariatiquirore, ti ñañene cohãtiquirore tiquiro macũnore ohoahye. Sa yero tiquiro macũno mari yero sahata pagũ tiahye. Sa yero mari tũhotuyepũ ijiye ñañene tiquiro cohãri. <sup>4</sup> Marine sata yeri Cohãcjũ dutiye tiquiro tutuaye mehna mari ye pehoatire. Ti dutiye ye pehona ijina mari esa tuharo ijieraja. Sa ijina Espiritu Santo yedohoye mehna tiquiro dutiro sahata yeaja mari.

<sup>5</sup> Ñañene ye duayequina, ti dihitare tutuaro cahmene. Espíritu Santo dutiro sahata yeducuequina pehe ti dihitare ye duare tiquina. <sup>6</sup> Ñañene ye duayequina ti dihitare tutuaro cahmeñe, pecapɯ wahaeta. Espíritu Santo cahmeno sahata tutuaro ye duayequina pehe ijipihtiye decori Cohãcjũ mehna ijietã. Sa ye tiquina quehnoano iji cãeta. <sup>7</sup> Tiquina esa tuharo yeyequina Cohãcjũre ihña tuhtire. Tiquina Cohãcjũ dutiyere ne yũhtierare. Tiquiro dutiyere yũhti duerare. Yũhti masiedare tiquina. <sup>8</sup> Sa ye tiquina esa tuharo yeyequina Cohãcjũre bucuegũ ye masiedare.

<sup>9</sup> Mũsa pehe mũsa esa tuharo yerare. Espíritu Santo mũsa mehna ijigũ tiquiro cahmeno sahata yere mũsa. Sa ye Espíritu Santore cœoyequina pehe Cristo yequina ijierare. <sup>10</sup> Mũsa pehe tiquiro yequina ijire. Mũsa ñañe buhiritã mũsa paguri yariare. Sa mũsa paguri yarianaja ijiepenata Cristo mũsa mehna tiquiro ijigũ tiquiro mehna sa ijiducunata mũsa. Cohãcjũ mũsare “Quehnoana ijire”, tiquiro ni ihñagũ mũsa tiquiro mehna sa ijiducunata. <sup>11</sup> Cohãcjũta Jesure masori jiri. Sa masoriquiro ijiro Espíritu Santo mari mehna tiquiro ijiducugũ mari yariari bato Cohãcjũ mari gũhũre masonota. Sa masono mari pagurire yariati pagurire catigũ yerota marine.

<sup>12</sup> Yũhũ acaye, tiquiro sa yegũ ihñana ñañe mari tutuaro cahmedire yeracũhna. <sup>13</sup> Mari ñañene yerina ijina, pecapɯ wahaborina iji cãnata niaja. Espíritu Santo yedohoye mehna ñañe yeyere duhurina ijina, ijipihtiye decori Cohãcjũ mehna ijinata.

<sup>14</sup> Ijipihtiyequina Espíritu Santore yũhtiyequina Cohãcjũ pohne ijire. <sup>15</sup> Espíritu Santo mari mehna tiquiro iji dũcagũta Cohãcjũ pohna iji dũcaũ. Sa yena tutuaro mehna tiquiro dutinohrina ijieraja mari. Sa yena panopɯ mari cueriro saha yojopɯ pehere mari cueraja. Tiquiro pohna ijina, Espíritu Santo yedohoye mehna yojopũre “Yũhũ Pacũ”, niaja mari Cohãcjũre. <sup>16</sup> Sa yero Espíritu Santo mari wacũñepɯ marine ohõ saha masigũ yere: Potota Cohãcjũ pohna ijiaja mari. Tire marine masigũ yere tiquiro. <sup>17</sup> Sa yena tiquiro pohna ijina, Cohãcjũ ijipihtiyere tiquiro pohnene tiquiro “Ohoutja”, tiquiro nidire mari pehe cœonata. Jesucristo mehna mari cœonata tire. Cristo yere mari yeri buhiri ñano yũhdũrina ijina mari tiquiro mehna ũhmũsepɯ quehnoano bucueye mehna iji cãnata. Sa yena Cohãcjũ tiquiro pohnene “Ohoutja”, tiquiro nidire cœonata mari.

<sup>18</sup> Yojopũre ahri yehrapɯ ñano yũhdũrĩaja mari. Camepũre mari ũhmũsepɯ quehnoano iji cãnata. Sa yena yojopũre ñano yũhdũna, pajiro bujũa witi wacũ tũhotuercũhna. Ahri mari ñano yũhdũri sa iji cãno nine. Came quehnoano iji cãnata Cohãcjũ mehna. Sa yena tutuaro bucuenata. Ahri pũrita ihyo waro ijierare. <sup>19</sup> Cohãcjũ pohna ijina Cohãcjũ mehna quehnoano ijinata. Mari sa wahatire cohteducuro saha yero nine Cohãcjũ bajumehnedi. <sup>20</sup> Ijipihtiropũre tiquiro bajumehnedi quehnoano ijiborire dojomehneahye masũno ñano ye dũcaro. Ti esa tuharo sa wahaerahye. Ñañe iji dũcari bato tiquiro bajumehnedi sa wahahye. Sa yero Cohãcjũ tiquiro bajumehnedire sata ñano iji dutiniahye. Came tiquiro bajumehnedire quehnoañe wahagũ yerota tiquiro. <sup>21</sup> Sa yero Cohãcjũ tiquiro bajumehnedire ahba pihtiborire quehnoañe wahagũ yerota tja. Cohãcjũ pohnene quehnoañequina tiquiro wahagũ yeriro sahata, tiquinare quehnoano tiquiro yũhdũoriro sahata quehnoañe wahagũ yerota Cohãcjũ tiquiro bajumehnedire. <sup>22</sup> Ijipihtiye Cohãcjũ tiquiro bajumehnedi ñano ti iji dũcari bato ñano yũhdũe tiahye. Numino niji wahcõno ticoro ñano yũhdũro sahata tiquiro bajumehnedi gũhũ decoripe ñano yũhdũducure. Tire mari masiaja. <sup>23</sup> Mari pehe Espíritu Santore cœona ijiaja. Tiquiro yequina mari wahagũ Cohãcjũ tiquiro yaquiro Espíritu Santore duitã ohori marine. Tiquiro bajumehnedi yero sahata mari gũhũ ñano yũhdũaja. Sa yena quehnoañe pehere tiquiro comesatire tutuaro cohteaja. Sa yena tiquiro pohna mari tiquiro mehna mari quehnoano ijiato gũhũre tutuaro cohteaja mari. Wahma pagũre marine tiquiro ohoati gũhũre cohteaja. <sup>24</sup> Mari sa cohtena ijigũ, tiquirota marine pecapɯ wahaborinare yũhdũore. Tiquiro cahapɯ ijirina ijina tiquiro cahapũre mari wahatire cohteraboya mari. Marine tiquiro yũhdũo tuhasari bato ijigũ tire cohte nemoedaboya. <sup>25</sup> Sa yena tiquiro ohoatire ihñedapenata Cohãcjũ marine tiquiro yũhdũoatire cohtena, sa cohteducuaja.



<sup>26</sup> Sa yena Cohãcjũre wacũ tutuera cjũna tiquiro cahmeñene quehnoano masiena mari ijigũ Espiritu Santo marine yedohore. Cohãcjũre mari quehnoano sini masiedaja. Espiritu Santo pehe marine Cohãcjũre tutuaro sini basare. Marine tutuaro paja ihñano marine tiquiro Cohãcjũre tutuaro sini basare. <sup>27</sup> Cohãcjũ cahmeno sahata marine Jesu yequinare sini basare Espiritu Santo. Tiquiro sa sini basagũ Cohãcjũ mari tuhutuyere masi pehoriqiro ijiro, Espiritu Santo tiquiro sini basarire masine.

*Cristo tiquiro tutuaye mehna ñañe yeyere* yũhdũducãnata mari

<sup>28</sup> Ahrire yũhũ yahuatire masiaja mari: Ijipihtina Jesure cahĩna mari ijigũ tiquiro cahmeñene yeanajare beseahye marine. Sa ijina mari ijigũ ihñano Cohãcjũ sa ihña ihboducure marine. Sa yena mari ñano yũhdũepenata ñano yũhdũeducu dojoeraja. Cohãcjũ tiquiro yedohoro mehna quehnoano ijinata mari. <sup>29</sup> Cohãcjũ marine tiquiro yequinare duitapũta masi tuhasahye. Sa masino tiquiro macũno Jesu tiquiro ijiro sahata marine iji dutiro, marine quehnoañe pehere comesa duti tuhasahye. Tiquiro macũno yero saha marine iji dutiahye tiquiro peyequina masa tiquiro macũnore mari wahmi tiatire. <sup>30</sup> Panopũ tiquiro yequina tiquiro iji dutirina mari ijigũ, tiquiro pohna mari ijiatina gũhũre beseahye marine. Sa yero marine tiquiro beserinare tiquiro “Quehnoañequina ijire”, ni ihñare. Marine tiquiro sa ninohrinare tiquiro mehna uhmũsepũ quehnoano ijigũ yerota marine Cohãcjũ.

<sup>31</sup> Tire masina ohõ saha tuhutuaja mari: Cohãcjũ marine tiquiro cahñonare ne apequina ihña tuhtiye cũedare. <sup>32</sup> Cohãcjũ mari ye buhirire yariatiquirore tiquiro macũnore ohoahye. “Yũhũ macũre cahĩaja. Sa yegũ tiquirore ohoeraja”, niedahye tiquiro. Marine sa tutuaro yedohoriqiro ijiro, ijipihtiye mari cahmeñe dũhsarire marine oho pehorota. <sup>33</sup> Cohãcjũ beserina mari ijigũ, tiquiro marine “Quehnoana ijire”, ni ihñari. Mari sa ijina ijigũ apequina marine “Ñana ijire”, ne ni yahusã masiedare. <sup>34</sup> Cristo mari ye buhirire yaria masa wijiahye. Sa yero Cohãcjũ poto pehepũ yojopũre tiquiro ijire dutiriquiro ijiro. Sa yero tiquiro marine potota sini basaro nine Cohãcjũre. Sa ye apequina pehe marine ne buhiri dahre duti masiedare. <sup>35</sup> Cristo marine tiquiro tutuaro cahĩgũ apequina tiquirore “Cahĩedacãhña”, ne ni masiedare. Cahĩ duhusi tiquiro. Mari ñano yũhdũepẽgũta, mari cuepegũta, apequina marine tiquina ñano yepegũta, mari ujuã ahbaepẽgũta, suhti mariena mari ijiepegũta, cuaropũ mari ijiepegũta, marine tiquina wejẽpegũta Cristo marine sa cahĩducurota. <sup>36</sup> Cohãcjũ yere tiquina ojoari pũpũ mari sa wahatire yahuro, ohõ saha nine:

Mũhũ yequina usã ijiri buhiri apequina usãre sa wejẽ duaducure. Oveja tiquina wejõatiquina tiquina ijiriro saha usã gũhũre sa wahare, ni ojoahye Cohãcjũ yere tiquina ojoari pũpũ.

<sup>37</sup> Sa yena mari ñano yũhdũepenata Cristo marine cahĩniqiro tiquiro yedohoro mehna tutuaro mehna ñañene duhu pehonata mari. <sup>38-39</sup> Jesucristo yequina mari ijigũ ihñano Cohãcjũ pehe marine tutuaro cahĩne. Sa yero tiquiro marine ne cahĩ duhusi. Mari yariagũ gũhũre, mari catigũ gũhũre, yojopũre, camerũ gũhũre, tiquiro marine cahĩ duhusi. Sa ye angele, watĩa pũhũa, ahri yehpa cjẽna pũhũa, uhmũse cjẽna, ñañequina bajueyequina gũhũ Cohãcjũre “Mũhũ yequinare cahĩedacãhña”, tiquina niepegũta marine ne cahĩ duhusi Cohãcjũ. Cohãcjũ tiquiro bajumehnedi mehna marine ne cahĩ duhugũ yeye mariedare. Marine ne tiquiro cahĩ duhusi.

## 9

*Israe masa Cohãcjũ* beseriquina ijire

<sup>1-2</sup> Yũhũ acaye Israe masare wacũgũ, tutuaro bujuã witiaja yũhũ. Cristore cahmedare tiquina. Sa yegũ ñano bujuã witi jeripohna tiaja yũhũ. Ti yũhũ sa ni yahuye ijirota ijire. Yũhũ Cristo yaquirota ijiaja. Sa yegũ musare potota niaja. Sa yegũ Espiritu Santo yũhũ mehna tiquiro ijigũ yojopũre yũhũ acayere yũhũ ni yahuye ti potota ijigũ quehnoano masiaja yũhũ. Tiquiro tire yũhũre quehnoano masigũ yere. <sup>3</sup> Israe masa yũhũ acaye ya maca cjẽna pecarũ wahaeta. Cohãcjũre tiquinare yũhdũo dutigũ ohõ saha niboã yũhũ

pehe: “Tiquina ye buhirire yuhū pehe pecapū wahautja. Sa yero tiquina ye buhirire yuhū pehere buhiri dahreahro Cristo”, niboā yuhū. <sup>4</sup> Tiquina yuhū acaye Israe mūnāno panamena iji turiayequina ijire. Sa yero Cohācjū pohne ijiatiquinare cūahye Cohācjū tiquinare. Sa yero Cohācjū tiquiro asi siteye mehna tiquina watoa ijie tiahye. Sa yero tiquina ijipihtiequinare tiquiro masare tiquiro yuhduoatire yahue tiahye tiquinare. Sa yero Moiserē tiquiro dutirire duita cū mūhtahye Israe masare. Sa ye Cohācjūre ño peoati wūhūre ye mūhtae tiahye tiquina. Sa yero tiquinare tiquiro quehnoano yeatire yahue tiahye Cohācjū. <sup>5</sup> Ūsā ye cururi waro doce cururi waro ijire. Sa yena ūsā ñecūsumūa iji mūhtariquina mūnapū tiquina panamena iji turianapū ijijaja ūsā Israe masa. Sa yero mari yero saha pagū tiriquiro ahtarō, ūsā acayūro Israe masūno waro ijire Cristo. Tiquiro Cohācjūta ijire. Sa yero tiquiro ijipihtiequina pūhtoro ijire. Ijipihtie decori tiquirore quehnoano ño peouhna mari. Sa ño peoducuuhna.

<sup>6</sup> Apequina Israe mūnāno panamena iji turiayequina ijiepetā Cohācjū yequina waro ijierare. Sa yena tiquina tiquiro yequina ijieragū ihñana ohō saha ni tūhotuboa mūsa: “Israe masare yeequina ijigū yeitja’, nieperota ihquēquinare Cohācjū tiquiro nidiro sahata yerare”, ni tūhotuboa mūsa. Sa ni tūhotueracāhña. <sup>7</sup> Ohō saha ijire: Apequina Israe masa Abrahā panamena iji turiayequina tiquina ijiepegūta “Abrahā panamena iji turiayequina waro ijire”, ni ihñedare Cohācjū tiquinare. Sa yero ohō saha niahye Cohācjū: “Mūhū macū Isaac panamena iji turiayequina tiquina pūrita potota mūhū panamena iji turiayequina waro ijietā”, niahye Cohācjū Abrahāre. <sup>8</sup> Tiquiro sa ni yahugū ahrire masinata mari: Abrahā panamena tiquina masa bajuari bato duita Cohācjū pohne waharēdaga tiquina. Cohācjū tiquiro ni cūrire quehnoano tūhoyequina tiquirore wacū tutuayequina pehe tiquinata ijijaga Cohācjū pohne. Sa ye tiquinata ijire Abrahā panamena iji turiayequina waro. <sup>9</sup> Ohō saha niahye Cohācjū Abrahāre: “Ape cūhma ahri pje borota yuhū majare tojoa tagū mūhū namono Sara nijinogāre cūorota mūhū macūre”, niahye Cohācjū Abrahāre. Sa nino Cohācjū Abrahā macūno tiquiro masa bajuatire yahuyuro niahye.

<sup>10</sup> Came Isaac namono Rebeca wame tiricoro duita pūaro pohna tiahye. Tiquina pacūro Isaac ūsā ñecū mūnāno iji turiariquiro ijiahye. <sup>11-12</sup> Sa ye tiquina pohne tiquina masa bajuato pano quehnoañene, ñañe gūhūre tiquina yeato pano Cohācjū tiquina pacoro ijiatiorore ohō saha nie tiahye: “Tiquiro bahūro pehe tiquiro wahminore dutirota. Sa yero tiquiro pūhtoro ijirota”, nie tiahye ticorore. Cohācjū tiquiro cahmeno sahata besere tiquiro. Sa beseriquiro ijiro ihcāquirogāre besero ticorore sata ni yahue tiahye. Sa yero masa tiquina yeyere ihñedaperota tiquiro cahmeno sahata tiquiro yequina ijiatiquinare besere. <sup>13</sup> Sata ni ojoahye tiquiro yere tiquina ojoari pūpū: “Jacob pehere cahñe tii. Sa yegū Esaū pehere cahñeda tii’, niahye Cohācjū”, ni ojoahye panopū.

<sup>14</sup> ¿Tire wacūna dūhse ni tūhotuboari mari? ¿Tiquina yeyere ihñedaperota ihcāquiore sa besero Cohācjū queoro yeraboari, mūsa tūhotugū? Ijierare. <sup>15</sup> Ohō saha nie tiahye Cohācjū Moiserē: “Yuhū cahmediquiro dihitare paja ihñautja”, niahye tiquiro Moiserē. Sa yero ihcāquiore sa besero potota yero niahye Cohācjū. <sup>16</sup> Sa yena mari esa tuharo mari cahmeno saha Cohācjūre marine paja ihñagū yeraja mari. Sa yero ne mari quehnoañene mari yeri wapa gūhūre marine paja ihñedare tiquiro. Tiquiro esa tuharo tiquiro cahmeñequina pehere paja ihñare. <sup>17</sup> Sa yero sata tiquiro esa tuharo yeahye Egipto cjēna pūhtoro gūhūre. Ohō saha niahye Cohācjū tiquirore faraōre: “Egipto cjēna pūhto ijiajūre cūgū nii mūhūre yuhū tutuayere ijipihtiequinare yuhū ihñoatire. Sa yegū ijipihtie yehpari cjēna yuhūre tiquina masiatire pūhto sōu nii yuhū mūhūre”, niahye Cohācjū tiquirore. Ohō sahata nine Cohācjū yere tiquina ojoari pūpū. <sup>18</sup> Sa yero tiquiro cahmeñequinare tiquiro esa tuharo paja ihñare tiquiro. Sa yero tiquiro esa tuharo apequinare yūhtieragū yere tiquiro. Sa yero Cohācjū tiquiro cahmediro sahata yere.

<sup>19</sup> Tiquiro sa yeriquiro ijigū ihñana yuhū pehere ohō saha niboaga mūsa: “Cohācjū marine tiquiro cahmediro sahata tiquiro yegū mari pehe tiquirore yuhduca masisi. ¿Mari sa yuhduca masiedapegūta dūhse ijiro boro marine buhiri dahre duajari

tiqiro?” ni pihopūri sinituboaga mūsa yūhure. <sup>20</sup> Ohō saha ni yūhtiaja mūsare: “¿Masa ihyo ijina ijeopenata Cohācjūre tuhtiajari mūsa? Dihi sutu dahreriquirore ¿Duhsegu yūhure ohō saha ijiri sutu yeri mūhū?” ti sutu ni sinituboriro saha nina niaga mūsa Cohācjūre. Sa ni masiedare mūsa. <sup>21</sup> Dihi sutu dahreriquiro dihi mehna tiqiro cahmeno sahata yere. Sa yero quehnoañene pose yeati suture ye masine tiqiro. Tia dihi yūbū mehnata ihyo ijiyere pose yeati sutu gūhure ye masine tiqiro. Tiquiro yero saha Cohācjū gūhū tiqiro ye duaro sahata yere.

<sup>22</sup> Sa yero Cohācjū pecapū tiqiro cohātiquinare tiquina ñañe yerire tiqiro ihña usuaro tiquinare buhiri dahre duamahye. Sa buhiri dahre dueperota, yoari pje tiquina ñañe yeyere sa ihña cārīahye, ijipihtiequinare tiqiro buhiri dahreatire, tiqiro tutuayere ihñono taro. <sup>23</sup> Sata yeahye Cohācjū tiqiro quehnoa butiariquiro tiqiro ijiyere, tiqiro tutuaye gūhure mari masiatire. Panopū marine tiqiro paja ihñanohanajare tiqiro beseahye, ijipihtie tiqiro tutuayere tiqiro quehnoañene mari cūoatire. <sup>24</sup> Sa yena mari pehe tiqiro beserina ijinata niaja. Sa ye tiqiro beseriquina pehe ihquēquina judio masa dihita ijierare. Ihquēquina judio masa ijieyequina gūhū ijire tiqiro beseriquina. <sup>25</sup> Sata nine judio masa ijieyequinare Cohācjū yere Osea mūnano tiqiro ojoariro sahata:

Yeequina ijieyequina gūhure camerū tiquinare “Yeequina ijire”, niitja. Sa yegū yūhū cahñeñequina gūhure camerū tiquinare “Yūhū cahña ijire mūsa”, niitja, niahye Cohācjū. <sup>26</sup> “Yeequina ijierare mūsa”, Cohācjū tiqiro nimesi yehpari cjēna tiquina Cohācjū catiriquiro pohmeta ijietā, ni ojoahye Osea panopūre.

<sup>27</sup> Sa yero panopū cjēno Isaia mūnano Israe masare ohō saha ni yahuahye: “Pajiri ma cjē padū pjerigāre mari queona cūedaja. Israe masa ti padū pjerigā yero saha ijieyequina peyequina ijepegūta meheñequinagā Cohācjū yūhdūorota tiquinare. <sup>28</sup> Cohācjū ahri yehpa cjēnare peyequina masare sojaro mehna potota buhiri dahre madoqueorota”, niahye Isaia. <sup>29</sup> Sa yero pari turita ohō saha ni ojoahye Isaia:

Mari pūhtoro ijipihtiequina pūhtoro meheñequinagā mari mehna cjēnare yūhdūoeraro, marine judio masare ijiphtinare butigū yeboya tiqiro. Sodoma cjēnare, Gomorra cjēna gūhure tiqiro butigū yeriro sahata mari gūhure butigū yeboya tiqiro, ni ojoahye Isaia yūhū acaye Israe masare tiqiro yeato panopū.

#### *Judio masa quehnoañe buheyere cahmedahye*

<sup>30</sup> Sa tjire. Sa yena ahrire masi nemoña mūsa: Judio masa ijieyequina Cohācjūre macaedapeta tiqirore bocare. Jesucristore tiquina wacū tutuagū, “Quehnoañequina ijire”, ni ihñari tiquinare Cohācjū. <sup>31</sup> “Cohācjū dutiyere mari yegū tiqiro marine yūhdūorota”, niñe judio masa pehe Cohācjū Moiserē tiqiro dutiyere yepeta, cūedari. Sa yero ti dutiyere tiquina yepegūta Cohācjū “Quehnoañequina ijire”, ni ihñedari. Sa ye quehnoañequina iji duepeta cūedari. <sup>32</sup> Ohō saha ye, tiquina cūedari: Tiquina Cohācjūre wacū tutuaro marieno tiquina esa tuharo Moiserē tiqiro dutirire ye duamedi, tiqiro yequina iji duaye. Mari queoye mehna buhegū Cristo utā yero saha ijiriquiro ijire. Omaperiquiro utāpū doque wahā sa bora quehero, tiqiro esaborirore ne eserare. (Tiquiro yero saha tiquina Cristore utā yero saha ijiriquirore cahmeeñequina Cohācjū cahapū ne esasi.) <sup>33</sup> Sata ni ojoahye Cohācjū yere tiquina ojoari pūpū:

Jerusalē wame tiri macapū utā yero saha ijiriquirore cūgū niaja. Mari queoye mehna buhegū ohō saha ijire: Omaperiquiro utāpū doque wahā sa bora quehero tiqiro esaborirore eserare. (Tiquiro yero saha ti maca cjēna utā yero saha ijiriquirore tiquina cahmedari buhiri Cohācjū cahapū ne esasi. Tiquiro pehe tiquinare topūre waha dutisi.) Sa ye tiqirore wacū tutuayequina pehe quehnoano bucueeta, ni ojoahye.

## 10

<sup>1</sup> Yūhū acaye, Israe masare pecapū wahaboriquinare Cohācjū tiqiro yūhdūoatire, tutuaro yūhū jeripohna mehna cahmesāja yūhū. Sa yegū Cohācjū tiquinare tiqiro

yuhduoatire sini basaja yuhũ. <sup>2</sup> Potota tiquina Cohãcjũ cahmeñene ye duamene. Sa ye duepeta tiquiro cahmeñene masiedare. <sup>3</sup> Sa ye tiquinare Cohãcjũ tiquiro quehnoañequina wahagũ yeborire tiquina masiedare. Sa masiedaye tiquina esa tuharo quehnoañene yepeta, cüedari. Tiquina sa yegũ Cohãcjũ tiquiro wacũ tutua dutiriro sahata tiquina yeragũ ihñano, tiquiro pehe tiquinare “Quehnoañequina ijire”, ni ihñedari. <sup>4</sup> Ijipihtiyequinare Cristore wacũ tutuayequinare “Quehnoañequina ijire”, ni ihñare Cohãcjũ. Sa yena dutiye yeye mehna yuhdu witieraja mari. Cristo mehna yuhduaja.

<sup>5</sup> Moise mñano panopũ cjũno ohõ saha ni ojoahye: “Cohãcjũ dutirire mari duhuro marieno ye pehogũ Cohãcjũ yuhduorota marine”, ni ojoahye tiquiro. <sup>6-7</sup> Tiquiro sa ni ojoapegũta yojopũre masa Cristore tiquina wacũ tutuagũ Cohãcjũ tiquinare “Quehnoañequina ijire”, ni ihñare. Ti buheye quehnoañequina wahagũ yeri buheye ohõ saha ni yahure: Cristo tiquiro basi ahri yehparũ wihi tuhasari jiri. Sa yero masa mña tuhasari jiri. Sa yena ohõ saha ni tuhhotueracãhña mña: “¿Diquiro pehe umũserũ Cristore ne cãhta basaro wahaboagari marine tiquiro yuhduoato saha? ¿Diquiro pehe yariariquina caharũ Cristore maso basaro ne cãhtaboagari? Tiquirore ne cãhtaboriquiro mariedare”, ni tuhhotueracãhña mña. <sup>8</sup> Sa yero ohõ saha ni yahure Cohãcjũ yere tiquina ojoari pũpũ: “Cohãcjũ ye buheyere mari macagũ ti buheye ohõpũ ijire. Ti buheyere masi tuhasare mña. Sa yena ti buheyere yahuducue tire mña”, ni ojoahye. Ti buheyere Cristore wacũ tutuaye buheyere masare yahuaja usã. <sup>9</sup> Ti buheye ohõ saha ni yahure: “Jesu mari pũhtoro ijire”, ni mari yahugũ, “Cohãcjũ Jesure yariariquirore potota masori”, ni mari tuhhotugũ, Cohãcjũ marine pecarũ wahaborinare yuhduorota. <sup>10</sup> Jesure mari wacũ tutuagũ Cohãcjũ pehe marine “Quehnoana ijire”, ni ihñanota. Sa yero Jesure mari wacũ tutuayere apequinare mari yahugũ tiquiro marine pecarũ wahaborinare yuhduorota.

<sup>11</sup> Ohõ saha nine Cohãcjũ yere tiquina ojoari pũpũ: “Cohãcjũre wacũ tutuayequina tiquirore tiquina wacũ tutuarire ne buña witisĩ”, niahye Cohãcjũ yere tiquina ojoari pũpũ. <sup>12</sup> Judio masare, judio masa ijieyequina gũhũre Cohãcjũ ihcãno saha yedohore. Mari pũhtoro ijipihtiyequina pũhtoro ijire tiquiro. Sa yero ijipihtiyequinare tiquirore siniñequinare quehnoano pajiro ohorota tiquiro. <sup>13</sup> Ohõ saha ni ojoahye panopũre: “Yuhũ ñañene cohãña. Sa yegũ yuhũre yuhduoya”, ni mari pũhtoro masa tiquina sinigũ tiquinare pecarũ wahaboriquinare mari pũhtoro yuhduorota”, ni ojoahye Cohãcjũ yere. <sup>14</sup> Sa ye masa Cristore wacũ tutueraye tiquirore sini masiedare tiquina. Sa ye tiquiro buheyere tuhøeraye, tiquirore wacũ tutua masiedare. Sa ye tiquiro buheyere yahuriquiro mariedagũ tire tiquina ne masisi. <sup>15</sup> Sa ye tiquiro ye buheyere yahuatiquinare Cohãcjũ pehe tiquiro ohoeragũ tiquiro ye buheyere yahu masiedare. Tire ojoahye Cohãcjũ yere tiquina ojoari pũpũ: “Quehnoañe buheyere yahuatiquina tiquina ahtagũ ihñana quehnoano bucueaja mari”, ni ojoahye panopũre.

<sup>16</sup> Ti sa ijiepegũta masa peyequina quehnoañe buheyere tuhø duerare. Sata ni ojoahye Isaia mñano: “Pũhto, tiquinare mari yahurire tiquina ne tuhø duerari”, ni yahuahye Isaia Cohãcjũre. <sup>17</sup> Sa ye masa quehnoañe buheyere tuhøye Cristore wacũ tutuari. Sa ye Cristo yequina tiquiro yere tiquina yahugũ, tiquiro ye buheyere tuhøre masa.

<sup>18</sup> Sa yegũ ahrire sinitu duaja mñare: ¿Israe masa Cohãcjũ yere tuhøera tiari, mña tuhøtugũ? Poto waro tiquina tuhømedi. Sata nine Cohãcjũ yere tiquina ojoari pũ gũhũ: Cohãcjũ yere yahuequina ijipihtiropũ yahu siteye wahari. Sa ye ijipihtiro cjẽnapũ tiquiro yere tuhøri, ni ojoahye panopũ.

<sup>19</sup> Pari turi mñare sinitu duaja tja: ¿Israe masa tuhøepeta quehnoano masiedari tiquina, mña tuhøtugũ? Masie timahye. Ahrire yahu nemogũ Moise nidire yahu mũhtautja. Ohõ saha ni ojoahye tiquiro:

Ohõ saha ni yahure Cohãcjũ Israe masare: “Tuhø masieñequina, ñañequina, ihyo ijieyequina ijire”, ni mña ihñañequinare yeequina ijiatiquina yeitja. Yuhũ sa yegũ mña pehe tiquinare ihña coonata. Sa yegũ mñare usuagũ yeitja yuhũ,

ni yahuri Cohācjū Israe masa ijieyequinare tiqiro yequina ijigū yero taro, ni ojoahye Moise.

<sup>20</sup> Ape pūrpe Isaia cuero marieno ohō saha niahye:

Ohō saha nine Cohācjū: Yūhure macaedariquina pehe yūhure bocari. Sa yegū yūhure cahmeeñequinare tiquinare yūhure masigū yei yūhū, nidi Cohācjū, ni ojoahye Isaia judio masa ijieyequinare.

<sup>21</sup> Israe masa pehere ohō saha ni ojoahye Isaia: “Ohō saha nine Cohācjū: Tiquina yūhure yūhdūdūcayequina, yūhure cahmeeñequina ijire. Sa yegū tiquinare tiquina ñañene bñjua witi dutigu ‘Yeequina ijiya’, sa niducumi tiquinare”, nidi Cohācjū, ni ojoahye Isaia.

## 11

*Meheñequinagā Israe masare pecapū* wahaboriquinare yūhdūorota Cohācjū

<sup>1</sup> ¿Sa yero Israe masare Cohācjū tiqiro beseriquinare yojopure cohāyari tiqiro, mūsa tūhotugū? Ijierare. Tiquinare cohāedari tiqiro. Yūhū gūhū Israe masū, Abrahā panami iji turiagupū ijiaja. Sa yegū Benjami ya curua cjū ijiaja yūhū. <sup>2</sup> Panopū Israe masare Cohācjū besee tiahye. Tiquiro sa beseriquinare cohāedari. Cohācjū yere tiquina ojoari pūrpe Elia mūnano tiqiro yerire yahure. ¿Ti pūrpe Israe masare Elia Cohācjūre tiqiro yahūsārire masiedajari mūsa? Ohō saha ni yahūsāhye tiqiro: <sup>3</sup> “Pūhto Cohācjū, tiquina Israe masa mūhū yere yahu mūhtariquinare wejēdi. Sa ye tiquina mūhūre wacū usā ño peoye altarire cohāri. Sa yegū yūhū dihita mūhū yaqiro dūhsaja yojopure. Yūhū sa ijigū tūhoye yūhū gūhūre wejē duare tja, yojopure”, niahye Elia Cohācjūre. <sup>4</sup> Tiquiro sa nigū tūhoro Cohācjū pehe ohō saha ni yūhtiahye Eliare: “Siete mil ūmua yeequina ijire yojopure. Tiquinare ihbou yūhū. Baal wame tiriqiro queoyere ne ño peoera tiri tiquina, yeequina”, niahye Cohācjū Eliare panopure cue dutieraro. <sup>5</sup> Ti pjere Elia tiqiro ijiri pjere tiqiro yequina masare beseriro sahata yojopū gūhūre meheñequinagā Israe masare tiqiro yequina ijiatiquinare beseri jiri Cohācjū. Cohācjū tiquinare paja ihñano beseri jiri. <sup>6</sup> Quehnoañene tiquina yeri wapa tiquinare beserari jiri. Tiquinare paja ihñano beseri jiri. “Quehnoañene mūsa yeri wapa mūsare beseitja”, nino, tiqiro tiquinare potota paja ihñano niedaboya.

<sup>7</sup> Sa ye ohō saha ijire. Israe masa Cohācjū tiquinare “Quehnoañequina ijire”, tiqiro ni ihñagū cahmepeta tiquina ihcāno sahaerari. Cohācjū tiqiro basi tiqiro beseriquina pehe quehnoañequina tiqiro yequina wahari jiri. Apequina pehe tiqirore ihcāno sahaeraye, tiquina pehe tiqiro yere tūho duerari. <sup>8</sup> Sata niahye Cohācjū yere tiquina ojoari pūrpe: “Cohācjū tiqirore cahmeeñequinare tiqiro yere tūhoeyequina ijigū yeri. Sa yero potota ijiyere tiquina tūhoepēgūta tiquinare quehnoano tūhogū yerari Cohācjū. Sata ijiducure tiquina yojopū gūhūre”, ni ojoahye panopure. <sup>9</sup> Sa yero ohō saha niahye Davi panopū cjūno Cohācjūre:

Tiquina Israe masa tiquina bōse decori tiquina bucueye decori yeye, ñano yere tiquina. Tiquina sa yegū ihñagū buhiri dahreya mūhū. <sup>10</sup> Tiquinare quehnoano tūhoeragū yeya mūhū. Sa ye sa buhiri tiducuyequina ijiahro tiquina. Sa ye sa bñjua witiducueta, niahye Davi Cohācjūre.

*Judio masa ijieyequinare pecapū* wahaboriquinare yūhdūorota Cohācjū

<sup>11</sup> ¿Judio masare Cristore tiquina cahmedagū ihñano Cohācjū tiquinare cohāno, cohā bo cāno niboari, mūsa tūhotugū? Cohā bosī tiquinare. Sa cohāedaperota tiquina Cristore tiquina cahmedagū yojopure judio masa ijieyequina pehere Cohācjū yūhdūorota. Yojopure tiquinare tiqiro yequina wahagū yeri Cohācjū. Tiquiro sa yegū ihñañe ihquēquina judio masa pehe tiquinare ihña cooboa. <sup>12</sup> Judio masa tiquina yūhdūdūcagū tiquina quehnoano yeragū apequina pehere ahri yehpa cjēnare ihquēquinare Cohācjū yūhdūori. Tiquiro sa yūhdūogū tiquina pehere quehnoano wahari. Tiquiro sa yeriro



yuhduoro, came judio masa pehe Cristore tiquina quehnoano wacū tutua ducagū pūritare ahri yehpa cjēnare quehnoa yuhduaro waharota.

<sup>13</sup> Yojoꝛꝛe mūsare judio masa ijienare yahugū tūu niaja. Cristo cūri yūhure judio masa ijieyequinare buheacjūre. Sa buhegū ihyo waro yei niedaja. <sup>14</sup> Sa niaja yūhu acayere judio masare mūsare tiquina ihña coogū ye duagu. Cohācjū yuhduorina mūsa ijigū ihñañe tiquina gūhu Cristore cahme, tiquiro yuhduoriquina wahaboa. <sup>15</sup> Judio masare mehenogā cohābo curero, judio masa ijieyequina pehere quehnoañe buheyere Cohācjū yahu dutiri. Ti buheyere tiquina tūhori bato Jesure tiquina wacū tutuari bato ihquēquina ahri yehpa cjēna Cohācjū yequina wahari. Sa ye judio masare mehenogā tiquiro cohābo curegū quehnoano wahari ahri yehpa cjēnare. Tiquiro sa yeriro yuhduoro judio masare tiquiro yequina ijiatiquina tiquiro yegū pūrita quehnoa yuhduaro waharota ahri yehpa cjēnare. Tiquiro yequina tiquina wahagū peyequina masa Jesure wacū tutuayequinare pecarū wahaboriquinare yuhduorota. <sup>16</sup> Ohō saha ijire: Mehenogā trigo yūbu Cohācjūre ño peo tiquina duhu peori yūbu quehnoari yūbu Cohācjū tiquiro yegū, dahsari yūbu gūhu quehnoari yūbta ijire. Sa yero yucugū nūhcori quehnoagū, tū dūꝛꝛi gūhu quehnoañe dūꝛꝛi ijire. (Ohō saha mari ni queoye mehna buhegū Abrahā usā ñecu mūnano quehnoariquiro tiquiro ijiriro sahata tiquiro panamena iji turiayequinarū gūhu quehnoañequina ijieta Cristore wacū tutuayequina ijiye.)

<sup>17</sup> Ihquēquina sa ijiatiquina tiquina ijiepegūta apequina tiquina acaye pehere judio masare Cohācjū meheno cohābo cureri. Olivo wame tidū dūꝛꝛire ihquē dūꝛꝛire tiquiro dūte cohāboriro saha apequina judio masa pehere Cohācjū meheno cohābo cureri. Sa yucugū dūꝛꝛire cohāno tiquiro cohāri dūꝛꝛi ijiriroꝛꝛu apeye dūꝛꝛire nūcu cjānu olivogu dūꝛꝛire camesa doho ohōri. Sata Cohācjū mūsare judio masa ijienare Abrahā panamena iji turianare camesari mūsare, mūsa gūhure yuhduoro taro. <sup>18</sup> Mūsare tiquiro sa cūgū “Judio masa yuhduoro quehnoana ijiaja usā”, ni tūhotueracāhña. Ahrire yūhu yahuatire wacūña mūsa: Judio masa pehere bese mūhtahye Cohācjū. Sa besero tiquina acayūro ijiatiquirore cūahye Cristore, marine yuhduoro taro. Sa yena “Judio masa yuhduoro quehnoana ijiaja”, ni tūhotueracāhña mūsa.

<sup>19</sup> Mūsa judio masa ijiena pehe ohō saha niboa: “Ihquē ñañe dūꝛꝛire tiquiro cohāboriro saha Cohācjū judio masare cohābo cureri ihquēquinare. Sa cohābo cureri tiquiro apeye dūꝛꝛire camesa tiquiro doho ohōno saha tiquiro yequina marine cūno taro”, niboa mūsa judio masare yuhduoꝛꝛa duana. <sup>20</sup> Ti mūsa niñe ijirota ijire. Sa ijiepegūta tiquina Jesure tiquina wacū tutuerari buhiri Cohācjū cohābo cureri tiquinare. Sa yero mūsa gūhure Jesure mūsa wacū tutueragū tiquiro yequina ijianaja mūsare cūedaboaya. Sa yena “Judio masa yuhduoro quehnoana ijiaja usā”, niedacāhña mūsa. Sa niedana Cohācjūre quehnoano ño peoya. <sup>21</sup> Ūhmū tāñe dūꝛꝛi yero saha judio masa pehe Cohācjū yequina iji mūhtahye. Tiquiro camesari dūꝛꝛire tiquiro doho ohōboriro saha camerū Cohācjū tiquiro yequina mūsa pehere cūahye. Sa yero tiquiro yequina iji mūhtariquina judio masa tiquirore tiquina wacū tutueragū, tiquinare cohābo cureri. Tiquinare tiquiro cohāriro saha mūsa gūhure cohānota, tiquirore mūsa wacū tutueragū. Sa yena Cohācjūre quehnoano ño peoya mūsa. <sup>22</sup> Cohācjū mūsare quehnoano yeriquiro tiquiro ijigū masiña mūsa. Sa yena cua pesaro mehna buhiri dahreriquiro tiquiro ijigū gūhure masiña mūsa. Tiquirore ño peoyequinare tiquiro buhiri dahrerota. Sa mūsa tiquirore ño peoducugū pūrita mūsare quehnoano yerota tiquiro. Ño peoerana ñañe dūꝛꝛire tiquiro cohāboriro saha mūsa gūhure cohānota Cohācjū. <sup>23</sup> Sa yero judio masa tiquiro cohābo cureriquina Cristore tiquina wacū tua ducagū, yucugū dūꝛꝛire masa tiquina doho ohōno saha Cohācjū tiquiro yequina ijigū yerota tiquinare. Cohācjū tiquiro sa yeati tutuayere cūori. Sa yero tiquiro tiquinare ihquēquinare tiquiro yequina wahagū yerota. <sup>24</sup> Mūsa judio masa ijiena ijina, nūcu cjānu olivogu dūꝛꝛi yero saha ijire mūsa. Sa ijina mūsa ijiepegū olivogu otedūꝛꝛu nūcu cjē dūꝛꝛire masa tiquina ohōno saha Cohācjū mūsare tiquiro yequina ijigū yerota. Judio masa Cohācjū tiquiro bese mūhtariquina ijire. Sa yero tiquiro bese mūhtarina mūsa ijierapegūta tiquiro yequina mūsare ijigū yeri

tiquiro. Judio masare tiquiro bese m̄htariquina pehere tiquiro yequina ijigũ ye duare. Tire tiquiro yegũ m̄sare yero ȳhd̄oro mijoeda cjũre.

*Came judio masare pecar̄u* wahaboriquinare ȳhd̄orota Cohãcjũ

<sup>25</sup> Ȳh̄u acaye, ahrire masa tiquina masiedarire m̄sare yahutja. “Yojop̄re usã dihitare besere Cohãcjũ. Usã pehe masi peho cjã”, m̄sa ni t̄hotuerato saha ahrire yahutja. Ohõ saha ijire: Yojop̄re peyequina judio masa Cohãcjũre t̄ho duasi. Sa ye peyequina judio masa ijieyequinare Cohãcjũ tiquiro queoriro puno tiquiro yequina tiquiro yeri bato judio masa pehe tiquirore cahmeeta. <sup>26</sup> Tiquina sa cahmegũ ijip̄ihtiyequina tiquirore cahmeñequinare judio masa pecar̄u wahaboriquinare Cohãcjũ ȳhd̄orota. Cohãcjũ yere tiquina ojoari p̄p̄u sata ni ojoahye:

Jerusalẽ wame tiri macar̄u judio masa ya macar̄u tiquinare ȳhd̄oatiquiro ahtarota. Sa yero Jacob panamena iji turiayequinare tiquina ñañe yerire tiquiro cohãnota.

<sup>27</sup> Sa yegũ tiquinare ȳhd̄ogũ panop̄u tiquinare ȳh̄u ni c̄riro sahata yei naja, nidi Cohãcjũ, ni ojoahye Cohãcjũ yere tiquina ojoari p̄p̄u.

<sup>28</sup> Yojop̄re tiquina judio masa Cristo yere ño peoyequina Cohãcjũre ih̄na tuhtire. Tiquina sa yegũ yojop̄re m̄sa pehe judio masa ijiena Cristore wacũ tutua d̄cari. Judio masa pehere Cohãcjũ bese m̄htahye. Sa yero judio masa ñec̄sum̄na m̄na panop̄u cjẽna tiquiro beseriquina tiquina ijigũ yojop̄u ijieyequina judio masa ḡh̄re tiquiro cah̄ne. <sup>29</sup> Cohãcjũ tiquiro ni c̄riro sahata masare tiquiro beseriro sahata potota yerota tiquiro. Tiquiro nidire bosu tiquiro. <sup>30</sup> Panop̄re m̄sa ḡh̄u Cohãcjũre ȳhd̄ud̄cari jiri. Yojop̄re judio masa Cohãcjũre tiquina ȳhd̄ud̄cagũ ih̄n̄ano tiquiro m̄sa pehere paja ih̄n̄ano ȳhd̄ori. <sup>31</sup> Yojop̄re judio masa tiquirore ȳhd̄ud̄cari. Tiquina sa yepegũta Cohãcjũ m̄sare tiquiro paja ih̄n̄ariro sahata tiquina ḡh̄re camer̄re paja ih̄n̄ano. <sup>32</sup> Ohõ saha ijire: Ijipihtiyequina masare “Buhiri tiyequina ijire”, nine Cohãcjũ. Sa yero ijipihtiyequina buhiri tiyequina tiquina ijigũ ih̄n̄ano ijipihtiyequinare paja ih̄na masine tiquiro.

<sup>33</sup> Yohou. Cohãcjũ tutua ȳhd̄uariquiro ijiajari. Quehnoano masi pehoriquiro ijire tiquiro. Sa yero tiquiro t̄hotuyere, tiquiro yerire marine quehnoano masino basioerare.

<sup>34</sup> Ohõ saha ni ojoahye Cohãcjũ yere: “Cohãcjũ mari p̄htoro tiquiro t̄hotuyere ne masa quehnoano masiedare. Sa ye masa tiquirore ‘Ohõ saha yeya’, ni masiedare. <sup>35</sup> Sa ye masa Cohãcjũre apee borore tiquina ohori bato ‘Tiquiro marine wapamore’, ni masiedare masa”, ni ojoahye panop̄re. <sup>36</sup> Cohãcjũ ijipihtiyere yeahye. Sa yero tiquiro tutuaye mehna ijipihtiyere ijigũ yere tiquiro. Sa ye ijipihtiyere tiquiro ye ijire. Tiquiro sa ijiriquiro ijigũ ijipihtiyere decori tiquirore ño peouhna mari. Sata yeducuuhna.

## 12

*Cohãcjũ* cahmeñene marine yeducu dutiahye Pablo

<sup>1</sup> Cohãcjũ marine tutuaro paja ih̄n̄ari. Tiquiro sa paja ih̄n̄ariquiro ijigũ ih̄n̄ana ȳh̄u acaye, m̄sa basita Cohãcjũ yere yeducuya. Sa yena quehnoañe pehere comesarina, ñañe mariena ijiya. M̄sa sa ijigũ tiquiro bucuero. Sata yero cahmene marine Cohãcjũre ño peona. Sa yegũ m̄sare tire tutuaro ye dutiaja. <sup>2</sup> Ahri yehpa cjẽna ñañequina tiquina yero saha ye nemoedacãh̄na m̄sa. Sa yena m̄sa t̄hotuyep̄re quehnoañe pehere comesaya m̄sa. Sa yena quehnoañe pehere comesarina ijinata m̄sa. Sa comesana Cohãcjũ m̄sare tiquiro ye dutirire masinata m̄sa. Sa yena quehnoañene, Cohãcjũ cahmeñene, ñañe marieñene masinata m̄sa.

<sup>3</sup> Cohãcjũ ȳh̄re paja ih̄n̄ano m̄sare buhe dutiro beseri ȳh̄re. Sa yegũ ijipit̄inare m̄sare ahrire ni dutieraja ȳh̄u. “Quehnoa ȳhd̄uana iji ȳhd̄ud̄caga usã”, ni t̄hotueracãh̄na. Sa t̄hotu cãh̄na. Jesure m̄sa wacũ tutuari bato Cohãcjũ m̄sare tiquiro yedohoro punota “To punota ye masiaja usã”, ni t̄hotuya. <sup>4</sup> Ohõ saha ni yahu nemoutja ȳh̄u: Mari omocari, mari dahpocãri, mari caperi, ijipit̄iro mari paḡp̄u ijiye peye ijire. Mari paḡp̄u ijiye ihcã paḡp̄u ijiepet̄a sijoro saha ijiye dahraye dihitare c̄ore. <sup>5</sup> Mari

queoye mehna buhegũ ahri yero saha ijire. Cristo pagu yero saha ijina ihcã curuata ijiaja mari. Sa yena mari ijipihtina peyequina ijeopenata ihcã curuaputa ijiaja mari.

<sup>6</sup> Cohãcjũ marine tiquiro yedohoro punota tiquiro tutuaye mehna ye dutire. Sa yero maripe sijoro saha ijiye dahrayere cũre tiquiro. Tiquiro sa yegũ marine tiquiro cũrire mari quehnoano yeihna. Sa ye Jesu yequina ohõ saha yeahro. Ihquẽquinare Cohãcjũ tiquiro yere yahuatiquinare cũre. Sa ye tiquina Cristore tiquina masino puno tiquiro yere quehnoano yahuahro. <sup>7</sup> Ihquẽquinare Cohãcjũ masare yedohoatiquinare cũre. Sa ye tiquina masare quehnoano mehna yedohoahro. Ihquẽquinare Cohãcjũ masare buheatiquinare cũre. Sa ye tiquina masare quehnoano buheahro. <sup>8</sup> Masare bucuegũ yeatiquina ijiye, tire quehnoano yeahro. Sa ye apee borore ohoyequina quehnoano mehna jeripohna ti, pajiro ohoahro. Sa ye apequinare dutiyequina quehnoano mehna dutiahro. Sa ye pejesoyequinare yedohoyequina bucueye mehna yedohoahro.

*Jesu yequina ijina ohõ saha yena ijiya*

<sup>9</sup> Apequinare cahĩna, potota cahĩna tiquinare. Sa yena ñañene ihña yabina ijiya m̄sa. Sa yena quehnoañe pehere cahmeña. <sup>10</sup> M̄sa bahanare m̄sa cahĩno sahata Jesu yequinare m̄sa mehna cjẽnare cahĩna. Sa yena m̄sa mehna cjẽnare quehnoano cahme ño peoya.

<sup>11</sup> Cohãcjũ cahmeñene yena, ne caperacãhña. Sa yena mari pũhtoro tiquiro dutiriro sahata quehnoano bucueye mehna yeya.

<sup>12</sup> Cohãcjũ m̄sare pecarũ wahaborinare tiquiro yũhdũorinarũ ijire m̄sa. Tire masina bucueya m̄sa. Sa yena ñano yũhdũna, ihcãno sahaya “Cristo yere duhuari”, nina. Sa yena Cohãcjũre sa siniducuya.

<sup>13</sup> Apee boro Jesu yequinare dũhsagũ ohoya tiquinare. Sa yena m̄sa ye wũhũsepu masa tiquina esagũ quehnoano jeripohna ti, tiquinare piti caya.

<sup>14</sup> M̄sare ñano yeyequina pehere quehnoa dutiya. Sa quehnoa dutina, tiquinare “Ñano yũhdũcũnahdo”, niedacãhña.

<sup>15</sup> Apequina bucueyequina mehna ijina m̄sa gũhũ bucueya. Sa yena utiyequinare ihñana, uti dohoya.

<sup>16</sup> M̄sa mehna cjẽna mehna quehnoano ijiya m̄sa. Sa yena “Apequina yũhdũoro quehnoana ijiaja”, ni tũhotueracãhña. Ohõ saha ni tũhotuya. “Ihyo ijina ijiaja”, ni tũhotu, ihyo ijiyequina mehna ijiya. Sa yena “Masi yũhdũdũcana ijiaja usã”, ni tũhotueracãhña.

<sup>17</sup> Apequina m̄sare tiquina ñano yepegũta, tiquinare ñano ye cahmedacãhña. Sa yena quehnoañene yeya, quehnoana m̄sa ijiye tiyere ijipihtiyequina masa tiquina masiatire.

<sup>18</sup> Tutuaro mehna quehnoañene yeya m̄sa, ijipihtiyequina mehna m̄sa quehnoano ijiatire. <sup>19</sup> M̄sa yũhũ cahĩna, yũhũ acaye apequina m̄sare tiquina ñano yepegũta tiquina yero saha ñano ye cahmedacãhña. Cohãcjũ pehe m̄sare tiquina ñano yeri buhiri buhiri dahreahro tiquinare. Cohãcjũ yere tiquina ojoari pũpu sata ni ojoahye: “Yũhũ pehe masa tiquina ñano yeri buhiri buhiri dahreacjũ ijiaja. Sa yegũ potota buhiri dahreitja’, nine mari pũhtoro”, ni ojoahye panopũre. <sup>20</sup> Sa yena ohõ saha yeya m̄sa: “M̄sare ihña tuhtiriquiro tiquiro ẽjũa ahbagũ ihñana nuña tiquirore. Tiquiro aco wũogũ ihñana tiquirore sihõña. M̄sa sa yegũ ihñano tiquiro bæ tirota”, nine mari pũhtoro. <sup>21</sup> Sa yena apequina m̄sare tiquina ñano yepegũta m̄sa pehe tiquinare ñano ye cahmedacãhña. Sa yena tiquinare quehnoano yeya. Sa yena ñañene ye duerana ninata m̄sa.

### 13

<sup>1</sup> Ijipihtiyequina pũhtoare Cohãcjũ dihita cũre. Sa yero m̄sa pũhtoã gũhũre Cohãcjũ bese cũre. Tiquiro sa cũriquina tiquina ijigũ ihñana ijipihtina m̄sa tiquinare yũhtiya.

<sup>2</sup> Mari bui cjẽna pũhtoare quehnoano yũhtierana Cohãcjũ tiquiro bese cũriquinare yũhdũdũcana niaga mari. Sa yũhdũdũcariquinare Cohãcjũ pehe buhiri dahrerota.

<sup>3</sup> Quehnoañequinare cuegũ yeatiquina ijierare pũhtoã. Ñañene yeyequina pehere cuegũ

yeatiquina ijire tiquina. Quehnoañene yeya m̄sa p̄htoare m̄sa cueratire. Sa yena cuesi m̄sa. Quehnoañene m̄sa yegũ p̄htoro pehe “Quehnoano yeri m̄sa”, m̄sare ninota. <sup>4</sup> M̄sa p̄htoa m̄sare yedohatiquinata ijire m̄sa quehnoano ijiatire. Sa ye tiquina m̄sare buhiri dahreatiquinata ijire. Ijipihtiequina ñañene yeriquinare buhiri dahre dutiro Cohãcjũ tiquinare beseri. Tiquina sa buhiri dahreatiquina ijigũ ñañene yena m̄sa p̄htoare cueya. <sup>5</sup> Sa yena mari p̄htoare yũhtina, tiquina buhiri dahreatire cueracãhna. Sa yena ño peoye mehna “Quehnoañene yero cahmene yũhure”, ni tũhoturo mehna quehnoano yũhtihna. <sup>6</sup> M̄sa p̄htoare tiquina dahrayere cũri Cohãcjũ. Sa yena tiquina dahrayere tiquina yegũ ihñana m̄sa p̄htoare wapa ne cohteyequinare wapa yere m̄sa.

<sup>7</sup> Ijipihtiequinare m̄sa p̄htoare quehnoano yũhtiya. Sa yena p̄htoare wapa ne cohteyequinare wapa yeya m̄sa. Sa yena p̄htoa pehe apeyere tiquina wapa ye dutigũ gũhure wapa yeya. Sa yena ijipihtiequina p̄htoare quehnoano ño peoya. <sup>8</sup> Apequina masare wapamoedacãhna. Tiquinare cahĩno cahmene. Sa ye cahĩ nemono cahmene. Tiquiro cahapũ ijiriquirore cahĩdiquiro Cohãcjũ dutiyere ye peho tuhasariquiro ijire. Sa yena m̄sa caha ijiequina gũhure cahĩna. <sup>9</sup> Ohõ saha nine Cohãcjũ dutiye: “Apequiro namono mehna ñano yeracãhna. Masare wejẽdacãhna. Yaqueracãhna. Apequina yere tutuaro cahmedacãhna”, ni yahure tiquiro dutiye. Apeye dutiye gũhũ ijire. Sa ijiepegũta ihcãno dutirore m̄sare yahugũ tũ niaja. Ti dutiro ihcãno dutiro ijiepegũta ti dutirore yena, Cohãcjũ dutiyere ye pehona niaja mari. “Mũhũ basi mũhũ cahĩno saha mũhũ caha ijiequina gũhure cahĩna”, nine ti dutiro. Ti dutirore yena Cohãcjũ dutiyere ye pehona ijina nine m̄sa. <sup>10</sup> M̄sa caha ijiriquirore cahĩna, tiquirore ñano yesi. Sa yena tiquirore cahĩna, Cohãcjũ dutiyere ye pehona nine m̄sa.

<sup>11</sup> Sa yena carĩnequina yero saha ijieracãhna m̄sa. Quehnoano wacũ masiña. Jesure quehnoano wacũ cohteya. Jesu marine tiquiro tojoa ta, tiquiro neato mehenogã dũhsatjiãre. Tiquirore mari coã masi dũcana, “Yoari batopũ marine yũhdũoro tarota Jesu”, ni tũhotumi. Mari sa ni tũhotuepegũta yojopũre mehenogã dũhsare Jesu marine tiquiro yũhdũoro ahtato. Ahri yũhũ nidire masine m̄sa. <sup>12</sup> Yojopũre ñañene tiquina yeri deco ijire. Cristo tiquiro ahtagũ ahri deco pihtirota. Tiquiro ahtato mehenogã dũhsare. Tiquiro ahtato mehenogã dũhsagũ ihñana ñañene duhu pehocũhna mari. Sa yena Cohãcjũ cahmeñe pehere yeihna mari. Sa Cohãcjũ yere yena, ñañene duhu pehocũhna mari. <sup>13</sup> Sa yena quehnoañe pehere yeihna. Sa yena bõse decorire yena ñano yeracũhna. Sa yena queheracũhna. Sa yena wũana tina, apequina mehna ñano yena, cahme dũse tini wiana, ihña coona ijieracũhna. <sup>14</sup> Sa yena mari p̄htoro Jesucristo tiquiro yedohoye mehna quehnoano ijiya m̄sa. Sa yena ñañene m̄sa tutuaro cahmeñene yeracãhna.

## 14

M̄sa acayere Jesu yequinare “Ñano yee nine”, ni yahu wajaeracãhña  
(1 Co 8.1-13)

<sup>1</sup> Jesure wacũ tutuariquiro Jesu yere tiquiro quehnoano masiedarĩgũ tiquirore quehnoano yedohoya. Sa yena Jesu yere tiquiro quehnoano masiedarĩgũ ihñana “Ne masiedare mũhũ”, ni cahme dũse tutueracãhña tiquiro mehna. <sup>2</sup> “Ijipihtiyere ihya masi-aja yũhũ”, ni tũhoture apequina. Sa ye apequina pehe Jesu yere quehnoano masiedarĩne, wahiquinare ihyeraye, oteye dũca dihitare ihyare. <sup>3</sup> Ijipihtiyere ihyayequina pehe oteye dũcare ihyayequinare ihña tuhtieracãhdo. Sa ye oteye dũca dihitare ihyayequina pehe ijipihtiyere ihyayequinare “Ñano yeye nine”, ni yahu wajaeracãhdo. Ijipihtiyere ihyayequina pehe Jesure wacũ tutuayequina tiquina ijigũ Cohãcjũ tiquinare tiquiro yequina ijigũ ye tuhasari. Tiquiro yequina tiquina ijigũ ihñane wahiquinare ihyeyequina pehe tiquinare yahu wajaeracãhdo. <sup>4</sup> Jesure wacũ tutuayequina Cohãcjũ cahacjẽna ijire. Tiquina sa ijigũ ihñana m̄sa tiquinare yahu waja masiedare. Jesure wacũ tutuayequina Jesu cahmeno saha tiquina yeragũ ihñano tiquiro dihita tire yahu masine. Tiquina quehnoano yegũ gũhure tire yahu masine tiquiro tiquinare. Sa yero tiquiro pehe “Ñano

yeri m̄h̄u”, ni yahuatiquiro ijirota. Sa yero tiquiro cahacjēnare quehnoañene yeducu masigū yeriquiro ijire Cohācjū.

<sup>5</sup> Ihquēquina ihcā decore Cohācjūre tiquina ño peoati deco yere. Sa ye apeye decorire “Dahraye decori ijire”, ni tūhoture. Apequina pehe decoripe Cohācjūre ño peoducure. Tiquina ihcāno saha sa yerariquina ijiepetā ijipihtiyequina ohō saha ni tūhotuahro: “Jesu tiquiro cahmeno sahata quehnoano yena niaja”, ni tūhotu masiahdo. <sup>6</sup> Masūno ihcā deco tiquiro ño peoati deco yere Cohācjūre ño peoro taro. Sa yero decoripe ño peoducuriquiro Cohācjūre quehnoano ño peore tiquiro gūh̄u. Sa yero sijieriquiro gūh̄u ihyaro, Cohācjūre “Quehnoare”, ni sinine. Sa yero tiquiro gūh̄u ihyariquiro ijiro Cohācjūre ño peoriquiro ijire. Sa yero ihquē ihyayere sijiriquiro pehe tiquiro sijire Cohācjūre ño peoro taro. Sa yero tiquiro gūh̄u Cohācjūre “Quehnoare”, ni sinine.

<sup>7</sup> Mari cahmeñe dihitare yena iji masiedaja mari. Cristo ijire mari pūhtoro. Sa yero mari catigū mari yariagū gūh̄ure mari pūhtoro ijire. <sup>8</sup> Yojop̄ure mari catiro puno Cristo yere yeana ijiaja mari. Tiquiro yequina ijiaja. Mari yariari batop̄u gūh̄ure tiquiro yequina ijinata. Sa yero mari catigū mari yariagū gūh̄ure Cristo mari pūhtoro ijire. <sup>9</sup> Sata ijire. Cristo yaria masa m̄jahye, catiyequina, yariariquina gūh̄u tiquina pūhtoro ijiro taro.

<sup>10</sup> ¿Dūhsena tana m̄sa acayūrore Jesu yaquirore “Ñano yero nine”, ni yahu waja duajari m̄sa? ¿Dūhsena tana m̄sa acayūrore cūhta diho cū duajari m̄sa? Mari ijipih̄tina Cristo caha mari ducugū tiquiro pehe mari yerire masi pehorō, marine beserota quehnoana, ñana gūh̄ure. Tiquiro sa beseatiquiro ijigū m̄sa acayūrore “Ñariquiro ijire” ni yahu wajaeracāh̄ña. <sup>11</sup> Cohācjū yere tiquina ojoari pūp̄u ohō saha ni ojoahye:

Ohō saha nidi mari pūhtoro: “Ahri potota ijire. Ijipihtiyequina yūh̄u poto dūsepe curi mehna quehe saeta. Sa ye ijipihtiyequina ‘Quehnoagū, tutuagū ijire’, ni, yūh̄ure ño peoeta”, nidi mari pūhtoro, ni ojoahye.

<sup>12</sup> Sa yena ijipih̄tina mari yerire Cohācjū siniturota. “¿Dūhse yena sa yeari?” ni siniturota. Tiquiro sa ni sinitugū yūhtiro cahmene marine.

**M̄sa acayūrore ñano yegū yeracāh̄ña m̄sa**

<sup>13</sup> Sa yena mari mehna cjēna gūh̄ure “Ñañequina ijire”, ni yahu wajaeracāh̄ña. Sa yena mari acayūrore Jesu yaquirore ñano yegū yeracāh̄ña. <sup>14</sup> Yūh̄u Jesucristo yaquiro ijiaja. Sa yegū ahri yūh̄u niatire quehnoano masiaja yūh̄u: Yūh̄u pehe ijipihtiye ihyayere yūh̄u ihyagū yūh̄u ihyari buhiri, buhiri mariedare. Apequiro pehe “Ahri ihyayere ihyagū ñano yei niaja”, ni tūhoturiquiro pehe ihyaro, potota buhiri tiriquiro ijire. <sup>15</sup> Ti potota ijire. M̄sa apee borore m̄sa ihyagū m̄sa acayūro m̄sare ih̄ña cū ihyaro, “Yohou, ñano yei niaga yūh̄u”, ni pajiro tūhotuboaga tiquiro. Tiquirore sa ih̄ña cū ihyagū yena, tiquirore cah̄iedare m̄sa. Apee borore m̄sa ihyagū ih̄ña cū ihyaboaga tiquiro. Sa ihyaro “Ñano yei niaja”, ni tūhoturo Cristore duhuboaga. M̄sa acayūro ye buhirire yariari Cristo. Sa yena “Cristore duhuari”, nina tiquirore ih̄ña cūgū yeracāh̄ña. <sup>16</sup> Sa ye “Ahri usā yeri quehnoarīaga”, m̄sa ni tūhotugū apequina m̄sare yahu wajaboaga. Tiquina sa yahu wajagū ih̄ñana, m̄sa sa yerire ye nemoedacāh̄ña, “Yahu waja nemoari” nina. <sup>17</sup> Cohācjū pehe mari pūhtoro ijire. Tiquiro sa ijigū mari ihyaye, mari sihniñe gūh̄u sa iji cāno nine. Ihyo warota ijire. Sa ye mari pūhtoro tiquiro dutiyere, quehnoañe gūh̄ure mari yegū ti waro ijiro nine. Sa ye apequina mehna mari quehnoano ijigū gūh̄ure quehnoañe waro ijiro nine. Sa ye Esp̄ritu Santo yedohoye mehna mari bucuegū quehnoañe waro ijiro nine. <sup>18</sup> Sata Cristo yere yeriquirore ih̄ñañe Cohācjū, masa gūh̄u “Quehnoano yeri m̄h̄u”, nieta.

<sup>19</sup> Sata yeihna mari pūrita quehnoano mari ijiatire, mari basi mari cahme yedohoatire. Sa yena Jesure wacū tutua nemonata. <sup>20</sup> Apequiro Jesu yaquiro tiquiro ihya dutierarire m̄sa ihyagū ih̄ñano tire coeraro, Cohācjū yere cohāboaga. Sa yena tire ihyeracāh̄ña. Potota ijipihtiye ihyaye quehnoañe ihyayeta ijire. Sa ijiepegūta apee borore mari ihyagū apequiro “Ñañe ihyaye ijiaga ahri”, nidiquiro ijieperota ih̄ña cū ihyaboaga. Sa ihyaro



ñano yero niaga tiquiro. Sa yena marine tiquiro ihña cū ihyagū, mari gūhū ñano yena niaja. <sup>21</sup> Wahiquina dihire mūsa ihyagū ihñano, vinore mūsa sihnigū ihñano, apequiro Jesu yaquiro “Tire ihyagū ñano yei niaga yūhū”, ni tūhoturiquiro ijieperota tiquiro gūhū ihña cū, ihya sihniboaga. Sa ni tūhoturiquiro pūrta ihya sihnino ñano yero nine. Sa yena tiquiro ñano yerato saha Jesure tiquiro wacū tutua duhuerato saha wahiquina dihire, vino gūhūre mūsa pehe mūsa duhugū quehnoarīne. <sup>22</sup> “Ijipihtiyere ihya masiaja”, ni tūhotuna, tire Cohācjū dihitare yahuya. Ñañene yerariquiro, “Quehnoano yei niaga yūhū”, ni tūhoturiquiro bucueriquiro ijire. <sup>23</sup> Apequiro pehe “Ahri ihyayere ihyagū ñano yei niboaga yūhū”, ni tūhoturiquiro ijieperota ti ihyayere ihyaro, buhiri tiriquire ijire tiquiro. “Ahrire ihyagū potota quehnoañene yei niaja”, ni tūhotuerare tiquiro. Sa ni tūhotueraro tire ihyaro, tiquiro ihyari buhiri buhiri tire tiquiro. “Quehnoañene yei niaja”, ni tūhotueraro tire yero, buhiri tire tiquiro.

## 15

### *Mari caha ijieyequinare quehnoano yeihna*

<sup>1</sup> Mari Cohācjūre quehnoano wacū tutuana pehe wacū tutuera cjūñequinare yedohouhna. Sa yena mari ye dihitare yeducueracūhna. <sup>2</sup> Sa yena mari caha ijieyequinare Jesu yequinare quehnoano yeihna tiquina quehnoano ijiatire, Cohācjūre tiquina quehnoano wacū tutua nemoatire. <sup>3</sup> Cristo pehe tiquiro ye dihitare yerahye. Sata nine Cohācjū yere tiquina ojoari pūpū. Ohō saha ni ojoahye: “Cristo ohō saha nidi Cohācjūre: ‘Mūhū pehere ñano yahuducuboriquina yūhū pehere ñano yahuducuri’, nidi Cristo Cohācjūre”, ni ojoahye panopūre. (Sa tiquina ñano yahuducunohriquire ijero Cristo tiquiro Pacūro ye pehere ye basaro niahye.) <sup>4</sup> Panopū Cohācjū yere tiquina ojoari pūpū tiquina ojoahye mari quehnoano buheatire. Sa yena ti pūre buhena bucueaja. Sa buhena mari ñano yūhdūna ihcāno sahanata. <sup>5</sup> Cohācjū mū sare tutuagū yeriquiro bucuegū yeriquiro mū sare ijipihtinare ihcāno saha quehnoano ijigū yeahro, Cristo cahmediro sahata. <sup>6</sup> Sata yeahro tiquiro mūsa ijipihtina ihcāno mehna Cohācjūre mari pūhtoro Jesucristo Pacūrore “Quehnoagū, tutuagū ijire”, ni mūsa ño peoatore.

### *Judio masa ijieyequinare quehnoañe buheyere yahu dūcahye*

<sup>7</sup> Cristo marine tiquiro yeriro sahata mūsa mehna cjēnare quehnoano cahme piti caya. Mūsa sa yegū ihñañe “Potota Cohācjū quehnoariquiro ijire”, ni ihñaeta masa pehe. <sup>8</sup> Mū sare ahrire niita niaja: Judio masare yedohoatiquiro ahtahye Cristo. Cohācjū tiquirore ohoro judio masa usā ñecusumūa mūnapūre panopū cjēnare tiquiro ni yahuriro sahata yero niahye. Tire tiquiro yerire masare masigū yeatiquiro ahtahye Cristo. <sup>9</sup> Masare Cristo tiquiro yedohogū Cohācjū paja ihñano nine tiquinare. Tiquiro sa paja ihñagū judio masa ijieyequina gūhū Cohācjūre “Quehnoagū, tutuagū ijire”, ni, ño peore yojopūre. Tiquina gūhūre tiquiro yequina ijigū yero ahtahye Cristo. Cohācjū yere tiquina ojoari pūpū sata ni ojoahye:

Cristo ohō saha niahye Cohācjūre:

Judio masa ijieyequina caha mūhūre “Cohācjū quehnoagū, tutuagū ijire”, ni ño peoutja.

Sa yegū tiquina caha basagū mūhūre basautja, niahye Cristo Cohācjūre, ni ojoahye panopūre.

<sup>10</sup> Sa yero ohō saha ni ojoahye tja:

Cohācjū tiquiro beseriquina judio masa mehna cahme bucueya mūsa gūhū judio masa ijiena, ni ojoahye panopūre.

<sup>11</sup> Sa yero ohō saha ni ojoahye tja:

Judio masa ijieyequina ijipihtiyequina Cohācjūre ño peoahro. Sa ye ijipihtiro cjēna tiquirore “Quehnoagū, tutuagū ijire”, ni ño peoahro, ni ojoahye.

<sup>12</sup> Sa yero Isaia mūnano gūhū ohō saha ni ojoahye:

Isaí panamino iji turiariquiro ahtarota. Sa ahtaro judio masa ijieyequina puhtoro ijirota tiquiro. Sa ye tiquina pehe tiquirore wacū tutua, tiquinare pecapu wahaboriquinare tiquiro yuhduoatire masieta tiquina, ni ojoahye panopure.

<sup>13</sup> Cohācjū marine yuhduoro ahtatiquiro quehnoano musare bucuegū yeahro. Sa yero Jesure mūsa wacū tutuagū musare quehnoano ijigū yeahro tiquiro. Musare tiquiro sa yegū musare tiquiro yuhduoatire Espiritu Santo tutuaye mehna bucueye mehna masi nemonata mūsa.

<sup>14</sup> Ahrire musare yuhū yahuatire quehnoano masiaja. Mūsa pehe quehnoana ijire. Sa yena Jesu yere quehnoano masine. Sa masina mūsa mehna cjēnare cahme quehnoano yahu, buhe masine mūsa. <sup>15</sup> Mūsa sa masina mūsa ijiepegūta ihquē tahari ahri pūpūre musare cuero marieno quehnoano yahu peho ojoaū mūsa wacūato saha. Cohācjū yuhūre cahīno musare buhe dutiro cūri yuhūre. Sa yegū tiquiro cūriro sahata yegū tagū musare wacūgū yei. <sup>16</sup> Yuhūre tiquiro sa cūgū Jesucristo cahacjū ijigū tiquiro yere quehnoañe buheyere judio masa ijieyequinare buheaja yuhū. Yuhū sa buhegū tuhoye judio masa ijieyequina Jesure wacū tutuaeta. Tiquina sa wacū tutuagū ihñano tiquinare Cohācjū “Quehnoañequina ijire”, ni ihñanota. Sa yero tiquinare cahmenota. Sa yero Espiritu Santo pehe Cohācjū yequina ijigū yerota tiquinare. Pahia űjūa mūo Cohācjūre tiquina ohoriro sahata, tiquinare ñañe marieñequinare Cohācjūre oho duaja.

<sup>17</sup> Sa yegū Jesucristore wacū tutuagū ijigū Cohācjū tiquiro buhe duti cūrigū ijigū bucueye mehna buheaja musare. <sup>18-19</sup> Apequina judio masa ijieyequinare Cristo yedohoye mehna tiquinare yuhū buhegū tuhoye, yuhū yerire ihñañe, Cohācjū tutuaye mehna ye ihñorire ihñañe, Espiritu Santo tiquiro tutuaye mehna tiquina Cristore wacū tutuari. Ahri pūritare musare pototi yahu duaja. Apequinapu tiquina yerire yahueraja. Jerusalēpu coā yuhū buhe dūcari bato ijipihtiye macaripu buhe dūcaū. Tee Ilirico yehrapū gūhūre Cristo ye buheye quehnoañe buheyere buhei esaū. <sup>20</sup> Sa yegū Cristo yere masieñequina dihitare quehnoañe buheyere tutuaro buhe duaū, yuhū mehna cjēna tiquina buhenohriquinapūre buhe dueragū. <sup>21</sup> Sata ni ojoahye Cohācjū yere tiquina ojoari pūpū:

Panopū tiquirore ne tūhoerariquina tiquirore masieta. Sa ye tiquirore ne tūhoerariquina tiquiro yere quehnoano tūhoeta, ni ojoahye Cohācjū yere tiquina ojoari pūpū.

*Pablo Romapū* tiquiro wahatire yahuahye

<sup>22</sup> Sa yegū ijipihtiro cjēnare buherigū ijigū peye tahari mūsa cahapū waha duepegūta waha masiedahti. <sup>23</sup> Yojopūre ahri yehparipūre yuhū dahraye pihtia wahari. Sa pihtigū ihñagū, peye cūhmari mūsa cahapū waha duarigū ijigū mūsa cahapū wahautja. <sup>24</sup> Sa ye Españaŕapū wahagū musare topū ihñā yuhdu cāutja. Sa yegū mūsa mehna bucueitja. Sa yegū mūsa mehna yuhū mehenogā ijiri bato yuhūre mūsa yedohoye mehna Españaŕapū wahautja. <sup>25</sup> Yojopūre Jerusalēpu wahau tūū niaja. To cjēnare Jesu yequinare yuhū acayere niñerure sogū wahau tūū niaja. <sup>26</sup> Macedonia yehpa cjēna, Acaya yehpa cjēna gūhū quehnoano mehna Jesu yequinare Jerusalēpu ijieyequinare pejesūoyequinare niñerure ohori tiquinare yedohoye. Sa yegū tiquinare tire oho basagū wahau tūū niaja. <sup>27</sup> Ti niñerure ohoye, quehnoano mehna ohori tiquina. Tiquina sa yegū quehnoarīne, yuhū tūhotugū. Tiquinare judio masa ijieyequinare judio masa pehe Cohācjū yere buhe mūhtari. Sa ye tiquinare tiquiro yuhduoato gūhūre buhe mūhtari judio masa. Tiquina sa buhegū ihñagū Macedonia cjēna, Acaya cjēna mehna tiquinare tiquina yedohogū quehnoarīne yuhūre. Tiquinare tiquina buheri wapa yero saha ijire ti, yuhū tūhotugū. <sup>28</sup> Sa yegū Jerusalē cjēnare ti niñerure oho tuhasagū Españaŕapū wahautja. Topū wahagū musare ihñā yuhdu cāutja. <sup>29</sup> Sa yegū mūsa cahapū yuhū wahagū Cristo yere musare yuhū buhegū tiquiro musare quehnoano jeripohna tigū yerota.

<sup>30</sup> Yuhū acaye, mari puhtoro Jesucristore wacū tutuare mūsa. Sa yena Espiritu Santo tutuaye mehna apequinare cahīne mūsa. Sa yena yuhū gūhūre tutuaro sini basaya Cohācjūre. <sup>31</sup> Ohō saha ni sini basaya: Judea yehpa cjēna Jesure ño peoyequina yuhūre tiquina ñano ye duagū Cohācjū yuhūre tiquiro yedohoato saha sini basaya. Sa yena

Jerusalẽ cjẽnare niñerure yũhũ ohogũ tiquina tire bucueye mehna tiquina ñeheato saha sini basaya. <sup>32</sup> Mũsa sa sinigũ Cohãcjũ cahmegũ bucueye mehna mũsa caharũ wahautja. Sa yegũ mũsa mehna ijigũ bucueye mehna soutja. <sup>33</sup> Cohãcjũ marine quehnoano ijigũ yeriquiro mũsa mehna ijiducuahro. Sata ijiahro.

## 16

### *Pablo quehnoa dutiahye*

<sup>1</sup> Mari acayoro Febe wame tiricoro mũsa caharũ waharo taro nine. Ticoro Cencrea wame tiri macarũ Jesu yequinare cahmecoañequinare yedohoricoro ijire. <sup>2</sup> Sa yero peyequinare yedohoricoro yũhũ gũhũre yedohoricoro ijiri ticoro. Sa yero mari pũhtoro Jesu yacoro ijire. Sa yena ticorore quehnoano mehna piti caya. Sata yero cahmene marine Jesu yequinare. Sa yena apee boro ticorore mariedagũ ihñana ticorore ohoya mũsa.

<sup>3</sup> Aquila, tiquiro namono Priscila gũhũ quehnoahdo. Jesucristo yere yũhũ buhegũ tiquina gũhũ yũhũ mehna dahrari. <sup>4</sup> Tiquinare meheno wejẽmedi, apequina yũhũre tiquina wejẽ duagũ tiquina yedohori buhiri. Sa yegũ tiquina mehna bucueaja yũhũ. Sa ye judio masa ijieyequina Jesu yequina ijipihtiequina tiquina gũhũ tiquina mehna bucuere. <sup>5</sup> Sa ye Aquila ya wũhũrũ cahmecoañequina gũhũ Jesu yequina quehnoahdo. Yũhũ cahñiquiro Epeneto gũhũ quehnoahdo. Tiquiro Asia yehpa cjũno topũ ijiro Cristore wacũ tutua mũhtariquiro ijiri. <sup>6</sup> María gũhũ quehnoahdo. Ticoro mũsa mehna tutuaro dahrari. <sup>7</sup> Yũhũ acaye Andronico, Junia gũhũ quehnoahdo. Peresurũ yũhũ ijigũ tiquinata yũhũre piti tiyequina ijiri. Sa ye yũhũ pano Cristore wacũ tutua mũhtari tiquina pehe. Apequina Jesu cũriquina pehe tiquinare “Potota quehnoañequina ijire”, ni yahuducure.

<sup>8</sup> Amplia gũhũ yũhũ cahñiquiro Jesu yaquiro ijire. Tiquiro quehnoahdo. <sup>9</sup> Sa yero Urbano gũhũ quehnoahdo. Tiquiro gũhũ mari mehna Cristo yere dahrari. Sa yero yũhũ cahñiquiro Estaqui quehnoahdo. <sup>10</sup> Sa yero Apele gũhũ quehnoahdo. Tiquiro potota quehnoano Jesure wacũ tutuare. Tiquiro yerire ihñana tire masiaja mari. Sa ye Aristobulo ya wũhũ cjẽna ijipihtiequina tiquiro namono tiquiro pohne gũhũ quehnoahdo. <sup>11</sup> Yũhũ acayũro Herodiõ quehnoahdo. Sa ye Narciso ya wũhũ cjẽna Jesu yequina quehnoa pihti cãhdo. <sup>12</sup> Sa ye Trifena, Trifosa gũhũ quehnoahdo. Ti numia mari pũhtoro Jesu ye dahrayerere tutuaro yere. Mari cahñicoro Pẽrsida gũhũ quehnoahdo. Ticoro mari pũhtoro yere tutuaro dahrari. <sup>13</sup> Sa yero Rufo mari pũhtoro Jesure quehnoano wacũ tutuariquiro, tiquiro yere quehnoano yeriquiro quehnoahdo. Tiquiro pacoro gũhũ quehnoahdo. Ticoro yũhũ paco yero saha ijiricoro ijire. <sup>14</sup> Asincrito, Flegonte, Herma, Patroba, Herme, apequina Jesu yequina tiquina mehna cjẽna gũhũ quehnoahdo. <sup>15</sup> Sa ye Filologo, Julia, Nereo, tiquiro bahoro gũhũ, Olimpa, apequina tiquina mehna cjẽna gũhũ Jesu yequina quehnoahdo.

<sup>16</sup> Sa yena mũsa mehna cjẽnare piti cana, quehnoano mehna piti caya. Ijipihtiequina Jesu yequina ijipihtiro cjẽna mũsare quehnoa dutire.

<sup>17</sup> Yũhũ acaye, mũsa mehna cjẽna ihquẽquina mũsare cahme ihña tuhtigũ yeyequina, cahme tu wagũ yeyequina ijiñõhti. Sa ye mũsare Jesu ye buheyere dojomehnene. Sa yena sa yeyequinare ihñana quehnoano yeya, “Dojomehneari”, nina. Sa ijiyequinare piti tieracãhña. <sup>18</sup> Sa yeyequina mari pũhtoro Jesucristo yere yerare. Ñañene tiquina tutuaro cahmeñe dihitarere yere. Sa ye quehnoano tũho coaro dero majare doco ni meho buhere quehnoano masieñequinare. Tiquina sa ni mehogũ tiquinare quehnoano tũhore. Sa yena tiquinare piti tieracãhña mũsa. <sup>19</sup> Mũsa pehe Jesure quehnoano yũhtina ijiñõhti. Tire ijipihtiequina masine. Sa quehnoano yũhtina mũsa ijigũ bucueaja yũhũ. Sa yegũ quehnoano mũsa yeatire mũsa masigũ cahmeaja yũhũ. Sa yegũ ne ñañene mũsa yeragũ gũhũre cahmeaja yũhũ. <sup>20</sup> Sa yero Cohãcjũ marine quehnoano ijigũ yeriquiro mehenogã bato mũsare yedohorota “Satanare yũhdũdũcaahro”, nino. Mari pũhtoro Jesucristo mehna mũsare quehnoa dutiaja.

<sup>21</sup> Timoteo yũhũ piti m̄sare quehnoa dutire. Yũhũ acaye judio masa gũhũ, Lucio, Jasõ, Sosipate m̄sare quehnoa dutire.

<sup>22</sup> Yũhũ Tercio ahri pũre Pablore oja basagũ ijiaja. Yũhũ Jesu yaquiro ijigũ m̄sare Jesu yequinare quehnoa dutiaja.

<sup>23</sup> Gayo ya wũhũpũ ijigũ niaja yũhũ Pablo. Tiquiro ya wũhũpũ Jesu yequina cahme-coare. Tiquiro gũhũ m̄sare quehnoa dutire. Sa yero Erasto ahri maca cjẽna pũhtoare niñeru ihbo cohteriquiro m̄sare quehnoa dutire. Mari acayũro Jesu yaquiro Cuarto gũhũ m̄sare quehnoa dutire.

[<sup>24</sup> Mari pũhtoro Jesucristo mehna m̄sare ijipihtinare quehnoa dutiaja.]

*Pablo Cohãcjũre* ño peoro oja bato tiahye

<sup>25-27</sup> Mari pũhtoro Jesucristo ye buheye mehna quehnoañe buheye mehna Cohãcjũ m̄sare tiquirore wacũ tutua nemogũ ye masine. Panopũre quehnoañe buheye ne masare yahuerari buheye ijimahye. Yojoũpũre Cohãcjũ yere yahu mũhtariquina m̄na tiquina ojoari mehna ti buheyere yahuri jire. Yũhũ gũhũ tire buheaja. Ti buheyere ijipihtiro cjẽna yojoũpũre masine. Cohãcjũ sa ijiducuriquiro tiquiro dutiro sahata tiquina masine. Ti buheyere tiquirota yahu dutiahye masa tiquirore tiquina yũhtiatire, tiquirore tiquina wacũ tutuati gũhũre. Sa yena tiquirore “Potota quehnoagũ, tutuagũ ijire”, ni ño peouhna. Tiquiro ihcãquiota Cohãcjũ dihita quehnoano masi pehoriquiro ijire. Jesucristo yedohoye mehna Cohãcjũre sa ño peoducuuhna mari. Sata ijiducuuhna.

## 1 Corintios

*Pablo Cohãcjũ* yequinare Corinto cjênare oja ohoahye

<sup>1-2</sup> Yũhũ Pablo, Jesucristo yere buhe duti tiquiro cûrigũ ijiaja. Cohãcjũ tiquiro cahmeno sahata Jesu tiquiro cûacjũre beseahye yũhũre tiquiro. Mũsare Cohãcjũ yequinare Corinto cjânare oja ohoaja yũhũ. Sostene mehna quehnoa dutiaja mũsare. Ahriquiro gũhũ mari acayũro Jesu yaquiro ijire. Jesucristo mehna cjãna mũsa ijigũ Cohãcjũ yequina ijiana beseahye Jesu mũsare. Sa ye ijipihtiequina apequina mari pũhtoro Jesucristore siniñequina ijiye, tiquina gũhũ Cohãcjũ yequinata ijire. Tiquina sa ijigũ Jesucristo pehe mari ijipihtina pũhtoro ijire. Sa yena mũsare ijipihtinare oja ohoaja yũhũ. <sup>3</sup> Sa yena Cohãcjũ mari Pacũ, mari pũhtoro Jesucristo mehna mũsare quehnoa dutiaja. Tiquina yedohoye mehna quehnoano ijiya mũsa.

*Jesucristo pehe* mũsare quehnoano ye basahye mari Pacũ tiquirore dutiriro sahata

<sup>4</sup> Jesucristo yequina mũsa ijiri bato tiquiro pehe mũsare quehnoano ye basare Cohãcjũre. Tiquiro sa yegũ ihñagũ, Cohãcjũre “Quehnoare”, niducuaja yũhũ decoripe. <sup>5</sup> Cristo yequina mũsa ijigũ ihñano Cohãcjũ pehe mũsare quehnoano ijigũ yere. Sa yero tiquiro yere mũsare apequinare quehnoano yahuanare yeri tiquiro. Sa yero tiquiro yere quehnoano masigũ yeri mũsare. <sup>6</sup> Cristo yere mũsare usã buheriro sahata sata wahari mũsare, Cristo yequina mũsa wahagũ. <sup>7</sup> Sa yero Cohãcjũ mũsare quehnoano yedoho peho cãnota. Mari pũhtoro Jesucristo ahri yehpapũ tiquiro tojoa tatire mũsa cohtero watoa Cohãcjũ pehe mũsare sa yedohoducurota. <sup>8</sup> Sa yero Jesucristo pehe mũsa ñañe yerire cohãriquiro ijire. Tiquiro sa ijiriquiro ijigũ mũsa pehe decoripe, ahri deco pihdigũpũ gũhũre mũsa ñañe yerire tiquiro cohãnohrina ijiducunata. Sata tiquiro mũsare yedohorota. Sa yena Jesucristo mari pũhtoro tiquiro tojoa tagũpũre ñañe buhiri mariena ijinata mũsa. <sup>9</sup> Tire Cohãcjũ tiquiro nidiro sahata tiquiro yere. Tiquiro macũno mari pũhtoro Jesucristo yequina ijianare marine beseahye. Tiquiro sa besenohrinare Jesu yequina ijigũ yeri marine.

*Jesu yequina Corinto cjẽna* cahmecoañe cahme tuhtiahye

<sup>10</sup> Yũhũ acaye, mari pũhtoro Jesucristo tiquiro dutiro mehna mũsare tutuaro dutigu tagũ niaja ahrire: Mũsa basi cahme tuhtieracãhña. Sa yena mũsa basi cahme tu waeracãhña. Ihcã curuata ijiya mũsa. Sa yena sijoro saha ni yahuducueracãhña mũsa basi. Sa yena mũsa yeatire tuhotuna, ihcãno mehna yeya mũsa.

<sup>11</sup> Yũhũ acaye, mũsa basi cahme tuhtina niñohiti mũsa. Sa ni yahuri Cloe ya wũhũ cjẽna yũhũre. <sup>12</sup> Ihquẽquina mũsa mehna cjẽna ohõ saha ni cahme tuhtiñohiti: “Pablo ya curua cjãna ijiaja usã”, ni cahme tuhtiñohiti ihquẽquina mũsa. Sa ye apequina “Apolo ya curua cjãna ijiaja usã”, niñohiti tiquina gũhũ. Sa ye apequina pehe “Pedro ya curua cjãna ijiaja usã”, niñohiti tiquina gũhũ. Sa ye apequina pehe “Cristo ya curua cjãna ijiaja usã”, niñohiti tiquina gũhũ. <sup>13</sup> Mũsa sa niepegũta Cristo yequina ihcã curuata ijiaja mari. Mari basi cahme tu wa doco masiedaja mari. Ihcã curuata ijiaja mari. Yũhũ Cristo ijieraja. Tiquiro yero saha mũsa ye buhirire curusapũ yariarigu ijierũ. Tutuayere cũoeraja. Sa yegũ ihyo ijigũ ijiaja. Sa yero mũsare apequiro wame yero, Cristo ye tutuaye mehna wame yeri. Yee tutuaye mehna wame yerari. <sup>14</sup> Mũsare, mũsa mehna cjẽna gũhũre wame yerũ yũhũ. Crispore, Gayo gũhũre tiquina dihitare wame yei. Apequina pehere wame yerarigu yũhũ ijigũ quehnoare yũhũre. <sup>15</sup> Peyequina masare wame yerigu yũhũ ijigũ “Pablo ye tutuaye mehna tiquiro wame yeri usãre”, ni ihñaboaga mũsa yũhũre. Sa yegũ tire cahmedũ. <sup>16</sup> Estefana ya wũhũ cjẽna gũhũre wame yei yũhũ. Topequinata wame yei yũhũ. Apequinare yũhũ wame yeriquinare boaa wahau yũhũ. <sup>17</sup> Cristo yũhũre ohoro, wame yeacjũre cũedari tiquiro yũhũre. Quehnoañe buheyere buheacjũ pehere cûri yũhũre. Cristo curusapũ tiquiro yariarire yahuye buheye marine quehnoana wahagũ



yere. Tiquiro sa yepegũta quehnoañe buheyere yũhũ esa tuharo yũhũ buhegũ yũhũ pehere ihña wahãboaga m̄sa. M̄sa sa ihña wahãna quehnoañe buheye pehere ño peoeraboaga m̄sa. Sa yena quehnoana wahaeraboaga. Sa yegũ Jesu ye buheyere buhegũ yũhũ esa tuharo yũhũ masiñe mehna buheraja yũhũ.

*Cohãcjũ* tiquiro tutuayere tiquiro masiñe gũhũre c̄oriquiro ijire Cristo

<sup>18</sup> Pecapũ butiatiquina pehe Cristo curusapũ tiquiro yariarire yahuye buheyere “Tũho masieñequina ye buheye ijire ti”, nimene butiatiquina pehe. Mari pehe Cristo tiquiro yũhd̄onohatina ijina ohõ saha niaja: “Curusapũ tiquiro yariarire yahuye buheye ti waro ijiro nine. Ti buheye Cohãcjũ tiquiro tutuayere yahure marine”, niaja mari. <sup>19</sup> Cohãcjũ pehe tiquiro yere tiquina ojoari p̄pũ ohõ saha nine:

Ahri yehpa cjẽnare “Quehnoano masieñequina ijire”, tiquina niñequinare tiquina masidire d̄hseati ijieragũ masigũ yeitja yũhũ, niahye Cohãcjũ tiquiro yere tiquina ojoari p̄pũ.

<sup>20</sup> Sa ye ahri yehpa cjẽna quehnoano masieñequina d̄hseati tiquina ijierare. Ûsã acaye judio masare buheyequina gũhũ d̄hseati tiquina ijierare. Yojoap̄re yahuducu miñiñequina gũhũ d̄hseati tiquina ijierare. Ahri yehpa cjẽna quehnoano masieñequina tiquina ijiepegũta masieñequina tiquina ijiyere masigũ yeri Cohãcjũ. <sup>21</sup> Cohãcjũ p̄rita quehnoano masiniquiro ijire. Tiquiro sa ijigũ ahri yehpa cjẽna tiquina esa tuharo tiquina masiñe mehna Cohãcjũre ne masiedare tiquina. Cohãcjũ tiquiro masi dutiero sahata sa wahari tiquinare. Cohãcjũre cahmeeñequina pehe ohõ saha nine quehnoañe buheye warore: “Tũho masieñequina ye buheye ijire”, nimene. Sa yeye quehnoañe buheyere “Tũho masieñe buheye”, tiquina niñe buheyere tũhoye, Cristore masi d̄care masa. Tiquina sa masi d̄cagũ Cristore tiquina wacũ tutuagũ ihñano tiquinare tiquiro yequina wahagũ yere Cohãcjũ. Sa waha dutiri tiquiro.

<sup>22</sup> Judio masa Cohãcjũ tutuaye mehna tiquiro ye ihñorire ihña duaye nine. Sa yeye griego masa pehe, judio masa ijieyequina pehe quehnoano tiquina masiatire macañe nine. <sup>23</sup> Mari pehe Cristo curusapũ tiquiro yariarire yahuye buheyere buheaja mari. Ti buheyere judio masa pehe ihña tuhtire. Sa ye ti buheyere judio masa ijieyequina pehe “Tũho masieñequina ye buheye ijire”, ni tũhoture. <sup>24</sup> Tiquina sa ni tũhotuepegũta Cohãcjũ yequina ijiatire tiquiro beseriquina pehe ti buheyere ohõ saha nine. “Cristo ye buheye Cohãcjũ tutuayere tiquiro quehnoano masiñene masigũ yere marine”, nine tiquina ahri buheyere. Tiquina judio masa, judio masa ijieyequina ijiepete, sa nine Jesu yequina.

<sup>25</sup> Cohãcjũ masi pehoriquiro ijire. “Tiquiro tũho masieniquiro ijire”, masa tiquina ni tũhotuepegũta ahri yehpa cjẽna yũhd̄uro quehnoano masi pehoriquiro ijire tiquiro. Sa yero Cohãcjũre “Tutueriquiro ijire”, masa tiquina ni tũhotuepegũta tiquina bui tutua yũhd̄ud̄cariquiro ijire tiquiro. <sup>26</sup> Ti yũhũ nidi ijirota ijire.

Yũhũ acaye, Cohãcjũ m̄sare tiquiro yequina wahagũ tiquiro yegũ m̄sa peyequina ihyo ijina m̄sa ijirire wacũña m̄sa. Ahri yehpa cjẽnare “Quehnoano masieñequina”, tiquina niñequinare meheñequinagã Jesu yequina ijiatiquinare beseahye Cohãcjũ. Sa yero pũtoa gũhũre meheñequinagã Jesu yequina ijiatiquinare beseahye tiquiro. Sa yero pũtoa pohne gũhũre meheñequinagã Jesu yequina ijiatiquinare beseahye tiquiro. <sup>27</sup> “Tũho masieñequina ijire”, tiquina niñequinare Cohãcjũ beseahye “Quehnoano masieñequina ijire”, tiquina niñequina tiquina b̄oro wahatire. Sa yero “Wacũ tutueyequina ijire”, tiquina niñequinare Cohãcjũ beseahye, “Wacũ tutuayequina ijire”, tiquina niñequina tiquina b̄oro wahatire. <sup>28</sup> Masa tiquina ihña tuhtieyequinare “D̄hseati tiquina ijierare”, nine masa. Tiquina sa nidiquinare Cohãcjũ tiquiro yequina ijiatiquinare beseahye tiquinare. Sa besero “Pũtoa waro ijire”, tiquina niñequinare ihyo ijieyequina tiquina ijiyere masigũ yeahye Cohãcjũ tiquinare. <sup>29</sup> Tiquiro sa yegũ ahri yehpa cjẽna ne ihcãquiro “Tutuagũ, quehnoano masigũ ijiaja”, ne ni yũhd̄ud̄ca masiedare, Cohãcjũ ihñonopũ.

<sup>30</sup> Cohãcjũ pehe marine Jesu yequina ijigũ yeri. Tiquiro yequina ijina marine tiquiro yũhdũori bato ijipihtiye decori Cohãcjũ mehna ijinata mari. Jesucristo pehe Cohãcjũ yere quehnoano masigũ yere marine. Sa yero mari ñaÑe buhirire cohãre. Sa yero mari ñaÑe yerire cosero, marine “Quehnoañequina ijire”, Cohãcjũ ni ihñagũ yere Cristo Cohãcjũre. Sa yero marine pecapũ wahaborinare yũhdũore. <sup>31</sup> Tiquiro sa yegũ Cohãcjũ yere tiquina ojoari pũpũ tiquiro ni ojoariro sahata sa wahare: “Yũhũ esa tuharo masi pehogũ ijiaja’, nidiquiro tire niedacãhdo. Ohõ saha niahdo: ‘Mari pũhtoro Cristo pehe marine yũhdũoriquiro ijire’, niahdo tiquiro”, nine Cohãcjũ yere tiquina ojoari pũpũ.

## 2

*Ahri buheye Cristo curusapũ* tiquiro yariarire yahure

<sup>1</sup> Yũhũ acaye, mũsa cahapũ esagũ “Quehnoano masi pehoaja”, mũsare ni buherũ. Cohãcjũ yere mũsare buhegũ, sa ni buhegũ niedũ. <sup>2</sup> “Ohõ saha ni buheitja”, nigũ mũsa mehna ijigũ Jesucristo ye dihitare curusapũ tiquiro yariari dihitare wacũgũ, ti buheye buhei yũhũ. <sup>3</sup> Sa yegũ mũsa mehna ijigũ ihyo ijigũ yero saha ijii yũhũ. Sa yegũ Cohãcjũ yere queoro buhe duagũ ijigũ cuegũ, nanaredigũ yero saha ijii yũhũ. <sup>4</sup> Sa yegũ Cohãcjũ yere buhegũ, “Masi pehoaja”, ni buherũ. Tiquiro yere yũhũ buhegũ Espĩritu Santo tutuaye mehna yũhũ buhegũ ihñari mũsa. <sup>5</sup> Ohõ sahata ni buhei yũhũ mũsare masa tiquina esa tuharo buheye pehere mũsa cahmedatire. Cohãcjũ pehere mũsa wacũ tuatire sa ni buhei yũhũ.

*Espĩritu Santo pehe Cohãcjũ* ijiye tiyere buhere marine

<sup>6</sup> Sa yena Cohãcjũ ye buheye tiquiro masiÑene mũsare Jesure quehnoano wacũ tutuanapũre yahuaja usã. Masa tiquina esa tuharo tiquina buheye yero saha ijierare ahri mũsare usã buheye. Ti buheye pũhtoa ye buheye gũhũ ijierare. Tiquina pũhtoa pehe pihtia wahaeta. <sup>7</sup> Apequina tiquina masiedarire Cohãcjũ ye yahuducuyere yahuaja usã pehe. Panopũ ahri buheye Cohãcjũ yequina mũna quehnoano masi pehoerahye. Ahri yehpa ijiaato pano ahri buheye ti nidiro sahata “Sata wahaahro”, ni tuhasahye Cohãcjũ. Marine pecapũ wahaborinare tiquiro yũhdũotire, tiquiro mehna mari ijiaati gũhũre “Sata wahaahro”, ni tuhasae tiahye tiquiro. <sup>8</sup> Tiquiro sa nigũ Cohãcjũre cahmeeÑequina pũhtoa ne tiquiro ye buheye tũho dueraye, masiedare. Tire quehnoano masiÑe, mari pũhtoro Cohãcjũ macũno warore curusapũ quẽ biha wejẽdaboaya tiquina. <sup>9</sup> Cohãcjũ yere tiquina ojoari pũpũ ohõ saha nine:

Ijipihtiyequina Cohãcjũre cahĩÑequina ye ijiatire Cohãcjũ quehnoano quehno basa tuhasahye. Quehnoa yũhdũyere tiquiro quehno basahye. Tire masa ne ihñedari. Sa ye tire ne tũhoerari. Tire dũhse masino basioerare marine, nine Cohãcjũ yere tiquina ojoari pũpũ.

<sup>10</sup> Tiquiro sa niepegũta Espĩritu Santo pehe Cohãcjũ yere masigũ yere marine. Ijipihtiye Cohãcjũ yere Espĩritu Santo masi pehore. Sa masino tiquiro marine tire masigũ yere.

<sup>11</sup> Ne apequina pehe masũno tiquiro masiÑene ne masiedare. Sa ijiepegũta masũno pehe tiquiro esa tuharo tiquiro wacũÑepũ tiquiro tũhotuyere masine. Sata apequina Cohãcjũ tiquiro masiÑene ne masiedare. Cohãcjũ yaquiro Espĩritu Santo dihita tiquiro masiÑene masine, masũno tiquiro esa tuharo tiquiro wacũÑene tiquiro masino sahata.

<sup>12</sup> Sa yena mari pehe Jesu yequina ijina masa tiquina esa tuharo tiquina buheye cũoeraja. Cohãcjũ yaquiro Espĩritu Santore ohori marine masigũ yero taro. Marine tiquiro quehnoano yeatire masigũ yere Espĩritu Santo pehe. <sup>13</sup> Sa yena Cohãcjũ yere mũsare buhena, masa ye masiÑe mehna usã esa tuharo buheraja usã. Espĩritu Santo tiquiro buheye pehere mũsare buheaja. Sa buhena Espĩritu Santore cũoyequinare Cohãcjũ yere quehnoano buheaja usã.

<sup>14</sup> Espĩritu Santore cũoyequina pehe Espĩritu Santo yere ne cahmedare. “Tiquiro ye ihyo warota ijire”, nimene tiquina. Espĩritu Santo tiquiro yedohoro marieno tiquiro yere masino basioerare masare. Sa ye tiquina tiquiro yere ne masiedare. Espĩritu Santo

yedohoro mehna tiquiro yere masiaja mari. <sup>15</sup> Espíritu Santore c̄oyequina pehe Cohācjū yere quehnoano masine. Apequina pehe tiquinare “Quehnoañequina ijire. Ñañequina ijire”, ni bese masiedare Espíritu Santore c̄oyequinare. <sup>16</sup> Ohō saha nine Cohācjū yere tiquina ojoari p̄p̄: “Mari p̄htoro Cristo tiquiro t̄hotuyere masiñequina ne mariedare. Sa ye tiquirore masa duti masiedare”, nine tiquiro yere tiquina ojoari p̄p̄. Mari pehe Cristo yequina ijina, Cristo yero sahata masiaja.

### 3

*Jesu yequina ihcāno saha Cohācjū*re dahra cohteyequina ijire

<sup>1-2</sup> Ȳh̄u acaye, m̄sare buheḡu Espíritu Santore quehnoano ȳhtiyequinare ȳh̄u buheriro sahata buhe masiedu m̄sa pehere. Cristo yequina ijiepenata, macanagā dihire tiquina ihya masieno saha Cohācjū yere quehnoano masiedare m̄sa. Yojop̄u ḡh̄ure quehnoano masiedañoh̄ti m̄sa. Ahri yehpa cjēna ñañequina yero saha t̄hotuñoh̄ti m̄sa. Sa yena macanagā ep̄core tiquina ap̄no saha mijoeda cjūñe buheye dihitare t̄hoñoh̄ti m̄sa. Sa yeḡu ti yero saha ijiye buheye dihitare buhei m̄sare. Cristo yequina ijiepenata macanagā tiquina ihya masieno sahata Cristo yere quehnoano masiedañoh̄ti m̄sa. <sup>3</sup> M̄sa pehe m̄sa mehna cjēnare cahme coona, cahmequena, m̄sa basi ihquē cururi tu wad̄ca sana, Espíritu Santore c̄oyequina yero saha yena niñoh̄ti m̄sa. Sa yena ahri yehpa cjēna Cristore cahmeeñequina yero saha yeñoh̄ti m̄sa. <sup>4</sup> Ohō saha niñoh̄ti m̄sa: “Pablo ya curua cjāna ijiaja usā”, niñoh̄ti m̄sa ihquēquina. Sa yena apequina m̄sa mehna cjēna pehe “Apolo ya curua cjāna ijiaja usā”, niñoh̄ti. M̄sa sa ni yahuducuna Espíritu Santo marieñequina yero saha ni yahuducuñoh̄ti m̄sa.

<sup>5</sup> ¿Ȳh̄u Pablo, Apolo mehna d̄hseanaja ijiajari usā, m̄sa t̄hotuḡu? Ohō saha yeana ja ijina niaja usā: Cohācjū tiquiro dutiriro sahata tiquirore dahra cohtena ihyo ijina ijiaja usā. Sa yena m̄sare usā buheḡu t̄hona Jesucristore wacū tutua d̄care m̄sa. <sup>6</sup> Quehnoañe buheyere buheyequina wesep̄u dahrayequina yero saha ijire, mari queoye mehna buheḡu. Wese up̄ro tiquiro ote m̄htariro saha ȳh̄u ḡh̄u m̄sare buhe m̄htāu. Sa yero apequiro wesere tiquiro cure n̄n̄u t̄no saha Apolo pehe ȳh̄u bato m̄sare buhe n̄n̄u t̄ri. Usā sa buhepeḡuta wese cjē oteyere b̄cua nemoḡu tiquiro yeriro saha Cohācjū pehe m̄sare tiquiro yere masi nemoḡu yeri. <sup>7</sup> Sa yeḡu ȳh̄u buhe m̄htariḡu ijiepeḡuta ihyo ijiḡu ijiaja. Sa yero Apolo ȳh̄u bato buhe nemoriquiro ḡh̄u ihyo ijiriquirota ijire. Cohācjū p̄rita oteyere tiquiro b̄cua nemoḡu yeriro saha tiquiro yequinare tiquirore masi nemoḡu yere. Sa yena Cohācjū pehere ño peoro cahmene m̄sare. <sup>8</sup> Ote m̄htariquiro, came cure n̄n̄u t̄riquirō ihcāno saha dahra cohteyequina ihyo ijieyequinata ijimene tiquina. Sa ye tiquina dahrariro punota wapatare tiquina. Sata ijiaja usā, Apolo mehna. <sup>9</sup> Sa yena usā Cohācjū yere dahra cohtena ijiaja. Sa yero Apolo ȳh̄u mehna cjūno ijire. Usā sa ijiḡu m̄sa pehe Cohācjū ya wese yero saha ijire. M̄sa sa ijiḡu Cohācjū ya wese cjē oteyere tiquiro b̄cua nemoḡu yero saha m̄sare tiquiro yere masi nemoḡu yerota tiquiro.

Sa ye Cohācjū m̄sare tiquiro yequinare quehnoari curua yero nine. Sa yena ut̄a mehna tiquina yeri w̄h̄u yero saha ijire m̄sa tiquiro ya curua cjāna, mari queoye mehna buheḡu. <sup>10</sup> M̄sa sa ijiḡu Cohācjū ȳh̄ure tiquiro dutiriro sahata ȳh̄u pehe w̄h̄u dahre mihnidiquiro ut̄are tiquiro cū m̄htariro sahata Jesucristo yere m̄sare buhe m̄htāu. Sa yero ti ut̄a paca bui apequiro tiquiro ye nemo m̄jano sahata apequiro ȳh̄u bato buhe nemo n̄n̄u t̄no nine. Sa buhe nemono quehnoano mehna buherota. Sa yero Cristo ye dihitare buherota tiquiro. Sata buheahro tiquiro. <sup>11</sup> W̄h̄ure tiquina dahre d̄ca tiquina cū m̄htar̄ia ut̄a yero saha ijire Cristo. Sa yena ti ut̄are usā quehnoano cū m̄htar̄iro saha Cristo yere buhe tuhas̄u. Apequiro ye buheye pehere mari buheḡu quehnoaedaga.

<sup>12-15</sup> Uru mehna, plata mehna, wapa buj̄ye ut̄a paca mehna mari yeri w̄h̄ure mari ūj̄a tuhuḡu ūj̄edare. Sata Jesucristo yere mari quehnoano yeri bato pihtiri deco ijiḡu Cohācjū mari yerire ūj̄a tuhur̄iro saha yerota mari yerire masino taro. Sa tiquiro yeḡu quehnoano yeri w̄h̄u ūj̄edar̄iro saha mari yerire ti quehnoañe ijiḡu masinota. Sa yero

mari quehnoano yerina mari ijigũ masigũ yerota tiquiro. Quehnoano mari yeri wapa quehnoano yerota marine.

Sa yero yucari mehna, taa mehna, ñaidi pũri mehna mari yeri wuhure mari ujũa tuhugũ ujũa wahare. Sata Jesucristo yere mari quehnoano yerari bato pihitiri deco ijigũ, Cohãcjũ mari yerire ujũa tuhuro yero saha yerota mari yerire masino taro. Sata tiquiro yegũ ñano yeri wuhũ ti wuhũ ujũriro saha mari yerire ñañe ijigũ masinota. Sa yero mari quehnoano yerari bato ijigũ marine masigũ yerota tiquiro. Sa yero quehnoano yerarina mari ijigũ ihñano quehnoañene mari yemedi wapare quehnoano yesi marine. Sa ijiyequinare Cohãcjũ yuhduorota. Sa ye sa quehnoano yerariquina mehenogã mehna yuhdueta.

<sup>16</sup> Mũsa pehe Jesu yequina Cohãcjũ ya wuhũ yero saha ijire. Mũsa sa ijigũ ihñano ti wuhũpũ tiquiro ijiboro saha Espiritu Santo pehe mũsa mehna ijire. ¿Tire masiedajari mũsa? <sup>17</sup> Cohãcjũ ya wuhũ ñañe marieni wuhũ ijire. Sa yena mũsa gũhũ ti wuhũ yero saha ijina tiquiro yequina waro ijire. Sa yero Jesu yequinare ihcãquiro dojomehnegũ Cohãcjũ pecapũ cohãnota tiquiro pehere.

<sup>18</sup> Ni mehoñene tuhoturacãhña mũsa. “Yojopũ cjẽna ye masiñene quehnoano masiaja”, ni tuhoturiquiro mũsa mehna cjũno ijiro Jesu ye pehere quehnoano masiahdo. Tiquiro sa masigũ ihñañe apequina tiquirore “Tũho masieniquiro ijire”, nieta. Sa yero Jesu yere masino, potota quehnoano masidiquiro waharota. <sup>19</sup> Masa esa tuharo tiquina basi tiquina masiñene “Ihyo warota ijire”, ni tuhature Cohãcjũ. Sata nine Cohãcjũ yere tiquina ojoari pũpũ: “Tiquina esa tuharo masiñequina tiquina masiñe duhseati ijierare, Cohãcjũ tiquiro ihñagũ. Sa yero tiquina cahmeno saha yeragũ yere tiquinare”, nine Cohãcjũ yere tiquina ojoari pũpũ. <sup>20</sup> Sa ye ape pũpũ ohõ saha nine: “Masa tiquina esa tuharo masi pehoyequina tiquina tuhutuye duhseati ijieragũ masine mari pũhtoro Cohãcjũ pehe”, nine Cohãcjũ yere tiquina ojoari pũpũ.

<sup>21-22</sup> Sa yena “Pablo ya curua cjãna ijiaja usã”, niedacãhña. “Apolo ya curua cjãna ijiaja usã”, niedacãhña. “Pedro ya curua cjãna ijiaja usã”, niedacãhña. Usã ijipihitina mũsa yequina dihita ijiaja. Ijipihitiye mũsa ye ijire. Cohãcjũ tiquiro bajumehnedire, catiye gũhũre ohori mũsare. Sa yero pecapũ wahaeragũ yerota mũsare. Yojopũ ijiyere, camepũ ijiaji gũhũre mũsare ohorota. Sa ye ijipihitiye mũsa ye ijire. <sup>23</sup> Sa yena mũsa pehe Cristo yequina ijire. Sa yero Cristo pehe Cohãcjũ yaquiro ijire.

#### 4

##### *Cristo tiquiro yere buhe duti tiquiro cũriquina tiquina dahrayere yahuahye Pablo*

<sup>1</sup> Ohõ saha ni tuhutuya mũsa yuhure Apolo gũhũre: “Tiquina Cristore dahra cohteyequina ijire. Sa ye masa tiquina masiedarire Cohãcjũ yere buheyequina ijire”, ni tuhutuya mũsa usãre. <sup>2</sup> Dahra cohteyequinare tiquina pũhtoro tiquiro dutiriro saha ye cohtero cahmene tiquinare. Yuhũ gũhũre sata yero cahmene Cristore. <sup>3</sup> Sa ijipegũta yuhure mũsa yahu wajaepẽgũta sa tuhutu cjã yuhũ. Apequina pũhtoa yuhure tiquina yahu wajaepẽgũta sa tuhutu cjã yuhũ. Yuhũ yerire ihñana “Ahri quehnoañe ijire. Ahri ñañe ijire”, ni masiedare mũsa. Yuhũ gũhũ masuta ijiaja. Sa yegũ yuhũ yerire quehnoano masi pehoeraja yuhũ gũhũ. <sup>4</sup> “Cristo yere yuhũ yuhduducari yuhure mariedare”, ni tuhutumaja yuhũ. Yuhũ ohõ saha ni tuhutuepegũta buhiri tiboaga yuhũ. Mari pũhtoro Cristo dihita yuhũ yerire ihñano, quehnoano masine. <sup>5</sup> Sa yena mari pũhtoro tiquiro tojoa tato pano masare ñano ni yahu wajaeracãhña mũsa. Tiquiro tojoa taro masa tiquina yerire, panopũ apequina tiquina masiedarire Cristo masigũ yerota. Sa yero mari ye duayere, mari tuhutuyere tiquiro masigũ yerota. Sa yero tiquiro yere yeriquinare “Mũsa quehnoano yeri”, ninota Cohãcjũ.

<sup>6</sup> Yuhũ acaye, yuhũ Apolo mehna usã buherire yahuu yuhũ, mũsare buhegũ tagũ. Sa ni yahuu yuhũ Cohãcjũ tiquiro yere tiquina ojoari pũpũ tiquiro nidiro sahata mũsa yeducuatire. Sa yena mũsa mehna cjẽnare ihcãno saha cahme ño peoya. Ihcãquiroreta

ño peoeracãhña. <sup>7</sup> Mũsa pehe apequina yũhdũoro quehnoana ijierare. Masi yũhdũudũcana ijierare mũsa. Cohãcjũ mũsare tiquiro ohori dihitare cũore mũsa. Sa yena mũsare tiquiro yahuri dihitare masine mũsa. ¿Mũsa esa tuharo cũona, mũsa esa tuharo masina ijierapenata, dũhse yena “Masi pehona ijiaja”, niajari mũsa? Sa nina “Cohãcjũ usãre ohoerari. Sa yero usãre yahuerari”, niboriro saha yere mũsa.

<sup>8</sup> Mũsa pehe “Cohãcjũ yere masi pehoaja usã. Usãre yabe boro dũhsaerare”, nimene mũsa. Sa yena mũsa cahapũ usã ijieragũ mũsa ohõ saha ni tũhotumene: “Pũhtoa yero saha masina ijiaja usã”, ni tũhotumene mũsa. Potota Cohãcjũre masi pehona pũhtoa yero saha masina mũsa ijigũ mũsare quehnoa yũhdũaboaga. Mũsa sa ijigũ mũsa mehna usã gũhũ pũhtoa yero saha masina ijiboaga. “Masina ijiaja usã”, ni tũhotuna, quehnoa yũhdũaro ni tũhotumene mũsa. <sup>9</sup> Ohõ saha ni tũhotuaja yũhũ pũrita: Usãre Jesu tiquiro yere buhe dutiro cũno, ijipihtiyequina iji bato tiri cjã curua cũri usãre. Tiquina wejẽ dutinohriquina yero saha ijianare cũri usãre. Masa tiquina cahacjẽna yero saha ijiaja usã. Ahri yehpa cjẽna masa, angele gũhũ cahacjẽna yero saha ihñare usãre. <sup>10</sup> Cristo yere usã buhegũ ihñañe “Tũho masieñequina ijire”, nine masa usãre. Sa Cristo yere usã yegũ ihñañe, usãre ihña tuhtire. Mũsa pehe quehnoa yũhdũaro Cristo yere masina ijiajari mũsa. “Cohãcjũre wacũ tutueyequina ijire”, ni tũhotumene masa usãre. Mũsa pehe quehnoa yũhdũaro wacũ tutua yũhdũana ijiajari. Mũsa pehere masa ño peore. Usã pehere masa ne ño peoerare. <sup>11</sup> Usã pehe yojopũre ñano yũhdũna, ƣjũa ahbana, aco wũona, ñano suhti mariena, wũhũse mariena ijiaja. Sa ye apequina usãre ño peoera, usãre ñano yere. <sup>12</sup> Sa yena usã tutuaro dahraja. Sa yena apequina usãre tiquina ñano yahuducuepegũta usã pehe tiquinare “Quehnoano ijiya”, niaja usã. Sa yena apequina usãre ñano tiquina yepegũta sa tũhotu cjã usã. <sup>13</sup> Sa yena “Ñano yeyequina ijire”, usãre tiquina niepegũta usã pehe quehnoano mehna tiquinare yũhtiaja. Sa ye panopũ, yojopũ gũhũre ñañe wete yero saha masape cururi iji bato tiri curua cjẽna yero saha ihñare masa usãre.

<sup>14-15</sup> Mũsare quehnoañe buheyere buhe mũhtagũ mũsa pacũ yero saha wahapũ yũhũ. Peyequina mũsare Cristo yere buheyequina tiquina ijiepegũta mũsare buhe mũhtarigũ ihcũta ijiaja yũhũ. Sa ijigũ mũsare bue tigũ yegũ tagũ ahrire ojoagũ niedũ yũhũ. Yũhũ pohñare, yũhũ cahĩnare yũhũ dutiboriro saha mũsare quehnoano mehna dutigũ tagũ ahrire ojoapũ yũhũ. <sup>16</sup> Sa yegũ ahrire mũsare tutuaro mehna dutigũ tagũ niaja yũhũ. Yũhũre ihña cuña mũsa.

<sup>17</sup> Ahrire ye dutigũ tagũ mũsa cahapũ Timoteore ohou. Tiquiro yũhũ macũ yero saha ijiriquiro yũhũ cahĩniquiro mari pũhtoro Jesu yaquiro ijire. Sa yero Cristo yere yeducure tiquiro. Cristo yere mari yeatire ijipihtiyequina Jesu yequina cahapũ buhei yũhũ. Timoteo tire mũsare wacũducugũ yerota. Sa yegũ Cristo yere yũhũ yeriro sahata mũsa ihña cũato saha Timoteore ohou yũhũ. <sup>18</sup> Timoteore yũhũ ohogũ ihquẽquina mũsa mehna cjẽna pũhtoa iji duayequina ohõ saha nine: “Pablo marine cuero, mari cahapũ ahtasi”, ni tũhotumene tiquina. <sup>19</sup> Cohãcjũ cahmegũ mũsa cahapũ mianogãta esautja. Sa esagũ pũhtoa iji duayequinare mũsa mehna cjẽnare Cohãcjũ ye tutuayere tiquina cũogũ masigũtja yũhũ. Sa yegũ tiquina sa ni maca cãri gũhũre masigũtja yũhũ. <sup>20</sup> “Cohãcjũ usã pũhtoro ijire”, mari ni yahuepegũta tiquiro yere mari yeragũ ti mari niñe dũhseati ijierare. Cohãcjũ tutuaye mehna tiquiro cahmeno saha ye masiaja. Ti ihyo waro ijierare. <sup>21</sup> ¿Mũsa cahapũ mũsare buhiri dahreacjũ mũsare tuhtiacjũ yũhũ wahagũ cahmeajari mũsa yũhũre? ¿O mũsare cahĩgũ mũsare bucuegũ yũhũ wahagũ cahmeajari mũsa yũhũre? ¿Dũhse ijigũ yũhũ wahagũ cahmeajari mũsa?

## 5

*Corinto* cjẽna tiquina wũana tirire yahuahye Pablo

<sup>1</sup> Potota ohõ saha qiti tire usãre apequina: Ihcãquiro mũsa mehna cjũno tiquiro mũonore wũana tiñohiti. Sa ni yahuri masa usãre. Apequina pehe Cohãcjũre cahmeeñequina ijiepetã tiquina pehe sa yerare. <sup>2</sup> Mũsa mehna cjũno tiquiro sa yepegũta mũsa pehe



“Quehnoana ijiaja usã”, ni tuhutumene. ¿Dahse yena tiquiro ñano yeyere masiepenata bujña witierajari musa? Sa yena sa ñano yeriquirore musa mehna Jesu yequina mehna ijiriquirore cohãña musa. <sup>3-4</sup> Yũhũ musa mehna ijierapegũta yũhũ wacũñerũ musa mehnata ijiaja yũhũ. Sa yegũ musa mehna ijigũ yũhũ niboriro saha ñano yeriquirore tiquiro sa ñano yeri buhiri buhiri dahre duti tuhasaja yũhũ. Jesu tiquiro dutiro mehnata sa ye dutiaja. Sa yena musa cahmecoana yũhũ wacũñe mehnapũ musa mehna yũhũ ijigũ mari pũhtoro Jesu tiquiro tutuaye mehna tiquirore ñano yeriquirore cohãña, ohõ saha niña: <sup>5</sup> “Watĩno tiquiro cahmeno saha mũhũre yecũnahdo”, niña tiquirore. Sata niña tiquirore ñañene tiquiro tutuaro cahmeñene tiquiro duhuatire. Musa sa cohãgũ tiquiro ñano yũhdũrota. Mari pũhtoro Jesu tiquiro tojoa tati deco ñano yeriquiro Jesu mehna tiquiro quehnoano yũhdũatire yojopũre tiquirore sa niña.

<sup>6</sup> “Quehnoana ijiaja usã”, niepenata ñano yena niaga musa. Ñano yeriquirore musa sa ihña cãna, ti ñañene musa ijipihtina piha pihtia wahanata. Pãre pugũ yeye trigore ti quehnoano sehsaro saha ti ñañe mũsare piharo quehnoano sehsaa waharota. ¿Tire masiedajari musa? <sup>7</sup> Yũhũ acaye judio masa pascua ijigũ ovejare wejẽ, ẽjũa mũo, Cohãcjũre ño peore. Sata oveja tiquiro yariariro saha Cristo mari ñañe buhirire yariaa wahahye. Tiquiro sa waharire masina musa pehe ñano yeriquirore musa mehna cjũnore cohãña ti ñañe mũsare “Pihari” nina. Musa ñañe yerire cohã tuhasari Cristo. Sa yena ñano yeriquirore cohãña “Pari turi ti ñañene pihari”, nina. <sup>8</sup> Pãre pugũ yeye trigore ti sehsariro saha panopũ ñañene ihña cũ, ye pihtirina ijimi mari. Sa yena pascua bose decorũ pãre pugũ yeye marieno pãre tiquina ihyariro saha mari gũhũ ñañene cahmeno marieno ñano yero marieno ijihna mari. Panopũ mari ñañene yeriro saha yeracũhna. Sa yena potota quehnoano tuhutuye mehna, quehnoañene yeihna.

<sup>9</sup> Mũsare yũhũ ojoari pũpũre Jesu yaquiro tiquiro ijiepegũta sa wũana tiducuriquirore ne piti ti dutierami. <sup>10</sup> Sa nigũ wũana tiyequinare, apequina yere tutuaro cahmeñequinare, yaqueyequinare, “Cohãcjũ ijire”, tiquina niñe queoyere ño peoyequinare Jesu yequina tiquina ijieragũ “Tiquina mehna ijieracãhña”, niedaja. Ahri yehpapũ sa ijieyequina marieno Jesure cahmeñequina marieno mari dihita iji masiedaja. Ijipihtirorpũre ijire tiquina pehe. <sup>11</sup> Sa yegũ mũsare ojoagũ ohõ saha dutimi: Musa mehna cjũno “Jesu yaquiro ijiaja”, nidiquiro ijieperota numino mehna ñano yeriquiro, apee borore tutuaro cahmediquiro, “Cohãcjũ ijire”, tiquina niñe queoyere ño peoriquiro, ñano quiti yeducuriquiro, queheriquiro, yaqueriquiro tiquiro ijigũ tiquirore piti tieracãhña. Sa yeriquiro “Jesu yaquiro ijiaja”, nidiquiro ijigũ tiquirore piti tieracãhña. Sa yena sa yeriquiro mehna ihyeracãhña. <sup>12</sup> Sa yegũ Jesu yequina ijieyequinare tiquina ñañe yeri buhirire buhiri dahre dutirigũ ijieraja yũhũ. Sa yũhũre yeraro cahmene. Yũhũ sa niepegũta musa mehna cahmecoañequina Jesu yequina musa basi musa yerire ihñana, masino cahmene mũsare. Sa ihña cãedarõ cahmene. Sa yena tiquina ñano yegũ ihñana mũsare buhiri dahrero cahmene tiquinare. <sup>13</sup> Jesu yequina ijieyequina pehere Cohãcjũ pehe buhiri dahrerota. Sa yena musa pehe musa mehna cjũnore ñano yeriquirore buhiri dahrena tiquirore cohãña.

## 6

### *Jesu yequinare yahusãrire yahuahye Pablo*

<sup>1</sup> ¿Musa basi cahme ihña tuhti yahusã duana dahse ijiro boro Jesu yequina ijieyequina cahapũ musa acayere Jesu yequinare yahusãna wahajari? Jesu yequinare musa mehna cjẽnare yahusã duana apequina Jesu yequinare tire yahuro cahmene mũsare. Sa ye Jesu yequinapũ beseahro. <sup>2</sup> Pihtiri deco ijigũ mari Jesu yequina pehe masa ijipihtieyequina tiquina yerire ihñana besenata mari tiquinare. ¿Tire masiedajari musa? Sa yena pihtiri deco ijigũ masa ijipihtieyequinare beseatina ijina, yojopũ gũhũre bese masiaja mari. Sa yena yojopũre ihyo ijieyegã buhiri gũhũre bese masiaja mari. <sup>3</sup> Angele tiquina yerire ihñana tiquina gũhũre besenata mari. ¿Tire masiedajari musa? Mari sa beseatina ijina potota ti yũhdũoro yojopũ gũhũre Jesu yequina tiquina yerire ihñana bese masiaja

mari. <sup>4</sup> ¿Sa yena dũhse yena mũsa mehna cjẽnare yahusã duana Jesure cahmeeñequina cahapũ ihyo ijiepegã buhirire yahusãna wahajari mũsa? <sup>5</sup> Ahrire nigũ niaja mũsa queoro yerarire mũsa bujũa witiatire. ¿Mũsa mehna cjẽnare mũsa cahme dũse tini wiagũ mũsare yahuatiquiro mũsa mehna cjũno quehnoano masiniquiro mariedajari? Ijire. <sup>6</sup> Sa ijiepegũta mũsa mehna cjũno Jesu yaquiro apequiro Jesu yaquirore yahusã duaro Jesu yequina ijieyequinare yahusãno wahare.

<sup>7</sup> Masare beseyequina pũhtoa cahapũ mũsa mehna cjẽnare yahusãna Cohãcjũ ye pehere yũhdũdũcana nine mũsa. Apequiro mũsa mehna cjũno mũsare ñano tiquiro yegũ sa tũhotu cãboaga mũsa. Jesu yequina ijieyequinare mũsa yahusãto pano mũsa acayũrore mũsa sa tũhotu cãgũ quehnoa yũhdũaboaga. Jesu yaquiro mũsare tiquiro yaquegũ tiquirore mũsa yahusãto pano tiquiro yaquerire mũsa sa tũhotu cãgũ quehnoa yũhdũaboaga. <sup>8</sup> Mũsa gũhũ sa ijinata ijire. Apequinare ñano yere mũsa. Sa yena yaquere mũsa. Sa yena apequina mũsa mehna cjẽna Jesu yequina tiquina ijiepegũta tiquinare ñano yena, yaquere mũsa.

<sup>9</sup> Sa yeyequina Cohãcjũ pũhoro ijiropũre ãhmũsepũre waha masiedare. ¿Tire masiedajari mũsa? Ni mehoñene tũhotueracãhña mũsa. Mari pũhoro ijiropũ ne wahasi ohõ saha yeyequina: Wũana tiyequina, “Cohãcjũ ijire”, tiquina niñe queoyere ño peoyequina, numia mehna ñano yeyequina, ãmũa mehna ñano yeyequina numia, ãmũa sehsaro tiquina pagũri mehna ñano yeyequina, numia sehsaro tiquina pagũri mehna ñano yeyequina numia, <sup>10</sup> ni meho ehmañequina, apequina yere tutuaro cahmeeñequina, queheyequina, masare ñano tuhtiyequina, yaqueyequina, ne Cohãcjũ pũhoro ijiropũre ãhmũsepũre waha masiedare. <sup>11</sup> Panopũre mũsa gũhũ sa yerina ijimedi. Sa yemedina mũsa ijiepegũta yojopũre mũsa ñano yerire cose tuhasari Jesucristo pehe. Sa tiquiro cosenohrina mũsa ijigũ tiquiro yequina ijiatinare yeri Cohãcjũ mũsare. Sa yero “Quehnoana ijire”, ni ihñare mũsare tiquiro. Sata yere mũsare mari pũhoro Jesucristo, Espĩritu Santo gũhũ tiquina tutuaye mehna.

*Mari pagũri Cristo ye pagũri ijire*

<sup>12</sup> “Yũhũ cahmeno saha ye masiaja yũhũ”, nine ihquẽquina. Sata ijire. Yũhũ gũhũ sa nidigũ ijiepegũta tire yegũ apequinare yedohorigũ ijieraboaga yũhũ. Yũhũ cahmeno saha ye masiaja. Sa ye masiepegũta ihquẽ tahari sa yegũ ijigũ duhu masiedaboaga yũhũ. Sa yegũ tire pari turi yesi yũhũ, “Duhu masiedaboaga”, nigũ. <sup>13</sup> Ohõ saha nine mũsa: “Ijipihtiyehyaye mari paa cjẽ ijiati ijire. Sa yero mari paa ihyaye pose tiati paa ijire”, nine mũsa. Ti ijirota ijire. Sa ijieperota came Cohãcjũ pehe mari ihyayere mari paa gũhũre pihtia wahagũ yerota. Sa ye mari ihyaye ihyo warota ijiro nine. Ihyaye mari paa cjẽ ijiati ijire. Sa ijieperota mari pagũri numia mehna ñano yeati pagũri ijierare. Mari pagũri pehe mari pũhoro Cristo ye pagũri ijiye nine. Sa yero mari pũhoro pehe mari pagũri quehnoano yeatiquiro ijire. <sup>14</sup> Sa yero Cohãcjũ tiquiro tutuaye mehna mari pũhoro Cristore masoahye. Sa tiquiro yeriro sahata mari gũhũre masonota tiquiro.

<sup>15</sup> ¿Sa yena mũsa pagũri Cristo ye pagũri ijigũ masiedajari mũsa? ¿Ti sa ijigũ Cristo ya pagũ mehna wũana tiricoro mehna mari ñano yegũ quehnoajari? Quehnoaedare. <sup>16</sup> Wũana tiricorore ñeheniquiro tiquiro pagũ pehe ticoro ya pagũ mehna ijiro, ihcã pagũ yero saha ijire. ¿Tire masiedajari mũsa? Sata ni ojoahye Cohãcjũ yere tiquina ojoari pũpũ: “Tiquina pũaro ijiepetahcã pagũ yero saha wahare”, ni ojoahye. <sup>17</sup> Mari pũhoro Jesu tiquiro yaquiro masũno mehna ijiro nine. Sa yero masũno mari pũhoro mehna pũaro ijiepetahcã pagũ yero saha ijire.

<sup>18</sup> Sa yena wũana tieracãhña. Tire mũsa yabiro saha tire yeracãhña. Apeye ñañene mari yena mari pagũre dojomehnedaja. Wũana tiriquire pehe tiquiro pagũre ñano dojomehne. <sup>19</sup> Espĩritu Santore marine ohori Cohãcjũ. Sa yero mari pagũri mehna ijire Espĩritu Santo. ¿Tire masiedajari mũsa? Sa ye mũsa pagũri, mũsa jeripohnari gũhũ mũsa ye waro ijierare. <sup>20</sup> Mũsa ñañe buhirire buhiri dahre tuhasari Cristore. Sa yena tiquiro yequina waro ijire mũsa. Tiquiro yequina ijina mũsa pagũri mehna Cohãcjũ

tiquiro cahmeno sahata yeya. Sa yena Cohăcjüre ño peona nine mŭsa. Sa yena apequina gŭhure tiquirore ño peogŭ yena nine.

## 7

*Namo tiyere yahuahye Pablo*

<sup>1</sup> Yojoꝑure yŭhure mŭsa sinitu ojoarire yŭhu gŭhu yŭhti cahmegŭ tagŭ niaja: Masŭno namo tieragŭ quehnoare, yŭhu ihŭagŭ. <sup>2</sup> Ti sa ijiepegŭta apequina ŭmŭa pehe namo tiahro apequina numia mehna tiquina “Ñano yeari”, niŭe. Sa ye ihquē numiata manŭ tiahro apequina mehna tiquina “Ñano yeari”, niŭe. <sup>3-4</sup> Manŭ tiricoro pagŭ ticoro ya pagŭ dihita ijierare. Ticoro manŭno ya pagŭ gŭhŭ ijire. Ticoro manŭno gŭhŭ tiquiro pagŭ tiquiro ya pagŭ dihita ijierare. Tiquiro namono ya pagŭ gŭhŭ ijire. Sa yena mŭsa ŭmŭa pehe mŭsa namosănumiare quehnoano cŭoya. Sa yena mŭsa numia gŭhŭ mŭsa manŭsumŭare “Yŭhŭ pagŭre piheracăhŭa”, niedacăhŭa. <sup>5</sup> Sa ijiepegŭta Cohăcjüre pŭaro mŭsa sini duana “Meheŭe decorigă yŭhŭ mehna ijieracăhŭa. Cohăcjüre siniihna”, ihcăno mehna sa nina, sa ye masine mŭsa. Mŭsa sa nidi bato mŭsa iji mŭhtariro saha ijiducuya tja, Satana mŭsare “Ñano ye dutiari”, nina. “Apequina mehna ñano yeboaga”, nina, mŭsa basi piti ti duhueracăhŭa. Mŭsa iji mŭhtariro saha ijiducuya tja.

<sup>6</sup> Ahrire mŭsare yojoꝑu yŭhŭ nidire nigŭ mŭsare dutiye waro mehna niedaja. Sa yahugŭ niaja mŭsa yeatire mŭsa masiatire. <sup>7</sup> Ijipihtina mŭsa yŭhŭ yero saha namo tienamŭsa ijigŭ quehnoaboaga yŭhure. Sa iji duepenata mari ijipihtina ihcăno saha ijieraja. Ihquēquinare namo ti dutire Cohăcjŭ. Sa yero tiquiro ihquēquinare namo ti dutierare.

<sup>8</sup> Sa yegŭ namo marienare, manŭ marienare, wape wiha numia gŭhure ohŭ saha niaja mŭsare: Namomariena, manŭ mariena iji masina, sata iji căhŭa yŭhŭ yero saha. <sup>9</sup> Sa iji masiedana tutuaro ñaŭene cahmena, namo tiya. Sa yena manŭ tiya. Ñaŭene mŭsa tutuaro cahmegŭ quehnoaedare mŭsare. Mŭsa sa tutuaro cahmegŭ mŭsa namo tigŭ pŭrita quehnoarŭne. Sa yena mŭsa manŭ tigŭ gŭhure quehnoarŭne.

<sup>10</sup> Mŭsa namo tinare, manŭ tina numiare ohŭ saha dutiaja. Yŭhŭ sa niepegŭta yee dutiye waro ijierare ahri. Mari pŭhoro Cristo ahrire dutire: Mŭsa numia pehe mŭsa manŭsumŭare cohăedacăhŭa. <sup>11</sup> Mŭsa manŭsumŭare cohăna, manŭ mariena numia tojoaya. Sa tojoerana pari turi mŭsa manŭsumŭa mehna quehnoano ijiya tja. Sa yena mŭsa gŭhŭ ŭmŭa mŭsa namosănumiare cohăedacăhŭa.

<sup>12</sup> Sa yegŭ mŭsa gŭhure apequinare ohŭ saha niaja yŭhŭ. Mari pŭhoro tiquiro dutiye ijierare ahri. Yŭhŭ pehe ohŭ saha niaja mŭsare: Ihquēquina mŭsa mehna cjĕna Jesu yequina pehe Jesure cahmeeŭequina numiare namo tiriquina ijire. Sa ye tiquina namosănumia tiquina mehna tojoa duagŭ tiquina numiare cohăedacăhdo tiquina. <sup>13</sup> Sa ye ihquēquina mŭsa mehna cjĕna numia Jesu yequina numia Jesure cahmeeŭequinare manŭ tiriquina numia ijire. Sa ye tiquina manŭsumŭa tiquina numia mehna tojoa duagŭ tiquinare cohăedacăhdo. <sup>14</sup> Mŭsa manŭsumŭa Jesure cahmeeŭequina ijiepegŭta Jesu yequina numiare tiquina namo tigŭ, Cohăcjŭ quehnoaŭequina yero saha ihŭare tiquinare. Sa yena mŭsa ŭmŭa pehe Jesu yequina mŭsa ijigŭ mŭsa namosănumia Jesure cahmeeŭequina numia ijiboaga. Tiquina sa ijiepegŭta mŭsa mehna tiquina numia manŭ tigŭ Cohăcjŭ quehnoaŭe numia yero saha ihŭare tiquina numiare. Tiquiro sa ihŭedagŭ mŭsa pohna Jesure cahmeeŭequina pohne yero saha ihŭaboaga Cohăcjŭ. Sa yero tiquina pohne gŭhure quehnoaŭequina yero saha ihŭare Cohăcjŭ. <sup>15</sup> Sa ye mŭsa ŭmŭa pehere mŭsa namosănumia Jesure cahmeeŭequina numia mŭsare cohă duaye, sata yeahro. Mŭsa manŭsumŭa gŭhŭ sa cohă duaye, sata yeahro. Quehnoano mari ijigŭ cahmene Cohăcjŭ. Sa yero tiquina numia Jesu yequina ijieye numia mŭsare cohă duagŭ “Tiquina numia mehna ijiniŭa”, ni, dutierare Cohăcjŭ. <sup>16</sup> Tiquina namosănumia Jesu yequina numia pehe quehnoano yegŭ ihŭaŭe camerŭ tiquina manŭsumŭa Jesure cahmeboaga. Sa cahmegŭ Cohăcjŭ tiquinare pecarŭ wahaboriquinare yŭhdŭorota. Sa ye tiquina manŭsumŭa Jesu yequina pehe quehnoano yegŭ ihŭaŭe camerŭ tiquina namosănumia Jesure cahmeboaga. Sa cahmegŭ Cohăcjŭ tiquina numiare pecarŭ wahaboriquina

numiare yuhduorota. Sa Jesure cahmeboriquina tiquina ijiepegūta potota Jesure tiquina cahmeaire masiyuro basioerare musare.

<sup>17</sup> Sa yena ijipihina musa mari puhtoro Cristo musare tiquiro iji dutiriro sahata yeya. Sa yena Cohācjū musare tiquiro cūrire yeya musa. Tire ijipihitiyequina Jesu yequinare sa ye dutiducujaja yuhū. <sup>18</sup> Jesu yequina musa ijiato pano cuhnucunū sohtoa cahserogāre yuhre nena ijina, tire ihña yabieracāhña. Sa yena Jesu yequina musa ijiato pano cuhnucunū sohtoa cahserogāre yuhre nedarina ijina yojopū gūhure sata ijiducuya. <sup>19</sup> Yojopure ti cahserogāre yuhre nedina musa ijigū dūhseati ijierare. Tire yerarina musa ijigū gūhure dūhseati ijierare. Sa ijiepegūta Cohācjū dutiyere mari yegū ti pūrita ihyo waro ijierare. <sup>20</sup> Sa yena Cohācjū Jesu yequina musare tiquiro cūri pje musa ijiriro sahata tojoaya. <sup>21</sup> Jesu yaquiro mūhū iji ducato pano apequiro cahacjū mūhū ijigū quehnoanota. Sata tojoaya. Mūhū puhtoro mūhure tiquiro wio duagū pehere wijijaya mūhū. Mūhū wijigū quehnoanota mūhure. <sup>22</sup> Sa yero mari puhtoro Jesu yaquiro ihcāquiro ijiro masuno cahacjūno ijieperota Jesu tiquiro yuhduoriquiro ijire. Sata apequiro mari puhtoro Jesu yaquiro ijiro, masuno cahacjūno ijieraperota Jesu cahacjūno ijire tiquiro gūhū. <sup>23</sup> Mari ñahe buhirire buhiri ti tuhasahye Cristo. Sa yena tiquiro dihitare potota musa puhtoro waro tuhotuya musa. Apequina musare tire tiquina ye dutieragū tiquinare tuhoeracāhña. <sup>24</sup> Sa yena yuhū acaye, Jesu yequina ijiatiquina Cohācjū musare tiquiro cūri pje musa ijiriro sahata tojoaya. Sa tojoana Cohācjū mehna cjāna ijija.

<sup>25</sup> Yojopure namo marienare, manū mariena numia gūhure yahu duaja musare. Mari puhtoro ahrire “Ohō saha niña”, niedare yuhure. Yuhure tiquiro paja ihñagū yuhure tiquiro yedohogū tiquiro cahmeno sahata yeducurigu ijijaja yuhū. Sa ijirigu ijigu ahrire quehnoano yahutja musare. <sup>26</sup> Yojopure musa ñano yuhduna niaga. Sa yena musa namo mariena gūhū, manū mariena gūhū musa tojoagū quehnoanota, yuhū tuhotugū. <sup>27</sup> Namu mariena, manū mariena numia musa ijina sata tojoaya. Sa yena musa pehe namo tina, manū tina numia gūhū sata tojoaya. <sup>28</sup> Namu tina ñano yerare musa. Sa yena musa nuhmia manū tina, ñano yerare musa gūhū. Sa yena namo tina, manū tina numia musare wape curo tojoarota. Sa yegu musare “Sa wape tiari”, nigū “Namu mariena, manū mariena numia tojoaya”, nijaja yuhū.

<sup>29</sup> Yuhū acaye, ahrire musare yahugu nijaja. Cristo ahri yehpau tiquiro tojoa tato mehenogā dūhsare. Sa ye yojopure namo marieñequina Cohācjū cahmeno saha tiquina quehnoano ye masino sahata quehnoano yero cahmene namo tiyequina gūhure. Sa ye manū tiyequina numia gūhure sata Cohācjū tiquiro cahmeno saha quehnoano yero cahmene. <sup>30-31</sup> Ahri yehpa yojopū ijiro saha camerū ijisi. Camesa pihtia waharota. Sa pihtiatu yehpa ijigū yojopure mari ñehe quea utiye, mari bucueye, mari cuoye pihtia waharota. Sa ye ti ihyo waro ijire. Cohācjū yere yeye pehe ihyo waro ijierare. Sa ye ahri yehpa cjēne cuoyequina, cuoyequina yero saha ijiaho. Ahri yehpa cjēne pajiro tuhotueraro cahmene. Ahri yehpa yojopū ijiri yehpa camesa pihtia waharota.

<sup>32</sup> Musu ñano yuhdueragū cahmeaja yuhū. Sa yegu musa pajiro musa tuhotueragū gūhure cahmeaja. Namu mariediquiro Jesu yaquiro ijiro Jesu yere wacūducure. Sa wacūducuro Jesu cahmeñene tutuaro ye duare. <sup>33</sup> Namu tiriquiro pehe tiquiro namono cahmeñe pehere tutuaro ye duare. Sa yero ahri yehpa cjēne pajiro tuhoture. <sup>34</sup> Sa yero tiquiro puarore ye duare. Jesu cahmeñene, tiquiro namono cahmeñe gūhure tiquiro ye duare. Sa yero bucuro manū mariedicoro ijiro, ticoro mari puhtoro Jesu cahmeñene tutuaro ye duare. Nuhmino gūhū sata ye duare. Sa ye duaro ticoro tutuaro Cohācjū yacoro iji duare. Manū tiricoro pehe ahri yehpa cjē pehere ticoro manūno cahmeñe pehere tutuaro ye duare. Sa yero ahri yehpa cjēne pajiro tuhoture.

<sup>35</sup> Ahrire musare nii nijaja musare yedohogu tagū. Tutuaro dutiyere musare cū dueraja. Sa cū duerapegūta quehnoano musa yegū cahmeaja. Sa yegu Jesu mari puhtoro yere musa tutuaro ye duagū cahmeaja yuhū.

<sup>36</sup> M̄sa mehna c̄jũno tiquiro cahmedicoro b̄uc̄oro wahagũ ih̄nano ticorore namo tiahro. “Sata yero cahmene”, ni t̄hoturo, namo tiahro. Sa yero ticorore namo tiro ñano yero niedare. <sup>37</sup> Apequiro pehe tiquiro cahmedicorore “Ȳh̄ure namo tiro cahmene”, ni dueraro, tiquiro cahmediro sahata yeahro. Tiquiro namo ti dueragũ, quehnoanota. Quehnoano yero nine. <sup>38</sup> Sa yero tiquiro cahmedicorore namo tiriquire gũh̄ quehnoano yere. Sa yero yojop̄re ticorore namo tieriquiro pehe apequiro ȳhd̄oro quehnoano yere.

<sup>39</sup> Man̄ tiricorore ticoro man̄nore coh̄a dutierare Coh̄c̄jũ. Tiquiro sa coh̄a dutierapegũta ticoro man̄no tiquiro yariari bato ticoro apequiro mehna ticoro cahmediquiro mehna man̄ ti masine. Ticoro man̄ tiriquire Jesu yaquiro ijero cahmene tiquirore. <sup>40</sup> Ticoro man̄ mariedicoro tojoaro, man̄ tiricoro ȳhd̄oro quehnoano bucuericoro ijirota ticoro. Sata ni t̄hotuaja ȳh̄ pehe. Coh̄c̄jũ yaquiro Esp̄ritu Santore c̄oḡu ijiaja. Ȳh̄ sa c̄oḡu ijigũ masina, ahri ȳh̄ yahurire masiña m̄sa.

## 8

“Coh̄c̄jũ ijire”, tiquina niñe queoyere ño peo, ihyayere duhu peohye masa. Ti ihyayere yahuahye Pablo

<sup>1</sup> Yojop̄re “Coh̄c̄jũ ijire”, tiquina niñe queoyere ño peo, tiquina duhu peori ihyayere yahu duaja. Ijipih̄tina m̄sa ti borore “Masaja”, ni t̄hoture m̄sa. Sa ni t̄hotuna “Apequinare masi ȳhd̄d̄caja”, ni t̄hotumene m̄sa. Sa ni t̄hotuna apequinare yedoh̄erare m̄sa. Apequinare cah̄na tiquinare yedoh̄ore m̄sa. Sa ye masiñe ȳhd̄oro apequinare cah̄ñe pehe ihyo waro ijierare. <sup>2</sup> “Masi peho c̄jã”, nina ijina, Coh̄c̄jũ quehnoañene tiquiro masi dutiyere masiedariaga m̄sa. <sup>3</sup> Sa ijiepegũta Coh̄c̄jũre m̄sa cah̄gũ m̄sare masine tiquiro. Sa yena tiquiro yequina ijire m̄sa.

<sup>4</sup> “Coh̄c̄jũ ijire”, tiquina niñe queoyere ño peo, tiquina ihyayere duhu peore. Ti ihyayere m̄sare yahutja: Ti queoye ne d̄h̄seati ijierare. Potota ti queoye jeripohna mariedare. Coh̄c̄jũ pehe ih̄c̄aquiota ijire. Apequina coh̄amana mariedare. Ahri masaja mari. <sup>5-6</sup> “Peyequina coh̄amana ijire. Tiquina mari p̄h̄toa ijire”, ni t̄hotumene masa. Sa yero ãhm̄sep̄, ahri yehp̄p̄ gũh̄re “Coh̄amana”, tiquina niñequina ijiepegũta mari pehere ih̄c̄aquiota ijire Coh̄c̄jũ. Tiquiro mari Pac̄u ijipih̄tiyere bajumehnediquiro ijire. Sa yero tiquiro yequina ijiatina yeahye tiquiro marine. Sa yero mari p̄h̄toro Jesucristo ih̄c̄aquiota ijire. Tiquiro ijipih̄tiyere mari Pac̄ure ye basariquire ijire. Tiquiro yequina ijiatinare yeahye tiquiro marine. Sa yena tiquiro mehna sa ijiducunata mari.

<sup>7</sup> Ȳh̄ nidiro saha ijiepegũta apequina Jesu yequina tire masiedare. Panop̄ tiquina “Coh̄c̄jũ ijire”, tiquina niñe queoyere “Catiyequina ijire”, ni t̄hotuducumahye. Ti p̄ep̄re sa yeriquina ijie yojop̄ gũh̄re ti queoyere ño peo, tiquina duhu peo ihyayere “Coh̄amana ye ihyaye ijire”, ni t̄hotumene. Sa ye ti ihyayere ihyaye, “Mari ñano yena niaja”, ni t̄hotumene. Tire tiquina yerire quehnoano masiedaye, sa ni t̄hotumene. <sup>8</sup> Ti ihyayere mari ihyagũ mari ihyeragũ gũh̄re Coh̄c̄jũ marine “Quehnoañequina ijire”, ni ih̄nedare. Sa ye ti ihyayere mari ihyagũ ihyo warota iji c̄h̄no nine ti ihyaye. Mari tire ihyana ñano yeraja. Ti ihyayere mari ihyeragũ gũh̄re ihyo warota iji c̄h̄no nine. Mari ihyerana apequina ȳhd̄oro quehnoana ijieraja mari gũh̄. <sup>9-10</sup> Sa ijiepegũta quehnoano yeya m̄sa. Ti ihyayere ihyarina m̄sa ijigũ apequina m̄sare “Masaja”, ninare ih̄na c̄u ihyaboaga. Sa ih̄na c̄u ihyaye tiquina yerire quehnoano masiedaye, “Ñano yena niaja mari”, ni t̄hotueta tiquina gũh̄. Tiquina sa ni t̄hotugũ tiquina pehere ñano yegũ yena niaga m̄sa. Sa yena quehnoano yeya m̄sa. <sup>11</sup> “Mari ti ihyayere mari ihyagũ quehnoanota marine”, m̄sa ni t̄hotuna ijina apequina quehnoano masieñequinare ñano yegũ yeboaga m̄sa, m̄sare tiquina ih̄na c̄gũ. Sa yeriquina ye ijiatu gũh̄re yariahye Cristo. Sa yena Cristo yequinare m̄sa acayere ñano yegũ yena niboaga m̄sa. <sup>12</sup> Quehnoano masieñequinare Cristo yequinare m̄sa ñano yegũ yena, Cristo gũh̄re ñano yena nine m̄sa. <sup>13</sup> Sa yegũ ti queoyere ño peo, tiquina duhu peo ihyayere



yǎhu ihyagu Cristo yequinare ñano yegũ yegu niboaga yǎhu. Jesu yequina ñano yegũ cahmedaja. Sa yegu “Yǎhu tiquinare ñano yegũ yeari”, nigũ ti ihyayere ne pari turi ihyasi yǎhu.

## 9

### *Pablo Jesu cūriquiuro tiquiro ijiyere yahuahye*

<sup>1</sup> Jesu tiquiro yere buhe dutiro cūrigũ ijiaja. Sa yegu apequna tiquiro cūriquina tiquina yero saha ye masiaja yǎhu gũhu. Jesu cūrigũta ijiaja yǎhu gũhu. Mari pũhoro Jesure ihñarigũta ijiaja yǎhu. Sa yena Jesu yere yǎhu buhegũ m̄sa pehe tire quehnoano tũhona tiquiro yequina wahare m̄sa. Sa yena Jesu cūrigũ yǎhu ijiyere masi tuhasare m̄sa. <sup>2</sup> Apequna yǎhure yahu wajaye “Jesu cūriquiuro ijierare”, niboaga. Tiquina sa niepegũta m̄sare yǎhu buheri bato Jesu yequina wahana, “Jesu cūriquiuro ijire”, ni, yǎhure masi tuhasare m̄sa. Sa yena apequna yahu wajaepẽgũta m̄sa pehe tiquiro cūrigũ yǎhu ijiye tiyere masine.

<sup>3</sup> Yǎhure yahu wajayequinare ohõ saha ni yũhtiitja. <sup>4</sup> M̄sare yǎhu buheri bato yǎhu ihyatire yǎhu sihniati gũhure yǎhure ohoro cahmene m̄sare. <sup>5</sup> ¿Sa yegu namo tigũ ijigũ yǎhu namono Jesu yacoro ticoro ijigũ ticoro mehna tini masiedaboagari yǎhu? Apequna Jesu cūriquina, Jesu bahana, Pedro gũhu tiquina namosãnumia mehna tiquina tinidiro sahata yǎhu gũhu tini masiboaga. Yǎhu sa tinigũ yǎhu namo tigũ ijigũ ticoro gũhure ihyayere ohoboaga m̄sa. <sup>6</sup> Yǎhu Bernabé mehna m̄sare quehnoañe buheyere usã buhepegũta usãre ne apee borogã ohoerari m̄sa. Sa yena usã basita usã ihyatire dahra wapataũ usã. ¿Usã dihitare wapataro marieno buhero cahmeajari, m̄sa tũhotugũ? ¿Usã sa buhena apeye dahraye pehere duhu masiedaboagari usã? <sup>7</sup> Ahriquina yǎhu queoye mehna yahuatiquina pehe tiquina dahrari wapa wapatare. Ihcãquiuro surara dahragũ tiquiro pũhota tiquirore wapa yere. Tiquiro basi wapa yerare. Ihyayere oteriquiro gũhu tiquiro oteri dũca tigũ tireta ihya masine. Sa yero wapatare tiquiro. Sa yero ovejare ihña ihboriquiro tiquiro nuñequina epẽcore sihni masine tiquiro. Sa yero wapatare tiquiro gũhu. <sup>8</sup> “Tiquina dahrari wapare wapa yero cahmene”, nigũ masa tiquina dutiye dihitare m̄sare yahueraja. Cohãcjũ dutiyepũ tiquiro nidi gũhure m̄sare yahugũ niaja. <sup>9</sup> Tiquiro dutiyere tiquina ojoari pũpũ ohõ saha ni yahure: “Wecũ trigo pjerire tiquiro dahpocãri mehna suhti weriquiro ihya duagũ tiquiro dũserore cahmotaeracãhña”, niahye Cohãcjũ dutiye. Sa dutiro wecũare nino niedahye. <sup>10</sup> Sa dutiro marine nino niahye marine buhero taro. Wesere seheriquiro gũhu ti dũcare nediquina gũhu tiquina dahrari bato dũca tiri pje ijigũ tiquina wapatatire cohtere. Sa yena dahrayequinare tiquina dahrari wapare ohoro cahmene marine. <sup>11</sup> M̄sare Cohãcjũ yere quehnoañe buheyere buhei usã. ¿Usã sa buhegũ m̄sa pehe usãre ihyayere ohoeraro cahmeajari, m̄sa tũhotugũ? Ohoro cahmene. M̄sa ohogũ quehnoaboaga usãre. Sa ijiepegũta m̄sa ohoerari usãre. <sup>12</sup> Sa ohoerapenata apequna ihyayere m̄sare sinigũ tiquina pehere ohore m̄sa. Tiquina m̄sare ihyayere sinigũ tiquina yũhdũoro usã pehe oho dutiboaga m̄sare.

Sa oho dutiborina ijiepenata usã pehe “Usãre ohoya” ne niedũ. “Cristo ye buheyere m̄sapũ cahmedaboaga” nina, usãre mariedapegũta m̄sare ne siniedũ. <sup>13</sup> Cohãcjũ wũhũpũ dahrayequina ti wũhũpũta tiquina ihyayere nene. Sa ye Cohãcjũre tiquina ño peori altarũ cohteyequina wahiquire tiquina hũña m̄uoriquirore mehenogã ne, ihyari tiquina gũhu. ¿Tire masiedari m̄sa? <sup>14</sup> Sa tiquina yeriro saha quehnoañe buheyere buheyequinare tiquina buheri wapare tiquina ihyatire tiquinare ohoro cahmene m̄sare. Sata ye dutiri mari pũhoro Jesu. <sup>15</sup> Sa yegu m̄sare siniborigũ ijiepegũta yǎhu ne apee borore siniedũ m̄sare. Sa yegu ahrire yojopũre oja ohogũ apee borore wapa cahmegũ tagũ ojoagũ niedaja. M̄sare ne wapa cahme dueraja. Yariacũ ijiepegũta ne wapa cahmesi yǎhu m̄sare. Wapa marieno buhegũ tutuaro bucueaja. Sa yegu m̄sare yǎhu buheri wapa ne wapata ihyasi.

<sup>16</sup> Quehnoañe buheyere buhe dutiro yǎhure cūri Cohãcjũ. Tire buheacjũta ijigũ niaja yǎhu. Quehnoañe buheyere buheragũ rejecũogũ ijiboaga yǎhu. Sa yegu ti buheyere

buhegu “Apequinare masi yuhduducaja”, niacju ijieraja yuhu. <sup>17</sup> Quehnoañe buheyere yuhu esa tuharo buhegu yuhu buheri wapa wapa neboaga yuhu. Cohãcjũ yuhure tiquiro yere buhe dutiro cûri yuhure. Sa yegu yuhure tiquiro cûrire yegu niaja. Sa buheacju ijiaja yuhu. <sup>18</sup> ¿Tiquiro yere sa buhegu yabe borore wapatajari yuhu? Ohõ saha ijire yuhu wapataye: Quehnoañe buheyere buhegu musare ne apee borore siniedagu wapa marieno ti buheyere buheaja musare. Yuhu sa nidire masigu bucueaja. Yuhu bucueyeta ijire yuhu wapataye.

<sup>19</sup> Ne masa cahacjũ ijierapeguta ijipihtiyequina cahacjũ yero saha ijiaja yuhu apequina masa Jesu yequina tiquina wahatire. <sup>20</sup> Sa yegu yuhu acaye judio masa mehna ijigu, tiquina yero saha yeaja yuhu Jesu yequina tiquina wahatire. Cohãcjũ dutiyere Moisere tiquiro cûrire ño peorigu ijierapeguta, ti dutiye dihitare ño peoyequina mehna ijigu ti dutiyere ño peoriquiro yero saha ijiaja yuhu. Sata yeaja yuhu tiquina Jesu yequina tiquina wahatire. <sup>21</sup> Sa yegu Cristo yaquiro ijigu Cohãcjũ dutiyere Moisere tiquiro cûrire cohã dueraja. Ti dutiyere cohã duerapeguta ti dutiye marieñequina mehna ijigu ti dutiye marieniquiro yero saha ijiaja. Sata yeaja yuhu Jesu yequina tiquina gũhu wahatire. <sup>22</sup> Jesu yere quehnoano masieñequina mehna ijigu tiquina yero saha ijiaja. “Masi pehogu ijiaja”, niedaja yuhu. Sata yeaja yuhu Jesu yequina tiquina gũhu wahatire. Sa yegu ijipihtiyequina masa tiquina ijiro saha ijiaja yuhu, ihquẽquina Jesu yequina tiquiro yuhduoriquina tiquina wahatire. <sup>23</sup> Ahrire yeaja quehnoañe buheyere ijipihtiyequina tiquina tũhoatire. Yuhu sa yegũ ihñano Jesu tiquiro buheriro saha yuhu gũhure quehnoano yere. Sa yegu masa tiquina ijie tiro saha ijiaja.

<sup>24</sup> Ohõ saha ijire mari queoye mehna buhegu. Oma cohãpeyequina omañe tiquina ijipihtiyequina omare. Tiquina sa oma pihtiepeguta oma tutuariquiro pehe esa muhtare. Sa esa muhtariquiro wapatare. Sa yena tiquina omariro saha musa gũhu Cohãcjũ cahmeñene yeya musa wapatare. <sup>25</sup> Ijipihtiyequina omañequina tiquina pagure dojomehneñene duhu cã, quehnoano omapore tiquina oma tutuatire. Sa ye tiquina quehnoano omatire queoro ihyaye, queoro carĩne, quehnoano yere tiquina. Sata yere tiquina wapatare saha. Sa ye tiquina wapatare pûri mehna tiquina yeri behto ijire. Ti behto pehe yoari pje ijierare. Duita ahbaa wahare. Mari pehe Cohãcjũ yere quehnoano buheaja tiquiro yere mari wapatare saha. Ti wapatare pûrita ne ahbaerare. <sup>26</sup> Sa yegu yuhu ape sieru omariquiro yero saha yeraja. Sa yegu cahmequeperiquiro ape sieru dote maca cãriquiro yero saha yeraja. Sa yegu Cristo yere queoro ye duaja. <sup>27</sup> Sa yegu omapeyequina, cahmequepeyequina gũhu tiquina pagurire tiquina buheriro saha, quehnoano queoro tiquina yeriro saha yuhu gũhu yuhu pagu mehna quehnoañe dihitare yeroaja. Sa yeragu apequinare buherigu yuhu ijiepeguta dahseacju ijieraboaga yuhu pehe.

## 10

“Cohãcjũ ijire”, tiquina niñe queoyere ño peo dutierahye Pablo

<sup>1</sup> Sa yena yuhu acaye, ahrire masiña musa. Usã Israe masa ñecusumna muna ranoru cjẽna ijipihtiyequina Cohãcjũ ya ehmeo curuare ihña nunu tã cãa wahahye. Sa wahaye, aco sohãri mare aco pua peheri tojoaducari maharu wua queheri maharu tiniñe, pehã wahahye. <sup>2</sup> Sa wahaye, tiquina ijipihtiyequina ehmeo curua mehna aco sohãri ma cjẽ aco mehna Cohãcjũ ye ijiatire wame yenohriquina yero saha wahahye. Wame yenohrina wahana Cristo yequina mari ijiyere ihñona niaja. Sa tiquina aco sohãri mare wame yenohriquina yero saha wahaye, Moise yequina tiquina ijiyere ihñoñe niahye. <sup>3</sup> Sa ye tiquina ijipihtiyequina uhmuse cjẽ ihyayere ihyae tiahye Cohãcjũ tiquiro ohoyere. <sup>4</sup> Sa ihyaye tiquina ijipihtiyequina Cohãcjũ ohori aco gũhure sihnie tiahye. Ti pjepure ti acore Cohãcjũ cûri utãpu wijiari acore sihnie tiahye tiquina. Tia utã yero saha ijiriquiro, tiquinare aco ohoriquiro Cristo ijiahye. <sup>5</sup> Tiquina sa wahariquina ijiepeguta apequina tiquina mehna cjẽna ñano yegũ ihñano Cohãcjũ pehe peyequina tiquina mehna bucuerahye. Sa yero tiquinare masa marienopu yariagũ yeahye Cohãcjũ.

<sup>6</sup> Sata yeahye tiquinare Cohãcjũ marine buhero taro. Sa yero tiquinare ihña cũ ñañene mari tutuaro cahmedatire Cohãcjũ sa yeahye tiquinare. <sup>7</sup> Sa yena “Cohãcjũ ijire”, tiquina niñe queoyere tiquina ño peoriro saha yeracãhña m̄sa. Ti queoyere tiquina ño peorire Cohãcjũ yere tiquina ojoari p̄p̄p̄ yahuro ohõ saha niahye: “Tiquina ihya duji sihni tuhasa, wahcãdũca, bose deco ye dũcahye wecũ queoyere ño peoye tehe”, ni ojoahye panop̄p̄re. <sup>8</sup> Came apequina Israe masa pehe numia mehna ñano yeahye. Tiquina yeriro saha yeraro cahmene marine. Tiquina ñano yeri bato ihcã decota tiquina veintitres mil masa yariaa wahahye. <sup>9</sup> Apequina Israe masa Cohãcjũre tiquina mehna usuagũ yeahye. “Marine buhiri dahresi”, niñe Cohãcjũre tuhtiahye. Sa tuhtiyeh tiquirore usuagũ yeahye. Tiquina sa yeri buhiri Cohãcjũ añaa pari mehna bahque wejẽahye tiquinare tja. Sa yena tiquina yero saha Cristore yeracãhña m̄sa. <sup>10</sup> Apequina Cohãcjũre unure tuhtigũ angel masare wejẽdiquiro tiquinare wejẽahye. Sa yena tiquina yero saha yeracãhña.

<sup>11</sup> Sa wejẽ dutiahye tiquinare Cohãcjũ marine buhero taro. Mari pehe piltiri deco panogã ijina ijiaja. Mari sa ijina ijigũ panop̄p̄ cjẽna tiquina sa waharire Cohãcjũ ojoa dutiahye marine quehnoano buhero taro. <sup>12</sup> Sa yena “Quehnoana ijiaja, Cohãcjũ tiquiro ihñagũ”, ni tuhotu, quehnoano yeya m̄sa “Ñañene yeari”, nina. <sup>13</sup> Mari ijipihtina ihcãquiro dũhsaro marieno ihquẽ tahari ñañene wacũaja. Sa wacũna ti ñañene ye duaaja. Mari sa ye duepegũta Cohãcjũ marine yedohoducuriquiro ijire. Sa yero ti ñañene wacũñene mari bo masiedagũ tiquiro pehe marine yedohorota. Sa yero ti ñañene mari ye duagũ ihñano Cohãcjũ ti ñañene marine ye dueragũ yerota. Tiquiro sa yegũ ti ñañene ye duasi mari.

<sup>14</sup> Sa yena yũhũ cahña yũhũre tuhoya. “Cohãcjũ ijire”, tiquina niñe queoyere ne ño peoracãhña. <sup>15</sup> M̄sa quehnoano masina ijigũ m̄sare yahuaja. Sa yena yũhũ niato poto ijigũ masiña m̄sa basi. <sup>16</sup> Cristore tiquina ñehedi ñamine vinore tiquiro sihniato pano Cohãcjũre “Quehnoare”, niahye. Tiquiro nidiro saha mari gũhũ ti vinore sihniata Cohãcjũre “Quehnoare”, nina, mari ye buhiri Cristo tiquiro yariarire masigũ yena niaja. Tiquiro dii wijiare masigũ yena niaja. Sa yena tiquiro yequina mari ijiye gũhũre masigũ yena niaja mari. Sa yena pãre mari Cristo yequina nuhana mari ye ijiatire tiquiro pagũ curusapũ tiquiro yariarire masigũ yena niaja. Sa yena tiquiro yequina mari ijiye tiye gũhũre masigũ yena niaja. <sup>17</sup> Sa yena peyequina masa ijiepenata ihcãria pãgãre ihyana, ijipihtina mari Cristo yequina ihcã curuata ijiaja. Sa yena peyequina ijiepenata ihcã curuata ijiaja.

<sup>18</sup> Israe masa tiquina yerire wacũña m̄sa: Tiquina wahiquirore wejẽñe, ɱjũa m̄so, ohoye, Cohãcjũre ño peore. Sa tiquina ohori bato ihcã curuata tiquina ohoriquirore ihyare. Sa ihyaye Cohãcjũ yequina tiquina ijiye tiyere masigũ yere tiquina. <sup>19</sup> Ohõ sahata nii niaja m̄sare: “Cohãcjũ ijire”, tiquina niñe queoye dũhseati ijierare. Sa yero queoyere ño peo tiquina duhu peoye ihyaye pehe ihyo warota ijiro nine. Ti ihyaye marine sijoro saha wahagũ yerare. <sup>20</sup> Ti ihyaye sijoro saha wahagũ yerapegũta ti ihyayere ihyeraro cahmene. Ohõ saha ijire ti. Cohãcjũre cahmeeñequina wahiquirore wejẽ, ɱjũa m̄so, Cohãcjũre ño peoye niedare. Sa ye queoyere ño peoye watia pehere ño peore tiquina. Tiquina sa ño peoyequina ijigũ tiquina mehna ihyana watino yequina yero saha yena niaga m̄sa. M̄sa sa yegũ p̄ritare ne cahmedaja. <sup>21</sup> Santa cenare mari yeri deco mari pũhoro Jesure wacũna tana sihniaja. Mari sa sihniata, watino ye pehere sihni masiedaja mari. Sa yena Jesure wacũna tana pãre ihyaja. Mari sa ihyana, watia ye pehere ihya masiedaja mari. <sup>22</sup> ¿Jesure m̄sa mehna usuagũ ye duajari m̄sa? ¿Tiquiro yũhdũoro tutuana ijiajari m̄sa? Ijierare m̄sa. Sa yena quehnoano yeya m̄sa.

*Cohãcjũ* cahmeñe dihitare yeya

<sup>23</sup> M̄sa yeri ñañe ijierapegũta tire yena apequinare yedohoeraboaga m̄sa. Sa yena tire yena Jesure wacũ tutua nemogũ yeraboaga m̄sa apequinare. <sup>24</sup> M̄sa cahmeñe dihitare yeracãhña. Apequina pehere quehnoano yedohoya m̄sa.

<sup>25-26</sup> Ihyaye duarop̄p̄re ihyayere dúna “¿Ahri ihyaye cohãmana queoye cahapũ tiquina duhu peori ihyaye ijiajari?” ni, sinitueracãhña. “Ñañene yeari”, nina, sinituboaga m̄sa.

Sa ni sinitueracãhña. Ahri yehpa, ahri yehpapu ijiye gũhu Cohãcjũ ye ijire. Sa yena ti ihyayere “¿Ñañe ihyaye ijiajari?” niedacãhña.

<sup>27</sup> Jesure cahmeediquiro musare ihya dutiro tiquiro pijioğũ waha duana wahaya. Sa wahana musare tiquiro duhu peoyere ihyaya. “¿Ahri ihyaye Cohãcjũ queoye cahapu tiquina duhu peori ihyaye ijiajari?” ni, sinitueracãhña. <sup>28</sup> Sa yena apequiro Jesu yaquiro “Ahri ihyaye Cohãcjũ queoyere tiquina duhu peori ihyaye ijire”, musare tiquiro ni yahugũ ti ihyaye pũritare ihyeracãhña. Musare sa ni yahuriquiro “Ñañe ihyayere ihyare ahriquina”, musare tiquiro ni tuhoturati ihyeracãhña. <sup>29</sup> Sa ihya dutieragu musa pehere yedohogu tagu sa niedu. Musare ahrire yahuriquiro pehere yedohogu tagu sa ihya dutieraja. Tiquiro pehe musare “Ñañe ihyayere ihyare ahriquina”, niboaga. “Sa niari”, nina ti ihyayere ihyeracãhña.

“Ihyeracãhña”, yũhu nigũ ohõ saha ni sinitu yũhtiboaga musa yũhure: “¿Dũhse ijiro boro apequirore ‘Sijoro saha wacũari’”, nina ihyeraboagari usã? <sup>30</sup> “¿Ti queoyere ohori ihyayere usã ihyagũ Cohãcjũ warore ‘Quehnoare’, usã niepegũta dũhsero tire usã ihyari buhiri apequiro usãre yahu wajaboagari?” ni sinitu yũhtiboaga musa yũhure. <sup>31</sup> Ahri ijipihtiyere yahugu ohõ saha nigũ niaja musare: Decoripe Cohãcjũ tiquiro dutiriro sahata bucueye mehna ihya, sihniaja, Cohãcjũre masa tiquina ño peotire. Sa yena ijipihtiyere quehnoano yeducuya Cohãcjũre masa tiquina ño peotire. <sup>32</sup> Ne judio masare, judio masa ijieyequinare, Cohãcjũ yequina gũhure ñano yegũ yeracãhña musa tiquinare. <sup>33</sup> Ohõ saha yeaja yũhu pehe. Masa ijipihtiequinare yedoho duaja. Sa yegu yee ijiahi pehere pajiro tuhoturaja. Yũhu ñano yũhdugũ quehnoanota. Masa pehere yedohojaja tiquinare pecapu wahaboriquinare Cohãcjũ tiquiro yũhdũotire.

## 11

<sup>1</sup> Sa yena Cristore yũhu ihña cũriro sahata musa gũhu yũhure ihña cũña.

*Corinto cjẽna* cahmecoanopu numia tiquina yeatire yahuahye

<sup>2</sup> Musare yũhu buhe turarire wacũ pehoñhti musa. Sa wacũna musare yũhu nidire yũhu ye dutiriro saha yeñhti musa. Sa yena quehnoano yere musa. <sup>3</sup> Sa yena musa ijiepegũta ahri gũhure musa masigũ cahmeaja: Ijipihtiequina umua tiquina puhtoro, Cristo ijire. Sa yero tiquiro namono puhtoro ijire ticoro manũno. Sa yero Cristo puhtoro tiquiro Pacuro ijire. <sup>4</sup> Cohãcjũre sinidiquiro tiquiro dapure mohariquiro sinino, tiquiro basi puhtoro ijiyere wijiaro nine. Cohãcjũ yere yahuriquiro gũhu tiquiro dapure mohano, sata yero nine tiquiro gũhu. <sup>5</sup> Sa yero ticoro dapure moheno Cohãcjũre sinino, ticoro manũno puhtoro ijiyere wijiağũ yero nine. Cohãcjũ yere yahuricoro gũhu ticoro dapure moheno, sata yero nine ticoro gũhu. Sa yero ticoro poarire wũhari pji mehna wũha pehoricoro yero saha yere ticoro. <sup>6</sup> Ticoro dapure moha dueraro ticoro poarire se peho cã dutiahro. Ticoro sa yeri bato ticoro dapure bue tiro, ticoro mohaahdo ticoro dapure. <sup>7</sup> Umua pehe Cohãcjũ yero saha puhtoa ijire. Sa ye Cohãcjũ quehnoariquiro, tutuariquiro tiquiro ijiye tiyere ihñore tiquina pehe. Sa ye tiquina dapure moheñequinata ijiahro. Numia pehe umua tiquina puhtoa ijiye tiyere ihñore. Sa yeye tiquina dapure mohaahdo. <sup>8</sup> Cohãcjũ umunore yero, numino ya pagu cje mehna umunore yerahye. Numino pehere yero, umuno ya pagu cje mehna yeahye ticorore. <sup>9</sup> Sa yero umunore yero, numino yaquiro ijiatiquirore yerahye. Numino pehere yero umuno yacoro ijaticorore yeahye Cohãcjũ ticorore. <sup>10</sup> Sa ye numia tiquina dapure mohaahdo angele gũhu tiquina ihña bucueatire. Sa mohañe umua tiquina puhtoa tiquina ijiyere ihñoñe nine. <sup>11-12</sup> Cohãcjũ numinore yero, umuno pagu cje mehna yeahye. Sata yojoɔre umuno masa bajuaro, numino pagupu masa bajuare. Sa yero ijipihtiequinare Cohãcjũ pehe yeahye. Sa yero umuno tiquiro iji muhtaedagũ numino mariedaboaga. Sa ye numino ticoro mariedagũ umuno gũhu mariedaboaga. Sa ye tiquina umua numia gũhu tiquina basi cahme yedohore masa putiatire. Sa yero ijipihtiequinare ijiatiquinare bajumehnediquiro ijire Cohãcjũ.

<sup>13</sup> ¿Musa basi duhse ni tãhotuajari? ¿Numino ticoro dapu mohedico, Cohãcjũre ticoro sinigũ quehnoajari, musa tãhotugũ? Ne quehnoaedare. <sup>14</sup> Sa yero umãno poa nahmo cãoriquiro tiquiro ijigũ ñarĩne. Ijipihtiyequina masa tire masine. <sup>15</sup> Sa yero numino ticoro poa nahmo ticoro dapure mohari cahsero yero saha ijire. Sa yero ticoro poa nahmo cãoricoro ijiro quehnoaricoro bajure ticoro. Ti gũhare ijipihtiyequina masine. <sup>16</sup> Musa mehna cjãno ahrire yũhũ yahurire tiquiro cahmedagũ, ohõ saha ni yahutja tiquirore: “Yũhũ ni yahurire saha yeducuaja mari. Apequina Jesu yequina gũhũ sata yere tiquina gũhũ. Æsã sa yerina ijigũ ihãagũ yũhũ ni yahurire saha yero cahmene mũhũ gũhare”, ni yahutja yũhũ yahurire cahmeediquirore.

*Santa cenare tiquina ihyari watoa dojomehneahye Corinto cjẽna*

<sup>17</sup> Yojoþure musare ahrire yahugũ tũ, “Quehnoano yena ijire”, niedaja yũhũ musare. Musa cahmecoana quehnoano yerare. Ñano yere musa. <sup>18</sup> Ohõ saha ni yahu mãhtatja musare: Musa cahmecoanopũ cahme dũse tutuana musa basi ihquẽ cururi tu wana niõhti musa. Apequina tire yũhare tiquina yahugũ “Potota ijiaga”, ni tãhotuaja yũhũ. <sup>19</sup> Sata yere musa. Sa yena ohõ saha ni tãhotumene musa. “Mari tu warina ijina, Jesu yequina waro ijiyequina pehere masinata mari. Sa yena marine tu waro cahmene”, ni tãhotumene musa. <sup>20</sup> Musa basi sa cahme ihãa tuhtina, musa ihcãnopũ cahmecoa ihyana quehnoano yerare. Potota Santa cena waro yena niedare. <sup>21</sup> Musa cahmecoana ihquẽquina musa sehsaro ihya mãhtana, apequina pehere ãjua ahbagũ yere. Sa ye sihni mãhtana quehea wahare. <sup>22</sup> ¿Musare musa ihyaye wũhũse mariedajari? ¿Musare musa sihniñe wũhũse mariedajari? Ti wũhũsepũta ihya, sihniña. Yojoþure Cohãcjũ yequina tiquina cahmecoanore dojomehnena niaga musa. Sa yena apequina Jesu yequina pejecũoyequinare ihyaye marieñequina pehere musa pehe buoro yũhdugũ yere. ¿Duhse ni yahugũtari yũhũ musare? “Quehnoano yerare musa”, niaja yũhũ.

*Santa cenare ihyarire yahuahye Pablo*

*(Mt 26.26-29; Mr 14.22-25; Lc 22.14-20)*

<sup>23</sup> Mari pũhtoro Jesu tiquiro ihya bato tirire yahuri yũhare. Sa tiquiro yahuri bato yũhũ pehe musare tire yahuu. Ti ohõ saha ijire: Tiquirore ihãa tuhtiyequinare Juda tiquiro ihõoati ñamine mari pũhtoro Jesucristo pãre ne, <sup>24</sup> Cohãcjũre “Quehnoare”, niõhti. Tiquiro sa nidi bato ti pãre nuha, tiquiro buheyequinare itiõhti. Sa itiro ohõ saha niõhti: “Ahrire ihyaya. Ahri yũhũ pagũ ijire. Musa ye ijiatire yariũtja. Yũhare musa wacũatire ahrire ihyaya”, niõhti Jesu mari pũhtoro. <sup>25</sup> Sa tiquina ihyari bato tiquiro sihnidi pare neno ohõ saha niõhti: “Musa ñañe yeyere cohãgũ tagũ yariũtja. Sa yegũ ye diire cohãgũtja. Cohãcjũ ‘Musare yũhdũoutja’ tiquiro nidiro esagũ yũhũ yariaro mehna tiquiro nidiro sahata sohtori tirota. Ahri papũ pose tiyere sihnina, yũhũ dii wijiarire wacũnata. Ahrire sihnina, yũhare musa wacũatire sihniña”, niõhti Jesu. <sup>26</sup> Sa yena Santa cena cjẽ pãre musa ihyana, sihniñene sihnina, Jesu mari pũhtoro mari ye buhirire tiquiro yariarire wacũ, ihõna nine musa. Sa ihõducunata musa tee ahri yehpapũ tiquiro tojoa tato pano.

*“Santa cenare ihya sihnina ohõ saha yeya”, ni yahuahye Pablo*

<sup>27</sup> Santa cenare ihya, sihnina, Jesure ño peoro marieno cua pesaro yerana, tiquiro pagũre tiquiro dii cohãri gũhare bujũpero saha yena niaja mari. Sa yena Jesure bujũpena niaja mari. Sa yeyequina buhiri tiyequina ijire. <sup>28</sup> Sa yena mari yerire, mari ijiye tiyere quehnoano wacũuhna. Sa wacũna Santa cenare ihya, sihni masiaja mari. <sup>29</sup> Mari pũhtoro mari ye ijiatire tiquiro pagũ yariarire wacũno marieno Santa cenare ihya, sihnina mari buhiri tinata. <sup>30</sup> Ohõ saha dihita yere peyequina musa mehna cjẽna. Sa ye tiquina ihquẽquina tutueyequina, dohatiyequina wahare. Sa ye apequina tiquina sa yeri buhiri yariaa wahare. <sup>31</sup> Sa ijiepegũta tiquina ihya, sihniñe tiquina yerire, tiquina ijiye tiyere quehnoano wacũñe, tiquina ñañe yerire duhu, ti buhirire buhiri tieraboaga. <sup>32</sup> Mari pũhtoro pehe marine tuhtire, tiquina ye buhirire marine buhiri ti dutieraro. Apequina



ñañequina Jesure ño peoyequina buhiri tiatiquina dihita ijire. Tiquina yero saha marine buhiri tigũ cahmedare mari pũhtoro.

<sup>33</sup> Sa yena yũhũ acaye, Santa cenare ihyana tana cahmecoana, mũsa basi cohteniña. <sup>34</sup> Sa ye mũsa mehna cjẽna ujuã ahba, tiquina ye wũhũsepũ ihyarĩahdo. Sa yena Santa cenare ihyana tana cahmecoana, cua pesaro yerariquina ye buhiri buhiri tisi mũsa. Apee borore yahu duami mũsare. Came yũhũ basi esagũpũ mũsare yahutja tire.

## 12

*Cohãcjũ* yere mari yeatire cũno marine ye masigũ yere Espĩritu Santo

<sup>1</sup> Yũhũ acaye ahrire yahu duaja mũsare. Cohãcjũ yere mari yeatire cũno marine ijiphtinare ye masigũ yere Espĩritu Santo. Sa yegũ tire mũsa quehnoano masigũ cahmeaja.

<sup>2</sup> Jesu yequina ijieranina sijoro saha ijiye buheyere tuho nũnũna ijina, mũsa pehe “Cohãcjũ ijire”, tiquina niñe queoyere, yahuducueye queoyere ño peomedi. Tire masine mũsa. <sup>3</sup> Sa ijimedina mũsa ijigũ yojopũre ohõ saha ni yahutja mũsare. “Jesu ñano wahacũnahdo”, niñequina Cohãcjũ yaquiro Espĩritu Santo tutuaye mehna sa niñe niedare. Espĩritu Santo warore cũoerare tiquina. Sa ijiye “Jesu mari pũhtoro ijire”, niñequina pehe Espĩritu Santo tutuaye mehna sa niñequina ijire tiquina.

<sup>4</sup> Cohãcjũ yere ye masiñe peye ijire. Ti sa ijiepegũta marine ye masigũ yeriquiro pehe ihcãquirola ijire. Tiquiro Espĩritu Santo ijire. <sup>5</sup> Sa ye apequinare yedohoye gũhũ peye ijire. Ti sa ijiepegũta mari pũhtoro Jesu pehe marine yedoho dutiriquiro ihcãquirola ijire. <sup>6</sup> Sa ye Cohãcjũ yere yeye gũhũ peye ijire. Ti sa ijiepegũta Cohãcjũ ijiphtina marine ye masigũ yeriquiro pehe ihcãquirola ijire. <sup>7</sup> Marine Jesu yequinare Espĩritu Santo yedohoro, Cohãcjũ tutuayere ihũono nine. Ohõ sahata yedohore tiquiro Jesu yequinare ijiphtiyequinare mari quehnoano yeatire. <sup>8</sup> Ihquẽquinare quehnoano masi yahugũ yere Espĩritu Santo. Sa yero apequinare Cohãcjũ yere quehnoano buhegũ yere tiquiro. <sup>9</sup> Sa yero apequinare Cohãcjũre quehnoano wacũ tutuagũ yere tiquiro. Sa yero apequinare Cohãcjũ tutuayere ohore tiquiro. Ti tutuaye mehna tiquina pehe dohatiyequinare yũhdũgũ yere. Cristore tiquina wacũ tutuagũ ihũano tiquirore tiquina sinidiro sahata yere tiquiro. Espĩritu Santo ihcãquirola ijiriquiro ti tutuayere ohore. <sup>10</sup> Sa yero apequinare Cohãcjũ tutuaye mehna ihũoñene ye masigũ yere tiquiro. Sa yero apequinare Cohãcjũ yere quehnoano yahu masigũ yere tiquiro tiquinare. Sa yero apequina Jesu yequinare buheyere quehnoano bese masigũ yere tiquiro. Sa masiñe watĩno ye buheye ti ijigũ masine tiquina. Espĩritu Santo waro ye buheye gũhũre ti ijigũ masine tiquina. Sa yero apequinare tũhomehneñe yahuducuyere yahuducu masigũ yere tiquiro. Sa yero tũhomehneñe yahuducuyere yahuducuyequina tiquina nino sahata yahu yũhũo masigũ yere tiquiro apequinare. <sup>11</sup> Espĩritu Santo ihcãquirola ijiriquiro tiquiro cahmeno saha marine ijiphtinare yũhũ yahuriro saha ye masigũ yere. Ihquẽquinare sijoro saha ye masigũ yere. Apequina gũhũre sijoro saha ye masigũ yere.

*Cristo yequina ijina ihcã curuata ijiaja mari*

<sup>12</sup> Ohõ sahata ijire ahri mehna mari queoye mehna yahugũ: Mari pagũ ihcã pagũ ijiepegũta omocari, caperi, dahpocãri, cahmo ti pũrita peye ijire mari pagũpũ ijiye. Sata ijiaja mari Cristo yequina gũhũ. Cristo yequina tiquiro pagũ yero saha ihcã curuata ijiaja. <sup>13</sup> Sa yena Cristo yequina ijina, tiquiro pagũ yero saha ihcã curuata ijiaja mari. Judio masa, judio masa ijiena, cahacjãna, cahacjãna ijiena peye cururi mari ijiepenata ihcãquirola ijiriquiro tiquiro pagũ yero saha ihcã curuata ijiaja mari. Espĩritu Santo ihcãquirola ijiriquiro tiquiro tutuaye mehna wame yenohrina ijiaja mari ijiphtina. Sa yena ihcãquirola Espĩritu Santore cũoaja mari, Cristo ya curua cjãna ijina.

<sup>14</sup> Mari pagũ ihcã pagũ ijiepegũta omocari, caperi, dahpocãri, cahmo, ti mari pagũpũ ijiye peye ijire. <sup>15</sup> Mũhũ dahpocã yahuducuri dahpocã ijiro, ohõ saha niboaga mũhũre sijoro saha ni duaro: “Omoca ijieraja yũhũ. Sa yegũ pagũ cjã dahpocã ijieraja yũhũ”,

niboaga. Mũhũ dahpocã sa nieperota pagũ cã dahpocã ijirota nine. <sup>16</sup> Mũhũ cahmono yahuducuri cahmono ijiro, ohõ saha niboaga mũhũre sijoro saha ni duaro: “Capea ijieraja yũhũ. Sa yegũ pagũ cã cahmono ijieraja yũhũ”, niboaga. Mũhũ cahmono sa nieperota pagũ cã cahmono ijirota nine. <sup>17</sup> ¿Mari pagũ capea dihita ijigũ dũhse tũhoboagari mari? Basioerare. ¿Sa yena mari pagũ cahmono dihita ijigũ dũhse wijĩboagari mari? Basioerare. <sup>18</sup> Sa ijierare mari pagũ. Ohõ saha ijire. Mari pagũrũ ijiyere Cohãcjũ tiquiro cahmeno saha cũahye mari pagũre. <sup>19</sup> ¿Mari pagũrũ ijiye mariedagũ dũhse wahaboagari mari pagũ? ¿Mari omocari dihita ijigũ dũhse wahaboagari mari pagũ? <sup>20</sup> Mari pagũ ohõ saha ijire: Ihcã pagũ ijiepegũta mari pagũrũ ijiye peye ijire.

<sup>21</sup> “Mũhũ yedohogũ cahmedaja”, mũhũ capea ni masiedare mũhũ omocare. Sa yero mũhũ dapu mũhũ dahpocãrine “Mũsa yedohogũ cahmedaja”, ni masiedare. <sup>22</sup> Apeye mari pagũrũ ijiyere “Ihyo iji cãũne ijire”, mari niĩne pehere pototi cahmeaja mari apeye mari pagũrũ ijiye yũhdũoro. <sup>23</sup> Sa yena mari pagũrũ ijiyere “Ihyo ijiye ijire”, mari ni tũhotuepenata tire mari pagũrũ ijiyere cahmeaja mari, mari quehnoano ijiato saha. Sa yena apeye mari pagũrũ ijiyere mari bũe tiyere suhti mehna mũoaja mari. <sup>24</sup> Apeye mari pagũrũ ijiyere mũoedaja mari. Ti pũritare ihũona, bũe tieraja. Ohõ saha iji dutiahye Cohãcjũ mari pagũre. Mari ihũoeĩene mari pagũrũ ijiyere mari quehnoano ño peoye mehna mũoaja. Sata ye dutiahye Cohãcjũ. <sup>25</sup> Sa ye mari pagũrũ ijiye ti basi cahme yedohore. <sup>26</sup> Sa ye mari caperi ñano yũhdũgũ apeye mari pagũrũ ijiye gũhũ ñano yũhdũre. Sa ye mari caperi quehnoañe wahagũ mari pagũrũ ijiye gũhũ quehnoano tũhoture.

<sup>27</sup> Sa yegũ ohõ saha nigũ niaja mũsare: Mũsa pehe Cristo pagũ yero saha ihcã curuata ijire. Sa yena ijipihitina mũsa tiquiro pagũrũ ijiye yero saha tiquiro yequina ijire. <sup>28</sup> Sa yero Jesu yequinare mari yedohoatire cũahye Cohãcjũ marine. Ohõ saha cũahye tiquiro marine. Ihquẽquinare marine buhe dutiro Jesu cũ mũhtarinare cũahye tiquiro. Apequinare tiquiro yere yahu mũhtariquinare cũahye. Apequinare masare buheatiquinare, apequinare Cohãcjũ tutuaye mehna yeatiquinare, apequinare dohatiyequinare yũhdũoatiquinare, apequinare masare yedohoatiquinare, apequinare masa pũh-toa ijiatiquinare, apequinare tũhomehneĩe yahuducuyere yahuducuatiquinare cũahye Cohãcjũ marine. <sup>29</sup> Sa tiquiro cũgũ ijipihitina ihcãno saha tiquiro cũrina ijieraja mari. Apequina Cohãcjũ buhe dutiro tiquiro cũriquina ijierare. Sa yena apequina Cohãcjũ yere yahu mũhtarina ijieraja mari. Sa yena apequina masare buhena ijieraja mari. Sa yena apequina Cohãcjũ tutuaye mehna yeatina ijieraja mari. <sup>30</sup> Sa ye apequina dohatiyequinare yũhdũoatiquina ijierare. Sa yena apequina tũhomehneĩe yahuducuyere yahuducuna ijieraja mari. Sa yena apequina tũhomehneĩe yahuducuyere yahu yũhdũoana ijieraja mari. Sa yero maripe mari yeatire cũahye tiquiro. <sup>31</sup> Sa yena Cohãcjũ yere ye masi duana quehnoa yũhdũye pehere tutuaro cahmeña mũsa. Sa yegũ ijipihitiye yũhũ nidi yũhdũoro mũsa cahmeatire yojopũre yahutja mũsare yũhũ.

## 13

### *Apequinare quehnoano tiquina cahĩatire yahuahye Pablo*

<sup>1</sup> Masa ye yahuducuyere yahuducu masiepenata, angele ye yahuducuyere yahuducu masiepenata apequinare cahĩedana, dũhseanaja ijieraja mari. Sa ye mari yahuducuye gũhũ dũhseati ijierare. Sa yena apequinare cahĩedana mari yahuducuna, ihyo waro yahuducuna niaja. <sup>2</sup> Cohãcjũ yere quehnoano yahu masiepenata, masa tiquina masiedarire Cohãcjũ yere tiquina buheri gũhũre masi pehoepenata apequinare cahĩedana dũhseanaja ijieraja mari. “Ahdũ cũnũ ape siepũ wahaahro”, mari nigũ “Potota mari nidiro sahata Cohãcjũ yerota”, ni mari tũhotugũ sata yerota. Cohãcjũre sa ni tũhotuyequina ijiepenata apequinare cahĩedana ne dũhseanaja ijieraja mari. <sup>3</sup> Ijipihitiyere pejecũoyequinare mari ohoepegũta apequinare mari cahĩedagũ ti mari ohori dũhseati ijierare. Sa yena Cohãcjũ yere yena tana mari pagũre mari Ƴjũa mũo dutiepegũta apequinare mari cahĩedagũ ti mari sa yeye dũhseati ijierare.

<sup>4</sup> Usueraja apequinare cahīna. Tiquinare cahīna quehnoano yeaja tiquinare. Sa yena apequinare cahīna tiquinare coeraja. Sa yena mari cahīniquire mehna ijina “Mũhu yũhũoro ijigũ ijiaja”, niedaja mari. <sup>5</sup> Apequinare cahīna “Mũsare masi yũhdũcujaja”, niedaja mari tiquinare. Sa yena apequinare cahīna tiquinare ño peoro mehna yeaja mari. Apequinare cahīna “Usã cahmeno saha yeaja. Mũsa cahmeno saha yeraja”, niedaja mari. Sa yena tiquinare cahīna duita usueraja mari tiquina mehna. Sa yena apequinare cahīna marine ñano tiquina yegũ gũhũre tiquina mehna sa usuaducueraja mari. <sup>6</sup> Apequinare cahīna ñañene tiquina yegũ ihñana bucueraja mari. Quehnoañe pehere tiquina yegũ ihñana tutuaro bucueaja. <sup>7</sup> Apequinare cahīna tiquina ye buhiri ñano yũhdũepenata tiquinare sa cahĩducujaja mari. Apequinare cahīna apequina pehe mari cahĩnequinare tiquina yahu wajagũ tũhoepenata tire tũho dueraja. Mari cahĩnequinare apequina yahugũ quehnoañe dihitare tũho duaja mari. Apequinare cahīna “Tiquina ñañene yesi”, ni tũhotuaja mari tiquinare. Apequinare cahīna ñano yũhdũepenata tiquinare cahĩ duhusi mari.

<sup>8</sup> Ti cahme cahĩne ne pihtisi. Cohãcjũ yere yahuye pehe came pihtia wahaota. Tũhomehneñe yahuducuyere gũhũ came pihtia wahaota. Cohãcjũ yere masa tiquina buheri gũhũ came pihtia wahaota. Apequinare cahme cahĩne pehe ne pihtisi. <sup>9</sup> Yojoþũre Cohãcjũ yere mari masi peho masiedaja. Sa yena tiquiro yere yahuna mari yahu peho masiedaja. Mari masi pehoati dũhsare. <sup>10</sup> Sa yena Cristo ñañe marieniquiro tiquiro tojoa wihiri bato mari masi pehonata. Sa yena ñañe mariena ijinata. Ti pjere masi pehonata. “Masiedaja”, ni nemosi.

<sup>11</sup> Mari masi pehoati ohõ saha ijire: Nijigũ ijigũ nijinogã yero saha yahuducumi yũhũ. Sa yegũ nijinogã yero saha tũhotumi. Sa yegũ bucũ wahagũ nijinogã tiquiro yeriro saha duhu cãũ. Sata mari yojoþũre “Masi pehoeraja”, niepenata camerũre masi pehonata. <sup>12</sup> Eõno quehnoano wũhdoa bajuero saha yojoþũre quehnoano masi pehoeraniaja mari. Came apequirore quehnoano mari ihñã masino saha mari masi pehonata. Yojoþũre mari masi pehoati marine dũhsare. Cohãcjũ marine tiquiro quehnoano masi pehoriro saha came mari gũhũ quehnoano masi pehonata. <sup>13</sup> Sa ye ihtiarore mari ye masiaja yojoþũre. Cohãcjũre wacũ tutua masiaja. Sa yena marine tiquiro yũhdũoatire masina, mari quehnoano cohte masiaja. Sa yena apequinare cahme cahĩ masiaja. Ahri ihtiaro ijire pototi mari yeati. Sa yena apequinare cahme cahīna, ahri þũaro yũhdũoro yena niaja. Wacũ tutuaye, tiquiro yũhdũoatire cohteyere yũhdũoro ijire cahme cahĩne pehe.

## 14

Tũhomehneñe yahuducuyere yahuahye Pablo

<sup>1</sup> Sa yena apequinare cahme cahĩña mũsa. Sa ye Cohãcjũ yere mũsa quehnoano ye masiatire cahmeña mũsa. Cohãcjũ yere mũsa yahuati þũritare tutuaro cahmeña mũsa. <sup>2</sup> Tũhomehneñe yahuducuyere yahuducuriquire Cohãcjũ mehna dihita yahuducure. Sa ni yahuducuro masa mehna yahuducuro niedare tiquiro. Tiquiro sa ni yahuducugũ tũhoye masa pehe ne tũhoerare tiquirore. Masa tiquina masiedarire Espĩritu Santo tutuaye mehna yahuducuro nine tiquiro. <sup>3</sup> Cohãcjũ yere yahuriquire pehe masa pehere yahure. Sa yahuro tiquiro masare yedohoro nine. Sa yero tiquinare buhero nine tiquiro. Sa yero tiquina ñano yũhdũgũ tiquinare bucuegũ yere. <sup>4</sup> Tũhomehneñe yahuducuyere yahuducuriquire ihcãquirota buhere. Apequinare buherare. Cohãcjũ yere yahuriquire pehe apequinare Jesu yequinare buhero, yedohore tiquiro.

<sup>5</sup> Tũhomehneñe yahuducuyere ijipihtina mũsa yahuducugũ quehnoaboaga, yũhũ tũhotugũ. Sa ijiepegũta Cohãcjũ yere mũsa yahugũ þũritare tutuaro cahmeaja. Cohãcjũ yere yahuriquire pehe tũhomehneñe yahuducuyere yahuducuriquire yũhdũoro apequinare yedohore. Sa ijiepegũta tũhomehneñene yahuducuriquire tiquiro yahuducuyere apequiro yahu yũhdũogũ tiquina pehe pototi apequinare yedohore. Tiquiro yahuducuyere yahu yũhdũoriquiro ijiro tiquiro pehe apequinare Jesu yequinare buhero nine. <sup>6</sup> Tũhomehneñe yahuducuyere mũsa mehna yũhũ yahuducugũ, apequiro mũsare

tiquiro yahu yuhduoeragũ musare yedohoeraboaga yuhũ. Sa yegu Cohãcjũ yuhure tiquiro yahurire yahugu, tiquiro yere yuhũ masiñene yahugu, apeyere tiquiro yere yahugu musare yedohogu niaja. Tire mũa tũhoatire musare buhegu musare quehnoano yedohogu niaja yuhũ.

<sup>7</sup> Tũhomehneñene yahuducuriquiro tiquiro yahuducuye basa wamoã yero saha ijire. Carisure putina, arpare buã putẽna tire mari queoro yeragũ ti basayere apequinare masino basioerare. <sup>8</sup> Sa yero cornetare putiriquiro surara ijiro tiquina cahme wejẽato panore queoro tiquiro putieragũ apequina surara pehe tiquina cahme wejẽatire masisi. Sa ye tiquina cahme wejẽato pano tiquina wejẽatire wamoãre quehnoyuriquina ijisi tiquina. <sup>9</sup> Sata mũa gũhũ tũhomehneñe yahuducuyere mũa yahuducugũ tũhoye, yahu yuhduoriquiro mariedagũ apequina tire ne masisi. Tiquina sa masiedagũ mũa yahuducuye dũhseati ijierare. <sup>10</sup> Ahri yehpapũ peye yahuducuye ijiaga. Sa ye tire yahuducuyequina tiquina basi sa yahuducuyere quehnoano tũhore. <sup>11</sup> Ihcãquiro ye yahuducuyere yuhũ tũhoeragũ ihñano tire yahuducuriquiro pehe “Ape dihta cjũno ijire”, ni tũhoturota yuhure. Sa yegu yuhũ gũhũ sata ni tũhotutja tiquirore. <sup>12</sup> Sata ijiri mũa gũhũ tũhomehneñene yahuducuna. Espĩritu Santo tiquiro tutuaye mehna tutuaro ye duamene mũa. Tiquiro tutuaye mehna sa ye duana apequina Jesu yequinare mũa buheatire tiquinare mũa yedohoatire tutuaro cahmeña mũa.

<sup>13</sup> Sa yero tũhomehneñene yahuducuriquiro tiquiro yahuducurire tiquiro quehnoano yahu yuhduoatire Cohãcjũre siniahdo tiquiro. <sup>14</sup> Tũhomehneñe yahuducuye mehna Cohãcjũre sinigu yuhũ tũhotuyere mehna sinigu niaja. Sa sinigu yuhũ tũhotuyere apequinare quehnoano yahueraja. Sa yegu apequinare yedohoeraja yuhũ.

<sup>15</sup> Ahrire masina, ohõ saha yenata mari: Espĩritu Santo tutuaye mehna tũhomehneñe yahuducuye mehna Cohãcjũre sininata. Sa yena ape decopũ quehnoano masi tũhotu, apequina tiquina quehnoano tũhoatire tiquina ye mehna Cohãcjũre sinina, ti gũhure sininata tja. Espĩritu Santo tutuaye mehna tũhomehneñe yahuducuye mehna Cohãcjũ yere basanata. Sa yena ape deco quehnoano masi tũhotu, apequina tiquina quehnoano tũhoatire tiquina ye mehna Cohãcjũ yere basana, ti gũhure basanata tja.

<sup>16</sup> Mari sa yeragũ tũhomehneñe yahuducuye mehna Espĩritu Santo tutuaye mehna Cohãcjũre “Quehnoariquiro, tutuariquiro ijire”, mari niepegũta apequina pehe ne tũhoerare. Sa tũhoeraye “Poto ijire”, ni masiedare. <sup>17</sup> Tũhomehneñe yahuducuye mehna Cohãcjũre “Quehnoare”, ni masiaja mari. Mari sa niñe quehnoañe ijiepegũta tire yahu yuhduoerana apequinare buheraja mari. Sa yena tiquinare yedohoeraja mari. <sup>18</sup> Ijipihtina mũa yuhduoro yuhũ pehe tũhomehneñene yahuducujaja. Sa yegu Cohãcjũ yuhure sa yahuducu masigũ tiquiro yegũ tiquirore “Quehnoare”, niaja yuhũ. <sup>19</sup> Sa yahuducugu yuhũ ijiepegũta Jesu yequina cahmecoañequina watoã yuhũ ijigũ, tũhomehneñe yahuducuye mehna peye yuhũ yahuepegũta dũhseati ijierare. Ti yuhduoro masa tiquina quehnoano tũhoati pehe meheñegã yuhũ yahuepegũta quehnoarĩne, yuhũ tũhotugũ.

<sup>20</sup> Yuhũ acaye, macanagã tũho masieñequinagã tiquina ijiro saha ijieracãhña mũa. Sa yena coã bajuayequina ñañe yeyere tiquina masieno saha ijiya mũa gũhũ. Sa yena bũcũna tũho masiñequina tiquina ijiro saha ijiya mũa. <sup>21</sup> Cohãcjũ yere tiquina ojoari pũpũ ohõ saha nine: “Tũhomehneñene yahuducuyequinare ahriquina masare yeere yahu dutiitja. Sa yegu ape dihta cjẽnare yeere yahu dutiitja ahriquina masare. Yuhũ sa yahu dutiepegũta ahriquina yuhũ yahuyere tũhosi’, nine Cohãcjũ mari pũhoro”, nine Cohãcjũ yere tiquina ojoari pũpũ. <sup>22</sup> Sa ye tũhomehneñene yahuducuye Jesu yequinare Cohãcjũ tutuayere masigũ yeati ijierare. Ti yahuducuye Jesure cahmeeñequina pehere Cohãcjũ tutuayere masigũ yeati ijire. Sa yero Cohãcjũ yere yahuye Jesure cahmeeñequinare Cohãcjũ tutuayere masigũ yeati ijierare. Cohãcjũ yere yahuye Jesu yequina pehere Cohãcjũ tutuayere masigũ yeati ijire.

<sup>23</sup> Sa ye ijipihtina mũa Jesu yequina cahmecoagũ tũhomehneñene mũa yahuducugũ tire masieñequina, apequina Jesure cahmeeñequina gũhũ sajã, tũhoboaga. Sa tũhoye

“Tiquina tũho masieñequina ijire”, niboaga mũsare tiquina. <sup>24</sup> Ijipihtina mũsa Cohãcjũ yere mũsa yahugũ pũrita tire masiedariquiro, Jesure cahmedariquiro sajã dũca tũhoru, tiquiro ñañe yerire masiboaga tiquiro. Sa yero tiquiro ñañe yerire bũjũa witiboaga tiquiro. <sup>25</sup> Sa yero poto tiquiro ijiye tiyere tiquiro tũhotuye gũhũre masiboaga tiquiro. Sa yero Cohãcjũ poto dũsepe curi mehna quehe saro, tiquirore ño peorota. Sa yero “Cohãcjũ potota mũsa mehna ijire”, ninota tiquiro mũsare.

*Mũsa cahmecoana quehnoano yeya dojomehnenno marieno*

<sup>26</sup> Sa yegu yũhũ acaye, mũsare ahrire nigũ niaja: Cahmecoana ihquẽquina mũsa mehna cjẽna Cohãcjũ yere basa duare. Sa yena apequina buhe duare. Sa yena apequina Cohãcjũ mũsare tiquiro buherire yahu duare mũsa. Sa yena apequina tũhomehneñe mehna yahuducu duare mũsa. Sa yena mũsa apequina ti yahuducuyere yahu yũhdũo duare mũsa. Ti ijipihitiyere sa yena apequina mũsare tũhoyequina tiquina quehnoano masiatire tire yeya.

<sup>27</sup> Sa yena tũhomehneñe mehna mũsa yahuducuna pũana, ihtiana topenata yahuducuya mũsa. Sa yena comesa yahuducuya. Mũsa sa yahuducugũ, ihcãquiro mũsa mehna cjũno mũsa yahuducurire apequinare yahu yũhdũoahro. <sup>28</sup> Mũsa yahuducuyere yahu yũhdũoriquiro mariedagũ mũsa cahmecoana ijipihtina mũsa tũhomehneñene yahuducu duana yahuducueracãhña. Sa yena masa marienopũ Cohãcjũ mehna yahuducuya mũsa. <sup>29</sup> Sa yena Cohãcjũ yere yahu duana pũana, ihtiana topenata yahuya mũsa. Mũsa sa yahugũ apequina mũsare tũhoyequina mũsa yahurire quehnoano tũho nũnũahdo. <sup>30</sup> Sa yero Espĩritu Santo Cohãcjũ yere apequirore topũ dujiriquirore yahu dũcaboaga. Tiquiro yahu dũcagũ tiquirore tũhoriquiro gũhũ Jesu yequinare yahu duaboaga. Sa yero tiquiro pano yahuriquiro pehe dihta mariahdo. <sup>31</sup> Sa yena ijipihtina mũsa Cohãcjũ yere yahuna, comesa yahuya mũsa ijipihitiyequina apequina tiquina quehnoano tũhoatire, tiquina quehnoano bucueatire. <sup>32</sup> Sa yena Cohãcjũ yere yahuna ijina, quehnoano tũho masi, quehnoano tũhotu yahuducuya.

<sup>33</sup> Cohãcjũ tiquiro yequina tiquina cahmecoanopũ tiquina cahme yahuducugũ, suhrigũ cahmedare tiquiro. Dojomehnenno marieno tiquina quehnoano ijigũ cahmene tiquiro. Ijipihitiropũ Jesu yequina cahmeco, ohõ saha yere tiquina. <sup>34</sup> Tiquina cahmecoanopũ numiare yahuducu dutierare. Tiquina numiare mari pehe yahuducu dutieraja. Cohãcjũ ojoari pũpũ tiquiro nidiro sahata numiare mũmare quehnoano yũhtiyequina numia ijiro cahmene. Sa ye cahmecoanopũ numia masare yahuducueracãhdo. <sup>35</sup> Jesu yequina tiquina cahmecoanopũ numia tiquina yahuducugũ ñarĩne. Sa yero apee borore masi duaro numino ticoro ya wũhũpũta ticoro manũnore sinituahro.

<sup>36</sup> Ahri yũhũ yahuatire quehnoano masiña mũsa. Cohãcjũ yere yahu mũhtana ijierare mũsa. Sa yena tiquiro yere tũhorina mũsa dihita ijierare. Apequina gũhũ tiquiro ye buheyere cũore. <sup>37</sup> Mũsa mehna cjũno “Yũhũ Cohãcjũ yere yahugũ ijiaja”, ni tũhoturiquiro ijiro ahri mũsare yũhũ ojoari Cohãcjũ dutiye ijigũ masiahdo tiquiro. Sa yero apequiro “Espĩritu Santo tutuaye mehna ye masiaja”, ni tũhoturiquiro ijiro tiquiro gũhũ ahri yũhũ ojoari Cohãcjũ dutiye ijigũ masiahdo tiquiro. <sup>38</sup> Tire tiquiro masi dueragũ yũhũ ojoarire “Poto ijierare”, tiquiro nigũ tiquirore duhu cãhña. Tũhoeracãhña tiquirore.

<sup>39</sup> Sa yena yũhũ acaye, Cohãcjũ yere yahuna mũsa ijiatire tutuaro cahmeña mũsa. Sa yena mũsa mehna cjẽna mũsa cahmecoanopũ tũhomehneñe yahuducuyere mehna tiquina yahu duagũ “Sa yahuducueracãhña”, niedacãhña tiquinare. <sup>40</sup> Sa cahmecoana quehnoano, cahme dojomehnenno marieno yeya mũsa.

## 15

*Quehnoañe buheyere tiquiro yahurire yahuahye Pablo*

<sup>1</sup> Yojoapũre yũhũ acaye, quehnoañe buheyere mũsare yũhũ yahurire mũsare wacũgũ ye duaja. Ti buheyere quehnoano cahmene mũsa. Sa cahmena ti buheyere ne cohãedare mũsa. <sup>2</sup> Mũsa sa cahmegũ tire mũsa cohãedagũ Cristo mũsare pecapũ wahaborinare



yuhduo tuhasari. Musa sa tuhori bato Cristo yere musa duhu cãgũ ti musa tuhori dũhseati ijierare.

<sup>3</sup> Ohõ saha ni yahu mũhtautja musare. Ahri ihyo waro ijierare. Musare buhegu yuhure Cristo tiquiro yahurire musare ohõ saha ni yahuu: Cohãcjũ yere tiquina ojoariro sahata mari ñaÑe buhirire Cristo yariahye. <sup>4</sup> Sa yero Cohãcjũ yere tiquina ojoariro sahata Cristo tiquiro yariari bato apequina tiquirore tiquina yagũ ihtia deco wahaboro tiquiro pehe masa wijiahye. <sup>5</sup> Tiquiro sa masa wijari bato Pedroro bajuahye. Tiquiro sa bajuari bato apequinare tiquiro buheyequinare bajuahye tja. <sup>6</sup> Tiquiro sa bajuari bato ihcã tahata quinientos bui ijiyequinare tiquiro yequinare bajuahye tja. Ihquẽquina tiquirore ihñariquina mũna yojopũre yariariquina mũna ijire. Tiquina sa ijiepegũta peyequina tiquina mehna cjẽna yojopũre ijinine. <sup>7</sup> Came Cristo Santiagore bajuahye tja. Sa tiquiro bajuari bato ijipihtiyequina buhe duti tiquiro cũriquinare bajuahye tja.

<sup>8</sup> Ijipihtiyequina apequinare tiquiro bajuari bato yũhu gũhũre bajuari tja. Nijinogã queoro masa bajueriquirogã tiquiro masa bajua nũnũ tãriro saha yũhu gũhũ Jesure wacũ tutua nũnũ tãrigũ ijiaja. Yũhu sa ijirigũ ijigũ tiquina batopũ bajuari Jesu yũhu gũhũre tja. Yũhũreta tiquiro bajua bato tiri. <sup>9</sup> Panopũre Jesu yequinare ñano yemi. Sa yerigũ ijigũ apequina Jesu cũriquina ijipihtiyequina tiquina docapũ waro ijiaja yũhu. Sa yegũ yojopũ gũhũre Jesu buhe duti tiquiro cũnohborigũ ijierami yũhu. <sup>10</sup> Sa ijiepegũta Cohãcjũ yuhure cahĩgũ yojopũre Jesu cũrigũ ijiaja yũhu. Sa yegũ yuhure tiquiro cahĩgũ yojopũre tiquiro cahmeÑene ye pehoaja. Sa yegũ yuhure cahĩgũ tiquiro yaquiro sa iji cãgu niedaja. Ijipihtiyequina apequina tiquiro cũriquina yuhduoro yũhu pehe tutuaro buhei. Sa buhegu yũhu esa tuharo buherũ. Cohãcjũ yuhure cahĩno yuhure yedohori. <sup>11</sup> Ušã buheye pehe ihyo waro ijierare. Yũhu musare quehnoaÑe buheyere buherigũ yũhu ijigũ apequina yuhduoro yuhure musa ño peogũ ihyo waro ijero nine. Tiquina gũhũ musare buheyequina ijigũ apequina yuhduoro tiquina gũhũre musa ño peogũ ihyo waro ijero nine. Ušã pehe ahrire buhena ijiepenata ihyo ijina ijiaja. Ušã buheye pehe ihyo waro ijierare. Sa yena musa pehe ahri buheyere quehnoano tuhore.

#### *Yariariquina mũna tiquina masa wijiarire yahuahye Pablo*

<sup>12</sup> Cristo yariari bato tiquiro masa wijiarire ušã buhepegũta “Yariariquina mũna ne masa wijiaerare”, nine musa mehna cjẽna ihquẽquina. ¿Dũhse ijero boro sa nijari tiquina tire? <sup>13</sup> Sa yero yariariquina mũna masa wijiaeragũ Cristo gũhũ ne masa wijiaeraboya. <sup>14</sup> Sa ye Cristo masa wijiaeragũ quehnoaÑe buheyere ušã yahuri ne dũhseati ijieraboya. Tiquiro masa wijiaeragũ tiquirore musa wacũ tutuaye gũhũ dũhseati ijieraboya. <sup>15</sup> Masa wijiaro mariedagũ ušã pehe Cohãcjũ yere ni mehona niboja. Yariariquina mũna tiquina masa wijiaeragũ Cohãcjũ pehe Cristore masa wijiaagũ yeraboya. Tiquiro sa yeragũ “Cohãcjũ Cristore masa wijiaagũ yeahye”, nina ni mehona ijiboaga ušã. <sup>16</sup> Yariariquina mũnare Cohãcjũ masoedaro, Cristo gũhũre tiquiro masoedaboya. <sup>17</sup> Sa yero Cristo masa wijiaeragũ tiquirore musa wacũ tutuaye dũhseati ijieraboaga. Sa yena musa ñaÑe buhiri, buhiri tiboaga musa. <sup>18</sup> Masa wijiaro mariedagũ Cristo yequina mũna yaria mũhtariquina pecapũ waha tuhasaboya. <sup>19</sup> Cristore mari wacũ tutuari bato mari yariana masa wijia masiedana ijipihtiyequina apequina masa yuhduoro pejecũona ijiboaga mari pehe. Sa yena tiquirore ihyo warota wacũ tutuana niboaga mari.

<sup>20</sup> Potota Cohãcjũ Cristore masa wijiaagũ yeahye. Cristo masa wijari bato mari gũhũ yarianapũ masa wijianata ijiaja. Tiquiro sa masa wijiaro, marine siho masa wijia mũhtariquiro ijire. <sup>21</sup> Ohõ saha ijire ahri: Adãn mehna masa yaria dũcahye. Ohõ saha apequiro mehna yariariquina mũna masa wijiaeta. <sup>22</sup> Adãn yequina iji nũnũ tãnapũ mari ijipihtina yarianata. Sata Cristo yequina mari ijigũ mari yariari bato marine masa wijiaagũ yerota Cohãcjũ. <sup>23</sup> Ihquẽ cururi masare tiquina queori pje ijigũ masa wijiaeta. Cristo marine iji mũhtariquiro masa wijia mũhtahye. Came ahri yehpapũ tiquiro tojoa tagũ tiquiro yequina gũhũ masa wijiaeta. <sup>24</sup> Ti pjeta pihtiri deco ijirota. Sa yero ijipihtiyequina watĩare, watĩa pũhtoare, tutuayequinare cohãno, Cristo yuhduo dũcarota. Tiquiro sa yeri

bato ijipihtiyequina pũhtoro tiquiro ijirire Cristo wijiaro, Cohãcjũre mari Pacũre came-sarota. <sup>25</sup> Tiquiro wijiato pano mari Pacũ Cristore ihña tuhtiyequinare tiquiro yũhdũdũca pehoato pano Cristo pũrita ijipihtiyequina pũhtoro ijirota. Sa ijiriquirota ijiro cahmene tiquirore. <sup>26</sup> Tiquirore ihña tuhtiyequinare tiquiro yũhdũdũcari bato, yariamedi gãhũre cohã cãnota. Yariaye pihã waharota. <sup>27</sup> Ijipihtiyequina bui dutiatiquirore cũahye Cohãcjũ Cristore. Ijipihtiyere cœoriquiro gãhũre cũahye tiquirore. Sata nine Cohãcjũ yere tiquina ojoari pũpũ. Cohãcjũ pehe tiquirore cũriquiri ijire. Sa yero “Ijipihtiyequina bui dutiatiquirore cũahye tiquirore”, nino, “Cohãcjũ bui dutiriquiro ijire tiquiro”, nino niedahye tiquiro yere tiquina ojoari pũpũ. <sup>28</sup> Ijipihtiyequina bui dutiriquiro Cristo Cohãcjũ macũno ijigũ Cohãcjũ tiquirore cũriquiri pehe tiquiro macũno bui dutiriquiro ijirota. Sa yero Cohãcjũ pehe ijipihtiyequina pũhtoro waro ijire. Ijipihtiyere cœoriquiro gãhũ ijire.

<sup>29</sup> ¿Masa wijiaro mariedagũ dũhse ye apequina masa yariariquina mũna ye ijiatire tiquina wame yenohriquina ijiajari? Yariariquina mũna masa wijiaeragũ tiquina ye ijiatire apequina wame yegũ ihyo warota wame yenohriquina ijiboaya.

<sup>30</sup> Ũsã pehe ũsã buheri buhiri decoripe apequina ũsãre tiquina ñano ye duagũ cuarĩne ũsã gãhũre. Ũsãre sa cuaepẽgũta masa wijiaro ijigũ masina sa buheducuaja ũsã. <sup>31</sup> Mari pũhtoro Jesucristo yequina mũsa ijigũ tiquirore wacũ tutua nemonã mũsa wahagũ yũhũ pehe tutuaro bucueaja yũhũ mũsa mehna. Ti ijirota ijire. Sa yero “Dũhse ijiri decopũ yũhũre yariaro cuarĩne”, yũhũ nigũ ti gãhũ ijirota ijire. <sup>32</sup> Efeso cjẽna usuayequina quehnoañe buheyere yũhũ buheri buhiri yũhũre quẽdi. Masa wijiaro mariedagũ Jesu yaquiro yũhũ ijieragũ, yũhũ sa ñano yũhdũri dũhseati ijieraboya. Ihyo waro ñano yũhdũgũ niboaya yũhũ. Yariariquina mũna tiquina masa wijiaeragũ ohõ saha niboaga mari: “Came cjũnogã yarianata. Dũhse wahasi mari. Sa yena ihya sihniihna. Mari esa tuhãro yeihna”, niboaga mari.

<sup>33</sup> Ni mehoñene tuhõtuercãhña mũsa. “Ñãñequinare piti tina, quehnoañe mũsa yerire bonata mũsa”, nine masa. Ti ijirota ijire. <sup>34</sup> Quehnoañene tuhõtuercãhña ijiya mũsa. Sa yena quehnoañene yena ijiya tja. Sa yena ñãñene ye nemoedacãhña tja. Ihquẽquina mũsa mehna cjẽna ne Cohãcjũre masiedare. Mũsa bũoro wahati pehere mũsare sa niaja.

*Yariariquina mũna* tiquina masa wijiarore yahu nemoahye Pablo

<sup>35</sup> Sa ye mũsa mehna cjũno ohõ saha ni sinituboaga yũhũre: ¿Dũhse yariariquina mũna masa wijiaetari? ¿Dũhse ijiye pagũri masa wijiaetari? ni sinituboaga. <sup>36</sup> Sa sinituriquiro tuhõ masieniquiro ijire. Oteri pjere mari oteri bato ti pje ahbagũ waro pihnine. Ahbaeraro ne pihni. Tire masine mũsa. <sup>37</sup> Bũjũye cjũpũre oteraja mari. Ti pjeri dihitare oteaja mari. Ti pjeri trigo pjeri ijiro ijiboaga. O apee boro pjeri ijiro ijiboaga. <sup>38</sup> Ti pjerire mari oteri bato Cohãcjũ tiquiro cahmediro saha ti pjerire bucũa mũjagũ yere. Sa yero oteye pjerire bũjũye pihniyũ yere tiquiro. Sata pihni dutire Cohãcjũ.

<sup>39</sup> Ijipihtiyequina pagũri ihcãno saha bajuerare. Masa pagũri pehe ihcãno saha ijire. Wahiquina pagũri gãhũ sijoro saha bajure. Minicjũa pagũri gãhũ sijoro saha bajure. Sa yeye wahi gãhũ sijoro saha pagũ tire. <sup>40</sup> Sa ye ũhmũse cjẽ gãhũ sijoro saha bajure. Sa yeye ahri yehpa cjẽna gãhũ sijoro saha pagũ tire. Sa yeye ũhmũse cjẽna pagũri gãhũ sijoro saha bajure. Sa yeye ahri yehpa cjẽ ũhmũse cjẽ yero saha ijierare. <sup>41</sup> Ohõ saha ijire. Asũ deco cjũno asi sitere. Sa ye ñãmi cjũno gãhũ sijoro saha ijire tiquiro gãhũ. Ihyo buhriore. Sa yeye ñãhpicoha gãhũ sijoro saha asi paare. Ñãhpicoha pari gãhũre mari ihñagũ ihquẽ paca mehenogã asiye paca bajure. Sa yeye apeye paca tutuaro asiye paca bajure.

<sup>42</sup> Ohõ saha ijire yariariquina mũna tiquina masa wijiaagũ. Masũno tiquiro pagũre mari yari bato tiquiro pagũ ahbaa waharota. Sa yero ape pagũ sijoro saha ijiri pagũ ijipihtiye decori catiati pagũ masa wijiarota. <sup>43</sup> Ti pagũre mari yagũ yariariquiro mũnãno pejecũno nine. Cohãcjũ tiquirore masogũ tiquiro pagũ quehnoa yũhdũari pagũ ijire. Sa yero tiquiro pagũ mari yari pagũ tutuaye mariedi pagũ ijire. Sa yero Cohãcjũ tiquirore masogũ

tiquiro pagu tutua yuhduare. <sup>44</sup> Ahri yehpa cjã pagure mari yagũ yariariquiro munano tiquiro masa wijiagũ tiquiro pagu umhuse cjã pagu ijirota. Ahri yehpa cjã pagure mari cõona, umhuse cjã pagu gũhure cõonata, masa wijiana.

<sup>45</sup> Sata ni yahure Cohãcjũ yere tiquina ojoari pũpũ: “Ahri yehpapũ iji muhtariquiro Adán wame tiriquire catiriquire wahahye”, ni ojoahye. Ti sa ijiepegũta Adán yero saha ijiriquire bato tiriquire Cristo pehe catiyere ohoro ahtahye. <sup>46</sup> Ahri yehpa cjã pagu iji muhtari pagu ijire. Camerũ umhuse cjã pagu ijirota. <sup>47</sup> Ohõ saha ijire: Iji muhtariquiro Adán pehe ahri yehpa cjũno dihta mehna tiquiro yeri pagure pagu tiahye. Tiquiro bato ahtariquiro, Cristo pehe umhusepũ ahtahye. <sup>48</sup> Dihta mehna tiquiro yeri pagure pagu ti muhtariquiro tiquiro ijiriro saha ijipihitina apequina dihta mehna tiquiro yeri pagure pagu tina ijiaja mari. Sa yena umhusepũ ahtariquiro yero saha tiquiro yequina ijipihitina tiquiro yero saha pagu tina ijinata mari. <sup>49</sup> Dihta mehna tiquiro yeri pagure pagu tiriquire yero saha bajuaja mari. Tiquiro yero saha mari ijiriro saha umhuse cjũno yero saha bajunata mari.

<sup>50</sup> Yũhũ acaye, musare ahrire yahu duaja: Ahri yehpa cjã pagu dii mehna, dihi mehna ijiri pagu Cohãcjũ pũhtoro ijirõpũre umhusepũre ne wahasi. Mari pagu ahbati pagu ijire. Sa ye umhusepũ ijipihitiye decori mari ijiatõpũre ahri pagu wahasi. <sup>51-52</sup> Panõpũre masa tiquina masiedarire yõjõpũre musare yahu duaja: Mari mehna cjẽna ihquẽquina yariasi. Sa ye duita, tiquina pagũre comesayequina ijietã. Cornetare tiquiro puti, bato tiri decõpũ sata waharota marine. Ohõ saha waharota. Corneta bisiri bato yariariquina munare Cohãcjũ masonota ijipihitiye decori tiquina ijiatire. Sa yena pagũre comesarina ijinata mari gũhũ. <sup>53</sup> Mari pagũre tiquiro comesagũ to pano mari ahbati paguri ijiepegũta mari comesari bato ne ahbasi. Sa ye mari paguri comesagũ to pano mari yariati paguri ijiepegũta ne yariasi. <sup>54</sup> Mari ahbati paguri ne ahbaerati pagũre comesarota. Sa ye mari yariati paguri sa ijiducuatã pagũre comesarota. Sa marine comesagũ panõpũ tiquiro ojoariro sahata sa waharota: “Cohãcjũ yariayere cohã cãri. <sup>55</sup> Yõjõpũre ne pari turi mari yariasi. Sa yena yariaro mehna pari turi ñano yũhdũsi mari”, ni ojoahye panõpũre. <sup>56</sup> Mari ñañe buhiri ijigũ pũrita yariaro mehna ñano yũhdũnata. Sa ye Cohãcjũ dutiye Moiserẽ tiquiro cũrire mari masidi bato, buhiri tiaja mari. Sa yero marine pecapũ waha dutire Cohãcjũ dutiye. <sup>57</sup> Tiquiro sa dutiepegũta mari pũhtoro Jesucristo pehe marine pecapũ wahaeragũ yere. Tiquiro sa yeriquiro ijigũ masina Cohãcjũ mehna bucue, “Quehnoare”, niaja mari.

<sup>58</sup> Sa yena yũhũ acaye, yũhũ cahĩna, Cristore wacũ tutua duhueracãhĩna. Sa yena apequina musare quehnoañe buheyere tiquina cohã dutigũ, ne cohãedacãhĩna tire. Sa yena decoripe mari pũhtoro Jesucristo tiquiro ye dutiyere quehnoano yeducuya mũa. Mari pũhtoro Jesucristo yere mari yegũ, ahri ihyo waro ijierare. Ahrire masina tiquiro ye dutiyere quehnoano yeducuya mũa.

## 16

*Apequinare Jesu yequinare Corinto* cjẽna niñeru tiquina ohoatire yahuahye Pablo

<sup>1</sup> Yõjõpũre apequinare Jesu yequinare mũa niñeru ohoatire yahu duaja musare. Galacia yehpa cjẽnare Jesu yequinare yũhũ dutiriro sahata mũa gũhũ yeya. <sup>2</sup> Semanaripe domingo ijigũ ijipihitina mũa Jesu yequinare ohoati niñerure mehenogã ohoya. Mehenogã cõona mehenogã ohoya. Sa yena paji cjũnogã cõona paji cjũnogã ohoya. Semanaripe mũa sa yegũ mũa cahapũ yũhũ esagũ mũa ohoati niñeru iji tuhasarota. <sup>3</sup> Mũa ohoatire yahuye pũrine ojoautja. Sa yegũ yũhũ topũ esagũ ti pũrine topũ wahatiquinare mũa beseriquinare ohoutja. Sa oho tuhasagũ Jesu yequinare mũa ohori niñerure neatiquinare ohoutja Jerusalõpũ. <sup>4</sup> Ti macapũre yũhũ yeati ijigũ yũhũ gũhũ wahagũtja. Yũhũ sa wahagũ yũhũ mehna tiquina wahaeta.

*Tiquiro tiniatire yahuahye Pablo*

<sup>5</sup> Macedonia yehpa cjēnare ihña yūhdutja yūhū. Yūhdū cā, mūsa caharū Corintorū esautja. <sup>6</sup> Topū esagū mūsa mehna meheñe decorigā ijiboaga yūhū ape taha yegū. Yoa cjūri pje pohero ijiro puno mūsa mehna ijiboaga yūhū. Sa yena ape sierū yūhū wahagū mūsa gūhū yūhūre yedoho masine. <sup>7</sup> Meheñe decorigā iji dueraja yūhū mūsa mehna. Sa yegū Cohācjū cahmegū yoa cjūri pje mūsa mehna ijiitja yūhū. <sup>8</sup> Sa iji duepegūta Pentecoste bose deco ijigūpū Efesorū ijiniitja yūhū. <sup>9</sup> Ohōpū Efesorū yojopūre mari pūhtoro Jesu yere tūho duayequina peyequina ijire. Tiquina sa ijigū tiquinare yahuaja. Yūhū sa yahugū yūhūre ihña tuhtiequina peyequina ijire.

<sup>10</sup> Timoteo yūhū yero saha mari pūhtoro yere yere. Tiquiro sa yeriquiro ijigū mūsa caharū esagū quehnoano mehna tiquirore piti ca, tiquiro mehna quehnoano bucueye mehna ijiya mūsa. <sup>11</sup> Sa yena tiquirore yūhdūdūcaeracāhña mūsa. Sa yena tiquiro cohe tigū quehnoano mehna tiquirore yedohoya yūhū caharū tiquiro tojoa tagū. Apequina Jesu yequina mehna ūsā tiquirore cohtena niaja. Sa yena quehnoano yedohoye mehna tiquirore ohoya.

<sup>12</sup> Apolo mari acayūro Jesu yaquiro mū sare ihñano wahagū tutuaro cahmemi. Sa yegū tiquirore waha dutimi apequina Jesu yequina mehna tiquiro wahatire. Yūhū sa waha dutiepegūta yojopūre tiquiro waha duerare. Sa yero came tiquiro yeye mariedagū mūsa caharū waharota.

*Pablo quehnoa duti bato tiahye*

<sup>13</sup> Quehnoano wacū masiña mūsa. Cristore wacū tutua duhueracāhña. Ne cuenata ijiducuya mūsa. Sa yena Cohācjū tutuaye mehna tutuana ijiya mūsa. <sup>14</sup> Apequinare sa cahiducuya.

<sup>15</sup> Yojopūre yūhū acaye mū sare ahrire yahu duaja: Estefana ya wūhū cjēna Acaya yehpa cjēna quehnoañe buheyere tūho mūhtariquina, tiquina ya yehparū Cristore wacū tutua mūhtariquina ijire tiquina pehe. Sa ye apequinare mari acayere Jesu yequinare tiquina quehnoano yedohoducure. Tire mūsa masine. <sup>16</sup> Tiquina yero saha ijiyequinare, apequina Cristo yere yedohoyequinare mūsa quehnoano yūhtigū cahmeaja yūhū. <sup>17</sup> Estefana, Fortunato, Acaico gūhū yūhū caharū wihi tuhasare. Ohōpū tiquina ijigū quehnoano bucueaja yūhū. Mū sare tiquina bucuegū yeriro saha yūhū gūhūre bucuegū yere tiquina. Mūsa mariedagū mū sare tutuaro wacūmi yūhū. Sa yegū tiquina wihigū bucueaja yūhū. <sup>18</sup> Tiquina mehna ijigū quehnoano jeripohna tigū ijii yūhū. Mūsa gūhūre sata bucuegū yere tiquina, yūhū tūhotugū. Tiquinare quehnoano ño peoya mūsa. Sa yena apequina tiquina yero saha ijiyequina gūhūre ño peoya.

<sup>19</sup> Asia yehpa cjēna Jesu yequina mū sare quehnoa dutire. Sa ye Aquila, Priscila, tiquina ya wūhūpū cahmecoañequina mehna Cristo tiquiro cahñe mehna mū sare tutuaro quehnoa dutire. <sup>20</sup> Ohō cjēna Jesu yequina ijipihtiequina mū sare quehnoa dutire. Mūsa mehna cjēnare quehnoano mehna piti caya.

<sup>21</sup> Yūhū, Pablo yūhū basi ahri dihitare ojoaja. Mū sare quehnoa dutiaja.

<sup>22</sup> Mari pūhtoro Jesucristore apequiro tiquiro cahñedagū, Cohācjū tiquirore buhiri dahreahro. Mari pūhtoro sojaro mehna tojoa taahro.

<sup>23</sup> Mari pūhtoro tiquiro cahñe mehna mū sare quehnoa dutiaja. <sup>24</sup> Mari ijipihtina Jesucristo yequina ijiaja. Sa yegū mū sare tutuaro cahñaja.

## 2 Corintios

*Ohō saha ojoa ohoahye Pablo Corinto cjenare*

<sup>1</sup> Yuhū Pablo, Jesucristo yere buhe duti tiquiro cūrigū ijiaja. Mari Pacu tiquiro cahmediro saha cūri yuhūre Jesu. Yuhū, mūsare Cohācjū yequinare, Corinto cjanare ojoa ohoaja. Ijipihtina Cohācjū yequinare Acaya cjanare mūsa gūhūre ojoa ohoaja. Mari acayuro Timoteo mehna quehnoa dutiaja mūsare. <sup>2</sup> Sa yena Cohācjū mari Pacu, mari pūhtoro Jesucristo mehna mūsare quehnoa dutiaja. Tiquina yedohoye mehna quehnoano ijiaja mūsa.

*Pablo tiquiro nāno yūhdūrire ohō saha ni yahuahye:*

<sup>3</sup> Mari pūhtoro Jesucristo Pacuro Cohācjū marine paja ihñare. Sa yero tiquiro dihita marine yedohore. Quehnoa yūhdūriquiro ijire tiquiro. <sup>4</sup> Mari nāno yūhdūgū ihñano ijipihtinare marine tiquiro yequinare yedohore tiquiro apequinare mari yedohoatire. Sa yena apequina tiquina nāno yūhdūgū ihñana tiquina pehere yedohoro cahmene marine. Cohācjū marine tiquiro yedohoye mehna mari gūhū tiquina gūhūre yedohonata. <sup>5</sup> Cristo yequina mari ijiri buhiri mari nāno yūhdūgū tiquiro tutuaro yedohorota marine. <sup>6</sup> Ūsā pehe mūsare yedohona nāno yūhdūaja. Sa yena Cristo mehna mūsa yūhdūatire mūsare ūsā yahuri buhiri nāno yūhdūaja. Sa yena Cristo ūsāre tiquiro yedohogū ūsā pehe mūsa gūhūre yedoho masiaja. Sa yena ūsā nāno yūhdūriro sahata mūsa gūhū nāno yūhdūna, quehnoano mehna ihcāno sahanata mūsa, yuhū tūhotugū. <sup>7</sup> Quehnoano mehna mūsa ihcāno sahatire ūsā masiaja. Ūsā nāno yūhdūriro sahata nāno yūhdūri mūsa gūhū. Sa yena Cohācjū tiquiro yedohoye mehna ūsā ihcāno sahariro sahata mūsa gūhū ihcāno sahanata, yuhū tūhotugū.

<sup>8</sup> Ūsā acaye, yojopure ahri yuhū yahuatire mūsa quehnoano masigū ūsā cahmeaja. Asia yehrapu nā yūhdūaro yūhdūe tii ūsā. Ohō saha ni tūhotumi ūsā: “Ne yūhdūsi mari. Sa yena mari yarianata”, ni tūhotumi ūsā. <sup>9</sup> Sa yena “Marine wejē cāeta”, ni tūhotumi ūsā. Sa nāno yūhdūna Cohācjū dihitare ūsā wacū tutua nemou. Ūsāre tiquina nāno yegū cahmeahye Cohācjū tiquirore ūsā wacū tutua nemoatire. Tiquiro pehe yariariquinare masoriquiro ijire. Sa tiquirore wacū tutuana ūsā esa tuharo ūsā ihcāno sahaerarire masiaja. Cohācjū marine yedohore. <sup>10-11</sup> Ūsāre cuaro yepegūta tiquiro yedohoro mehna ūsā yūhdūu. Camerū gūhūre pari turi ūsāre yūhdūorota. Ūsāre Cohācjūre mūsa sini basagū tiquiro ūsāre yedohorota. Ūsāre tiquiro yedohoatire masiaja ūsā. Sa yena ūsāre tiquiro yedohogū ihñana, tiquirore “Quehnoare”, ninata mūsa. Peye mūsa sini basarire tiquiro yūhtigū ihñana bucue, “Quehnoare”, ninata mūsa Cohācjūre. Peyequina apequina gūhū sata nieta.

*Pablo Corintopu tiquiro waha duamedire yahuahye*

<sup>12</sup> Sa yena mūsa mehna ūsā ijirire wacūna bucueye mehna ohō saha tūhotuaja ūsā: Ahri yehrapu Cohācjū tiquiro yedohoye mehna nāne marieno quehnoano mehna masare piti ti buhei. Mūsa pūritare quehnoano piti ti buhei. Ohō saha yena ūsā esa tuharo yerū. Cohācjū cahñe mehna tiquiro tutuaye mehna sa yei. <sup>13-14</sup> Sa yena quehnoano yahu ojoau mūsare, quehnoano mūsa masiatire. Yojopu ūsāre quehnoano masiedare mūsa. Ūsā ijiye tiyere mūsa quehnoano masigū tutuaro cahmeaja ūsā. Sa yena mari pūhtoro Jesu tiquiro tojoa tagū ūsā mehna bucuenata mūsa. Mūsa mehna ūsā bucuero sahata mūsa gūhū ūsā mehna bucuenata.

<sup>15-16</sup> Ohō saha nigū Macedonia yehrapu waha duamaja yuhū. Sa yegu mūsare ihñā yūhdū cā duamaja yuhū. Sa yegu topure esarigu tojoa tagu pari turi mūsa mehna meheñe decorigā ijiboaga yuhū. Sa yena puā taha mūsa mehna yuhū ijigū ihñana pajiro yuhū mehna mūsa bucueboaga. Mūsa caharu ijirigu Judea yehrapu yuhū wahagū ihñana yuhūre yedohoboaga mūsa. <sup>17</sup> ;“Wahautja”, yuhū nigū tūhorina ijina mūsa caharu yuhū



eseragũ ihñana “Pablo ni mehono nine”, ni tũhotuajari mũsa? “Wahautja”, nigũ yũhũ esa tuharo sa nigũ niedaja yũhũ. ¿“Tiquiro nidiro saha yerare”, yũhũre ni tũhotuajari mũsa? <sup>18</sup> Ohõ saha ni mehogũ ijieraja yũhũ. Sa yegũ “Yeitja”, nigũ yũhũ nidiro saha yeaja yũhũ. Tire masine Cohãcjũ.

<sup>19</sup> Yũhũ, Sila, Timoteo mehna Jesucristo Cohãcjũ macũno yere mũsare yahuu usã. Cristo pehe “Yeitja”, nino, poto yeriquiro ijiro nine. Cohãcjũ tiquiro nidiro sahata Cristo yere. <sup>20</sup> Ijipihtiyere Cohãcjũ tiquiro yahurire Cristo ye pehoahye. Tiquiro sa yeriquiro ijigũ ihñana tiquiro yere usã apequinare yahuaja Cohãcjũre tiquina ño peotire. <sup>21</sup> Cristo yequina marine ijiducugũ yeriquiro Cohãcjũta ijire. Sa yero tiquiro yere yahuanajare marine sõri tiquiro. <sup>22</sup> Sa yero tiquiro yequina mari ijiyere ihñano tire marine masigũ yere tiquiro. Sa yero tiquiro yaquiro Espiritu Santore mari mehna iji dutiri tiquiro. Mari mehna ijiro tiquirota marine Cohãcjũ yũhdũoatore masigũ yere.

<sup>23</sup> Yojoapũre poto yahutja mũsare. Poto yũhũ yahueragũ Cohãcjũ pehe mũsare poto yahuahro. Tiquirota yũhũ tũhotuyere masine. Mũsare tuhti dueragũ mũsa cahapũ wahaerũ. “Mũsare bũjũa wutigũ yeari”, nigũ mũsa cahapũre Corintopũre wahaerũ. <sup>24</sup> Sa yena “Mũsare dutina ijiaja usã”, nina niedaja. Cristore quehnoano wacũ tutua tuhasari mũsa. Sa yena “Ohõ saha Cristore wacũ tutuaro cahmene mũsare”, nina niedaja usã. Mũsare quehnoano bucuegũ ye duaja usã.

## 2

<sup>1</sup> Sa yegũ ohõ saha ni tũhotuu: “Pari turi tiquinare bũjũa wutigũ ye dueraja. Sa yegũ yojoapũre wahaeraja”, ni tũhotuu. <sup>2</sup> Mũsare bũjũa wutigũ ye dueraja. Mũsa bũjũa wutigũ ihñagũ yũhũ pehe mũsare bucueraboaga. Sa yena yũhũre bucuegũ yeatina ijieraboaga mũsa pehe. <sup>3</sup> Sa yegũ mũsa cahapũ wahaerũ. Sa wahaeragũ mũsare ihyo ojoaũ. Mũsa yũhũre bucuegũ yeatina ijiepenata yũhũre bũjũa wutigũ yeboaga mũsa, mũsa cahapũ yũhũ esagũ. Mũsa mehna yũhũ bucuegũ, mũsa gũhũ bucuenata. Tire masiaja yũhũ. Sa yegũ yojoapũre mũsa mehna bũjũa witi dueragũ wahaerũ mũsa cahapũ. <sup>4</sup> Pajiro tũhotugũ, ñano jeripohna tigu, tutuaro utigu mũsare ojoapegũta mũsare bũjũa wutigũ ye duerũ. Mũsare tutuaro yũhũ cahĩñene mũsare masigũ ye duagũ mũsare ojoaũ.

*Corinto* cjẽna mehna cjũno tiquiro ñano yerire bo dutiahye Pablo Jesu yequinare

<sup>5</sup> Ihcãquiro mũsa mehna cjũno yũhũre bũjũa wutigũ yeriquiro ijiri. Sa yeriquiro ijiepegũta mũsare tiquiro tutuaro bũjũa wutigũ yeriro saha yũhũ pehere pajiro bũjũa wutigũ yerari tiquiro. Tiquiro sa ñano yepegũta pajiro waro buhiri dahre duti dueraja. <sup>6</sup> Peyequina mũsa mehna cjẽna tiquirore buhiri dahre tuhasañohti. To punota buhiri dahre duhuro cahmene tiquirore. <sup>7</sup> Tiquirore mũsa buhiri dahreducugũ tutuaro bũjũa witiaboaga tiquiro. Sa yero Cristo yere duhuboaga. Sa yena tiquiro ñañe yerire boya mũsa. Tiquirore yedohoya tiquiro bucuegũ. <sup>8</sup> Sa yena tiquirore quehnoano yeya mũsa tiquirore mũsa cahĩñene tiquiro masigũ. Mũsa sa yegũ tutuaro cahmeaja yũhũ. <sup>9</sup> To pano mũsare ojoagũ “¿Potota yũhũre yũhtietari?” nigũ sa ni ojoaũ mũsare. Yũhũre mũsa yũhtigũ ihña duagũ mũsare sa ni ojoaũ. <sup>10-11</sup> Yojoapũre tiquiro ñañe yerire mũsa bogũ ihñagũ yũhũ gũhũ tire boutja. Yũhũre ñano yerahye tiquiro. Mũsa pehere ñano yeahye. Tiquiro sa ijiepegũta tiquiro ñañe yerire boaja yũhũ gũhũ. Mũsare quehnoano yedoho duagũ Cristo ihñonopũ tiquiro ñañe yerire boaja. Tire boaja Satana marine tiquiro yũhdũdũcaerati. Tiquiro marine ñañene yegũ cahmene. Tire quehnoano masiaja mari. Sa yena Jesu yequina tiquina ñañe yerire wacũducueraja mari, “Tiquinapũ Satana yere yeari”, nina.

*Troa wame tiri macapũ* ijiro Titore bocaeraro pajiro bũjũa witi tũhotuahye Pablo

<sup>12</sup> Sa yegũ Troa wame tiri macapũ esaũ Cristo yere buhegũ wahagũ. Topũ yũhũ ijigũ peyequina masa quehnoañe buheyere tuho duayequina ijiri. Mari pũhtoro tiquiro yedohoye mehna tiquiro yere yũhũ buheatiquina peyequina masa ijiri. <sup>13</sup> Sa ijiepegũta mari acayũrore Titore bocaeragũ pajiro bũjũa witi tũhotuu. Sa yegũ to cjẽnare cohe ti tuhasagũ Macedonia yehpapũ wahaũ.

*Cristo yedohoye mehna ñañene yeducueraja mari*

<sup>14</sup> Sa ye Cohãcjũ pehe marine ñañene yeragũ yere. Cristo yequina mari ijigũ ihñano marine ñañene yeragũ yere. Sa yegũ Cohãcjũre bucue, “Quehnoare”, niaja. Sa yena Cohãcjũ marine tiquiro dutigũ masina ijipihtiropũ Cristore masare masigũ yeaja mari. Sa tiquirore masiñe tiquina quehnoano tũhoture. <sup>15</sup> Cristo yequina ijina, Cohãcjũ pehere bucuegũ yeaja mari, ehme sitiye mari bucuero saha. Sa ye Cristo yequina mari ijiyere ihña masine apequina Cohãcjũ yũhdũoatiquina. Apequina tiquina ñañe buhiri pecapũ wahatiquina gũhũ Cristo yequina mari ijiyere ihña masine. <sup>16</sup> Cristo yequina mari ijigũ ihñañe, tiquina ñañe buhiri pecapũ wahatiquina pehe pecapũ tiquina wahatire masine. Cohãcjũ yũhdũoatiquina pehe marine Jesu yequinare ihñañe, ijipihtiye decori tiquiro mehna tiquina ijiatire masine. Sa ye Cristo ye ihyo ijiye buheye ijierare. Sa yero ahrire Cristo yere ihcãquiro esa tuharo buhe sohtori tiriquire ne mariedare. Cohãcjũ yedohoro mehnata tiquiro yere mari buhe masiaja. <sup>17</sup> Peyequina apequina Cohãcjũ yere buhemene niñerure wapata duaye. Ûsã pehe tiquina yero saha yeraja. Ni mehono marieno Cristo tutuaye mehna tiquiro yere buheaja usã. Cohãcjũ usãre cũgũ tiquiro ihñonopũ quehnoano buheaja usã.

### 3

*“Ohõ saha yeitja”, Cohãcjũ ni cũrire wahma buheyere yahuahye Pablo*

<sup>1</sup> ¿Pari turi usã ijiye tiyere musare yahuna nijari usã, musa tũhotugũ? Apequina musare tiquina buheato pano tiquina ijiye tiyere masi duana tiquina ojoari pũre cahme mũhtari musa. Ûsãre masi tuhasari musa. ¿Ûsãre masiepenata ti pũ borore cahmeajari musa? ¿O apequina cahapũ usã buhena wahana ti pũ borore usãre neno cahmeajari, musa tũhotugũ? <sup>2</sup> Ti pũ borore cahmedaja usã. Musa pehere ijipihtiyequina apequina ihñañe musare usã quehnoano buherire masieta. Musare usã buhegũ Cristo yequina iji dũcari musa. <sup>3</sup> Cristo yequina musa ijigũ ihñañe masa musare Cohãcjũ ye buheye warore usã queoro buherire masi tuhasare. Musare buhena Cohãcjũ yaquiro Espiritu Santo tiquiro yedohoye mehna buhei. Tiquiro Cohãcjũ catiriquire waro ijire. Ûsã sa buhegũ tũhona Cristore quehnoano cahmedi musa. Sa cahmena musa ijigũ apequina musare ihñañe Cristo yequina musa ijiyere quehnoano masine. Sa masiñe musare Cohãcjũ ye buheye warore usã queoro buherire masine masa.

<sup>4</sup> Ahrire ijipihtiyere tũhotuaja usã Cohãcjũre quehnoano wacũ tutuana. Cristo tiquiro yedohoye mehna sa wacũ tutuaducujaja mari. <sup>5-6</sup> “Ûsã esa tuharo ahri dahrayere yeaja usã”, ni masiedaja usã. Cohãcjũ tiquiro yedohoye mehna ye masiaja usã.

Yojopũre tiquiro yahuyere quehnoañe buheyere Cohãcjũ pehe quehnoano usãre buhe masigũ yere. Ahri buheye panopũ tiquiro dutiye tiquiro ojoari yero saha ijierare. Quehnoañe buheye pehere buheaja usã. Panopũ tiquiro dutirire mari esa tuharo ne ye masiedaja. Sa mari ye masiedari buhiri pecapũ wahaboya mari. Quehnoañe buheye pehere tũhona Cristore wacũ tutuaja. Sa yena ijipihtiye decori Cohãcjũ mehna ijinata mari. <sup>7</sup> Cohãcjũ tiquiro dutiyere utã pñinipũ ojoaro Moiserre cũahye. Tiquiro sa cũri bato tiquiro asi siteye bajuahye. Moise wũhdoã asi siteahye. Asi site yũhdũahye. Came ti asi siteye pihtia wahahye. Came ti asi siteye pihtia wahati ijiepegũta coã warore tiquiro wũhdoare masa ne ihñadoque ohõ masiedahye. Ti dutiyere masa tiquina ye pehoerari buhiri pecapũ wahatiquina ijiahye. Sa ye ti dutiye masare pecapũ waha dutiepetã, tutuaro asi siteye mehna iji dũcahye ti dutiye.

<sup>8</sup> Ti dutiye yũhdũoro quehnoañe buheye pehe quehnoa yũhdũare. Ahri buheyere apequinare mari buhegũ tiquina quehnoano tũhogũ Espiritu Santo tiquina mehna ijirota. Sa ye panopũ cjẽ dutiye yũhdũoro Cristo ye pehe quehnoa yũhdũare. <sup>9</sup> Cohãcjũ dutiye panopũ cjẽ masare pecapũ waha dutiahye. Sa dutieperota Cohãcjũ tutuaye mehna tiquiro asi siteye mehna iji dũcahye. Ti yũhdũoro quehnoañe buheye pehe Cohãcjũ tutuaye mehna ijire. Ti buheye mehna quehnoañequina wahare masa, Cohãcjũ ihñagũ. <sup>10</sup> Panopũ Cohãcjũ tiquiro dutiri pehe ihyo ijiye dutiye yero saha tojoã cãhre yojopũre

quehnoañe buheye mehna mari ihña piti cagũ. Quehnoañe buheye pehe quehnoa yũhdũare. Ti buheye mehna Ʃhmũserũ mari waha masiaja. <sup>11</sup> Panopũre tiquiro ye dutiye yoa cjũri pje asi siteye ijiducume, pihtia wahahye. Ti dutiye yũhdũoro quehnoañe buheye pehe quehnoa yũhdũare. Ti buheyere quehnoano tũhona, Cohãcjũ mehna sa ijiducunata.

<sup>12-13</sup> Mari sa ijiducuatire masina, cuero marieno quehnoañe buheyere quehnoano yahu peho cjã Ʃsã. Moise pehe Ʃsã yero saha ijierahye. “ ‘Cohãcjũ asi siteye pihtiro nine’, Israe masa ni ihñari”, nino, tiquiro wũhdoare cahmotahye Moise. Bũe tiro sa cahmotahye. Tiquiro yee tiriro saha bũe tieraja Ʃsã pehe. Sa yena cuero marieno tiquiro yere quehnoañe buheyere buheaja. <sup>14</sup> Ti pjeperũ cjẽna Israe masa pehe ne masieda tiahye. Yojope gũhũre Cohãcjũ yere panopũ tiquiro ojoari pũrine tiquina buheye, ne masiedare. Moise tiquiro wũhdoare cahmotagũ Cohãcjũ asi siteyere tiquina ihñadoque ohõedariro saha tiquina quehnoañe buheyere quehnoano masiedare. Cristore cahmedaye, masisi tiquina. Tiquirore tiquina wacũ tutuari bato, tiquiro yere masieta.

<sup>15</sup> Yojope gũhũre Israe masa Cohãcjũ dutiye Moiserẽ tiquiro cũrire buheye, tiquinare cahmotaro saha ne masiedare tiquina. <sup>16</sup> Mari pehe mari pũtorore cahmegũ tiquirota marine masigũ yere. Moise tiquiro wũhdoa cahmotariroro tiquiro ne cãboriro saha mari pũtoro marine tiquiro yere quehnoano masigũ yere. <sup>17</sup> “Mari pũtoro”, nigũ Espĩritu Santore nigũ niaja. Cohãcjũ yaquiro Espĩritu mari mehna tiquiro ijigũ pecapũ wahaborinare tiquiro yũhdũorina ijiaja. Sa yena “Panopũ cjẽ dutiye mehna mari yũhdũanata”, niedaja mari. Sa yena ti dutiyere duhuna, Espĩritu Santo ye dutiye pehere yeaja mari. <sup>18</sup> Sa yena Jesu yequina ijina, Cohãcjũ yere masiaja mari. Tiquina wũhdoa pacare cahmotamehneñequina yero saha Cristo tutuayere ihñona niaja mari. Sa yero mari pũtoro Espĩritu Santo marine quehnoañe pehere comesagũ yere. Tiquiro sa yegũ Cristo quehnoa yũhdũariquiro tiquiro ijiro saha wahana niaja mari.

#### 4

<sup>1</sup> Sa ye Cohãcjũ Ʃsãre paja ihñano, quehnoañe buheyere yahuanajare cũri Ʃsãre. Tiquiro sa cũgũ masina, tiquiro yere buhena caributieraja Ʃsã. <sup>2</sup> Tiquiro yere buhena ni meje cũ buheraja. Sa yena Ʃsã tire comesaeraja. Sijoro saha cjũnogã buhena bũoro yũhdũboaga. Sa yena tire buhe dueraja. Cohãcjũ ihñonopũ ijiaja Ʃsã. Sa yena quehnoañe buheyere quehnoano poto buheaja Ʃsã. Ʃsã sa buhegũ ihñañe tire quehnoano masine Ʃsãre ihñañequina waro. <sup>3</sup> Ʃsã buheyere quehnoañe buheyere buheaja Ʃsã. Ʃsã tire buhepegũta apequina ne tuho duerare. Sa tuhoeyequina pecapũ wahatiquina ijire. <sup>4</sup> Satana ñariquiro ahri yehpa cjẽna pũtoro tiquinare masiedagũ yere. Caperi bajueyequina tiquina ihña masiedaro saha masiedagũ yere tiquinare. Quehnoañe buheyere Cristo tutuayere tiquinare masiedagũ yere tiquiro. Cristo pehe Cohãcjũ ijiye tiyere marine masigũ yere. Tiquiro Cristo Cohãcjũ waro ijire. <sup>5</sup> Ʃsã buhena “Ʃsã pehere ño peoya”, ni buheraja. Ohõ saha ni buheaja Ʃsã: “Jesucristo pehe ijire mari pũtoro”, ni buheaja Ʃsã. Ʃsã pehe Jesure yahtina ijiaja Ʃsã. Sa yena mũsare yedohoaja Ʃsã. <sup>6</sup> Panopũ ohõ saha niahye Cohãcjũ: “Nahitianopũre buhrioro ijiya”, ni, dutiahye tiquiro. Yojope tiquirota ijire marine tiquiro tutuayere masigũ yeriquiro. Buhrioro marine ti ihñagũ yero saha, tiquiro tutuayere marine masigũ yere. Cristo Cohãcjũ tutuayere marine masigũ yere.

#### *Cristo tutuaye mehna mari ijiaja*

<sup>7</sup> Sa masina ijina, tiquiro tutuayere apequinare masigũ yeaja. Sa yena ijiepenata tutueraja Ʃsã. Dihi sutu duita wahtiro ti butiro saha Ʃsã gũhũ tutueraja. Sa ijiepenata Cohãcjũ tutuayere apequinare buheaja Ʃsã. Ʃsã sa tutuerapenata tire buheaja Ʃsã. Ʃsã sa buhegũ ihñañe Ʃsãre “Tiquina esa tuharo ahri buheyere masiedare. Cohãcjũ pehe tiquinare masigũ yere”, ni masieta apequina Ʃsãre. <sup>8</sup> Ijipihtiyequina apequina Ʃsãre ñano yepeta Cohãcjũ Ʃsãre tiquiro yedohogũ tiquina Ʃsãre yũhdũdũcaerare. Sa yena Ʃsã caributiepenata, Cohãcjũ yere ne yahu duhueraja. <sup>9</sup> Ʃsãre tiquina ñano yeducuepegũta

Cohãcjũ usãre sa yedohoducure. Usãre tiquina quẽdoque cũ mũaepẽgũta tiquiro yedohoye mehna yarieraja usã. <sup>10</sup> Tiquina wejẽatina ijinata niaja usã, Cristo ahri yehpapũ tiquiro ñano yũhdũriro saha. Tiquina wejẽatina ijiducuna niaja usã Cristo catiducugũ yeriquiro tiquiro ijiyere masa tiquina masiato saha. Usã sa ñano yũhdũgũ ihñañe tire masieta masa.

<sup>11</sup> Sa ye decoripe usãre apequina wejẽno cuarĩne Cristo yequina usã ijiri buhiri. Ohõ sahata ñano yũhdũaja usã Cristo catiducugũ yeriquiro tiquiro ijiyere apequina tiquina masiato saha. Usã pagũri came yariaa waharota. Usã sa wahatina ijiepenata Cristore catiducugũ yeriquirore masigũ yeaja usã apequinare. <sup>12</sup> Sa ye mũsare usã buheri buhiri usã pehere apequina wejẽno cuarĩne. Usã buheyere mũsa tũhori bato ijipihtiye decori Cohãcjũ mehna ijiatina ijire mũsa.

<sup>13</sup> Cohãcjũ yere tiquina ojoari pũpũ ohõ saha nine: “Cohãcjũre wacũ tutuagũ, tiquiro yere buhei”, ni ojoahye panopũ cjũno. Usã gũhũ sata yeaja. Cohãcjũre wacũ tutuana, tiquiro yere buheaja. <sup>14</sup> Ahri yũhũ niati gũhũre quehnoano masiaja usã: Cristo yariari bato Cohãcjũ tiquirore masoahye. Sa yero Cristo yequina mari ijigũ ihñaño tiquiro mari gũhũre masonota. Tiquiro sa masori bato tiquiro cahapũ neanota marine. <sup>15</sup> Sa yena mũsare yedoho duana, ñano yũhdũaja usã. Sa yena Cristo yequina mũsa peyequina wahana, peyequina mũsa Cohãcjũre bucueye mehna ño peonata. Tiquirore “Quehnoare”, ninata.

<sup>16</sup> Mũsa sa wahagũ ihñana, usã ñano yũhdũepenata bujũa witieraja. Sa yena Cristo yere buhe duhueraja. Usã pagũ tutuaye decoripe pihti cãno nine. Usã tutuaye sa pihti cãepẽgũta quehnoano jeri sajãja usã. <sup>17</sup> Yojopũre ñano yũhdũepenata ñano yũhdũ dojoeraja. Ti mari ñano yũhdũye pihtia waharota. Sa yena marine mehenogã ñano yũhdũro cahmene. Sa mari ñano yũhdũrina ijina, camerũre tutuaro bucueye mehna ijiducunata Cohãcjũ mehna. Sa yena mari ñano yũhdũri yũhdũoro pajiro bucueye mehna ijiducunata. <sup>18</sup> Mari ihñari ahba pihtia waharota. Mari ihñedari pehe sa ijiducurota. Sa yena mari ihñarire wacũducueraja. Mari ihñedari pehere Cohãcjũ yere sa wacũducuaja mari. Sa yena camerũ mari quehnoano ijiatire bucueaja.

## 5

<sup>1</sup> Wũhũre tiquiro cohãboriro saha came mari pagũri pehe butia waharota. Sa yero wahma wũhũre tiquiro yeboriro saha Cohãcjũ wahma pagũrire yerota. Sa yero ti pagũrire marine ohorota. Ti pagũri masa tiquina yeri pagũri ijierare. Sa yena uhmũsepũ sa ijiducunata ti pagũri mehna. Tire mari masiaja. <sup>2</sup> Sa yena ti pagũrire uhmũse cjẽ pagũrire tutuaro cahmena, mari sa cohteducuna niaja. <sup>3</sup> Suhtirore tutuaro mari saña duaro saha ti pagũrire tutuaro cahmeaja mari. Sata cohteaja mari pagũri mariena iji duerana. <sup>4</sup> Yojopũre ahri pagũrire cohã duerapenata wahma pagũri pehere tutuaro cohteaja mari. Yojopũre mari pagũrire cohã duerapenata ijipihtiye decori Cohãcjũ mehna mari ijiatire tutuaro cahmeaja mari. Sa yena ahri mari pagũri yariati pagũri ti ijigũ masina, wahma pagũri mehna Cohãcjũ mehna sa ijiducu duaja mari. <sup>5</sup> Mari sa ijiducuatire quehnoahye Cohãcjũ pehe. Sa quehnono tiquiro yaquiro Espĩritu Santore ohori marine. Sa yero tiquiro yaquiro Espĩritu Santo mari mehna ijero, marine Cohãcjũ tiquiro yeatire “Poto tjire”, nino, marine masigũ yere tiquiro.

<sup>6</sup> Sa yena Cohãcjũre wacũ tutuaducuaja mari. Cuero marieno ijiaja mari. Ahri mari iji mũhtari pagũpũ ijina, mari pũhoro mehna ijieraniaja. <sup>7</sup> Uhmũse cjẽne Cohãcjũ gũhũre mari ihñedapenata “Ti potota ijire”, ni tũhotuaja mari. Sa yena tiquirore wacũ tutuaja mari. <sup>8</sup> Sa yena mari cueraja. Mari pagũrire ahri yehpapũ cohãna mari pũhoro mehna uhmũsepũ ijiducunata mari. Sa yero mari yariagũ quehnoanota marine. <sup>9</sup> Sa yena Cristore bucuegũ ye duaja mari. Ahri yehpa cjã pagũ mehna ijinina tiquirore bucuegũ ye duaja. Uhmũsepũ gũhũre tiquirore bucuegũ ye duaja. <sup>10</sup> Ijipihtina Cristo cahapũ mari wahagũ ihñaño tiquiro mari yerire ihñaño marine beserota. Ñano mari yerire masinota tiquiro. Sa masino marine tiquiro ohoborire marine ohosi tiquiro.

Quehnoañene mari yeri gũhure masinota. Sa masino bucuero marine quehnoano yerota. Tiquiro sa masidiquiro ijigũ ihñana tiquirore bucuegũ ye duaja mari.

*Cohãcjũre* mari ihña tuhtigũ ihñano Cristo pehe marine bosare

<sup>11</sup> Sa yena cua pesaro mehna Cristore ño peoro cahmene marine. Tire masina, Cristo yere masigũ yeaja usã masare. Tiquinare cuesãna, tiquirore wacũ tutuagũ ye duaja usã tiquinare. Quehnoano mehna tire usã buherire Cohãcjũ quehnoano masine. Usã sa buherire m̄sa gũhure quehnoano masigũ cahmeaja yũhũ. <sup>12</sup> Pari turi quehnoana usã ijiye tiyere m̄sare yahuna niedaja. “Apequinare yũhdũdũcaja”, niñequinare m̄sa yahuati pehere quehnoano mehna usã buherire yahuna niaja usã m̄sare. Tiquina pehe tiquina wacũñerũ ñañequina ni mehoñequina ijiepetata masa tiquina ihñono dihita quehnoañequina yero saha ye ihñomene. Sa yena usã mehna m̄sa bucueati pehere ahri ijipihtiyere m̄sare yahu ojoana niaja. “Pablo gũhũ usãre quehnoano mehna buhere”, usãre apequinare m̄sa ni cahmotati pehere ahri ijipihtiyere m̄sare yahu ojoana niaja. <sup>13</sup> ¿Usã ohõ saha ni yahuna tuho masiena ijiajari usã, m̄sa tuhutugũ? Masa usãre ihñañe, tuho masieñequina yero saha ihñare usãre. Cohãcjũ yere usã yegũ ihñañe sa ihñaboaga usãre. Sa tiquina ihñanohrina ijiepenata sa ijina ijieraja m̄sare yedoho nemonata tana.

<sup>14</sup> Cristo marine tiquiro cahĩgũ ihñana m̄sare sa yedohoaja. Tiquiro sa cahĩgũ ihñana tiquiro yere sa yahuducuaaja usã. Ihcãquirola Cristo ijipihtina mari ñañe buhirire yariari jiri. Tiquiro sa yariari bato mari pehe ijipihtina mari ñañe buhirire yariariquina yero saha ijiaja. Tiquiro buhiri dahre tuhasariquina yero saha ijiaja. Cristo tiquiro yariari mehna marine tiquiro buhiri dahre tuhasariquina yero saha ihñanota Cohãcjũ. <sup>15</sup> Ijipihtina mari ñañe buhiri yariari jiri Cristo tiquiro ye dihitare mari yeato saha. Sa yero tiquiro cahmeñe pehere marine ye dutiro yariari jiri tiquiro. Mari ye ijiatire yariario, masa m̄jari jiri. <sup>16</sup> Sa yena yojopũre usã esa tuharo masare “Quehnoañequina ijire. Ñañequina ijire”, ni ihñedaja usã. Panopũ usã esa tuharo yee timi. Sa yena Cristore masiedũ. Yojopũre Espiritu Santo yedohoye mehna tiquirore quehnoano masi tuhasaja. <sup>17</sup> Sa yena Cristo yequina wahana quehnoañe pehere yena wahaja mari. Panopũ mari esa tuharo mari yemedire duhu cjã mari. Yojopũre quehnoañe pehere comesana tire yeaja mari.

<sup>18</sup> Cohãcjũ pehe marine quehnoañe pehere comesagũ yeri. Cohãcjũre ihña tuhtina mari ijigũ ihñano Cristo pehe mari ñañene cohãri. Sa cohãno mari ihña tuhtiyere duhugũ yeri tiquiro. Sa yegũ yeri Cohãcjũ Cristore. Sa yero usãre tiquiro yere buhe dutiro cũri. Sa buhena, apequinare Cohãcjũ mehna tiquina ihña tuhtirire duhugũ yeaja usã gũhũ. <sup>19</sup> Ohõ saha masare yahu dutiri Cohãcjũ usãre: “Cristore mari wacũ tutuagũ ihñano mari ñañe buhirire buhiri dahrerare Cohãcjũ marine. Sa yero marine ihña tuhtiriquiro ijieperota tiquiro marine tiquiro yequina ijigũ yere”, ni yahu dutiri Cohãcjũ usãre. <sup>20</sup> Sa yena Cristo yere buheanaja tiquiro cũrina ijiaja usã. Cohãcjũ m̄sare tiquiro yahuboriro saha usã pehe ohõ saha ni m̄sare yahuaja: Cristore yahu basana niaja. Sa yena m̄sare ihña tuhtieragũ yeaja. Cohãcjũre m̄sa ihña tuhtiyere to punota duhuya. <sup>21</sup> Cristo tiquiro ñañene yerapegũta Cohãcjũ pehe tiquirore mari ñañe buhirire yaria dutiahye. Sa yero mari ñañe buhirire buhiri dahreahye Cohãcjũ tiquiro pehere. Sa yero Cristo yequina mari wahagũ Cohãcjũ yero saha quehnoana marine ijigũ yere tiquiro.

## 6

<sup>1</sup> Cohãcjũre yedohona ijiaja usã. Sa yena ahrire tutuaro m̄sare ye dutiaja usã. Cohãcjũ yere quehnoañe buheyere m̄sa tuhoriro sahata yeya m̄sa. M̄sa tuhoriro sahata m̄sa yeragũ ti m̄sa tuhori dũhseati ijierare. <sup>2</sup> Ohõ saha nine Cohãcjũ:

M̄sare yũhũ quehnoano yeati pjere m̄sa siniñene tuho yũhtiitja. Sa yegũ m̄sare yũhũ yũhdũoati decore m̄sare yedohoutja, nine tiquiro.

Tũhoya m̄sa. Yojopũre Cohãcjũ m̄sare tiquiro quehnoano yeati pje ijire. Yojopũre Cohãcjũ m̄sare tiquiro yũhdũoati deco ijire.



<sup>3</sup> Ne mehenogã apequnare ñano yeraja usã. Apequnare ne ñano ni yahuducueraja, “Quehnoañe buheye pehere cahmedari”, nina. <sup>4</sup> Sa yena Cohãcjũ cahacjãna usã ijiyere musare masigũ ye duaja. Sa yena ohõ saha ijiaja usã: Ñano yũhdũna, apee borore cœoerana sa tuhutu cjã. Usãre tiquina ñano yepegũta usuaro marieno ijiaja. <sup>5</sup> Ohõ saha ñano yũhdũ usã: Masa usãre quẽgũ, peresu tiquina yegũ, peyequina masa usãre wejẽ duagũ tiquina sañuducugũ ñano yũhdũ usã. Usã tutuaro dahra wahyia yũhdũna, wũjua purĩpegũta carĩedana, wũjua ahbana ñano yũhdũ. <sup>6</sup> Numia mehna ñano yeru. Sa yena Cohãcjũ yere quehnoano masiñe mehna buhei musare. Sa yena ne usueru usã. Sa yena quehnoano cahĩne mehna yei usã musare. Sa yena Cohãcjũ cahacjãna usã ijiyere musare masigũ yena nii usã. Espĩritu Santo tiquiro yedohoye mehna Cohãcjũ cahacjãna usã ijiyere masigũ yena nii musare. Sa yena poto musare usã cahĩgũ ihñana, tiquiro cahacjãna usã ijiyere masine musa. <sup>7</sup> Sa yena quehnoañe buheyere musare poto usã buhegũ ihñana, Cohãcjũ tutuaye mehna usã yegũ ihñana tiquiro cahacjãna usã ijiyere masine musa. Quehnoañe pehe ijipihtiyere usã yeri usã wamoa yero saha ijire quehnoano usã cahmotati pehe. Tire quehnoañene yena watĩnore usã cahmotana niaja. Sa yena ti quehnoañene usã yeri mehna tiquirore usã yũhdũdũcaja.

<sup>8</sup> Apequna usãre ño peore. Apequna pehe usãre ño peoerare. Apequna ñano ni yahuducure usãre. Apequna pehe quehnoano ni yahuducure usãre. Poto usã buhepegũta “Ni mehoñequina ijire”, ni yahusãre apequna usãre. <sup>9</sup> Apequna usãre ihña masiñequina yero saha yere. Ihquẽ tahari usãre masiñequina yero saha yere. Usãre tiquina wejẽ duepegũta catiniaja usã. Ihñaña usãre. Ijirota ijire. Tiquina wejẽ dutinohrina ijiepenata, yarieraniaja usã. <sup>10</sup> Usã ihquẽ tahari wũjua witina ijiepenata, sa bucueducaja. Pejecœona ijiepenata apequnare quehnoañe buheyere buhena tiquinare pajiro doeri cjẽne usã ohoboro saha yena niaja tiquinare. Apee boro cœoena ijiepenata, potota Cohãcjũ ye pehere cœo peho cjã usã.

<sup>11</sup> Ne Corinto cjãna yũhu acaye, musare quehnoano mehna yahu peho ojoau usã musare. Musare tutuaro cahĩna, sa yahuu musare. <sup>12</sup> Usã pehe musare cahĩ duhueraja. Musã pehe usãre cahĩeda cjũre. <sup>13</sup> Sa yegũ pohna tigũ yũhu pohnare yũhu yahuboro saha musare yahutja: Musare usã tuhoturiro sahata musã gũhũ sata quehnoano tuhutuya usãre. Sa yena usãre cahĩña musã.

#### *Cristore cahmeeñequinare piti ti dutierahye Pablo*

<sup>14</sup> Sa yena Cristore cahmeeñequina mehna sa piti tiducueracãhña. Tiquina mehna cjãna ijieracãhña. Ihcãno saha ijierare musã. Quehnoañene yeriquiro ñañene yeriquiro mehna quehnoano iji masiedare. Cohãcjũre cahmeeñequina Cohãcjũre cahmeeñequina mehna quehnoano cahme piti ti masiedare. <sup>15</sup> Sa yero Cristo watĩno mehna ihcãno saha tuhoturere. Sa yero Cristo yaquiro, Cristore cahmeediquiro mehna quehnoano cahme piti ti masiedare. <sup>16</sup> Cohãcjũ wũhũpũ “Cohãcjũ ijire”, tiquina niñe queoyere mari cœogũ ñarĩne. Ti wũhũpũ ti queoyere mari cũgũ quehnoaedare. Ti yero sahata Cristo yequina Cristore cahmeeñequina mehna mari piti tiducugũ gũhũre ñarĩne. Ti cururi pũa curua ihcãno mehna iji masiedare. Cohãcjũ catiriquiro tiquiro ya wũhũ yero saha ijiaja mari. Ti wũhũpũ tiquiro ijiro saha mari mehna ijire tiquiro. Ohõ saha nine Cohãcjũ: Tiquina mehna ijigũtja yũhũ. Sa yegũ tiquina watoa sa ijiducugũtja. Yũhũ Cohãcjũ tiquina pũhto ijigũtja. Sa ye tiquina pehe yeequina masa ijieta, nine tiquiro.

<sup>17</sup> Sa yero ohõ saha ni nemore tiquiro mari pũhtoro: Ñañequina mehna tojoeracãhña. Sa yena tiquinare piti tieracãhña. Cristore cahmeeñequinare tiquina ñañene ne piheracãhña. Sa yegũ yũhũ pehe musare piti tigũtja. <sup>18</sup> Sa yegũ musã Pacũ ijigũtja. Musã pehe yũhũ pohna ijinata, nine Cohãcjũ mari pũhtoro tutua yũhdũariquiro.

## 7

<sup>1</sup> Yũhũ acaye, yũhũ cahĩna, musare ahrire yahutja: Ahri ijipihtiyere Cohãcjũ tiquiro sa ni yahugũ tuhona ijipihtiyere mari ñañene yeyere duhuuhna. Sa yena mari ñañene

wacũñe gũhure duhuuhna. Sa yena Cohãcjũre quehnoano ño peoye mehna ñano yero marieno ijiihna mari.

*Pablo bucueye mehna yahuahye Corinto cjẽnare*

<sup>2</sup> Quehnoano mehna ijyia m̄sa usã mehna. Ne mehenogã mehna ñano yeru usã m̄sare. Sa yena usã buheye mehna m̄sare ñano yegũ yeru usã. Ne ihcãquiroy m̄sa mehna cjãnore ni mehoñe mehna wapa cahmedu. <sup>3</sup> Sa nigu “Usãre wapa yerari. Sa yena buhiri tina ijire m̄sa”, nigu niedaja m̄sare. M̄sare yahu tuhasau. M̄sare cahãaja usã. Catinina ihcã curuata ijiaja mari. Mari yariari batoru gũhure ihcã curuata ijinata mari. <sup>4</sup> Quehnoano m̄sa yerire masiaja yũhũ. Sa yegu m̄sare wacũdoqueogu bucueaja. Sa yena usã ñano yũhdũri watoa m̄sa pehe yũhure pajiro bucuegũ yeri.

<sup>5</sup> Sa ye Macedonia yehparu usã esari bato toru ijina, ne soeru usã. Torure ñano yũhdũu usã. Apequina usã mehna cahmeque duari. Sa yena “Cristo yere duhuari”, nina Cristo yequina pehere cuesã nii usã. <sup>6</sup> Usã sa ñano yũhdũepẽgũta Cohãcjũ usãre bucuegũ yeri. Tiquiro bũja witiyequinare bucuegũ yeriquiro ijire. Sa yero Tito usã caharu tiquiro wihiro mehna usãre bucuegũ yeri Cohãcjũ. <sup>7</sup> Tito wihigũ ihñana bucuei. Ahri gũhure bucuei. M̄sare tiquiro quti yahugũ gũhure tutuaro bucuei usã. Yũhure m̄sa ihña duarire yahuri usãre. Yũhure m̄sa wacũe ti bũja witi gũhure yahuri tiquiro. Tiquiro sa ni yahugũ tũhogu tutuaro bucuei yũhũ.

<sup>8</sup> To pano yũhũ ojoari pũ mehna m̄sare bũja witi gũ yemi. Sa yerigu ijiepegũta bũja witi eraja yũhũ pehe. Ti pũre m̄sa buheri bato bũja witiñohti m̄sa. Sa yena mehenogã bũja witi, duhuñohti m̄sa. Sa yegu coã oja mũhtagu bũja witipegũta yojopure bũja witi eraja. <sup>9</sup> Yojopu pũritare bucueaja yũhũ. M̄sa bũja witi gũ tũhogu bucueraja. Sa ijiepegũta sa bũja witi na, quehnoañe pehere comesañohti m̄sa. Sa yero m̄sa bũja witi gũ ihñano, Cohãcjũ pehe m̄sare quehnoañene comesagũ yere. Sa yena m̄sare bũja witi gũ yena, ñano ye dojomehnena niedu usã m̄sare. <sup>10</sup> Sa yena Cohãcjũ tiquiro cahmeno saha bũja witi na, mari ñañene bũja witi na. Quehnoañe pehere comesanata. Sata mari bũja witi gũ ihñano marine pecaru wahaborinare yũhdũore Cohãcjũ. Mari sa bũja witi gũ quehnoañene marine. Cristore cahmeeñequina pehe tiquina ñañene bũja witi erapeta, sa bũja witi maca cã, pecaru wahatiquina ijinine.

<sup>11</sup> M̄sa pehe Cohãcjũ tiquiro cahmeno saha bũja witiñohti. M̄sa sa bũja witi na ohõ saha yeñohti m̄sa: Yojopure ñañene yeyequinare sa ihña cãdañohti m̄sa. Tiquinare duhu dutiñohti m̄sa. Sa yena tiquina ñañe yeyere cueñohti m̄sa “Tiquina yero saha yeari”, nina. Sa yena yũhure ihña duañohti m̄sa. Sa yena ñañene yeriquirore buhiri dahre duañohti m̄sa. Ti ijipitiyere m̄sa yena yojopure poto yena m̄sa ijyere masigũ yeri m̄sa usãre. <sup>12</sup> Panopu ñano yeriquirore m̄sare yahu ojoapegũta tiquirore yedohogu tagu sa ni yahu ojoaeru. Tiquiro ñano yenohriquiroy gũhure yedohogu tagu sa ni ojoaeru. M̄sa pehere yedohogu tagu ti pũre ojoau. Usãre quehnoano ño peore m̄sa. Tire m̄sa ño peore quehnoano m̄sa masiatire ti pũre ojoau m̄sare. Cohãcjũ tire m̄sare masigũ cahmene. <sup>13</sup> Sa yena Tito m̄sa yerire tiquiro quti yahugũ tũhona tutuaro bucuei usã.

Tito gũhũ tutuaro bucueri. Tiquirore m̄sa quehnoano mehna m̄sa piti cagũ tũhona, m̄sa mehna tiquiro bucuerire tũhona usã gũhũ quehnoano bucuei. <sup>14</sup> Coã waropu m̄sa caharu tiquiro wahato pano m̄sa mehna yũhũ bucuerire, quehnoana m̄sa ijirire yahuu tiquirore. Sa yena yũhũ nidiro sahata quehnoano yeñohti m̄sa tiquirore. Sa yegu tiquirore yũhũ nidire bue tieraja. M̄sare poto sa yahuducuaaja usã. Ohõ saha Tito gũhure poto usã yahuu m̄sare tiquiro ihñariro saha. <sup>15</sup> M̄sa caharu tiquiro esagũ ño peoye mehna tiquirore piti cañohti m̄sa. Sa yena quehnoano yũhtina yũhdũducaro mariena m̄sa ijigũ ihñañohti tiquiro. Sa yero m̄sare cahĩ nemore tiquiro. <sup>16</sup> Yojopure quehnoano yũhtina, Cohãcjũ cahmeno saha m̄sa quehnoano ye pehona m̄sa ijigũ quehnoano masiaja yũhũ. Sa masigu tutuaro bucueaja.

## 8

*Cristo yequina ijina, pejecuoyequinare sa oho cãno cahmene marine*

<sup>1</sup> Ûsã acaye, ahri yũhũ yahuatire mûsare masigũ cahmeaja usã. Cristo yequina Macedonia yehpa cjẽna Cohãcjũ cahĩne mehna tiquiro paja ihñañe mehna tiquina yerire mûsare yahutja. <sup>2</sup> Tiquina ñano yũhdæepeta, niñeru marieñequina ijiepetata cahĩno marieno sa oho cãhri pejecuoyequinare Jesu yequinare. Cristo mehna tutuaro bucueyequina ijiye, tiquina Judea yehpa cjẽnare quehnoano mehna tiquina cuoyere sa oho cãhri. <sup>3</sup> Mûsare niita niaja. Tiquina cuoro puno ohori. Ijierare. Bui cjũnogã ohori. Ûsã sini basaerapegũta pejecuoyequinare ohori tiquina. <sup>4</sup> Cohãcjũ yequinare pejecuoyequinare tutuaro yedoho duaye, tiquinare tiquina ohoatire nea dutiri usãre. <sup>5</sup> “Ohõ puno ohoeta”, tiquinare usã ni tuhoturiro bui cjũnogã ohori tiquina. Ohõ saha yeri tiquina: Coã warore niñerure tiquina ohoato pano mari pũhtoro Cristo cahmeno saha ye pehori jiri tiquina. Sa ye Cohãcjũ cahmeno saha usã gũhũre ño peoye mehna yũhtiri jiri. Sa yeyequina ijiye tiquina niñerure ohori.

<sup>6</sup> Tiquina sa oho tuhasagũ ihñana Titore usã pehe ohõ saha nii: “Corinto cjẽnare mũhũ buhe dũcariro sahata quehnoano mehna pejecuoyequinare tiquina ohoatire buhe pehoya”, nii usã tiquirore. Mûsa gũhũ apequinare paja ihñana, mûsa yedohoatire sa nii tiquirore. <sup>7</sup> Sa yena mûsa pehe ijipihiyere quehnoano yena iji tuhasare: Cristore potota quehnoano wacũ tutuare mûsa. Sa yena tiquiro yere quehnoano yahure mûsa. Sa yena Cohãcjũ yere quehnoano masine mûsa. Sa yena Cohãcjũ cahmeno saha tutuaro ye duare mûsa. Sa yena usãre cahĩne mûsa. Ohõ saha quehnoano yena iji tuhasare mûsa. Mûsa sa quehnoana ijiepegũta mehenogã dũhsare mûsare. Pejecuoyequina pũritare mûsa paja ihñagũ cahmeaja usã. Sa yena cahĩno marieno tiquinare quehnoano mehna mûsa pajiro ohogũ cahmeaja usã.

<sup>8</sup> Sa nigũ mûsare dutigũ niedaja. Sa ni yahuguta niaja mûsare. Apequina pejecuoyequinare tiquina tutuaro yedohore mûsare yahugũ niaja. “¿Potota paja ihñana ijijari mûsa?” ni, masi duagũ niaja. <sup>9</sup> Mari pũhtoro Jesucristo pehe marine tiquiro paja ihñarire masine mûsa. Ti ijirota ijire. Tiquiro uhmũserũ pajiro cuoriquiro ijieperota ahri yehparũ ahtarõ pejecuoriquiro wahahye. Sa yero mari ye ijiatire yariaro pejecuoriquiro wahahye. Ohõ saha wahahye tiquiro mari pehe tiquiro yere pajiro mari cuoatire, tiquiro mehna mari sa ijiducuatire.

<sup>10</sup> Mûsare sa yahuguta niaja. Ohõ saha tuhotuaja yũhũ pehe: Ihcã cũhma wahare mûsa oho duagũ. Mûsa pehe pejecuoyequinare oho dua mũhtamedi. Sa yena tiquinare oho mũhtaborina ijimedi mûsa. <sup>11</sup> Sa yena mûsa ye duariro saha yojopũre sohtori tiya. Mûsa oho dua mũhtariro saha yojopũre quehnoano oho pehoya. Sa yena pajiro cuona ijina pajiro ohoya. Mehenogã cuona ijina mehenogã ohoya. <sup>12</sup> Tutuaro mûsa oho duagũ tire mûsa ohore Cohãcjũ bucuerota. Sa yena noho mûsa cuoro puno ohoya. Mûsa ohoro punota bucuerota Cohãcjũ. “Pejecuoyequinare mûsa cuoye yũhdũoro ohoya”, mûsare nino niedare Cohãcjũ.

<sup>13</sup> “Pejecuoyequinare ohoya”, nigũ tiquinare pajiro cuo dutigũ niedaja. Sa yegũ mûsa pehere pejecuoro ye dueraja. <sup>14</sup> Mûsare ihcãno saha cuo dutigũ sa nigũ niaja. Yojopũre mûsa pehe pajiro cuore. Sa cuona apee boro marieñequinare oho masine mûsa. Came mûsare apee boro mariedagũ tiquina gũhũ oho masine mûsare. Mûsa sa cahme ohona ihcãno saha cuonata ijipihitina Cristo yequina. <sup>15</sup> Ohõ saha nine Cohãcjũ yere tiquina ojoari pũrũ: “Pajiro nediquiro gũhũ apequina bui cjũnogã cuoerari. Mehenogã nediquiro gũhũre ne mehenogã dũhsaerari”, nine Cohãcjũ yere tiquina ojoari pũrũ.

*Tito tiquiro mehna cjẽna mehna Corintopũ wahahye*

<sup>16</sup> Sa ye mûsare yũhũ yedohoriro sahata Tito gũhũ mûsare yedoho duare. Cohãcjũ pehe tiquiro yedoho duagũ yeri tiquirore. Tiquiro sa yegũ ihñagũ “Quehnoare”, niaja Cohãcjũre. <sup>17</sup> Titore mûsa caharũ usã waha dutigũ tiquiro quehnoano mehna yũhtiri.

Sa yero tiquirore usã waha dutiatio pano tiquiro basita m̄sa cahap̄ tutuaro waha duariquiro iji tuhasari.

<sup>18</sup> Tiquirore apequiro Jesu yaquiro mehna piti dahrei usã tiquirore. Tito mehna c̄j̄n̄ore ijipihtiyequina apequina Jesu yequina quehnoano ño peore. Quehnoañe buheyere tiquiro quehnoano yahuriquiro ijigũ ihñañe tiquirore quehnoano ño peore. <sup>19</sup> Sa ye Jesu yequina tiquirore cahmene usã mehna tiquiro tinino wahagũ. Tiquina ye niñerure pejec̄oyequina cahap̄ usã neagũ usã mehna wahatiquirore cahmene tiquirore. Sa ye ti niñerure usã ohogũ ihñañe “Marine yedohoriquiro ijire”, nieta masa Cohãcj̄re. Usã sa ohona, tiquinare tutuaro mari yedoho duarire masigũ yenata tiquinare. <sup>20</sup> Sa yena ahri niñerure, pajiro Jesu yequina tiquina ohorire neana, quehnoano ihña ihbonata tiquina ohorire, “Usãre yahusãri”, nina. <sup>21</sup> Mari p̄htoro tiquiro ihñonop̄ queoro, quehnoano ye duaja usã. Sa yena masa tiquina ihñono gũh̄re queoro ye duaja.

<sup>22</sup> Sa yena tana apequirore mari acaȳore ohonatja Tito gũh̄ mehna. Usã piti dahreriquirore peye tahari apequinare tiquiro quehnoano yedohogũ ihñañ usã. Sa yero yojop̄re m̄sa pehe apequinare m̄sa yedoho duagũ ihñano to pano tiquiro yeriro ȳhd̄oro quehnoano m̄sare yedoho duare. <sup>23</sup> Tito pehere m̄sare yahutja. Tiquiro ȳh̄ mehna c̄j̄no ijire. M̄sare ȳh̄ yedohogũ tiquiro ȳh̄ mehna dahrariquiro ijire. Apequina tiquiro mehna wahatiquina Jesu yequina tiquina bese ohoriquina ijire. Cristo yere tiquina yere, apequina tiquirore ño peoatire. <sup>24</sup> Sa yena cahño mehna quehnoano mehna tiquinare piti caya m̄sa. M̄sa sa yegũ ihñañe apequina Jesu yequina quehnoañequina pehe m̄sa cahñene masieta. “Quehnoano piti caeta Corinto c̄j̄na”, ni yahu tuhasā apequinare. M̄sa sa quehnoano piti cagũ ihñañe tiquina usã yahuri pota ijigũ masieta apequina Jesu yequina.

## 9

### *Jesu yequinare pejec̄oyequinare tiquina ohoatire yahuahye Pablo*

<sup>1</sup> Sa yena Cohãcj̄ yequinare m̄sa yedohoatire m̄sa ohoatire masi tuhasare m̄sa. <sup>2</sup> Apequinare m̄sa yedoho duagũ masiaja ȳh̄. Sa masigũ Macedonia yehpa c̄j̄n̄are ohõ saha ni yahuu: “Corinto c̄j̄na Jesu yequina pehe apequinare yedoho dua tuhasari. Ihcã c̄h̄ma ȳhd̄are tiquina yedoho duari”, ni yahu tuhasā tiquinare. M̄sa sa yedoho duagũ tahoye peyequina tiquina gũh̄ pejec̄oyequinare yedoho duari. <sup>3</sup> M̄sare sa ni yahugũ yojop̄re ahriquinare mari acayere m̄sa cahap̄ ohogũ tagũ niaja, ȳh̄ yahuriro saha m̄sa yeato. Sa yegũ pejec̄oyequinare m̄sa ohoatire m̄sa cahmecoa c̄oyuatire ahriquinare ohogũ niaja. <sup>4</sup> Tiquinare ohoeragũ Macedonia yehpa c̄j̄na mehna m̄sa cahap̄ esagũ, m̄sa ohoatire m̄sa c̄oeragũ ihñagũ b̄e tisãboaga ȳh̄ m̄sare. “Pejec̄oyequinare ohoeta”, m̄sare ȳh̄ ni tahoturi bato m̄sa ohoeragũ ihñagũ b̄e tisãboaga ȳh̄. M̄sa gũh̄ buoro ȳhd̄boaga. <sup>5</sup> Sa yegũ m̄sa cahap̄re ȳh̄ esato pano tiquinare mari acayere oho m̄htagũ niaja. “Pejec̄oyequinare ohonatja”, to pano m̄sa nidire m̄sa c̄oyuatire tiquinare oho m̄htagũ niaja. M̄sa ohoatire m̄sa cahmecoagũ tiquina pehe m̄sare yahueta. M̄sa ohoatire m̄sa c̄oyu tuhasagũ bucueye mehna m̄sa oho duari ijigũ masiitja.

<sup>6</sup> Sa yena ahrire wacũña m̄sa: Meheñe p̄jerigã oteriquiro meheñe pacagã nenota. Peye p̄jeri oteriquiro peye paca nenota. (Ohõ saha ijire pejec̄oyequinare mari ohogũ. Mehenogã mari ohogũ, Cohãcj̄ mehenogã ohorota marine. Pajiro mari ohogũ, pajiro marine ohorota.) <sup>7</sup> Sa yena ihquẽquina m̄sa “Ohõ puno ohonatja”, ni ohoya. Cahño marieno ohoya. “Marine oho dutiri”, nino marieno ohoya. Bucueye mehna ohoyequinare cahñe Cohãcj̄. <sup>8</sup> Tiquiro pehe m̄sa cahmeno ȳhd̄oro m̄sare ohorota. Sa yena ijipihtiye m̄sa cahmemedire d̄hsaro marieno c̄o pehonata. Sa yero apequinare m̄sa ohogũ gũh̄re quehnoano esa tuharota m̄sa c̄oye. <sup>9</sup> Sata nine Cohãcj̄ yere tiquina ojoari p̄p̄:

Pejecɔoyequinare pajiho ohore tiquiro. Quehnoano mehna masare sa yeducure tiquiro, nine tiquiro yere tiquina ojoari pūrɔ.

<sup>10</sup> Sa yero oteye dɔca tiri bato oteriquiro tiquiro oteati capere ohore Cohācjū. Came tiquiro oterire dɔca tigū yere tiquiro ihyatire. Pejecɔoyequinare mɔsa pajiho ohogū oteriquirore tiquiro ohoriro saha mɔsa gūhure pajiho ohorota Cohācjū. Sata mɔsare ohorota pejecɔoyequinare mɔsa oho nemoatire. <sup>11</sup> Sata ijire. Pajiho ohorota mɔsare apequinare pajiho mɔsa sa ohoducuatire. Sa ye mɔsa oho dutirire pejecɔoyequinare ɔsā ohogū peyequina tiquina pehe Cohācjūre bucueye mehna “Quehnoare”, nieta. <sup>12</sup> Sa yena pejecɔoyequinare Cohācjū yequinare ohona, tiquinare yedohore mɔsa. Sa yedohona bucueye mehna Cohācjūre “Quehnoare”, tiquina nigū yenata mɔsa. <sup>13</sup> Sa mɔsa apequinare yedohogū ihñañe, Cohācjūre ño peoye mehna yahuducuetā masa. Sa ye tiquinare apequina gūhure pajiho mɔsa ohogū ihñañe Cohācjūre “Quehnoa yūhdugū ijire mūhū”, nieta masa. Ohō saha nieta Cristo buheye quehnoañe buheye ti nidiro sahata mɔsa yegū ihñañe, tiquinare mɔsa ohogū ihñañe. <sup>14</sup> Sa ye Cohācjū mɔsare tiquiro paja ihñano sahata mɔsa gūhū tiquinare mɔsa paja ihñagū tiquina pehe mɔsare cahmeeta. Sa cahmeñe mɔsare sini basaeta Cohācjūre. <sup>15</sup> Cohācjū marine quehnoa yūhdɔaro yerota. Tiquiro sa yeatire masina “Quehnoa yūhdɔare”, niihna mari tiquirore.

## 10

### *Jesu cūriquiho tiquiro ijire yeha yahuahye Pablo*

<sup>1</sup> Yojoorɔ yūhū Pablo, mɔsare yahutja. Ihquēquina mɔsa mehna cjēna ohō saha nine yūhure: “Mari mehna ijire apequinare yūhdɔdɔca dueriquiro, ihyo ijiriquiro yero saha ijire. Sa ijieperota ape sierɔ ijire marine cuero marieno tuhti ojoadoqueore”, nine mɔsa ihquēquina yūhure. Cristo pehe ne usueriquiro, masare quehnoano yeriquiro ijire. Tiquiro yero saha yūhū gūhū iji duaja. <sup>2</sup> Sa yegū mɔsare ahrire tutuaro mehna yahutja: Mɔsa caharɔ yūhū esagū quehnoano yeya mɔsa “Pablo ɔsāre tuhtiari”, nina. Ihquēquina yūhure ohō saha nine: “Tiquiro esa tuharo, Cohācjū dutiro marieno yere”, nine yūhure ihquēquina. Sa niñequina pūrɔtare tuhtiboaga yūhū.

<sup>3</sup> ɔsā gūhū ahri yehpa cjānata ijina niaja. Sa ijiepenata ahri yehpa cjēna tiquina esa tuharo tiquina yero saha yeraja ɔsā. <sup>4</sup> Surara cahme wejē tiquina yūhdɔdɔcariro saha ɔsā pehe ñañene yūhdɔdɔca duaja. Ti ñañene ye dueraja. ɔsā sa yegū ɔsā wamoa ahri yehpa cjēna tiquina wamoa yero saha ijierare. Surara tiquina wamoare tiquina ɔoro saha ɔsā pehe Cohācjū tutuayere ɔoaja. Ti tutuaye mehna Cohācjūre cahme dutieyequinare cohāja ɔsā. Masa tiquina esa tuharo tiquina masiñene ti dūhseati ti ijieragū masigū yeaja ɔsā ti tutuaye mehna. <sup>5</sup> Sa yena ijipihtiequina tiquina esa tuharo tūhotuequinare Cohācjūre tiquina masi dutierarire duhugū yeaja ɔsā. Sa yena ti tutuaye mehna Cohācjūre cahmeeñequinare Cristore quehnoano yūhtiequina tiquina ijigū yeaja ɔsā. Cristo cahmeno saha tiquinare tūhotugū yeaja ɔsā. <sup>6</sup> Sa yena apequina mɔsa mehna cjēna Cristore tiquina yūhdɔdɔcagū ihñana tiquinare buhiri dahrenatja ɔsā. Mɔsa pehe mɔsa quehnoano yūhtiri bato Cristore yūhdɔdɔcayequinare sa buhiri dahreatinata injinata mɔsa.

<sup>7</sup> Yūhū pagū dihitare masine mɔsa. Yūhū ijire tiye pehere ne masiedare mɔsa. “Cristo yequina ijiaja”, nina ijina, ohō saha masiñā mɔsa: ɔsā gūhū mɔsa yero saha Cristo yequinata ijiaja. <sup>8</sup> “Mari pūhtoro ye buheyere quehnoañe buheyere buhe dutiro, cūri ɔsāre”, nigū peye tahari mɔsare sa ni yahuepegūta bue tieraja yūhū. ɔsāre sa buhe dutiro mɔsare yedohoanajare cūri ɔsāre. Mɔsare dojomehneanajare cūno niedari ɔsāre. <sup>9</sup> Ohō saha poto ni yahuaja mɔsare “Cueari”, nigū. Ahri yūhū ojoari pūre ihñana mɔsa ihñā mariagū cahmedaja. <sup>10</sup> Ihquēquina mɔsa mehna cjēna ohō saha nine: “Pablo ojoaro dusero purīniquiro yero saha ojoa mūjare marine. Sa ijiriquiro ijieperota mari mehna ijire ne sa ijiaga niediquiro ijire. Pejecɔoriho yero saha ijire. Sa yero marine tiquiro yahuducueye dūhseati ijierare”, nine ihquēquina. <sup>11</sup> Sa niñequinare ohō saha ni yahutja:



Musare usã ojoa ohoriro sahata yahumatja musare musa cahapũ ijina. Sa yena “Ohõ saha yenata”, usã ni ojoariro sahata yenatja usã, musa cahapũ ijina.

<sup>12</sup> Ihquẽquina musa mehna cjẽna “Quehnoano masi pehona ijiaja”, ni yahuducure tiquina basi. Yohou, quehnoa yũhdũaro masiñequina ijiajari tiquina sa ni yahuducuye. Usã pehe tiquina yero saha ne sa nisi. Tiquina basi cahme ihña piti ca “Mari pehe quehnoa yũhdũducana ijiaja”, nine tiquina basi. Sa ni maca cãñe nine tiquina basi. <sup>13</sup> Usã pehe tiquina yero saha yesi. Cohãcjũ usãre buhe duti tiquiro cũri dihitarẽ yahuaja usã pehe musare. Apequina ye dahrayere “Yei”, nina niedaja. Cohãcjũ musare buhe dutiro usãre cũri. <sup>14</sup> Ohõ saha nina, ni mehona niedaja usã. Quehnoañe buheyere Cristo yere musare buhe muhtana esau usã. <sup>15</sup> Sa yena apequina ye dahrayere “Usã pehe tire yei”, ne niedaja usã. Sa yena Cristore musa wacũ tutua nemogũ cahmeaja usã. Sa cahmena musare buhe nemo duaja usã. Sa buhena Cohãcjũ tiquiro cũriro punota buhe duaja musare. <sup>16</sup> Sa yena musa ya yehpa yũhdũropũ quehnoañe buheyere yahuna wahanatja. Sa wahana apequina tiquina buheri bato esana, “Usã buhei”, nisi usã.

<sup>17</sup> Mari yerire “Usãta yeaja”, niedaro cahmene. Mari pũhtoro Jesu tiquiro yeri pehere ihñana bucuero cahmene. Ti pehere apequinare yahuro cahmene. <sup>18</sup> Masa tiquina basi “Usã pehe yei”, tiquina nigũ bucuere Cohãcjũ. Mari pũhtoro Cristo “Ahriquina quehnoano yeri”, tiquiro ninohriquina pehere bucuere Cohãcjũ.

## 11

*“Jesu cũrina ijiaja usã”, ni mehoñequinare yahuahye Pablo*

<sup>1</sup> Yũhũ ijiye tiyere yahugũ tũho masiegũ yero saha yahugũ niaja. Yũhũ ijiye tiyere yahugũ mehenogã bæ tiaja. Sa yahurigũ yũhũ ijiepegũta yũhũre tũhorĩña musa yojopũre. <sup>2</sup> Cohãcjũ musare tiquiro cahĩno saha tutuaro cahĩaja yũhũ gũhũ musare. Sa yegũ musare cuesãja yũhũ “Ñañene yeari”, nigũ. Nuhmino omoca dũhteaticoro mũno mehna ijericoro quehnoaricoro ticoro ijero saha quehnoana musa ijigũ tutuaro cahmeaja, Cristo dihitarẽ musare cahme dutigũ. Sa yegũ Cristo cahapũ musa wahagũ ñañe mariena musa ijigũ cahmeaja.

<sup>3</sup> Apequina ñañequina musare ni mehoñe, sijoro saha ijiye buheyere cahmegũ yeboaga musare. Pinono Evare ni mehono tiquiro masiñe mehna ticorore Cohãcjũre yũhdũducagũ yehye panopũre. Tiquiro sa yeriro sahata yojopũre ñañequina musare ni mehoñe, Cristore musare quehnoano ño peoeragũ yeboaga. Sa yegũ musare cuesãja. <sup>4</sup> “Ohõ saha ijiriquiro ijire Jesu”, tiquina esa tuharo sijoro saha ni meho buhepegũta tũhomene musa. Musare usã buheriro saha ijierapegũta musare ni meho buheyequinare tũhomene musa. Sa yena “Ohõ saha ijiriquiro ijire Espĩritu Santo”, tiquina esa tuharo sijoro saha ni meho buhepegũta tũhomene musa. Usã musare buheriquiro Espĩritu Santo waro ijire. Tiquiro pehere queoro tiquina yahuerapegũta musare ni meho buheyequinare tũhomene musa. Tiquina sijoro saha ijiye buheyere tiquina ni meho buhegũ quehnoañe buheyere tiquina buherapegũta tire tũhomene musa.

<sup>5</sup> Musã mehna cjẽna “Jesu cũrina ijiaja”, nimediquina yũhũre masi yũhdũdũcaerare. Tiquinare docadũcaeraja yũhũ. <sup>6</sup> Quehnoano yahu mihnigũ ijieraboaga yũhũ. Quehnoano yahu mihniedapegũta Cohãcjũ yere quehnoano masiaja. Yũhũ sa masiñene peye tahari musare quehnoano masigũ yei.

<sup>7</sup> Quehnoañe buheyere Cohãcjũ yere musare buhegũ ne wapa cahmedũ. Musare yedoho duagũ wapa cahmedũ. Ihyo ijiriquiro yero saha ijii yũhũ. ¿Yũhũ sa wapa cahmedagũ quehnoaedajari, musa tũhotugũ? <sup>8</sup> Musare yũhũ buhegũ apeye macari cjẽna Jesu yequina yũhũre niñerure ohori. Tiquina sa ohogũ ti niñerure ñehei sinino marieno musare buhegũ tagũ. Musã pehe yũhũre musa ohoborire tiquina pehe yũhũre ohori. <sup>9</sup> Musã mehna ijigũ apee boro yũhũre dũhsaepẽgũta musare niñerure ne siniedũ. Mari acaye Macedonia yehpa cjẽna Jesu yequina ijipihtiye yũhũ cahmedire ne wihiri yũhũre. Panopũre musare ne cariboerũ yũhũ. Camerũ gũhũre musare ne caribosi. <sup>10</sup> Cristo potota tiquiro yahuriro sahata yũhũ gũhũ yojopũre musare potota yahugũ niaja.

Ijipihtiro Acaya yehpapu ijiyequinare ahri musare yuhu siniedarire sa yahuducugutja.  
<sup>11</sup> ¿Musare yuhu siniedarire apequinare yuhu sa yahuducugū tūhona, dūhse tūhotuajari mūsa? ¿“Pablo sa yahuro ūsāre cahīedarō niaga”, ni tūhotuboagari mūsa? Ijierare. Mū sare cahīaja. Mū sare yuhu cahīgū Cohācjū masine.

<sup>12</sup> Wapa cahmeno marieno musare yuhu buhe dūcariro sahata sohtori tiitja. Yuhu buheri wapa yuhu wapa negū ihñañe tiquina “Jesu cūrīna ijiaja”, ni mehoñequina ohō saha niboaga: “Pablo quehnoañe buheyere buhero, wapa cahmene. Sa yena ūsā gūhū tiquiro yero sahata yematja”, niboaga tiquina wapa cahmeñe. <sup>13</sup> Tiquina potota Jesu cūrīquina waro ijierare. Tiquinare ne cūedari tiquiro. “Jesu cūrīna ijiaja”, ni mehoñe, ūsā yero saha ijimene. <sup>14</sup> Tiquina sa ni mehoñequina ijigū masi tuhasaja yuhu. Satana gūhū quehnoariquiro yero saha comesa mūjare. Tiquiro angel asi siteriquiro yero saha iji duaro comesamene. <sup>15</sup> Tiquiro sa yeriquiro ijigū masigū, Satanare yedohoyequina “Jesu cūrīna ijiaja”, ni mehoñequina Cohācjūre yedohoyequina yero saha tiquina comesagū ihñagū, ni mehoñequina tiquina ijigū masi tuhasaja yuhu. Yojoপুরে tiquina sa comesaepēgūta pihtiri deco ijigū ijipihtiyē tiquina ñano yeri buhirire buhiri dahrerota Cohācjū tiquinare.

#### *Tiquiro ñano yūhdūrire yahuahye Pablo*

<sup>16</sup> Pari turi ahrire musare yahutja. Ne “Tūho masieniquiro ijire”, yūhūre niedacāhñā. Yūhū sa ni dutierapēgūta yūhūre mūsa sa ni tūhotugū quehnoanota yūhūre. “Tūho masieniquiro ijire”, yūhūre ni tūhotuepenata tūhorīñā mūsa yūhūre. Mehenogā yūhū ijiye tiyere yūhū yahugū tūhoya mūsa. <sup>17</sup> Mū sare sa yahugū tūho masiegū yero saha yei niaja. Yūhū ijiye tiyere yahugū mehenogā bue tiaja. Mari pūhtoro Jesu yūhūre “Mūhū basi mūhū ijiye tiyere yahuya”, niedare yūhūre. <sup>18</sup> Tiquiro sa niedapēgūta ahrire yahutja mū sare. Tiquina esa tuharo “Quehnoana ijiaja”, niñequina tiquina ijigū ihñagū yūhū gūhū yūhū ijiye tiyere mū sare yahutja. <sup>19</sup> Mūsa pehe tūho masieñequinare tūhona bucueye mehna ihñare mūsa tiquinare. Quehnoa yūhdūaro masina ijiajari mūsa pehe sa tūhona. <sup>20</sup> Mū sare cahacjāna tiquina yegū, mūsa yere tiquina ehmagū, sa ihñā cāhre mūsa. Sa yena mū sare tiquina doca cūgū, mūsa wahsupurire tiquina quēgū sa tūhotu cāhre mūsa. <sup>21</sup> Quehnoa yūhdūaro yeajari mū sare tiquina. Ūsā pehe tiquina yero saha yūhdūdūcaeraja.

Sa yena tiquina yero saha yeraja. Tiquina yero saha ijierapēgūta tiquina “Ohō saha ijina ijiaja”, tiquina nigū tūhogū yūhū gūhū sata ni yahuboaga. Pari turi bue tiepēgūta ohō saha ni yahutja mū sare tja. <sup>22</sup> Tiquina “Hebreo masa ijiaja”, nine apequinare masi yūhdūdūca duaye. Hebreo masūta ijiaja yūhū gūhū. “Israe masa mari Pacū tiquiro beserina ijiaja”, nine tiquina pehe. Tiquina yero saha tiquiro beserigū ijimaja yūhū gūhū. “Abrahā panamena iji turiana ijiaja”, nine tiquina tja apequinare masi yūhdūdūca duaye. Tiquina yero saha Abrahā panami iji turiagūta ijimaja yūhū gūhū. <sup>23</sup> “Cristo cahacjāna ijiaja”, nine tiquina pehe. Yūhū gūhū Cristo cahacjūta ijiaja. Tiquina yūhdūoro Cristo yere quehnoano yeaja yūhū. Yohou, sa nigū tūho masieniquiro yero saha yahuducugū niaja. Sa yahuducugū mehenogā bue tiaja yūhū. Tiquina yūhdūoro tutuaro dahraū yūhū Cristo yere yegū. Peyē tahari tiquina yūhdūoro Cristo yaquiro yūhū ijiri buhiri peresu yeri apequina yūhūre. Tiquina yūhdūoro peyē tahari tanari yūhūre masa. Tiquina yūhdūoro Cristo yaquiro yūhū ijiri buhiri masa yūhūre wejē duamedī. Sa yegū mehenogā yūhdūū variaborigū. <sup>24</sup> Ihcā omope tahari judio masa yūhūre ñehedi. Yūhūre tiquina ñehēpe tahari treinta y nueve tahari yūhūre tanari. <sup>25</sup> Ihtia taha apequina yūhūre ñehedi. Sa ñehēñe tiquina pūrīta yūhūre ñano yucūri mehna quēdi. Ape taha yūhūre apequina ūtā paca mehna doqueri. Ihtia taha yucūsa mehna ūtāpū doque quehe sa, minii. Sa yegū ihcā deco, ihcā ñami taboa pji bui pajiri ma decorūre ba pahsaū. <sup>26</sup> Peyē tahari macarīpūre buhe tinigū esaū. Yūhū sa buhe tinigū cua yūhdūari yūhūre. Yūhūre minino cua yūhdūari. Yūhūre apequina yaquero cua yūhdūari. Ya dihta cjēna judio masa, judio masa ijieyequina gūhū yūhūre ñano yero cua yūhdūari. Macarīpū, masa

marienopu, pajiri mapu gũhure yũhure yariaro cua yũhduari. “Mũhu mehna cjãna ijiaja”, ni mehoñequina gũhu yũhure ñano yero cua yũhduari. <sup>27</sup> Cristo yere yegu tutuaro dahrae tii. Sa dahragu ñano wahyie tii. Pe ye tahari yũhure wũjua ñano puriepegũta sa dahraducue tii. Ñano wũjua ahbae tii. Sa yegu ñano aco wũoe tiru. Pe ye tahari ihyaye bocaera tii. Yũhu suhti sañaboye gũhu ne marieda tiri yũhure. Sa yero yũhure yũsua yũhdue tiru.

<sup>28</sup> Sa ñano yũhduepegũta decoripe ijipihtiequina apequina Cristo yequinare, mũsa gũhure pajiro wacũ tuhutuaja. <sup>29</sup> Sa yegu ihcãquiro Cristo yaquiro tiquiro sa iji cãriquiro ijigũ ihñagu bũjua witiaja. Apequina Cristo yaquirore ñano ye dutiboaga. Tiquina sa yegũ ihñagu Cristo yaquirore cuesãgu, tiquina ñañequina mehna usuaja.

<sup>30</sup> Yahu duerapegũta yũhu ijiye tiyere yahugu tagu, yũhu esa tuharo tutuegu yũhu ijiye tiyere mũsare bucueye mehna yahuaja. <sup>31</sup> Cohãcjũ mari pũhtoro Jesu pacuro decoripe mari ño peotiquiro tiquirota mũsare yũhu ni mehoedagũ masine. Ahrire mũsare poto yahutja. <sup>32</sup> Damasco wame tiri macapu yũhu ijigũ ihñano, ihcãquiro pũhtoro yũhure ñehe duamedi. Ijipihtiequina masa pũhtoro Areta wame tiri quiro doca ijiri quiro pũhtoro pũrita yũhure ñehe duamedi. Sa ñehe duaro ti maca cjã sahrĩno sopecaharipe surarare cohte dutimedi. <sup>33</sup> Tiquina sa cohteri watoata yũhu mehna cjãna pajiri pũhdupu yũhure duhu sã, ti sahrĩno cjã sopecahagãpu yũhure duhu dijiori. Ti sahrĩno behero peheru yũhure duhu dijiori. Tiquina sa duhu dijiori bato duhti cãa waha.

## 12

### *Pablo Cristo tiquiro ihñorire yahuahye*

<sup>1</sup> Yũhu ijiye tiyere bucueye mehna yũhu yahugũ dũhseati ijierare. Sa ni yahugu mehenogã bue tiepegũta yahu nemoutja mũsare. Mari pũhtoro Jesu yũhure tiquiro ihñorire tiquiro masigũ yerire yahutja mũsare. <sup>2</sup> Ohõ saha ihño dũcari tiquiro yũhure: Catorce cahmari waro wahare yũhure Cristo yaquirore uhmũsepũ tiquiro ne mũjari bato. Uhmũsepũ ñahpicoha buipũ yũhure ne mũjari. Yũhu jeripohna dihitare tiquiro negũ masiedaja yũhu. O yũhu pagu gũhure tiquiro negũ masiedaja. Cohãcjũ dihita tire masine. <sup>3-4</sup> Sa yero paraíso wame tiropũ ne mũjari yũhure. Yũhu jeripohna dihitare tiquiro negũ masiedaja yũhu. O yũhu pagu gũhure tiquiro negũ masiedaja. Cohãcjũ dihita tire masine. Tiquiro sa ne mũjagũ esagu topure tiquiro yahurire tuhõ. Ti yũhu tuhõre masa ne masiedare. Tiquiro yahurire yahu dutierare.

<sup>5</sup> Ohõ saha yũhure tiquiro ihñorire mũsare yahugu, “Yũhu ihcũta apequinare yũhdũdũcaja”, ni boaga yũhu. Sa niedaja yũhu. Yũhu esa tuharo masiegu yũhu ijiyere, yũhu tutuegu yũhu ijiyere bucuegu mũsare yahutja. Ti dihitare bucuegu mũsare yahutja. <sup>6</sup> “Apequinare yũhdũdũcaja”, mũsare ni yũhu yahu duagũ yũhu nidi potota ijiboaga. Sa yegu sa ni yahugu tuho masiegu ijieraboaga yũhu. Sa ijierapegũta “Ohõ saha apequinare yũhdũdũcaja”, ni yahusi yũhu mũsare, “Cua pesa yũhduaro yũhure ihñari”, nigũ. Yũhure ihña masina ño peore mũsa. Mũsa ño peoepẽgũta ti yũhdũoro yũhure mũsa ño peogũ cahmedaja.

<sup>7</sup> Cristo quehnoa yũhdũayere uhmũsere yũhure tiquiro ihñogũ ihñarigu ijigu, “Apequinare yũhdũdũcaja”, ni boaga yũhu pehe. Sa yũhu niedatire Satana yũhu pagure tiquiro duti dahregũ ihñano “Quehnoanota”, nidi Cohãcjũ. Yũhure duti dahreri Satana yũhure ñano wahagũ yero. Ahri dohatiye pota sajãno purĩno saha yũhure purine. <sup>8</sup> Ohõ yũhu dohatiyere yũhure yũhdũo dutigu sinie timi Cristore mari pũhtoro. Ihtia taha sinimi. <sup>9</sup> Ohõ saha ni yũhtie tiri yũhure tiquiro: “Ohõ mũhu dohatiye pũritare mũhure yũhdũosi yũhu. Sa mũhure yũhdũoerapegũta mũhure cahĩaja. Yũhu cahĩne mehna quehnoano ijiita mũhu. Dohatigu tutuegu ijigu yũhu tutuayere quehnoano ihñogũta mũhu. Tutuayequina yũhdũoro mũhu pehe yũhu tutuayere masare masigũ yeita mũhu”, ni yũhtie tiri tiquiro yũhure. Tiquiro sa nigũ tuhõgu tutuegu yũhu ijirire masigũ

bucueaja. Sa yegu tutuegu yuhu ijyere musare bucueye mehna yahutja. Ohõ saha ni yahutja Cristo tiquiro tutuaye pehere musare yuhu quehnoano masigũ yeatire.

<sup>10</sup> Sa yegu Cristo yaquiro yuhu ijiri buhiri yuhure puriepegũta bucueaja. Apequina ñano yuhure tiquina yahu wajaepẽgũta, ña yuhduaro yuhduẽpegũta bucueaja. Yuhure tiquina ñano yeducuepegũta yuhure bujua witigũ tiquina yepegũta bucueaja yuhu. Sa ñano yuhduẽpegũta Cristo tutuaye mehna ihcãno sahaja, tiquirore wacũ tutuagu. Sa yegu bucueaja.

*Corinto* cjenare Cristo yequinare pajiro bujua witi tuhohuahye Pablo

<sup>11</sup> Yuhu ijyere tiyere yahugu mehenogã bue tiaja yuhu. Yuhu sa yahuepegũta ti musa ye buhiri ijire. Musa pehe yuhu ijyere tiyere apequinare quehnoano yahuboaga. Yuhu esa tuharo ijigu dũhseacjũ ijieraboaga yuhu. Sa ijiborigu ijiepegũta “Jesu cũrina, masi pehona ijiaja”, ni mehoñequinare docadũcaeraja yuhu. <sup>12</sup> Potota ñano yuhduẽrigũ ijiepegũta Cohãcjũ tutuaye mehna ye ihñomi musare. Sa ihñogu Jesu cũrigũ yuhu ijyere ihñogu nimi musare. <sup>13</sup> Apeye macari cjenare Jesu yequinare musa gũhure ihcãno saha yee timi yuhu. Sa yepegũta musa pehere sijoro saha cjũnogã yemi. Musa dihitare cariboerami. Musa dihitare apee boro gũhure siniedami. ¿Yuhu sa siniedagũ ñaniajari, musa tuhohugũ? Ti ñañe ijigũ ti ñañene boya musa yuhure.

<sup>14</sup> Ahri yuhu yahuatire tuhoya musa. Pua taha musa cahapu yuhu esari bato pari turi waha duaja tja. Topu esagu musare caribosi yuhu. Apee borore sinisi yuhu musare. Musa yere cahmedaja. Cristo ye pehere musa yuhtigũ cahmeaja yuhu. Masa pohne pehe tiquina pacusũmũare tiquina cahmeñene ohoerare. Tiquina pacusũmũa pehe tiquina pohne cahmeñe pehere ohore. Ohõ saha musa yuhu pohna yero saha ijina yuhu cahmeñe pehere ohosi musa. <sup>15</sup> Sa yegu yuhu pũrita yuhu cũoye pehere oho duaja musare yedohogu tagu. Musa cahacjũno yero saha iji duaja musare yedohogu tagu. Musa pehere yuhu tutuaro cahiepegũta yuhu pehere musa mehenogã cahĩne, yuhu tuhohugũ.

<sup>16</sup> Sa yegu musa mehna ijigu musare cariboeru. ¿Sata ijyari yuhu, musa tuhohugũ? Yuhu sa ijiepegũta ihquẽquina musa mehna cjẽna ohõ saha niboaga: “Pablo apee borore marine ne duaro ni mehoñe marine”, niboaga. <sup>17</sup> ¿Musa sa nidiro saha yerigu ijigu, dũhse tire yeari yuhu, musa ihñagũ? ¿Musa cahapu yuhu ohoriquina yabe borore yuhure ni meho ehma basari tiquina musare, musa ihñagũ? Ni meho ehmedari jiri. <sup>18</sup> Sohõ ijiri pjepe musa cahapu Titore waha duti tuhasau tiquirore. Sa yegu apequirore Cristo yaquirore tiquiro mehna piti dahre ohou. ¿Tito apee borore musare ni meho ehmari, musa ihñagũ? Ni meho ehmedari jiri. Tiquiro yuhu yero saha Cohãcjũ cahmeno saha yeriquiro ijire. ¿Sa yero yuhu yero saha yerari tiquiro, musa ihñagũ? Yuhu yero saha yeri jiri.

<sup>19</sup> “Ñano yeraja usã”, ni cahmotana niedaja usã. Cristo yequina ijiaja. Sa yena Cohãcjũ tiquiro ihñonopũ musare yahuna niaja. Yuhu acaye, yuhu cahĩna, musare yahuu musa pehere yedoho duana. Musare yahuna, usã pehere musare cahmegũ yena niedu. <sup>20</sup> Topu yuhu esagũ yuhu cahmeno saha yerapena ijiboaga musa. Sa yegu musare tutuaro cuesãja. Sa yegu musa cahmeno saha yerigu ijieraboaga yuhu gũhu, topu esagu. Sijoro saha musa yegũ ihñagu yahutja musare. Topu yuhu esagũ musa pehe cahme dũse tini wiana, apee boro tiquina cũogũ ihña coona, duita usuana, musa esa tuharo apequinare yuhduũca duana, apequinare ñano yahuducuna, ñano quiti yena, “Apequinare masi yuhduũcaja”, nina, musa cahmecoanore dojomehnena ijiboaga musa. “Tire yeari”, nigũ cuesãja yuhu musare. <sup>21</sup> Topu yuhu esagũ yuhure musare bue tisãgũ yeboaga Cohãcjũ. Sa yegu ijipihtiyequinare panopũ ñano yeyequinare, tiquina ñañene bujua witiyequinare ihñagu, tutuaro bujua witiitja yuhu. Numia mehna ñano yeyequinare, mũna mehna ñano yeye numiare, wũana tiyequinare, ñañene tutuaro cahmeñequinare ihñagu bujua witiitja yuhu.

## 13

*Pablo yahu bato tiahye*

<sup>1</sup> Yojoþure msa cahap wahagu ihtia taha esagutja topre. Pa taha topre esa tuhasa. Sa yegu msare ahrire yahutja. Oh saha nine Cohcj yere tiquina ojoari pp: “Ihcquiore mari buhiri dahreato pano ihtiaro tiquiore yahusno cahmene. Ihtiaro mariedag paro tiquiore yahusno cahmene. Tiquina sa yahusri bato buhiri dahre masiaja mari”, nine Cohcj yere tiquina ojoari pp. <sup>2</sup> Panopre ñano yerina msa ijig msare, ijipihtiyequina apequina ghre pari turi ahrire cuaro mehna yahutja. Ihc taha msa cahap pari turi esagu msare ahrire yahuu. Yojoþure msa mehna ijieragu pari turi msare ahrire yahutja: Yojoþure msa cahapre esagu, ñano yeyequinare potota buhiri dahregutja yh. <sup>3</sup> Sa yeitja Cristo yh mehna tiquiore buherire msa ihno dutig. Cristo pehe msare dutiriquiro tutua yhdariquiro ijire. Sa yero tiquiore tutuayere ihore msare. <sup>4</sup> Mari yero saha pag tiro, tiquiore tutueriquiro ijire, curusap yariahye. Sa yarieperota Cohcj tutuaye mehna catiriquiro ijire tiquiore yojoþure. Tiquiro curusap ijire tiquiore tutuerariro saha us gh tutuena ijiaja. Sa yena us esa tuharo msare yedoho masiedaboaga. Sa yena Cohcj tutuaye mehna ijinata msare yedohona tana.

<sup>5</sup> Sa ye msa pehe msa basi oh saha ni tuhotuya. “¿Potota Cristore wac tutuajari yh?” ni tuhotuya msa. ¿Potota Cristo msa mehna cjno ijiajari? Tiquiro ijierag tiquiore yequina waro ijierare msa. Tiquiro yequina ijierana ni mehona ijire msa. <sup>6</sup> Us pehe “Jesu yequina ijiaja”, ni mehona ijieraja. Tiquiro yequina waro ijiaja us. Tire msa masig cahmeaja yh. <sup>7</sup> Sa yegu msa ñano yeratire Cohcjre sini basaja msare. Sata sini basaja us msa quehnoañene msa yeatire. Msa sa yeg ihana us oh saha ni boaga: “Us pehe tiquinare quehnoañequina wahag yei us”, ni boaga us apequinare usre ño peo dutina. Sa ño peo dutieraja us. Sa yena Cohcjre sini basana, msa ye ijiatire sini basana niaja. Apequina usre “Ni mehoñequina ijire”, tiquina niepegta quehnoañene msa yeg pritare cahme yhdaja us. <sup>8</sup> Ijipihtiye msa quehnoañene yeg cahmeaja us. Cohcj yere quehnoañene dojomehne masiedaja us. <sup>9</sup> “Cristo cahmeñene yeaja us”, ni ihno masiedana, tutueyequina yero saha ijiboaga us, msa ihag. Quehnoanota. Quehnoañene yena msa pehe tutuana ijire. Msa sa ijig ihana tutueyequina yero saha us ijiepenata bucueaja. Sa yena quehnoana msa wahatire Cohcjre sini basana niaja us msare. <sup>10</sup> Sa yegu msa mehna ijieragu msare ahri pre ojoayugu niaja. Msa cahap esagu, msa ñano yerina ijig ihagu msare buhiri dahreitja. Cristo yhre tiquiore dutiriro sahata msare buhiri dahreitja. Yh sa buhiri dahreratire ahri pre msare ojoayugu niaja. Cristo yhre tiquiore dutiriro sahata msare yedohoacj ijiaja. Msare dojomehneacj ijieraja.

<sup>11</sup> Yojoþure, yh acaye, msare quehnoa dutiaja. Cristore wac tutua nemoña. Sa yena quehnoana ijiaja. Msare yh yahurire quehnoano tuho nnña. Msa mehna cjna mehna ihcno mehna ijiaja. Msa basi quehnoano mehna ijiaja. Msa sa ijig ihano msa mehna Cohcj ijirota. Tiquiro marine cahme cahig yeriquiro, marine quehnoano mehna ijig yeriquiro ijire. <sup>12</sup> Sa yena msa mehna cjnare quehnoano bucueye mehna piti caya. <sup>13</sup> Ijipihtiyequina oh cjna Cohcj yequina msare quehnoa dutire.

<sup>14</sup> Mari phtoro Jesucristo mehna msare ijipihtinare quehnoa dutiaja. Sa yegu Cohcj mari Pac tiquiore cahne mehna ijipihtina msare quehnoa dutiaja. Sa yero Espritu Santo ijipihtina msa mehna quehnoano ijire.



## Gálatas

*Galacia wame tiri yehpa* cjênare Jesu yequinare ojoa ohoahye Pablo

<sup>1</sup> Yũhũ Pablo, Cristo yere buhe duti tiquiro cūrigũ ijiaja. Masa cūrigũ ijieraja yũhũ. Masa pehe yũhũre buhe dutiye cūedari. Cohãcjũ mari Pacũ pehe Jesure yariariquirore masoriquiro yũhũre cūri tiquiro yere buheacjũre. Jesucristo gũhũ yũhũre cūri. Tiquina sa cūrigũ ijigũ ahrire ojoa ohoaja mũsare. <sup>2</sup> Yũhũ mũsare Jesu yequinare Galacia yehpa cjânare quehnoa dutiaja. Yũhũ mehna cjêna Jesu yequina gũhũ mũsare quehnoa dutire. <sup>3</sup> Cohãcjũ mari Pacũ, mari pũhtoro Jesucristo mehna mũsare quehnoa dutiaja. Tiquina yedohoye mehna quehnoano ijiya mũsa. <sup>4</sup> Tiquiro Jesucristo pehe mari ñañene yeri buhirire yariahye. Yojoapũre masa tiquina ñañene yeri pje ijire. Sa yero tiquiro yariahye Cohãcjũ mari Pacũ tiquiro cahmediro saha marine yũhdũoro taro. Sa tiquiro yũhdũogũ yojoapũre ñañene tiquina yeriro saha ye duasi mari. <sup>5</sup> Sa ye ijipihtiyey decoripe tiquirore mari Pacũre ño peouhna. Sata yeihna.

*Cohãcjũ* masare tiquiro yũhdũoati buheye ihcãnota ijire. Apeye buheye mariedare

<sup>6</sup> Cristo mũsare cahĩno tiquiro yequina ijianajare mũsare cūri. Sa yegũ mũsare cūriquiro yere cohãna sijoro saha ijiye buheye pehere duita mũsa cahmegũ ihña acũaa wahaja. <sup>7</sup> Apeye buheye quehnoañe buheye yero saha ijiye buheye waro ijierare. Ti sa ijierapegũta ihquẽquina mũsa cahapũ ijiyequina mũsare cariboye, sijoro saha ijiye buheyere buheye, quehnoañe buheyere dojomehne duare. <sup>8</sup> Sa yena mũsare usã buhe mũhtarire mari cohãgũ sijoro saha ijiye buheyere mari buhegũ Cohãcjũ marine buhiri dahreahro. Sa yero angel uhmũse cjũno sa tiquiro buhegũ tiquiro gũhũre buhiri dahreahro Cohãcjũ. <sup>9</sup> Mianogãta usã nidiro saha pari turi niitja: Ihcãquiro mũsare usã buherire cohãno, sijoro saha ijiye buheyere tiquiro buhegũ Cohãcjũ tiquirore buhiri dahreahro.

<sup>10</sup> Sa nigũ yũhũ “Pablo dihita quehnoano buheriquiro ijire”, yũhũre ni dutigũ niedaja. Cohãcjũ pehe yũhũre “Quehnoano buheri mũhũ”, tiquiro nigũ cahmeaja. Masare bucuegũ yegũ tagũ sijoro saha ijiye buheyere buheboaga yũhũ. Masa dihitare bucuegũ yegũ ijigũ ne Cristo cahacjũ ijieraboaga yũhũ.

*Pablo Cristo cūriquiro tiquiro iji dũcarire* yahuahye

<sup>11</sup> Yũhũ acaye, ahrire mũsa masigũ cahmeaja yũhũ: Quehnoañe buheyere yũhũ buheri masa ye buheye ijierare. <sup>12</sup> Ti buheye masare yũhũ tũhori ijierare. Sa ye apequina masa yũhũre ti buheyere yahuerari. Jesucristo pehe yũhũre ti buheyere masigũ yeri.

<sup>13</sup> Panopũ judio masũ yũhũ ijie tirire masine mũsa. Ohõ saha yee tii yũhũ: Jesu yequinare tutuaro ñano yegũ tiquinare quehnoano wejẽ peho cã duami. <sup>14</sup> Mari ñecũsumũa mũna iji turiayequina tiquina buherire tutua yũhdũaro ye duagũ yũhũ acaye yũhũ ihcãno mehna masariquina yũhdũoro ye mũhtarigũ ijie timi yũhũ. <sup>15</sup> Yũhũ sa ijirigũ ijiepegũta yũhũ masa bajuato pano Cohãcjũ yũhũre bese tuhasari jiri. Sa yero yũhũre cahĩno tiquiro yaquiro ijiajũ cūri yũhũre. <sup>16</sup> Sa yero tiquiro cahmeno saha tiquiro macũnore yũhũre masigũ yeri. Tiquiro yere quehnoañe buheyere judio masa ijieyequinare buheacjũ yũhũ ijiatire tiquiro macũnore masigũ yeri yũhũre. Tiquiro sa yegũ “¿Dũhse ni buhero cahmeagari yũhũre?” ni masare sinituerũ yũhũ. <sup>17</sup> Sa yegũ Cristo cūriquina yũhũ pano ijiriquina cahapũre Jerusalẽpũre sinitugũ wahaerũ. Duita Arabia yehrapũ wahaũ. Sa yegũ Damascopũ majare tojoa wihii.

<sup>18</sup> Ihtia cũhma bato Pedrore ihñagũ wahaũ Jerusalẽpũ. Topũre pũa semana waro ijii. <sup>19</sup> Sa yegũ apequinare Cristo cūriquinare ihñedu. Santiago dihitare mari pũhtoro bahũrore ihñaũ. <sup>20</sup> Ohõ saha ni ojoagũ Cohãcjũ mehna ne ni meho ojoaeraja.

<sup>21</sup> Came Siria yehrapũ, Cilicia yehrapũ gũhũre wahaũ. <sup>22</sup> Topũre yũhũ esagũ ti pjere Judea yehrapũ ijiequina Jesu yequina yũhũre ihña masiedari. <sup>23</sup> Sa ye ahri dihitare

yǎhure masi dǎcari tiquina: “Panopǎre marine ñano yeriquiro yojopǎre quehnoañe buheyere tiquiro cohã duari buheyere buhero nine”, ni, masi dǎcari tiquina. <sup>24</sup> Yǎhure sa masiñe Cohãcjǎre “Quehnoa yǎhdǎgǎ ijire”, nidi tiquina.

## 2

### *Apequina Cristo cǎriquina Pablore piti ca, duita cahmene*

<sup>1</sup> Catorce cǎhmari bato pari turi Jerusalǎpǎ wahagǎ Bernabé mehna wahaǎ. Tito gǎhǎ wahari yǎhǎ mehna. <sup>2</sup> Cohãcjǎ yǎhure tiquiro waha dutigǎ topǎre wahaǎ. Jerusalǎpǎ ijigu “Jesu yequina pǎhtoa”, masa niñequina tiquina sehsaro cahmecoagǎ quehnoañe buheyere judio masa ijieyequinare yǎhǎ buherire yahuu tiquinare. “¿Judio masa ijieyequinare quehnoañe buheyere yǎhǎ buhegǎ quehnoajari, masa tǎhotugǎ?” nigǎ, sa yahuu tiquinare. Sa yahuu tiquinare panopǎ yǎhǎ buherire, yojopǎre yǎhǎ buheri gǎhǎre tiquina quehnoano masiatire, tire “Quehnoare”, tiquina niatire. Tiquina sa niedagǎ yǎhǎ buheri dǎhseati ijieraboaga.

<sup>3</sup> Yǎhǎ mehna cjǎno Tito judio masǎno ijieriquiro ijiri. Sa yero cǎhnucunǎ sohtoa cahserogǎre yǎhre nemehnediquiro ijire. Sa yǎhremehnediquiro tiquiro ijiepegǎta Jesu yequina pǎhtoa “Mǎhǎ gǎhǎ ti cahserogǎre yǎhre neña”, niedari tiquirore. <sup>4</sup> Tiquina sa niedapegǎta ihquǎequina “Jesu yequina ijiaja”, ni mehoñequina wacǎeno mehna usǎ mehna sajǎ, tiquirore ti cahserogǎre yǎhre negǎ cahmemedi tiquina. Jesu yequina mari ijina “Panopǎ cjǎne tiquina dutiriro saha yena ti mehna yǎhdǎsi”, ni tǎhotuaja mari. Mari sa ni tǎhotugǎ mari yeyere ihña duaye tiquina pehe usǎ mehna ni meho sajǎri. Sa yeye usǎ ñecǎsumǎna mǎna iji turiayequina ye dutiyere ye duti duaye, ti dutiyere ño peoducugǎ ye duamedi usǎre tiquina. <sup>5</sup> Tiquina sa ye duepegǎta quehnoañe buheyere poto mǎsa masiatire ne mehenogǎ mehna tǎho duerǎ usǎ tiquinare.

<sup>6</sup> Sa ye Jesu yequina pǎhtoa quehnoañe buheyere yǎhǎ buherire tiquina tǎhori bato “Ahri buheye mehna apeye buheyere buhe moreña”, ne niedari tiquina yǎhure. Jesu yequina pǎhtoare ihyo ijieyequina yero saha tǎhotuaja tiquinare. Cohãcjǎ pehe ijipihtieyquinare ihcǎno saha ihñare. Sa yegǎ sata tǎhotuaja yǎhǎ gǎhǎ pǎhtoa gǎhǎre, ihyo ijieyequina gǎhǎre. <sup>7</sup> Sa ye yǎhǎ buheri mehna tiquina “Ahri buheye mehna apeye buheyere buhe moreña”, ne niedari. Sa ye judio masa ijieyequinare yǎhǎ buheatire Cohãcjǎ yǎhure tiquiro cǎrre tǎhoye, “Tita ijire”, nidi tiquina. Judio masare buheyere Cohãcjǎ Pedrore tiquiro cǎriro sahata yǎhǎ gǎhǎre cǎri judio masa ijieyequinare yǎhǎ buheatire. <sup>8</sup> Judio masare Pedrore buhe dutiriquirota Cohãcjǎ yǎhǎ gǎhǎre tiquirota buhe dutiri judio masa ijieyequinare.

<sup>9</sup> Sa ye Santiago, Pedro, Ñu mehna Jesu yequina pǎhtoa waro quehnoañe buheyere buherire Cohãcjǎ yǎhure tiquiro cǎrre tǎhoye “Tita ijire”, nidi tiquina. Sa nieta yǎhure Bernabé mehna quehnoano bucueye mehna omoca ñehedi usǎre piti tiye tehe. Sa yena judio masa ijieyequinare buhena ijiaja usǎ. Santiago gǎhǎ pehe judio masare buheyequina ijire. “Sata ijiahro”, nii usǎ basi. <sup>10</sup> Sa niepeta tiquina judio masare pejecǎoyequinare yedoho dutiri usǎre. Pejecǎoyequinare yedohoacjǎ ijita niaja yǎhǎ.

### *Antioquíapǎ Pablo Pedrore tuhtiahye*

<sup>11</sup> Sa ye Antioquíapǎ yǎhǎ esari bato Pedro gǎhǎ esari. Sa yegǎ quehnoano tiquiro yerari buhiri tuhtii tiquirore. <sup>12</sup> Ohǎ saha yeri tiquiro: Santiago ohoriquina Antioquíapǎ tiquina esato panogǎ, Pedro pehe judio masa ijieyequina mehna ihyaro nidi, judio masǎno ijieperota. Santiago ohoriquina judio masa ijieyequinare “Cǎhnucunǎ sohtoa cahserogǎre yǎhre neña”, niñequina, usǎ judio masa panopǎ cjǎna ye dutiyere ye dutieyequina ijiri. Pedro sa ihyari watoa Santiago ohoriquina esari. Sa ihyariquiro ijieperota tiquina tiquiro cahapǎ esagǎ ihñano, tiquinare cuero, Pedro judio masa ijieyequinare duhu cǎ, pari turi tiquina mehna ihyaro wahaerari. “Panopǎ cjǎna mari judio masa yere yǎhdǎdǎcagǎ niaja. Sa yeye yojopǎre wihiyequina yǎhure tuhtiarǎ”, nino, judio masa ijieyequina mehna ihya nemoedari. <sup>13</sup> Tiquiro sa ye mehoriro saha

tiquiro yegū ihñañe, apequina judio masa gūhu tiquiroreta ihña cū, tiquina gūhu tiquiro yero saha yeri. Sa yero Bernabé quehnoariquiro ijieperota tiquina yero saha yeri tiquiro gūhu.

<sup>14</sup> Cristo ye buheye marine quehnoano, queoro ye dutire. Sa ye Pedro gūhu ti buheye nidiro sahata yerari, judio masa ijieyequina mehna ihya duhuye. Tiquina sa yegū ihñagu, ijipihtiyequina Jesu yequina ihñonopu Pedroro ohō saha ni yahuu: “Mūhu judio masu ijiepeguta judio masa ye dutiyere, tiquina ijiye tiyere duhu cāri mūhu, Jesu yere yegu tūhu. Sa yegu judio masa ijieyequina dutiye marieñequina yero saha yee tiri mūhu. Sa yerigu ijiepeguta apequina judio masa wihigū ihñagu, judio masa ijieyequinare piti ti nemoedari mūhu. ¿Judio masa dihitare mūhu piti tigū ihñañe, dūhse ni tūhotuetari judio masa ijieyequina pehe? ‘Judio masa yero saha ijiihna’, ni tūhotuboaga tiquina. ¿Tiquina gūhure judio masare ihña cūgū cahmeajari mūhu? To ijierare”, nii tiquirore.

*Judio masare apequina masa yero saha Jesure wacū tutua dutiahye Cohācjū*

<sup>15</sup> Ūsā pehe judio masa masa bajuana, apequina ñano yeyequina judio masa ijieyequina yero saha ijieraja ūsā. <sup>16</sup> Sa ijina ijiepenata Cohācjū dutiyere Moiserre tiquiro cūrire ūsā yerina ijigū “Quehnoana ijire”, ni ihñedare Cohācjū ūsāre. Tire mari masiaja. Sa yero Jesucristore mari wacū tutuagū Cohācjū marine “Quehnoana ijire”, ni ihñanota. Tire masina, ūsā gūhu Jesucristore wacū tutuaja tiquirore ūsā wacū tutuari mehna ūsāre “Quehnoana ijire”, Cohācjū tiquiro ni ihñatire. Sa yero tiquiro dutiyere ūsā yerina ijigū “Quehnoana ijire”, ni ihñedare Cohācjū ūsāre. Ne masa ti dutiyere yeye mehna “Quehnoañequina ijire”, ni ihñedare Cohācjū tiquinare.

<sup>17</sup> Cristore mari wacū tutuaye mehna quehnoana Cohācjū yequina mari waha duagū, ñana mari ijiyere masigū yerota Cristo. ¿Cristo mari ñañene marine masigū yero, ñana marine ijigū yeajari tiquiro, mūsa tūhotugū? Ne mehenogā mehna sa yerare. <sup>18</sup> Ūsā dutiye yeye mehna yūhdu duamedina ijiepenata ti buheyere cohāu. Sa cohāepenata pari turi ti buheyere yena ti dutiyere ūsā ye pehoerari buhiri potota buhiri tinata ūsā. <sup>19</sup> Cohācjū dutiyere Moiserre tiquiro cūrire ihcāno sahaeraja mari. Sa yena ti dutiye mehna ne yūhdusi mari. Sa yena Cohācjū tutuaye mehna tiquiro yequina ijiaja mari.

<sup>20</sup> Cristo mehna curusapu yariariquina yero saha ijiaja mari. Sa yena yariariquiro tiquiro esa tuharo tiquiro yerariro saha mari esa tuharo yeraja. Cristo ye tutuaye mehna yeaja. Sa yena yojopure Cohācjū macunore wacū tutuaye mehna ijiducujaja mari. Tiquiro Cohācjū macuno marine cahīne. Sa yero mari ye buhirire yariari. <sup>21</sup> Ti dutiye yeye mehna quehnoana Cohācjū yequina mari wahagū Cristo yariari pehe ne dūhseati ijieraboaga. Cohācjū marine tiquiro cahīdire, Cristo tiquiro yariarire ihyo ijiye waro yero saha ijigū ye dueraja yūhu pehe. Sa yegu “Dutiye mehna yūhdugutja”, ne nisi yūhu.

### 3

*Cohācjū dutiye Moiserre tiquiro cūrire, wacū tutuaye gūhure yahuahye Pablo*

<sup>1</sup> Yūhu acaye, mūsa Galacia cjāna tūho masiena iji wame tire mūsa. Jesucristo curusapu tiquiro yariarire buheyere ijipihtiyequina tiquina ihñonopu mū sare yahuu. ¿Sa yena yojopure tiquiro yere mūsa yūhduducature ni mehoñequina mū sare tiquina dojomehnegū dūhse yena tiquinare yūhtiri mūsa? <sup>2</sup> Ahrireta yahu duaja mū sare: Dutiyere mūsa yeye mehna Espiritu Santore cūo dūcaerari mūsa. Quehnoañe buheye pehere tūhona Cristore mūsa wacū tutuaye mehna Espiritu Santore cūo dūcari mūsa. <sup>3</sup> Espiritu Santo tutuaye mehna mūsa Cristo yequina iji dūcagū yojopure mūsa basi dutiyere mūsa yeye mehna Cohācjū cahapu mūsa waha duagū ñarīne. Tūho masiena ijire mūsa, sa yena. <sup>4</sup> ¿Quehnoañe buheyere mūsa yeri buhiri peye tahari mūsa ñano yūhduna ihyo warota ñano yūhduna niyari mūsa, sa wahana? Ihyo waro ijierare mūsa sa ñano yūhduri. Dutiyere yeye mehna Cohācjū cahapu mūsa waha duana ihyo warota ñano yūhduna niboaga mūsa. <sup>5</sup> ¿Dūhse mūsa yeri wapa Espiritu Santore mū sare ohori Cohācjū, mūsa tūhotugū? Tiquiro dutiyere mūsa yeri wapa ohoerari tiquiro. Tiquiro

buheyere quehnoano m̄sa t̄hogū ihñano tiquirore m̄sa wacū tutuari batop̄ Esp̄ritu Santore ohori tiquiro. ¿Cohācjū m̄sa watoa tiquiro tutuaye mehna ye ihñono d̄hse ijiro boro sa ye ihñojari tiquiro, m̄sa t̄hotugū? Tiquiro dutiyere m̄sa yeri wapa sa ye ihñoadari tiquiro. Tiquiro buheyere quehnoano m̄sa t̄hogū ihñano tiquirore m̄sa wacū tutuagū sa ye ihñori tiquiro.

<sup>6</sup> Abrahā Cohācjūre wacū tutuahye. Tiquiro sa yegū tiquirore Cohācjū “Quehnoariquiro ijire”, ni ihñahye. <sup>7</sup> Sa yena ahri ȳh̄u niatire masiña m̄sa: Cohācjūre wacū tutuayequinata potota Abrahā panamena iji turiayequina ape tjuro cjēna yero saha ijire. <sup>8</sup> Panop̄ Cohācjū yere tiquina ojoari p̄p̄ ohō saha ni yahuahye: Judio masa ijieyequina Cohācjūre tiquina wacū tutuagū ihñano “Quehnoañequina ijire”, ni ihñare Cohācjū. Tiquiro sa ni ihñatire Cohācjū panop̄ masiyuro, tiquiro quehnoañe buheyere Abrahāre yahu m̄hta tuhasahye. “M̄h̄u mehna ahri yehpa cjēnare ijipihtiyequinare quehnoano yeitja”, niahye Cohācjū Abrahāre. <sup>9</sup> Sa yero Abrahā Cohācjūre quehnoano t̄ho wacū tutuahye. Tiquiro sa wacū tutuagū ihñano Cohācjū tiquirore quehnoano yeahye. Sa ye apequina masa Cohācjūre tiquina wacū tutuagū, tiquina ḡh̄ure quehnoano yerota Cohācjū, Abrahāre tiquiro yeriro sahata.

<sup>10</sup> “Ti dutiyere Moiserere tiquiro cūri mehna Cohācjū yequina wahanata”, ni t̄hotuyequina buhiri tiyequina ijire. Tiquiro ojoari p̄p̄ sata nine: “Cohācjū dutiyere tiquiro ya p̄p̄ tiquina ojoarire ye pehoeyequina buhiri tiyequina ijire tiquina ijipihtiyequina”, ni ojoahye. <sup>11</sup> Cohācjū yere tiquina ojoari p̄p̄ ohō saha nine: “Cohācjūre wacū tutuayequinare ‘Quehnoañequina ijire’, ni ihñare Cohācjū. Sa wacū tutuaye ijipihtiyede cori Cohācjū mehna sa ijiducueta”, nine Cohācjū yere tiquina ojoari p̄p̄. Tiquiro sa nigū ahri ȳh̄u niatire mari quehnoano masiaja: Ti dutiyere tiquina yeye mehna masare quehnoañequina yero saha ihñedare Cohācjū. <sup>12</sup> Dutiye yeye mehna Cohācjū cahap̄ waha duayequina Cohācjūre wacū tutuerare. Ohō saha nine Cohācjū yere tiquina ojoari p̄p̄: “Dutiye yeye mehna quehnoañequina waha duayequinare ti dutiyere ye pehorocahmene tiquinare”, nine Cohācjū yere tiquina ojoari p̄p̄.

<sup>13</sup> Sa ye ti dutiye marine buhiri tigū yere. Mari buhiri tigū ihñano Cristo pehe tiquiro basi mari ye buhirire buhiri tiriquire waharo, mari buhiri tiborire buhiri ti basahye marine. Cristo tiquiro buhiri tiatire yahuro ohō saha ni ojoahye panop̄re: “Ijipihtiyequina yuc̄rip̄ tiquina duhu ohōriquina buhiri tiriquire ijire”, ni, ojoahye panop̄re. <sup>14</sup> Tiquiro sa ni ojoariro sahata sa yeahye Cristore. Cohācjū Abrahāre “Ahri yehpa cjēnare quehnoano yeitja”, tiquiro nidiro sahata yero niahye masare. Sa yeahye Cristo mehna. Tiquiro yariahye judio masa ijieyequinare Cohācjū quehnoano tiquiro yeatire. Sa yero Jesucristo mehna sohtori tiahye Cohācjū Abrahāre tiquiro nidiro sahata. Sa yeahye tiquirore mari wacū tutuari bato Esp̄ritu Santore mari c̄oatore.

#### *Tiquiro buherire quti mehna yahu nemoahye Pablo*

<sup>15</sup> Ȳh̄u acaye, masa ye quti mehna ti ȳh̄u nidire yahutja m̄sare: Tiquina pac̄ro tiquiro yariato pano tiquiro pohne comesatire yahuri p̄ ohō saha ni ojoare. “Yeere ȳh̄u pohmare ohoutja”, ni ojoare. Tiquiro sa ni oja cūri p̄re tiquiro yariato pano apequire pehe ti p̄re sijoro saha ni oja nemo masiedare. Sa yero ti p̄re “Poto ijierare”, ni masiedare. <sup>16</sup> Ti p̄re tiquina pac̄ro tiquiro pohne tiquiro cūriro saha “M̄sare quehnoano yeitja”, Cohācjū nino, Abrahāre tiquiro panamino iji turiariquiro ḡh̄ure nino niahye. Sa nino apequina tiquiro panamena iji turiayequinap̄re nino niedahye. Ihc̄aquireta tiquiro panamino iji turiariquiro dihitare nino niahye Cohācjū. Tiquiro Abrahā panamino iji turiariquiro Cristo ijire. <sup>17</sup> Yojop̄re quehnoano yahutja m̄sare: Abrahā ḡh̄ure Cohācjū “M̄sare quehnoano yeitja”, tiquiro ni cūri bato cuatro ciento treinta c̄hm̄ari ȳhd̄uri bato tiquiro dutiyere Moiserere cūahye. Sa cūno Abrahā ḡh̄ure Cohācjū “M̄sare quehnoano yeitja”, tiquiro nidire boro taro niedahye. <sup>18</sup> Cohācjū marine ȳhd̄oro dutiyere mari yeye mehna marine ȳhd̄oerare. Dutiye yeye mehna mari ȳhd̄ugū Cohācjū “M̄sare quehnoano yeitja”, tiquiro nidi pehe d̄hseati

ijieraboaga. Marine yǎhdũoro taro Cohǎcjũ Abrahǎre tiquiro ni cũri mehna sa yero taro niahye.

<sup>19</sup> ¿Sa yero dahse yeatire tiquiro dutiyere cũri Cohǎcjũ? Tiquiro dutiyere cũahye ti dutiyere mari yǎhdũdũcarire mari quehnoano masiatire. Sa yero panopũre Cohǎcjũ “Mũhũ panamino iji turiariquiro mehna masare quehnoano yeitja”, Abrahǎre tiquiro nidiquiro tiquiro wihiato pano Cohǎcjũ dutiyere cũomahye masa. Sa yero Cohǎcjũ dutiyere tiquiro cũgũ tiquiro yequina angele pehe tire duti turiahye. Sa ye Moiserere tiquina cũgũ, tiquiro pehe masare cũ turiahye tja. <sup>20</sup> Ti dutiyere Moise cũ turiagũ Cohǎcjũ tiquiro basita masare cũedahye. Sa cũedaperota Cohǎcjũ “Mũhũre quehnoano yeitja”, Abrahǎ pehere ni cũno, tiquiro basita sa ni cũahye.

<sup>21</sup> Cohǎcjũ Moiserere tiquiro dutiyere cũno, to pano Abrahǎre tiquiro nidire “Abrahǎre yǎhũ nidiro saha yesi yǎhũ”, nino niedahye tiquiro. Abrahǎre tiquiro nidiro sahata yero taro niahye. Tiquiro dutiye yeye mehna Cohǎcjũ yequina wahana ti pje pũrita dutiyere mari yeye mehna quehnoana wahaboaga mari. <sup>22</sup> Sa yero Cohǎcjũ tiquiro yere tiquina ojoari pũ pehe ijipihtiyequina ñaÑe buhiri tiyequina tiquina ijiyere yahuahye. Sa ni yahuahye Cohǎcjũ “Mũsare quehnoano yeitja”, to pano tiquiro nidiro sahata yero taro. Sa yero Jesucristore wacũ tutuayequinare quehnoano yere to pano tiquiro nidiro sahata.

<sup>23</sup> Cohǎcjũre wacũ tutuati buheyere marine tiquiro cũato pano tiquiro dutiye pehe mari ñaÑe yerire marine masigũ ye tuhasari. Sa ye marine yahuri ti dutiye pehe. Cohǎcjũre wacũ tutuati buheyere marine tiquiro yahugũpũ tiquiro dutiye marine yahu duhuri. <sup>24</sup> Sa ye Cohǎcjũ dutiye pehe Cristo wihiato pano marine yahuri. Sa yahuri marine Cristore mari wacũ tutuaye mehna Cohǎcjũ “Quehnoana ijire”, marine tiquiro ni ihñatire. <sup>25</sup> Yojoopũ pũritare Cristore mari wacũ tutuari pje ijire. Ti sa ijigũ tiquiro dutiye pehe marine yahu nemoedare. Marine duti nemoedare.

<sup>26</sup> Sa yena Cristo Jesure mũsa wacũ tutuaye mehna Cohǎcjũ pohna ijire mũsa. <sup>27</sup> Ijipihtina mũsa Cristo wame mehna wame yenohrina ijina, Cristo Cohǎcjũ macũno tiquiro ijero sahata tiquiro pohmata ijire mũsa gũhũ. <sup>28</sup> Yojoopũre pũa curua ijierare mũsa. Judio masa ijiena, judio masa mehna pũa curua ijierare mũsa. Cahacjãna, cahacjãna ijiena mehna pũa curua ijierare mũsa. Ũmũa, numia mehna pũa curua ijierare mũsa. Sa yena ijipihtina mũsa Cristo yequina ijina, ihcã curuata ijire mũsa. <sup>29</sup> Sa yena Cristo yequina ijina, Abrahǎ panamena iji turiana yero saha ijire mũsa. Mũsa sa ijina ijigũ Cohǎcjũ Abrahǎre “Mũsare quehnoano yeitja”, tiquiro nidiro sahata mũsa gũhũre quehnoano yerota tiquiro. Cristo yequina mũsa ijigũ ihñano mũsare quehnoano yerota.

#### 4

<sup>1</sup> Ohõ saha ijire ahri qiti mehna yǎhũ yahu nemogũ: Tiquiro pacũro came tiquiro yere neatiquiro wahmũno iji cãhtariquiro ijiropũ ijipihtiyere tiquiro ye ijiepegũta cahacjũno yero saha ijire tiquiro. <sup>2</sup> Sa ye tiquiro wahmũno iji cãhtariquiro ijigũ tiquirore ihña ihboyequina tiquiro yere ihña ihbore. Sa yero tiquiro pacũro queoriro esagũpũ tiquiro pacũro yere cũorota. <sup>3</sup> Ohõ saha wahmũno iji cãhtariquiro yero saha ijimi mari gũhũ. Sa ijina mari ijigũ cahacjẽnare tiquina dutiro saha ahri yehpa cjẽ dutiye masa ye dutiye marine dutinimedi. <sup>4</sup> Mari sa ijina ijiepegũta tiquiro queori pje esagũ Cohǎcjũ tiquiro macũnore ohoahye. Sa tiquiro ohogũ tiquiro macũno ihcãcoro nuhmino mehna masa bajuahye. Sa yero tiquiro judio masũno masa bajuagũ Cohǎcjũ dutiye Moiserere tiquiro cũri tiquirore dutinimahye. <sup>5</sup> Mari gũhũre ti dutiyeta dutinimahye. Sa yero marine yǎhdũoatiquirore ohoahye Cohǎcjũ tiquiro macũnore, tiquiro pohna mari wahatire.

<sup>6</sup> Sa yero tiquiro pohna mari ijigũ Cohǎcjũ macũno tiquiro yaquiro Espĩritu Santore mari mehna ijiatiquirore ohoahye Cohǎcjũ. Tiquiro yaquiro Espĩritu Santo pehe Cohǎcjũre “Mai”, niniquiro ijire. <sup>7</sup> Sa yena mũsa Cohǎcjũ yedohoye mehna cahacjãna ijierare mũsa yojoopũre. Tiquiro pohna ijire mũsa. Sa yena tiquiro pohna ijina, Cohǎcjũ tiquiro ohoatire cũonata.

*Pablo Galacia* cjẽnare Jesu yequinare cuesãhye



<sup>8</sup> Panopu Cohãcjũre musa masiena ijina “Cohãcjũ ijire”, musa niñe queoyere ño peona ti queoye cahacjãna ijimahye musa. Musa sa ño peoyequina cohãmana waro ijierahye. <sup>9</sup> Sa ijirina ijiepenata yojopũre Cohãcjũre masine musa. Ijierare. Tiquiro pũrita musa pehere masine. ¿Tiquiro sa masiepegũta dũhse yena ahri yehpa cjẽna ye buheye pehere cahmeajari musa? Ti buheye dũhseati ijierare. ¿Dũhse yena panopu musa yeriro sahata Cristo marieno ye duajari musa? ¿Dũhse yena dutiyere musa yeducuri mehnata Cohãcjũ cahapu waha duajari musa? Wahasi musa. <sup>10</sup> Ihquẽ decorire, ihquẽ asũrine, ihquẽ pohẽcũrĩre, ihquẽ cũhmarine bõse decorire dahre dutire musa. “Mari sa yeye mehna dutiye mehna yũhdũnata”, ni, tũhotumene musa. <sup>11</sup> Musa sa ni tũhotugũ musare tutuaro yũhũ buheri dũhseati ijieraboaya, yũhũ tũhotugũ. Sa yegu musare cuesãja.

<sup>12</sup> Yũhũ acaye ahrire tutuaro duitija musare: Cristore yũhũ tũhoturiro sahata musa gũhũ tiquirore tũhotuya. Panopu dutiye yeye mehna yũhdũ duayequina ijieramahye musa judio masa ijiena ijina. Yojopu pehere yũhũ gũhũ musa yero saha wahaũ, dutiye yeye mehna yũhdũ dueragu. Sa yena Cristore yũhũ tũhoturiro sahata musa gũhũ sata tiquirore tũhotuya.

Musa mehna yũhũ ijigũ quehnoano yeri musa yũhũre. <sup>13</sup> Dohatigũpũta musare quehnoañe buheyerẽ coã warore buhe dũcaũ yũhũ. <sup>14</sup> Yũhũ sa dohatigu ijiepegũta yũhũre yabierari musa. Sa yena yũhũre cohã tojoerari musa. Sa yena Cohãcjũ yaquiro angelre, Jesucristo gũhũre musa piti caboriro saha yũhũre quehnoano piti cari musa. <sup>15</sup> ¿Yojopũre dũhse wahari musa bucueye? Musare ahrire niitja: Purĩñene dũcana musa caperire ore we ne yũhũre ohoboaya musa. <sup>16</sup> ¿Yũhũ mehna cjãna ijiepenata yojopũre queoro musare yũhũ yahuri buhiri ihña tuhtiajari musa yũhũre?

<sup>17</sup> Sohõ ijiriquina musare tutuaro cahmesãre. Tiquina tũhotuyẽ sijoro saha ijire. Quehnoañe ijierare. Tiquina musare yũhũre yũhdũdũcagũ cahmene, tiquina pehere ño peo dutiye. <sup>18</sup> Quehnoano mehna musa quehnoano wahati pehe musare tiquina cahmesãgũ quehnoarĩboaga. Sa ye topũre yũhũ mariedagũ gũhũre tiquina sa cahmesãgũ quehnoarĩboaga. <sup>19</sup> Yũhũ pohngã, niji wahcõricoro ticoro ñano yũhdũro saha musare ñano wacũ tũhotuaja yũhũ. Tee Cristo yero saha musa ijigũpu musare wacũ duhutja. <sup>20</sup> Mianogã musa mehna ijigu tuhtiro marieno bucueye mehna musa mehna yũhũ yahugũ quehnoaboaga yũhũre. Musare pajiro tũhotugu niaja yũhũ.

### *Agar Sara mehna tiquina ijire yahuahye Pablo*

<sup>21</sup> Tũhoya musa yũhũre. Cohãcjũ dutiyere yeye mehna yũhdũ duana ijiepenata tiquiro dutiye pehere quehnoano masiedare musa. <sup>22</sup> Ohõ saha niahye Cohãcjũ yere tiquina ojoari pũpu: Abrahã pũaro pacũro ijiahye. Tiquiro cahacjõno Agar wame tiricoro mehna ihcãquirore pohna tiahye. Sa ye tiquiro namono poto Sara wame tiricoro mehna gũhũre ihcãquiro pohna tiahye. <sup>23</sup> Sa ijiepegũta tiquiro cahacjõno macũno masa mari yero saha masa bajuahye tiquiro. Tiquiro namono poto macũno pehe “Ihcãquirogã pohna tinata musa”, Cohãcjũ ni yahuriro sahata masa bajuahye tiquiro pehe. <sup>24</sup> Ahri quiti marine quehnoano queoye mehna yahure: Cohãcjũ pũa taha masare “Musare yedohoutja”, tiquiro niñe yero saha ijire ahriquina numia pũaro numia. Ihcãcoro Sinaí wame tidũpu Cohãcjũ dutiyere ohori yero saha ijire. Ticoro Agar ijire. Ticoro mehna mari queoye mehna buhegũ judio masa gũhũ dutiyere yeducuye mehnata yũhdũ duayequina ticoro yero saha ijire. Tiquina cahacjẽna yero saha ijire. <sup>25</sup> Ticoro Sinaí wame tidũ Arabiapu ijidũ yero saha ijiricoro ijire. Yojopũre Jerusalẽ cjẽna judio masa dutiye yeye mehna yũhdũ duayequina dutiye cahacjẽna yero saha ijire. Sa yeye mari queoye mehna buhegũ tiquina ticoro yero saha ijire cahacjõno ticoro ijiro saha. Tiquina Cohãcjũ pohne ijierare. <sup>26</sup> Mari pehe Cristo yequina ijina Cohãcjũ pohna ijiaja. Sa yena uhmũse cjãna ijiaja. Jerusalẽ uhmũsepu ijiri maca cjãna ijiaja mari. Topũre masa tiquina yũhdũatire dutiyere yeye mariedare. <sup>27</sup> Cohãcjũ yere tiquina ojoari pũpu ohõ saha ni ojoahye Cohãcjũ pohne warore, Sara yero saha ijiricoro yahuro:

Pohna mariego, bucueya. Sa ijigo bucueye mehna sañuducuya, nihi wahcōno purĩnore masiego ijigo. Mũhũ pehe manũ cohōrigo ijigo apecoro manũ tiricoro yũhdũoro peyequina pohna tigota. Sa yego bucueya, ni ojoahye panopũre ticoro pohna tiato pano Sara yero saha ijiricoro yahuro.

<sup>28</sup> Yũhũ acaye, Cohãcjũ nidiro sahata Isaac masa bajuahye. Mari gũhũ tiquiro yero saha Cohãcjũ nidiro sahata tiquiro pohna ijiaja mari. <sup>29</sup> Sa ijiepegũta ti pjeũre ihyo ijiriquiro yero saha masa bajuariquiro ñano yeahye apequirore Espĩritu nidiro sahata masa bajuariquirore. Yojoũ gũhũre sata ijire Cohãcjũ yequinare masa ñano yegũ. <sup>30</sup> Sa yero ohõ saha nine Cohãcjũ yere tiquina ojoari pũrũ: “Cahacjõno macũno tiquiro pacũro yere cũo masiedare. Tiquiro namono poto macũno pehe tiquiro pacũro yere cũo masine. Sa ye tiquiro cahacjõnore ticoro macũno mehnata cohã cãhña”, ni ojoahye. <sup>31</sup> Yũhũ acaye, ne cahacjõno pohne yero saha ijieraja mari. Sa yena Abrahã namono poto pohne yero saha ijiaja. (Sa yena Cohãcjũ mari Pacũ yere cũo masiaja.)

## 5

*Cristo marine cahacjẽna* yero saha ijiyere tiquiro duhugũ yeri bato tutuana ijiro cahmene marine

<sup>1</sup> Sa yero mari cahacjẽna yero saha ijirire potota Cristo marine duhugũ yeri. Tiquiro sa duhugũ yeri bato tutuana ijiya mũsa. Ti dutiye mehna yũhdũ duayequina cahacjẽna yero saha ijimedina pari turi cahacjãna sajãedacãhña mũsa.

<sup>2</sup> Yojoũre yũhũ Pablo ahrire yahutja mũsare: “Cuhñucunũ sohtoa cahserogãre mari yũhre nedi mehna yũhdũnata”, mũsa ni tuhutugũ Cristo mũsare tiquiro yedohori dũhseati ijierare mũsare. <sup>3</sup> Ijipihtina ti cahserogãre mũsa yũhre nedi mehna yũhdũ duanare pari turi ohõ saha ni yahutja yũhũ. Ti cahserogãre mũsa yũhre nedi mehna yũhdũ duana, apeye Cohãcjũ dutiyere ye pehoerana, yũhdũsi mũsa. <sup>4</sup> Dutiyere yeye mehna yũhdũ duana Cristo pehere cohãri mũsa. Sa yena mũsare Cohãcjũ tiquiro cahĩñene, tiquiro yũhdũ duayere duhu cãri mũsa. <sup>5</sup> Sa ijiepegũta Espĩritu Santo tutuaye mehna Cohãcjũre mari pehe wacũ tutuaja. Mari sa wacũ tutuagũ “Quehnoana ijire”, ni ihñare Cohãcjũ marine. Tiquiro sa ni ihñagũ marine tiquiro yũhdũoatire masiaja mari. <sup>6</sup> Cristo Jesu yequina ijina cuhñucunũ sohtoa cahserogãre mari yũhre negũ ne dũhseati ijierare. Ti cahserogãre mari yũhre nedagũ gũhũre ne dũhseati ijierare. Sa ijiepegũta Cristo pũritare wacũ tutuana apequinare cahĩnata mari. Ti wacũ tutuaye pehe ihyo waro ijiro niedare.

<sup>7</sup> Mũsa Cristore quehnoano wacũ tutuamedi. ¿Quehnoañe buheyere mũsare yũhũ acaye judio masa tiquina yũhdũdũca dutigũ dũhse yena tiquinare yũhtiri mũsa?

<sup>8</sup> Tiquina ye buheye Cohãcjũ mũsare cũriquiro tiquiro ye buheye ijierare. <sup>9</sup> Ahri yũhũ niatire wacũña mũsa: Mehenogã pã pugũ yeye trigo yũbũre quehnoano ti sehso saha yũhũ acaye judio masa ye buheye pehere peyequina mũsa mehna cjẽna cahmeboaga. <sup>10</sup> Mari pũhtoro Cristore wacũ tutuaja yũhũ. Sa yegũ ahri yũhũ niatire masiaja yũhũ. Cristo yedohoye mehna apeye buheyere camerũre cahmesi mũsa. Tire masiaja yũhũ. Mũsare dojomehne cohteyequina noho ijiyequina ijiaga. Tiquinare Cohãcjũrũ buhiri dahrerota.

<sup>11</sup> Yũhũ acaye, “Dutiye yeye mehna yũhdũnata”, tiquina ni buheyere yũhũ buhegu ijigũ judio masa yũhũre ñano yeraboaga. Cristo curusapũ tiquiro yariarire yahuye buheyere yũhũ buheri buhiri tiquina ñano yeri yũhũre. Cristo ye buheye mehna judio masa ye buheyere yũhũ buhe moregũ yũhũre ñano yeraboaga tiquina. <sup>12</sup> Mũsare dojomehne cohteyequina mũsa cuhñucunũ sohtoa cahserogãre yũhre ne dutiyequina tiquina basi dihita yũhre neahdo.

<sup>13</sup> Yũhũ acaye, “Dutiye mehna yũhdũnata”, ni tuhutu dutierare Cohãcjũ mũsare. Ti dutiye mehna yũhdũerapenata ti dutiyere yũhdũdũcaeracãhña mũsa. Sa ye mũsa mehna cjẽnare cahme cahĩna, tiquina cahacjẽna yero saha yedohoya tiquinare. <sup>14</sup> Ihcã dutirore quehnoano yena, Cohãcjũ dutiyere ye pehona niaja mari. Ohõ saha ijire ti dutiro: “Mũhũ

basi m̄h̄u cahĩno saha m̄h̄u cahap̄u ijiyequina ḡh̄ure cahĩña”, ni, dutiahye. <sup>15</sup> Sa yena wahiquina yero saha m̄sa basi cahme d̄use tutuerac̄h̄ña. Sa yena cahmequedac̄h̄ña. M̄sa mehna cj̄ena “Cristo yere duhuari”, nina, quehnoano yeya m̄sa.

*Masa ñañene tiquina tutuaro cahmeñene, Espiritu Santo cahmeñe* ḡh̄ure yahuahye Pablo

<sup>16</sup> Espiritu Santo tiquiro cahmeno sahata ijiya m̄sa. Sa yena m̄sa ñañene m̄sa tutuaro cahmeñene yerac̄h̄ña. <sup>17</sup> Ñañene m̄sa tutuaro cahmeḡu Espiritu Santo ih̄ña tuhtire. Tiquiro sa ih̄ña tuhtiḡu ti ñañene duhu duare m̄sa. Sa yena ñañene m̄sa tutuaro cahmena, Espiritu Santore ih̄ña tuhtire m̄sa. Sa ih̄ña tuhtina tiquiro cahmeno saha yerare m̄sa. Sa ye ñañene m̄sa tutuaro cahmeñe Espiritu Santo tiquiro cahmeñe yero saha ijierare. Sa ye Espiritu Santo tiquiro cahmeñe ñañene m̄sa tutuaro cahmeñe yero saha ijierare ti. Sa yena m̄sa cahmeno saha yerare m̄sa. <sup>18</sup> Sa yena Espiritu Santo tiquiro cahmeñene yena ijina “Dutiye mehna mari ȳhd̄unata”, ni, t̄hotuerare m̄sa.

<sup>19</sup> Masa ñañene tiquina yeyere mari quehnoano masi tuhasaja. Oh̄o saha ijire ti: Numino mehna ñano yeye, um̄no mehna ñano yeye, w̄ana tiye, b̄ue tiro marieno ñano yeye, <sup>20-21</sup> “Coh̄cj̄u ijire”, tiquina niñe queoyere ño peoye, masare ujuayequina yayia tiquina yeye, ih̄ña tuhtiyey, cahme d̄use tini wiaye, doeye, usuaye, tiquiro basi dihita c̄uo duaye, ih̄ña tuhti cahme tu waye, ih̄c̄a curua cj̄ena ape curua cj̄enare ih̄ña tuhtiyey, apequina yere cooye, masare wej̄eñe, queheye, queheye b̄ose decorire yeye, oh̄o saha ijiye ijire ñañene yeye. Панор̄p̄ masare cuaro mehna ȳh̄u nidiro sahata vojop̄u ḡh̄ure niitja: Ti borore yeriquina Coh̄cj̄u p̄h̄toro ijirop̄ure um̄sepēre ne esasi.

<sup>22</sup> Espiritu Santo pehe marine oh̄o saha yena ijiḡu yere: Masare cahĩna, bucuena, cueye mariena, usua m̄ñena, apequinare quehnoano yena, quehnoana, duhuro marieno Coh̄cj̄u cahmeñene yena, <sup>23</sup> quehnoano mehna yena, tiquina ñañe ye duarire yerana ijiḡu yere marine tiquiro. Sa yeyequinare “Sa yerac̄h̄ña”, ne ih̄c̄aquiroye niedare. <sup>24</sup> Cristo Jesu yequina ijina tutuaro mari ñañene ye duarire coh̄a tuhasa. <sup>25</sup> Espiritu Santo marine Coh̄cj̄u mehna sa ijiducuḡu yerota. Sa yena tiquiro cahmeno sahata yeducuna ijih̄na mari.

<sup>26</sup> “Apequinare masi ȳhd̄ud̄caja us̄a”, ni, t̄hotuna ijierac̄h̄na mari. Sa yena mari mehna cj̄enare usuaḡu yerac̄h̄na mari. Sa yena mari basi cahme coerac̄h̄na.

## 6

*M̄sa mehna cj̄enare yedohoya*

<sup>1</sup> Ȳh̄u acaye, ih̄c̄aquiroye m̄sa mehna cj̄eno tiquiro ñañene yeḡu Cristore quehnoano wac̄u tutuana ijina cahĩne mehna tiquirore yedohoya quehnoañene pari turi tiquiro yeatire. Sa yena m̄sa ḡh̄u “Ñañene tutuaro cahmeari”, nina quehnoano yeya. <sup>2</sup> M̄sa mehna cj̄ena tiquina ñano ȳhd̄uḡu ḡh̄ure yedohoya tiquinare. M̄sa sa yena Cristo tiquiro dutiro saha yena ninata m̄sa.

<sup>3</sup> Ih̄c̄aquiroye ih̄yo ijiriquiro ijieperota “Apequinare masi ȳhd̄ud̄caja”, ni t̄hoturo, tiquiro basi ni mehoñe dihitare t̄hoturiquiro ijire. <sup>4</sup> Ih̄quẽquina m̄sa sehsaro m̄sa yerire “Ahri quehnoañe ijire. Ahri ñañe ijire”, ni masiña. Sa masina m̄sa yeri quehnoañe ijiḡu m̄sa basi bucuenata. Sa yena “Apequinare masi ȳhd̄ud̄caja”, nisi m̄sa. Sa niedana apequinare m̄sa ȳhd̄ud̄cari mehna buquesi m̄sa. <sup>5</sup> Sa yero Jesu yaquiroye Coh̄cj̄u yere tiquiro basi yere. Apequiroye mas̄no tiquirore tire yedoho masiedare.

<sup>6</sup> Sa yena quehnoañe buheyere buheriquirore apee boro m̄sa c̄uoyere tiquirore ohoya m̄sa tiquiro buhena.

<sup>7</sup> Oteyere oteriquiro ñañe p̄jerire otero ñañe d̄ucare c̄uorota. Quehnoañe p̄jerire otero quehnoañe d̄ucare c̄uorota. Oh̄o saha mari ḡh̄u ñañene yena ñañene c̄uonata. Sa yero mari ñari buhiri buhiri dahrerota. Quehnoañene yena quehnoañene c̄uonata. Sa yena quehnoano ijinata. Sa yena “Us̄a ñañene yeḡu Coh̄cj̄u us̄are buhiri dahresi”, ni t̄hotuerac̄h̄ña. Ñañene yeyequina Coh̄cj̄ure b̄j̄upeyeyequina ijire. Coh̄cj̄ure b̄j̄upeyeyequinare buhiri dahrerota tiquiro. <sup>8</sup> Mari ñañene tutuaro cahmena, tire

yena, ti mehnata yarianata. Sa yena pecapɔ wahanata. Espírítu Santo pehe tiquiro cahmeñene mari yegũ tiquiro marine ijipihtiye decori ɔhmɔsepɔ ijiducugũ yerota. <sup>9</sup> Sa yena quehnoañene yena tire caributieracũhna mari. Cohãcjũ tiquiro queori pje ijigũ quehnoañene cɔonata mari caributierana. <sup>10</sup> Sa yena ijipihtiyequinare mari ihñañequinape quehnoano yeihna mari. Mari acaye Jesu yequina pũritare apequina yũhdɔoro quehnoano yeihna.

*Pablo yahu bato tiro, quehnoa duti bato tiahye*

<sup>11</sup> Bɔjɔye letra yũhɔ ojoari mehna ya omoca mehna mɔsare yũhɔ ojoarire ihñaña mɔsa. <sup>12</sup> Mɔsare cuhnucunɔ sohtoa cahserogãre yũhre ne dutiyequina masa tiquinare ño peogũ cahmene. Cristo curusapɔ tiquiro yariarire yahuye buheyere mari buheri buhiri masa ñano yere marine. Tiquina sa yegũ ihñañe ahriquina mɔsare cuhnucunɔ sohtoa cahserogãre yũhre ne dutire “Judío masa ye buheyere yeaja”, niñe. Sa tiquina ye dutigũ judío masa tiquinare ñano yeraboaga. Sa ye ti cahserogãre yũhre ne dutire. <sup>13</sup> Mɔsare ti cahserogãre yũhre ne dutiyequina pehe Cohãcjũ tiquiro dutirire ye pehoerare. Sa ye ti cahserogãre mɔsare tiquina yũhre ne dutiri bato mɔsa yũhtigũ ihñañe, judío masa pehe tiquinare mɔsare yũhre ne dutiyequinare ño peoboaga. Tiquina sa ño peoatire mɔsare dutire tiquina.

<sup>14</sup> Yũhɔ pehe masa yũhɔre tiquina ño peogũ cahmeda yũhdɔaja. Mari pũhtoro Jesucristo curusapɔ tiquiro yariari pehere masa tiquina ño peogũ cahmesãja yũhɔ. Sa curusapɔ tiquiro yariagũ ahri yehpa cjẽ ñañene watĩno yũhɔre tiquiro ye dutigũ yerɔ yũhɔ. Sa yariaro ti ñañene yũhɔre cahmedagũ yeri tiquiro. <sup>15</sup> Tiquiro sa yegũ Cristo Jesu yequina ijina ti cahserogãre mari yũhre negũ ne dũhseati ijierare. Ti cahserogãre mari yũhre nedagũ gũhɔre ne dũhseati ijierare marine. Sa ijiepegũta quehnoañe pehere mari comesagũ pũritare quehnoare. <sup>16</sup> Ijipihtina ahri yũhɔ buherire yena, potota Cohãcjũ yequina ijina, cuero marieno quehnoano ijiya mɔsa. Sa yena Cohãcjũ tiquiro paja ihñaño mehna ijiya mɔsa.

<sup>17</sup> Mari pũhtoro Jesu cahacjũ yũhɔ ijiri buhiri yũhɔ pagure cami tiaja yũhɔ. Yũhɔ sa ijirigu ijigũ yojopure apequina yũhɔre cariboeracãhdo.

<sup>18</sup> Yũhɔ acaye, mari pũhtoro Jesucristo mehna mɔsare ijipihtinare quehnoa dutiaja. Sata ijahro.

## Efesios

*Efeso* cjēnare ojoa ohoahye Pablo

<sup>1</sup> Yuhū Pablo mūsare Efeso wame tiri maca cjānare ojoa ohoaja. Yuhū Jesucristo yere buhe duti tiquiro cūrigū ijiaja. Cohācjū tiquiro cahmeno sahata Jesu yuhūre tiquiro yere buheacjūre cūri. Sa yegū mūsare Jesucristore sa wacū tutuaducunare ojoa ohoaja yuhū.

<sup>2</sup> Sa yegū Cohācjū mari Pacū mehna, mari pūhtoro Jesucristo mehna mūsare quehnoa dutiaja. Tiquina yedohoye mehna quehnoano ijiya mūsa.

*Cristo yequina mari ijigū* ihñano Cohācjū quehnoano yere marine

<sup>3</sup> Cohācjū, mari pūhtoro Jesucristo Pacūro marine quehnoano yeducure. Ijipihtiye tiquiro ye ūhmūse cjē quehnoañe mehna tiquiro marine quehnoano yeducure. Marine tiquirore quehnoano wacū tutuagū yeducure. Cristo yequina mari ijigū ihñano sa marine quehnoano yeducure. Tiquiro sa yeriquiro ijigū ihñana quehnoano ño peoye mehna tiquirore quehnoano yahuducuuhna. <sup>4</sup> Ohō saha yeahye tiquiro marine tiquiro yequinare: Ahri yehpa ijiato pano tiquiro yequina ijianajare bese tuhasahye tiquiro marine. Sa beseahye marine ñañe mariena mari ijiatire. Sa yena ñañe mariena ijiaja mari, tiquiro ihñagū. Sa yero marine “Ñana ijire mūsa”, nisi tiquiro. <sup>5</sup> Marine cahño, paja ihñano panopū ohō saha niahye tiquiro marine: “Yuhū macū Cristo yedohoro mehna tiquina yuhū pohna ijieta”, ni cūahye marine panopū. Tiquiro cahmediro sahata sa yeahye tiquiro marine. <sup>6</sup> Marine tiquiro sa quehnoano yegū ihñana ño peoye mehna tiquirore quehnoano yahuducuuhna. Tiquiro macūno tiquiro cahñiquiro yequina mari ijigū ihñano quehnoano yere marine. Sa yena tiquirore quehnoano yahuducuuhna.

<sup>7-8</sup> Cristota ijire marine pecapū wahaborinare yuhdūoriquiro. Mari ñañe yerire tiquiro cohāgū ihñano, Cohācjū pehe mari ñañene bore. Cristo mari ñañe buhirire yariaro tiquiro diire cohāhye. Marine tutuaro cahño, marine paja ihñano sa ye dutiahye Cohācjū. Tiquiro masi pehoye mehna sa ye dutiahye tiquiro. <sup>9-10</sup> Sa yero marine tiquiro yeatire marine masigū yeri. Panopū apequinare tire masigū yerahye tiquiro. Ohō saha ijire marine tiquiro yeati: Tiquiro cahmediro sahata tiquiro tūhoturiro sahata ijipihtiyequinare ihcā curuata Cristo yequina ijigū yerota. Sa yero ijipihtiyere tiquiro ye ijigū yerota. Tiquiro queori pje ijigū ūhmūse cjēnare, ahri yehpa cjēna gūhūre, ihcā curuata tiquiro yequina ijigū yerota. Sa yero ūhmūse cjēne, ahri yehpa cjē gūhūre tiquiro ye ijigū yerota. Sa yero Cristo pehe ijipihtiyequina pūhtoro ijirota. Sa ye ijipihtiye tiquiro ye dihita ijirota. Sa ijiatiquiro iji dutiahye Cohācjū tiquirore.

<sup>11</sup> Sa yero Cristo yequina mari ijiatire masino panopū Cohācjū marine bese tuhasahye tiquiro yequina mari ijiatire. Ahri ijipihtiyere cūahye tiquiro tūhoturiro sahata, tiquiro cahmediro sahata yero taro. <sup>12</sup> Sa yeahye tiquiro yere mari yeatire. Mari sa yegū ihñañe apequina tiquirore ño peoye, “Tutuagū ijire mūhū”, nine. Ūsā pehe judio masa Jesure cahme dūcarina ijina tiquirore wacū tutua mūhtarina ijii. <sup>13</sup> Mūsa gūhū poto yahuducuyereta quehnoañe buheyere tūhori. Ti buheye mehnata Cohācjū cahapū wahanata mūsa. Tire tūhona tiquirore wacū tutuari mūsa. Sa wacū tutuana tiquiro yequina wahari mūsa. Tiquiro yequinare ohō saha niahye Cristo: “Mūsare Espiritu Santore ohoutja”, ni yahu cūahye. Sa yero tiquirore mūsa wacū tutuagū ihñano Espiritu Santore ohori mūsare. Sa yero Espiritu Santo mūsa mehna ijiro Cohācjū yequina mūsa ijiye tiyere masigū yere tiquiro pehe. <sup>14</sup> Cohācjū marine yuhdūgū yere. Sa yero came tiquiro cahapū neanota marine. Marine tiquiro neato pano Espiritu Santo pehe Cohācjū yere mari cūoatire masigū yere marine. Cohācjū marine tiquiro sa yegū ihñana tiquirore ño peoye mehna “Quehnoagū ijire mūhū”, niaja mari.

*Pablo Cohācjūre* sini basahye Jesu yequinare



15-16 Cristore m̄sa wacū tutuana ijigū ihñagu Cohācjūre sa sini basaducuaaja m̄sare. Jesucristore m̄sa wacū tutuarire, ijipihtiyequina tiquiro yequinare m̄sa cahīdire tuhogu Cohācjūre “Quehnoare”, niaja. Ohō saha tiquirore sini basaja m̄sare: 17 Cohācjū ũhm̄se cjūno tiquiro yere m̄sa quehnoano masiatire sini basaja. Sa yegū tiquirore m̄sa quehnoano masiatire sini basaja m̄sare. Tiquiro mari p̄htoro Jesucristo Pacuro ijire. 18 Sa yegū m̄sa quehnoano masiatire m̄sare sini basaja Cohācjūre. Tiquiro m̄sare ȳhd̄uro, tiquiro yequina ijigū yeri m̄sare. Tiquiro sa yegū quehnoa ȳhd̄are marine. Tire m̄sa masiatire sini basaja m̄sare Cohācjūre. Sa yegū marine tiquiro ohoatire quehnoa ȳhd̄aye ti ijigū ḡh̄ure m̄sa masiatire sini basaja. 19 Ohō saha m̄sa masiatire sini basaja m̄sare Cohācjūre. Cohācjūre wacū tutuana mari ijigū ihñano tiquiro tutuaye mehna marine yedohore. Tutua ȳhd̄ariquiro ijire. Ti ḡh̄ure m̄sa masiatire sini basaja Cohācjūre. 20 Ti tiquiro tutuaye mehna tiquiro Cristo yariariquirore masoahye. Sa yero ũhm̄sep̄u tiquiro poto pehep̄u Cristore dujigū yeahye Cohācjū, ijipihtiyequinare tiquiro dutiato saha. 21 Top̄u dujiro ijipihtiyequina ũhm̄se cjēna p̄htoa bui, ijipihtiyequina apequina bui ijire Cristo. Sa yero yojop̄re ijipihtiyequina ahri deco cjēna bui p̄htoro ijire. Camep̄u ijipihtiyequina ape deco cjēnap̄u ḡh̄ure tiquina bui p̄htoro ijiatiquirota ijire tiquiro. 22 Sa yero ijipihtiyequina bui cūahye Cohācjū Cristore. Sa yero ijipihtiyere c̄oriquiro yeahye tiquirore. Sa yero Cristo yequina ihcā curua ijiyequina bui p̄htoro s̄oh̄aye tiquirore. Tiquina dapu ijire tiquiro pehe. 23 Cristo yequina ihcā curuata ijina, tiquiro pagū yero saha ijiaja. Cristo ijipih̄tirop̄u sa ijiducure. Sa yero ijipihtiyē tiquiro bajumehnedi mehna sa ijiducure.

## 2

*Cohācjū* marine cahīno, paja ihñano ȳhd̄uoahye marine

1 Ñañe buhiri tina, pecap̄u butiborina m̄sa ijiepegūta Cohācjū m̄sare ȳhd̄uri. 2 Panop̄re ahri yehpa cjēna Cohācjūre ȳhd̄ud̄ucayequina yero saha yemedi m̄sa. Sa yena watīno tiquiro nidiro saha yemedi m̄sa. Tiquiro watīno ahri yehp̄ap̄u dutiriquiro Cohācjūre ȳhd̄ud̄ucayequina p̄htoro ijire. 3 Panop̄re ijipih̄tina mari ohō saha dihita yerina ijimi. Mari ñañe dihitare tutuaro cahmemi. Mari esa tuharo, mari tuhoturiro saha yemi. Sa yena ijina ijipih̄tiyequina apequina yero saha, mari ḡh̄u ñana ijimi. Mari sa yena ijigū ihñano Cohācjū mari mehna usuaro, buhiri dahre duamahye. 4 Sa ye duariquiro ijieperota marine tutuaro paja ihñano, quehnoano cahīdi marine. 5 Sa cahī ȳhd̄uro, mari ñañe buhiri pecap̄u butiborina mari ijiepegūta marine tiquiro mehna sa ijiducuanaja ijigū yeri. Cristo yequina mari ijigū ihñano marine sa yeri. Marine paja ihñano, ȳhd̄uri tiquiro marine. 6 Sa yero Cristo yequina mari ijigū ihñano Cohācjū marine came tiquiro masoatinare cūri. Cristo tiquiro masoatinare cūri marine. Sa yena tiquiro mehna masa m̄janata mari. Sa yero ũhm̄sep̄u marine Cristo mehna ijigū yerota Cohācjū. 7 Ohō saha yeri marine tiquiro paja ihñarire, camep̄u ijiatiquinare masigū yero taro. Sa yeri tiquiro tutuaro cahīñene tiquinare masigū yero taro. Cristo yequina mari ijigū ihñano sa ȳhd̄uri tiquiro marine.

8 Cristore mari wacū tutuagū ihñano Cohācjū marine pecap̄u wahaborinare ȳhd̄uri. Marine paja ihñano, marine cahīno marine ȳhd̄uri. Mari esa tuharo mari quehnoano yeye mehna Cohācjū cahap̄u waha masiedaja mari. Cohācjū pehe marine ȳhd̄ore. Sa yero tiquiro mehna mari sa ijiducuatire ohore marine. Tiquiro sa ohogū mari esa tuharo quehnoañene mari yeri wapa ijierare ti. 9 “ ‘Ūsā esa tuharo pecap̄u wahaborina ȳhd̄u’, niboaga”, nino ohō saha dutiahye tiquiro: Mari esa tuharo ȳhd̄u dutierare marine. 10 Cristo yequina ijigū yeri marine Cohācjū pehe quehnoañe dihitare yeanaja mari ijiatire. Panop̄u quehnoañene mari yeatire cū tuhasahye tiquiro marine.

*Cristore* c̄ona mari quehnoano ijiaja

11 Sa yena panop̄u m̄sa ijie tirire yojop̄u ḡh̄ure wacūña m̄sa. Cristo yequina ijieranina judio masa ijiena ijina m̄sa acaye yero saha yerina ijimedi m̄sa. Cuhnucun̄

cahserogāre yūhre nedari mūsa. Mūsa sa yūhre nedagū ihñana ūsā judio masa pehe cuhnuconū cahserogāre yūhre nena pehe mūsare ihña tuhtina ohō saha nie tii. “Cuhnuconū cahserogāre yūhre neeñequina ijiye, Cohācjū yequina ijierare”, nie tii mūsare. <sup>12</sup> Ti pjere Cristo yequina ijierari jimedi mūsa. Ūsā judio masa pehe Cohācjū beserina ijie tii. Ūsā sa ijigū “Mūsare yūhdūoutja”, ni cūahye Cohācjū ūsāre. Sa yena mūsa pehe tiquiro sa ni cūrina ijierari jimedi. Sa ye Cohācjū beseriquinare ihña tuhtina ijinimedi mūsa. Mūsa ñañe buhirire pecapū wahanaja ijiri jimedi mūsa. Cohācjū mariena ijina pecapū waha, butiborina ijie tiri jimedi mūsa.

<sup>13</sup> Yojopū pehere Cristo Jesu yequina ijire mūsa. Panopū Cohācjūre ihña tuhtirina ijiepenata, yojopūre tiquiro yequina ijire mūsa. Cristo mūsa ñañe buhiri curusapū tiquiro dii cohāri bato Cohācjū yequina ijigū yeri mūsare. <sup>14</sup> Ūsāre judio masare ihña tuhtina mūsa ijigū ihñano Cristo marine ihña tuhti dutierari. Masare sa ni yahuriquiro ijire tiquiro. Ūsā judio masa, judio masa ijiena mehna pūa curua mari ijigū ihñano, tiquiro ihcā curuata ijigū yeri marine. Mari cahme ihña tuhtirire duhugū yeri tiquiro. <sup>15-16</sup> Ohō saha tire yeri tiquiro: Mari ñañe buhirire curusapū yariaro marine pecapū wahaborinare yūhdūori. Sa yūhdūoro tiquiro yequina ijigū yeri marine. Sa yero pūa curua mari ijiepegūta ihcā curuata wahma curua ijigū yeri marine. Sa yero panopū mari cahme ihña tuhtirina mari ijiepegūta marine ihña tuhtieragū yeri. Sa yero judio masa ūsā dutiyere cohāri tiquiro. Ti dutiye marine pūa curua iji dutiri jimedi. Yojopūre ihcā curuata ijiaja mari. Sa yero Cristo Cohācjū yequina ijigū yeri marine.

<sup>17</sup> Sa yero marine cahme ihña tuhtieragū yero taro Cristo quehnoañe buheyere yahuro ahtahye. Mūsa judio masa ijiena Cohācjū yere cūoerari jimedi. Mūsa sa cūoeragū ihñano mūsare yahuro ahtahye. Ūsā judio masa pehe Cohācjū yere cūou. Ūsā gūhūre yahuro ahtahye. Sa yero ijipihtinare marine cahme ihña tuhtieragū yero, bosaro ahtahye tiquiro. <sup>18</sup> Yojopūre ijipihtina mari judio masa, judio masa ijiena gūhū mari Pacū mehna quehnoano iji masiaja mari. Espíritu Santo tiquiro yedohoye mehna mari Pacū mehna quehnoano iji masiaja mari. Cristo pehe marine sa ijigū yeri.

<sup>19</sup> Sa yena yojopūre ape dihta cjēna yero saha ijierare mūsa. Yojopūre Cohācjū yequinare ihña tuhtina ijierare mūsa. Cohācjū yequina mehna cjāna ijire mūsa. Tiquiro ya curua cjāna ijire mūsa. <sup>20</sup> Cohācjū yere yahu mūhtariquina panopū cjēna tiquiro ye yahuducuyere oja, mūsare yahue tiahye. Ūsā gūhū tiquiro yere yahu dutiro tiquiro cūrina gūhū Cristo yere yahue tii mūsare. Ūsā ijipihtina sa yahugū tuhona, Cristore wacū tutua dūcari mūsa. Quehnoa yūhdūariquiro, ñañe marieniquiro ijiro, tiquiro yequina ijigū yeri tiquiro mūsare. Tiquiro mariedagū mari ne yūhdūeraboya. <sup>21</sup> Sa yero tiquiro masiñe mehna marine tiquiro yequinare ihcā curua ijigū yeri tiquiro. Sa yena tiquiro masiñe mehna quehnoana wahaja mari. Mari sa ijigū ihñano, tiquiro mari mehna ijire. <sup>22</sup> Sa yena Cristo yequina ijina ijipihtiequina apequina tiquiro yequina mehna ihcā curua wahari mūsa gūhū. Mūsa sa wahagū Cohācjū yaquiro Espíritu Santo mūsa mehna ijiro nine.

### 3

#### *Judio masa ijieyequinare quehnoañe buheyere yahuriquiro ijiahye Pablo*

<sup>1</sup> Sa yegū yūhū Pablo, Cristo Jesu yere mūsare ijipihtina judio masa ijienare yūhū yahuri buhiri peresupū ijiaja yūhū. <sup>2</sup> Cohācjū yūhūre paja ihñano, yūhūre cahño, quehnoañe buheyere mūsare judio masa ijienare yūhūre yahu dutiro, cūri. Tire tuhō tuhasari mūsa. <sup>3</sup> Panopū mūsare tiquiro yahuerarire Cohācjū yojopūre yūhūre masigū yeri. Ahrire mehenogā yahu, mūsare oja tuhasau. <sup>4</sup> Yūhū sa ojarire buhena Cristo yere yūhūre tiquiro masigū yerire masinata mūsa. <sup>5</sup> Ti tiquiro yahurire panopū cjēnare tiquiro yahuerahye. Yojopū pehere ūsāre Jesu cūrinare, Cohācjū yere yahu mūhtariquina gūhūre tiquiro yahurire masigū yeri Cohācjū. Tiquiro yaquiro Espíritu Santo pehe ūsāre masigū ye basari tiquirore. <sup>6</sup> Ohō saha ijire tiquiro yahuri: Ūsā judio masa dihitare Cohācjū yūhdūoerare. Judio masa ijieyequina gūhūre yūhdūorota tiquiro. Quehnoañe

buheyere tiquina quehnoano tãhogũ yũhdũorota tiquiro tiquinare. Sa yena usã judio masa, mũsa judio masa ijiena mehna ihcã pagũ yero saha ihcã curuata ijiaja mari. Sa yena mari ijipihntina Cristo Jesu yequina ijina ihcãno saha Cohãcjũ “Mũsare yũhdũoutja”, tiquiro ni cũriro sahata tiquiro yũhdũonohrina ijiaja mari.

<sup>7</sup> Cohãcjũ yũhũre paja ihũano, yũhũre cahĩno ahri quehnoañe buheyere yahuacjũre yũhũre cũri. Tiquiro masiñe mehna sa cũri yũhũre tiquiro. <sup>8-10</sup> Ijipihntiyequina apequina Jesu yequina docapũ ijieyequina tiquina docapũ waro ijiaja yũhũ. Yũhũ sa ijiepegũta judio masa ijieyequinare quehnoañe buheyere yahuacjũre cũri Cohãcjũ yũhũre. Ti buheye Cristo quehnoa yũhdũariquiro tiquiro ijiyere, quehnoa yũhdũaye tiquiro cũoyere tiquiro ohoatire yahure marine. Yũhũre sa cũno Cohãcjũ “Ohõ saha yũhdũoutja masare pecapũ wahaboriquinare”, nino tiquiro yũhdũoatire quehnoano yahu pehoacjũre cũri tiquiro yũhũre. Sa yero panopũ cjẽnare ti buheyere ne yahu pehoeraniahye Cohãcjũ. Ijipihntiyere bajumehnediquiro ijire tiquiro. Yojoapũre quehnoañe buheyere yahu dutiro cũri tiquiro yũhũre, tiquiro quehnoano masi pehoyere masigũ yero taro. Masi pehoriquiro tiquiro ijieye tiyere uhmũse cjẽna dutiyequinare, angele pũhtoã gũhũre masigũ ye duaheye tiquiro. Sa yero taro quehnoañe buheyere buhe dutiri marine Jesu yequinare. Mũsare judio masa ijienare yahu dutiri yũhũre.

<sup>11</sup> Ahri yehpa ijiatro panopũta “Masare pecapũ wahaboriquinare yũhdũoutja” niahye Cohãcjũ. Sa nidiquiro ijiro yojoapũre mari pũhtoro Cristo Jesu tiquiro yariaro mehna tiquiro nidiro sahata marine yũhdũori Cohãcjũ. <sup>12</sup> Tiquiro sa yũhdũogũ yojoapũre Cristore wacũ tutuana tiquiro yequina wahaja mari. Tiquiro yequina ijina cuero marieno Cohãcjũ mehna yahuducu masiaja mari. <sup>13</sup> Quehnoañe buheyere mũsare yũhũ buheri buhiri yojoapũre peresupũ ijigũ yũhũ ñano yũhdũogũ ihũana bujũã witieracãhũã. Quehnoañe buheyere yũhũ yahugũ tũhona Cohãcjũ yequina wahari mũsa. Yũhũ sa yeri buhiri peresupũ ijiaja. Sa yegũ mũsa ye ijiatire ñano yũhdũogũ niaja. Sa yena bucueya mũsa. Tire tutuaro bucue dutiaja mũsare.

#### *Cristo masare tutuaro cahĩne*

<sup>14</sup> Sa yegũ ahri ijipihntiye mari Pacũ tiquiro yerire wacũgũ tiquiro poto dũsepe curi mehna quehe sagũ sini basaja mũsare. <sup>15</sup> Tiquiro ijipihntiye cururi cjẽna, tiquiro yequina uhmũsepũ ijieyequina, ahri yehpapũ ijiniñequina gũhũ tiquina Pacũro ijire. Ijipihntina mari Pacũ ijire tiquiro. <sup>16</sup> Tiquirore ohõ saha ni sini basaja mũsare: Tiquiro masi pehoriquiro ijire. Tutua yũhdũariquiro ijire. Sa yero tiquiro masiñe mehna mũsare quehnoano tiquiro wacũ tutuagũ yeatire sini basaja. Espĩritu Santo yedohoro mehna sa yerota.

<sup>17</sup> Sa yegũ Cristore mũsa wacũ tutua nemoatire tiquiro mũsa mehna tiquiro quehnoano ijiatire sini basaja mũsare. Sa yegũ apequinare quehnoano cahĩna mũsa ijigũ, Cristo tiquiro tutuaro cahĩñene mũsa masiatire sini basaja mũsare. <sup>18-19</sup> Ijipihntiyequina apequina Cohãcjũ yequina gũhũ Cristo tiquiro tutuaro cahĩñene tiquina masiatire sini basaja. Tiquiro ijipihntiyequina masare cahĩ yũhdũariquiro ijire. Sa cahĩniquiro tiquiro ijieye tiyere mũsa quehnoano masiatire sini basaja mũsare. Sa yegũ tiquiro cahĩñene mũsa masigũ cahmeaja mũsa mehna Cohãcjũ quehnoano ijiatire. Quehnoa yũhdũariquiro, ñañe marieniquiro tiquiro ijiro saha mũsa wahatire tiquiro cahĩñene mũsa masigũ cahmeaja. Sa yegũ tiquiro cahĩñene mũsa masiatire sini basaja mũsare Cohãcjũre.

<sup>20</sup> Sa ye Cohãcjũre ño peoye mehna “Tiquiro tutuariquiro ijire”, niinhna mari. Tiquiro masiñe mehna quehnoañe pehere camesa masine tiquiro marine. Marine quehnoana ijigũ ye masine. Mari sinidi yũhdũoro ye masine tiquiro. Mari cahmeñene mari tũhoturi yũhdũoro ye masine tiquiro. <sup>21</sup> Cristo Jesu yequina mari ijigũ ihũañe, Cristo ijieye tiye gũhũre ihũañe, ijipihntiye decori ijipihntiyequina Cohãcjũre ño peahro. Sata yeahro.

<sup>1</sup> Sa yegũ m̄sare tutuaro yahuaja: Cohãcjũ tiquiro yequina ijiatinare m̄sare besee tiahye. Sa yena tiquiro beserina ijina tiquiro iji dutiriro saha quehnoana ijiya m̄sa. Tire m̄sare yahuaja yũhũ. Mari pũhtorore yũhũ yedohori buhiri peresupũ ijiaya yũhũ. Sa ye m̄sare quehnoana iji dutiaja. <sup>2</sup> “Usã pũrita masi yũhdũdũcaja”, ni tuhotuna ijieracãhña. Apequinare quehnoano mehna yeya usuaro marieno. M̄sa mehna cjẽna m̄sare tiquina ñano yepegũta tiquinare cahĩne mehna sa ihña cãhña. <sup>3</sup> Sa yena Espĩritu Santo yedohoye mehna quehnoano mehna ihcãno mehna ijiducuya m̄sa. Sa yena cahmequeno marieno ijinata m̄sa. <sup>4</sup> Ihcã pagũ yero saha ihcã curua ijiaya mari. Sa yero Espĩritu Santo ihcãquiota ijire. Cohãcjũ tiquiro yequina ijianajare m̄sare besee tiahye m̄sare yũhdũoro taro. Sa yena tiquiro yũhdũoatire masine m̄sa. Ti m̄sa masidi ihcãnota ijire. <sup>5</sup> Mari pũhtoro Cristo ihcãquiota ijire. Tiquiro buheye gũhũ ihcãnota ijire. Tiquiro yequinare wame yeye gũhũ ihcãnota ijire. <sup>6</sup> Sa yero Cohãcjũ ihcãquiota ijire. Tiquiro ijipihtiyequina Pacũro ijire. Sa yero mari pũhtoro ijire. Sa yero ijipihtinare marine yedohore tiquiro. Ijipihtina mari mehna ijire tiquiro. Sa yero ijipihtiropũ ijire tiquiro.

<sup>7</sup> Ihcã curua mari ijiepegũta ijipihtina marine mari ye masiatire cũri Cristo. Tiquiro cũriro sahata ye masiaja mari. Tiquiro marine sa cũno apee borore tiquiro sa oho cãriro saha yero nidi tiquiro. <sup>8</sup> Sata nine Cohãcjũ yere tiquina ojoari pũpũ: Cohãcjũre ihña tuhtiyequinare tiquiro yũhdũdũcari bato tiquiro pari turi m̄jaa waharota. Sa m̄jano tiquiro peye sa oho cãnota masare, ni ojoahye panopũre.

<sup>9</sup> “Tiquiro pari turi m̄jaa waharota”, tiquiro nigũ coã warore tiquiro dijia tari gũhũre mari masiaja. Ahri yehpũpũre tiquiro dijia tarire mari masiaja. <sup>10</sup> Sa yero ohõpũre dijia tariquiro tiquirota ijire m̄jaa wahariquiro. Ijipihtiyebui m̄jaa wahari tiquiro, ijipihtiropũ ijiro taro. <sup>11</sup> Tiquiro ijire “Masare peye sa oho cãriquiro”, tiquina nidiquiro. Masare tiquiro sa oho cãno saha tiquiro peye tiquina ye masiatire cũri masare.

Ohõ saha cũri tiquiro: Ihquẽquinare Cristo ye buheyere buheatiquinare cũri. Apequinare Cohãcjũ yere yahu m̄htatiquinare cũri. Quehnoañe buheyere buhe tiniatiquinare apequinare cũri. Cristo yequina cahmecoañequina pũhtoia ijiatiquinare, quehnoano buheatiquinare cũri apequinare.

<sup>12</sup> Sa dihita cũri marine apequinare tiquiro yequinare mari yedohoatire. Sa cũri marine tiquiro yequinare tiquirore mari wacũ tutua nemoatire, tutuana mari wahatire. <sup>13</sup> Sa yena mari ijipihtina quehnoano mehna ihcãno mehna ijinata. Sata ijiro cahmene marine Cristore wacũ tutuana ijina. Sa yena mari ijipihtina Cohãcjũ macũnore quehnoano masinata. Sa yena Cristo tutuariquiro, quehnoano masiniquiro tiquiro ijiriro saha mari gũhũ quehnoano masina wahanata.

<sup>14</sup> Mari sa wahana macanagã yero saha ijisi mari. Macanagã quehnoano tuho masiedarĩaga. Apequina tiquina buhegũ “Ahri poto ijire”, ni tiquina ni meho buhegũ macanagã yero saha ijiyequina apeye buheyere tuho, beseducure. Sa ye apequina tiquina sijoro saha buhegũ ti buheye pehere cahmene. Tiquina yero saha ijisi mari.

<sup>15</sup> Ohõ saha yenatja mari: Mari mehna cjẽnare cahme cahña, poto quehnoañe buheyere yahunatja tiquinare. Sa yena macanagã tiquina bucũa tuho masiñequina tiquina wahariro saha mari gũhũ tutuana, Cohãcjũ yere quehnoano masina wahanatja. Cristo ijiro saha wahanata.

Tiquiro ijire mari dapu. <sup>16</sup> Tiquiro yequina ijina tiquiro pagũ yero saha ihcã curuata ijiaya mari. Sa yena mari caperi, mari cahmo, mari dahpocãri ihcã pagũpũ ti quehnoano ijiro saha mari gũhũ peyequina ijiepenata ihcãno mehna quehnoano ijiaya. Mari sa ihcãno mehna mari ijiatire Cristo yedohore. Mari omocari mari pagũre ti quehnoano yedohoro saha mari quehnoano yedohoja apequinare Cristo yequinare. Sa yena mari mehna cjẽnare Cristo yequinare quehnoano cahña, tiquinare quehnoano yedohona, tutuana Cristore wacũ tutua nemonahana mari.

*Cristo yequina wahana mari ñañe yeyere duhu, quehnoañe pehere comesaja mari*

<sup>17</sup> Sa ye mari puhtoro Cristo tiquiro dutiro mehna ohō saha niitja mūsare: Cohācjūre cahmeeñequina waro yero saha yeracāhña mūsa. Tiquina tūhotuye pehe ñañe dihitā ijire. Sa ye tiquina tūhotuye dūhseati ijierare. <sup>18</sup> Sa yero Satana Cohācjū yere tiquinare tūhoeragū yere. Sa ye tiquiro yere ne tūhoerare. Tūho duerare tiquina. Sa ye Cohācjū tiquiro quehnoano iji dutiriro saha ijierare tiquina. <sup>19</sup> Sa ye tiquina ñano yeye ne bue tiera yūhdūare. Ne bujua witierare. Ñañene tiquina tutuaro cahmeñe dihitare yeducure. Ijipihtiye ti ñañene yeducuye duhu duerare. <sup>20-21</sup> Mūsa pehe poto tiquiro yere tūhona mūsa ijigū, Jesu yere quehnoano masina mūsa ijigū mūsa pehere tiquina yero saha ye dutierare tiquiro. <sup>22</sup> Sa yena panopu mūsa yerire duhu cāhña. Ti pjere ñañene yeducuna mūsa ijigū ti ñañe pehe mūsare dojomehneneno nimesi. “Ñañene yena, quehnoano bucuenata”, ni tūhotuna ijiepenata ne bucuerari mūsa. <sup>23</sup> Sa ye mūsa tūhotuyere quehnoañe pehere comesaro cahmene mūsare. <sup>24</sup> Panopu mūsa ñañe yerire duhu cāhña. Sa yena quehnoañe pehere comesarina ijiya mūsa. Ohō saha ijiyequina Cohācjū yero saha ijire. Mūsa sa ijina, quehnoañene yeducunata. Sa yena ñañene yabinata mūsa.

<sup>25</sup> Sa yena mūsa ni mehorire duhu cāhña. Mūsa mehna cjēnare poto yahuya, ni mehono marieno. Mari ihcā pagu yero saha ihcā curua cjānata ijina niaja. Sa yena mūsa basi ni mehoedacāhña.

<sup>26</sup> Apequinare usuana, tiquinare ñano yeracāhña. Sa yena usuana, ne yoari pje usuaducueracāhña mūsa. <sup>27</sup> Yoari pje usuana, watino tiquiro cahmeno saha yena niaga mūsa. Sa yeracāhña.

<sup>28</sup> Ihquēquina mūsa mehna cjāna Jesu yequina mūsa ijiato pano yaquerina ijina pari turi yaqueracāhña. Sa yena yojopure quehnoano dahraya pejecoyequinare mūsa ohoatire.

<sup>29</sup> Ne ñano yahuducueracāhña. Quehnoañene yahuducuna apequinare yedohore mūsa. Sa yena quehnoañe dihitare yahuducuya. <sup>30</sup> Ñañene yena Espiritu Santore bujua witiḡū yena niaga mūsa. Sa yeracāhña. Yojopure pihtiri deco pano Cristo marine tiquiro neato pano Espiritu Santo marine ihña ihbore marine ñañene ye dutieraro. Sa yero Cristo yequina mari ijiyere masigū yere tiquiro marine. Sa yena tiquirore bujua witiḡū yeracāhña.

<sup>31</sup> Sa yena ne ñano ye nemoedacāhña. Usua, cahme duse tutua nemoedacāhña. Apequinare ñano ni sañuducu nemoedacāhña. Apequinare quti dahre nemoedacāhña. Ne apequinare ñano ni tūhotu nemoedacāhña. <sup>32</sup> Sa ye mūsa mehna cjēnare quehnoano mehna quehnoano yeya. Cristo yequina mūsa ijigū ihñano mūsa ñañene bo cāhri Cohācjū. Ohō saha apequina mūsare tiquina ñano yegū ihñana tiquina ñañene bo cāhña mūsa ḡūh.

## 5

“Cohācjū pohnene ohō saha ijiro cahmene”, ni yahuahye Pablo

<sup>1</sup> Sa ye Cohācjū pohna tiquiro cahñona ijina Cohācjūre ihña cūña mūsa. <sup>2</sup> Sa yena apequinare sa cahīducuya. Cristo marine cahño, mari ñañe buhiri yariahye. Sa yariaro Cohācjūre bucegū yeahye tiquiro. Sa yena marine tiquiro cahīdiro saha mūsa ḡūh apequinare cahñña.

<sup>3</sup> Sa yena Cohācjū yequina ijina ne numia mehna ñano yeracāhña. Numia ḡūh mūsa mehna ñano yeracāhña. Apeye ñañene ohō saha ijiye ñañene yeracāhña. Apee borore cahme yūhdūeracāhña. Ne sa yeraro cahmene mūsare Cohācjū yequina ijina.

<sup>4</sup> Sa yena buoyere cahme yahuducueraro cahmene mūsare. Tūho masieñequina yero saha yahuducueraro cahmene mūsare. Sa yena ñano ni bujuperaro cahmene mūsare. Ahri pehere yero cahmene mūsare. Cohācjū mehna yahuducuro cahmene mūsare. Sa yahuducuna tiquirore “Quehnoano yeri mūhu usāre”, nino cahmene. <sup>5</sup> Apee borore cahme yūhdūana, “Cohācjū ijire”, mari niñe queoyere mari cahmeno saha yena niaja mari tire. Doeri cjēne ño peoyequina yero saha yena niaja mari. Sa ye wūana tiyequina,



ñañe dihitare tūhotuyequina, apee borore cahme yūhdūayequina Cohācjū, Cristo mehna tiquina pūhtoro ijiropū ne wahasi tiquina. Tire quehnoano masiaja mari. <sup>6</sup> Ohō saha yeyequina tiquina yeri buhiri buhiri dahrerota Cohācjū tiquirore yūhdūdcayequinare. Sa yena apequina mūsare “Ahri ñañe ijierare”, tiquina ni mehogū tūhoeracāhña. <sup>7</sup> Sa yena ohō saha ñano ye yūhdūdcayequinare ne piti tieracāhña.

<sup>8</sup> Cristo yequina mūsa ijiato pano sa ijirinata ijimedi mūsa gūhū. Yojoṙpū pehere tiquiro yequina ijina, Cohācjūre quehnoano masine mūsa. Cohācjū yequina quehnoañene yere. Sa yena sa yero cahmene mūsare. <sup>9</sup> Sa yena Cristo yequina ijina quehnoañene, Cohācjū cahmeñene, ni mehono marieno yeducunata mūsa. <sup>10</sup> Quehnoañene mari yegū ihñano mari pūhtoro Cristo bucuere. Sa yena tire yeya. <sup>11</sup> Cristore cahmeeñequina ñañe tiquina yeye ñañe waro ijire. Sa yena tiquina yero saha mūsa pehe yeracāhña. Quehnoañe buheyere Cristo yere yahuya tiquinare. Sa yena tiquina ñañe yeyere tiquinare masigū yeya. <sup>12</sup> Masa ihñenopū tiquina ñano ye cohtere. Tiquina sa yerire yahuducuna mari bue tiboaga. Sa yeye ña yūhdūaro yere tiquina. <sup>13</sup> Sa yena tiquinare quehnoañe buheyere mari yahuna, ña yūhdūayequina tiquina ijiyere masigū yena niaja mari tiquinare. Ijipihtiyere mari yerire marine masigū yere quehnoañe buheye, buhioro marine ti ihña masigū yero sahata. <sup>14</sup> Ti ijirota ijire. Sa ye ohō saha ni yahure Cohācjū yere yahuyequina: Ne, yūhure tūho duena, tūhoya mūsa. Mūsa ñañe yeyere bujua witi, tire duhuya. Cristo mūsa ñañe yeyere masigū yerota, ni yahure.

<sup>15</sup> Sa yena decoripe quehnoano yeya mūsa. Tūho masieñequina yero saha ijieracāhña. Tūho masina ijia. <sup>16</sup> Yojoṙpū cjēna masa ña yūhdūaro yeducure. Sa yena mūsa pehe quehnoañene, Cristo yere sa yeducuya mūsa. <sup>17</sup> Sa yena tūho masiena ijieracāhña. Cohācjū cahmeñene quehnoano masiña. Sa yena tire yeya. <sup>18</sup> Sa ye pairure sihni queheracāhña. Queheyequinare ñano yūhdūro cua yūhdūare. Sa yena pairure tutuaro cahmedacāhña. Espiritu Santo pehere tutuaro cahmeña mūsa mehna tiquiro quehnoano ijiatire. Tiquirore quehnoano yūhtiya. <sup>19</sup> Sa yena mūsa basi Cohācjūre ño peo basayere cahme yahuducuya. Sa yena Salmore Cohācjū yere basayere, apeye tiquirore ño peo basaye gūhure tiquirore basa peoya mūsa. Quehnoano wacū ño peoye mehna basa peoya. Sa yena mari pūhtoro Cristore ño peoya. <sup>20</sup> Cohācjū mari Pacū ijipihtiyere mūsare tiquiro ohorire bucue “Quehnoare”, sa niducuya mūsa tiquirore. Mari pūhtoro Jesucristo yequina ijina mari Pacūre “Quehnoare”, sa niducuya mūsa.

“Mūsa ihcā wūhū cjāna Jesu yequina ijina, ohō saha yeya”, ni yahuahye Pablo

<sup>21</sup> Sa ye mūsa mehna cjēnare cahme ño peoye mehna yūhtiya. Sa cahme ño peo yūhtina Cristo gūhure ño peona nine mūsa.

<sup>22</sup> Mūsa namosānumiare yahutja yojoṙpūre. Mari pūhtoro Cristore mari yūhtiro saha mūsa manūsūmūare quehnoano mehna yūhtina numia ijia. <sup>23</sup> Jesucristo marine yūhdūore tiquiro ya curua cjāna mari ijiatire. Sa yero mari tiquiro ya curua cjāna mari pūhtoro tiquiro ijiro saha mūsa manūsūmūa mūsa namosānumia pūhtoa ijire. <sup>24</sup> Sa yena Cristo yequina ijina tiquirore sa yūhtiducujaja mari. Sata mūsa namosānumia mūsa manūsūmūare quehnoano yūhtiducuna numia ijia.

<sup>25</sup> Mūsa manūsūmūa pehere yahutja yojoṙpūre. Cristo marine tiquiro yequinare cahño, mari ye ijiatire yariahye. Sa yena marine tiquiro cahñiro saha mūsa gūhū mūsa namosānumiare quehnoano cahñiducuya. <sup>26</sup> Cristo mari ye ijiatire yariahye mari ñañe yerire cosero taro. Tiquiro buheye quehnoañe buheye mehna mari ñañe yeyere cosere. Sa yero tiquiro yequina mari ijigū ihñano aco mehna marine wame yere. <sup>27</sup> Sa cosere marine tiquiro yequina ijanare yero taro. Tiquiro sa cosegū ne ñañe buhiri mariena ijinata, tiquiro ihñagū. Sa yena quehnoana, Cristo yero saha ijinata. <sup>28</sup> Mūsa namosānumiare cahña, mūsa basi mūsa pagūrire mūsa cahño saha tiquina numiare cahña. Mari namonore cahña mari pagūre cahña niaja.

<sup>29-30</sup> Ne mari pagūrire ñano wahagū cahmedaja. Mari ihyayere ihyana quehnoano yena niaja mari pagūrire. Cristo yequina ijina tiquiro pagū yero saha tiquiro ya curua

cjāna ijiaja mari. Sa yero marine quehnoano yere tiquiro. Sa yena Cristo marine tiquiro quehnoano yeriro sahata mari gūhū mari pagure quehnoano yeaja. Mari namosānumia gūhure sata quehnoano yero cahmene marine. <sup>31</sup> Sata nine Cohācjū yere tiquina ojoari pūpū: “Sa ye ɯmūno tiquiro pacusumūare wijiaro tiquiro namono mehna ijirota. Sa ye tiquina pūaro ijiepetā ihcāquiro yero saha ijietā”, ni ojoahye panopū. <sup>32</sup> Ahri tiquiro ojoarire apequina quehnoano tuhoerari jiri. Sa yegū tire ohō saha ni yahutja mūsare. Ohō saha ni yahuro niaga. “Cristo tiquiro yequina mehna ihcā pagū yero saha ihcā curuata ijire”, ni yahuro niaga. <sup>33</sup> Sa yegū mūsare ohō saha ni yahu nemoutja tja: Mūsa pagūrire mūsa cahīno saha mūsa namosānumiare cahīña. Sa yena mūsa manūsumūare quehnoano ño peoya mūsa.

## 6

<sup>1</sup> Yojoṗure macanagāre yahutja. Mari pūhtoro Cristo yequina ijina mūsa pacusumūare quehnoano yūhtiya. Mūsa sa yegū quehnoarīne. <sup>2-3</sup> Ohō saha niahye Cohācjū dutiye: “Mūsa pacusumūare quehnoano ño peoya”, ni dutiahye tiquiro. Ahri dutiro mehna Cohācjū yahu nemoahye. Ohō saha niahye: “Mūsa pacusumūare ño peona, ahri yehpapū yoari pje bucueye mehna ijinata mūsa”, ni yahuahye. Tiquiro sa ni yahugū ahri dutiro ihyo ijiri dutiro ijierare. Sa yena tiquiro nidiro saha mūsa pacusumūare ño peoya.

<sup>4</sup> Yojoṗure tiquina pacusumūare yahutja: Mūsa pohmare sa tuhtiducueracāhña, “Usuagū yeari”, nina. Mari pūhtoro Cristo tiquiro cahīne mehna tiquiro yedohoye mehna tiquinare quehnoano cohteya. Sa yena tiquinare quehnoano yahuya.

<sup>5</sup> Yojoṗure cahacjānare mūsare yahutja: Cua pesaro mehna, ño peoye mehna ahri yehpa cjēnare mūsa pūhtoare quehnoano yūhtiya. Ni mehono marieno quehnoano yūhtiya. Cristore mūsa yūhtiro sahata tiquinare yūhtiya mūsa.

<sup>6</sup> Tiquina ihñono dihitare yūhtina ijieracāhña. Sa yeyequina masa dihitare tiquinare ihña bucuegū cahmene. Mūsa pehe Cristo tiquiro cahacjāna mūsa ijiro saha mūsa pūhtoa gūhure sa yūhtiducuya. Cohācjū tiquiro cahmeno sahata quehnoano bucueye mehna yūhtiya. <sup>7</sup> Sa yena Cristore yūhtina mūsa ijiro saha bucueye mehna yūhtiya mūsa pūhtoa gūhure. “Masa dihitare yūhtina niaja”, ni tuhotueracāhña. <sup>8</sup> Sa yena ahrire wacūña: Ijipihtina quehnoañene mari yegū ihñano Cohācjū quehnoano yerota marine. Cahacjēnare, cahacjēna ijieyequina gūhure quehnoano yerota.

<sup>9</sup> Yojoṗure pūhtoare yahutja: Mūsa cahacjēnare quehnoano yeya. Tiquinare quehnoano yūhū ye dutiriro sahata yeya mūsa gūhū tiquinare. Tiquinare tuhtiperacāhña. Ʋhmūse cjūno Cohācjū potota tiquina pūhtoro ijire. Mūsa yaquiro pūhtoro ijire tiquiro gūhū. Sa yena ijipihtina mūsa tiquiro cahacjāna dihita ijire. Sa yero tiquiro ihcāno saha ihñare mūsare ijipihtinare. Sa yena mūsa cahacjēnare tuhtiperacāhña.

### *Cristo yequina watīnore tiquina cahmotarire yahuahye Pablo*

<sup>10</sup> Ahrire yahu bato tiitja mūsare: Quehnoano wacū tutuana ijiya mūsa. Mari pūhtoro Cristo mūsa mehna ijire. Sa yena tiquiro ye masiñe mehna wacū tutuana ijiya. <sup>11</sup> Watīno marine ni mehono, ñano ye dutire marine. Cohācjū marine cahmotare mari ñañene yeborire. Marine tiquiro cahmotaye surara tiquiro cahmotari suhtiro, come suhtiro yero saha ijire. Sa yena ti suhtirore mūsa sañano saha Cohācjū tiquiro cahmotayere quehnoano cūo pehoya. <sup>12</sup> Jesu yequina mari ijigū, marine ihña tuhtiequina masa waro ijierare. Ʋhmūse cjēna ijimediquina ñañequina, tutuayequina, tiquina pehe ijire marine ihña tuhtiequina. Watīa ahri yehpa cjēna pūhtoa ijire. Sa ye tiquina gūhū ijire marine Jesu yequinare ihña tuhtiequina.

<sup>13</sup> Sa yena yojoṗure cahmotari suhtirore mūsa sañano saha Cohācjū mūsare tiquiro cahmotatire tiquiro yere quehnoano cūo pehoya. Sa yena watīno mūsare tiquiro ñano ye dutigū, mūsare tiquiro ñano ye duagū, tiquirore cahmotanata. Sa yena yūhdūdcanata. Sa tiquirore yūhdūdcana, tutuana tojoanata mūsa.

<sup>14</sup> Sa yena tutuana ijiya. Cohācjū mūsare tiquiro cahmotatire ohō saha yeya mūsa:

Surara tiquiro come suhtiro mehna tiquiro jeripohnare cahmotariro saha poto yahuyere Cohãcjũ yere quehnoano tũhoya m̄sa watĩnore m̄sa cahmotatire. Sa yena Cristo yedohoye mehna quehnoana ijiya m̄sa, watĩnore m̄sa quehnoano cahmotatire.

<sup>15</sup> Surara tiquiro dahpo suhti mehna tiquiro dahpocãrine tiquiro cahmotariro saha quehnoañe buheyere quehnoano masiña m̄sa, watĩnore m̄sa cahmotatire. Ti buheye marine quehnoano ijigũ yere.

<sup>16</sup> Surara tiquiro tohoriro mehna tiquiro cahmotariro saha Cristore quehnoano wacũ tutuaducuya m̄sa watĩnore m̄sa cahmotatire. B̄eye c̄jũ mehna tiquiro sihã m̄sare tiquiro b̄edoqueboro saha watĩno m̄sare ñano yegũ ye duare. Sa yena Cristore quehnoano wacũ tuana, cahmotanata m̄sa.

<sup>17</sup> Surara tiquiro come sapea mehna tiquiro dapure cahmotariro saha m̄sare pecap̄wahaborinare Cristo yũhd̄orina ijiya m̄sa, watĩnore m̄sa cahmotatire.

Surara tiquiro ñoseni p̄jĩ mehna tiquiro cahmotariro saha Cohãcjũ ye buheyere quehnoano masiña m̄sa, quehnoano m̄sa cahmotatire. Sa yena apequinare quehnoano yahuya tiquiro yere. Ti Cohãcjũ ye buheyere Espĩritu Santo marine yahure.

<sup>18</sup> Sa m̄sa watĩnore cahmotana Cohãcjũre decoripe sa siniducuya. Espĩritu Santo yedohoye mehna sa siniducuya. Sa yena quehnoano wacũ masiña. Sa sinina, caributier-acãhña. Ijipihtiyequina Cohãcjũ yequinare sa sini basaducuya. <sup>19</sup> Sa yena yũhũ gũhũre sini basaya Cohãcjũre. Ohõ saha ni sini basaya: Quehnoañe buheyere, panop̄ũ tiquina masiedarire quehnoano yũhũ yahuatire sini basaya yũhũre. Sa yena cuero marieno yũhũ yahuatire sini basaya yũhũre. <sup>20</sup> Cristo tiquiro yere yahu dutiro yũhũre ohori. Yũhũ sa yahuri buhiri peresup̄ũ ijiaja yojop̄ũre. Ohõp̄ũ yũhũ ijiepegũta cuero marieno tiquiro yere yũhũ yahuatire sini basaya yũhũre. Tiquiro yere yahuac̄jũ ijigũta niaja yũhũ.

*Pablo quehnoa duti bato tiahye*

<sup>21</sup> Yojop̄ũre Tĩquico m̄sa cahap̄ũ esaro yũhũ ijiye tiyere m̄sare yahu pehorota. Tiquiro mari acayũro mari cahĩniquiro ijire. Sa yero mari p̄htoro yere quehnoano yedohoriquiro sa ijiducure. <sup>22</sup> Ûsã ijiye tiyere m̄sare yahu dutigũ tiquirore ohogũ niaja m̄sa quehnoano bucueatire.

<sup>23</sup> Cohãcjũ mari Pacũ mari p̄htoro Jesucristo gũhũ tiquina mehna m̄sa ijipihtinare ùsã acayere quehnoa dutiaja. Cristore m̄sa quehnoano wacũ tutuaye mehna m̄sa cahme cahĩatire Cohãcjũre sini basaja m̄sare. <sup>24</sup> Ijipihtiyequina mari p̄htoro Jesucristore sa cahĩducuyequinare Cohãcjũ mehna quehnoa dutiaja.

## Filipenses

*Peresup* ijiriquiro ahri püre ojoa ohoahye Pablo

<sup>1</sup> Yuhũ Pablo, Timoteo mehna Jesucristo cahacjãna ijiaja usã. Sa yena ijipiltinare musare quehnoanare Jesucristo yequinare Filipo cjãnare quehnoa dutiaja usã. Musare, musa puh̄toa gũhure, musare yedohoyequina gũhure ojoa ohoaja yuhũ, Pablo. <sup>2</sup> Sa yena Cohãcjũ mari Pacũ, mari puh̄toro Jesucristo mehna musare quehnoa dutiaja. Tiquina yedohoye mehna quehnoano ijiya musa.

*Pablo Jesu yequinare Cohãcjũre* sini basahye

<sup>3-6</sup> Cohãcjũ musare quehnoañe pehere comesagũ yero nine. Sa yero musare tiquiro sa ye dũcariro sahata sohtori dahrerota tiquiro. Sa yena Jesucristo ahri yehpapũre tiquiro wihigũpũre ñañe mariena ijinata musa. Sa yena coã waropũre Jesu yequina musa ijiri bato, yojopũ gũhure yedohore musa yuh̄ure quehnoañe buheyere yuhũ buhegũ. Musa sa yegũ ihñagu Cohãcjũre “Quehnoare”, niaja yuhũ. Musare wacũgu sa dihita niaja yuhũ. Musare Cohãcjũre sini basagu, bucueye mehna sini basaja.

<sup>7</sup> Musare yuhũ sa tuh̄otugũ quehnoarĩne. Quehnoañe buheyere “Poto tjire”, puh̄toare yuhũ tutuaro ni yahuducugũ musa yuh̄ure yedohori. Poto ti buheye ijigũ yuhũ tiquinare yahugũ musa yuh̄ure yedohori. Peresupũ yuhũ ijigũ gũhure musa yuh̄ure yedohori. Sa yero Cohãcjũ marine quehnoano yero, tiquiro ye buheyere cũri marine. Musa yuh̄ure yedohori. Sa yena ti buheyere yuhũ mehna musa buheboriro saha yena nine musa, yuh̄ure yedohona. Sa yegu yuhũ jeripohna mehna tutuaro wacũaja yuhũ musare. <sup>8</sup> Jesucristo cahĩne mehna tutuaro musare wacũaja yuhũ. Yuhũ sa wacũgũ Cohãcjũ tire masine.

<sup>9</sup> Musare ohõ saha ni sini basaja yuhũ Cohãcjũre: Cohãcjũ yere quehnoano masiñe mehna, tuh̄o masi pehoye mehna apequinare musa cahĩ nemoatire sini basaja yuhũ musare Cohãcjũre. <sup>10</sup> Quehnoa yuh̄dũyere musa masiati gũhure sini basaja musare. Musa sa masina Cristo ahri yehpapũ tiquiro tojoa tagũ quehnoañene yena, ñañe buhiri mariena ijinata musa. <sup>11</sup> Sa yena ijina Cohãcjũ cahmeñene yenata musa. Musare sa yegũ yerota Jesucristo pehe. Cohãcjũ quehnoa yuh̄dũariquiro, tutuariquiro tiquiro ijiyere ihñono taro, ijipiltiyequina tiquirore tiquina ño peoatire tiquiro cahmeñene musare yegũ yerota.

*Pablo Cristo yaquiro tiquiro ijiye tiyere yahuahye*

<sup>12</sup> Yuhũ acaye, ahri yuhũ niatire musa quehnoano masigũ cahmeaja yuhũ. Yojopũre peresupũ yuhũ ijiepegũta quehnoañe buheye pehe sa uh̄mũ tãducuro nine. <sup>13</sup> Sa ye Cristo yaquiro yuhũ ijiri buhiri peresupũ yuhũ ijirire masi piltire puh̄toro ya wuhũ cjẽna surara. Ijipiltiyequina apequina gũhũ ohõpũ ijiyequina tire masine. <sup>14</sup> Sa ye peresupũ yuhũ ijigũ ihñañe, peyequina mari acaye Jesu yequina mari puh̄toro Jesure wacũ tutua nemoñe nine. Sa wacũ tutuaye, cuero marieno quehnoañe buheyere apequinare buhere tiquina.

<sup>15</sup> Ihquẽquina Cristo yere buheraboriquina ijiepetã yuh̄ure ihña cooye, Cristo yere buhere apequinare tiquinare ihña wahãgũ cahmeñe. Apequina pehe quehnoano mehna Cristo yere buhere. <sup>16-17</sup> Quehnoañe buheyere yuhũ tutuaro yahuatire Cohãcjũ yuh̄ure tiquiro cũrire quehnoano masine ahriquina pehe. Sa masiñe tiquina cahĩne mehna Cristo yere buhere. Apequina pehe yuh̄ure ihña tuhtiyẽ, masare tiquina pehere tiquina ihña wahãgũ cahmeñe, Cristo yere buhere. Sa ye peresupũ yuhũ ijigũ tiquina yuh̄ure bujua witigũ ye duare. <sup>18</sup> Quehnoanota. Cristo yereta buheye nine. Tiquina Cristore poto cahĩedapeta Cristo yereta buhere. Apequina pehe quehnoano mehna buhere. Ijipiltiyequina tiquina tiquiro yere buhegũ bucueaja.

<sup>19</sup> Sa yegũ sa bucueducugutja yũhũ. Cohãcjũre mũa sini basari mehna Jesucristo yaquiro Espiritu yedohoye mehna Cohãcjũ yũhũre wiorota peresupũ ijirigũre. Tire masiaja. <sup>20</sup> Ohõ saha yeitja yũhũ. Decoripe yũhũ yeriro sahata yojopũ gũhũre cuero marieno Cristo yere buheaja, masa tiquirore quehnoano tiquina ño peato saha. Ohõ saha ye duaja yũhũ yerire yũhũ buoro yũhdũerato saha. Catinigũ waro ohõ saha ye duaja. Tiquina yũhũre wejẽ duepegũta ohõ saha ye duaja. <sup>21</sup> Catinigũ Cristo yere yenigutja. Yariagupũ pũrita ti yũhdũoro quehnoano tojoagutja yũhũ. <sup>22</sup> Sa niepegũta catinigũ Cristo yere yũhũ ye nemoato saha cati nemo duaja. Sa niepegũta yariaye gũhũre cahmeaja. ¿Dise boro pehere yũhũ cahmeboagari? Masiedaja yũhũ. <sup>23</sup> Yũhũ ohõ saha ni yahuducugũ mijorĩne yũhũre. Cristo mehna tutuaro iji duaja. Sa yegũ yojopũre tiquiro cahapũ waha duaja. Catiye yũhdũoro ahri pehe quehnoa yũhdũũcare. <sup>24</sup> Sa ijiepegũta mũsare yũhũ yedohoato saha catinino cahmene yũhũre. <sup>25</sup> Tire masigũ ohõpũ mũa mehna yũhũ ijiniatire masiaja yũhũ. Sa ijinigutja Cristore mũa wacũ tutua nemoatire, ti wacũ tutuaye mehna mũa bucuẽatire. <sup>26</sup> Ahri yehpapũ ijinigũ mũa cahapũ pari turi yũhũ wahagũ mũa bucuẽnata. Cristo Jesu yũhũre tiquiro yedohogũ masina, “Tutuagũ ijire mũhũ”, ni ño peonata mũa tiquirore.

<sup>27</sup> Yojopũre ahri dihitare yahutja mũsare. Cristo ye buheye ti nidiro sahata ijiducuya mũa. Wacũ tutuana ijiya. Sa yena cahme tu waro marieno quehnoañe buheyere yahu tutuaya. Sata yũhũ mariedagũ gũhũre yũhũ ijigũ gũhũre mũa yegũ cahmeaja. Sa ijina mũa ijigũ tuhoo duaja yũhũ. <sup>28</sup> Mũsare ihña tuhtiyequinare cueracãhña. Mũa sa cueragũ ihñañe Cohãcjũ yequina mũa ijigũ masieta tiquina. Sa masiñe pecapũ tiquina wahati gũhũre masieta. Sa ye Cohãcjũ mũsare tiquiro yũhdũoati gũhũre masieta. Ohõ saha masigũ yere Cohãcjũ masare. <sup>29</sup> Cristore mũa wacũ tutuatire Cohãcjũ cũri. Ahri gũhũre cũri. Cristo yere mũa yeri buhiri mũa ñano yũhdũuati gũhũre cũri Cohãcjũ. <sup>30</sup> Sa ye Cristo yequina mũa ijiri buhiri apequina mũsare ñano yere. Mũsare tiquina yeriro saha yũhũ gũhũre ñano yere tiquina. Mũa mehna yũhũ ijigũ yũhũre tiquina sa yegũ ihñari mũa. Yojopũ gũhũre yũhũre tiquina sa yegũ tuhoo mũa. Sa yena mari ihcãno saha ñano yũhdũaja.

## 2

*Cristo ihyo ijiriquiro sajãno, ijipihtiyequina pũhtoro ijiatiquiro ijiahye*

<sup>1-2</sup> Cristo mũsare quehnoano jeripohna tigũ tiquiro yegũ, Cristo tiquiro cahĩne mehna mũa bucuẽna, yũhũre quehnoano bucuẽgũ yeya mũa. Sa yena Espiritu Santo ijipihtina mũa mehna tiquiro ijigũ apequinare cahĩna, paja ihñana ijina, yũhũre quehnoano bucuẽgũ yeya mũa. Ahrire mũa yegũ bucuẽitja: Ihcãno mehna quehnoano jeripohna tiya mũa. Sa yena mũa basi cahme cahĩña. Quehnoano mehna ijiducuya. Sa yena ihcãno mehna quehnoano ijiya. <sup>3</sup> Apequinare yũhdũũca dueracãhña. Sa yena sa tuhutu cãhña mũa. Sa yena apequinare quehnoano ño peo, ohõ saha ni tuhutuya: “Tiquina pehe yũhũ yũhdũoro quehnoañequina ijire”, ni tuhutuya. <sup>4</sup> Ihcãquiro apequinare yedoho dueraboaga. Tiquiro yero saha yeracãhña. Apequina gũhũre yedohoya.

<sup>5</sup> Cristo Jesu apequinare yũhdũũca dueriquiro tiquiro ijiro saha mũa gũhũ apequinare yũhdũũca dueracãhña. <sup>6</sup> Tiquiro pehe Cohãcjũ waro ijieperota “Cohãcjũ mehna ihcãno saha ijigũ wijiasi yũhũ”, ni tuhutuerahye tiquiro. <sup>7</sup> Sa yero tiquiro Cohãcjũ mehna ihcãno saha tiquiro ijiyere wijia, ohõpũ ahtarõ masũnota masa bajuaro tiquiro cahacjũno yero saha iji dũcahye. <sup>8</sup> Sa yero tiquiro masũno ihcãno saha pagũ tiriquire ijiro, ihyo ijiriquiro waro wahahye. Sa waharo “Curusapũ wejẽña tiquirore”, tiquina nigũ tiquiro yũhdũũcaerahye. Curusapũ yariatiquiro ijieperota tiquiro yũhdũũcaerahye. <sup>9</sup> Sa yero mari Pacũ ijipihtiyequina tiquina ño peoatiquire cũahye Jesure. Sa yero ijipihtiyequina apequina pũhtoro sũahye Cohãcjũ tiquirore, <sup>10</sup> ijipihtiyequina uhmũse cjẽna, ahri yehpa cjẽna, yariariquina gũhũ Jesu wamene tuhoyequina tiquina dũsepe curi mehna quehe sa, tiquina ño peato saha. <sup>11</sup> Sa pũhtoro sũahye tiquirore mari Pacũ, “Jesucristo mari



pũhtoro ijire”, ijipihtiyequina tiquina niatiquirore. Sa niñe Cohãcjũre mari Pacũre ño peoye nine.

*Cristo yequina buhrioro yero saha ijiye, quehnoano masare yahu, masigũ yere*

<sup>12</sup> Sa yena yũhũ cahĩna, mũsa mehna yũhũ ijigũ mũsa yũhtiducuriro saha, yojopũ yũhũ yoaropũ ijigũ gũhũre panopũ mũsa yũhtiriro yũhdũoro yũhtiya yũhũre. Sa yena ijipihntina mũsa quehnoana ijina tana Cristo yedohoro mehna ñañene yeracãhĩna. Sa yena ño peoye mehna apepero marieno Cohãcjũ yere yeya. <sup>13</sup> Cohãcjũ quehnoañe pehere mũsare cahmegũ yero nine tiquiro cahmeno saha mũsa yeato saha. Sa yero tire mũsa yeatire yedohorota Cohãcjũ. Tiquiro sa yedohogũ ti yũhũ nidiro saha yeya mũsa.

<sup>14</sup> Ijipihtiyere yena tuhtiro marieno, mũsa basi unureno marieno yeya. <sup>15</sup> Sa yeya mũsa ñañe buhiri mariena, ñañene yerarina Cohãcjũ pohna mũsa ijiatire. Sa yeya mũsa masa ni mehoñequina, ñañequina watoapũ dojomehnenno marieno mũsa ijianto saha. Tiquina ñañequina watoapũ ijina, buhrioro ihĩna masigũ yero saha quehnoañe buheyere buhena, masigũ yere mũsa ahri yehpa cjẽnare. <sup>16</sup> Ti buheyere mũsa tũho ñehedi bato Cohãcjũ mehna sa ijiducuaana wahari mũsa. Ti buheyere ahri yehpa cjẽna pehere mũsa sa buhegũ ihĩnagũ mũsa mehna bucueitja. Sa yegũ mũsare yũhũ buherire “Ihyo waro buherari ijii yũhũ”, niitja yũhũ. Sa yegũ Cristo ahri yehpapũ tiquiro tojoa tagũ mũsa mehna bucueitja. Sa yegũ bũoro yũhdũsi yũhũ. <sup>17</sup> Cristore mũsa wacũ tutuagũ Cohãcjũ mũsa mehna bucuerota. Tiquiro sa bucuegũ masigũ mũsare Cristo yere yũhũ buheri buhiri yũhũre tiquina wejẽ duepegũta bucueitja. Sa yena mari ijipihntina ihcãno saha bucuenata. <sup>18</sup> Sata mũsa gũhũre bucuerdo cahmene yũhũ mehna, came yũhũ sa yariagũ ihĩana.

*Timoteore, Epafrodito gũhũre yahuahye Pablo*

<sup>19</sup> Mari pũhtoro Jesu tiquiro cahmegũ sojaro mehna Timoteore mũsa cahapũ oho duaja yũhũ mũsa ijiye tiyere masigũ tũhũ. Sa masigũ bucueitja. <sup>20</sup> Ijirota ijire. Timoteo mũsa quehnoano ijiatire pajiro tũhoture mũsare. Apequiro tiquiro yero saha ijiriquireo mariedare yũhũ mehna. <sup>21</sup> Apequina pehe ijipihtiyequina tiquina cahmeñe dihitare ye duaye, Cristo Jesu tiquiro cahmeñe pehere ye duerare. <sup>22</sup> Timoteo pehe quehnoano yeriquiro tiquiro ijiyere masine mũsa. Yũhũ macũ yero saha tiquiro yũhũ mehna quehnoañe buheyere yahue tiri. Sa yena usã ihcãno saha Cristo yere buhee tii. <sup>23</sup> Sa yegũ pũhto yũhũre tiquina dũhse yeatire masigũ, Timoteore mũsa cahapũ oho duaja. <sup>24</sup> Sa yegũ mari pũhtoro Jesu yedohoye mehna sojaro mehna yũhũ gũhũ mũsa cahapũ wahautja.

<sup>25-26</sup> Yũhũre yedoho dutina mũsa Epafroditoro oho yũhũ cahapũ. Tiquiro yũhũ acayũro yũhũ mehna dahrariquireo, yũhũ mehna cjũno, Cohãcjũ yere buhe tutuariquireo ijire. Tiquiro mũsare tutuaro wacũe tiri. Sa yero tiquiro dohatirire mũsa tũhogũ masino tiquiro pehe pajiro bujũa witi tũhoturi. Sa pajiro tiquiro tũhotugũ ihĩnagũ “Tiquirore mũsa cahapũ oho majare tojoro cahmene yũhũre”, ni tũhotuaja yũhũ yojopũre. <sup>27</sup> Potota ijire. Tiquiro tutuaro dohatiri. Mehenno yariabo cure yũhdũri. Tiquiro sa tutuaro dohatiepegũta Cohãcjũ tiquirore paja ihĩnno, yũhdũgũ yeri. Tiquiro yariagũ yũhũ pehe tutuaro bujũa witiboya. Sa yero Cohãcjũ yũhũ gũhũre paja ihĩnari tiquirore yũhdũgũ yero. <sup>28</sup> Sa yegũ yojopũ pũritare sojaro mehna tiquirore mũsa cahapũ oho duaja pari turi mũsa tiquirore ihĩna, mũsa jeri sajãno quehnoano. Mũsa sa bucuegũ ihĩnagũ yũhũ gũhũ bucueitja. <sup>29</sup> Sa yena tiquirore Epafroditoro mari pũhtoro yaquirore mari acayũrore quehnoano bucueye mehna piti caya. Sa yena apequinare tiquiro yero saha ijiyequinare ño peoya. <sup>30</sup> Tiquiro Cristo yere yedohomehno yariamedi. Mũsa pehe yũhũ cahapũ ijieragũ, yũhũre yedoho masiedagũ tiquiro pehe yũhũre yedohomedĩ. Sa yero yariamedi tiquiro.

<sup>1</sup> Yojoṙṙ pūritare ahrire yahutja. Mari pūhtoro yequina ijina bucueya. Ahri buheyeṙe to pano yūhū yahurire pari turi mūsare ni ojoagu bucueaja yūhū. Sa yegu mūsare ahrire yahugu yedohogu niaja mūsare. <sup>2</sup> Quehnoano yeya mūsa. Ñañene yeducyequina, diayea yero saha ijiyequina ñañequina cuhnucunū cahserogāre yūhre ne dutiye, mūsa pagurire yūhre ne duare. Quehnoano yeya mūsa, “Sa ye dutiyequina sijoro saha ni buheari”, nina. <sup>3</sup> Tiquina cuhnucunū cahserogāre yūhre nepeta Cohācjū dutiyere quehnoano yerare. Mari pehe potota Cohācjū dutiyere quehnoano yena ijiaja mari. Espiritu Santo tiquiro yedohoye mehna Cohācjūre ño peoaja mari. Sa yena Jesu yequina mari ijiyere bucueye mehna apequinare mari yahuaja. “Usā esa tuharo Cohācjū dutiyere ye peho masiaja”, ne ni tūhotueraja. <sup>4</sup> Sa ni tūhotuerapegūta “Tiquinare doca cū cjā”, tiquina yero saha nidigu ijigu sa tjiboa yūhū gūhū. Apequiro ohō saha ni yūhdūduca duare. Yūhū pehe tiquiro yūhdūoro sa niboaga yūhū.

<sup>5</sup> Ohō saha yerigu ijimi yūhū: Ocho decori yūhū masa bajuari bato cuhnucunū cahserogāre yūhre nedi jiri yūhūre. Israe masū ijigu Benjami ya curua cjū ijiaja yūhū. Yūhū pacūsumūa hebreo masa tiquina ijigū potota hebreo masū warota masa bajuū. Cohācjū dutiyere potota peho duagu fariseo curua mehna sajāmi yūhū. <sup>6</sup> “Cohācjū ye ijiri”, nigu quehnoano yemi. Sa yegu Jesu yequina pehere ñano yee timi yūhū. Potota Cohācjū dutiyere yegu tire yūhdūducaro marieno ye pehou.

<sup>7</sup> Panopūre “Ti quehnoañe ijiri”, ni tūhotumi. “Ti yūhū sa ni tūhoturi panopū yūhū ijie tiri dūhseati ijierari”, ni tūhotuaja yojoṙṙre. Sa ni tūhotu dūcaū yūhū Cristore wacū tutuagu tūhū. <sup>8</sup> Cristo Jesu yūhū pūhtorore yūhū masigū pūrita quehnoa yūhdūare. Sa yegu apeye pehere masa “Quehnoañe ijire”, tiquina nidire “Ti ijipihtiyere dūhseati ijierari”, ni tūhotuaja yūhū. Tire ijipihtiyere duhu cūhū Cristo ye pehere yegu tūhū. Sa yegu tire yūhū cohārire “Ñañe waro ijire”, ni tūhotuu Cristore quehnoano masigu tūhū, tiquiro mehna cjū ijigu tūhū. <sup>9</sup> Sa yero yūhū esa tuharo quehnoano yūhū yeri wapa “Quehnoagu ijire”, ni ihñedare Cohācjū yūhūre. Sa yero Cohācjū dutiye Moiserere tiquiro cūrire yūhū yeri wapa gūhūre “Quehnoagu ijire”, ni ihñedare. Cristore yūhū wacū tutuari bato “Quehnoagu ijire”, ni ihñare tiquiro yūhūre. Cohācjū pehe marine buhiri mariena ijigū yere, tiquirore mari wacū tutuagū. <sup>10</sup> Sa yegu to pano yūhū ni tūhotu mūhtamedire duhu cjā Cristore quehnoano masigu tūhū. Cohācjū tutuaye mehna Cristo masa mūjahye. Ti tutuaye mehna iji duaja. Sa yegu ti tutuaye mehna quehnoañene ye duaja. Cristo curusapū yariahye mari ñañe yerire cohāno taro. Sa yegu tiquiro yere yūhū yeri buhiri tiquiro yero saha ñano yūhdū duaja yūhū gūhū. <sup>11</sup> Sa yegu Cristo tiquiro masa mūjariro sahata masa mūjacū ijitja yūhū gūhū.

<sup>12</sup> Ahri ijipihtiyere sa nigu, “Cristo yero saha ñañe mariegu ijiaja”, ni tūhotueraja. Yūhū sa ni tūhotuerapegūta Cristo tiquiro yaquiro ijigū ye tuhasari yūhūre. Sa yegu tiquiro yere tiquiro gūhūre quehnoano masi duagu tutuaro mehna tiquiro yere yeaja yūhū. <sup>13</sup> Yūhū acaye, “Tiquirore quehnoano masi peho tuhasaja”, ni tūhotueraja. Sa ni tūhotuerapegūta ahri pūritare yeaja: <sup>14</sup> Omaperiquiro tiquiro wapata duariro saha tutuaro yeaja yūhū, yūhū wapatarire yūhū ñeheatō saha. Cristo yaquiro yūhū ijigū ihñano Cohācjū ti yūhū wapatarire yūhūre ohoro taro ūhmūsepū pijiori yūhūre.

<sup>15</sup> Ohō saha yūhū tūhoturiro sahata tūhotuya mūsa gūhū Cristore quehnoano masina. Sa yero ahri mūsare yūhū yahurire mūsa tūho dueragū, sijoro saha mūsa tūhotugū Cohācjū mūsare quehnoano masigū yerota. <sup>16</sup> Sa yena tiquiro yere mari masidire quehnoano ye sohtori tiihna.

<sup>17</sup> Yūhū acaye, mūsa ijipihina yūhūre ihña cūña. Sa yena apequina usā yero saha yeyequinare quehnoano ihña diho cūña mūsa tiquinare mūsa ihña cūato saha. <sup>18</sup> Peye tahari apequina tiquina ijiye tiyere yahuu yūhū mūsare. Yojoṙṙ gūhūre tutuaro bujūa witigu tiquinaretā yahuaja mūsare. Tiquina Cristo curusapū tiquiro yariari buheyeṙe ihña yabiyequina ijire. <sup>19</sup> Tiquina pecapū wahatiquina ijire. Tiquina ñañe tutuaro cahmeñe pehere tutuaro ye duare tiquina. Sa ye tiquina bue tiboyere yeye, tire quehnoañe yero saha tūhoture tiquina. Ahri yehpa cjē dihitarere quehnoano tūhoture tiquina. <sup>20</sup> Mari

pehere mari ya maca uhmusepu ijire. Sa yero toputa marine yuhduoatiquiro, mari puhtoro Jesucristo ahtarota. Sa yena tiquiro ahtatire cohtena niaja mari. <sup>21</sup> Tiquiro ahtaro mari pagurire pejecuoye pagurire sijoro saha ijiye paguri dihita comesarota tiquiro. Sa yero tiquiro ya pagu yero saha quehnoari pagure asi siteri pagure ohorota marine tiquiro tutuaye mehna. Ijipihtiequina puhtoro sajari tiquiro, tiquiro tutuaye mehna. Sa yero ijipihtie upero ijire tiquiro ti tutuaye mehna.

## 4

*Decoripe mari puhtoro mehna bucueya*

<sup>1</sup> Sa yena yuhu acaye, yuhu cahina, tutuaro yuhu wacuna, yuhure bucuegu yena, yuhu buhegu quehnoano tuhovina, panopu musa wacu tutuariro saha mari puhtoro tutuaro wacu tutuaya musa.

<sup>2</sup> Ahrire yahutja musare Evodiare, Sintique guhure: Jesu yequina numia ijire musa. Sa yena cahme duse tutuaro marieno quehnoano mehna ijiducuya musa. <sup>3</sup> Muhu pehe potota yuhu mehna cju warota ijire. Muhu guhure yahutja: Tiquina numia yuhu mehna, Clemente mehna, apequina yuhu piti tiyequina mehna dahrari quehnoane buheyere usa buhegu. Cohacju tiquinare ijipihtiequina wamene oja ohohaye tiquiro ya tjupe. Ijipihtie decori catiyere tiquiro ohoriquina wamene tiquiro oja ohori tjupe oja ohohaye. Sa yegu tiquina numiare bosaya muhu.

<sup>4</sup> Decoripe mari puhtoro mehna bucueya. Pari turita yahutja: Bucueya. <sup>5</sup> Quehnoano yeya ijipihtiequinare. Mari puhtoro Cristo ahtato mehenoga dusesare.

<sup>6</sup> Ne bujua witi tuhoturacahna. Cohacjue quehnoano yahu pehoya. Sa yena tiquirore siniha. Sa yena musa sinidire tiquiro yuhutiguh ihhana "Quehnoare", niha tiquirore. <sup>7</sup> Musa sa yegu quehnoano ijiguh yerota musare Cohacju. Tiquiro sa yegu quehnoa yuhduare. Ahri mari quehnoano ijiye quehnoa yuhduare. Sa yero Cristo Jesu yequina mari ijiguh marine quehnoano ijiguh yero, Cohacju marine quehnoano jeripohna tigu yerota. Sa yero bujua witi tuhoturagu yerota marine.

*Quehnoane tuhotuya*

<sup>8</sup> Ahrire yahu bato tigu tuu niaja musare, yuhu acaye. Queoro ijiyere, masa tiquina no peoyere, quehnoano yeyere, nane marieñene, bucueyere, masa "Quehnoane ijire", tiquina niñene tuhotuya musa. Quehnoa yuhduye ijiguh tireta tuhotuya. Masa quehnoane ihhane tiquina bucueye pehere musa guhu bucue tuhotuya.

<sup>9</sup> Musare yuhu buheriro sahata sa yeducuya musa. Sa yena yuhure ihha cuna musa. Musa sa yegu Cohacju musare quehnoano ijiguh yeriquiro musa mehna ijirota.

*Filipo cjeña Pablore tiquina ohorire yahuahye tiquiro*

<sup>10</sup> Yojoru purita yoari pje bato musa pari turi yuhure wacuna, musa yedohoyere bucueaja. Sa bucuegu mari puhtoro Cristore "Quehnoare", niaja. "Yuhure boaa wahari musa", niedaja yuhu. Panopure yuhure yedoho duepenata yedoho masiedari musa.

<sup>11</sup> Yuhure musa yedohore yahugu yuhure dusesare musare yahuu tuu niedaja. Musare apee borore cahmegu sa nigu niedaja. Yuhu cuoye mehna iji masiaja yuhu. <sup>12</sup> Apee boro cueragu guhu quehnoano iji masiaja yuhu. Sa yegu pajiro cuogu guhu quehnoano iji masiaja. Decoripe juha ahbagu guhu ducapoa wahaja. Yapigu ijigu guhu ijipoa wahaja. Pajiro cuogu guhu ijipoa wahaja. Yuhure apee boro mariedagu guhure ijipoa wahaja. <sup>13</sup> Cristo yuhure tutuagu yeriquiro mehna ijipihtiyere Cohacju cahmeñene ye masi pehoaja yuhu. <sup>14</sup> Yuhu sa ijiporigu yuhu ijiepeguta yuhu nano yuhdugu musa yedohona yuhure quehnoano yeri musa.

<sup>15</sup> Quehnoane buheyere yuhu buhe ducagu Macedonia yehrapu musa ya yehrapu ijirigu yuhu wahagu musa dihita yuhure yedohori. Sa yedohona, musare yuhu buheri wapa musa wapa yero saha yena nidi musa. <sup>16</sup> Sa yena Tesalonicaru yuhu ijiri watoa yuhure yedohona, ihque tahari ohori musa. <sup>17</sup> Apee borore sinigu sa nigu niedaja. Apequinare musa yedohogu Cohacju musare quehnoano yerota. Tiquirore musa

yedohori wapa Cohãcjũ m̄sare tiquiro quehnoano yegũ cahmeaja yũhũ. Sa yegũ yũhũre m̄sa yedohore wacũgũ yeaja m̄sare. <sup>18</sup>Yojop̄re yũhũre quehnoano oho pehori m̄sa. Yũhũ cahmedi yũhd̄oro ohori m̄sa yũhũre. Yũhũre Epafrodito mehna m̄sa ohori bato apee boro ne d̄hsaerare yũhũre. Cohãcjũ wũh̄p̄ ehme sitiye bue m̄o, Cohãcjũre tiquina quehnoano bucuegũ yeriro saha yũhũre m̄sa ohori gũhũ Cohãcjũre quehnoano bucuegũ yeri. <sup>19</sup>M̄sa Cristore wacũ tutuare. Sa yero ijip̄htiyere m̄sare d̄hsarire ohorota mari Pacũ m̄sare, quehnoa yũhd̄ye tiquiro c̄oyere. <sup>20</sup>Ijip̄htiyere decori mari Pacũre Cohãcjũre ño peuhna. Sata yeihna.

*Pablo quehnoa dutiahye*

<sup>21</sup>Ijip̄htiyequina quehnoañequina Jesucristo yequina quehnoahdo. Mari acaye gũhũ Jesu yequina yũhũ mehna cjẽna m̄sare quehnoa dutire. <sup>22</sup>Ijip̄htiyequina ohõ cjẽna quehnoañequina Jesu yequina quehnoa dutire. Roma cjẽna pũhtoro ya wũhũ cjẽna pũrita tutuaro quehnoa dutire.

<sup>23</sup>Mari pũhtoro Jesucristo cahĩne mehna quehnoano ijiya.

## Colosenses

*Colosa cjenare oja ohoahye Pablo gũhũ*

<sup>1-2</sup> Yũhũ Pablo mari acayũro Timoteo mehna mũsare Colosa cjanare quehnoa dutiaja usã. Yũhũ Jesucristo yere buhe dutiro tiquiro cũrigũ ijiaja. Cohãcjũ cahmeno sahata Jesu yũhũre tiquiro yere buheacjũre cũri. Sa yegũ mũsare usã acaye Cristore wacũ tutuaducunare oja ohoaja yũhũ. Sa yena Cohãcjũ mari Pacũ mehna mũsare quehnoa dutiaja. Sa yena tiquiro mehna quehnoano ijiya mũsa.

*Jesu yequinare Pablo sini basahye Cohãcjũre*

<sup>3-8</sup> Mũsa ye ijiatire Cohãcjũre sini basana “Quehnoare”, sa niducuaaja usã. Tiquiro pehe mari pũhoro Jesucristo Pacũro ijire. Ijipihtiyere decori uhmũsepũ mũsare ijigũ yerota Cristo pehe. Tiquiro sa yeatiqiro ijigũ tire mũsa sa cohteducu wame tire. Cristo Jesure wacũ tutua wame tire mũsa. Sa yena tiquiro yequinare cahĩ wame tire mũsa. Mũsa sa iji wame tigũ Cohãcjũ mehna bucue, tiquirore “Quehnoare”, niaja usã. Ijipihtiroperũ Jesu yequina poto ijiye buheyere quehnoañe buheyere tiquina yahugũ tũhoye masa quehnoañe pehere comesare. Ahrireta mũsa gũhũre Epafra quehnoañe buheyere yahuri jiri. Tiquiro usã tutuaro cahĩniqiro usã mehna Cristore dahra cohteriquiro ijire. Sa yero Cristo yere ne duhuerare tiquiro. Mũsare tiquiro sa yahugũ tũhona, duita quehnoano ye wame tire mũsa. Sa yena Cohãcjũ mũsare tiquiro cahĩñene poto masina, duita quehnoano ye wame tire mũsa. Mũsa sa yerire Epafra yahuri usãre. Espĩritu Santo yedohoye mehna Jesu yequinare mũsa cahĩñene yahuri tiquiro usãre. Tiquiro sa yahugũ tũhona “Quehnoare”, niaja usã Cohãcjũre.

<sup>9</sup> Sa yena mũsare tũhona mũsare duita sa sini basaducuaaja usã Cohãcjũre. Cohãcjũ cahmeñene mũsa masi pehoatire tiquirore sini basaja usã. Tiquiro yere quehnoano masina mũsa ijiatire sini basaja usã. <sup>10</sup> Sa sini basaja usã mari pũhoro Cristo cahmeno sahata quehnoano mũsa yeatire. Mũsa sa yegũ ihñano tiquiro bucuerota. Sa yena ijipihtiyere quehnoañene mũsa yeatire sini basaja. Cohãcjũre mũsa masi nemoatire sini basaja. <sup>11</sup> Ahri yũhũ yahuati gũhũre sini basaja usã. Cohãcjũ tutuaye mehna mũsa tutuatire mũsare sini basaja. Sa sini basaja ñano yũhdũepenata mũsa ihcãno sahatire. Ñano yũhdũepenata mũsa sa tũhotu cãtire, mũsa bucueye mehna mũsa sa ijiducuatĩ gũhũre sini basaja. <sup>12</sup> Cohãcjũ tiquiro yequina ijianare marine yere. Sa yero tiquiro ohoyere cũoanajare yere marine tiquiro. Tiquiro ijiropũ buhrioropũ marine ohorota tiquiro. Tiquiro sa yegũ ihñana tiquirore mũsa “Quehnoare”, niatire sini basaja usã mũsare.

<sup>13</sup> Tiquirota marine pecapũ wahaborinare yũhdũgũ yere. Panopũre ti ñañene ye duhu masiedami mari. Ñariqiro pehe marine dutiriquiro ijinimedi. Cohãcjũ pehe marine pecapũ wahaborinare yũhdũgũ yeri. Macũnore tiquiro cahĩniqirore pũhoro sũno uhmũsepũ marine ijigũ yere. Sa yena tiquiro macũno mehna ijinata. <sup>14</sup> Tiquiro macũno mehna marine yũhdũore Cohãcjũ. Tiquiro macũno yariari mehna mari ñañe yerire bori Cohãcjũ.

*Masa Cohãcjũ mehna tiquina cahme ihña tuhtigũ ihñano Cristo bosahye*

<sup>15</sup> Mari Pacũre ihñamehnedare. Tiquiro macũno pehe tiquiro Pacũro ijiye tiyere ihñore masare. Tiquiro macũno ijipihtiyequina pano, ijipihtiyere pano iji tuhasari jiri. Sa yero pũhoro ijire tiquiro. <sup>16</sup> Mari Pacũ tiquiro dutigũ tiquiro macũno pehe tiquiro Pacũro mehna ijipihtiyequinare, ijipihtiyere bajumehneahye. Uhmũsepũ ijiyere, ahri yehrapũ ijiye gũhũre bajumehneahye. Mari ihñarire, mari ihñedari gũhũre bajumehneahye. Uhmũse cjenã pũhtoare, dutiyequinare ijipihtiyequinare bajumehneahye. Tiquiro ijipihtiyequina gũhũre ijipihtiyere gũhũre bajumehneahye. Sa yeye ijipihtiyequina tiquiro yequina ijiatiquina ijimahye. Ijipihtiyere gũhũ tiquiro ye ijiasi



ijimahye. <sup>17</sup> Ijipihtiyequina pano, ijipihtiye pano Cristo iji tuhasahye. Sa ye tiquiro tutuaye mehna ijipihtiye gũhũ, ijipihtiyequina gũhũ yojopure ijiye nine.

<sup>18</sup> Mari tiquiro yequina ijipihitina tiquiro pagũ yero saha tiquiro ya curua cjãna ijiaja. Sa yero tiquiro mari dapu ijire. Tiquiro yariaro masa mũja mũhtariquiro ijire ijipihtiyequina pũtoro, ijipihtiyere cœoriquiro ijiro taro. <sup>19</sup> Cristo ihcãno sahata ijire mari Pacũ tiquiro ijiro sahata. Tiquiro sa ijigũta cahmeahye mari Pacũ pehe. <sup>20</sup> Ijipihtiyequina masa tiquiro Pacœore cahme ihña tuhtie tiahye. Sa tiquina cahme ihña tuhtigũ ihñano Cristo bosa duahye. Æhmũse cjẽnare, ahri yehpa cjẽna gũhũre tiquiro Pacœore ihña tuhtieragũ ye duahye Cristo. Sa yero ùhmũse cjẽ, ahri yehpa cjẽ gũhũ quehnoano ijigũ cahmeahye tiquiro. Sa bosa duahye tiquiro curusapũ yariaro, tiquiro diire cohãno. Tiquiro Pacœo cahmediro sahata yeahye Cristo.

<sup>21</sup> Mũsa gũhũre sata yeri tiquiro. Tiquiro Pacœore ihña tuhtina tiquiro mehna cjãna ijieramahye mũsa gũhũ. Ñãñene yeri jimedi mũsa. <sup>22</sup> Tiquiro yariari mehna tiquiro Pacœore mũsare ihña tuhtieragũ yeri tiquiro. Sa yeri tiquiro quehnoana, ñãñe mariena, buhiri mariena mũsare ijigũ yero taro. Mũsa sa ijigũ mũsare sa buhiri marienapure tiquiro Pacœore ohorota. <sup>23</sup> Sata ohorota, mũsa tiquirore wacũ tutuaducugũ. Sa yerota tiquiro quehnoañe buheyere mũsa tũhorire mũsa boeragũ. Ti buheyere quehnoañe buheyere ijipihtiyequina ahri yehpapure ijiyequina tũhori jire. Sa yegũ yũhũ gũhũ Pablo ti buheyereta yahugũta ijiaja.

#### *Jesu yequinare yedohoriquiro ijiro, bucueahye Pablo*

<sup>24</sup> Cristo mari ñano yeri buhirire ñano yũhdũahye. Sa yegũ yũhũ gũhũ mũsare yũhũ buheri buhiri ñano yũhdũgũ bucueaja. Sa ñano yũhdũgũ Cristo marine tiquiro cũrĩre ye sohtori tigũ ñiaja. Sa yegũ bucueaja. Cristo yere mari yeri buhiri mari ñano yũhdũ nemoati dũhsarĩne. Sa yegũ tiquirore mũsa wacũ tutuatire ñano yũhdũgũ bucueaja yũhũ. Tiquiro pagũ yero saha ijina tiquiro ya curua cjãna ijire mũsa. <sup>25</sup> Jesu yequinare yedohoacjũre cũri Cohãcjũ yũhũre. Mũsa ye ijiatire yedohoacjũre yũhũre cũri tiquiro. Tiquiro yere masare yahu pehoacjũre cũri yũhũre. <sup>26</sup> Tiquiro yere peye cãhmari panopũ cjẽnare yahu pehoera tiahye mari Pacũ. Yojopũ cjẽnare tiquiro yequinare tire quehnoano yahu peho cãhre. <sup>27</sup> “Judio masa ijieyequinare yũhũ buhegũ yee buheye quehnoa yũhdũare”, ni tiquiro yequinare tire yahuri. Panopũ tiquiro yahuerarire yojopũ yahuri. Ohõ saha ijire tiquiro ye: Cristo tiquiro yequina mehna ijire. Tiquiro sa ijigũ tiquiro yequina ùhmũserũ quehnoa yũhdũaropũ ijietta. Ti ijire panopũ tiquina masiedari mari Pacũ ye.

<sup>28</sup> Cristoreta yahuaja. Ijipihtiyequinare cuesãgũ tiquinare buheaja yũhũ. Quehnoano masiñe mehna buheaja yũhũ quehnoano Cristore masare masigũ yegũ tagũ. Sa buheaja yũhũ tiquiro yere tiquina quehnoano yeyequina ijigũ yegũ tagũ. <sup>29</sup> Ahri ijire yũhũ dahraye. Mari Pacũ tiquiro ye tutuaye mehna yũhũre tiquiro ohori tutuaye mehna tutuaro dahraja yũhũ, tiquiro yere buhegũ.

## 2

<sup>1</sup> Ahrire mũsa masigũ cahmeaja. Mũsa ye ijiatire, Laodicea cjẽna ye ijiatire, ijipihtiyequina apequina ye ijiahi gũhũre tutuaro dahraja yũhũ. Ijipihitina mũsa yũhũre ihñena ye ijiahi gũhũre tutuaro dahraja yũhũ. <sup>2</sup> Sa dahraja yũhũ mũsa quehnoano jeripohna tiatire. Mũsa mehna cjẽnare mũsa cahme cahĩati gũhũre sa dahraja yũhũ. Cohãcjũ ye panopũ tiquiro yahuerari Cristore masigũ yeye ijire. Tiquiro yere masina tiquirore wacũ tutuare mũsa. Tiquirore mũsa quehnoano masiatire, tiquiro mehna mũsa quehnoano ijiatire tutuaro yedohoaja mũsare. <sup>3</sup> Apequina tiquina masiedarire Cristo dihita quehnoano masi peho cãhre. Sa yero quehnoano masiniquiro ijire tiquiro. <sup>4</sup> Ahrire ñiaja mũsare “Apequina mũsare sijoro saha tũho coaye buheye mehna ni mehoari”, nigũ. <sup>5</sup> Yũhũ mũsa watoa ijierapegũta yũhũ wacũno mehna mũsa watoa ijigũ yero saha tũhotuaja. Sa yegũ Cristore mũsa quehnoano wacũ tutuaducurire, mũsa quehnoano yeri gũhũre masigũ bucueaja yũhũ.

<sup>6</sup> Sa yena Cristore m̄sa wacū tutua d̄cariro sahata sata tiquirore wacū tutuaye mehna decoripe quehnoano ijiducuya. <sup>7</sup> Tiquirore quehnoano masina ijiya m̄sa. Sa yena decoripe tiquirore masi nemoña panop̄ m̄sare apequina tiquina buheriro sahata. Sa yena Cristore bucue, “Quehnoare”, niducuna ijiya m̄sa.

*Cristo yequina ijina, quehnoañe pehere cahmeaja mari*

<sup>8-10</sup> Quehnoano yeya m̄sa. Masa tiquina esa tuharo tiquina buheye tiquina ni mehoñene t̄hoeracãhña. Tiquina panop̄ c̄jēna tiquina esa tuharo niñene buhere. Tiquina sa niñe d̄hseati ijierare. ðhm̄se c̄jēna p̄htoa yere, wat̄a ye ḡh̄re sa buhe maca cãhre. Cristo ye pehere buherare. Cristo mari Pac̄u ijiro sahata ijiriquiro ijiro, Cohãcj̄ warota ijirota nine. Tiquiro yequina ijina Cohãcj̄ mehna quehnoano ijiaya mari. Tiquirota ijipih̄tiyequina p̄htoa bui, angele p̄htoa bui ḡh̄re p̄htoro ijire. Tire masina ni mehoñene buheyequinare t̄hoeracãhña. <sup>11</sup> Sa yena Cristo yequina ijina cuhnucun̄ cahserogãre ȳhre nediquina yero saha ijire m̄sa. Ti cahserogãre tiquina ȳhre ne cohãriro sahata Cristo m̄sa ñañene tutuaro cahmeñene cohãri. <sup>12</sup> Tiquiro yequina ijina wame yenohrina wahari jiri m̄sa. Tiquiro wame yenohrina wahana oh̄o saha ni ih̄ona nidi jiri m̄sa: Panop̄ c̄j̄ m̄sa ñañe yerire m̄sa duhurire ih̄ona nidi jiri m̄sa. Ti m̄sa ñañe yerire m̄sa ya c̄boro saha tire duhuri jiri m̄sa. Cristo masa m̄jano quehnoanop̄ wahahye. Tiquiro sa wahariro sahata Cohãcj̄re wacū tutuana “Tiquiro tutuariquiro ijire”, nina, quehnoañe pehere comesari jiri m̄sa. Tiquiro Cohãcj̄ pehe Cristore masoriquiro ijire. Tiquiro wame yenohrina ijina quehnoañe pehere m̄sa comesarire ih̄ona niaga m̄sa.

<sup>13</sup> Panop̄re m̄sa ñana m̄sa ijiri buhiri pecap̄ wahaborina ijimahye m̄sa. Sa wahaborina ijimahye m̄sa Cohãcj̄ yequina ijierana. Tiquiro dutiye mariena ijimahye m̄sa. Yojoṗ̄re mari Pac̄u marine tiquiro mehna sa ijiducuanare yeri. Cristo tiquiro yariari mehna sa yeri tiquiro marine. Sa yero ijipih̄tina mari ñañe yerire bo cãhri jiri tiquiro. <sup>14</sup> Cohãcj̄ tiquiro dutiyere ȳhd̄d̄cana mari ijiepeḡta tiquiro marine buhiri ti dutierari jiri. Ti dutiye marine buhiri dahre dutiepeḡta ti dutiyere sa ih̄na cãhno, marine buhiri ti dutierari jiri. Cristo curusap̄ tiquiro yariari mehna Cohãcj̄ pehe mari ñañe buhirire cohã cãhre. <sup>15</sup> Masa tiquina ih̄onop̄ wat̄a p̄htoare Cohãcj̄ ȳhd̄d̄cahye. Ihyo ijieyeh̄na tojoa cãhye tiquina pehe. Sa yero tiquinare b̄oro wahaḡ yeahye. Curusap̄ yariaro Cristo ñañequina p̄htoare ȳhd̄d̄cahye.

*ðhm̄se c̄jēne Cohãcj̄ yere cahmeña*

<sup>16</sup> Sa ye apequina m̄sa ihyayere, m̄sa sihniñe ḡh̄re ih̄ñañe m̄sare “Buhiri tina ijire”, ni ih̄naboaga. Tiquina sa ni ih̄naḡ sa ih̄na cãhña tiquinare. C̄h̄maripe ijie decorire, as̄ripe ijie decorire, semanaripe ijie decorire bose decori m̄sa yeraḡ ih̄ñañe m̄sare “Buhiri tina ijire”, niboaga tiquina. Tiquina sa niḡ sa ih̄na cãhña tiquinare. <sup>17</sup> Panop̄ ti ih̄ya dutiyere, bose decorire ye dutiyere, apeye dutiye ḡh̄re c̄ahye Cohãcj̄ marine buhero taro. Ti dutiye mehna camer̄ tiquiro yeatire Cohãcj̄ ye ih̄ono niahye. Cristo tiquiro ijie tiatire mehenoḡ ye ih̄ono niahye masare. “Tiquiro oh̄o saha waharota”, nino sa ye ih̄ono niahye. Sa yeati ijimahye ti dutiye. <sup>18</sup> Oh̄o saha nimene ti dutiyere ye dutiyequina. “Sijoro saha ijiyere bajuaḡ ih̄na ãsã”, niñe, tiquina angelere Cohãcj̄re tiquina ño peoboro saha ño peomene. Apequina masa yero saha tiquina ñañene tutuaro cahmeñene t̄hotumene tiquina. Sa ijieyeh̄na ijie “Masi peho c̄j̄ ãsã”, ni t̄hotumene tiquina. Sa yeye tiquina apequinare “Ȳhd̄d̄caeraja”, niñequina, sijoro saha yeeyeh̄na yero saha ye ih̄nomene m̄sare. Sa yeye m̄sare tiquinare ih̄na c̄ dutire. Tiquina sa dutiḡ tiquinare sa ih̄na cãhña. <sup>19</sup> Sa yepeta Cristo tiquiro dutiro saha yeye niedare. Cristo pehe tiquiro yequinare dapu yero saha ijire tiquiro yequina p̄htoro ijiro. Tiquiro yequina pehe tiquiro paḡ yero saha ijieyeh̄na tiquiro ya curua c̄jēna ijire. Mari cohãri dohoye mari wa dari ḡh̄ mari paḡre ih̄cã paḡ ijiḡ yere. Sata Cristo pehe tiquiro yequinare ih̄cãno mehna quehnoano mehna ijiḡ yere. Sa yero Cohãcj̄ pehe tiquiro yequinare tiquirore masi nemoḡ yere.

<sup>20</sup> Sa ye Cristo yequina ijina ñañene ye duhurina ijire m̄sa. Sa yena ahri yehpa c̄jē ñañe buheyere cahmedacāhña. Ti buheye ʘhm̄sep̄u ijimediquina ñañequina p̄h̄toa ye ijire. Sa yena ti buheyere cahmedacāhña. ¿D̄h̄se yena masa tiquina esa tuharo dutiyere ño peojari m̄sa?

<sup>21</sup> Oh̄o saha ni dutire tiquina esa tuharo dutiyequina: Ahri borore ihyeracāhña. Ahri borore ne ihya tuhueracāhña. Ahri borore piheracāhña. Sata ni, dutire tiquina. <sup>22</sup> Mari apee borore ihyaḡū duita pihtia wahare. Sa ijiye borore pihtiyere borore tuh̄otuyere nine sa dutiyequina. Tiquina sa dutiḡū ahri yehpa c̄jē dutiye dihita ijire ti dutiye. Masa tiquina esa tuharo tiquina buheye dihita ijire ahri buheye. Sa ye d̄h̄seati ijierare. <sup>23</sup> Ti dutiyere yeyequina Coh̄ācj̄ure ño peoyequina yero saha ijimene. Sa ijiye apequinare ȳhd̄d̄caeyequina yero saha ye ih̄ñomene. Tiquina pagurire ñano ȳhd̄d̄ḡū yeye Coh̄ācj̄ure ño peoyequina yero saha ye ih̄ñomene tiquina. Tiquina sa yeḡū tiquina ye dutiye pehe masi pehoyequina ye dutiye yero saha ijimene. Sa ijierare. Ti dutiyere yepeta tiquina ñañene tutuaro cahmeñene duhuerare. Sa ye tiquina ye dutiye pehe d̄h̄seati ijierare.

### 3

<sup>1</sup> Sa yena Cristo yequina ijire m̄sa. Panop̄u m̄sa ñañe yerire duhu, quehnoañe pehere comesari jiri m̄sa. Sa comesana ijina ʘhm̄se c̄jēne Cristo yere cahmeña m̄sa. Top̄ure mari Pac̄u poto peher̄u dujire tiquiro. <sup>2-3</sup> ʘhm̄se c̄jē Coh̄ācj̄ū yere quehnoano tuh̄otuya m̄sa. Ahri yehpa c̄jē ñañene wac̄ū n̄ñmedacāhña m̄sa. Cristo yequina ijina ti ñañene wac̄ū duerare m̄sa. Tiquiro pehe ti ñañene cahmotare. Sa yena tire wac̄ū n̄ñmedaro cahmene m̄sare. <sup>4</sup> Sa yena Cristo ʘhm̄sep̄u marine sa ijiducuatinare yeriquiro tiquiro ahtaḡū tiquiro mehna wahanata m̄sa. Sa wahana tiquiro mehna c̄jana ijinata.

#### *Cristo yequina mari ijiato panore ñañene yemi mari*

<sup>5</sup> Sa ye ñañene ye duhu cāhña m̄sa: Omoca d̄h̄terina ḡūh̄u, d̄h̄terarina ḡūh̄u w̄ana tiyere, ña ȳhd̄d̄aro yeyere, apequiro namonore tutuaro cahmeñene, apecoro man̄nore tutuaro cahmeñene, ñañene tutuaro cahmeñene duhu cāhña m̄sa. Apee borore tutuaro cahmedacāhña. Apee borore tutuaro cahmena “Coh̄ācj̄ū ijire”, tiquina niñe queoyere mari cahmeno sahata yena niaga mari tire. Doeri c̄jēne ño peoyequina yero saha yena niaga m̄sa. <sup>6</sup> Ti ñañene yeyequina Coh̄ācj̄ure ȳhd̄d̄caeyequina ijire. Tiquina sa ye ȳhd̄d̄caḡū ih̄ñano tiquinare buhiri dahrerota. <sup>7</sup> Panop̄ure m̄sa pehe ti ñañene yena ijina tiquina mehna ijinata ijimahye m̄sa.

<sup>8</sup> Sa ijimedina ijiepenata yojop̄ure ahri ñañene duhu peho cāhña m̄sa: Usuayere, apequinare ñano ni tuh̄otuyere, apequinare ñano quiti dahreyere, ñano yahuducuyere tire ijipihtiyere duhu cāhña. <sup>9-10</sup> M̄sa pehe Jesu yequina wahana ti ñañe yeyere duhu tuhasari jiri. Sa yena quehnoañe pehere comesarina ijire m̄sa. M̄sare quehnoañe pehere cahmeḡū yero nine Coh̄ācj̄ū tiquiro yero saha m̄sa ijiato saha. Sa yere tiquiro quehnoano tiquirore m̄sa masiatio saha. Sa yena m̄sa mehna c̄jenare ni mehoedacāhña. <sup>11</sup> Cristo yequina ijina judio masa, judio masa ijiena ḡūh̄u ih̄cāno saha ijire m̄sa, Coh̄ācj̄ū ih̄ñaḡū. Cuhnucun̄u cahseroḡare ȳh̄re nediquina, ȳh̄re nedariquina ḡūh̄u Cristo yequina ijiye ih̄cāno saha ijire, Coh̄ācj̄ū ih̄ñaḡū. Ape yehpa c̄jēna, m̄sa masieñequina, m̄sa ya yehpa c̄jēna ḡūh̄u Cristo yequina ijiye ih̄cāno saha ijire, Coh̄ācj̄ū ih̄ñaḡū. Dahra cohteyequina, dahra cohteyequina ijieyequina ḡūh̄u Cristo yequina ijiye ih̄cāno saha ijire, Coh̄ācj̄ū ih̄ñaḡū. Jesu ijipihtiyequina tiquiro yequina mehna ijire. Ihyo ijiriquiro ijierare, tiquiro yequina ih̄ñaḡū.

<sup>12-13</sup> Sa ye Coh̄ācj̄ū beserina, quehnoana, tiquiro cahña ijina oh̄o saha ijiya m̄sa: Apequinare paja ih̄ñana, apequinare quehnoano yena, apequinare quehnoano mehna yena, “Apequinare masi ȳhd̄d̄caja”, niena, m̄sare tiquina ñano yepeḡūta sa tuh̄otu cāna ijiya m̄sa. M̄sa mehna c̄jēna mehna usuana, tiquinare quiti dahrena, m̄sa basi usua duhuya. Mari p̄h̄toro m̄sa ñañe yerire bori. Sa tiquiro boriro sahata m̄sa ḡūh̄u m̄sa mehna c̄jēna m̄sare tiquina ñañe yerire boya. <sup>14</sup> Ahri dutiye ȳhd̄d̄oro oh̄o saha

ni dutiaja m̄sare: Apequinare cah̄ña. M̄sa sa yena quehnoano ijipih̄teyquina mehna ihc̄ano mehna ijinata. <sup>15</sup> Cristo marine quehnoano ijiḡ yere unureno marieno mari ijiato saha. Tiquiro sa yeḡ quehnoano ijiya m̄sa basi. Sa yeatinare tiquiro yequina ijiatinare c̄ahye mari Pac̄ m̄sare. Sa yena Cristo paḡ yero saha ihc̄a curuata ijire m̄sa. Sa ye Coh̄cj̄re “Quehnoare”, ni bucuena ijiya m̄sa.

<sup>16</sup> Cristo ye buheyere quehnoano wac̄ducuya m̄sa. Quehnoano masi buheya tiquiro yere. Cua pesaro mehna tire yahuya. Sa yena Salmore Coh̄cj̄ yere basayere, apeye tiquirore ño peo basayere tiquirore basa peoya. Quehnoano wac̄ ño peoye mehna basa peoya. Sa basana tiquiro yere quehnoano wac̄ña m̄sa. Sa yena Coh̄cj̄re “Quehnoare”, ni bucuena ijiya m̄sa. <sup>17</sup> Ijipih̄tyere d̄hse ijiyere m̄sa yeyere quehnoano jeripohna ti yeya, mari p̄h̄toro Jesu tiquiro bucueato saha. Cristore ño peore m̄sa. Sa yena tiquirore ño peoye mehna quehnoañe dihitare yahuducuya. Sa yena Cristo yedohoye mehna Coh̄cj̄ mari Pac̄re sinina “Quehnoare”, ni bucueya tiquirore.

*Jesu yequinare ihc̄ano mehna iji dutiye oh̄ saha ijire*

<sup>18</sup> M̄sa man̄ tina numia, m̄sa manus̄m̄are quehnoano ȳhtiya m̄sa. Sata yero cahmene m̄sare mari p̄h̄toro Cristo yequina numia ijina.

<sup>19</sup> M̄sa namo tina, m̄sa namos̄numiare cah̄ña. Sa yena tiquina numiare tuhtierac̄h̄ña.

<sup>20</sup> M̄sa tiquina pohna ḡh̄, m̄sa pac̄s̄m̄are ȳhd̄d̄caerac̄h̄ña. M̄sa sa yeḡ ih̄ano mari p̄h̄toro quehnoano bucuere.

<sup>21</sup> M̄sa tiquina pac̄s̄m̄a ḡh̄ m̄sa poh̄nare sa tuhtiducuerac̄h̄ña “B̄j̄a witiḡ yeari”, nina.

<sup>22</sup> Cah̄j̄ana, m̄sa p̄h̄toare ahri yehpa cj̄nare quehnoano ȳhtiducuya. Tiquinare bucue dutina tiquina ih̄onop̄ dihitare ȳhtina ijierac̄h̄ña. Tiquina mariedaḡ ḡh̄re ȳhtiya. Mari p̄h̄toro Cristore cua pesaro mehna m̄sa ih̄ano sahata quehnoano mehna ȳhtiya m̄sa p̄h̄toa ḡh̄re.

<sup>23</sup> Potota Cristo yequina ijina quehnoano ȳhtire m̄sa tiquirore. Sa yena m̄sa p̄h̄toare ahri yehpa cj̄nare ȳhtina, Cristore m̄sa ȳhtiro saha ȳhtinata nine m̄sa. Sa yena m̄sa p̄h̄toa tiquina dutiro sahata tutuaro mehna dahraya, Cristo ye dutiye ti ijiboriro saha. <sup>24</sup> M̄sa sa yeḡ Cristo m̄sare quehnoano yerota. “M̄sare ohoutja”, tiquiro niñene m̄sare ohorota mari p̄h̄toro. Tire masine m̄sa. Mari p̄h̄toro Cristo cah̄j̄ana ijire m̄sa. Sa yero tiquiro pehe m̄sa p̄h̄toro waro ijire. <sup>25</sup> Tiquina p̄h̄toare ȳhd̄d̄cayequinare buhiri dahrerota mari p̄h̄toro pehe. Sa ȳhd̄d̄cayequinare ihc̄aquiroye d̄hsaro marieno ihc̄ano saha buhiri dahrerota tiquiro.

#### 4

<sup>1</sup> M̄sa p̄h̄toa pehe, m̄sa cah̄cj̄nare poto queoro quehnoano yeya tiquinare. M̄sa ḡh̄ p̄h̄torore c̄ore. M̄sa p̄h̄toro m̄sa c̄oriquiro pehe h̄m̄se cj̄no ijire. <sup>2</sup> Decoripe Coh̄cj̄re siniña m̄sa. Quehnoano wac̄ t̄hotu siniña. Sa yena “Quehnoare”, niña mari Pac̄re. <sup>3-4</sup> H̄s̄a ye ijiati pehere sini basaya tja. Cristo yere apequina panop̄ tiquina masiedarire buhena niaja h̄s̄a. Tiquinare h̄s̄a quehnoano masiḡ yeati pehere sini basaya mari Pac̄re. Cristo yere ȳh̄ buheri buhiri ȳh̄ yojop̄re peresup̄ ijiaja. Sa yeḡ m̄sa sa sini basaḡ cahmeaja tiquiro yere ȳh̄ quehnoano yahuatire. Cristo dutiriro saha ȳh̄ yahuatire pehere sini basaya.

<sup>5</sup> Jesu yequina ijieyequina mehna ijina quehnoano yeya m̄sa. Cristo yere yahuya tiquinare. Tiquina mehna m̄sa ijero puno sata quehnoano yeya. <sup>6</sup> Tiquina mehna yahuducuna quehnoano bucueye mehna yahuducuya. Quehnoañe dihitare yahuducuya. Apequina m̄sare tiquina sinituḡ quehnoano masiña m̄sa ȳhtiatire.

*Quehnoa duti bato tiah̄ye Pablo*

<sup>7</sup> Tiquico mari acayuro Jesu yaquiroye ijire. Tiquiro ȳh̄ ijieye tiyere m̄sare yahurota. Tiquiro mari cah̄niquiro ijire. Cristo yere buhero, h̄s̄a mehna dahrariquiroye ijire. Sa yero Cristo yere ne duhuerare tiquiro. <sup>8</sup> M̄sa cah̄p̄ tiquirore ohou ȳh̄ h̄s̄a ijieye

tiyere m̄sa masino quehnoano. Tiquirote ohou ȳh̄u m̄sare bucueḡu yeatiquirote. <sup>9</sup> Onésimore mari acayurore m̄sa cahar̄u ohou. Tiquiro ḡh̄u Cristo yere ne duhuerare. M̄sa mehna cj̄no ijire. Tiquina p̄aro ʘs̄a oh̄ore d̄h̄se ȳhd̄r̄ire yahueta m̄sare.

<sup>10</sup> Aristarco peresup̄u ijiriquiro ȳh̄u mehna cj̄no m̄sare quehnoa dutire. Marco ḡh̄u quehnoa dutire. Tiquiro Bernabé basuriro ijire. Tiquirote yahu tuhasāu m̄sare. M̄sa cahar̄u tiquiro esaḡu quehnoano mehna tiquirote piti caya. <sup>11</sup> Jesu “Justo”, tiquina ni pisuriquiro quehnoa dutire tiquiro ḡh̄u. Ahriquina ihtiarota ȳh̄u mehna dahrayequina judio masa waro ijire. Judio masa waro tiquina dihita Coh̄cj̄u yere ȳh̄u mehna buhere. Sa buheaja ʘs̄a Coh̄cj̄u yequina masa wahatire, Coh̄cj̄ure tiquina p̄h̄toro tiatire. Tiquina ȳh̄ure quehnoano yedohoriquina ijire. <sup>12</sup> Epafr̄a m̄sa mehna ijiriquiro m̄sare quehnoa dutire. Tiquiro Cristore dahra cohteriquiro ijire. Coh̄cj̄ure sinino, m̄sa ye ijiatire tutuaro sini basaducuro nine tiquiro. Coh̄cj̄ure quehnoano wac̄u tutuaducuatiquinare, tiquiro cahmeno saha yeatiquinare m̄sa ijiatire sa sini basaducuro nine tiquiro Coh̄cj̄ure. <sup>13</sup> Tiquiro m̄sa ye ijiatire tutuaro sini basare. Laodicea cj̄na ye ijiatire, Hierapoli cj̄na ye ijiati ḡh̄ure tiquiro tutuaro sini basare. Tiquiro sa yeriquiro ijiḡu ih̄naḡu m̄sare yahuḡu niaja. <sup>14</sup> Duturu Luca mari cah̄niquiro m̄sare quehnoa dutire. Dema ḡh̄u quehnoa dutire.

<sup>15</sup> Quehnoahdo mari acaye Jesu yequina Laodicea cj̄na. Ninfa ḡh̄u quehnoahdo. Jesu yequina ticoro ya w̄h̄r̄u cahmecoañequina ḡh̄u quehnoahdo. <sup>16</sup> Ahri p̄ure ȳh̄u ojoa ohori p̄ure m̄sa mehna cj̄nare m̄sa buhe tuhasari bato Laodicea cj̄na ḡh̄ure ohoya. Sa yena tiquinare Laodicea cj̄nare ȳh̄u ojoa ohori p̄ure m̄sa ḡh̄u buheya. <sup>17</sup> Sa yena oh̄o saha nīna Arquipore: “Mari p̄h̄toro Jesu yaquiro m̄h̄u ijiḡu tiquiro yere buheac̄j̄ure c̄iri m̄h̄ure. Tiquiro sa c̄iḡu quehnoano buhe sohtori tiya m̄h̄u”, nīna tiquirote.

<sup>18</sup> Ȳh̄u Pablo, ȳh̄u omoca mehna ahriro ojoaja. M̄sare quehnoa dutiaja ȳh̄u. Peresup̄u ȳh̄u ijiyere wac̄u, sini basaya m̄sa Coh̄cj̄ure. Quehnoano ijiya m̄sa. Coh̄cj̄u cah̄ne mehna m̄sare quehnoa dutiaja.



## 1 Tesalonicenses

*Pablo ojoa ohoahye Jesu yequinare Tesalónica cjēnare*

<sup>1</sup> Yũhũ Pablo, Silvano, Timoteo gũhũ mūsare quehnoa dutiaja. Sa yegũ ahrire mūsare ojoa ohoaja yũhũ, Pablo. Mũsa pehe Tesalónica cjāna mari Pacũ Cohācjũ yequina ijire. Mari pũhtoro Jesucristo yequina gũhũ ijire mũsa. Sa yena Cohācjũ mari Pacũ, mari pũhtoro Jesucristo mehna mūsare quehnoa dutiaja. Tiquina yedohoye mehna quehnoano ijiya mũsa.

*Jesu yequina Tesalónica cjēna pehe Jesure quehnoano wacũ tutuahye*

<sup>2</sup> Cohācjũre sinina ijipiltiyequina Jesure mũsa wacũ tutuayere wacũna, “Quehnoa yũhdũare ũsāre”, niducuaja ũsā mūsare. Cohācjũre sinina, mũsa ye ijiatire sa sini basaducuna niaja ũsā. <sup>3</sup> Mũsa pehe Jesucristore quehnoano wacũ tutuañohti. Sa wacũ tutuana, Jesu yere yeñohti mũsa. Jesucristore, apequina gũhũre mũsa cahĩñohti. Sa cahĩna, Jesu yere tutuaro yena niaga mũsa. Jesucristore mari pũhtorore wacũ tutuaducũñohti mũsa. Sa wacũ tutuaducuna mūsare tiquiro yũhdũoatire masina, tire cohtena niñohti mũsa. Sa yena tiquirore wacũ tutua duhuerañohti mũsa. Cohācjũ mari Pacũre sinina, tire mũsa sa yerire wacũaja ũsā. <sup>4-5</sup> ũsā acaye, Cohācjũ cahĩona ijire mũsa. Mūsare tiquiro beserire masiaja ũsā. Sohõ ijiri pje mūsare quehnoañe buheyere buhena sa yahu cāna niedũ mūsare. Espĩritu Santo tiquiro tutuaye mehna quehnoañe buheyere buhena nii mūsare. Sa buhena ti buheye poto ijigũ quehnoano masii ũsā. Sa yena mũsa watoa ũsā ijina, ũsā yerire masine mũsa. Mūsare yedohona sa yei ũsā. Mūsare buherina ijina, Cohācjũ beserina mũsa ijigũ masiaja ũsā.

<sup>6</sup> Sohõ ijiri pjepepe mũsa ñano yũhdũna, quehnoañe buheyere cahmedi mũsa. Mũsa sa cahmegũ, Espĩritu Santo pehe mūsare quehnoano bucuegũ yeri. Tiquiro sa yegũ mũsa pehe ũsāre ihña cũ, ũsā yeriro sahata yeri. Sa yena Jesu gũhũre ihña cũri mũsa. <sup>7</sup> Sa ye Jesu yequina Macedonia yehpa cjēna, Acaya yehpa cjēna gũhũ Jesu yere mũsa yerire masidi. Sa masiñe tiquina gũhũ mūsare ihña cũ, mũsa yeriro sahata yeri. <sup>8</sup> Macedonia yehpa cjēna, Acaya yehpa cjēna gũhũ mari pũhtoro yere mũsa buhegũ tũhooñohti. Cohācjũre mũsa wacũ tutuarire tũhoriquina pehe tiquina dihita ijierare. Ijipiltiro cjēna mũsa wacũ tutuarire tũhooñohti. Sa ye ũsā tiquinare yahuerapegũta tire masi tuhasari tiquina. <sup>9</sup> Sa ye mũsa cahapũ ũsā tinidire, ũsāre mũsa quehnoano piti carire yahuri tiquina ijipiltiro cjēnare. Sa yena Cohācjũ pehere wacũ tutuana, “Cohācjũ ijire”, ni mũsa ño peoye queoyere cohā cāri mũsa Cohācjũ ye pehere yena tana. Tiquiro Cohācjũ pehe catiriquiro, Cohācjũ waro ijire. <sup>10</sup> Sa ye “Cohācjũ macũnore ũhmũsepe ahtatiquirore Tesalónica cjēna cohteye nine”, ni yahuri masa mūsare. Tiquiro macũnore yariariquirore Cohācjũ masoahye. Tiquiro sa masogũ tiquiro macũno Jesu pehe marine ña yũhdũaro tiquiro buhiri dahreborinare yũhdũori jiri.

## 2

*Tesalónica wame tiri macapũ tiquiro dahrarire yahuahye Pablo*

<sup>1</sup> Mũsa cahapũ ijina ũsā sa iji cāna nieda tii. Mūsare quehnoano yedohorina ijie tii ũsā. Tire quehnoano masine mũsa, ũsā acaye. <sup>2</sup> Sa yena Filipopũ ijina ñano ũsā yũhdũrĩre, ũsāre ñano tiquina yerire quehnoano masine mũsa. ũsāre tiquina sa yepegũta Cohācjũ yedohoye mehna cuero marieno Cohācjũ yere quehnoañe buheyere buhei ũsā mũsa gũhũre. ũsāre masa peyequina tiquina ihña tuhtiepegũta quehnoañe buheyere buhei ũsā mūsare. <sup>3</sup> Mūsare buhena quehnoano ũsā masidire buhei ũsā mūsare. Sa buhena potota mūsare yedohona nii. Mūsare buhena ni mehoedũ. <sup>4</sup> Cohācjũ cahmeno saha buheaja ũsā. Quehnoañe buheyere buheanare Cohācjũ beseri ũsāre. Tiquiro sa beserina ũsā ijigũ tiquiro ye buheyere ũsā buhegũ quehnoarĩne, Cohācjũ ihñagũ. Sa yena ohõ

saha buheaja usã. Masa tiquina ihña bucueatire buhena niedaja usã. Cohãcjũ pehe usãre tiquiro ihña bucueatire tiquiro yere buheaja usã. Tiquiro pehe mari tũhotuyere, mari ye duayere quehnoano masine. <sup>5</sup> Quehnoañe buheyere buhena tũho bucueati yahuducuye mehna buhena niedũ. Queoro quehnoano mehna buhei usã m̄sare. Ahrire masine m̄sa. Sa yena usã buhena, m̄sare apee borore wapa cahmena niedũ usã. Ahrire Cohãcjũ masine. Potota nigũ niaja. <sup>6</sup> Sa buhena masa usãre tiquina ño peoatire yena niedũ usã. M̄sare apequina gũhũre usãre ño peo dutina tana niedũ.

<sup>7</sup> Sa ño peo dutierapenata Cristo cũrina ijiaja. Sa tiquiro cũrina ijina m̄sare wapa cahmeboya usã. Sa yena pũhtoa yero saha m̄sare dutina ijiboya usã. Sa ijiepenata numino ticoro nijinogãre ticoro quehnoano masoriro saha quehnoano mehna yei usã m̄sare. <sup>8</sup> Sa yena m̄sare quehnoano cahmena, Cohãcjũ yere quehnoañe buheyere buhei usã m̄sare. Sa yena ti dihitare yena niedũ m̄sare. M̄sare quehnoano yedohou, usã catinina. Usã cahña m̄sa ijigũ m̄sare sa yedohou usã. <sup>9</sup> Sa m̄sare cahña tutuaro yedohou usã m̄sare. Tire wacũre m̄sa, usã acaye. Cohãcjũ yere quehnoañe buheyere buhena m̄sa c̄oyere sini cariboerũ m̄sare. Sa yena decori, ñamini gũhũre dahraũ usã.

<sup>10</sup> Quehnoano, poto, ni mehono marieno m̄sare Jesu yequinare usã yerire masine m̄sa. Cohãcjũ gũhũ tire masine. <sup>11</sup> Sa yena ihcãquiro masũno tiquiro pohne tiquiro quehnoano yahu bucuegũ yeriro saha m̄sa gũhũre yahuna bucuegũ yei. Tire masine m̄sa. <sup>12</sup> Cohãcjũ tiquiro pũhoro ijiorũ, quehnoa yũhdũaropũ m̄sare pijiori. Sa yena tiquiro yequina m̄sa ijigũ Cohãcjũ cahmediro sahata m̄sare iji dutii usã.

<sup>13</sup> Cohãcjũ yere m̄sare usã yahurire m̄sa tũhona, ohõ saha ni tũhoturi m̄sa: “Masa tiquina esa tuharo tiquina buheye ijierare. Cohãcjũ ye buheyeta ijire”, ni tũhoturi m̄sa. Tire m̄sa tũhotugũ masina bucueaja usã. Sa yena Cohãcjũre sinina “Quehnoare”, niaja usã tiquirore. Ijirota ijire. M̄sare usã buheye Cohãcjũ yahuducuye poto ijirota nine. Sa yero m̄sa Jesure wacũ tutuana ijigũ Cohãcjũ tiquiro ye buheye mehna m̄sare quehnoañe pehere comesagũ yere. <sup>14</sup> Jesucristore wacũ tutuayequinare Judea yehpa cjẽnare tiquina yeriro saha m̄sa gũhũre yeri apequina. Judea yehpa cjẽna Jesu yequina pehere tiquina acaye ijiepetã ñano yũhdũgũ yeri judio masa pehe. M̄sa gũhũre m̄sa ya dihta cjẽna ñano yũhdũgũ yeri. <sup>15-16</sup> Judio masa pehe Cohãcjũ yere yahu m̄htariquinare panopũ cjẽnare wejẽe tiahye. Sa ye mari pũhoro Jesu gũhũre wejẽahye tiquina. Sa ye ye tiquina usãre cohãri. Cohãcjũre tiquina bujũa witiũgũ yeri. Sa ye peyequina masare ihña tuhtiri tiquina. Judio masa ijieyequinare Cohãcjũ yere usã yahu duami tiquina gũhũre pecarũ wahaboriquinare “Cohãcjũ yũhdũoahro”, nina. Usã sa yahu duepegũta judio masa pehe usãre ne Cohãcjũ yere apequinare yahu dutierari. Sa yahu dutieraye pajiro buhiri ti nemoñe nine tiquina. Yojoorũre tiquinare tutuaro Cohãcjũ buhiri dahrerota.

*Pablo Tesalónica* cjẽna caharũ pari turi tini duamahye

<sup>17</sup> Usã acaye, yojoorũre mehenogã m̄sa caharũ ijierana m̄sare wacũna niaja. Sa yena m̄sare tutuaro ihña duana, m̄sa caharũ waha duami. <sup>18-19</sup> Ihquẽ tahari yũhũ Pablo m̄sare ihñagũ waha duami. Yũhũ sa waha duepegũta Satana pehe usã wahaborirore dojomehnedi. Sa yena wahaerũ usã. Usãre bucuegũ yena m̄sa ijigũ m̄sare ihña duami. Usã buhegũ quehnoano tũhorina ijire m̄sa. Mari pũhoro Jesu ahri yehparũ tiquiro tojoa tagũ m̄sa pehe usãre bucuegũ yenata. Sa yena bucueye mehna m̄sa mehna Jesu poto ducunata. <sup>20</sup> Sata ijire. M̄sare ihñano Jesu pehe “Quehnoano buheri m̄sa”, ninota usãre. Sa yena quehnoano bucueaja usã.

### 3

<sup>1-2</sup> Sa ye m̄sare yoari pje ihñedana m̄sare tutuaro tũho duana tire wacũna, Timoteore m̄sa caharũ ohou. Tiquiro mari acayũro Jesu yaquiro Cohãcjũ cahacjũno ijiro, usã mehna quehnoañe buheyere buheriquiro ijire. Sa yena tiquirore ohou Jesucristore quehnoano m̄sa wacũ tutuatire, m̄sa bucueati gũhũre. Tiquirore ohona usã sehsharo Atena wame tiri macarũ tojoarĩ. <sup>3</sup> M̄sa ñano yũhdũepenata Jesu yere m̄sa cohãedatire ohou usã Timoteore. Jesu yequina ijina ñano yũhdũnata mari. Tire masine m̄sa.

<sup>4</sup> Panopure musa mehna usã ijinina, mari ñano yuhduatireta yahu tuhasau musare. Sa yena usã nidiro sahata mari ñano yuhduu. Tire musa quehnoano masine. <sup>5</sup> Sa yegu musare yoari pje ihñedagu musare tutuaro tuho duau. Sa yegu Jesure musa wacũ tutuarire masigu tagu Timoteore ohou yuhu. “Watino musare ñano ye dutiari”, nigu, “Musare usã buherire musapu duhuari”, nigu, tiquirore ohou yuhu. Jesu ye buheyere musa duhugũ musare usã buheri dahseati ijieraboaga.

<sup>6</sup> Sa yero yojopure Timoteo musa cahapu ijiriquiro usã cahapu tojoa wihiri. Sa tojoa wihiro quehnoañe quitire usãre yahuri tiquiro. Jesure musa quehnoano wacũ tutuayere, apequinare musa cahĩne gũhure tiquiro yahuri usãre. Sa ni tuhasa usãre musa quehnoano wacũre, musare usã ihña duariro sahata musa gũhu tutuaro usãre musa ihña duarire yahuri usãre tiquiro. <sup>7</sup> Sa yena usã acaye yojopure ñano yuhduepenata musa Jesure quehnoano wacũ tutuagũ tuhona usã bucueaja. <sup>8</sup> Jesure musa quehnoano wacũ tutuarire tiquiro yere musa cohãedarire tuhona quehnoano jeri sajãja usã. <sup>9</sup> Sa ni tuhutuna, Cohãcjũ ihñonopu usã tutuaro bucueaja. Sa bucuenta Cohãcjũre “Quehnoare”, niaja usã. <sup>10</sup> Deco gũhure, ñamipu gũhure Cohãcjũre siniaja musare usã ihñatire. Jesu yere musa quehnoano masi pehogũ ye duaja usã quehnoano musa tiquirore wacũ tutua nemoatire.

<sup>11</sup> Cohãcjũ mari Pacu tiquiro basi, mari puhtoro Jesu gũhu usãre tiquina yedohogũ cahmeaja musa cahapu usã wahatire. <sup>12</sup> Sa yero mari puhtoro Jesu ijipihtiyequina musa mehna cjẽnare, ijipihtiyequina apequina gũhure cahĩ nemogũ yehro musare. Musare usã cahĩdiro sahata tutuaro cahĩ nemogũ yehro musare. <sup>13</sup> Musare quehnoano tiquiro yedohogũ, buhiri mariena, ñañe mariena ijinata musa, Cohãcjũ mari Pacu ihñagũ. Mari puhtoro Jesu ijipihtiyequina tiquiro yequina quehnoañequina mehna ahri yehpapu tiquiro tojoa tagũ sata ijinata musa.

#### 4

“Cohãcjũre bucuegũ ye duana ohõ saha yeya”, ni yahuahye Pablo

<sup>1</sup> Yojopure Jesu mari puhtoro tiquiro dutiro mehna musare ohõ saha ni yahuaja: “Cohãcjũre bucuegũ ye duana ohõ saha yeya”, ni buhei usã musare. Usã sa buheri bato usã buheriro sahata yeñohiti musa. Musa sa yeriro sahata ye nemoña. Tire tutuaro ye dutiaja musare.

<sup>2</sup> Jesu mari puhtoro tiquiro buhe dutiro mehna musare usã buherire quehnoano masine musa. <sup>3</sup> Ahrire musare yahu nemoutja: Musa ohõ saha ijigũ cahmene Cohãcjũ: Ñañene yeracãhña. Cohãcjũ ye pehere yeya. Sa yena numia mehna ñano yeracãhña. Musa numia gũhu umua mehna ñano yeracãhña. <sup>4</sup> Ñano yero marieno, ño peoye mehna musa namosãnumiare cõoya. Cohãcjũ musa tire masigũ cahmene. <sup>5</sup> Cohãcjũre cahmeeñequina Cohãcjũre masieñequina ñañene tutuaro cahmeñe, numia mehna ñano tiquina yeriro saha yeracãhña musa pehe. <sup>6</sup> Tiquina yero saha musa yeragũ cahmene Cohãcjũ, musa acayuro namono mehna musa ñano yeratire. Musa sa ñano yena musa acayurore yuhduducana niaga. Mari puhtoro Cohãcjũ ti ñañene tiquina yegũ ihñano buhiri dahreatiquiro ijiro nine. Sa yena musare cuesãna tire yahuaja musare. <sup>7</sup> Ñañene yeanareserahye Cohãcjũ marine. Ñañene ye dutieraro beseahye marine. <sup>8</sup> Sa yena ijipihitina musa ahri usã buherire yuhduducana, masa ye buheyere yuhduducana niedare musa. Cohãcjũ ye pehere yuhduducana nine. Tiquiro musare Espiritu Santore ohoriquiro ijire.

<sup>9-10</sup> Musa acayere Jesu yequinare cahme cahĩene Cohãcjũ musare buhe tuhasari. Tiquiro sa buhegũ potota Jesu yequinare Macedonia cjẽnare ijipihtiyequinare quehnoano cahĩne musa. Musa sa cahĩgũ ihñana “Musa acayere cahme cahĩña”, ni buheraja musare. Tiquinare cahĩ tuhasare musa. Sa ni buhe nemoedapenata ahri pehere musare dutiaja. Yojopure apequinare musa cahĩno sahata cahĩ nemoña musa. <sup>11</sup> Sa yena musa basi cahme ihña tuhtiro marieno ijiya musa. Apequinare sijoro saha ni yahuducueracãhña. Sa ihña cãhña tiquinare. Sa yena musa ye dahraye pehere

quehnoano dahraya. Panoputa musare sa ye dutii. <sup>12</sup> Sata yeya musa, apequina musare tiquina ño peoatire, apequina yere musa cariboeratire.

*Ahri yehpapure* Jesu tojoa tatire yahuahye Pablo

<sup>13</sup> YojoPURE yariariquina munare yahutja musare: Jesure cahmedaye, masa Cohãcjũ cahapũ wahasi. Sa ye tiquina mehna cjẽna tiquina yariagũ ihñañe tutuaro bujua witiere. Yariariquina muna tiquina duhse wahatire potota quehnoano musa masigũ cahmeaja usã, apequina tiquina bujua witiro saha musa bujua witiatore. <sup>14</sup> Jesu yariari bato masa mujari jiri. “Ti potota ijire”, niaja mari. Sa yena ahri gũhure “Ijirota ijire”, ninata. Cohãcjũ pehe tiquiro yequina munare yariariquina munare masa mujagũ ye, neanota Jesu mehna. Ti gũhure “Ijirota ijire”, niaja mari.

<sup>15</sup> Jesu tojoa tagũ tiquiro yequina yariariquina muna catiyequina pano masa mja mhtaeta. Mari puhtoro Cohãcjũ ye yahuyeta ijire ahri. <sup>16</sup> Ohõ saha ijirota Jesu tojoa tagũ: Mari puhtoro tiquiro basi tutuaro sañuducu mhtanota. Sa yero tiquiro yequina angele puhtoro tutuaro pisurota. Sa tiquiro pisugũ Cohãcjũ ya corneta bisirota. Tiquina sa yegũ Jesu yequina yariariquina muna masa mja mhtaeta. <sup>17</sup> Came catiyequinare, yariariquina muna mehna Cohãcjũ umusepu mujagũ yerota. Tiquiro sa yegũ mari puhtoro Jesure piti canata mari. Sa piti cana ijipihtiye decori mari puhtoro Jesu mehna ijinata mari. <sup>18</sup> Ahri yũhũ yahurire musa mehna cjẽnare yahuya. Sa ni yahuna, bucuenata musa ijiphtina.

## 5

<sup>1</sup> Jesu tojoa tati decore “Ahri deco tojoa tarota”, ni, musare yahu ojoasi. <sup>2</sup> YojoPURE musa masino saha tiquiro tojoa tati decore marine masino basioerare. Yaqueriquiro ñamipũ wacũeno mehna tiquiro yaquero ahtaro saha ahri yehpapure mari puhtoro wacũeno mehna tojoa tarota. Ahrire musa basita masine. <sup>3</sup> “YojoPURE mari quehnoano ijiaja. Cuaro mariedare marine”, masa tiquina ni wacũgũ duita ñano waharota tiquinare. Sa wahagũ tiquina duhti masisi. Niji wahcõricoro wacũeno mehna ticoro purĩno tuhuturo saha wacũeno mehna sa waharota masare.

<sup>4</sup> Yũhũ acaye, musa pehere sa wahasi. Yaqueriquiro wũhũ cjẽnore tiquiro cuegũ yeriro saha musa pehere sa wahasi. Jesu ahtaro musare cuegũ yesi. Nahitianopũ ijiequina tiquina ihña masieno saha apequina Jesure ne masiedare. Musa pehe tiquina yero saha ijierare. <sup>5</sup> Musa ijiphtina Jesu yequina ijire. Sa yena buhrioropũ tiquina ihña masino saha Jesu ahtatire masine musa. Apequina tiquirore masieñequina yero saha ijieraja mari.

<sup>6</sup> Sa yena Cohãcjũre tuho nununa ijiihna. Carĩñequina yero saha Cohãcjũre tuho nunuena ijieracũhna mari. Apequina sata yere. Tiquina yero saha yeracũhna mari. Carĩñequina yero saha, queheyequina yero saha quehnoano wacũ masina ijiihna mari. <sup>7</sup> Carĩñequina ñamipũ carĩne. Sa ye queheyequina ñamipũ quehere. <sup>8</sup> Mari pehe buhrioropũ ijiequina yero saha Jesure masina ijina, quehnoano wacũ masina ijiihna. Sa yena surara come suhtiro mehna tiquiro cutirote saña cahmotariro saha Cohãcjũre wacũ tutuaya musa, watĩnore tiquiro cahmotatire. Sa yena Cohãcjũre, apequina gũhure cahña. Musa sa yegũ Cohãcjũ musare ihña ihborota. Sa yena musare pecapũ wahaborinare Jesu tiquiro yũhũoatire “Potota ijire”, niña musa. Musa sa nigũ surara tiquiro dapure come sapea mehna tiquiro pesa cahmotariro saha watĩno musare ñano ye dutigũ Cohãcjũ tiquirore cahmotarota.

<sup>9</sup> Tiquiro buhiri dahreatinare marine beserahye Cohãcjũ. Jesucristo mari puhtoro pecapũ wahaborinare tiquiro yũhũoatinare marine beseahye tiquiro. <sup>10</sup> Jesu mari ye ijiatireta yariahye tiquiro mehna mari ijiatire. Catiyequina, yariariquina gũhũ tiquiro mehnata ijietta. Sa yena ijiphtina tiquiro mehna ijinata mari tiquiro yequina ijina. <sup>11</sup> Sa yena musa mehna cjẽnare yojoPURE musa bucuẽgũ yeriro saha musa basita bucuẽgũ ye nemoña musa. Sa yena musa basita Cohãcjũre wacũ tutua nemogũ yeya musa mehna cjẽnare.

*Jesu yequinare Pablo yahu bato tiahye*

<sup>12</sup> M̄sare buheyequinare mari p̄htoro buhe dutiro beseri jiri. Tiquiro sa ni besenohriquinare quehnoano ño peoya m̄sa. M̄sa sa ño peoḡũ cahmeḡũ m̄sare tutuaro dutiaja. <sup>13</sup> Tiquina dahrayere yeḡũ tiquinare cahĩne mehna quehnoano ño peoya. Sa yena m̄sa mehna cj̄ena mehna cahmequeno marieno ijiya.

<sup>14</sup> M̄sare us̄a acayere, ahrire tutuaro dutiaja: Dahra dueyequinare dahra dutiya m̄sa. B̄j̄ua witiyequinare bucueḡũ yeya m̄sa. Jesure wac̄ũ tutuera cj̄ũnequinare yedohoya. Tiquina ijipihtiyequina mehna quehnoano usuaro marieno bucueye mehna ijiya m̄sa.

<sup>15</sup> Ihc̄aquiroy m̄sare tiquiro ñano yeḡũ ih̄ana tiquirore ñano ye cahmedac̄ah̄na. Sa yena m̄sa mehna cj̄enare, ijipihtiyequina apequina ḡũh̄ure quehnoano yeya.

<sup>16</sup> Sa yena decoripe sa bucueducuya m̄sa. <sup>17</sup> Sa yena decoripe Coh̄ac̄j̄ure siniducuya. <sup>18</sup> M̄sa ñano ȳhd̄epenata Coh̄ac̄j̄ure bucue, “Quehnoare”, niña. M̄sa quehnoano ȳhd̄eri p̄je ḡũh̄ure “Quehnoare”, niña. Sa nina Coh̄ac̄j̄ũ cahmeno sahata yena niaga m̄sa. Cristo Jesu yequina m̄sa ijiḡũ ih̄ano m̄sa sa niḡũ cahmene tiquiro.

<sup>19</sup> Esp̄ritu Santore ȳhtiena ijierac̄ah̄na. <sup>20</sup> Esp̄ritu Santo masiñe mehna apequina m̄sare buhere. Tiquina sa buheḡũ ti buheyere ȳhtiena ijierac̄ah̄na. <sup>21</sup> Apequina m̄sare sijoro saha tiquina ni buheḡũ ti Coh̄ac̄j̄ũ ye ijieraḡũ masiña m̄sa. Sa yena Coh̄ac̄j̄ũ ye buheye ti ijiḡũ ḡũh̄ure masiña m̄sa. Sa masina quehnoañe buheye dihitare cahmeña. <sup>22</sup> Sa yena ijipihtiye ñañene yerac̄ah̄na m̄sa.

<sup>23</sup> Coh̄ac̄j̄ũ marine quehnoano ijiḡũ yeriquiro ijire. Tiquiro basi m̄sare tiquiro yequinare quehnoana, ñañe mariena ijiḡũ ye nemoahdo m̄sare. M̄sa paḡuri ḡũh̄ure m̄sa jeripohnari ḡũh̄ure quehnoano ih̄na ihboahro. Mari p̄htoro Jesucristo ahri yehrap̄ure tiquiro tojoa tato pano m̄sare Coh̄ac̄j̄ũ quehnoano ih̄na ihboahro m̄sare “Ñañene yeari”, nino. Tiquiro sa yeḡũ Cristo ahtaḡũ ñañe mariena ijinata m̄sa. <sup>24</sup> Sata ijiḡũ yerota Coh̄ac̄j̄ũ. Tiquiro m̄sare beseriquiro tiquiro nidiro sahata yere.

*Pablo ḡũh̄u quehnoa dutiahye*

<sup>25</sup> Us̄a ye ijiatire Coh̄ac̄j̄ure sini basaya m̄sa, us̄a acayere.

<sup>26</sup> M̄sa mehna cj̄enare quehnoano mehna piti caya.

<sup>27</sup> Ijipihtiyequina Jesu yequinare ahri p̄ure buheya m̄sa. Jesu mari p̄htoro dutiye mehna ahrire m̄sare dutiaja ȳh̄u.

<sup>28</sup> Jesucristo mari p̄htoro cahĩne mehna m̄sare tutuaro quehnoa dutiaja.



## 2 Tesalonicenses

*Pablo ojoa ohoahye Jesu yequinare Tesalónica cjēnare*

<sup>1</sup> Yũhũ Pablo, Silvano, Timoteo gũhũ mũsare quehnoa dutiaja. Sa yegũ yũhũ Pablo ahrire ojoa ohoaja. Mũsa pehe Tesalónica cjāna mari Pacũ Cohācjũ yequina ijire. Mari pũhtoro Jesucristo yequina gũhũ ijire mũsa. <sup>2</sup> Sa yena Cohācjũ mari Pacũ, mari pũhtoro Jesucristo mehna mũsare quehnoa dutiaja. Tiquina yedohoye mehna quehnoano ijiya mũsa.

*Ahri yehpapũre Cristo tojoa tagũ buhiri dahrerota Cohācjũ*

<sup>3</sup> Cohācjũre sinina, Jesure mũsa wacũ tutuayere wacũna “Quehnoa yũhdũare usāre”, niducuaaja usā Cohācjũre. Usā sa nigũ quehnoarĩne. Decoripe Cohācjũre mũsa quehnoano wacũ tutua nemona niñohti. Sa yena decoripe mũsa mehna cjēnare cahĩ nemona niñohti mũsa. Sa ye Cohācjũre “Quehnoa yũhdũare usāre”, usā ñigũ quehnoarĩne. <sup>4</sup> Apequina mũsare ñano tiquina yepegũta Jesure wacũ tutuaducũñohti mũsa yojopũ gũhũre. Sa yena tiquirore wacũna duhuerañohti. Mũsa sa yegũ ihñana tire mũsa yerire apequinare Cohācjũ yequinare bucueye mehna yahuaja usā. <sup>5</sup> Sa wacũ tutuaducuna Cohācjũ mari pũhtoro yequina mũsa ijiri buhiri ñano yũhdũana niñohti mũsa. Sa yero Cohācjũ tiquiro pũhtoro ijirorpũre waha dutiri jiri mũsare. Tiquiro sa dutigũ queoro yeriquiro tiquiro ijigũ masiaja mari.

<sup>6</sup> Sa yero Cohācjũ queoro yeriquiro ijire. Sa yero mũsare ñano yũhdũgũ yeyequina pehere ñano yũhdũgũ yerota tiquiro. <sup>7</sup> Sa yero mari ñano yũhdũrina ijigũ ihñano tiquiro marine quehnoano ijigũ yerota. Mari pũhtoro Jesu tiquiro yequina angele tutuayequina mehna, peca mehna ũhmũsepu bajuaro quehnoano ijigũ yerota marine, ñano yũhdũrinare. <sup>8</sup> Sa yero Cohācjũre masieñequinare, mari pũhtoro Jesu ye buheyere quehnoañe buheyere yũhdũdũcariquinare Cohācjũ buhiri dahrerota. <sup>9</sup> Sa yero Cohācjũ tiquinare ohõ saha buhiri dahrerota: Pecapũ tiquina ñano yũhdũducueta. Sa ye tiquina tutuariquiro mari pũhtoro Jesu cahapũ ne waha masiedare. Sa ye tutua yũhdũariquiro tiquiro ijiyere ihñasi tiquina. <sup>10</sup> Sata waharota ti decopũ Jesu tiquiro tojoa tagũ. Ti decopũta tiquiro ahtarota tiquiro yequina “Quehnoariquiro, tutuariquiro ijire Jesu”, tiquina ni ño peoatire. Sa ye tiquirore wacũ tutuayequina ño peoeta tiquirore. Mũsare usā buherire mũsa quehnoano tũhori. Sa yena mũsa pehe tiquiro mehna ijinata.

<sup>11</sup> Sa yena Cohācjũre sa sini basaducuaaja usā mũsa ye ijiatire. Ohõ saha ni Cohācjũre sini basaja usā: Tiquiro cahmeno sahata mũsa yeatire, mũsa mehna tiquiro bucueatire sini basaducuaaja usā mũsare. Mũsa quehnoana iji duanata niñohti. Sa yena Cohācjũ tutuaye mehna quehnoana mũsa iji duariro sahata mũsa ijiatire sini basaducuaaja usā. Mũsa Cohācjũre wacũ tutuañohti. Sa wacũ tutuana tiquiro yere yeñohti mũsa. Tire mũsa quehnoano ye nemoatire Cohācjũre sini basaducuaaja usā mũsare. <sup>12</sup> Sa yena mari pũhtoro Jesucristore apequinare tiquina ño peogũ yenata mũsa. Mũsa sa yegũ Jesucristo yequina mũsa ijigũ ihñañe apequina ño peoeta mũsare. Cohācjũ cahĩne mehna, mari pũhtoro Jesucristo gũhũ tiquiro cahĩne mehna sa waharota.

## 2

*Ñano yeducuriquirore yahuahye Pablo*

<sup>1</sup> Yojorpũre mari pũhtoro Jesucristo ahri yehpapũre tiquiro tojoa tatire, tiquirore mari cahmecoa mari piti catire yahu nemo duaja yũhũ. Ahrire tutuaro yahu duaja mũsare, usā acaye. <sup>2</sup> Apequina mũsare ohõ saha niboaga: “Mari pũhtoro tiquiro tojoa tati deco, mianogã pihtiri decopũ ijiro nine”, ni mehoboaga mũsare. Tiquina sa nigũ tũhona, tũho mariedacãhña. Sa yena tũho wisieracãhña. “Cohācjũ yũhũre sata nidi ijiri”, ni mehoboaga mũsare apequiro. Apequiro gũhũ mũsare buhero, sata ni mehoboaga. Apequiro gũhũ sata ni ojoa ohoboaga, “Yũhũ Pablota ijiaja”, ni meho ojoaro. Tire mũsare

yahuriquirore masiedaja yũhũ. <sup>3</sup> Apequina mʉsare tiquina ni mehogũ tuhoeracãhña mʉsa. Ti decopũ ahri yehpa pihtiato panogã peyequina masa Cohãcjũre duhueta. Sa yero ti decopũ ñano yeducuriquiro pecapũ wahatiquiro ijirota. <sup>4</sup> Tiquiro Cohãcjũ warore, “Cohãcjũ ijire”, tiquina niñe queoye gũhũre ijipihtiequina masare ño peo dutisi ñano yeducuriquiro. Tiquiro ohõ saha ni tũhoturota. “Ahriquina ijipihtiequina pũhto tjiaja yũhũ”, ni tũhoturota. Sa yero Cohãcjũ wũhũpũ dujiro “Yũhũ pehe Cohãcjũ ijiaja”, ninota.

<sup>5</sup> Mʉsa mehna ijinigũ tireta yahuu mʉsare. ¿Tire wacũajari mʉsa? <sup>6</sup> Yojoꝑũre apequiro pehe ñano yeducuriquirore ne iji dutieranine. Sa yena tiquirore iji dutieriquirore masine mʉsa. Sa yero tiquiro dutigũ tiquiro queori deco ijigũ ñano yeducuriquiro ijirota. <sup>7</sup> Yojoꝑũre masa ihñenopũ tiquiro yero saha apequina ñañene ye tuhasari. Tiquina sa yepẽgũta ñañene ye dutieriquiro tiquiro wahato pano ñano yeducuriquiro pehe ijisi. <sup>8</sup> Tiquiro wahari bato pũritare ñano yeducuriquirota ijirota. Sa yero came mari pũhtoro Jesucristo tiquirore yaria dutirota. Tiquiro asi siteye mehna ahri yehpũpũ tojoa taro, tiquiro putiye mehna tiquirore wejẽ borota. <sup>9</sup> Ñano yeducuriquiro pehe watĩno ye tutuaye mehna ahtarõ, ti tutuaye mehna ni meho, peye ye ihñonota. <sup>10</sup> Tiquiro peye ñañe mehna ni mehogũ pecapũ wahatiquina pehe tiquirore tuhoeta. Tiquina pehe quehnoañe buheyere cahmedare. Tiquina sa cahmedagũ Cohãcjũ tiquinare pecapũ wahatiquinare yũhdũosi. Sa ye tiquina ñano yeducuriquiro ni mehoriquiro tiquiro yerire “Ijirota ijire”, nieta. <sup>11</sup> Sa yero, quehnoañe buheyere tiquina cahmedari buhiri Cohãcjũ tiquinare wisiagũ yerota. Sa wisiaye ni mehoñene cahmeeta tiquina. <sup>12</sup> Sa yero ijipihtiequina quehnoañe buheyere tuho dueyequinare, ñañe ye coayequinare tiquirota buhiri dahrerota.

“Cohãcjũ mʉsare beseahye tiquiro yequina ijigũ yero taro”, ni yahuahye Pablo

<sup>13</sup> Mʉsa usã acaye, mari pũhtoro Jesu tiquiro cahñona ijire mʉsa. Duita coã waropũreta mʉsare pecapũ wahaborinare tiquiro yũhdũoatinare Cohãcjũ beseahye mʉsare. Mʉsare beseahye Espĩritu Santo tutuaye mehna tiquiro yequina ñañe mariena mʉsare ijigũ yero taro. Sa yero quehnoañe buheyere “Ijirota ijire”, nianaja mʉsa ijigũ ihñano mʉsare bese neahye. Tiquiro sa besenohrina mʉsa ijigũ ihñana Cohãcjũre bucuenta, “Quehnoare”, niducujaja usã. <sup>14</sup> Quehnoañe buheyere mʉsare usã buhegũ Cohãcjũ mʉsare beseahye mari pũhtoro Jesucristo tiquiro masa mũjariro sahata mʉsa gũhũ masa mũjatire.

<sup>15</sup> Sa yena quehnoano wacũ tutuana ijiya mʉsa. Sa yena usã yahuducuye mehna usã ojoari pũri mehna mʉsare usã buherire quehnoano wacũña mʉsa. Sa yena ti buheyere yũhdũũcaeracãhña. <sup>16</sup> Mari pũhtoro Jesucristo tiquiro basi, Cohãcjũ mari Pacũ gũhũ marine cahñe, ijipihtie decori marine bucuegũ yere. Marine cahñe, marine pecapũ wahaborinare yũhdũoeta. Sa yena Cohãcjũ tiquiro yũhdũoatire quehnoano masina, bucueaja mari. <sup>17</sup> Jesucristo, mari Pacũ mehna mʉsare quehnoa dutiaja quehnoano mʉsa bucueatire. Sa ye ijipihtiyere quehnoañene mʉsa yeatire, mʉsa quehnoano yahuducuatire Cohãcjũre mʉsare sini basaja.

### 3

“Usã ye ijiatire Cohãcjũre sini basaya”, ni ojoahye Pablo gũhũ

<sup>1</sup> Yojoꝑũ usã acaye, usã ye ijiatire Cohãcjũre sini basaya mari pũhtoro Jesu ye buheyere peyequina masare usã buheatire. Sa yena tiquiro ye buheyere mʉsa quehnoano cahmediro sahata apequina pehe ti buheyere ño peoye mehna tiquina cahmeatire sini basaya mʉsa Cohãcjũre. <sup>2</sup> Ihquẽquinata Jesure wacũ tutuare. Apequina pehe tiquiro yere tuho dueraye, Jesure wacũ tutuerare. Sa yena ñañequina masa usãre tiquina ñano ye duagũ Cohãcjũre sini basaya mʉsa usãre tiquiro yedohogũ. <sup>3</sup> Mari pũhtoro Jesu tiquiro nidiro sahata yeriquiro ijire. Sa yero mʉsare tiquirore wacũ tutuagũ yerota. Sa yero watĩno mʉsare tiquiro ñano ye dutigũ Jesu mʉsare yedohorota. <sup>4</sup> Cohãcjũ mʉsare tiquiro yedohorire masiaja usã. Sa yena mʉsare usã dutiriro sahata mʉsa yegũ gũhũre masiaja usã. Sa yena sata yeducunata mʉsa. Ti gũhũre masiaja usã. <sup>5</sup> Cohãcjũ mʉsare tiquiro

cahĩñene m̄sare masigũ yeahro. Sa yero Cristo yero saha m̄sa ñano yũhduepegũta ihcãno sahaigũ yeahro m̄sare mari pũhtoro. Sa ihña cãhña m̄sare ñano yeyequinare.

*Marine tutuaro dahraro cahmene*

<sup>6</sup> Jesucristo mari pũhtoro tiqiro dutiro mehna ohõ saha ni dutinatja m̄sare: Jesu yequinare dahra dueyequinare, usã dutiyere yeeyequinare, tiquinare piti ti duhuya. <sup>7</sup> Sohõ ijiri pje m̄sa mehna usã ijigũ tutuaro usã dahragũ ihñari m̄sa. Sa yena usã yeriro saha m̄sa gũhure dahraro cahmene. Tire quehnoano masine m̄sa. <sup>8</sup> Sa yena m̄sa ihyayere wapa yero marieno ihyerũ usã. Sa yena decopure, ñamipũ gũhure tutuaro dahraũ usã “M̄sa ihyayere siniari”, nina. <sup>9</sup> Usã buheri wapa m̄sare wapa ye dutiboaga usã. Sa wapa ye dutiborina ijiepenata wapa ye dutierana, tutuaro dahraũ usã, usãre m̄sa ihña cũatire. <sup>10-11</sup> M̄sa mehna ijina, ohõ saha ni buhei m̄sare: “Dahraeyequina ihyeracãhdo”, ni buhei usã m̄sare. Ihquẽquina m̄sa mehna cjẽna ne dahra duerañohti. Sa ye apequinare ñano quti yeye, caribo yũhdũañohti tiquina. Sa yeeyequina m̄sa mehna tiquina ijigũ ihñana ohõ saha ni ojoaja m̄sare: “Dahraeyequina ihyeracãhdo”, niaja usã. <sup>12</sup> Mari pũhtoro Jesucristo tiqiro dutiro mehna dahra dueyequinare ohõ saha niaja: Quehnoano bucuye mehna dahraahro quehnoano tiquina ijiatire.

<sup>13</sup> Usã acaye, m̄sa pehe quehnoañene yeducuna caributieracãhña. <sup>14</sup> Ihquẽquina to cjẽna ahrire usã ojoarire yũhdũdũcaboaga. Tiquina sa yegũ tiquina yerire quehnoano ihñaña. Sa ihñana tiquinare piti ti duhuya tiquina bũoro wahatire. <sup>15</sup> Sa piti ti duhuepenata tiquinare ihña tuhtieracãhña. Tiquina m̄sa acaye, Jesu yequinata ijire. Tiquina sa ijigũ tiquina yũhdũdũcarire yahuya tiquinare tire tiquina duhugũ.

*Pablo tiquinare quehnoa duti bato tiahye*

<sup>16</sup> Mari pũhtoro Jesu marine quehnoano ijigũ yeriquiro mehna decoripe quehnoano ijiducuya m̄sa. Sa yegũ “Mari pũhtoro m̄sa mehna ijipihtina mehna ijiducuahro”, nigũ m̄sare quehnoa dutiaja.

<sup>17</sup> Yũhũ Pablo, yũhũ omoca mehnata yojopure yũhũ basita ojoa bato tiaja. Sa yegũ m̄sare quehnoa dutiaja. Ijipihtiye yũhũ ojoari pũrine ohõ saha dihita yũhũ omoca mehna ojoa bato tiaja yũhũ. Yũhũ ohõ saha dihita yũhũ ojoa bato tigũ ihñana yũhũ ojoari pũ ijigũ masinata m̄sa. <sup>18</sup> Mari pũhtoro Jesucristo cahĩñe mehna tutuaro quehnoa dutiaja m̄sare ijipihtinare.

## 1 Timoteo

### *Pablo Timoteore ojoa ohoahye*

<sup>1</sup> Yũhũ Pablo ahrire mũhũre Timoteore ojoa ohoaja. Cohãcjũ marine pecarũ waha-borinare yũhdũoriquiro ijire. Jesucristo yere buhe duti tiquiro cũrigũ ijiaja yũhũ. Mari Pacũ, Jesu mehnata tiquina dutiriro sahata tiquiro cũrigũ ijiaja yũhũ. Jesuta marine yedohore. Sa yena marine tiquiro yũhdũoatire masina, tire cohteaja mari. <sup>2</sup> Mũhũre Timoteore Jesu yere buhei. Yũhũ sa ni buhegũ tũhogũ Jesure wacũ tutua dũcari mũhũ. Sa yegũ mũhũ potota yũhũ macũ yero saha ijigũta nine. Sa yegũ Cohãcjũ mari Pacũ mehna, mari pũhtoro Jesucristo mehna mũhũre quehnoa dutiaja. Sa yegũ mũhũre paja ihñañe tiquina yedohoye mehna quehnoano ijiya mũhũ.

### *Pablo ni mehoñe buheyere buhe dutierahye*

<sup>3</sup> Sohõ ijiri pjere Macedonia yehparũ wahagũ mũhũre Efesorũ cũ yũhdũ cãũ. Topũ ihquẽquina tiquina ye buheyere ni mehoñe buheyere buheyequina ijiri. Ti buheyere buhe dutieracjũre mũhũre cũu yũhũ. <sup>4</sup> Tiquina esa tuharo sa buhe maca cãre. Sa ye tiquina acaye panopũ cjẽna tiquina esa tuharo tiquina buherire sa buheducure. Ti buheye mehna apequina mehna cahme dũse tutuaducure. Cohãcjũ marine tiquiro dutirire quehnoano yegũ yerare tiquina sa buheye. Cohãcjũ ye pehere yena tiquirore wacũ tutuaja. Sa yegũ tiquina esa tuharo tiquina buherire buhe dutieracjũre cũu mũhũre.

<sup>5</sup> Sa cũu mũhũre Jesu yequina apequinare “Cahĩahdo”, nigũ. Ñañe buhiri marieno mehna, quehnoañe wacũñe mehna, poto Cohãcjũre wacũ tutuaye mehna apequinare tiquina cahĩatire sa cũu mũhũre. <sup>6</sup> Ihquẽquina ahri quehnoañe buheyere cohã tuhasa, apeye buheye pehere cahmene. Sa ye ti buheye pehere cahme dũse tutuaye wisia wahare. Ti buheyere tiquina cahme dũse tutuaye ti dũhseati ijierare. <sup>7</sup> Sa ye tiquina Cohãcjũ dutiyere buheyequina iji duamene. Sa buhe duepeta ti buheyere tiquina basi quehnoano masiedare. Sa ye ti buheyere masiñequina yero saha buhepeta ti buheyere ne masiedare tiquina.

<sup>8</sup> Cohãcjũ dutiyere Moise marine tiquiro cũrĩre queoro mari buhegũ quehnoañe dutiye ijire. Tire mari quehnoano masiaja. <sup>9-10</sup> Ti dutiyere buhena ahrire masino cahmene: Ti dutiye quehnoañequinare tiquina buheati ijierare. Ahriquina pehere tiquina buheati ijire. Dutiyere yũhdũdũcayequinare, Cohãcjũre yũhdũdũcayequinare, ñañe dihitare yeyequinare, Cohãcjũre cahmeeñequinare, tiquina pacũsũmũare wejẽñequinare, tiquina pacosãnumia gũhũre wejẽñequinare, apequina masare wejẽñequinare, wũana tiyequinare, cahme numia mehna tiquina ñano yeriro saha mũũa sehsaro o numia sehsaro ijiepetata tiquina pagũri mehna ñano yeyequinare, masa tiquina ijiepegũta tiquinare duayequinare, ni mehoñequinare, Cohãcjũ dutiye Moise marine tiquiro cũri pehe tiquinare buheati ijire. Sa yero apequina ijipihitiyequinare quehnoañe buheyere yũhdũdũcayequinare buheati ijire Cohãcjũ dutiye. <sup>11</sup> Quehnoañe buheye pehe quehnoariquiro Cohãcjũ tiquiro ye buheyeta ijire. Ti buheye pehere yũhũre Cohãcjũ buhe dutiri.

### *Cohãcjũ paja ihñañene yahuahye Pablo*

<sup>12</sup> Sa yũhũ buhegũ Jesucristo mari pũhtoro yũhũre tutuayere ohoro, yũhũre yedohore. “Pablo buhero, yee buheyere quehnoano buherota”, ni tũhoturi Jesu yũhũre. Sa yero yũhũre besero tiquirore yedohoacjũre cũri yũhũre. Tiquiro sa yegũ “Quehnoare”, niaja yũhũ tiquirore. <sup>13</sup> Panopũre Cristore yũhũ ñano yahuducuepegũta, tiquiro yequinare ñano yũhũ yepegũta, tiquiro yũhũre beseri. Sa yegũ tiquirore masiedarĩgũ tiquirore ñano yegũ “Ñano yei niaga yũhũ”, ni tũhotuerũ. Yũhũ sa masiedagũ ihñaño tiquiro paja ihñari yũhũre. <sup>14</sup> Sa yero Cohãcjũ mari pũhtoro yũhũre tutuaro cahĩno, quehnoano yeri

yuhure. Sa yero Cristo Jesure wacū tutuagū yeri yuhure tiquiro. Sa yero apequinare cahīgū yeri yuhure Cohācjū.

<sup>15</sup> Yuhū pehe apequina yuhduoro ña yuhduagu ijimi. Ñana mari ijiepegūta Jesucristo ahri yehpapū ahtari jiri ñañequinare pecapū wahaboriquinare yuhduoatiquiro. Ti ijirota ijire. Tiquiro sa ijiriquiro ijigū ijipihtiequina tire masiahdo. <sup>16</sup> Ña yuhduagu yuhū ijiepegūta tiquiro yuhure paja ihñari. Sa paja ihñano Jesucristo usuario marieno yuhure tiquiro quehnoano yerire masigū yero nidi apequinare came tiquirore wacū tutuatiquinare masigū yero taro. Sa wacū tutuatiquina umūsepū sa ijiducuenta. <sup>17</sup> Cohācjū ijipihtie decori masa puhtoro ijire. Tiquiro ne yarierare. Sa yero mari mehna tiquiro ijiepegūta tiquirore ihñedaja mari. Sa yero tiquiro dihita Cohācjū waro ijire. “Potota quehnoariquiro, tutuariquiro ijire tiquiro”, niihna mari tiquirore. Ijipihtie decori tiquirore ño peouhna. Sata yeihna.

<sup>18</sup> Timoteo yuhū macū yero saha ijire mūhū. Sa yegū yojopure ahrire mūhure dutiaja: Mari acaye Jesu yequina Cohācjū yere yahu mūhtariquina mūhure tiquina ni mūhtariro sahata mūhure dutiaja. Cristo yere quehnoano yahuducuya. Sa yegū ñano yuhduerepegūta tiquirore wacū tutua duhueracāhña mūhū. <sup>19</sup> Jesure sa wacū tutuaducuya. Ñañe buhiri mariegu ijiya mūhū. Sa yegū quehnoañe dihitare yeya. Ihquēquina tire yeraye, Jesu yere cohāre. Sa cohāñe tiquirore wacū tutua duhuri. <sup>20</sup> Sata yeri Himeneo, Alejandro mehna. “Watīno tiquiro cahmeno sahata yecūnahdo mūsare”, ni cūu tiquinare, Cohācjūre tiquina ñano yahuducu nemoedatire.

## 2

*Cohācjūre* sini basayere yahuahye Pablo

<sup>1</sup> Yojopure ohō saha ni duti mūhtaja mūsare: Ijipihtiequina ye ijiatire Cohācjūre sini basaya. Sa sini basana “Quehnoare. Bucueaja”, niña Cohācjūre. <sup>2</sup> Puhtoa, apequina masa bui dutiequina gūhū tiquina ye ijiahi gūhure Cohācjūre sini basaya, cahmequeno marieno Cohācjūre ño peona mari quehnoano ijiatire. Sa sini basana mari quehnoañene yena quehnoano iji masiaja. <sup>3-4</sup> Sata apequina ye ijiatire mari sini basagū quehnoarīne. Tire mari yegū ihñano Cohācjū marine yuhduoatiquiro pehe marine quehnoano ihña bucuere. Ijipihtiequina pecapū wahaboriquinare tiquiro yuhduoriquina ijigū cahmene Cohācjū. Sa yero quehnoañe buheyere tiquina masigū cahmene tiquiro. Sa yero apequina ye ijiatire mari sini basagū bucuere tiquiro. <sup>5</sup> Ihcāquirola ijire Cohācjū. Sa yero Cohācjūre mari ihña tuhtigū Cohācjū gūhū marine tiquiro ihña tuhtigū, marine bosariquiro ihcāquirola ijire. Tiquiro Jesucristota ijire. Jesucristo gūhū masūnota ijiri. <sup>6</sup> Sa yero wapamonore wapa ye basaro saha ijipihtina mari ñañe buhirire yariahye. Cohācjū tiquiro queori pjerū tire masare masigū yeri. <sup>7</sup> Tire yahuacjūre, Jesu tiquiro cūacjūre Cohācjūpū yuhure beseri. Sa yero judio masa ijieyequinare Jesure wacū tutuayere, quehnoañe buheyere buheacjūre beseri yuhure. Potota mūsare yahugū niaja yuhū. Ni mehoedaja.

<sup>8</sup> Cohācjū yere quehnoano yeyequina, ijipihtiro cjēna pehe Cohācjūre tiquina sinigū cahmeaja. Sa yegū tiquina usuario marieno, unureno marieno tiquiro mehna tiquina yahuducugū cahmeaja.

<sup>9</sup> Sa yegū numia pehere quehnoañequina numia ye suhti yero saha sañañequina numia ijigū cahmeaja. Sa ye sijoro saha bajuye poari tiquina poarire yeracāhdo. Uru dari busaye darire, perla dari gūhure busaeracāhdo, tiquina umūare “Ihña ũe pjeari”, niñe. Sa ye wapa bujūye suhtire sañaedacāhdo tiquina Jesu yequina numia. Umūare tutuaro ũe pjegū yeracāhdo. <sup>10</sup> Sa ye tiquina numia quehnoañe pehere yeahro. Sata yero cahmene “Cohācjū yequina numia ijiaja”, niñequina numiare. <sup>11</sup> Dihta marieno ño peoye mehna buheyere tūhoahro tiquina numia. <sup>12-14</sup> Sa yeye numia umūare buheracāhdo. Sa yeye umūare dutieracāhdo. Tiquina numia pehe dihta marieno ijiahro. Adāre Cohācjū ye mūhtahye. Tiquiro bato Evare yeahye. Sa yero watīno ni mehogū tūhoriquiro Adán



ijierahye. Tiquiro ni mehogũ tũhoricoro pehe Eva ijiahye. Sa tiquiro ni mehogũ tũhoro, Cohãcjũre yũhdũducãricoro wahahye ticoro. Sa yeye, numia pehe umũare dutieracãhdo.

<sup>15</sup> Numino iji mũhtaricoro ticoro yũhdũducaepẽgũta numia tiquina pohna tigũ ihñano tiquinare Cohãcjũ yedohorota. Tiquina numia pohna tiye numia pehe Cohãcjũre tiquina wacũ tutuaducugũ tiquiro yedohorota tiquinare. Sa yero masare, Cohãcjũ gũhũre tiquina cahĩducugũ, quehnoañequina numia tiquina ijiducugũ, ñañe marieñequina numia tiquina ijigũ Cohãcjũ tiquinare yedohorota.

### 3

*Jesu yequina pũhtoa tiquina yeatire yahuahye Pablo*

<sup>1</sup> Masa Jesu yequina pũhtoa iji duaye, quehnoañene ye duaye niaga tiquina. Ti ijirota ijire. <sup>2</sup> Jesu yequina pũhtoare besegũ ohõ saha ijiyequinare beseya: Buhiri marieñequinare beseya “Apequina tiquinare ñano ni yahusãri”, nigũ. Sa yegũ ihquẽquina numiare namo tiyequinare, quehnoano tũho masiñequinare, cua pesayequinare, masare quehnoano mehna tiquina ya wũhũre sajã ta dutiyequinare, apequinare quehnoano buhe mihniñequinare beseya mũhũ. <sup>3</sup> Sa besegũ queheye marieñequinare, cahmequeñe marieñequinare, masare quehnoano yeyequinare, cahme dũse tutueyequinare, niñerure cahĩñequinare beseya mũhũ. <sup>4</sup> Sa ye mũhũ beseriquina tiquina pohnene, tiquina namosãnumia gũhũre ño peoye mehna yũhtigũ yeyequina ijiahro. <sup>5</sup> Tiquinare yũhtigũ ye masiedaye Jesu yequina gũhũre yũhtigũ ye masiedaboaga tiquina.

<sup>6</sup> Jesu yequina pũhtoa iji duayequina Jesu yequina coã sajãñequina ijiye, tiquina pũhtoa iji masiedare. Coã sajãñequinare Jesu yequina pũhtoa mũsa cũgũ tiquina “Quehnoa yũhũana ijiaja”, ni tũhotuboaga. Tiquina sa ni tũhotugũ Cohãcjũ tiquinare buhiri dahre dutirota watĩnore tiquiro yeriro saha. Watĩno gũhũ sata ni tũhotumahye Cohãcjũre yũhdũduca duaro.

<sup>7</sup> Sa ye Jesu yequina pũhtoa ijiatiquina ohõ sahata ijiro cahmene. Jesu yequina ijieyequina tiquina ño peonohñequina ijiro cahmene tiquinare. Quehnoano yeyequina tiquina ijigũ ihñañe apequina ño peoeta tiquinare. Sa quehnoano yeye, watĩno cahmeñene wacũeno mehna tiquiro ye dutigũ tiquina pehe watĩno cahmeñene yesi. Sa ye masa tiquinare ñano qiti dahresi.

*Jesu yequinare yedohoatiquina tiquina yeatire yahuahye Pablo*

<sup>8</sup> Sa yegũ Jesu yequinare yedohoatiquina pehere besegũ ohõ saha ijiyequinare beseya: Tiquina cua pesaro ijiyequinare, quehnoano potota yahuducuyequinare, queheye marieñequinare, apequina yere ni meho ehmeñequinare beseya mũhũ. <sup>9</sup> Sa yegũ ñañe buhiri marieno Cohãcjũ ye buheyere sa wacũ tutuaducuyequinare beseya mũhũ. <sup>10</sup> Sa yegũ Jesu yequinare yedohoatiquina iji duayequinare tiquina yerire ihñaña mũhũ. Tiquinare mũhũ sa ihñari bato tiquina pehe buhiri marieñequina ijiye, Jesu yequinare yedohoatiquina sajãhdo tiquina.

<sup>11</sup> Sa yena tiquina namosãnumia ohõ saha tiquina ijigũ cahmeaja mari. Cua pesayequina numia, ñañe qiti marieñequina numia, tũho masiñequina numia, ijipihtiyere quehnoañene yeducuyequina numia tiquina ijigũ cahmeaja mari. <sup>12</sup> Sa yegũ Jesu yequinare yedohoatiquinare besegũ ihquẽquina numiare namo tiyequinare, tiquina pohnene apequina tiquina ya wũhũ cjẽna gũhũre quehnoano yũhtigũ yeyequinare beseya.

<sup>13</sup> Sa ye mũhũ beseriquina Jesu yequinare tiquina yedohogũ apequina tiquinare quehnoano ihña bucueeta. Sa ye tiquina yedohoyequina pehe quehnoañe buheyere, Jesucristore tiquina wacũ tutuaye gũhũre cuero marieno buheeta tiquina.

*Cohãcjũ ye buheyere yahuahye Pablo*

<sup>14-15</sup> Yojoꝛũre mũhũ cahapũ waha duagũ niaja. Sa waha duepegũta yojoꝛũre wahaeranigũ ahri pũꝛũ yahu, mũhũre ojoa ohogũ niaja. Jesu yequina cahmecoañequina watoa mũsa yeatire mũhũre yahu ojoa ohogũ niaja, “Mianore waharĩsi”, nigũ. Jesu

yequina Cohăcjũ catiriquiro yequina ijire. Tiquiro yequina poto ijiye buheyere Cohăcjũ ye buheyere cœore. Sa cœoye tire buheducure. <sup>16</sup> Ahri ijirota ijire. Marine Cohăcjũ tiquiro buheri, panopũ mari quehnoano masiedari quehnoa yũhdũaye buheye ijire. Ahri buheye ohõ saha ijire:

Tiquiro Cristo mari pagũ yero saha pagũ tiriquire masa bajuahye. Quehnoariquire, ñaňe marieniquiro tiquiro ijigũ ihñori Espĩritu Santo pehe. Angele gũhũ tiquirore ihñari. Sa ye tiquiro buhe duti cĩriquina pehe apeye yehpari cjenare tiquiro yere yahu buhere. Sa ye ahri yehparũ masa peyequina tiquirore wacũ tutuari. Came uhmũserũ Cohăcjũ neari tiquirore. Ti ijire quehnoaňe buheye.

#### 4

##### *Quehnoaňe buheyere cohăriquinare yahuahye Pablo Timoteore*

<sup>1</sup> Espĩritu Santo ahrire quehnoano yahure: Pihtiri deco panogã ihquẽquina masa Jesu ye buheyere cohăeta. Sa ye ni meho buheyere watĩno ye buheye pehere tuho nũnũeta tiquina. <sup>2</sup> Ti buheyere ni mehoducuyequina yahueta masare. Tiquina ni mehoducuyequina pehe “Ñaňe buhiri mariedare usãre”, ni tuhotuyequina ijire. Sa ye tiquina ñaňe yeyere “Ñaňe ijire”, ni tuhotuerare. <sup>3</sup> Ohõ saha ni buheeta tiquina: “Namo tieracãhña. Ahri ihyayere ihyeracãhña”, ni buheeta tiquina. Tiquina sa ihya dutierapegũta Cohăcjũ ihyayere bajumehmeno mari ihyatire quehnoaňene cũahye tiquiro. Mari Cristore wacũ tutuana ijigũ quehnoaňe buheyere mari masina ijigũ, mari ye ijiatire ti ihyayere bajumehneahye tiquiro. Ti ihyayere cœona tiquirore “Quehnoare”, mari nigũ cahmene tiquiro. <sup>4</sup> Ijipihtiye Cohăcjũ tiquiro bajumehnedi quehnoaňe ijire. Sa yena tiquiro bajumehnedi ihyayere nena, Cohăcjũre “Quehnoare”, nina, tire marine cohăedarõ cahmene. Tire marine bucue ihyaro cahmene. Sa yegũ apequina tiquina ihya dutieragũ tuhoeracãhña tiquinare. <sup>5</sup> Tiquiro bajumehnedi quehnoaňe ti ijigũ yahu tuhasahye Cohăcjũ. Sa ye tiquirore “Quehnoare”, mari ni bucueri bato ti ihyaye tiquiro yeri ihyaye quehnoaňe waro ijiro nine.

##### *Jesucristo cahacjũnore Timoteore quehnoariquire yahuahye Pablo*

<sup>6</sup> Ahri yũhũ yahurire Jesu yequinare mari acayere buhegũ Jesucristo cahacjũ quehnoagũ ijire mũhũ. Sa buhegũ quehnoaňe buheyere, quehnoano mũhũ tuhorire quehnoano masi pehogũ ijire mũhũ. <sup>7</sup> Sa yegũ tiquina esa tuharõ tiquina buherire, Cohăcjũ ye ijieyere tuhoeracãhña. Sa yegũ Cohăcjũ cahmeňe pehere yepogũ ijiya mũhũ. <sup>8</sup> Mũhũ dahrapogũ quehnoa cjũre. Mũhũ dahraporiro yũhdũoro Cohăcjũ cahmeňene mũhũ yepogũ quehnoa yũhdũare mũhũre. Cohăcjũ cahmeňene yepogũ yojopũre quehnoano ijigũta mũhũ. Sa yegũ mũhũ yariari batopũ gũhũre masa mũjagũ quehnoano ijigũta mũhũ. <sup>9</sup> Ti ijirota ijire. Ijipihtiyequina tire yũhũ nidire masiñequinare “Ijirota ijire”, nino cahmene tiquinare. <sup>10</sup> Ijipihtiyequina tire tiquina niatire Cohăcjũ cahmeňene tiquina yeatire mari tutuaro dahraja. Sa yena ñano yũhdũaja mari apequina marine ñano tiquina yegũ. Cohăcjũ catiriquiro, ijipihtiyequinare pecapũ wahaboriquinare yũhdũoriquiro ijire. Tiquirore wacũ tutuayequina pũritare tiquiro yũhdũorota. Sa yena tiquiro yũhdũoatire masina, cohteaja mari. Sa yena Cohăcjũ cahmeňe pehere masa tiquina yeatire tutuaro buhe dahraja mari.

<sup>11</sup> Ti ijipihtiye yũhũ nidire dutiya Jesu yequinare. Sa yegũ tire buheya mũhũ. <sup>12</sup> Wahmũ mũhũ ijigũ ihñaňe apequina Jesu yequina mũhũre yũhdũũca duaboaga. Tiquina “Sa yeari”, nigũ, ohõ saha ye ihñoña tiquinare. Masare cahña. Sa yegũ Jesure wacũ tutuaducuya. Sa yegũ buhiri mariegũ ijiya. Wahmũ ijiepegũta mũhũ sa yegũ ihñaňe mũhũre yũhdũũcasi tiquina. Sa ye mũhũ yahuducurire tuhoye, mũhũ yerire ihñaňe mũhũre ihña cũeta. <sup>13</sup> Sa yegũ mũhũ cahapũ yũhũ esato pano Jesu yequinare Cohăcjũ yere tiquina ojoari pũre buhe tuhasa tiquinare sa yahu quehnoducuya. <sup>14</sup> Jesu yequina pũhtoare Cohăcjũ tiquiro dutigũ tiquina pehe Cohăcjũ yere yahu tuhasa mũhũ bui

tiquina omocarine duhu peori. Tiquina sa duhu peogũ Cohãcjũ ye ijiatire mũhũ ye masiatire cĩri mũhũre Cohãcjũ. Tiquiro sa cĩrĩre ye duhueracãhña.

<sup>15</sup> Ahri dutiyere sa yeducuya mũhũ. Sa yegũ ahri dutiyere quehnoano masiña. Mũhũ sa yeri bato quehnoañene mũhũ ye nemogũ ijipihtiyequina ihñaeta. <sup>16</sup> Mũhũ pehe quehnoano yeya mũhũ, “Sijoro saha yeari”, nigũ. Sa yegũ quehnoano buheya mũhũ, “Sijoro saha buheari”, nigũ. Sa yegũ mũhũ basita pecapũ wahaborigũ yũhduguta mũhũ. Sa ye mũhũre tuhoriqũna gũhũ pecapũ wahaboriqũna yũhdũeta.

## 5

*“Apequina Jesu yequinare ohõ saha yeya mũhũ”*, niahye Pablo Timoteore

<sup>1</sup> Ne bũcũrore tuhtieracãhña. Mũhũ pacũre mũhũ quehnoano yeriro sahata bũcũro gũhũre quehnoano mehna yahuya. Sa yegũ mũhũ bahanare mũhũ quehnoano yeriro sahata wahma pjia gũhũre quehnoano ño peoro mehna tiquinare yahuya. <sup>2</sup> Sa yegũ mũhũ pacore mũhũ quehnoano yeriro sahata bũcũna numia gũhũre quehnoano ño peoye mehna yahuya. Sa yegũ mũhũ bahana numiare mũhũ quehnoano ño peoriro sahata nuhmia gũhũre ñano Ʃe pjero marieno, quehnoano ño peoye mehna yahuya tiquinare.

<sup>3</sup> Sa yegũ wape wiha numiare potota acaye marieñequina numiare ño peoye mehna yedohoya tiquinare. <sup>4</sup> Wape wihoro pohna tiricoro ijigũ, o panamena tiricoro ticoro ijigũ gũhũre ticoro pohne, ticoro panamena gũhũ yedohoahro ticorore. Sa yedohoye Cohãcjũ masare tiquina acayere tiquiro ye dutiyere yeye nine tiquina. Sa yeye tiquina ticorore wapamonore wapa yeye niaga. Tiquina sa yegũ ihñano Cohãcjũ quehnoano bucuere. <sup>5</sup> Pejecũoricoro, wape wihoro acaye marienicoro ijiro, Cohãcjũ ticorore tiquiro yedohoatire cohtere ticoro. Sa yero ñaminipe, decoripe ticoro Cohãcjũre sa siniducure. <sup>6</sup> Apecoro pehe wape wihoro ñañe mehna bucue duaricoro ijiro ticoro catiricoro ijieperota pecapũ wahaticoro ijire.

<sup>7</sup> Ahri ijipihtiyeyũ yahurire Jesu yequina gũhũre ye dutiya mũhũ, quehnoañe dihitare tiquina yeatire. Tiquina sa yegũ ihñañe apequina tiquinare “Ñano yeye nine”, ni masiedare. <sup>8</sup> Ihcãquiro tiquiro acayere ihña ihboeraro, tiquiro pohne tiquina pacoro gũhũre quehnoano ihña ihboeraro “Jesu yaquiro ijiaja”, ni masiedare. Sa yero Jesure cahmeeñequina yũhdũoro ña yũhdũariquiro ijire tiquiro.

<sup>9</sup> Wape wiha numiare yedohonata mũsa. Ohõ saha beseya mũsa yedohoatiquina numiare. Tiquina wamene ojoa ohõati pũpũ ojoagũ tagũ ohõ saha beseya tiquina numiare: Sesenta cãmari cũoericoore ticoro wamene ojoa ohõedacãhña. Sa yegũ wape wihoro ihcãquiroreta manũ timedicorore ticoro wamene ojoa ohõña. <sup>10</sup> Sa manũ timediquina numiare “Quehnoañene yeyequina numia ijire”, masa tiquina niñequina numiare, tiquina pohne quehnoano masori numiare beseya. Sa yegũ tiquina ye wũhũsepũ apequinare quehnoano sajã ta dutiyequina numiare, cahacjẽna yero saha Jesu yequinare yedohoye numiare, tiquina dahpocãrine coseri numiare, ñano yũhdũeyequinare yedohoye numiare, quehnoañe dihitare yeye numiare beseya. Tiquina numiare mũsa yedohoati numiare bese tuhasagũpũ, tiquina wamene ojoa ohõña mũhũ.

<sup>11</sup> Sa ye wape wiha numia nuhmia cjũno tiquina ijigũ tiquina numia pehere beseracãhña. Sa yegũ ti pũpũ tiquina wamene ojoa ohõedacãhña. Came tiquina yere tutuaro ye duaye, Cristore cohã, pari turi manũ tiboaga. <sup>12</sup> Tiquina Cristore “Mũhũ yequinare yedohonatja”, nidiquina numia ijiepetã camepũre tiquina nidiro sahata yedohoeraboaga tiquina. Tiquina sa yedohoerari buhiri buhiri tieta. <sup>13</sup> Tiquina numia ohõ saha yere: Dahraeye numia ijipore. Sa ye apequina ye wũhũsepũ waha, ñañe quiti dahre, sijoro saha mari yegũ marine sa yahuducure. Sa ye tiquina yahu dutierarire yahu wajare tiquina numia.

<sup>14</sup> Sa yegũ tiquina numia ohõ saha yegũ cahmeaja yũhũ: Wape wiha numia nuhmia cjũnogã ijieye numia manũ tiahro. Sa ye Jesu yequinare “Ʃsãre yedohoya”, nino marieno ijiahro tiquina numia. Sa ye tiquina pohna tiahro. Sa ye tiquina ye wũhũse cjẽnare

quehnoano ihña ihboahro. Mari ye numia wape wiha numia tiquina sa yegũ marine ihña tuhtiyequina marine “Ñañene yeye nine”, ni tuhti masiedare. <sup>15</sup> Yojoꝛꝛ pũritare ihquẽ numia wape wiha numia Cristo yere duhu, watĩno cahmeñe pehere ye tuhasare. Sa yegũ sa ni yahuaaja mũhũre.

<sup>16</sup> Jesu yequina tiquina acayoro wape wihoro ticoro ijigũ tiquina ticoro acaye ticorore yedohoahro. Apequina Jesu yequina pehe ticorore yedohoeracãhdo. Sa ye Jesu yequina ticoro acaye cœoricorore yedohoeraye, apequina numia wape wiha numia acaye marieñe numia pehere yedoho masine.

<sup>17</sup> Jesu yequina pũthoa mũsare tiquina quehnoano buhegũ tiquina dahrayere tiquina quehnoano yegũ ihñana ño peoya tiquinare. Sa yena quehnoano wapa yeya tiquinare. Ihquẽquina tiquina mehna cjẽna Cohãcjũ yere yahuyequina mũsare buheyequina gũhũ ijire. Tiquina pũritare apequina yũhdœoro quehnoano ño peoya. <sup>18</sup> Cohãcjũ yere tiquina ojoari pũꝛꝛ ohõ saha nine, dahrariquirore tiquina wapa yeatire yahuro: “Wecũ trigo pjerire tiquiro dahpocãri mehna suhti wegũ tiquiro dũserore cahmotaeracãhña. Tiquiro cahmeno ihyaaahro”, ni ojoahye. Sa yero ape pũꝛꝛ ohõ saha nine: “Dahrariquirore tiquiro dahrari wapare ohoro cahmene”, nine Cohãcjũ yere tiquina ojoari pũꝛꝛ. Tiquiro sa nigũ tũhona Jesu yequina pũthoate quehnoano ño peoya mũsa. Sa yena quehnoano wapa yeya tiquinare.

<sup>19</sup> Jesu yequina pũthorore tiquiro ñano yegũ ihñano ihcãquirota yahusã masiedare. Pũthorore ñañene yahusãtiquina ihtiaro ijiye, tiquirore yahusã masine. Ihtiaro mariedagũ pũaro yahusã masine. <sup>20</sup> Sa yena ñañene yeducuriquirore ijipihtina mũsa watoa tiquiro ijigũ tiquirore tuhtiya, apequina cueatire, ñañene tiquina yeratire. <sup>21</sup> Sa yegũ Cohãcjũ, Jesucristo, tiquiro beseriquina angele gũhũ tiquina ihñonopũ ahrire dutiaja mũhũre: Yojoꝛꝛ mũhũre yũhũ dutirire ye pehoya. Sa yegũ ijigũ ijipihtiyequinare Jesu yequinare ihcãno saha yeya. Apequirore sijoro saha, apequirore sijoro saha yeracãhña. <sup>22</sup> Apequinare Cohãcjũ dahrayere mũhũ cũatire tiquina bui mũhũ omocarine mũhũ duhu peoato pano sojaro marieno quehnoano tũho masiñe mehna tiquinare beseya. Tiquina ñañequina ijiboaga. Sa ijiyequinare Cohãcjũ dahrayere cũedacãhña. Sa cũgũ mũhũ gũhũ mũhũ duhu peoyequina tiquina ñañene yero sahata yegũ niboaga mũhũ. Sa yeracãhña. Sa yegũ ñañe mariegũ ijiya mũhũ.

<sup>23</sup> Ũsũro waro paa purĩnohgũ ijire mũhũ. Sa yegũ yojoꝛꝛre aco dihitare sihnimene mũhũ. Sa yegũ mehenogã vino gũhũre sihniña mũhũ. Paa purĩne co ijire ti.

<sup>24</sup> Ihquẽquina tiquina ñañene yegũ mari ihñaja. Sa yena Cohãcjũ tiquinare tiquiro buhiri dahreatire masiaja mari. Apequina pehere tiquina ñañe yerire mari masiedaja. Tiquina ñañe yerire came masinata. <sup>25</sup> Ti ijiro sahata ihquẽquina quehnoañene tiquina yegũ tire mari masiaja. Apeye tiquina quehnoañe yerire yojoꝛꝛre masiedapenata cameꝛꝛ masinata mari. Ti quehnoañene nũono basioerare.

## 6

<sup>1</sup> Cahacjẽna Jesu yequina pehe tiquina pũthoate quehnoano ño peoahro. Tiquina sa ño peogũ ihñañe apequina Cohãcjũre, mari buheye gũhũre ñano yahuducu masiedare.

<sup>2</sup> Tiquina pũthoa Jesu yequina tiquina ijigũ ihñañe tiquina cahacjẽna pehe Jesu yequina ijiye, tiquinare ihñapoye ño peoeraboaga. Sa yeraro cahmene. Tiquina pũthoa Jesu yequina tiquina ijigũ pũritare tiquina cahacjẽna quehnoano ño peoahro tiquinare. Sa ño peoye tiquina cahacjẽna pehe Jesu yequinare, tiquina cahĩñequinare yedohoye nine. Tiquina pũthoate Jesu yequinare yedohoye, Jesure cahmeeñequinare tiquina ño peoriro yũhdœoro Jesu yequina pehere ño peoahro tiquina cahĩñequina ijigũ. Ahri yũhũ yahurire buheya. Sa yegũ ahrire dutiya.

*Cohãcjũre* ño peoye gũhũre quehnoano ijiye gũhũre yahuahye Pablo

<sup>3</sup> Sijoro saha ijiye buheyere buheriquiro mari pũthoro Jesucristo ye buheyere quehnoañe buheyere “Ijirota ijire”, ni tũho duerare. Sa yero mari ye buheyere Cohãcjũre ño peoye buheyere cahmedare. <sup>4</sup> Sa yero tiquiro “Masi pehogũ ijiaja”, nieperota tire ne

masiedare. Sa yero tũho masieniquiro yero saha tutuaro cahme duse tutua duare tiquiro. Sa yero Cohãcjũ yere sa ni maca cãriquiro ijire. Masa tiquiro yero saha ijiyequina cahme duse tutuaye, tiquina basi cahme ihña cooye, cahme ihña duerare. Sa ye apequinare ñano quti dahreye, masiedapeta masare ñano ni tũhoture tiquina. <sup>5</sup> Sa ye tiquina ñaňe dihitare tũhotuyequina, poto ijiyere ne masieñequina sa cahme duse tutuaducure. Sa ye “Cohãcjũ yere buhena, niñerure wapatanata mari”, ni tũhoture tiquina.

<sup>6</sup> Mari ye mehenogã mari cwoye mehna bucuenta, Cohãcjũre ño peona, potota quehnoano ijina niaja mari. <sup>7</sup> Ahri yehpapure masa bajuana ne apee borore ne cãhtaeru mari. Sa yena mari yariari bato wahana, ne apee borore nea masiedaja mari. Sa yena musa yere musa cwoye mehna to punota bucueya. Pajiro cahme nemoedacãhña. <sup>8</sup> Sa yena mari ihyayere mari suhti gũhure cwoya aseyere cahme nemoedacãhña. Musa cworo punota bucueya musa. <sup>9</sup> Doeri cjẽ opana iji duayequinare watĩno ñaňene tiquiro ye dutigũ tiquina pehe peye ñaňene yeducuyequina ijiyoaga. Sa ye tiquina peye tahari tũho masieñequina yero saha apee borore tutuaro cahmeñe, ñaňe yeyere duhueraye, tiquina basita ñano yũhdure. Sa duhueraye, pecapũ wahaeta tiquina. <sup>10</sup> Niñerure tutuaro cahmeñe, peye ñaňene ye ducare masa. Ihquẽquina niñerure cahĩne, tutuaro cahmeñe, Jesure wacũ tutua duhuye, peye tahari ñano jeripohna tire tiquina.

*Cohãcjũ yere yena ñaňene duhuya*

<sup>11</sup> Mũhũ pũrita Cohãcjũ yaquiota ijire. Sa yegũ ahri ñaňene yeracãhña. Sa yegũ quehnoañe pehere cahmeña. Cohãcjũ yere yeya. Sa yegũ Jesure wacũ tutuaya. Sa yegũ apequinare cahĩña. Ñano yũhduepegũta ihcãno sahaya. Sa yegũ sa tũhotu cãhña. <sup>12</sup> Hmũsepũ sa ijiducucjũre Cohãcjũ beseri mũhũre. Sa yegũ Cohãcjũre mũhũ wacũ tutuayere peyequina masare quehnoano yahuri mũhũ. Sa yegũ ñano yũhduepegũta tiquirore wacũ tutua duhueracãhña hmũsepũ mũhũ sa ijiducuatire. <sup>13</sup> Cohãcjũ ijipihtiyequinare catigũ yeriquiro ijire. Ijipihtiyere ijigũ yeriquiro ijire. Sa yero Jesucristo pehe Poncio Pilatore Cohãcjũ yere quehnoano yahuriquiro ijire. Sa yegũ Cohãcjũ, Jesucristo gũhũ tiquina ihñonopũ ahrire mũhũre ye dutiitja: <sup>14</sup> Mũhũre tiquiro dutirire ye peho cãhña. Jesucristo tiquiro tojoa tato pano masa mũhũre ñaňene tiquina “Yahusãri”, nigũ, tiquiro dutirireta yeducuya. <sup>15</sup> Tiquiro queoriro sahata Cohãcjũ Cristore tojoa tagũ yerota. Cohãcjũ quehnoariquiro, tiquiro dihita masare dutiriquiro ijire. Sa yero ijipihtiyequina apequina pũhũa bui pũhũto ijire tiquiro. <sup>16</sup> Sa yero tiquiro dihita ne yariquiro ijire. Tiquiro asi siteye mehna ijiriquiro ijire. Sa ye masa tiquiro asi siteye cahapũ waha masiedare. Sa yeye tiquirore masa ne ihñedari. Sa yeye yojopũ gũhũre tiquirore ihñedare. Tiquiro pehere ño peuhna. Sa yena “Ijipihtiyere decori tutuariquiro ijire tiquiro”, ni hna tiquirore. Sata ni hna.

<sup>17</sup> Ahri yehpa cjẽna doeri cjẽ opanare ohõ saha ni dutiya mũhũ: “Apequinare masi yũhdũdũcaja”, ni tiquina basi tũhotueracãhdo. Tiquina doeri cjẽ tiquina cwoye pihũa waharota. Sa yeye tiquina cwoye dihitare bucuercãhdo. Cohãcjũ pehere bucueahro. Ijipihtiyere pototi mari cahmeñene ohoriquiro ijire tiquiro. Tiquiro pehere wacũ tutuahro tiquina doeri cjẽ opana. <sup>18</sup> Sa yeye tiquina quehnoañe pehere yeahro pajiro quehnoañene yeyequina tiquina ijiatire. Sa yeye tiquina cworire apequinare ohoahro. <sup>19</sup> Tiquina sa yegũ hmũsepũ Cohãcjũ cahapũ tiquina ye ijirota. Topũ tiquina ye ijigũ ne butisi. Sa ye topũ sa ijiducuetã tiquina.

*Pablo Timoteore duti bato tiahye*

<sup>20</sup> Timoteo, mũhũre Cohãcjũ tiquiro cũrre tiquiro buhe dutirire quehnoano yeya. Boeracãhña mũhũ. Ihquẽquina masa Cohãcjũre cahmeeñequina yero saha ni mehoňe, tũho masieñequina ye buheyere yahuducuducure. Sa yahuducuye “Quehnoano masieñequina ye buheye ijire”, nimene tiquina. Sa tiquina ni buheyere tũho nũnũedacãhña. <sup>21</sup> Ihquẽquina ti buheyere tũho nũnũñequina Cristo yere cohã cãhre. Cohãcjũ tiquiro cahĩne mehna mũhũre tutuaro quehnoa dutiaja.



## 2 Timoteo

### *Pablo Timoteore pari turi ojoa ohoahye*

<sup>1</sup> Yũhũ Pablo, ahrire mũhũre Timoteore ojoa ohoaja. “Ijipihtiyequina Jesucristore wacũ tutuayequina uhmũserũ sa ijiducuenta”, ni, cũri marine Cohãcjũ. Tiquiro sa ni cũrire yahuacjũre yũhũre bese cũri Jesu. Sa cũno Cohãcjũ tiquiro cahmeno sahata yero nidi yũhũre. <sup>2</sup> Mũhũ Timoteo yũhũ cahĩgũ ijire. Mũhũre Jesu yere yũhũ buhegũ tuhogũ tiquirore quehnoano wacũ tutua dũcari mũhũ. Sa yegũ yũhũ macũ yero saha ijire mũhũ. Sa yegũ Cohãcjũ mari Pacũ, mari pũhtoro Jesucristo mehna mũhũre quehnoa dutiaja. Sa yeye mũhũre paja ihña, tiquina yedohoye mehna quehnoano ijiya mũhũ.

### *Masare Cristo yere tiquina yahurire yahuahye Pablo*

<sup>3</sup> Ñamirũ, decopũ gũhũre Cohãcjũ mehna yahuducugũ mũhũ ye ijiatire sini basagũ mũhũ mehna bucueaja. Sa bucuegũ Cohãcjũre “Quehnoare”, niaja yũhũ. Panopũ cjẽna yũhũ acaye ñaũe buhiri marieno Cohãcjũ yere tiquina yeriro sahata yũhũ gũhũ yojopũre tiquiro yere yeaja. <sup>4</sup> Sohõ ijiri pjere yũhũ wahagũ mũhũ uti nũnũ tãe tirire wacũgũ mũhũre tutuaro ihña duaja, mũhũ mehna quehnoano bucue duagũ. <sup>5</sup> Sa yegũ Jesure potota mũhũ wacũ tutuarire wacũaja yũhũ. Mũhũ ñeco, Loida, mũhũ paco Eunice gũhũ mũhũ yero sahata Jesure wacũ tutua mũhtari mũhũ pano. Sa yegũ yojopũre mũhũ gũhũ tiquirore mũhũ wacũ tutuagũ quehnoano masiaja yũhũ.

<sup>6</sup> Sa yegũ ahrire mũhũre wacũgũ ye duaja. Mũhũ bui yũhũ omocarine yũhũ duhu peogũ Cohãcjũ yere mũhũ yeatire tutuayere ohori mũhũre. Ti tutuaye mehna ye nemoña mũhũ. <sup>7</sup> Cohãcjũ marine tiquiro yaquiro Espĩritu Santore ohori. Sa yero masare marine cueragũ yere Espĩritu Santo. Sa yero tutuana, masare cahĩna, tuho masina marine ijigũ yere tiquiro. <sup>8</sup> Sa yegũ mari pũhtoro ye ijiatire apequinare yahugũ, bue tieracãhña mũhũ. Yũhũ tiquiro yere yũhũ yeri buhiri peresupũ ijigũ niaja. Peresupũ yũhũ ijigũ yũhũre bue tisãedacãhña mũhũ. Sa yegũ quehnoañe buheyere mũhũ buheri buhiri ñano yũhdũgũ “Quehnoanota”, niña mũhũ gũhũ. Mũhũ sa ñano yũhdũgũ Cohãcjũ mũhũre yedohorota. <sup>9</sup> Cohãcjũ pehe marine pecapũ wahaborinare yũhdũori. Sa yero quehnoana, tiquiro yequina ijianare tiquiro beseahye marine. Mari quehnoano yeye mehna tiquirore marine besegũ yerũ. Tiquiro esa tuharo tiquiro cahmediro sahata yero ahri yehpare tiquiro bajumehneato pano marine cahĩno, tiquiro marine beseahye. Marine sa cahĩno marine yũhdũoatiquirore Jesucristore ohoahye Cohãcjũ. <sup>10</sup> Yojopũre Jesucristore marine yũhdũoatiquirore ohoro, marine potota tiquiro cahĩñene masigũ yero niahye Cohãcjũ. Jesu marine tiquiro yequinare pecapũ wahaeragũ yeri. Sa yero “Yũhũre wacũ tutuana Cohãcjũ mehna sa ijiducunata”, nino, quehnoañe buheyere marine yahuro ahtahye tiquiro.

<sup>11</sup> Ti buheyere quehnoañe buheyere yahuacjũre tiquiro cũacjũre beseri yũhũre. <sup>12</sup> Sa tiquiro beserigũ ijigũ yojopũre ñano yũhdũaja yũhũ. Ohõ saha ñano yũhdũepẽgũta yũhũ bue tieraja. Yũhũ wacũ tutuariquirore Jesure masiaja yũhũ. Tutuariquiro ijire tiquiro. Sa yero yũhũre tiquiro yere buhe duti cũno quehnoano yedohorota. Sa yero ahri yehrapũ tiquiro tojoa tato pano, “Mũhũre yũhdũogũtja”, tiquiro nidiro sahata sohtori tirota yũhũre. Yũhũre yũhdũorota tiquiro. Tire quehnoano masiaja.

<sup>13</sup> Mũhũre quehnoano yũhũ yahurire ye pehoya. Cristo Jesu yequina ijina tiquirore quehnoano wacũ tutuaja mari. Sa yena apequinare quehnoano cahĩaja. Sa yegũ tiquirore sa wacũ tutuaducuya mũhũ. Apequinare quehnoano cahĩducuya. <sup>14</sup> Sa yegũ Espĩritu Santo mari mehna ijiriquiro tiquiro yedohoro mehna quehnoañe buheyere quehnoano yeya. Queoro buheya.

<sup>15</sup> Ijipihtiyequina Asia yehpa cjẽna Jesu yequina yũhũre yedoho dueraye, cohã cãa wahari. Tiquina mehna cjẽna pũaro Figelo, Hermógene sata yeri tiquina gũhũ. Tiquina sa cohã cãire masi tuhasare mũhũ. <sup>16-17</sup> Tiquina sa cohãepẽgũta Onesĩforo pehe peye

tahari yũhũre yedohoro quehnoano jeri sajãgũ yeri. Sa yero yũhũ peresupũ ijigũ tiquiro yũhũre bæe tisãedari. Sa yero yũhũ Romapũ ijigũ sa macaducuri jiri yũhũre. Sa macaducuro yũhũre bocari. Sa yero tiquiro pohnene, tiquina pacoro gũhũre paja ihñanota Jesu mari pũhtoro. Tiquirore sa paja ihña dutigũ tiquirore sini basaja. <sup>18</sup> Sa yero ahri yehrapũ Jesu mari pũhtoro tiquiro tojoa tati deco tiquirore paja ihñanota. Tiquirore sa paja ihña dutigũ tiquirore sini basaja. Efesopũ marine Onesíforo tiquiro yedohorire quehnoano masine mũhũ.

## 2

*Ñano* yũhdũepenata Jesu yequina ijina ihcãno saharo cahmene marine

<sup>1</sup> Mũhũ pehe yũhũ macũ yero saha ijigũ, Jesucristo yedohoro mehna tiquirore wacũ tutuaducuya. <sup>2</sup> Sa yegũ peyequina masare yũhũ buherire mũhũ tũhorire apequina gũhũre buheya mũhũ. Tiquina mũhũ buheyequina Cohãcjũ yere yeducuyequina ijiahro. Sa ye apequinare buhe masiñequina ijiahro.

<sup>3</sup> Surara ñano yũhdũeperota tiquiro ihcãno saharo saha mũhũ gũhũ Jesu yaquiro ijigũ ñano yũhdũegũ, ihcãno sahaya mũhũ. Sa yegũ apequina Jesu yequina yero saha yegũ nine mũhũ. <sup>4</sup> Surara tiquiro pũhtoro dutiye pehere yere. Sa yero tiquiro surara ijieyequina yero saha ihyo ijiyere yerare tiquiro. Mũhũ gũhũ sata Cohãcjũ dutiye dihitare yeya. <sup>5</sup> Omariquiro oma dutiyequina tiquina dutiyere queoro yeraro, tiquiro oma yũhdũdũcari wapare ne masiedare. (Sa yegũ omariquiro ti dutiyere queoro tiquiro yeriro saha Cohãcjũ dutiyere quehnoano ye pehoya mũhũ.) <sup>6</sup> Sa yero wese dahrariquiro quehnoano dahrariquiro pehe apequina pano quehnoano wapatare. (Sa yegũ mũhũ gũhũ tiquiro yero saha quehnoano dahraya mũhũ.) <sup>7</sup> Ijipihtiyere quehnoano masigũ yerota Jesu mari pũhtoro mũhũre. Sa yegũ yojopũre mũhũre yũhũ nidire quehnoano wacũ tũhotuya.

<sup>8</sup> Sa yegũ Jesucristore wacũña. Tiquiro pũhtoro Davi mũnano panopũ cjẽno tiquiro panamino iji turiariquiro ijiahye. Sa yero yariaro masa mũjahye tiquiro. Quehnoañe buheyere buhegũ tiquiro sa waharireta buhegũ niaga. <sup>9</sup> Tiquiro yere buhegũ ñano yũhdũaja yũhũ. Sa yegũ tire yũhũ buheri buhiri ñañene yeriquiro yero saha peresupũ ijiaja yũhũ. Yũhũ sa ijiepegũta Cohãcjũ ye yahuducuyere buhe duhugũ ye masiedare masa yũhũre. <sup>10</sup> Sa yegũ Cohãcjũ beseriquinare buhegũ peye tahari ñano yũhdũaja yũhũ, tiquina gũhũ Jesucristo yequina tiquina ijiatire. Tiquiro yequina ijiye tiquina pecapũ wahaboriquina pehe tiquiro yũhdũoatiquina ijietta. Sa ye tiquina Cohãcjũ mehna sa ijiducuetta.

<sup>11</sup> Ahri yũhũ niati ijirota ijire. Cristo yere mari yeri buhiri apequina marine tiquina wejẽgũ tiquiro mehna uhmũsepũ sa ijiducunata.

<sup>12</sup> Sa yena tiquiro yere mari yeri buhiri ñano yũhdũepenata ihcãno sahana tiquiro pũhtoro ijiorũre tiquiro mehna pũhtoata ijinata mari gũhũ.

<sup>13</sup> “Cristore usã masiedaja”, mari nigũ, tiquiro gũhũ marine sata ninota. Tiquirore mari yũhdũdũcagũ ihñano tiquiro nidiro sahata marine buhiri dahrerota. Tiquiro nidiro sahata yeriquiro ijire tiquiro. Ne ni mehoedare. Ahri ijipihtiyere tiquiro yahuri ijirota ijire.

*Cohãcjũ* tiquiro ihña coyequinare, tiquiro yere buheyequinare yahuahye Pablo Timoteore

<sup>14</sup> Ahri yũhũ yojopũ yahuatire mũhũ mehna cjẽnare wacũgũ yeya. Tiquina esa tuharo ihyo ijiyere tiquina yahuducuye dũhseati ijierare. Sa yeye tiquinare tũhoriquinare ñano yegũ yere. Sa yegũ mari pũhtoro ihñonopũ ohõ saha ni yahuya tiquina esa tuharo buheriquinare. “Mũsa yahuducuro saha yahuducueracãhña”, niña tiquinare.

<sup>15</sup> Mũhũ pehe Cohãcjũ yere quehnoano buheya. Sa yegũ Cohãcjũ yere tutuaro yeya. Mũhũ sa yegũ ihñano “Quehnoano yeri mũhũ”, ninota Cohãcjũ mũhũre. Sa yegũ mũhũ buherire tiquiro ihñagũ bæe tisi mũhũ. Sa yegũ tiquiro ye buheyere quehnoano masiña. Sa yegũ tire queoro buheya. <sup>16</sup> Tiquina esa tuharo yahuducuyequina ñañene

sa yeducure. Sa yegu tiquina sa ni yahuducuyere tũho yabiya mũhũ. <sup>17</sup> Tiquina pehe tiquina yahuducuye camino ahba mũjano yero saha ijire. Camino ahba mũjano saha tiquina yahuducuye gũhũ apequina Jesu yequinare ñañequina wahagũ yeeta. Sa yahuducuyequina mehna cjẽna Himeneo, Fileto gũhũ ijire. <sup>18</sup> Sa yeye tiquina “Jesu yequina masa mũja tuhasari”, ni buheye, quehnoañe buheyere duhu cãri tiquina. Sa sijoro saha buheye, meheñequinagã Jesu yequinare tiquirore wacũ tutua duhugũ yeri tiquina. <sup>19</sup> Tiquina sa ñano buhepegũta Cohãcjũ ye buheye pehe ne comesaerare. Ohõ saha nine tiquiro ye buheye: “Mari pũthoro Jesu tiquiro yequinare masine. Sa ye, ijipihtiyequina ‘Jesu yequina ijiaja’, niñequina ñañene duhu cãhdo”, ni yahure Cohãcjũ ye buheye.

<sup>20</sup> Mari queoye mehna buhegũ masa sihniñe pari yero saha ijire. Pajiri wũhũpũ uru, plata mehna tiquina yeri pari ijire. Sa yero ti wũhũpũ apeye pari yucũgũ mehna, dihi mehna tiquina yeri pari ijire. Uru, plata mehna tiquina yeri pari quehnoañene tiquina pose yeati ijire. Apeye pari ihyo ijiyere tiquina pose yeati ijire. <sup>21</sup> Sa yero ñañene yerariquiro uru pa quehnoari pa yero saha ijirota. Sa yero tiquiro pehe Jesu ye dihitare yeducuriquiro ijirota. Sa yero wũhũ cjũno quehnoari pa mehna quehnoañene tiquiro yeriro saha, ñañene yerariquiro Jesu ye ijiatire quehnoañene yerota.

<sup>22</sup> Wahmũ ijire mũhũ. Sa yegu wahma pjia ñañene tiquina tutuaro ye duaro sahata yeracãhña mũhũ. Sa yegu quehnoañene yeya. Jesure wacũ tutuaducuya. Sa yegu tiquirore, masa gũhũre cahĩña. Sa yegu mũhũ mehna cjẽna Jesu yequina mehna ijigũ cahmequeno marieno quehnoano ijiya mũhũ. Sa yeya mũhũ Cohãcjũre yũhtiyequina tiquirore siniducuyequina mehna ijigũ. <sup>23</sup> Sa yegu tũhoturo marieno tiquina cahme yahuducuyere mũhũ gũhũ tũho nũnũedacãhña. Sa yegu mũhũ gũhũ sa cahme yahuducueracãhña. Sa ni yahuducuye masa tiquina basi cahme tuhti, usuare. <sup>24</sup> Cohãcjũ cahacjũno ihcãquiro ijiro, cahme tuhtieraro cahmene tiquirore. Sa yero ijipihtiyequinare quehnoano yeriquiro, buhe mihnidiquiro, duita usueriquiro ijiro cahmene tiquirore. <sup>25</sup> Sa yero apequina tiquiro mehna tiquina cahme tuhtigũ tiquiro tiquinare yahuro, quehnoano mehna usuaro marieno yahuro cahmene tiquirore. Tiquiro sa yahugũ ihñañe Cohãcjũ yedohoye mehna tiquina pehe tiquina ñañe yerire bũjũa witiboaga. Sa ye quehnoañe buheyere masi dũcaboaga. <sup>26</sup> Tiquinare watĩno cũmedi tiquiro cahmeñene yeatiquinare. Sa ye tiquina ñañe yerire bũjũa witiri bato quehnoañe buheyere masiñe, watĩnore cohã cãeta.

### 3

#### *Pihtiati deco ijiatire yahuahye Pablo Timoteore*

<sup>1</sup> Pihtiati deco panogãre ñano yũhdũeta masa. Tire quehnoano masiña mũhũ. <sup>2</sup> Ti pjere masa apequinare wacũ peoyequina, niñerure cahme yũhdũdũcayequina, “Apequinare masi yũhdũdũcaja”, ni tiquina basi tũhotuyequina, masare ñano tuhtiyequina, tiquina pacũsumũare yũhdũdũcayequina, tiquina ohopegũta “Quehnoare”, nieñequina, Cohãcjũre ño peoyequina ijieta. <sup>3-4</sup> Sa ye masare cahĩñequina, paja ihñeñequina, ñañe quiti dahreyequina, tiquina esa tuharo ñano yeducuyequina, masare sa quẽducuyequina, quehnoañene yabiyequina, tiquina mehna cjẽnare ñano yeyequina, tũho masieñequina, “Masi pehoaja”, ni tũhotuyequina ijieta masa. Sa ye ñañene cahme yũhdũdũcayequina ijiye, Cohãcjũ pehere cahmeeñequina ijieta. <sup>5</sup> Sa ye tiquina masa ihñonopũ Cohãcjũre ño peopeta “Cohãcjũ ihyo ijiriquiro ijire”, ni tũhotumene tiquina.

Sa niñequinare piti tieracãhña mũhũ. <sup>6</sup> Tiquina mehna cjẽna tũho masieñequina numia ye wũhũsepũ sajã, tiquina numiare ni mehoñene buhere. Tiquina numia pehe sa ñañene yeducuyequina numia, tutuaro ñañene ye duare. <sup>7</sup> Tiquina numia sa buheducuye ihyo ijiye buheyere, sijoro saha ijiye buheyere tũhoye numia ijiye, Cohãcjũ ye buheye pehere ne masiedare. <sup>8</sup> Panopũ Jane, Jambre yayia mũna Moiserẽ tiquina ihña tuhtiriro sahata pihtiati deco panogã ijiyequina masa quehnoañe buheye pehere ihña tuhtieta. Tiquina ñañe dihitare tũhotuyequina ijieta. Sa ye Jesure wacũ tutuayequina waro ijierare. <sup>9</sup> Sa yeyequina tiquina ni mehoñene tũho duasi apequina pehe. Came tiquina

ni mehoñene, tũho masieñequina tiquina ijiye gũhũre ijipihtiyequina masieta. Jane, Jambre mehna tiquina ni mehoñene panopũ masa tiquina masidiro sahata sata masieta pihtiati deco panogã ni mehoñequina tiquina ijiyere.

*Pablo Timoteore duti bato tiahye*

<sup>10</sup> Yũhũ buheyere, yũhũ yee tirire, yũhũ ijiye tiyere, yũhũ ye duayere, Jesure yũhũ wacũ tutuayere masine mũhũ. Sa yegũ usuaro marieno yũhũ yerire, masare yũhũ cahĩñene, ñano yũhdũepẽgũta yũhũ ihcãno saharire masine mũhũ. <sup>11</sup> Sa yegũ yũhũre tiquina ñano yerire, yũhũ ñano yũhdũrĩre masine mũhũ. Sa yegũ Antioquíapũ, Iconiõpũ, Listrapũ, yũhũre ña yũhdũaro tiquina yerire masine mũhũ. Yũhũ sa wahagũ ihñano mari pũhtoro Jesu pehe yũhũre yedohori. <sup>12</sup> Ijipihtiyequina Jesucristo yequina tiquina iji duagũ Cohãcjũ dutiriro sahata tiquina yeducu duagũ apequina tiquinare ñano yeeta. Ti ijirota ijire. <sup>13</sup> Sa ye ñañequina pehe ni mehoñequina gũhũ ña yũhdũayequina wahaeta. Apequinare ni mehoñe, tiquina basi ni mehoñene “Sa tjire”, niñe, ña yũhdũayequina wahaeta.

<sup>14</sup> Mũhũ pehe mũhũre yũhũ buherire, quehnoano mũhũ tũhorire sa wacũducuya. Sa yegũ yũhũ buheriro sahata yeya. Mũhũre buheriquinare masine mũhũ. <sup>15</sup> Mũhũ nijigũ ijigũpũta Cohãcjũ yere tiquina ojoari pũre masi dũcahye mũhũ. Tiquiro yere tiquina ojoari pũpũ ohõ saha ni yahure mũhũre: Jesucristore wacũ tutuayequina dihitare pecapũ wahaboriquinare yũhdũore Cohãcjũ. <sup>16</sup> Cohãcjũ yere tiquina ojoari pũpũ ijipihtiyere Cohãcjũ pehe oja dutiahye. Sa yena ti pũre buhena mari masi nemoaja. Ti pũre buhena Cohãcjũ dutiyere mari yeatire masiaja. Sa buhena mari ñañe yerire “Ahri ñañe ijire”, ni tũhotuaja mari. Sa yero ti pũ marine quehnoañe pehere camesa dutire. Sa yero decoripe quehnoañene mari yeducuatire yahure ti pũ. <sup>17</sup> Sa yero Cohãcjũ yaquiro tiquiro ya pũre buhero, masi pehorota. Sa masino ijipihtiyere quehnoañene ye masinota tiquiro.

4

<sup>1</sup> Jesucristo ijipihtiyequina pũhtoro, tojoa tatiqiro, catiyequinare, yariariquina gũhũre buhiri dahre dutiatiquiro tiquiro ihñonõpũ mũhũre ohõ saha ni yahutja. Cohãcjũ ihñonõpũ gũhũre ohõ saha ni yahutja mũhũre: <sup>2</sup> Decoripe masa tiquina tũho duagũ tiquina tũho dueragũ gũhũre Cohãcjũ yere yahuya. Sa yahugũ masa tiquina ñañe yerire masigũ yeya tiquinare. Sa yegũ tiquina ñañe yerire “Ye nemoedacãhña”, ni yahuya tiquinare. Quehnoañe pehere ye dutiya. Sa buhegũ ne usuegũ, caributieracãhña mũhũ. Sa yegũ ne apequinare buhe duhueracãhña. <sup>3-4</sup> Camõpũ masa quehnoañe buheyere tũho duasi. Sa tũho dueraye, tiquina cahmeno sahata yeye, tiquina tũho coaye dihitare buheyequinare cahmeeta tiquina. Sa ye ni mehoñe buheyere peyequina buheyequinare cõoeta. Tiquina sa yeye quehnoañe buheye pehere cohã, tiquina sa buhe maca cãrĩre tũho nãnũeta. Sa yegũ quehnoañe buheyere buhe duhueracãhña mũhũ. <sup>5</sup> Mũhũ gũhũ sa ijigũ decoripe tũho masigũ ijiya. Sa yegũ ñano yũhdũepẽgũta ihcãno sahaya. Sa yegũ quehnoañe buheyere sa buheducuya. Cohãcjũ mũhũre tiquiro ye dutirire ye peho cãhña mũhũ.

<sup>6</sup> Yũhũ Cohãcjũ yere yũhũ yeri buhiri yũhũ yariato mehenogã dũhsare. Sa yegũ meheñe decorigã catiniitja. <sup>7</sup> Yũhũ yariato panogã ahriire yahutja: Jesu quehnoañe buheyere yũhũre buhe dutiro tiquiro cũrĩre quehnoano buhe sohtori tii. Tiquiro ye dutiyere quehnoano ye pehou. Sa yegũ ñano yũhdũepẽgũta tiquirore ne wacũ tutua duhuerũ. <sup>8</sup> Yõjõpũre quehnoañene yũhũ yeri wapare ãhmũserũ ihboro niaga. Sa yero mari pũhtoro, ijipihtiyequinare masi pehoriqiro, buhiri dahre dutiro queoro yahuriqiro tiquiro tojoa tati deco tiquiro yere yũhũ yeri wapare ohorota yũhũre. Apequina gũhũre tiquiro tojoa tatire cohteyequinare tiquirore cahĩñequinare tiquiro yere tiquina yeri wapare ohorota Jesu.

*Pablo yahu nemoahye Timoteore*

<sup>9</sup> Yũhũ cahapũ ãmũñano ihñagũ ahtaya mũhũ. <sup>10</sup> Dema ahri yehpa cjẽ ijipihtiyere tutuaro cahmeno yũhũre yedoho dueraro cohã cãa wahari Tesalõnicapũ. Crescente

gũhũ Galacia yehpapũ wahari. Sa yero Tito gũhũ Dalmaciapũ wahari. <sup>11</sup> Luca dihita yũhũ mehna ijire. Marco yũhũre quehnoano yedohoatiqiro ijire. Sa yegũ tiquirore ne cãhtaya mũhũ. <sup>12</sup> Sa yegũ Tíquicore Efesopũ ohou. <sup>13</sup> Ohõpũ ahtagũ, yũhũ bui sañari suhtirore, Troapũ Carpo ya wũhũpũ yũhũ cũri suhtirore ne cãhtaya. Sa ye sohõ ijiri tunuri ojoari tunuri gũhũre ne cãhtaya. Sohõ ijiri cahseri ojoari cahseri pũritare tutuaro cahmeaja yũhũ. Sa yegũ ti cahseri gũhũre ne cãhtaya.

<sup>14</sup> Alejandro comene dahrariqiro yũhũre ña yũhũaro yeri. Sa yero tiquiro sa yeri buhiri Cohãcjũ buhiri dahrerota. <sup>15</sup> Tiquiro Alejandro mari ye buheyere tutuaro ihña tuhtiri. Sa yegũ tiquiro mũsare “Ñano yeari” nigũ, tiquirore ihñagũ, quehnoano wacũ masiña.

<sup>16</sup> Masare beseriquirore peresupũ ye dutiriquirore yũhũ yerire, yũhũ buherire tiquirore yũhũ coã yahugũ ne ihcãqiro boro Jesu yaqiro yũhũre yedohoerari. Ijip-ihtiyequina yũhũre yedohoeraye, cohã cãa wahari. Tiquina sa cohãepẽgũta yũhũre tiquina cohãri buhiri Cohãcjũ buhiri dahreracãhdo. <sup>17</sup> Yũhũ sa wahaepẽgũta Cohãcjũ yũhũre yedohori. Sa yero tiquiro ye buheyere yũhũ quehnoano yahuatire tiquiro ye tutuayere ohori yũhũre, ijipihtiyequina judio masa ijieyequina ti buheyere tiquina tũhoatire. Sa yero yũhũre tiquina ñano tiquina ye duepẽgũta yũhũre tiquina ñano yeborigure yedohori mari pũhtoro. <sup>18</sup> Ijipihtiyequina yũhũre ñano yeyequinare yũhũdũdũcaro, yũhũre yedohorota mari pũhtoro. Sa yero mũmũserũ tiquiro pũhtoro ijiorũ yũhũre iji dutiro, yũhũre yũhũdũdũcorota tiquiro. Sa yena “Tiquiro quehnoa yũhũdũdũariqiro, tutua yũhũdũdũariqiro ijire”, niinha mari ijipihtiyere decori. Sata niinha.

*Pablo quehnoa dutiahye Timoteo cahapũ* ijieyequinare

<sup>19</sup> Prisca, Aquila, Onesíforo ya wũhũ cjẽna gũhũ quehnoahdo. <sup>20</sup> Erasto Corintopũ tojoari. Trófimo Miletopũ dohatia wahari. Sa yegũ tiquirore topũ cũu yũhũ. <sup>21</sup> Pohero pano mũmũñano ahtaya mũhũ. Eubulo, Pudente, Lino, Claudia gũhũ, ijipihtiyequina Jesu yequina mũhũre quehnoa dutire.

<sup>22</sup> Mari pũhtoro Jesucristo mũhũ mehna ijirota. Sa yegũ mũsare ijipihtinare Cohãcjũ mehna pajiro quehnoa dutiaja.



## Tito

### *Pablo Titore ojoa ohoahye*

<sup>1</sup> Yũhũ Pablo Cohãcjũ cahacjũ, Jesucristo yere tiquiro buhe duti cūrigũ ijiaja. Cohãcjũ beseriquina Jesure tiquina wacũ tuatire quehnoañe buheyere tiquina masiatire Jesu buhe dutiro yũhũre cūri. Ti buheye Cohãcjũ dutiro saha mari yeatire yahure. <sup>2</sup> Sa yegũ ijipihtiye decori Cohãcjũ yequina uhmũsepũ tiquina ijiducuati gũhũre buheaja tiquinare. Cohãcjũ ne ni mehoñe marieniquiro ahri yehpare tiquiro bajumehneato pano ohõ saha ni cũahye marine: “Uhmũsepũ sa ijiducunata mũsa”, ni cũahye marine. <sup>3</sup> Sa yero tiquiro queori pje Cohãcjũ tiquiro ni cūrire yahu dutiri masare. Sata yũhũre ni yahu dutiri tiquiro. Marine pecapũ wahaborinare yũhdũoriquiro ijire. <sup>4</sup> Mũhũre Titore Jesu yere buhei. Yũhũ sa buhegũ tũhogũ Jesure wacũ tutua dũcari mũhũ. Sa yegũ mũhũ potota yũhũ macũ yero saha ijigũta nine. Mũhũre ahrire ojoagũ niaja. Sa yegũ Cohãcjũ mari Pacũ mehna, Jesucristo marine yũhdũoriquiro mehna mũhũre quehnoa dutiaja. Sa ye paja ihñañe, mũhũre tiquina yedohoye mehna quehnoano ijiaja mũhũ.

### *Creta wame tiri nũcũopũ Tito tiquiro yeatire yahuahye Pablo*

<sup>5</sup> Creta wame tiri nũcũopũ mũhũre yũhũ cūgũ Jesu yequina tiquina buheati dũhsarĩdi ti pjere. Sa yegũ tiquina yeatire yahuyucjũre cūgũ nii yũhũ mũhũre. Sa yegũ macaripe cjẽna Jesu yequina pũhũa ijiatiquinare bese dutigũ cūgũ nii mũhũre. <sup>6-8</sup> Tiquina pũhũa Cohãcjũ cahacjẽna ijire. Sa yegũ tiquinare besegũ quehnoañequinare beseya sijoro saha yeeyequinare. Sa yegũ ihquẽquina numiareta namo tiyequinare, “Apequinare masi yũhdũducaja”, ni tũhotueyequinare, usueyequinare, queheye marieñequinare, cahmequeñe marieñequinare, apequina yere ni meho ehmeñequinare beseya. Sa besegũ tiquina wũhũsepũ sajã sayequinare quehnoano ihña ihboyequinare, quehnoañe pehere quehnoano bucueyequinare, tũho masiñequinare, quehnoañene yeducueyequinare, ñañe marieñequinare, ñañene yeeyequinare, niji siaro marieno dahrayequinare, quehnoañene yeducueyequinare beseya. Sa ye mũhũ beseatiquina pohnene ohõ saha ijieyequina ijero cahmene: Jesure wacũ tutuayequina, quehnoano yeducueyequinare, ijipihtiyequinare quehnoano yũhtiyequinare ijero cahmene pũhũa pohnene. <sup>9-10</sup> Sa ye quehnoañe buheyere queoro mari buheducuriro sahata ne duhueyequinare ijiahro pũhũa mũhũ beseatiquina. Sa ye tiquina quehnoañe buheyere yahueyequinare ijietta. Sa ye quehnoañe buheyere ihña tuhtiyequinare buheye, tiquina ye ni mehoñe ijigũ masigũ yeeta tiquina. Sa yegũ quehnoano beseya Jesu yequina pũhũa ijiatiquinare.

Peyequina tiquina pũhũare yũhdũducayequinare, quehnoano tũhotu yahuducueyequinare, ni mehoñequina ijire yojopũre. Sa yeeyequina judio masa pũrita ña yũhdũaro yeve nine. Tiquina ye buheye poto ijieragũ tiquinare masigũ yero cahmene. <sup>11</sup> Tiquina judio masa pehe niñerure wapata dua, buhere. Sa yeraro cahmene. Sa buheye ihquẽ wũhũse cjẽnare ijipihtiyequinare Cohãcjũ ye pehere cohãgũ yeve niaga tiquinare. Tiquina sa yegũ tiquinare sa ye dutieraro cahmene.

<sup>12</sup> Tiquina yere panopũ yahuriquiro ti nũcũo cjũno ijieperota ohõ saha ni yahuahye: “Creta nũcũo cjẽna sa ni mehoducueyequinare ijire. Ti nũcũo cjẽna wahiquina yero saha usuayequina ijire. Sa ye sa ihyaducueyequinare ijie ne dahra dũerare”, niahye tiquiro, tiquiro ya nũcũo cjẽnare. <sup>13</sup> Tiquiro sa niñe ijirota ijire. Tiquina sa ijigũ ihñagũ tiquinare tutuaro tuhtiya Jesu ye buheye pehere quehnoano tiquina masiatire. <sup>14</sup> Sa yegũ judio masa panopũ cjẽna tiquina esa tuharo tiquina ni maca cãrire, Jesu yere cahmeeñequina tiquina dutiye gũhũre Creta cjẽna tiquina tũho nũnũedatire tuhtiya tiquinare.

<sup>15</sup> Buhiri marieñequina quehnoañe dihitare tũhoture. Ñañene yeducueyequinare, Jesure wacũ tutueyequinare pehe ñañe dihitare tũhoture. Tiquina tũhotuyepũre ña yũhdũare. Sa ye quehnoañe pehere bese masiedare. <sup>16</sup> Tiquina “Cohãcjũre masiaja usã”, niepeta,

ñañene yere. Sa yeyequina tiquina ijigũ ihñana Cohãcjũre masieñequina tiquina ijigũ masiaja mari. Sa ye tiquina ña yũhdũayequina, Cohãcjũ yere yũhdũadũacayequina ijire. Sa ye tiquina quehnoañene ye masiedare.

## 2

### *Quehnoañe buheyere queoro yahu dutiahye Pablo Titore*

<sup>1</sup> Mũhũ pehe buhegũ, quehnoañe buheye ti nidiro sahata quehnoano buheya. <sup>2</sup> Bũcũnare ohõ saha ni yahuya: Cua pesayequina, masa ño peonohñequina, tũho masiñequina, Jesure quehnoano wacũ tutuayequina, quehnoañe buheyere quehnoano yeyequina, Jesure masa gũhũre cahĩñequina, ñano yũhdũepeta ihcãno sahayequina ijiahro tiquina. <sup>3</sup> Bũcũna numia gũhũre sata ni yahuya: Cua pesaye numia, ñañe quiti dahreraye numia, queheraye numia ijiahro tiquina numia gũhũ. Sa yeye numia ijiye, quehnoañene buheahro apequina numiare. <sup>4</sup> Apequina numiare ohõ saha ni buheahro bũcũna numia: Tiquina manũsumũare, tiquina pohne gũhũre cahĩahdo. <sup>5</sup> Sa yeye tiquina tũho masiñe numia, apequina mũna mehna ñano yeraye numia, ihcã wũhũ cjẽna ijiyequinare quehnoano ihña ihboye numia, masa quehnoañe numia, tiquina manũsumũare quehnoano yũhtiye numia ijiahro tiquina, Cohãcjũ ye buheyere apequina “Ñano yahu wajari”, niñe.

<sup>6</sup> Sa yegũ wahma pjia gũhũre ohõ saha ni yahuya: Tũho masiñequina ijiahro tiquina. <sup>7</sup> Sa yegũ mũhũ pehe quehnoañe dihitare yeducuya mũhũre tiquina ihña cũatire. Buhegũ ne ni mehono marieno buheya. Sa buhegũ cua pesaro mehna buheya mũhũ. <sup>8</sup> Sa buhegũ tũho masiñe mehna quehnoano buheya apequina mũhũre “Yahu wajari”, nigũ. Mũhũ sa buhegũ ihñañe marine ihña tuhtiyequina ijiepete marine ihyo warota yahu waja masiedare. Marine sa yahu waja maca cãñe, bũoro wahaeta tiquina.

<sup>9</sup> Sa yegũ cahacjẽnare ohõ saha ni yahuya: Tiquina pũhtoare quehnoano yũhtiahro. Sa yeye tiquina pũhtoare quehnoano bucuegũ yeahro. Sa dihita yeahro. Sa ye tiquina pũhtoare purĩno yũhtieracãhdo. <sup>10</sup> Sa ye tiquina pũhtoa yere yaqueracãhdo. Sa ye quehnoañequina ijiahro. Tiquina pũhtoa dutiyere queoro yeducuahro. Tiquina sa quehnoano yũhtiyequina ijigũ ihñañe, Cohãcjũ marine yũhdũoriquiro ye buheyere tũho bucueeta apequina.

<sup>11</sup> Masare tiquiro cahĩñene Cohãcjũ ihño tuhasari. Sa cahĩno ijipihtiyequina pecarũ wahaboriquinare Cohãcjũ tutuaro yũhdũo duare. <sup>12-13</sup> Masare sa cahĩno Cohãcjũ marine ohõ saha ni buhere: Cohãcjũre ihña tuhtiyere, ñañe tutuaro cahmeñene duhu cã dutire marine. Cohãcjũ tutuariquiro, Jesucristo marine yũhdũoriquiro tiquiro asi siteyere mari ihñati decore, quehnoari decore mari cohtena niaja. Sa yero mari cohteri deco pano tũho masina, quehnoañene yeducuna, Cohãcjũre ño peoducuna marine iji dutire Cohãcjũ. <sup>14</sup> Tiquiro Jesucristo mari ye ijiatire yariahye ijipihtiyere mari ñañe yerire duhugũ yero taro, marine tiquiro yequina wahagũ yero taro. Mari ñañene tiquiro sa cohãgũ mari ñañe buhiri mariena ijinata. Sa yena tutuaro quehnoañene ye duana ijinata.

<sup>15</sup> Ahri ijipihtiyere ti nũcũo cjẽnare Jesu yequinare buheya mũhũ. Tiquina pũhtoro ijigũta nine mũhũ. Sa yegũ tiquinare yahuya. Sa yegũ tiquina ñañene yegũ ihñagũ tuhtiya tiquinare. Sa ye ijipihtiyequina apequina mũhũre doca cũedacãhdo.

## 3

### *Jesu yequina tiquina yeatire yahuahye Pablo*

<sup>1</sup> Ohõ saha ni yahuya to cjẽnare Jesu yequinare: Tiquina pũhtoare quehnoano yũhtiyequina ijiahro. Ijipihtiyere quehnoañene yeatiquina ijiahro. <sup>2</sup> Sa ye apequinare ne ñañe quiti dahreracãhdo. Cahme tuhtieracãhdo. Sa ye masa quehnoañequina, ijipihtiyequinare ño peoyequina ijiahro.

<sup>3</sup> Panopũre mari gũhũ tũho masiena, yũhdũadũcana, ni mehoñene tũho nũnũna, ñañene ye duana, ñañene tutuaro cahme duhu masiena, decoripe ñañene yeducuna, apequinare ihña coona ijie timi mari gũhũ. Sa ye marine apequina ihña tuhtiri. Sa yena

mari gũhũ tiquinare ihña tuhtimi. <sup>4-5</sup> Sa ijirina mari ijiepegũta Cohãcjũ marine pecapũ wahaborinare yũhdũori. Sa yũhdũoro tiquiro quehnoariquiro ijiyere, masare tiquiro cahĩne gũhũre marine ihñono nidi. Quehnoano mari yeri mehna yũhdũoerare marine. Marine paja ihñano mari ñañe yerire cohãno Espiritu Santo mehna marine yũhdũori. Sa yero marine tiquiro pohna wahagũ yeri. Espiritu Santo pehe quehnoana mari ijiatire comesagũ yeri marine. <sup>6</sup> Jesucristo marine yũhdũoriquiro tiquiro yaria masa mũjañe mehna Cohãcjũ yaquiro Espiritu Santore ohori marine pajiro tiquiro tutuayere mari cœoatire. <sup>7</sup> Marine cahĩno, marine quehnoano ye duari. Sa yero tiquiro yaquiro Espiritu Santore marine ohori ñañe buhiri mariena mari ijiatire, Ʃhmũsepũ mari sa ijiducuatire. Mari sa ijiducuatire masina, tire cohtena niaja.

<sup>8</sup> Ti yũhũ nidi ijirota ijire. Sa yegũ tire yũhũ ni ojoariro sahata masare buhegũ, ti dutiyere ye peho dutiya mũhũ. Sa yegũ Cohãcjũre wacũ tutuayequinare tire buheya quehnoañene tiquina quehnoano yeatire. Ahri yũhũ ni buheri quehnoañe buheye ijire. Sa ye masa ahri buheyere tiquina tũho nũnũgũ ihyo waro ijierare. <sup>9</sup> Apequina tiquina yahuducuye pehe dũhseati ijierare. Sa ye masiedapeta tiquina yahuducu yũhdũdũcayere mũhũ tũho nũnũgũ ihyo waro tũho nũnũgũ nine mũhũ. Sa ye tiquina acaye panopũ cjẽna tiquina ijie tirire yahuducu yũhdũdũcayere, Cohãcjũ Moisere tiquiro dutirire tiquina yahuducu yũhdũdũcayere ti ijipihtiyere quehnoano mũhũ tũho nũnũgũ ihyo waro tũho nũnũgũ nine mũhũ. Sa yegũ tire tũho nũnũedacãhña. Mũhũ gũhũ tiquina yero saha yahuducu yũhdũdũcaeracãhña.

<sup>10</sup> Mũsa mehna cjũno sa ni yũhdũdũcariquiro mũsare cahme tu wagũ tiquiro yegũ ihñagũ “Yeracãhña”, niña tiquirore. Pũa taha tire tiquirore mũhũ ye dutierari bato tiquiro yũhtieragũ ihñagũ tiquirore piti ti duhuya. <sup>11</sup> Ohõ saha yeriquiro ñañe dihitare tutuaro cahmeducuriquiro ijire. Tiquiro sa ijigũ ihñana tiquiro ñariquiro ijigũ masiaja mari.

*Pablo duti bato tiahye*

<sup>12</sup> Nicopolipũ pohecũ ijiro puno ijigũ tagũ niaja. Sa yegũ Artemare o Tíquicore mũhũ cahapũ yũhũ oho mũhtagũ topũre yũhũre piti caya mũhũ. <sup>13</sup> Sa yegũ dutiyere quehnoano miñnidiquirore Zena wame tiriquirore, Apolo gũhũre quehnoano yedohoya tiquina wahatire. Sa yegũ apee boro tiquina cahmeñene ijipihtiye tiquinare ohoya tiquinare tiquina cahmeno puno. <sup>14</sup> Sa ye Jesu yequina mari mehna cjẽna quehnoañene yepoahro apee borore dũhsayequinare tiquina yedohoatire, quehnoañene yeducuyequina tiquina ijiatire.

*Pablo quehnoa dutiahye Jesu yequinare*

<sup>15</sup> Ijipihtiyequina yũhũ mehna cjẽna mũhũre quehnoa dutire. Topũ ijiequina Jesu yequina Ʃsãre cahĩnequina quehnoahdo. Ijiphtinare mũsare Cohãcjũ mehna pajiro quehnoa dutiaja.

## Filemón

### *Pablo Filemo wame tiriquire ojoa dũcahye*

<sup>1</sup> Yũhũ Pablo, Jesucristo yaquiro yũhũ ijiri buhiri peresupũ ijiaja. Yũhũ, mari acayũro Jesu yaquiro Timoteo mehna mũhũre Filemore quehnoa dutiaja usã. Sa yegũ mũhũre ojoa ohoaja yũhũ, Pablo. Mũhũ usã cahĩgũ Cristo yere usã mehna dahradohogũ ijire mũhũ. <sup>2</sup> Sa yena Jesu yequina mũhũ ya wũhũrũ cahmecoañequina gũhũre ojoa ohoaja yũhũ. Mari acayoro Jesu yacoro Apia gũhũre ojoa ohoaja yũhũ. Mari cahĩniquire Arquipo gũhũre ojoa ohoaja yũhũ. Arquipo pehe usã yero saha Cristo yere yahuriquire ijire. <sup>3</sup> Sa yena Cohãcjũ mari Расũ, mari pũhtoro Jesucristo mehna mũsare quehnoa dutiaja. Tiquina yedohoye mehna quehnoano ijiya mũsa.

### *Filemo apequinare tiquiro cahĩñene, Cristore tiquiro wacũ tutuayere yahuahye Pablo*

<sup>4-5</sup> Yũhũ acayũ Filemo, Cohãcjũre mũhũre sini basagũ mũhũre wacũgũ “Quehnoare”, niaja tiquirore. Cristore mũhũ cahĩgũ tiquirore mũhũ wacũ tutuagũ, apequina Cohãcjũ yequinare mũhũ cahĩgũ tũhou yũhũ. Sa yegũ Cohãcjũre “Quehnoare”, ni bucueaja. <sup>6</sup> Mari ihcãno mehna Cristore wacũ tutuana ijiaja. Sa wacũ tutuagũ mũhũ ijigũ ohõ saha ni sini basaja Cohãcjũre. Jesucristo yequina ijina, pajiro quehnoañene cũonata mari. Tire quehnoano mũhũre masi peho dutigũ sini basagũ niaja Cohãcjũre. <sup>7</sup> Yũhũ acayũ, yojopũre apequinare mũhũ cahĩgũ tũhogũ bucueaja yũhũ. Ijipihitiyequina Cohãcjũ yequinare quehnoano bucuegũ yeñohti mũhũ. Mũhũ sa yegũ tũhogũ bucueaja yũhũ.

### *Pablo Onésimore sini basahye Filemore*

<sup>8-10</sup> Sa yegũ yojopũre Onésimore mũhũ cahacjũnore mũhũ quehnoano yeatire mũhũre sini basa duaja. Peresupũ yũhũ mehna tiquiro ijigũ Cristo yere yahuu yũhũ tiquirore. Tire tũhoro Cristore cahmedi tiquiro. Sa yero tiquiro Cohãcjũ yaquiro wahari. Sa waharo yũhũ macũ yero saha ijire. Sa yegũ yũhũ Pablo bũcũ ijigũ Cristo yere yũhũ buheri buhiri peresupũ ijigũ mũhũre yahutja Onésimore mũhũ yeatire. Cristo buhe dutiro tiquiro cũrigũ ijiaja yũhũ. Sa tiquiro cũrigũ ijigũ Onésimore mũhũ yeatire dutioborigũ ijiaja yũhũ. Sa niepegũta mũhũre dutisi yũhũ. Cahĩñe mehna mũhũre yahutja, to punota.

<sup>11</sup> Cristo yaquiro tiquiro ijiato pano Onésimo mũhũ cahacjũno ijiro dũhseatiquiro ijierari jiri. Mũhũre quehnoano yedoho masiedari jiri. Yojopũ pũritare tiquiro mũhũre, yũhũ gũhũre quehnoano yedohoriquire ijirota. Yojopũre Cristo yaquiro ijiro ihyo ijiriquiro waro ijierare.

<sup>12</sup> Sa yegũ yojopũre tiquirore mũhũre wia tojogũ niaja. Sa yegũ tiquirore quehnoano piti caya mũhũ. Tiquirore tutuaro cahĩaja. <sup>13</sup> Quehnoañe buheyere yũhũ buheri buhiri peresupũ yũhũ ijiri watoa tiquirore yũhũre yedoho dutiboaya yũhũ tiquirore ohoeragũ. Sa yegũ yũhũ mehna tojoa dutiboaya yũhũ. Mũhũ pehe yũhũre mũhũ yedohoro basioeragũ tiquiro pehe mũhũre comesariquire ijiboaya. <sup>14</sup> Yũhũre yedohoboriquire tiquiro ijiepegũta tiquirore mũhũre oho tojoaja. Mũhũ pehe tiquirore “Pablo mehna tojoarĩña”, mũhũ nigũ masigũ yũhũ mehna tiquirore tojoa dutiboaya yũhũ. Yũhũ pehe “Yũhũ mehna cũña tiquirore”, ni dueraja mũhũre. Sa yegũ tiquirore oho tojorĩaja.

<sup>15</sup> Tiquiro Onésimo meheñe decorigã mũhũre tiquiro duhti cãri bato pari turi mũhũ mehna ijire. Cohãcjũ tiquiro cahmediro sahata mũhũre duhti cãri jiri tiquiro Cohãcjũ yaquiro tiquiro wahato saha, yũhũ tũhotugũ. Sa yero pari turi mũhũ mehna ijiro, sa ijiducurota mũhũ mehna. <sup>16</sup> Sa yero tiquiro yojopũre cahacjũno ijierare. Cahacjẽna tiquina bui cjũno ijiriquiro ijire tiquiro, yũhũ ihñagũ. Yojopũre tiquiro mũhũ acayũro Jesu yaquiro ijire. Sa yegũ tiquirore tutuaro cahĩaja. Mũhũ pehe yũhũ yũhdũoro tiquirore cahĩgũta. Mũhũ sa cahĩdiquiro ijiro, cahacjũno ijieperota yojopũre cahacjũno tiquiro ijiriro saha ijierare tiquiro. Tiquiro mũhũ acayũro Jesucristo yaquiro ijire.

<sup>17</sup> Sa yegü yuhure mûhû piti caboriro sahata Onésimo gûhure quehnoano piti caya. Mûhû mehna cjû yuhû ijigû tûhotugû tiquiro gûhure quehnoano piti caya mûhû. <sup>18</sup> Sa yegü mûhure sijoro saha tiquiro yeriquiro ijigû mûhure tiquiro wapamoriquire ijigû yuhû pehe tire wapa yeitja. <sup>19</sup> Yuhû Pablo, yuhû basi ahrire mûhure yahu ojoantja: Yuhû pehe wapa yeitja mûhure. Mûhure yuhû buheri bato Cristo yaquire wahagû ijipihtiye decori Cohãcjû mehna ijiaçjû ijire mûhû. Mûhure yuhû sa buheri bato mûhû gûhû yuhure pajiro wapamorigû ijiboaya. Mûhû sa ijiepegûta mûhure wapa yeitja tiquiro wapamoñene. <sup>20</sup> Sa yegü yuhû acayû, yuhû cahîgû, mari pûhtoro Cristo yaquire ijire mûhû. Sa yegü Onésimore quehnoano piti caya. Cristo yaquire ijigû yuhû acayû ijire mûhû. Sa yegü yuhure quehnoano bucuegû yeya.

<sup>21</sup> Ahri yuhû yahurire quehnoano yegûta mûhû. Sa yegü yuhû yahuri yuhûoro yegûta mûhû. Tire masigû mûhure ojoa ohogû niaja. <sup>22</sup> Ahri gûhure yahugûtja mûhure. Mûsa caharû yuhû wahatire Cohãcjûre sini basañohti mûsa yuhure. Mûsa sa sini basarire tiquiro yûhtiboaga. “Aû”, tiquiro nigû cahmeaja yuhû. Sa yegü mûsa caharû yuhû esati tucûre quehnoyuya mûhû.

*Pablo quehnoa duti bato tiahye Filemore*

<sup>23</sup> Epaфра mûhure quehnoa dutire. Tiquiro pehe Cristo yere tiquiro yeri buhiri yuhû mehna peresupû ijire. <sup>24</sup> Sa ye Marco, Aristarco, Dema, Luca mehna mûhure quehnoa dutire. Cristo yere yuhû buhegû tiquina pehe yuhure yedohoyequina ijire.

<sup>25</sup> Mari pûhtoro Jesucristo mehna quehnoa dutiaja mûsare. Tiquiro mûsare quehnoano yerota.



## Hebreos

<sup>1</sup> Panopu Cohācjū ijiahye. Tiquiro peye tahari mari acayere panopu cjēnare tiquiro yere yahuahye. Apequinare tiquiro bajuaro yahuahye. Apequinare quehēnopu yahuahye. Apequinare tiquiro piti caro yahuahye. Tiquiro yere yahu mūhtariquinare yahu dutiro, sa yahuahye tiquiro mari acayere. <sup>2</sup> Yojoṛare pihtiri deco panogā ijiye decorire tiquiro macūnore tiquiro yere yahu dutigū tiquiro pehe marine yahue tiri. Tiquiro Pacuro ye dutiro mehna ahri yehpare, ūhmūse gūhūre yeriquiro ijire. Tiquiro Pacuro pehe pihtiri deco ijigū ijipihtiyere cūoatiquirore cūahye tiquiro macūnore. <sup>3</sup> Sa yero tiquiro macūno pehe tiquiro Pacuro ye asi siteyere cūoriquiro ijiro, tiquiro tutuayere marine ihñore. Sa yero ihcāno saha tiquiro Pacuro yero sahata ijiro, tiquiro Pacuro ijiye tiyere marine ihñore tiquiro macūno. Sa yero tiquiro macūno tiquiro tutuaye mehna dutigū ahri yehpa, ūhmūse gūhū sa ijiducure. Sa yero mari ñano yerire tiquiro coseri bato ūhmūsepū tiquiro Pacuro tutua yūhdūariquiro poto pehe dujiahye, pūhtoro tiquiro ijiyere ihñono.

*Cohācjū* macūno angele yūhdūoro ijire

<sup>4</sup> Tiquiro “Cohācjū macūno”, wame tire. Ti wamene Cohācjū cūahye tiquirore. Sa wame tiro apequina pūhtoro ijire. Sa yero tiquiro angele yūhdūoro ijire. <sup>5</sup> Tiquiro yequina angele pehere Cohācjū ne ohō saha ni yahuera tiahye:

Yūhū macū ijire mūhū. Miare mūhūre bajuagū yei, niahye Cohācjū tiquiro macūnore. Angele pehere ne sa ni yahuera tiahye. Sa yero tiquinare ahri gūhūre ne yahuera tiahye: Tiquiro Pacuro ijitja yūhū. Sa yero tiquiro yūhū macū ijirota, niahye Cohācjū tiquiro macūnore.

Angele pehere ne sa ni yahuera tiahye. Sa yero tiquiro macūno tiquina yūhdūoro ijire.

<sup>6</sup> Sa yero ape taha tiquiro macūnore coā masa bajuariquirore ahri yehpapū cūno ohō saha niahye Cohācjū tiquirore:

Ijipihtiyequina yeequina angele dūsepe curi mehna quehe sa, ño peoeta tiquina yūhū macūre, niahye tiquiro.

<sup>7</sup> Sa yero tiquiro yequina angele pehere yahuro taro ohō saha niahye tiquiro:

Yeequina angelere wihnono yero saha pagū tigū yeaja yūhū. Tiquina yūhū cahacjēna ijire. Sa yegū tiquinare peca pohna yero saha pagū tigū yeaja yūhū, ni yahuahye Cohācjū.

<sup>8</sup> Tiquinare sa nieperota tiquiro macūno pehere ohō saha niahye:

Mūhū Cohācjū ijipihtiyequina pūhto sa ijiducugūta. Queoro dutigūta mūhū, mūhū yequinare. <sup>9</sup> Ni mehono marieno yeyere, quehnoano yeyere tutuaro cahmene mūhū. Sa yegū ñaṅe yeyere ihña yabire mūhū. Mūhū sa ijigū ihñagū yūhū mūhū Pacū ijipihtiyequina apequina yūhdūoro mūhūre bucuegū yei, niahye Cohācjū mari Pacū.

<sup>10</sup> Ahri gūhūre niahye tiquiro, tiquiro macūnore “Pūhto” ni pisuro:

Pūhto, coā waropūre ahri yehpare, ūhmūse gūhūre bajumehnedi mūhū. <sup>11</sup> Ti ijipihtiyē comesa pihtia waharota. Mūhū pehe ne comesasi. Sa ijiducugūta mūhū. Ti ijipihtiyē suhtiro ahba bora dijiaro saha pihtia waharota. <sup>12</sup> Ti ijipihtiyē ūhmūse, ahri yehpa gūhūre comesagū yeita mūhū. Mūnano suhtirore mūhū cohāboro saha ti ijipihtiyere comesagū yeita mūhū. Sa yero suhtiro ahba bora dijiaro saha ti ijipihtiyē comesarota. Mūhū pehe ne comesasi. Sa ijiducugūta mūhū, niahye Cohācjū tiquiro macūnore.

<sup>13</sup> Ne angele pehere ahrire yahuera tiahye mari Pacū:

Yūhū poto pehe dujiya mūhū. Pūhto ijire mūhū. Sa yegū mūhūre ihña tuhtiyequinare yūhdūdūca basagūtja. Sa yegū tiquina pūhto ijigūta mūhū, niahye Cohācjū tiquiro macūnore.

<sup>14</sup> Ijipihtiyequina angele pehe Cohācjū cahacjēna ijire. Sa yero mari Pacu ohore tiquiro yequina angelere Cristo yūhdūoatiquinare yedoho dutiro.

## 2

*Cohācjū* yere quehnoañe buheyere marine sa tūhotu cāhno cahmedare

<sup>1</sup> Sa yena Cohācjū macūno waro marine yahuriquiro tiquiro ijigū masina tiquiro yahuyere mari tūhorire quehnoano wacūno cahmene marine, “Tire boari”, nina. <sup>2-3</sup> Angele yahurire masa pehe yūhdūducagū ihñano Cohācjū tiquinare buhiri dahreahye. Sa buhiri dahrero angele tiquina yahuri potu ijigū ihñono niahye. Sa yena angele yahuri potu ijigū masina, tire marine yūhtiro cahmene. Ti yūhdūoro Cristo pehere yūhtiro cahmene. Tiquiro mari pūhtoro marine tiquiro yūhdūoatire yahu mūhtahye. Sa ye tiquirore tūhoriquina pehe tiquiro yahurire marine yahu turiari, marine quehnoano masigū yee tehe. Sa yero ti buheyere marine tiquiro yūhdūoati buheyere mari sa tūhotu cāgū Cohācjū marine buhiri dahrerota. Tire duhti masiedaja mari.

<sup>4</sup> Ti buheyere tūho mūhtariquina tiquina buheri watoa Cohācjū pehe ti buheye potu ijigū ihñono nidi. Tiquiro tutuaye mehna ihñono nidi. Sa yero peye tahari tiquiro tutuaye mehna ye ihñono ti buheyere potu ijigū ihñono nidi. Sa yero tiquiro yequinare tiquina ye masiatire tiquiro cahmeno sahata cūahye. Espiritu Santo pehe ijire marine ye masigū yeriquiro.

*Jesucristo mari yero sahata pagu* tiriquiro masa bajuahye

<sup>5</sup> Pihtiri deco bato ijiyequina Cohācjū caha ijiyequina pūhtoa ijisi angele pehe. Tiquinare pūhtoa sōsi mari Pacu. <sup>6</sup> Sa yero ihcāquiro mari Pacure tiquiro yahuducurire ohō saha ni ojoahye panopu:

Masa ihyo ijiyequina tiquina ijiepegūta tiquinare wacūre mūhu. Masare quehnoano yere mūhu. <sup>7</sup> Meheñe decorigā angele docapu masare cūahye mūhu. Sa cūepēguta yojopure tiquinare tutuayere ohogu, pūhtoa sōahye mūhu. <sup>8</sup> Mūhu sa sōgū ahri yehrapu ijiyequina wahiquina gūhu bui dūhsaro marieno masare cūahye mūhu, niahye panopu cūno mari Pacure.

Sa sōno ahri yehrapu ijiyequina wahiquina gūhu bui dūhsaro marieno masare cūahye. Masare tiquiro sa pūhtoa sōepēgūta ijiipihtiyequina ahri yehrapu ijiyequina wahiquina masare ihña wahāedarīaga, usā tūhotugū. Ahri yehrapu ijiyequina wahiquinare ihña wahāgū yeraniaga masa. Ijipihtiye bui ijieraniaga masa. <sup>9</sup> Sa tiquinare ihña wahāgū yerapenata Jesu pehere wacū tutuaja mari. Meheñe decorigā angele docapu mari Pacu tiquiro macūno gūhure cūahye, mari ñañe buhiri yariatiquirore. Mari Pacu marine cahño mari yariaborirore Jesure yariagū cahmeahye. Sa yero tiquiro sa yariagū ihñano tiquirore tutuayere ohoro, pūhtoro sōahye tiquirore.

<sup>10</sup> Cohācjū ijiipihtiyere bajumehnediquiro ijire. Sa ye ijiipihtiye tiquiro ye dihita ijire. Sa yero Jesure yaria dutiro ñañene cohāgū yeahye tiquirore. Sa yeahye tiquiro masa peyequina tiquiro yequina ijiatiquinare ūhmūsepū neano taro. Jesu sa yero, ñañe marieniquiro, quehnoa yūhdūariquiro tiquiro ijiyere ihñono niahye. Sa yero Jesu pehe marine yūhdūoriquiro, mari pūhtorota ijire. <sup>11</sup> Ijipihtiyequina masare tiquina ñañe yerire cose were tiquiro. Sa yero Jesu mari tiquiro cose wenohrina mehna Pacu tire Cohācjūre. Mari Pacu ihcāquirota ijire. Mari Pacu tiquiro ijigū Jesu marine tiquiro yequinare tiquiro cose wenohrinare “Yūhu acaye ijire”, ni pisuro ne bue tierare. Tiquiro sa ni pisurire mūhare yahutja. <sup>12</sup> Ohō saha nino niahye tiquiro:

Cohācjū, mūhu ijiye tiyere yahutja yūhu acayepure. Ijipihtiyequina yeequina ihñonopu mūhure ño peogu “Tutuariquiro ijire”, ni yahutja yūhu tiquinare, niahye tiquiro Pacurore.

<sup>13</sup> Ahri gūhure niahye tiquiro:

Cohācjūre wacū tutuautja yūhu, niahye tiquiro.

Ahri gūhure niahye tiquiro:

Ohõ ijiaja yũhũ. Cohãcjũ pohne mehna ohõ ijiaja. Yũhũre tiquiro cũriquina yũhũ acaye mehna ohõ ijiaja, niahye tiquiro yequinare “Yũhũ acaye” ni pisuro.

<sup>14</sup>“Tiquiro pohne” tiquiro niñequina pagũ tiyequina mari ijigũ ihñano, Jesu pehe mari ya pagũ saha pagũ tiriquire ahtahye. Sa ijiriquire ahtahye tiquiro curusapũ yariaro taro, watĩnore butigũ yero taro. Tiquiro watĩno pehe yaria dutiriquire ijire. <sup>15</sup>Sa ye watĩnore butigũ yero, marine yũhdũore. Mari pehe decoripe mari yariatire cuemi. Sa cuerina ijina pecapũ wahaborina ijimi mari. Sa ijina mari ijigũ ihñano tiquiro marine yũhdũore. <sup>16</sup>Sa yũhdũoro angele pehere yedohoro ahtaerahye tiquiro. Abrahã panamena iji turianare Cohãcjũ yequinare mari pehere yedohoro ahtahye. <sup>17</sup>Sa yero tiquiro mari acayũro warota ahtahye. Ihcãno saha mari yero saha pagũ tiriquire ahtahye. Sa ahtarõ mari yũhdũatire mari ñañe yerire mari Pacũre cohã dutiro ahtarõ niahye. Sa yero mari yequina pahia pũhtõa tiquina yeriro saha yero ahtarõ niahye. Mari yero saha ijiro marine quehnoano paja ihñare. Sa yero Cohãcjũ cahmeno saha sa yeducuriquire ijire. Sa yero tiquiro mari yaquire pahia pũhtõro ijiro nine. <sup>18</sup>Tiquiro ñano yũhdũahye. Sa yero watĩno tiquirore ñano ye dutimahye. Yerahye tiquiro. Sa ñañene yerariquire ijiro, tiquiro pehe mari gũhũre ñañene yeragũ ye masine. Watĩno ñañene tiquiro ye dutigũ ihñano marine ñañene yeragũ ye masine Jesu.

### 3

*Jesu Moise yũhdũoro ijiriquire ijire*

<sup>1</sup>Jesu tiquiro sa ijiriquire ijigũ ihñana tiquirore quehnoano wacũña mũsa. Yũhũ acaye Jesu yequina, Cohãcjũ besenohrina ijire mũsa. Tiquiro Jesu pehe Cohãcjũ cũriquire ijiro mari yaquire pahia pũhtõro ijire. Tiquiro ye buheyere quehnoañe buheyere mari quehnoano ño peoaja. Tiquiro pehere quehnoano wacũña mũsa. <sup>2</sup>Cohãcjũ tiquirore marine yũhdũoatiquirore tiquiro cũgũ tiquiro pehe Cohãcjũ cũriro saha yeahye. Ne yũhdũucaerahye. Moise gũhũ Cohãcjũ yequina Israe masare yedohoro ne yũhdũucaerahye. Sata yeahye Jesu gũhũ.

<sup>3</sup>Sa yero Moiserẽ tiquina ño peoriro yũhdũoro Jesu pehere ño peoro cahmene marine. Ohõ saha ijire ti mari queoye mehna buhegũ. Wũhũre mari ño peoriro yũhdũoro wũhũ dahreriquiro pehere ño peoro cahmene marine. Sa yero Jesu pehe wũhũ dahreriquiro yero saha ijiriquire tiquiro ijigũ Moiserẽ mari ño peoriro yũhdũoro tiquiro pehere ño peoro cahmene marine. <sup>4-6</sup>Ohõ saha ijire ti. Mari Cristo yequina Cohãcjũ ya curua cjãna ijiaja. Cristo pehe wũhũre tiquiro cũboriro saha marine tiquiro ya curua cjãna ijiatinare cũno nine. Masa pehe wũhũse yeyequina ijire. Cohãcjũ pehe ijipihtiyere yeriquiro ijire. Moise pehe Cohãcjũ ya curua cjẽnare yedohoducuriquire ijiro, camerũ Cohãcjũ yahuatire yahue tiahye masare. Cristo pehe Cohãcjũ macũno ijiro, Cohãcjũ yere yeducuriquire ijiro, Cohãcjũ ya curua cjẽna pũhtõro ijire. Sa ijiriquire ijigũ ihñana Moiserẽ mari ño peoriro yũhdũoro Cristo pehere ño peoro cahmene marine. Sa yena mari pehe Cristore wacũ tutua duhuerana, marine tiquiro yũhdũoatire sa bucueducuna, tiquiro ya curua cjãna ijiaja mari.

*Cohãcjũ tiquiro yequinare tiquiro mehna quehnoano sogũ cahmene*

<sup>7</sup>Sa yena Cristore mari wacũ tutua duhueratire ohõ saha yero cahmene marine. Ohõ saha nine Espĩritu Santo:

Miare yũhũ, Cohãcjũ, mũsare yũhũ yahugũ, yũhti dueyequina yero saha ijieracãhña.

<sup>8</sup>Quehnoano yũhtiya mũsa yũhũre. Panopũ Israe masa masa marienopũ ijiye, sa yũhdũucari yũhũre. Sa ye yũhũre ne bucueragũ yeri tiquina. Sa yena tiquina yero saha yeracãhña mũsa yũhũre. <sup>9</sup>Topũre cuarenta cahmari waro tiquinare yũhũ tutuaye mehna ye ihñomi. Yũhũ sa ye ihñoepegũta tiquina pehe ohõ saha ni tũhotue timedĩ: “¿Ñañene mari yegũ ihñano Cohãcjũ marine buhiri dahreboagari?” ni tũhotue timedĩ. Sa ni tũhotuye ñano ye tuhue tiri. <sup>10</sup>Tiquina sa yegũ ihñagũ tiquina mehna usuagũ. Sa usuagũ ohõ saha nii: “Tiquina yũhũ

yahuducuyere tũho dueraye, sijoro saha ijiye buheyere sa wacũducuye nine. Yee pehere ne yũhti duerare”, nii tiquinare. <sup>11</sup> Sa yegũ tiquina mehna usuagũ ohõ saha ni yahuu: “Tiquina yũhũ mehna cjẽna ne ijisi. Sa ye wape tiro marieno ijisi tiquina’, ni yahuu yũhũ”, ni yahuahye Cohãcjũ, niahye Espiritu Santo pehe.

<sup>12</sup> Sa yena yũhũ acaye, quehnoano yeya mũsa, “Cohãcjũre cohãri”, nina. Mũsa ñañene tũhotuna, Cohãcjũre catiriqirore wacũ tutuerana, tiquirore cohãboaga mũsa. Ne ihcãquiro mũsa mehna cjũno sa yeracãhdo. <sup>13</sup> Sa yena ahri pehere yero cahmene: Mũsa mehna cjẽnare decoripe Cohãcjũ yere mũsa basi cahme yahuducuya “Ñañene yeari”, nina. Ñañene yena, “Ti mehna bucueaja”, nina ni mehoñene tũhotuna niaja mari. Sa ni tũhotueracãhña. Ñañene yeducuna Cohãcjũ ye pehere cahmedaja mari. Sa yena ñañene duhu dueraja. “Sa yeari”, nina, mũsa mehna cjẽnare Cohãcjũ yere mũsa basi cahme yahuducuya. Cristo tiquiro ahtato pano decoripe tire sa cahme yahuducuya. <sup>14</sup> Sa yena coã waropũ Cristore mari wacũ tutua dũcariro saha mari wacũ tutuaducuna, mari catiro puno tiquiro yere duhuerana, tiquiro mehna cjãna ijiaja.

<sup>15</sup> Ohõ saha nine Cohãcjũ yere tiquina ojoari pũpũ:

Miare yũhũ Cohãcjũ musare yũhũ dutigũ quehnoano yũhtiya mũsa yũhũre. Panopũ cjẽna Israe masa yũhũ yahuepegũta ño peo dueraye, yũhũre yũhti duerari. Sa yena tiquina yero saha yeracãhña mũsa, niahye Cohãcjũ, ni ojoahye panopũre.

<sup>16</sup> Sa ye Cohãcjũ tiquiro yahurire tũhomediquina ijiepetã tiquina tiquirore yũhtierahye. Tiquina ijipihtiyequina Egiptopũ ijieyequina Cohãcjũ wioriquina ijiepetã tiquirore ne yũhtierahye. <sup>17</sup> Sa ñano yeye cuarenta cũhmari waro Cohãcjũre usuagũ yee tiahye. Tiquina sa yeri buhiri masa marienopũ yariahye tiquina. <sup>18</sup> Tiquirore tiquina sa yũhti dueragũ ihñano ohõ saha cua pesaro mehna niahye tiquiro: “Tiquina yũhũ mehna cjẽna ne ijisi. Sa ye wape tiro marieno ne ijisi tiquina”, niahye tiquiro. <sup>19</sup> Tiquiro sa nigũ tũhona ahri pehere masinata mari: Cohãcjũre tiquina wacũ tutuerari buhiri tiquiro mehna cjẽna iji masiedahye. Sa ye tiquiro mehna quehnoano so, iji masiedahye.

#### 4

<sup>1</sup> Sa yero panopũ cjẽnare tiquiro mehna tiquina quehnoano soatire cahmeno, tiquinare “Yũhũ mehna wape tiro marieno sonata”, ni cũahye Cohãcjũ. Mari gũhũre sata ni cũahye tiquiro. Sa yena cua pesaro mehna Cohãcjũre quehnoano yũhtihna mari, “Wiheari”, nina. Sa wihena tiquiro mehna quehnoano sosi mari. <sup>2</sup> Panopũ cjẽna Cohãcjũ yere tiquina tũhoriro saha mari gũhũ quehnoañe buheyere tũhou. Tiquina tũho mũhtariquina pehe tũhoye, “Cohãcjũ ye waro ijire”, ni tũhotuerahye. Sa ye tiquina tũhori dũhseati ijierahye. <sup>3</sup> Mari pehe tiquirore wacũ tutuana Cohãcjũ mehna cjãna ijinata. Sa yena tiquiro mehna quehnoano iji, sonata. Wape tiro marieno ijinata. Cohãcjũ tiquiro nidiro sahata ijire ti. Ohõ saha niahye tiquiro tiquirore yũhtierariquinare:

Tiquina mehna usuagũ cua pesaro mehna ohõ saha ni yahuu: “Tiquina yũhũ mehna cjẽna ne ijisi. Sa ye wape tiro marieno ne ijisi”, ni yahuu, niahye Cohãcjũ yere tiquina ojoari pũpũ.

Ahri yehpare tiquiro yeri bato dahra duhurĩahye tiquiro. <sup>4</sup> Ahrire mari masiaja. Seis decori ahri yehpare tiquiro yeri bato tiquiro dahra duhurire yahuro ohõ saha niahye Cohãcjũ ye yahuducuyere tiquina ojoari pũpũ:

Seis decori bato ijipihtiyere tiquiro dahrarire pehoro, Cohãcjũ dahra duhuahye, niahye tiquiro yere tiquina ojoari pũpũ.

<sup>5</sup> Sa yero Cohãcjũ yere tiquina ojoari pũpũ ohõ saha ni yahure tiquiro mehna quehnoano ijieyequinare:

“Tiquina yũhũ mehna cjẽna ne ijisi. Sa ye wape tiro marieno ne ijisi”, niahye Cohãcjũ, nine tiquiro yere tiquina ojoari pũpũ.

<sup>6</sup> Sa ye quehnoañe buheyere tũho mũhtariquina tiquirore tiquina yũhdũdũcari buhiri tiquiro mehna cjẽna ijisi tiquina. Sa ye tiquiro mehna wape tiro marieno ijisi tiquina. Apequina pehe tiquiro mehna cjẽna ijieta. Sa ye tiquiro mehna wape tiro marieno

soyequina ijieta. <sup>7</sup> Sa yero masare tiquiro yuhduoati deco ihcã deco cūahye pari turi Cohãcjũ. Ti decota yojopure ijire. Peye cūhmari bato Israe masa Cohãcjũre tiquina tũho mũhtari bato ti decore yahuahye Davi pehe. Cohãcjũ tiquirore yahu dutigũ yahuahye. Cohãcjũ ye yahuducuye tiquina ojoarire mũsare yũhũ yahuri decore ohõ saha ni ojoahye Davi:

Ahri decore yũhũ Cohãcjũ mũsare yũhũ yahugũ yuhduoati marieno quehnoano yũhtiya mũsa yũhũre, ni ojoahye panopure.

<sup>8</sup> Coã waropure Josuẽ Israe masare Cohãcjũ ohori yehpapũ ne sahye. “Yũhũ mehna wape tiro marieno soyequina ijieta”, nino, ti yehpapũ tiquina soatire nino niedahye Cohãcjũ. Ti yehpapũ so dutiro, ape deco tiquiro yuhduoati decore cũedaboaga tiquiro.

<sup>9</sup> Seis decori bato ahri yehpapure tiquiro yeri bato Cohãcjũ tiquiro dahra duhuriro saha mari tiquiro yequina gũhũ tiquiro mehna wape tiro marieno mari soati ijirota. Tiquiro mehna mari quehnoano ijiato ijirota. <sup>10</sup> Sa yero Cohãcjũ tiquiro dahrarire duhu cãriahye. Sa yena mari gũhũ mari wape tirire duhu cãnata. <sup>11</sup> Sa yena mari tiquiro yequina quehnoano yeihna. Cohãcjũ yere quehnoano yũhtihna tiquiro mehna mari quehnoano soato saha. Panopũ cjẽna mari acaye tiquina yuhduoati bato Cohãcjũ mehna cjẽna iji masiedahye tiquina. Tiquina yero saha yeracũhna mari.

<sup>12</sup> Cohãcjũ ye yahuducuye marine catigũ yere. Quehnoañe pehere marine comesagũ yere. Sa ye tiquiro ye yahuducuye ihyo ijiye ijierare. Sa ye ñoseni pjĩ pũa peheri siori pjĩ mehna dihirore tiquina yũhre ihña tiquina masino saha tiquiro ye yahuducuye gũhũ mari ijiye tiyere quehnoano masigũ yere. Tiquiro ye yahuducuyere mari tũhogũ, tire mari buhegũ mari ijiye tiyere quehnoano masi pehogũ yere marine. <sup>13</sup> Ne Cohãcjũre mari ijiye tiyere mari yerire nũo masiedaja mari. Ijipihtiyere tiquiro bajumehnedire, tiquiro bajumehnediquina gũhũre ihñare tiquiro. Sa yena mari yerire tiquirore yahu yuhduoati cahmene marine.

*Jesu tutuariquiro mari yaquiro pahia pũhtoro ijire*

<sup>14</sup> Jesu Cohãcjũ macũno tiquiro Pacũro cahapũ tojoariquiro ijire. Tiquiro tutuariquiro mari yaquiro pahia pũhtoro ijire. Sa yero marine Cohãcjũre sini basare. Tiquiro sa ijiriquiro ijigũ ihñana mari pehe tiquiro yere quehnoano yũhtihna. Tiquirore quehnoano wacũ tutuaducuhna. <sup>15</sup> Tiquiro mari yaquiro pahia mari ñano yuhduoati ihñano quehnoano paja ihñariquiro ijire. Mari ñañene tutuaro cahmeñene masine tiquiro. Watĩno ijipihtiyere ñañene marine tiquiro ye dutiriro sahata tiquiro gũhũre ñañene ye dutimahye. Tiquiro sa ye dutiepegũta tiquiro ñañene yerahye. Sa ñañene tiquiro ye dutinohriquiro ijiro, marine paja ihñano tiquiro yedoho masine marine. <sup>16</sup> Sa yena cuero marieno Cohãcjũre sinihna. Tiquiro marine cahĩne. Sa yero tiquirore mari sinigũ tiquiro pehe paja ihñano, marine yedohorota. Watĩno marine tiquiro ñañene ye dutigũ, mari ñano yuhduoati gũhũre tiquiro marine yedohorota.

## 5

<sup>1</sup> Ijipihtiyequinare pahia pũhtoare besero, masare besere Cohãcjũ. Sa tiquiro beseri bato pahia pũhtoa pehe tiquina mehna cjẽnare yedohoye tehe Cohãcjũ cahacjẽna ijire. Sa ye ñañene tiquina yeri buhiri Cohãcjũre sini basare tiquina mehna cjẽnare. Wahiquirore wejẽ ẽjũa mũoñe, Cohãcjũre sini basare. <sup>2</sup> Pahia pũhtoa apequina masa yero saha quehnoano masi pehoeyequina ijire. Sa masieñequina ijiye, apequina masieñequinare yedoho masine. Sa ye quehnoano yerariquina gũhũre quehnoano yedoho masine. <sup>3</sup> Sa ye pahia quehnoano ye pehoeyequina ijiye ñañe buhiri tiyequina ijire. Sa ye tiquina basi ñañene tiquina yeri buhiri wahiquirore wejẽ ẽjũa mũo, Cohãcjũre sinine. Apequina masare yedohoye tehe, tiquina ñañe buhiri tiquina sini basariro sahata tiquina basi tiquina ñañe buhiri gũhũre sinine Cohãcjũre.

<sup>4</sup> Sa yero tiquiro basi tiquiro esa tuharo pahia pũhtoro sajãedare. Cohãcjũ pehe tiquirore besero, pahia pũhtoro sõre. Panopũ cjũno Aaron mũnanore tiquiro cũriro sahata apequina pahia pũhtoa gũhũre cũre tiquiro. <sup>5</sup> Sata Cristo gũhũ tiquiro basi tiquiro



esa tuhoro pahia pũhtoro sajãedahye. Cohãcjũ pehe tiquirore pũhtoro sõno, ohõ saha niahye:

Yũhũ macũ ijire mũhũ. Miare mũhũre bajuagũ yei, niahye Cohãcjũ.

<sup>6</sup> Ape taha ohõ saha niahye Cohãcjũ Cristore:

Ijipihtiye decori pahi ijiducugũta mũhũ. Melquisede tiquiro ijiriro saha pahi ijiducugũta mũhũ, niahye tiquiro macũnore.

<sup>7</sup> Cristo ahri yehpapũ ijiro saũducuye mehna, utiye mehna mari Pacũre tutuaro siniahye tiquiro “Yũhũre masoña”, nino. Mari Pacũ pehe tiquirore yariariquirore maso masiniquiro ijire. Tiquiro sa sinigũ mari Pacũ tũhoahye tiquirore. Mari Pacũ cahmeñe dihitare tiquiro ye duagũ ihñano mari Pacũ pehe tiquiro sinidire tũhoro, tiquirore yũhtiahye. <sup>8</sup> Sa yero Cristo Cohãcjũ macũno ijieperota ñano yũhdũahye tiquiro. Sa ñano yũhdũro yũhtiahye mari Pacũre. Sa yũhtiro quehnoano yũhti masiahye. <sup>9</sup> Sa ñano yũhdũro, curusapũ yariaro ijipihtiyequina tiquirore yũhtiatiquinare yũhdũoatiquiro wahahye. <sup>10</sup> Sa yero mari Pacũ pehe tiquirore pahia pũhtoro cũahye. Sa yero Melquisede pahia pũhtoro tiquiro ijiriro saha ijire Cristo.

*Cristo yequina tiquirore wacũ tutua duhugũ* cuarĩne

<sup>11</sup> Peye ohõ saha ijiyere mũsare yahu nemo duaja usã. Usã sa yahu nemo duepegũta mũsa pehe dapu bũtina ijire. Sa yena mũsare yahuro basioerare usãre. <sup>12</sup> Yoari pje Cristo yequina ijimene mũsa. Sa yena yojopũre apequinare buhenapũ iji tuhasaboya mũsa. Mũsa sa ijiborina ijiepegũta apequina mũsa pehere buheeta. Cohãcjũ yere mijoeda cjũñe buheye dihitare tũhore mũsa. Macanagã epẽco dihitare tiquina apũ masino saha mũsa gũhũ mijoeda cjũñe dihitare quehnoano tũhore. Coã buhe dũcayequina yero saha ijire mũsa. <sup>13</sup> Epẽcore apũñequina macanagã ijinine. Tiquina yero saha mũsa gũhũ ijire. “Ahri ñañe ijire. Ahri quehnoañe ijire”, ni ihña masiedare mũsa. <sup>14</sup> Ihyayere ihyayequina pehe bũcũna ijire. Tiquina yero saha ijieyquina quehnoano tũho masiñequina quehnoano buheriquina ijire. “Ahri ñañe ijire. Ahri quehnoañe ijire”, ni ihña masine tiquina pehe.

## 6

<sup>1-2</sup> Sa yena Cohãcjũ yere quehnoano masina, quehnoano yũhtina ijiihna. Cristo yere coã warore mari buhe dũcana ohõ saha masi dũcaũ: Mari ñañene yerire bũjũa witi, duhuro cahmene. Mari ñañene yeri buhiri pecapũ wahanata. Sa yena Cohãcjũre wacũ tutuaro cahmene marine. Ahrire coã waropũre marine buhe dũcari. Sa ye wame yeyere, omocarine marine tiquina duhu peoyere, yariariquina tiquina masa mũjañene, ahri deco pihtiri bato Cohãcjũ buhiri dahreatire, tiquiro buhiri dahreatiquina tiquina ñano yũhdũducũto gũhũre ahri gũhũre coã waropũre marine buhe dũcare. Sa ijieye buheyerer masi tuhasana, quehnoano buhe nemouhna tja. <sup>3</sup> Sa yena Cohãcjũre, tiquiro ye gũhũre masi nemouhna. Cohãcjũ cahmegũ sa yenata mari.

<sup>4</sup> Mari sa yerana Cohãcjũ yere duhuboaga mari. Cohãcjũ yere duhuriquinare ne pari turi tiquina ñañe yerire tiquinare bũjũa witi gũ ye masiedare. Sa ijieyquina Cristo tiquiro yũhdũomediquina ijieye, Espĩritu Santore cũomedi. <sup>5</sup> Sa ye Cohãcjũ ye yahuducuyere tũhoye quehnoañe ti yahuducuye ijigũ masimedi. Sa ye pihtiri deco batopũ Cohãcjũ tutuaye mehna mari sa ijiducuatire, masare tiquiro buhiri dahreato gũhũre tiquina masimedi.

<sup>6</sup> Sa ijiriquinapũre Cristo yere tiquina duhugũ pari turi tiquina ñañe yerire tiquinare bũjũa witi gũ ye masiedare. Sa duhuriquina Cohãcjũ macũnore pari turi curusapũ tiquina quẽ bihaboriro saha tiquirore yeye nine. Tiquina sa yegũ ihñañe apequina masa Cristore bũjũpere. Sa ye tiquina ñañe yerire tiquinare bũjũa witi gũ ye masiedare. <sup>7</sup> Ohõ saha ijire ti mari queoye mehna buhe gũ: Quehnoari yehpare pajiro acoro ahtagũ ti oteye quehnoano bũcũa, dũca tire. Sa yero ti wese upũro dũcare cũore tiquiro ihyatire. Ti yehpa Cohãcjũ quehnoano tiquiro yeri yehpa ijire. Sa quehnoano yere tiquiro yequina gũhũre. <sup>8</sup> Sa ijiepegũta pota mehna, taa mehna ti yehpa diaro dũhseati ijierare. Sa ijiri yehpare Cohãcjũ mũjũa cohãnota. Sata yere tiquiro tiquirore duhuyequinare.

*Cristore sa ño peoducuyequinare yãhdũore Cohãcjũ*

<sup>9</sup> Yũhũ cahĩna, mũsare sa ni yahuepegũta mũsa pehere “Cristore duhuna ijire”, nigu niedaja. Mũsa pehe Cristo yãhdũonohrina ijire. Sa yena quehnoañene yena niaga mũsa. Ahrire masiaja yũhũ. <sup>10</sup> Quehnoano mari yeri wapa queoro marine quehnoano yeriquiro ijire mari Pacũ. Sa yero tiquiro yere mũsa tutuaro dahrari wapare bosu tiquiro. Tiquirore cahĩna quehnoano yedohore mũsa tiquirore. Apequina Cristo yequina gũhũre yedohore mũsa. Sa yena tiquinare yedohona niaga mũsa. Sa yerina mũsa ijigũ ihũano bosu tiquiro. <sup>11</sup> Mũsa catiro puno apequinare mũsa cahũducugũ, mũsa yedohoducugũ gũhũre cahmeaja usã. Mũsa sa yeri wapa queoro quehnoano yerota mari Pacũ mũsare. <sup>12</sup> Sa yena mũsa cape bũjũna mũsa ijigũ cahmedaja usã. Apequina Cristo yequina ñano yãhdũepeta tiquiro yere ne duhuerare. Tiquina sa yegũ ihũano mari Pacũ “Mũsare ohoutja”, tiquiro nidire tiquinare oho pehorota. Sa yena mũsa gũhũ tiquina yero saha yeducuya.

<sup>13-14</sup> Panopũ Cohãcjũ Abrahãre ohũ saha ni cũahye. “Yũhũ wame mehna ahrire potu nii niaja mũhũre. Mũhũre quehnoano yeitja. Sa yegu mũhũ panamena iji turiayequinare peyequina masa ijigũ yeitja”, ni yahu cũahye Cohãcjũ. Sa ni yahu cũno tiquiro ye wame mehna wame peo yahuro niahye. Apequiro tiquiro bui ijiriquiro ne mariedagũ tiquiro ye wame mehna tiquiro basita sa wame peo yahuahye. <sup>15</sup> “Mũhũre quehnoano yeitja”, Cohãcjũ tiquiro ni cũrire Abrahã pehere quehnoano tiquiro cohtegũ ihũano tiquiro nidiro sahata tiquirore quehnoano yeahye. <sup>16</sup> “Cohãcjũ mehna potu nina niaja”, masa pehe niñe, tiquina bui ijiriquiro wame mehna wame peo yahuye nine. “Cohãcjũ mehna potu nii niaja”, ihcãquiro nigũ tũhoro apequiro pehe tiquiro mehna cahme dũse tutuariquiro pehe “Ijirota ijire”, ninota. Sa ye cahme dũse tutua duhuetu tiquina. <sup>17</sup> Sa yero Cohãcjũ Abrahãre “Mũhũre quehnoano yeitja”, ni cũno wame peo yahuahye. Tiquiro sa wame peorire tũhona “Ijirota ijire ti. Tiquiro sa nidi ne comesasi”, ni, masiaja mari. Tire mari masiato saha tiquiro ni cũri mehna wame peo yahuahye.

<sup>18</sup> Sa yero pũaro tiquiro ni yahuducuri mehna tiquiro nidi potu ijigũ masigũ yeahye Cohãcjũ marine: Tiquiro ni cũri gũhũ tiquiro wame peori gũhũ ti pũaro mehna tiquiro ni yahuducurire yahuahye tiquiro. Sa ye tiquiro ni cũri gũhũ, tiquiro wame peori gũhũ ne comesaerare. Sa yero Cohãcjũ ne ni mehoedare. Tiquiro sa ijiriquiro ijigũ masina, mari tiquirore quehnoano wacũ tutuana, bucueye mehna marine tiquiro yãhdũoatire cohtenatja mari. <sup>19-20</sup> Sa tiquiro yãhdũoatire cohtena, wacũ tutuana ijiaja mari. Sa yena cueraja. Pahia pũhtoro Cohãcjũ ijiri tucũ waropũ sajãno, cahmotari suhtirore yãhdũ sajãre. Sa sajãno masa ye ijiatire sini basare Cohãcjũre. Tiquiro sa yeriro sahata Jesu gũhũ came mari wahato sahata uhmũsepũ Cohãcjũ cahapũ waharo, mari ye ijiatire sini basare Cohãcjũre. Topũ mari wahato pano tiquiro pehe wahahye. Sa yero ijipihtiye decori pahia pũhtoro ijire tiquiro. Melquisede pahi tiquiro ijiriro saha pahia pũhtoro ijire tiquiro gũhũ.

7

*Melquisede pahi tiquiro ijiriro saha Jesu pahia pũhtoro ijire*

<sup>1</sup> Melquisede Salẽ wame tiri maca cjẽna pũhtoro ijiahye. Sa yero pahi ijiro Cohãcjũ tutuariquirore, uhmũse cjũnore sini basariquiro ijiahye. Sa yero apequina pũhtoare Abrahã wejẽ tuhasa, tiquiro tojoa tagũ waro Melquisede tiquiro ya macapũ ijiriquiro Abrahãre piti caro esahye. Sa piti caro tiquirore sini basahye Cohãcjũre. “Quehnoano yeya ahriquirore”, ni sini basahye Abrahãre Cohãcjũre. <sup>2</sup> Tiquiro sa piti cato pano Abrahã pehe tiquirore ihũna tuhtiyequinare wejẽ tuhasa tiquiro wejẽdiquina pũhtoa yere neahye. Tiquiro sa nedire mehenogã ohoahye Melquisedere. Melquisede tiquiro wame pehe “Pũhtoro quehnoano yeriquiro ijire”, nino nine. Sa yero tiquiro Salẽ wame tiri maca cjẽna pũhtoro ijigũ tiquiro wame ohũ saha nino nine: “Pũhtoro quehnoano ijigũ yeriquiro”, nino nine. “Salẽ” nino, “Quehnoano ijiye”, nino nine. <sup>3</sup> Ne Melquisede pacũsumũare, tiquiro pano iji mũhtariquinare, tiquiro acayere tiquina yahu ojoa ohõri mariedare. Tiquiro masa bajarire, tiquiro yariari gũhũre yahu ojoa ohõri mariedare. Sa

yero sa ijiducuriquiro yero saha ijire tiquiro. Tiquiro sa ijiriquiro ijigũ Cohãcjũ tiquiro mehna marine queoye mehna buhere. Cohãcjũ macũno tiquiro pahi ijirire marine buhere. Melquisede pahi sa ijiducuriquiro yero saha ijire. Tiquiro yero saha Cristo gũhũ pahi sa ijiducuriquiro ijire.

<sup>4</sup> Sa yero Melquisede ne ihyo ijiriquiro ijierahye. Abrahã mari ñecũ mũnano pũhoro waro ijieperota mehenogã tiquiro nedire Melquisede pehere ohoahye. <sup>5</sup> Sa yero Cohãcjũ dutiye Moisere tiquiro cũri ijipihtiyequina apequina Israe masare to punota wapa ye dutire. Sa dutiro Leví panamena iji turiayequinare tiquina acaye wapa yerire ñehe dutiro, cũahye. Leví panamena pahia wahae tiahye. Sa ye Israe masa Abrahã panamena iji turiayequina ijiepetã tiquina pahiare wapa yee tiahye. <sup>6</sup> Melquisede pehe Leví panamino iji turiariquiro ijieraperota wapa neahye Abrahãre. Sa yero Cohãcjũ “Mũhũre quehnoano yeitja”, tiquiro ni cũriquiro ijieperota Abrahã pehe Melquisedere wapa yeahye. Sa yero Melquisede pehe Cohãcjũre Abrahãre sini basaro quehnoano ye dutiahye.

<sup>7</sup> Quehnoano ye dutiriquiro Melquisede pehe tiquiro quehnoano ye dutinohriquiro Abrahã bui ijire. Tire mari quehnoano masiaja. <sup>8</sup> Mari mehna cjẽna pahia marine mehenogã wapa neñequina mari yero saha masa ijire. Sa ye yariatiquinata ijire tiquina gũhũ. Ahriquiro Melquisede pehe Abrahãre mehenogã wapa nediquiro sa catiducuriquiro yero saha ijire. Tiquiro yariarire yahueraro, sata nino niahye Cohãcjũ yere tiquina ojoari pũpũ. <sup>9</sup> Yojoapũ cjẽna Leví panamena iji turiayequina pahia ijiye, mehenogã wapa nene. Sa ijiyequina tiquina ijiepegũta Abrahã Melquisedere mehenogã wapa yero, ijipihtiyequina Leví panamena ye ijiati gũhũre oho basaro saha yero niahye. Sa ye tiquina gũhũ Melquisedere mehenogã ohoyequina yero saha ijire. <sup>10</sup> Melquisedere Abrahã tiquiro wapa yeri pjere Leví pehe masa bajueraniahye. Sa ijieperota tiquiro ñecũno mũnano Abrahã pagupũ tiquiro ijiboriro saha Leví pehe iji tuhasaro niahye. Sa yero Melquisede Abrahãre tiquiro piti cagũ Leví gũhũ tiquiro ñecũno mũnano mehna ijiro saha ijiro niahye. Sa ye Leví, tiquiro panamena mehna Melquisedere mehenogã wapa yeyequina yero saha ijiye, tiquina tiquiro docapũ ijiye niahye.

<sup>11</sup> Tiquiro dutiyere cũno Cohãcjũ Levíre tiquiro acaye gũhũre pahia iji dutiahye. Sa ye tiquiro dutiye nidiro sahata tiquina pahia wahiquinare wejẽ ujũa mũo, Cohãcjũre sini basahye masare. Tiquina sa yeri mehna mari yũhdũna, apequiro pahi sijoro saha ijiriquiro pahire cahme nemoedaboya mari. Sa yena apequiro pahire cahmeaja mari yojoapũre, Melquisede yero saha ijiriquirore. Leví ya curua cjũno Aaron mũnano yero saha ijiyequina pahiare yojoapũre mari cahmedaja. <sup>12</sup> Sa yena pahiare comesana niaja mari. Mari sa comesana, marine dutiye gũhũre comesaro cahmene marine. <sup>13</sup> Aaron, Leví gũhũ tiquina ya curua cjẽna dihitare pahia sajã duti mũhtamahye Cohãcjũ, tiquiro dutiyere cũno. Tiquiro sa dutiepegũta yojoapũre mari pũhoro pahi sũriquiro ape curua cjũno ijire. Sa ye ti curua cjẽna ne pahia sajãedahye. <sup>14</sup> Tiquiro Cristo Judá ya curua cjũno masa bajuahye. Tire mari quehnoano masiaja. Sa yero, Moise pahia sũno, Judá ya curua cjẽnare ne pahia sũeda tiahye.

<sup>15</sup> Ahrire masina, ohõ saha mari quehnoano masiaja: Yojoapũre wahma tiquiro sũriquiro pahi Cristo Melquisede yero saha ijiriquiro ijire. <sup>16</sup> Panopũ cjẽ dutiye ti nidiro sahata Leví ya curua cjẽna dihita pahia sajãhye. Yojoapũre tiquiro sũriquiro pahia tiquina yero saha pahi sajãedare. Tiquiro Cohãcjũ tutuaye mehna ijipihtiye decori ijiriquiro ijire. Sa yero ti tutuaye mehna pahi sajãhye tiquiro. <sup>17</sup> Ohõ saha nine Cohãcjũ yere tiquina ojoari pũpũ:

Ijipihtiye decori pahi ijiducugũta mũhũ. Melquisede pahi tiquiro ijiriro saha pahi ijiducugũta mũhũ, niahye Cohãcjũ tiquiro macũnore, ni ojoahye panopũ.

<sup>18</sup> Ti dutiye tiquiro cũ mũhtari dutiye dũhseati ijierahye. Sa yero ti dutiyere duhu cãhye Cohãcjũ. <sup>19</sup> Moisere tiquiro cũri dutiye mehna ne yũhdũerare masa. Sa yero yojoapũ pehere Cohãcjũ marine tiquiro yũhdũoatire marine cũre. Tiquiro sa yegũ yojoapũre tiquiro mehna yahuducu masiaja.

<sup>20</sup> Sa yero Cristore pahi sōno, wame peoro mehna tiquireore sōahye. Apequina pahiare tiquireo yero saha wame peo sōedahye. <sup>21</sup> Cristo pehe Cohācjū wame peoro mehna pahi sajahye. Ohō saha niahye tiquireo Pacuro Cristore:

Yūhū mūhū pūhto yūhū wame mehna mūhūre poto yahutja. Sa yegū ahrire ne duhu cūno marieno yahuaja mūhūre. Pahi sa ijiducugūta mūhū, ni cūahye Cohācjū tiquireo macūnore.

<sup>22</sup> Sa wame peo cūno, wahma buheyere quehnoañe buheyere marine cūno, marine tiquireo yūhdūotire cūno niahye. Panopū cjē dutiye yūhdūoro mari quehnoano ijiatire cūno niahye. Sa yero Cohācjū “Mūsare yūhdūoutja”, tiquireo nidiro sahata yero taro, Jesure ohoahye marine yūhdūotiquireore. <sup>23</sup> Iji mūhtariquina pahia tiquina yariagū ihñañe apequina comesa sajàre tja. Sa ye tiquina peyequina pahia wahare. <sup>24</sup> Jesu pehe sa ijiducure. Sa ye tiquireore comesayequina mariedare pahia. <sup>25</sup> Sa yero tiquireo sa ijiducuro, Cohācjūre sa sini basaducure tiquireo yequina ye ijiatire. Sa yero Cohācjū mehna tiquina sa ijiducuo saha masare yūhdūo masine tiquireo. Ijipihtiequina tiquireore wacū tutuayequina Cohācjū cahapū wahaeta. Sa yero Jesu ijire potota tiquireore yūhdūoriquiro.

<sup>26</sup> Sa yero Jesu ijire mari yaquireo pahia pūhtoro. Tiquireo pūritare tutuaro cahmeaja mari. Ne ñañe buhiri marieniquiro ijire tiquireo. Sa yero masa yero saha ne ñañene yerare. Sa yero Cohācjū tiquireore ñañequina cahapū ijiriquireore neano, ūhmūserū cū, ijipihtiequina apequina bui pūhtoro sōahye. <sup>27</sup> Apequina pahia yero saha ijierare tiquireo. Tiquina pehe decoripe wahiquireore wejē, ūjūa mūo, Cohācjūre sinie tiri. Tiquina basi tiquina ñañe buhirire sini mūhtae tiri. Came apequina masa tiquina ñañe buhiri gūhūre sini basae tiri tiquina. Sa ye peye tahari tiquina Cohācjūre sinie tiri. Jesu pehe pahi ijiro, ihcā tahata tiquireo yariari mehna siniahye Cohācjūre masa tiquina ñañe buhirire yūhdūoro taro. Sa yariaro tiquireo basi tiquireo pagure tiquireo jeripohna gūhūre tiquireo ohoboriro saha yero niahye. <sup>28</sup> Cohācjū dutiye Moiserere tiquireo cūri pahia pūhtoare sajà dutire. Sa sajàepeta ñañe marieñequina ijierare sa pahia sajàñe. Ti dutiye bato ijiye buheye mehna Cohācjū wame peoro mehna tiquireo yahuri buheye mehna tiquireo macūno pahia pūhtoro sajahye. Tiquireo pehe ñañe marieniquiro sa ijiducure.

## 8

*Cohācjū* “Mūsare yūhdūoutja”, ni cūahye tja Moiserere tiquireo cūrire comesaro. Tire yahu basariquireo ijire Jesu

<sup>1</sup> Ti ijipihtiyere yahuna, ahri pūritare mūsare yahuna tana niaja: Mūsare ūsā yahuriquiro pahia pūhtoro tiquireo pūrita mari yaquireo waro ijire. Ūhmūserū Cohācjū tutua yūhdūariquiro tiquireo pūhtoro dujiro poto pehe dujire Cristo mari yaquireo pahia pūhtoro. <sup>2</sup> Sa yero ahri yehpa cjā wūhūpū, masa tiquina yeri wūhūpū pahia dahrayere yerare tiquireo. Ūhmūserū ijiri wūhūpūre mari pūhtoro tiquireo yeri wūhūpūre pahia dahrayere yere tiquireo. Ti wūhū pūrita Cohācjū waro ya wūhū ijire.

<sup>3</sup> Ijipihtiequina ahri yehpa cjēna pahia pūhtoa wahiquireore wejē ūjūa mūo, ohore Cohācjūre ño peoye. Sa ye dutie tiahye tiquireore. Mari yaquireo pahi gūhūre Cohācjūre oho dutiahye. Mari ñañe buhirire tiquireore oho dutiahye. Sa yero Cristo mari ñañe buhiri yariaro bucuegū yeahye Cohācjūre, pahia pūhtoa Cohācjūre ohoye tiquina bucuegū yeriro saha. <sup>4</sup> Mari judio masa mari dutiye tiquireo nidiro sahata ahri yehpapū pahia masa tiquina ñañe buhirire ohore Cohācjūre siniñe. Sa ye ahri yehpapū pahia iji tuhasare. Sa yero Jesu pehe mari yaquireo pahi ahri yehpapū ijinino, pahi ijieraboia tiquireo pehe. <sup>5</sup> Ahri yehpa cjēna pahia tiquina dahrayere ahri yehpa cjā wūhūpūta dahrare. Ti wūhūpū Cohācjūre tiquina ño peorire ihñana ūhmūse cjā wūhūpūre tiquireore mari ño peotire masi cjūna niaja. “Ti wūhū yero saha ijire”, nino niahye Cohācjū cūnūpū Moiserere tiquireo ya wūhūre dahre dutiro. Tiquireo sa dahreato panogā Cohācjū ohō saha niahye tiquireore. “Cūnūpū mūhūre yūhū ihñoriro sahata ti wūhū ijiriro sahata ya wūhūre queoro dahreya”, niahye Cohācjū tiquireore. <sup>6</sup> Sa yero yojopū pehere Jesu

pahi ijiro, tiquiro dahraye apequina pahia ye dahraye yuhduoro ijire. Ihyo waro ijierare. Cohācjū marine “Mūsare yuhduoutja”, tiquiro ni yahuri panopu cjē dutiye Moiserē tiquiro cūri dutiye yuhduoro ijire. Marine tiquiro yahuri ti dutiye yuhduoro marine quehnoano ijigū yeeta. Sa yero marine yuhduo basariquiro ijiro, Cristo pehe apequina pahia yuhduoro ijire.

<sup>7</sup> Coā waropure tiquiro dutiri mehna mari yuhdueraja. Ti dutiye mehna mari yuhdugū, apeye buheyere cūedaboya Cohācjū. <sup>8</sup> Sa yero ti dutiyere tiquina ihcāno sahaerarire yahuro ohō saha niahye tiquiro yeequinare Israe masare:

Ohō saha nine mari pūhtoro: “Quehnoano tuhoya. Camerū apeye buheyere yahutja yequinare Israe masare, Judá ya curua cjēna gūhure. <sup>9</sup> Ti buheye tiquina ñecsumua muna iji turiayequinare yuhū yahu cūri yero saha ne ijisi. Yuhū basi tiquinare Egipto yehparū ijiyequinare wiogu tiquinare yahu cūmi. Yuhū sa ni yahu cūrire yuhduocare tiquina. Tiquina sa yegū ihñagu wahmanore tiquinare yuhū yahumedire duhu cūhū.

<sup>10</sup> Sa yegu camerū Israe masare ohō saha ni yahutja: Yuhū dutiyere tiquinare wacūgū yeitja. Sa ye yuhū dutiyere yūhtieta. Sa yegu yuhū Cohācjū tiquina pūhto, tiquinare ihña ihbogu ijigutja. Sa ye tiquina pehe yeequina masa ijieta. <sup>11</sup> Sa ye ti pjere tiquina mehna cjēnare ne tiquina ohō saha cahme nisi: ‘Mari pūhtoro Cohācjūre masiña mūsa’, ne ni cahme buhesi. Tiquina ijipihtiyequina yuhūre masi tuhasaeta. Macanagā, bucūna gūhū yuhūre masiñequina dihita ijieta. <sup>12</sup> Sa yegu tiquina ñañe yerire boutja yuhū. Sa yegu tiquinare buhiri dahresi yuhū. Tiquina ñañe yerire pari turi wacūsi yuhū”, niahye mari pūhtoro, nine Cohācjū yere tiquina ojoari pūpū.

<sup>13</sup> Yojoपुरe marine tiquiro ye buheyere cūno, panopu cjē dutiyere duhuro nidi. Sa yero muna dutiyere tiquiro duhuri bato ti dutiye comesaa wahare.

## 9

*Ahri yehpa cjā tucūre* ahmūse cjā tucū gūhure Cohācjūre ño peori tucūre yahuahye

<sup>1</sup> Coā waropure Cohācjū tiquiro dutiyere Moiserē cūno, masa tiquirore tiquina ño peoato gūhure cūahye. Sa yero Cohācjūre tiquina ño peoati wuhū gūhure ye dutiro cūahye. <sup>2</sup> Ti wuhū wahiquina cahseri wuhū ijiahye. Pua tucū cūoahye. Paji cjūri tucū tiquina sajā sa mūhtari tucū “Cohācjū ya tucū”, wame tiahye. Ti tucūpū tiquina sihō docodu ijiahye. Sa yero mesa gūhū ijiahye. Ti mesa bui Cohācjūre tiquina ohori pā pesahye. <sup>3</sup> Ape tucū suhti cahseri mehna tiquina cahmotari tucū ijiahye. Ti tucū “Cohācjū ijiri tucū waro”, wame tiahye. <sup>4</sup> Ti tucūpū uru mehna tiquina yeri altar, ehmeo bueyere tiquina wūjari altar ijiahye. Sa yero uru quehnoañe mehna tiquina duhu ohōri acaro topū cuñahye. Ti acaro puhiapū uru pa maná wame tiye ihyaye pose tiri pa ijiahye. Sa yero ti acaro puhiapū Aaron yadu tuadu pūri tidū ijiahye. Sa yero pua pji utā pjiñi Cohācjū dutiyere tiquiro ojoari pjiñi gūhū ti acaro puhiapū sañahye. <sup>5</sup> Ti acaro bui pūaro angele queoye ijiahye. Ti queoye Cohācjū asi siteyere, ti tucūpū tiquiro ijiyere ihñoñe niahye. Ti acaro mohano bui tiquina wūye dūpūri mehna mohahye. Ti acaro mohano bui masa ñañe buhirire tiquina ohorire wejē site peoe tiahye pahia pūhtoro. To punota yahutja ahri wuhū cjēne yojoपुरe.

<sup>6</sup> Sa ye ti wuhūre tiquina quehnoano quehnoari bato pahia decoripe tiquina sajā sa mūhtari tucūpū sajā sa, tiquina dahrayere yee tiahye. <sup>7</sup> Sa yero pahia pūhtoro dihita ape tucūpū sajāhye. Cūhmaripe ihcā tahata tiquiro sajāri deco boropūta sajāe tiahye tiquiro. Sa sajāno tiquina wejēdiquiro wahiquiro tiquina ohoriquiro diire ne sajāno, Cohācjūre ño peoe tiahye. Dii marieno ne sajāedahye. Tiquiro basi tiquiro ñañe yeri buhirire diire ne sajāe tiahye. Sa yero ijipihtiyequina apequina Israe masa “Ñañe ijiaga”, nino marieno tiquina ñañe yeri buhiri gūhure diire ne sajāe tiahye tiquiro Cohācjūre sinino taro.

<sup>8</sup> Ijipihtiyē ahri mehna Espiritu Santo ohō saha ni marine buhero nine: Ti wuhūpū Moiserē tiquiro cūri wuhūpū mari ño peorīna, tiquiro cūri dutiyere yeatina ijinina, ihyo



ijina Cohācjüre ño peona wahaeraboya mari. Pahia pūhtoro dihita Cohācjū ijiri tucū waropu sajā masine. Sa yena ihyo ijiyequina tiquina ño peoye wahaeraro saha sa ijiyobya mari Moisere tiquiro cūri dutiyere yena.

<sup>9</sup> Ahri ijipihtiyere Cohācjüre ño peori wuhupu ijiyere marine cūno, marine yojopu cjēnare buhero niahye Cohācjū. Wahiquinare wejē ujūa muo, masa Cohācjüre tiquina ño peori mehna ne Cohācjū cahapu wahasi. Tiquina sa yeri mehna tiquina ñañe yerire cose werahye. <sup>10</sup> Sa wahiquinare ohoye, tiquina ihyaye, tiquina sihniñe, tiquina pagu coseye, tiquina ohō saha yeye mehna Cohācjüre ño peoe timahye. Ahri tiquina sa yeri ihyo warota ijire yojopure. Sa yeye ti dutiye Moisere tiquiro cūri dutiye marine quehnoana wahagū yerahye. Sa ye wahma buheyere Cohācjū tiquiro cūri bato muna dutiye pehe dūhseati ijierare.

<sup>11</sup> Cristo pehe mari pahia pūhtoro ijiro ahta tuhasari jiri. Sa ijiro marine quehnoañene cū tuhasari jiri. Cohācjüre ño peori wuhū uhmūsepū pahia pūhtoro tiquiro dahrari wuhū apequina pahia tiquina dahraye wuhūse yūhdūoro quehnoari wuhū ijire. Uhmūse cā wuhū ijire. Ti wuhū ahri yehpa cā wuhū ijierare. Sa yero masa tiquina yeri wuhū ijierare. <sup>12</sup> Sa yero Cristo uhmūsepū Cohācjū ijiro waropu ihcā taha sajāhye mari ñañene yeri buhirire Cohācjüre ohoro saha yero taro. Topu uhmūsepū ohōpu tiquiro ijiri tucū waro yero saha ijire mari queoye mehna buhegū. Sa yero chivoa diire, wecuagā diire ne sajā, ohoerahye tiquiro. Tiquiro pehe tiquiro ye dii warore Cohācjüre tiquiro ohoro saha yero niahye yariaro. Ijipihtiyere decori Cohācjū mehna mari ijiducuato saha tiquiro ye diire cohāhye. Mari ñañe buhirire yariahye.

<sup>13</sup> “Yariariquinare dahra peona musa pagu wete tina ijire”, ni cūahye Cohācjū Moisere. Sa ijiye ñañene wete tiyere cose wee tiahye chivoa diire tiquina ohori mehna. Wecua diire tiquina ohori mehna, wecuagāre tiquina ujūari nitine tiquina ohori mehna sa ijiye ñañene cose wee tiahye. <sup>14</sup> Sa ijiye ñañene wahiquina diire tiquina ohori mehna, nitine tiquina ohori mehna tiquina cose weriro saha ti yūhdūoro Cristo pehe tiquiro diire cohāno mehna mari ñañe yerire quehnoano cose we peho cāre. Tiquiro ñañe marieniquiro ijiro, curusapu yariaro tiquiro basita tiquiro pagu, tiquiro jeripohna mehna Cohācjüre ohoro saha yeahye. Espiritu Santo sa ijiducuriquiro yedohoye mehna sa yeahye tiquiro. Sa ye mari ñañe yerire tiquiro cose wegū ihñano mari ñañe buhirire Cohācjū bo cāhye. Ti ñañe buhirire cūona pecapu wahaborina ijimi mari. Tiquiro cose wenohrina ijina, Cohācjū catiriquiro tiquiro cahmeñene ye masiaja mari.

<sup>15</sup> Sa yero “Ohō saha musare yūhdūoutja”, masare pari turi Cohācjū ni yahu cūgū Cristo pehe tiquiro yahuyere yahu basariquiro ijire. Sa yahu basare tiquiro Cohācjū beseriquinare yūhdūoro taro. Tiquiro sa yūhdūogū ijipihtiyere decori tiquiro mehna ijinata mari tiquiro yequina. Sa yena mari tiquiro yequinare Cohācjū marine ohoatire cūonata mari. Moisere tiquiro cūri dutiye dihita ijigū masa tiquina ñañe buhiri ijiniyahye. Sa yero curusapu yariaro ti pjeta tiquina ñañe yeri buhirire yūhdūoahye tiquiro yequinare.

<sup>16-17</sup> Masuno came tiquiro acayere tiquiro ohoatire ojoa ohōyure papera pūpu. Tiquiro ohoatire yahuro taro ojoa ohōyure. Ti pūre ojoa ohōyuriquiro tiquiro yarieranigū ti pū dūhseati ijierare. Tiquiro acaye tiquiro cūorire nea masiedare. Sa ye tiquiro yariagū ihñañe ti pūpu tiquiro ni ojarero sahata tiquiro yere neañeta tiquina. <sup>18</sup> Tiquiro yariato pano ti pū dūhseati ijieraro sahata yariaro marieno dii wijiaro marieno Cohācjū Moisere tiquiro cūri dutiye gūhu ne dūhseati ijieraboya. Sa yero wahiquiro diire tiquiro wejē siteri bato ti dutiyere potota yero niahye.

<sup>19</sup> Sa yero ohō saha ye mūhtahye Moise: Cohācjū tiquiro cūri dutiyere masare yahu pehoahye. Came wecuagā diire, chivoa diire aco mehna moreahye. Sa yero hisopo wame tidu dūpu mehna oveja poari sohāñe mehna tiquina ñimiori poarire torēahye. Ti dūpu mehna diire sohoro, Cohācjū dutiyere tiquiro ojoari pū bui wejē site peoahye. Ijipihtiyequina masa bui gūhure wejē site peoahye.

<sup>20</sup> Sa yero ohõ saha niahye tiquiro: “Cohãcjũ marine tiquiro yahuri tiquiro dutiri ahri dii mehna poto ijigũ masiaja mari. Ahri diire ihñana tiquiro nidiro sahata marine tiquiro yeatire masiaja mari. Ti dutiyere yuhti dutiahye tiquiro marine”, niahye Moise. <sup>21</sup> Sa yero masare tiquiro yeriro saha Cohãcjũre tiquina ño peori wũhũ wahiquina cahseri wũhũre, ijipihtiye ti wũhũpũ ijiye gũhũre wejẽ siteahye. <sup>22</sup> Sa tjire. Ti dutiye ti nidiro sahata peye ñañene dii cohãno mehna cose wero cahmene. Mehenogã dũhsaye ñañene apee boro mehna cose wegũ quehnoare. Sa yero Cohãcjũ mari ñañe yerire ne bosii dii cohãedagũ.

*Cristo tiquiro diire cohãno, yariaro, tiquiro yequina ñañe yerire cose weahye*

<sup>23</sup> Ti ijipihtiye Cohãcjũre tiquina ño peori wũhũ, ti wũhũpũ ijiye gũhũ ùhmũse cjã wũhũpũ ijiye yero saha ijiahye mari queoye mehna buhegũ. Ëhmũse cjã wũhũ pehe potota Cohãcjũ ya wũhũ waro ijire. Sa yero ahri yehpa cjã wũhũre, ti wũhũpũ ijiye gũhũre wahiquina diire tiquiro wejẽ siteri mehna cose wero cahmeahye. Sa ye ti yũhdũoro ùhmũsepũ wahatiquinare tiquina ñañe buhiri tiyequinare cose wero cahmene. Sa yero wahiquina yũhdũoro ijiriquiro ye dii tiquiro cohãno mehna tiquina ñañe yerire cose wero cahmene.

<sup>24</sup> Sa yero Cohãcjũre tiquina ño peori wũhũ masa yeri wũhũ ijire. Ëhmũse cjã wũhũ yero saha ijire ti wũhũ gũhũ, mari queoye mehna buhegũ. Sa yero Cristo pahi ijiro, marine sini basaro taro ahri yehpa cjã wũhũre sajãedahye. Potota ùhmũsepũ wahahye tiquiro Cohãcjũ caha marine sini basaro taro. <sup>25</sup> Mari judio masa mari pahia pũhtoro cũhmaripe Cohãcjũ ijiri tucũ waropũ sajãe tiahye wahiquina diire ohoro taro. Cristo pehe tiquiro diire Cohãcjũre ohoro saha yero taro, yariaro, peye tahari sajãedahye. <sup>26</sup> Peye tahari yariariquiro ijiro, ahri yehpa iji dũcari bato peye tahari yariaboya tiquiro. Peye tahari tiquiro mari ñañe buhirire yariaducuriquiro ijiboya. Sa ijiboriquiro ijieperota pihtiri deco panogã yojopũre marine ijipihtinare yũhdũoro taro ihcã taha bajuahye tiquiro ahri yehpapũ. Sa bajuahye yariaro taro, mari ñañe buhirire cohãno taro.

<sup>27</sup> Ijipihtiyequina masa ihcã tahata yarieta. Tiquina sa yariari bato masa quehnoañequinare, ñañequina gũhũre beserota Cohãcjũ. <sup>28</sup> Ihcã tahata mari yariaro saha Cristo gũhũ ihcã tahata yariahye peyequina masa tiquina ñañe yerire cohãno taro. Came pari turi ahtarota. Mari ñañe yerire cohã tuhasariquirupũ ijirota. Sa yero pari turi mari ñañe yerire cohãno taro ahtasi. Sa ahtarotiquirore cohteyequinare, bucueye mehna tiquirore ihña duayequinare yũhdũoro ahtarota.

## 10

<sup>1</sup> Cohãcjũ dutiye Moiseretiquiro cũri quehnoañe buheye yero saha ijiepete, ihcãno saha ijierare. Ti dutiye ti ye dutiriro saha cũhmaripe wahiquinare wejẽ, ùjũa mũo, Cohãcjũre ño peoducure. Tiquina sa yeye mehna masa tiquina ñañe yerire boerare Cohãcjũ. <sup>2</sup> Ti mehna tiquina ñañe yerire Cohãcjũ bogũ, ihcã tahata Cohãcjũre tiquina ño peori bato “Yojopũre buhiri mariedare ùsãre”, ni tũhotuboya masa. Sa ye pari turi wahiquinare wejẽ ùjũa mũo, Cohãcjũre ño peo ohoeraboya. Duhu cãboya. <sup>3</sup> Cũhmaripe wahiquinare wejẽ ùjũa mũo, Cohãcjũre tiquina ño peogũ tiquinare ñañe buhirire wacũgũ yere. To punogãta yedoho duare ti tiquinare. <sup>4</sup> Wecũa dii mehna mari ño peori mehna, chivoa dii mehna mari ño peori mehna ne mari ñañe buhirire cohãedare.

<sup>5</sup> Ti ijirota ijire. Ti sa ijigũ ihñano Cristo ahri yehpapũre tiquiro ahtato pano ohõ saha niahye Cohãcjũre:

Wahiquinare ùjũa mũo tiquina ohogũ, trigore tiquina ohogũ gũhũre mũhũ ihñagũ bucuerare mũhũ. Sa yegũ yũhũ pagure yeri mũhũ ya pagũ ijiatire. <sup>6</sup> Ñañene tiquina cohãtore wahiquinare wejẽ, tiquina ùjũa mũogũ ihñagũ bucuerare mũhũ. <sup>7</sup> Mũhũ sa bucueragũ ihñagũ ohõ saha nii mũhũre: “Mũhũ cahmeno sahata yegũ wahagũtja. Sata ni yahure mũhũ ya pũpũ”, nii yũhũ, niahye Cristo tiquiro Pacũrore.

<sup>8</sup>“Wahiquinare ɯjũa mɯo tiquina ohogũ, trigore tiquina ohogũ gũhure ihñagu bucuere mɯhũ”, ni yahu mɯhtahye tiquiro. Coã waropure tiquiro ye dutiye wahiquinare, trigo gũhure tiquina ohoye mehna ti ño peo dutiepegũta sa niahye tiquiro. <sup>9</sup> Sa ni tuhasa ohõ saha ni nemoahye: “Mɯhũ cahmeno sahata yegũ wahagutja”, niahye. Tiquiro sa nigũ ohõ saha masiaja mari. Panopũ wahiquinare wejẽ ɯjũa mɯoñe mehna tiquina ño peorire duhugũ yero, apeye buheye pehere cũno niahye Cohãcjũ. (Sa cũno yojopure Cristo tiquiro yariari mehna masare yũhdũorota Cohãcjũ.) <sup>10</sup> Jesucristo tiquiro pagure ohoro, yariaro, ijipihina marine mari ñano yerire cohãre. Ihcã tahata tiquiro pagure ohore mari ñañene cohãno taro. Sa yero Cohãcjũ cahmeno sahata yero niahye.

<sup>11</sup> Ijipihina mari judio masa mari yequina pahia decoripe Cohãcjũre ño peori wɯhũpũ dahraducure. Sa dahraducuye decoripe mɯnanota wahiquinare wejẽ, ɯjũa mɯo, Cohãcjũre siniducure. Tiquina sa wejẽ ɯjũa mɯoepẽgũta ti ɯjũa mɯori mari ñano yerire ne cohãedare. <sup>12</sup> Cristo pehe ihcã tahata mari ñañe buhirire yariahye, mari ñañe yerire quehnoano cohã pehorõ taro. Tire cohã tuhasa, wahaa wahahye tiquiro Pacũro cahapũ tiquiro poto pehe dujiro waharo. Pũhtoro ijero, topũ dujire. <sup>13</sup> Topũ dujiro, cohtero nine. Tiquirore ihña tuhtiequinare Cohãcjũ pehe tiquiro yũhdũdũca basatore cohtero nine. <sup>14</sup> Sa yero ihcã tahata tiquiro yariari mehna tiquina ñañene cohãnohriquinare ñañe marieñequina sa ijiducugũ yere tiquinare. <sup>15</sup> Ti ijirota ijire. Sata ni yahure Espiritu Santo marine. Ohõ saha ni yahure tiquiro:

<sup>16</sup> Ohõ saha nine Cohãcjũ: “Camerpũre ohõ saha ni yahutja Israe masare. ‘Yũhũ dutiyere tiquina wacũñepũ cũtja’, ni yahutja”, nine tiquiro.

<sup>17</sup> Ohõ saha ni nemore Cohãcjũ:

“Tiquina ñañe yerire pari turi wacũ nemosi yũhũ”, nine tiquiro, ni yahure Espiritu Santo.

<sup>18</sup> Mari ñañe yerire tiquiro sa bogũ pari turi mari ñañe buhiri yariatiquirore cahmedaja mari.

*Cohãcjũ* cahapũ esana, cuero marieno tiquiro mehna mari yahuducuboriro saha tiquiro mehna yahuducu masiaja yojopure

(Mt 27.51; Mr 15.38; Lc 23.45)

<sup>19</sup> Sa yena yũhũ acaye, Cristo tiquiro yariaro mehna tiquiro dii cohãno mehna yojopure mari gũhũ cuero marieno Cohãcjũ mehna yahuducu masiaja. Sa yena tiquirore sini masiaja. <sup>20</sup> Ahri yehpa cẽño pahia pũhtoro Cohãcjũ ijiri tucũ waropũ tiquiro yemedi yojopure marine dũhseati ijierare. Ti mehna Cohãcjũ mehna yahuducu masiedaja mari. Cristo pehe mari ñañene yeri buhirire yariaro tiquiro dii cohãri mehna Cohãcjũ mehna yahuducu masiaja mari. Pahia pũhtoro ti tucũpũ tiquiro sajãriro sahata Cristo pehe Cohãcjũ cahapũ esahye mari ñañe yerire bo dutiro waharo. Ti tucũ cã cahserore cahmotari cahserore tiquiro tũhrẽ cohãriro saha Cristo tiquiro pagure cohãhye Cohãcjũ mehna marine iji dutiro. <sup>21</sup> Sa yero Cohãcjũ ya wɯhũpũ dahrariquiro mari yaquiro pahi tutua yũhdũariquiro ijire tiquiro. <sup>22</sup> Sa yena Cohãcjũre sinihna poto ni mehono marieno. Tiquirore quehnoano wacũ tutua, cuero marieno tiquirore sinihna. Cristo mari ñañe yerire tiquiro cose wenohrinapũ ijiaja. Sa yena “Buhiri tina ijiaja mari”, ni tũhotuna ijieraja mari. Sa yena wete marieñe aco mehna mari cose wero saha Espiritu Santo tiquiro cose wenohrinapũ ijiaja. Sa yena Cohãcjũre sinihna. <sup>23</sup> “Mũsare yũhdũoutja”, tiquiro nidiro sahata yerota. Sa yena marine tiquiro yũhdũoatore quehnoano masiaja mari. Tire masina, ne boeracũhna. Cohãcjũre sa wacũ tutuaducuhna. Sa wacũ tutuana tire apequinare yahuaja. <sup>24</sup> Mari mehna cãnare cahĩna, tiquinare yedohouhna mari, ijipihina mari ihcãno saha mari cahme cahĩ yedohoato saha. <sup>25</sup> Sa yena quehnoano cahmecoaducuhna Cohãcjũ yere yena tana. Apequina pehe tiquina cahmecoamedirore duhuye nine. Tiquina yero saha yeracũhna. Mari mehna cãnare bucuẽgũ yeihna. Ahri yehpapure mari pũhtoro ahtato mehenogã dũhsare. Tire masina tutuaro bucuẽgũ yeihna mari mehna cãnare Jesu yequinare.

<sup>26</sup> Poto ijie buheyere quehnoañe buheyere mari masiepenata ñañene mari pari turi sa yeducugũ mari ñañene cose we nemoato ne mariedare. <sup>27</sup> Sa yero sa yeyequinare

cuarĩne. Ijipihtiyequina tiquirore ihña tuhtiyequinare buhiri dahrero, tutuaro ʘj̄nɔp̄ cohãnota Cohãcj̄u tiquinare. Sa ye tiquiro buhiri dahreatire cueyequina dihita ijimene tiquirore duhuyequina. <sup>28</sup> Cohãcj̄u dutiye Moiserere tiquiro c̄urire ȳhd̄d̄uc̄ayequinare buhiri dahreye, mari acaye judio masa wej̄ene tiquinare. Ne paja ihñano marieno wej̄ene tiquinare. Ihtiaro tiquina yahusãḡu t̄horo beseriquiro tiquina ȳhd̄d̄ucarire masino tiquinare buhiri dahre dutire. Ihtiaro mariedaḡu p̄aro tiquina yahusãḡu tiquinare buhiri dahre dutire. Sa dutiḡu tiquinare wej̄ene.

<sup>29</sup> Ti bui cj̄uno Cohãcj̄u mac̄nore ihña yabiyequina tiquiro buhiri dahreatiquina ijiet̄a. Cristo dii cohãri mehna mari ñañe yerire cohãre Cohãcj̄u. Sa cohãtore yahuahye tiquiro marine. Sa yeye tiquina ñañe yerire cohãnohriquina ijiepet̄a pari turi ñañene yeye, tiquina ñañe yerire tiquiro cohãrire tiquiro dii ḡh̄ure “Ihyo waro ijire”, niñe nieta. Sa niñequina tiquiro buhiri dahreatiquina waro ijiye nieta. Sa niñequina Esp̄iritu Santore ñano ni yahuducuyequina ijire. Tiquiro tiquinare cah̄niquiro ijire. Tiquina sa ñano yahuducuḡu ihñano tutuaro buhiri dahrerota Cohãcj̄u tiquinare. <sup>30</sup> Ahrire mari quehnoano masiaja. Cohãcj̄u tiquiro basita oh̄o saha niahye: “Ȳh̄u ijiaja buhiri dahreac̄j̄u. Tiquina ñañene yeri buhiri buhiri dahreit̄ja ȳh̄u”, niahye tiquiro. Oh̄o saha ni nemoahye: “Yeequina ijimediquinare ñano yeyequinare buhiri dahreit̄ja ȳh̄u”, niahye tiquiro. <sup>31</sup> Cohãcj̄u catiriquiro marine tiquiro buhiri dahreḡu cua ȳhd̄uare.

<sup>32</sup> Panop̄u m̄sa ijirire wac̄ũña m̄sa. Ti pjere Cohãcj̄u yere coã masi d̄cana peye tahari ñano ȳhd̄æpenata tiquiro yere cohãedari m̄sa. <sup>33</sup> Ihquẽ tahari masa tiquina ihñonop̄u arequina m̄sare ñano ni, ñano yeperi m̄sare. Sa yena arequina Jesu yequinare tiquina ñano yeḡu ihñana, tiquinare paja ihñari m̄sa. <sup>34</sup> Peresup̄u ijieyequinare paja ihñari m̄sa. Sa yena m̄sa yere tiquina ehmaep̄eḡuta bucueye mehna, “Quehnoanota”, nidi m̄sa. Ahri yehpa cj̄e ȳhd̄uoro quehnoañene c̄ore m̄sa ʘhm̄sep̄u. Ti quehnoañe sa ijiducueta. Tire masina, m̄sa c̄oyere tiquina ehmaḡu b̄j̄ña witierare m̄sa. <sup>35</sup> Sa yena cueracãhña. Cohãcj̄ure sa wac̄ũ tutuaducuya. M̄sa sa yeri wapa tiquiro quehnoano yerota m̄sare. <sup>36</sup> Cohãcj̄u “M̄sare oh̄o saha yedohout̄ja”, tiquiro ni c̄urire quehnoano cohteya m̄sa tiquirore wac̄ũ duhuro marieno. Sa cohtena tiquiro cahmeñene yenata m̄sa. Sa yena tiquiro ni c̄urire c̄onata. <sup>37</sup> Oh̄o saha nine Cohãcj̄u yere tiquina ojoari p̄p̄u:

Mehenogã d̄hsare Cristo wihiato. Sa ahtaro duita wihi madoqueorota. <sup>38</sup> Yeequina quehnoañequina pehe ȳh̄ure wac̄ũ tutuaducueta. Sa ye yeequina ȳh̄u mehna sa ijiducueta. Yeere cohãñequina pehere ihña yabiaja ȳh̄u, niahye tiquiro ye yahuducuye tiquina ojoari p̄p̄u.

<sup>39</sup> Mari pehe Cohãcj̄u yere cohãrina ijieraja mari. Sa yena pecap̄u wahatina ijieraja mari. Cohãcj̄ure wac̄ũ tutuaja mari. Sa yena tiquiro ȳhd̄uorina ijiaja.

## 11

### *Wac̄ũ tutuayere yahuahye*

<sup>1</sup> Oh̄o saha ijire wac̄ũ tutuaye: Cohãcj̄ure wac̄ũ tutuana, marine tiquiro quehnoano yeatire quehnoano masiaja mari. Cohãcj̄u tiquiro niđiro sahata yeraniep̄eḡuta tiquiro yahuyere “Ijirota ijire”, ni t̄hotuaja mari tiquirore wac̄ũ tutuana. Tiquirore ihñedap̄enata, wac̄ũ tutuana, “Ijirota ijire”, ni t̄hotuaja mari tiquiro yahuyere t̄hona. <sup>2</sup> Panop̄u cj̄ena Cohãcj̄ure tiquina wac̄ũ tutuaḡu ihñano bucueahye tiquiro pehe.

<sup>3</sup> Cohãcj̄u tiquiro yahuducuye mehna ijipihtiyere bajumehnee tiahye. Sa yero tiquiro mari ihñedari mehna ijipihtiyere mari yojop̄u ihñañene bajumehnee tiahye. Tire mari quehnoano masiaja Cohãcj̄ure wac̄ũ tutuana p̄rita.

<sup>4</sup> Cohãcj̄ure wac̄ũ tutuaro Abe pehe corderore wej̄e, ʘj̄ña m̄u, Cohãcj̄ure ño peo “Quehnoare”, niahye. Tiquiro wahmino Caĩ ȳhd̄uoro quehnoanore ohoro, ño peohye tiquiro Cohãcj̄ure. Sa yero Cohãcj̄u tiquiro ohorire bucueahye. Sa bucuerdo “Quehnoariquiro ijire”, ni ihñahye tiquiro Abere. Sa Cohãcj̄ure tiquiro wac̄ũ tutuaḡu

ihñana mari tiquiروه ihña cūaja. Sa yena tiquiro yariari bato ijiepegūta tiquiro wacū tutuarire ihña cūaja mari.

<sup>5</sup> Enoco Cohācjūre tiquiro wacū tutuagū ihñano bucueahye Cohācjū. Sa bucuero tiquiروه tiquiro cahapū ne mūoahye. Sata nine Cohācjū yere tiquina ojoari pūpū. Tiquiro ne mūori bato masa tiquiروه ne bocaerahye. Tiquiro ne mūonohriquiروه ijiro ne yarierahye. <sup>6</sup> Cohācjūre wacū tutuerana tiquiروه bucuegū ye masiedaja mari. Cohācjūre wacū tutuerana, tiquiروه ño peo masiedaja mari. “Potota tiquiro Cohācjū warota ijire. Sa yero tiquiروه mari ño peogū marine quehnoano yere tiquiro”, mari ni tūhotuerana mari tiquiروه sini masiedaja.

<sup>7</sup> Noé Cohācjūre wacū tutuaro, tiquiروه Cohācjū yahurire quehnoano yūhtiahye. Camedū tiquina ñano wahatore tiquiro yahugū tūhoro quehnoano yūhtiahye tiquiro. Sa yūhtiro, pajiria yucū sare yeahye. Sa yeye tia yucūsa mehna tiquiro acaye mehna dia mininore yūhdūahye. Sa wacū tutuariquiروه ijiro ahri yehpa cjēna ñañequina tiquina wacū tutuarire tiquina pecapū wahato gūhūre ihñono niahye. Sa yero tiquiro wacū tutuagū ihñano “Quehnoariquiروه ijire”, ni ihñahye Cohācjū tiquiروه.

<sup>8</sup> Abrahā gūhū Cohācjūre wacū tutuaro tiquiروه yūhtiahye. Ape dihtapūre tiquiروه ohoati dihtapūre Cohācjū waha dutigū tūhoro Abrahā yūhtiahye. Tiquiro ya dihtapū ijiriquiروه wijiaa waharo, tiquiro masiedi dihtapū esahye. <sup>9</sup> “Ahri dihtare mūhūre ohoutja”, Cohācjū nigū tūhoro tiquiروه wacū tutuaro ti dihtapūta tojoahye tiquiro. Topū ijiro ape dihta cjūno ijieperota topūta tojoa cāhye. Tiquiروه, tiquiro macūno Isaac gūhūre, tiquiro panamino Jacob gūhūre tiquinare “Ahri dihtare mū sare ohoutja”, ni Cohācjū yahue tiahye tiquinape. Tiquina tūhoe tiahye. Sa yeye tiquina ti dihtapū ijiye, wahiquina cahseri wūhūsepū ijie tiahye mūnano ijieyequina ijiye. <sup>10</sup> Topū ijinie tiahye Abrahā Cohācjū mehna tiquiro ijiatore cohtero. Ape macapū Cohācjū ijiri macapū ūhmūsepū tiquiro wahatore cohtero niahye. Ti macare dahreahye Cohācjū. Sa yero ti maca ne pihtisi.

<sup>11</sup> Cohācjūre wacū tutuaro, būcūro waro ijieperota, tiquiro namono Sara būcūro waro ticoro ijiepegūta, Abrahā pohna tiahye. “Tiquiro nidiroh sahata yerota”, Cohācjūre nino sa pohna tiahye. <sup>12</sup> Sa yero Abrahā būcūro waro ijieperota pohna tiahye. Sa yeye tiquiro panamena iji turiayequinapū peyequina waha cāhye. Ñahpicoha parire, padū pjeri gūhūre mari queona ihcāno sahaeraro sahata tiquiro panamena iji turiayequina gūhūre queona ihcāno sahaeraja mari.

<sup>13</sup> Ijipihtiyequina ahriquina yūhū yahuriquina Cohācjūre wacū tutua tuhasayequinapū yariahye. Cohācjū tiquinare “Mū sare ohō saha yeitja”, tiquiro ni cūriروه eserapeta yariaa wahahye. Tire ñehedapeta Cohācjū tiquiro nidiroh sahata camedū tiquina cūoatire masiahye. Sa masiñe bucueahye. Sa yeye ohō saha niahye tiquina: “Ahri yehpapū tinina ijiaja. Ape yehpa cjāna ijiaja”, niahye tiquina. <sup>14</sup> Sa niñequina ape yehpare tiquina ya yehpa ijiatore cohteye nine. Tire mari quehnoano masiaja. <sup>15</sup> “Ape yehpa cjēna ijire”, nigū panopū tiquina cohāri yehpare nigū niedaja. Ape yehpapū tiquina iji mūhtari yehpapū waha dua, wahaa wahaboya. <sup>16</sup> Quehnoa yūhdūari yehpa pehere cahmeñe niahye. Ti yehpa ūhmūsepū ijire. Tiquina sa cahmegū ihñano “Cohācjū ūsā pūhtoro ijire”, tiquina nigū tūhoro bue tisi Cohācjū. Tiquina ya maca ijiatore dahre basa tuhasahye tiquiro.

<sup>17-18</sup> Cohācjū Abrahāre tiquiro macūnore Isaare wejē ūjūa mūo dutiahye. Tiquiروه ihña duaro sa dutiahye, “¿Ijiroh yūhūre wacū tutuajari?” nino. Cohācjūre wacū tutuaro tiquiro nidiroh sahata yemahye Abrahā. “Mūhū macū Isaac mehna panamena iji turiayequinare peyequinare cūogūta mūhū”, Cohācjū tiquiro nidiquiروه ijiepegūta tiquiro macūnore wejēno taro nimahye Cohācjūre ño peoro taro. <sup>19</sup> “Yūhū macū Isaare yūhū wejēgū Cohācjū tiquiروه masonota”, ni tūhoturo, tiquiروه wejēno taro nimahye. Sa nidiquiروه ijieperota Cohācjū tiquiروه cahmota, wejē dutierahye. Tiquiro pacūro tiquiro sa wejēboriquiروه ijiro yaria masariquiروه yero saha ijiahye Isaac, Abrahā ihñagū. Sa yero Abrahā tiquiروه catiriquiروه pari turi cūoahye.



<sup>20</sup> Isaac Cohãcjũre wacũ tutuaro, tiquiro pohnene Jacore, Esaú gũhũre “Camepũ Cohãcjũ musare pajiro quehnoano yerota”, niahye.

<sup>21</sup> Cohãcjũre wacũ tutuaro Jacob tiquiro yariato panogã José pohnene, Ʃmũare “Cohãcjũ musare pajiro quehnoano yerota”, niahye Jacob. Dũsepe curi mehna quehe sa, tiquiro tuadũ mehna tua ñehe cuña, Cohãcjũre ño peoro “Cohãcjũ musare quehnoano yerota”, ni cũahye.

<sup>22</sup> Cohãcjũre wacũ tutuaro José tiquiro yariato panogã Israe masa Egiptopũ ijiyequina tiquina wijiatire yahuyuahye. Sa tiquina wijiatire masiyuro tiquiro yariari bato tiquiro pagũre nea dutiahye tiquiro pohnene.

<sup>23</sup> Cohãcjũre wacũ tutuaye, Moisegãre ihtia asũ waro nũo cũoahye tiquiro pacũsumũa, tiquiro masa bajuari bato. Quehnoariquirogã tiquiro ijigũ ihñañe tiquirogãre nũoahye. Ti yehpa cjẽna pũhtoro tiquina pohnene tiquiro wejẽ dutirore yũhdũdũca cãhye tiquina. Tiquirore cuerahye.

<sup>24</sup> Moiserre masoricoro Egipto yehpa cjẽna pũhtoro macono ijiahye. Sa ticoro masonohriquiuro ijiro, Cohãcjũre wacũ tutuaro “Ticoro macũno ijire”, ni pisugũ cahmedahye Moise. <sup>25</sup> Cohãcjũre yũhdũdũcariquiuro ijiro tiquirore masoricoro cahapũ meheñe decorigã quehnoano ijiboya. Sa ijiboriquiuro ijieperota ti yũhdũoro tiquiro Cohãcjũ yequina mehna ñano yũhdũ duahye. <sup>26</sup> Sa ñano yũhdũoro Cristore tiquina bũjũpeato sahata tiquina bũjũperiquiuro ijiahye. Camepũ tiquiro quehnoano yeri wapa Cohãcjũ tiquirore tiquiro quehnoano yeatire masino ñano yũhdũ duahye, Cristo tiquiro ñano yũhdũato sahata. Ijipihtiyequina Egipto cjẽna quehnoañene tiquina cũoro yũhdũoro tiquiro Cohãcjũ pehere tutuaro cahmeahye. Ñano yũhdũeperota, Cohãcjũre cahmeahye.

<sup>27</sup> Cohãcjũre wacũ tutuaro, Egipto cjẽna pũhtoro tiquiro mehna usuagũ cuerahye. Sa cueraro ti yehpapũ ijiriquiro ti yehpare cohã cãa wahahye. Sa yero Cohãcjũre bajúeriquirore tiquiro ihñaboriro saha cuerariquiro ijiahye. Cohãcjũ tiquirore ye dutirire ne cohãedahye Moise. <sup>28</sup> Cohãcjũre wacũ tutuaro Moise Israe masare Cohãcjũ yũhdũoatire masiahye. Sa masino Cohãcjũ dutiriro sahata Israe masa tiquina sopecaharire ohõñe pũĩnine dii mehna wejẽ site dutiahye tiquiro. Tiquina sa yegũ ihñano angel masare wejẽdiquiro tiquina wahmisũmũare wejẽboriquiro Israe masa pohne wahmisũmũare wejẽdahye.

<sup>29</sup> Cohãcjũre wacũ tutuaye, Israe masa “Sohãri ma”, tiquina nidi mapũ aco watoa ijiri mahapũ aco marieni mahapũ pehãa wahahye. Tiquina sa pehãgũ ihñañe Egipto cjẽna gũhũ tiquinare ihña cũ, nũnũ tã pehãmehe, mini yariaa wahahye.

<sup>30</sup> Cohãcjũre wacũ tutuaye, Israe masa Jericó wame tiri maca cjã sahrĩno pajiri sahrĩno behero pehe majare sotoahye. Siete decori waro ti macare majare sotoa tiniahye. Tope decori tiquina majare sotoa tinidi bato ti sahrĩno sehte bora dijia pihtia wahahye.

<sup>31</sup> Cohãcjũre wacũ tutuaro Ʃmũa mehna ñano yeducumedicoro Rahab wame tiricoro, ti maca cjõno Israe masare yedohoahye. Ti macare tiquina cohãto pano meheñequinagã Israe masa topũ sajã tiquina duhti ihñagũ, ticoro tiquinare yedohoahye. Ticoro sa yedohogũ ihñañe Israe masa wejẽdahye ticorore. Sa yeye ti maca cjẽnare Cohãcjũre yũhdũdũcayequinare wejẽpeta ticoro pehere wejẽdahye.

<sup>32</sup> Apequinare Cohãcjũre wacũ tutuayequinare yahu nemoboa yũhũ. Sa yahu duepegũta peyequinare sa Cohãcjũre wacũ tutuayequinare yahu ojoa peho masiedaga yũhũ. Peyequina ijire tiquina. Gedeõ, Barac, Sansõ, Jeffé, Davi, Samuel, Cohãcjũ yere yahu mũhtariquina gũhũ ahriquina ijipihtiyequina yũhũ yahuboriquina ijire.

<sup>33</sup> Cohãcjũre wacũ tutuayequina ihquẽquina apeye yehparipũ ijiye macari cjẽnare cahme wejẽ yũhdũdũcahye. Sa yeye apequina quehnoano dutiyequina ijiahye. Cohãcjũ tiquinare “Mũsare yedohoutja”, tiquiro nidiro sahata tiquinare yedohoahye. Tiquirore tiquina wacũ tutuagũ ihñano sa tiquinare yedohoahye. Sa wacũ tutuaye, yayia tiquinare ihya duagũ tiquina dũserire bihagũ yeahye tiquina. <sup>34</sup> Tutuaro Ʃjũri pecapũ ijiepetã Ʃjũedahye tiquina Cohãcjũre wacũ tutuaye. Apequina tiquinare ñose wejẽ duagũ duhti cãa wahahye Cohãcjũre wacũ tutuaye. Tutueyequina ijiepetã Cohãcjũre wacũ tutuaye

tutuayequina wahahye. Cohãcjũre wacũ tutuayequina ijiye, cahme wejẽne tutuayequina ijiahye. Sa ye apeye yehpari cjẽna surara tiquinare wejẽne ahtayequina ne ihcãno sahaerahye tiquinare. <sup>35</sup> Ihquẽquina numia Cohãcjũre wacũ tutuagũ ihãno tiquina acaye yariagũ ihãno Cohãcjũ pehe tiquinare maso basahye.

Apequina “Cohãcjũre cahmedacãhã”, tiquina ni peresu yenohriquina ijiepetã Cohãcjũre duhu duerahye. “Cohãcjũre m̄sa duhugũ m̄sare wionata”, nimahye tiquinare peresupũ yenohriquina Cohãcjũ yequinare. Tiquina sa niepegũta tiquinare yũhtierahye, Cohãcjũ cahapũ tutuaro waha duaye. Sa yeye tiquinare ña yũhdũaro tiquina yepegũ yariaa wahahye. <sup>36</sup> Apequinare Cohãcjũre wacũ tutuayequinare ñano ni bũjũpe tiquinare tana m̄jãe tiahye. Sa yeye apequinare dahpocãrine, omocarine dũhte cãa, peresu yeahye. <sup>37</sup> Cohãcjũre wacũ tutuayequinare ñañequina utã mehna doque wejẽahye. Apequinare tiquina pagũrire seroti mehna yũhre sure m̄jahye. Apequinare ñoseñe pjĩni mehna ñose wejẽahye tiquina. Sa yeye tiquina sa ñano yepenohñequina oveja cahseri mehna, cabra cahseri mehna suhti tiyequina pejecũoyequina ijiahye. Sa ye apequina tiquinare ñano yepeahye. <sup>38</sup> Tiquina quehnoa yũhdũayequina ijigũ ahri yehpa cjẽna ñañequina tiquina mehna ijiboriquina ijierare. Ahriquina Cohãcjũre wacũ tutuayequina wũhũse marieñequina ijiye, masa marienopũ, cũnũ cjũpũ iji soto tae tiahye. Sa iji soto tae, cũnũpũ ijiye coperipũ, yehpapũ ijiye coperipũ gũhũre carĩ soto tae tiahye.

<sup>39</sup> Ahriquina ijipihtiyequina Cohãcjũre tiquina wacũ tutuagũ ihãno bucueahye tiquiro. Tiquina sa wacũ tutuepegũta Cohãcjũ tiquinare “M̄sare yũhdũoutja”, tiquiro nidiro eseraniahye. <sup>40</sup> Tiquiro yũhdũoeranidire yahuro ohõ saha ni tũhotuahye Cohãcjũ. “Ahriquina yeequina camerũre ijiatiquina mehna ihcãno saha ihcã curuapũta yũhdũoutja”, ni tũhotuahye. Sa ni tũhoturo tiquiro nidiro sahata yerota. Tiquiro sa yegũ quehnoa yũhdũare panopũ tiquiro yeriro yũhdũoro.

## 12

### *Jesure sa wacũducũhna mari*

<sup>1</sup> Sa yena ahriquina yũhũ yahuriquinare peyequina Cohãcjũre wacũ tutuayequinare ñañene yeeyequinare masina, ijipihtiye ñañe yeyere duhu cãhna mari gũhũ. Ohõ saha ijire mari queoye mehna buhegũ: Omaperiquirore oma tutuagũ cahmotaye ijire apeye. Tiquiro dahpo suhti nũcũñe suhti tiquirore oma tutueragũ yeboaga. Ti yero saha Cohãcjũ cahmeñene mari ye duagũ cahmotaye gũhũ ijire. Ti gũhũre duhuuhna mari. Sa yena omapeyequina tiquina oma tutuaro saha mari gũhũ tutuaro Cohãcjũ cahmeno saha yeihna. <sup>2</sup> Sa yena Jesure sa wacũducũhna mari. Tiquirota ijire marine wacũ tutua dũcagũ yeriquiro. Sa yero marine wacũ tutua nemoagũ gũhũre yere tiquiro. Curusapũ yariaro wacũ tutuahye. Came tiquiro bucueatore masino curusapũ yariahye. Sa yariaro bũe tiboriquiro ijieperota bũe tierahye tiquiro. Sa yero yojopũre Cohãcjũ tiquiro pũhtoro dujiri poto pehe dujitjãno tiquiro dutiriquiro ijire.

<sup>3</sup> Ñañequina masa tiquirore tiquina ña yũhdũaro yegũ ihcãno sahahye tiquiro. Tire wacũña m̄sa, m̄sa gũhũ ñano yũhdũna, “Ihcãno sahaeraboa”, nina. Tire wacũña m̄sa “Tiquirore wacũ tutua duhuari”, nina. <sup>4</sup> Ñano yũhdũepenata ñañene yerare m̄sa. Sa ñano yũhdũepenata ña yũhdũaro waro yũhdũeraniaga m̄sa. Ñañequina m̄sare wejẽdarĩaga. <sup>5</sup> ¿Cohãcjũ m̄sare tiquiro pohñare tiquiro yahurire bo cjãri m̄sa? M̄sa ñano yũhdũatire tiquiro yahurire wacũña m̄sa. Ohõ saha niahye tiquiro:

Yũhũ macũ, mũhũre yũhũ yahugũ usueracãhã ñano yũhdũepẽgũta. Mũhũre yũhũ tuhtigũ tũhogũ bũjũa witieracãhã. <sup>6</sup> Ijipihtiyequina yũhũ cahñequinare yahuaja. Sa yegũ ijipihtiyequina “Yũhũ pohna ijire m̄sa”, yũhũ ni ihñañequinare yũhdũdũca dutieraja. Sa yegũ tiquina yũhdũdũcagũ ihñagũ tiquinare buhiri dahreaja, niahye Cohãcjũ.

<sup>7</sup> Ñano yũhdũna Cohãcjũ yere duhuercãhã. Cohãcjũ m̄sare tiquiro pohñare buhiri dahrero nine. Tiquina pacũsumã tiquina pohñene sa yahuducure. Sa yeye tiquinare buhiri dahreducure. Sata yere Cohãcjũ gũhũ marine tiquiro pohñare. <sup>8</sup> Ijipihtiyequina

tiquiro pohnene yahure Cohãcjũ. Cohãcjũ musare yahueragũ tiquiro pohna waro ijierare m̄sa. Pac̄sum̄ma marieñequina yero saha ijire m̄sa tiquiro yahumehnaena ijina. Sa ijina “Usã pac̄ waro ijire”, ni masiedare m̄sa Cohãcjũre, musare tiquiro yahueragũ. <sup>9</sup> Mari pac̄sum̄ma marine tiquina yahugũ t̄hona tiquinare ño peoaja mari. Mari pac̄sum̄mare mari ño peoro ȳhd̄uro ño peoro cahmene mari Pac̄re Cohãcjũre tiquiro yahugũ. Sa yena tiquirore ȳhtiro cahmene marine. Sa ȳhtina ijina ijipihtiye decori tiquiro mehna ijinata. <sup>10</sup> Meheñe decorigã ahri yehpap̄ mari ijinigũ mari pac̄sum̄ma marine yahuye, buhiri dahrere. Tiquina esa tuharo tiquina masino punota marine yahuye, buhiri dahrere. Cohãcjũ pehe marine quehnoano yahure. Sa yero tiquiro masiñe mehna marine buhiri dahrere, marine quehnoana b̄c̄ma dutiro. Sata yere marine tiquiro yero saha quehnoana marine iji dutiro. <sup>11</sup> Marine tiquiro buhiri dahregũ bucueraja mari. Mari ihyo b̄j̄ma witiaja. Sa b̄j̄ma witiopenata tiquiro sa buhiri dahreri bato quehnoana wahanata mari. Sa yena ñañene yero marieno quehnoano ijinata.

*Cohãcjũ* marine tiquiro dutiyere mari ȳhtieragũ cuarĩne marine

<sup>12</sup> Sa yena wacũ tutuera cjũna ijiepenata Cohãcjũre wacũ tutuana ijiya. Tiquirore duhueracãhña. <sup>13</sup> Quehnoano potori mahare m̄sa waharo saha quehnoano pota yeya m̄sa. M̄sa sa yegũ ihña cũñe apequina Jesu yequina ñañene yesi. M̄sa quehnoano yegũ ihña cũñe quehnoano wacũ tutuera cjũñequina ḡh̄ma wacũ tutuayequina wahaeta.

<sup>14</sup> Ijipihtiyequina masa mehna quehnoano ijiya, cahmequeno marieno. Sa yena ñano yeracãhña. Ñañe marieñequina dihita mari p̄htoro Cristore ihñaeta. <sup>15</sup> Quehnoano yeya m̄sa. Cohãcjũ musare tiquiro yedohogũ quehnoano ȳhtiya. Ñañe taa diaye tiquina oteyere ti dojomehnenno saha m̄sa ḡh̄ma Cristo yere duhueracãhña, “Apequinare dojomehneari”, nina. <sup>16</sup> Ne w̄ana tieracãhña. Sa yena Cohãcjũ yere cahmeena ijieracãhña. Cohãcjũre cahmeediquiro ijiahye Esaú. Tiquiro wahmino ijimahye. Sa yero tiquiro pac̄ro yariari bato tiquiro pac̄ro yere c̄oatiquiro ijimahye. Cohãcjũ tiquiro pac̄rore tiquiro ni c̄uri ḡh̄re c̄oatiquiro ijimahye. Sa yero ihcã deco ihcã pa ihyaye pose tiri pare cahmeno, ti pa mehna tiquiro bah̄ro pehere tiquiro wahmino wahagũ yero taro comesahye. <sup>17</sup> Tiquiro sa yeri bato tiquiro d̄hse waharire masine m̄sa. Tiquiro pac̄ro tiquirore ohoatire tutuaro cahmemahye Esaú. Tiquiro sa cahmepegũta tiquiro bah̄rore wahmino wahagũ yeri buhiri, came tiquiro c̄oborire ohoerahye tiquiro pac̄ro. Tire utiye mehna tiquiro siniepegũta tiquirore ohoerahye.

<sup>18</sup> Cohãcjũ dutiyere Moiserre tiquiro c̄gũ mari acaye Israe masa m̄na Cohãcjũ mehna ijie tiahye. Tiquina tiquiro mehna ijiriro saha m̄sa pehe ijierare. Ohõ saha yeahye tiquina pehe. C̄n̄p̄ Cohãcjũ mehna ijiye taye, esahye. Ti c̄n̄ pehe Sinaí wame tid̄ ijiahye. Ti c̄n̄re dahra tuhu masiahye masa. Ti c̄n̄p̄ tiquina esagũ tutuaro peca ñ̄yahye. Sa yero nahitiano, bueri, tutuaro wihnono mehna ijiahye ti c̄n̄p̄re. <sup>19-20</sup> Ti c̄n̄p̄ tiquina esagũ corneta bisiro ca tahye. Sa yero yahuducuye bisiro ca tahye. Ti sa yahuducuye bisigũ t̄hoye, masa ihcãno sahaerahye. Cohãcjũ cuaro mehna ohõ saha ni, dutiahye tiquinare: “Ijipihtiyequina ahd̄a c̄n̄re dahra tuhuyequinare ut̄a mehna doque wejẽña tiquinare. Ahd̄are dahra tuhuriquiro wahiquiro waro tiquiro ijiepegũta tiquiro ḡh̄re ut̄a mehna doque wejẽña tiquirore. O ñosen̄ mehna ñose wejẽña tiquirore”, niahye Cohãcjũ. Tiquiro sa nigũ t̄hoye ihcãno sahaerahye tiquina. <sup>21</sup> Sa yero ijipihtiye t̄ c̄n̄p̄ ijiro tiquiro ihñarire ihña cuero, ohõ saha niahye Moise: “Cuegu nanaregu niaja”, niahye tiquiro.

<sup>22</sup> Sa Cohãcjũ mehna tiquina iji d̄cariro sahata ijierare m̄sa pehe. Cohãcjũ mehna ijina wahana, Siõ wame tid̄p̄ ñ̄m̄se cjãd̄p̄ m̄sa esaboro saha potota Cohãcjũ mehna yahuducure m̄sa. Cohãcjũ catiriquiro ya macap̄ m̄sa esaboro saha potota tiquiro mehna yahuducure m̄sa. Ti maca ape maca wahma maca Jerusalẽ ñ̄m̄se cjã maca ijire. Top̄re peyequina angele pari ijire. <sup>23</sup> Tiquina Cohãcjũ mehna bucuere tehe cahmecoañequina ijire. Sa yena m̄sa pehe tiquiro ya maca cjãna ijina, top̄ Cohãcjũ pohne iji m̄htañequina mehna m̄sa cahmecoaboriro saha ijire. Tiquina tiquiro pohne

wamene tiquiro ojoa ohōri tjuṛu ʷhmʷsepʷ tiquina wamene tiquiro ojoa ohōnohriquina ijire tiquiro pohne. Tiquiro pehe mari Pacu pehe ijipihtiyequinare beseatiquiro ijire. Tiquiro mehna cǵāna ijire mʷsa pehe. Sa yena tiquina quehnoañequina Cohācjǵ yequina mehna cahmecoano saha ijire mʷsa gǵhʷ. Tiquinare iji mʷhtariquinare ñaṇe marieñequina ye tuhasahye Cohācjǵ. <sup>24</sup> Sa yena Jesu mehna cǵāna ijire mʷsa pehe. Wahmanopʷ Moiserere tiquiro duti cǵirire comesaro “Mʷsare yʷhdʷoutja yʷhʷ”, ni cǵahye Cohācjǵ marine. Tiquiro sa ni cǵiuro sahata yeriquiro ijire Jesu. Tiquiro diire cohā, tiquiro yariari mehna marine sa yʷhdʷore. Abe mʷnano tiquiro dii cohāgǵ ihñano Cohācjǵ Abere wejēdiquirore buhiri dahreahye. Jesu pehe tiquiro diire cohāgǵ, tiquiro yariari mehna quehnoano yʷhdʷaja mari. Sa yero Abe tiquiro dii cohāri ihyo warota ijiahye. Cristo pehe tiquiro dii cohāri bato quehnoa yʷhdʷaro yeahye Cohācjǵ marine. Sa ye tiquiro dii cohāri ihyo warota ijierare.

<sup>25</sup> Sa yena quehnoano yeya mʷsa. Cohācjǵ yere mʷsare yahuriquirore quehnoano yʷhtina ijiya. Panopʷ ahri yehpapʷ ijiriquiro Moise Cohācjǵ yere tiquiro yahugǵ tʷhoye, peyequina tire tʷho duerahye. Sa tiquina tʷhoerari buhiri buhiri dahreahye Cohācjǵ tiquinare. Tiquina yʷhdʷoro buhiri dahrerota Cristore cohāñequinare. Cristo pehe ʷhmʷsepʷ ijiriquiro Cohācjǵ yere yahuriquiro ijire. <sup>26</sup> Ti pjere Moiserere tiquiro dutiyere cǵiri pjere Cohācjǵ tiquiro yahuducuro mehna yehpa ñuhmigǵ yeahye. Yojoṛʷ pehere ohō saha ni yahuahye tiquiro: “Ihcā tahata ahri yehpa ñuhmigǵ ye nemoutja. Ahri yehpa dihitare ñuhmigǵ yesi yʷhʷ. ʷhmʷsepʷ gǵhʷre ñuhmigǵ yeitja”, ni yahuahye tiquiro. <sup>27</sup> “Ahri yehpa ñuhmigǵ ihcā tahata ye nemoutja”, nino, ijipihtiyere tiquiro bajumehnedire tiquiro cohātire masigǵ yero niahye. Cohācjǵ pʷhtoro ijiropʷre cohāno basioerare. Sa yero tiquiro bajumehnedire cohāgǵ tiquiro pʷhtoro ijiro dihita tojoarota. <sup>28</sup> Tiquiro pʷhtoro ijiropʷ wahanata mari. Sa yena tiquiro pʷhtoro ijirore tiquiro cohāedagǵ ihñana, Cohācjǵre “Quehnoare”, niilna mari. Sa yena tiquirore ño peye mehna, cua pesaro mehna tiquiro yere yeihna mari tiquirore bucuegǵ yena tana. <sup>29</sup> Peca ʷjǵno cuaro saha Cohācjǵ gǵhʷ cuaro mehna buhiri dahreriquiro ijire.

## 13

*Ohō saha Cohācjǵre bucuegǵ yeya*

<sup>1</sup> Mʷsa mehna cǵēnare cahī duhueracāhña. <sup>2</sup> Masa mʷsa ihña masieñequina tiquina ijiepegǵta tiquinare mʷsa wʷhʷsepʷ quehnoano mehna sajā ta dutiya. Apequina sa yeye, masiedapeta angelere tiquina ye wʷhʷsepʷ sajā ta dutiahye. Sa yena tiquina yero saha yeya mʷsa gǵhʷ.

<sup>3</sup> Peresupʷ ijieyequinare paja ihñaña. Mʷsa pehe tiquina mehna peresupʷ ijina mʷsa ijiboro saha tiquinare paja ihñaña. Apequina tiquina ñano yenohriquina gǵhʷre paja ihñaña. Tiquina yero saha mʷsa gǵhʷ ñano yʷhdʷoro saha tiquinare paja ihñaña.

<sup>4</sup> Omoca dʷhterina ijipihntina mʷsa basi quehnoano cahme ño peoya. Sa yena apequina mehna ñano yeracāhña. Ijipihtiyequina numia mehna ñano yeyequinare, ʷmʷa mehna ñano yeye numia gǵhʷre buhiri dahrerota Cohācjǵ.

<sup>5</sup> Niñerure ne cahīedacāhña. Ohō saha niahye Cohācjǵ: “Mʷsare ne cohāsi yʷhʷ. Mʷsare sa yedohoducugʷtja”, niahye tiquiro. Sa yena noho puno mʷsa cʷoye mehna to punota bucueya. Pajiro cahme nemoedacāhña. <sup>6</sup> Sa yena cuero marieno ohō saha ni tʷhotunata mari:

Mari pʷhtoro Cohācjǵ marine yedohoriquiro ijire. Ne cuesi mari. Masa marine tiquina ñano yeatire cuesi mari, ni tʷhotunata.

<sup>7</sup> Cohācjǵ yere mʷsare yahuriquinare mʷsare dutiriquinare wacǵña mʷsa. Sa yena quehnoano tiquina ijie tirire quehnoano tiquina yee tirire wacǵña. Sa wacǵna, Cristore tiquina wacǵ tutuariro saha yeya mʷsa gǵhʷ.

<sup>8</sup> Jesucristo ne comesaerare. Panopʷ, yojoṛʷ gǵhʷre, cameṛʷ gǵhʷre tiquiro ijiriro sahata ijiducurota tiquiro. <sup>9</sup> Peye buheyere sijoro saha ijiye buheyere tʷhoeracāhña mʷsa “Quehnoañe buheyere ʷsǵpʷ cohāri”, nina. “Ahrire ihyaya. Ahrire ihyeracāhña”,

ni buhere ihquēquina. Sa tiquina ni buheyere mari yuhtigū ti marine yedohoerare. Sa yero sa ijiye buheyere mari yegū ihyo warota ijire. Ti marine wacū tutuana ijigū yerare. Cohācjū pehe marine wacū tutuana ijigū yere. Sa yena tiquiro ye tutuaye mehna tiquirore wacū tutuana ijiya mūsa gūhū.

<sup>10</sup> Cristo mari ñañe buhirire yariahye mari ñañene cohāno taro. Pahia pehe ohō saha niñequina ijire: “Wahiquina mari wejē uḡūa muo, mari ohoyequina mehna yuhdunata”, niñequina ijire pahia. Sa niñequina tiquina ñañe yerire cohānohriquina iji masiedare.

<sup>11</sup> Mari judio masa mari pahia puhtoro Cohācjū ijiri tucū waropu diire ne sajāno wejē siteahye, masa tiquina ñañe yerire cose wero taro. Sa yero tiquiro wejēdiqiro wahiquire pagure ti maca duhtu cahapu uḡūa cohā cāre. <sup>12</sup> Tiquiro yeriro saha Jesu gūhū maca duhtu cahapu yariahye, masa tiquina ñañene tiquiro dii cohāno mehna cose wero taro.

<sup>13</sup> Maca duhtu cahapu tiquiro yariagū ihñañe, tiquina ye buheyere tiquiro cohāgū ihñañe judio masa puhtoa tiquirore ihña tuhtiahye. Sa yena mari gūhū tiquiro mehna cjāna ijiihna. Mari sa ijigū ihñañe, masa mari gūhure ihña tuhtieta. <sup>14</sup> Ahri yehrapu mari iji dooati maca ne mariedare. Mari cameru ijiati macare cohtena niaja mari. <sup>15</sup> Sa yena Jesu yedohoro mehna mari Pacu mehna yahuducujaja mari. Sa yena tiquirore quehnoano sinihna. “Mūhū usā Pacu quehnoagu, tutuagu ijire”, ni, ño peoducuhna. “Jesu yequina ijiaja”, ni, sa niña mari Pacure. Mari sa nigū tiquiro bucuero. <sup>16</sup> Mūsa mehna cjēnare quehnoano yeya. Sa yena tiquinare yedohoya. Tire boeracāhña. Mūsa sa quehnoano yena Cohācjūre ño peona niaga mūsa. Sa yena tiquirore bucuēgū yena niaga.

<sup>17</sup> Mūsa puhtoare quehnoano yuhtiya. Tiquina dutiro sahata yeya. Cohācjū ihña ihbo, buhe dutiro cūre mūsare tiquinare. Sa cūnohriquina ijiye mūsare sa ihña ihboducuye nine “Cohācjūre yuhduducari”, niñe. Cameru mūsare tiquina dutirire, tiquina yerire Cohācjūre yahueta. Sa yena tiquinare quehnoano yuhtiya mūsa. Mūsa sa yuhtigū ihñañe bucuēye mehna mūsare yedohoeta tiquina. Mūsa yuhtieragū ihñañe tiquina bujua witieta. Sa yuhtierana quehnoano ijisi mūsa.

<sup>18</sup> Usāre sini basaducuya Cohācjūre. Decoripe quehnoañe dihitare ye duaja usā. Sa yena “Ñañene yena niaja”, ni tuhotueraja usā. <sup>19</sup> Ahri pūritare tutuaro sini basaya Cohācjūre yuḡure: Sojaro mehna mūsa cahapu yuḡu wahatire tiquirore sini basaya.

#### *Ahri pūre ojoariquire quehnoa duti bato tiahye*

<sup>20</sup> Cohācjū mari puhtoro Jesure yariariquire masoahye. Marine quehnoano ijigū yeriquiro ijire. Tiquiro “Mūsare yuhdudutja”, ni cūahye Cohācjū marine. Tiquiro sa ni cūrire yeriquiro marine yuhdudoriquire Jesu pehe ijire. Mari ñañe buhirire yariahye tiquiro. Sa yero tutuariquire ovejare ihña ihboriquire yero saha ijiro, marine tiquiro yequinare quehnoano ihña ihbore. <sup>21</sup> Sa yero Cohācjū tiquirore masoriquire mūsa gūhure yedohoahro ijipihtiye quehnoañene tiquiro cahmeñene mūsa yeatire. Sa yero Jesucristo yedohoro mehna Cohācjū cahmeno saha ijipihinare marine quehnoañe pehere comesagū yeahro. Sa yena ijipihtiye decori Cristore ño peouhna. Sata yeihna.

<sup>22</sup> Yuḡu acaye, ahrire tutuaro mūsare dutiitja: Ahri pūpu yuḡu yahurire quehnoano mehna tuhoya mūsa. Ahri mūsare yuḡu ojoari pū pajiro ijierare. Sa yena ahrire quehnoano tuhoya. <sup>23</sup> Ahri gūhure mūsare yahutja: Mari acayurore Timoteore peresu ijiriquire wioñohti. Sojaro mehna tiquiro wihigū mūsare ihñagu wahagu tiquirore neagutja. Yuḡu mehna wahaota.

<sup>24</sup> Mūsa puhtoare, ijipihtiequina apequinare Cohācjū yequinare topu ijiyequinare quehnoa dutiaja. Italia cjēna Jesu yequina gūhū mūsare quehnoa dutire.

<sup>25</sup> Ijipihinare mūsare Cohācjū mehna quehnoa dutiaja.



## Santiago

### *Santiago Israe masare macari wahariquinare ojoa ohoahye*

<sup>1</sup> Yũhũ, Santiago ahri pũpũ mũsare quehnoa duti ojoa ohogũ niaja. Mari Pacũ, mari pũhtoro Jesucristo gũhũ cahacjũta ijiaja yũhũ. Sa yegũ Israe masa ye cururi cjãnare doce cururi cjãnare Jesu yequinare macari waharinare yũhũ acaye mũsare ojoa ohogũ niaja.

### *Cohãcjũ pehe quehnoano masigũ yere*

<sup>2</sup> Yũhũ acaye, peye ijietã mũsa ñano yũhdũati. Sa ñano yũhdũepenata quehnoano bucueye mehna tũhotuya. <sup>3</sup> Sa ñano yũhdũana, potota Jesure mũsa wacũ tutuarire ihũona ninata mũsa. Sa yena ñano yũhdũepenata Jesure mũsa quehnoano wacũ tutuana ijina, tiquirore wacũ tutua nemona wahanata. Sa wahana mũsa ñano yũhdũeyere ihcãno sahanata. <sup>4</sup> Sa yena duhuro marieno sa ihcãno sahana ijiducuya mũsa quehnoano tũho masina mũsa ijiatire.

<sup>5</sup> Mũsa masiati dũhsagũ tũhotuna Cohãcjũre siniña. Tiquiro dũhsaro marieno ijipihitiyequinare ohore. Sa ohoro tiquirore siniñequinare sijoro saha nino marieno ohore tiquiro. Tiquiro sa ijiriquiro ijigũ masina, mũsa masiati dũhsagũ tũhotuna, tiquirore siniña. Mũsa sa sinigũ mũsare masi nemogũ yerota tiquiro. <sup>6</sup> Sa sinina Cohãcjũre quehnoano wacũ tutuatjiãna siniña mũsa. “Usã sinigũ Cohãcjũ ohoeraboaga usãre,” ni tũhotueracãhña. Sa ni tũhotuyequina pajiri ma cjẽ pahcõri yero saha ijire. Pahcõri ti usũro comesaro saha tiquina gũhũ tiquina wacũñepũre usũro comesare. Ihcãno saha yerare tiquina. Sa ye Cohãcjũre wacũ tutuerare. <sup>7</sup> Sa ni tũhotuyequinare tiquina siniepegũta ne mehenogã tiquina siniñene tiquinare ohosi mari pũhtoro, Cohãcjũ. <sup>8</sup> Miare ahrire cahmediquiro ijieperota ñamiare sijoro saha tũhoture tja. Sa yeriquiro queoro yerare.

<sup>9</sup> Jesu yequinare ihyo ijieyequinare Cohãcjũ pehe pũhtoa sõnota. Sa ijiatiquina ijieye bucueahro tiquina. <sup>10</sup> Sa ye Jesu yequina doeri cjẽ opana ijieye tiquina ye doeri cjẽ pihtiatire masiñe bucueahro. Ti doeri cjẽ ihyo warota ijire, Cohãcjũ ihñagũ. Cohori ti duita ahba bora dijiaa waharo saha ti doeri cjẽ pihtia waharota. Sa ijieye tiquina gũhũ bucueahro. <sup>11</sup> Asũ mũja taro tiquiro tutuaro asigũ taa pehe ñaia wahare. Sa ye cohoru gũhũ ñai bora dijiaa waha, quehnoañe cohoru ti ijieye pihtia wahare. Sata waharota doeri cjẽ opanare doeri cjẽne tiquina ne cahmecoano watoa. Tiquina, ti doeri cjẽ mehnata butia wahaeta.

### *Ñano ye dutiyere yerariquiro bucueriquiro ijire*

<sup>12</sup> Ñano yũhdũeriquiro ihcãno saharo, ñano ye dutiyere yeraro bucueriquiro ijirota. Tiquiro sa ihcãno saha gũ, tiquiro ñañene yeragũ ijipihitiye decori uhmũsepũ ijiducugũ yerota Cohãcjũ tiquirore. “Sa uhmũsepũ ijiducugũ yeitja”, ni cũahye Cohãcjũ ijipihitiyequinare tiquirore cahĩñequinare. <sup>13</sup> Mũsare apequina ñano ye dutigũ “Cohãcjũ yũhũre ñano ye dutiro nine,” ni tũhotueracãhña. Ñano yeyere tũhoturiquiro ijierare Cohãcjũ. Sa yero tiquiro pehe masare ñano ye dutiriquiro ijierare. <sup>14</sup> Masa ñañene tiquina tutuaro cahmeñeta tita tiquinare ñano yegũ yere. <sup>15</sup> Sa ye ñañene tutuaro cahmene masa. Sa ye ti pehere tũhoture. Sa tũhotuye, ti ñañene yeducure tiquina. Tiquina sa yeducuri buhiri Cohãcjũ tiquinare pecapũ cohãnota.

<sup>16</sup> Sa yena yũhũ acaye yũhũ cahĩna, “Cohãcjũ yũhũre dutigũ ñano yei,” ni tũhotueracãhña. Poto ijierare ti. <sup>17</sup> Mari Pacũ uhmũse cjũno marine quehnoañe dihitaro ohore. Tiquiro pũrita asũ deco cjũnore, ñami cjũnore, ñahpicoha paca gũhũre bajumehnediquiro ijiro, tiquiro pehe tiquiro ijiriro sahata sa ijiducu cãre. <sup>18</sup> Tiquiro cahmediro sahata quehnoañe buheye mehna marine tiquiro pohna wahagũ yeri. Sa yeri tiquiro, tiquiro pohna iji mũhtana marine iji dutiro.

### *Potota Cohãcjũre ño peoye ohõ saha ijire*

<sup>19</sup> Yũhũ cahĩna, yũhũ acaye, ahrire quehnoano tũhoya mũsa. Cohãcjũ yere quehnoano tũhoya mũsa. Sa tũhona, tũhoturo marieno yahuducueracãhña. Sa yena usueracãhña. <sup>20</sup> Ihcãquiro usuariquiro ijigũ tiquiro yerire bucuere Cohãcjũ. <sup>21</sup> Sa yena ijipihtiyere mũsa ñañe yeyere, mũsa ñañene tutuaro cahmedire duhuya mũsa. Sa yena Cohãcjũre quehnoano yũhtina ijina tiquiro buheyere tũho, cahmeña mũsa. Tiquiro ye buheyere mũsa tũho cahmegũ Cohãcjũ pehe mũsare pecapũ wahaborinare yũhdũorota.

<sup>22</sup> Tiquiro yere tũhoepenata yũhtierana ni mehoñene tũhotuna nine mũsa. “Yũhtieragũ quehnoanota,” ni tũhotuna ni mehoñene tũhotuna nine mũsa. Sa yena tiquiro yere tũhona ti pehere yeya. <sup>23</sup> Cohãcjũ yere tũhoepenata, yũhtierana, tiquiro wũhdoare eõno mehna ihñariquiro yero saha ijire mũsa. <sup>24</sup> Tiquiro wũhdoare tiquiro ihñari bato waha, tiquiro ihñarire boaa wahare. <sup>25</sup> Sa yero apequiro pehe tiquiro ihñarire boero saha Cristo ye dutirire tũhoro tire yero, bucueriquiro ijirota. Ti dutiye Cristo cahĩne mehna masare tiquiro yũhdũoati buheye ijire. Ti buheyere ne cohãediquiro bucueriquiro ijirota. Tiquiro pũrita tiquiro tũhorire yeriquiro ijire. Sa yeriquirore quehnoano yerota Cohãcjũ.

<sup>26</sup> Ihcãquiro sa ni maca cãriquiro ijiro, potota Cohãcjũre ño peerare. “Cohãcjũre quehnoano ño peoaja,” ni tũhoturiquiro ijieperota ni mehoñene tũhoture tiquiro. “Cohãcjũre ño peoaja,” nidiquiro ijiepegũta tiquiro ño peoye ne dũhseati ijierare. <sup>27</sup> Ijirota Cohãcjũre mari Pacũre mari ño peona, tiquiro cahmeno saha ño peona, ohõ saha yeaja mari: Pacũsumũa marieñequinare, wape wiha numia gũhũre tiquina ñano yũhdũgũ ihñana, tiquinare yedohoaja mari. Sa yena ahri yehpa cjẽna ñañene tiquina yerire ne ye dueraja mari. Sa yena potota Cohãcjũre ño peonata ijiaja mari.

## 2

### *Masare ihcãno saha quehnoano yero cahmene marine*

<sup>1</sup> Yũhũ acaye, quehnoa yũhdũariquirore Jesucristore mari pũhtorore tũhona, tiquirore wacũ tutuana ijire mũsa. Sa wacũ tutuana masare ihcãno saha quehnoano yero cahmene mũsare. <sup>2-3</sup> Sa ye uru behtorire, omoca sañañe behtorire cũoriquiro, wapa bujũye suhtire sañariquiro mũsa Jesu yequina cahmecoano cahapũ tiquiro ahtagũ ihñana tiquirore quehnoano mehna piti caboaga. “Ohõpũ dujiro ijire,” niboaga mũsa tiquirore. Sa niepenata ti pjeta pejecũoriquiro gũhũ ñano suhti tiriquiro mũsa cahapũ tiquiro ahtagũ ihñana tiquiro pehere quehnoano piti caeraboaga. “Ohõpũ ducuya. O yehpapũ dujiya,” niboaga mũsa tiquirore. <sup>4</sup> Mũsa sa yena masare ihcãno saha yena niedaga mũsa. Sa yena ñañene tũhotuyequina masare beseyequina yero saha ijina niaga mũsa. “Ahriquiro pehe quehnoariquiro ijire. Ahriquiro ñariquiro ijire,” ni besemene mũsa.

<sup>5</sup> Yũhũ acaye, yũhũ cahĩna, yũhũre tũhoya. Peyequina pejecũoyequina pehere Cohãcjũ beseahye. Tiquirore quehnoano wacũ tutuatiquinare, tiquiro pũhtoro ijiorpũre ijiatiquinare beseahye tiquinare. “Topũre wahanata mũsa,” ni cũahye Cohãcjũ tiquirore cahĩnequinare. <sup>6</sup> Tiquinare tiquiro sa besepegũta mũsa pehe pejecũoyequinare quehnoano ño peerare. Doeri cjẽ opana pehe mũsare ñano yere. Sa ye tiquina masare beseriquiro cahapũ mũsare neare mũsare yahusãñe tehe. <sup>7</sup> Mũsa pehe “Cristo yequina,” masa tiquina ninohna ijire. Peyequina doeri cjẽ opana pehe Cristore ñano ni yahuducuyequina ijire. Sa ye pejecũoyequinare mũsa ño peoriro yũhdũoro doeri cjẽ opanare mũsa ño peogũ ñarĩne.

<sup>8</sup> Cohãcjũ dutiye mehna cjã dutirore apeye dutiye bui cjũnogã ijiri dutirore ohõ saha ni ojoahye: “Mũhũ basi mũhũ cahĩno saha mũhũ cahapũ ijiequina gũhũre cahĩña,” nine Cohãcjũ dutiro. Ahri dutirore yena, quehnoañene yere mũsa. <sup>9</sup> Masare ihcãno saha yerana ñano yena nine mũsa. Sa yena Cohãcjũ dutiyere yũhdũdũcana ijire mũsa. Sata nine Cohãcjũ yere tiquina ojoari pũpũ. <sup>10</sup> Cohãcjũ dutiyere yena ijiepenata ihcãno dutirogãre mũsa yeragũ apeye dutiyere mũsa yeppegũta dũhseati ijierare. Sa yena ñañe buhiri tina ijinine mũsa. <sup>11</sup> “Apequiro namono mehna ñano yeracãhña,” ni, mũsare dutiriquiro Cohãcjũta ijire. “Masare wejẽdacãhña,” nidiquiro tiquirota ijire

Cohācjǎ. Apequiro namono mehna ñano yerapenata masunore wejēna Cohācjǎ dutiyere yuhduɔcana ijire mɔsa.

<sup>12</sup> Cristo marine tutuaro cahīno, marine dutire marine yuhduoro taro. Tiquiro dutiyere mari yerire, mari yerari gǎhure ihñano marine besero ahtarota. Tiquiro sa besenohanaja ijina tiquiro dutiyere quehnoano yeihna. Sa yena tiquiro cahmeno sahata yahuducuuhna mari. <sup>13</sup> Yojopure mari apequinare paja ihñedagǎ Cohācjǎ pehe masare tiquiro beseri pje ijigǎ marine paja ihñasi. Sa yena apequinare mari paja ihñagǎ Cohācjǎ pehe marine paja ihñano, marine buhiri dahresi.

*Cristore wacū tutuayequina pehe quehnoañene yere*

<sup>14</sup> Yuhɔ acaye, tuhoya mɔsa. “Cristore wacū tutuaja yuhɔ,” ihcāquiro tiquiro ni tuhotepegǎta tiquiro quehnoañene yeragǎ tiquiro sa nimeri pehe ne duhseati ijierare. Sa ni wacū tutua maca cāriquirore Cohācjǎ yuhduosi. <sup>15-16</sup> Jesu yaquiro, Jesu yacoro ñaño suhti dihita tiquina cuogǎ ihñana, tiquina ihyati mariedagǎ ihñana, duhse yeajari mɔsa tiquinare apee boro cuona ijina? “Quehnoano ijiya mɔsa. Sa yena quehnoano suhti sañaña. Sa yena quehnoano ihya yapi iji cǎhña,” niepenata tiquina cahmeñene mɔsa ohoeragǎ mɔsa sa nimeri ne duhseati ijierare. <sup>17</sup> Sa yena “Cristore wacū tutuaja,” mɔsa niepegǎta quehnoañene mɔsa yeragǎ Cristore mɔsa wacū tutuaye ne duhseati ijierare.

<sup>18</sup> Mɔsa mehna cjūno ahri yuhɔ buherire tuho dueraro ohō saha masiahdo. Quehnoañene yeraperota “Cristore wacū tutuaja,” niboaga tiquiro. Quehnoañene yeraro Cristore tiquiro wacū tutuayere apequinare masigǎ ye masiedare. Quehnoañene yeriquiro pūrta quehnoañene tiquiro yeye mehna Cristore tiquiro wacū tutuayere masigǎ ye masine. <sup>19</sup> “Cohācjǎ ihcāquirota ijire,” ni tuhature mɔsa. Mɔsa sa ni tuhotegǎ quehnoarīne. Sa ijiepegǎta to punota Cohācjǎre yuhuro marieno tiquirore mɔsa masigǎ ti duhseati ijierare. Watīa gǎhɔ mɔsa tuhuro sahata tuhoteñohti. Sa ijiye Cohācjǎ tiquiro ijiye tiyere masiñohti tiquina. Sa masiñe, cue, nanareñohti. <sup>20</sup> Ihcāquiro quehnoañene yeraperota “Cristore wacū tutuaja,” ni tuhoturiquiro ijiro tuho masieniquiro ijire. Cristore wacū tutuamediquiro quehnoañene yeraro potota Cristore wacū tutuerare.

Ohō saha ni yahutja mɔsare ahrire: <sup>21</sup> Abrahā mari ñecɔ mɔnano tiquiro macɔno Isaac wame tiriquirore wejē basamahye Cohācjǎre. Sa yero tiquirore utā paca mehna tiquina yeri buhu bui duhu peomahye. Sa duhu peoro Cohācjǎ dutiriro sahata tiquiro macunore wejēno taro nimahye Cohācjǎre ño peoro taro. Tiquiro sa yegǎ ihñano “Potota quehnoariquiro ijire,” ni ihñahye Cohācjǎ tiquirore. <sup>22</sup> Tiquiro sa ni ihñagǎ ahrire masine mɔsa: Abrahā Cohācjǎre wacū tutuaro tiquirore yuhthahye. Sa yuhuro Cohācjǎre tiquiro wacū tutuayere ihñono niahye. <sup>23</sup> Sa yero Cohācjǎ yere tiquina ojoari pūrɔ tiquiro nidiro sahata sa wahahye: “Abrahā Cohācjǎre wacū tutuahye. Tiquiro sa yegǎ ihñano ‘Quehnoariquiro ijire tiquiro’, ni ihñahye Cohācjǎ tiquirore”, ni ojoahye Cohācjǎ yere tiquina ojoari pūrɔ. Tiquiro sa ni ihñagǎ masiñe “Abrahā Cohācjǎ mehna cjūno ijire”, nine masa tiquirore.

<sup>24</sup> Sa yena ahri yuhɔ yahuatire masine mɔsa: “Cohācjǎre wacū tutuaja,” nidiquiro, tiquiro quehnoañene yeragǎ ihñano Cohācjǎ pehe tiquirore “Quehnoariquiro ijire,” ni ihñedare. Cohācjǎre wacū tutuariquiro pehere potota tiquiro quehnoañene yegǎ ihñano “Quehnoariquiro ijire,” ni ihñare Cohācjǎ tiquiro pehere. <sup>25</sup> Sata ni ihñahye Cohācjǎ Rahab wame tiricorore umɔa mehna ñano yeducumedicorore. Josué mɔnano tiquiro ohoriquinare quehnoano piti ca, “Quehnoano sajā taya,” niahye ticoro. Sa yero tiquina tojoa duagǎ ticoro pehe ape maha pehere ihñohye tiquinare “Tiquinare ihña tuhtiequina wejēari,” nino. Ticoro sa yegǎ ihñano “Quehnoaricoro ijire,” ni ihñahye Cohācjǎ ticorore.

<sup>26</sup> Sata ijire. Mari pagupure jeripohna mariedagǎ catieraja mari. Sa yero jeripohna mariedagǎ mari pagu duhseati ijierare. Sata “Cohācjǎre wacū tutuaja,” mari niepegǎta mari quehnoañene yeragǎ queoro ijierare mari wacū tutuaye. Sa yero mari

quehnoañene yeye mariedagũ mari wacũ tutuaye dũhseati ijierare, jeripohna marieni pagũ yero saha.

### 3

*Mari dũseropũ wijiayere mari yahuducuyere yahuahye*

<sup>1</sup> Cohãcjũ yere masare buheyequina tiquiro yere tiquina quehnoano yeragũ ihñano tiquina pũritare masare buheeyequina yũhdũoro Cohãcjũ buhiri dahrerota. Tire mũsa masine. Sa yena mũsa mehna cjẽna masare buheyequina peyequina ijieracãhdo.

<sup>2</sup> Ijipihtiequina peye tahari mari ñañene yeaja. Ihcãquiro ñañene yahuducueriquiro Cohãcjũ cahmeñene quehnoano yeriquiro ijire tiquiro. Sa yero apeye ñañe gũhũre yerare.

<sup>3</sup> Ohõ saha ijire ahri mari queoye mehna buhegũ: Caballo dũseropũ come pjĩ tiquiro ñehmenore ña dihori pjĩne mari cũaja, tiquirore mari majareducagũ yena tana. Sa yena ti pjĩ come pjĩ mehna tiquirore tiquiro wahatorũ mari weje majare docoaja. Ti pjĩgã meheni pjĩgã ijiepegũta ti pjĩgã mehna tiquirore wahagũ yeaja mari. Sata mari dũsero mehenogã ijiepegũta ti dũsero mehna pajiro yeaja mari.

<sup>4</sup> Yucũsa quiti mehna queoye mehna yahu nemoutja mũsare: Yucũsa pajiria ijiepegũta tiare wihnono tutuaro wẽdoqueoepegũta ohoturiquiro pehe meheni pjĩgã mehna tiare noho tiquiro waha duaropũ ohoture. <sup>5</sup> Sata ijire mari dũseropũ wijiaye. Mari dũsero mehenogã ijiepegũta ti dũsero mehna pajiro yeaja mari. Meheni pecagã pajiro ti peca ẽjũ cãno saha mari dũsero mehna mari yahuducuye mehna pajiro ñañene yeaja. <sup>6</sup> Sa yero mari dũsero ẽjũri peca yero saha ijire. Mari dũseropũ wijiaye ijipihtie ñañene yegũ yere marine. Peca ẽjũ dũcaro saha mari dũseropũ wijiaye mehna mari quehnoano ijiborire ña yũhdũaro yeaja mari. Ñañene yahuducuna watĩno tiquiro dutiro saha mari yena niaja.

<sup>7</sup> Ijipihtiequinare nũcũ cjẽnare wahiquinare, minicjũare, sihcõ cãhñequinare, wahire mari ihña wahãgũ ye masiaja. Sa yena mari peyequina tiquina borore ihña wahãgũ ye tuhasaũ. Sa ye tiquina quehnoano tuho masine. <sup>8</sup> Tiquinare mari yũhtigũ yepegũta mari dũsero pehe ñañene yahuducuro ne duhuera yũhdũare. Sa yero nuñequinare mari yũhtigũ yero saha mari dũsero pehere ne yũhtigũ ye masiedaja mari. Mari dũseropũ wijiaye ña yũhdũaye ijire. Sa yero aña apequinare tiquiro wejẽno saha marine apequina gũhũre ña yũhdũaro wahagũ yere mari dũsero.

<sup>9</sup> Mari dũsero mehna Cohãcjũ mari pũtoro mehna mari quehnoano yahuducuaaja. Sa yahuducuepenata masa Cohãcjũ yero saha ijieyequinare tiquiro bajumehnediquina tiquina ijiepegũta tiquinare ña yũhdũaro ni yahuducuaaja mari. <sup>10</sup> Ihcã dũseropũta quehnoañene yahuducuye gũhũ, ñañene yahuducuye gũhũ wijiare. Yũhũ acaye, sa ni yahuducueracãhña. <sup>11</sup> Mágã pohterũ aco wijiari coperũ quehnoañe aco, ñañe aco gũhũ ne wijiare. <sup>12</sup> Yũhũ acaye, higuera gũ olivo pacare dũca tierare. Sa yero ũhse da higuera pacare dũca tierare. Sa ye moreno mehna pũe paca dũca tierare. Sa ye mágã pohterũ aco wijiari coperũ moa yũaye co wijiagũ moa marieñe co wijiare. Sata mari dũseropũ quehnoañe yahuducuye, ñañe yahuducuye mehna wijiarecãhdo.

*Quehnoano masiñe waro ohõ saha ijire*

<sup>13</sup> Ihquẽquina mũsa mehna cjẽna quehnoano masiñequina ijire. Sa yena “Apequina yũhdũoro quehnoano masiaja usã,” niedacãhña. Sa niedana quehnoañene yeya mũsa. Sa quehnoano yena potota quehnoano masina ijire mũsa. <sup>14</sup> Sa yena apequiro apee borore tiquiro cũogũ ihñana cahme ihña coona, apequina mehna usuaducuna, apequinare yũhdũdũca duana, “Cohãcjũ yere quehnoano masiaja usã,” niedacãhña mũsa. Mũsa sa nina ni mehona ijire mũsa. <sup>15</sup> Sa yeyequina tiquina wacũñe Cohãcjũ ye wacũñe ijierare. Tiquina wacũñe ahri yehpa cjẽna tiquina ñañe wacũñe ijire. Tiquina wacũñe pehe watĩno ye ijire. <sup>16</sup> Masare cahme ihña cooyequina, apequinare yedoho dueyequina sa cahme tuhtiducure. Sa ye ijipihtie ñañene yeducure.

<sup>17</sup> Apequina pehe Cohãcjũ yere quehnoano masiñequina pehe tiquina pũrita sa ye maca quẽhe niedare. Sa ye tiquina ne cahme tuhtierare. Sa ye masa quehnoañequina, dutiyere quehnoano yũhtiyequina, paja ihñañequina, masare yedohoyequina, masare ihcãno saha yeyequina ijire tiquina. Tire yeye, ni mehono marieno yere tiquina. <sup>18</sup> Sa yena cahmequeno marieno ijina, apequinare “Cahmequedacãhña,” mari ni yahuna quehnoañequina wahagũ yena niaja mari masare.

#### 4

*Ahri yehpa cjẽ* ñañene cahmena, Cohãcjũre ihña tuhtina ijire m̄sa

<sup>1</sup> ¿Dũhse ijiro boro m̄sa cahme tuhtiajari? ¿Sa yena dũhse ijiro boro cahmequeajari m̄sa? Ñañene tutuaro cahmena, cahmeque duare m̄sa. Quehnoañene ye duepenata ñañene yere m̄sa. <sup>2</sup> Apee borore m̄sa cahmene. Sa cahmena masare wejẽne m̄sa tiquina yere nena tana. Sa yena apequiro apee borore tiquiro c̄ogũ ihñana tire m̄sa tutuaro cahmene. Sa cahmepenata tire nea masiedare m̄sa. Sa yena tire cahme sehña soducure m̄sa. Cohãcjũre siniedana, m̄sa cahmeñene ne bocaerare. <sup>3</sup> Sa yena Cohãcjũre sinina, m̄sa ye ijati dihitare sinimene m̄sa, m̄sa cahmeno sahata yeducuna tana. Apequina ye ijati pehere sini basaerare. Sa m̄sa sinigũ Cohãcjũ m̄sa siniñene ohoerare.

<sup>4</sup> Cohãcjũre duhurina ijire m̄sa. Ahri yehpa cjẽ ñañene cahmena, Cohãcjũre ihña tuhtire m̄sa. ¿Tire masiedajari m̄sa? Sa yero ahri yehpa cjẽ ñañene cahmediquiro Cohãcjũre ihña tuhtiriquiro iji tuhasare. <sup>5</sup> Ohõ saha niahye Cohãcjũ yere tiquina ojoari pũpũ: “Cohãcjũ yaquiro Espĩritu Santore mari mehna ijiatiquirore cũri. Sa yero Espĩritu Santo pehe marine cahño, ñañene mari tutuaro cahmepegũta cahmesãedare tiquiro. Ihcãquiro namonore tiquiro cahĩ doero saha marine tutuaro cahĩne Espĩritu Santo”, ni ojoahye panopũ. Tiquiro sa ni ojoari ihyo warota ijierare. Poto ijirota nine.

<sup>6</sup> Sa yero Cohãcjũ marine quehnoano yedohore tiquirore mari quehnoano yũhtiatire. Ohõ saha nine Cohãcjũ yere tiquina ojoari pũpũ: “Yũhũ pũrita apequinare masi yũhdũdũcaja,’ nidiquirore, Cohãcjũ ihña tuhtire. Apequiro pehere ‘Ñagũ, ihyo ijigu ijiaja,’ nidiquiro pehere Cohãcjũ yedohore, tiquirore quehnoano yũhti dutiro”, nine tiquiro yere tiquina ojoari pũpũ.

<sup>7</sup> Sa yena Cohãcjũre quehnoano yũhtina ijiya m̄sa. Sa yena watĩnore yũhtieracãhña. Sa m̄sa yũhtieragũ ihñano tiquiro pehe m̄sare duhti oma cãa waharota. <sup>8</sup> Cohãcjũre quehnoano yũhtiya m̄sa. M̄sa sa yegũ tiquiro pehe m̄sare yedohorota.

Ñana ijire m̄sa. Sa yena ñañene ye nemoedacãhña. Ñañe gũhũre cahmena, quehnoañe gũhũre cahmena ijire m̄sa. Sa yena m̄sa ñañe yerire bujũa witiya. M̄sa sa yegũ ihñano Cohãcjũ m̄sa ñañe yerire cohãnota. <sup>9</sup> M̄sa ñañene yerire tutuaro bujũa witiya. Sa yena m̄sa ñañe yeri buhirire utiya. Bucueye mehna bujũa ijieracãhña. Sa yena m̄sa ñañe yerire ñano jeripohna tina, tire bue tina ijiya. <sup>10</sup> “Ñagũ ihyo ijigu ijiaja yũhũ”, nina, Cohãcjũre ño peoya. M̄sa sa yegũ tiquiro pehe m̄sa ñañe yerire cohãno, quehnoano yerota m̄sare.

*Tiquina acayere Jesu yequinare tiquina basi ñano qiti ye dutierahye*

<sup>11</sup> Yũhũ acaye, Jesu yequina ijina, m̄sa basi ñano qiti yeracãhña. M̄sa acayũrore ñano qiti yena tiquirore buhiri dahre duti duana niaga m̄sa. Cristo ye dutiye pehe masare buhiri dahre dutiye iji tuhasare. Sa yena masare ñano qiti yena Cristo ye dutiyere ohõ saha nina niaga m̄sa: “Marine quehnoano dutierare Cristo ye. Sa yena mari esa tuharo buhiri dahre dutiĩhna”, nina niaga m̄sa masare ñano qiti yena. Sa nina Cristo ye dutiyere ñano ni yahuducuna tojoare m̄sa. Sa yena ti dutiyere yerana tojoare. <sup>12</sup> Masare dutiyere ohoriquiro, masare beseriquiro Cohãcjũta ijire. Sa yero masare pecapũ wahaboriquinare tiquirota yũhdũo masine. Sa yero tiquirota masare pecapũ cohã masine. Sa yena mari pehe masare “Ñañequina ijire”, ni masiedaja. Cohãcjũ dihita mari acayere beseatiquiro ijire.



*Ñamiare* dũhse mari ijiatire masiedaja mari

<sup>13</sup> Yojoꝑũre yũhũre tũhoya mũsa. Ohõ saha nina tũhoya yũhũre: “Miare, ñamiare aꝑe macarũ ijina wahanata. Topũre ihcã cũhma ijina, aꝑe boro dua, dũnata. Sa yena wapatanata mari”, nine ihquẽquina mũsa mehna cẽna Cohãcjũre wacũno marieno. Sa nina ijina, yũhũ pehere tũhoya mũsa. Sa niñequinare ahrire yahugũ tagũ niaja. <sup>14</sup> Ñamiarũ dũhse mũsa ijiatire masiedare mũsa. Ehmeo iji, duita pihti mũjano saha ijire mari ijiye tiye. Ehmeo mehenogã iji, pihtia wahare. Ohõ saha mari gũhũ mehenogã ijina, yariaa wahanata. <sup>15</sup> Sa yena ohõ saha ni tũhotuya mũsa: “Cohãcjũ cahmegũ ijinata mari. Sa yena tiquiro cahmegũ ohõ saha yenata mari”, ni tũhotuya mũsa. <sup>16</sup> Yũhũ sa niepegũta yojoꝑũre “Mari esa tuharo ohõ saha yenata”, niducumene mũsa pehe Cohãcjũre wacũno marieno. Sa niducuna ñañene yere mũsa. <sup>17</sup> Quehnoañene mari yeatire masiepenata tire yerana, ñañene yena niaja mari.

## 5

*Doeri* cjẽ opanare yahuahye Santiago

<sup>1</sup> Doeri cjẽ opana mũsa yojoꝑũre tũhoya yũhũre. Camerũre mũsa ñano yũhdũnata. Sa yena uti sañuducuya mũsa. <sup>2</sup> Mũsa doeri cjẽ ahba pihtia waharota. Sa ye mũsa suhtire casia gũhũ ihya pehoeta. <sup>3</sup> Mũsa niñerure mũsa pajiro ihbogũ ne ti dũhseati ijierare. Pihtiri deco panogã mũsa sa ihbogũ ihñano niñerure mũsa cahĩgũ masine Cohãcjũ. Sa yena niñerure mũsa cahĩdi buhiri pihtiri deco ijigũ ñano yũhdũnata pecarũ mũsa Ƶjũgũ mũsa pagũre Ƶjũ pjero saha. <sup>4</sup> Mũsa weserire dahra cohteyequinare wapa yerari mũsa. Sa yena mũsa tiquinare ni mehorì. Sa yero tiquinare mũsa wapa yerari niñerure ihñano, mũsa ni mehorire masine Cohãcjũ. Mũsare dahra cohteyequina wapa ye dutiye, sañuducure tiquina. Tiquina sa ni sañuducugũ mari pũhtoro Cohãcjũ tutua yũhdũariquiro tiquinare tũhore. <sup>5</sup> Ahri yehpapũre peye doeri cjẽ mehna ijie tiri mũsa. Sa yena mũsa bucueye dihitare yee tiri mũsa. Sa yena pajiriquiro wecũ tiquina quehnoano nuriquiro yero saha ijire mũsa. Sa ye pajiriquiro wecũ pajiro tiquiro ihyari bato tiquirore tiquina wejẽati cultupũ ne cãre. Sata mũsa gũhũre pajiro mũsa cũori bato mũsare tiquiro buhiri dahreatorũ ne cãnota Cohãcjũ. <sup>6</sup> Quehnoañequinare peresu ye, wejẽ dutiri mũsa tiquinare. Mũsa sa yegũ tiquina pehe duhti wijia masiedare.

*Cristo tiquiro tojoa tatire quehnoano cohte dutiahye marine Santiago*

<sup>7</sup> Sa yena yũhũ acaye, mari pũhtoro Cristo ahri yehpapũre tiquiro tojoa tatire quehnoano cohteya. Wese upũro tiquiro oteye dũca tiati pjere quehnoano tiquiro cohtero saha quehnoano cohteya. Tiquiro oteyepũre “Acoro ahtaahro” nino tiquiro ya wesere ti quehnoano piñiatire quehnoano cohtere tiquiro. <sup>8</sup> Sata mũsa gũhũ quehnoano cohteya. Mari pũhtoro tiquiro tojoa tato mehenogã dũhsare. Sa yena Cohãcjũre sa wacũ tutuaducuya mũsa. Sa yena tiquiro ahtatire sa cohteducuya mũsa. <sup>9</sup> Yũhũ acaye, mũsa basi ñano quiti yeracãhña Cohãcjũ mũsare “Buhiri dahreari”, nina. Sa yena ahrire wacũña mũsa. Buhiri dahreatiquiro tiquiro ahtato mehenogã dũhsare. <sup>10</sup> Yũhũ acaye, ñano yũhdũepenata mari pũhtoro quehnoano cohteya Cohãcjũ yere yahu mũhtariquina tiquina yeriro sahata. Tiquina ihcãno saharìro sahata ihcãno sahaya, tiquinare ihña cũna.

<sup>11</sup> Sa yena ahri yũhũ yahuatire wacũña mũsa. Ñano yũhdũepeta Cohãcjũre duhueyequina bucueyequina ijire. Panorũ cjũnore Job wame tiriquire tũhori mũsa. Tiquiro ñano yũhdũeperota Cohãcjũre duhuerahye. Sa yero tiquiro ñano yũhdũri bato Cohãcjũ tiquirore quehnoano yeahye. Cohãcjũ mari pũhtoro quehnoano paja ihñariquiro ijiro, sata yeahye tiquiro. Ti ijipihtiyere masine mũsa.

<sup>12</sup> Yũhũ acaye, ahrire tũhoya. Ohõ saha ni wame peore masa: “Ʋhmũse cjũno mehna poto nina niaja”, nine masare tũho dutiye. Tiquina yero saha sa ni wame peoracãhña. Ʋhmũse mehna, ahri yehpa mehna, aꝑe boro mehna sa ni wame peoracãhña. Ahrire mũsare tutuaro dutiaja. Mũsa aꝑequinare yahuna, quehnoano potota yahuya tiquinare.

Ni wame peo yahu nemoedacãhña. Sa m̄sa poto yahugũ ihñano Cohãcjũ sijoro saha m̄sa nidi buhirire buhiri dahresi.

<sup>13</sup> M̄sa mehna cjũno ñano yũhdũriquiuro ijero, Cohãcjũre siniahdo tiquiro. Apequiuro bucueriquiuro ijero Cohãcjũre bucueye mehna basaahro. <sup>14</sup> M̄sa dohatina, Jesu yequina pũhtoare pijioya m̄sa. M̄sa sa pijiogũ tiquina pehe m̄sare Ʃhse mehna wisõeta. Sa yeye mari pũhtoroore Cohãcjũre m̄sare sini basaeta tiquina. <sup>15</sup> Sa tiquina sini basagũ “Mari sinino sahata tiquiro yerota”, tiquina ni tuhutugũ Cohãcjũ m̄sare dohatinare yũhdũorota. Sa yero m̄sare quehnoana wahagũ yerota mari pũhtoro. Sa ye m̄sa ñaãe yeri buhiri m̄sa dohatina ijigũ ihñaãe m̄sare sini basaeta. Tiquina sa sini basagũ ihñano m̄sa ñaãe yerire borota Cohãcjũ. <sup>16</sup> Sa yena m̄sa mehna cjẽnare m̄sa ñaãe yerire cahme p̄a peheri yahu yũhdũya. Sa yena m̄sa basi Cohãcjũre cahme sini basaya. M̄sa sa sini basagũ m̄sa sini basariquinare Cohãcjũ yũhdũorota. Quehnoañene yena m̄sa ijigũ Cohãcjũre tutuaro m̄sa sini basariro sahata yerota Cohãcjũ. Sa ye m̄sa sini basaye tutuarĩaga. Ihyo ijiye ijierare. <sup>17</sup> Cohãcjũ yere yahu m̄htariquiuro m̄nano Elia wame tiriquiuro mari yero sahata masũno ijie tiahye. Sa yero “Acoro ahtaeracãhdo” ni tutuaro siniahye Cohãcjũre. Tiquiro sa ni sinigũ ihtia cũhma quehnoano ape cũhma deco ahri yehpap̄re ne acoro ahtaerahye. <sup>18</sup> Sa yero pari turi tja Cohãcjũre acoroore tiquiro sinigũ acoro ahtahye. Sa yero pari turi ahri yehpap̄a yucuri pihni, b̄cua, d̄ca tiahye. Sa ye Cohãcjũre mari siniãe ihyo ijiye ijierare.

<sup>19</sup> Yũhũ acaye, m̄sa mehna cjũno Cohãcjũ yere cohãriquiuro Cohãcjũ yere pari turi tiquiro cahmeatire tiquirore yahuna, quehnoano yena nine m̄sa. <sup>20</sup> Sa yena ahrire masiãa m̄sa: Cohãcjũre duhuriquiuroore Cohãcjũre pari turi cahmegũ yena, pecap̄a wahaboriquiurore yũhdũgũ yena niaga m̄sa. Sa yero tiquiro ñaãe yerire Cohãcjũ borota.

## 1 San Pedro

### *Jesu yequinare macari wahariquinare ojoa ohoahye Pedro*

<sup>1</sup> Yuhñ, Pedro, Jesucristo tiquiro buhe duti cūriguta ijiaja. Sa yegũ mūsare yoaro cjẽ macaripũ waharinare Ponto yehpapũ, Galacia yehpapũ, Capadocia yehpapũ, Asia yehpapũ, Bitinia yehpapũ ti yehparipũ waharinare mūsare ijipihinare ojoa ohoaja yuhñ. Mūsare quehnoa duti ojoaja yuhñ. <sup>2</sup> Coã waropũre Cohãcjũ mari Pacũ “Ohõ saha yeitja”, tiquiro ni wacũyuriro sahata mūsare beseahye. Tiquiro sa beseri bato tiquiro yaquiro Espíritu Santo mūsare Cohãcjũ yequina ijigũ yeahye. Sa yeahye tiquiro Jesucristore quehnoano yũhtiana mūsa ijiatire, tiquiro dii cohãno mehna mūsa ñañene cosenohrina mūsa ijiatire. Cohãcjũ cahĩne mehna tutuaro quehnoa dutiaja mūsare.

### *Jesu yequina ijina marine* ãhmũsepũ tiquiro neatire cohtena niaja mari

<sup>3-5</sup> Cohãcjũ marine tutuaro paja ihñano, Jesucristo yaria masa mũjari mehna marine pecapũ wahaborinare yũhdũgũ yere tiquiro. Sa marine yũhdũgũ tiquiro yegũ pari turi mari masa bajuariro saha Cohãcjũ pohñata wahaja mari. Sa wahana tiquiro mehna mari sa ijiducuatire quehnoano masiaja mari. Sa yero mūsare quehnoano yero taro mūsare cohtero nine. Tiquiro mehna mūsa sa ijiducuatire cūnota tiquiro. Sa yena sa ijiducunata mūsa. Sa yero tiquirore mūsa wacũ tutuagũ, Cohãcjũ tiquiro tutuaye mehna mūsare ihña ihboro, yũhdũgũ yerota. Pihñtari deco ijigũ mūsare tiquiro yũhdũorire masigũ yerota tiquiro. Marine tiquiro sa paja ihñagũ ihñana, tiquirore Cohãcjũre mari pũhtoro Jesucristo pacũrore ño peouhna.

<sup>6</sup> Sa tiquiro yũhdũoana ijina, mehenogã ahri yehpapũ mūsa ijiro puno peye tahari mūsa ñano yũhdũepenata bucuere mūsa. <sup>7</sup> Sa ñano yũhdũepenata Cohãcjũre cohãedana mūsa tiquirore wacũ tutuaye potota ti ijigũ tire masigũ yena niaga mūsa. Uru ahri yehpa cjẽ pũrita pihñtia waharota. Uru yũhdũoro mūsa wacũ tutuaye pehe ihyo waro ijierare. Sa ye masa uru ti ijiyere masi duaye doha tuhu ihñare. Urure tiquina doha tuhu ihñano saha mūsa wacũ tutuayere Cohãcjũ ihña duaro “Ñano yũhdũahro”, niboaga mūsare. Mūsa sa ñano yũhdũuri bato potota tiquirore mūsa quehnoano wacũ tutuaducugũ ihñano, Cristo ño peoye mehna mūsare “Quehnoano yeri mūsa”, ninota. Ahri yehpapũ tojoa taro sa ninota.

<sup>8</sup> Tiquirore Jesucristore mūsa ihñedapenata cahĩne mūsa. Sa yena yojopũre tiquirore ihñedapenata tiquirore wacũ tutuare. Sa wacũ tutuana, tutuaro bucuere mūsa. Cohãcjũ tiquiro sa mūsare bucuegũ yegũ tutuaro bucuere mūsa. Ti bucueye quehnoa yũhdũare. <sup>9</sup> Sa yero Cohãcjũ mūsare pecapũ wahaborinare yũhdũgũ yerota, mūsa tiquirore quehnoano wacũ tutuagũ.

<sup>10</sup> Cohãcjũ mūsare tiquiro sa yũhdũoatire panopũ cjẽna Cohãcjũ yere yahu mũhtariquina tire masi duaye, sinitue tiahye. <sup>11</sup> Cristo tiquiro ñano yũhdũatire, tiquiro masa mũjatire, ijipihñtiyequina pũhtoro tiquiro ijiatire tiquiro masa bajuato panopũta tire yahuyu tuhasae tiahye tiquina. Jesucristo yaquiro Espíritu Santo tiquiro yedohoye mehna sa yahuyuahye tiquina. Sa ye tiquina Cohãcjũ yere yahu mũhtariquina tiquina yahurire quehnoano masi duaye sinitue tiahye tiquina Cohãcjũre. “Cristo wihirota”, Espíritu Santo tiquiro nidire “¿Noa boro pehe ijirrotari?” ni sinitue tiahye tiquina. Tiquiro wihiati pje gũhũre sinitue tiahye. <sup>12</sup> Tiquina yahuyuri tiquinare masi pehogũ yeati ijierahye. Maripũre masi pehogũ yeatire sa ni yahue tiahye. Tire tiquinare masigũ yeahye Cohãcjũ. Ëhmũsepũ ahtariquiro Espíritu Santo yedohoye mehna yojopũre quehnoañe buheyere mūsare usã yahuaaja. Panopũ mūsa masiatire tiquina yahuyuri tita ijire yojopũre mūsare usã yahuye. Ti buheyere angele gũhũ tutuaro masi duae tiahye.

*Cohãcjũ* marine ñañe mariena iji dutire

<sup>13</sup> Sa yena quehnoano wacū masitjiāna ijyuyua m̄sa. Sa yena tuho masina ijiya. Cristo tiquiro tojoa tagū Cohācjū m̄sare quehnoano tiquiro yeatire wacūña. Sa yena tire quehnoano cohteya. <sup>14</sup> Panop̄ Cohācjūre masiedarīna ñañene tutuaro cahmena ijimedi m̄sa. Yojoṗ̄re tire yeracāhña. Sa yena tiquina pohne tiquina pac̄sum̄are quehnoano tiquina yuhtiro saha yeya m̄sa. <sup>15</sup> Sa yena tiquiro yequina ijiatire m̄sare beseriquiro ñañe marieniquiro tiquiro ijiro sahata m̄sa gūh̄ ñañe mariedacāhña. Sa yena quehnoañe dihitare yeya. <sup>16</sup> Sata ni ojoahye Cohācjū yere tiquina ojoari p̄p̄: “Ñañe mariegū ijiaja yuh̄. Yuh̄ sa ijigū m̄sa gūh̄ ñañe mariena ijiya”, ni, ojoahye.

<sup>17</sup> Tiquiro Cohācjū ijipihtiyequinare tiquina yerire ihñano ihcāno saha besere tiquinare. Ñañequinare, quehnoañequinare besere. Tiquiro sa yeriquiro ijigū tiquirore “Yuh̄ Pac̄” ni duana quehnoano yeya. Ahri yehpap̄ m̄sa ijiro puno cua pesaro mehna quehnoano ijiducuya m̄sa. <sup>18</sup> M̄sa ñec̄sum̄a m̄na panop̄ cjēna tiquina yeri ne d̄hseati ijierahye. M̄sa gūh̄ tiquina yeriro saha yena m̄sa ijiepegūta Cristo m̄sare tiquiro yequina ijigū yeri. Wapamoñequinare tiquina wapamorire tiquina boriro sahata tiquiro pehe m̄sa ñañe yerire potota bo cāhri. Tire quehnoano masine m̄sa. M̄sare sa yero plata mehna, uru mehna wapa ye wioerare tiquiro m̄sare sa yero. Plata, uru butia waharota. <sup>19</sup> Tiquiro pehe oveja quehnoariquiro, wete marieniquiro yero sahata ijiriquiro Cristo tiquiro dii mehna tiquiro yariari mehna m̄sa ñañe yerire cohā, m̄sare yuh̄d̄orota. Tiquiro dii mehna marine sa yero quehnoano waro yero nidi. <sup>20</sup> Panop̄re ahri yehpare tiquiro bajumehneato pano Cristo tiquiro sa wahatire masi tuhasahye mari Pac̄. Yojoṗ̄ pehere pihtiati deco panogā ijigū, Cristore quehnoano masigū yeri mari Pac̄ m̄sare. <sup>21</sup> Cristo yedohoro mehna mari Pac̄re wacū tutuare m̄sa. Mari Pac̄ pehe Cristore yariariquirore masori jiri. Sa yero tiquirore uhm̄sep̄ cūno ijipihtiyequinare tiquirore ño peogū yeahye mari Pac̄. Tiquiro sa yegū mari Pac̄re wacū tutuare m̄sa. Sa yena m̄sare tiquiro yuh̄d̄oatire quehnoano masine m̄sa.

<sup>22</sup> Quehnoañe buheyere tiquiro nidiro sahata yena ijina, m̄sa ñañe yerire cohānoh-rina ijire m̄sa. Sa yena potota mari acayere Jesu yequinare cahī masine m̄sa. Sa yena m̄sa mehna cjēnare m̄sa jeripohnari mehna tutuaro cahīña. <sup>23</sup> Sa yena coā bajuayequina yero saha ijina Cohācjū pohna wahari m̄sa. Mari pac̄sum̄a mehna masa bajarina ijina came yarianata. Ti yero saha ijierare Cohācjū pohna m̄sa wahagū. Cohācjū buheye mehna tiquiro catigū yeye buheye mehna tiquiro pohna wahari m̄sa. Ti buheye mehna Cohācjū mehna sa ijiducunata mari. <sup>24</sup> Ohō saha nine Cohācjū yere tiquina ojoari p̄p̄:

Ijipihtiyequina masa taa yero saha ijire. Sa ye quehnoañe tiquina c̄oye, taa cohorī yero saha ijire. Taa ñaia wahare. Cohorī gūh̄ buru dijia, ahbaa wahare. Ti yero saha yariare masa gūh̄. <sup>25</sup> Mari puhtoro ye buheye pehe ne pihtisi. Tiquiro nidiro sahata sa waharota, ni ojoahye.

Ti buheye m̄sare tiquina yahuri quehnoañe buheyeta ijire.

## 2

<sup>1</sup> Sa yena ijipihtiye ñañe yeyere, ni mehoñene, masa ihñono dihita quehnoano iji mehoñene, apee borore tiquina c̄ogū cooyere, apequinare ñano quiti yeyere tire duhuya m̄sa. <sup>2</sup> Sa yena coā masa bajuayequina ep̄core tiquina cahmeno saha m̄sa gūh̄ quehnoañe buheyere Cohācjū yere tutuaro cahme nemoña. Sa cahme nemoña m̄sa tiquirore m̄sa wacū tutua nemoatire, tiquiro yuh̄d̄onohatina m̄sa ijiatire. <sup>3</sup> Sata ijinata m̄sa. Mari puhtoro m̄sare tiquiro quehnoano yeyere mehenogā masi tuhasare m̄sa.

*Cristo catigū* yeriquiro utā yero saha ijire

<sup>4</sup> Cristo catigū yeriquiro utā yero saha ijire. Wuh̄ dahreyequina ihcāria utāre tiquina cahmedaro saha masa tiquirore cahmedare. Cohācjū pehe tiquirore ihñagū tiquiro beseriquiro quehnoa yuh̄d̄ariquiro ijire. Tiquiro sa ijiriquiro ijigū tiquirore wacū tutuaya. <sup>5</sup> Sa yena m̄sa gūh̄ wuh̄ cjē utā paca yero saha ijire. M̄sa sa ijina Cohācjū ya

wuhu cjē utāre ilcāno saha tiquina cūriro saha mūsa tiquiro yequina gūhu ilcāno saha quehnoano ijinata. Sa yena Cohācjū ya wuhu cjāna quehnoana pahia ijinata mūsa. Sa yena Jesucristo yedohoye mehna Cohācjū yere quehnoano yenata mūsa. Mūsa sa yegū ihña bucueroa Cohācjū. <sup>6</sup> Ohō saha nine Cohācjū yere tiquina ojoari pūrū:

Utā wuhurū tiquina cū mūhtaria mariedagū wuhure ye dūca masiedare. Sata Cristo marieno yeequina waha masiedare masa. Sa yero tiquiro ihyo ijiriquiro ijierare. Sa yegū tiquirore Jerusalērū yojopure cūgū niaja. Tiquiro yuhū beseriquiro quehnoa yuhdūariquiro ijire. Sa ye tiquirore wacū tutuayequina bucueeta, ni ojoahye.

<sup>7</sup> Tiquirore wacū tutuayequina pehe quehnoa yuhdūaro wahaeta. Sa yero ihyo ijiriquiro ijierare tiquiro. Tiquirore wacū tutuayequina pehe sijoro saha wahaeta. Tiquinare ohō saha nine Cohācjū yere tiquina ojoari pūrū.

Ahriquiro Cristo utā yero saha ijire. Utāre wuhū dahreyequina tiquina bese cohāno saha masa tiquirore cohāeta. Tiquina sa yepēgūta yojopure wuhū dahreyequina wuhure yeye, tiquina cū mūhtaria utāre tiquina cūno saha Cohācjū tiquirore pūhtoro cūri, ni, ojoahye.

<sup>8</sup> Ahri gūhure nine Cohācjū yere tiquina ojoari pūrū:

Omariquiro utāre doque wahā saro tiquiro esaborirore ne eserare. Sata utā yero saha ijiriquirore Cristore cahmedana, tiquirore yuhdūdūcana, Cohācjū caharū esasi mari, ni ojoahye panorū.

Tiquina Cohācjū ye buheyere yūhtierare. Sa yeye panorū tiquiro ni ojoariro sahata Cristore cahmedare. Cohācjū panorū “Sa waharota”, tiquiro nidiro sahata Cristore cahmedare tiquina. Sa yeatiquinare cūahye Cohācjū tiquinare.

#### *Ohō saha ijire Cohācjū yequina*

<sup>9</sup> Mūsa pehe Cohācjū beserina ijire. Tiquiro mari pūhtoro tiquiro yequina pahia, tiquiro yere ye basana ijire mūsa. Sa yena tiquiro ya curua cjāna ñañe mariedana, Cohācjū yequinata ijire mūsa. Sata ijire mūsa. Cohācjū tiquiro quehnoa yuhdūayere tiquiro yerire apequinare yahuatina ijire mūsa. Mūsare beseahye tiquiro mūsare ñañene ye dutieraro. Sa besero quehnoañe pehere yeanajare cūri mūsare. <sup>10</sup> Panopure dūhseatina ijierari jiri mūsa. Yojopū pūritare Cohācjū yequina ijire mūsa. Panopure mūsare paja ihñariquiro mūsare mariedahye. Yojopū pūritare mūsare Cohācjū paja ihñari.

#### *Cohācjū yere yena ijiya mūsa*

<sup>11</sup> Yuhū cahña, ahri yehparū iji dojoatina ijierare mūsa. Cohācjū yequina ijire mūsa. Mūsa sa ijina ijigū ahrire tutuaro yahuaja mūsare: Mūsa ñañe tutuaro cahmeñene yeracāhña. Ti ñañene tutuaro cahmena, ñana wahana niaga mūsa. <sup>12</sup> Cohācjūre cahmeeñequina watoa ijina quehnoano yena ijiya mūsa, mūsare “Yahusāri”, nina. Mūsa sa yegū tiquina yojopure mūsare ñano yahusā duepeta, mūsa quehnoano yeyere masieta tiquina. Sa masiñe, tiquina Cohācjūre “Quehnoagū, tutuagū ijire”, nieta. Sata nieta Cristo ahri yehparū tiquiro tojoa tagū.

<sup>13</sup> Mari pūhtoro yūhti duana ahri yehpa cjēna pūhtoa gūhure yūhtiya mūsa. Roma cjūnore mūsa ijipihtina pūhtoro tiquiro gūhure yūhtiya. <sup>14</sup> Pūhtoare yuhdūdūcayequinare buhiri dahre dutiro, ohori pūhtoro tiquirore yedohoyequinare. Sa yero quehnoano yeyequinare “Quehnoano yeri mūsa”, ni dutiro ohori tiquiro tiquinare. Tiquiro sa ohogū, tiquinare yūhtiya mūsa. <sup>15</sup> Mūsa quehnoano yegū ihñañe tūho masieñequina tiquina esa tuharo mūsare quitī dahre duepeta quitī dahre masiedare. Mūsa sa yegū cahmene Cohācjū. Sa yena mūsa pūhtoare yūhtiya.

<sup>16</sup> Cohācjū mūsa pūhtoro ijire. Apequina cahacjāna ijierare mūsa. Sa ijiepenata “Usāre dutiriquiro mariedare. Sa yena ñañene yenatja”, ni tūhotueracāhña, “Ñañene yeari”, nina. Cohācjū cahacjāna ijire mūsa. Sa yena tiquirore quehnoano yūhtina ijiya mūsa.



<sup>17</sup> Ijipihtiyequina masare ño peoya. Mari acaye Jesu yequinare cahña. Cohãcjũre ño peoye mehna ihñaña. Ahri yehpa cjẽna puhtoro gãhure ño peoya.

*Cristo ñano yũhdũro* tiquiro ihcãno sahariro sahata ihcãno sahaya m̄sa gãhũ

<sup>18</sup> Cahacjãna, m̄sa cua pesaro mehna m̄sa puhtoare yũhtiya. Quehnoañequina, m̄sare quehnoano yeyequina dihitare yũhtina ijieracãhña. M̄sa mehna usuayequina gãhure yũhtiya m̄sa. <sup>19</sup> M̄sa ñano yerapegũta m̄sare tiquina buhiri dahregũ “Cohãcjũ cahmeno sahata ye duaja”, m̄sa ni tuhutugũ tire m̄sa ihcãno sahagũ “Quehnoano yeri m̄sa”, ninota Cohãcjũ m̄sare. <sup>20</sup> M̄sa ñano yeri buhiri tiquina m̄sare buhiri dahregũ tire m̄sa ihcãno sahagũ ti dahseati ijierare. Sa yena m̄sa quehnoano m̄sa yeri buhirire tiquina buhiri dahregũ tire m̄sa quehnoano mehna ihcãno sahagũ Cohãcjũ “Quehnoano yeri m̄sa”, ninota m̄sare.

<sup>21</sup> Sa ñano yũhdũanajare m̄sare tiquiro yequina iji dutiri jiri Cohãcjũ. Cristo m̄sa ye ijiatire ñano yũhdũri tiquirore m̄sa ihña cũatire. <sup>22</sup> Tiquiro ne ñano yerari. Sa yero ne ni mehoedari. <sup>23</sup> Tiquirore tiquina tuhtigũ, tiquiro pehe tiquinare tuhti cahmedari. Tiquirore tiquina ñano yepegũta “Quẽitja m̄sare”, ne niedari. Tiquina sa yepegũta tiquinare Cohãcjũ tiquiro buhiri dahreatire potota tiquiro yeatire masino, “Yũhũ Pacũpũ tiquinare buhiri dahrerota”, ni tuhuturi. <sup>24</sup> Tiquiro basi curusapũ mari ñañe buhirire yariari. Sa waha yariari pari turi mari ñañene yeratire, Cohãcjũ cahmeñe pehere mari yeatire. Tiquiro ñano cami tire, marine pecapũ wahaborinare yũhdũoro taro. <sup>25</sup> Oveja wisiaye tiquina butiriro sahata mari gãhũ pecapũ butiatina ijimi. Yojopũ pehere Cristore, ovejare ihña ihboriquiro yero saha ijiriquirore, marine ihña ihboriquirore wacũ tutuaja mari. Sa wacũ tutuana, tiquiro yequina wahaũ mari.

### 3

*Omoca dũhteriquinare* ohõ saha yero cahmene tiquinare

<sup>1</sup> Sa yegũ cahacjẽnare yũhũ dutiriro sahata m̄sa namosãnumiare dutiitja. M̄sa manũsumũare yũhdũdũcaeracãhña tiquina Cohãcjũ buheyere tiquina cahmeatire. Ihquẽquina tiquina Cohãcjũ buheyere cahmeñequina ijiye, tiquinare m̄sa yũhdũdũcaeragũ ihñañe Cohãcjũ ye buheyere cahmeboaga tiquina. Ti buheyere m̄sa yahuerapegũta tiquiro yere cahmeboaga tiquina. <sup>2</sup> Sata cahmeboaga tiquinare m̄sa quehnoano yeyere, m̄sa ño peoye gãhure ihñañe. <sup>3</sup> M̄sa numia, cariboyequina numia yero saha yeracãhña. Sa yena m̄sa poarire wũhapo sepahtana numia, uru darire bũsana numia, wapa bũjũye suhtire sañana numia ijieracãhña, m̄m̄sa m̄sare “Ue pjegũ yeari”, nina. M̄sa pagũrre masa tiquina ñe pjegũ yeracãhña. <sup>4</sup> Sa yena m̄sa cua pesaro mehna apequinare tutuaro cahñe mehna yena, cua pesaro mehna yahuna, ti pehere ihña bucuegũ yeya. Ti pehere m̄sa yegũ ihyo waro ijierare, Cohãcjũ ihñagũ. <sup>5</sup> Sata yee tiahye panopũ cjẽna numia Cohãcjũ yequina numia. Tiquina numia Cohãcjũre wacũ tutuaye numia ijiye, tiquina manũsumũare yũhdũdũcaera tiahye. <sup>6</sup> Sata Sara ticoro manũno Abrahãre quehnoano mehna yũhtie tiahye. Sa yero tiquirore “Puhto”, ni pisuahye. Sa yena m̄sa quehnoano yena numia ijina, cuero marieno ijina numia ijina, Sara yero saha ijire m̄sa gãhũ.

<sup>7</sup> Sata m̄sa m̄m̄sa gãhũ m̄sa namosãnumiare quehnoano yeya. Tiquina numia mari m̄m̄sa yero saha tutuayequina numia ijierare. Sa yena ño peoye mehna quehnoano yeya tiquina numiare. Cohãcjũ ijipihtiye decori tiquiro mehna mari ijiatire tiquiro ohoriro sahata tiquina numia gãhure ohorota tiquiro. Tiquina sa ijiyequina ijigũ tiquina numiare quehnoano yeya. Cohãcjũre m̄sa siniñene m̄sa dojomehnedatire tiquina numiare quehnoano yeya.

*Quehnoano tiquina yepegũta* apequina tiquinare ñano yeyere yahuahye Pedro

<sup>8</sup> Ahri mehna m̄sare yahu bato tiitja: M̄sa ijipihtina ihcãno saha quehnoano mehna ijia. Sa yena m̄sa mehna cjẽnare quehnoano paja ihñaña. M̄sa acaye Jesu yequinare p̄na peheri cahme cahña. Sa yena quehnoano yeya tiquinare. Sa ye “Ihyo ijina ijiaja”,

ni tūhotuya. <sup>9</sup> Apequina mūsare tiquina ñano yegū tiquinare ñano ye cahmedacāhña. Mūsare tiquina tuhtigū tiquinare tuhti cahmedacāhña. Mūsare tiquina sa yepegūta quehnoano yeya tiquinare. Sa yena “Quehnoano ijiya”, niña tiquinare. Tire yeatinare tiquiro yequinare cūri mūsare Cohācjū pehe mūsare quehnoano yero taro.

<sup>10</sup> Sata nine Cohācjū yere tiquina ojoari pūrū:

Mūsa quehnoano bucueye mehna iji duana ne ñano ni yahuducueracāhña. <sup>11</sup> Ñañe yeyere duhu cāhña. Quehnoañe pehere yeya. Cahme mūsa basi ihña tuhtiro marieno ijiya. Tire tutuaro yeya. <sup>12</sup> Quehnoañequinare mari pūhtoro sa ihña ihboducuro nine. Sa yero tiquirore tiquina siniñene sa tūhoducuro nine. Ñano yeyequina pehere tiquiro ihña tuhtire, ni ojoahye.

<sup>13</sup> Quehnoañene mūsa tutuaro ye duagū apequina pehe mūsare ñano yūhdugū ye duaye, ye masisi tiquina. <sup>14</sup> Quehnoano mūsa yepegūta mūsare tiquina ñano yūhdugū yegū ihñano Cohācjū mūsare quehnoano yerota. Tiquiro sa yegū mūsare ñano ye duayequinare cueracāhña. Sa yena bujua witieracāhña. <sup>15</sup> Mūsa Cristore “Ūsā pūhtoro ijire”, ni tūhotuna, ño peoya tiquirore. Sa yena Cristore mūsa wacū tutuayere, Cohācjū mehna mūsa ijiatire apequina sinituboaga. Tiquina sa sinituato pano tiquinare mūsa yūhtiatire quehnoano masiyuya. Sa yūhtina cahño mehna, quehnoano ño peoye mehna yahuya tiquinare. <sup>16</sup> Quehnoana ijiya. Sa yena “Ñañene yeaja”, ni tūhotusi mūsa. Sa ye Cristo yere quehnoano yena mūsa ijigū apequina mūsare ñano quiti yeye, buoro wahaeta tiquina. <sup>17</sup> Ñañene mūsa yeri buhiri mūsa ñano yūhdugū quehnoaedare. Sa yero Cohācjū cahmegū quehnoañene mūsa yeri buhiri mūsa ñano yūhdugū quehnoarīne ti pūrūta.

<sup>18</sup> Sata ñano yūhdūri Cristo. Ihcā tahata ijipihtiyequina tiquina ñañe buhirire yariari tiquiro. Quehnoariquiro ijiri. Sa yero mari ñañe buhiri ñano yūhdūri tiquiro. Ñano yūhdūri tiquiro marine Cohācjū yequina wahagū yero taro. Tiquiro pagū yariaa wahari. Yariari bato tiquiro masari jiri. <sup>19</sup> Sa masariquiro ijiro tiquina buhiri dahreatire cohteyequina mūna yariariquina mūna jeripohnarine buheahye tiquiro. <sup>20</sup> Sa cohteyequina panopū Cohācjūre yūhtierariquina mūna ijiahye. Ti pjerūre Noé tiquiro ijiri pjerūre, pajiria yucūsare dohoro niahye. Tiare tiquiro dohori watoa Cohācjūre yūhtierariquina mūnare tiquina yūhtigū cahmeno, tiquina yūhtiatire yoari pje cohtemahye Cohācjū. Sa ye meheñequinagā ocho masa dia minidi pjere yūhdūahye. <sup>21</sup> Minigū tiquina yūhdūriro saha wame yeye mehna yūhdūre masa. Mari pagūre mari wete tu cosero saha ijierare wame yeye. Sijoro saha ijire wame yeye. Ñañe mariena mari ijiatire Cohācjūre mari siniñe ijire ahri wame yeye. Sa yena Jesucristo tiquiro masa mūjari mehna yūhdūaja mari. <sup>22</sup> Tiquiro Jesucristo ūhmūsepū wahahye poto peherū dujiro taro, Cohācjū mehna dutiro taro. Sa yero tiquiro angele bui, ūhmūse cjēna pūhtoa bui, dutiyequina bui tiquina pūhtoro ijire.

#### 4

##### *Cristo yequina ijina quehnoañe pehere comesarina ijinata*

<sup>1</sup> Mari ñano yūhdūna ñañe yeyere duhu cjā mari. Sa yena Cristo ñano yūhdūro tiquiro cuerariro sahata tiquiro usuerariro sahata mūsa gūhū tiquiro yero sahata yeya. <sup>2</sup> Sa yeya mūsa ñañene mūsa ūe pjerire mūsa duhuro quehnoano, Cohācjū cahmeñe pehere mūsa yero quehnoano.

<sup>3</sup> Panopū Cohācjūre cahmeñequina ñañene tiquina ūe pjerire tiquina yeriro sahata yeducumahye mūsa gūhū. Būe tiro marieno ñano yena, ñañene tutuaro mūsa ūe pjerire yena, quehena, queheye bose decorire yena, “Cohācjū ijire”, mūsa niñe queoyere ño peona ti pehere yee timahye mūsa. Ti queoyere ihña yabire Cohācjū. Sa yena to punota ye bato tiya. <sup>4</sup> Sa ye ti ña yūhdūayere yeyequina mehna mūsa ijigū yojopūre mūsa tire yeragū ihñañe tiquina pehe ihña maria wahari. Sa ye tiquina mūsare quiti dojomehnedi. <sup>5</sup> Tiquina sa yegū ihñano tiquina ñañe yerire Cohācjū pehe sinituro, yahu yūhdū dutirota tiquinare. Tiquiro catiyequinare, yariariquina gūhūre beseatiquiro buhiri dahreatiquiro

ijire. <sup>6</sup> Tiquiro sa beseatiquiro ijigũ Jesu yequina pehe yojopure yariariquina munare quehnoañe buheyere yahuri tiquina yariato pano. Sa ni yahuri tiquina pagurire Cohãcjũ tiquiro yaria dutiepegũta. Sa yahuri tiquinare Cohãcjũ ijipihtiye decori tiquiro ijiro saha tiquiro mehna tiquina ijiducuatire.

<sup>7</sup> Pihtiati deco mehenogã dahsare. Sa yena quehnoano wacũ masina ijiya, yojopure Cohãcjũ mehna m̄sa quehnoano yahuducuatire. <sup>8</sup> Apequinare cahĩna, peye tahari tiquina ñañene tiquina yepegũta sa ihña cjã mari. Sa yena m̄sa mehna cjẽnare sa cahĩducuya. Apeye dutiye yũhdũoro ahrireta yeya. <sup>9</sup> M̄sa mehna cjẽnare unureno marieno m̄sa ye wũhũsepũ sajã ta dutiya. <sup>10</sup> Cohãcjũ m̄sare ijipihtinare m̄sa yeatire cũri. Tiquiro sa cũgũ, m̄sa ye masino sahata m̄sa mehna cjẽnare tire quehnoano yeya. Cohãcjũ m̄sape cũri m̄sa yeatire. Tiquiro cũriro sahata apequinare quehnoano yedohona, Cohãcjũ cũriro saha quehnoano yena niaga m̄sa. <sup>11</sup> M̄sa quehnoano yahuna, Cohãcjũ tiquiro yahuboriro saha quehnoano yahuya m̄sa gũhũ. Masare yedohona Cohãcjũ tiquiro cũri tutuaye mehna apequinare yedohoya. Ti ijipihtiye yena Cohãcjũre masa tiquina ño peoatire sa yeducuya. Jesucristo pehe tire m̄sa yegũ yedohorota. Tiquirore ijipihtiye decori ño peo, “Tutuagũ ijire”, nino cahmene ijipihtiyequinare. Sata niahdo.

*Jesu yequina tiquina ijiri buhiri tiquina ñano yũhdũyere yahuahye Pedro*

<sup>12</sup> Yũhũ cahĩna, yojopure ña yũhdũaro yũhdũna, “Yohou, sijoro saha ijiro wahaga yũhũre”, ni, wacũedacãhña. <sup>13</sup> Cristo tiquiro ñano yũhdũriro saha m̄sa gũhũ tiquiro yero saha sa wahana, bucueya m̄sa. Sa bucuenta Cristo asi siteye mehna tiquiro tojoa tagũ m̄sa quehnoano bucuenata. <sup>14</sup> Cristo yequina m̄sa ijiri buhiri apequina m̄sare tiquina tuhtigũ Cohãcjũ yaquiro Espĩritu Santo asi siteriquiro m̄sa mehna ijiro nine. Sa yena bucueya m̄sa. <sup>15</sup> Sa yena masare wejẽdacãhña m̄sa. Apee borore yaqueracãhña. Ñano yeracãhña. Sa yena apequina tiquina yerire ihñana tiquinare sijoro saha ni dojomehnedacãhña. Ti buhiri m̄sa ñano yũhdũgũ ñarĩne. <sup>16</sup> Sa yena Cristo yequina m̄sa ijiri buhiri ñano yũhdũna, bue tieracãhña. Ñano yũhdũepenata Cristo yequina m̄sa ijiye mehna bucuenta, Cohãcjũre “Quehnoare”, ni, ño peoya m̄sa.

<sup>17</sup> Cohãcjũ tiquiro yequina yerire ihñano tiquiro beseati pje ijiro nine yojopure. Ijipihtina mari tiquiro yequina mari yerire ihñano bese mũhtanota, “Ahri ñañe ijire. Ahri quehnoañe ijire”, nino. ¿Sa bese mũhtano dahse yerotari tiquiro yequina ijieyequina pehere? Tiquirore yũhtieyequina pehere tutuaro buhiri dahrerota. <sup>18</sup> Sa ye quehnoañequina yũhdũeta. Tiquina sa yũhdũati mijo cjũre. Ti sa mijo cjũgũ Cohãcjũre cahmeeñequina, ñañequina pehe ne yũhdũsi. Basioerare tiquinare. <sup>19</sup> Sa yena Cohãcjũ cahmegũ m̄sa ñano yũhdũna, quehnoañene m̄sa yerire duhueracãhña. Sa yena m̄sare bajumehnediquirore, m̄sare ne duhueriquirore tiquirore wacũ tutuaya m̄sa.

## 5

*Jesu yequina tiquina yeatire yahuahye Pedro*

<sup>1</sup> Yojopure Jesu yequina pũhtoare yahutja. Yũhũ Jesu yequina pũhto ijiya. M̄sa gũhũ tiquina pũhtoata ijire. M̄sare yũhũ yero saha pũhtoata ijinare ahrire yahugũ tagũ niaja yũhũ. Cristo tiquiro ñano yũhdũriro ihñarigũ ijigũ, ahmũsepũ Cristo mehna yũhdũacjũ ijigũ ahrire m̄sare yahutja: <sup>2</sup> Cohãcjũ yequina oveja yero saha ijire. M̄sa pehe ovejare ihña ihboyequina yero saha ijire. Tiquinare Cohãcjũ m̄sare tiquiro cũriquinare tiquiro yequinare quehnoano ihña ihboya. Sa yena Cohãcjũ tiquiro cahmediro sahata quehnoano jeripohna tiye mehna tiquinare ihña ihboya. Sa yena tiquinare ihña ihbona, “Usã ihña ihbori wapa niñerure wapatanata”, niedacãhña m̄sa. Cohãcjũ cahmeno sahata yeducuna ijiya. <sup>3</sup> Sa ihña ihbona tiquinare ñano dutiperacãhña. Sa yena quehnoano yeya m̄sa Jesu yequina m̄sare tiquina ihña cũatore. <sup>4</sup> M̄sa sa yena Cristo ijipihtinare marine ihña ihboriquiro tojoa tagũ tiquiro m̄sare quehnoañene ohoatire m̄sa yũhdũatire cũonata. Ti m̄sa cũoati ne pihtisi.

<sup>5</sup> Tiquinare yũhũ dutiro sahata m̄sa wahma p̄jia gũhũ m̄sa pũhtoare yũhtiya. Sa yena m̄sa mehna c̄jẽnare ijipih̄tiyequinare ño peoya.

“Masi yũhdũdũcaja”, niñequina pehere Cohãcjũ ihña tuhtire. Apequinare ño peoyequina pehere “Ihyo ijina ijiaja”, ni tuhotuyequina pehere quehnoano yere tiquiro.

<sup>6</sup> Sa yena Cohãcjũ tutuariquiro m̄sare tiquiro dutigũ tiquirore ño peoya. M̄sa sa yegũ tiquiro queori p̄je ijigũ m̄sare apequina ño peoeta tiquiro dutiro mehna.

<sup>7</sup> Tiquiro m̄sare pajiro tuhotu ihña ihbore. Sa yena tiquirore wacũ tutuana, ne pajiro tuhotueracãhña m̄sa pehe.

<sup>8</sup> Sa yena wacũ masi ijia. M̄sare ihña tuhtiriquiro watĩno yairo usuariquiro tiquiro maca ihya duaro saha m̄sare ñano yũhdũgũ ye duare. Sa yero m̄sare ñano ye dutire.

<sup>9</sup> Ijipih̄tiropũ ahri yehparũre apequina Jesu yequinare ñano yũhdũgũ yere watĩno. Tire masina, tiquirore yũhtieracãhña. Sa yena Cristore tutuaro wacũ tutuaya m̄sa. <sup>10</sup> Sa yena mehenogã m̄sa ñano yũhdũri bato Cohãcjũ m̄sare yedohorota. M̄sare quehnoana ijigũ yerota. Sa yero tiquirore m̄sa wacũ tutua nemogũ, tiquirore m̄sa ne duhueragũ yerota m̄sare. Tiquiro ijipih̄tiye decori Ʃhm̄sepũ Cristo mehna m̄sa ijiatire m̄sare c̄uriquiro ijire. Tiquiro Cohãcjũ ijire ijipih̄tiyequinare paja ihñariquiro. <sup>11</sup> “Ijipih̄tiye decori tiquiro tutuariquiro ijire”, ni ño peouhna tiquirore. Sata yeihna.

#### *Quehnoa duti bato tiahye Pedro*

<sup>12</sup> Ahri pũ meheni pũgãre m̄sare yũhũ oho duagũ Silvano pehe yũhũre ojoa basari. Tiquiro Jesu yaquiro yũhũ acayũro Jesure duhueriquiro ijire, yũhũ tuhotugũ. M̄sare quehnoano yahu duaja. Sa yegũ “Ahri buheye potota Cohãcjũ marine tiquiro cahĩñene yahuri buheye ijire”, ni yahugũ m̄sare ahri pũre ojoaja. Sa yena ahri buheyere ne duhueracãhña m̄sa.

<sup>13</sup> M̄sare tiquiro yequina ijiatinare tiquiro beseriro sahata Jesu yequina Babilonia c̄jẽna gũhũre beseahye Cohãcjũ. Tiquina pehe m̄sare quehnoa dutire. Marco gũhũ yũhũ macũ yero saha ijiriquiro m̄sare quehnoa dutire. <sup>14</sup> M̄sa mehna c̄jẽnare quehnoano mehna piti caya.

Ijipih̄tina Jesucristo yequinare quehnoa dutiaja m̄sare.

## 2 San Pedro

### *Jesu yequinare ojoa ohoahye Pedro*

<sup>1</sup> Yuhũ Simo Pedro, Jesucristo buhe duti tiquiro cūrigũ ijiaja. Sa yegũ tiquiro cahacjũta ijiaja. Sa yegũ m̄sare ojoa ohoaja yuhũ. Cohãcjũ marine yuhduoriquiro Jesucristo pehe ñañe marieniquiro ijire. Sa yero tiquirore m̄sa wacũ tutuagũ, tiquiro yequina wahagũ yeri jiri m̄sare. Sa wahana m̄sa gũhũ usã yero saha tiquiro yequina ijire. Mari ihcãno saha tiquiro yequina ijiaja. Sa yegũ m̄sare ojoa ohoaja. <sup>2</sup> Sa yena Cohãcjũ gũhũre, mari pũhoro Jesu gũhũre masi nemona tiquina cahĩne mehna quehnoano ijiducunata m̄sa. Sa quehnoano m̄sa ijiatire m̄sare sini basaja. Sa yegũ m̄sare quehnoa dutiaja.

### *Ohõ saha ijire Cristo yequina*

<sup>3-4</sup> Tiquiro yequina ijiatinare Cristo marine pijiri. Tiquiro sa pijigũ tuhona, tiquirore yũhtii mari. Sa yũhtina Cohãcjũre masi nemona, tiquiro tutuaye mehna tiquiro cahmeno sahata quehnoana ijinata mari. Tiquiro ijire tiquiro yequina ijiatinare marine pijiriquiro. Quehnoariquiro, masi pehoriquiro tiquiro ijiro sahata ijiatinare marine pijiriquiro ijire. Sata tiquiro tutuaye mehna marine quehnoa yuhduaro yeri. “Ohõ sahata m̄sare quehnoano yeitja”, tiquiro nidiro sahata marine quehnoa yuhduaro yeri. Marine tiquiro sa yegũ ahri yehpa cjẽ ñañene, ñañene mari Ʃe pjeje pehere mari duhu cjã. Ti ñañe pehe marine ñano wahagũ yemedi. Sa yena tiquirore yũhtina, Cohãcjũ ijiro saha ijinata mari. <sup>5</sup> Sa yena Cristore wacũ tutuana iji tuhasare m̄sa. Sa yena ohõ saha ye nemoña tja: Quehnoana ijiya m̄sa. Quehnoano wacũ masina ijiya m̄sa. <sup>6</sup> Ñano ye duepenata Cohãcjũ cahmeñe pehere yeducuya m̄sa. Sa yena Cristo yequina m̄sa ijiri buhiri ñano yuhduepenata sa ihcãno sahaducuya m̄sa. Sa yena Cohãcjũre ño peona, tiquiro cahmeñene yeya m̄sa. <sup>7</sup> Sa yena m̄sa mehna cjẽnare cahme cahĩna, tiquinare quehnoano yedohoya m̄sa. Sa yena ijipihtiyequina apequina gũhũre cahĩna m̄sa.

<sup>8</sup> M̄sa sa ye nemogũta quehnoa yuhduare. M̄sa sa ye nemona, quehnoañene yena ijiducunata. Sa yena Cristo tiquiro cahmeñene quehnoano yeducuna ijinata m̄sa. Ihyo ijina ijisi m̄sa. Sa ye Cristore m̄sa wacũ tutuari ihyo warota ijisi. Yuhũ nidiro sahata m̄sa ye nemogũ quehnoa yuhduare. <sup>9</sup> M̄sa sa ye nemoedana Cohãcjũ yere ne masiedabutiare m̄sa. Sa ye nemoedana Cristo m̄sa ñano yerire tiquiro cohãrire ne wacũedare m̄sa. Sata bo cã duare m̄sa. <sup>10</sup> Sa yena, yuhũ acaye, Cohãcjũ yequina ijiatinare m̄sare tiquiro iji dutigũ yũhtiri m̄sa. Sa yũhtirina ijina, tiquiro yere wacũducu duana, tiquiro cahmeñene tutuaro sa yeducuya. M̄sa sa yena potota Cohãcjũ mehna ijinata m̄sa. Sa yena potota tiquiro beserina ijinata m̄sa. Sa yena ñañene yeducusi m̄sa. <sup>11</sup> M̄sa sa tiquiro cahmeno saha yerina ijina mari pũhoro marine yuhduoriquiro Jesucristo tiquiro ijirorpũ quehnoano wahanata m̄sa. Potota tiquiro yequina waro m̄sa ijigũ ihñano “Quehnoano mehna yuhũ mehna ijiya m̄sa”, ninota Jesu m̄sare.

<sup>12</sup> Sa yegũ ahrire m̄sare sa wacũgũ yeducuutja. Ahri m̄sare yuhũ yahurire masi tuhasari m̄sa. Sa masina Cohãcjũ yere m̄sa tuhoriro sahata quehnoano yena nine m̄sa. Sa yerina m̄sa ijiepegũta ahri m̄sare yuhũ yahurire sa wacũgũ yeducuutja m̄sare. <sup>13-14</sup> Mehenogã dũhsare yuhũ yariato. Tire quehnoano yahuri mari pũhoro Jesucristo yuhũre. Sa yegũ catinigũ waro ahri yuhũ yahurire m̄sare sa wacũgũ yeducuutja. Yuhũ sa yegũ quehnoarĩne. <sup>15</sup> Sa yegũ ahri yuhũ yahu ojoarire m̄sare ojoa cũ pehogutja, yuhũ yariari bato m̄sa quehnoano masiatire. Sa yena ahri yuhũ yahurire sa wacũducunata m̄sa.

### *Cristo tutuariquiro tiquiro ijiye tiyere ihñahye Pedro gũhũ*

<sup>16</sup> Sa yena Cristo tiquiro tutuaye gũhũre tiquiro ahtati gũhũre m̄sare yahuna, usã esa tuharo yahuna niedaja. Tutuariquiro tiquiro ijiyere usã basita ihñan. <sup>17</sup> Cristo tutua



yuhduariquiro tiquiro ijiyere usāre ihñori Cohācjū mari Pacu. Tiquiro sa ihñogū tiquiro pehe quehnoano asi siteriquiro ijiri. Tiquiro sa asi sitegū ohō saha nino ca tari ti asi siteropu: “Ahriquiro yuhū macu, yuhū cahñiquiro ijire. Tiquiro mehna quehnoano bucueaja”, nino ca tari usā tuhogū. <sup>18</sup> Uhmusepu tiquiro sa nigū tūhou usā. Cūnu buipū Cohācjū tiquiro ijiri cūnupu Cristo mehna ijii usā.

<sup>19</sup> Tire ihñarina ijina, Cohācjū yere yahu mūhtariquina panopu cjēna tiquina ojoari potota ijigū quehnoano masiaja usā. Tiquina ojoarire quehnoano buheducuna quehnoano yena nine mūsa. Ti tiquina ojoari Cohācjū yere marine quehnoano masigū yere. Ahri yehrapu ñano tiquina yeri yehrapu mari ijigū quehnoano masigū yere marine. Sa yena Cohācjū yere tiquina ojoarire sa buheducuya. Sa buheducuna Cristo tiquiro tojoa tagūpu buhe duhunata. Sa tojoa taro tiquiro yere mari masiedarire marine quehnoano masi pehogū yerota. <sup>20</sup> Ijipihtiye ti yuhū yahuri yuhduoro ahri pehere quehnoano masiña mūsa: Cohācjū yere panopu tiquina ojoarire buhena mari esa tuharo tire buhena, “Ohō saha nino niaga”, ni masiedaja mari. Espiritu Santo yedohoro mehna masiaja mari. <sup>21</sup> Ne masa tiquina esa tuharo Cohācjū yere ojoerahye. Panopu cjēna Cohācjū yere tiquina ojoagū Espiritu Santo pehe tiquina ojoatire tiquinare masigū yeahye.

## 2

“Cohācjū ye buheye ijire”, ni meho buheyequinare yahuahye Pedro  
(Jud 1.4-12)

<sup>1</sup> Panopu mari acaye judio masa mehna cjēna “Cohācjū yere yahu mūhtarina ijiaja”, ni mehoñequina ijie tiahye. Tiquina yero sahata yojopu gūhure mūsa mehna cjēna sa ni mehoñequina ijietā. Potota tiquina buheboro sahata ni mehoñe pehere buheeta. Sa buheye Cristo ye buheye pehere dojomehneeta. Sa ye “Cristo yuhduonohrina ijiaja”, niepeta Cristo dutiyere ne yūhtierare tiquina. Sa ye tiquirore “Usā puhtoro ijire”, ni tuhoturare. Ti ijipihtiyere tiquina sa yeri buhiri duita tiquinare Cohācjū pecapu waha dutirota. <sup>2</sup> Sa ni meho tiquina buhegū tuhoye tiquina ñañene tutuaro cahmediro sahata peyequina masa tiquinare ihña cū ñano yeeta. Tiquina sa ñano yegū ihñañe apequina masa gūhū quehnoañe buheyere ñano quiti dahreeta. <sup>3</sup> Sa ye tiquina ni mehoñequina niñerure wapa cahmeñe, ni mehoñe buheyere buheeta mū sare. Tiquina sa buheri buhiri Cohācjū tiquinare pecapu waha dutirota. Panopu sa yeyequinare buhiri dahre duti tuhasahye tiquiro.

<sup>4</sup> Sata panopu buhiri dahre dutiahye ñañequina angele gūhure. Tiquinare pecapu peresu yeahye. Sa yero pihtiri deco bato tiquinare buhiri dahrerota. <sup>5</sup> Sata panopu cjēnare Cohācjūre cahmeeñequinare buhiri dahreahye. Sa yero ijipihtiro ahri yehpare miono, ijipihtiyequina ñañequina masare mio wejēahye. Sa yero Noéne tiquiro mehna cjēna gūhure yuhduoahye. Tiquina ijipihtiyequina tiquiro yuhduoriquina ocho masa ijiahye. Noé pehe quehnoañene ye dutiro ti pje cjēnare buhee timahye. <sup>6</sup> Sata Sodoma wame tiri maca cjēnare, Gomorra wame tiri maca cjēna gūhure Cohācjū buhiri dahreahye. Ti macarine peca mehna quehnoano ujūa peho cāhye. Sa yero camepu ijiatiquinare tiquirore cahmedatiquinare ihñono niahye. Ñañequinare tiquiro buhiri dahreatire ihñono niahye tiquinare. <sup>7</sup> Sa yero Lote wame tiriquirore yuhduoahye. Lote pehe quehnoariquiro ijiahye. Sa quehnoariquiro ijiro Sodoma cjēna Cohācjū dutiyere yuhduocayequina ña yuhduaro tiquina yegū ihñano caributia wahahye tiquiro Lote. Sa yero umūa tiquina basi tiquina pagari mehna tiquina ñano yegū ihñano caributia wahahye tiquiro. <sup>8</sup> Tiquiro quehnoariquiro ñañequina watoa ijiahye. Sa yero decoripe ña yuhduaro tiquina yegū ihñano, ñano tiquina yahuducugū tuhoro ñano jeripohna tiahye. <sup>9</sup> Tiquirore Cohācjū yuhduogū ihñana ahri yuhū yahuatire masiaja mari. Cohācjū mari puhtoro tiquirore cahmeeñequinare tiquina ñano yuhdugū ihñano tiquinare yuhduorota. Sa yero ñañequina pehere peresu yero, tiquinare cūore pihtiri deco ijigū tiquiro buhiri dahreatiquinare.

<sup>10</sup> Ñañene tutuaro ñe pjeyequina Cohãcjũre yãhdũdũcayequina tiquina pũritare ñano buhiri dahrerota tiquiro. Tiquina mũsa mehna cjẽna ni meho buheyequina ñañene yeye, ne cuerare. Sa ye bũe tierare tiquina. “Apequinare masi yãhdũdũcaja”, ni tũhotuyequina ijire tiquina. Sa ijieyequina ijieye ãhmũse cjẽna tutuayequinare ne ño peoera, ñano ni bũjũpere tiquinare. <sup>11</sup> Angele pehe ne tiquina yero saha yerare. Tiquina pehe ni meho buheyequina yãhdũoro tutuayequina ijire. Sa ijiepetã tiquina ne bũjũpeye mehna ni meho buheyequinare ñano yahusãedare Cohãcjũre, yãhdũdũcayequina ijieye.

<sup>12</sup> Sa ye ahriquina ni meho buheyequina pehe nũcũ cjẽna wahiquina yero saha tũho masieñequina ijire. Nũcũpũ boca sa tiquina wejẽatiquina yero saha ijire tiquina. Tiquina basĩ cahmeno saha yere tiquina. Sa ye tiquina masieñequinare bũjũpe, ñano ni yahuducu cohtere. Sa yeyequina ijigũ wahiquinare mari wejẽdiro saha Cohãcjũ tiquinare pecapũ cohãnota. <sup>13</sup> Sa yero tiquina ñano yeri buhiri buhiri dahrerota Cohãcjũ. Tiquina ñañene tutuaro cahmene. Sa ye ñano yeducure. Mũsa mehna bõse deco yeye, ti bõse deco ijigũ tiquina ñañene ye yãhdũare. Sa yeye mũsa bõse decore tiquina wete ohõno saha tiquina ñañene pihore mũsare.

<sup>14</sup> Sa ye numiare ihñañe, ñehe duare tiquina. Sa ye ñañene sa yeducu duare. Cohãcjũre wacũ tutuera cjũñequinare ñañene ye dutiye, sa ijieyequinare tiquinare ihñã cũgũ yere. Sa ijieye tiquina sehsaro apee borore, niñeru gũhũre ni meho ehma mihniñequina ijire. Tiquina Cohãcjũ tiquiro buhiri dahreatiquina ijire. <sup>15</sup> Tiquina Cohãcjũ yere buheraye, sijoro saha ijieye buheye pehere buhere. Sa ye Balãa yero saha yeye nine. Balãa, Beor macũno ijiahye. Tiquiro pehe panopũ tiquiro ñañe yeri mehna niñerure wapata duamahye. <sup>16</sup> Tiquiro sa yegũ ihñano tiquiro yacoro burro tuhtiahye ticoro upũrore. Tiquiro yacoro burro yahuducuericoro ijiepegũta Cohãcjũ ticoro upũrore tuhti dutiahye ticorore. Ticoro sa tuhtigũ tũhoro Balãa tutuaro tiquiro ñañene ye duamedire duhu cãhye.

<sup>17</sup> Ahriquina ni mehoñequina mãri pohteripũ aco marieno yero saha ijire. Aco marieñe pohteri ti dũhseati ijieraro saha tiquina ni mehoñequina ne dũhseati ijierare. Sa ye ehmeo cururi wihnono ti wẽdoqueoye cururi ti sa comesaducuro sahata, tiquina ni mehoñequina gũhũ ihcãno saha yahuducuera, sa comesaducure. Sa yero nahitiano warore quehno tuhasahye Cohãcjũ topũ tiquinare buhiri dahrero taro. <sup>18</sup> Tiquina ni mehoñequina tiquina yahuducuye dũhseati ijierare. Masiñequina yero saha masare sa buhe macã cãhre. Ohõ saha ni buhere tiquina: “Mari cahmeno sahata mari yegũ quehnoarĩne”, ni buhemene tiquina. Tiquina sa ni buhegũ masa tũhoye ñañene ñe pjeye, tiquina ye buheyere cahmene. Apequina masa Cohãcjũre potota coã cahme dũcayequina mehenogãta wahare tiquina ñañene tiquina duhuri bato. Tiquinare ni mehoñequina buhegũ tũhoye ñañene cahmene tja Cohãcjũ yequina ijiboriquina ijiepetã. <sup>19</sup> Tiquinare ohõ saha ni buhere ni mehoñequina: “Mari cahmeno sahata mari yegũ quehnoarĩne”, ni buhemene tiquina. Tiquina sa ni buhepegũta tiquina nidiro saha wahaerare tiquinare. Ñañene duhu dueraye, tire duhu masiedabutiare. Tiquina sa ñano yeye, “Queoro ijire usã yeri”, ni tũhotumene tiquina. Sa ye tiquina ti ñañene ne duhu masiedare. Ti ñañe tiquina pũhoro yero saha ijire.

<sup>20</sup> Mari pũhoro Jesucristore marine yãhdũoriquirore coã cahme dũcayequina pehe ahri yehpa cjẽ ñañene duhu cãmedi. Tiquina sa duhuri bato pari turi ñañene yeye, ña yãhdũaro tojoare tiquina. Cristore tiquina masiato pano tiquina ijie mũhtariro yãhdũoro ña yãhdũaro tojoare, pari turi ñañene yeye. <sup>21</sup> Sa ña yãhdũaro tojoaye quehnoañe buheye pehere tiquina ne masi mũhtaedagũ quehnoa yãhdũboya tiquinare. <sup>22</sup> Sa ye pari turi ñañene yeye, masape tiquina ni yahuducue tiriro saha yee nine tiquina. Ohõ saha ni yahuducure masa: “Diero etoa tuhasa pari turi tiquiro etoa cũrĩre ihyare. Sa yero yesere tiquina coseri bato pari turi tiquiro ñari sahbarũ cuhsare tja. Sata yere quehnoañene cahmemediquina gũhũ pari turi ñañene cahmeñe tja”, ni yahuducue tire masa.

## 3

*Cristo ahri yehpapu* tiquiro tojoa tatire yahuahye Pedro

<sup>1</sup> Yuhu cahina, musare ihca pu oja oho tuhasa. Sa yegu ahri pure tja yojopure musare oja ohogu naja. Sa yegu pu taha ojoagu ahri ijiphiyere musare wacugü ye duagu naja quehnoane dihitare musare tuhotu dutigu. <sup>2</sup> Ahri yuhu yahuatire wacüña musa: Panopu cjenä quehnoanequina Cohäcjü yere yahu mähariquina muna tiquina yahu ojarire wacüña. Sa yena mari pähoro marine yuhduoriquiro Cristo tiquiro dutiye gühure wacüña. Ti dutiye üsä tiquiro cürina musare buhei.

<sup>3</sup> Sa yena ahrire wacü mähtaña: Pihtiati deco panogä Cohäcjü yere büjüpeyequina ijietä. Tiquina ñañene tutuaro cahmeducuyequina ijiye, ti ñañene yeducueta. Ohö saha ni büjüpeeta: <sup>4</sup> “Cristo ‘Tojoa taütja’, nieperota ne tojoa tasi. ¿Tojoa ta dueperota dühsero ne bajuerajari tiquiro? Ahri yehpa iji dücari bato mari ñecusumua muna iji turiayequina tiquina yariari bato ijiphiro sijoro saha waharo marieno sa ijiducure. Mñanota sa ijiducu cäre. Sa yero ahri yehpare ahtatiquiro ühmüsepure mariedare”, ni büjüpeyequina ijietä. <sup>5</sup> Sa ni büjüpeye ahri pehere ne wacü duerare tiquina: Panopure Cohäcjü tiquiro dutiro mehna ahri yehpare, ühmüse gühure bajumehneahye. Sa yero ahri yehpapu aco dihita ijirirore dihta ijigü yeahye tiquiro. Sa yero aco mehna ahri yehpa yojopure ti ijiro sahata ahri yehpare yeahye tiquiro. <sup>6</sup> Sa yero camepu ahri yehpare miono, cohä pehoahye ahri yehpa cjenä. Sa yero ahri yehpare ihca tahata sijoro saha wahagü ye tuhasahye Cohäcjü. <sup>7</sup> Sa sijoro saha wahagü yeperota yojopure ühmüse, ahri yehpa gühure pari turi comesagü yerari tiquiro. Tiquiro dutiro mehna ahri yehpare, ühmüse gühure yojopure ti ijiro sahata ijiducu nemogü yero nine. Sa yero cohtero nine came ijiphiropure üjüano taro. Sa cohtero nine Cohäcjü tiquirore cahmeñequinare buhiri dahrero taro. Sa buhiri dahrero tiquinare pecapu cohänota.

<sup>8</sup> Yuhu cahina, ahrire wacüña musa: Mil cühmarine “Yoa yuhduari pje ijire”, mari ni tuhötuepegüta ihca decota ijire, Cohäcjü ihñagü. <sup>9</sup> “Cohäcjü tiquiro nidiro saha ümñano yerabutiare”, nine masa. Sa ijierare. Masare quehnoano ye duaro cohtenino nine. Ne ihcäquiro masunore pecapu cohä duerare tiquiro. Sa yero ijiphiyequina tiquina ñañene büjüa witiügü, ñañene duhügü cahmeno nine tiquiro.

<sup>10</sup> Ñamipure yaque bücuro tiquiro wacüeno mehna yaquero sajäriro saha Cristo ahri yehpapure wacüeno mehna ahtarota. Tiquiro ahtagüta to tutuaro bisigüta ühmüse cje pihtia waharota. Üjü pihtia waharota. Sa yero ahri yehpa gühü, ahri yehpa cje gühü üjü pihtia waharota.

<sup>11</sup> “Ahri ijiphiye pihtia waharota”, Cohäcjü nigü tuhona ñañene duhuna, Cohäcjü cahmeñene yero cahmene marine. <sup>12</sup> Mari pähoro ahri yehpapu tiquiro ahtatire cohtena, sojaro mehna tiquiro ahtagü yeya musa. Ti deco ühmüse cje üjü pihtia waharota. <sup>13</sup> Ti sa cuaro wahati ijiepegüta mari pehe Cohäcjü ni cüriro sahata ijiphiyere tiquiro comesagü yeatire cohteaja mari. Ijiphiye ti üjü pihtiari bato ohö saha ijirota. Ühmüsepü gühü ahri yehpapu gühü wahma ijirota. Sa ye ti pjerure quehnoane dihitare yeeta ijiphiyequina. Tireta cohteaja mari.

<sup>14</sup> Sa yena yuhu cahina, mari pähoro tiquiro ahtatire cohtena, Cohäcjü ihñonopu quehnoano yena ijiya musa. Sa quehnoano yena ijiya musa Cohäcjü musa mehna tiquiro bucueatire. <sup>15</sup> Sa yena yoa cjüri pje tiquiro bajueragü ihñana ahrire masiña musa. Masa tiquirore cahmeñequina tiquiro yuhduoatiquina dühsarüne yojopu. Sa yero tiquinare cohtenino nine Cohäcjü. Sata ni musare oja ohori jiri mari acayuro mari cahñiquiro Pablo. Cohäcjü masiñe mehna tire ojoari jiri tiquiro. <sup>16</sup> Sa dihita ni ojoari jiri Pablo tiquiro ojoaripe. Cristo tiquiro ahtatire, ñañene yeeyequina mari ijieti gühure yahuro ohö saha dihita ni ojoari jiri tiquiro. Ihquë tahari mijo cjüñene tiquiro yahu ojoari jiri. Apequina ne masieñequina, tuho masieñequina ni mehoñe mehna tiquiro sa nidire comesa müjare. Sa ye tiquiro sa nidi ijiepegüta sijoro saha ni comesa yahure tiquina.

Apeye Cohãcjũ yere tiquina ojoari pũri gũhũre sata yeri tiquina. Tiquina sa yegũ ihñano Cohãcjũ tiquinare buhiri dahrero, pecapũ cohãnota.

<sup>17</sup> Yũhũ acaye, yũhũ cahĩna ahri ijipihtiyere ti sa wahato pano yahuu mũsare. Sa yena ahrire masina, quehnoano yeya mũsa. Ñãñequina mũsare sijoro saha ni tiquina buhegũ tũhoeracãhña tiquinare, “Cristo yere duhuari”, nina. <sup>18</sup> Sa yena mari pũhtoroze marine yũhdũoriqiroze Cristore quehnoano wacũ tutua nemoña mũsa. Tiquiroze quehnoano masi nemoña mũsa. Yojoꝑũre, ijipihtiyere decori tiquiroze quehnoano ño peuhna mari. “Quehnoariqiro, tutuariqiro ijire”, niinha mari tiquiroze. Sata niinha.

## 1 San Juan

### *Jesucristo catiyere ohoriquiro ijire*

<sup>1</sup> Jesu Cohãcjũ mari Pacu ye yahuducuyere yahuriquiro ijire. Duita coã waroputa ijiriquiro tiquiro mari Pacu mehna masare sa ijiducugũ yeriquiro ijiahye. Yojoꝑũre usã tiquiro yere, tiquiro ijiye tiyere yahu ojoana niaja. Tiquirore tãhona, tiquiro waroreta ihñaũ usã. Sata ijire. Tiquirore ihñana, usã omocari mehna tiquirore dahra tuhuu. <sup>2</sup> Ahriquiro mari Pacu mehna sa ijiducugũ yeriquiro ahri yehpaꝑũ tiquiro masa bajuari bato tiquirore usã ihñaũ. Sa yena tiquirore yahuaja usã musare. Ijipihtiye decori mari Pacu mehna tiquiro ijiducuriquiro ijigũ, yojoꝑũre mari Pacu tiquirore ihñori usãre. Tire yahuaja usã musare. <sup>3</sup> Mari Pacu mehna cjãna ijiaja usã. Tiquiro macũno mehna cjãna gũhu ijiaja usã. Sa yena musa gũhu usã mehna cjãna, mari Pacu mehna cjãna, tiquiro macũno mehna cjãna musa ijiatire usã ihñarire, usã tãhorire musa gũhũre usã yahuaja. <sup>4</sup> Ahrireta usã ojoaja quehnoano mari bucueatire.

### *Buhriero to wete marieno saha Cohãcjũre ñañe ne mariedare*

<sup>5</sup> Ahri buheye Cohãcjũ macũno usãre tiquiro yahuri ijiye nine. Yojoꝑuta ahrireh yahunatja usã musare: Cohãcjũ buhriero yero saha ijire. Buhriero to wete marieno saha tiquirore ne ñañe mariedare. Ñañe nahitianano yero saha ijire. Cohãcjũre ne ñañe mariedare. Tiquiro sa ijiye tiyere yahuaja musare. <sup>6</sup> Sa yena nahitianopũ ijina yero saha mari ñañene yena ijiepenata “Cohãcjũ mehna cjãna ijiaja”, nina, mari ni mehona niaja. Sa yena Cohãcjũ yere queoro yeraja. <sup>7</sup> Sa yena buhriropũ ijina yero saha Cohãcjũ tiquiro yeriro sahata mari quehnoañe pehere yena, apequina Jesu yequina mehna quehnoano ijina niaja. Mari sa yegũ Cohãcjũ macũno Jesu tiquiro dii cohãno mehna, curusapũ tiquiro yariari mehna ijipihtiye mari ñañe yerire bore.

<sup>8</sup> “Yũhu pũrita ne ñañene yeraja”, ni wacũna, mari ni mehoñene tãhotuna niaja. Mari sa ni tãhotuna Cristo yere ne masiedaja. <sup>9</sup> Sa yena Cohãcjũre mari ñañene mari yahu yũhdũgũ tiquiro poto yeriquiro mari ñañene borota. Sa yero ijipihtiye mari ñañe yeri gũhũre, mari ñano tãhotuye gũhũre cose werota tiquiro. Tiquiro nidiro sahata yeriquiro ijire. <sup>10</sup> “Ñañene yeraja”, nina, “Cohãcjũ ni mehoriquiro ijire”, nina niaja mari. Sa niñequina tiquiro buheyerere cahmedare.

## 2

### *Cristo marine yedohore*

<sup>1</sup> Yũhu pohna, musare “Ñañene yeari”, nigũ ahrireh ojoagu niaja. Yũhu sa ni ojoapegũta ñañene yeboaga musa. Musa sa yegũ ihñano Jesucristo quehnoariquiro musa ye ijiatire tiquiro Pacũrore ohõ saha ni sini basarota: “Ahriquina tiquina ñañene yeri buhirire buhiri dahreracãhña”, ni sini basarota tiquiro Pacũrore. <sup>2</sup> Cristo mari ñañene cohãriquiro ijire. Mari ñañene mari dihitare cohãedare. Ijipihtiro cjẽna gũhũre tiquina ñañene cohã masine tiquiro.

<sup>3</sup> Cohãcjũ dutiyere yena, tiquirore potota quehnoano masiaja mari. <sup>4</sup> Ihcãquiro Cohãcjũ dutiyere yeraperota “Yũhu Cohãcjũre masiaja”, nino, tiquiro ni mehoriquiro ijire. Sa yero Cristo yere ne masiedare. <sup>5</sup> Apequiro pehe Cohãcjũ dutiyere yeriquiro Cohãcjũre tutuaro cahĩniquiro ijire. “¿Cohãcjũ mehna cjãna ijiajari mari?” ni masi duana, ohõ saha mari masinata: <sup>6</sup> Cohãcjũ mehna cjũno Jesucristo quehnoañene tiquiro yeriro sahata yeriquiro ijire. Sata yeducuuhna mari.

### *Wahma dutirore yahuahye*

<sup>7</sup> Yũhu cahĩna, ahri dutiro yojoꝑũre musare yũhu yahuati wahma dutiro ijierare. Ahri dutiro musa coã waropũre cũoriro mũna dutirota ijire. Ti dutirore musa tãho tuhasari. <sup>8</sup> Yojoꝑũ pehere musare yũhu yahuati mũna dutiro ijieperota wahma dutiro gũhu ijire.



Cristo gũhu, m̄sa gũhu ti dutirore yere. Yojoꝑu nahitiano pihti cã mari ihña masino saha mari masiedarire masi dũca cãna niaja mari. Sa yero buhrioro mehna mari ihña masino saha Cristo m̄sare poto ijiyere masigũ yero ahta tuhasari.

<sup>9</sup> “Yũhu buhrioroꝑu ijiriquiro yero saha Cohãcjũ dutiyere yegũ ijiaja”, ihcãquiro nieperota, apequinare ihña tuhtiro, tiquiro Cohãcjũ dutiyere yerare. <sup>10</sup> Sa yero apequirore cahĩniquiro pũrita buhrioroꝑu ijiriquiro yero saha Cohãcjũ dutiyere yeriquiro ijire tiquiro. Sa yero ñañene pari turi ye duerare. <sup>11</sup> Masare ihña tuhtiriquiro pehe nahitianorũ ijiriquiro yero saha ijiro nine. Tiquiro caperi bajueriquiro yero saha ijire. Tiquiro wahatore ihña masiedare tiquiro.

<sup>12</sup> Yũhu pohna, Cristo tiquiro yariari mehna m̄sa ñañe yerire cohãri jiri. Sa yegũ m̄sare yahu ojoagũ niaja. <sup>13</sup> M̄sa pacusũmũ gũhu, m̄sa Cristore coã waroꝑu ijiriquirore masine m̄sa. M̄sa sa masigũ ihñagu m̄sa gũhure yahu ojoagũ niaja. M̄sa wahma p̄ja ñariquiro watĩnore yũhdũdũcari m̄sa. M̄sa sa yũhdũdũcana ijigũ m̄sa gũhure yahu ojoagũ niaja.

Yũhu pohna, mari Pacũre m̄sa masine. M̄sa sa masigũ ihñagu m̄sare yojoꝑure yahu ojoagũ niaja. <sup>14</sup> M̄sa pacusũmũ, m̄sa Cristore coã waroꝑu ijiriquirore masine m̄sa. M̄sa sa masigũ ihñagu m̄sare yahu ojoagũ niaja. M̄sa wahma p̄ja potota m̄sa Cohãcjũre wacũ tutuana ijire. Sa yena m̄sa Cohãcjũ yere yena niaga. Sa yena, m̄sa ñariquiro watĩnore yũhdũdũcari. Sa yegũ m̄sare yahu ojoagũ niaja. <sup>15</sup> Ahri yehpa cjẽ ñañene cahmedacãhña. Ahri yehpa cjẽ ñañene cahmena mari Pacũ pehere cahmedare m̄sa. <sup>16</sup> Ñañequina tiquina basi ñañene tiquina tutuaro cahmedi, ñañene tiquina ihña duari mari Pacũ Cohãcjũ ye ijierare. “Ijipihtiyẽ cũo pehogũ, masi pehogũ ijiaja yũhu. Ne ihcãquiro masũno yũhure yũhdũdũcaerare”, masa tiquina ni tuhotuye mari Pacũ ye ijierare. Ti ijipihtiyẽ ahri yehpa cjẽ ijire. <sup>17</sup> Ahri yehpa, ahri yehpa cjẽ gũhu masa tiquina cahmeñe pihtia waharota. Sa yero Cohãcjũ cahmeñene yeriquiro ijipihtiyẽ decori Cohãcjũ mehna ijirota.

#### *Cristore ihña tuhtiriquiro pehere yahuahye Ñũ*

<sup>18</sup> Yũhu pohna, ahri yehpa pihtiatĩ deco mehenogã dũhsare. “Cristore ihña tuhtiriquiro ahtarota”, ni, Jesu yequina m̄sare yahu tuhasari. Yojoꝑure Cristore ihña tuhtiyequina peyequina iji tuhasare. Tiquina sa ijigũ ihñana yojoꝑure pihtiatĩ deco mehenogã dũhsagũ masiaja mari. <sup>19</sup> Ahriquina Cristore ihña tuhtiyequina pehe mari caha ijiepetã potota mari mehna cjẽna ijierare. Sa ye tiquina marine cohã cãri. Tiquina mari mehna cjẽna ijiye, mari mehna ijiboaga. Marine cohã cãri. Tiquina sa cohãgũ mari mehna cjẽna tiquina ijieragũ masiaja mari.

<sup>20</sup> Cristo Espĩritu Santore m̄sa pehere ohori. Sa yero Espĩritu Santo m̄sa mehna ijire. Sa yena m̄sa ijipihtina Cristo yere masi tuhasare. <sup>21</sup> M̄sare yahugũ “Cristo yere masiedare m̄sa”, ni tuhotueraja yũhu. M̄sa Cristo yere masigũ ihñagu m̄sare yahuaja. Cristo ye ne ni mehoñe mariedare. Ti gũhure masina m̄sa ijigũ masiaja yũhu. <sup>22</sup> Ahriquiro ijire ni mehoriquiro: “Jesu Cohãcjũ macũno ijierare”, nidiquiro pehe ni mehoriquiro ijire. Potota Cristore ihña tuhtiriquiro ijire tiquiro. Mari Pacũre, tiquiro macũno gũhure cahmedariquiro ijire Cristore ihña tuhtiriquiro. <sup>23</sup> Ohõ saha ijire: Jesure cahmediquiro pehe mari Pacũ gũhure cahmediquirota ijire. Jesure cahmediquiro pehe mari Pacũ gũhure cahmediquiro ijire.

<sup>24</sup> Coã waroꝑu Cohãcjũ yere m̄sa tuhorire quehnoano wacũña. Tire m̄sa wacũna, Jesu mehna cjãna ijinata. Sa yena mari Pacũ mehna cjãna ijinata. <sup>25</sup> Tireta Jesu marine yahuri. Ohõ saha ijire tiquiro yahuri: “M̄sa ijipihtiyẽ decori Cohãcjũ mehna ijiducunata”, ni cũri Jesu marine.

<sup>26</sup> Apequina m̄sare ni mehoñe nine. Tiquina sa ni mehogũ masigũ m̄sare yahu ojoagũ niaja. <sup>27</sup> Tiquina sa ni mehonohrina m̄sa ijiepegũta m̄sa pehere Cristo tiquiro yaquiro Espĩritu Santore oho tuhasari. Espĩritu Santo m̄sa mehna ijire. M̄sa mehna ijiro m̄sare buheriquiro ijire. Tiquiro ijipihtiyere m̄sare yahure. Tiquiro yahuye ijirota

ijire. Ni mehoñene yahuerare tiquiro. Espíritu Santo nidiro sahata yeya m̄sa yojop̄re. Sa yena m̄sa Cristo yere t̄hona, tiquiro mehna quehnoano ijiya.

<sup>28</sup> Sata ijire. Ȳh̄h̄ pohna, m̄sa Cristo mehna cj̄ana ijiya. Sa yena Cristo ahtati decore cuesi m̄sa. Sa yena tiquiro ahtati decore b̄e tiye mehna duhtisi m̄sa. <sup>29</sup> Cristo quehnoañene yeriquiro tiquiro ijiḡu m̄sa masine. Tire masina ahri ḡũh̄re masiña m̄sa. Ijipihtiyequina quehnoañene yeyequina Coh̄cj̄u pohneta ijire. Ti ḡũh̄re masiña m̄sa.

### 3

#### M̄sata Coh̄cj̄u pohna ijire

<sup>1</sup> “M̄sa ȳh̄h̄ pohna ijire”, nino, tutuaro cah̄i ȳhd̄d̄ucaro nine marine mari Pac̄u. Tiquiro sa cah̄ona ijina tiquiro pohna ijiaja mari. Ahri yehpa cj̄ena ñañequina Coh̄cj̄ure masiedare. Sa yeye Coh̄cj̄u pohna mari ijiḡu ih̄ñañe tiquina mari ḡũh̄re masiedare. <sup>2</sup> Ȳh̄h̄ cah̄ina, yojop̄re Coh̄cj̄u pohna ijiaja mari. Sa ijiepenata came mari ijiatire mari quehnoano masiedaja. Sa masiedapenata ahri pehere masiaja. Cristo tojoa taḡu mari ih̄ñana, tiquiro ijiriro sahata tiquirore mari ih̄ñanata. Sa yena Cristo marine bajuaḡu ih̄ñana tiquiro yero saha mari comesanata. <sup>3</sup> Ijipihtiyequina ahrire masiñequina Cristore ih̄ña c̄ũñe, ñañene ye duerare.

<sup>4</sup> Ñañene yena dutiyere ȳhd̄d̄ucana niaja. Sa ye ijipihtiyequina ñañene yeyequina Coh̄cj̄u dutiyere ȳhd̄d̄ucayequina ijire. <sup>5</sup> Cristo masare tiquina ñañene coh̄atiq̄uero bajuahye. Tiquiro ne ñañene yerare. Tire masine m̄sa. <sup>6</sup> Sa ye ijipihtiyequina Cristo yequina ñañene yeducuerare. Apequiro pehe ñañene sa yeducuriquiro Cristore ne masiedare. Sa yero Cristo yaquiro ijierare. <sup>7</sup> Ȳh̄h̄ pohna, m̄sare ni mehoñequinare t̄hoerac̄h̄ña. Ijipihtiyequina quehnoañene yeyequina Cristo yero saha quehnoañequina ijire. <sup>8</sup> Apequiro pehe ñañene sa yeducuriquiro wat̄ino yaquiro ijire. Wat̄ino p̄rita duita ñañene yeriquiro ijiahye. Sa yero wat̄ino tiquiro ñañene ye dutiyere coh̄atiq̄uero Coh̄cj̄u mac̄no masa bajuahye.

<sup>9</sup> Coh̄cj̄u pohna ijina Coh̄cj̄u yero saha ijina ijiaja. Sa yena ñañene yeducueraja. Coh̄cj̄u mari Pac̄u tiquiro ijiḡu mari pehe ñañene yeducu masiedaja. <sup>10</sup> Oh̄o saha ijieyequina Coh̄cj̄u pohne tiquina ijiḡu masinata: Coh̄cj̄u pohne wat̄ino pohne yero saha ijierare. Ñañene yeducuyequina, apequinare cah̄iñequina Coh̄cj̄u pohne ijierare.

#### M̄sa mehna cj̄enare cah̄iña

<sup>11</sup> “Mari mehna cj̄enare cah̄ih̄ña”, ni buheyere coã warop̄re t̄ho tuhasari m̄sa. <sup>12</sup> Mari Cāi tiquiro ñano yeriro sahata yerac̄h̄ña. Tiquiro wat̄ino yaquiro ijiro, tiquiro bah̄rore wej̄eahye. ¿D̄uhse yero tiquirore wej̄eyari, m̄sa t̄hotuḡu? Tire yahutja m̄sare: Cāi tiquiro yeri ñañe ijiahye. Tiquiro bah̄ro pehe quehnoañene yeriquiro ijiḡu ih̄ñano tiquiro wahmino pehe tiquirore wej̄eahye.

<sup>13</sup> Sa yena ȳh̄h̄ acaye, ahri yehpa cj̄ena m̄sare tiquina ih̄ña tuhtiḡu “¿D̄uhse ijiro boro ȳh̄h̄re ih̄ña tuhtiajari tiquina?” ni, t̄hotuerac̄h̄ña. <sup>14</sup> Mari pecap̄u wahaborina ijimi. Yojop̄re ãhm̄sep̄u sa ijiducuatina comesarina ijiaja mari. Jesu yequinare cah̄ina, Coh̄cj̄u marine tiquiro comesaḡu yerire masiaja mari. Masare cah̄ieniquiro pecap̄u wahatiquiro ijire. <sup>15</sup> Tiquiro acaȳrore ih̄ña tuhtiriquiro masare wej̄ediquiro ijire, Coh̄cj̄u ih̄ñaḡu. Masare wej̄eñequina ãhm̄sep̄u ijiducusi. Tire quehnoano masine m̄sa. <sup>16</sup> Masare cah̄iñene oh̄o saha masinata. Ijipihtiye decori Coh̄cj̄u mehna mari ijiatire Cristo yariaro marine tutuaro cah̄idi. Sa yariaro marine tiquiro sa cah̄iducurire masiḡu yero nidi. Sa yena mari ḡũh̄re Jesu yequina ye ijiatire yariaro cah̄meboaga. <sup>17</sup> Peye c̄uoriquiro Jesu yaquirore pejec̄uoriquirore ih̄ñaeperota tiquirore paja ih̄ñedaro, Coh̄cj̄ure cah̄iedare tiquiro. <sup>18</sup> Ȳh̄h̄ pohna, masare mari cah̄iñe pehe mari d̄usero dihita wijaerac̄h̄do. Masare mari cah̄ina, tiquinare yedohoro cah̄mene marine.

*Cuero marieno Coh̄cj̄u* cah̄ap̄u iji masiaja mari

<sup>19-20</sup> Sa cahĩna mari potota Cohãcjũ yequina mari ijiye gũhure masinata. Sa yena Cohãcjũ cahapũ cuero marieno mari iji masiaja. Sa yena “Nañe buhiri ijiaga yũhure”, mari ni tuhótuepegũta, Cohãcjũ cahapũ cuero marieno iji masiaja. Tiquiro pehe mari yũhdũoro tutuariquiro ijiro ijipihiyere masine. <sup>21</sup> Yũhu cahĩna, quehnoañene yena, “Quehnoañe pehere yena niaja”, ni tuhótuna, Cohãcjũ cahapũ mari cuero marieno iji masiaja. <sup>22</sup> Cohãcjũ dutiyere, tiquiro cahmeñe gũhure mari yegũ, tiquirore mari sinino punota tiquiro ohorota. <sup>23</sup> Ohõ saha dutire tiquiro marine: “Cohãcjũ macũnore Jesucristore wacũ tutuaya. Sa yena Cristo marine tiquiro dutiriro sahata mũsa mehna cjẽnare cahĩna mũsa”, nino, ye dutire marine. <sup>24</sup> Cohãcjũ dutiyere yeriquiro Cohãcjũ mehna cjũno ijiro nine. Sa yero Cohãcjũ tiquiro mehna cjũno ijire. Cohãcjũ mari mehna cjũno tiquiro ijiyere mari masi duagũ marine tiquiro ohoriquiro Espĩritu marine masigũ yerota.

## 4

*Ni mehoñe buheye* gũhure, Cohãcjũ ye buheye gũhure quehnoano ihña masi dutiahye

<sup>1</sup> Yũhu cahĩna, apequina “Cohãcjũ yaquiro Espĩriture cœoja”, niñequina tiquina ijiepegũta tiquina ye buheye ni mehoñe ijire. Sa ye apequina pehe Espĩritu Santo warore cœoyequina ni mehono marieno buhere tiquina. Peyequina “Cohãcjũ yere yahu mũhtarina ijiaja”, niepeta ni mehoñequina ijire yojoþure. Ijipihitropure ijire tiquina. Sa yena apequina mũsare tiquina buheye ni mehoñe buheye ijigũ ihña masiña mũsa. Cohãcjũ ye ti ijigũ gũhure ihña masiña mũsa. <sup>2</sup> Cohãcjũ yaquiro Espĩriture cœoyequinare mũsa ihña masi duana, ohõ saha masinata: “Jesucristo ahri yehpapũ masũno pagũ waro cœoriquiro ahtari jiri”, ni, buheyequina Cohãcjũ yaquiro Espĩriture cœoyequina ijire tiquina. Sa yena sa ni buheyequinare ihña masinata mũsa. <sup>3</sup> Apequina pehe “Jesu ahri yehpapũ masũno pagũ waro cœoriquiro ahtaerari jiri”, ni buheyequina Cohãcjũ yaquiro Espĩriture cœoyequina ijire. Tiquina ye tuhótuye Cristore ihña tuhtiriquiro tiquiro tuhóturo saha ijire. “Cristore ihña tuhtiriquiro ahtarota”, tiquina nidire tuho tuhasari mũsa. Sa ye tiquiro ye buheye ahri yehpapure wihi tuhasari.

<sup>4</sup> Mũsa pehe yũhu pohna, Cohãcjũ yequina ijire mũsa. Sa yena “Cohãcjũ yere yahu mũhtarina ijiaja mũsã”, ni, mehoñequinare yũhdũdũca tuhasari mũsa. Mũsa mehna ijiriquiro Espĩritu Santo pehe tutua yũhdũdũcare. Sa yero ahri yehpa cjẽna yaquiro watĩno yũhdũoro tutuare. Sa yena ni mehoñequinare yũhdũdũcari mũsa. Sa yena ti buheyere cahmedari mũsa. <sup>5</sup> Ni mehoñequina pehe ahri yehpa cjẽna ijire. Sa ye tiquina ahri yehpa cjẽ ñañene tiquina buhegũ ahri yehpa cjẽna ñañequina pehe tiquinare quehnoano tuhore. <sup>6</sup> Mari pehe Cohãcjũ yequina ijiaja. Sa ye Cohãcjũre masiñequina marine quehnoano tuhore. Apequina pehe Cohãcjũ yequina ijieraye, marine ne tuho duerare. Tiquina sa tuho dueragũ ihñana tiquina ye buheye Cohãcjũ ye buheye ti ijieragũ masinata mari. Sa yena apequina pehe marine tiquina tuhogũ tiquina ye buheye quehnoañe buheye ti ijigũ gũhure masiaja mari.

*Cohãcjũ* masare tutuaro cahĩducuriquiro ijire

<sup>7</sup> Yũhu cahĩna, Cohãcjũ marine apequinare cahĩgũ yeriquiro ijire. Tiquiro sa yeriquiro ijigũ ihñana mari mehna cjẽnare cahĩhna mari. Masare quehnoano cahĩñequina pehe Cohãcjũ pohne ijire. Sa ye tiquina Cohãcjũre quehnoano masine. <sup>8</sup> Cohãcjũ masa ijipihiyequinare tutuaro cahĩducuriquiro ijire. Tiquiro sa cahĩducuriquiro ijigũ masare cahĩñequina pehe Cohãcjũre masiedare. <sup>9</sup> Cohãcjũ marine tiquiro cahĩñene mari masi duana, ohõ saha masinata: Cohãcjũ pehe tiquiro macũnore ihcãquirota ijiriquirore marine yũhdũoatiquirore ahri yehpapure ohoahye. Sa ohoro marine tiquiro cahĩñene marine masigũ yero niahye. <sup>10</sup> Apequinare cahĩñe waro ohõ saha ijire: Cohãcjũre mari cahĩñe pehe poto cahĩñe waro ijierare. Marine Cohãcjũ tiquiro cahĩñe pũrita potota cahĩñe waro ijire. Sa yero tiquiro macũnore mari ñañene cohãtiquirore ohoro marine tutuaro cahĩne tiquiro.

<sup>11</sup> Yuhũ acaye, Cohãcjũ marine tiquiro sa tutuaro cahĩgũ ihñana mari gũhu mari mehna cjẽnare cahĩihna. <sup>12</sup> Masa pehe ne Cohãcjũre ihñedari. Tiquirore mari ihñedapegũta mari mehna cjẽnare mari cahĩgũ, Cohãcjũ pehe mari mehna sa ijiducuro nine. Sa yero potota marine cahĩ nemoducugũ yere tiquiro. <sup>13</sup> Cohãcjũ pehe marine tiquiro yaquiro Espĩriture ohori. Sa yena Espĩriture cõna, Cohãcjũ mehna mari quehnoano ijiyere masiaja mari. <sup>14</sup> Sa yena mari Pacũ tiquiro macũnore ahri yehpa cjẽnare yũhdũoatiquirore tiquiro ohorire usã ihñau. Tire ihñana apequinapũre tire yahuaja usã. <sup>15</sup> Cohãcjũ mehna cjũno ohõ saha nidiquiro ijire: “Jesu Cohãcjũ macũno ijire”, nidiquiro tiquiro pũrita Cohãcjũ mehna cjũno ijiro nine. Sa yero Cohãcjũ gũhu tiquiro mehna cjũno ijiro nine.

<sup>16</sup> Sa yena marine Cohãcjũ tiquiro cahĩñene mari masiaja. Sa yena marine potota cahĩniquiro tiquiro ijigũ masiaja mari. Cohãcjũ masa ijipihtiyequinare tutuaro cahĩducuriquiro ijire. Sa yero apequiro masare cahĩducuriquiro Cohãcjũ mehna cjũno ijire. Sa yero Cohãcjũ gũhu tiquiro mehna cjũno ijire. <sup>17</sup> Sa yena mari quehnoano cahĩ nemoducuaaja Cohãcjũre, apequina gũhũre, buhiri dahreri deco ijigũ mari cuero marieno mari ijiatire. Sa yena cuesi mari ahri yehpapũ Cristo yero saha ijina. <sup>18</sup> Apequinare mari cahĩgũ cuero mariedare. Cohãcjũ marine tiquiro cahĩñene masina mari ne cueraja. Masa cueye tiquinare buhiri dahreatire cue nine. Sa cueye ñano yũhdũre. Sa yero cueriquiro pehe Cohãcjũ cahĩñene masieniquiro ijire. <sup>19</sup> Marine Cohãcjũ cahĩ mũhtahye. Sa yena mari gũhu tiquirore cahĩaja. <sup>20</sup> Ihcãquiro “Cohãcjũre cahĩaja”, nidiquiro ijieperota apequirore ihña tuhtiro, ni mehoriquiro ijire tiquiro. Tiquiro ihñariquirore cahĩedarõ, Cohãcjũre tiquiro ihñeniquiro gũhũre cahĩ masiedare tiquiro. <sup>21</sup> Sa yero ahri ijire marine Cristo tiquiro dutiriro: Cohãcjũre cahĩna, mũsa cahapũ ijiequina gũhũre cahĩña.

## 5

*Cohãcjũ* pohne ahri yehpa cjẽ ñañene ye duerare

<sup>1</sup> Ijipihtiyequina Jesure “Cristo ijire. Cohãcjũ ohoriquiro ijire”, niñequina, Cohãcjũ pohne ijire. Apequina pacũrore cahĩna, tiquiro pohne gũhũre cahĩaja mari. Sata Cohãcjũre cahĩna, tiquiro pohne gũhũre cahĩaja mari. <sup>2</sup> Cohãcjũre cahĩna, tiquiro dutiyere quehnoano yena, tiquiro pohne gũhũre mari cahĩna niaja. <sup>3-4</sup> Tiquiro dutiyere yena Cohãcjũre cahĩna niaja. Marine Cohãcjũ dutiyere yegũ mijoedare. Mari ijipihtina Cohãcjũ pohna ijina, ñañene cahmedaja mari. Sa ye marine tiquiro dutiyere yegũ mijoedare. Cohãcjũre wacũ tutuana ñañene cahmedaja. Sa yena tiquirore mari wacũ tutuari bato ñano ye dueraja. <sup>5</sup> Ñañene cahmedana ohõ saha nina ijiaja mari: “Jesu Cohãcjũ macũno ijire”, nina ñañene cahmedaja mari.

*Cohãcjũ* macũnore yahuahye Ñu

<sup>6</sup> Jesucristo ahri yehpapũ tiquiro ahtagũ tiquirore Ñu aco mehna wame yerire masina, curusapũ tiquiro dii cohãri gũhũre masina, Cohãcjũ macũno tiquiro ijiyere masiaja mari. Tiquiro wame yeri dihita Cohãcjũ macũno tiquiro ijiyere marine masigũ yerare. Tiquiro dii cohãri gũhu marine tire masigũ yere. Espĩritu Santo “Ahri ijirota ijire”, ni yahure marine. Tiquiro poto ni yahuriquiro ijire. [<sup>7</sup> Sa ye Jesu Cohãcjũ macũno tiquiro ijiyere uhmũse cjẽna yahuyequina ihtiaro ijire: Mari Pacũ, tiquiro macũno Jesu, Espĩritu Santo mehna “Jesu potota Cohãcjũ macũno ijire”, niñequina ijire tiquina. Tiquina ihtiaro ijieperota ihcãno mehna yahure tiquina Jesure.] <sup>8</sup> Jesu Cohãcjũ macũno tiquiro ijiyere ahri yehpapũre ihtiaro yahure: Cohãcjũ macũno tiquiro ijiyere Espĩritu Santo pehe marine yahure. Sa yena Jesure aco mehna tiquiro wame yeri gũhũre masina, Cohãcjũ macũno tiquiro ijiyere masiaja mari. Sa yena mari ye ijiatire tiquiro yariarire tiquiro dii cohãrire masina, Cohãcjũ macũno tiquiro ijiyere masiaja mari. Sa ye ti ihtiaro ihcãno mehna marine masigũ yere Cohãcjũ macũno Jesu ijiyere.

<sup>9</sup> Masa tiquina yahuyere tũhona “Ijirota ijire”, niaja mari. Sa niepenata mari Pacũ tiquiro macũnore yahugũ masa tiquina yahuye yũhdũoro tiquiro pehere tũhoro

cahmene marine. Cohãcjũ waro tiquiro ijigũ tiquiro yahuyere tũhoro cahmene marine. <sup>10</sup> Sa ye ijipihtiyequina Cohãcjũ macũnore wacũ tutuayequina Jesure yahuri buheyere quehnoano tũhore. “Queorota ijire”, ni tũhoture tiquina Jesure yahuri buheyere. Cohãcjũ macũnore tiquiro yahurire tũhoeriquiro “Cohãcjũ ni mehoriquire ijire”, nidiquiro ijire tiquiro. <sup>11</sup> Cohãcjũ marine ijipihtiye decori tiquiro mehna sa ijiducugũ yerota. Cohãcjũ macũno yequina mari ijigũ tiquiro mehna sa ijiducugũ yerota marine. Ahri ijire Cohãcjũ marine tiquiro yahuye. <sup>12</sup> Cohãcjũ macũno yequina ijiye tiquiro mehna sa ijiducuceta. Sa ye apequina pehe tiquirore cahmeeñequina tiquiro mehna sa ijiducusi.

*Ñu yahu oja bato tiahye*

<sup>13</sup> Mũsa Cohãcjũ macũnore wacũ tutuana Cohãcjũ mehna sa ijiducunata. Tire mũsa masiatire mũsare yahu ojoagu niaja.

<sup>14</sup> Cohãcjũ tiquiro cahmediro sahata mari tiquirore dũhse ijiyere mari sinigũ tiquiro marine quehnoano tũhorota. Sa mari sinina “Potota quehnoano tũhore tiquiro”, ni masiaja mari. <sup>15</sup> Tiquirore mari sinigũ, marine tũhore. Tiquiro sa tũhorire masina, tiquirore mari sinino punota tiquiro ohoati gũhure masiaja mari.

<sup>16</sup> Mũsa acayũro tiquiro ñañene yegũ ihñana, ti ñañe Cohãcjũ pecapũ tiquiro waha dutiye ñañe ijieragũ, tiquirore sini basaya Cohãcjũre. Sa yero Cohãcjũ tiquirore yedohoro tiquiro mehna sa ijiducugũ yerota tiquirore. Cohãcjũ pecapũ tiquiro waha dutiyequina dihitare sini basaya mũsa. Apeye ñañe pehe Cohãcjũ pecapũ tiquiro waha dutiye ñañe waro ijire. Ihcãquiro ti ñañe warore tiquiro yegũ “Tiquirore sini basaya mũsa”, niedaja yũhũ. <sup>17</sup> Ijipihtiye ñañe yeye ñañe warota ijire, Cohãcjũ ihñagũ. Ti sa ijiepegũta apeye ñañe Cohãcjũ pecapũ tiquiro waha dutiye ñañe ijierare.

<sup>18</sup> Cohãcjũ macũno Jesu pehe Cohãcjũ pohne quehnoano ihña ihbore. Tiquiro sa ihña ihbogũ watĩno pehe Cohãcjũ pohne ñano ye masiedare. Sa ye Cohãcjũ pohne pehe ne ñañene sa yeducerare. Ahrire mari masiaja.

<sup>19</sup> Mari pehe Cohãcjũ yequina ijiaja. Watĩno pehe ahri yehpa cjẽna pũtoro ijire. Ahri gũhure mari masiaja.

<sup>20</sup> Cohãcjũ macũno ahri yehpapũre ahtarõ marine quehnoano masigũ yeri tiquiro. Tiquiro sa yegũ potota Cohãcjũ waroreta mari quehnoano masiaja. Ahri gũhure mari masiaja. Cohãcjũ macũno Jesucristo yequina ijiaja mari. Sa yena potota Cohãcjũ waro mehna cjãna ijina niaja mari. Ahriquire yũhũ nidiquiro potota Cohãcjũ waro ijire. Sa yero tiquiro mũmũsepũ sa ijiducugũ yeriquiro ijire.

<sup>21</sup> Yũhũ pohna, “Cohãcjũ ijire”, tiquina niñe queoyere ño peoeracãhña.



## 2 San Juan

*Jesucristo yere, potota apequnare cahĩne gũhure yahuahye Ñu*

<sup>1-2</sup> Yũhũ bucũ mũsare Cohãcjũ beserinare ahri pũre ojoa ohoaja. Jesucristo yere yũhtina ijiaja mari. Sa ye tiquiro buheye gũhũ mari mehna ijipihtiye decori sa ijiducurota. Sa yegũ potota mũsare cahĩaja yũhũ. Yũhũ dihita cahĩgũ niedaja mũsare. Apequna Jesu yere masiñequina tiquina gũhũ potota cahĩne mũsare. <sup>3</sup> Cohãcjũ mari Pacũ, Jesucristo tiquiro macũno gũhũ poto tiquina cahĩne mehna marine quehnoano yeeta. Sa ye marine paja ihĩaeta. Sa yeye marine quehnoano ijigũ yeeta tiquina. Sata yeahro marine. Sa nigũ mũsare quehnoa dutiaja.

<sup>4</sup> Mari Pacũ marine tiquiro dutiriro sahata ihquẽquina mũsa mehna cjẽna tiquiro yere yũhtiyequina tiquina ijigũ masigũ bucueaja yũhũ. <sup>5</sup> Yojopũre mũsare yũhũ dutiati wahma dutiro ijierare. Coã waropũre ahri dutiro marine duita ijiahye. Ohõ saha dutire marine. Mari mehna cjẽnare cahĩihna. <sup>6</sup> Tiquiro ye dutiyere ye pehona mari tiquirore cahĩaja. Sa yero coã waropũre mũsa tũhoriro sahata yojopũ gũhure ohõ saha dutire mũsare. Apequnare sa cahĩducuya.

*Peyequina ni mehoñequina ijire*

<sup>7</sup> Peyequina ni mehoñequina “Potota Jesucristo ahri yehpapũ masũno pagũta cũoriquiro ahtaerari jiri”, niñequina gũhũ ahri yehpa cjẽnare buheye wahari. Cristore ihĩna tuhtiriquiro ni mehoriqũro tiquina yero sahata ijire. <sup>8</sup> Quehnoano yeya mũsa. Cohãcjũ ye wapare mũsa quehnoano yeri wapare boeracãhĩa. Mũsa sa boeragũ Cohãcjũ quehnoa yũhũaro yerota mũsare.

<sup>9</sup> Ijipihtiyequina Cristo yere yũhdũducayequina, Cristo yere cohãñequina mari Pacũ yequina ijierare. Sa ye Cristo yere ne duhueyequina Cohãcjũ mari Pacũre, tiquiro macũno gũhũre masine tiquina. <sup>10</sup> Cristo ye buheyere cahmedariqũro, apeye buheyere buheriquiro mũsa cahapũ ahtagũ, tiquirore mũsa ya wũhũpũ sajã ta dutieracãhĩa. Tiquirore piti caeracãhĩa. <sup>11</sup> Apeye buheyere buheriquiro Cristo yere cahmedariqũro ñano yere. Sa yero tiquirore piti cariquiro pehe ñano yeriquirore yedohoro nine. Sa yena tiquirore piti caeracãhĩa.

*Ñu yahu ojoa bato tiahye*

<sup>12</sup> Peye mũsare yahu duepegũta tire ojoa dueraja. Mũsare ihĩnagũ waha duaja. Mũsare ihĩnagũ mũsa mehna yahuducutja, mari quehnoano bucueatire.

<sup>13</sup> Cohãcjũ beseriquina ohõpũ cahmecoañequina, mũsa mehna cjẽna mũsare quehnoa dutire.

## 3 San Juan

### *Ñu Gayo wame tiriquire "Quehnoariquire ijire", niahye*

<sup>1</sup> Yũhũ bucũ mũhũre Gayore potota yũhũ cahĩgũre ahri pũre oja ohoaja.

<sup>2</sup> Yũhũ cahĩgũ, Cohãcjũ mehna cjũ mũhũ ijigũ masiaja yũhũ. Tiquiro mehna mũhũ quehnoano ijiriro sahata mũhũ quehnoano yũhũatire, mũhũ pagũ dohatiro marieno mũhũ ijiatire Cohãcjũre sini basaja mũhũre. <sup>3</sup> Ihquẽquina Jesu yequina yũhũ cahapũ wihiye mũhũ ijiye tiyere yahuri yũhũre. "Cristo cahmeno sahata potota yere Gayo", ni yahuri tiquina yũhũre. Tiquina sa ni yahugũ tũhogũ tutuaro bucuei yũhũ. <sup>4</sup> Mũsa Jesu yere yũhũ buherina tiquiro cahmeno sahata mũsa yegũ tũhogũ tutuaro bucueaja.

<sup>5</sup> Yũhũ cahĩgũ, Jesu yequinare yedohogũ quehnoano yeri mũhũ. Sa yegũ Jesu yequinare mũhũ ihña masieñequina pehere yedohogũ quehnoa yũhũduaro yeri mũhũ. <sup>6</sup> Tiquina panopũ mũhũ ihña masieñequina pehe Jesu yequina ohõpũ cahmecoañequinare usãre ohõ saha ni yahuri: "Gayo usãre quehnoano cahĩne", ni yahuri panopũ mũhũ ihña masieñequina pehe. Came mũhũ ya macare tiquina yũhũ cãgũ ihñagũ tiquinare quehnoano yedohoya Cohãcjũ tiquiro bucueatire. <sup>7</sup> Tiquina Jesu yere buhe tiniñe wahaye, Cohãcjũre cahmeeñequinare yedohogũ cahmedari. <sup>8</sup> Sa yena tiquinare Jesu yere buhe tiniñequinare yedohouhna mari. Tiquinare sa yedohona, tiquina yero saha mari gũhũ Cohãcjũre yedohona niaja.

### *Diotrefe tiquiro ñañe yerire yahuahye Ñu*

<sup>9</sup> To cjẽnare Jesu yequinare ojoami. Yũhũ sa ojoaepẽgũta Diotrefe tiquiro basi tiquina pũhtoro yero saha iji duaro, yũhũre tũho duerari. <sup>10</sup> Mũsa cahapũ yũhũ esari bato tiquiro yerire mũsare yahu pehoutja. Usãre ñano yahuducure tiquiro. Sa yero ni mehoñe peyariquire ijire tiquiro. Sa yero apeye ñañe gũhũre yere tiquiro. Jesu yequinare tiquiro yere buhe tiniñequinare tiquiro ya wũhũre sajã dutierare. Sa yero apequina to cjẽna Jesu yequina pehe buhe tiniñequinare tiquina sajã dutigũ ihñano tiquiro pehe "Buhe tiniñequinare sajã dutieracãhña mũsa ye wũhũsepũre", ni yahusãre tiquinare. "Mũsa ye wũhũsepũ buhe tiniñequinare mũsa sajã dutiri buhiri mari Jesu yequina mari ya wũhũpũre mari cahmecoari wũhũpũre sajãedacãhña mũsa pehe", nine Diotrefe to cjẽnare Jesu yequinare.

<sup>11</sup> Yũhũ cahĩgũ, ñañequinare ihña cũedacãhña. Quehnoano yeyequina pehere ihña cũña. Quehnoañene yeyequina Cohãcjũ yequina ijire. Ñañene yeyequina Cohãcjũre masiedare.

### *Demetrio quehnoañene tiquiro yerire yahuahye Ñu*

<sup>12</sup> Ijipihtiyequina quehnoano yahuducuri Demetriere. Sa ye tiquiro yerire ihñañe quehnoano tiquiro yeriquiro ijigũ masine masa. Usã gũhũ tiquirore sata ni yahujaja. Sa yena usã yahuye pehere potota ijigũ masine mũsa.

### *Yahu bato tiahye Ñu*

<sup>13</sup> Mũhũre peye yahu duami. Sa yahu duepegũta tire ojoaeraja. <sup>14</sup> Mehenogã batota mũhũre ihña duaja. Sa yena mari basi cahme yahuducunata.

<sup>15</sup> Quehnoa dutiaja mũhũre. Mari mehna cjẽna ohõ cjẽna Jesu yequina mũhũre quehnoa dutire. To cjẽna mari mehna cjẽna ijipihtiyequina quehnoahdo.

## San Judas

### *Juda Jesu yequinare ojoa ohoahye*

<sup>1</sup> Yuhñ Juda Santiago bahñ, Jesucristo cahacjũ musare Jesu yequinare ahri pũre ojoa ohoaja. Musare mari Pacñ Cohãcjũ beseahye. Sa yena tiquiro cahĩne mehna quehnoano ijire musa. Sa yero Jesucristo yedohore musare “Ñañene yeari”, nino. <sup>2</sup> Quehnoa dutiaja musare. Cohãcjũ yedohoro mehna quehnoano ijiya musa. Sa yegñ Cohãcjũre paja ihña dutigñ, musare cahĩ dutigñ sini basaja Cohãcjũre yuhñ.

### *Ni mehoñequina tiquina ye buheyere yahu dũcahye Juda*

<sup>3</sup> Cohãcjũ marine pecarñ wahaborinare tiquiro yuhdũoye pehere tutuaro ojoa duami musare, yuhñ cahĩnare. Sa ojoa duepegũta musare yojopũre ni mehoñe buheyere cahme dutieragñ musare ojoaja. Sa yena Jesucristo ye buheye pehere tutuaro buheya musa. Ahri buheye pehe Jesu yequinare Cohãcjũ cũri buheye sa ijiducurota comesaro marieno. <sup>4</sup> Ihquẽquina masa ñañequina wacũeno mehna musa caharñ esari. Musa mehna ijiye tiquina ohõ saha ni buhemene musare: “Cohãcjũ yequina musa ijigũ, tiquiro cahĩne musare. Sa yero numia mehna musa ñano yegũ tiquiro musare ne buhiri dahresi”, ni buhemene tiquina. Sa ye mari pũhtorore ihcãquiota ijiriquire Jesucristore “Cohãcjũ macño ijierare”, ni buhemene tiquina. Ohõ saha ni buheyequinare Cohãcjũ tiquiro buhiri dahreatire yahuahye panopũre. Tiquiro yere tiquina ojoari pũpũ sata ni yahuahye.

<sup>5</sup> Yojopũre musare apeyere wacũgũ ye duaja. Ahrire musa masiepegũta pari turi ahrire musare wacũgũ ye duaja. Cohãcjũ judio masare Egiptorñ ijiyequinare tiquiro wiori bato tiquina mehna cjẽnare tiquirore wacũ tutueyequinare tiquiro wejẽahye.

<sup>6</sup> Sa yena musa apequina gũhũre wacũña. Apequina angele pehe Cohãcjũ dutiyere ye duerahye. Sa ye tiquinare tiquiro iji duti cũriore tiquina iji duerahye. Sa ye tiquina ijimedirore duhu cãhye tiquina. Tiquina sa duhugũ ihñano Cohãcjũ nahitianorñ tiquinare peresu yeahye. Sa ye tiquina pihtiatu deco pano come dari mehna dũhteriquina yero saha ijiducuetu. Sa yero pihtiatu deco ijigũ tiquinare buhiri dahrerota Cohãcjũ.

<sup>7</sup> Sata yeahye apequina gũhũ. Tiquina gũhũre wacũña musa. Tiquina Sodoma wame tiri maca cjẽna, Gomorra wame tiri maca cjẽna ti macari caharñ ijiye macari cjẽna gũhũ numia mehna ñano yeahye. Sa ye sijoro saha yeye gũhũre ye, umña pehe tiquina basita tiquina pagũri mehna ñano yeahye. Numia gũhũ sata yeahye. Tiquina sa yeri buhiri Cohãcjũ tiquinare ñjũa peho cãhye. Tiquinare ñjũano Cohãcjũ ijipihtiyequina tiquirore yuhdũdũcariquinare tiquiro buhiri dahreatire masare ihñono niahye. Tiquinare tiquiro buhiri dahreri peca ne yatisi.

<sup>8</sup> Tiquina Cohãcjũ buhiri dahrenohriquina mũna yero saha yojopũ gũhũre sata yeducure ni mehoñene buheyequina. Tiquina quehẽñequina yero saha ijiye, tiquina pagũri mehna ñano yere. Sa yeye Cohãcjũ dutiyere cahmedare tiquina. Sa ye tiquina yuhdũoro tutuayequinare tiquina pehe ñano yahuducu cohtere. <sup>9</sup> Quehnoañequina angele pehe tutuayequina ijiepetu sa ni yahuducuerare. Miguel wame tiriquire angele pũhtoro pehe Moise pagũre cahmeno, watĩno mehna cahme sehña soahye. Tutua yuhdũariquire ijieperota tiquiro “Watĩno yuhdũoro yuhñ pũrita tutuaja”, ni tũhotuerahye. Sa yero tiquiro esa tuharo watĩnore ñano yahuducuera, tiquirore tuhtierahye. Sa yero ohõ saha niahye watĩnore. “Cohãcjũpũ mũhũre tuhtiahro”, niahye Miguel watĩnore. <sup>10</sup> Sa ye ahriquina ni mehoñequina pehe tiquina masieñequinare ñano yahuducu cohtere. Sa ye wahiquina tũho masieñequina tiquina esa tuharo tiquina yero saha ni mehoñequina pehe yere. Sa yeyequina ijiye, pecarñ wahaeta.

<sup>11</sup> Tiquinata ñano yuhdũeta. Caĩ yeriro saha ñano yeri tiquina. Sa ye Balãa tiquiro yeriro saha tiquina niñerure cahĩ wapata duaye, ni mehoñene buhere. Sa ye niñeru neatu

dihitare tũhotu, ti dihitare yere. Sa ye Coré tiquiro pũhtorore cohã duariro saha tiquina gũhũ tiquiro yero saha yere. Sa ye tiquiro yero saha tiquina gũhũ pecapũ wahaeta. <sup>12</sup> Tiquina ni mehoñequina pehe mũsa cahme cahĩati bõse decorire ihyaye, ño peoro marieno tiquina cahmeno saha apere. Sa ye tiquina sehsarota ihyayere bore apequinare ohoro marieno. Wete yero saha tiquina mũsa bõse decorire quehnoañe decori ijiborirore dojomehne cohtere.

Ehmeo cururi acoro marieñe cururi ti dũhseati ijieraro saha tiquina ni mehoñequina ne dũhseati tiquina ijierare. Sa ye ehmeo cururi wihnono wẽdoqueoye cururi ti sa comesaducuro saha tiquina ni mehoñequina gũhũ ihcãno saha yahuducueraye, sa comesaducure.

Sa ye, dũca tiri pje ijigũ dũca marieñe cjũ yero saha ijire tiquina. Ti cjũ pũa tahapũ yariaa wahare. Ihcã taha dũca tieye cjũ, yariaye cjũ yero saha waha tuhasare. Ti cjũre tiquina duhari bato pari turi yariaa wahare tja. Ti cjũ yero saha ijiye dũhseati tiquina ijierare tiquina ni mehoñequina.

<sup>13</sup> Sa ye pajiri ma cjẽ pahcõri bũjũye pahcõri yero saha ijire tiquina. Ti pahcõri quẽ ohõgũ, wete bũjũye sahpori wahare. Dũhse ijiyere tiquina ni mehoñequina tiquina yegũ pahcõri cjẽ sahpori wete bũjũye sahpori ti waharo saha ni mehoñequina tiquina ñano yeye ijire.

Sa ye asi maa cãe paca ñahpicoha paca yero saha ijire tiquina. Sa yeye ñahpicoha paca nahitianopũ ti waharo saha tiquina gũhũ ñanopũ wahaeta. Sa ye topũre sa ijiducuetã tiquina ni mehoñequina.

<sup>14-15</sup> Enoco panopũ cjũno Adãn panamino iji turiariquiro seis cururi bato masa bajuariquiro ohõ saha niahye. Tiquinare ni mehoñequinare ohõ saha niahye: “Tũhoya yũhũre. Cohãcjũ peyequina tiquiro yequina angele quehnoañequina mehna ijipihtiequina ñañequinare tiquina ñañe buhiri buhiri dahrero ahtarota. Sa yero ijipihtiequina Cohãcjũre ihña tuhtiequinare tiquina ñañe yeri buhiri tiquinare buhiri dahre dutiro ahtarota Cohãcjũ. Sa yero Cohãcjũre ñano tiquina yahuducuri buhiri gũhũre tiquinare buhiri dahre dutiro ahtarota”, niahye Enoco. <sup>16</sup> Tiquina ni mehoñequina unureducuyequina, apequinare yahu wajayequina tiquina ñano wacũñe dihitare yere tiquina. Sa ye “Apequinare masi yũhdũdũcaja m̄sã”, niducure tiquina. Sa ye tiquina cahmeno saha ye duaye, apee borore ehma duaye, tũhoro quehnoanopũta yahuducure masare.

#### *Jesu yequinare yahu nemoahye Juda*

<sup>17</sup> Mari pũhtoro Jesucristo buhe duti tiquiro cũriquina tiquina buherire wacũña mũsa, yũhũ cahĩna. <sup>18</sup> Ohõ saha nidi tiquina mũsare. “Ahri yehpa pihtiato panogã Cohãcjũre ñano yahuducu bũjũpeyequina ijietã. Sa ye tiquina Cohãcjũre cahmedaye, ñañene tiquina tutuaro cahmeñene yeeta tiquina”, ni yahuri Jesu cũriquina mũsare. <sup>19</sup> Jesu yequinare tiquina basi tiquina cahme ihña tuhtigũ yere tiquina ni mehoñequina pehe. Sa ye tiquina ñañequina ahri yehpa cjẽna ijiye, Espĩritu Santore ne cũoerare tiquina. Sa ye tiquina ñañene tutuaro cahmeñe dihitare yere tiquina.

<sup>20</sup> Mũsa pehe yũhũ cahĩna, Jesucristo ye buheyere quehnoano tũho nemoña, quehnoano wacũ tutuana mũsa ijiro quehnoano. Ti buheye pehe quehnoa yũhdũare. Espĩritu Santo yedohoye mehna Cohãcjũ mehna yahuducuya mũsa. <sup>21</sup> Quehnoañene yeya mũsa Cohãcjũ mũsare tiquiro cahĩñene mũsa masino quehnoano. Sa yena Jesucristo mehna mũsa sa ijiducuatire cohteya. Tiquiro marine paja ihñano m̄hmũsepũ sa ijiducugũ yerota.

<sup>22</sup> Cristo yere tũho duera cjũñequinare paja ihñaña. Sa yena tiquinare buhe, masigũ yeya. <sup>23</sup> Tiquinare pecapũ wahaboriquinare Cohãcjũre yũhdũogũ yeya mũsa. Sa yena apequinare paja ihñaña mũsa. Tiquinare yedohona mũsa gũhũ tiquina ñañe yeyere ihña cũedacãhña. Wete tiri suhtirore mũsa yabiro saha, apequina tiquina ñañe yeyere yabiya, “Tiquina ñañe yeyere pihari”, nina.

*Juda Cohãcjũre tiquiro ño peoye ijire*

<sup>24-25</sup> Cohãcjũ mari pũtoro marine ihña ihbo masine “Ñañene yeari”, nino. Sa yero tiquiro marine ñañe buhiri marienare ðhmũsepũ tiquiro cahapũ cũ masine. Sa marine topũ tiquiro cũgũ mari bucuenata. Tiquiro Cohãcjũ ihcãquiota ijire. Apequiro mariedare. Sa yero marine pecapũ wahaborinare yũhdũoriquiro ijire tiquiro. Tiquiro pehe panopũ, yojopũre, ijipihtiye decori gũhũre quehnoa yũhdũariquiro, mari pũtoro, tutua yũhdũariquiro, ijipihtiyequinare dutiriquiro ijire. Tiquiro sa ijigũ mari pũtoro Jesucristo yedohoro mehna tiquirore ño peuhna. Sata yeihna.



## Apocalipsis

*Camep*ure ahri deco dáhse wahatire marine masigũ yeahye Jesucristo

<sup>1</sup> Ahri pũpũ Jesucristo marine tiquiro masigũ yerire yahu ojoagũ niaja. Mari Pacũ pehe tire yahu dutiro cũahye tiquirore, tiquiro yequinare tiquiro cahacjẽnare masigũ ye dutiro. Sa yero mianota dáhse wahatire masigũ yeri tiquiro. Mehenogã dáhstajiãno nine sa wahato. Jesucristore tiquiro sa cũgũ tiquiro pehe angelre tire yũhũre Ñure yahu dutiro ohori. <sup>2</sup> Sa yegũ yũhũ Ñu ijipihtiyere yũhũ ihñarire yahu ojoagũ niaja. Cohãcjũ ye yahuducuyere Jesucristo ye buheyere yahu ojoagũ niaja.

<sup>3</sup> Ahri pũpũ camerũre dáhse wahatire yahu ojoagũ niaja. Mehenogã dáhstajiãno nine ahri ijipihtiye sa wahato. Sa ye ijipihtiyequina ahri pũre buheyequina, yũhũ yahurire quehnoano tuhoyequina ahri pũ nidiro saha yeyequina bucuyequina ijieta.

*Siete cururi cjẽnare* Jesu yequina cahmecoañequinare ojoa ohoahye Ñu

<sup>4</sup> Yũhũ, Ñu mũsare siete cururi cjãnare Jesu yequinare Asia yehpa cjãnare ojoa ohoaja: Cohãcjũ tiquiro cahĩne mehna mũsare quehnoa dutiaja. Sa yena tiquiro yedohoye mehna quehnoano ijiya mũsa. Tiquiro panopũta sa ijiducuriquiro ijie tiahye. Yojobũ gũhũre sa ijiducure. Camerũ ahtarota. Tiquiro pũhoro dujiro poto ijiyequina siete pagũ bajueyequina ijire. Tiquina cahĩne mehna mũsare quehnoa dutiaja tja. <sup>5</sup> Cristo tiquiro cahĩne mehna mũsare quehnoa dutiaja tja. Cohãcjũ yere ni mehono marieno yahuriquiro ijire tiquiro. Sa yero tiquiro yariari bato tiquiro masa mũjari bato ne pari turi yariasi tiquiro. Sa yero ijipihtiyequina ahri yehpa cjẽna pũhota tiquina bui pũhoro ijire tiquiro. Marine cahĩno tiquiro dii cohãri mehna mari ñañene coseri tiquiro. <sup>6</sup> Sa cosero marine pũhota sũri tiquiro. Marine pahia wahagũ yeri tja. Cohãcjũ mari Pacũ tiquiro yere yeatiquinare marine sa sũri tiquiro. Ijipihtiye decori “Tutuagũ ijire mũhũ”, ni ño peoducueta ijipihtiyequina tiquirore. Ijipihtiyequina pũhoro sa ijiducure tiquiro. Sata ijiahro.

<sup>7</sup> Quehnoano wacũ masi cohteya mũsa. Ehmeo cururi watoa dijia tarota Cristo. Tiquiro sa ahtagũ ihñæta ijipihtiyequina. Tiquirore quẽ biha wejẽdiquina gũhũ tiquirore ihñæta. Sa ye tiquiro ahtagũ ihñæne ahri yehpa cjẽna ijipihtiye cururi cjẽna tutuaro utieta. Sata utiahro.

<sup>8</sup> Ohõ saha nine mari pũhoro Cohãcjũ: “Yũhũ ijipihtiyere bajumehnedigũ ijiaja. Sa yegũ ijipihtiyere pihtigũ yeacjũ ijiaja. Tutua yũhdũdũcagũ ijiaja yũhũ. Panopũ gũhũre sa ijiducue tii. Yojobũ gũhũre sa ijiducujaja. Came ahtaũtja”, nine Cohãcjũ.

*Cristore asi siteriquirore tiquiro ihñarire yahuahye Ñu*

<sup>9</sup> Yũhũ Ñu mũsa acayũ Jesu yaquiro ijiaja. Sa yegũ mũsa yero saha yũhũ gũhũ Jesu yere yũhũ yeri buhiri ñano yũhdũhũ. Sa yegũ mũsa yero saha yũhũre tiquina sa ñano yepẽgũta Jesu yedohoye mehna Jesure cohæedũ. Mari ihcãno saha tiquiro pũhoro ijero cjãna ijiana ijiaja mari. Ya dihta cjẽna tiquina cohãrigũ ijigũ Patmo wame tiri nũcũopũ ijiaja. Cohãcjũ yere, Jesucristo tiquiro buheri gũhũre apequinare yũhũ buheri buhiri ohõpũ tiquina cohãrigũ ijiaja. <sup>10</sup> Ohõpũ yũhũ ijigũ ihcã deco domingo ijigũ Espĩritu Santo yũhũre quehẽnopũ ihñono nidi. Tiquiro sa ihñogũ yũhũ behero peherũ tutuaro yahuducuro ca tari. Corneta tutuaro bisiro saha tutuaro bisiro ca tari tiquiro yahuducuye. <sup>11</sup> Ohõ saha nino ca tari yũhũ tuhogũ:

—Yũhũ ijipihtiyere bajumehnedigũ ijiaja. Sa yegũ ijipihtiyere pihtigũ yeacjũ ijiaja. Yojobũ mũhũ ihñatire ojoati pũpũ ojoa ohõña. Mũhũ sa ojoa ohõri bato siete cururi cjẽnare Cohãcjũ yequinare ohoya ti pũre. Tiquina siete cururi Asia dihtapũ ijiye macari cjẽna ijire. Efeso cjẽnare, Esmirna cjẽnare, Pẽrgamo cjẽnare, Tiatira cjẽnare, Sardis cjẽnare, Filadelfia cjẽnare, Laodicea cjẽnare mũhũ ihñatire ojoa ohoya, nino ca tari yũhũre.

<sup>12</sup> Tiquiro sa nigũ tuhogu majareducau yũhure yahuducuriquirore ihñagu tuhũ. Sa majareducagu siete sihãne pacare tiquina duhu peoye cjũre uru mehna tiquina yeri cjũre ihñau. <sup>13</sup> Ti cjũ watoa ducuriquirore masũno yero saha bajuriquirore ihñau. Tiquiro yoari suhtiro dahpocãripũ esari suhtirore sañariquiro ijiri. Sa yero uru mehna tiquina yeri cahsero mehna tiquiro cutiro bui tuã dihoriquiro ijiri. <sup>14</sup> Sa ye tiquiro poari buhsa cohoru yero saha yehseri. Sa ye tiquiro caperi peca pohna yero saha asiri. <sup>15</sup> Sa ye tiquiro dahpocãri bronce wame tiye come asiye come yero saha asi siteri. Broncere peca mehna tiquina quehnoano uñũa weri bato tire wahtere quehnoano asi paha dutiye. Ti quehnoano wahtenohriro yero saha tiquiro dahpocãri quehnoano asi siteri. Sa yero tiquiro yahuducuye peo tutuaro cuari peo yero saha tutuaro bisiro ca tari. <sup>16</sup> Tiquiro omoca poto pehe siete ñahpicoha pacare cuori. Sa yero tiquiro duseropũ ñoseni pji pũa peheri siori pjiñe cuhñuri. Sa yero asũ deco cjũno tiquiro tutuaro asi sitero saha tiquiro wũhdoa tutuaro asi siteri.

<sup>17</sup> Sa yegu tiquirore ihñagu tiquiro dahpocãri cahapũ doque quehe sau yariariquiro yero saha. Yũhũ sa doque quehe sagũ ihñano tiquiro poto pehe cjã omoca mehna yũhure duhu peo ohõ saha nidi:

—Cueracãhña. Yũhũ ijipihtiyere bajumehnedigu ijiaja. Sa yegu ijipihtiyere pihtigũ yeacjũ ijiaja. <sup>18</sup> Catigu ijiaja yũhũ. Yariarigu ijimi. Yojojũre ihñaña. Ijipihtiyere decori sa catiducugu ijiaja yũhũ. Pari turi masagu masare pari turi yariaragũ ye masiaja yũhũ. Sa yegu masare yariariquina tiquina ijiropũ wahaeragũ ye masiaja yũhũ. <sup>19</sup> Sa yegu yojojũ wahatire ihñagu, ojoa ohõña. Camerũ dũhse wahati gũhure ihñagu ojoa ohõña mũhũ. <sup>20</sup> Ahri siete ñahpicoha pacare yũhũ poto pehe yũhũ cuoye pacare yahutja mũhure. Sa yegu siete sihãne pacare tiquina duhu peoye cjũ uru cjũ gũhure yahutja. Ohõ saha ijiye yahuyere panopũ cjẽna masare ne yahuera tii. Ohõ saha ijire ti: Siete ñahpicoha paca siete cururi cjẽna yeequina pũhtoa ijiye nine, mari queoye mehna buhegũ. Sa ye siete sihãne pacare tiquina duhu peoye cjũ siete cururi cjẽna yeequina ijiye nine, mari queoye mehna buhegũ, nidi yũhure.

## 2

*Efeso* cjẽnare Jesu yequinare ojoa oho basa dũca dutiahye Ñure

<sup>1</sup> Sa ni tuhasa ohõ saha ni nemori yũhure ojoa dutiriquiro:

—Efeso cjẽna yeequina, tiquina pũhoro gũhure ohõ saha ni ojoa oho basaya mũhũ: “Yũhũ omoca poto pehe siete ñahpicoha pacare cuogũ ijiaja. Sa yegu siete sihã docoye cjũ watoa tinigu ijiaja. Sa tinigu ijigu musare ohõ saha ni yahuaja: <sup>2</sup> Ijipihtiyere musa yerire masi pehoaja. Yee ijiatire musa tutuaro dahrarire, yũhure musa wacũ tutua duhuerari gũhure quehnoano masiaja. Ñañene yeriquinare musa ihña yabigũ gũhure masiaja. Sa yena ‘Jesu buhe dutiro tiquiro cũrina ijiaja’, nimediquinare queoro tiquina buheragũ ihñana, ni mehoñequina tiquina ijigũ masidi musa. <sup>3</sup> Yeere musa yeri buhiri musa ñano yũhdũepenata ihcãno sahari musa Efeso cjãna. Sa yena yũhure ne duhuerari musa. <sup>4</sup> Sa quehnoano yena ijiepenata ihcãnore queoro yerari musa. Ahri ijire ti: Yũhure musa quehnoano cahĩ mũhtariro saha yojojũre yerare musa. <sup>5</sup> Yũhure musa cahĩ mũhtarire wacũña musa tja. Yojojũre yũhure musa cahĩeda cjũrire wacũña. Sa yena musa ñañe yerire bujũa witiya. Tire duhuya. Sa duhuna, yeere musa ye mũhtariro sahata yeya tja. Musa ñañe yerire musa duheragũ sojaro mehna sihãriare yũhũ duhu peodu musa ya dũre yũhũ dapodũre ne cohãutja. (Sa nigũ ohõ saha ni yahugũ niaja musare. Musa to cjãna yũhure cohãboaga. Sa cohãna to punota pihtinata musa ñañe yeyere duhuerana.) <sup>6</sup> Yũhure cahĩeda cjũna ijiepenata ahriire quehnoano yeri musa: Nicolaita wame tiyequinare ñañequinare ihña yabire musa. Yũhũ gũhũ tiquinare ihña yabiaja. <sup>7</sup> Cahmo tina ijire musa. Sa yena musa ye cururi cjẽnare yeequinare Espiritu Santo tiquiro yahurire tuhoya musa. Ohõ saha nine tiquiro: ‘Ijipihtiyequinare Jesure wacũ tutua duhuyequinare Cohãcjũ ya wese paraíso wame tiro cjãdũ dũcare ihya dutiitja.

Tu dūca catigū yeye ijire', nine Espíritu Santo", ni yahu oja oho basaya Efeso cjēna yeequinare, tiquina pūhtoro gūhure.

*Esmirna* cjēnare Jesu yequinare oja oho basa dutiahye Ńure

<sup>8</sup> 'Esmirna cjēna yeequinare, tiquina pūhtoro gūhure ohō saha ni oja oho basaya mūhū: "Yūhū ijipihtiyere bajumehnedigū ijiaja. Sa yegū ijipihtiyere pihtigū yeacju ijiaja. Yariaa wahau. Pari turi catiaja tja. Sa yegū ohō saha ni yahuaja mūsare: <sup>9</sup> Mūsa űano yūhdūrire masiaja. Pejecuona mūsa ijigū gūhure masiaja. Sa ijiepenata Cohācjū yere quehnoañene pajiro cūore mūsa. Apequina pehe 'Judio masa ijiaja', nimediquina ni mehonēquina ijire. Tiquina mūsare űano quti yerire masiaja. Tiquina Satana yequina ijire. <sup>10</sup> Yojoꝑure mūsa űano yūhdūatire cueracāhña. Tūhoya mūsa. Watīno mūsare Cohācjūre duhu dutiro ihquēquina mūsa mehna cjēnare peresu ye dutirota. Pūa omope decori waro űano yūhdūnata mūsa. Tiquina sa űano yegū mūsare tiquina sa wejē duepegūta yūhure, yee gūhure cohāedacāhña. Mūsa sa yūhure cohāedagū ihñagu ijipihtiyere decori Cohācjū cahapū mūsare sa ijiducugū yeitja. <sup>11</sup> Cahmo tina ijire mūsa. Sa yena mūsa ye cururi cjēnare yeequinare Espíritu Santo yahurire tūhoya mūsa. Ohō saha nine tiquiro: 'Ijipihtiyequina Jesure wacū tutua duhueyequina pecapū wahasi. Tiquina yariari bato pecapū wahasi', nine Espíritu Santo", ni oja oho basaya Esmirna cjēna yeequinare, tiquina pūhtoro gūhure.

*Pérgamo* cjēnare Jesu yequinare oja oho basa dutiahye Ńure

<sup>12</sup> 'Pérgamo cjēna yeequinare, tiquina pūhtoro gūhure ohō saha ni oja oho basaya mūhū: "Yūhū űoseni pī pūa peheri siori pīne cūogū ijiaja. Mūsare ohō saha ni yahutja: <sup>13</sup> Mūsa yerire, mūsa ya maca cjēna tiquina yeri gūhure masiaja. To cjēna pūhtoro Satana ijire. To cjēna Satanare űo peoyequina Antipare yeere quehnoano yahuriquire wejēdi. Tiquirore tiquina sa wejēgū ihñapenata yūhure ne wacū tutua duhuerari mūsa. <sup>14</sup> Mūsa sa wacū tutua duhuerapenata mehenogā yūhure yūhdūducari mūsa. Ihquēquina mūsa mehna cjēna Balāa ye buheyere cahmene. Panopū Balac wame tiriquire pūhtoro ohō saha ni buhee tiri Balāa pehe: 'Israe masare yūhdūdūca duana "Cohācjū ijire", mūsa niñe queoyere űo peo mūsa duhu peo ihyayere ihyā dutiya tiquinare. Sa yena numia mehna űano yegū yeya tiquinare', ni buhee tiri Balāa mūnāno. Panopū tiquiro yeriro saha yojoꝑū gūhure űano yegū yere ihquēquina mūsa mehna cjēna apequinare. <sup>15</sup> Sa ye tiquina yero saha apequina mūsa mehna cjēna Nicolaita wame tiyequina ye buhēye pehere cahmene. <sup>16</sup> Sa yena mūsa űañe yerire duhuya mūsa. Mūsa sa duhueragū ihñagu sojaro mehna mūsa cahapū wahagu, sa űano yeyequina mehna cahmequeitja yūhū dūseropū ijiri pī űoseni pī mehna. <sup>17</sup> Cahmo tina ijire mūsa. Sa yena mūsa ye cururi cjēnare yeequinare Espíritu Santo tiquiro yahurire tūhoya mūsa. Ohō saha nine tiquiro: 'Ijipihtiyequinare Jesure wacū tutua duhueyequinare maná wame tiye ihyayere ūhmūse cjē ihyayere ohoutja. Yehseye ūtā paca gūhure ohoutja tiquinare. Ti ūtā pacapūre wahma wamene yūhū oja ohōati ūtā paca ijirota. Apequina ti wamene ne masisi. Ti ūtā pacare neñequina dihita ti wamene masieta', nine Espíritu Santo", ni oja oho basaya Pérgamo cjēna yeequinare, tiquina pūhtoro gūhure.

*Tiatira* cjēnare Jesu yequinare oja oho basa dutiahye Ńure

<sup>18</sup> 'Tiatira cjēna yeequinare, tiquina pūhtoro gūhure ohō saha ni oja oho basaya mūhū: "Yūhū Cohācjū macū yūhū caperi peca pohna yero saha asire. Sa ye yūhū dahpocāri bronze wame tiye come tiquina wahteri come yero saha asi sitere. Mūsare ohō saha ni yahuaja.

<sup>19</sup> Mūsa yerire masiaja yūhū. Cohācjūre, apequina gūhure mūsa cahīdire, yūhure mūsa cohāedarire, apequinare mūsa yedohorire, űano yūhdūepenata yūhure mūsa duhuerarire masiaja. Coā waropū mūsa yeriro yūhdūoro yojoꝑū pehere quehnoano ye nemonā nine mūsa. Ti gūhure masiaja yūhū.

<sup>20</sup> MUSA sa quehnoano yena ijiepenata ohõ saha yuhure yuhduducari musa: Jezabe wame tiricoro ‘Cohãcjũ yere yahugo ijiaja’, ni mehoricoro musare ticoro ñano buhegũ tuhona ticorore tuhtierari musa. Ni meho buhero yeequinare yuhũ cahacjẽnare numia mehna ñano yegũ yere. Sa yero ‘Cohãcjũ ijire’, tiquina niñe queoyere apequina ño peo, tiquina duhu peoe tiri ihyayere. Ti ihyayere yeequinare ihya dutire ticoro. <sup>21</sup> Ticoro ñañene bujua witiatire cohtenimi. Yuhũ sa cohtepegũta umua mehna ticoro ñano yeyere duhu duerari. <sup>22</sup> Yuhure tuhoya musa. Ticorore dohatigũ yeitja. Ticoro mehna ñano yeriquina gũhure dohatigũ yeitja. Sa ye tiquina tutuaro ñano yuhdueta. Sata yeitja tiquinare ticoro mehna tiquina ñano yerire tiquina bujua witiaragũ, tire tiquina duhueragũ. <sup>23</sup> Sa yegũ ticoro pohne wejẽitja. Yuhũ sa yegũ ihñañe ijipihtiequina yeequina yuhũ quehnoano masigũ ijigũ masieta. Masa tuhutuyere tiquina tutuaro cahmeñe gũhure masiaja. Yuhũ sa masiñene masieta tiquina ticorore yuhũ buhiri dahregũ ihñañe. Ijipihtina musa ñañene yeri buhirire buhiri dahreitja musare. Sa yegũ musa quehnoañene yeri wapa pehere quehnoano yeitja musare. <sup>24</sup> Apequina musa mehna cjẽna Tiatira cjẽna ticoro ye buheyere cahmedari. MUSA pehe Satana ye buheyere ‘Panopũ tiquiro yahuerari jiri’, tiquina niñe buheyere cahmedari musa. Sa yegũ musa pehere duti nemosi yuhũ. <sup>25</sup> Ahri dihitare ye duti nemoutja musare: MUSA cahapũ yuhũ tojoa tato pano yuhũ buheyere musa masidire ne mehenogã duhueracãhña. <sup>26-27</sup> Ijipihtiequina ñañene duhuyequinare, yeere sa yeducuyequinare pũhtoa sũutja. Yuhũ Pacũ yuhure tiquiro pũhthora sũriro sahata musa gũhure pũhtoa sũutja. Ijipihtie yehpari cjẽna bui pũhtoa sũutja musare. Sa pũhtoa sajàna, musa docapũ ijiyequinare ijipihtie yehpari cjẽnare tutuaro dutinata musa. Dihi suturire mari yucũgũ mehna pohagũ duita wahtiro saha tiquina duita phtia wahaeta. <sup>28</sup> Sa yegũ musare yeere ne duhuyequinare ñahpicoha bohrea mũja tariare ohoutja musare. Sa yegũ musa mehna ijitja yuhũ.

<sup>29</sup> Cahmo tina ijire musa. Sa yena musa ye cururi cjẽnare yeequinare Espiritu Santo tiquiro yahurire tuhoya musa”, ni oja oho basaya Tiatira cjẽna yeequinare, tiquina pũhthora gũhure.

### 3

*Sardis* cjẽnare Jesu yequinare oja oho basa dutiahye Ñure

<sup>1</sup> ‘Sardis cjẽna yeequinare, tiquina pũhthora gũhure ohõ saha ni oja oho basaya mũhũ: “Yuhũ siete pagũ bajueyequinare Cohãcjũ yequinare cũogũ ijiaja. Sa yegũ siete ñahpicoha pacare cũogũ ijiaja. Musare ohõ saha ni yahuaja:

MUSA yerire masiaja. Ohõ saha ni tuhutumene apequina musare: ‘Tiquina Cohãcjũ yere quehnoano ye pehoyequina ijire’, ni tuhutumene musare apequina. Tiquina sa ni tuhutuepegũta Cohãcjũ yere quehnoano yerare musa. <sup>2</sup> Sa yena quehnoano yeya musa ‘Ñañene yeari’, nina. Cohãcjũ yere musa masidire quehnoano wacũña, ‘Tiquiro yere duhuari’, nina. Cohãcjũ ihñagũ quehnoano ye pehoerare musa. <sup>3</sup> Sa yena yeere musa tuho mũhtarire quehnoano wacũña musa. Sa wacũna yeere yeya. MUSA ñañe yerire duhuya. Yuhũ nino saha musa yeragũ wacũeno mehna musare buhiri dahreitja. Yaqueriquiro wacũeno mehna tiquiro yaquero sajàriro saha musare wacũeno mehna buhiri dahreitja. <sup>4</sup> Ihquẽquina musa mehna cjẽna Sardis cjẽna ñañene yeducuere. Wete marieni suhtirore musa sañaboriro saha ti ñañe yeyere piha duerare musa. Sa quehnoana ijina, yehseri suhtiro sañana yuhũ mehna ijinata musa pehe. <sup>5</sup> Ijipihtiequina yeere duhuyequina sata yehseye suhti sañaducuyequina ijieta. Sa yeye yuhũ mehna sa ijiducuatiquina wamene tiquiro oja ohõri tjupe tiquina gũhũ tiquina wamene oja ohõnohriquina ijieta. Tiquina wamene tiquiro oja ohõrire cosesi yuhũ. Yuhũ Pacũ ihñonopũ, angele gũhũ tiquina ihñonopũ yeequina musa ijirire yahutja tiquinare.

<sup>6</sup> Cahmo tina ijire musa. Sa yena musa ye cururi cjẽnare yeequinare Espiritu Santo tiquiro yahurire tuhoya musa”, ni oja oho basaya Sardis cjẽna yeequinare, tiquina pũhthora gũhure.

*Filadelfia* cjēnare Jesu yequinare ojoa oho basa dutiahye Ñure

<sup>7</sup> 'Filadelfia cjēna yeequinare, tiquina pũhtoro gũhũre ohõ saha ni ojoa oho basaya mũhũ: “Yũhũ ñañe mariegũ ijiaja. Poto yegũ ijiaja. Davi mũnano panopũ cjũno sawire tiquiro cũboriro saha, masare tiquiro pũhtoro ijiropũ tiquiro pũboriro saha yeitja yũhũ. Sa yegũ Cohãcjũ tiquiro pũhtoro ijiropũ sajãtore yũhũ pũogũ ne apequina tire biha masiedare. Yũhũ bihagũ ne apequina pũo masiedare.

<sup>8</sup> Ijipihtiyē mũsa yeyere masiaja yũhũ. Wacũ tutuera cjũna ijiepenata yũhũ buhevere quehnoano tũhori mũsa. Sa yena yũhũre, yee gũhũre duhuerari mũsa. Sa yegũ yeere cũu mũsare. Sa ye apequina ‘Tire yeracãhña’, ni cahmota masiedare mũsare. <sup>9</sup> Sa yegũ ohõ saha yeitja: Apequina mũsa caha ijiequina Satana yequina ijire. ‘Judio masa ijiaja’, niepeta judio masa waro ijierare. Tiquinare mũsa caha dũsepe curi mehna quehe sa, mũsare ño peogũ yeitja tiquinare. Yũhũ sa yegũ ihñañe mũsare yũhũ cahĩñene masieta tiquina. <sup>10</sup> Mũsare yeere yũhũ duhu dutieragũ tũhona quehnoano yũhtiri mũsa. Mũsa sa yegũ ihñagũ ahri yehpa cjēna ijipihtiyequina tiquina ñano yũhũduati pje ijigũ mũsare cahmotatja. Ti pje ijipihtiyequina tiquina ñano yũhũduati pje ijirota. <sup>11</sup> Mehenogã dũhsare ahri yehpapũ yũhũ tojoa tato. Yeere mũsa masidire boeracãhña. Sa yena yũhũre sa yũhtiducuya, mũsa quehnoano yeri wapare ‘Boari’, nina. <sup>12</sup> Sa yegũ yeere sa yeducuyequinare yũhũ Pacũ ya wũhũ cjēna ijiatiquinare cũtja tiquinare. Tiquiro ya wũhũ cjē botari ti yoari pje ijiducuro saha Cohãcjũ mehna ijiducugũ yeitja tiquinare. Sa ye tiquina mehna cjēna sa ijiducuetã. Sa yegũ Cohãcjũ wũhũ cjē botaripũ yũhũ ojoa ohõno saha tiquinare tiquina pagũripũ ohõ saha ni ojoa ohõutja: Cohãcjũ yũhũ Pacũ wamene, tiquiro ya maca wame gũhũre ojoa ohõutja. Tiquiro ya maca wahma maca Jerusalẽ ijirota. Ti maca uhmũserũ Cohãcjũ cahapũ ahtari maca ijirota. Yũhũ wahma wame cũoutja. Ti wame gũhũre ojoa ohõutja tiquina pagũripũ.

<sup>13</sup> Cahmo tina ijire mũsa. Sa yena mũsa ye cururi cjēnare yeequinare Espĩritu Santo yahurire tũhoya mũsa”, ni ojoa oho basaya Filadelfia cjēna yeequinare, tiquina pũhtoro gũhũre.

*Laodicea* cjēnare Jesu yequinare ojoa oho basa dutiahye Ñure

<sup>14</sup> 'Laodicea cjēna yeequinare, tiquina pũhtoro gũhũre ohõ saha ni ojoa oho basaya mũhũ: “Yũhũ poto yegũ ijiaja. Sa yegũ ni mehono marieno yũhũ ihñarire, yũhũ tũhorire sa yahuducugũ ijiaja. Ijipihtiyere mari Pacũ tiquiro yerire ye basagũ ijiaja yũhũ.

<sup>15</sup> Ijipihtiyē mũsa yerire masiaja yũhũ. Yũhũre wacũ tutuana ijiepenata mehenogã wacũ tutuana ijire mũsa. Ohõ saha ijire ti: Aco yũsũeye aco asũ mehna asi busuye aco yero saha ijire mũsa. Sata ijie acore mari coaero saha yũhũre wacũ tutuera cjũna mũsa ijigũ yũhũ gũhũ mũsare coeraja. Yũhũre mũsa quehnoano wacũ tutuagũ quehnoaboaga yũhũre. Yũhũre mũsa wacũ tutueragũ ñarĩboaga yũhũre. Ti yũhũduoro mehenogã wacũ tuana mũsa ijigũ ña yũhũduare. <sup>16</sup> Mũsa sa ijigũ ihñagũ yabi yũhũduaja yũhũ. Ñañe acore yũhũ sihco puti cohãno saha yũhũre mehenogã wacũ tutuayequinare yabi yũhũduaja yũhũ. <sup>17</sup> Sa yena ohõ saha ni tũhotumene mũsa: ‘Ijipihtiyere cũoaja. Ne yabe dũhsaerare marine’, ni tũhotumene mũsa. Sa niepenata pejecũoyequina yero saha ijire mũsa. Sa yena suhti marieñequina bũe tiro saha Cohãcjũ ihñonopũ mũsa ñañe yerire bũe tiana ijire mũsa. Sa yena caperi bajueyequina tiquina ihña duayere tiquina masieno saha Cohãcjũ yere ne masiedare mũsa. <sup>18</sup> Mũsa sa yena ijigũ ihñagũ ohõ saha ni yahutja mũsare: Uru warore mũsa dúro saha quehnoañene yũhũ cũoyere neña mũsa. Mũsare yũhũre wacũ tutuagũ yeitja. Sa yena potota Cohãcjũ ye mehna pajiro cũonata. Sa yena yehseri suhtirore mũsa dú mũsa sañano saha yũhũ dii cohãri mehna yũhũ yariari mehna mũsa ñañe yerire cosenohrina ijiaja. Sa yena quehnoañe suhti sañañequina tiquina bũe tiero saha mũsa ñañene cosenohrina ijina ne bũe tisi mũsa gũhũ. Sa yena mũsa caperire mũsa aco tiri bato quehnoano mũsare caperi bajuro saha Cohãcjũ yere quehnoano tũhoya, mũsa masino quehnoano.



<sup>19</sup> Ijipihtiyequina yũhũ cahĩñequinare yahuaja. Sa yegũ yũhũ cahĩñequina tiquina ijigũ ihñagũ, tiquina yũhtieragũ tiquinare buhiri dahreja, tiquinare yedohogũ tũhũ. Sa yena yee pehere tutuaro cahmeña. Sa yena ñañene duhuya. <sup>20</sup> Tũhoya yũhũre. Mũsa wũhũre bihari wũhũre yũhũ esadũca yũhũ sajã duaboriro saha mũsa mehna cjũ iji duagũ niaja. Yũhũ sa ye duagũ tũhona yũhũre mũsa mehna iji dutiya. Yeequina ijiya. Mũsa sa ye dutigũ mũsa mehna ijiitja. Sa yegũ mari siho ihyaro saha mũsa mehna quehnoano ijiitja. Sa yena yũhũ mehna cjãna ijinata mũsa. <sup>21</sup> Ñañene yũhũ cohãri bato yũhũ Pacũ pũhtoro tiquiro dujiro cahapũ dujiaja yũhũ gũhũ dutigũ tũhũ. Sata mũsa gũhũ ñañene mũsa duhuri bato yũhũ pũhtoro dujiro cahapũ dujinata mũsa dutina tana. Mũsare yũhũ cahapũ dujigũ yeitja.

<sup>22</sup> Cahmo tina ijire mũsa. Sa yena mũsa ye cururi cjẽnare yeequinare Espĩritu Santo tiquiro yahurire tũhoya mũsa”, ni ojoa oho basaya Laodicea cjẽna yeequinare, tiquina pũhtoro gũhũre, nidi yũhũre ojoa dutiriquiro.

#### 4

Uhmũsepũ Cohãcjũ cahapũ dũsepe curi mehna quehe sa tiquina ño peoyere ihñahye Ñũ

<sup>1</sup> Yũhũre tiquiro sa ni yahuri bato uhmũsepũ pũori sopecahare ihñau. Pari turi corneta tutuaro bisiro saha tutuaro yahuducuye bisiro ca tari, yũhũ tũhogũ. Ohõ saha nidi yũhũ tũhogũ.

—Ohõpũ mũja taya. Ahri yũhũ yahuati camepũre sijoro saha waharota. Sa wahatire mũhũre ihñoutja. Yũhũ nidiro sahata waharota, nino ca tari uhmũsepũ.

<sup>2</sup> Tiquiro sa ni yahugũta topũ mũja esagũ Espĩritu Santo tutuaye mehna ihñagu nii. Sa yegũ pũhtoro dujirore uhmũsepũ ihñau. Topũ ihcãquiro dujiri. <sup>3</sup> Sa yero quehnoano asi siteriquiro dujiri. Jaspe wame tiri utã yero saha, cornalina wame tiri utã yero saha quehnoano asi siteriquiro dujiri tiquiro. Sa yero buheni da esmeralda yero saha asi siteri da docapũ dujiri tiquiro. <sup>4</sup> Sa yero tiquiro dujiro cahapũ veinticuatro dujiyere ihñau. Ti dujiye pũtoa ye dujiye yũhũ ihña mũhtariquirore duji behtoari. Ti dujiyepũ veinticuatro Jesu yequina pũtoa dujiri. Yehseye suhti sañañequina ijiri. Sa ye pũtoa pesaye behtori uru behtorire pesariquina ijiri tiquina. <sup>5</sup> Yũhũ ihña mũhtariquiro dujiropũ miadoqueori. Sa yero sijoro saha ijiro bisiro ca tari. Uro gũhũ bisiro ca tari. Ti dujiro poto siete sihãñe paca ijiri. Siete sihãñe paca mehna tiquiro queoye mehna buhegũ Cohãcjũ yequina siete pagũ bajueyequina ijiri. <sup>6</sup> Sa yero tiquiro dujiro poto pajiri ma yero saha vidrio yero saha, quehnoano aco sitiri ma yero saha ijiri.

Ti dujiro cahapũ pititiaro sijoro saha bajueyequina ijiri. Tiquina pagũri paa pehe gũhũre tiquina behero pehe pehe gũhũre peye caperi tiyequina ijiri tiquina. <sup>7</sup> Yũhũ ihña mũhtariquiro sijoro saha bajuriquiro yairo sohãriquiro yero saha bajuri. Tiquiro bato ijiriquiro wecũ yero saha bajuri. Tiquina bato ijiriquiro masũno wũhdoa saha wũhdoa tiriquiro ijiri. Tiquina ihtiaro bato ijiriquiro cacũ wũye dũpũrĩre seõ dujiriquiro yero saha bajuri. <sup>8</sup> Tiquiro seis dũpũri wũye dũpũri tiriquiro ijiri. Tiquiro mehna cjẽna gũhũ sa dihita wũye dũpũri tiri. Sa ye tiquina wũye dũpũri pũa peheripũta peye caperi tiye dũpũri ijiri. Sa ye decoripe, ñaminipe sa basaducuye nidi. Ne basa duhuerari. Ohõ saha ni basari:

Quehnoariquiro, quehnoariquiro, quehnoariquiro, Cohãcjũ mari pũhtoro tutua yũhdũriquiro ijire. Tiquiro panopũta sa ijiducuahye. Yojopũ gũhũre sa ijiducure. Camepũ ahtarota, ni basaducuye nidi.

<sup>9</sup> Sa basaye tiquina pititiaro sijoro saha bajueyequina tiquiro tutuayere basa peoye nidi. Sa ye tiquirore ijipihtiye decori ijiducuriquirore ño peoye “Quehnoare”, niñe nidi. <sup>10</sup> Tiquina sa ye peogũ ihñañe veinticuatro Jesu yequina pũtoa pehe pũhtoro dujiropũ dujiriquiro poto dũsepe curi mehna quehe sa, tiquirore ño peori. Tiquiro ijipihtiye decori ijiducuriquiro ijire. Sa ño peoye tiquina pũtoa pesaye behtorire tiquiro dujiro caha doque peori. Sa doque peoye ohõ saha nidi tiquina:

<sup>11</sup> M̄h̄h̄ Cohācj̄ũ ũs̄a p̄h̄to waro ijire. Tutuaḡu, quehnoaḡu ijire m̄h̄h̄. M̄h̄h̄ ũs̄a ño peoḡuta ijiḡu nine. M̄h̄h̄re sa ño peoducuro cahmene ũs̄are. Ijipihtiyere bajumehnediḡu ijire m̄h̄h̄. M̄h̄h̄ cahmediro sahata ti ijipihtiyere bajumehneahye m̄h̄h̄, nidi tiquina Cohācj̄ure, top̄u dujiriquire.

## 5

*Ojoari p̄ure torēdi tunure cordero ḡũh̄re yahuahye Ñu*

<sup>1</sup> Came top̄u dujiriquire tiquiro omoca poto pehe tiquiro c̄ori p̄ure ojoari p̄ure ih̄ñ̄a. Ti p̄u p̄a peheri ojoari p̄u tiquiro torēdi tunu ijiri. Sa yero siete piha ñeheñe mehna tiquiro piha ñehedi tunu ijiri. <sup>2</sup> Sa yeḡu tutuariquire angelre ih̄ñ̄a. Tiquiro tutuaro yahuducuye mehna oh̄o saha ni yahuri:

—Ahri tunure piha ñeheñene quehnoariquire dihita t̄hr̄e masine. ¿Diquiro pehe ijiajari t̄hr̄eatiquiro? nidi tiquiro angel.

<sup>3</sup> Sa nieperota tiquina ti tunure t̄hr̄eatiquirore bocaerari. Ti tunure t̄hr̄eatiquirore, quehnoariquirere bocaerari. Ɛhm̄s̄ep̄u, ahri yehp̄ap̄u, catiyequina watoap̄u, yaria tuhasariquina watoap̄u ne ti tunure ñeheñene t̄hr̄eatiquiro mariedari. Sa yero ti tunure buheatiquiro mariedari. <sup>4</sup> Sa yeḡu t̄hr̄eatiquirore, ti p̄ure buheatiquirore tiquina bocaeraḡu ih̄ñ̄aḡu tutuaro utii ȳh̄h̄. <sup>5</sup> Ȳh̄h̄ sa utiḡu ih̄ñ̄ano ihc̄aquire Jesu yequina p̄h̄toa mehna cj̄ũno oh̄o saha nidi ȳh̄h̄re:

—Utierac̄h̄ña. Ti tunure ñeheñene ihc̄aquire t̄hr̄e masine. Tiquiro Judá ya curua cj̄ũno tutuariquire ijire. Tutuariquire ijiro “Yairo soh̄ariquire”, tiquina ni pisuriquire ijire. Tiquiro p̄h̄toro Davi panamino iji turiariquire ijire. Wat̄n̄ore ȳh̄d̄ud̄cariquire ijire tiquiro. Sa yero tiquiro ti tunure siete ñeheñene t̄hr̄e masidiquiro ijire, nidi tiquiro ȳh̄h̄re.

<sup>6</sup> Tiquiro sa niḡu t̄hoḡu p̄h̄toro dujiro poto cordero ducuḡu ih̄ñ̄a. Pititiaro sijoro saha bajuequina, Jesu yequina p̄h̄toa ḡũh̄u tiquina watoa ducuri cordero. Tiquiro tiquina wej̄ediquiro m̄n̄ano saha bajuri. Siete sahari tiriquiro, siete caperi tiriquiro ijiri. Ti siete caperi mehna tiquiro queoye mehna buheḡu Cohācj̄ũ yequina paḡu bajueyequina siete bajueyequina yero saha ijire. Tiquina tiquiro yequina paḡu bajueyequina ijipihtiro ahri yehp̄ap̄u Cohācj̄ũ ohoriquina ijiri. <sup>7</sup> Sa yero cordero pehe p̄h̄toro dujiro cahap̄u esaro, tiquiro poto pehe c̄ori tunure t̄ã we nedi tiquirore. <sup>8</sup> Tiquiro sa t̄ã we neḡu ih̄ñañe cuatro sijoro bajuequina, veinticuatro p̄h̄toa ḡũh̄u cordero poto d̄usepe curi mehna quehe sa, tiquirore ño peori. Tiquina p̄h̄toa ijipihtiyequina arpa wame tiye b̄ua p̄t̄ēñene, uru pari ḡũh̄re c̄ori. Ti pari bueye ehme sitiye quehnoano wahpaye pose tiye pari ijiri. Ti ehme sitiye mehna tiquiro queoye mehna buheḡu Cohācj̄ũ yequina tiquirore tiquina sini basari yero saha ijiri. <sup>9-10</sup> Sa tiquirore ño peoye oh̄o saha ni wahma basayere tiquina basa peori tiquirore:

M̄h̄h̄u tiquina wej̄ediḡu ijire. Sa yeḡu m̄h̄h̄u dii coh̄ari mehna ũs̄a ñañe yerire coseri m̄h̄h̄u Cohācj̄ũ yequina ũs̄are iji dutiḡu. Sa yeḡu ũs̄are ijipihtiyere cururi cj̄anare, ijipihtiyere yahuducuyere yahuducunare, ijipihtiyere yehpari cj̄anare ũs̄ape ũs̄are ijipih̄tinare m̄h̄h̄re cahmena dihitare ũs̄a ñañe yerire m̄h̄h̄u dii coh̄ari mehna cosere m̄h̄h̄u Cohācj̄ũ yequina ũs̄are iji dutiḡu. Ɛs̄are ijipih̄tinare Cohācj̄ũ yequina ijiatinare c̄uri m̄h̄h̄u. Sa yeḡu pahia c̄uri m̄h̄h̄u ũs̄are Cohācj̄ũ cahac̄j̄ana ũs̄are iji dutiḡu. Sa yeḡu peye yehpari cj̄ena bui p̄h̄toa s̄ori m̄h̄h̄u ũs̄are. Sa yeriḡu ijiḡu m̄h̄h̄u ti tunure piha ñeheñene t̄hr̄eac̄j̄u ijire m̄h̄h̄u, ni basa peori tiquina corderore.

<sup>11</sup> Pari turi ih̄ñ̄aḡu millones angele parire ih̄ñ̄a. P̄h̄toro dujirore pititiaro sijoro saha bajueyequinare, veinticuatro p̄h̄toare angele pehe tiquinare wahme d̄aca sari. Tiquina angele pari tutuaro tiquina sañuducu peoḡu ih̄ñ̄a. <sup>12</sup> Oh̄o saha ni tutuaro yahuducu peori tiquina:

Cordero tiquina wej̄ediḡu m̄h̄h̄u ijipihtiyequinare dutiḡu, ijipihtiyere c̄oḡu, masi pehoḡu, tutua ȳh̄d̄uḡu ijire m̄h̄h̄u. Masa tiquina ñañe buhiri tiquina wej̄ediḡu

mũhũ ijigũ ihñana sa ni ño peoaja mũhũre. “Quehnoa yũhdũgu ijire”, ninatja mũhũre. Mũhũre quehnoano yahuducunatja, ni yahuducu peori angele pari.

<sup>13</sup> Sa yegũ apequina gũhũre tiquina yahuducu peoye ca tagũ tũhou. Ijipihtiequina uhmũse cjẽna, ahri yehpa cjẽna, catiequina, yariariquina gũhũ, pajiri ma cjẽna, ijipihtiropũ ijiequina ohõ saha ni yahuducu peoye ca tari:

Cohãcjũre mũhũ dujiropũ dujigũre, Cordero gũhũre mũsare pũanare quehnoano yahuducunatja. Mũsare ño peonatja. “Quehnoa yũhdũna ijire. Tutua yũhdũna ijire”, nina, ijipihtie decori sa niducunatja mũsare, ni yahuducu peoye ca tari.

<sup>14</sup> Sa ye tiquina pititiaro sijoro saha bajuequina tiquina sa yahuducu peogũ tũhoye “Sata ni yahuducu peohro”, nidi. Sa ye Jesu yequina pũhtoa pehe dũsepe curi mehna quehe sa Cohãcjũre, Cordero gũhũre ño peori.

## 6

*Papera tunure tiquiro nedi tunure piha ñeheñene tũhrẽne Cordero*

<sup>1</sup> Came papera tunure tiquiro nedi tunure Cordero piha ñehe mũhtaritore tũhrẽdi. Tiquiro sa tũhrẽgũ ihñau. Tiquiro sa tũhrẽdi bato ihcãquiro sijoro saha bajuequina mehna cjũno, “Ihñana ahtaya”, nidi. Sa nino upo yero saha bisiri tiquiro.

<sup>2</sup> Tiquiro sa nidi bato ihñau yũhũ. Yehseriquiro caballore ihñau. Tiquiro bui pesariquiro bũedũre cũori. Tiquirore pũhoro pesari behtore ohori apequiro pehe. Tiquiro sa ohori bato tiquiro pehe tiquirore ihña tuhtiequinare yũhdũdũcaro wahari.

<sup>3</sup> Came ihcãno ñehenore tũhrẽ tuhasa Cordero apero ñehenore tũhrẽdi tja. Tiquiro sa tũhrẽdi bato apequiro sijoro saha bajuequina mehna cjũno “Ihñana ahtaya”, tiquiro nigũ tũhou tja.

<sup>4</sup> Sa yegũ apequiro caballore sohãriquirore ihñau tja. Tiquiro bui pesariquirore tutuayere ohori apequiro pehe. Ahri yehpa cjẽnare cahme wejẽ dutiatiquirore cũri tiquirore. Sa ye ijipihtiro cjẽna cahme wejẽeta ahri yehpapũ. Sa yero pajiri pjĩ ñoseni pjĩne ohori tiquirore.

<sup>5</sup> Came pũarore tũhrẽ tuhasa Cordero apero ñehenore tũhrẽdi tja. Tiquiro sa yegũ pũaro tiquina yahuducuri bato apequiro sijoro saha bajuequina mehna cjũno “Ihñana ahtaya”, tiquiro nigũ tũhou.

Tiquiro sa nidi bato ñiniquiro caballore ihñau. Tiquiro bui pesariquiro balanza nũcũñe queorore cũori. <sup>6</sup> Tiquirore yũhũ ihñari bato sijoro saha bajuequina watoapũ ohõ saha bisiro ca tari:

—Ihcã deco dahrari wapa mehna trigore ihcã kilota dúeta masa. Ihcã deco dahrari wapa mehna cebada wame tiye pjerire ihtia kilota dúeta masa. Trigo, cebada gũhũ pihtia waharota. Sa ye ti wapa bũjũninota. Sa ijiepegũta ihyaye dahreye uhsẽ, vino gũhũ peye ijininota, nino ca tari.

<sup>7</sup> Came ihtiarore tũhrẽ tuhasa Cordero apero ñehenore tũhrẽdi tja. Tiquiro sa tũhrẽdi bato apequiro sijoro saha bajuequina mehna cjũno iji bato tiriquiro “Ihñana ahtaya”, nidi tja.

<sup>8</sup> Tiquiro sa nigũ tũhogũ opoariquiro caballore ihñau. Tiquiro bui pesariquiro “Yariagũ yeriquiro”, wame tiri. Sa yero tiquiro bato ahtariquiro “Peca”, wame tiri. Sa yero tiquinare tutuayere ohori apequiro pehe. Ahri yehpapũre deco mehna ijiequina docapũ peyequina masare wejẽ dutiri. Cahme wejẽne mehna, ujuã ahbaye mehna, dohatiye mehna, wahiquina nũcũri cjẽna usuayequina mehna peyequina masare tiquina wejẽatire cũri tiquinare.

<sup>9</sup> Came pititiaro ñehedire tũhrẽ tuhasa Cordero apero ñehenore tũhrẽdi tja. Tiquiro sa tũhrẽgũ altar docapũ Jesu yequinare tiquina wejẽdiquina jeripohnarine ihñau. Cohãcjũ yere tiquina yahuri buhiri, “Jesu yequina ijiaja”, tiquina ni yahuri buhiri tiquinare wejẽdi jiri. <sup>10</sup> Tiquina sañuducuye ohõ saha nidi Cohãcjũre:

—Mũhũ usã pũhto, ñañe mariegu, ni mehoñe mariegu, mũhũ nidiro sahata yegu ijire mũhũ. ¿Ahri yehpa cjẽnare, usãre wejẽdiquinare dũhse ijigũ buhiri dahreitjari mũhũ? ni sañuducuri tiquina.

<sup>11</sup> Sa yero tiquinare yehseye suhti yoaye suhtire ohori. Tiquinare sa ohoro ohõ saha nidi tiquinare:

—Sorĩña. Apequina mũa acaye Jesu yequina mũa yeriro sahata yojopũ gãhũre quehnoañe buheyere buheniñe nine. Mũsare tiquina wejẽdiro sahata tiquina gãhũre tiquina wejẽ pehoato dũhsarĩne. Sa yena tiquinare ijipihtiyequinare tiquina wejẽato pano mehenogã sorĩña mũa, nidi tiquinare.

<sup>12</sup> Came ihcã omope ñehedire tũhrẽ tuhasa Cordero apero ñehenore tũhrẽdi tja. Tore tiquiro sa tũhrẽgũta tutuaro yehpa ñuhmidi. Sa yero asũ deco cjũno ñiniquiro wahari. Ñini suhtiro yero saha ñiniquiro wahari. Sa yero asũ ñami cjũno dii yero saha sohãriquiri wahari. <sup>13</sup> Sa ye ñahpicoha paca yehpapũ bora dijiaa wahari. Yucũ dũca yahsayere wihnono wẽ bure dijioro saha ñahpicoha paca bora dijiaa wahari. <sup>14</sup> Sa yero uhmũse butia wahari. Papera tunure mari torẽgũ bajuero saha bajuerari uhmũse. Sa ye ijipihtiye cũnũ cju gãhũ, nũcũpo gãhũ ape siepũ esadũcari. <sup>15</sup> Sa wahagũ ihñañe, ahri yehpa cjẽna pũhto cũnũ cju cjẽ utã wũhũsepũ duhtiri. Apequina pũhto, surara pũhto, doeri cjẽ opana, tutuayequina, ijipihtiyequina tiquina cahacjẽna, cahacjẽna ijieyequina gãhũ topũta duhtimedĩ. <sup>16</sup> Sa duhtiye, cũnũ cjũre, utã wũhũse gãhũre ohõ saha nidi:

—Usã bui bora pjeya. Usãre nũoña. Siquiro pũhtorore, dujiropũ dujiriquirene cue yũhdũaja. Cordero usãre ñano buhiri dahrerota. Sa yena nũoña usãre. <sup>17</sup> Ijipihtiyequinare tutuaro buhiri dahreati deco iji tuhasare. Sa ye ti buhiri dahreatire ne ihcãquiro duhtiriquire ihcãno sahasi, nidi tiquina ijipihtiyequina.

## 7

*Israe masa pagũ*urire Cohãcjũ tiquiro wame ña ohõatire yahuahye Ñu

<sup>1</sup> Came pititiaro angelere ihñañ. Tiquina ijipihtiropũ wahari. Ihcãquiro norterpũ waharo topũ ahtari wihnonore ahtaeragũ yeri. Apequiro surpũ, apequiro asũ mũja taropũ, apequiro asũ sajãnopũ wahaye, norterpũ wahariquire yero saha yeri tiquina gãhũ. Sa yero ahri yehpapũ, pajiri mapũ gãhũre ne wihnono ahtaerari. Ne ihcãdũ yucũgũre wihnono ñuhmigũ yerari. <sup>2</sup> Sa yegu apequiro angelre ihñañ tja. Asũ mũja taropũ ahtaro nidi tiquiro. Cohãcjũ catiriquire tiquiro wame ña ohõnore ne cãhtaro nidi tiquiro. Sa ne cãhtaro apequina pititiaro angelere tiquiro sañuducuri. Tiquina angele pehe ahri yehpare, pajiri ma gãhũre Cohãcjũ tiquiro ñano wahagũ ye dutinohriquinapũ ijiri. <sup>3</sup> Tiquinare sañuducuro ohõ saha nidi angel:

—Cohteniña. Cohãcjũ cahacjẽna tiquina wũhdoa pacare tiquiro wamene ohõna tana niaja. Usã sa ohõato pano ahri yehpare, pajiri mare, yucũri gãhũre ñano wahagũ yeracãhña mũa, nidi tiquiro apequina pititiaro angelere.

<sup>4</sup> Sa yero Cohãcjũ tiquiro wame mehna tiquina wũhdoa pacare tiquina ohõatiquinare “Ohõpequina ijire”, ni yahuri yũhũre ihcãquiro. Israe masa doce cururi cjẽna ciento cuarenta y cuatro mil masa tiquina ohõatiquina ijiñohti. <sup>5</sup> Ahriquina ijiñohti tiquina ohõatiquina: Doce mil masa Judá panamena iji turiayequina tiquina ohõatiquina ijiri. Apequina doce mil masa Rubẽ panamena iji turiayequina tiquina ohõatiquina ijiri. Apequina doce mil masa Gad panamena iji turiayequina tiquina ohõatiquina ijiri. <sup>6</sup> Apequina doce mil masa Aser panamena iji turiayequina, apequina doce mil masa Neftalĩ panamena iji turiayequina, apequina doce mil masa Manase panamena iji turiayequina tiquina ohõatiquina ijiri. <sup>7</sup> Apequina doce mil masa Simeo panamena iji turiayequina, apequina doce mil masa Levĩ panamena iji turiayequina, apequina doce mil masa Isacár panamena iji turiayequina tiquina ohõatiquina ijiri. <sup>8</sup> Apequina doce mil masa Zabulón panamena iji turiayequina, apequina doce mil masa José panamena iji turiayequina, apequina doce mil masa Benjamĩ panamena iji turiayequina tiquina

ohōatiquina ijiri. Topequinata ijipihtiyequina masa ciento cuarenta y cuatro mil tiquiro wame mehna tiquiro ohōatiquina ijiri.

*Peyequina yehseye suhti sañañequinare yahuahye Ñu marine*

<sup>9</sup> Came peyequina masare ihñaa. Ijipihtiye yehpari cjēnare, ijipihtiye cururi cjēnare, ijipihtiye yahuducuyere yahuducuyequinare, ijipihtiye macari cjēnare peyequinare Cristore cahmeñequina dihitare topu ducuyequinare ihñaa. Pūhtoro dujiro poto, Cordero caha ducuri tiquina masa. Peyequina masa ijiri. Sa ye queo pehoyequina ijierari. Yehseye suhti sañañequina ijiri tiquina. Sa ye iqui pohnarine cūori. <sup>10</sup> Sa ye tiquina ijipihtiyequina ohō saha ni tutuaro sañuducuri:

Cohācjū ijire usāre yūhdūoriqiro. Tiquiro dujiropu dujiriquiro ijire. Cordero gūhu usāre yūhdūoriqiro ijire, ni sañuducuri tiquina.

<sup>11</sup> Sa ye ijipihtiyequina angele, Jesu yequina pūhtoa gūhu, sijoro saha bajuyequina mehna pūhtoro dujiro cahapu ducuri. Sa ducuye tiquiro dujiro poto dūsepe curi mehna quehe sa, Cohācjūre ño peori. <sup>12</sup> Ohō saha ni ño peori tiquina:

Sa tjire. Cohācjū usā pūhto, mūhure quehnoano yahuducuaaja. Quehnoa yūhdūagu ijire mūhu. Masi pehogu ijire mūhu. Mūhure “Quehnoare”, niaja. Mūhure ño peoaja. Tutua yūhdūagu ijire mūhu. Mūhu tutuaye mehna yerigu ijire mūhu. Sa ijiducugu ijire mūhu ijipihtiye decori. Sa tjire, ni ño peori tiquina.

<sup>13</sup> Sa yero ihcāqiro Jesu yequina pūhtoa mehna cjūno yūhure sinituri:

—¿Ahriquina yehseye suhti sañañequinare masiajari mūhu? ¿Tiquina ahtaritore masiajari mūhu? ni sinituri yūhure.

<sup>14</sup> Tiquiro sa nigū tūhogu,

—Masiedaja, ni yūhtii.

—¿Noa ijiajari tiquina? ni sinituu tiquirore.

Yūhu sa nigū tūhoro ohō saha nidi yūhure:

—Ahriquina ña yūhdūaro yūhdūri deco ijigū ihcāno sahayequina ijire. Tiquina suhti cosenohriquina tiquina ijiro saha Cordero tiquiro dii cohāno mehna tiquina ñañene cosenohriquina ijire. Sa ye quehnoano yehseye suhti sañañequina ijire.

<sup>15</sup> Sa tiquiro cosenohriquina ijiye Cohācjū dujiro poto tiquirore sa ño peoducure. Decoripe, ñaminipe tiquirore sa ño peoducure, pahia Cohācjū wūhūpu tiquina yeriro saha. Sa yero tiquina mehna sa ijiducuro, tiquinare yedohorota Cohācjū “Sijoro saha wahari”, nino. <sup>16</sup> Ne pari turi ūjua ahbasi tiquina. Sa ye ne aco wūosi tiquina. Ne asū deco cjūno asiyere tiquina asiye posi. Tutuaro asiye tiquinare ñano yūhdūgū yesi. <sup>17</sup> Pūhtoro dujiro poto ducuriquiro Cordero tiquinare ihña ihborota. Ovejare ihña ihboriquiro yero saha tiquinare ihña ihborota. Sa yero mári pohteripu catigū yeye mári pohteripu tiquinare ūhmū tā cānota, ovejare ihña ihboriquiro tiquiro ūhmū tā cāno saha. Sa yero sa bucueducugū yerota tiquinare. Sa ye ne pari turi utisi tiquina, nidi Jesu yequina pūhtoa mehna cjūno yūhure.

## 8

*Seis papera tunurine tiquina piha ñehedire tūhrē tuhasaro aperore tūhrēahye tja Cordero*

<sup>1</sup> Seis papera tunurine tiquina piha ñehedire tūhrē tuhasaro aperore tūhrēdi tja Cordero. Tiquiro sa tūhrē tuhasagū hora deco topu ūhmūsepū quehnoano dihta mariaa wahari. <sup>2</sup> Sa yegu siete angelere Cohācjū poto ducuyequinare ihñaa. Sa yero tiquinare siete cornetarire ohori apequiro. <sup>3</sup> Apequiro angel uru pare bueye ehme sitiye pose yeati pare cūoriqiro altar cahapu esa, ducuri. Topu tiquiro ducugū peye ehme sitiye tiquirore ohori ijipihtiyequina Cohācjū yequina tiquirore tiquina sinidi mehna moreatire. Sa yero uru altarpū Cohācjū dujiro caha ijiri altarpū ti ehme sitiye bueri Cohācjūre. <sup>4</sup> Sa ye angel tiquiro cūori pa cjē ehme sitiye altarpū tiquiro poho siteri bato ti ehme sitiye cjē ohmeo Cohācjū yequina tiquirore tiquina sinidi mehna mūjaa



wahari. <sup>5</sup> Sa wahari bato altar cjě nitine ti papu wehe sāa tuhasa, yehpapu doque cūri. Tiquiro sa doque cūgūta mia sitedoqueo, tutuaro upo pari. Sa yero sijoro saha ijiri bisi maa, yehpa űuhmi maari.

### *Cornetarire yahuahye űu*

<sup>6</sup> Came siete angele tiquinape tiquina cornetarire putie tee nidi.

<sup>7</sup> Ihcāquiro angel tiquiro yariare puti mūhtari. Tiquiro sa putigū aco paca yusūaye paca, peca mehna, dii mehna moreñe paca yehpapu doque dijiori. Sa doque dijioğūta yehpa űjūa wahari. Ohō puno űjūri: Ahri yehpa deco esaro taro yemehno űjūa wahari. Sa yero to puno poseta yucūri gūhu, taa gūhu űjūa wahari.

<sup>8</sup> Angel ihcāquiro tiquiro sa puti mūhtari bato apequiro angel tiquiro yaria cornetare putiri tja. Tiquiro sa putigū pajidu cūnu yero saha bajudu quehnoano űjūducudu pajiri mapure waha maa űjoaa wahari. Sa yero yehpa űjūriro puno to punota pajiri ma dii ma dojoa wahari. <sup>9</sup> Sa ye pajiri ma cjěna wahi deco mehna meheno esaboro yariaa wahari. Sa ye tope yucūari gūhu minia wahari pajiri mapure.

<sup>10</sup> Pūaro angele tiquina putiri bato apequiro angel gūhu tiquiro yaria cornetare putiri tja. Tiquiro sa putigū pajiria űahpicoha, sihāria yero saha asiria yehpapu bora sa quehea wahari. Ahri yehpa cjě mārī deco mehna meheno esaboro tope mārī bui bora sa quehea wahari űahpicoha. Tope mārī pohteri bui bora sa quehea wahari. <sup>11</sup> Tope mārīta suēñe mārī wahari. Sa wahagū peyequina masa ti mārī cjě acore sihnime, yariaa wahari. Tia űahpicoha “Suēnia”, wame tiri.

<sup>12</sup> Ihtiaro angele tiquina putiri bato apequiro angel gūhu tiquiro yaria cornetare putiri tja. Tiquiro sa putigū asū deco cjūno, űami cjūno gūhu deco mehna meheno esaboro dojoa wahari. űahpicoha pari gūhu deco mehna meheno esaboro tope pacata dojoa wahari. Tope paca űmūse cjě paca quehnoano buhriouerari. Decopu pititia hora waro asū deco cjūno ne buhriouerari. űamine pititia hora waro asū űami cjūno, űahpicoha pari gūhu ne buhriouerari.

<sup>13</sup> Came ihñadoque mūou tja. űhmūsepu wūriquiore cacare ihñau. Sa yegū tiquiro sañuducugū tūhou. Ohō saha nidi tiquiro:

—űa yūhduare. űa yūhduare. Ihtiaro angele dūhsari yojopu putiatiquina. Tiquina putiri bato űa yūhduaro waharota. Sa wahagū ahri yehpapu ijīyequina űa yūhduaro yūhdueta, nidi tiquiro.

## 9

<sup>1</sup> Came pititiaro angele tiquina putiri bato apequiro angel tiquiro yaria cornetare putiri tja. Tiquiro sa putigū űahpicoha yero saha ijiriquiro angel űhmūsepu bora dijia tariquiore ihñau. Sa yero tiquirore űhcūāri cope cjā sawire ohori. <sup>2</sup> Sa yero tiquiro ti copere tiquiro pōogū peca ohmeo wijiari. Pajiri peca cjě ohmeo yero saha pajiro ohmeo wijiari ti copere. Sa wijiario ti ohmeo duita asū deco cjūnore, űmūse gūhure butia wahagū yeri. <sup>3</sup> Sa ye ti ohmeo puhiapu ijīyequina poreroa yehpapu ahtari. Sa ye cutipa tiquina tutuaro purīno saha tiquina gūhu tutuaro purīdi. <sup>4</sup> Sa yero taare, yucūrire, apeye oteyere űano ye dutierari tiquinare. Masa dihitare űano ye dutiri tiquinare. Cohācjū wamene tiquina wūhdoa pacare ohōmehneñequina dihitare űano ye dutiri tiquinare poreroare. <sup>5</sup> Sa űano ye dutieperota tiquinare wejē dutierari. Tiquinare wejē dutieraperota ihcā omope asūri waro tiquinare űano purīgū ye dutiri. Cutipa toaye tiquina purīno saha purīgū yeyequina ijiri poreroa gūhu. <sup>6</sup> Tiquinare tiquina sa purīgū yegū masa yariaa duaeta. Tiquina sa yaria duepegūta tiquinare yaria dutisi.

<sup>7</sup> Poreroa pehe caballoa yero saha bajuri. Tiquina cahme wejēato pano caballoare tiquina suhti sāariro saha sa bajuyequina ijiri tiquina poreroa gūhu. Tiquina dapu paca bui pūhtoa pesaye behtori uru behtori yero saha bajuri. Tiquina wūhdoa paca masa yero saha bajuri. <sup>8</sup> Tiquina poari numia poari yero saha ijiri. Sa ye tiquina upiri yayia upiri yero saha ijiri. <sup>9</sup> Jeripohna cahmotari cahsero come cahsero yero saha bajuri tiquina cutiro. Sa ye tiquina wūgū peyequina caballoa omañequina tiquina omano saha tiquina

wugã bisiri. Caballoa tunuñe paca wejeyequina tiquina cahme wejēnopɾ wahaye, tiquina bisiro saha bisiri poreroa wugã. <sup>10</sup> Sa ye cutipa picōno tiro saha, toaria tiquiro cɾoro saha ijiri tiquina poreroa. Sa ye tiquina toaye paca mehna toaye, ihcã omope asãri waro masare purīgũ yeri. <sup>11</sup> Sa ye tiquina pũhtoro tiyequina ijiri. Ʋhcũãri cope upɾo ijiri tiquina pũhtoro. Tiquiro angel ijiri. Hebreo ye mehna Abadón wame tiri tiquiro. Griego ye mehna Apolión wame tiri. (Apolión “Dojomehneniquiro” nino nine.)

<sup>12</sup> Poreroa masare ñano tiquina purīgũ yeri bato ahri tiquina ñano yũhdɾ mũhtariro pihtia wahari. To bato pɾa taha pari turi ñano yũhdɾeta masa.

<sup>13</sup> Came ihcã omopequina angele tiquina putiri bato apequiro angel tiquiro yaria cornetare putiri tja. Tiquiro sa putigũ Cohãcjũ caha ducuri altarpɾ uru altarpɾ yahuducuye bisi wijiario ca tari. Ti altar cjẽ sahari pititia saharopɾ yahuducuye bisi wijiario ca tari. <sup>14</sup> Sa yahuducuro cornetare putiriquiro angelre yahuri:

—Eufrates wame tiri ma pajiri mapɾ peresupɾ ijiyequinare angelere wioya. Tiquina pititiario angele ijire, nino ca tari.

<sup>15</sup> Sa nigũ tũhoru angel pehe tiquinare pititiarore wiori, peyequina masare wejẽa-tiquinare. Ahri cũhmare, ahri asũre, ahri decore, ahri horare queoro cohteye nidi tiquina pititiario angele. Tiquina cohteriro esa tuhasare. Sa ye wejẽne tee nine. Ijipihtiyequina deco esaboro caha masare wejẽatiquina ijire. <sup>16</sup> Sa yegũ tiquina yequina surarare “Ohõpequina ijire”, tiquina nigũ tũhou. Tiquina caballoa bui pesayequina ijiri. Doscientos millones surara ijiri.

<sup>17</sup> Sa yegũ caballoare tiquina bui pesayequina gũhũre ihñaa. Sa ye caballoa bui pesayequina tiquina jeripohnarine cahmotaye suhti come suhti sohãñe suhti, yahsaye suhti, bojoyaye suhti ijiri. Sa ye caballoa tiquina dapu paca yayia sohãñequina yero saha bajuri. Tiquina dũseripɾ peca, ohmeo, azufre wame tiye ohmeo gũhũ wijiari.

<sup>18</sup> Sa ye caballoa dũseripɾ wijiaye masare wejẽdi. Ijipihtiyequina deco mehna meheno esaboro waro topequina masare wejẽdi. Sa ye peca mehna, ohmeo mehna, azufre mehna peyequina masare wejẽdi. <sup>19</sup> Tiquinare caballoa dũseri mehna wejẽdi. Sa ye caballoa picõri mehna wejẽdi tja. Tiquina picõri sohtoapɾ añaa dapu paca yero saha bajuri. Sa ye tiquina picõri mehna ñano yeri tiquina masare.

<sup>20</sup> Peyequina masa yarieyequina tiquina wejẽ dũhariquina pehe tiquina ñañe yerire ne duhuerari. Watĩare ño peo duhuerari. “Cohãcjũ ijire”, tiquina niñe queoye gũhũre ño peo duhuerari. Ti queoye uru mehna, plata mehna, bronce wame tiye come mehna, ɾtã mehna, yucãri mehna tiquina yeri queoye ijiri. Sa ye ti queoye pehe ihñedari. Tũhoerari. Tiniedari. <sup>21</sup> Peye ñañe gũhũre tiquina ne bũjua witierari. Masare tiquina wejẽdire, tiquina numia mehna tiquina ñano yerire, tiquina yaqueri gũhũre ne bũjua witierari tiquina. Sa ye masare ujuayequina yayia tiquina yero saha yeye, ti gũhũre ne bũjua witierari tiquina.

## 10

### *Meheni tunugãre papera tunugãre ne cãhtahye angel*

<sup>1</sup> Came apequiro tutuariquiro angel ɱhmũserpɾ tiquiro dijia tagũ ihñaa. Ehmeo curua watoapɾ ahtari. Sa yero buheni da tiquiro dapu bui pesari. Tiquiro wũhdoa asũ deco cjũno yero saha asi siteri. Tiquiro ñecari ɱjũri peca yero saha bajuri. <sup>2</sup> Sa yero meheni tunugã papera tunugãre tiquiro pãri tunugãre cɾori tiquiro. Tiquiro dahpocã poto pehe cjã dahpocã mehna pajiri mapɾ cũhta cũri. Tiquiro dahpocã cũ pehe pehe mehna dihtapɾ cũhta cũri. <sup>3</sup> Sa ducuro yayia tiquina sañuducuro saha tiquiro tutuaro sañuducuri. Tiquiro sa sañuducuri bato siete ɱpoa yahuye ca tamedí. <sup>4</sup> Tiquina sa yahugũ tũhogu oja dũcami. Yũhũ sa oja dũcagũta ɱhmũserpɾ yũhũre yahuducuro ca tari.

—Siete ɱpoa tiquina nidire apequinare yahueracãhña. Sa yegũ tire oja nedacãhña, nino ca tari yũhũre.

<sup>5</sup> Tiquiro sa nidi bato pajiri mapɾe cũhta cũ, dihtapɾe cũhta cũriquiro angel tiquiro omoca poto pehe siõdoque mũori ɱhmũserpɾ. <sup>6</sup> Sa siõdoque mũono Cohãcjũ sa

catiducuriquiro wame mehna wame peori. Tiquiro Cohācjū pehe ijipihtiyere ũhmūserē, ũhmūse cjēne, ahri yehpare, ahri yehpa cjēne, pajiri mare, pajiri ma cjēne yeriquiro ijire. Sa yero ohō saha nidi angel:

—Cohācjū mehna poto nii niaja. To punota cohtenatja. <sup>7</sup> Seis angele cornetarire tiquina putiri bato apequiro angel putigū Cohācjū panopū tiquiro “Ohō saha yeitja” nidiro sahata yerota. Panopū masare tire quehnoano yahuerahye. Came tiquiro cahacjēnare, tiquiro yere yahu mūhtariquina pehere quehnoano yahu pehoahye tiquiro. Ti tiquiro yahu cūrire yojopūre yerota tiquiro, nidi angel.

<sup>8</sup> Tiquiro sa nidi bato ũhmūserū yūhūre yahuducuriquiro pari turi yahuducuro ca tari tja. Ohō saha nino ca tari yūhūre:

—Pajiri mapū cūhta cūriquiro dihtarū cūhta cūriquiro siquiro angel cahapū wahaya. Sa wahagū papera tunugāre tiquiro cūori tunugāre neña, nino ca tari yūhūre.

<sup>9</sup> Tiquiro sa nigū tuhogū angel cahapū wahā. Tiquirore papera tunugāre yūhū sinigū tuhoro ohō saha ni yūhtiri yūhūre:

—Neña. Sa yegū ahri tunu papera tunugāre ihyaya. Mūhū coā ihyagū umi yero saha quehnoano bisirota. Mūhū paapū mūhū ihya sōri bato suēne waharota, nidi yūhūre.

<sup>10</sup> Tiquiro sa nigū tuhogū ti tunugāre angelre yūhū nedi bato ihyā. Yūhū coā ihyagū umi yero saha bisiri. Yūhū ihya sōri bato yūhū paapū suēno wahadū. <sup>11</sup> Yūhū sa ihyari bato ohō saha nidi yūhūre:

—Pari turi ijipihtiye macari cjēna, ijipihtiye yehpari cjēna, peye yahuducuyere yahuducuyequina, tiquina pūhtoā gūhū came tiquina dūhse wahatire yahuyuya mūhū, nidi yūhūre.

## 11

Pūaro Cohācjū yere yahuatiquinare yahu ojoahye Ñu marine

<sup>1</sup> Came yūhūre queodūre ohori Cohācjū. Tuadū puno yoadū ijiri tū. Tūre ohoro ohō saha nidi yūhūre:

—Ya wūhūre queogū wahaya. Ti wūhū cjā altar gūhūre queoya. Sa yegū ti wūhūpū yūhūre ño peoyequinare queoya. <sup>2</sup> Sopecaha wijia sadūcari paare quehnoari paare queoeracāhña. Ti paa yūhūre cahmeeñequinare tiquina cūri paa ijire. Tiquina cuarenta y dos asūri waro Cohācjū ya macare, ti maca cjēna gūhūre ñano yeeta. Sa yegū queoeracāhña tiquina ya paare quehnoari paare. <sup>3</sup> Sa yegū yeere yahuatiquinare pūarore ohoutja. Mil doscientos sesenta decori waro yeere yahueta. Masa dija suhtire sañañequina ijietā tiquina yūhū yahu dutiyequina, ni yahuri yūhūre.

<sup>4</sup> Ahri yehpa cjēna pūhtoro poto pūadū Olivo wame tiye cjū ducure. Pūadū sihā peoye cjū gūhū ti cjū cahapū ducure. Ti cjū mehna queoye mehna yūhū buhegū ahriquina pūaro mari pūhtoro yere yahuyequina ti cjū yero saha ijire. <sup>5</sup> Sa ye tiquinare ihña tuhtiyequina tiquinare ñano ye duagū tiquina pehe dūseri cjē peca mehna ũjūa pehoeta tiquinare ihña tuhtiyequinare. Sata tiquinare ñano yeyequinare wejēeta tiquina pūaro mari pūhtoro yere yahuyequina pehe. <sup>6</sup> Sa ye tiquina pūaro acoro ahta dutieragū acoro ahtasi. Sa yero mari pūhtoro yere tiquina yahuro puno acoro ahtasi. Sa ye mārīne dii mārī wahagū yeeta tiquina. Sa ye ahri yehpare ñano wahagū yeeta. Ijipihtiye dūhse ijiyere, ijipihtiyequina dūhse ijiyequinare masare ñano wahagū yeeta. Tiquina cahmeno sahata sa ñano wahagū yeeta ahri yehpare.

<sup>7</sup> Tiquina sa ye pehogū ũhcūārī coperpū ijiriquiro ñariquiro nūscū cjūno wijiarota. Sa wijiaro Cohācjū yere yahuyequina mehna cahmequenota. Sa cahmequeno tutua yūhdūdūcaro tiquinare wejēnota. <sup>8</sup> Tiquiro sa wejēdi bato tiquina pagūri pajiri maca cjā mahapū cuñaeta. Yahuyequina pūhtorore tiquina quē biha wejēdi maca ijire ti maca. Ti maca cjēna ñañequina ijīye Sodoma cjēna, Egipto cjēna yero saha ijire. <sup>9</sup> Sa cuñañe ihtia deco quehnoano cuña, ape deco deco mehna tiquina pagūri mahapū cuñaeta. Sa ye ijipihtiye yehpari cjēna, ijipihtiye cururi cjēna, ijipihtiye yahuducuyere yahuducuyequina tope decori waro tiquina pagūrire ihñaducuetā. Sa ye tope decori

waro tiquina pagurire ya dutisi. <sup>10</sup> Tiquina sa yariariquina ijigũ ihñañe ahri yehpa cjëna bucueeta. Sa bucueye bose decore yeye, tiquina basi apee borore sa oho quëeta. Tiquina p̄aro Cohãcjũ yere yahuyequina masare ñano yũhdũgũ yeriquina ijiahye. Sa ye tiquina sa yariagũ ihñañe bucue yũhdũeta ahri yehpa cjëna.

<sup>11</sup> Sa yero ihtia deco ape deco deco mehna bato Cohãcjũ tiquina pagurire masonota. Tiquiro sa masogũ tiquina pari turi wahcãdũcaeta. Tiquina sa wahcãdũcagũ ihñañe ijipihtiyequina cue yũhdũeta tiquinare. <sup>12</sup> Came tiquina p̄aro ãhmũsep̄u tutuaro yahuducugũ tũhoeta. Ohõ saha ninota tiquinare.

—Ohõp̄u mũja taya mũsa, ninota.

Tiquiro sa nigũ tũhoye ehmeo curua watoa mũjaa wahaeta. Tiquina yabiriquinare mũjagũ ihñaeta masa. <sup>13</sup> Tiquina sa mũjagũta yehpa tutuaro ñuhminota. Sa ñuhmigũ ti maca cjë wũhũse peye bora dijiaa wahaeta. Sa ye yehpa ñuhmino mehna siete mil masa yariaa wahaeta. Apequina dũhsariquina pehe acuaa wahaeta. Sa ye Cohãcjũre ãhmũse cjũnore “Tutuagũ ijire” ni ño peoeta tiquirore.

<sup>14</sup> Ahri ijipihtiye tiquina sa wahari bato p̄aa taha masa ñano yũhdũ tuhasariquina ijjeta. Tiquina sa yũhdũri batogãta pari turi duita masa ñano yũhdũeta tja.

#### *Seis cornetarire tiquina putiri bato apequiro putiahye*

<sup>15</sup> Came seis cornetarire tiquina putiri bato apequiro angel tiquiro yariare putiri. Tiquiro sa putigũ ãhmũsep̄u tutuaro yahuducuye ca tari. Ohõ saha nino ca tari: Yojoop̄u mari Pacũ, Cristo mehna ahri yehpa cjëna pũthoa ijjeta. Sa yero pũthoro sa ijiducurota Cohãcjũ, nino ca tari.

<sup>16</sup> Sa ye Cohãcjũ poto pũthoa dujiyep̄u dujiyequina veinticuatro Jesu yequina pũthoa Cohãcjũ poto quehe sa, tiquirore ño peori. <sup>17</sup> Sa ño peoye ohõ saha nidi:

Usã pũtho Cohãcjũ, tutua yũhdũagũ ijire mũhũ. Mũhũ panop̄u sa ijiducuahye. Sa yegũ yojoop̄u gũhũre sa ijiducure. Camep̄u ahtaata mũhũ. Mũhũ tutuaye mehna masa tiquina pũtho mũhũ ijiducagũ “Quehnoare” niaja mũhũre. <sup>18</sup> Ijipihtiyequina ahri yehpa cjëna mũhũre cahmedariquina mũhũ mehna usuamedí. Yojoop̄ure tiquinare mũhũ buhiri dahreati pje ijire. Yariariquina gũhũre mũhũ buhiri dahreati pje ijire. Sa yero mũhũ yequina pehere quehnoañene tiquina yeri wapare mũhũ ohoati pje ijire. Ihquëquina tiquina mũhũ cahacjëna mũhũ yere yahu mũhtariquina ijire. Sa ye tiquina, apequina mũhũ yequina mehna ijipihtiyequina mũhũre ño peoyequina ijire. Sa yegũ pũthoare, ihyo ijiequina gũhũre mũhũ yequina tiquina ijiri wapa quehnoano yeita mũhũ. Sa yero ahri yehpa cjëna dojomehne cohteriquinare mũhũ cohãti pje ijire yojoop̄ure, ni ño peori pũthoa Cohãcjũre.

<sup>19</sup> Tiquina sa yeri bato ãhmũse cjã wũhũ Cohãcjũ ya wũhũ tiquiro p̄ori wũhũ ijiri. Sa yena ti wũhũp̄u ijiri acarore ihñaũ. Ti acaró puhap̄u Cohãcjũ masare tiquiro yedohoatire yahuri pũ sañari. Yũhũ sa ihñaagũta mia sitedoqueo, upo pa maari. Sa yero sijoro saha ijiro bisi maa, yehpa ñuhmi maa, aco paca yũsũaye paca ãhmũsep̄u peye bora dijia tari.

## 12

#### *Numino gũhũre pinono gũhũre yahuahye Ñu*

<sup>1</sup> Came ahri yehpa dũhse wahatire ãhmũsep̄u ihñori. Tiquiro sa ihñori ihyo waro ijierari. Ohõ saha ihña mũhtaũ: ãhmũsep̄u numinore ihñaũ. Ticoro suhtiro asũ deco cjũno yero saha asi siteri. Sa yero asũ ñami cjũno bui ducuri. Pũthoro pesari behto borore doce ñahpicoha paca cũori behtore pesaricoro ducuri. <sup>2</sup> Sa yero mehenogã dũhsari ticoro pohna tiato. Sa yero ticoro sañuducuri. <sup>3</sup> Came pari turi ihñaũ ãhmũsep̄u tja: Pajiriquire pinonore sohãriquire ihñaũ. Siete dapu paca tiriquire ijiri. Ijipihtiye tiquiro dapu paca pũthoa pesaye behtori borore pesaye dapu paca ijiri. Sa yero diez waro sahari tiriquire ijiri tiquiro. <sup>4</sup> Tiquiro picõno mehna ñahpicoha pacare wahba sitedoque dijiori yehrap̄u. Ijipihtiye ñahpicohare deco esaboro caha wahba sitedoque dijiori. Sa yero numino

pohna tiaticoro poto ducuri pinono. Ticoro macunogã bajuagũ tiquirogãre ihyaro taro nimesi. <sup>5</sup> Camegãta cœo tuhasari nijinogãre. Ijipihtiye yehpari cjëna pũhtoro ijiatiquiro ijiri tiquirogã. Tiquiro sa pũhtoro tutuariquiro ijigũ, masa tiquirore yũhdũducaye ihcãno sahasi. Tiquiro sa masa bajuagũta Cohãcjũ tiquiro dujiro cahapũ tiquirogãre ne cãa wahari. <sup>6</sup> Tiquiro sa yegũ numino pehe masa marienopũ duhti cãa wahari. Cohãcjũ tiquiro quehnoyuriropũ duhti cãa wahari ticoro. Topũre mil doscientos sesenta decori waro Cohãcjũ ticorore ihña ihbori.

<sup>7</sup> Coã waropũre ùhmũsepũ cahme wejẽ dũcahye. Miguel wame tiriquiro angel tiquiro yequina angele gũhũ pinono mehna cahmequeahye. Tiquina sa cahmequegũ pinono tiquiro yequina angele mehna Miguel gũhũ mehna cahmequeahye. <sup>8</sup> Sa ye Miguel gũhũ pinonore yũhdũducaye. Sa yero pinono yequina angele gũhũre ùhmũsepũ iji nemo dutierahye. <sup>9</sup> Sa yero pajiriquiro pinonore cohã cãhye Cohãcjũ. Tiquiro pinono watĩnota ijiro nidi. Satana wame tiriquiro ijiri. Panopũ tiquiro pinono pagũ saha bajuriquiro ijiahye. Sa yero ijipihitiri yehpa cjënare ni mehoriquiro ijire. Tiquirore tiquiro yequina angele mehna yehparũ cohã dijioahye.

<sup>10</sup> Came ùhmũsepũ sañuducuro ca tagũ tũhou:

Yojopũre mari Pacũ masare yũhdũori. Yojopũ pũritare mari Pacũ mari pũhtoro ijiro ahtari tiquiro tutuayere ihñono taro. Sa yero tiquiro ohoriquiro Cristo gũhũ tiquiro pũhtoro ijiyere tiquiro tutuayere ihñori ijipihtiyequinare. Watĩnore ùhmũsepũ ijiriquirore yehparũ cohã dijiori. Sa yero tiquiro tutuayere ihñori mari Pacũ. Tiquiro watĩno pehe decoripe, ñaminipe Jesu yequinare “Ahriquina ñañequina ijire”, ni yahusãno ñahye mari Pacũre. Sa yero mari acayere Jesu yequinare yahusãriquiro ijiahye. <sup>11</sup> Cristo Cordero wame tiriquiro tiquiro dii cohãri mehna mari acaye Jesu yequina tiquirore wacũ tutuayequina tiquina ñano yerire tiquiro cohãnohriquina ijire. Sa wacũ tutuayequina ijiye, watĩnore yũhdũducari. Sa ye quehnoañe buheyere buheye, watĩnore yũhdũducari. Tiquiro yere buheye apequina tiquinare wejẽ duepegũta, Cristo yere duhuerari. <sup>12</sup> Sa yena mũsa ùhmũse cjãna bucueya. Watĩnore yehparũ tiquiro cohã dijioagũ ihñana bucueya. Sa yepegũta ahri yehpa cjãna, pajiri ma cjãna gũhũ pejecœona wahanata mũsa pehe. Mũsa cahapũ dijiari watĩno. Tiquirore buhiri dahreato mehenogã dũhsare. Sa yero usua yũhdũare tiquiro. Mũsa cahapũ tiquiro esagũ pejecœona mũsare tojoagũ yerota tiquiro, ni sañuducugũ tũhou.

<sup>13</sup> Sa yero pinono tiquiro cohã dijiriquiro numinore, nijinogã pacorore nũnũ tã cãri. <sup>14</sup> Sa yero ticorore pajiriquiro cacũ tiquiro wũye dũpũrĩre ohori Cohãcjũ, masa marienopũ ticoro wũ duhti cãtore. Topũ ticoro esari bato ihtia cũhma quehnoano ape cũhma deco waro ticorore ihña ihbori Cohãcjũ. Tiquiro sa ihña ihbogũ pinono ticorore ñano ye masiedari. <sup>15</sup> Topũ ticoro ijigũ ihñano pinono acore pajiro puti sitedoqueori ticorore miono taro. <sup>16</sup> Tiquiro sa yegũ yehpa pehe ticorore yedohori. Pinono dũseropũ wijiaye acore yehpa pehe aco ihmi peho cãri. <sup>17</sup> Sa wahagũ ihñano pinono numino mehna usua yũhdũari. Sa usuaro ihquẽquina ticoro panamena iji turiayequina mehna cahmequeno wahari. Tiquina pehe Cohãcjũ dutiyere yeyequina ijiye, Jesu ye buheyere quehnoañe buheyere ne duhueyequina ijiri. <sup>18</sup> Sa yero pinono pajiri ma dũhtũ cahapũ ducuri.

## 13

Pũaro nũscũ cjënare yahuahye Ñũ

<sup>1</sup> Pajiri ma dũhtũ cahapũ ducugũ, nũscũ cjënore ti mapũ ijiriquirore wahcã pahagũ ihñaũ. Tiquiro pehe siete dapu paca, diez sahari waro cœoriquiro ijiri. Tiquiro sahari pũhtoa pesaye behtori borore pesari. Sa yero tiquiro dapu pacare tiquiro wamene oja ohõri dapu paca ijiri. Ti wame tiquiro ñano wame tigũ ihña yabiri Cohãcjũ. <sup>2</sup> Sa yero tiquiro nũscũ cjëno yairo dohroriquiro yero saha bajuri. Sa yero mie yero saha dahpocãri tiriquiro ijiri. Sa yero yairo sohãriquiro pajiriquirodu yero saha dũsero tiriquiro ijiri.



Sa yero pinono pehe tiquiro tutuayere ohori nꝛꝛꝛ cǵũnore. Sa ohoro tiquirore pũhoro dujiropũ cũno tiquiro yero saha peyequina masare dutigũ yeri pinono nꝛꝛꝛ cǵũnore. <sup>3</sup> Ihcã dapu nꝛꝛꝛ cǵũno dapu tiquina wejẽbo cureriquiro dapu yero saha bajuri. Sa bajuepegũta tiquiro camino pehe yatia wahari. Ti dapu catigũ ihñañe, ihña maria wahari ijipihtiyequina ahri yehpa cǵẽna. Sa ihña maria wahaye, nꝛꝛꝛ cǵũnore ño peori. Sa ye tiquiro yequina wahari masa. <sup>4</sup> Sa ye nꝛꝛꝛ cǵũnore pinono tiquiro tutuayere tiquiro ohogũ ihñañe masa pehe tiquirore pinonore dũsepe curi mehna quehe sa, ño peori. Sa ye nꝛꝛꝛ cǵũno gũhũre dũsepe curi mehna quehe sa, tiquirore ño peori. Sa ño peoye ohõ saha nidi:

—Ne apeqũro mũhũ yero saha tutuariquiro mariedare. Apeqũro mũhũre ne yũhdũdũca masiedare, ni ño peori masa nꝛꝛꝛ cǵũnore.

<sup>5</sup> Sa yero tiquiro nꝛꝛꝛ cǵũno “Tutua yũhdũdũcagũ ijiaja”, tiquiro niepegũta Cohãcǵũre tiquiro ñano yahuducuepegũta sa tũhotu cãrĩdi Cohãcǵũ pehe. Sa yero cuarenta y dos asũri waro tiquiro nꝛꝛꝛ cǵũno masare dutinimedi. To punota tiquiro pũhoro ijigũ cahmedi Cohãcǵũ. <sup>6</sup> Sa yero tiquiro Cohãcǵũre ñano yahuducuri. Tiquiro wamene, tiquiro ya wũhũre, uhmũsepũ tiquiro ijero cǵẽna gũhũre ñano yahuducuri nꝛꝛꝛ cǵũno. <sup>7</sup> Sa yero Cohãcǵũ yequinare cahme wejẽno tiquinare yũhdũdũcari. Tiquiro sa yepegũta sa ihña cãrĩdi Cohãcǵũ. Cohãcǵũ tiquiro sa ye dutieragũ yeraboya. Sa yero ijipihtiyequina ahri yehpa cǵẽna bui pũhoro ijinimedi nꝛꝛꝛ cǵũno. Ijipihtiye cururi cǵẽna bui, ijipihtiyequina macari cǵẽna bui, yehpari cǵẽna bui, ijipihtiye yahuducuyere yahuducuyequina bui pũhoro ijinimedi tiquiro. <sup>8</sup> Sa ye ijipihtiyequina ahri yehpa cǵẽna tiquiro nꝛꝛꝛ cǵũno poto dũsepe curi mehna quehe sa tiquirore ño peori. Ahri yehpare Cohãcǵũ tiquiro bajumehneato pano tiquiro yequina ijiatiquinare, sa ijiducuatiquinare tiquina wamene ojoa ohõ tuhasahye. Ti tju tiquiro sa ojoa ohõri tju Cordero tiquina wejẽdiquiro ya tju ijire. Ti tjupe tiquina wamene ojoa ohõnohedariquina dihita nꝛꝛꝛ cǵũnore ño peori.

<sup>9</sup> Cahmo tina ijire mũsa. Sa yena tũhoya. <sup>10</sup> Ijipihtiyequina masare peresu yenohatiquinare came tiquinare peresu yeeta. Ijipihtiyequina masa ñose wejẽnohatiquinare tiquinare ñose wejẽeta. Tire masina mari Cohãcǵũ yequina ñano yũhdũepenata tiquirore cohãedacũhna. Sa yena tiquirore wacũ tutuũhna.

<sup>11</sup> Came apeqũro nꝛꝛꝛ cǵũnore ihñaũ tja. Yehpa puhiape ijiriquiro wijiagũ ihñaũ. Pũa saharo oveja sahari yero saha bajuye sahari sahari tiriquiro ijiri. Sa yero pinono yero saha yahuducuri. <sup>12</sup> Sa yero nꝛꝛꝛ cǵũno iji mũhtariquiro pehe came ijiriquiro pehere pũhoro sõri. Tiquiro sa pũhoro sõnohriquiro pehe ijipihtiye yehpari cǵẽnare iji mũhtariquirore ño peogũ yeri. Iji mũhtariquiro nꝛꝛꝛ cǵũno tiquina wejẽbo cureriquiro camino yatiriquiro ijiri. <sup>13</sup> Sa yero came ijiriquiro nꝛꝛꝛ cǵũno tutuaye mehna ye ihñori masa tiquina ihña mariatore. Sa yero masa tiquina ihñonopũ peca pajiri peca uhmũsepũ bora dijia tagũ yeri. <sup>14</sup> Sa yero iji mũhtariquiro ihñonopũ apeqũro nꝛꝛꝛ cǵũno pehe tutuaye mehna masare mehori “Ahriquiro mũsa ño peoatiquiro ijire”, nino. Sa yero tiquiro masare mehono, iji mũhtariquiro queoyere masare ye dutiri. Tiquiro iji mũhtariquiro ñoseni pǵĩ mehna tiquina ñosediquiro ijieperota catiriquiro ijiri. Tiquiro yero saha bajuye queoye ye dutiri apeqũro nꝛꝛꝛ cǵũno masare. Tiquina sa yegũ Cohãcǵũ yabieperota sa ihña cãrĩahye. <sup>15</sup> Sa yero came ijiriquiro nꝛꝛꝛ cǵũno pehe iji mũhtariquiro queoyere catigũ yeri masare ti queoye dutiato saha. Sa yero ti queoyere ño peoyequinare wejẽ dutiri masare queoye pehe. <sup>16</sup> Sa yero ijipihtiyequinare tiquina omocarĩ poto pehe, tiquina wũhdoa paca gũhũre ojoa ohõ dutiri nꝛꝛꝛ cǵũno came ijiriquiro. Ihyo ijiequinare, pũhtoare, doeri cǵẽ opanare, pejecũoyequinare, tiquina cahacǵẽnare, cahacǵẽna ijieyequinare, ijipihtiyequinare tiquina omocarine tiquina wũhdoa paca gũhũre ojoa ohõ dutiri. <sup>17</sup> Tiquiro iji mũhtariquiro nꝛꝛꝛ cǵũno tiquiro wamene, tiquiro ya numerore ojoa ohõnequinare ne dú dutierari. Sa yero tiquinare dua dutierari.

<sup>18</sup> Tire quehnoano wacũ masiña mũsa. Tũho masina ijina nꝛꝛꝛ cǵũno tiquiro ya numerore quehnoano ihña masiña. Ti numero uũmũno wame yero saha ijire. Ti numero seis cientos sesenta y seis ijire.

## 14

*Cohācjū* tiquiro yuhduoriquina wahma basayere basahye

<sup>1</sup> Came Siō wame tidu cunu bui ducuriquirore Corderore ihñau. Tiquiro mehna ciento cuarenta y cuatro mil masa ijiri. Tiquina tiquiro ye wamene, tiquiro Pacuro ye wame gūhure tiquina wuhdoacacare tiquina oja ohōnohriquina ijiri. <sup>2</sup> Tiquinare yuh ihñagūta uhmūsepū yahuducuro ca tari. Pajiri peo bisiro saha upo tutuaro bisiro saha bisiro ca tari tiquiro yahuducuye. Sa yero arpa wame tiyere tiquina bua pūteño saha bisiro ca tari tiquiro yahuducuye. <sup>3</sup> Topū pūhtoro dujiro cahapū pititiaro sijoro saha bajuyequina, Jesu yequina pūhtoacacare gūhū ijiri. Sa ye tiquina poto ciento cuarenta y cuatro mil masa ducuri. Topū ducuye, wahma basayere basaye nidi. Ti basayere tiquina dihita masidi. Cristo yuhduoriquina dihita ti basayere masidi. Tiquina ahri yehpapū ijimediquina tiquiro ne mūoriquina ijiri. <sup>4</sup> Ne tiquina ihcā tahagā numino mehna ñano yerari. Sa ye Corderore ihña cūñequina ijiye, tiquiro yere sa yeducuyequina ijiri. Sa yero ñañequina mehna ijiyequinare tiquiro yuhduoatiquinare nedi Cohācjū pehe. Sa tiquiro yuhduoriquina ijiye, Cohācjū yequina ijiatiquina, Cordero yequina ijiatiquina gūhū iji mūhtariquina ijiri. <sup>5</sup> Sa ye tiquina mehna cjēna ne ihcāquiro ni mehoriquiro mariedare. Sa ye Cohācjū tiquiro tūhotugū ñañe marieñequina ijiri tiquina.

*Ihtiaro angele yahuducu dijioahye*

<sup>6</sup> Came uhmūsepū wūriquirore angelre ihñau. Tiquiro ahri yehpa cjēnare, ijipihtiye cururi cjēnare, ijipihtiye yahuducuyere yahuducuyequinare, ijipihtiye yehpari cjēnare, quehnoañe buheyere yahuatiquiro ijiri. Ti buheye ne comesaeraye, sa ijiducure. <sup>7</sup> Sa yero angel sañuducuro ohō saha ni yahuducu dijiori:

—Cohācjūre cueya. “Tutua yuhduagu, quehnoa yuhduagu ijire”, niña tiquirore. Yojopūre masare tiquiro buhiri dahreati pje ijiro nine. Tiquiro uhmūse, ahri yehpare, pajiri mare, mārī pohteri gūhure yeriquiro ijire. Sa yena tiquirore dūsepe curi mehna quehe sa, ño peoya, ni sañuducuri angel.

<sup>8</sup> Tiquiro sa nidi bato apequiro angel uhmūsepū wūriquiro ohō saha ni yahuducu dijiori:

—Tiquinare cohā cāhri. Pajiri maca Babilonia wame tiri maca cjēnare cohā cāhri Cohācjū. Tiquina tiquiro cohāriquina pehe ijipihtiyequina apequinare ñano yegū yeri. Queheyequina vinore tiquina tutuaro cahmeno saha tiquina ñañene tutuaro cahmeñe, Babilonia cjēnare ihña cūri. Sa yero Cohācjū tiquinare tutuaro buhiri dahreri, ni yahuducu dijiori apequiro angel.

<sup>9-10</sup> Tiquina pūaro angele tiquina sa nidi bato apequiro angel tiquina bato wūriquiro ohō saha ni yahuducu dijiori:

—Ijipihtiyequina nūcu cjūnore ño peoyequinare, tiquiro queoyere ño peoyequinare, tiquina wuhdoacacare, tiquina omocarine tiquiro wamene oja ohōnohriquina gūhure buhiri dahrerota Cohācjū. Tiquina mehna usuario, tiquina pūritare tutuaro waro buhiri dahreducurota Cohācjū. Nūcu cjūnore ño peoyequina ijipihtiyequina pecapū wahaeta. Topū tutuaro purīnota tiquinare peca mehna, azufre wame tiye mehna tiquina wijiāri peca mehna. Quehnoañequina angele, Cordero gūhū tiquina ihñonopū ñano yuhdueta tiquina. <sup>11</sup> Ti peca sa ohmeo tiducurota. Ne yatisi. Tiquinare sa purīducugū yere. Ijipihtiyequina nūcu cjūno poto dūsepe curi mehna quehe sa, ño peoyequinare sa purīducurota. Decoripe, ñaminipe sa purīducū cāhnota. Tiquiro queoyere ño peoyequina, tiquiro wamene oja ohōnohriquina gūhū sata ñano yuhdueta, ni yahuducu dijiori angel.

<sup>12</sup> Sa tiquina ñano yuhduagū ihñana Cohācjū yequina tiquiro dutiyere yena, Jesure cohāedarina ijina, tiquiro yere duhueracāhña. Nano yuhduerpenata Cohācjū yere cohāedacāhña.

<sup>13</sup> Came uhmūsepū yuhūre yahuducuro ca tagū tūhou. Ohō saha nidi yuhūre:

—Ahrire ojoaya mũhũ. Cohãcjũ yequina tiquirore cohãedarina ijina yojopũre mũsa yariari bato gũhũre bucuenta ijire mũsa, ni yahuducu dijiori yũhũre.

Tiquiro sa nidi bato Espiritu Santo pehe ohõ saha ni nemori tja:

—Sa tjire. Poto tjire. Tiquina tutuaro tiquina dahrayere duhu, soeta. Æhmũserũ tiquina wahagũ quehnoano tiquina yerire wacũnota Cohãcjũ. Sa yero tiquina sa yeri wapa tiquinare quehnoano yerota. Sa ye tiquina bucueyequina ijire, ni nemori Espiritu Santo.

*Wese cjẽ* oteye dũcare mari bese neno saha Cohãcjũ tiquiro yequinare bese nenota. Ñãnequina pehere sijoro bese docorota

<sup>14</sup> Came ehmeo curua yehseri curuare ihñau. Ti curua bui masũno yero saha bajuriquiro dujiri. Tiquiro uru behto pũhtoro pesari behto borore pesari. Sa yero dihi pjĩ siori pjĩne cœori tiquiro. <sup>15</sup> Came apequiro angel Cohãcjũ wũhũpũ ijiriquiro wijia tari. Sa wijia taro tutuaro sañuducuri ehmeo curua bui dujiriquirore:

—Mũhũ dihi pjĩ mehna wese cjẽ dũcare ahri yehpa cjẽ dũcare dũte ne pehoya. Yojopũre tiquiro queori pje esare. Yojopũre dũca neni pje esare, nidi angel.

<sup>16</sup> Tiquiro sa nigũ tũhoro tiquiro dihi pjĩ mehna ahri yehpa cjẽ dũcare ne dũcari ehmeo curua bui dujiriquiro.

<sup>17</sup> Came apequiro angel gũhũ Cohãcjũ wũhũpũ ijiriquiro wijia tari. Tiquiro gũhũ dihi pjĩ siori pjĩne cœori. <sup>18</sup> Sa yero apequiro angel altar cahapũ ijiriquiro wijia tari. Tiquiro pehe altar cjã pecare ihña ihboriquiro ijiri. Sa wijia taro dihi pjĩ siori pjĩne cœoriquirore sañuducuri:

—Mũhũ dihi pjĩ mehna ahri yehpapũ ijiri wese, ùhse wese cjẽ dũcare neña. Æhse pehe ñi tuhasari, ni sañuducuri.

<sup>19</sup> Tiquiro sa nigũ tũhoro angel tiquiro ya pjĩ dihi pjĩ mehna ahri yehpa cjẽ ùhse tũhorine yũhũre nedĩ. Tiquiro sa yeri bato ti tũhorine ùhse tũhorine tiquiro ñatihãtopũ cohãri. Tiquiro sa cohãriro saha Cohãcjũ tiquirore cahmeeñequinare tutuaro usuaro, cohãnota. <sup>20</sup> Ti maca dũhtũ cahapũ tiquina ñatihãtopũ ti ùhse tũhorine ñatihãri. Topũ tiquina ñatihãgũ dii wijari. Dii ma yero saha ijiri. Tres cientos kilómetro yoari ma, ihcã metro quehnoano ape metro deco ùhcũãri ma ijiri.

## 15

*Masa tiquina ñano* yũhdũatire angele cũ bato tiahye masare

<sup>1</sup> Came ùhmũserũ sijoro saha ijiroro ihñau. Tire ihñañe masa ihña maria wahaga. Ahri yehpapũre dũhse wahatore marine ihñori. Sa yero ti ihyo waro ijierare. Ohõ saha ihñau: Siete angele ijiri. Cohãcjũ usuaro, siete tahari masare buhiri dahre bato tiro taro nidi. Sa ye tiquina siete angele pehe buhiri dahre dutiro tiquiro cũatiquina ijiri.

<sup>2</sup> Angelere yũhũ ihñari bato pajiri mare quehnoano aco sitiri ma yero saha ijiri mare ihñau. Ti ma peca mehna ijiri ma ijiri. Sa yegũ nũcũ cjũnore tiquiro queoye gũhũre yũhdũdũcayequinare ihñau. Tiquina tiquiro wamene tiquiro ya numerore cœoyequina ijiri. Tiquina yũhũ ihñagũ pajiri ma aco sitiri ma dũhtũ cahapũ ducuri. Topũ ducuyequina arpa wame tiyere bũa pũtẽñene cœori. Ti bũa pũtẽñe Cohãcjũ tiquiro ohori ijiri. <sup>3</sup> Sa ye Cohãcjũ cahacjũno, Moise ye basayere basaye nidi. Cordero ye basaye gũhũre basaye nidi. Ohõ saha ni basari:

Ësã pũhto mũhũ Cohãcjũ tutua yũhdũagũ ijire. Mũhũ yerire ihñana ihña maria wahaja ùsã. Mũhũ yeri quehnoa yũhdũare. Mũhũ ijipihtiyeyehpari cjẽna pũhto ijire. Quehnoano ni mehono marieno yeducure mũhũ. Ijipihtiyequina mũhũre cueeta.

<sup>4</sup> Ijipihtiyequina mũhũre “Tutuagũ ijire”, nieta. Mũhũ dihita ñañe mariegũ ijire. Ijipihtiyeyehpari cjẽna mũhũ cahapũ esaye, dũsepe curi mehna quehe sa, mũhũre ño peoeta. Sata yeeta tiquina ijipihtiyequina queoro mũhũ yerire ihñañe, ni basaye nidi tiquina.

<sup>5</sup> Came ùhmũserũ ihña mũogũ, Cohãcjũ wũhũ pœori wũhũre ihñau. Topũ Cohãcjũ ijiri tucũ waropũ Cohãcjũ dutiye tiquiro ojoari pjĩni ùtã pjĩni tiquina ihbori pjĩni ijiri.

<sup>6</sup> Ti wuhure yuh ihñagũta siete angele ti wuhu puhiapũ ijiriquina wjia tari. Tiquina Cohãcjũ buhiri dahre dutiro tiquiro cũatiquina ijiri. Tiquinape tiquina buhiri dahreatire cœori tiquina angele. Quehnoañe suhti, yehseye suhti sañañequina ijiri. Sa ye tiquina cutiro bui uru cahsero mehna tũã dihoriquina ijiri. <sup>7</sup> Ti wuhũpũ ijiriquina tiquina wjia tagũ pititiaro sijoro saha bajuyequina mehna cjũno tiquinare siete angelere siete uru parire ohori. Ti pari Cohãcjũ usua tiquiro buhiri dahreati mehna quehnoano wahpari ti pari. Tiquiro Cohãcjũ sa ijiducuriquiro ijire. <sup>8</sup> Tiquiro sa ohogũ Cohãcjũ wuhu puhiapũ tiquiro asi siteye mehna tiquiro tutuaye mehna ohmeo ti sehsaa wahari. Sata ohmeo wuhu wahagũ ne masa ti wuhure sajã masiedari. Siete angelere Cohãcjũ buhiri dahre dutiro tiquiro cũriro saha masare tiquina buhiri dahre tuhasari bato pari turi ti wuhũpũ sajã masine tja. Tiquiro buhiri dahreato pano sajã masiedari.

*Cohãcjũ masare tiquiro buhiri dahreatore yahuahye*

## 16

<sup>1</sup> Came Cohãcjũ wuhũpũ tutuaro yahuducuro ca tari. Siete angelere yahuro nidi:

—Siete paripũ pose tiyere yehpapũ pio sitedoque dijiona wahaya. Yehpa cjẽnare Cohãcjũ tiquiro nidiro sahata buhiri dahreya yojopãre, ni yahuducuro ca tari.

<sup>2</sup> Tiquiro sa nigũ tũhoro iji mũhtariquiro angel tiquiro cœori papũ pose tiyere yehpapũ pio sitedoque dijiori. Tiquiro sa pio sitedoque dijioğũ nũcũ cjũno wamene ojoa ohõnohriquina, tiquiro queoyere ño peoriquina ñano cami tiri. Ti cami tutuaro purĩdi tiquinare.

<sup>3</sup> Tiquiro sa pio siteri bato apequiro angel tja tiquiro cœori papũ pose tiyere pio sitedoque dijiori tja pajiri mapũ. Tiquiro sa pio sitedoque dijioğũta ti ma dii ma wahari. Yariariquiro dii yero saha ijiri ti dii. Sa wahagũ ti ma puhiapũ ijiyequina yaria pihtia wahari.

<sup>4</sup> Pũaro tiquina sa pio siteri bato apequiro angel tja tiquiro cœori papũ pose tiyere pio sitedoque dijiori tja mãripũ, ti mãri pohteripũ gũhũre. Tiquiro sa pio sitedoque dijioğũ mãri dii mãri dihita wahari. <sup>5</sup> Sa wahagũ ihñano apequiro angel mãrine cohteriquiro ohõ saha nidi:

Cohãcjũ mũhu ñañe mariegũ ijire. Yojopũ gũhũre sa ijiducugũ ijire mũhu. Panopũ gũhũre sa ijiducue tiri mũhu. Sa yegũ masa tiquina ñano yegũ ihñagũ queoro buhiri dahreri mũhu tiquinare. Dii mãrine yegũ quehnoano yeri mũhu. <sup>6</sup> Nũcũ cjũno yequina pehe mũhu yequinare wejẽñe, dii cohãgũ yeri. Mũhu yere yahuyequina gũhũre wejẽñe, dii cohãgũ yeri. Tiquina sa wejẽdi buhiri mãri dii mãri wahari. Sa ye tiquinare diire mũhu sa sihnigũ yegũ quehnoarĩne. Sata mũhu buhiri dahregũ tiquina ye buhiri ijire, nidi mãrine cohteriquiro angel.

<sup>7</sup> Tiquiro sa nidi bato altarpũ yahuducuro ca tari:

—Sa tjire. Cohãcjũ usã pũhto tutua yũhdũagũ ijire mũhu. Ni mehono marieno, queoro masare bese, buhiri dahre mũhu, ni yahuducuro ca tari.

<sup>8</sup> Ihtiaro angele tiquina pio siteri bato apequiro angel tiquiro cœori papũ pose tiyere pio sitedoque dijiori tja asũ deco cjũno bui. Tiquiro sa pio sitedoque dijioğũta asũre masare tutuaro asigũ yeri Cohãcjũ. <sup>9</sup> Sa yero asũ deco cjũno masare tutuaro asiri. Sa ye Cohãcjũ tiquinare tiquiro buhiri dahre dutigũ masiñe, tiquirore ñano yahuducuri masa. Sa ñano yũhdũepeta tiquina ñañe yerire ne bũjũa witierari. Sa ye duhuerari. Cohãcjũre “Tutuagũ ijire”, ni ño peo duerari.

<sup>10</sup> Pititiaro angele tiquina pio siteri bato apequiro angel tja tiquiro cœori papũ pose tiyere pio sitedoque dijiori tja nũcũ cjũno tiquiro dujiro bui. Pũhtoro dujiro ijiri tiquiro dujiro. Tiquiro sa pio siteri bato tiquiro yequina tiquina ijiri yehpapũ nahitiaa wahari. Sa ye tiquiro yequina masa ñano purĩgũ bahque dihori. <sup>11</sup> Tiquinare ñano purĩpeğũta ñano cami tiepeta, ne tiquina ñañe yerire bũjũa witierari. Sa ye tire duhuerari. Sa ye Cohãcjũ tiquinare tiquiro cami dahregũ masiñe tiquirore uhmũse cjũnore ñano yahuducuri.

<sup>12</sup> Ihcã omopequina angele tiquina pio siteri bato apequiro angel tja tiquiro cœori papu pose tiyere pio sitedoque dijiori tja Eufrates wame tiri ma pajiri mapu. Tiquiro sa pio sitedoque dijioğũta ti ma sihbi quehea wahari. Asũ mũa taro cğena puhto a yequina masa mehna ti mare tiquina pehã tatore sa yeri.

<sup>13</sup> Came ihtiaro watĩare taharocua yero saha bajuyequinare ihñaũ. Ihcãquiro pinono puhiaru ijiriquiro tiquiro duseropu wijia tari. Apequiro watĩno nucũ cğũno duseropu wijia tari. Apequiro watĩno “Cohãcjũ yere yahu mũhtagu ijiaja”, ni mehoriquiro duseropu wijia tari. <sup>14</sup> Sa ye tiquina ihtiaro watĩa tutuaye mehna yeyequina ijiri. Ijipihtiro cğena puhtoare cahmecoagũ yeri tiquina cahme wejẽ dutiye tehe. Tiquina sa cahme wejẽati deco Cohãcjũ tutua yũhdũariquiro ijipihtiyequinare tiquiro dutiati deco, pihtiatu deco ijire.

<sup>15</sup> Ohõ saha nidi Jesu: “Ihñaña mũa. Yaqueriquiro wacũeno mehna tiquiro yaquero ahtaro saha yũhu gũhu wacũeno mehna ahtaũtja. Yũhu ahtatore quehnoano cohteriquiro bucueriquiro ijirota. Tiquiro ye suhtire quehnoano quehnoyuriquiro yero saha yeere quehnoano yeriquiro ijire bucueriquiro. Sa yeriquiro ijiro yũhu ahtagũ suhti marieniquiro tiquiro bue tiboriro saha bue tisi tiquiro”, nidi Jesu.

<sup>16</sup> Came ihtiaro watĩa yehpari cğena puhtoare cahmecoagũ yeri tiquinare. Tiquina cahmecoano Hebreo ye mehna “Armagedon”, wame tiri.

<sup>17</sup> Seis angele tiquina pio siteri bato apequiro angel tja tiquiro cœori papu pose tiyere ehmeo cururi caharu pio sitedoque dijiori tja. Tiquiro sa pio sitedoque dijiori bato puhtoro dujiropu Cohãcjũ wũhũru tiquiro dujiropu tutuaro yahuducuro ca tari:

—To punota ijiağa, nino ca tari.

<sup>18</sup> Tiquiro sa nigũta mia sitedoqueo, upo pa maa, sijoro saha ijiro bisi maa, cuaro yehpa ñuhmidi. Ahri yehparu masa tiquina iji dũcari bato ne sa ñano yehpa ñuhmieda tiri. Apeye ñuhmiñe yũhdũoro cuaro yehpa ñuhmidi. <sup>19</sup> Sa ñuhmigũ pajiri macare ihtia maha yihti maa wahari. Sa ye bujũye macari ahri yehparu ijie macari sehte dijiaa wahari. Sa yero Babilonia wame tiri maca pajiri maca cğenare wacũri Cohãcjũ tiquinare buhiri dahrero taro. Tiquina ñañene yeri buhiri tiquina mehna tutuaro usuari. Sa usuario tiquinare tutuaro buhiri dahreru. <sup>20</sup> Tiquiro sa yegũ ijipihtiyere nucũpo, cũnu cğũ gũhu cohõ pihia wahari. Sa ye ne mariedare. <sup>21</sup> Sa ye bujũye paca aco paca yũũayẽ paca yehparu masa bui bora dijia tari. Ijipihtiyere paca aco paca cuarenta kilo nucũñe paca ijiri. Tiquina bui ti paca sa bora dijia tagũ Cohãcjũ masare tiquiro tutuaro buhiri dahregũ masiñe ñano yahuducuri masa Cohãcjũre.

## 17

**Umua** mehna ñano yeducuricorore ña yũhdũaro yericorore buhiri dahre dutirota

<sup>1</sup> Came siete pari cœoyequina angele mehna cğũno yũhu caharu wihiro ohõ saha nidi yũhũre:

—Ihñagũ ahtaya. Peyẽ mări bui dujiricorore umua mehna ñano yeducuricorore ña yũhdũaro yericorore Cohãcjũ tiquiro buhiri dahreatire ihñagũ ahtaya mũhu. <sup>2</sup> Ahri yehpa cğena puhto ticoro mehna tiquina ñano yeboro saha ticoro yero saha yeri. Cohãcjũ ye pehere cahmedari. Ahri yehpa cğenare ticoro quehegũ yeboro saha tiquina mehna ticoro ñano yeboro saha ticoro masare ñañene tutuaro cahmegũ yeri. Sa yero ñañene yegũ yeri masare, ni yahuri angel yũhũre.

<sup>3</sup> Tiquiro sa nidi bato Espĩritu Santo pehe yũhũre ihñori: Angel pehe masa marienopu neari yũhũre. Topu numinore ihñaũ. Ticoro nucũ cğũno sohãriquiro bui pesaricoro ijiri. Nucũ cğũno pehe tiquiro pagũru peyẽ wame tiquina oja ohõnohriquiro ijiri. Ti wame ñañe wame Cohãcjũ tiquiro ihña yabiye wame ijiri. Sa yero siete dapu paca tiriquiro, diez sahari tiriquiro ijiri nucũ cğũno. <sup>4</sup> Sa yero numino pehe quehnoano yahsayẽ suhti puhto tiquina sañañe suhti saha ijiyere sañaricoro ijiri. Sohãñe suhti gũhũre sañaricoro ijiri. Peyẽ urure, wapa tiye utãre, perla pjeri gũhũre ohõri suhtire sañaricoro ijiri ticoro. Sa yero uru pare cœori ticoro. Ti paru pose tiye ñañe ticoro yeri jiri. Umua mehna ñano



yero, pajiro ñano yeri ticoro. Ti ñañene ihña yabire Cohãcjũ. <sup>5</sup> Ticoro wũhdoapũ ticoro wame tiquina ojoa ohõnohricoro ijiri. Ti wamene quehnoano masiedaja mari. Ti wame queoye mehna buheri wame ijire. Ahri ijire ti wame: “Pajiri maca Babilonia wame tiri maca ijire. Ijipihtiye wũana tiye dahpoto cjõno, ña yũhdũayere yericoro ijire”, ni, ticoro wũhdoapũ tiquina ojoa ohõnohricoro ijiri. <sup>6</sup> Sa yero ticoro peyequina Cohãcjũ yequinare wejedicoro ticoro ijigũ masii. Queheyere ticoro bucuero saha tiquinare wejẽno, tiquina dii cohãgũ bucuero ticoro. Jesure tiquina cohãedari buhiri ticoro wejẽdi tiquinare. Ticorore ihñagũ, ihña maria wahaũ.

<sup>7</sup> —¿Dũhsegũ mũhũ ihña maria wahajari? nidi angel yũhũre.

Sa nino yũhũre ohõ saha ni nemori:

—Mũhũ masiedarire mũhũre yahutja. Numinore mũhũre yahutja. Ticoro pesariquiro gũhũre yahutja. Tiquiro nũcu cjũno ijiri. Sa yero siete dapu paca tiriquiro, diez sahari tiriquiro ijiri. <sup>8</sup> Tiquiro panopũ ijiriquiro ijiri. Yojoapũre mariedare tiquiro. Came tiquiro uhcũãri coperpũ ijiriquiro wijia tarota. Tiquiro sa wijia tari bato pecapũ waharota. Ahri yehpa cjẽna tiquirore ihña maria, ño peori tiquirore. Ahri yehpa ijiato pano Cohãcjũ tiquiro yequina ijiatiquinare sa ijiducuatiquinare tiquina wamene ojoa ohõahye. Tiquiro ojoa ohõnohedariquina ijiri nũcu cjũnore ño peoyequina. Tiquiro pehe panopũ ijiri. Yojoapũ pehere mariedare. Camerpũ pari turi bajarota. Sa ye tiquiro bajuagũ ihñañe masa tiquirore ihña maria wahaeta.

<sup>9</sup> Yojoapũre yũhũ yahuatire masi duana, quehnoano tũhonata mũsa. Sa yena tũho masina ijiya. Nũcu cjũno dapu paca siete dapu paca siete cũnũ cjũ ijire, mari queoye mehna buhegũ. Ti cũnũ cjũ buipũ pesare ticoro uũmũ mehna ñano yeducuricoro. <sup>10</sup> Ti dapu paca siete pũhtoa yero saha ijire, mari queoye mehna buhegũ. Peyequina masa pũhtoa ijire. Ihcã omopequina pũhtoare cohã tuhasari. Apequiro tiquina bato ijiriquiro pũhtoro ijire yojoapũre. Apequiro pehe came pũhtoro sajãnota. Sa sajãno mehenogã pũhtoro ijirota tiquiro. <sup>11</sup> Sa yero nũcu cjũno sohãriquiro panopũ iji mũhtariquiro, yojoapũre marieniquiro tiquina siete pũhtoa bato pũhtoro ijirota. Siete pũhtoa mehna cjũno ijire. Came pecapũ waharota.

<sup>12</sup> Nũcu cjũno sahari diez sahari diez pũhtoa yero saha ijire, mari queoye mehna buhegũ. Peyequina masa pũhtoa ijire. Tiquina pũhtoa sajãedare yojoapũ. Camerpũ pũhtoa sajãñe mehenogã pũhtoa ijieta. Yoari pje iji dutisi tiquinare. Sa pũhtoa ijiye nũcu cjũno mehna pũhtoa ijieta. <sup>13</sup> Tiquina diez pũhtoa ihcãno saha tũhotuyequina ijire. Sa ijiye tiquina nũcu cjũnore tiquina ye yehpari cjẽna pũhtoro sõeta. <sup>14</sup> Sa ye Cordero mehna cahme wejẽeta. Tiquina sa cahme wejẽpegũta Cordero tiquiro beseriquina mehna tiquirore ne cohãẽñequina mehna tiquinare yũhdũdũcaeta. Tiquiro ijipihtiyequina apequina pũhtoa bui pũhtoro ijire. Sa yero tiquinare yũhdũdũcarota, nidi angel yũhũre.

<sup>15</sup> Ahrire yũhũre yahu nemori angel:

—Uũmũ mehna ñano yeducuricoro mári bui dujiri. Ti mári ahri yero saha ijire mari queoye mehna buhegũ: Ijipihtiye yehpari cjẽna, peye cururi cjẽna, peye yahuducuyere yahuducuyequina yero saha ijire ti mári. <sup>16</sup> Nũcu cjũno, diez pũhtoa gũhũ uũmũ mehna ñano yeducuricorore ihña yabieta. Tiquina diez pũhtoa nũcu cjũno mehna ticoro yere ehma peho, suhti mariedicoro cohãeta ticorore. Sa ye ticoro pagure ihyaeta. Tiquina sa yeri bato ticorore uũjũa pehoeta. <sup>17</sup> Tiquina diez pũhtoa ihcãno saha tũhotuye, nũcu cjũnore tiquina ye yehpari cjẽna pũhtoro sõeta. Tiquinare sa yegũ yeri Cohãcjũ, tiquiro cahmeno saha yero taro. Sa yero nũcu cjũno pehe pũhtoro ijirota. Ijipihtiye Cohãcjũ panopũ tiquiro yahuriro sahata tiquiro yeri bato nũcu cjũnore cohãnota. <sup>18</sup> Ticoro mũhũ ihñaricoro mehna ohõ saha ni queoye mehna buhere: Ticoro pajiri maca Babilonia wame tiri maca yero saha ijire. Ijipihtiyequina apequina pũhtoa bui ijire ti maca cjẽna, nidi angel yũhũre.

<sup>1</sup> Came apequiro angel ʘhmʘsepʘ dijia tariquirore ihñau. Tiquiro pʘhtoro waro ijiri. Sa yero tiquiro asi siteye ijipihitropʘ quehnoano buhrio sehsaa wahari. <sup>2</sup> Tiquiro sa dijiari bato tutuaro sañuducu yahuri:

—Cohāri jiri. Babilonia wame tiri maca pajiri maca cjēnare cohāri jiri. Yojoṗʘre watīa, peyequina ñañequina pagʘ bajueyequina gūhʘ ti macapʘ ijiye nine. Ñañequina boro minicjʘa pari gūhʘ ti macapʘ ijiye nine. Tiquina minicjʘa masa tiquina ihña yabiyequina ijiri. <sup>3</sup> Ijipihitiye yehpari cjēna ti maca cjēnare ñañequinare ihña cūñe, tiquina gūhʘ ñano yeri. Sa ye ahri yehpari cjēna pʘhtoa ti maca cjēna numia mehna ñano yeri. Ticoro sa ʘmʘa mehna ñano yeducuricoro ijiro wapa tiyere dúe tiri. Pajiro ticoro sa dúgʘ ahri yehpa cjēna doeri cjē duayequina pajiro wapatarī, ni yahuri angel.

<sup>4</sup> Came pari turi ʘhmʘsepʘ yahuducuro ca tari. Ohō saha nidi:

—Yeequina, ahricoro ʘmʘa mehna ñano yeducuricoro mehna ijieracāhña mʘsa. Ticoro mehna mʘsa ijigū mʘsa gūhʘre buhiri dahrerota. Sa yena ticoro ñano yeyere ihña cūedacāhña. <sup>5</sup> Ticoro ñano yeri peye ijire. Ticoro ñano yerire pari tju mari duhu peo mʘogū ti tju pehe ʘhmʘsepʘ wahā sa cāboaga. Sa ye ticoro ñano yeri peye ijire. Sa yero ticoro ñano yerire wacūre Cohācjū. Sa wacūno ticorore buhiri dahre dutirota. <sup>6</sup> Ticoro tutuaro tiquiro buhiri dahrenohaticoro ijiahro. Masare ticoro ñano yegū yeriro saha ticoro gūhʘre ñano yʘhdugū yeahro. Masare ticoro sa ñano wahagū yeriro saha ti yʘhdʘoro ticorore ñano buhiri dahreahro. <sup>7</sup> Ticoro “Quehnoago ijiaja”, ni tʘhotumedi. Sa ni tʘhoturo, wapa bujʘyere pajiro cʘori ticoro. Ti wapa bujʘyere pajiro ticoro cʘoro punota ticorore pajiro ñano yʘhdugū yeahro. To punota ticorore bujʘa witiḡū yeahro. Ticoro basi ohō saha ni tʘhotumene. “Ohōṗʘ dutigo dujiaja. Wape wiho ijieraja. Sa yego ne ñano yʘhdʘsi yʘhʘ”, ni tʘhotumene ticoro. <sup>8</sup> Sa ni tʘhoturicoro ijigū wacūeno mehna ticorore buhiri dahrerota. Ticoro dohati, yariariquinare yahco uti, ʘjʘa ahbarota. Sa yero ticorore ʘjʘa borota. Mʘsa pʘhtoro Cohācjū ticorore buhiri dahre dutiriquiro tutua yʘhdʘariquiro ijire. Sa yero sa yʘhʘ nidiro saha ticorore buhiri dahre dutirota, nino ca tari ʘhmʘsepʘ.

<sup>9</sup> Sa ye ticoro yero saha ijiri macare Cohācjū tiquiro buhiri dahreri bato ahri yehpa cjēna pʘhtoa tutuaro bujʘa witi, utieta. Ti maca cjēna mehna ñano yeyequina ijiri. Ti maca ʘjʘgū ihñañe utieta tiquina. <sup>10</sup> Sa ʘjʘgū ihñañe tiquina pʘhtoa yoaropʘ ihñadoqueoducueta, “ʘsā gūhʘre buhiri dahreari”, niñe. Topʘ ihñadoqueoducuye ohō saha nieta:

—Yohou, pejecʘori maca ijire, Babilonia. Si maca pajiri maca tutuari maca ijimedi. Wacūeno mehna si macare buhiri dahreri, nieta tiquina.

<sup>11</sup> Ijipihitiro cjēna doeri cjē duayequina ti macare ihñañe tutuaro bujʘa witi utieta. Ti maca pihtigū ihñañe, tiquina ye doeri cjēne dúyequina mariedagū ihñañe bujʘa witieta tiquina. Sa ye utieta. <sup>12</sup> Tiquina ne cāhtarire urure, platare, wapa bujʘye ʘtāre, perla wame tiye paca gūhʘre dúyequina marisi. Sa ye apeye tiquina ne cāhtarire suhti quehnoañe suhtire, yahsaye suhti pʘhtoa tiquina sañañe suhti saha ijiye suhtire, seda wame tiye suhtire, sohāñe suhtire dúyequina marisi. Sa ye apeye tiquina ne cāhtarire yucʘri ehme sitiye yucʘri dúyequina marisi. Sa ye apeye tiquina ne cāhtarire marfil wame tiye mehna tiquina yerire, wapa bujʘye cjʘ mehna tiquina yerire, bronce wame tiye come mehna tiquina yerire, come butiye mehna tiquina yerire, marmol wame tiye mehna tiquina yerire dúyequina ne marisi. <sup>13</sup> Sa ye apeye tiquina ne cāhtarire canela wame tiyere tiquina ihyayere ocagū yeyere, apeye tiquina ihyayere ocagū yeyere, bueyere, mirra wame tiye ehme sitiye, apeye ehme sitiye dúyequina marisi. Sa ye apeye tiquina ne cāhtarire vinore, ʘhse ihyaye moreñene, trigore, trigo pjerire, wecʘare, corderoare, caballoare, tunuñe cohrori caballoa tiquina wejeye cohrore dúyequina marisi. Cahacjēnare dú tiquinare cʘoyequina gūhʘ marisi. Masa tiquina ijiepegūta tiquinare dúyequina ijimedi. Yojoṗʘre marisi. Sa ye bujʘa witieta doeri cjēne duayequina. <sup>14</sup> Sa ye ohō saha nieta tiquina ti maca cjēna ijiriquinare:

—Adei, ñabutiario wahayari. Ijipihtiye m̄sa cahĩmedi pihtia wahari. Sa ye ijipihtiye quehnoañe m̄sa c̄omedi pihtia wahari. Sa yena tire pari turi bocasi m̄sa, nieta doeri cj̄ene duayequina.

<sup>15</sup> Tiquina ti macare doeri cj̄ene duaye, pajiro wapatamedi. Sa ye tiquina ti macare yoarop̄ ihñadoqueoducuenta, “ʘs̄a ḡũh̄ure buhiri dahreari”, niñe. Sa ihñadoqueoducuye ti macare tutuaro buj̄ua witi utieta. <sup>16</sup> Oh̄o saha nieta ti macare:

—Adei, pejec̄oyequina ijire si maca pajiri maca quehnoari maca cj̄ena m̄na. Si maca numino yero saha quehnoañene c̄ori. Numino pehe quehnoañe suhtire, yahsaye suhti p̄h̄toa tiquina sañañe saha ijiye suhtire, soh̄añe suhti ḡũh̄ure sañari. Sa yero uru, wapa buj̄uye ut̄a, perla wame tiye paca oh̄ori suhtire sañari. Sa yeri si maca cj̄ena. <sup>17</sup> Sa ye wac̄ueno mehna si maca buti pihtia wahari, nieta ti macare.

Sa ye ijipihtiyequina yuc̄sari mehna tiniñequina, ti yuc̄sari opana, tiquina ʘm̄na, apequina pajiri map̄ dahra wapatayequina ḡũh̄u ti macare yoarop̄ ihñadoqueoducuenta. <sup>18</sup> Top̄ ihñadoqueoducuye ti macare to ʘj̄ũḡũ ihñañe oh̄o saha ni sañuducuenta:

—Quehnoañe macari si maca yero saha ijiye macari ne apeye macari mariedare, ni sañuducuenta tiquina.

<sup>19</sup> Sa buj̄ua witiyequina ijiye tiquina dapu paca bui dihtare or̄e peoeta. Sa ye tutuaro yahco utiye oh̄o saha nieta:

—Adei, pejec̄oyequina ijire si maca cj̄ena m̄na. Quehnoari maca ijimedi. Ijipih̄tina yuc̄sarire c̄ona pajiri map̄ tinina ijina si maca cj̄e doeri cj̄e mehna quehnoano wapatami mari. Sa ye duita si maca cj̄e buti pihtia wahari, nieta yuc̄sari cj̄ena.

<sup>20</sup> Ti macare tiquiro coh̄ãḡũ ihñana bucueya m̄sa ʘhm̄se cj̄ana. Coh̄ãcj̄ũ yequina, Jesu tiquiro c̄urina, tiquiro yere yahu m̄htarina ijipih̄tina m̄sa bucueya. Ti maca cj̄ena m̄sare ñano yuh̄dũḡũ yeri. Tiquina sa yeri buhiri buhiri dahreari Coh̄ãcj̄ũ. Sa yena bucueya m̄sa.

<sup>21</sup> Sa yero tutuariquiro angel pajiria ut̄are ne wahc̄o, pajiri map̄ doque ñori. Sa doque ñono oh̄o saha nidi:

—Ahria ut̄a bora ñojoariro saha pajiri maca Babilonia wame tiri maca boraro tutuaro bisirota. Sa borari bato ti macare pari turi ihñasi masa. <sup>22</sup> Ti macare butia wahaḡũ yerota. Sa ye ti macap̄ basayere m̄sa basaducuriro saha ne acaro tisi. Arpa wame tiyere m̄sa b̄na p̄t̄educuriro saha, flauta wame tiye pacare, corneta ḡũh̄ure m̄sa putiducuriro saha pari turi ti macap̄ acaro tisi. Sa ye ti maca mariedaḡũ pari turi ti macap̄ dahrayequina dahrasi. Sa ye ut̄a mehna trigore m̄sa ña m̄toñe ḡũh̄ure t̄uhonohsi. <sup>23</sup> Ne ti maca buhrio cuñariro saha ne ijisi. Sa ye omoca d̄htena m̄sa bucue yahuducuriro saha pari turi ne acaro tisi. Ti maca cj̄ana m̄sa doeri cj̄ene duana, d̄na ḡũh̄u apequina yuh̄d̄oro c̄omedi m̄sa. Sa yena yayia masare ujuayequina yero saha yena ijipih̄tiro cj̄enare mehori m̄sa. M̄sa sa yerire ihña mariañe, Coh̄ãcj̄ũ pehere cahmedari masa, nidi tutuariquiro angel.

<sup>24</sup> Ti maca cj̄ena Coh̄ãcj̄ũ yere yahu m̄htariquinare apequina tiquiro yequina ḡũh̄ure ijipih̄tiro cj̄enare wej̄edi jiri. Tiquina sa wej̄edi buhiri buhiri dahreari Coh̄ãcj̄ũ Babilonia cj̄enare.

## 19

<sup>1</sup> Babilonia d̄h̄se wahatire yuh̄u ihñari bato ʘhm̄sep̄ peyequina masa sañuducue ca tari yuh̄u t̄uhoḡũ. Oh̄o saha ni sañuducuri:

Aleluya. Coh̄ãcj̄ũre quehnoano yahuducuhna. Coh̄ãcj̄ũ marine yuh̄d̄oriquiro ijire. Tiquirore quehnoano ño peouhna. Tutua yuh̄d̄ariquiro ijire tiquiro. <sup>2</sup> Mehono marieno queoro masare buhiri dahreari tiquiro. Ñañe buhiri marieñequinare tiquinare buhiri dahrerare. Ñaricorore ʘm̄na mehna ñano yeducuricorore ihña c̄ũñe ijipih̄tiro cj̄ena, ahri yehpa cj̄ena ñano yeri. Ticoro pehere buhiri dahreari Coh̄ãcj̄ũ. Sa yero tiquiro cahac̄j̄enare ticoro wej̄edi buhirire buhiri dahreari tiquiro, ni sañuducue ca tari.

<sup>3</sup> Pari turi sañuducue ca tari tja:

Aleluya. Cohãcjüre quehnoano yahuducuuhna. Ti maca ñari maca tiquiro ɯjũari maca sa ohmeo tiducurota, ni sañuducue ca tari.

<sup>4</sup> Sa yeye veinticuatro Jesu yequina pũhtoa, pititiaro sijoro saha bajuyequina mehna dũsepe curi mehna quehe sa, mari Pacũre tiquiro dujiropũ dujiriquire ño peori. Ohõ saha ni ño peori tiquina: “Aleluya. Sata yeihna. Mari Pacũre quehnoano yahuducuuhna,” nidi tiquina. <sup>5</sup> Came pũhthora dujiropũ ohõ saha nino ca tari:

Mari pũhthora Cohãcjüre ño peoya. Tiquiro cahacjãna, tiquirore ño peona, ihyo ijina, pũhtoa gũhũ ijipihitina mũsa tiquirore quehnoano yahuducuya, nino ca tari.

*Cordero tiquiro omoca dũhteati deco bose decore yahuahye Ñu*

<sup>6</sup> Came peyequina masa tiquina yahuducugũ tũhou. Sa ye pajiri peo, ɯpo mehna tutuaro bisiro saha yahuducue ca tari yũhũ tũhogũ:

Aleluya. Cohãcjüre quehnoano yahuducuuhna. Tiquiro mari pũhthora pehe pũhthora sajã tuhasari. Tutua yũhdũariquiro ijire tiquiro. <sup>7-8</sup> Cordero tiquiro omoca dũhteati pje ijire yojopũre. Tiquiro omoca dũhteaticoro quehnoano tiquina quehno tuhasaricoropũ ijire. Tidorore quehnoari suhtiro wete marieni suhtirore ohori. Ti suhtiro Cohãcjũ yequina quehnoañene tiquina yeri yero saha ijire, mari queoye mehna buhegũ. Sa yena ti omoca dũhteati pje ijigũ bucueihna mari. Cohãcjüre “Tutua yũhdũariquiro ijire”, ni hna, ni yahuducue ca tari.

<sup>9</sup> Tiquina sa nidi bato angel ohõ saha nidi yũhũre:

—Ahrire ojoa neña: “Cordero tiquiro omoca dũhteri deco bose decore tiquiro pijioriquina bucueyequina ijire”, ni ojoa neña, nidi angel yũhũre.

Sa ninota ohõ saha ni nemori:

—Ijirota ijire ahri yũhũ yahuri. Cohãcjũ ye yahuducuye ijire, ni nemori yũhũre.

<sup>10</sup> Tiquiro sa nigũ tũhogũta tiquiro caha dũsepe curi mehna quehe sa, tiquirore ño peou tũn nimi. Yũhũ sa yegũ waro ohõ saha nidi tiquiro yũhũre:

—Tire yeracãhña. Mũhũ yero saha yũhũ gũhũ Cohãcjũ cahacjũta ijiaja. Mũhũ acaye Jesu yequina ijipihitiquina tiquiro ye buheyere duhueyequina yero saha yũhũ gũhũ Cohãcjũ cahacjũta ijiaja. Sa yegũ Cohãcjũ pehere dũsepe curi mehna quehe sa, tiquirore ño peoya, nidi angel yũhũre.

Cohãcjũ yere yahu mũhtariquina mũna panopũ cjẽna Espĩritu Santo yedohoro mehna ti buheyere Jesu ye buheyere yahuyuahye.

*Caballo yehseriquiro bui pesariquire yahuahye Ñu*

<sup>11</sup> Came ɯhmũse parĩ maa wahagũ ihña. Topũ caballo yehseriquiro ijiri. Tiquiro bui pesariquire ohõ saha wame tiri: Tiquiro nidiro sahata yeriquiro poto yeriquiro wame tiri tiquiro. Queoro masare dutiriquiro ijiro, tiquirore ihña tuhtiyequina mehna cahme wejẽne. <sup>12</sup> Tiquiro caperi peca pohna yero saha ijiri. Sa yero tiquiro dapupũ peye pũhtoa pesaye behtori ijiri. Sa yero tiquiro pagupũ wame ojoa ohõnohriquire ijiri. Ti wamene tiquiro dihita masidi. Apequina masiedari. <sup>13</sup> Tiquiro sañari suhtiro yoari suhtiro dii wahñari suhtiro ijiri. Tiquiro ohõ saha wame tiri: Cohãcjũ ye yahuducuyere yahuriquiro wame tiri tiquiro. <sup>14</sup> Sa ye tiquiro yequina surara ɯhmũse cjẽna tiquirore nũnũ tãri. Yehseyequina caballo bui pesayequina quehnoañe yehseye suhtire, wete marieñe suhtire sañariquina ijiri. <sup>15</sup> Tiquiro dũseropũ ñoseni pjĩne siori pjĩne cuhñuri. Ti pjĩ ijipihitije yehpari cjẽnare tiquiro yũhdũdũcati pjĩ ijiri. Sa yero tiquiro tutuaye mehna tiquiro dutigũ ne ihcãquiro tiquirore yũhdũdũcaro cũsi. Cohãcjũ ijipihitije yehpari cjẽna mehna usuare. Tiquiro sa usuagũ caballo bui pesariquire tiquinare tutuaro buhiri dahrerota. <sup>16</sup> Tiquiro suhtiropũ, tiquiro ñecũ gũhũre ahri wamene ojoa ohõri jiri: “Ijipihitiquina apequina pũhtoa bui pũhthora”, ni ojoa ohõri jiri.

<sup>17</sup> Came asũ asiropũ ducuriquirore angelre ihña. Ijipihitiquina ɯhmũserũ wũyequina yucaa parire sañuducu mũori tiquiro. Ohõ saha ni tutuaro sañuducu mũori:

—Cahmecoana ahtaya. Cohācjũ tiquiro bose decopũ ihyana ahtaya. <sup>18</sup> Peye yehpari cjēna pũhtoare, surara pũhtoare, surara parire, caballoare, tiquina bui pesayequinare, ijipihtiyequina apequina masare, cahacjēnare, cahacjēna ijieyequinare, apequina pũhtoare, ihyo ijieyequinare tiquina ijipihtiyequina tiquina pagũri ijirire ihyana ahtaya, nidi angel yucaare.

<sup>19</sup> Came nũcũ cjũnore, ahri yehpa cjēna pũhtoa tiquina yequina surara pari gũhũre ihñau. Caballo bui pesariquiro mehna tiquiro yequina surara pari mehna cahme wejēne tehe cahmecoari tiquina. <sup>20</sup> Tiquina sa cahme wejēgũ caballo bui pesariquiro nũcũ cjũnore peresu yeri. Apequiro “Cohācjũ yere yahu mũhtagũ ijiaja”, ni mehoriquiro gũhũre peresu yeri. Tiquiro ni mehoriquiro pehe nũcũ cjũno tiquiro ihñonopũ tutuaye mehna ye ihñoriquiro ijiri. Tiquiro sa ye ihñori mehna nũcũ cjũno wamene wahñañequinare tiquiro queoyere ño peoyequinare ni mehori “Ahri Cohācjũ ye ijire”, nino. Tiquina pũarore tiquiro peresu yeri bato tiquinare catiyequinareta pecapũ cohāri. Ti peca pajiri ma yero saha pajiri peca azufre mehna Ƶjũri peca ijiri. <sup>21</sup> Sa yero dũhsariquinare tiquina yequina surara parire ñoseni pji mehna tiquiro dũseropũ ijiri pji mehna wejēdi caballo bui pesariquiro pehe. Sa tiquiro wejēdi bato yuca pari tiquina pagũri ijirire ihyaye, yapi yũhdũa wahari.

## 20

*Mil cũhmari waro Cristo tiquiro yequina mehna masare dutirota*

<sup>1</sup> Came apequiro angel Ƶhmũsepũ tiquiro dijia tagũ ihñau. Ʋhcũāri cope cjā sawire, pajiri da, come da gũhũre cũori tiquiro. <sup>2</sup> Sa dijia wihiro pinonore ñehedi tiquiro. Tiquiro pinono panopũ pinono saha pagũ tiriquiro ijiro, watĩno Satana wame tiriquiro ijiri. Tiquirore ñeheno tiquirore dũhteri mil cũhmari waro peresu yero taro. <sup>3</sup> Sa dũhte tuhasa, Ƶhcũāri coperpũ cohāri tiquirore ahri yehpari cjēnare mil cũhmari waro tiquiro “Mehoari”, nino. Sa cohā tuhasaro ti copere biha, piha ñehe cāri. Sa yero mil cũhmari bato pari turi meheñe decorigã tiquirore wiorĩnota.

<sup>4</sup> Came pũhtoa dujiyere ihñau. Ti dujiyerpũ dujiyequina gũhũre ihñau. Tiquinare masare tiquina beseatore ñañene yeyequinare tiquina buhiri dahreatore cũri Cristo. Apequina gũhũre ihñau. Tiquina pehe Jesu yere Cohācjũ yere tiquina yahuri buhiri tiquina dapu pacare dũte cohānohriquina ijiri. Nũcũ cjũnore tiquiro queoye gũhũre dũsepe curi mehna quehe sa ño peerari. Sa ye tiquina wũhdoa pacare tiquina omocari gũhũre tiquiro wamene oja ohõ dutierari tiquina. Sa ye apequina tiquinare wejēdi bato masaa wahari tja. Masari tiquina mil cũhmari waro Cristo mehna pũhtoa ijieye tehe. <sup>5</sup> Apequina Cristo yequina yariariquina mũna masaedarĩdi. Tiquina wejēdiquina tiquina masari bato mil cũhmari pũhtoa tiquina ijiri bato apequina gũhũ masaa wahaeta. Sa ye tiquina wejēdiquina mũna Cristo yequina tiquiro bato masa mũhtañequina ijiri. <sup>6</sup> Tiquiro maso mũhtariquina pehe tutuaro bucueyequina ijietta. Ñañe marieñequina ijietta tiquina. Sa ye pecapũ wahasi tiquina. Masa pecapũ wahaye, pari turi tiquina yariaro saha wahare. Sa ye tiquina pecapũ wahaerare. Masa mũhtariquina Cohācjũ, Cristo yequina pahia ijietta tiquina. Sa ye mil cũhmari waro Cristo mehna masa pũhtoa ijietta.

<sup>7</sup> Mil cũhmari bato Satanare peresupũ ijiriquire wiorota. <sup>8</sup> Tiquirore sa wiori bato ahri yehpa cjēnare mehono waharota tiquiro. Gog wame tiyequinare, Magog wame tiyequina gũhũre mehono waharota. Sa ye tiquina tiquiro mehoñene tũhoye, tiquina yequina surara parire cahmecoaeta cahme wejēne tehe. Surara pari peyequina ijietta. Pajiri ma cjē padũ pjeri peye ti ijiro saha peyequina surara ijietta.

<sup>9</sup> Sa ye ahri yehpapũre waha siteye, Cohācjũ yequina tiquina ijiri macare Cohācjũ tiquiro cahĩdi macare majare behtoa cahmotaeta. Tiquina sa cahmotari bato Cohācjũ tiquinare Ƶhmũse cjā peca mehna Ƶjũadoque dijiorota. <sup>10</sup> Sa wahari bato watĩnore tiquinare mehoriquire pecapũ cohānota. Ti peca pajiri ma yero saha ijiri peca azufre mehna Ƶjũri peca ijiri. Topũ nũcũ cjũnore, “Cohācjũ yere yahu mũhtagũ ijiaja”, ni



mehoriquiro gũhũre cohã tuhasari. Topũ tiquina ijigũ deco, ñamipũ gũhũre sa ñano purĩducurota tiquinare.

*Cohãcjũ* masare buhiri dahre bato tire

<sup>11</sup> Came pajiro dujirore quehnoano yehserore pũtoro dujirore ihñau. Ti dujiro bui dujiriquiro gũhũre ihñau. Ahri yehpa cjẽna gũhu ùhmũse cjẽna gũhu tiquirore cueye, duhti oma cãa wahari. Sa duhtiepetã tiquirore duhtie cũedari. <sup>12</sup> Sa yegũ pũtoro poto yariariquina mũna tiquina ducugũ ihñau. Tiquina ihyo ijiyequina, pũtoã ijiriquina gũhũ ijiri. Topũ tiquina ducugũ ojoã ohõñe tjurire põori. Ti tjuri masa tiquina yerire tiquina ojoã ohõñe tjuri ijiri. Sa yero beseriquiro ti tjurire ihñã tuhasa tiquina yerire masidi. Tire masino yariariquinare beseri ñañequina, quehnoañequina gũhũre. Came ape tju gũhũre põori. Ti tju Cohãcjũ mehna sa ijiducuatiquinare tiquina wamene ojoã ohõri tju ijiri. <sup>13</sup> Came pajiri mapũ, diapũ gũhũre yaria dijariquina wahcã mũjaa wahari. Sa ye yehpa puhapũ ijiyequina, yariariquina tiquina ijiropũ ijiyequina gũhũ mũjaa wahari. Tiquina sa mũja sagũ topũ dujiriquiro tiquina yerire masi pehorõ, tiquinare beseri ñañequina, quehnoañequina gũhũre. <sup>14</sup> Came yariarore, yariariquina tiquina ijiro gũhũre cohã cãhri Cohãcjũ pari turi mari yariatore. Pecapũ cohã cãhri. Ti peca pajiri ma yero saha ijiri peca pajiri peca ijiri. Pecapũ wahayequina pehe pari turi yariaro saha wahare. <sup>15</sup> Sa yero sa ijiducuatiquina tiquina wamene Cohãcjũ tiquiro ojoã ohõri tju pũ ijiptiyequina tiquina wamene ojoã ohõmehneñequina pehere pecapũ cohãri tiquiro.

## 21

*Ùhmũsepũ*, ahri yehpa gũhũre wahmare comesarota Cohãcjũ

<sup>1</sup> Came ùhmũsepũ, ahri yehpa gũhũre wahmare tiquiro comesarire ihñau. Ùhmũsepũ iji mũhtari, yehpapũ iji mũhtari, pajiri mapũ iji mũhtari gũhũ pihtia wahari. Mariedari. <sup>2</sup> Sa yegũ yũhũ Ñu quehnoari macare, wahma macare Jerusalẽne ihñau. Ti maca ùhmũsepũ Cohãcjũ cahapũ dijia tagũ ihñau. Omoca dũhteaticorore quehnoañe suhti mehna wahma sũore omoca dũhteatiquirore bucuegũ yero taro. Sata ti macare quehnoyuri jiri Cohãcjũ, tiquiro yequinare bucuegũ yero taro. <sup>3</sup> Tire yũhũ ihñari bato pũtoro dujiropũ tiquiro sañuducugũ tũhou:

—Ihñañã. Yojoapũre masa watoapũ ijiro nine Cohãcjũ. Tiquina mehna ijirota tiquiro. Sa ye tiquiro yequina ijietã tiquina. Sa yero Cohãcjũ tiquiro basi tiquina mehna cjũno ijiro, tiquina yaquiro Cohãcjũ ijirota. <sup>4</sup> Sa yero sa bucueducugũ yerota tiquiro tiquinare. Sa ye pari turi bũjũã witisã tiquina. Sa ye ne pari turi yariasi tiquina. Ne ñano jeripohnã tiye, utiye, purĩñe gũhũ marisã tiquinare. Ahri ijiptiye panopũ cjẽ ijiri pihtia wahaota, ni sañuducuro ca tari.

<sup>5</sup> Came pũtoro dujiropũ dujiriquiro ohõ saha nidi:

—Ihñañã. Ijiptiyere wahma comesagũ yeitja, nidi.

Tiquiro sa nidi bato yũhũre ohõ saha nidi tja:

—Ahri yũhũ niñene ojoã neña. Yũhũ niñe ijirota ijire. Sa yero yũhũ nidiro sahata sa wahaota. Sa yegũ yũhũ niñene ojoã neña, nidi yũhũre.

<sup>6</sup> Came ohõ saha nidi tja yũhũre:

—To punota ijiaga. Yũhũ ijiptiyere bajumehnedigũ ijiaga. Sa yegũ ijiptiyere pihtigũ yeacjũ ijiaga. Aco wũoyequina tutuaro tiquina acore cahmeno saha yũhũ cahapũ ahta duayequina yũhũre cahmeeta. Sa ye yũhũre yũhtietã. Yũhũ catigũ yeye aco yero saha ijigũ ijiaga. Yũhũre cahmeñequinare yũhũ mehna sa ijiducugũ yeitja tiquinare. Tiquina esa tuharo ye dutiro marieno, yũhũ tutuaye mehna yũhũ mehna sa ijiducugũ yeitja. <sup>7</sup> Ijiptiyequina yũhũre wacũ tutua duhueyequinare ohõ saha yeitja: Tiquina yaquiro Cohãcjũ ijiitja. Sa ye tiquina pehe yũhũ pohna ijietã. <sup>8</sup> Sa ijiepetã cueye, yeere duhueyequina, yũhũre cahmeeñequina, ñã yũhdũyere yeyequina, masare wejẽñequina, wũana tiyequina, masare ujuayequina yero saha yeyequina yayia, “Cohãcjũ ijire”, tiquina niñe queoyere ño peoyequina, ijiptiyequina ni mehoñequina pecapũ wahaeta. Topũ

pajiri ma yero saha ijiri peca pajiri peca azufre mehna ʉjũno nine. Topu wahayequina pari turi tiquina yariaro saha wahaye nine, nidi yuhure.

*Wahma maca Jerusalene yahuahye*

<sup>9</sup> Came ihcãquiro angel yuhu cahapu wihiri. Tiquiro siete pari cwoyequina, tiquiro buhiri dahre duti cūriquina angele mehna cjũno ijiri. Sa wihiro, ohõ saha nidi yuhure:

—Ihñagu ahtaya. Cordero tiquiro omoca dahtericorore ihñoutja mahure, nidi angel yuhure.

<sup>10</sup> Sa yero Espiritu Santo yuhure Cohãcjũ ya macare ihñori. Ohõ saha bajuro ihñori yuhure: Uhmuanu canu buipu yuhure ne mujari. Tupu usã ijigũ Jerusalene Cohãcjũ ya macare quehnoari macare ihñori yuhure. Cohãcjũ cahapu uhmusepu ijiri maca dijia taro nidi ahri yehparu. <sup>11</sup> Cohãcjũ tiquiro asi siteye mehna asi siteri maca ijiri ti maca. Wapa tiye utã yero saha asi siteri. Jaspe wame tiye utã yero saha asi siteri. Sa yero vidrio yero saha quehnoano aco sitiri maca ijiri ti maca. <sup>12</sup> Sa yero pajiri sahrĩno uhmuari sahrĩno tiquina sahrĩ sãri maca ijiri ti maca. Doce sopecahari tiri ti sahrĩno. Ti sopecaharipe cohteri angele. Ti maca cjẽ sope pahmaripu Israe masa cururi doce cururipe tiquina wame wahñari. <sup>13</sup> Asũ mja taro pehe ti sahrĩno cõori ihtia sopecaha. Sur cũ pehe pehe ihtia sopecaha ijiri. Norte poto pehe ihtia sopecaha ijiri. Asũ sajãno pehe gũhure ihtia sopecaha ijiri. Ijipihtiro doce sopecahari waro cõori ti sahrĩno. <sup>14</sup> Ti sahrĩno doce utã paca bui pesari. Ti utã pacape Cordero cūrina doce tiquiro cūrina usãpe wame wahñari.

<sup>15</sup> Sa yero angel yuhure yahuriquiro queodu uru mehna tiquina yedure cõori. Ti macare, ti maca cjẽ sopecaharipe, sahrĩno gũhure queoro taro nidi. <sup>16</sup> Ti maca yoaro punota ehsaro gũhu to punota ehsari. Uhmuanu gũhu to punota uhmuari. Sa yero angel queodu mehna ti macare queori. Ti maca dos mil doscientos kilómetro yoari maca ijiri. To punota ehsari maca ijiri. To punota uhmuari maca ijiri. <sup>17</sup> Sa yero ti maca cjã sahrĩnore queori angel. Sesenta y cinco metro uhmuari sahrĩno ijiri. Masa mari queoro sahata queoro nidi tiquiro angel.

<sup>18</sup> Ti sahrĩno jaspe wame tiye utã paca mehna tiquiro yeri sahrĩno ijiri. Sa yero ti maca pehe uru mehna tiquiro yeri maca ijiri. Ti uru wete marieñe ijiro quehnoano asi siteri.

<sup>19</sup> Ti sahrĩno docapu ijiye utã pacapure peye sijoro saha ijiye wapa tiye paca wahñari. Ti utã paca sahrĩnopu pesaye paca doce paca ijiri. Iji muhtaria utãre jaspe wame tiye utã wahñari. Ti paca bato ijiria utãre zafiro wame tiye utã wahñari. Puaría bato ijiria utãre ágata wame tiye utã wahñari. Ihtiaría bato ijiria utãre esmeralda wame tiye utã wahñari.

<sup>20</sup> Pititiaría bato ijiria utãre ónice wame tiye utã wahñari. Ihcã omope paca bato ijiria utãre cornalina wame tiye utã wahñari. Seis paca bato ijiria utãre crisólito wame tiye utã wahñari. Siete paca bato ijiria utãre berilo wame tiye utã wahñari. Ocho paca bato ijiria utãre topacio wame tiye utã wahñari. Nueve paca bato ijiria utãre crisoprasa wame tiye utã wahñari. Diez paca bato ijiria utãre jacinto wame tiye utã wahñari. Once paca bato ijiria utãre amatista wame tiye utã wahña bato tiri.

<sup>21</sup> Sa ye doce sope pahmari doce perla mehna tiquiro yeri pahmari ijiri. Ti pahmaripe ihcã pje perla pje mehna tiquiro yeri pahmari ijiri. Sa yero ti maca cjã maha uru mehna tiquiro yeri maha ijiri. Ti uru wete marieñe uru ijiri. Sa yero quehnoano aco sitiri maha ijiri ti maha.

<sup>22</sup> Ti macapu Cohãcjũ wuhure ihñedu. Mariedari. Ti macapu ijipihtiropu mari puhtorore Cohãcjũ tutua yuhuariquirore, Cordero gũhure ño peore masa. Sa yero ti maca ijipihtiro Cohãcjũ wuhu yero saha ijiri. <sup>23</sup> Sa yero ti macapu Cohãcjũ tiquiro asi siteye quehnoano buhriori. Cordero gũhu sihãria yero saha buhriori. Sa ye asũ deco cjũno gũhure ñami cjũno gũhure topu tiquina buhriogũ cahmedari. <sup>24</sup> Sa ye ahri yehparu ti buhrioye mehna ijieta ijipihtiro cjẽna. Sa ye ijipihtiyehpari cjẽna puhto ti macapu quehnoa yuhdayere tiquina cwoyere ne wihieta. <sup>25</sup> Sa ye decore ti maca cjẽ sopecahari põori sopecahari ijieta. Topure ne ñami marisi. Sa ye ti sopecaharipe ne bihasi. Sa susuducurota. <sup>26</sup> Sa ye ahri yehpari cjẽna quehnoañene tiquina cwoyere ti macapu ne

wihieta. <sup>27</sup> Ñañe pehere ti macapũ ne ne wihisi. Bue tigũ yeyequina, ñañene yeyequina gũhũ ti macapũ ne wahasi. Mehoñequina gũhũ ne wahasi. Cordero tiquiro ojoari tju pũ tiquina wame wahñañequina dihita ti macapũ wahaeta. Ti tju tiquiro yũhdũoriquina tiquina wamene tiquiro oja ohõri tju ijire. Ti tju pũ tiquina wame wahñañequina sa ijiducueta.

## 22

<sup>1</sup> Came quehnoari mare catigũ yeri mare ihñori yũhũre angel. Ti ma quehnoano aco sitiri ma Cohãcjũ, Cordero gũhũ tiquina dujiropũ ahtari ma ijiri. <sup>2</sup> Sa yero ti maca cjã maha deco buruari ti ma. Ti ma pũ peheri dũhtũ cahapũ catigũ yeye cjũ ducuri. Ti cjũ asũripe dũca tiri. Ihcã cũhmare doce tahari dũca tiri. Sa ye ti cjũ cjẽ pũri mehna quehnoano aco tieta ahri yehpa cjẽna. <sup>3</sup> Ti macare ne ñañe buhiri dahreati marisi. Ti macapũ Cohãcjũ dujiro ijirota. Cordero dujiro gũhũ ijirota topũ. Sa ye ijipihtiyequina masa topũ ijiyequina tiquina cahacjẽna tiquina poto dũsepe curi mehna quehe sa, tiquinare ño peoeta. Sa yero topũ ñañe ne marisi. <sup>4</sup> Tiquina Cohãcjũre ihña piti ca dujieta. Sa ye tiquina wũhdoa pacapũ tiquiro wame wahñañequina ijieta. <sup>5</sup> Topũre ñami ne marisi. Sa ye sihãñe paca gũhũre cahmesi topũ ijiyequina. Asũ buhriogũ gũhũre cahmesi. Mari pũhtoro Cohãcjũ buhriorota. Sa ye ti macapũ ijiyequina ape sie cjẽna pũhtoia ijiducueta.

*Jesucristo ahri yehpapũ* tiquiro tojoa tato mehenogã dũhsare

<sup>6</sup> Came angel yũhũre ohõ saha nidi:

—Ijipihtiyeh ahri tiquina yahuri ijirota ijire. Sa ye tiquina nidiro sahata waharota. Mari pũhtoro Cohãcjũ tiquiro yere yahu mũhtariquinare masigũ yeriquiro ijire. Tiquiro pehe yojopũre tiquiro yaquiro angelre ohori tiquiro cahacjẽnare masigũ yero taro. Came cjũnogã dũhse wahatire masigũ yero taro tiquiro yaquiro angelre ohori, nidi angel yũhũre.

<sup>7</sup> Jesu pehe ohõ saha nidi:

—Tũhoya mũsa. Mehenogã dũhsare yũhũ tojoa tato. Ahri pũ cjẽ yahuyere yũhdũdũcaeyequina bucueyequina ijieta, nidi Jesu.

<sup>8</sup> Yũhũ Ñu ahri ijipihtiyere yũhũ oja nedire tũhou. Sa yegũ tire ihñañ. Sa yegũ yũhũ tũhori bato, yũhũ ihñari bato yũhũre ihñoriquiro angel poto dũsepe curi mehna quehe sami. Tiquirore ño peogũ tũũ nimi. <sup>9</sup> Yũhũ sa yegũ ihñano ohõ saha nidi yũhũre:

—Sa yeracãhña. Mũhũ yero saha yũhũ gũhũ Cohãcjũ cahacjũta ijiata. Mũhũ acaye Cohãcjũ yere yahu mũhtariquina, ijipihtiyequina ahri pũ cjẽ dutiyere yeyequina gũhũ tiquina ijiro saha yũhũ gũhũ Cohãcjũ cahacjũta ijiata. Sa yegũ Cohãcjũ poto dũsepe curi mehna quehe sa, tiquiro pehere ño peoya, nidi angel yũhũre.

<sup>10</sup> Sa yero ohõ saha ni yahu nemori yũhũre:

—Ahri pũpũ came dũhse wahatire yahure. Sa wahato mehenogã dũhsare. Sa mehenogã dũhsagũ ahri pũpũ yahurire nũoedacãhña mũhũ. <sup>11</sup> Ti pje yũhũ yahuri pjere ñañequina pehe sa yeducucũnahdo ñañene. Ñabutiayequina gũhũ ña yũhdũaro yeducucũnahdo. Quehnoañequina pehe quehnoano yeducuahro. Sa ye ñañe marieñequina gũhũ ñañe marieñequina sa ijiducuahro ti pjere, nidi angel yũhũre.

<sup>12</sup> Ohõ saha nidi Jesu:

—Tũhoya mũsa. Mehenogã dũhsare yũhũ tojoa tato. Mũsare yeequinare yũhũ ohoatire ne cãhtagũ tũũ niata. Sa yegũ quehnoañene mũsa yeri wapa mũsare quehnoano yeitja. <sup>13</sup> Yũhũ ijipihtiyere bajumehnedigũ ijiata. Sa yegũ ijipihtiyere pihtigũ yeacjũ ijiata.

<sup>14</sup> 'Ijipihtiyequina wete marieñe suhtire sañañequina tiquina ijiro saha tiquina ñañe yerire cosenohriquina ti macapũ esaeta. Sa ye ti maca cjẽ cjũ catiyere ohoye cjũ dũcare ihyaeta. Sa ye bucueyequina ijieta tiquina, nidi Jesu. <sup>15</sup> Ti macapũ eseyequina pehe ahriquina ijire: Ña yũhdũayequina, masare ujuayequina yero saha yeyequina

yayia, wuana tiyequina, masare wejẽnequina, “Cohãcjũ ijire”, tiquina niñe queoyere ño peoyequina, ni meho peyayequina gũhũ ijire ti macapũ eseyequina.

<sup>16</sup> Sa yero ohõ saha ni yahu nemori Jesu:

—Yũhũ, Jesu, yaquiro angelre ohou musare yeequinare ahri pũ cjẽne yahugũ tũhũ. Pũhoro Davi panami iji turiagu ijiaja yũhũ. Yũhũ bohrearia yero saha ijigu ijiaja, ni yahu nemori Jesu.

<sup>17</sup> Espíritu Santo Jesure “Tojoa taya”, nine. Jesu yequina tiquiro omoca dũhteaticoro yero saha ijieyequina gũhũ “Tojoa taya”, nine. Ijipihtiyequina tiquina “Tojoa taya”, nidire tũhoyequina gũhũ “Tojoa taya”, niahdo Jesure.

Aco wũoyequina acore tutuaro tiquina cahmeno saha Cohãcjũ cahapũ waha duana Jesure tutuaro cahmeña. Tiquiro catigũ yeye aco yero saha ijire. Tiquirore cahmeñequinare uhmũsepũ sa ijiducugũ yerota Cohãcjũ. Tiquina esa tuharo ye dutiro marieno Jesu yedohoro mehna sa ijiducugũ yerota.

<sup>18</sup> Yũhũ Ñu, ijipihtina ahri pũ cjẽ Cohãcjũ yere tũhorinare musare ohõ saha ni cua pesaro mehna yahutja. Ahri buheye mehna apeye buheye mehna more yahu nemoñequina Cohãcjũre yũhdũdcayẽ nine. Tiquina sa yũhdũdcagũ ihñano ijipihtiye ahri pũpũ tiquiro buhiri dahreatire tiquiro yahuriro sahata cũnota tiquina gũhũre. Sa yero sata tiquina gũhũre buhiri dahrerota. <sup>19</sup> Sa ye ahri pũ cjẽ yahuyere yahu dũhayequina Cohãcjũre yũhdũdcayequina ijire. Tiquina sa yũhdũdcagũ ihñano catigũ yeye cjũ dũcare tiquinare ihya dutisi. Sa ye sa ijiducusi tiquina. Sa yero tiquiro ya macapũ quehnoari macapũ waha dutisi. Ti cjũ, ti maca gũhũ ahri pũpũ tiquina yahuripũ ijire.

<sup>20</sup> Ijipihtiye ahri pũ cjẽne yahuriquiro ohõ saha nine:

—Sa tjire. Mehenogã dũhsare ahri yehpapũ yũhũ tojoa tato, nine tiquiro.

Sa tjiya. U̯sã pũhto Jesu, tojoa taya.

<sup>21</sup> Mari pũhoro Jesu tiquiro yedohoro mehna ijipihtina mũsa quehnoano ijiya.